

清
實
錄

文宗顯皇帝實錄(五)

卷二七三至卷三五六
咸豐九年至十一年

清實錄

第四四冊

中華書局影印

清 實 錄

(第 四四 冊)

文 宗 實 錄 (五)

•

中 華 書 局 出 版

(北京王府井大街 36 號)

北京市中國書店發行

中國建築工業出版社印刷廠印刷

•

787×1092 毫米 1/16 • 79 3/8 印張

1987 年 1 月第 1 版 1987 年 1 月北京第 1 次印刷

印數 0,001 — 1,500 冊

統一書號: 11018 • 1355 — 44 定價: 59.00 元

清實錄第四四冊目錄

文宗顯皇帝實錄(五)

卷二七三	咸豐九年正月上	一
卷二七四	咸豐九年正月下	一三
卷二七五	咸豐九年二月上	三〇
卷二七六	咸豐九年二月中	四五
卷二七七	咸豐九年二月下	六〇
卷二七八	咸豐九年三月上	七三
卷二七九	咸豐九年三月下	八八
卷二八〇	咸豐九年四月上	一〇三
卷二八一	咸豐九年四月下	一二七
卷二八二	咸豐九年五月上	一三五
卷二八三	咸豐九年五月中	一四三
卷二八四	咸豐九年五月下	一五二
卷二八五	咸豐九年六月上	一六九
卷二八六	咸豐九年六月下	一八八
卷二八七	咸豐九年七月上	二〇七
卷二八八	咸豐九年七月中	二二三
卷二八九	咸豐九年七月下	二三五
卷二九〇	咸豐九年八月上	二四八
卷二九一	咸豐九年八月中	二六〇
卷二九二	咸豐九年八月下	二七〇
卷二九三	咸豐九年九月上	二八六
卷二九四	咸豐九年九月中	二九八
卷二九五	咸豐九年九月下	三一三
卷二九六	咸豐九年十月上	三二二
卷二九七	咸豐九年十月中	三三八
卷二九八	咸豐九年十月下	三五三
卷二九九	咸豐九年十一月上	三六五
卷三〇〇	咸豐九年十一月中	三七七
卷三〇一	咸豐九年十一月下	三八八
卷三〇二	咸豐九年十二月上	四〇五
卷三〇三	咸豐九年十二月下	四二五
卷三〇四	咸豐九年十二月下	四四〇
卷三〇五	咸豐十年正月上	四五三
卷三〇六	咸豐十年正月下	四六六

文宗實錄

卷三〇七	咸豐十年二月上	四八三
卷三〇八	咸豐十年二月下	五〇一
卷三〇九	咸豐十年三月上	五二二
卷三一〇	咸豐十年三月中	五三八
卷三一一	咸豐十年三月下	五五五
卷三一二	咸豐十年閏三月上	五七三
卷三一三	咸豐十年閏三月中	五九三
卷三一四	咸豐十年閏三月下	六〇七
卷三一五	咸豐十年四月上	六二八
卷三一六	咸豐十年四月中	六三九
卷三一七	咸豐十年四月下	六五四
卷三一八	咸豐十年五月上	六七二
卷三一九	咸豐十年五月中	六九三
卷三二〇	咸豐十年五月下	七一四
卷三二一	咸豐十年六月上	七四〇
卷三二二	咸豐十年六月中	七六〇
卷三二三	咸豐十年六月下	七七八
卷三二四	咸豐十年七月上	七九七
卷三二五	咸豐十年七月中	八二〇
卷三二六	咸豐十年七月下	八四〇
卷三二七	咸豐十年八月上	八六〇
卷三二八	咸豐十年八月中	八七九
卷三二九	咸豐十年八月下	八九四
卷三三〇	咸豐十年九月上	九〇三
卷三三一	咸豐十年九月下	九二四
卷三三二	咸豐十年十月上	九四六
卷三三三	咸豐十年十月中	九六一
卷三三四	咸豐十年十月下	九七六
卷三三五	咸豐十年十一月上	九八五
卷三三六	咸豐十年十一月下	一〇〇〇
卷三三七	咸豐十年十二月上	一〇一五
卷三三八	咸豐十年十二月下	一〇二五
卷三三九	咸豐十年十二月下	一〇三八
卷三四〇	咸豐十一年正月上	一〇五一
卷三四一	咸豐十一年正月下	一〇五九
卷三四二	咸豐十一年二月上	一〇七一
卷三四三	咸豐十一年二月中	一〇七九
卷三四四	咸豐十一年二月下	一〇九〇

該夷再赴上海桂良等言明在先即加拒絕亦覺理直氣壯至上海地方城外東北兩面江岸全係夷人形勢危險桂良等於夷酋赴粵後即可暫駐蘇州俟該夷回滬時再與計議若事已決裂難以理諭即迅速馳奏聽候諭旨將此由六百里加緊密諭桂良花沙納何桂清並傳諭段承實知之 又諭黃宗漢自上年九月間奏陳夷務情形後迄今數月未據續奏羅惇衍等因天津和議已成兩次

奏到改刻辦團關防及裁撤壯勇派防土匪各情廣東辦法固未抑民義忿亦未有官員兵勇肇釁之事至夷人踞城未退時或出擾致有居民與之鬪毆其曲亦不在我昨喚首在滬投遞照會忽有偽造諭旨一事敘述廣東官紳尚在聯絡團練縱民為仇等語已明降諭旨著該督查拏偽造之人以釋其疑並諭將廣東欽差大臣關防移交上海由何桂清就近接辦以冀該夷就我範圍詎喚首未

得見此旨聲言廣東官紳謀害彼國有民夷互鬪之事即欲駛回廣東將省城官員出之於外伊即自收粵海關稅以為兵費業已整備軍裝船隻即日起身回粵究竟因何互鬪並何時何事照會內並未敘明恐有廣東不得志之人從中播弄以激夷人之怒著黃宗漢查明該省有無民人與彼為難致令該夷藉口生變迅速詳細馳奏一面照會喚夷辨明此事至欽差大臣關防已移交何桂清接

辦黃宗漢不管夷務而身任總督地方是其專責該夷回粵儻肆鴟張該督以聯絡紳民保衛地方為要務彼既回粵稱兵即是先行背約斷難再與議和毋庸顧忌設或該夷到粵後自知理曲尚堪駕馭即令回至上海與欽差大臣桂良等妥為定議總之該省捍禦事宜亦非易辦必當加意籌備毋失民心為要將此由六百里加緊密諭知之 又諭羅惇衍等自十月間奏稱裁併壯勇並將辦理

夷務關防改為團練名目後祇將捐輸人員奏請獎敘並未將廣東民人與該夷互鬪情形具奏前據桂良等馳奏有喚夷傳聞寄信諭旨一道查係偽造已命黃宗漢將偽造之人拏辦並因夷人在上海議事復將欽差關防移交兩江總督接受乃桂良等尚未奉到此旨又奏稱喚夷因廣東民夷互鬪欲整備軍裝即行回粵並稱夷人之意非撤去黃宗漢及羅惇衍等團練之局總不能將廣東省城退還等語覽奏深為詫異羅惇衍等自裁併壯勇後已不復攻勦黃宗漢亦未禁止開艙前覽該侍郎等奏報如攻打新安互有殺傷亦因夷兵先來滋擾並非粵民侵侮夷人此時據桂良等所奏恐有奸人從中構煽然該夷既欲回廣東親自措處難保不即行赴粵與官紳為難黃宗漢既不管通商而保護地方是其專責羅惇衍等仍當妥辦團練以保梓桑不可因此惶惑儻有民夷互鬪情事

是否民人起釁抑係夷人滋事並著羅惇衍等查明馳奏現在該夷既欲回粵並有逐出省城官員及收粵海關稅之語果有此等情形是該夷先行背約斷難再與議和業已諭知黃宗漢聯絡紳民以資捍衛該侍郎等務當與該督聯為一氣固結民心保全地方為要將此由六百里加緊密諭知之 癸酉上御乾清宮戶部尚書管理藩院事肅順等引堪布羅布藏朗結囊素阿旺呢瑪呼圖克圖

等十二人遞丹書克賜茶 諭內閣朕自御極之初特開恩榜迄今已閱數年編惟

皇考宣宗成皇帝五旬六旬萬壽均降

旨特開鄉會試

恩科仰見

宏敷教澤行慶作人有加無已茲於咸豐十年屆朕三旬萬壽允宜特開慶榜嘉惠士林著於本年八月舉行恩科鄉試明年三月舉行恩科會試以副朕簡拔人材至意 緩徵山

東臨清章邱鄒平齊東齊河禹城長清德平
東阿平陰惠民陽信滋陽嶧汶上陽穀單濮
朝城堂邑茌平館陶高唐益都博興邱金鄉
嘉祥魚臺濟甯厯城濟陽青城海豐利津定
陶鉅野鄆城莒高苑濰東平壽張荷澤范城
武四十六州縣並德州東昌臨清濟甯東平
五衛被水被旱災區額賦有差賑安徵淶
霍邱二州縣被災被擾貧民一月口糧是
日立春順天府進土牛春山寶座 甲戌

高宗純皇帝忌辰遣官祭

裕陵 乙亥

上御撫辰殿大幄次賜蒙古王貝勒及外藩使
臣等宴並賞賚有差諭軍機大臣等勝保
翁同書奏請飭將部撥要款迅速撥解等語
皖省自潁州告警逆捻紛擾勝保等軍餉道
均已梗塞山陝河南各省餉銀無從解運著
何桂清於江蘇藩庫內無論何款迅即撥銀
四五萬兩解赴勝保等軍營又前經戶部於

淮北鹽課協貼項下奏准每月撥解銀二萬
兩復經勝保與袁甲三商定每處撥銀一萬
兩迄今三月之久未據解到現在該營各項
要需均無所出並著何桂清會同庚長即將
前項銀兩如數迅速籌撥派員解往以濟急
需毋得往返函商致稽時日並不得以應解
皖省他款作抵致涉牽混將此由五百里各
諭令知之又諭翁同書奏各省協餉不到
請旨飭催一摺皖省軍營餉需前據翁同書
請於山東山西陝西月各撥銀二萬兩河南
月撥銀六萬兩並以捻氛日熾餉道不通業
經該撫知照山西陝西兩省此後解餉務由
泰安沂州一帶行走河南省亦由東路繞越
以免耽延惟各該省總未源源解到而皖營
待餉情形實屬萬分急切自應速籌接濟著
崇恩英桂曾望顏各將月撥銀二萬兩恆福
將月撥銀六萬兩按月如數籌解除山東本
由泰安沂州解往外山西陝西兩省並著由

泰安沂州行走。取道清江。盱眙。豫省亦即由東路繞道。以期迅速。毋得稍存玩視。致滋貽誤。又另片奏。浙省應解皖餉五萬兩。久未解到。請飭速解等語。部撥浙江省皖餉五萬兩。前據胡興仁奏。請將河南應解浙江軍餉銀五萬兩。就近抵解安徽。此項劃解銀兩。並著恆福一併撥解。以應急需。將此由五百里各諭令知之。命太僕寺卿袁甲三來京。以江南徐州鎮總兵官傅振邦督辦三省勦匪事。

宜革職留營副都統伊興額幫同辦理。以安徽和金椒三州縣城被賊竄陷。革知州陳麒昌職。知縣胡鑑革職建問。免貴州都司鎮遠黎平。思南四府獨山。麻哈。都勻。清平。黃平。鎮遠。施秉。印江。永從。開泰。安化。婺川。平越。餘慶。甕安。龍泉。龍里。貴定。荔波。桐梓。清江。二十一廳州縣並錦屏縣丞所屬被擾地方額賦。丁丑以江蘇捐輸軍餉永廣長洲元和吳三縣學額各三名。戊寅。

世祖章皇帝忌辰遣官祭

孝陵。四川總督王慶雲奏。遵覆雲南巡撫張亮基抵省以後情形。併籌商大局。得旨覽奏。稍慰朕懷。想該督接奉諭旨。必有確實奏報。予安徽陣亡都司唐炳超守備張洪陞周玉恩祭葬世職。已卯諭內閣。前因察哈爾總管等被訐。案內據總管扎克都爾供出前署都統穆隆阿有收受皮襖銀兩情事。當諭令明白回奏。茲據穆隆阿奏稱。並未收受前

項銀兩。其家人范姓二名。一已病故。一已因瘋走失。等語。案關收受賊私。豈得以人證無從查傳含糊了事。仍著穆隆阿即將家人范姓趕緊交出。送部審訊。至穆隆阿究竟有無收受皮襖銀兩確據。著西凌阿慶昫再行提訊。扎克都爾錄供具奏。毋許瞻徇消弭。諭軍機大臣等。據何桂清奏。蘇松太道無員可調。請旨簡放一摺。蘇松太道一缺。駐劄上海。本有民夷交涉事件。現當夷務未定之時。員

缺尤關緊要恐新簡之員未能熟悉情形難期勝任何桂清業經授為欽差大臣通商事宜自應籌畫盡善以期經理得人該省實缺道員中既無堪以調補之員其候補道員及實缺知府內或有人地相宜者亦可酌量請補著何桂清會同徐有壬悉心選擇酌保二三人開單具奏候旨簡放將此諭令知之○又諭鄭魁士奏甯防布置情形並軍械餉糈短絀請飭浙省速行撥解一摺甯國軍營餉

需疊據胡興仁奏報撥解惟該營欠餉過多且自潰挫以後器械鍋帳大半遺失現雖經鄭魁士收集潰散與新到各軍分別布置而徒手未能禦侮枵腹尤難荷戈情形萬分危迫該郡為浙省門戶設有疏虞關繫非淺前經疊諭胡興仁於月撥餉銀六萬兩外仍添籌二三萬兩與鄧瀛自籌之三萬兩湊足每月十二三萬之數著胡興仁遵照前旨將應撥餉需按月如數撥解不得以籌措艱難稍

涉遲誤至所需軍火等件並著該撫源源接濟與所撥餉銀分別迅速解往至胡興仁前奏派員赴蘇借餉據何桂清等覆稱所有由金陵調援甯國各軍及水陸防勦兵勇十一十二兩月分應發之餉統由江南糧臺借給其正月以後餉需仍由浙江支應惟甯防需餉迫切仍著何桂清不分畛域悉心籌畫極力兼顧以保東南大局將此由五百里各諭令知之○以浙江甯紹台道賈臻為河南按

察使 庚辰享

太廟遣睿親王仁壽恭代行禮

上詣

皇乾殿行禮 詣

關帝廟拈香 遣官祭

太歲之神 諭內閣勝保翁同書奏訊明擅

離職守之知縣尚無有心逃避情事一摺安

徽已革候補同知直隸州署來安縣知縣劉

錫齡前因賊氛逼近擅自出城當降旨將該

員革職拏問。交勝保等審訊。茲據訊明該革員實因調集鄉團出城後仍帶團丁進城。適值援兵已到城池得保無虞。尚非有心逃避。劉錫齡業經革職著免其治罪。諭軍機大臣等現在天津辦理海防業已布置妥帖。僧格林沁於月內總可到津。所有地方彈壓事宜必須該督前往督率呼應較靈。著慶祺即赴天津調度一切。何日啟程先行具奏。將此諭令知之。又諭勝保等奏請籌撥招撫經費一摺。並片陳近辦情形。因各省餉需支絀勢難應手。已於摺內詳悉批示矣。各捻股數眾多。如果渠魁就撫散其脅從。實於大局有裨。惟受降如受敵。此輩狼子野心最易反覆。投誠後是否不致復叛。必確有把握。方無後患。儻因乏食投降。目前數萬金尚不難於籌畫。以後何以為繼。況皖營兵餉久缺。而以重賞賁賊。更恐失軍士之心。此皆不可不慮。非必吝此二三十萬金也。若能以賊攻賊。則事

半功倍。得賊輜重即可養投誠之眾。故必責令立功方能信其悔罪。未可輕易受降。貪多自喜。後受其累也。現在張元龍等已願換我軍旗幟。擇日薙髮出降。自當加以獎賞。固結其心。所部多人應擇其精悍者分編營伍。責令立功。攻打何處。擒匪其餘脅從之眾分別遣令回籍歸農。勿使聚而生變。彼既回心向化。獻出城池。即當官為駐守。翁同書身任皖撫。地方是其專責。俟張元龍等獻城。即著選

擇文武幹員入城辦事。安撫良民。不得仍聽搶掠。至孫葵心亦係悍賊。如果乞降。則蒙亳一帶易於肅清。惟須張元龍一股解散。安插妥協。方可再辦。一股若此。股尚不足恃。即招彼股。恐人心叵測。不獨賞需難繼。更恐勝保駕馭不易。必須步步腳踏實地。以免他虞。袁甲三已令回京。所有勦匪事宜另派傅振邦接辦。而以伊興額副之傅振邦等俱素稱勇敢。勝保不患無助。當與聯絡聲勢。南北夾攻。

敢勝保不患無助。當與聯絡聲勢。南北夾攻。

直擣巢穴方合勦撫兼施之法毋徒一意主撫為賊所輕也再前據許乃普奏駐劄靈壁縣之遊擊滕家勝所帶兵勇不過三百餘名能聯絡鄉團擊退捻匪數萬等語如實得力即著勝保翁同書確查具奏將此由六百里諭令知之欽差大臣勝保奏籌辦招撫事宜請豫籌經費二三十萬兩解皖備用得旨所見甚是所慮甚大然此時各省軍營同一缺餉焉能湊集鉅款若是之速儻使招而復叛是軍餉之外徒增一項無益之費支絀之際尚堪如是拋擲耶莫若以賊攻賊事半功倍更可堅其向化之誠脅以不能復叛之心天下大局將定之時遣散安置不復靳此小費以期底定所請之處實難應手暫毋庸議若各省應解正餉近已有旨催解再有延宕之處何難指名奏朕縷晰指示諒勝保必能仰體朕之苦心也辛巳祈穀於上帝遣惇郡王奕諱恭代行禮壬午

孝全成皇后忌辰遣官祭

慕陵 諭內閣贈大學士太傅禮部尚書銜原任禮部侍郎杜壻靈柩回籍前經降旨派員子綿勳前往祖奠目送並著沿途地方官妥為照料護送茲聞於本月二十一日啟程著加恩於到籍後賜祭一壇並於贈太師大學士杜受田墓前賜祭均著山東巡撫崇恩派委道府大員前往奠醑以示朕篤念師儒有加無已至意 諭軍機大臣等前據桂良等奏請先行進呈兩次條約當經降旨允准並令俟挽回四事另立專條進呈後再行一併用寶發回本月初九日據桂良等專弁送到和約稅則各件業經軍機處代為呈覽矣惟挽回專條俟候商回滬後總須及早定議迅速進呈方能與現遞條約一併用寶發交各國免致日久耽延桂良等不得因條約業已進呈含糊了事有負委任此時利害轉圜全恃專條為補救著桂良等悉心籌畫盡力挽

回即行馳奏至十二月二十六日明發諭旨桂良等奉到後如何傳示該夷該夷接奉後作何情形並喚船駛到粵東有無消息著一併具奏將此由六百里密諭桂良花沙納何桂清並傳諭段承實知之予江西南安府陣亡生員張映薇祭葬世職如教諭例癸未諭軍機大臣等蔣蔚遠奏黔軍欠餉過多請飭催各省迅解一摺四川山東山西陝西湖南等省欠解黔餉共計四十二萬四千餘

兩內惟四川除扣還外解過二萬兩陝西起解在途銀一萬五千兩此外並無協餉解到亦無起解消息現在黔省勦匪正在喫緊各路營盤月需餉銀十萬有奇欠發過多軍心易變自應速籌接濟著王慶雲崇恩英桂曾望顏迅飭各該藩司各將欠解黔餉銀兩趕緊籌撥派員解赴黔省以濟急需至湖南省於按月撥給韓超軍營銀四千兩外其黎平思州二府清溪玉屏二縣邛水縣丞及鎮遠

鎮標官兵餉需能否於湖南欠解黔餉內就近酌撥接濟之處著駱秉章酌量辦理將此由五百里各諭令知之以貴州石阡甌安等處勦賊出力予已革知州王敬烈留營效力展緩浙江海鹽縣被風歉收地畝帶徵白糧甲申

上詣

壽安宮西所問

如皇貴太妃安諭軍機大臣等前因廣東有

偽造廷寄諭旨致喚國疑慮業經諭令黃宗漢查拏偽造之人本日據羅惇衍等奏該國懷疑再擾北路旋即退出並鈔錄奸民偽造諭旨與桂良等前奏相符羅惇衍等在粵辦理團練曾申諭北路鄉民不與喚哂等國為難致開釁端詎該國於上年十二月初一日率眾千餘由三元里前進一路焚燒轟斃行人鄉民始鳴鑼對仗初五月復直趨石井互有殺傷皆由奸民偽造諭旨致該國疑慮並

非羅惇衍等不遵前旨仍與該國構釁本日已諭令黃宗漢柏貴照會該國令其盡釋前疑不可為奸民所惑額爾琿現已回粵僅經查明自必恍然知花縣之事由於奸民偽造諭旨致懷疑慮並非中國故違和約也桂良等接奉此旨即設法照會額爾琿告以此次與鄉民互鬪雖由彼先啟兵端究係因懷疑所致一經說明自當相安無事如額爾琿業已回滬更可明白開導以全議撫大局羅惇

衍等摺著鈔給閱看將此由六百里密諭桂良花沙納何桂清並傳諭段承實知之又諭前因廣東有偽造諭旨一事並喚國公使因廣東民人與喚兵互鬪即行回粵先後寄諭該督查明馳奏並據羅惇衍等奏喚兵懷疑再擾北路旋即退出等語喚國兵丁懷疑逞忿先開槍礮傷斃多人故百姓與之仇殺釁端自彼而開黃宗漢遠在惠州難與關說柏貴近在同城可向該公使妥為開導告以

粵東喚兵誤信偽造寄諭以致兩次縱兵焚掠互有殺傷並非粵民起釁額爾琿遠在上海無由知悉羅惇衍等亦知喚兵因見偽造廷寄懷疑構釁現已約束鄉民不准妄動並撤去北路壯勇以示不疑現在上海議定稅則彼此即可永敦和好廣東偽造寄諭之事已奉旨查拏嚴辦該公使諒已明白此事皆由廣東奸民煽惑並非中國暗謀矣如此坦懷相示使其悔悟仍回上海辦理通商方妥

至近來粵東海口通商情形如何有無奸民從中阻撓並著該督撫查明具奏將此由六百里密諭知之又諭前因桂良等奏廣東民夷互鬪夷酋即欲回粵措置當經諭知羅惇衍等查明民夷起釁根由仍當妥辦團練茲據該侍郎等馳奏夷人懷疑再擾北路旋即退出並移局撤勇各情此次夷人懷疑逞忿先開槍礮轟斃多人並帶夷兵直趨花縣實由該夷起釁與粵民無涉羅惇衍因恐與

現議和局有礙暫為隱忍飭令壯勇勿許妄動並將花縣總局移至離城數十里之外以避兇鋒辦理尚為妥協本日已將粵東情形寄諭桂良等知悉並將原摺鈔給閱看又密諭黃宗漢等令柏貴就近妥為開導以釋其疑前據桂良等奏嘆首於上年十二月二十二日已起碇赴粵計此時已早至廣東省城是否與官紳為難亟應妥為籌防羅惇衍等惟當遵照前旨認真督辦團練聯絡紳民保

衛地方並妥籌兵餉仍申諭鄉民勿與夷人讎殺以彌釁端至羅惇衍等雖止辦團練事宜與夷務無涉而於機密之事務當加意慎重勿使奸人聞知致再訛言起釁將此由六百里密諭知之又諭前因袁甲三奏餉需不繼請飭在山東登萊青三府屬海口舉辦抽釐當諭令崇恩飭屬查覈妥議具奏尚未據該撫奏到本日據慶祺奏津郡辦理釐捐接濟經費而近來商船多繞赴登州府屬之

煙臺海口出入藉圖趨避該處向未設有稅局以致有礙釐捐且恐各處關稅諸多偷漏著崇恩即行遴委妥員查明煙臺海口情形議立章程照例覈實徵稅暫行撥解天津協濟海防經費俟海疆平靖仍歸山東報撥至袁甲三所請於各海口抽釐接濟徐州軍餉之處仍著該撫妥籌辦理將此由四百里諭令知之予安徽陣亡守備江心順千總周占雄把總陳殿颺外委張洪升等祭葬世職

乙酉

宣宗成皇帝忌辰遣官祭

慕陵

上詣

壽皇殿行禮諭內閣理藩院奏喇嘛供詞校展請派王大臣會訊一摺那木喀呼圖克圖與扎薩克喇嘛嘉木磋因口角忿爭嘉木磋撕破那木喀呼圖克圖貂褂迨經提訊又復供詞狡展堅不承認事關黃教自應徹底根

究著理藩院提集人證嚴行審訊照例懲辦
諭軍機大臣等本日據袁甲三奏懷遠逆
賊糾合萬餘人由臨淮北竄直撲鳳陽靈璧
交界之新橋連城一帶逼近滄河經遊擊滕
家勝督率勇練在滄河北岸堵守等語該逆
糾眾萬餘竄偏滄河意在搶渡並據探報欲
由靈泗竄往清江及往桃源宿遷分轄之洋
河集一帶搶掠該逆勢甚鴟張東路甚形喫
緊現由袁甲三先派馬隊六百名馳往援剿
尚恐賊眾兵單亟宜豫籌防堵著邵燦庚長
即撥清江現有兵勇並嚴飭桃源宿遷各縣
調集兵練密為布置以杜逆匪紛竄將此由
六百里各諭令知之 又諭袁甲三奏滄北
連獲全勝現擬移營進剿一摺逆捻環築十
四圩深溝高壘據以為營意圖圍困苗練即
以開通竄路我軍旬日以來連戰皆捷並毀
賊圩兩座兵練聲息已通即當乘勝進偏前
已有旨調袁甲三來京供職派傅振邦督辦

三省剿匪事宜並派伊興額幫同辦理該總
兵現有督剿之責著與該副都統督率兵勇
速解苗沛霖之圍令該練總隨時出擊牽制
賊勢一面分撥馬步隊扼要緊偏斷其接濟
為一鼓成擒之計前諭東豫兩省合力會剿
已據恆福派出總兵邱聯恩等豫為布置其
崇恩所派富新黃良楷統帶兵勇四千名據
袁甲三奏稱定於開印後出境著俟兩省兵
勇到後傅振邦等即與會合進剿直搗賊巢
毋令匪蹤他竄其新橋連城一帶匪眾是否
已渡滄河應就現有兵力妥籌兼顧本日並
諭邵燦庚長嚴密堵剿矣將此由六百里諭
令知之 予安徽陣亡防禦齊克慎等祭葬
世職 丙戌月食

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百七十三

實錄卷之二百七十三

二十五

清 實 錄 咸豐九年正月下

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百七十四

教修

咸豐九年己未正月丁亥

上幸圓明園 詣

安佑宮行禮 諭軍機大臣等胡興仁奏徽甯
需餉孔亟請飭江蘇省暫為通那一摺據稱
江南所派援甯兵勇業經何桂清由蘇發給
十一十二兩月口糧本年正月即須由浙支
放現在鄭魁士將南陵西路之賊攻退即可
規復灣黃援師四集需餉萬分緊要浙省勸
捐現無起色一時湊辦不及擬請飭江蘇省
於庫存項下暫借銀二十萬兩以救目前之

急俟浙餉稍裕卽行籌還等語前因甯國缺餉浙省未能接濟曾諭何桂清不分畛域就近籌撥著該督仍遵前旨卽於蘇省庫款內酌量撥銀二十萬兩以濟甯防之餉毋使飢兵潰散又生意外之變將此由五百里諭令知之 浙江巡撫胡興仁奏候補三品京堂張芾服滿擬俟軍情稍緩回籍穿孝得旨俟軍情大定回籍時請旨遵行不准擅行離防以重軍務 以鑲白旗蒙古副都統福鈴署

正白旗蒙古副都統 以浙江辦理海運出力予知府王喬雲等升敘有差 戊子

上御奉三無私殿賜近支親藩等宴 諭內閣吳振械奏請開復辦團鄉紳革職處分等語雲南在籍侍郎黃琮御史竇坊前因辦團錯謬降旨革職交吳振械查訊治罪茲據奏稱查明黃琮等辦理團練持論未能平允及刊刻告示有乖體制各情雖俱事出有因惟察訪輿論皆竇坊主持其事厥咎較重黃琮止

於不能駁正該革員等當省城被圍時均隨同登陴固守又復勸捐出力功過尚足相抵黃琮著准其開復原官竇坊著交部議處其革職治罪之處著加恩寬免 諭軍機大臣等張亮基奏滇省將備乏員請由湖南派往差遣等語該督前任湖南巡撫稔知該省武職及紳民中甚多出色之人雲南武備廢弛已久現當辦理回務之時需材甚急著駱秉章於該省都司守備以下及紳民中擇其久歷戎行曉暢軍務者酌派四五員並選帶精練兵勇一百名飭赴雲南以資差遣武職人員卽題補滇省營缺其紳民中如有將材並著由張亮基隨時保奏以備錄用將此由五百里諭令知之 以內閣學士宜振署禮部左侍郎袁希祖署工部右侍郎兼管錢法堂事務 以盛京禮部侍郎文俊兼署刑部侍郎 命河南河北鎮總兵官樂善赴欽差大臣勝保軍營隨同勦賊 以雲南攻勦回匪

出力賞守備何占標花翎知縣李鳳輦等藍翎並升敘有差己丑

上御正大光明殿賜大學士尚書等宴諭內

閣載荻舒精阿奏敬擬辦理

秦東陵

東配殿暖閣等工一摺著照所請此次添設

暖閣移請

神龕各項工料應用錢糧覈計在一千兩以內

准其仍在廣恩庫長蘆正款項下銀鈔各半

發給免其報部覈銷歸入廣恩庫年例奏銷以歸簡易卽著載荻等督率司員敬謹辦理

庚寅

上御山高水長賜王公大臣蒙古王及外藩使

臣等食諭內閣理藩院奏扎薩克喇嘛嘉

木磋與那木喀呼圖克圖口角忿爭並達賴

自戕身死一案著派惠親王怡親王載垣瑞

麟穆蔭提集全案人證嚴行訊辦那木喀呼

圖克圖著暫行勿庸掌印嘉木磋著革去扎

薩克並達喇嘛一併歸案鞠審其扎薩克印

務著洞闊爾呼圖克圖署理又諭王懿德

奏順昌等處各股首率黨投誠籌辦大概情

形一摺福建省上年春間江右逆匪闖入滋

擾攻陷府縣城池疊經王懿德等督師勦辦

次第削平僅止連城一縣尚為賊踞該省地

瘠民貧其被賊裹脅陷而為匪者為數甚多

情實可憫王懿德飭署延建邵道潘駿章等

協同紳士勦撫兼施據江西股首周烜燦及

廣東汀州等處各股首先後赴營薙髮投誠

共計夥黨七八十人現已挑選精壯留充新

勇允宜寬其既往予以更新所有率眾向化

之股首周恭熙卽周烜燦著加恩以陸路把

總候補並賞給軍功五品頂帶邱邦榮等並

著以把總外委額外等職拔補分別賞給軍

功頂帶俟續有勞績再請恩施遣散夥黨分

飭原籍地方官隨時稽察安置仍聽自謀生

理前犯罪名概免查究以資激勸諭軍機

大臣等據翁同書奏已革藩司李孟羣現擬抽遣勇丁留四十餘名必須有額定之糧方可無虞潰散查有四川省欠解該革員行營協餉計三十萬二千餘兩請飭該省按月補解等語著王慶雲卽於川省欠解項內按月分起補解李孟羣軍營銀三萬兩以濟要需將此由五百里諭令知之 命戶部左侍郎沈兆霖會同倉場侍郎崇綸廉兆綸查倉御史范承典查驗舊太倉徵變米石 調陝西延綏鎮總兵官郭相忠為甘肅肅州鎮總兵官甘肅肅州鎮總兵官龍澤厚為陝西延綏鎮總兵官 予安徽陣亡守備王景燝從九品郭培先縣丞余炘祭葬世職文生徐耿光練總張慎堂等旌卹如例 辛卯 上御澄虛榭南書房賜王大臣等食 諭內閣 本年應修 永陵殿座等處工程前經工部奏稱按照前任盛京將軍慶祺冊報覈算應銀一萬一千七

百七十八兩零因與王明等所奏估需銀七千八百八十三兩之數不符當經諭令王明等查明具奏茲據王明麟興奏遵旨詳細覆覈前估銀數均係按照例價估計並無舛錯等語此項工程銀兩何以工部覈計與該將軍等所估多寡懸殊著派翁心存趙光詳細查明具奏 諭軍機大臣等昨據理藩院奏喇嘛嘉木磋與那木喀呼圖克圖口角忿爭以致達賴自戕一案已派惠親王等訊辦矣 業內指出在多倫諾爾牧羣居住之阿木呢固爾通巴著慶昫選派委員前往該處密速查拏押解來京以憑訊辦該固爾通巴屋內所有經卷及一切什物均著一併查抄逐細點明開具清單解交派審王大臣歸案查訊毋得遲延漏洩將此由四百里諭令知之 以四川會理州勒匪出力賞土司吉時雨等花翎知縣徐福麟等藍翎知府史致康等升敘有差 壬辰

孝穆成皇后忌辰遣官祭

慕陵 緩徵江西南昌新建豐城進賢建昌安義鄱陽七縣被水地方新舊額賦有差 癸巳諭軍機大臣等定福奏援案請提稅銀支發兵餉等語山海關海口備防緊要業經定福酌調防海官十一員兵四百名駐劄海口防禦惟該官兵等口糧據稱無款可籌深恐有誤防務著定福傳諭山海關監督誠明將所需口糧即在收存關稅銀兩內酌量提用以資支放毋誤要需將此諭令知之 以克

復江西上猶崇義等縣城賞縣丞汪世梅等藍翎在籍御史李臨馴等加銜升敘有差 以江西瀘溪勦匪不力革都司丁東勝等職 追予江西宜黃縣殉難知縣傅培峰建立專祠同時被害舉人黃秩滋張受勤武舉紀鳳翔一併附祀 予江西陣亡守備石有周何益發把總劉裔秀外委胡豐仁等祭葬世職軍功尹代貴等賞卹如例 甲午

孝聖憲皇后忌辰遣官祭

泰東陵 諭內閣慶祺奏修築礮臺購買木料等銀請免造冊報銷一摺前經僧格林沁等奏修築礮臺等工動用銀兩業經免其報銷茲據慶祺奏購辦木植除餘賸外動用木料價銀及運送木植運辦沙土船價土方人夫等項共銀四萬四千九十八兩零著一併免其造冊報銷以歸畫一 又諭何桂清奏揚關白塔等口徵收稅銀已儘數撥充軍餉一摺上年揚關所轄白塔邵伯芒稻中壩等四口徵收稅銀據稱撥充軍餉實無盈餘俟江北軍務平定商販流通再將關廟復設惟當餉需浩繁之際若俟事竣彙案報銷恐日久漫無稽覈著該督將出入各數按年開具比較清單隨時報部以重款項而備稽查 諭軍機大臣等慶祺奏覆勘審親王交官廠地請仍照原額徵租一摺審親王仁壽交官地畝前據桂良請照原額徵租經戶部以此項

地租應將正租私租併算並前後撩棄地畝是否仍堪耕種議請飭令另行履勘妥議章程茲據慶祺奏稱派員詳勘該處地畝因土瘠地寒獲利甚微從前議定科則難以議增其前後撩棄地畝亦查明難以墾復等語此項地畝仁壽因收租不易故行交出難保無佃戶人等把持侵蝕等弊今既入官收租自應切實查辦乃該同知等查勘稟報輒稱難以增租仍屬顛預了事著慶祺另派妥員詳加查勘妥議科則以杜隱匿侵吞之弊不得稍涉含混將此諭令知之 又諭本日據德興阿奏請賞給官兵翎枝銀兩等語據稱綠營各兵除月餉三兩外並無多給之款雖經奏獎翎枝往往不能自換現在得保頂翎者五百八十餘名擬請於得有翎枝各兵名下每月每名添給翎枝銀一兩自係為鼓舞軍心起見此次所請著准其照議辦理惟論功行賞為數靡定而經費當支絀之時亦宜力

籌撙節此後續保翎枝人數加增應如何酌定章程以示限制之處著德興阿妥議具奏該大臣移營偏攻六合為日已久本日雖據奏報勝仗而六合匪徒負隅踞守尚無克復之機著即嚴督兵勇設計圍攻毋致曠日持久自干咎戾將此諭令知之 命翰林院編修杜瑞聯提督陝甘學政 命挑吉林黑龍江兵各一千名綏遠歸化兩城兵各五百名候天津防所調遣 以江蘇辦理海運出力予同知溫忠彥等升敘有差 以山東蘭山等處勦匪出力賞知州黃汝楫等花翎把總趙景元等藍翎道員五觀澄等加銜升敘有差 賑山東荷澤濮范陽穀壽張東阿東平齊東八州縣並東昌衛被水貧民一月口糧 乙未諭軍機大臣等前據理藩院奏喇嘛嘉木磋與那木喀呼圖克圖口角忿爭一案現據供出有應行質訊之得木奇喇嘛伊什位魯布喇嘛布特巴拉俱在多倫諾爾慧宗

寺章嘉呼圖克圖倉上居住著慶祺飭令多倫廳與慶昫會同查拏迅速派員押解來京聽候派審王大臣等訊辦不得任其託故延宕如未在該處居住即著就近訪查務獲拏解送交內務府慎刑司歸案質訊毋許遲延將此各諭令知之又諭勝保翁同書奏請飭各路統兵大臣及各省督撫嚴禁偷販私礦等語據稱參將李世忠詳稟逆匪橫行皆由私礦接濟並指出大江南北水陸口岸各

要隘奸商通匪偷販各情亟應嚴行查禁以杜私售惟現在用兵地方蔓延數省隘口過多私礦販運之處斷絕非易其各省會及著名鎮市商賈輻輳之所尤應詳加盤詰除山西等處產礦之地嚴禁私礦出售外其各路軍營及用兵省分非有統兵大臣及該督撫委員解送印文知照者概不准擅行採買其經過關津隘卡如無印文護票者即著查拏懲辦儻有不肖官吏私行賄放者察出嚴行

治罪軍營兵勇如有偷漏硝磺火藥接濟賊營者即以軍法從事著官文德興阿和春勝保曾國藩張芾傅振邦等及各直省督撫嚴定章程實力盤禁毋稍鬆懈至所呈該參將原稟太平關無為州等處粵逆日收稅銀為數甚鉅並著和春何桂清等嚴飭地方員弁於東壩一帶曉諭商民不准在太平關等處販賣貨物使該逆收稅日少無從接濟米糧以冀制賊死命是為至要將此各諭令知之

又諭恆福奏派防亳州官軍擊賊獲勝請飭撥馬隊一摺亳州東南捻股甚多匪蹤飄忽靡定朱連泰所帶僅有壯勇七百餘名內祇馬隊四十名為數本單近來賊匪多有騎馬衝突官軍對壘非馬隊不能得力著傅振邦伊興額於徐宿軍營馬隊內酌撥一二百名飭赴亳州交朱連泰調遣以資助勦將此由五百里諭令知之又諭恆祺奏關稅一年期滿將徵收總數循例具報一摺粵海關

稅一年期滿僅徵銀三十三萬七千五百餘兩。欠缺甚多。自係因各處土匪未平。夷務未定。所致。惟該監督另片奏稱。茶商等因買賣滯銷。赴該督稟訴。經黃宗漢剴切批示。自九月至十一月。已徵銀二十二萬四千八百餘兩。是該關稅課已漸有起色。從此商民相安。自可逐漸增加。現在稅銀祇可供勦辦西匪之用。俟關稅稍充。各處協撥款項。亦應設法籌解。著柏貴隨時體察情形。妥為辦理。並傳

諭恆祺。乘各國商船。遵例納餉之際。竭力疏通。嚴查偷漏。京協各餉。最關緊要。著隨時報解。以憑稽覈。不准全數截為本省之用。至所徵數目。並著覈實報部。以重稅課。而便稽查。將此由五百里。諭知柏貴。並傳諭粵海關監督恆祺知之。○以克勤郡王慶惠著正黃旗領侍衛內大臣。以鑲紅旗蒙古都統景壽署鑲黃旗滿洲都統。以吏部右侍郎文祥都察院左副都御史梁瀚知貢舉。命河南

河北鎮總兵官樂善。改赴天津軍營差委。○命挑直隸北路各營兵二千名。察哈爾兵一千名。密雲熱河兵各五百名。候天津防所調遣。以安徽定遠縣彈壓土匪出力。賞知縣周佩濂。同知銜藍翎。以隨同收復安徽建德縣城。賞投誠張泰忠花翎。以守備用。李濟元等。以把總用。以賊竄江蘇荆溪縣境。應援不力。革知縣章乃登等職。予被戕都司方錦榮祭葬世職。以解餉遲誤。革河南知縣

陳寶豐職。留營效力。○丙申頒

硃諭。今日閱翰林名單。見錢桂森銜下。註寫國史館總纂幫辦院事。本衙門撰文。以上各項。是否俱係奏派。抑係該員由御史回原衙門。後堂派為將來一等地步。著片傳翰林院。由該衙門自行覆奏。○諭內閣。載荻等奏請飭催直隸各州縣應解庫款等語。直隸各州縣。欠交廣恩庫陳新各租銀共九千七百餘兩。前經降旨飭催。茲據奏稱。僅據易州安州。任

邱河間高陽安肅保定等州縣解到陳租銀五百七十七兩零又據易州安州任邱河間高陽等州縣解到新租銀二千一百十六兩零其安肅保定等縣上年新租毫未解交實屬延玩著慶祺勒限嚴飭各該州縣將欠交陳新租銀掃數完納並轉飭該藩司將上年應解銀兩趕緊籌撥以重庫款不准稍涉遲延該督曾任泰甯鎮總兵自應備悉彼處情形毋許視為泛常一催了事又諭本年輪

應查閱直隸山西陝西甘肅四川五省營伍之期直隸著即派慶祺山西即派英桂陝西即派曾望顏甘肅即派樂斌四川即派王慶雲逐一查閱認真簡校如查有訓練不精軍實不齊即將廢弛之將弁據實叅奏毋得視為具文諭軍機大臣等昨因王懿德奏順昌等處各股首率黨投誠降旨將周恭熙等賞給把總等職及軍功頂帶茲據御史陳濬奏該股首等蹂躪郡邑荼毒生民請飭撤銷

一摺閩省上年江右逆匪闖入滋擾疊陷城池其被裹從逆之人如果情罪尚有可原固可寬其既往予以自新若投誠非出於本心恐以後必多反覆著王懿德查明周恭熙等是否悔罪乞降堪以加恩錄用至上年慶端在延平辦理軍務有無遷就粉飾等情其所保莊煥文章琮皆該撫幕友俱請以道員交軍機處記名未免冒濫並此外保舉人員有無徇情濫保之處均著該督確切查明據實

具奏毋許稍有迴護尤不許妄洩私憤藉端而發不敢觸諫垣之怒有意沽名原摺著鈔給閱看將此由五百里諭令知之命翰林院編修慎毓林提督陝甘學政以浙江金華等處勦匪出力賞副將李嘉萬參將馬承恩都司向元吉守備蘇坤巴圖魯名號總兵官江長貴以提督用副將葉炳忠參將張清標等花翎恩騎尉王萬泰等藍翎餘加銜升敘有差以浙江省城籌防出力賞鹽運使

楊裕深道員葉堃花翎餘獎敘有差 丁酉
諭內閣巡撫銜浙江布政使李續賓前在三
河鎮勦賊陣亡業經降旨優加褒卹茲據曾
國藩臚陳該員功績具奏覽之益深悼惜李
續賓從軍數載所向成功及其見危授命麾
下將士無一偷生實有古名將之風允宜垂
諸信史百世流芳著將曾國藩此奏交國史
館採入列傳以示褒嘉 諭軍機大臣等曾
國藩奏遵籌全局請添馬隊進取一摺所稱

安徽賊氛甚惡湖北據皖境上游北岸須添
足馬步三萬人都興阿李續宜鮑超任之現
在水師萬餘楊載福彭玉麟任之南岸須添
足馬步二萬人由該侍郎率張運蘭蕭啟江
等任之又稱駐劄建昌距贛州景德鎮兩軍
較遠調度不靈擬調蕭啟江一軍併赴北路
等語該侍郎統籌全局意在併力大江兩岸
為節節進勦之計所見甚是惟現在江西南
贛等處賊氛尚熾該侍郎未能即日北行俟

南路稍鬆再赴皖楚交界籌辦大局其調察
哈爾馬匹一節上年調赴袁甲三等軍營之
馬沿途倒斃十之七八一路解費概屬虛糜
翁同書因廬營缺馬曾有就地採買之請較
之遠路調撥似有實濟本日已諭知官文等
設法籌辦矣另片奏請飭健銳等營選派精
練弓馬之三四品官赴營等語已諭都興阿
先於該營內酌量選派或京營及東三省中
有素所深悉之人並著指名奏調以資教練
將來楚軍東下如馬隊不敷並可由勝保等
軍營酌量協撥編修郭嵩燾現隨僧格林沁
前赴天津俟該處撤防再降諭旨主事李榕
已令赴營差委至江西建昌甯都現無防兵
亦已諭令王懿德即飭饒廷選酌帶所部兵
勇馳赴江西聽候曾國藩調度矣將此由六
百里諭令知之 又諭曾國藩奏通籌全局
須添練馬隊一摺據稱現在賊勢以安徽為
最重能據其上游而制其死命莫如湖北曾

與官文等籌商北岸添馬步三萬人以都興阿等領其軍中流水師楊載福等任之南岸亦須添馬步二萬人該侍郎自率蕭啟江張運蘭等前往統領為三道並進夾江東下之舉惟蕭啟江赴援贛州張運蘭專勦景德鎮兩軍皆距曾國藩軍營甚遠擬商耆齡另調勁軍以勦南贛該侍郎即專辦北路調回蕭啟江歸併饒州彭湖等處商由官文等奏調察哈爾馬三千匹以備募練馬勇所議軍情

均合時勢惟江西現無兵力可與蕭啟江抽換曾國藩仍須暫留建昌防勦南路俟賊勢稍鬆再赴江西北境察哈爾馬匹本屬無多節次調往勝保袁甲三軍營沿途倒斃十之七八徒滋糜費是以上年翁同書有籌銀購馬之請不如仍由湖北採買較為便捷近年粵捻各匪多用馬賊衝鋒官軍自應添備騎兵與步兵相輔前此湖北練習馬隊已有成效自可擴充辦理將來楚軍東下如馬隊不

敷並可由勝保等軍營酌量協撥該侍郎又以南人使馬不甚精熟請由健銳營火器營選派精練弓馬曾經戰陣之三四品官五六員赴營教練等語著都興阿即於該營將弁中選擇技藝精熟者以資教練如京營東三省中有都興阿素所知悉之人即著指名奏調將此由六百里各諭令知之又諭曾國藩奏請飭總兵來江調遣等語江西南路防勦喫緊該侍郎暫駐建昌咨商耆齡贛南一

帶無兵可撥贛南鎮總兵饒廷選現在革職留營在閩患病並未帶兵出勦閩省州縣惟連城未復不難剋日殲平該總兵患病諒已就痊著王懿德即飭酌帶所部兵勇馳赴江西曾國藩軍營聽候調度毋稍遲延將此由五百里諭令知之又諭勝保翁同書奏逆匪接濟金陵糧米並於烏江開挖新河請飭德興阿等派兵堵截等語據稱總兵吉順函稟有民人自店埠逃出供稱粵逆因大江阻

塞今民間挑運糧米由旱路梁山至江浦之九洲州送入金陵數月來絡繹不絕現復令偽旅帥出夫於烏江開挖新河直抵江浦以便往來等情逆匪久踞金陵未能攻克總因賊糧未斷現在勝保駐劄鳳陽距烏江江浦等處較遠著德興阿等就近派兵於九洲州地方嚴行堵截斷賊糧道毋令接濟金陵並撥兵於烏江一帶實力堵禦毋令逆匪開挖新河橫行無忌如江北兵力一時未能兼顧

卽著咨商和春酌派勁兵前往分投堵截毋稍遲延將此由六百里諭令知之 又諭勝保等奏河南南陽鎮總兵邱聯恩現在統帶豫省防兵駐劄鹿邑惟守近不如守遠該處淝河口地方為太和鹿邑交界實為豫省屏蔽若將邱聯恩一軍移駐淝河則北可聯絡亳軍南可控制潁郡於會剿機宜當有裨益等語所奏不為無見著恆福體察情形若令該總兵移駐淝河以扼捻巢要隘於豫省邊

防是否仍無隔礙卽著酌量辦理將此由五百里諭令知之 欽差大臣勝保等奏請飭已革江甯布政使楊能格來營接辦糧臺得旨一切兵機斷不能俟奉命而行至於可緩之事亦從無敢擅行者勝保擅行札調已革大員殊屬膽大所調楊能格之處著不准行勝保著交部議處翁同書著交部察議並著兵部將此奏片併硃批行知各該統兵大臣等知之 追予殉難同知曾國華父驥雲從

二品封典 戊戌諭內閣翰林院奏遵旨覆奏一摺翰林院編修錢桂森上年甫經由御史獲咎回原衙門行走翁心存派充國史館總纂等差使未免過優錢桂森著撤去總纂改為纂修翁心存著交部察議 又諭刑部奏數議捐輸贖罪章程請照常放條款變通辦理開單呈覽一摺朕披閱准贖各條尚多輕縱業經親加刪定嗣後官常各犯除枷杖情節本輕准予捐贖外其遣軍流徒各犯不

在常赦不原之列者於捐贖時仍隨案覈定以持情法之平該部即將此次原奏硃筆刪改各條行知火器營遵照辦理諭軍機大臣等桂良等奏現探夷情據實密陳一摺據稱黃仲畬李泰國先後報到嶺首於上年臘月到粵果否回滬尚在未定伊弟噶魯嘶遲三四十日可到廣東擬至上海一轉卽往天津定欲進京互換和約等語覽奏實深詫異各夷和約本議定在上海互換是以授何桂

清為欽差大臣原冀桂良等卽在上海妥為辦理乃遲之又久於進京等事尚未挽回而噶首頓爾喏駛回香港另換伊弟噶魯嘶到滬並欲直至天津是該夷反覆無常意存叵測已可概見僧格林沁慶祺現已赴津該處防堵事宜均已辦理周密如該夷徑行到津當由僧格林沁等酌量辦理儻該首仍到上海桂良等務須極力開導告以大皇帝派我等來此辦理稅則並令廣東將欽差大臣關

防移交何桂清所有和約並另立專條必須卽在上海由我等一手辦理若到天津該處並無經手之人無從辦理且自上年各國船隻退出後天津紳民業已團練整齊不使輪船駛近攔江沙儻到津船隻或受損傷我等不能任咎又或復開兵釁則上年條約必致全歸罷議於各國通商事務大有妨礙如此剴切曉諭總使該夷在滬換約方為妥協況消弭四事另立專條尚無成說豈桂良等毫

不動心竟欲令該夷在津換約置身事外耶茲另發去諭旨一道著以宣示該夷俾知天津已有準備不至遽行北駛該大臣等仍應設法挽回四事另立專條再行奏請互換萬不准含糊了事自干罪戾將此由六百里密諭桂良花沙納何桂清並傳諭段承實知之又諭上年秋間派桂良等前赴上海與英咪佛三國商議稅則迄今已閱數月前聞廣東奸民有偽造諭旨之事致噶咕喇等心懷

疑慮曾諭黃宗漢嚴拏懲辦以示朕懷柔遠人又安中外至意並因廣東距京寫遠一切通商事宜往返入奏恐延時日特改派何桂清為欽差大臣就近在上海辦理俾外國惴忱易於上達不必遠至京師前據該大臣等奏喚國等船隻暫回香港諒不日即當來滬與該大臣等商換和約著桂良等告以上海移設欽差之意原為在彼議事起見天津因前次各國輪船駛入居民忿恨現在城鄉百

姓均已自辦團練不令外國船隻復進攔江沙該國切勿前來致有損傷船隻儻因此復開兵端是該國自乖和好先行背約不獨上年條約均歸罷議即五口通商亦多窒礙矣况專條未立即到天津亦不能互換桂良等現在上海所有條約總須與專條同換不能但換上年條約也將此由六百里密諭桂良花沙納何桂清並傳諭段承實知之又諭本日據桂良等奏夷酋額爾琿於上年十二

月二十九日到粵果否回滬尚在未定其弟噶魯嘶遲三四十日可到廣東擬至上海一轉即往天津定欲進京互換和約意見甚堅萬難挽回等語天津海口一帶現已由僧格林沁嚴密設防該夷酋如果堅執意見必欲前赴天津計數日之內即可趕到亟應早為準備著僧格林沁等迅速調齊各路官兵在海口扼要嚴防毋令片帆駛入並激勵鄉團豫為策應以期聲勢聯絡藉壯兵威慶祺現在天津有地方之責如探該夷酋有來津確信著即派委妥員迎至攔江沙外詢以此來何事至互換條約及另立專條前已說定在上海由欽差大臣桂良等交換此間並無通事及經手辦理此事之人况上年天津自遭蹂躪後官兵鄉勇一律重加整頓儻任意闖入恐多未便不若及早仍回上海聽候辦理兩有裨益如此曲為開導或可冀其回帆不致滋生事端僧格林沁等一面仍嚴行防範

早為設備仍不可過事張皇必須謀定後戰確有把握是為至要桂良等摺片著鈔給閱看將此由五百里密諭知之以正藍旗蒙古副都統托雲署鑲藍旗漢軍副都統以浙江台州勦辦土匪出力賞知府蔭德泰等花翎守備楊正元等藍翎餘升敘有差○蠲緩福建邵武汀州建甯延平四府浦城松溪政和邵武光澤長汀甯化連城順昌建陽崇安泰甯將樂歸化清流建甯南平沙永安建安甌甯上杭武平永定甯洋二十五縣暨邵武汀州興化三廳永和里泉上仁壽麻沙峽陽迪口嵐下峰市縣丞所屬被擾被水地方額賦有差朝鮮國王李昇遣使表賀萬壽冬至元旦三大節並進貢方物賞賚筵宴如例已亥

上還宮諭內閣常清奏密雲縣支應過境官兵車輛未能齊備幾誤軍行等語此次蒙古官兵行至密雲縣界該縣支應車輛備辦未

齊雖經灤平縣趲送進口仍恐前途遲滯著張祥河董醇嚴飭所屬各州縣趕緊接遞並將應付遲誤之密雲縣知縣查明叅奏○庚子

孝儀純皇后忌辰遣官祭裕陵諭內閣袁甲三奏請將任令兵丁私逃之署都司革職等語直隸署龍泉關都司噶爾薩管帶官兵赴袁甲三軍營任聽兵丁沿途脫逃至八十六名之多實屬庸懦無能噶爾薩著即革職仍留營效力所有缺額官兵著直隸總督照數挑選補送該營俾資攻剿其在逃兵丁即著悉數嚴拏務獲正法以示懲戒命兵部尚書全慶倉場侍郎廉兆綸前往天津驗收海運漕糧戶部右侍郎劉崐前往通州會同倉場侍郎崇綸辦理驗收事宜以鑲黃旗漢軍都統瑞麟署正白旗領侍衛內大臣以鑲紅旗漢軍都統劉鈺署鑲白旗滿洲都統以安徽五河縣勦賊出

力賞遊擊滕家勝巴圖魯名號協領關保以副都統用知縣張汝梅以同知直隸州知州用加知府銜以安徽草溝集勦賊出力賞委營總奇成額等花翎委參領富尼雅杭阿等藍翎餘加銜升敘有差予安徽陣亡訓導年順行教諭趙行五巡檢馬彥方祭葬世職免奉天官兵應繳赴防整裝銀辛丑諭軍機大臣等前據何桂清奏報蘇省海運頭起漕船已開至十激守風放洋浙江漕船

實錄卷二百七十四

三

當亦陸續起運惟昨據桂良等奏嘆首頓哺噉到粵回滬與否尚在未定其弟噶嚕嘶到滬一轉即赴天津等語現在夷情叵測若不至上海與桂良等商議徑赴天津難免有意尋釁天津海口有僧格林沁等嚴密防堵惟兵端一起恐該夷擾我海運必須豫為籌畫以備不虞著何桂清徐有壬胡興仁密飭押運各員如探有夷船在天津海口滋事即將各漕船駛赴盛京之牛莊及山東之蒲臺利

津等處暫為停泊俟夷船退後再赴天津收口其業經放洋船隻如能於夷船未經北駛以前趨行前進趕緊到津尤為妥協將此由五百里各諭令知之又諭都興阿奏患病未能速痊懇請續假離營調理已降旨賞假兩箇月矣該將軍現辦勦匪事務正當喫緊據奏有記名副都統多隆阿為前敵布置尚無貽誤已將所帶兵勇悉交統帶惟軍務重大總須調度有人胡林翼近在黃州即著將

實錄卷二百七十四

三

進止機宜妥為籌畫責成多隆阿督率將士各加奮勇不至因主將遠離遷延觀望並著官文與該撫會商妥辦務臻周密是為至要將此由五百里各諭令知之又諭傅振邦奏軍餉久缺請飭江蘇山東河南山西各省將應解餉銀趕緊籌撥等語據稱宿州軍營上年山西山東兩淮欠解銀十九萬兩淮海亦欠解月餉七千兩疊經袁甲三催解僅據山西解到銀一萬二千兩兩淮解到銀三千

兩其餘並河南省應解之款均未解到現在該處賊氛甚熾亟須會集官兵約期夾擊而兵勇僅食山芋麤糧尚未一飽恐決裂之患卽在瞬息之間著崇恩恆福英桂各將該省欠餉趕緊補解並將每月應解餉銀按期籌撥至山東河南二省毗連徐宿儻因餉缺兵饑賊匪必致北竄崇恩恆福尤應不分畛域速籌接濟毋得稍存膜視前據袁甲三奏捻匪有正月出巢之語亟應三省會勦並著崇

實錄卷一百四

三十三

恩恆福與傅振邦會商應如何進勦之處迅速辦理其兩淮淮海所欠宿州軍餉並著何桂清徐有壬飭屬趕解將此由五百里各諭令知之○又諭欽派王大臣等奏德勒克色楞前在熱河念經案內供出緊要人犯及一切什物著該大臣嚴密查拏取據確供指明德勒克色楞埋鐵盒麵人牛角處所常清卽親往該處起獲封固派員解京如有業經拆動情形嚴追審問解京歸案務將供內所指

緊要情節詳細查明迅速具奏原供著發給閱看將此由五百里密諭知之○又諭現據喇嘛案內續經供出阿木呢固爾通巴之徒弟沙布隴現在跟隨伊師在察哈爾一帶地方此係案內要證著慶昫嚴拏解京歸案勿得漏洩將此由五百里密諭知之○命大學士瑞麟稽察欽奉上諭事件處命挑內外火器營八旗兩翼官兵各一十名健銳巡捕兩營官兵各五百名備天津防所調用

實錄卷一百四

三十三

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百七十四

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百七十五

欽定實錄總纂官臣等奉 上諭 纂修 欽此

大興士管理戶部事務加十三級紀錄十四次自前奉 上諭 纂修 欽此

大興士管理戶部事務加十三級紀錄十四次自前奉 上諭 纂修 欽此

大興士管理戶部事務加十三級紀錄十四次自前奉 上諭 纂修 欽此

大興士管理戶部事務加十三級紀錄十四次自前奉 上諭 纂修 欽此

校修

咸豐九年己未二月壬寅朔諭軍機大臣等

此次各國議定稅則內洋藥一項從前未經
定稅之時聞地方官多有影射抽收侵吞入
己情弊現在既經議有定章官為收稅各省
自應一律辦理上海為各商薈萃之所尤應
及早奉行現經戶部由驛通行諒江蘇省當
已奉到曉諭商民一體遵辦特恐地方官希
圖掩飾壓閣部文不能及早奉行或以多報
少藉肥私橐皆所不免著桂良花沙納嚴密
訪查僅有前項弊端即行會同該督撫據實

叅奏毋稍徇隱且使夷商知此次稅則業經
通行獲利已多桂良等亦可藉此為詞消弭
兵釁將此由五百里密諭知之 兵部奏貴
州陣亡官弁議卹一摺得旨議卹事件有何
迫不及待之處爾等豈不知今日祀神吉期
遞此無關緊急之事兵部堂官著交部察議
又奏遵議庫倫辦事大臣德勒克多爾濟等
處分未會理藩院批此摺因何不會理藩院
試問該貝子所兼職任向歸爾部考察否與

在京蒙古所兼職任一例否其中難保無聽
人囑託礙於情面不得不允著逐層明白回
奏 直隸總督慶祺奏到天津日期並調永
定河道崇厚赴津得旨崇厚人非出色不解
汝喜用其何才況伊本任豈無經手要件然
既已調防亦不必遣撤惟不得藉圖保舉○
浙江巡撫胡興仁奏投誠匪犯王彝牙於立
功後紳董稟請正法現交甯防帶兵大員責
令隨同打仗得旨著照所擬辦理該紳等於

王彝牙投誠一事。豈無聞見。何得如是專擅。將來該犯果有功績。必應將該紳董等懲處。以為妄稟者戒。汝身為大吏。惟期賞罰持平。豈可畏紳士。抑平民。為調處說合之人耶。此事不准遺忘。○癸卯諭內閣。昨因兵部奏庫倫辦事大臣德勒克多爾濟等處分。未會理藩院。批令逐層明白回奏。茲據全慶等奏稱。接到理藩院咨文。該部司員並未回堂。徑行咨覆。由部主稿。請將司員嚴議。並自請議處。

等語。兵部於應會理藩院具奏之件。疏漏不。會。已屬輕率。所引從前議處僧格林沁成案。係兼在京武職。亦與此案不符。所有不候堂畫。輒行片文之職。方司掌印郎中啟賢總辦。郎中程誠。均著交部嚴加議處。失察之該部堂官。著一併交部議處。所請欽派大員研訊之處。著毋庸議。○又諭。和春奏查明已故提督子嗣。現在原籍等語。已故浙江提督鄧紹良。卓著戰功。臨危授命。業經降旨賜卹。伊子

光祿寺署正銜鄧亨先著俟服闋後。交部帶領引見。候朕施恩。至鄧紹良之父原任湖南平江縣訓導鄧士儼。年逾八旬。並著加恩賞銀四百兩。由湖南藩庫給領。用示朕優卹。盡忠有加。無已至意。○又諭。前因署安徽按察使恩錫在途患病。當經降旨准其暫行回京就醫。毋庸開缺。仍著該旗都統等查看。俟病痊。即飭令赴任。茲據奕訢等奏。該員在京調治。已逾兩月。據稱難望速痊。呈請開缺。經該

旗都統等駁斥。該員仍欲展假兩三月。顯係有心規避。恩錫著先行交部議處。仍著該都統等飭令前赴安徽署任。毋許逗遛。○諭軍機大臣等。英桂奏籌撥餉項不敷。擬試抽釐稅一摺。據稱山西省連年籌解京協餉項。及部撥各款。為數甚鉅。多藉助於捐輸。現在俯察輿情。自疊次捐輸之後。未能踴躍。惟有仿照各省抽收釐稅。尚可酌盈劑虛。自係一時權宜之計。著照所請。除有關民食及零星販

賣者均毋庸抽收以示體恤其餘當酌議簡明章程分別省內省外設立總局分局慎選委員責成地方官妥為經理毋許抑勒滋擾並嚴查影射侵漁之弊庶不致有名無實如試行有效再行定議具奏儻有窒礙即行停止將此諭令知之○又諭前據勝保奏探報夷船過江駛入燕子磯有賊四五人餽送縐紗等件問知往漢口通商有不打仗大家和好之語及回船到金陵李泰國等三人直到賊礮臺欲見太平王進城後該逆請夷酋飲酒派賊目送出隊伍甚齊整各等語並據上海探報之人稱傳到夷人句通逆賊情事榮面詢情形大略相同夷人句通逆賊情事勝保遠在安徽尚有傳聞和春何桂清近在江南更可知其確實著即查明詳悉具奏至該夷已與中國議定通商忽又句通叛逆其包藏禍心殊屬叵測現在和約未換反覆堪虞不可不密加防範著和春何桂清阻其入

江之路並於金山一帶豫飭水師鎮將嚴密梭巡勿令上駛金陵與賊句結以防內患其通事潘榮想仍在滬此人係屬要證務須設法羈留不得任其遠遁勝保奏片著鈔給閱看將此由六百里各密諭知之○甲辰遣官祭

文昌帝君廟○遣官祭

先醫之神○諭內閣文彩穆蔭奏審明佐領呈訴刑部堂司並呈控領催等扣畱軍餉按律定擬一摺此案鑲白旗蒙古佐領哈豐阿呈控領催額林布句串騎都尉雙祿扣畱軍餉審訊屬實惟所供刑部堂司各官授意串通濫傳刑偈等情係屬懷疑妄控哈豐阿申訴不實著交部議處已革佐領瑞全輒敢在哈豐阿身後辦事於領米時私卸米石侵用餘米錢文著照所擬銷除本身旗檔發附近充軍騎都尉雙祿業已交卸佐領猶復於打米時帶車上倉並在米折項下擅支錢文著

交部議處。刑部右侍郎孟保雖無授意司員情事。惟於該旗封印時。輒向哈豐阿提及刑部現審情節。致該員有所藉口。著開侍郎缺。毋庸交部察議。刑部員外郎志勳。於問案時。向哈豐阿說案係該旗送來。不能不辦。恐被叅處。亦屬措詞失當。著與率將此案回堂送部之參領德明。章京恆壽。一併交部察議。○又諭扎拉芬泰等奏覆訊部駁佳勒森搶奪殺人案情一摺。佳勒森既有加功斃命情節。

著即處絞。無庸再交刑部覈擬。○諭軍機大臣等。德興阿奏請添募壯勇。以資助勦一摺。據稱江北軍營兵勇共祇一萬四五千。現在六合賊黨日添。恐其伺隙紛竄。擬添募壯勇數千人。以資堵剿。係為速埽賊氛起見。著准其即行添募。惟所募之勇。務須技藝嫻熟。年力精壯者。方可望其摧堅陷銳。儻徒事貪多。濫行招致。不獨臨敵之時。慮其潰散。且當此軍需支絀。豈容以有用之餉。養此無益之

兵。著德興阿覈實辦理。毋涉虛糜。至六合縣城不克。則金陵接濟不斷。於江南北軍務大有關繫。該大臣以全力攻此一邑。何竟日久無功。著即督飭將士實力攻勦。速籌克復。毋得再有延誤。將此由六百里諭令知之。○又諭。據德興阿奏請添撥餉需一摺。江北馬步兵勇統計一萬四五千。月需正餉銀六七萬兩。現因兵力太單。擬添募壯勇助勦。必須月籌正餉銀十萬兩。方足以資軍食。著何桂

清轉飭聯英。就近於淮南鹽課項下。每月撥解江北餉銀一萬兩之外。再添解銀一萬五千兩。按月撥解。毋稍稽延。至各路軍需支絀。籌餉維艱。梁佐中現辦江北糧臺。並著何桂清飭知該藩司覈實經理。毋涉虛糜。將此由六百里諭知。何桂清並傳諭江甯布政使梁佐中。署兩淮鹽運使聯英知之。○閩浙總督王懿德奏防勦緊要。咨商曾國藩撥兵助勦。得旨。連城踞匪。本省兵力足敷殲剿。所請之

處實難降旨允准○調工部右侍郎景廉為刑部右侍郎以都察院左副都御史成琦為工部右侍郎兼管錢法堂事務○以戶部寶泉局承辦鐵錢得力賞員外郎文彬知府銜主事李廷楠等升敘有差○乙巳

上詣

永安寺拈香○幸圓明園○諭內閣恆福奏皖捻逼近豫境飭屬舉辦堅壁清野一摺軍興以來疊經諭令各直省督撫等於逼近賊

氛處所勸諭團練興築寨堡茲據恆福奏稱以皖捻逼近豫疆親赴鹿邑督籌防剿並體察民情地勢莫如堅壁清野之法足資捍禦現已遴派道府大員於歸陳等屬分投興辦並親赴歸德接見紳耆開誠曉諭旬日之間睢州等五州縣興築堡寨者已數十處聞風響應次第舉行所辦甚合機宜著照所請所有歸德府屬即責成候補知府傅壽彤陳州府屬即責成候補直隸州知州駱光裕汝甯

府屬即責成候補知府蒯賀蓀會同地方官紳將訓練壯丁聯村築寨等事迅速勸導舉行其光州屬及南陽府屬即由在彼辦防之候補知府張曜何懷珍一律勸諭歸陳兩府並著候補道周煦徵督率辦理聯絡聲勢該省風俗淳厚且疊經賊匪蹂躪民情激而且奮該道周煦徵等務當因勢利導於堅壁清野一切事宜實心籌畫庶幾眾志成城內以靖宵小之竊發即外以杜匪眾之窺伺不得

草率粉飾虛應故事該官紳等果能奉行不懈守禦得力或殺賊立功著有成效即著恆福查明覈實奏請獎勵○諭軍機大臣等現據德勒克色楞供出有因病畱住熱河之家入扎隆阿即滿德及尚未到京之家人杭噶拉並倉朮堪布徒弟噶爾畢三名均係案內要證著常清即派妥員密速查拏押解來京歸案訊辦其杭噶拉一名據供來京更替現尚未到並著嚴密訪拏毋令聞風遠颺為要

將此諭令知之○以吉林協領富呢揚阿署三姓副都統○丙午諭內閣鍾啟峴著授醇郡王奕譞讀○又諭肅順成琦奏考試國子監滿洲助教無卷可取請另行考試一摺此次考試國子監滿洲助教各試卷或文理純謬或清漢字畫未能端楷經肅順等校閱實無合式堪以錄取之卷著吏部另行咨取合例人員奏請派員考試此次考試人員不准與考○又諭沈兆霖等奏遵查舊太倉徵變

米石據實覆奏一摺舊太倉居字盛字二廩米石據該侍郎等連日篩颺挑揀出乾潔米一萬一千八百四十九石零既經收入儲字成字兩廩著即作正開放其尚堪食用之次米據估僅數八成之數著即責令該花戶等賠補二成其徵變不堪食用米四千五百七十六石零並虧短米二十六石零著一併責令照數賠補以重倉儲至該花戶等於存倉米石並不勤加挑晾致有徵變蟲蛀僅令賠

補不足蔽辜應如何酌定罪名以示懲儆之處著刑部覈擬具奏○又諭本日據和春奏捻首歸誠效順獻出江浦縣城並會同李世忠攻克浦口城池一摺據稱有陷賊未久之薛之元踞守江浦縣城每思歸正無路可投經和春等派令遊擊賴鎮海等許以免罪圖功薛之元感激涕零情願獻城自贖越數日遣其心腹羅華清等謁見張國樑旋即薙髮乞降獻出江浦縣城復約會滁州參軍李世

忠將全旺嶺賊營兩座全行攻燬斃匪數百人奪獲賊糧數百石復於正月二十七日將浦口城攻復殺賊無數該捻首自拔來歸旋又克復城池立功自贖自應優加獎勵以嘉其嚮化之誠薛之元著更名薛成良先行賞給四品頂帶俟續有勞績再由該大臣等酌量保奏其部下出力頭目並著查明分別奏請恩施以昭激勸○諭軍機大臣等慶祺奏遵旨傳知提鎮大員查看沿海情形繪圖貼

說呈覽一摺除大沽河地方諭令崇恩酌度設防外所有由天津至山海關一帶海口內如北塘蘆臺近接大沽最關緊要礮臺一切急宜安置其瀾河口等處礮臺土壘均被水衝刷蒲河口礮臺為沙土屯掩秦王島礮臺牆垛損壞石河口礮臺須加寬加高安築營壘自應亟為興修該督現派候補道春保前往督辦即著僧格林沁慶祺責成該道會同各該地方官迅速修葺務期一律整齊毋許有名無實至海口地方較多所有防海各軍應如何擇要布置以期嚴密並各海口礮位恐因安設年久未能得力應如何量加整理隨時演放俾得適用之處並著僧格林沁慶祺悉心籌畫妥為辦理將此由五百里諭令知之○又諭慶祺奏遵查沿海情形一摺天津至山東海豐縣一帶海口經慶祺遵旨傳知總兵湯蘇等前往查勘茲據該督奏稱查明狼坨子汎迤南之大山河即大沽河係山

東海豐縣界該處河口長潮時約寬四五里水深四五丈落潮時約寬二三里水深二三丈向有商船出入夏秋之交雨水盛漲與海潮相連則水勢較長附近之郭莊關莊有東省劄營舊址係道光年間防夷所設請飭東省派兵防守等語大沽河海口水面較寬且從前辦夷務時曾經劄營自係地關緊要現當海防喫緊之際所有該處海口應如何派撥官兵駐劄以資扼守即著崇恩速行籌辦毋稍延誤將此由五百里諭令知之○又諭和春等奏捻首薛之元更名薛成良獻出江浦縣城並會同官兵攻復浦口一摺已明降諭旨賞給四品頂帶其另片陳奏德興阿貽誤情形亦經降旨革任即令回京將江北官軍統歸和春節制矣江浦浦口均經收復則六合賊勢已孤張國樑現赴江北受降該提督謀勇素優威望眾著即可親往六合大營周歷布置惟南岸軍務緊要該提督亦未便

久離著和春於在營提鎮中。慎選有謀有勇之員。可以獨當一面者。迅速奏明。作為該大臣幫辦。令其分駐江北。專督北岸諸軍。俾張國樑得以南北兼顧。至江北大營。既無欽差大臣。所有原派幫辦之鞠殿華。成明。毛三元。自應一併撤銷。著和春詳加察看。該員等何人尚能得力。即留於北岸幫同和春。奏派之員督兵進剿。其不能得力者。即行奏明。撤退。德興阿所領欽差大臣關防。並著和春派員護送進京。至蕪湖太平。為金陵屏蔽。該逆接濟。皆由此路。昨據勝保奏報。有逆匪在彼收稅之事。若能將蕪太池州攻復。則賊勢自蹙。南陵等處。逆眾既已遠颺。鄭魁士。周天受。現已分路進兵。即著實力進攻。斷絕賊援。以為收拔金陵之計。該大臣兼統南北兩軍。責任綦重。自當統籌全局。力掃賊氛。當此匪眾離心。事機較順。揜渠埽穴。朕實有厚望焉。將此由六百里諭令知之。○又諭據勝保翁同書

奏請飭催各省欠餉。並請將山東浙江藩司議處一摺。已交戶部速議具奏。並允勝保所請。派傅振邦幫辦該大臣軍務矣。傅振邦督辦三省剿匪事宜。肅清淮北。是其專責。此次令其幫辦軍務。原為南北兩軍必須聯絡聲勢。遇有通融商辦之處。得以彼此合力。其北路剿辦情形。仍應由傅振邦。伊興額隨時具奏。以期迅速。至該大臣片稱。請飭邱聯恩。駐軍鹿邑太和之間。黃良楷專扼徐州後路。堵截蕭碭曹單一帶。固為分堵捻匪竄路。但東豫官軍各駐本境。則傅振邦兵力較單。不足以資勦辦。該二省邊防固關緊要。而進剿之兵尤應合力兜圍。方能直搗巢穴。本日已諭知崇恩。恆福。仍遵疊次諭旨。派兵出境會剿。即著傅振邦等。知照邱聯恩。當新黃良楷合力進攻。不可各顧一隅。轉成株守。河南候補知府張曜。現經恆福派在光州一帶。辦理堅壁清野。能否專駐三河尖地方。即著勝保咨

商恆福如不能兼顧即另派得力之員在該處駐守以免兩誤將此由六百里各諭令知之○又諭前因袁甲三奏請東豫兩省合力會剿擒匪並因擒匪有春間出巢之信疊經諭令崇恩恆福迅派兵勇與徐州官軍約期進剿嗣據恆福奏派出總兵邱聯恩等豫為布置並據袁甲三奏崇恩所派富新黃良楷統帶兵勇四千名定於開印後出境本日據勝保奏請以邱聯恩一軍扼剗鹿邑太和之間以堵西北黃良楷一軍專扼徐州後路會蕭礪曹單等鄉團力扼東北而以剿匪專屬傅振邦等惟兩省邊防固關緊要而傅振邦等兵力無多當此擒氛充斥若令東豫兩省官兵各守一隅深恐地大兵單不足以資策應著崇恩恆福仍遵前旨迅將派出前項兵勇會商傅振邦等定期出境進剿以期直搗巢穴兼可自顧邊防毋稍遷延致滋貽誤將此由六百里各諭令知之○命翰林院編修

黃傳岳世仁在上書房行走○命提督銜江南徐州鎮總兵官傅振邦幫辦欽差大臣勝保軍務仍督辦三省剿匪事宜○以江北剿賊無功已革欽差大臣德興阿革任來京○命江南欽差大臣和春節制江北軍務○丁未祭先師孔子遣兵部尚書全慶行禮○諭內閣前因景瀄奏伯都訥協領委營總常陞志圖報效自願力疾從公已派令帶兵赴津該員到營後能否病痊當經諭令僧格林沁查驗茲據僧格林沁奏委營總常陞因傷病復發不能乘騎業經稟明該將軍未曾允准仍令帶兵啟程並非自願力疾報效覈與原奏不符○景瀄著交部議處常陞病體未痊難期得力著即撤回仍著景瀄另選年力精壯之員派赴山海關管帶官兵以資得力○又諭崇恩奏遵旨審明閒散私自進京報捐一案請分別嚴議議處一摺山東德州城守尉瑞成

於本旗閒散昆峯告假赴京報捐始因該旗領催未經畫押不准給假已屬拘泥乃明知昆峯捐官到省因奉文提解勒令全德等捏報昆峯逃走實屬任意妄為瑞成著再行交部嚴加議處以示懲儆德州駐防閒散現捐試用從九品昆峯不候給假私自進京亦屬不合著交部議處○諭軍機大臣等前調錫林郭勒馬匹因尚未到哨當諭令常清派員迎催經解通州軍營本日據僧格林沁奏兩

盟官兵業已到營亟須馬匹應用所有前調錫林郭勒馬二千匹此時如已到哨著常清即派妥員催趲前進以一千匹解交天津軍營一千匹解交山海關軍營儘已由張家口行走即著該都統知照令其迅速分解各該軍營毋稍遲誤將此由四百里諭令知之○又諭前因天津海口需兵防堵諭令侍順於大凌河挑選壯馬匹以備官兵乘騎本日據僧格林沁等奏據山海關帶兵副都統格

綢額呈稱吉林頭二起官兵在大凌河所領馬匹均係疲瘦矮小騾馬懷駒者甚多是以三四起官兵均未領取已由該大臣行文該副都統另行揀選解往著侍順即行揀選騰壯驕馬一千匹迅速解赴山海關交副都統格綢額以資乘騎其前此挑選馬匹不慎之員並著侍順查明參奏以示懲儆將此由四百里諭令知之○以理藩院尚書穆蔭兼正白旗蒙古都統○戊申祭

大社

大稷遣惇郡王奕諤恭代行禮

孝淑睿皇后忌辰遣官祭

昌陵諭內閣前據和春奏薛成良效順獻城並會同參將李世忠攻復浦口當經降旨賞給四品頂帶茲據勝保等奏稱薛成良與李世忠密議投誠訂期舉事旋為粵逆知覺大股來攻江浦薛成良倉猝無援遂親往賴鎮海水營乞師夾攻殺賊甚多固守以待迨李

世忠兵到立即舉城出降遂與李世忠等直趨浦口乘賊不意首先進攻踴毀賊壘斃賊無算並陣斬懷天幅等賊渠多名殲斃生擒者一千數百名當將浦口克復是薛成良不特悔罪投誠當逆眾圍攻之時並能矢志不渝尤堪嘉獎著再加恩賞給三品頂帶並賞戴花翎以昭激勸其部下出力頭目已有旨令和春分別保奏著與賴鎮海水營出力人員一併查明請獎○諭軍機大臣等昨據和

春等奏薛成良獻出江浦縣城並克復浦口當經降旨賞給薛成良四品頂帶本日復據勝保等奏薛成良投誠係李世忠招致並因其謀泄漏粵逆來攻薛成良仍無異志復加賞薛成良三品頂帶花翎李世忠亦加優獎矣德興阿革任後和春總統南北諸軍接奉前旨自當通籌全局力圖整頓德興阿所統江北全軍為數不少張國樑現在江北正可乘此銳氣督率各軍並令薛成良新降之眾

同擣六合迅速攻克以孤金陵之勢至李世忠一軍勝保本欲令其進取和州似應先行助剿六合亦經諭知勝保酌量辦理再前據德興阿奏請給翎枝銀兩業經准其所請惟因此後續保人多應如何限制令德興阿酌定章程具奏茲據奏稱除從征多年之兵酌量加給外其新調各兵及募勇概不給予銀兩等語如此區別是否允洽並著和春等妥議具奏將此由六百里諭令知之○又諭前

因皖軍需餉甚急當經諭令何桂清於江蘇藩庫內迅撥銀四五萬兩解赴勝保等軍營應用茲據勝保等奏稱前撥之款迄今仍未據解到安徽軍營缺餉幾有懸釜待炊之勢何桂清兼轄兩省尤當不分畛域速籌接濟著該督撫仍遵前旨將飭撥四五萬兩之數迅即派委妥員解赴勝保等軍營以應急需不得稍涉延宕致誤事機將此由六百里諭令知之○又諭現據喇嘛案內續經供出阿

木呢固爾通巴之徒弟杭噶拉現在跟隨伊師在察哈爾一帶地方此係案內要證著慶昫迅速嚴拏解京歸案勿得遲延漏洩致令遠颺將此諭令知之○以招降收復江蘇江浦縣城並攻克浦口出力賞參將李世忠巴圖魯名號以副將用加賞四品頂帶薛成良三品頂帶花翎○己酉諭內閣慶英奏遊擊圖賴收寄財物請革職訊追一摺英吉沙爾換防遊擊張耀林收寄前任四品阿奇木伯克阿那雅特衣物等件抗不交還經慶英烏勒欣泰先後提訊供詞反覆嗣經派員查取物件該遊擊逞強狡展抗不交出意圖訛賴實屬無恥張耀林著即革職交慶英審訊嚴追務期水落石出以成信讞○諭軍機大臣等成凱奏遵旨揀派官兵備齊軍械聽候飭調一摺並另片奏懇恩借給官兵銀兩及籌辦採買馬匹等語此次綏遠歸化兩城備調官兵業經該將軍等會同揀選派委曾經出

師之協參領等官勤加操練屆時統帶惟現在新授歸化城副都統桂成即日可以到任此項官兵及協參領等官著俟桂成到後再加挑選將來如有調撥即著桂成統帶前赴軍營至所請綏遠城出兵官員各借半俸兵丁各借行裝銀十兩著准其於庫存駝價內暫行借支俟事竣仍照數扣還其土默特官兵既係素無俸餉所有帶兵官半俸兵丁每名行裝銀十兩著即賞給毋庸再扣惟此係整裝所用總須俟聞調啟程時始可分別賞給不得先期支付至土默特官兵未有馬匹著該將軍咨商山西巡撫迅即籌項採買派員解往如奉調在前即令步隊先行馳往可也○將此諭令知之○庚戌宗人府等衙門奏定擬黃夜夥眾強搶盜犯罪名內有宗室綿城係已革奉恩將軍應如何治罪請旨定奪得旨綿城身係宗室起意搶奪事後分贓兇暴眾著實難恩施法外著派古宗人載岱即

日帶領章京將綿城帶至伊墳瑩處所飭令自縊以昭炯戒。以直隸天津辦理海運出力。予知府石贊清等加銜升敘有差。辛亥諭內閣兵部奏請飭查護送印信玩誤之弁兵懲辦等語。兵部頒發印信向由驛遞。並給兵票隨站派撥弁兵護送。乃據山東巡撫咨稱署紅花埠汛千總宋兆麟於兵部發遞補鑄舒城縣儒學印信。福建沙縣印信兩次撥兵護送至江南劉馬莊汛均未接收。兵票是

否上下站互相諉卸。抑係弁兵擅離汛地或由營汛室虛。亟應徹底根究。以儆玩誤。著何桂清崇恩確切查明。將貽誤差使之該弁兵等嚴行懲辦。並查取江蘇山東臬司各職名一併叅處。以肅郵政。○又諭兵部奏遣戍官犯中途脫逃。請飭查辦等語。已革直隸趙州知州胡允植於失守城池案內從重發往新疆效力贖罪。年餘尚未到戍。據山西巡撫咨稱署平陽營把總王邦畿稟該官犯發遣到

站並未見面。輒云風聞該官犯半途回籍。且延至一年之久。始行稟報。種種支離殊出情理之外。著英桂將已革署平陽營把總外委王邦畿及該汛兵丁並上站弁兵一併提訊。有無賄縱情弊。審明辦理具奏。至該官犯胡允植既任意逗遛。復擅敢逃匿。實屬藐法。著直隸四川山西陝西各督撫一體飭屬嚴拏務獲。解交山西歸案嚴訊。按律懲辦。該官犯由京起解後沿途在何處逗遛。著直隸山西

各督撫按站查明叅辦。山西巡撫於該官犯逃逸年餘並未覺察。亦有應得之咎。著兵部查明叅處。○又諭前因駱秉章奏現署湖南永州鎮總兵雲南臨元鎮總兵栗襄營務廢弛難期勝任。當降旨著官文查明叅奏。茲據奏稱該員自五年夏間由德安隨營下勦攻克漢陽。均係劄營前敵。屢立戰功。並無劣蹟。請仍給咨赴京陛見等語。栗襄著來京陛見。又諭王懿德奏官軍克復連城閩省被擾

地方一律收復一摺。福建省匪徒竄踞連城縣。經王懿德等督飭官軍。疊次痛剿。並飭署總兵豫祺副將王捷元。叅將袁良等督帶兵勇。剋期收復。正月初九日。城內出賊數千。四面包抄。袁良奮勇督隊斬獲不計其數。初十日。諸軍復分投進剿。逆匪傾巢出撲。各軍奮力攻擊。斃賊無算。餘匪由四堡竄逃。當將城池收復。此次粵匪竄入閩境。勾結土匪。所至滋擾。該督撫等疊將汀州甯化等府縣克復。餘匪尚踞連城。茲復痛加勦洗。立拔堅城。閩省地方可期全境謐安。辦理尚為妥協。在事出力員弁兵勇。准由該督等覈實保奏。候朕施恩。仍著督飭臬司裕鐸。署總兵豫祺等。將竄逃殘匪。殲除淨盡。並分別解散脅從。以靖地方。○諭軍機大臣等。前因德興阿革任降旨。將江北官軍統歸和春節制。並令慎選大員。奏明作為幫辦大臣。分駐江北。專督北岸諸軍。和春等接奉後。諒已遵照辦理。本日據

勝保等奏。李世忠截剿回撲浦口賊匪。復獲大勝。並請飭德興阿派兵駐守浦口。各等語。江浦浦口。雖經克復。而六合一邑。尚為賊踞。亟應一面進攻。一面分守江浦浦口。以免賊匪復行竄踞。勝保因廬州之賊。時有蠢動。李世忠一軍。未便遽留江北。商由德興阿派兵駐守。令李世忠全隊抽撤回皖。並酌撥官軍會合薛成良新附之眾。協守江浦。自係未知德興阿業經革任。現在和春既節制大江南北諸軍。亟應迅派謀勇兼優之員。渡江督辦六合之賊。勢已孤立。且本有德興阿所帶官軍進攻。一經整頓。自不難於克復。江浦浦口。為金陵門戶。賊所必爭。和春調取甯國兵勇六千回營。剋日渡江。擬自江浦浦口。以至九洲。一律築壘開濠。令鎮將大員督同薛成良降眾分守兩城。所籌甚為周妥。著即迅速辦理。毋令再有疏失。一面督飭各軍進取六合。如能肅清北岸。則剿辦自易得手。其李世

忠一軍已諭勝保飭令助攻六合薛成良降眾除派分守兩城外亦可分令助攻六合並著張國樑就近妥為調度可也將此由六百里諭令知之○又諭勝保等奏進取高旺及截勦回竄浦口各匪均獲全勝並片陳浦口等處攻守情形咨商德興阿派兵守隘令李世忠撤隊回皖覽奏均悉浦口被匪撲入旋經李世忠等擊退必須重兵屯駐方保無虞德興阿業經革任江北各軍均歸和春節制

實錄卷二百七十六

三十九

前諭和春等選擇謀勇兼優之大員前往江北統率德興阿一軍並以張國樑現在江北受降令其乘勝督兵進攻六合又諭勝保令李世忠隨同攻勦俟六合克後再赴和全等處該大臣諒已奉到諭旨即行遵辦惟此時浦口被賊撲入幸未再失所有江浦浦口二處必得和春等派兵前來守禦方能令李世忠助勦六合本日已諭和春酌辦其薛成良降眾亦著派令助勦六合至江浦一城江南

派兵未到以前即著勝保等酌撥官軍會合薛成良新附之眾併力協守該大臣素能不分畛域著就近與張國樑商酌通籌緩急相機辦理為要將此由六百里諭令知之○浙江巡撫胡興仁奏遵查餘姚縣鄉民求減田租業佃不和土匪乘機滋事各情得旨將來全行弋獲務須持平辦理固不可曲貸鄉民以長刁風尤不准取悅紳富致抑良民徹底根究不可苟且了事又奏留營差委在籍服

實錄卷二百七十六

三十九

闕知府張修府俟清釐經手事竣飭令赴省批不准逗遛多日以杜規避○以湖南長沙協副將劉元慶署永州鎮總兵官○以克復福建汀州府城甯化順昌連城三縣城總督王懿德下部議敘賞參將袁良邑圖魯名號副將繼興守備龔正勳等花翎知縣陳疇等藍翎知府區天民等加銜升敘復官有差○緬甸安徵宿賴上霍邱毫蒙城宿松壽定遠鳳臺阜陽太和泗盱眙靈璧宣城廣德涇縣

源祁門南陵二十州縣並屯坐各衛被旱被淹被擾地方額賦有差

實錄卷二百七十五

三十一

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百七十五

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百七十六

新修

咸豐九年己未二月壬子

孝康章皇后忌辰遣官祭

孝陵○諭內閣前據勝保等奏各省協餉懸欠太多請飭催解並將浙江山東藩司從重議處一摺當交戶部議奏茲據該部覆奏請嚴定章程等語浙江山東藩司於奉撥皖餉或報解甚少或並未報解殊屬玩視軍需著各該撫查明因何延宕迅速具奏至各省欠解皖餉為數甚多著照單開各項嚴行催解其咸豐八年七月前積欠一併開單嚴催嗣後

各省藩司奉撥軍餉。延不報解。著吏部從重覈定處分。如有並未奏請改撥。擅自遲逾積欠者。即著戶部查明指參。照新定章程議處。以重軍務而濟要需。○諭軍機大臣等。何桂清奏。臚陳辦理通商機宜一摺。前因廣東距京窵遠。夷情不能遽達。致令藉端生事。欲赴天津。是以移欽差大臣於上海。並知何桂清才力能副斯任。援兩廣總督之例。授為欽差大臣。辦理通商事宜。茲據奏請簡派專員。駐

劄上海。議給養廉。以崇體制。至總督距上海較遠。事未親身目擊。恐措置失宜。並恐該夷遣人往來。似多窒礙等語。從前兩廣總督兼欽差大臣。遇有各國議事。先派員接見。原非事事與總督面議。葉名琛並不派員接見。相視太輕。而又不設備。故爾釀成此變。如果操縱得宜。亦不至蔑視督撫。況總督為地方大吏。足資彈壓。若另設欽差。以京中大員任之。恐遇事呼應不靈。現在撫局尚未大定。所有

應辦各事宜。俟互換和約後。朕當再行詳諭該督欽遵辦理可也。至該督已授為欽差大臣。即當與桂良等設法阻止。喫夷進京。並入江等事。挽回得一件。即為他時消去一件。後患未可徒託空言。至撫議已成。所有條約。自須頒發通商各省一體遵行。然須仍歸欽差酌辦。以一事權。其有據情代奏之件。該大臣要當擇其無傷國體者。方准代為上達。亦不得聽其所求。屢為瀆請。再前據勝保奏夷船

有句通金陵逆賊之事。曾諭和春等豫飭水師密訪。從前辦理夷務時。圖山關曾設礮臺。現在是否尚存。該處為入江要隘。著何桂清察看形勢。酌撥兵丁。密加防守。以備不虞。將此由六百里密諭知之。○又諭。恆福奏擒匪分股西竄。派兵前往邊界嚴防。並因豫軍分劄淝河口。兵力甚單。請飭傳振邦酌撥官兵前往會剿一摺。現在捻眾欲分股西竄。陳州圖擾禹州等處。並沈邱邊界賊鋒亦已逼近。

該撫已知照邱聯恩撥兵馳赴沈邱相機堵剿。並調滿營馬隊及考城防兵派員帶赴淝河口駐劄。又截留陝甘兵三百名亦飭前往該處扼守。自係移緩就急所辦尚屬妥協。惟擒匪現既充斥三省會剿事宜亟應迅辦。與其在本省邊界分防不如出境會剿更可力遏兇鋒。所慮豫兵不敷防守。所有陝甘官兵後起尚有四百名著即一併截留以厚兵力。該撫仍遵前旨迅圖出省會剿毋守一隅至

邱聯恩既因鹿邑緊要礙難移劄淝河口該處僅有兵九百名恐難遏賊分竄亦係實在情形。惟徐州一帶擒聚勢亦鴟張能否分撥馬步官兵二三千名馳赴淝河口會剿之處著傳振邦體察情形酌量辦理將此由六百里各諭令知之。○戶部遵議浙江巡撫胡興仁奏請截留鹽課及緩解積年京餉請飭按限批解得旨舊欠已多尚敢請緩豈獨有意宕延直視京餉為無關緊要殊為膽大胡興

仁楊裕深著交吏部分別議處。○兩江總督何桂清奏謝授欽差大臣恩得旨卿之才力足副斯任惟願汝以大局所關為念不可任意更張務期全國體籌國用奠民生以杜官吏之侵漁以絕劣紳之覬覦朕有厚望焉。○河南巡撫恆福奏皖軍行營糧臺距豫愈遠現由皖省派員接辦分別報銷得旨分限辦理以清眉目。○命前任雲南巡撫桑春榮以內閣學士候補。○予河南周家口全家殉難

通判王可思祭葬世職建立專祠子樾媳馬氏孫女暨僕役等分別旌卹一併附祀。○癸丑諭內閣惇郡王奕誼第四子著命名載瀛。○又諭鄭魁士奏官軍克復灣沚並掃平賊壘一摺逆匪占踞灣沚經鄭魁士督派參將鄭朝棟等分路進攻誘賊出巢開放槍礮立斃賊匪百餘名並擊斃黃衣騎馬賊二名該匪仍敢死拒官軍奮力直前槍礮連環佐以噴筒火箭逆勢不支官軍乘勢壓下斃賊八

九百名。生擒九名。餘匪乘夜竄逃。正月二十四日。即將灣沚收復。黃池之賊。經鄭魁士飭副將朱承先等扼劄要隘。一面親督各軍。馳往進剿。將南岸八座賊壘。一律毀平。其北岸賊壘。仍著該提督乘此軍威。迅圖肅清。○諭軍機大臣等。增慶等奏。遵查奉天海口情形。擬扼要布置。並繪圖貼說呈覽。據稱該省沒溝營。為由海入河總口。沒溝營之北。田莊臺地方。已酌定安營添礮。田莊臺迤北黃土坎。

小姐廟開河城三處。均須設伏安營。至沒溝營地方。前經玉明等奏明。安兵設礮。築立品牆。團練鄉勇。現擬將品牆加高培厚。開設擡槍小礮。其東首之東弓灣。須添築礮臺四座。安設大礮四尊。東弓灣迤北立科地方。須築礮臺三座。安設大礮三尊。並於哈利坨地方。安兵扼守。至沒溝營北岸陸路。亦應節節嚴防。惟盛京向無大礮。不能致遠。請飭於京旗礮局。或於火器營新造礮位內。酌撥大礮數

尊。由僧格林沁派員由海道運往。並揀派在津監築礮臺諳練之員。前往築辦。此項經費。非十餘萬兩。所不了局。前有長蘆鹽政應撥奉省餉銀十六萬兩。因直隸辦防截留。請即飭如數解交。以應要需等語。所請酌撥大礮。著僧格林沁即行揀選齊備。派員由海道解往。交增慶等分別安設。其所需修築礮臺人員。並著即行派往。至長蘆欠解餉銀。現值該處辦防緊要之時。自應即為籌解。著慶祺傳

諭長蘆鹽政松齡。將此項餉銀。迅速籌撥。即不能將十六萬兩。全行解清。亦須速籌數萬金。先行解往。其餘續解。以免貽誤。要工。惟以沒溝營地方。辦防經費。即須十餘萬兩。尚有金州錦州等處。現往查看。亦須布置。當此經費支絀之時。深恐難於籌畫。僧格林沁於安營設礮事宜。極為諳悉。慶祺曾任盛京將軍。地方情形。亦知大略。增慶等所請籌防各處。有無可以刪減。地方遼闊。總以扼要為主。著

該大臣等妥為籌議具奏增慶等原奏著鈔給閱看所呈沒溝營迤北海口圖式一併發去將此由四百里諭知僧格林沁慶祺並傳諭長蘆鹽政松齡知之○又諭據副都統增慶會同盛京將軍玉明等奏遵查奉天海口情形擬擇要安營設礮請將山東歷年積欠撥解奉省餉銀數十餘萬兩飭令如數解交等語奉天沒溝營等處海口辦防緊要需餉較鉅著崇恩將歷年欠解餉銀速為籌撥即

不能將所欠之項一時全數起解亦須迅即籌銀七八萬兩先行派委妥員解往餘俟續解以應要需毋稍延誤將此由五百里諭令知之○又諭前因副都統吉拉明阿輕許俄夷赴烏蘇里口會勘地界當諭奕山景瀟查明具奏並令將字約十四條一併查奏旋據景瀟覆奏吉拉明阿令俄夷俟冰泮後再行會勘係一時推緩之言與本日奕山奏報大致尚同惟綏芬河烏蘇里河既不與俄夷接

壤當時即應拒絕何以含糊推緩致令藉口至所稱廟兒地方舊有分界石碑據景瀟原奏稱係通事傳聞之語況該處尚在綏芬烏蘇里迤東與俄夷現占之閭吞奇咭相距甚遠亦豈能任意牽涉指為俄夷接壤之據其字約十四條雖稱商議未定亦當先行入奏豈有俟夷酋覆定再行進呈之理設或其中有不能俯允之處豈非又費唇舌且所許二年後差學生到俄夷屯中學藝雖云暫時搪

塞之語將來不能如約亦徒費周章吉拉明阿辦理夷務任意顛預著先行撤任並著奕山據實叅奏所有黑龍江副都統一缺著奕山遴選明白幹練之員切實奏保或即簡放是缺或先行署理聽候諭旨遵行其字約十四條何款議定何款尚須更換仍著奕山查明具奏夷酋石沙木勒幅如已到黑龍江城該將軍務將綏芬河烏蘇里河不與該國接壤之處詳細開導據理剖辨毋得再有含混

自千咎戾將此由五百里密諭知之○又諭前因甯國兵勇需餉諭令胡興仁於每月解銀六萬兩外添解二三萬兩合之皖南道月籌三萬兩共湊成十二三萬之數嗣據胡興仁覆奏本年正月內共解過甯防銀九萬兩其皖南道應解之三萬兩即由鄧瀛就近解交本日復據鄭魁士奏江浙暨徽防援軍現又添一萬六千之多需餉甚鉅甯郡僅六邑而宣城南陵兩被蹂躪其餘彈丸之地籌畫

維艱鄧瀛月籌之三萬兩已成畫餅現惟仰望浙省請飭月籌二十萬兩各等語甯防各軍現在攻復灣沚埽平黃池南岸賊壘正擬乘勝進兵其餉項急宜寬為籌備者胡興仁設法籌措每月起解即不能如所請二十萬兩之數亦須酌量加增俾敷攤放設有缺乏不獨停兵待餉亦且潰散堪虞貽誤匪輕前車可鑒該撫總當竭力籌畫勿以皖南每月三萬為必可恃也將此由五百里諭令知之

○加賞普濟堂功德林煮賑小米二百石展限兩月○甲寅

上御勤政殿召見惠親王怡親王載垣鄭親王端華軍機大臣彭蘊章穆蔭匡源文祥內務府大臣瑞麟麟魁文彩存佑文豐尚書肅順全慶陳孚恩趙光許乃普

諭曰本日據載垣等奏會審科場案內已革大員並已革職員定擬罪名先行擬結一摺朕詳加披覽反覆審定有不能不為在廷諸臣

明白宣示者科場為掄才大典交通舞弊定例綦嚴自來典試大小諸臣從無敢以身試法輕犯刑章者不意柏後以一品大員乃辜恩藐法至於如是柏後身任大學士在內廷行走有年曾任內務府大臣軍機大臣且係科甲進身豈不知科場定例竟以家人求請輒即撤換試卷若使新祥尚在加以夾訊何難盡情吐露既有

成憲可循朕即不為已甚但就所供情節詳加

審覈情雖可原。法難寬宥。言念及此。不禁垂淚。柏後著照王大臣所擬。即行處斬。派肅順、趙光前赴市曹。監視行刑。已革編修浦安、已革舉人羅鴻縉、已革主事李鶴齡均著照例斬決。以昭炯戒。副考官戶部尚書朱鳳標於柏後撤換試卷。聞中並未查詢。出場後又不即行參奏。若照舊例辦理。知情徇隱。即應治罪。即止於失察。亦應研訊。惟閱其供詞。尚無知情情弊。諒朱鳳標亦不敢公然徇縱。著從

寬。即行革職。同考官降調。編修鄒石麟為已革舉人。平齡更改硃卷。實屬違例。著革職永不敘用。其磨勘查出試卷。應行查辦之舉人余汝偕等十二名。並同考官徐桐、鍾琇、涂覺綱、何福成對讀官鮑應鳴。應得處分。著交禮部查照科場條例。定擬具奏。至墨卷內更改馬丞字樣。是否由外簾傳遞之處。著原派之監臨明白回奏。另片奏催未經到案之謝森、墀、熊元培、李旦、華等三名。著江蘇巡撫即行

派員迅速解京。歸案審訊。嗣後科場大典。東文衡者。皆當潔己虛懷。杜絕干請。應試士子亦各立品自愛。毋蹈夤緣覆轍。則朕此次執法嚴懲。正為士林維持風氣。爾在廷諸臣。當能默喻朕衷也。○諭軍機大臣等。慶昫奏遵旨查拏要犯沙布龍杭噶拉情形。覽奏均悉。阿木呢固爾通巴業已到京。現在審訊。所有查抄什物。前據奏稱。俟解送進口。即行解京。其封存物件。著慶昫詳細查點。除經卷及可

疑物件。全數解京外。其餘各物。輕便易解者。均著起解。交欽派王大臣查辦。若佛像大者。及笨重器具。著留存該處。毋庸解京。仍開明清單。並所供係何佛像。一併具奏。將此諭令知之。○又諭前因天津防堵海口。諭令景瀄於吉林調兵一千名候調。本日據景瀄等奏稱。遵旨將官兵一千名。挑選齊全。聽候調遣。惟該官兵等並無馬匹。應否撥發。候旨遵行等語。此項備調官兵。將來如須到防。自應發

給馬匹以期得力。著王明侍順於大凌河馬匹內挑選精壯馬一千匹勤加餵養。俟該官兵奉調過境時發給乘騎毋得以疲瘦馬匹濫行充數。將此各諭令知之。以浙江衛嚴兩路防勦出力。賞副將周萬遠遊擊陳昌達林保已圖魯名號知府繆德榮參將化儒都司陳殿佐守備胡應元梁成華等花翎千總丁椿榮等藍翎參將陶茂森等加銜升敘復官有差。○以浙江鄞縣團練出力。予布政司理問童可念等獎敘有差。乙卯遣官祭昭忠祠。○諭內閣彭蘊章奏收獲匿名書函。歷陳蘇州漕弊請飭查辦一摺。匿名書函例應銷燬。惟刻本內有牽涉彭姓之處。雖未實指其人。自應奏請查辦。江蘇為錢漕最重之區。若紳衿以熟作荒。不完條漕。必至上虧國課。下戢民生。實屬大千法紀。著何桂清徐有壬確切查訪。鄉紳中實係何人勾通官吏以熟作荒。不完條漕。積慣舞弊者。務當破除情面。

指名參奏。不得稍有瞻徇。自干咎戾。其刁生劣監射利營私者。斥革懲辦。至以熟作荒之弊。必有蠹吏從中勾串分肥。尤當嚴辦。該地方官或有意徇私。或形同聾瞶。均著從嚴參處。總須有犯必懲。以清弊源。至投遞匿名書信。自稱古吳老農。並有刻本傳播。此風斷不可長。著該督撫等查係何人。如所言非誣。尚可從寬免究。儻有挾嫌誣害情弊。仍著治以應得之罪。以免效尤。○又諭張芾奏官軍攻克婺源縣城一摺。安徽婺源縣城於上年八月內失守。自署皖南鎮總兵江長貴接辦防務後。疊次攻勦。獲勝。本年正月密派得力將弁斷其接濟。並督隊更番疊進。直薄城下。乘賊目張淙相等籲稟乞降。遂會合總兵李定太進擊。正月二十八等日。疊獲大勝。二月初一日。江長貴會同各軍進逼。鏖戰七時之久。俘載無算。斬隘直入。立復縣城。我軍乘銳尾追。即於是夜將高沙賊壘一律毀平。餘匪由

西路竄逸。著張芾仍嚴飭在防將弁探明賊竄何處。一面嚴扼要隘。一面分投追剿。以期淨埽賊氛。勿留餘孽。○諭軍機大臣等。本日據張芾奏。官軍克復婺源縣城一摺。據奏另將克復詳細情形。咨由浙江巡撫覈明具奏。張芾以候補京卿。督辦徽郡防務。駐劄該處。見聞較確。軍情旦夕變遷。若事事咨由浙江巡撫轉奏。轉恐有稽時日。嗣後遇有緊要軍情。即著張芾隨時專摺奏報。以重軍務。而免稽延。將此由六百里諭令知之。○調協辦大學士吏部尚書周祖培為戶部尚書。命前任大學士賈禎以大學士銜為吏部尚書。○以理藩院尚書穆蔭充國史館總裁官。禮部左侍郎愛仁。禮部右侍郎楊式穀充副總裁官。○以江西景德鎮攻剿不力。摘在籍道員劉于瀉等翎頂。○以江西崇義縣城被賊竄陷。革知縣朱淵職。責令隨營效力。○丙辰。遣官祭黑龍潭。

昭靈沛澤龍王之神。玉泉山惠濟慈佑靈濩龍王之神。昆明湖安佑普濟沛澤廣生龍王之神。密雲縣白龍潭。昭靈廣濟普澤龍王之神。○遣官祭圓明園惠濟祠。

河神廟。○頒

硃諭。近因柏葰等聽情關節一案。已降旨從嚴懲辦矣。著上書房總師傅彭蘊章等恭錄前旨。一道存貯諭旨匣內。以垂久遠。以昭法則。

○諭軍機大臣等。前諭令常清密拏德勒克色楞念經案內緊要各犯。並創挖所埋鐵盒。麴人牛角等件。昨因日久未覆業經寄諭飭催。乃據奏到。僅取具堪布及晉巴閃爍供詞。於飭拏要犯一名未獲。且德勒克色楞念經處所不止布達拉一廟。尚有另外住屋。何以不一併密查明係扎隆阿等聞風遠颺。該都統含糊了事。實屬不知輕重。著該都統即行

親往該處密速查起。並將遵辦情形迅速覆奏。不得再似前此遲延。其前此諭拏各犯。務當趕緊全獲。解京歸案。若有一名漏網。惟常清是問。將此由五百里諭令知之。○欽差大臣勝保奏。接奉

硃批訓斥。滙陳愧悔下情。得旨。能知謹慎。即汝之福。○命大學士銜吏部尚書賈禎充上書房總師傅。○丁巳諭內閣。戶部奏官地議租逾限。請飭催查辦。開單呈覽一摺。直隸省旗

租項下入官地畝。議租逾限未結。有四百七十二款。計地二千六百餘頃。自道光二十六年查辦後。由部疊次咨催。據該督等咨報。飭屬勘議者。共三百三十三款。內除隨案分別議准一百二十三款外。駁查者二百十款。尚未議租報部者一百十八款。行查取結者二十一十一款。又經該部於咸豐七年奏催。僅據覈結一款。其餘至今仍未聲明覆奏。殊屬任意玩延。著直隸總督熱河都統順天府府尹盛

京戶部侍郎。查照戶部奏咨各原案。將駁令議增各地畝覈實確查。議增報部。其未經勘議各案。該州縣既年久宕延。著派隔屬道府會同詳細履勘。妥速議租。勒限三箇月。取具親勘印結。速行報部。儻再遲逾。即指名嚴叅。仍將各該州縣遲延職名。送部覈議。又片奏。直隸省官旗各項荒地。咸豐五年冊報二千七百六十二頃零。內可墾地二百七十四頃零。試墾地四百一十五頃零。議租並行查原案。以及水衝沙壓地一百四頃零。裁汰水師營地基等地八頃八十三畝零。節經戶部奏明行查。迄今未據結報。難保無隱種吞租情事。並著直隸總督順天府府尹。即行派委妥員。立限三箇月。會同各該地方官。將前項可墾地畝。速即據實議租。招佃認種。試墾地內成熟若干。勘明議租。未墾者趕緊招佃認墾。定限輸租。其行查原案地畝。速飭查覆。勘報並將裁汰水師營地基。現在作何辦理。查明

聲覆送部覈辦。如再逾限。該部即將該督等一併嚴叅。以重國課而儆疲玩。○又諭德興阿奏進攻龍池賊壘大獲勝仗一摺。六合縣城業已面面合圍。惟城外西南隅龍池地方尚有賊壘三座。該逆派悍賊踞守。恃為犄角。本月初八日。德興阿派令富明阿進攻龍池。四面兜圍。連開槍礮。施放噴筒火箭。焚其更蓬瞭樓。逆勢不支。自相踐踏。斃賊約一千餘名。生擒四十餘名。奪獲旗幟器械。不計其數。

當將龍池賊壘三座一律踏平。經此次痛加懲創。絕其應援。六合一城已成孤立。著和春飭令將弁兵勇乘勝攻取。迅圖克復。○諭軍機大臣等。據彭蘊章等呈遞僧格林沁信函。朕詳加披覽。所籌各處布置均尚妥協。天津北塘至山海關一帶沿海口岸紛歧。若處處設防。經費兵力均有不給。自應擇要辦理。現在大沽北塘兩處防務已臻嚴密。山海關牛莊兵力過單。且夷人曾經窺伺。不可不豫為

添調。著慶祺即將宣化鎮備調兵一千名。飭交署總兵烏忠阿帶赴山海關。僧格林沁即札飭墨爾根城副都統格綢額統帶以資協防。至安肅縣安家莊習教人數眾多。如果無為匪情事。勢難概行禁止。致生枝節。該督仍飭地方官不動聲色嚴加防範。萬一夷船北來。勿令勾結滋事。將此諭令知之。○又諭翁同書奏逆匪闖入六安州城請飭楚豫兜剿一摺。該州甫經收復。於二月初四日被大股

粵匪竄入。該撫現商勝保回定遠剿辦。惟此股本係舒桐潛太匪黨。知楚軍由宿松進兵。因分路竄擾。先有竄霍山後再行合夥。由商城邊界繞出麻城。牽掣楚軍之信。嗣又有欲由葉家渡圖撲固始之語。其黨為逆賊陳玉成所統帶。最為兇悍。今既竄陷六安。楚豫邊界亟應一律堵剿。湖北官軍本由宿松進剿。著官文胡林翼督飭多隆阿等確探賊蹤。迅即進兵剿捕。此次匪眾以數萬計。必須厚集

兵力方能有濟。並著恆福於商固一帶添兵堵禦。一面商同勝保傅振邦等。不分畛域。聯絡一氣。力遏該匪北竄之路。是為至要。將此由六百里各諭令知之。○又諭翁同書奏賊匪闖入六安。急需調兵攻剿。一摺。據稱潛山霍山賊匪突撲六安。已革藩司李孟羣派兵往援。該匪已進州城。現在飛咨勝保速回定遠。籌議會剿等語。逆賊因楚軍自宿松上剿。兼之江浦來歸。勢急紛竄。以冀牽掣我兵。六

安州城收復未久。復被賊踞。亟應趕緊堵剿。以免蔓延。勝保現由竹鎮集。汭澗赴天長。盱眙。著即折回定遠。督飭各軍奮力剿擊。迅克州城。臨鳳尚未獻出。張樂行敗歸懷遠。仍負隅抗拒。土匪蜂起。捻勢復張。粵捻聯為一氣。李孟羣一軍。恐不足剿辦。六安之賊。著勝保。翁同書。迅派弁兵。馳往協剿。毋令該匪久踞。並查明文武下落具奏。本日據德興阿奏。進攻六合。踏平逆壘三座等語。六合之賊。經德

興阿奮力剿洗。計日可以克復。著勝保仍遵前旨。飭令李世忠協力攻剿。毋稍遲延。至兵餉梗阻。亦須自行提催。撥兵護送。方無遲誤。將此由六百里諭令知之。○又諭前因恆福奏。擒匪分股。西竄。豫軍兵力甚單。請飭傅振邦撥兵前往。會諭知該總兵能否分撥馬步官兵二三千名。馳赴淝河口會剿之處。即體察情形。酌量辦理。本日據翁同書奏。潛霍大股賊匪由南路闖入六安。又探聞悍賊陳玉成一股復竄至霍山。並潛山逆匪擁眾萬餘。欲由六霍一帶竄往商城固始等處。情形均甚喫緊。亟須調兵攻剿。已諭知官文。胡林翼。恆福分路截擊。惟皖豫交界防剿之處太多。兵力仍形單薄。傅振邦係督辦三省剿匪事宜。尤應統籌兼顧。著與伊興額撥兵會剿。並著商同恆福務於河南一帶。力遏該匪北竄之路。是為至要。將此由六百里諭令知之。○戊午春分朔。

日於東郊。遣成郡王載銳行禮。○諭內閣。戶部三庫檔房主事延恕。現屆三年期滿。著毋庸留任。以後為例。○又諭慶昫奏將承辦鞍廐草率之員罰賠示懲一摺。上年西凌阿委前任協領阿穆察布。成造鞍鞍廐六百副。帶往山海關應用。為時未久。即由撤遣官兵帶回。委員查收。已多脫落不全。難期適用。此項駝鞍駝廐。實屬偷工減料。著即發交阿穆察布領回。責令將原價加倍繳還。以儆浮冒。○

己未遣官祭

關帝廟。○諭內閣。王慶雲奏請嚴禁騷擾驛站一摺。四川各土司進京朝貢。經過驛站。往往任情需索。夫馬芻茭。百端挾制。滋擾民間。護解官弁。不能認真約束。並有通同分肥諸弊。實屬任意妄為。著直隸。山西。陝西。各督撫。轉飭有驛各地方官。嗣後土司過境。如有格外需索。滋擾情事。准其據實通稟。一面移營派撥員弁押送。遄行。其護解官弁。即行從嚴

叅辦。儻地方官隱匿不報。別經發覺。或任意刁難。一併嚴叅。以示懲儆。至奉調出師。兵勇每於沿途任意擾害。恃眾滋事。尤屬大干法紀。前經通諭令帶兵各員。嚴加約束。仍著各路統兵大臣。暨各省督撫。嚴飭帶兵將弁。曉諭兵丁。不准例外需索分毫。如有鼓譟行兇情事。一經查詢明確。即以軍法從事。各該地方官。如有支應過境兵差。有意遲延。致誤軍行者。亦著嚴叅。從重懲辦。○湖北巡撫胡林

翼奏籌軍援。晚必分三路進剿。得旨。所奏甚合機宜。○予湖北節年陣亡殉難被戕文武官紳兵勇婦女知縣俞恩澤等四千九百二十三名口。分別旌卹如例。○庚申諭軍機大臣等。前據玉明等奏。奉天盜風日熾。請將罪應斬決盜犯。先行正法等語。當經批諭依議辦理矣。茲據給事中李鶴年奏。奉天省自上年秋冬以來。盜賊肆行。山海關外各州縣。劫案尤多。本年會試舉人式金等。在廣甯縣界

被劫。錦縣舉人承惠等。在縣屬連山地方被劫。舉人金錫蕃會試咨文。亦被搶不能來京。應試等語。奉天為根本重地。弭盜安良。緝捕尤關緊要。該舉人等有志觀光。中途被劫。著玉明等嚴飭各該州縣。務將此案賊犯並獲。照例嚴懲。並令該舉人等先行進京。毋許因案羈留。致誤應試。至該給事中奏稱。盛京刑部侍郎和潤。賦性優柔。煦煦為仁。養癰貽患。甚至司員得贓賣放。將捕盜之人。照誣良例反坐。以致盜賊毫無顧忌等語。著玉明等確切訪查。據實具奏。毋稍徇隱。所有該省斬決盜犯。著仍照玉明等前奏。一經審實。即先行正法。一面奏聞。毋庸聽候部覆。致稽時日。以資整頓。而靖地方。原摺著鈔給閱看。將此諭令知之。○又諭。前因王懿德等奏琉球貢船尚未進口。降旨令該督撫察看情形。俟道路疏通。派員伴送進京。本日據慶端奏。該貢使於去歲十月到省。較各屆業已愆期。現在安

插驛館。請俟道路疏通。再行伴送進京等語。該國遣使遠涉重洋。輸誠納貢。未便日久留滯閩省。仍著王懿德等察看情形。如該省上游及江浙等省道路已無梗阻。即行派委委員。伴送來京。以昭慎重。而示體恤。將此由五百里諭令知之。○又諭。胡林翼奏請調京外各員。隨營差委一摺。翰林院編修林汝舟。衛榮光。檢討童棧。著吏部查明該員等。如在京供職。即奏請豫備召見。如業已回籍。著各該原籍督撫給咨來京。伺候召見。員外郎銜候補主事林聰。藝戶部主事閻敬銘。選授江西奉新縣知縣張建基。均著發往湖北。交官文。胡林翼差遣委用。○辛酉。諭軍機大臣等。崇恩奏豫籌防護海運事宜一摺。江浙起運新漕。經由東洋。如廟島之采威海石島。俚島各口。均係往來收泊要隘處所。該撫已派登州鎮總兵曾逢年。親統舟師。巡歷迎護。並責成知府汪承鏞。巡防催趲。惟該省新造廣舡一

時尚未能到水師存船無多未可深恃請飭江浙督撫將火輪船護送北上自係為慎重漕行起見此項輪船原不能隨漕北上著何桂清徐有壬胡興仁於漕船放洋時即照歷屆章程飭令勇船在洋巡緝火輪船分別住泊於余山一帶扼守攔截閩廣匪船不使乘間窺伺其護漕師船並著送至山東石島洋面交替毋得稍有疏忽將此由五百里各諭令知之○直隸總督慶祺因病賞假以布政使文煜暫護總督命即赴天津辦理海防事務

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百七十六

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百七十七

茲降曉諭事照得自清起各該官太子不保工書房恩師傳人胡國領等事前經欽奉
 上諭事件是國史館總纂官戴世昌

大學士管理兵部事務加十三級紀錄十四次
賞相兼本職管經筵講官丁未天保壬戌
庚子武英殿總裁官嚴宸吉士體仁閣

大學士管理戶部三庫事務管理刑部事務加二十三級紀錄十六次。周祖培，職官太子少司管理內閣書庫事務對引大臣軍機大臣

鎮亞漢滿洲都統戶部尚書管理三庫事務加四級隨帶加五級紀錄十二次
 賞金總裁臣經廷澤臣弘德廣教習文讀連上書庫總纂

達國史館總纂官正監撰蒙古部史經部尚書管理太常寺鴻臚寺事務加二級中功加四級隨帶加一級紀錄五次^舊優卹環布等奉

敕修

咸豐九年己未二月壬戌諭內閣直隸總督

慶祺由庶吉士授職部曹洊升卿貳咸豐四

年由倉場侍郎帶兵在獨流鎮等處追勦粵

匪出力○賞加勇號○擢任西安盛京將軍○上年

六月調任直隸總督宣力中外懋著勤勞正

資倚畀。昨據奏稱感冒風寒。當經賞假半月。

調理方冀病痊銷假遽聞溘逝悼惜良深著

加恩追贈太子太保銜○照尚書例賜卹○准其

入城治喪任內一切處分悉予開復應得卹

典該衙門查例具奏伊子翰林院庶吉士延

城駐防人員委署本城員缺茲據奏稱○新補

迪化州知州現未到任烏魯木齊都統倭什

琿布軌委本城駐防蒙古印房章京卽補同

知舒慶署理已與迴避近地之例不符迨經

該督派委會甯縣知縣伊常阿前往接署該

都統既稱其未能深悉邊疆情形未即飭赴

署任自應暫留學習何以委令審辦要素尤不可解舒慶著即撤回並查明該員曾否年滿照例辦理○諭軍機大臣等本日據僧格林沁遞到慶祺密摺一件據稱天津為全局攸關且當南漕北上之際未便輕於議戰如夷船駛到宜先示羈縻派員迎至攔江沙外與之理說仍令往上海互換和約俟肯回帆即可毋庸啟釁如竟聞進內河再當觀釁而動所見甚為詳慎著僧格林沁會商文煜豫派委員如果該夷船到即往攔江沙外與之理論勿令駛入內河其理論之詞照慶祺所擬亦尚寬嚴得體惟所派之員據慶祺所奏不令紳士出面因為周到但派委官員亦應詳慎遴選上年派委各員如卞寶書等既已懾於夷酋之狡悍且與之習熟恐為夷人所玩視此次著另選明幹有才之員派往理論以免貽誤慶祺摺著發給閱看將此諭令知之○又諭前因增慶等奏查看海口情形擬

請擇要設防當經諭令僧格林沁等覆加酌覈有無可以刪減妥議具奏本日據僧格林沁奏稱奉天海口果能節節設防誠屬周妥惟恐兵分力單且礮械亦不敷分撥自應扼要布置以期得力等語著照該大臣所議所有沒溝營海口以上之田莊臺地方著增慶等派兵於兩岸扼要處所屯紮安礮築壘嚴密設防並體察兵力及所存軍械如果足數分布即分作兩層布置僅兵力軍械俱有不敷即可統歸一處其餘口岸無須安營築壘仍酌派游兵設伏哨探遇有警動再行相機辦理至牛莊本在議添通商海口之列現雖未換和約或夷船遽行駛至自應揀派委員明白開導使其不至騷擾一面將詳細情形馳奏不得遽行用武致令該夷有所藉口其餘一切事宜俱著照僧格林沁所議妥為辦理原摺著鈔給閱看將此由五百里諭令知之○又諭本日已有旨授恆福為直隸總督

並令馳驛即赴新任。無庸來京請訓矣。僧格林沁現駐天津。辦理海防。所有籌畫餉需。及彈壓地方一切事宜。皆與總督商辦。恆福接奉此旨。即將巡撫印務移交新任巡撫瑛榮接辦。該督即馳抵天津。會辦防務。毋庸聽候部文。致稽時日。將此諭令知之。又諭。本日據官文等奏。請調取西丹並籌備戰馬一摺。業經由四百里諭知奕山。令其挑選槍箭嫺熟。堪資得力者。湊足一千名。即交該協領已

揚阿管帶赴楚。其請調戰馬一節。因現在大凌河馬匹無可再撥。各城勸捐亦恐無此力量。亦已諭知奕山。如不能湊足二千匹之數。即酌量減少。其或捐或買。再由該將軍酌辦矣。該大臣等所籌備之銀二萬兩。即可飭令委員。隨同派出之巴揚阿裏帶。前赴黑龍江。以便發給西丹等整裝之用。所請調四川山西陝西兵餉。業經分別寄諭各該督撫迅速撥解。其閏餉一節。已諭令戶部改撥矣。將此

諭令知之。又諭。官文等奏。請撥西丹並籌捐戰馬赴楚一摺。楚省現籌併力東征。其得力堪戰之馬隊不足千名。教練馬隊亦恐緩不濟急。東三省騎兵素稱勇悍。請飭調取西丹一千名。據稱已籌備銀二萬兩。派現在軍營之協領已揚阿裏帶前往黑龍江交奕山查收。為此項西丹整裝之費。黑龍江馬隊固稱得力。惟新挑之西丹。是否堪以出陣。著奕山認真選擇。如實有槍箭嫺熟。堪資得力者。

即著添足一千名。交已揚阿管帶赴楚。毋稍遲誤。至請調戰馬二千匹一節。據稱即在本地各城勸捐。或在大凌河馬羣內撥給。現在大凌河馬匹已屬無可再撥。各城勸捐亦恐無此力量。湖北帶往銀二萬兩。除發給西丹整裝外。若再採買馬匹亦恐不敷。著該將軍酌量辦理。如不能湊足二千匹之數。即行酌減。亦無不可。將此由四百里諭令知之。○以河南巡撫恆福為直隸總督。河南布政使瑛

榮為巡撫。甘肅按察使祥裕為河南布政使。甘肅候補道恩麟署按察使。○癸亥諭內閣。和春奏帶兵大員戰功卓著等語。江南提督張國樑帶兵勦賊以來。時閱數載。勤勞茂著。上年揚州儀徵失陷。該提督渡江援勦。於兩旬之間。先後收復。旋即回軍攻克溧水。實屬調度有方。著加恩賞給三等輕車都尉世職。廣西石江鎮總兵李若珠每戰必先。素稱勇敢。此次隨同張國樑克復儀揚。並於江甯鎮等地方。奪獲賊壘。斃賊多名。亦屬著有勞績。著加恩賞穿黃馬褂。以昭懋賞。○諭軍機大臣等。桂良等奏。探聞夷情堅欲進京一摺。並鈔錄新聞紙呈覽。據稱。探聞。嚨首現在香港。專候新公使。嚙嚙。嚙同赴上海。即送其進京。未進京之先。不必議辦。粵事等語。是該夷入京之志甚堅。桂良等能否阻止。尚未可定。僧格林沁到津以後。布置自己周密。仍著勤加偵探。嚴行防範。昨因慶祺密摺所陳。不為無

見。諭令該大臣商同文煜。豫為籌辦。想亦定能領會。所有桂良等原摺。併進呈新聞紙。均著鈔給閱看。將此密諭知之。○命甯古塔副都統富明阿。幫辦欽差大臣和春軍務。○以克復江蘇溧水縣城。並連復揚州儀徵府縣二城。總兵官王浚。以提督用。副都統多慶。富和。托克通。阿下部議敘。賞總兵官張玉良。提督銜參將張朝綱。遊擊鄒占魁。防禦喜昌。驍騎校哲音阿。等。花翎披甲貴春。等。藍翎餘加銜。升敘有差。○予江南浦口等處陣亡把總王台山。賴登龍。安徽濬北陣亡委參領鄂奇爾。都司黃凌雲。等。祭葬。世職。總文生鄭化南。賞卹如例。○甲子。諭內閣。步軍統領衙門奏。捐復典史李馥湘。以被叅冤抑等詞。遣赴該衙門具控。著交有鳳。王慶雲。親提人證。卷宗。秉公研訊。按律定擬具奏。前任四川彭水縣知縣福奎。試用道趙友泰。均著撤省。交該將軍等審明。福奎是否捏報勝仗。冒領餉

銀並有無勸令李馥湘息訟情事趙友泰等承審此案如何勒令另具親供一併訊取確情據實具奏○又諭伍福奏皖捻竄擾歸德府屬關入甯陵縣城旋即克復一摺安徽亳州捻匪聚眾擾豫疆經歸德府知府孫鳴珂等督兵堵剿該匪恃眾西竄於本月十一日撲至甯陵縣屬溝香集地方知縣龍德照率勇擊退斃匪十餘名並救出難民奪獲車輛甚眾是夜賊復分三股竄至龍德照奮勇督戰因城池殘破遂被逆匪闖入該縣罵賊不屈登時被害十二日辰刻孫鳴珂等援兵悉至斃匪甚多立將城池收復著瑛榮嚴飭將士將此股敗匪迅速撲滅毋任蔓延○以河南甯陵縣團出力賞五品軍功武舉史演龍藍翎以千總用○以勦匪進延革河南南陽鎮總兵官邱聯恩職責令帶兵效力○予河南甯陵縣殉難知縣龍德照祭葬世職加等建立專祠五品軍功何鈞賞卹加等○

乙丑諭內閣醇郡王奕譞於三月初八日分祿著在內廷行走仍在上書房讀書○又諭曾國藩奏官軍馳抵南康勦匪大勝攻克新城墟等處賊巢並赴援信豐一摺逆匪自攻陷南安之後聚眾數萬由南康直犯贛州占踞新城墟及池江地方正月十七等日蕭啟江令管帶田勇之知縣周慶榕等設伏誘賊分路截擊殺賊甚夥正鏖戰時又到悍賊七八千名我軍奮力死戰又將匪眾擊敗攻克新城墟賊巢除田勇斬獲不計外楚軍斃賊二千餘名生擒二百十名陣斬偽渠帥等賊目多名二十日進攻池江賊巢計斃賊三百餘名生擒十九名二十四日官軍仍伏兵誘賊轟斃多名立將池江小溪鳳凰城長江墟等處賊巢一律焚毀勦辦尚屬認真著曾國藩飭令蕭啟江等迅解信豐城圍以圖克復南安毋稍遲延○以貴州大定協副將朱興朝為福建汀州鎮總兵官以克復安徽婺

源縣城署提督周天受。總兵官江長貴、李定太。下部優敘賞守備江長泰、花翎餘升敘有差。○以楚軍援勦江西賊匪出力賞遊擊劉光明、王華國、都司賀國秀、朱寬義、賀長春、守備王春華、朱德樹等花翎從九品張恆祥等。藍翎知府王勳等加銜升敘有差。○以福建龍巖州城被賊竄陷革道員英樸、知州福增職。○以勦匪遷延革福建汀州鎮總兵官豫祺、副將王捷元職並逮問。○予安徽婺源陣

亡守備趙國興、江西南康陣亡都司龍復勝、朱華清、黃日勝、把總洪復勝、外委涂清貴等祭葬世職。○丙寅諭軍機大臣等據常清奏遵查德勒克色楞另外住屋並添派委員嚴拏各犯等語。德勒克色楞既有另外住房該都統自應遵奉前次諭旨詳細踏勘嚴密搜查如驗有剽竄情形不難究其埋藏物件乃僅以查看房內所供佛像及腰刀家具均未那移並無違禁物件等詞含糊覆奏殊屬顯

預著常清再行覆勘如屋內及院內各處有可疑形跡即行挖挖勿稍疏漏致有不實不盡。至扎隆阿等三犯現據家人和山供係外出顯與德勒克色楞原供不符種種支離尤難憑信亟應嚴密掩捕毋令日久遠颺並著常清迅速查拏扎隆阿抗噶拉、嘎爾畢等三犯務獲解京歸案辦理毋令一名漏網儻再有遲延疏忽任聽該犯等潛逃藏匿恐該都統不能當此重咎也將此由五百里諭令知

之。○又諭昨據桂良等奏夷情叵測一摺所稱上海換約及另立專條之說均未與該夷明言是該大臣等辦理此事至今尚無把握現在額肯到粵已久如日內折回上海該大臣等仍應與該夷議明在彼互換和約桂良等具有天良自必竭力補救惟夷情狡執該大臣等迫於時勢亦屬勢處兩難該大臣之苦衷已在朕洞鑒之中因思駐京一節為患最鉅斷難允行至進京換約如能盡力阻止

更屬妥善。僕該夷堅執不肯。務須剴切言明。議定由海口進京時。所帶人數不准過十名。不得攜帶軍械。到京後。照外國進京之例。不得坐轎擺隊。換約之後。即行回帆。不許在京久駐。以上各條。如肯遵辦。我等即一面奏明。一面先行回京。約定日期。俟我等到京後。爾國船隻方可前赴天津。庶不致在海口久候。如此明白曉諭。該夷自必俯首聽命。其餘三事。即可乘勢開導。僕能消弭一事。即日後少受一事之累。如不能全行挽回。亦當於三事中予以限制。以杜該夷無厭之求。何桂清係五口欽差大臣。責無旁貸。一聞該夷肯回滬。即與桂良等。同至上海。尤應盡心籌辦。王有齡、薛煥、吳煦。均能熟悉夷情。著即先行派往。遵照諭旨。次第妥辦。如該夷堅欲進京換約。何桂清即於王有齡等三員中。揀派兩員。隨同桂良等。馳驛來京辦理。免致該夷藉口。逗遛。桂良等上年在津。於夷人駐京等事。率行

允許。已屬咎無可辭。方冀前往上海。可以逐漸挽回。乃數月之久。迄無實濟。此次准其進京換約。實萬不得已之舉。該大臣等若能仰體朕心。總須在上海互換和約。方為妥協。諒不至因朕有此旨。桂良等即可將就諉卸也。將此由六百里密諭桂良、花沙納、何桂清。並傳諭段承實知之。又諭前因桂良等奏。探聞夷情堅欲進京。曾諭僧格林沁勤加偵探。並將桂良等原摺及進呈新聞紙。一併鈔給閱看。諒僧格林沁已商同文煜。豫為籌辦。現在噶爾及噶嚕嘶。是否即赴上海。尚無確信。如夷船竟駛至天津海口。該大臣等當遵照前旨。派委明幹之員。迎至攔江沙外。與之理諭。告以此間總聽候上海信息。如欽差桂良等。果有文移知照。准令入口。此間必不阻止。若在上海並未議明。斷不能擅令進口。仍應回至上海。聽候辦理。如此曉諭。該首僉肯回帆。自可毋庸啟釁。萬一不聽理論。該委員即

告以回明地方官代為請旨令該夷在彼聽候如膽敢開礮僧格林沁等已早為豫備即可觀釁而動備以兵威諒僧格林沁必能體會朕意也本日已諭知桂良等妥籌辦理一俟奏到如何情形再行諭知僧格林沁等酌辦可也將此由五百里密諭知之○熱河都統常清奏調錫林郭勒馬匹提解軍營得旨此不過遵奉施行並無的確信息何至延到十二日之久覆奏任意遲滯殊出情理之外

看汝近來辦事光景竟不似一品大員想無福受恩也○以辦理塔爾巴哈台通商事務妥協予協領哈布齊賢等升敘有差○賞湖北等省戊午科鄉試年老諸生詹逢年等八十四人舉人副榜有差○四川土司二品頂帶澤爾甲等三十六員於清漪園東宮門外瞻觀○丁卯

孝昭仁皇后忌辰遣官祭

景陵○諭內閣兵部等部奏遵議署總兵處分

一摺前署察哈爾都統現署馬蘭鎮總兵穆隆阿於家人范星日久尚未緝獲難保非有意徇庇著照部議於所兼世職降三級每級折罰世職半俸三年免其降調世職至該員應得職任降三級調用處分著俟家人范星緝獲到日訊明有無收受賄私情事於定案時由該部審明請旨○又諭曾國藩奏攻克南安府城一摺即選道蕭啟江一軍攻克新城墟池江一帶賊巢後賊黨退南安府城

蕭啟江親率所部協同管帶練勇之知縣周慶榕等進剿青龍黃龍一帶介攻逆黨死力抗拒官軍鼓銳進攻斃賊二百餘名二月初三日兵勇分數路而進賊亦分路迎敵官軍槍礮刀矛同時並舉陣斬悍賊二三百名賊復奔潰入城各軍跟蹤而入或攀堞而登賊由西門奪路奔逃復追擊二十里殲戮無算當將南安府城克復所辦尚為得手周慶榕等官紳練勇著著齡數貢奏獎並印責成揆

捕餘匪以靖地方○又諭前因曾國藩奏伊弟曾國華殉難情形當降旨賞給曾國華之父曾驥雲從二品封典本日曾國藩謝恩摺內聲明曾驥雲曾邀貤封正一品封典等語所有曾國華之子曾紀壽著再加恩俟及歲時由吏部帶領引見以示朕褒獎忠節有加無已之至意○又諭王懿德等奏克復龍巖州城一摺福建連城克復後餘匪竄入龍巖州城當經王懿德等調兵進剿並飭令已革汀漳龍道英樸剋期收復英樸即派都司賴正修等帶勇進剿並由署該州知州福增武舉吳琪各帶壯練協剿護漳州鎮總兵梁翼之亦領兵進攻正月二十三日夜我軍三路兜剿城內紳民乘機開城該逆四竄奔逃計殲斃二百餘名生擒長髮紅巾逆匪多名即在軍前正法立將州城克復在事出力員弁及傷亡勇丁著該督等查明奏請獎卹○諭軍機大臣等桂良花沙納奏遵查洋藥弊端

一摺所稱據各國領事照覆向來中外收稅章程須俟議定後再過四箇月方可通行今洋藥亦係稅課事同一例未便倉卒興辦等語與英夷條約所載立約之後於各口岸限四箇月為期之說大略相符著准其俟條約換後過四箇月再定通行收稅至內地各關收稅非夷稅可比即可先照新章通行徵收不得援上海為例至上海於洋藥內本係抽釐辦法假名義捐屢經援照海疆例請獎殊屬未協此後著仍照釐捐一體辦理不准再有義捐名目亦不准再請議敘其抽收銀兩既為接濟餉需不便遽行提解進京著將上海所收洋藥稅銀暫歸江南軍需俟軍務稍定再由何桂清等照新章辦理並著該督將所收洋藥稅銀另為一款仍按月造冊報部其餘內地各關所收稅銀仍照新章每屆三箇月委解進京不准截留抵撥如地方官有影射侵吞各弊仍著何桂清據實奏至夷

稅過四箇月後即照新章仍屆三箇月解部一次不准截留將此由六百里密諭知之○又諭前據鄭魁士奏江浙暨徽防援軍需餉甚鉅甯郡籌畫維艱等語當經寄諭胡興仁設法籌措每月的增起解茲據鄧瀛奏甯國地方彫敝請由浙全撥軍餉俟秋收後再就地籌濟等語甯國所屬地方疊經被擾被災民氣未甦一時難籌濟餉自係實在情形前諭按月籌解甯防銀三萬兩就地協濟著准

書來本吉三十七

十九

其暫緩數月察看情形再行辦理現在甯防月餉仍著胡興仁設法全數籌解源源接濟毋誤要需並著何桂清不分畛域兼籌協濟以固東南大局將此由六百里各諭令知之○以攻克江西南安府城賞道員蕭啟江已革圖魯名號○以克復福建龍巖州城復己革道員英模職○戊辰諭軍機大臣等勝保等奏籌勦各路布置情形一摺其所稱十一二兩日九洲洲夥賊來撲經李世忠擊退與和

春前奏相符惟十三至十五日該逆又復添黨猛撲幸未挫衄而賊勢甚張張國樑已由新江口劉營運至浦口南面固可無虞後路尚須兼顧現經勝保飭派兵勇馳往烏衣鎮以冀順接汴河小店斷賊來援惟兵力尚單亟需江北一軍合力攻勦著和春等與勝保和衷共濟遇有緊要咨調之事即著富明阿一面迅速撥兵策應一面咨明和春以免耽延貽誤再昨據鄧瀛奏皖南兵力雖足以守

書來本吉三十七

子

徽甯而不足以清池太須合浙江江蘇江西三省並力埽蕩所籌關繫全局並著和春等察看軍情如鄭魁士等軍現可進取江濱一帶即著酌量添兵相機勦辦將此由六百里各諭令知之○命翰林院編修李鴻章工部主事于凌辰赴安徽軍營交正紅旗蒙古副都統伊興額差委○以安徽浮山勦賊出力賞同知丁承鈞花翎通判劉春芳等藍翎知府張清元等升敘有差以皖北勦賊逗遛

需索革遊擊岳維勳職並革一等輕車都尉世職暫令隨營效力○予安徽懷遠被戕都司唐玉輝祭葬世職如副將陣亡例○己己諭內閣張亮基奏練匪戕官撲城現已擊散一摺雲南己革副將陳得功係發往新疆重犯前經恆春奏留邱北勒匪輒敢招集元黨擅殺平民與其兄陳得安狼狽為奸斂錢肥索不法已極茲復率眾搶獲民田蕎麥殺斃鄉民經該處鄉民忿激格斃原屬元有餘辜

實錄卷二七七

三

乃其餘黨瞿騰霄等猶敢假稱報復突入縣城戕官劫署經署廣西州知州彭克儁等帶兵往剿又復分股直撲州城實屬罪大惡極現在首匪瞿騰霄等業已生擒正法州城安堵其分踞邱北之匪亦已被勒潛竄著張亮基飭令該處文武分投追捕趕緊撲滅務將在逃之首匪朱開甲迅速弋獲盡法懲辦以儆兇頑○諭軍機大臣等現在審訊德勒克色楞念經一案有案內要犯阿木呢固爾通

已羅布桑達爾濟之徒弟名沙布龍又名棍楚克綿克濟經察哈爾都統派員查拏據稱已於上年十一月由鄂爾多斯前往唐古忒地方而據羅布桑達爾濟供內則稱沙布龍現回四川松潘廳卓爾濟地方著王慶雲密派幹員前往確查如該喇嘛尚在松潘廳屬地方即行密速查拏押解來京儻已回唐古忒即由該督密咨滿慶就近查拏務須迅速弋獲不得遲延漏洩致該喇嘛聞風遠颺將

實錄卷二七七

三

此由五百里諭令知之○予雲南邱北縣被戕知縣韓捧日暨伊子州吏目錫光祀總狄槐祭葬世職韓捧日妾吳氏旌表如例○庚午遣官祭賢良祠諭軍機大臣等僧格林沁奏接奉密寄諭旨覆陳籌備機宜一摺據稱夷船如到天津擬以難心灘為限該處係在攔江沙內前次諭令派員前往理諭須至攔江沙外撫勒自不相妨文煜於二十五日自省啟程計期已可到防著僧格林沁與之

會商先行派出明幹委員一聞夷船駛至即迅速迎往詢其來意如果聲稱為互換和約而來可告以此間專候上海來信爾既在彼議定則欵差大臣亦必折回與爾了結此事一俟上海文到應令幾人進口此間定當撥兵護送決不攔阻我中國總以誠信待人斷不失信若無上海文移天津實難擅准或在攔江沙外等候或回上海候信總不能遽行放入爾若聞入內河則民團鄉勇不免與爾

實錄卷三十七

三

為難設有損失地方官不任其咎總在派出之員隨機應變與之羈縻以待桂良等奏到若竟恃其船多一擁而前直入雞心灘則是有意尋釁亦不能不懾以兵威惟在僧格林沁相機酌辦至錫林郭勒馬匹據慶昫奏到於二月十六日由左翼四旗一帶草地送入熱河境內昨已諭知常清迅速分解矣將此密諭知之○又諭駱秉章奏南安竄匪攻陷桂陽等縣請飭撥馬隊助剿一摺江西南安

等處大股賊匪欲由湖南趨邵慶陷桂陽宜章興甯三縣現經駱秉章調集兵勇大舉進攻惟亟須馬隊以資追剿即著於都興阿所部官軍內抽撥精壯馬隊二百名派得力員弁管帶前赴湖南聽候調遣並由官文胡林翼催趨前進毋稍遲誤至此股賊匪人數眾多蓄謀兇狡除蕭啟江一軍已照駱秉章所請諭令耆齡曾國藩迅飭回楚外其由該撫調派之道員劉長佑等軍務當飭令迅速進

實錄卷三十七

三

剿以期收復各城盡殲醜類其失守地方之文武員弁並著查明奏奏以儆其餘將此由六百里各諭令知之○又諭本日據駱秉章奏江西大股賊匪竄陷湖南各縣城請調援軍回剿一摺江西南安大股賊匪突竄湖南攻陷桂陽要隘後桂陽宜章興甯三縣城池相繼失守現在此股逆匪既全數撲擾湖南且恐勾結粵東接境之匪竄及衡永郴桂一帶蕭啟江一軍四千餘人本係派援江西剿

辦南安賊匪昨已據報克復府城今賊既由江竄楚亟應馳回勦辦著曾國藩著齡卽飭蕭啟江統帶所部兵勇由閒道馳回湖南聽候駱秉章調遣以資堵截而免蔓延將此由六百里各諭令知之○以安徽潯江營盤失陷革參將鄧聯科等職摘都司龍正耀翎頂

實錄卷二百七十七

二十五

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百七十七

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百七十八

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百七十八
咸豐九年己未三月辛未朔遣官祭教修

歷代帝王廟諭軍機大臣等本日據恒福奏逆氛逼近商國請飭楚省就近撥兵會剿一摺皖省潛太大股逆匪連陷霍山六安等州縣並分股四路竄突聲言由舒霍六安直達商國再擾麻城豫省兵力無多距皖省各軍道路較遠惟楚師近在黃麻潛太可以就近救援著官文胡林翼酌量抽撥精兵二千名揀派得力鎮將大員統帶前往會同豫軍合力勦擊救援豫境即以保衛楚疆然不

可專事防堵務須出境會剿視賊所向遏其
兇鋒使不得擾及商固則楚豫兩省皆可安
堵恒福已知照邱聯恩調南陽鎮標等兵馳
往商固著即飛催前進相機堵剿升任知府
鄭元善知州張曜等現在光固一帶辦理堅
壁清野並著飭令該員等先就現有兵勇號
召鄉團務於沿邊各要隘相機布置嚴密堵
扼將此由六百里各諭令知之○命怡親王
載垣往天津察看海防事宜予安徽廬州

陣亡已革布政使李孟羣祭葬世職如布政
使例革救護不力副將盧又熊知府袁懷忠
職仍留營戴罪效力○以堵禦擒匪不力革
河南睢州知州王聯陞職留營效力○壬申
上御勤政殿聽政○諭軍機大臣等官文胡林
翼奏遵將三河桐城債事各員審明定擬一
摺並稱軍營前敵需人懇請法外施仁等語
已革總兵李續燾等隨同李續賓進剿皖賊
因眾寡不敵先後潰敗雖無畏葸逃避情事

惟不能力遏兇鋒以致喪師失律實屬咎無
可辭已革總兵李續燾趙克彰已革副將謝
永祐已革遊擊李運綬均著從重發往新疆
充當苦差已革副將朱希廣參將張嵩齡都
司張養吾與賊接仗受傷力竭潰散已革副
將楊得武戰已獲勝因遇霧敗退均與遇賊
即潰者有間業已革職著無庸議惟據官文
等奏稱該革員等從戎七載身經大小數百
戰現值行間需人請准飭赴前敵責令立功

自贖著照所請所有李續燾等四員均著暫
緩起解與朱希廣等四員一併留於軍營交
官文胡林翼差遣以觀後效倘再不知愧奮
即按軍法懲辦○以通政使司副使伊精額
為內閣學士兼禮部侍郎銜太僕寺卿崇實
為詹事府詹事候補三品京堂張芾為通政
使司通政使太常寺少卿奕慶為太常寺卿
○癸酉清明節

上詣

安佑官行禮遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵

昌西陵

慕陵

慕東陵遣官祭

孝德皇后殯宮遣官祭

端慧皇太子園寢御前大臣怡親王載垣

等奏遵議福州將軍東純等審明官錢局夥

賣空買空並無侵虧官項一案應如原擬將局夥程祖炳革去從九品銜從重發往新疆充當苦差鄭道舜等杖流杖徒委員知縣葉為霖等革職議處有差從之以江蘇捐輸軍餉永廣如皋金山二縣學額各五名甲戌諭內閣前據勝保等奏請推廣捐例八條當令該部速議具奏旋經吏部等部會奏分別准駁復令惠親王載垣端華彭蘊章穆蔭再行覆覈茲據該王大臣等覆奏勝保等原

奏所請歸皖省收捐推廣捐例八條除該部議駁各條其議准之候補班及軍務省分人員准於鄰近軍務省分通融捐升改捐軍營帶隊差委人員准捐免赴部投供各條查與京局捐輸並無窒礙均著照所議辦理○又諭蔣蔚遠奏勦辦正安等處逆匪獲勝一摺貴州正安州等處賊匪踞硎為巢時出焚掠而思南之賊復由婺川竄擾州境節經蔣蔚遠飭令各該地方官練分投勦辦由嚴門硎

一帶進剿獲勝疊將駐馬山等處賊巢營卡以次攻破擒戮甚眾並將婺源縣屬之上壩及西山賊洞沙窩等處賊巢踏毀又自蒲家山直達婺源縣城連破賊營十餘座攻破刺豬洞賊巢殺賊尤多其馬背地方賊壘死力拒守亦經各隊練勇分路進攻賊眾大敗追擊至紅溪河洞腦復斃賊多名餘匪由螺螄遁逃仍著該撫督飭各軍務將竄逃餘匪悉數殲除以靖地方○諭軍機大臣等景瀉等

奏夷官不遵開導馳赴烏蘇里等處並據奕山等奏副都統吉拉明阿依理拒阻不從各一摺俄夷石沙木勒幅等聲稱係木哩斐岳幅遣赴興開湖勘辦烏蘇里綏芬等處地界經吉拉明阿據理拒阻乃該夷等徑履冰下往將軍景瀉等現飭三姓署副都統富尼揚阿揀員馳往曉諭第該夷狡執異常必須極力阻止現已由理藩院行文該國薩納特衙門理論矣上年奕山允許該夷居住黑龍江

左岸辦理已屬太易復輕許赴綏芬烏蘇里會勘地界致夷酋藉詞狡賴若不嚴行拒絕吉林一帶地方又為該夷占踞無厭之求尚復何所底止至所稱丕業羅幅斯奇在京亦為勘界不知該酋此來係為互換和約並未言及綏芬等處地界該夷之言斷不可信奕山等當告以中國准俄國於海口通商並將黑龍江左岸空闊地方許俄國居住無非欲兩國永敦和好至綏芬烏蘇里等處原不與

俄國連界若肆意侵占必致有傷友誼剴切曉諭使該夷不至任意要求至奕山所擬通商條規內除該夷尚未議定三條皆有關係自應催令速行定議至第一條通商後兩國賣貨俱不徵稅雖係照伊犁塔爾巴哈台舊章辦理但現在海口各國俱係納稅若不徵稅恐與海口章程有礙且恐各國有所藉口著奕山等將此條另行妥議具奏總須俟奏定後方能與該夷言明照辦奕山另摺奏請

將撤任副都統暫行留任等語吉拉明阿辦事頗預實屬咎無可辭惟據該將軍奏稱現當夷務喫緊未便遽易生手吉拉明阿著革職暫留本任仍責令該員力圖挽救以贖前愆奕山於擬定條規並不先行具奏著傳旨嚴行申飭木哩斐岳幅如行抵黑龍江該將軍務懍遵諭旨妥籌辦理毋得再事遷就自干重罪將此由五百里各諭令知之又諭將肅遠奏請將留黔補用之副將田興恕補

授都勻協副將一摺已明降諭旨准其補授矣惟前據賂東章奏江西南安大股賊匪突竄湖南攻陷桂陽宜章興甯三縣情形甚為喫緊已咨調留黔副將田興恕兼程回湘等語現在將肅遠已派田興恕署理古州鎮總兵如另有得力之員堪以委署鎮篆即飭田興恕帶兵暫回湖南以資攻勦儻實因該員在黔得力必須留以勦賊而古州鎮亦一時委署乏人著將肅遠即與賂東章咨商辦理

毋得顧此失彼將此由六百里諭令知之○以貴州正安等處勒匪獲勝賞同知江炳琳巴圖魯名號知州于鍾岳花翎以祭歷代帝王廟工部左侍郎德全分獻未到下部議處漏未知會之司員一併議處以貴州甕安縣城被賊竄陷革知縣劉昇平守備賈玉美職予陣亡同知石虎臣經歷王紹榮外委柏占元祭葬世職乙亥祭先農之神遣豫親王義道恭代行禮○諭軍

機大臣等張芾奏賊竄建德已飛檄江長貴等派隊往援等語據稱祁門擊敗之賊竄入建德之黃柏鋪等處經守備張泰忠等接仗頗有斬獲旋因大股虜至張泰忠等退守葛公鎮致賊眾直撲城廂內外冀圖外竄雖經張芾飛檄江長貴等派兵援勦第恐兵力尚單著和春就近知照鄭魁吉帶兵往援如該逆占踞建德著即會同江長貴迅圖克復縣城儻賊匪假道建德即竄池州則鄭魁士本

欲往勦池太即可會同該地方官合力兜剿毋令賊勢蔓延將此由六百里各諭令知之○丙子諭軍機大臣等前因鄭魁士奏需餉甚鉅請飭浙省月籌餉銀二十萬兩當諭令胡興仁酌量加增嗣據鄧瀛奏甯國地方彫敝按月三萬兩之數未能籌措復諭胡興仁設法籌解並諭何桂清協濟茲據胡興仁奏甯防餉需足數支放並滙陳辦理情形一摺現在黃池鴉山已無賊蹤甯防稍鬆金陵等

處援軍均已調回所需軍餉自可較前撙節甯國地方被災被擾所籌三萬兩已准其暫緩數月此後仍應竭力徵收地漕釐捐等項以供軍儲著何桂清飭令該道認真辦理不可徒恃浙餉致有貽誤該處係江南統轄又為浙省門戶著何桂清胡興仁仍遵前旨無分畛域通籌協濟毋誤要需將此由五百里各諭令知之○以大學士銜吏部尚書賈楨為會試正考官刑部尚書趙光戶部左侍郎

沈兆霖工部右侍郎成琦為副考官○以協辦大學士戶部尚書周祖培兼署吏部尚書兵部尚書陳孚恩兼署刑部尚書工部右侍郎景廉兼署吏部右侍郎宗人府府丞錢寶青署吏部右侍郎吏部左侍郎匡源兼署戶部左侍郎兼管三庫事刑部左侍郎靈桂兼署工部右侍郎兼管錢法堂事務○命副都統伊興額督辦河南防剿事宜以署山東臨清營副將雙齡為河南南陽鎮總兵官○

以河南杞縣剿匪出力賞已革河北鎮總兵官崇安六品頂帶餘升敘有差○復河南陣亡已革總兵官邱聯恩原官予祭葬世職如提督例參將福瑞祭葬世職如副將例○丁丑諭內閣勝保翁同書奏官軍扼剿圍撲護城賊匪連獲勝仗一摺安徽逆匪糾集安慶賊黨圍撲護城營盤經勝保親督大隊馳往剿辦副將格洪額等帶領馬步分路接應該逆撲至護城以北之王家橋列隊西南北三

面山岡我兵前隊過橋轟擊復用火箭噴筒拋入壘中木城火起兵勇一擁而入斃賊甚眾餘匪棄壘狂奔立將西北賊營兩座平毀該逆復由南岡分股接應我軍後隊分路迎戰護城營內官軍亦即出隊內外夾擊將東西圍營之賊衝散護城重圍立解西南面賊眾乘我兵撤隊之際復敢全股來犯賊首陳玉成等往來衝突勝保揮令馬隊分兩翼包抄並令親軍小隊兵勇以短兵回擊鏖戰良久將賊眾壓回西南岡是日計連踏賊營四座殲斃長髮賊二千餘名陣斬賊目則天幅等五名著勝保等督飭將士乘勝進剿迅掃賊氛毋稍延緩○諭軍機大臣等本日據常清奏遵旨覆查情形並自請議處一摺德勒克色楞住房既據覆勘詳查並稱必須在場知情之噶爾畢等擊獲到案方可訊明創挖情形現在噶爾畢等尚未捕獲所有德勒克色楞五黨住房及布達拉廟念經處所即不

得容留德勒克色楞之人在彼居住著常清即將該兩處屋內居住之人盡行逐出派員嚴密看守其器具什物均著不准移動至扎隆阿杭噶拉噶爾畢等三犯均係案內要證豈可任其遠颺仍著常清設法購緝查拏歸案毋許一名漏網將此由五百里諭令知之○又諭連日據恒福奏亳州擒匪闖入豫境竄陷甯陵睢州經官軍立即克復該匪復撲擾西華縣勢甚猖獗河南山東一帶儼有疏虞處處可以北竄深為可慮著僧格林沁於

防海官兵內酌量抽撥馬步精兵一二千名前赴黃河北岸擇要防堵揀派得力大員統帶前往儻聞何處告警即可就近馳援以期有備無患如抽撥以後海防不敷調遣尚有各路豫備官兵可以奏調補數如足數調遣則暫緩添調以節經費著該大臣斟酌辦理至直屬大順廣等處民風素稱犷悍現值鄰氛甚熾深恐勾結滋事前調本省官兵一千

名在大名駐劄應否再行添調以資布置著文煜酌度情形妥為調度將此各諭令知之又諭昨因捻匪竄擾豫境伊興額統軍赴援已明降諭旨命該副都統督辦河南防剿事宜矣惟該副都統係幫同傅振邦勦辦捻匪之員一切緩急機宜自應與傅振邦和衷商辦通籌兼顧河南為完善省分固應極力保全而清淮逼近徐宿由靈璧泗州五河一帶皆可繞越北竄捻匪於馬隊官兵素所畏

憚即應分投布置方不致有偏輕偏重之患傅振邦已撥馬步隊一千一百餘名援豫而伊興額復將全營馬隊悉數帶往則東路未免空虛勝保節制安徽全省軍務著即統籌酌度將傅振邦伊興額所帶馬隊酌量成數均勻分撥俾兩路不致偏枯傅振邦伊興額務當和衷商榷審度輕重不得各執己見專顧一面致誤事機將此由六百里各諭令知之以安徽甯國防勦不遵調度革遊擊楊

國正職發往軍臺效力贖罪復安徽陣亡已革總兵官柏山原官予祭葬世職如總兵例戊寅諭內閣平安峪萬年吉地將次興工所有工程處存儲物料並開工後匠役眾多著馬蘭鎮總兵督率弁兵照料彈壓又諭奕山奏遵議添設官兵並籌餉製械等章程一摺前因署河南巡撫瑛奏請添設黑龍江馬隊官兵經軍機大臣兵部戶部遵旨會議請先行添設一千名其月餉馬匹器械

等項均令該將軍酌度辦理茲據奕山查明覆奏著照所請所有黑龍江應添馬隊官兵著於黑龍江城添設馬甲一百五十名齊齊哈爾添設馬甲二百五十名墨爾根城添設馬甲一百名呼倫貝爾添設馬甲二百名布特哈添設馬甲三百名此項兵丁係由各該處餘丁內挑補即歸各該佐領管轄毋庸另設驍騎校等官應領餉銀即照各該處舊例發給每年約需銀一萬八千兩著戶部籌議

按年撥解各該處官兵向無官給馬匹此項添設兵丁著俟調用時查照成案發給馬價銀兩其應置應添器械共需銀六千四百餘兩著於河南省釐金項下撥銀一萬兩應用該將軍即揀派幹員妥為製造工竣覈實報銷又諭王慶雲奏邊疆廳縣要缺請變通起俸日期一摺四川雷波等廳縣地居邊要漢夷雜處夙稱難治該督奏請援照成案以奉到升補部文之日起俸著照所請所有雷

波越雋義邊馬邊四廳並清溪縣及現改邊缺之屏山縣均著准其署任內奉准升補部文之日即行起俸三年俸滿合例保題未經引見以前仍不准遽請升階以示限制以理藩院尚書穆蔭兼署兵部尚書以鑲藍旗漢軍都統綿森署正紅旗漢軍都統己卯諭內閣四月初九日
常霄大祀朕現尚不能勉行全禮著派豫親王義道恭代朕仍在宮內齋宿先於初八日親

詣

皇穹宇行禮以昭誠敬諭軍機大臣等本日據桂良等奏探聞夷情仍堅欲進京並鈔錄夷文各件業經諭知桂良等再加開導設法挽回矣惟披覽照會各件情詞桀驁並據桂良等奏探聞有喫夷帶兵二千名船十餘隻直赴天津啼味兩夷各帶兵船之信現在桂良等如能設法羈縻令其即在上海換約固屬妥善如竟不能阻止則到津後亦恐非口

舌所能爭勝况既帶兵船必至用武前諭僧格林沁於防海官兵內酌撥馬步精兵一二千名赴黃河北岸扼劄日內尚未據覆奏現當夷氛甚惡急宜厚集兵力以資捍衛此項官兵調出後深恐海防不敷調遣即著該大臣酌量各路豫備官兵內應行調補若干迅速具奏以便早為催調將此諭令知之又諭桂良等奏探聞夷酋堅欲進京並鈔錄照會呈覽一摺該夷等反覆無常情詞狂悖固

非口舌所能駕馭該大臣等擬俟其到滬先為開導如不允從再令中國商人與外夷各商向其曉諭自是釜底抽薪之計夷人行止每多取決於商人或可冀其挽回事已至此諒桂良等亦必當竭力維持不致仍前遷就儻實在不能阻止亦必遵照二月二十五日諭旨與之約定人數言明換約後不許逗遛不得攜帶軍械不得坐轎擺隊方可許其進京其長住京師之說斷不能准若如桂良等

所探暎夷有兵二千名船十餘號味夷嘯夷亦各有兵船多隻則意在尋釁斷難任其深入勢將開仗用兵必須在滬換約方可消弭此患即二月二十五日諭旨亦萬不得已之下策該大臣等不可視為正辦所恐嘯夷兩首不回上海徑赴天津礙難辦理著桂良等迅由火輪船照會噶首噶首邀其先到上海云有要事相商或可挽回中止如探聞該首等已駛天津該大臣等即遵前旨帶同江蘇

官員馳驛來京辦理免致遲誤至嘯夷照會內鈔錄偽摺片既係番字譯出漢字恐係外國奸人偽造現在中國既已查拏捏造諭旨之人則外國亦應一體查辦以釋嫌疑著桂良等明白知照該夷將此由六百里密諭桂良花沙納何桂清並傳諭段承實知之○庚辰諭內閣前因御史來儀奏參直隸易州知州李同文各款當降旨將該員撤任交該督提省訊究茲據文煜奏稱該御史所參該員

不理公事私設班房及私斷鐵錢隱匿蝗災等款提訊查訪均無其事惟於民戶懸額頌揚雖已推卻究未能豫為斥阻又州署女工入廟燒香雖非該員眷屬亦屬約束不嚴均難辭咎李同文著交部議處又諭恒福瑛榮奏官軍擊退北路捻匪回巢並勦辦南路大股匪徒獲勝一摺亳州捻匪圖竄河南邊境闌入鹿邑縣屬旋經兵勇勦退該匪復撲柘城縣城經代理知縣陳桂林督勇守禦合

力堵勦賊眾向東南敗走竄回皖境其前次竄至杞縣之賊向考城邊界奔竄伊里綱阿等督率兵勇兜擊賊即敗竄其前隊馬賊撲至歸德府城南關知府孫鳴珂等督軍守禦各鄉團勇復出策應匪眾均向皖境竄回老巢其南路竄擾舞陽等處之匪經伊興額馳往勦辦在商水縣東南遇賊接仗馬隊四面抄擊自辰至申鏖戰五時之久賊始紛紛潰散官軍乘勢追殺直至安徽太和縣境馳逐

三晝夜沿途擊斃淹死者不計其數此股步匪業已殲除殆盡仍著瑛榮等督飭將士認真探捕勿留餘孽又諭恩慶奏查辦裏塘夷匪讎劫各案審斷完結一摺此案格桑喇嘛彭錯扎巴洛珠二名因查碌頭人恥本格喜謀爭副堪布缺挾讎互劫輒敢屢次撒站藉端挾制實屬刁狡著照所請撥往前藏交地方官嚴加管束查碌頭人乍魯祥秋等以爭缺微嫌竟至糾眾滋事讎劫數年亦屬法

無可貸姑念其悔罪輸誠已將兇夷縛獻著從寬免其究處夷目鄧珠拒傷土官登時殞命著即行正法以儆兇頑論軍機大臣等前因豫省肅清據曾望顏奏請將商維防兵悉行裁撤近據恒福疊次奏報亳州擒匪闖入豫疆竄擾甯陵睢州蔓及西華等處經官軍截勦獲勝匪勢已挫難保不復行滋蔓陝省商維等地方撤防以後據曾望顏奏稱仍將保甲團練加意整頓各處村莊有未設立

寨堡者飭令修築現在鄰氛不靖辦團築堡等事必須實力經理著曾望顏即行飭屬認真籌辦如河南擒匪有西竄消息應行調兵堵勦即著曾望顏會同經文岱豫籌布置以期有備無患將此由五百里諭令知之豫撥吉林黑龍江馬隊官兵各二百名備奉天防所調用封禁熱河鉛銅礦從都統常清請也以勦辦河南擒匪獲勝開復副都統伊興額革職處分賞還頭品頂帶以

查辦四川裏塘夷務出力賞同知宣維禮守
備鍾淮孫廷槐馬仁傑等花翎通判莊裕崧
等藍翎餘升敘有差予河南睢州陣亡州
判史存禮吏目王庭蘭祭葬世職辛巳
孝賢純皇后忌辰遣官祭

裕陵諭內閣前因御史李培枯奏河南候補
知縣張紹英浮冒勇糧誤陷團練各情當降
旨交瑛察查明參辦茲據恒福奏張紹英委
赴舞陽勦辦捻匪所帶鄉勇除遣回外僅留

實錄卷百六

三

二十餘名並無浮冒數百名之事所參欲攬
團練經費並欲焚燒民房團長畏懼多以賄
免一節訪查並無其事該員因角子山勦匪
出力開復原官並非因詐冒拏獲捻首得功
生員劉恕行窩匪分贓提審屬實在監病斃
並非張紹英受賄誣指所有張紹英被參各
款既據恒福查明委無實蹟著免其置議
又諭昨據恒福等奏官軍勦辦南路大股匪
徒獲勝茲據伊興額奏稱督帶馬步各隊追

賊至商水縣屬之老湖坡地方該逆回頭抗
拒官兵分路齊進伊興額繞出賊後佐領穆
克德布富亮等奮勇爭先匪勢不支紛紛敗
退官軍乘勝追殺直至太和縣之孫家圩大
獲全勝著即乘勢進攻宿州西南各賊圩務
期淨絕根株毋留餘孽諭軍機大臣等本
日據伊興額奏袁甲三軍營委員弊竇多端
請飭查辦等語據稱該副都統接任後查點
兵馬錢糧管理營務處委員徐曉峯等日久

實錄卷百六

三

並未造冊稟覆又不將底帳呈繳並據委員
孫洪金面稟袁甲三糧臺有二萬餘金無著
各情伊興額現派幫辦勦匪事宜袁甲三軍
營委員自應將兵馬錢糧數目詳細造冊呈
送以憑查覈乃該委員等並無一字稟覆經
該副都統嚴行札飭又復含混具稟似此任
意延玩難保無希圖浮冒開銷情弊著勝保
翁同書按照所奏秉公查辦如有虛報勇數
冒銷錢糧即將委員徐曉峯等奏請革職拏

問以杜冒濫而飭戎行將此由五百里諭令知之○又諭伊興額奏馬隊不敷勦辦請飭撥吉林小槍馬隊五百名前往等語吉林馬隊官兵經各處徵調疊據該將軍奏稱實難再行抽撥前因恒福奏請撥馬隊因吉林既無可撥但撥黑龍江餘丁二百五十名前赴河南軍營已據奕山奏如數挑選派員管帶於二月初三日啟程赴豫係由蒙古草地入山海關就近遊行此項馬隊俱係挑選年力

實錄卷百七十八

五

精壯技藝嫺熟之人當可得力現在伊興額督辦河南防勦事宜所有前調黑龍江兵著歸該副都統統帶即行迎提到營迅掃擒匪毋任蔓延將此由六百里諭令知之○以浙江捐輸軍餉永廣海甯歸安鎮海三州縣學額各三名烏程縣二名山陰蕭山諸暨上虞鄞五縣各一名○予江西陣亡把總黃龍先外委李先益李楚文劉文友祭葬世職○壬午諭軍機大臣等僧格林沁文煜奏遵旨酌

撥官兵一摺僧格林沁於海防抽撥昭烏達吉林黑龍江官兵共二千名派員統帶前往黃河北岸文煜並撥官兵千名交大名鎮道擇要防守均著照所議辦理惟抽撥之後海防兵力較單本日已諭景瀉特普欽奕山將吉林黑龍江備調之兵各一千名飭令迅速啟程仍於山海關截留各五百名其餘一千名即屯劉天津海口並照該大臣密咨俟此項官兵到防後再令常山樂善等統帶所撥

實錄卷百七十八

三

之兵前往黃河北岸以資防堵所需馬匹已諭慶昫挑選迅速解津並傳知武備院製備弓箭等項聽候該大臣調取矣另片奏大沽海口布置周密不可令人窺伺等語夷船如至海口該大臣等仍遵二月二十九日所寄諭旨先行派員曉諭如有旨准其進京換約即令其在攔江沙外停泊用內地船隻渡進內河由北塘登陸到津仍由水路至通屆時的量辦理可也將此諭令知之○又諭據倭

仁奏奉天海口情形。沒溝營防守若固。三叉河一帶。自可無虞。增慶等現擬在黃土坎等處設防。實屬無益。本日已據王明等覆奏。均照僧格林沁所議辦理矣。至所稱增慶隨帶多員。驛馬用至八九十匹。供應浩繁。沿途不無騷擾等語。著增慶明白回奏。如該副都統所帶隨員。果有騷擾情事。並著王明景霖迅即查明。據實奏。將此諭令知之。以正藍旗滿洲印務參領雙祿署正紅旗漢軍副都

實錄卷一百六

二十

統。調吉林黑龍江挑備官兵各一千名。分赴山海關天津防堵。調察哈爾牧羣馬二千匹。解往天津備用。予江南浦口陣亡把總張大瑞祭葬世職。癸未諭內閣。略乘章奏查明已革總兵各劣蹟實據。並有侵虧營餉重情。請拏問提訊一摺。已革湖南永州鎮總兵樊燮。有署內差役冒領兵糧。攤派養廉。蓋造房屋。並演戲賞耗。開銷公項。各劣蹟。前經諭令略乘章查明。奏。茲據奏稱該革員

種種劣蹟。均有確據。且擅提廉俸。數至盈千。懸款無著。署中一切使用。復從用營中銀錢。至數千之多。實屬恣意侵虧。大干功令。亟應徹底研究。以儆官邪。樊燮著即行拏問。交略乘章提同人證。嚴審究辦。並著湖北巡撫飭查該革員現在行抵何處。即日委員押解湖南聽候查辦。諭軍機大臣等。傳振邦伊興額奏進擣澮南賊巢。並疊次擊退外援一摺。此次官軍勦擊擒匪。擒斬甚多。惟畢家集賊

實錄卷一百六

二十一

圩尚未攻破。亟應乘勝進勦。迅克賊巢。傳振邦現帶馬步兵勇。前赴澮南。著即會同苗沛霖等兵練節節掃蕩。伊興額回抵灘口。亦著隨時商酌。探明何路緊要。即向何路奮擊。毋令該匪再行紛竄。將此由六百里各諭令知之。又諭前因捻勢猖獗。疊次諭令東豫兩省官兵出省會勦。本日據傳振邦等奏進擣澮南賊巢。連次擊退。外援擒匪。屢受懲創。亟應乘勝進攻。以冀掃穴。擒渠。盡殄醜類。著宗

恩即飭黃良楷富新等速行會合傳振邦移師進剿毋稍遲延河南官兵已歸伊興額統帶所有豫省進剿機宜即由該副都統妥為調度瑛榮仍飭本省帶兵各員會同前進不得株守一隅致滋貽誤將此由六百里各諭令知之又諭前因宿州軍營需餉甚亟當諭山東河南山西各將欠餉並每月應解餉銀趕緊籌解嗣據河南山西各奏報解銀數萬兩及萬餘兩不等而山東並未報解現在

實錄卷一百一十八

二十八

捻氛尚熾傳振邦等一軍西援永毫東控靈泗以扼北竄剿辦正當喫緊而每月發餉不足十日之數甚至兵饑逃散營員自縊情形甚為危急著崇恩英桂瑛榮各嚴飭藩司將每月應解協餉二萬兩依期如數解濟其從前積欠若責令一時全解恐力有未逮著自本年三月為始按月搭解一萬兩毋再推延並著曾望顏每月協濟銀二萬兩解赴徐州糧臺應用將此由五百里各諭令知之○以

克復江西吉安府城賞都司姜維揚巴圖魯名號同知呂紹奎都司蕭品元吳開泰姚得勝李世顏秦國勝守備戴國泰在籍二品封職黃贊禹等花翎把總馮有翼等藍翎餘加銜升敘有差以安徽兵練疊次剿匪獲勝賞守備苗天慶巴圖魯名號軍功張誠心藍翎餘升敘有差予安徽護城陣亡知府顏懷忠祭葬世職護軍孝順祭葬世職如護軍校例武生遲乃光祭葬世職如把總例○甲

實錄卷一百一十八

三

中

上詣靜明園

龍神祠祈雨拈香遣惠親王綿愉詣清漪園

龍神祠睿親王仁壽詣

黑龍潭恭親王奕訢詣

覺生寺拈香諭內閣倭什琿布奏兵餉缺乏請飭速為籌撥一摺甘肅省應撥烏魯木

齊滿洲營兵餉近年短解甚多該營兵丁需餉緊要著樂斌先行籌撥銀十數萬兩以資

散放至山、東、山、西、河、南、陝、西、應、解、甘、餉、前、經、
諭、令、該、撫、等、各、撥、銀、十、萬、兩、著、戶、部、飭、催、迅、
速、籌、解、此、外、各、省、欠、解、甘、餉、並、著、該、部、查、明、
一、併、酌、撥、催、解、以、濟、要、需、補、鑄、廣、西、平、樂、
協、副、將、平、樂、府、通、判、經、歷、平、樂、縣、知、縣、各、關、
防、印、信、從、巡、撫、勞、崇、光、請、也、乙、酉、諭、內、閣、
端、華、等、奏、請、飭、催、各、州、縣、欠、解、租、銀、一、摺、直、
隸、及、順、天、府、所、屬、各、州、縣、地、畝、房、間、應、收、租、
銀、係、步、軍、統、領、衙、門、歲、修、各、工、及、一、切、辦、公、
要、需、乃、各、州、縣、連、年、拖、欠、竟、積、至、六、萬、五、千、
四、百、餘、兩、之、多、以、致、該、衙、門、辦、理、一、切、倍、形、
支、絀、且、所、欠、租、銀、不、皆、民、欠、即、如、遵、化、州、欠、
解、各、款、前、據、該、督、訊、明、係、該、州、梁、寶、書、那、用、
勒、限、催、追、何、以、迄、今、五、年、之、久、未、據、解、到、此、
外、各、州、縣、欠、款、亦、恐、有、侵、挪、之、弊、著、直、隸、總、
督、順、天、府、府、尹、按、照、該、衙、門、單、開、各、款、嚴、行、
查、追、務、令、照、數、批、解、毋、許、延、宕、儻、仍、前、拖、欠、
即、著、據、實、嚴、叅、以、儆、玩、泄、而、重、款、項、

實錄卷七十八

二十

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百七十八

實錄卷七十八

五

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百七十九

蘇修德戲雲峰延日清起客注云太子天保上書唐魏師傳文淵閣領事翰林院掌書指客欲奉上前書件處國史館總裁日武英殿

大學士管理兵部事務加十三級紀錄十四次。賞領奉天鎮戴官廳莊講官太子太保太子少保尚書等武英殿總裁官教習學士古稀後

大學士管理戶部三庫事務管理刑部事務加一十三級紀錄十六次周祖培翰林院侍讀內閣學士管理戶部三庫事務對引大臣兼職大臣

鎮江鎮江洲都統戶部尚書管理三庫事務四品隨帶加五級紀錄十二次_著 寶璽總裁官經廷奉旨以總版教習漢文繕造字書房總辦

建國史館藏武官平藍旗蒙古都統禮部尚書管理太倉寺鴻臚寺事務加二級事功加四級誥敕八次乾隆五次

較修

咸豐九年己未三月丙戌諭內閣何桂清奏

營員希圖補缺許告挾制請革職審訊一摺
據發江蘇參將台斐音經何桂清派委接署
江陰營遊擊輒因地近海濱擅將委牌呈繳
爭論缺次並牽控署鎮江營參將常潤署撫
標中軍參將慶春賄通書吏謀缺希圖挾制
業經該督查明所稟各情毫無實據且該員
係保舉俟補缺後以副將升用並無先換頂
帶字樣乃敢擅用二品頂帶種種謬妄必當
徹底查訊台斐音著即革職交徐有壬提同

人證審明辦理常潤慶春著一併解任聽候
質訊○以江蘇籌餉出力布政使王有齡下
部優敘○以辦理江蘇糧臺出力賞州同李
光熙花翎從九品吳尚勤藍翎知府江清驥
等升敘有差 丁亥諭內閣前任安徽學政
沈祖懋奏交卸日期一摺沈祖懋業經交卸
學政闕防尚有經手石埭兵勇餉需現在趕
辦清冊著俟報銷完竣再行來京 又諭勝
保等奏官軍擊退護城大股逆匪疊獲勝仗
一摺護城東面賊壘前經勝保督兵踏毀並
移營八斗嶺等處進逼賊營本月初四五等
日該逆率眾分三路出撲八斗嶺勝保揮軍
迎擊馬隊由兩翼包抄伏兵齊起賊眾慌亂
回奔我兵奮勇追擊十餘里其西路賊匪撲
近辛家岡即經守備徐立壯等帶領馬步迎
頭截斃斬擒甚多初六日穆勝阿等督帶馬
隊由東面趕赴梁園一路行抵護城以東之
葛家集適遇該逆大股排隊而來我兵撤上

山梁誘賊撲近驟馬回擊殲斃賊匪無算賊向界牌一帶逃遁餘匪挖殺殆盡並將賊營二十餘座焚毀護城肅清仍著勝保等督飭將士扼要堵剿將竄匪悉數殲除毋令逃逸○以安徽懷遠防剿出力開復副將銜都司黃開榜頂帶○以赴防安徽天長約兵不嚴革都司藍新恩職○戊子禮部以宗室會試中額請得旨取中二名以故奉恩將軍綿洵子奕禮襲爵○已丑諭內閣胡興仁奏已

革知縣查無下落恐其在京藏匿請旨嚴拏等語已革浙江麗水縣知縣顧泰係先期出城逃避應行正法之犯必應嚴緝懲辦除由江蘇原籍查拏外著步軍統領衙門順天府五城一體嚴拏務獲○又諭王明奏閩省解到戰船不堪駕駛請飭補造一摺福建成造奉天旅順口水師營八號戰船據該將軍驗明長寬尺寸未能如式且多有損壞實係不堪駕駛難保非該弁林飛生有以舊抵新之

弊著王懿德慶端查明參辦並將此項戰船趕緊如式補造派委妥員解交旅順口水師營以資利用○諭軍機大臣等王明奏奉天省盜風日熾擬請暫回省城辦理等語現在田莊臺一帶業經設防尚屬安堵該省既有盜賊橫行與官兵拒捕情事該將軍自應親往查拏以靖地方所有田莊臺防務著府尹景霖督辦如沒溝營等處探有夷船駛至之信該將軍仍當迅速前往相機籌畫辦理將

此諭令知之○又諭前諭勝保將傅振邦伊興額所帶馬隊均勻分撥俾兩路不至偏枯茲據伊興額奏稱現帶馬步兵勇不及傅振邦之多再難撥留等語伊興額督辦河南防勦事宜究與傅振邦共辦一事現在移營永城縣界距賊圩甚近既可扼賊北竄且可援應鹿邑陳州一帶現在擒匪有竄擾陳州之說該副都統自應探明賊蹤就近策應傅振邦原帶兵勇為數本多又有山東會勦兵勇

四千名足敷分布所有伊興額兵勇自可無須撥留一俟西路肅清仍應與傅振邦合剿圩賊不得以有用之兵株守豫境致有貽誤傅振邦係幫辦勝保軍務伊興額又係傅振邦幫辦之員或應分攻或應合剿均應統籌全局同心剿賊不得稍分畛域致負委任將此由六百里各諭令知之○以刑部右侍郎黃贊湯兼署戶部右侍郎兼管錢法堂事務○免熱河調防官兵應扣整裝銀○庚寅諭

內閣朕御極以來屢經特詔求言內外臣工敷陳時事凡有關國計民生者無不隨時採擇立見施行本日據許彭壽潘祖蔭楊泗孫奏入春雨澤稀少請戒諭諸臣臚陳得失等語夫遇災修省原非博納諫之虛名况現在軍務未平民困未蘇朕祇承祖訓上逆天庥宵旰焦勞無時少釋在廷諸臣自各部院堂官至科道等原准其隨時獻納並未豫飭

其緘默旁觀各大員等羣力匡襄尚有能喻朕意者至科道等身列諫垣遇事直言方為不負職守近來頗有不盡為公者即如去歲科場案出率皆諉為不知不獨巧避怨讟兼可瞻徇年誼世道人心若斯澆薄誠堪浩歎朕深愧訓諭無方繼自今若不激發天良數陳要政以補救時艱國家安用此臺諫為耶將此詳諭在廷諸臣知之○又諭戶部奏請飭籌辦淮南鹽務酌擬條款開單呈覽一摺

淮南鹽課為撥解大宗近年因長江梗阻經戶部議令就場收課辦理數年稍有起色尚未能復舊額亟應設法籌辦以裕課款著照該部所議如通泰各場於適中之地駐劄武職大員稽察出入以杜偷漏泰州總局及分局酌增稅銀淮鹽侵越浙岸於京口等處地方設卡抽收稅銀抵補浙課又事務較簡各場鹽官酌量裁併又川淮各私由湖北關入湖南者必由岳州經過於該府設局抽稅其

餘毗連川粵處所各設稅卡以防偷越江西
饒州吉安建昌九江等府各於適中地方設
局仿照湖北章程一律收稅所議均尚周妥
各該督撫果能認真籌辦於餉務餉需實有
裨益著兩江總督江西湖南各巡撫悉心籌
畫妥速辦理另片奏准北代納協貼懸課網
運積壓未據奏報等語並著何桂清庚辰迅
飭運司運判等實力督催即將乙卯網課額
全完奏報覈銷並將臨淮等處各卡抽收鹽
釐抵完協貼懸課數目一併造報丙辰網各
販停積之鹽亦著飭令設法營運完課毋誤
要需○諭軍機大臣等惇郡王奕諱奏有江
蘇民人陶徵釗攔路遞呈等情據原呈內詳
陳江蘇沐陽宿遷阜甯桃源山陽各縣俱有
棍匪聚黨搶掠勾通擒匪並有賊首魏珍梁
之子魏士洛等發掘該民人塋墓等事此等
棍匪擾害良民該地方官隱忍不辦必至養
癰貽患著何桂清密飭各該縣按照呈內所

開賊匪姓名訪拏嚴辦無令愈聚愈眾不可
收拾至所稱徐州道王夢齡受賊首馬從先
餽遺並侵吞捐項至數十萬之多如果屬實
大干法紀著該督詳細訪查據實具奏至該
民人稱在山西崞縣賣畫被秦知縣門丁挖
去金銀將伊遞解等情並著咨查辦理將此
諭令知之○又諭惇郡王奕諱奏有江蘇民
人陶徵釗攔路遞呈等情據原呈內稱江蘇
沐陽縣屬神仙莊地方有棍匪何成五何成
華何以貴何以理何黑小何廷光勾通山東
紅山曹州等處匪徒二千餘人聚黨作亂又
山東郯城縣壯總劉福祥原名允祥快總倪
彥玲改名建阜班張雷雲改名安吉並郯城
縣澇溝棍匪張明華張均如紅花鋪賊謝鶴
立馮可興管五又名成功均與擒匪私通又
郯城縣東南地名山岱王莊有前惡棍謝慶
陞之姪謝惟恆窩匪聚眾又江蘇沐陽縣北
植溝有棍匪結連費縣掖刀手蕭英山陽縣

賊匪郭端邦郭於邦逃入山東句通沂費蘭曹等處匪類作亂等事棍匪聚眾擾害地方若不隨時拏辦必至養癰貽患著崇恩密飭所屬按照該民人指控姓名嚴拏懲辦將此諭令知之○辛卯諭內閣王懿德慶端徐樹銘奏舉行恩科並補行上年正科鄉試一摺福建省本年已未恩科並上年戊午正科文武鄉試著准其歸併舉行其應中名數即照兩科定額取中○河東河道總督李鈞因病解任以刑部右侍郎黃贊湯為河東河道總督○以署吏部右侍郎錢寶青署戶部右侍郎兼管錢法堂事務禮部右侍郎楊式穀暫署吏部右侍郎○以都察院左副都御史張錫庚為刑部右侍郎仍留浙江學政任未到任前以內閣學士袁希祖署理○調河南南陽鎮總兵官雙齡為山東曹州鎮總兵官山東曹州鎮總兵官多隆武為河南南陽鎮總兵官○壬辰以京畿雨澤未霑命於

黑龍潭

覺生寺設壇祈禱

上詣

黑龍潭拈香遣恭親王奕訢詣

覺生寺惠親王綿愉詣清漪園

龍神祠醇郡王奕譞詣靜明園

龍神祠怡親王載垣詣

宣仁廟

凝和廟成郡王載銳詣

昭顯廟

時應宮拈香諭內閣前因直隸各州縣欠交廣恩庫租銀飭催未解曾降旨令直隸總督嚴飭各該州縣埽數完納並轉飭該藩司將應解銀兩趕緊籌撥茲據繼善等奏該藩司並未解交銀兩以致應發各項概行停放其各州縣所欠租項僅據保定縣解交銀九十五兩其餘概未籌解此項銀兩係廣恩庫置地生息之款據奏歷年積存為數甚多且

上年直隸各屬大半豐稔何至概未徵收任
催罔應著文煜轉飭該署藩司暨各該州縣
將應解廣恩庫銀兩趕緊全數解交以重庫
款不准再涉延宕致誤要需○又諭勝保翁
同書奏逆匪出撲官兵截剿大獲勝仗一摺
勝保自擊敗護城大股粵逆後移營殷家澗
懷遠擒首龔得糾眾撲至胡家集勝保派副
都統穆騰阿等統帶馬隊分路前進該逆擁
眾來撲遊擊黃得魁首先帶隊衝殺匪勢不

支我軍乘勢施放火箭馬隊兩翼包抄勝保
復揮兵接應該逆敗退我軍由西北追殺殲
賊一二千名生擒數十名奪獲旗幟槍礮數
百餘件粵匪勾結逆擒圖犯定遠經勝保督
軍痛剿大挫兇鋒著即乘勝進攻迅殄醜類
毋令蔓延○以河南巡撫瑛榮暫署河東河
道總督○以甘肅安西協副將慶瑞為陝西
延綏鎮總兵官瑪納斯協副將福珠凌阿為
喀什噶爾換防總兵官○以辦理安徽糧臺

出力賞道員潘筠基花翎已革知府立誠五
品頂帶○以安徽胡家集剿賊出力改守備
徐立壯以通判用仍賞五品頂翎守備鄒兆
元邵徵祥以都司用○予故河東河道總督
李鈞祭葬如軍營病故例予額外郎中文源
服闋後以郎中候補○予軍營病故總兵官
龍澤厚祭葬卹廕○癸巳祭

先蠶之神遣

婉嬪行禮○甲午諭軍機大臣等前因伊興

額管帶全部馬隊赴豫東路空虛諭令勝保
將馬隊均勻分撥嗣據伊興額奏現帶馬步
兵勇不及傳振邦之多豫境剿匪喫緊復諭
勝保毋庸將伊興額兵勇撥留茲據傅振邦
奏濰口馬步各營未便移劄豫境請將山東
兵勇四千名暫歸伊興額統帶並籌度西路
形勢酌分馬隊以均兵力等語濰口各營兵
勇扼劄徐宿要隘與宿州軍營聲勢聯絡且
可兼顧靈壁五河等處伊興額若將濰口馬

步悉數帶往永城則宿州後路空虛僅有疏虞所關非輕該副都統欲移劉永城而令崇安暫駐鹿邑但永城為河南最東偏隅未能遏賊西趨之路惟亳州為歸陳門戶東北可顧永城西南可顧潁州為河南全省屏蔽伊興額既統豫軍自應扼要駐劉毫境令崇安分駐太和縣之淝河口並令山東兵勇劉永城以南統歸調遣至河南原有兵勇六千現歸伊興額統帶兵力已厚著再撥吉林四起及仁義前敵四營馬隊兵勇六百名一併進劄亳州其黑龍江馬隊及灘口步隊仍留傅振邦調遣以均兵力伊興額本係傅振邦幫辦務當和衷共事商酌機宜未可固執已見現在孫葵心劉狗等勢尚猖狂著該副都統迅速進剿至傅振邦痛剿畢家集賊匪該匪窮蹙乞降而賊情反覆恐不足恃仍當加以兵力毋致為其所誤將此由六百里各諭令知之○又諭本日據勞崇光奏喚佛各國兵

船駛至梧州旋即退回廣東一摺據稱有喚佛各國火輪等船載兵一千餘名由廣東省城駛至肇慶並分出船隻於正月二十二日駛至梧州城外其隨同前往之廣東番禺縣縣丞卓森稱係由廣東巡撫柏貴派委請見提督崑壽該國官員帶同兵丁二十餘人登陸遊行並在城外步量街段登山繪畫地圖旋於二十三日開船而去等語現在各國和約尚未互換其通商海口原准前往貿易但從無攜帶兵船深入內地之事况粵西並不在通商之列該國人員遽帶火輪兵船突如其來該省民人不免驚疑設或滋生事端豈得謂中國有乖和好此事黃宗漢柏貴何以均未奏及柏貴近在省城以後喚佛等國如再有此等舉動該撫務當竭力阻止免致議和之後復有意外之變至此次喚佛國人名斯託賓齊一名墨克福第佛國人名達博威俱言語不通又一名吧嘎禮能通華語均

與崑壽相見並稱秋冬再要出遊著柏貴妥為開導使不至再蹈前轍將此由五百里各密諭知之○撥四川司庫銀三萬兩解往廣西以濟餉需○撥浙江運庫銀一萬五千兩解往江蘇備織造辦運○禮部以會試中額請得旨滿洲取中六名蒙古取中一名漢軍取中二名直隸取中十八名奉天取中二名山東取中十五名山西取中九名河南取中十七名陝甘取中十九名江蘇取中十三名安徽取中六名浙江取中十七名江西取中十三名湖北取中八名湖南取中六名福建取中七名廣東取中五名廣西取中八名四川取中九名雲南取中五名貴州取中五名○以禮部右侍郎文祥兼鑲紅旗蒙古副都統○賞二等侍衛綿性副都統銜為阿克蘇辦事大臣○以約兵不嚴革直隸都司恩成職○乙未諭內閣四月初九日
常雩大祀朕因未能勉行全禮特遣豫親王義

道恭代朕仍入宮齋戒先期親詣皇穹宇行禮藉摠誠敬昨據御史陳濬援引經義請親行初獻禮後再行遣王恭代終事與朕寅畏之心亦相符合惟古今禮制不同揆諸現行祀典實難於初獻之後續行恭代俟朕躬日臻康健步履如常即可親行全禮此次毋庸更改○諭軍機大臣等僧格林沁等奏叅長蘆鹽政松齡辦理稅課派委非人一摺已明降諭旨將該鹽政撤任交部嚴加議處矣新任鹽政到任需時現當商船雲集之際所有鹽政印務即著文煜暫行兼署至片內所稱增加報捐各數除正額銀九錢應行歸入課稅外其耗羨銀一錢四分著留為辦公經費此外不准再於正課內開銷並例外浮收以杜流弊至行用雜費等款共合銀四錢一分據稱統行歸捐惟現在王大臣等會議洋藥釐捐歸地方官經理徵解即日奏請通行各省一律辦理所有行用雜費一款即

著毋庸捐輸。將來歸入釐捐以恤商力而免重複。著文煜派委妥員核實辦理。毋滋擾累。將此諭令知之。○又諭和春奏請飭各省撥解火藥等語。江南軍營既因攻勦江浦浦口喫緊。每月需用火藥等項較前計增數倍。省局趕造不及。亟應迅籌調撥。著文煜崇恩於直隸山東兩省各協濟火藥四萬斤。按照火藥斤數各配擡礮鳥槍子火繩七成。英桂曾望顏於山西陝西兩省各協濟火藥四萬斤。按照火藥斤數各配火繩七成。均令加工製造。迅速委員運解江南軍營。並飭沿途小心照護。俾免潮濕。以資應用。將此由五百里各諭令知之。○甘肅西甯鎮總兵官成明因病解任。以記名總兵官馮子材為西甯鎮總兵官。○以浮收關稅撤長蘆鹽政松齡任下部嚴議。○丙申諭內閣倉場侍郎崇綸查倉給事中托克托布奏偷米人犯毆傷更夫各一摺。本月二十一日夜間裕豐倉忽有多人越

牆偷竊米石。經更夫等緝拏。該犯膽敢拒捕毆打。並有刀砍槍扎傷痕。實屬目無法紀。著步軍統領順天府五城一體嚴拏。務獲嚴辦。該倉監督疏於防範。著倉場侍郎查明叅處。其失去米石應如何賠補之處著一併查明辦理。○又諭劉崐崇綸奏通惠河水勢微弱請飭籌放濟運一摺。通惠河為轉運漕糧進京要道。現在海運漕船漸次抵通。必須水勢充盈。方足以資浮送。著奉宸苑卿烏勒洪額酌帶司員前往相度情形。妥為籌放。以利漕行。○諭軍機大臣等。奕山奏遵查黑龍江通商事宜。仍請免徵稅課一摺。據稱前議條規原係專指黑龍江一處因地屬邊疆與伊犁塔爾巴哈台事同一律。非海口輻輳之區可比。請仍准互相換貨免徵稅課等語。此款既經該將軍與木哩斐岳幅反覆辯論。應允在先。勢難更改。祇可俯從所請。互相換貨免其徵稅。其餘三條著催令迅速定議。仍遵前旨。

先行奏明。俟奉到諭旨。方准向該夷允許。至綏芬、烏蘇里兩處事關疆土。尤為緊要。俟木哩斐岳幅到時。該將軍務當正言拒絕。不可仍前輕率。自干重咎。現在俄國使臣丕業羅幅斯奇在京互換和約。已與言明界址一事。仍歸黑龍江吉林將軍覈辦。與天津所定各口通商和約無涉。奕山不得向京中推諉。將此由五百里諭令知之。○惠親王等奏。洋藥一項業經立定科則。惟各省現辦釐捐。此項

洋藥既准其販運內地。且各省本地出產。亦復不少。該地方官自必一律抽收釐捐。若不酌定徵解章程。難免隱匿。擬請軍務省分所收洋藥釐捐。准其留支軍餉。仍按三箇月造冊報部查覈。其無軍務省分。照前奏關稅章程。按三箇月一面報部。一面起解。不准留抵別項支用。致滋牽混。從之。○丁酉諭。軍機大臣等。勝保奏通籌剿賊大局。宜合力並舉。並繪圖呈覽一摺。所稱以皖軍會擣六合。楚師

由西面力攻舒桐。安慶合力痛剿。則浦口後路自易肅清。可以合圍金陵。設該逆仍集東南。不復西救。則楚軍乘勢進逼。亦可長驅直下。此時應以皖軍會剿東南。楚軍力攻皖北。為上策等語。前據胡林翼奏稱。皖楚之要以黃州為適中。保楚乃能謀皖。地勢賊情。非分三路併力進剿。必難成功。官文亦謂胡林翼不宜入皖。前敵不宜添兵。該大臣等督兵剿賊。係共辦一事。惟在相度地勢。體察賊情。乘

機進取。以收師克在和之效。胡林翼駐劄黃州數月以來。諒已布置周妥。楚師有多隆阿為前敵。節節進剿。而孤軍未可深入。曾否派兵為其後路。現在皖北賊匪麇集。亟待楚師水陸分攻舒桐。廬州。安慶。以分賊勢。勝保翁同書亦應督飭各軍合力會剿。不得專恃鄰省。官文前因湖南桂陽等縣被匪竄陷。調水師馬隊馳往援剿。此項援軍。俟湖南軍務稍平。亦可撤回。併力赴皖。使皖北之賊有所顧

忌不致肆意蔓延。庶於大局有裨。勝保兵力尚不為少。務須南北兼籌。互相策應。上年李續賓一軍。為百戰勁旅。竟以深入無援。坐失名將。殊堪惋惜。今議合剿之舉。勝保當先與官文、胡林翼商酌機宜。固不可畫疆自守。亦不可輕進貪功。務須計出萬全。以冀膚功。早奏。將此由六百里各諭令知之。○又諭。前據勝保等奏。請在徽甯兩府勸捐。後因張芾駐兵徽州。復請改由江浙兩省寄籍皖省紳商集捐。而以皖南捐輸歸張芾辦理。茲據勝保等奏稱。張芾復委紳董欲至蘇州。上海各路勸捐等語。兩處辦理捐輸。均係接濟軍餉。未便稍涉偏枯。著何桂清即傳旨知照張芾。該京卿既駐兵徽境。所有皖南各府勸捐。悉歸辦理。其江浙等處勸捐。悉歸勝保翁同書派員辦理。以濟皖北軍需。不得紛紛越俎。致令紳商觀望。將此由六百里諭令知之。○又諭。鄭魁士奏餉項缺乏。請飭浙省每月籌銀十

四五萬。迅解甯防一摺。前因甯國需餉甚殷。疊諭胡興仁通籌協濟。曾據該撫奏明甯防解數。按月九萬兩外。已增至二萬有餘。惟茲據鄭魁士奏。池繁股匪嘯聚九龍廟等處。勢甚鴟張。官軍兵卑餉缺。除上年積欠不計外。兵丁每名。二月中攤給銀二兩。三月僅攤一兩之數。各軍枵腹荷戈。情形萬分急迫。是每月十一萬餘兩之餉。尚屬不敷。仍著胡興仁悉心籌畫。按月湊足銀十四五萬兩。迅解甯防。以濟要需。將此由六百里諭令知之。○又諭。勝保奏軍火不敷。請飭山東等省撥解等語。勝保軍營攻剿正當喫緊。火藥一項需用尤殷。著崇恩、英桂、曾望顏各撥火藥一萬斤。配齊鉛丸火繩。委員迅速解赴勝保軍營。以資接濟。毋稍遲延。將此由五百里各諭令知之。○以安徽太和縣勦匪出力。賞河南在籍給事中徐廣紱教諭戴漢翔五品軍功。趙春和花翎巡檢劉觀恩等藍翎餘升敘有差。○

以江西贛州等處勦賊出力賞知縣馬修良花翎把總范應龍等藍翎餘升擢有差○以護解安徽鉛藥出力賞雲騎尉吳斌花翎知縣英翰等藍翎○以辦理安徽糧臺及團練出力復已革直隸州知州裕恭陳芬官並賞還陳芬花翎○以安徽六安霍山州縣各城被賊竄陷革知州茅念勛代理知縣王自簫職○戊戌諭內閣御史鄂瑩奏請慎刑獄以召和甘等語本年入春以來雨澤稀少疊經降旨虔申祈禱並親詣黑龍潭拈香昨復降旨再申虔禱以冀渥沛甘霖因思清理庶獄亦感召和甘之一事著刑部及步軍統領問刑各衙門將現審未結各案細心推鞠當罪者即行擬結無辜者勿令久羈其輕罪人犯及干連待質例應取保候審者立予清釐省釋毋稍稽滯以示矜恤而迓祥和○又諭傳振邦奏攻破畢集賊圩殲斬著名擒首一摺擒首任乾率其死黨盤踞畢圩號召擒匪經

傳振邦密派練丁傳諭該圩被脅難民乘機內應殺賊贖罪本月二十一日夜傳振邦督率關保常陞等四面兜擊該逆率黨外撲不能得脫仍返身回遁我軍乘勢追進二道賊濠知府苗沛霖首先衝殺圩內難民內應先將任乾殲斬並會合官兵將死黨千餘名擒斬淨盡無一漏網此次平毀賊圩剪除擒首辦理甚為得手傳振邦現已移營前進著即乘此聲威亟圖掃蕩無留餘孽○諭軍機大臣等桂良等奏現在布置並探聞夷情一摺進京換約一節既有華商設法勸阻該夷到滬後或可在上海定議惟此時駐京等四事尚未挽回若先將條約用實發交該大臣等設夷情狡執徑赴天津桂良等更無把握彼時再將條約齎回亦徒耽延時日若謂夷性躁急迫不及待祇要豫先說明往返兩旬亦不至令其久候該夷四月初十前後可以到滬桂良等屆時即赴上海將四事設法挽回

不可但至附近地方專恃委員辦理如四事說明另立專條該夷肯在上海換約即迅速馳奏儘該夷必欲來津桂良等仍遵前旨於王有齡薛煥吳煦三員中酌帶兩員馳驛來京辦理至該夷前已言明另擇別地居住但未指明何處該大臣等亦須先為商酌即直隸地方亦不可任其居住於大局方無窒礙總之嗜酋既有到滬之信桂良等惟當竭力阻止逐件挽回不可畏難自阻將此由六百里密諭桂良花沙納何桂清並傳諭段承實知之○又諭本日據桂良等馳奏探明喫首嗜嗜約四月初必到香港初十前後即可到滬香港現已派出大小火輪船八號每船水兵約計七十名即日赴滬為將來護送嗜酋赴津之用且聞有先令各船駛至攔江沙相待之信此項兵船人等桂良等擬俟該酋到滬後即與之議定祇准在口外停泊不得駛入內河等語現在恆福已抵津接篆諒日

內已往大沽海口著僧格林沁即與該督詳細籌商密為防範如夷船竟有駛至攔江沙之信著即派委幹員往詢告以此間專候上海來信一切遵照二月二十九日諭旨相機酌辦將此密諭知之○以規避兵差革察哈爾佐領巴圖等職○己亥命仍於黑龍潭
覺生寺設壇祈雨遣睿親王仁壽詣黑龍潭恭親王奕訢詣
覺生寺惠親王綿愉詣清漪園
龍神祠醇郡王奕譞詣靜明園
龍神祠怡親王載垣詣
宣仁廟
凝和廟成郡王載銳詣
昭顯廟
時應宮拈香○諭內閣御史蔣志章奏請將各省委辦勸捐抽釐各官紳職名造冊報部並據御史吳焯奏請嚴定釐卡稽查章程各

等語。近年用兵省分需餉浩繁。勸辦捐輸。設卡抽釐。藉以接濟軍需。原屬一時權宜之計。若如該御史等所奏。各省勸捐及委辦釐卡各員。率多虐取侵蝕。以飽私橐。是贍軍之舉。轉為病民之事。亟應嚴定章程。以清弊竇。著各省督撫帶兵各大員。將委辦勸捐抽釐各官紳職名。造冊報部。以憑查覈。如有前項弊端。著即嚴參懲辦。至釐卡所抽捐數。及捐商姓名。飭令逐日開單。實貼卡外。限半月內申報一次。其有捐數未經貼示申報者。一經訪聞。並著查明參處。至零星小卡。無裨實用。著即裁撤歸併。以便稽查。將此通諭知之。○又諭。倭仁奏。賊犯白晝搶奪。請旨從重問擬。一摺。此案承德縣回民王起才。騎坐馬匹。白晝搶奪王守和銀兩。逾貫例。應絞候。惟奉天省為根本重地。現當整頓捕務之際。該犯膽敢在省城以內。白晝肆搶。實屬目無法紀。自應從重定擬。王起才著即處絞。以昭炯戒。○諭。

軍機大臣等。御史吳焯奏。香河等處有匪黨。窩聚等語。據稱。風聞香河之南營。三河之回務通州之于家府。皆為匪黨窩聚之所。率多滄州回民。騎馬截奪。搶劫之案。不計其數。上年冬間。隆旺莊八百戶地方。並有搶去銀物之案。似此匪黨橫行。警不畏法。亟應趕緊拏辦。以杜亂萌。著張祥河董醇。派委妥員。嚴密訪查。會同地方官。迅速掩捕。該匪人數眾多。即會營帶兵緝拏。毋令遠颺。致貽後患。將

此諭令知之。○庚子。諭。內閣。蔣霽遠奏。貴定等處勦賊。疊次獲勝。一摺。貴州荔波縣巴亢坡賊匪。攻撲冰東大寨。經署知縣吳德容等將賊營攻破。該匪糾同粵匪。往攻吳德容營盤。又經官軍擊退。遊擊劉學武。與吳德容分隊兜剿。復殲斃賊目十餘名。夥賊二百數十名。並生擒偽軍師等。其文生。滕永蘭等。在茅蘭督圍截擊。亦斃賊百餘名。生擒四名。署獨山州侯雲沂。守備龍建極。督兵分路進剿。爛

土賊營又圍攻拜浩賊營。疊斃賊目多名。連破賊營五座。其甲照之賊亦被我軍擊潰。嗣龍建極等進勦至甲照山脚。攻破賊壘。時都勻麻哈之賊欲圖上竄。遊擊王萬祥等於牛了山等處分路勦擊。共斃賊六七百名。嗣官軍進攻浪壩等處。又斃賊八九百名。總兵巴揚阿旋將匪眾設法招降。其教匪頭目陳銘勦率黨赴營投誠。勦賊自贖。餘匪十餘。悉俱聞風歸順。統計有萬餘人之多。巴揚阿即令

平定回疆

平定回疆

陳銘勦會同官兵復進攻腰家坡等處。破賊營七座。又於下河牛了山柳黨石灰坡等處殲斃賊目九名。夥賊一千餘名。此次獨山荔波勦賊屢獲勝仗。辦理尚為得手。著該撫即飭帶兵將弁乘勝進勦。迅圖克復。○命貴州按察使王庭蘭留安徽勦匪。以雲南迤南道賈洪詔為貴州按察使。○賞故戶部右侍郎何彤雲子逢孫舉人。○賞投誠助勦陳銘勦藍翎五品頂帶。○以勦匪逗遛革貴州知州

王用儀職

平定回疆

平定回疆

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百七十九

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百八十

監修總裁官禮部尚書太子太保工部尚書領侍衛內大臣副都統臣等奉
聖旨纂修欽此

大學士管理吏部事務加十三級記敘十四次
大學士管理戶部事務加十三級記敘十四次
大學士管理刑部事務加十三級記敘十四次
大學士管理工部事務加十三級記敘十四次
大學士管理禮部事務加十三級記敘十四次
大學士管理兵部事務加十三級記敘十四次
大學士管理刑部事務加十三級記敘十四次
大學士管理工部事務加十三級記敘十四次
大學士管理禮部事務加十三級記敘十四次
大學士管理兵部事務加十三級記敘十四次

大學士管理吏部事務加十三級記敘十四次
大學士管理戶部事務加十三級記敘十四次
大學士管理刑部事務加十三級記敘十四次
大學士管理工部事務加十三級記敘十四次
大學士管理禮部事務加十三級記敘十四次
大學士管理兵部事務加十三級記敘十四次

大學士管理吏部事務加十三級記敘十四次
大學士管理戶部事務加十三級記敘十四次
大學士管理刑部事務加十三級記敘十四次
大學士管理工部事務加十三級記敘十四次
大學士管理禮部事務加十三級記敘十四次
大學士管理兵部事務加十三級記敘十四次

大學士管理吏部事務加十三級記敘十四次
大學士管理戶部事務加十三級記敘十四次
大學士管理刑部事務加十三級記敘十四次
大學士管理工部事務加十三級記敘十四次
大學士管理禮部事務加十三級記敘十四次
大學士管理兵部事務加十三級記敘十四次

奏修

咸豐九年己未夏四月辛丑朔享

實錄卷二百八十

太廟遣恭親王奕訢恭代行禮○諭內閣副都
統伊興額以革職留營之員經朕派令幫辦
三省勒匪事宜原因其平日打仗尚能勇往
是以棄瑕錄用嗣因賊擾豫疆諭令接統邱
聯恩鹿邑諸軍督辦河南防勒事宜自應與
在事諸臣和衷共濟奮勉圖功乃疊據勝保
奏參該副都統乖僻性成遇事與人齟齬商
水之戰僅將另股捻匪擊退並未迎勦舞陽
大股賊止六千餘人而單銜奏報輒稱殲

斃二萬三千餘眾既不會商恆福瑛榮又不
知會傅振邦惟劣紳周光岳之言是聽以致
軍心解體似此欺飾乖謬實難勝統帥之任
伊興額著革去頭品頂帶以示薄懲交勝保
軍營差遣委用儻再不知悔改即行據實嚴
參周光岳並著勝保查明奏奏所有河南省
防勒官兵著派記名副都統吉林協領關保
統帶該省防勒事宜悉歸督辦仍作為傅振
邦幫辦以期同心協力共奏膚功○又諭烏

實錄卷二百八十

勒洪額奏遵查河勢情形並請動款挑挖一
摺海運漕糧正當陸續抵通亟需放水浮送
既據烏勒洪額查明長河一帶淤墊過高河
身乾涸自應迅籌疏濬所需工價錢文著由
廣儲司先行給發此項工程事關緊要著派
瑞麟周祖培遴帶司員親加履勘督率辦理
事竣覈實報銷並著管理清漪園事務文彩
等董率司員一俟挑工完竣即行提牘宣洩
以資濟運○諭軍機大臣等前據何桂清等

會同學政奏請暫借浙江文闈舉行江南鄉試當交禮部速議具奏本日據禮部奏稱江蘇安徽兩省上屆兩科未能依限舉行伸士氣即以固民心宜有以曲全而慰藉之請飭浙江巡撫察看情形如果事在可行即如該督等所奏辦理如難舉行亦由該撫據實奏聞等語已依議行矣適據胡興仁奏到聲稱浙省號舍不敷且慮皖省應試人多奸宄未易稽查並商之浙省紳士所見相同僉稱窒礙等語朕思借闈考試原以嘉惠士林自當於變通辦理之中悉心籌畫若將江蘇安徽兩省士子分作兩次考試十月內江蘇士子入場安徽於十一月另為一次不過稍遲時日可無號舍不敷之慮而江蘇士子試畢先歸安徽士子後至人數以分而見少即盤查奸宄亦尚無難其是否可行並此外有無通融辦理之法著何桂清徐有壬會同胡興仁悉心酌議妥速具奏江南自軍興以來停止

鄉試已閱兩科茲屆特開恩榜之年該士子若仍不得觀光未免有向隅之憾諒該督等必能妥為籌畫仰副朕懷也禮部摺著鈔給閱看將此由五百里各諭令知之○以克復安徽六安州城賞參將成景邑圖魯名號州同姚有志等五品銜藍翎復己革知州茅念劬職餘升敘有差○壬寅諭內閣御史豐麟奏請飭軍營保舉人員會辦地方軍務一摺據稱自軍興以來每遇克復城池保舉者動輒數十百人至失事案內則惟地方官照例懲處此項人員均不在糾叅之列請飭統兵大臣於克復一城後即在本案保舉人員內擇留一二員協同該地方官防守儻有疏虞即與守土官一同治罪等語軍營帶兵各員如派留防城邑失事後一併獲咎並非不在糾叅之列至糧臺文案各員其得邀獎勵者均須隨營辦事勢難到處留防若以軍營無用之人使之協同守禦安能有益地方該御

史所奏著毋庸議惟隨營文員雖經屢次申諭各路統兵大臣不准與衝鋒冒鎬者同請優獎而近來保舉糧臺文案人員仍未免過多此後各路統兵大臣不得濫收投效人員為將來請獎地步遇有戰功務當覈實保奏毋許冒濫庶於軍務地方均有裨益將此通諭知之○又諭吏部奏四川請獎與例不符各員聲明請旨一摺前因有鳳等奏四川勦辦會理州匪徒出力各員開單請獎當經降

旨允准茲據該部查明內有張熒等三員與例不符自應另給獎敘著照部議巡檢張熒著以應升之缺升用儘先選用府經歷王瑞萱著俟補缺後以知縣不論雙單月即選分缺先用訓導陳玉璋著俟補缺後以應升之缺升用所有該員等前得獎敘著即撤銷○又諭承志倭仁奏請將疏防搶案各員摘頂勒緝一摺奉天府錦縣所屬三義廟地方有騎馬賊十餘人搶去摺差等銀錢衣物該旗

民地方官未能先事豫防事後又不能立時獲犯非尋常疏忽可比甯遠州正白旗界官驍騎校李國安署錦縣知縣張廣均著先行摘去頂帶勒限兩箇月嚴緝賊賊務獲僅限滿無獲即著從嚴叅辦○諭軍機大臣等瑛榮奏擊退亳州捻匪並調派兵勇堵剿一摺亳州撲城捻匪經朱連泰等督兵擊退而五馬溝等處均築有賊圩逼近豫境且據稱暨旗聚眾有俟雉河賊股齊集即行西竄之信

亟應迅速進剿以遏逆氛該撫抽撥歸陳等屬防兵派總兵朱連泰及承惠統帶出省進剿所籌歸陳等屬留兵守禦各節布置均尚周妥惟伊興額所帶豫省官兵業已改派關保統帶督辦該省防剿事宜現在調派各兵為數不少軍威已壯進剿當可得力俟關保馳赴永城接替後即令馳赴鹿邑督率豫軍相機攻剿以期擣穴擒渠至濰口一營亦關緊要傳振邦欲留兵勇該撫仍當如數酌留

以均兵力將此由五百里諭令知之○湖南巡撫駱秉章奏請將辰州木關移設常德河祇德山等處得旨移關就稅並加徵竹籐原為裕課起見豈有置向章於不問儘收儘解之理况籠統抽收並未分晰殊屬含混○調四川總督王慶雲為兩廣總督未到任前以廣東巡撫柏貴兼署兩廣總督黃宗漢為四川總督未到任前以成都將軍有鳳兼署○撥江西漕折銀二十萬兩陝西四川司庫銀各十萬兩解往湖南以備軍需○以湖南永州勦賊出力予記名道員劉長佑以按察使用賞都司李金暘花翎革柳桂失事知州胡鏞張濟遠職○予河南陣亡總兵官邱聯恩在南陽地方並原籍建立專祠州判史存禮吏目王庭蘭在睢州台建專祠史存禮姪博良博學暨團勇楊可智等賞卹如例一併附祀○癸卯頒

硃諭朕聞香山臥佛寺西牆外地名櫻桃溝有

石板一塊下有涌泉可注於玉泉山飛淙閣匯為瀑布若此水暢旺轉達昆明即可提牘濟運著派綿勲錢寶青明日前往該處查勘具奏尋奏遵查泉源雖不甚旺而下注不息計達七八里之遙如能引歸長河於濟運不無裨益報聞○諭內閣全慶廉兆綸奏請將欠交剝船各員摘頂勒交並請飭籌辦回空剝船一摺本年海運米數較多現在漕船陸續抵津應用剝船必須趕緊交齊方敷轉運乃各該管州縣欠交船隻尚有一百九十餘隻之多實屬不知緩急交河縣知縣李鏡瀛吳橋縣知縣陶冶安均著摘去頂帶勒限三日如數交清倘再遲延即行從嚴叅辦其餘短交各員亦著勒限嚴催僅交不足數一併叅處至剝船到通驗收後回空迅速方能周轉無停所有通壩一切事宜著劉崑崇綸體察情形妥商籌辦務令剝船及早回空俾得輓轡轉運以利漕行○諭軍機大臣等本日

據勝保等奏。張元龍率眾投誠。同日收復鳳陽府縣城池。及臨淮關隘。刻下招撫之費。自不可緩。勝保等前奏推廣捐例八條。除該部議駁各條外。其議准之候補班人員。准捐候補班先用。保舉人員。准捐入候補班。及軍務省分人員。准於鄰近軍務省分。通融捐升。改捐軍營帶隊差委人員。准捐免赴部投供。各條均經照議准行。想該部業已行文知照矣。至伊興額前因勝保劾其欺飾乖謬。業經革

去頭品頂帶

九

去頭品頂帶。交勝保差委。惟其人久歷戎行。打仗尚稱勇往。著勝保酌分馬步各隊。令其勦賊立功。以贖前愆。不可置諸閒散之地。現在臨淮既已收復。道路已通。舒桐廬巢等處。賊勢方張。正當乘此機會。督率各軍力圖南路。其北路勦匪事宜。有傅振邦。關保等聯絡聲勢。即可責成勦辦。勝保一軍。不致仍為北路牽掣。此次張元龍新降之眾。留充勇丁者。自不乏驍健之材。當令隨同官軍勦賊立功。

勿使游手散處。致難於約束。是為至要。將此由六百里諭令知之。○賞率眾獻城投誠。檢首張元龍。三品頂帶花翎。以都司用。妻劉氏。四品封典。○甲辰諭內閣。劉崐崇綸奏。請將海運米石。暫行截卸通倉一摺。天津運米剝船。現已陸續抵通。若待上游放水。水下注。裏河水勢暢旺。挨次轉運。恐停船待驗。不能迅速回空。所有抵通米石。著照該侍郎等所請。驗收後。暫行截卸通州中西二倉。俾得迅速轉

運所有車脚等項

十

運。所有車脚等項。准其作正開銷。惟經紀船戶人等。起卸米石。向有偷漏攪和情弊。今既多一番起卸。更恐弊竇叢生。著該侍郎等。督飭司員。坐糧廳嚴密稽查。毋令藉端舞弊。○諭軍機大臣等。本日據兵部都察院衙門奏。盛京驛丞陳五福等。違抱告王永祥呈控。首驛驛丞于國寶。剋扣馬乾。各一摺。此案首驛驛丞于國寶。於奉文禁革陋規之後。輒敢煽惑左司郎中慶齡。用言說導。並勾合外郎張

岱驛丞常廣安何思誠等將所領馬乾實銀一萬一千九百餘兩截扣至五千餘兩之多實屬膽大妄為目無法紀亟應徹底訊辦以肅郵政左司郎中慶齡因驛丞李滋山等未允其言竟藉端將該驛丞辦革即難保無通同分肥情事並據原呈內有業已連銜稟呈上司不但未能禁革而慶齡復行堂札等詞兼恐侍郎訥爾濟亦有知情徇庇之處著玉明倭仁將該驛丞所控各節詳晰嚴究據實

宣統三年八月

十一

奏參毋稍迴護兵部都察院原摺並原呈清單各件均著鈔給閱看將此諭令知之○免直隸密雲調防官兵應扣整裝銀○乙巳諭內閣載垣等奏請飭催兩江山東河南欠解銀兩以濟要需一摺兩淮鹽課應解圓明園生息銀兩歷年積欠至三十二萬餘兩之多其山東河南於應解皖餉內各劃出銀二萬四千兩尤係緊要之需均經降旨飭催迄今仍未解到實屬任意延玩此項銀兩係圓明

園八旗內務府三旗及槍營公用要需著何桂清崇恩瑛榮嚴飭該運司及各該藩司即將此項積欠並改撥銀兩迅速籌解毋再延宕○又諭戶部奏遵議慶關攤繳淺價一摺此項攤繳淺價前經內務府奏請准其作正開銷茲據該部奏稱慶關稅銀向為支發兵餉之用若有動缺恐不敷支放是以前議令其繳回正稅自行籌攤惟據該督王慶雲奏稱近來稅務減色若再令該關繳還未免賠

宣統三年八月

十三

累可否免其追繳請旨遵行等語所有咸豐五六七等年已繳淺價准其作正開銷無庸追繳其自八年起著即照向章二十四百餘兩之數由該關自行籌解不得仍動正項○諭軍機大臣等誠明奏山海關防兵二千名每月需餉九千餘兩經直隸總督知照奏准於關稅項下動支惟查上年察哈爾官兵所提餉銀係於備存米價銀四萬兩內提用現在無此鉅款實屬不敷支提請飭另行籌備

等語。山海關防兵餉需緊要。既據該監督奏稱。關稅難於兼顧。尚屬實在情形。所有該處防兵每月應放餉銀九千餘兩。著恆福另行籌款以供支放。將此諭令知之。○又諭。僧格林沁等奏。請飭調遊擊冷慶。回任辦防等語。直隸通永鎮標北塘營遊擊冷慶。在河南帶兵防勦。現在捻匪竄回皖境。豫省防務較輕。天津辦理海防。北塘海口最關緊要。著瑛榮即飭該員迅回北塘。本任以資得力。將此諭令知之。○惠親王等奏。遵議兩江總督何桂清等奏。洋藥關稅請酌量減輕一摺。查洋藥一項。前奏推行各關。照上海稅則。每百斤收銀三十兩。各省均已遵照辦理。何獨江蘇各關。僅徵稅銀數兩。應令江海關監督設立印票。填註商名。並洋藥若干斤。應交關稅銀若干兩。給該商持赴經過稅關。驗票納稅。後換票放行。即將原票繳回。仍令各關查照上海稅則。一樣輸課。即將所徵稅銀。按三箇月造冊報部。以重稅課。而昭覈實。至洋藥徵收釐捐。本與關稅有別。原定銀二十兩。既於軍餉有裨。應毋庸再加銀十兩。以免該商藉口。此後洋稅啟徵時。仍飭令該商照常釐捐。不得以洋稅抵作捐釐。以杜牽混。從之。○丙午上詣

時應宮

福佑寺拈香。○還宮。○諭軍機大臣等。庚長

奏。南北運河來源告竭。請飭山東迅即開壩

一摺。據稱江蘇運河。以東省河水及微山湖為來源。現因來源告竭。舟楫阻滯。於餉道商販釐捐稅項。諸多窒礙。且兩岸民田灌溉攸資。自應量為疏洩。新任河督黃贊湯到任需時。瑛榮暫行兼署。相距較遠。著崇恩就近督飭該管道廳。察看實在情形。斟酌辦理。務使開壩之後。於江蘇境內實有裨益。而於東河蓄水設防各事宜。仍無妨礙。方為妥善。庚長摺著鈔給閱看。將此由五百里諭令知之。

又諭張弼奏官軍進攻建德屢獲勝仗請飭江西巡撫令總兵普承堯暫留會剿一摺逆匪廣聚建德並分股肆掠丁香樹一帶經副將王夢麟等帶兵往剿適普承堯駐軍青山橋撥兵分路夾攻連破賊營斃賊約以千計勦辦甚為得手現在楊載福水師未能前往建德鄭魁士能否分兵助剿亦尚未定惟普承堯一軍越境會攻深資得力自應暫留該處將建德之賊悉數掃除並可將景德鎮大股匪徒次第攻剿俾賊蹤不致蔓延鄱陽等處實於江西地方均有裨益著著齡即飭該總兵暫留建德會剿俟該處並浮梁一律肅清再行調回九江並著張弼先行就近知照該總兵遵旨辦理將此由六百里各諭令知之○蠲緩山東濟甯金鄉嘉祥魚臺鉅野五州縣並臨清濟甯二衛被擾地方新舊額賦

○
上以常雩祀

天於

圜丘自是日始齋戒三日○丁未諭內閣王明奏擬請將候補人員分缺間用一摺盛京候補防禦驍騎校由軍功保舉及捐輸遇缺者較多若必將此兩項人員悉行先補則存營官兵拔擢無期未免向隅著照該將軍所請此後防禦驍騎校遇有缺出各按該翼該旗分別先後准其先將軍功人員請補次將捐輸已引見人員咨補次將存營官兵當差奮勉者擬定正陪請補以三缺為一輪周而復始其軍功及由存營官兵請補人員均照定章分別送部引見以示平允○以禮部尚書麟魁署管國子監事○以直隸捐輸軍餉永廣天津縣學額三名○戊申

上詣

皇乾殿行禮

關帝廟拈香○諭內閣恆福奏請將短交剝船之州縣分別摘頂議處一摺現當剝運南

糧緊要之時武清等州縣應交船隻各有短少。香河雄縣全數未交。實屬任意延玩。武清縣知縣石衡。香河縣知縣黃曾。雄縣知縣凌松林。均著摘去頂帶。滄州知州卞寶書。已因另案摘頂。著交部議處。以上各員。著該督勒限嚴催。儘再遲延。即行從嚴叅辦。又諭胡興仁奏。勦捕餘姚縣匪徒。一律肅清。並查明肇釁玩誤之紳富縣令。分別叅辦。一摺。浙江餘姚縣匪徒。因紳富平日收租苛刻。業佃不和。乘機煽惑。釀成劫犯圍城之事。經該撫派令委用道胡元博。署甯紹台道麟趾等前往曉諭解散。脅從並派遊擊黃金友帶兵相機勦辦。首匪宣士文等膽敢糾眾圍燒村莊殺斃紳富。胡元博等分兵進攻。追至餘姚上虞交界地方。將宣士文拏獲。其盤踞裏山匪首徐六耀。亦經該員等督帶兵勇攻破木卡。立時擒獲。並生擒匪目多名。奪獲槍礮旗幟多件。首要各犯均就地正法。城鄉一律肅清。辦

理尚為妥速。此案因紳富平日收租苛刻。積怨肇釁。該紳士邵元照等把持官府。立碑縣堂。復雇勇拏人。以致釀成事端。實屬膽大妄為。候選光祿寺署正邵元照著即革職。舉人張文翰。生員洪宗敏俱著斥革。一併交地方官嚴加管束。其平日收租苛刻之職。監史傑監生符方增著一併褫革。以示懲儆。前任內閣學士朱蘭雖不知有設局刊碑等事。惟以在籍大員。當鄉愚滋事時。並不善言勸諭。輒自避居府城。以致釀成巨案。著交部嚴加議處。同知署餘姚縣知縣崔家蔭於鄉民赴縣請減租穀時。並不親往勘驗。成災分數輒批令按七五折完納。實屬擅斷。妄為餘姚縣知縣賈樹勳到任後。仍照原批。復輕聽紳士之言。雇勇拏人。亦有不合。均著交部議處。巡檢張鵬程與匪首宣士文來往。以致闔邑士民控告。實屬卑鄙。著即斥革。永不敘用。黃春生一犯仍著嚴拏。務獲懲辦。所有在事出力員

弁兵勇及捐貲出力各紳董均著胡興仁擇尤保奏以示獎勵○浙江巡撫胡興仁奏擬飭甯紹台道仲孫懋駐萬松嶺已革遊擊楊國正駐流芳嶺帶勇防堵得旨浙省將領非止楊國正一人可用故作周旋以為免罪地步○所請斷不准行○以浙江省城辦團出力賞在籍三品頂帶前兵部右侍郎戴熙二品頂帶副將王邦慶總兵銜遊擊沈榮海林台三○花翎餘升擢有差○以安徽亳州勦匪出力賞武舉高兆祥花翎以都司用予陣亡外委王大元等祭葬世職○乙酉常雩祀天於

圓丘遣豫親王義道恭代行禮○上幸圓明園○諭內閣○和春等奏江浦官兵連獲勝仗一摺三月十五十八等日張國樑派李若珠馮子材等各帶所部擣賊中堅擊敗九洲悍匪復有另股萬餘圍撲周天培營壘該總兵揮兵突出斬賊無數該逆入在浦

口之西築壘張國樑選派勁兵奪其要隘殺賊無算餘悉奪路而逃其西南賊營亦經周天培同時攻克三戰三捷乘勢趨九洲大路共奪毀賊營卡壘二十餘座逆勢挫衄自行撤退至二十五日我師三路進兵殺賊數百名近處逆壘一律踏平賊勢已形窮蹙著和春張國樑督飭將弁水陸分路堵勦無任蔓延○又諭勝保等奏進勦霍山賊匪立克縣城一摺官軍克復六安後敗匪分竄經茅念劬等跟蹤追殺斃賊無數直至霍山北面該署縣王自簪見大隊齊到奮勇進攻立將守陴之賊全行擊退乘勢登城賊向東門出竄我兵入城一面追殺斃賊數百名生擒百餘名奪獲礮械多件將霍山縣城克復其舒城來援之賊先經我軍於白洋鋪地方截勦殲賊千名大獲全勝逆匪分踞霍山為六安犄角經官軍先後克復辦理尚為得手在事出力員弁兵練著併入克復六安案內擇尤

請獎候朕施恩○諭軍機大臣等和春奏六合逆匪圍撲官兵營盤派兵援剿等語該逆糾合六合城中賊黨由西北至東北直犯官兵營壘富明阿等分投迎擊該逆復由馬鞍山分股抄襲並過河東大肆兇撲富明阿張玉良均各受傷似此逆賊鴟張亟應厚集兵力以遏兇鋒和春現派兵勇四千交總兵熊天喜統帶渡江援剿著即飭令前進如兵力不敷仍當酌量調撥悉力堵剿該逆麇聚六

聖訓卷一百一十

三二

合不獨儀揚一帶岌岌可虞且恐逆蹤東竄擾及天長盱眙窺伺清江富明阿務當激勵將弁會合江南援軍奮力勦擊迅克六合以扼要衝毋令該逆分竄將此由六百里諭令知之○又諭據勝保奏六安霍山相繼克復惟防兵單薄請飭將防豫之軍移剴霍六一帶等語霍六為竄犯楚豫要道既經克復即須重兵扼守方免疏虞官文等前因賊擾湖南柳桂等處派兵往援未能深入皖境自係

實在情形胡林翼駐劄黃州多隆阿為前敵如現在布置已臻周妥亦可酌量分撥前往霍六聯絡皖軍既以固豫省東面門戶即以防該逆抄越楚軍後路該大臣等務當悉心妥籌毋致顧此失彼將此由六百里諭令知之○以克復安徽霍山縣城開復署知縣王自簾處分免己革副將盧又熊罪仍留營效力○予江南六合江浦陣亡遊擊洪祿把總萬加才祭葬世職○庚戌諭內閣惇郡王奕

聖訓卷一百一十

三二

綜第五子著命名載津○諭軍機大臣等前因甯國需餉甚急諭令胡興仁按月籌解銀十四五萬兩迅即解往茲據鄭魁士奏甯防攻剿喫緊就現有兵數不敷調遣必須稍添兵勇方足以資勦辦請飭浙省月撥餉銀十四五萬兩按期撥解勿遲等語現在甯防各路俱形喫重總因兵力單薄不能迅速殲除自應酌添兵數力籌餉需著胡興仁仍遵照前旨按月湊足銀十四五萬兩剋期解赴甯

防毋稍遲誤將此由六百里諭令知之○以內閣學士伊精阿為繙譯會試正考官翰林院侍講學士桂清為副考官○以己革輔國公景崇姪純堪襲爵○予江西彭澤陣亡知府劉騰鶴祭葬世職如道員例都司曾昭仁守備李錫福千總張福元把總蕭東漢外委賀忠信等祭葬世職○辛亥諭內閣特普欽奏遵查帶兵協領稟報病傷情詞互異一摺吉林委營總伯都訥協領常陞前因到防時

實錄卷一百八

三十三

稟稱傷發不能乘騎懇請回旗調理現經查訊與在防所稟兩歧且年歲亦有不符並查明該員面受矛傷早經平復步履如常謂傷發不能騎馬尤為牽強實屬有心取巧希圖規避常陞著交部嚴加議處以示懲儆○軍機大臣彭蘊章等議覆山西巡撫英桂奏稱大同鎮馬步守兵勢難裁減豫省軍務緊急自應添募新兵擬將前次裁兵節省項內每年提銀一萬四千兩解交河南作為添募之

用應如所請從之○緩浙江杭嘉湖三府被災地方暨衢處嚴各衛所額賦有差○蠲緩河南鹿邑考城獲嘉祥符陳留濬安陽臨漳內黃杞汲延津沅邱新鄉淇滑光鄆陵西華扶溝封邱襄城淮甯二十三州縣被水被旱地方額賦有差○壬子諭內閣張亮基徐之銘奏兵練圍攻城外回眾肅清一摺雲南省回眾上年就撫後於南城外江右館駐劄時聚悍回搶劫訛詐並劄營於碧雞關要路經

實錄卷一百八

三十四

張亮基等飭署安甯州知州慶安招集練目謝連科等暗襲碧雞關回營擊斃回眾七百餘人嗣官兵與各鄉團疊次分攻將木柵攻破殲斃首匪馬占魁並賊目十餘名又攻破白馬廟彌勒寺回營斃匪二百餘人兵練遂進攻江右館殲斃悍匪十餘人回眾窮蹙各分散歸籍回匪久踞雲南省城外諸多不法該練目等轉戰兩月將該匪全行驅逐省城得以肅清實屬著有微勞著張亮基等擇其

尤為出力者。奏請獎敘以示鼓勵。○又諭徐之銘奏請展緩舉行恩科鄉試一摺。雲南省現在軍務未竣。各屬士子多有辦理團練防守事宜。未能赴試。本年鄉試難以如期舉行。所有雲南省己未恩科鄉試著准其展緩俟辛酉科後再為舉行。○諭軍機大臣等。前有旨令德勒克多爾濟俟俄囉斯國呈遞烏槍一萬桿。礮位五十尊。運至庫倫時奏聞辦理。茲據德勒克多爾濟奏該夷堅欲由海船行走等語。現在和約已換業經准其由海口進京。此項槍礮將來送至海口著僧格林沁恆福遴派明幹員弁前往曉諭令該夷船停泊攔江沙外。毋須前進。另換內地船隻裝載運送到津。於明示體恤之中仍暗寓隄防之意。諒該大臣等必能慎重妥辦也。將此密諭知之。○又諭本日胡興仁奏提臣志氣日驕軍心不服一摺。據稱提督鄭魁士性情乖僻措置失宜。南陵被圍。吳再升胡鳳鳴等求援因

宣統元年

三

有書無稟怒擲於地。竟不發兵。及至賊退謂係該提督聲威非諸將之力。都守以下露體箠楚道府以下當面訶斥。凡鄧紹良得用之人不論賢否必遭屈辱。前隨鄧紹良陣亡兵勇二千餘名至今尚不查明請卹等語。以上各款如果屬實是該提督情性乖張誠恐將士解體於軍務大有關係著和春何桂清秉公查明據實具奏。至所稱鄭魁士於一切軍務未准咨商招募勇數亦不造冊咨知無從

宣統元年

三

查覈則是胡興仁負氣之言亦難逃朕洞鑒惟甯國防務現當喫緊之際朕閱鄭魁士前日奏催浙餉摺內亦多有不滿胡興仁之語該二員器量淺隘各不相能恐致貽誤大局鄭魁士平日打仗尚稱勇往。前在皖北即不能與福濟和衷辦事。現在甯國復蹈故轍恐難勝統帥之任。著和春等悉心體察毋得以保奏在前稍存迴護。硃批原摺著鈔給閱看。將此由五百里各諭令知之。○浙江巡撫胡

興仁奏參提臣鄭魁士驕縱各款得旨着和春秉公查辦○命雲南提督文祥來京另候簡用○以江南徐州鎮總兵官傅振邦為雲南提督未到任前以永昌協副將申有謀署理○以雲南辦理軍務並整飭井務出力予同知張同登夏家疇署知府章源以知府用並賞夏家疇花翎○以勦辦雲南緬甯回匪出力賞同知汪堃花翎把總邢開先等藍翎參將魁昌等升敘有差○以勦辦雲南臨安等處回匪出力賞同知熊家彥花翎知縣王棟等藍翎知府方俊等升擢有差○癸丑上臨故壽恩固倫公主第賜奠○以綏遠城協領鶴齡為江南徐州鎮總兵官○以訓練兵丁出力予署陝西撫標參將施鵬等升敘有差○甲寅諭內閣朕姊壽恩固倫公主淑慎柔嘉性敦仁孝自幼仰承

皇考

皇妣恩眷至為優渥昨聞薨逝軫惜良深朕業

於昨日前往奠醊本月十六日朕再行親往賜奠用示眷念優加至意○以惠親王署鑲藍旗蒙古都統戶部尚書肅順署正白旗領侍衛內大臣○乙卯

上詣

大高殿行禮○還宮○以本年鄉試考試應開列試差人員於保和殿

實錄卷二百八

三八

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百八十

大清文宗協天玕運執中垂謨懋德振武聖孝
淵恭端仁寬敏顯皇帝實錄卷之二百八十一

監修總纂官日講起居注官太子太保上書學總辦傅文淵閣總纂官翰林院掌院學士傅家敦奏上諭事併奏國史館總纂官武英殿

大學士管理吏部事務加十三級記敘十四次實績奉 慈禧端佑康頤昭豫莊誠壽恭欽獻崇熙皇太后太子太保文淵閣領侍衛內府總辦官教習處掌印書生體仁閣

大學士管理戶部三庫事務管理刑部事務加二十三級記敘十六次月報總辦武官太子少保管理內務府事務對引大臣華爾大臣

鎮撫總辦馬洲都統戶部尚書管理三庫事務加四級記敘十二次月報總辦武官太子少保管理內務府事務對引大臣華爾大臣

通國文館總纂官五品秩家古都統總辦尚書管理奉天中鴻臚寺事務加二級軍功加四級記敘五次自係什堪府事務

敕修

咸豐九年己未四月丙辰以京畿雨澤愆期

實錄卷之二十一

上詣

天神壇拈香祈禱○詣

關帝廟拈香○遣恭親王奕訢詣

地祇壇睿親王仁壽詣

太歲壇鄭親王端華詣

大高殿成郡王載銳詣

覺生寺惠親王綿愉詣

黑龍潭定郡王溥煦詣清漪園

龍神廟貝子綿勳詣靜明園

龍神廟貝子奕劻詣

時應宮

宣仁廟

凝和廟

昭顯廟惇郡王奕誼詣密雲縣

白龍潭拈香○重臨故壽恩固倫公主第賜

奠○幸圓明園○諭內閣王慶雲奏已革知

州虧短交代撫拾款蹟訐告上司請簡派大

員查訊一摺四川已革合州知州陳彥坤虧

實錄卷之二十一

二

短交代甚鉅限期嚴追輒投具稟詞撫拾多

款訐告藩司祥奎署鹽道成都府知府翁祖

烈需索挾嫌各情案關大員授意婪贓虛實

亟應徹底根究著交有鳳秉公查辦據實具

奏○諭軍機大臣等恆福奏請調副將來津

差委等語天津現辦海防差委需人調補通

州協副將魁霖現在江北軍營著和春即飭

該員迅速前赴天津聽候恆福調遣毋稍遲

誤將此諭令知之○又諭僧格林沁等奏俄

夷運送軍器船隻抵津。應交何處護送之夷。應否進京。請旨遵行等語。俄囉斯國運送槍礮。如果船隻到津。該大臣等仍遵前旨。令其停泊攔江沙外。另換內地船隻裝載進口。其槍礮應交何處及護送之夷。應否進京。屆時奏明請旨。續調之吉林黑龍江官兵陸續進關。已飭武備院將製造鳥槍弓箭等件趕緊造齊。解赴海口應用。將此諭令知之。○又諭勝保奏賊撲儀徵揚城情形危急等語。粵逆大股由浦口一路東趨六合。經勝保派兵迎擊。疊獲勝仗。乃該逆盤踞竹鎮一帶。分大股由六合官軍後路竄撲儀徵。勢將逼近揚城。亟應迅速截剿。以杜分竄。勝保現派總兵張得勝帶兵由天長南路前進。以擣其後。有此一軍。自可稍牽賊勢。惟逆蹤飄忽。必須迎頭截擊。方能力遏其衝。毛三元現在防守揚州。著勝保就近調度。飭令帶兵迎剿。為兩面夾攻之計。該大臣現已親督大隊由池河馳赴

汭澗。即可節節前進。相機布置。毋令該逆蔓延。本日據伊興額奏舊病復發。懇恩開缺回籍調理等語。伊興額前經勝保奏降旨革去頭品頂帶。以示薄懲。茲忽奏請開缺。難保非有心負氣。著勝保查明該員如有捏飾情弊。即行據實嚴叅。如實係患病。亦飭令在營趕緊調治。痊癒帶隊自效。不准回籍。以杜規避而儆效尤。將此由六百里諭令知之。○撥山西司庫銀十萬兩。解赴天津。以備軍需。○以江北軍營疊次出力。予記名副都統富勒德恩布。遇缺提奏。○丁巳。孝端文皇后忌辰。遣官祭昭陵。○上御含輝樓。閱侍衛馬步射。至己未。皆如之。○禮部以繙譯會試中額請得旨。京旗取中一名。駐防取中三名。○以履勘平安峪萬年吉地出力。贈故直隸按察使陸應穀巡撫銜。餘升敘有差。○以拏獲奉天盜犯多名。賞防禦

輔尼雅翰藍翎知縣武慶安留於奉天補用。
○戊午諭內閣慶英等奏年班伯克請暫停
進京等語。本年輪應葉爾羌三品阿奇木伯
克阿克拉依都領班進京。既據該大臣等奏
現有經手事件未便更替著准其緩至咸豐
十二年年班再行進京。○諭軍機大臣等桂
良等奏探聞噶首噶魯斯已於三月二十四
日行抵香港。日內尚無到滬信息。萬一經過
上海不肯進口。徑赴天津。請飭直隸總督告

以噶爾噲。在上海曾有照會留桂良等在南
等候。俟伊回來議事。此時改換噶首前來。自
當靜候。桂良等回至天津。再與商辦一切。庶
使各夷不至別有他說等語。著僧格林沁恆
福。如果噶國噶首到津。即派幹員照此曉諭。
令在攔江沙外靜候一切。仍遵疊次諭旨。密
為防範。將此密諭知之。○又諭扎拉芬泰等
奏請催各省協餉。並飭甘省先將欠項銀兩
剋期帶運。埽數歸款等語。據稱甘省積欠三

成俸餉多至六十餘萬兩。業經伊犁籌款墊
發。此後那墊已空。全賴甘餉年清年款。並將
舊欠一併撥還。以資辦公。甘省應完欠項。既
係伊犁節存羨餘。自應各歸各款。以免轆轤
著樂斌於各省指撥項下。無論解到何款。先
儘伊犁積欠銀兩。趕緊撥解。以期源源接濟。
毋誤邊地要需。將此諭令知之。○又諭和春
奏逆匪分股直犯揚州一摺。昨閱勝保奏報。
大股賊匪由六合官軍後路竄撲儀徵。將偈

揚城。本日據和春奏稱。該逆銳意東竄。雖經
飭令張玉良督同馬得昭揀帶勁旅先後馳
往堵剿。已由小路竄過儀徵。並突至揚州西
門。繞擾五臺山及三岔河等處。不意賊蹤飄
忽至此。揚州係南北要途。應飭張玉良等悉
力保障。兼顧裏下河各屬。而高郵邵伯為北
走清淮門戶。和春等既添派兵勇一千名。交
張玉良調遣。務須飭其嚴防北犯。其東路通
泰一帶尚為完善之區。更不可令其蹂躪腹

地至該逆聲言欲竄瓜州。則瓜鎮京口。水陸均須嚴密布置。該大臣復由金陵派兵一千名赴鎮江巡防。並著嚴飭鞠耀乾督率水師。扼守江防。勿令偷越。現在浦口。九洑洲。尚有賊援往來。揚州軍情。復如此緊急。著和春等會同張國樑。隨時應援。並與勝保派援之兵。探賊所向。互相策應。務全大局。其六合兵勇。雖因援勦揚州。暫時移撤。亦不可任賊猖獗。別有他虞。將此由六百里諭令知之。○以光祿寺卿載肅為內閣學士。兼禮部侍郎銜。○以江蘇收養難民。及辦賑出力。賞在籍道員潘曾瑋。鹽運使銜。予縣丞楊溥等。升敘有差。○以捐修英吉沙爾城垣工竣。賞六品廕生寶俊。員外郎銜。餘升敘有差。○予江南六合陣亡記名副都統博奇。委參領舒敏。祭葬世職。○賞喀什噶爾被戕五品伯克雅和普等。子愛伊普等。五品頂帶花翎。並豁免應交糧賦。○己未。

上詣清夏齋問

如皇貴太妃安。○諭軍機大臣等。本日已有旨。著勞崇光調補廣東巡撫。兼署兩廣總督。曹澍鍾補授廣西巡撫矣。新任兩廣總督王慶雲到任尚需時日。現在廣東辦理夷務。正當喫緊之時。勞崇光於接奉諭旨後。即行交卸。迅速前赴新任。以便黃宗漢交卸。啟程來京。毋稍遲延。將此由六百里諭令知之。○又諭。庚辰奏江北賊氛愈熾。籌遏北竄一摺。逆匪圍撲揚州。經和春派安勇馬得昭等帶兵趕到。擊退賊匪。立解城圍。而天長突於十一日失陷。該處接壤儀揚。東通甘泉高寶。北達蔣壩。庚辰已咨商傅振邦。派兵由固鎮渡湖東援。並於高潤募勇集團。為蔣壩後路策應。復經邵燦派令鶴齡酌帶兵勇。赴衡陽以固淮安門戶。布置尚臻周妥。本日因邵燦患病開缺。令袁甲三以三品頂帶署理漕運總督。到任尚需時日。已降諭旨。令庚辰兼署漕督篆。

務此時賊氛愈熾。該河督務須督飭所屬。加意堵剿。勝保前派張得勝。由天長南路進擣。是否趕到。該大臣本從池河赴汴澗調度。應即酌度緩急。探賊所向。迎頭截擊。勿使北犯清淮。並迅圖克復天長。勿令久踞。其天長連界之滁州等處。如何兼顧。妥為辦理。傳振邦現當攻剿捻匪喫緊之際。庚長咨調之官兵二千名。著即體察情形。如能分撥迅速。派赴蔣壩。毋稍遲緩。將此由六百里各諭令知之。

○漕運總督邵燦因病解任。以太僕寺卿袁甲三署漕運總督。未到任前。以江南河道總督庚長兼署。○調廣西巡撫勞崇光為廣東巡撫。兼署兩廣總督。未到任前。以廣東布政使畢承昭署理。以廣西布政使曹澍鍾為巡撫。按察使李承恩為布政使。署按察使補用道蔣益澧為按察使。○賞會試年老舉人馬森等十九人司業。編修檢討學正。職銜有差。○予故廣東巡撫柏貴祭葬如例。○賑山東

單城武鉅野金鄉魚臺嘉祥六縣及濟甯衛被擾被水地方貧民一月口糧。○庚申命協辦大學士戶部尚書周祖培大學士銜吏部尚書賈楨禮部尚書麟魁朱嶸刑部尚書瑞常署吏部右侍郎梁瀚工部左侍郎潘曾瑩內閣學士載肅為殿試讀卷官。○以豫親王義道兼正黃旗蒙古都統。○辛酉

上御含輝樓閱侍衛馬步射。至癸亥皆如之。○策試天下貢士馬傳煦等一百八十人於保

和殿。制曰。朕寅紹丕基。誕膺洪祚。荷

上蒼之申佑。承

列聖之詒謀。劼毖深宮。日慎一日。勉思傳心典學之謨。課吏訓誠之治。勵品崇儒之要。詰戎講武之經。冀與中外臣工。致上理於大同。登斯民於衽席。茲當臨軒發策。博採周諮。爾多士其敬聽之。聖學之原。在於存誠主敬。唐虞傳心尚矣。所謂危微者何辨。精一者何解。執中者何在。禹曰安止幾康。湯曰聖敬日躋。而

即繼之曰。丕應。後志曰。式于九圍。能申明其義歟。文王克厥宅心。武王不泄不忘。其道本無異同。見諸詩書者。孰切。成康以後。歷漢唐宋。迄於元明。英君誼辟。豈無一言一行。與唐虞三代相符合。能指其實歟。朱子謂格致誠正。以至修齊治平。始終不外乎敬。中和位育。極之聖神功化。樞紐不外乎誠。真德秀大學衍義。於誠意正心之要。立為二目。明邱濬復補以審幾微一節。心法即治法之原也。昔聖

微言。曩哲粹語。有可與經傳相發明者。其紬繹而細陳之。唐虞官人。首言載采。成周分職。重戒惟勤。八灋八成六敘六計。載在周官。能晰言之歟。漢史言綜覈名實。吏稱其職。然上求實效。而下務虛名。徒以拘守繩墨為慎。以奉行條律為勤。豈董正治官之本意歟。夫詢在事。考在言。而克知三有宅。灼見三有俊。則皆課之於心。意者事與言固必矢以一誠。而後足稱忠蓋歟。漢揚雄著二十五官箴。馬融

著忠經。宋真德秀著政經。其言亦有可採者歟。朕權衡黜陟。一秉至公。上以誠待下。則下當以誠事上。內外大小臣工。豈徒以奉令承教。遂為無忝厥職歟。士也者。民之坊也。董仲舒曰。正其誼。不謀其利。明其道。不計其功。列士林者。非以砥厲廉隅為本務乎。古者賓興賢能。鄭注謂興賢若今舉孝廉。興能若今舉茂才。漢法取士。猶為近古。故其時吏有循良之目。民鮮媮薄之風。至唐乃有明經進士等科。祿利之途既開。微偉之心斯起。宋太宗謂科級之設。以待士流。豈容走吏冒進。竊取功名。言之何篤切歟。夫為士而尚有虧儒行。他日服官。其能恪守官箴乎。察行既起。別居之謠。考文又蹈虛車之誚。果何術而能使士行克敦。人材蔚起乎。兵所以威天下。實所以安天下。整軍經武。所以保大定功也。三代以後。兵民初分。漢置材官於郡國。而京師有南北軍屯。唐初設府兵。一變而為彍騎。再變而為

方鎮。宋兵有禁廂蕃鄉之目。元立五衛。明設京兵邊兵。其制孰為盡善。至於訓練之法。漢有都肄。唐有講武。宋有大閱。明戚繼光練兵實紀一書。為切於實用。所稱一練伍法。二練膽氣。三練耳目。四練手足。五練營陣。六練將者。能闡其義歟。夫一兵必期得一兵之用。其何以選精銳。汰老弱。簡器械。申紀律。使三軍之士。皆足以備千城之選。而迅奏膚功哉。凡茲四事。迪德以端宸極。課績以勵官箴。植品

平定縣志

卷三

以正儒修整師以肅戎政。經邦要道。莫切於斯。爾多士拜獻先資。毋泛母隱。朕將親覽焉。○諭內閣。王明等奏遵查訊辦盜案。諸多疑竇。併片奏。續獲盜犯。究出賄縱各情。請將承訊司員及署任知縣。分別撤任歸案查訊等語。前因給事中李鶴年奏。參盛京刑部司員承訊盜案。有得贓賣放情事。當經降旨交王明等查奏。茲據該將軍等奏。稱查出咸豐六年九月間。據土默特旗咨送盜犯戴維邦等

十一名。旋據新民廳鄉約潘永照等呈請釋放。刑部遲至次年四月。始行札查。文內與該鄉約等具呈年月不符。並於該旗來文內應訊重情。未經譯出。已屬有心蒙混。現據續獲要犯。供出前次犯案時。有戴維邦用賄串通釋放各情。所有承訊此案之前任盛京刑部員外郎調京禮部員外郎福克精阿。主事松英。委主事通義布。紀安。與釋放各犯之前署新民廳同知降補知縣博通。均著即行革職。

平定縣志

卷四

交王明等徹底根究。從嚴懲辦。以儆官邪。福克精阿現已來京。即著兵部解赴盛京。歸案質訊。○諭軍機大臣等。前因烏蘇里江等處距興安嶺遙遠。並不與俄國連界。諭知奕山。飭令吉拉明阿。如遇夷船下駛。設法阻止。本日據奕山等奏。俄夷船隻於黑龍江往來。已成習慣。若遽行拒絕。恐該夷有所藉口等語。黑龍江左岸地方。既經奕山借與該夷居住。其船隻往來於黑龍江松花江中。自難再行

拒絕。至綏芬河烏蘇里江兩處。係吉林地方。不在借給之內。若聽其紛紛駛往。勢將何所底止。夾山等並不體會前次諭旨。遽以難於拒絕等詞覆奏。殊涉蒙混。著夾山仍遵前諭。嚴飭吉拉明阿。曉諭該夷。除由黑龍江入松花江往東入海口外。餘如綏芬河烏蘇里江。及三姓等處。該夷船隻。均不得擅自駛往。務當實力勸阻。毋許意存推諉。並著特普欽派委妥員。於黑龍江交界地方。嚴密偵探。設有俄夷船隻駛至。即行正言拒絕。以該處地方。本不在前次許借之內。亦無與俄國毗連地界。無可查看。阻其下駛。毋得任令肆行無忌。侵占地方。將此由五百里各諭令知之。○又諭據勝保等奏。天長失守情形。並現籌布置各節。賊匪竄踞天長。意欲由天盱一路。北竄清淮。直犯揚儀。然後糾合浦六匪蹤。為援金陵之計。勝保現在駐劄舊鋪地方。以扼該逆北竄盱眙之路。並撥兵於馬家壩劄營。以聯

蔣壩聲勢。所籌均尚周妥。著俟淮北調撥之馬隊一到。該大臣即親督調度。探賊所向。迎頭截擊。迅圖克復天長。勿令久踞。並一面飛咨庾長等。分飭嚴防蔣壩及高寶各湖。勿令賊蹤闖入。袁甲三被參案內之約。遜已令該旗飭赴勝保軍營。聽候查辦矣。將此由六百里諭令知之。○命恭親王奕訢帶領侍衛十員。往奠故成郡王載銳茶酒。並賞銀五百兩。諡曰恭。○以福建漳州防堵出力。免總兵官梁翼之處分。○以克復江西安仁縣城。賞把總方裕華等藍翎。同知康國器等。加銜升敘有差。○以疏防竄匪。革福建永定縣知縣黃文奎職。○賞還安徽天長陣亡提督德安花翎勇號。並予祭葬世職。諡威毅。○予江西吉安等府陣亡殉節把總張文春等八十三員祭葬世職。生員朱芬等。旌卹如例。○壬戌。諭內閣。本年入春以來。雨澤稀少。米糧騰貴。加以銀價日增。錢法壅滯。兵丁生計維艱。朕心

實深軫念。著自五月為始。所有在京八旗及巡捕各營兵丁月餉。應放鈔票折銀三十五萬一千兩零內。加恩搭放實銀三成。應由何款項下發給。著戶部覈辦。其八旗應放粟米折色。舊例每石折給京錢二千四百文。並著加倍放給。用示朕體恤兵丁至意。○又諭。勝保。傅振邦。奏收復滄南賊圩。並官軍攻克介溝賊圩。大獲全勝一摺。滄南一帶附近圩賊。經勝保等分派馬步。分投出隊。將蒙城縣境

之王家圩。吳家圩。戴家圩。張家圩。次第收復。圩眾悔罪投誠。其鳳陽縣東北之胡家圩。楊家集圩。黃墩集圩。亦經參將滕家勝等帶隊前往。同時收復。飭令一律薙髮。四月初六日。副將博崇武。帶領馬隊。進偃蒙城西南賊圩。將戴家窰賊圩收復。救出老幼男婦一萬七千餘人。壯丁六千四百餘名。其宿州迤西介溝賊圩。經知府苗沛霖。帶領練勇。於十四日四更出隊。先將伏路卡賊殲斃。直抵圩邊。搶

入重濠。兵練緣牆直上。與賊短兵相接。斃匪甚多。生擒一百四十七名。立時正法。餘眾伏地乞降。擒匪經此次痛勦。賊膽已寒。仍著勝保。傅振邦。督飭將士。進克板橋賊圩。以清餘孽。○諭軍機大臣等。傅振邦。奏北路軍情緊要。請添撥馬隊助勦等語。粵逆現由六合。紛竄蔣壩。盱眙。與重。清淮亦在戒嚴。該提督因馬隊不敷調遣。請於天津防堵官兵內。添撥得力馬隊一千名。前往助勦。惟天津續調吉

林。黑龍江兵二千名。原為慎重海防起見。是否可酌撥五百名。前往傅振邦軍營之處。著僧格林沁。酌量辦理。如此項官兵。不能抽撥。即著該大臣。於備調之綏遠。歸化。二城官兵內。調撥五百名。飭令馳赴安徽蒙城一帶。交傅振邦調遣。並著一面奏聞。一面咨調。毋稍延緩。將此諭令知之。○又諭。前據崇恩奏。派撥兵勇。交富新。黃良楷。統帶。由兗州出境。與徐宿官軍。訂期會勦。並因傅振邦奏。攻勦滄

南賊圩獲勝。諭令崇恩飭該鎮道等速行前進。本日據傅振邦奏稱。擒匪由永城夏邑擾及碭山。直趨北路。聲言欲犯山東。已派副將博崇武會合協領常陞各帶馬隊抄出賊前截擊。並咨會東省一軍相機回顧等語。擒匪圖犯山東。勢甚猖獗。若竟由碭山北竄。則魚臺金鄉一路。在在堪虞。著崇恩即飭駐劄該處之副將郝上庠督飭兵勇相機截剿。並與傅振邦派往各馬隊官兵聯絡聲勢。併力夾

實錄卷二八一

十九

攻。毋任闖入東境。至此股賊勢浩大。所有前派會剿兵勇。自應先顧本省邊防。如相去已遠。驟難折回。亦當就本境防兵及鄉勇等派令實力堵禦。著該撫悉心斟酌。妥為調派。不得稍涉大意。致滋貽誤。將此由五百里諭令知之。○又諭都察院奏直隸民人于甲先以兄弟謀殺母舅等詞具控。據呈稱現任濟後幫千總王鴻綬等毆斃伊父。賄買頂兇。經該民人追要正兇。王鴻綬口稱葉臬司係伊至

親。其署內幕友王立橋係伊堂兄。向該民人恐嚇。給銀三百兩賄和等情。于甲先之父于昇林既係王鴻綬之母舅。案關服制。著崇恩按照所控情節。嚴切查明。臬司葉圭書是否與王鴻綬係屬至親。其署中幕友有無王立橋其人。與王鴻綬等是否弟兄。並有無嚇詐賄和情事。于甲先既知伊父受傷斃命。何以得受王鴻綬等賄銀。事越年餘。始行控告。均應徹底根究。以成信讞。毋稍瞻徇。將此諭令

實錄卷二八一

字

知之。○以恭親王奕訢為內大臣。○閩浙總督王懿德因病解任。以福建巡撫慶端為閩浙總督。湖北布政使羅遵殿為福建巡撫。未到任前。以布政使瑞璜署理。○以湖北按察使莊受祺為布政使。荆宜施道嚴樹森為按察使。○以雲南鶴麗鎮總兵官周天培署湖北提督。雲南永昌協副將申有謀為鶴麗鎮總兵官。○癸亥。以甘澍優霑。遣鄭親王端華詣

大高殿克勤郡王慶惠詣

覺生寺惠親王綿愉詣

黑龍潭定郡王溥煦詣清漪園

龍神廟貝子綿勳詣靜明園

龍神廟貝子奕劻詣

時應宮

宣仁廟

凝和廟

昭顯廟拈香報謝○諭內閣滿慶奏糧員駐

聖鑒事

奏

藏期滿循例保奏並請留辦糧務一摺同知

銜四川丹稜縣知縣陳墉自接管前藏糧務

以來辦理悉臻妥協該員駐藏三年期滿自

應量予獎敘陳墉著以四川同知直隸州升

用並准留駐一班接管察木多糧臺事務以

資熟手其所遺前藏事務即著以同知銜候

補知縣李玉圖調管毋庸由四川揀員赴藏

○甲子

上詣

大高殿行禮還宮御乾清宮召讀卷官入

親閱定進呈十卷甲第諭內閣王明承志

奏請添設馬槍馬箭專營兼充緝捕一摺盛

京兵丁教演馬槍馬箭等技驗有成效著准

其設為捷捕營揀派協領二員作為營總佐

領四員作為翼長驍騎校八員作為扎蘭章

京由省城八旗內共選精壯兵四百名由該

營總等專司訓練春秋二季操演技藝隨時

差委緝捕並賞給藍翎長八缺仍食該兵原

聖鑒事

奏

餉如有槍箭純熟緝捕得力者由該將軍等

揀選拔補並添設捕盜馬二百匹所需馬價

銀兩准其由盛京戶部發給如有殘廢倒斃

即責令該旗籌補不得再請馬價其馬乾銀

兩隨春秋二季兵餉關領此項官兵兼充緝

捕誠恐各路盜賊一經嚴拏潛逃邊外著熱

河都統嚴飭所屬並轉飭哲里木盟長等各

在邊外合力兜緝毋令此拏彼竄以示朕緝

盜安良之至意乙丑以甘澍優霑遣恭親

王奕訢詣

天神壇。惇郡王奕諒詣

地祇壇。睿親王仁壽詣

太歲壇。肅親王華豐詣密雲縣

白龍潭。拈香報謝。

上御太和殿傳臚。賜一甲孫家鼐孫念祖李文田。三人進士及第。二甲朱學篤等八十六人。進士出身。三甲陳祖襄等九十一人。同進士出身。○幸圓明園。○諭內閣。英桂奏請將辦

重刊知不足齋叢書

卷三

理釐卡不善之印委各員撤任查辦等語。山西臨縣知縣崔成霖等於該省試辦釐卡未能明白曉諭以致商情疑惑難保無藉端需索擾累情事。崔成霖著即撤任。委員汾州府通判司養中候補知縣謝均金淮榮試用巡檢張景椿均著一併撤回。交英桂查辦。如實有需索等弊即行從嚴叅辦。○又諭樂斌奏甯夏口外匪徒乘間肆擾請分飭鎮道出口會哨等語。甘肅甯夏口外蒙古地面曠闊匪

徒乘間肆擾自應嚴加巡緝著照所議即由阿拉善親王遴派妥員操練蒙古兵丁每年自三月至九月在於蒙民聚集各要隘梭織巡查如遇賊匪出搶即併力擊捕送交內地審辦。僅持械拒捕准其格殺勿論。至甯夏鎮總兵及甯夏道均有地方之責尤應親歷巡查以資彈壓嗣後著該總兵於每年三月內統帶弁兵出口在磴口上下游一帶與蒙古會哨一次甯夏道於九月內選帶幹役出口

重刊知不足齋叢書

卷三

與蒙古會哨一次如有賊匪潛匿務須悉數拘拏嚴行懲辦毋得日久生懈視為具文該督仍飭各州縣營汛於所管卡隘派撥兵役常川盤詰稽查。僅有內地民人私行出入形跡可疑者立即嚴拏審明治罪如敢任意疏懈將來拏獲匪徒訊明係由何處出入即將該管文武指名叅處以靖邊圉。○又諭樂斌奏升任副將未能赴部引見請開缺留補一摺升補雲南曲尋協副將文志例應給咨送

部引見。惟該員現署漢中鎮總兵篆務。尚能布置得宜。未便遽易生手。著先行開缺。留於陝甘。遇有副將缺出。即行扣補。○諭軍機大臣等。奕山等奏。俄夷在烏蘇里口以下南岸。添建房間。並該夷狡執履勘。又奕山。那敷德。另摺奏。以後會奏夷務。請分別主彙各等語。綏芬河。烏蘇里江。皆係吉林地方。不在借給之例。屢經諭令奕山等。據理拒絕。乃該夷潛

平定奏

云

在烏蘇里口以下南岸舊居博力地方。添建房間。並於古克達蘇蘇等處建房。牧放牛馬。似此任意侵占。實屬不成事體。夷官奇薩羅幅復帶同通事到卡。聲稱會勘烏蘇里河源。興開湖分界。有自行去占之語。尤屬狡執可惡。該夷占地建房。並欲會勘地界。總由奕山輕允黑龍江左岸地方。以致該夷肆意占踞。該將軍既已貽誤於前。並不思力圖挽救。乃輒奏稱事屬吉林。應由吉林主彙。免致往返貽誤。顯係因現在侵占之地。均在吉林界內。

有心推諉。惟奕山既輕諾於前。此時礙難阻止。宜其一籌莫展。著特普欽。督飭署三姓副都統富尼揚阿。曉諭夷酋木哩斐岳幅。黑龍江左岸空曠地方。許其借住。已屬中國優待之意。吉林界內。係中國採捕漫珠之地。斷不容爾侵占。若背約妄行。必致有傷和好。興開湖等處。本不與俄國連界。無可會勘。豈得以曾在黑龍江具文為詞。意圖狡賴。該署將軍等務當正言拒絕。不可含糊了事。嗣後奏事。

平定奏

云

關涉吉林。著即由吉林主彙。一面會銜。一面具奏。免致往返札商。徒稽時日。至奕山。吉拉明阿。亦應力圖補救。不得因該夷現占地界。俱屬吉林。希圖諉卸。將此由五百里各諭令知之。○又諭通政司副使董瀛山。奏順天府所屬地方。盜竊之案甚多。上年秋間。通州海子灣。有花客被劫。翟格莊馮姓。被搶贏馬糧石。冬月。于林莊有行客被劫。銀百餘兩。河西務有行客被劫。並被刀傷。本年二月。通州慶

恆錢鋪被搶銀三四百兩。三月間通州安平地方有行客被劫衣物。張家灣李姓被搶驢贏各案。其著名之賊有通州南棗林村之張老。朝陽門外八里莊之李靈兒等。均勾結匪徒。擾害鄉民。又有住棗林之王紅眼。住里二泗之王四。凡事主失物。伊即從中說合。令其備價贖回。似此盜風日熾。皆由奸役得規包庇。不肯查拏。以致各匪肆行無忌。著步軍統領衙門密行查訪。將包庇之捕役嚴拏懲辦。並將各案盜賊悉數緝獲。毋任漏網。將此諭令知之。○又諭官文。胡林翼奏湖北現需馬隊。擬借撥黑龍江甲兵千名。請飭天津軍營酌量施行等語。現在竄擾湖南之賊甚多。恐其闌入湖北。馬隊既甚得力。自應豫調以備不虞。著僧格林沁體察情形。如天津防所黑龍江甲兵內尚可抽調。即著酌量借撥。飭赴湖北軍營應用。原片著鈔給閱看。將此諭令知之。○以勦辦福建連城甯化土匪出力。復

已革總兵官饒廷選職。○丙寅。上御舍輝樓閱侍衛馬步射。○諭內閣。玻崇武奏請將蒙混冒領銀兩官員及未經查出各員分別嚴議議處一摺。防禦烏凌阿於道光年間本管驍騎校任內。捏稱伊寡媳並無倚靠。違例出結。冒領養贍銀兩。實屬有心蒙混。烏凌阿著交部嚴加議處。領過銀兩照數追繳。其從前出結請領辦理錯誤之員及失察之該管現任歷任各員均著查明分別議處。玻崇武未能先事覺察。亦有不合。著一併交部察議。○又諭曾望顏奏甄劾正雜各員一摺。陝西定遠廳同知德亮年力就衰。辦事竭蹶。著即勒令休致。候補知縣譚慶才具平庸。難勝民社。惟年力尚壯。著以府經歷縣丞降補歸部銓選。坐補咸甯縣典史譚本行為貪鄙。前在典史任內聲名甚屬平常。著即革職。以肅官方。○諭軍機大臣等。勝保等奏賊眾兵單軍情危迫一摺。自逆匪攻陷天長。勝保

移師扼守盱眙前路。並親至舊鋪調度。詎逆勢眾多。將汭澗營盤層層圍裹。張得勝一營。雖已撤出。其成興黃誠忠等。所帶川兵川勇。尚未突出重圍。自宜保全勁旅。毋令為賊所困。著該大臣激勵將士。內外夾攻。務將全軍撤出為要。現在賊勢既趨重盱眙一路。儀揚情形自必稍鬆。本日已諭令和春等。迅派援師。不分畛域。赴天長一帶。越境會剿。勝保即可會同勦辦。仍嚴防盱眙前路。毋令竄越。警

平定縣志卷之二

卷之二

及清淮。樂善現在天津防海。恐未能前往安徽。所請調撥馬隊之處。已諭知僧格林沁酌量辦理矣。將此由六百里諭令知之。○又諭勝保等奏江北逆匪竄入天長盱眙境內。竭力分軍堵剿一摺。勝保因天長復陷。移師扼守盱眙前路。飭令各軍分路堵禦。詎該逆攻撲營盤。勢甚猖獗。現在逆匪六七萬。悉數集於皖境。自六合以達天長。橫軼四出。盱眙為北路扼要之地。設有疏虞。勦辦愈形棘手。和

春等前派熊天喜帶兵四千。渡江援剿。復添派兵勇一千。交張玉良調遣。此時儀揚一帶。布置諒已周妥。勝保一軍。兵力既單。賊勢過眾。情形甚屬危急。和春總統大江南北。自應統籌兼顧。著與張國樑會商。迅速調派援軍前往。與勝保會同勦辦。毋令北竄清淮。是為至要。將此由六百里諭令知之。○又諭據勞崇光奏。逆擾湖南郴桂一帶。蔓延永州等府屬。恐竄入粵西邊界。現籌辦情形等語。廣

平定縣志卷之二

卷之二

西全州。暨灌陽恭城富川等縣。處處與湖南邊境毗連。竄擾湖南之賊。前據駱秉章奏報。永州祁陽等處。連獲勝仗。惟賊勢眾多。粵西土匪未淨。勾結為患。滋蔓堪虞。該省餉絀兵單。支撐不易。駱秉章素顧大局。前次調撥各軍。諒亦陸續到湘。著即督飭在事文武。速籌勦辦。其竄近粵境匪徒。廣西雖派駐劄全州之知府蘇鳳文。並教諭李若霞等督帶兵練防守。仍著駱秉章撥兵援應。毋令回竄粵西。

致滋蔓延。湖南近日勦匪情形。並著駱秉章隨時奏聞。以慰廑念。將此由六百里諭令知之。○兩廣總督黃宗漢等奏。廣東軍務未竣。請將本年鄉試展期舉行。從之。○以廣西按察使蔣益澧為布政使。桂平梧鬱鹽法道李閑為按察使。○改鑄陝西商州直隸州知州印信。從巡撫曾望顏請也。○予安徽陣亡協領多隆武。佐領額勒春。防禦奎豐。驍騎校烏勒希松阿。烏勒希春額。知縣楊定升。都司勞

平集卷二八一

三

木保。守備寇國祿。千總毛蓮生。李煥章。魯習芝。把總馬貴。陳再祥。吳魁齡。外委林秀。祭葬世職。○予河南禦賊被戕典史蕭葆仁。祭葬世職。如陣亡例。○丁卯。諭軍機大臣等。鶴祖奏。拏獲漏稅洋藥。請旨懲辦一摺。據稱。二月十九日。有草船夾帶洋藥過關。起獲三千八百餘斤。按每百斤徵稅三十兩。覈計該銀一千一百餘兩。拏獲船戶戚開。並代客包攬之楊維忠等語。洋藥甫經定章徵稅。該商販等

即敢公然偷漏。若不嚴行究治。無以儆奸商而重國課。所有拏獲之戚開。楊維忠二名。著何桂清等飭令淮安府知府恆廉嚴行訊究。查明各商販。按名拏辦。所獲洋藥。暫存淮安關庫。此項洋藥。係由蘇州販運而來。其經過游擊。由關。揚州等關。何以各該監督毫無覺察。任令偷漏。難保無丁役得賄私縱情弊。著該督撫查明奏。將此諭令知之。○引見丙辰科散館。及補行散館人員。得旨。修撰孫如

平集卷二八一

三

僅。編修洪昌燕。業經授職外。二甲庶吉士夏同善。夏獻馨。蔣彬蔚。趙有淳。譚鍾麟。洪調緯。藍拔奇。沈秉成。徐昌緒。楊秉璋。紹祺。于光甲。范希瀉。馬元瑞。俱著授職。編修三甲庶吉士汪朝榮。許業香。頓福之。董文煥。俱著授職。檢討黃廷金。范運鵬。方熊祥。孔憲穀。蕭延福。陳壽祺。徐景軾。秦賡彤。孫官雲。葉衍蘭。劉鍾祥。李士芳。劉昭文。陳蒸。李宏謨。何耀綸。俱著以部屬用。章永康。賈春暄。俱著以內閣中書用。

劉澍。稟黃文肇。汪祖綬。周式濂。主題雁。周維翰。洪麟綬。賀錫福。翁延緒。龐掌運。俱著以知縣。即選。任廷槐。柴友芝。俱著歸原班銓選。繙譯庶吉士全順。著授職編修。毓孚。著以部屬用。○戊辰。諭軍機大臣等。載華等奏。本月二十一等日。

陵寢內外暨馬蘭峪一帶地方。得雨二寸有餘。等語。上年圍牆以內。松樹生蟲。經載華等奏稱。實力撲捕。入冬後蟲歸樹下。復經添派幼

實錄卷三十一

三十一

丁。幫同揔捕。惟今春雨澤較稀。聞樹株復被蟲齧。枯乾不少。現當雨後萌芽。著載華等督飭兵役。認真揔捕淨盡。所有上年被齧樹株。若能乘此生機。妥為培植。其可保發榮者。尚有幾成。並著查明具奏。將此諭令知之。○又諭。前因廣東辦理夷務軍務。正當喫緊。諭令勞崇光。接奉諭旨後。即赴廣東巡撫新任。並署理總督。以便黃宗漢交卸啟程。本日據畢承昭奏。近來廣東省城。民夷尚屬相安。其失

守之大埔。嘉應兩城均已克復。興甯亦已解圍。惟賊匪分股竄赴連平。圍困州城。並擾及和平。龍川等縣鄉村。其韶州府屬之樂昌縣。亦已失陷。雖經官兵擊勦獲勝。賊尚盤踞城外。其界連廣西。湖南。江西。福建。四省之地。時有外匪竄至。肅清非易等語。廣東嘉應大埔。樂昌失守。黃宗漢均未入奏。雖據畢承昭奏稱。該督親自督兵。克復大埔。嘉應。現駐龍川。河源一帶。就近調度。而黃宗漢既置夷務於

實錄卷三十一

三十一

不問。又於軍務情形。數月不發奏報。其有無心病。尚未可知。現在王慶雲到任。尚需時日。著勞崇光。迅即馳赴廣東。將失陷各城。即圖克復。其被圍被擾各地方。應行撥兵援勦之處。趕緊布置。俾賊蹤不致蔓延。並於到任後。察訪黃宗漢有何疾病。一切地方要事。何以概不發報。據實奏聞。將此由五百里諭令知之。○命兵部尚書全慶。刑部尚書趙光。教習庶吉士。○授一甲一名進士孫家鼐翰林院

修撰二名進士孫念祖三名進士李文田編修○已巳

孝慎成皇后忌辰遣官祭

慕陵○諭內閣惠親王恭親王奕訢工部尚書文彩均著毋庸管理鐵錢局事務其奏留襄辦各員並著一併撤回所有鐵錢局事務著統歸戶部右侍郎管理並著戶部總理滿漢尚書兼管○刑部奏現審倉米徵變案内正犯王瑞病故其餘花戶張玉等七名倉場衙

實錄卷二

三十三

門咨稱各有差事不能全行到案請飭取具犯供送部以憑查辦得旨該衙門含混登覆殊屬非是明係不傳之花戶刑倉兩衙門役吏串通勒索使費此摺令該侍郎詳細聲覆不過欲踐前言經奏較咨文可據不致別有發覺此法係猾吏熟徑不期爾堂司各官並未細心推求未免疏忽著將張玉等全數送部一併嚴訊○賞烏什幫辦大臣德通二等侍衛為烏什辦事大臣○以江蘇捐輸軍餉

永廣青浦溧陽二縣學額各二名○予安徽南陵陣亡守備葉廷彪把總吳金龍祭葬世職○予山東單縣陣亡外委仙兆岐把總王宗禮祭葬世職

實錄卷二

三十四

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百八十一

振邦軍營到營以後著傳振邦分撥五百名前往勝保軍營調遣其管帶此項馬隊著於各協領內揀派較為得力者二員管帶南下俟到營即由關保等統帶可資得力將此諭令知之○又諭本日據勝保奏大股粵逆屯踞天長汊澗一帶請飭各路進兵會合堵剿一摺逆匪大股屯踞天長屢撲官軍營盤勢極狡猾勝保駐劄盱眙兵力較單誠恐不敷扼剿本日據和春等奏已撥兵赴江北擊

書奏卷一百八十二

三

退撲揚州之賊並分兵保護邵伯一帶是江南赴援之兵已在勝保前路著和春即飭毛三元等一面嚴防該逆回竄一面分兵馳往天長汊澗一帶會合勝保一軍兩路夾擊速克堅城以固北路藩籬是為至要將此由六百里諭令知之○以鑲藍旗蒙古副都統德勒格爾兼正藍旗護軍統領工部右侍郎成琦兼鑲黃旗漢軍副都統○以江蘇辦理招撫出力賞參將賴鎮海總兵銜守備鄭榮勲

歐陽宗等花翎外委陳明安等藍翎餘升敘有差○以安徽臨淮勦匪出力開復參將吳秀處分仍以副將用都司博勒忠阿以遊擊用○予安徽鳳陽陣亡縣丞紀堪傑祭葬世職○辛未諭內閣瑞麟周祖培奏挑挖河道完竣一摺現在通惠河引河業已挑挖工竣水勢一律通暢著奉宸苑隨時稽查勿令再有淤塞至沿河洩水溝涵洞等處新築土壩培堆泊岸不准附近居民私行偷挖以資蓄

書奏卷一百八十二

四

洩而利漕行○壬申孝誠仁皇后忌辰遣官祭景陵○諭軍機大臣等前據官文等奏請撥黑龍江西丹一千名赴楚助剿並派協領巴揚阿裹帶軍裝銀兩前往調取當經諭令該將軍照數挑選候調嗣據奕山等奏已將西丹一千名挑選齊備俟巴揚阿到後即可將此項西丹帶往湖北軍營所有天津馬隊即可毋庸調撥以免周折至該大臣等請撥黑龍

江馬二千匹。亦經諭令該將軍照數湊足。統交該協領帶往矣。將此諭令知之。○又諭本日據勝保等奏。天長賊匪眾多。請飭和春。令周天培帶兵數千。前往盱眙會剿。續復據奏。業經將汭澗賊壘平毀。即日進兵。直逼天長等語。周天培現駐浦口。恐未能舍浦口而就盱眙。張二良前帶兵赴揚州。熊天喜又帶兵四千渡江。又有海全帶馬隊四五百名。由儀徵馳往揚州一帶助剿。均係和春派出之兵。

著即在各軍內酌量調撥。前往勝保軍營會剿。天長賊匪以期速克。城池揚州與天長毗連。若由揚州進兵攻其南。再撥兵繞至盱眙。會同勝保攻其北。更為得力。著該大臣相度機宜。妥為籌辦。將此由六百里諭令知之。○又諭瑛奏請飭袁甲三赴豫督辦團練。防堵歸陳等語。該二府現辦堅壁清野。既已次第告成。自應派員董率。以期聯絡。惟袁甲三已令署理漕運總督。該省紳士中。如另有諳

悉軍務。鄉望素著者。著瑛察查訪奏。請派令督辦團練。如紳士不得其人。即由本省官員內遴選奏派亦可。將此由五百里諭令知之。○引見新進士。得旨。一甲三名。孫家鼐。孫念祖。李文田。業經授職外。朱學篤。馬文夢。金慶鵬。張丙炎。龔易圖。胥瑞琰。王正璽。王師曾。樓震。張丕烈。周家楣。胡毓筠。馬傳煦。杜壽朋。由書年于蔭霖。趙一林。周瑞清。黃錫彤。左雋王。寅亮。特亮。宗室常珩。賈瑚。嚴辰。田國俊。岳維

翰。周光祖。李振家。孫樹英。啟。張璟。槃。王。陰豐。趙繼學。吉。長。清。關。耀。南。饒。佩。勳。何。探。源。徐。爾。慶。俱著改為翰林院庶吉士。光熙。戴。堯。臣。董。毓。葆。余。九。穀。楊。鴻。吉。蔡。琳。丁。壽。祺。苗。穎。章。梁。思。閔。李。文。俊。武。繼。志。沈。璜。葉。毓。桐。梁。鳴。謙。傅。世。綸。郭。應。霖。黃。元。善。陳。倬。李。汝。弼。王。象。瑜。周。益。憚。彥。琦。高。文。銘。何。貴。高。蔣。作。錦。恩。榮。施。應。藻。汪。仲。洵。謝。輔。站。洪。緒。管。涉。陳。鴻。作。王。綺。珍。劉。紹。白。黃。慶。珍。宗。室。福。錕。鄭。錫。泰。黃。慎。忠。高。

文煜葛宗鄒王王書陳祖襄康縉王文錦劉振中阮光鼎楊繼祖康模王麟祥萬培因徐光祖凌行均顏士璋定保陳繼薰馬雲昭黃翼為馬文華宛立俊袁廷俊宋恩溥吳岱章皮宗瀚張景星湯似瑄武士選李蔭棠周光炯覺羅瑛彬江廷傑韓寶鴻蘇佩訓邵子彝俱著分部學習徐炳烈何聘珍汪萬鴻俱著以內閣中書用王詠春曹大任王其慎朱靖旬汪顯達王王衡張勲魯膺泰孟丕榮寶瑛

實錄卷二八二

吳燦西王鳳森朱之傑崔迺輩高箕承寅康江鴻陳肇傑許貞元陳桂芬張燮鄧開運柳宗芳侯甲瀛王學華李宗泰沈紹九吳天錫呂邦俊石樹珠劉自立果祥郭雲漢喻樹琪王成驤馮榮堂宋學濂董元勲楊久祐杜墨林羅雋杜世銘查子庚劉光遠秦子俊田樹榮鄭葵俱著交吏部掣籤分發以知縣即用工部學習郎中劉秉衡戶部學習郎中路昭德俱著俟報滿作為候補郎中後以該部郎

中即補刑部額外主事陳大誥刑部學習主事謝鉞戶部學習主事祝炳章俱著俟報滿作為候補主事後以該部主事即補餘著歸班銓選以克復福建浦城縣城賞同知張琪都司吳肇棠等花翎兵丁梁萬得等藍翎餘升敘加銜有差以安徽天長縣城被賊竄陷革遊擊保英知縣文錫璿職留營效力○癸酉諭內閣工部實源局奏鑄辦鐵錢需用平鐵等語實源局所需鐵斤由山西省採

實錄卷二八二

辦按李解京因上年所解潞鐵不堪鼓鑄業經咨行山西巡撫嗣後均應一律起運平鐵茲據奏稱山西應解該局秋運二批鐵斤仍由潞安府辦運恐誤鼓鑄著山西巡撫將應解實源局鐵斤一律均以平鐵運解如平鐵或有不敷即照鐵錢局三七成搭運俾利鑄以怡親王載垣署鑲白旗漢軍都統以都察院左都御史綿森署工部尚書○甲戌湖南巡撫駱秉章奏防勦未竣請暫緩本

年文武鄉試從之○乙亥

上御含輝樓閱吉林黑龍江官兵馬步射○欽差大臣大學士桂良等奏接到英酋照會將赴天津請派大員暫事羈縻得旨總以上海換約為第一要義即使不得已俯就下策停泊瀾江沙外少帶從人實為妥協尤必須該夷酋正身赴京不得任其更替一兵頭之類意存攪擾抵京原為換約萬不能聽其久駐該夷酋設欲駐京必將薛煥留於京師作為

實錄卷五十一

九

辦理之常人此時清淮一路雖恐有阻然另派他人不悉夷情斷斷不能措施合宜卿等艱辛備嘗二載勤勞亦必欲速觀厥成所請毋庸議正可藉茲赴津需日之語為羈縻換約之地步也○丙子諭軍機大臣等昨據桂良等奏四月二十五日接英酋照會內稱噶嚕嘶赴京交聘不日乘舟徑赴天津並有希在天津豫備夫役舟車以便入都並於京城內擇出寬廣寓所該夷率領隨員官弁前來

等語桂良等已照覆該酋令其毋徑赴津必須至上海商議並派知縣黃仲奮至海口俟夷船到時與之言明即在上海換約惟夷性狡執恐難挽留儻不聽勸阻徑赴天津僧格林沁恆福惟當遵照前旨派員曉諭令其停泊瀾江沙外告以桂良等已由上海啟程不日到津即可會晤商辦一切並告以海口節節設防切勿輕於駛入致有損傷以全和好如該夷請另派員前往可告以各國和約皆

實錄卷五十一

十

係桂良等經手辦理他人不能知悉明白開導令其靜候可也將此密諭知之○又諭前據駱秉章奏江西南安大股賊匪竄擾湖南桂陽等縣情形喫緊咨調貴州都勻協副將田興恕回湘田興恕經蔣霽遠派署古州鎮總兵正資勦賊當諭令蔣霽遠與駱秉章咨商辦理茲據蔣霽遠奏田興恕接奉楚南檄調即於三月初九日啟程赴楚請飭令該副將迅回黔省仍統帶黔楚兵練勦辦賊匪等

語貴州自黎平解圍後。田興恕乘勝進攻古州大坪一帶賊匪。即日可以殲除。勦辦正當得手之時。自未便遽行調赴他省。著駱秉章飭令田興恕帶同原隊。迅速兼程。仍回黔省勦賊。以資得力。所有兆琛一軍。即令全數撤回楚南助勦。如此一轉移間。於黔楚軍務。兩有裨益。毋致顧此失彼。將此由六百里諭令知之。○又諭傅振邦奏連破賊圩。生擒擒首陸連科。並截擊北竄。擒眾各情。嶧縣解圍。敗

實錄卷二八二

十

擒由郊城出境。遁回老巢。已據崇恩奏到。此次該提督於旬日內。疊破堅圩。生獲渠魁。擬俟東南各圩撫定。移營西向。次第進勦。劉添幅等各巢。並約會關保整軍東征。為牽掣之計。其苗沛霖所率練勇。亦飭令約齊。願上太和阜陽各團練。分擣孫葵心巢穴。以期悉數殲旃。所籌尚為妥協。惟擒匪股數甚多。地勢寬廣。關保督軍已抵灘口。傅振邦暫駐蒙城板橋集。即可分道並進。合力兜擊。現復派吉

實錄卷二八二

三

林馬隊一千名。交崇恩調遣。駐劄山東南境。遙為聲援。所有富新黃良楷所帶兵勇。亦可飭令相機前進。仍與郝上庠等互為聯絡。勿令擒匪仍竄東境。將此由六百里各諭令知之。○廣西巡撫勞崇光奏廣西文武鄉試請緩至來秋舉辦。從之。○以安徽淝河生擒擒首賞參將胡元昌總兵銜。餘升敘有差。○以貴州勦賊獲勝。予副將田興恕以總兵官用。○以大凌河挑備馬匹疲瘦。錦州副都統侍順等下部察議。議處。○以貴州貴定縣防堵不力。革守備包廷樑職。予陣亡知縣桂蕊香祭葬。世職如同知例。千總海應祥把總牟春桂楊信元李育春外委甘得勝蘇正邦余中林周占先呂森祭葬。世職。○予廣西柳州陣亡參將黃開亮祭葬。世職。○丁丑考試應開列試差滿漢二品以下京堂各官。於圓明園上書房。○以福建建安甌甯兩縣士民守城出力。永廣文武學額各三名。○戊寅諭內閣。

給事中方濬頤。御史吳焯。林之望。聯銜具奏。彙訪殉難紳民人等。懇恩分別旌卹一摺。安徽省頻年被賊滋擾。各府州縣官紳士庶。或殺賊捐軀。或臨難矢志。均堪憫惻。該給事中。等籍隸安徽。見聞真確。所有單開紳士民人男婦三千三百四十四名口。著該部查明。除業經給予卹典外。餘俱照例分別旌卹。以慰忠魂。而勵名節。○又諭給事中。方濬頤等。奏請旌表孝婦等語。據稱安徽桐城縣儒生馬

實錄卷三十一

十一

崇序之妻曹氏。於咸豐三年賊匪入城時。三次求代姑死。又以計免叔姑於難。祖姑歿後。賊欲剖棺。曹氏復求以身代。卒能出城殯葬。並脫伊夫從弟之難。實屬孝行可風。馬曹氏著交部照例旌表。以維風化。○予湖北等省殉難知縣董文煜。典史高振午。祭葬世職。原任山東曹縣知縣章寅妻查氏等十七名口。分別旌卹如例。○予安徽歙縣殉難。在籍給事中。方允鐸。建德陣亡外委馬經魁。祭葬世

職。○己卯。諭內閣。兵部奏。總兵開復原官。可否坐補原缺一摺。開復原官之陝西河州鎮總兵吉順。江西南贛鎮總兵饒廷選。均著准其各坐補原缺。嗣後提鎮各員。如革職留營。其底缺未經補放。有人旋准開復原官者。即照此辦理。並著該部於月摺內註明。半年彙奏一次。○諭軍機大臣等。俄夷在烏蘇里河以下。博力抓吉等處。蓋房占地。前經奕山。特普欽奏到。當經諭令。特普欽飭令富尼揚阿。

實錄卷三十一

十四

曉諭夷酋。阻其下駛。並嚴諭奕山。督飭吉拉明。阿力圖。補救。不准推諉。本日據特普欽奏。該夷目等不聽理諭。動以木哩斐岳幅為詞。而木哩斐岳幅之狡執貪亢。則恃前約內有烏蘇里河至海。為中國俄國同管之地一語。請飭吉拉明。阿與之申明前約。分較明晰。俾免藉口等語。烏蘇里等處。與俄國並不毗連。何以奕山等所議條約。竟有與俄國同管之語。況該夷現欲開山修道。則其本不通海。已

可概見奕山等許其會勘。尤為輕率。特普欽所奏。欲將前約分晰。言明烏蘇里河至海一節。係專指江路行走。並非准其上岸。然既准其往來江路。則登岸亦難禁止。自應與之決絕。言明將前約中此語改去。方為直截了當。著奕山傳知吉拉明阿向木哩斐岳幅言明。從前初議之時。未能深悉吉林地界。現在業已查明烏蘇里綏芬河等。並非俄國接壤。又與海道不通。自應將此語更正。不但圖勒密

實錄卷之八十三

十五

博力抓吉及三姓等陸路。不可任意侵占。即綏芬烏蘇里河路。亦當與之約定。不准人船駛往。儻堅執不遵。惟有更進一步。告以爾既不講情理。則中國亦難事事曲從。除黑龍江左岸借與該國居住之地。准其船隻行走外。其餘黑龍江下游及松花江內。均不准其行駛。如肯更正前約。收回吉林境內人船。不復下駛。則黑龍江松花江通海之路。業經許其行走。中國亦決不負約。總宜將木哩斐岳幅

折服。則其餘夷目。無所藉口。後來人船方能斂戢。若謂地在吉林。意圖推諉。奕山吉拉明阿。恐不能當此重咎也。特普欽既經飭知富尼揚阿。於三姓地方就近拒絕。其黑河口。牡丹河等處。並著轉飭各該副都統一體防範。務期兩省會商。合力阻拒。亦不可因貽誤。由於奕山等。遂謂難於籌辦也。將此由五百里各諭令知之。

實錄卷之八十三

十六

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百八十二

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百八十三

監修總裁官經是日清起居注官太子太保上書房總管傳文閣閣辦事翰林院掌院學士稽察欽奉上諭事務處總辦官等官

大學士管理戶部事務加十三級紀錄十四次 實領官奉恩輔國公額爾德尼圖著加太子太保之職開國事武毅侯著加太子太保之職開

大學士管理戶部事務加十三級紀錄十六次 月經瑞福武官太子少保管理內閣書房事務引引大臣著加太子太保之職

鑲黃旗滿洲副都統兼管理三庫事務加四級隨帶加五級紀錄十二次 實領官奉恩輔國公額爾德尼圖著加太子太保之職開國事武毅侯著加太子太保之職

通判史館總辦官監錄蒙古館總辦官管理蒙古事務加二級奉功加四級隨帶加八級紀錄五次 臣等謹將所著奉

敕修

咸豐九年己未五月庚辰諭內閣醇郡王奕

年錄卷之二十三

讓等奏參刑部左侍郎靈桂進內值班誤穿服色靈桂著革職留任並降為三品頂帶其妄稟訛言之刑部筆帖式錫昌著即革職主事奎昌國秀均著交部議處○諭軍機大臣等昨據特普欽等奏俄夷恃約狡執圖占地方情形當經諭令奕山等合力拒阻本日復據特普欽等奏稱接庫倫密咨知夷酋木哩斐岳幅進送槍礮欲帶人船由黑龍江赴東海運送天津現籌防範等語俄夷進送槍礮

前經諭令由庫倫等處陸路行走嗣因該夷欲由海道運送業經允准該酋木哩斐岳幅

如實係運送槍礮著奕山等准其由黑龍江

松花江出海毋庸攔阻若以進送槍礮為名

駛往吉林三姓各地方肆擾侵占該將軍等

仍當遵照前旨協力拒阻以杜詭謀將此由

四百里各諭令知之○又諭御史富稼奏滙

陳錢法積弊一摺據稱寶泉局銅庫書吏王

韶句串庫丁胡亮等將入冊收庫之銅擡出

年錄卷之二十三

二

局外窩藏附近盜賣分肥致官役勾結匪棍槍奪官銅幾釀巨案寶豐銅廠張玉華綽號毛張又名張孔久恃火器營礮廠採買銅票一紙為符夥同廣發銀號陳啟堂等向運官鄒衍泰商允盜買官銅三十餘萬斤運收私廠仍囑書吏王韶在收銅冊內以少寫多又沿河一帶偷銅著名者天津有毛景等二人通州有黃三太等十人隨同行竊者不下二百人皆賴張玉華之寶豐永豐二廠藏匿銷

賊句結護庇各等語。如果屬實。大千法紀著步軍統領衙門查照。該御史指叅各節。按名悉數查拏。嚴行懲辦。毋任聞風遠颺。以重圉法。原摺片均著鈔給閱看。將此諭令知之。○以吉林協領關保為黑龍江副都統。○以葉爾羌修理城垣礮臺出力。予印房章京西林泰等優敘。加銜有差。○辛巳諭軍機大臣等。張家口白城子地方。向值俄囉斯學生換班之年。有該國人在彼牧放牲畜。人數本屬無多。聞近日愈聚愈多。竟至千餘人。並有槍礮器械。是否照常安靜。或與民間影射貿易。抑或有打造軍器等事。現在該國存居人數。究有若干。著慶昫密派妥員。不動聲色。細心訪察。據實具奏。將此密諭知之。○以禮部右侍郎楊式穀署刑部右侍郎。吏部左侍郎匡源署工部右侍郎。兼管錢法堂事務。以克復江西臨江府城。賞府經歷崔矩等藍翎。餘加銜升敘有差。○予安徽建德陣亡守備黃順

金。把總徐文富。祭葬世職。○壬午。遣官祭關帝廟。○諭軍機大臣等。前因胡興仁奏。鄭魁士志氣日驕。軍心不服。當諭和春等據實查奏。本日據該大臣等奏到。已降旨令周天受督辦甯國軍務。鄭魁士調回江南大營矣。鄭魁士自調赴皖南。辦理軍務。一切尚無貽誤。其平日打仗勇往。朕亦深知。惟賦性急躁。不能容忍。是其素病。胡興仁不能和衷共濟。亦屬器量淺隘。現命周天受督辦甯防該員。久在皖南。情形熟悉。勦辦當能妥協。甯國與金陵唇齒相依。且為江浙屏蔽。當此賊氛靡定。全在文武和衷。方能士卒用命。從前鄧紹良因糧臺積欠過鉅。軍情渙散。致有挫失。前車可鑒。關繫非輕。周天受駕馭兵丁。固宜嚴加約束。胡興仁身任封疆。籌畫餉糈。尤屬責無旁貸。仍著每月按照兵勇人數。籌撥軍餉。源源接濟。儻或稍存意見。致有延誤。恐難當此重咎也。將此由五百里各諭令知之。○命

署湖南提督周天受督辦安徽甯國軍務。浙江提督鄭魁士赴欽差大臣和春軍營勦賊。○癸未諭軍機大臣等鄧瀛奏甯國出納各款請援照徽州章程均由浙江糧臺委員經理一摺甯國所屬地方自疊經被擾被災後不能就地協濟餉需所有甯郡釐卡已俱歸浙江糧臺候補道許烺試辦充餉一切用款自應悉由該員籌畫支放著准其援照徽郡章程統歸糧臺覈發惟據奏該員許烺經管

字樣未下公三

五

糧臺每遇甯防告警輒置身事外若罔聞知並藉詞請餉赴浙回籍任意逗遛在臺之日歲不及半上年鄧紹良失事時許烺即逗遛蘇浙不顧潰卒飢寒大局幾至決裂著何桂清胡興仁悉心察看該員果有此種情弊即著據實叅處如無別項劣蹟而於辦理糧臺不能勝任亦將該員撤退另派妥員接辦以免貽誤所有甯國各卡釐金著即照徽郡章程將浙勇食米皖勇銀米委員鹽折各項雜

支統交該糧臺委員一手經理並令補完積欠米價勇糧以專責成仍嚴飭該員專駐甯國府城毋許聞警遠離至甯太兩府現辦鹽捐係屬民捐民辦並非添設新卡亦不由官收存准其留為撫卹災民之用不得提充軍餉以順輿情將此由五百里各諭令知之○江南河道總督庚辰奏請暫留新授徐州鎮總兵官鶴齡衡陽防次以資堵剿得旨徐州地方緊要著迅飭該鎮赴任所請不准行將

字樣未下公三

來衡防撤時該鎮勞績准由汝處聲明請旨○以國史館覆纂臣工列傳告成予前提調官理藩院尚書穆蔭等議欽○甲申諭內閣恆福奏請將驛遞遲延之知州議處一摺直隸署通州知州候補同知張瀚於驛遞緊要事件遲逾三時之久實屬玩泄張瀚著交部議處以肅郵政 諭軍機大臣等據給事中蔡燮奏訪聞偷竊倉米有人包攬請飭查拏懲辦等語近來京倉竊米之案層見疊出均

經拏獲人犯照例懲辦本年三月間裕豐倉復有竊米之事甚至拒傷更夫目無法紀難保無窩藏寄頓之處據該給事中所奏包攬偷竊倉米首棍各犯通同一氣包收包售於倉儲大有關繫亟應嚴拏懲辦著步軍統領衙門按照單開人犯住址緝獲研訊照例懲辦毋令一名漏網原摺單著鈔給閱看將此諭令知之○乙酉諭內閣常清奏請嚴定捕盜章程一摺據稱朝陽赤峯境內有奉天省

實錄卷三十三

七

騎馬賊匪百數十人竄至肆劫土默特旗界內清河門地方復有賊眾百餘拒傷社長多命之事此等匪徒總由奉天查拏緊急以致竄入熱河境內自應一律嚴辦所有現獲賊犯張泳幅等二名即著該都統於審明後嚴行懲辦此後熱河地方如有盜匪持仗拒捕者准其格殺勿論如訊明實係大夥匪徒聚眾肆劫即著不分首從先行就地正法加以梟示其尋常盜犯仍著各按本例定擬以儆

實錄卷三十三

八

奸宄而安善良○又諭綏芬烏蘇里河地屬吉林並不與俄國接壤亦並非黑龍江將軍所轄地方上年該將軍奕山輕信副都統吉拉明阿之言並不與俄國使臣剖辨明白實屬辦理不善咎無可辭黑龍江將軍奕山著即革職暫留本任仍責令將從前辦理含混之處辨明定議革職留任副都統吉拉明阿著即革任並著特普欽派員拏赴烏蘇里地方枷號示眾以示懲儆○諭軍機大臣等特普欽等奏俄國人船欲赴三姓等處貿易並木哩斐岳幅隨帶兵船堅欲往烏蘇里綏芬勘界一摺此事貽誤根由總由奕山吉拉明阿於兩國公同管理一語不能立時剖辨致令有所藉口本日已明降諭旨將奕山革職暫留本任並令特普欽將吉拉明阿拏赴烏蘇里地方枷號示眾矣特普欽接到明發諭旨即可宣示夷酋告以烏蘇里等處本非俄國接壤又與海路不通奕山吉拉明阿已為

此事身獲重罪若再肆意要求我等萬難應允前此奕山等將黑龍江左岸借給俄國人等居住大皇帝既已加恩自不致有更改其未經議定之地任意闖越即是背約豈有吉林地界轉以黑龍江官員言語為憑之理爾即駛往天津亦必仍交吉林定議以毫不相連之地何從勘界吉林官員斷不敢以此欺蒙君上爾亦身為大臣豈有不明此理將來徒勞往返於事無益轉傷和好不如各守舊

實錄卷一百三

九

約早息此念兩國自可相安該酋見吉拉明阿獲罪已有明徵自必氣餒而特普欽等據理措詞當亦較易至阿勒楚喀吉林三姓等處奕山條約內本無與通貿易之說尤當與之剖辨並密諭各該處居民勿與往來斷其接濟使該夷無利可圖自當中止此一節須慎密為之務使居民知通商之有害無利而又不使該夷見有禁止痕迹方為周妥諒特普欽等必能悉心體會也本日明發諭旨即

著特普欽傳知奕山將此由五百里諭令知之○以進勦河南兩河口擒匪出力賞守備苗玉榮巴圖魯名號參將承惠等加銜升敘有差○丙戌諭軍機大臣等本日據王慶雲奏謝恩請訓一摺該督擬於交卸後即行啟程諒此次批摺發回必已就道兩廣總督現雖不兼海口欽差之任而夷人肇釁之端始於該省刻下省城尚未退還即使不至橫行終不能民夷浹洽一切控制機宜剛柔並用

實錄卷一百三

十

全賴該督妥為籌辦上海互換和約尚無定局俟互換後一切應辦事宜必須豫為布置黃宗漢在任年餘於夷務概置不問即省城地方情形亦罕見奏及王慶雲到任後務與省城聲息相通即有難於駕馭之處亦必設法維持至省城有夷酋雜處自難輕入其黃宗漢所駐之惠州是否扼要能否兼顧兩省著王慶雲悉心酌度擇要駐劄務與省城不至隔絕方為妥善上年夷人有駕駛兵船前

往廣西梧州之事。東省並未阻止。殊屬非是。夷人條約。尚未換定。約內亦無駕駛兵船。肆行內地之語。以後如再有此等情事。亟應飭屬阻止。毋令習為故常。朕以王慶雲平日辦事精細。心地和平。必能馴擾外夷。安定民心。操縱得宜。故特簡任。是缺其如何妥為籌辦之處。俟該督具奏時。朕必隨時指示。不厭諄詳也。至土匪滋擾各屬。據畢承昭奏。稱黃宗漢已親往督勦。而黃宗漢數月以來。竟未入

實錄卷二百八十三

十一

奏。該督到任後。如何調度。自當陸續奏報。即西省軍情。亦係該督兼轄。設或兵力餉糈。有需協濟之處。亦應設法兼顧。此則該督所能慮及。無俟朕之諄諭矣。勞崇光在廣西多年。辦事實心。不辭勞瘁。未知其年力精神。近來若何。現在調任廣東。更為繁劇。有無衰老情形。並著王慶雲遇便具奏。將此諭令知之。○蠲緩浙江甯海縣被擾地方舊欠額賦。○丁亥。諭軍機大臣等。本日據桂良等奏。夷酋不

遵開導。堅欲北行。一摺。據稱。英酋噶魯。弗酋布爾。布澄。到滬。均不肯與桂良等相見。但堅執進京換約之議。決意北行。咪酋華若翰。亦隨同前往。又稱。英夷兵船。已有六隻。於初九日開行。其餘亦將陸續北駛。本日已諭知桂良等。即行回京。並傳諭文煜。令其馳赴天津。幫同恆福。辦理夷務矣。各夷船隻。如到天津海口。著僧格林沁。恆福。即遵前旨。速派明幹委員前往。迎至攔江沙外。向其曉諭。告以

實錄卷二百八十三

十二

桂良等在上海。已有照會。告知中國。並無他意。兵船萬不可駛入攔江沙。現在大沽海口。已節節設備。如輕易入口。恐致誤傷。反失和好之道。即將來進京時。亦須由北塘行走。至天津。由水路進京。並告以去歲天津所定和約。均係桂良等一手經理。此處無人深悉底裏。即使剋時進京。亦須等候桂良等到京。方能互換。為期亦不甚遲。儻該酋不肯在攔江沙外靜候。即用內地船隻迎護。由北塘登陸。

至津即著該酋在天津等候一切豫備館驛派人護送自當以禮相待仍與言明兩國既係和好互換和約不得隨帶兵船不得多帶從人其一切設備僧格林沁務當先行趕緊妥籌辦理至備辦館驛等事恆福即與文煜商同妥辦可也將此由五百里諭令知之○又諭本日據桂良等奏喚夷不遵開導決意北行一摺並據片稱喚夷兵船已於五月初九日晚間開行六隻餘將陸續起碇北行各

聖訓卷之三

十三

等語喚夷既已決計北行桂良等無從勸阻自應趕緊回京惟夷船雖已開駛而嘈嘈嚙尚未啟程桂良等當趕緊知照告以若徑行駛至天津則接待無人諸事無從辦理不如稍緩起碇俟我等先行到京然後換約各事可以從容商辦如果該夷酋已全數起碇即著桂良花沙納率同段承寶並隨帶委員薛煥李煥文等一併迅速星夜回京毋稍延緩將此由六百里諭令知之○又諭勝保奏粵

捻交警請撥天津馬隊助剿等語前因勝保等請撥馬隊諭令僧格林沁於天津續調防兵內派撥黑龍江馬隊一千名前赴傅振邦軍營即由傅振邦分出五百名派往勝保軍營聽候調遣此項官兵著勝保派員迎提藉資助剿至天長逆匪疊經官軍進剿獲勝而逆首陳玉成輒率大股回竄六合是賊蹤飄忽靡定極為狡譎正應相機堵剿以遏兇蹤現在圍攻天長搶築礮臺並分兵斷賊外援

聖訓卷之三

十四

自可迅圖克復若令賊以數千之眾牽掣我兵曠日持久轉恐墮其詭計著勝保一面督飭兵勇奮力進攻一面探訪賊蹤相機截擊勿使賊眾紛竄轉得肆其北犯至廬州賊匪既欲糾約懷遠捻匪夾攻皖營則定遠情形倍形喫重勝保已撥馬隊三百名往援尚恐兵力單薄著翁同書妥為布置不得稍有疏失仍著勝保隨時偵探悉心兼顧以免貽誤將此由六百里諭令知之○予安徽汭澗陣

亡副將成興祭葬世職○戊子諭軍機大臣等僧格林沁等奏夷船已抵海口擬俟三日派員前往曉諭一摺此次到津夷船止有四隻自係昨日桂良等所稱先行開駛之船其聲言尚有火輪船二十餘隻亦與桂良等探報相符該夷船既退回雞心灘外且尚無多隻亦不值與之用武惟當先為曉諭使知天津設兵並非為防伊國實因沿海重地恐有盜匪騷擾不能無此防備爾國亦當體諒我

諭旨卷之三

十一

國不能因兩國和好即為撤防現在已准進京惟須等候大學士桂良等到後即令由北塘行走由天津進京兩不相妨爾等可先至北塘停泊靜候公使如此開導如其肯往北塘即著恆福等派員彈壓不使登岸並禁止奸民暗通接濟該夷如需淡水食物不妨官為應付以示不疑俟桂良等到商議一切至海口木筏鐵餞等件既不能撤則米船出入亦不甚便且恐米船進口而夷船隨後尾入

聽之不可阻之無詞轉多窒礙著恆福飛咨山東巡撫如有續到米船令其暫在東境收口勿遽前進已另有旨寄諭全慶廉兆綸矣僧格林沁另片奏請將前調馬隊二千名再調綏遠歸化二城馬隊一千名均赴山東防堵等語勝保傳振邦軍營需用馬隊各五百名業已允其所請該處盼望甚殷仍著遵照前旨派往其德楞額所帶之一千名即派赴曹單添調之綏遠歸化二城馬隊一千名已

諭旨卷之三

十一

諭知成凱等照數派撥即令桂成統帶赴東矣將此由五百里諭知僧格林沁恆福並傳諭文煜知之○又諭前據全慶等奏江浙海運米船尚有一百數十隻未到天津本日據僧格林沁等奏夷船已到海口聲稱以三日為期將海口木筏鐵餞等悉行撤去該大臣等現在派員以理曉諭等語海口木筏鐵餞係為防夷而設斷不能如夷人所請撤去亦未便留漕船進出地步使夷人有所藉口此

時已到米船。全慶等諒已速為驗收趕緊運通。其未到各船自應令其暫緩北上。除已諭令恆福行知山東巡撫將後來米船暫留該省停泊外。仍著全慶廉兆綸知照崇恩飭令沿海文武地方官。凡有江浙海運米船過境飭令於登萊等處海口暫行停泊妥為照料彈壓。俟夷務稍定再行赴津。不得因急欲藏事。催令北來轉致貽誤。將此諭令知之。又諭前因山東曹單一帶防堵喫緊諭令僧格

寶錄卷之三

七

林沁於天津防兵內調撥吉林馬隊一千名交記名副都統德楞額管帶前往駐劄。現在粵捻各匪情形尚未稍鬆。亟應厚集兵力以防北竄。著成凱桂成於綏遠歸化兩城備調天津防兵內各調撥五百名配齊軍裝器械統交副都統桂成管帶迅速啟程馳赴山東曹州府單縣一帶擇要駐劄並著會同德楞額籌商防堵機宜遇有賊蹤即行分投迎勦毋令闖入東境將此由六百里諭令知之。

又諭鄭魁士奏甯防需用軍火請飭山東山西協濟等語。甯國軍營現在防勦喫緊所需軍火浩繁自應通籌接濟以資應用著崇恩英桂各協濟火藥一萬斤迅速派委妥員解往甯國交周天受軍營俾免缺乏將此由五百里各諭令知之。○改鑄湖北荆宜施道關防石首縣鄖縣知縣各印信從巡撫胡林翼請也。己丑

上御勤政殿聽政

諭軍機大臣等昨因粵捻

寶錄卷之三

八

各匪屢圖北竄諭令成凱桂成將綏遠歸化兩城備調防兵各五百名統交副都統桂成管帶馳赴山東曹州府單縣一帶擇要駐劄此項官兵到後所需口糧馬乾等項著崇恩寬為籌備毋令缺乏再僧格林沁前於天津防兵內派撥吉林馬隊一千名交德楞額統帶馳赴曹州因原奏內稱德楞額係黑龍江協領是以諭令交崇恩調遣昨據僧格林沁奏稱德楞額係總管曾賞加頭品頂帶記名

副都統前摺誤為協領德楞額既係大員自未便歸崇恩調遣所有前調之吉林官兵及此項所調綏遠歸化兩城官兵於曹單一帶應如何布置以遏賊氛著崇恩與德楞額桂成會商辦理將此由五百里諭令知之○以太僕寺卿煜綸宗人府府丞錢寶青為都察院左副都御史

續纂錄卷之三

清

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百八十三

款修

咸豐九年己未五月庚寅諭內閣前因江南

續纂錄卷之三

文闈鄉試以軍務未竣兩次停止本年恩榜特開該省督撫奏請借用浙省文闈舉行該部議交浙江巡撫察看辦理旋據胡興仁覆奏聲稱號舍不敷恐多窒礙等語朕以江南士子未免向隅復諭令江南浙江各督撫妥為籌畫茲據何桂清徐有壬胡興仁會奏據稱咨商安徽學政該省距浙較遠賊氛未靖且歲科兩試久停士子等未能一律應試擬分別辦理以昭慎重著照所請本年江蘇省

鄉試即定於十月內舉行。借用浙江文闈辦理。安徽省鄉試著俟該省平定地方較多。應如何通融辦理之處。由該督撫屆時奏請補行。以示朕嘉惠士林至意。○諭軍機大臣等。官文奏。探知湖南賊眾勢將入蜀。請飭曾國藩帶兵迅赴夔州一摺。逆首石達開竄擾湖南。大股萃於祁陽。與官軍相抗。復分竄邵陽。新化。武岡等州縣。據稱該逆蓄謀已久。欲逞志於四川。由湖南入蜀。道路紛歧。若由資江

字號應三六四

二

沅江。遽窺常澧。則湖北之荆宜兩郡皆危。或由辰沅走秀山酉陽。或由黔中假道。皆可蔓延川境。湖北水陸各軍。全力施之於皖省。即再分撥。亦僅能近防洞庭常澧。不能再顧西路。詳覽該大臣所奏各情。實為通籌大局起見。本日已諭令有鳳。派兵扼要嚴防。惟該省兵力。恐不能當此悍賊。曾國藩前派蕭啟江帶兵援勦湖南。現在湖南喫重。此一軍自未能調回。此外如江西。湖北。湖南。四川等兵。均

素稱得力。著曾國藩即日統帶。由楚江前赴四川夔州扼守。以據兩湖上游之勢。儻賊蹤竄至。即可有備無患。至江西景德鎮之賊。尚未勦平。據官文奏。請飭李定太守饒州。饒廷選守撫州。彭玉麟守九江。著曾國藩斟酌情形。咨商耆齡妥為布置。俾得迅掃賊氛。不至顧此失彼。將此由六百里諭令知之。○又諭官文奏。密陳湖南賊勢恐蔓延入蜀。並以保蜀應先據岷江。必藉水師礮船。方能得力。請

字號應三六四

飭曾國藩督師由楚江到夔等語。所籌不為無見。本日已諭曾國藩親率所部赴蜀。惟曾國藩兵勇。分勦各路。能否即到四川尚難豫定。所有夔州正路宜先未雨綢繆。至酉秀一帶。亦須添撥重兵。以資守禦。現在王慶雲計已卸篆赴粵。有鳳兼署總督。責無旁貸。著即趕緊布置。扼守險要。並隨時偵探何路喫緊。即撥重兵前往。以臻嚴密。不得專待曾國藩客兵。致有貽誤。將此由六百里諭令知之。

又諭前因勝保等奏天長賊匪眾多。諭令和春於張玉良熊天喜各軍內酌撥官兵前往勝保軍營。會剿天長賊匪。旋據和春奏天長之賊分股回竄六合。已飭張玉良等挑派馬步各軍。由儀徵相機進兵。遂為六合聲援。本日又據勝保等奏進攻天長。因兵單未能即克。僮賊眾傾巢大舉。直向北犯。關繫甚為緊要。惟有竭力扼守盱眙。請飭撥精兵數千名駐劄清淮一帶。專防東北一面等語。現在勝

保既未能攻克天長。不得不扼守盱眙防賊北竄。蔣壩防兵甚單。清淮亦屬可危。必得江南撥兵迅速會克天長。庶可杜賊北竄。此時南北各軍統歸和春節制。著該大臣仍遵前旨。迅撥江北精兵前往天長。會同勝保將該城剋期收復。則清淮亦可無警。而賊眾不得乘虛北竄矣。將此由六百里諭令知之。協辦大學士湖廣總督官文奏襄陽等屬防勦人員分別請獎。得旨。俟竄楚擒匪全股肅清。

方准擇尤保奏。黑龍江副都統關保奏行抵鹿邑接收兵勇。縷陳大略情形。得旨。汝係幫辦勦匪之大員。斷不准專顧豫疆之一隅。務須統籌全局。視賊所向。即迅速追捕。不可遲延。以恒怯無能。已革直隸遊擊保英發往新疆效力贖罪。辛卯夏至祀

地於

方澤。遣肅親王華豐恭代行禮。

上幸靜明園詣

龍神廟拈香。諭內閣樂斌奏土爾扈特汗喀屯鄂斯庫吉爾噶勒因伊孫年幼孤單。差員稟請延接喇嘛教經延壽等語。喀喇沙爾游牧之土爾扈特部落久隸藩服。素稱恭順。著照所請。所有現回洮州卓尼寺已革諾們罕阿旺扎木巴勒楚勒齊木著准其前赴土爾扈特教習經典。並著伊犁將軍喀喇沙爾辦事大臣隨時稽查。不准出外滋事。俟教習三年後仍行解回內地。飭交該原籍地方官

管束。毋任逗遛。○諭軍機大臣等。僧格林沁等奏。夷船陸續駛進海口。遵旨曉諭情形。並恆福片奏。請飭明善來津等語。此次該夷等為換約而來。雖陸續駛進海口。經派員曉諭。後尚未聞進鐵餞。據稱。嚕嚕嘶亦在攔江沙外停泊。惟當加意嚴防。不值與之用武。致令藉口挑釁。明善雖曾隨同桂良等赴滬。究非上年天津原議之人。一切機宜。未必盡能洞澈。且恐一與夷酋見面。必致不肯耽延。速其

進京之請。本日據桂良等奏。嚕酋等於本月十三日起碇赴津。該大臣等亦於是日率同薛煥等。馳驛回京。但能少待時日。即可俟桂良等來津辦理。僧格林沁等當告以桂良等回京消息。令移泊北塘口外。靜待經手人到。互換和約。如堅執不聽。著妥為開導。專令伊國換約之官員。由北塘到津靜候。並著恆福文煜。與其約明。不准隨帶多人。執持軍械。驚擾人民。方合和好之意。並告以議和並非用

兵。所有該國提督及帶來兵船。均不可登岸。庶彼此均可信心。即日文煜到津。著即赴北塘。與嚕酋相見。言明一切。其由北塘到津。夷官之館驛日用。自應官為給辦。即在外江停泊之提督等。應需菜蔬食物等件。亦當派員在彼一體酌給。免致上岸滋擾。並勿令與民人交易。僧格林沁仍飭弁兵嚴守大沽海口。勿遽開槍礮。以顧大局。將此由五百里諭知僧格林沁。恆福並傳諭文煜知之。○又諭特

普欽等奏。夷目不遵理諭。帶領人船進烏蘇里。抗行等語。據稱。四月二十二等日。圖勒密夷目奇薩羅幅等。分駕船隻。抗行入口。上行攔阻不理。並堅稱該夷酋已在江城商妥。差人進松花江貿易。復有上駛夷船。聲稱赴興開湖。往勘河源分界。當向開導。堅執不聽。勢益鴟張。綏芬烏蘇里河。本非與俄國接壤。前以黑龍江將軍奕山。輕信副都統吉拉明阿之言。辦理不善。業經降旨。將奕山革職留任。

並令特普欽將吉拉明阿拏赴烏蘇里地方
枷號示懲諒該酋見此光景亦可稍知斂迹
該將軍並可藉詞據理拒絕至興開湖並無
與俄國毗連地界該處亦不在許借之內著
該署將軍查明進口各夷是否果係貿易抑
或登岸後別有滋擾之處儻有開挖河道情
事當告以該處居民不能應允如必恣意妄
行將來自肇釁端轉致有傷和好一面諭令
居民力為攔阻使該夷知眾怒難犯當可廢
然思返該署將軍等惟有據理與之剖辯不
必顯與爭執或致激生事端至其與民間貿
易亦須暗中禁止仍嚴密防範相機開導以
期辦理妥協將此由五百里諭令知之○又
諭張爺奏江西官軍與建德逆眾接仗失利
退守彭澤請飭催江楚援兵會剿一摺皖南
建德之賊糾眾竄偏下隅阪地方意圖西犯
防守各軍接戰失利賊眾復撲牯牛嶺軍士
傷折甚多普承堯一軍以待援不至退保彭

澤其浮梁餘匪復窺伺婺源等處賊勢甚為
猖獗不特徽境可虞即江西九饒一帶亦恐
賊蹤蔓延現在皖南既無軍可調而湖北各
軍又因協剿湖南賊匪撥兵四出勢難兼顧
江西自應急籌援剿以顧本省門戶著耆齡
迅即抽撥勁旅派委得力將備管帶分駐東
流湖口彭澤之間為普承堯後路聲援以資
攻剿毋稍遲誤將此由六百里諭令知之○
大學士翁心存因病乞開缺允之○壬辰
孝恭仁皇后忌辰遣官祭
景陵○癸巳諭內閣恆福奏查明賑恤災民口
糧請停補放一摺咸豐七年直隸固安等州
縣災歉於八年正月降旨加恩賞給口糧茲
據該督查明被災各屬是年二麥秋禾均屬
中稔且大賑之後小民糊口有資是以加賑
口糧未曾散放體察民情請毋庸補放等語
所有固安永清東明長垣東安開州等州縣
咸豐八年加賞口糧銀兩著准其停止補放

惟此項口糧業經刊刻謄黃。徧行曉諭。既應酌量停放。何以遲至一年之久。始行具奏。所有辦理遲延之歷任直隸總督藩司。著查取職名。交部議處。○又諭。恆福奏請將解馬遲延之知縣議處等語。前因天津大沽添設腰撥。遞送文報。經恆福於龍門等縣飭令協濟馬匹。迄今數月之久。未據報解。實屬不知緩急。龍門縣知縣盧天澤。署赤城縣知縣安志。署獻縣知縣胡桂芬。交河縣知縣李鏡瀛。均著交部議處。儻再不能趕解。即著從嚴叅辦。○又諭。黃宗漢奏請將管駕師船逗遛圖利之守備革職嚴審一摺。山東文登協守備徐焜。管駕造成師船。駛回山東。輒敢逗遛不進。灣泊順德縣地方。復往來押護鹽船。至電白及省城等處。得受銀兩。任令水勇人等。將師船私放出洋。賣去礮械。實屬目無法紀。該弁捏報在洋遭風。漂失船隻。並據供。奪得穀船貨船。是否另有在洋行劫重情。亟應徹底根

究。徐焜著即革職。交廣東督撫提同現獲之許亞保等嚴訊確情。按律懲辦。所有損漏師船。著先由廣東藩庫籌款修理。並將礮位配全。咨照山東巡撫。另派妥員赴粵。管駕回省。動用銀兩。即由山東省如數解還。以清款項。○又諭。駱秉章奏逆匪竄擾湖南各屬。經官軍擊勦。疊獲大勝一摺。逆首石達開。竄偏祁陽等處。自三月十四日至四月二十六等日。疊經官軍截擊。追勦。轟斃殺斃溺斃者。不計其數。並擊斃騎馬張黃蓋賊目。現在賊勢已極窮蹙。著駱秉章督飭諸軍。分路接捕。毋留餘孽。候補按察使劉長佑。先在木山失利。自回軍新甯後。未及半月。五獲大捷。功過尚足相抵。著加恩免其置議。其江忠義。田興恕。兩軍弁勇。著駱秉章查明彙案保奏。○又諭。孔拉芬奏等奏查明應行補造軍裝器械。請通融籌辦一摺。伊犁官兵軍裝器械。自道光二十七年查修以後。迄今歷時已久。自應查明

修造。惟該處物料不齊。所有應製之鐮鍋腰刀角弓箭支等件。即著陝甘兩省督撫籌款監造。解交伊犁。其動用銀兩。即由甘肅總局報銷。至帳房需用布匹等件。該處既可購辦。准其查照上屆價值。酌給十成之四。即由各營員弁自行製造。並著免其報銷。儻上年秋間撤回官兵。原領帳房尚有堪用者。即著該將軍等查明修整備用。毋庸另製。以節經費。而昭覈實。○諭軍機大臣等。有人奏山東東

平所守禦千總謝延恩。聲名狼籍。伊父謝廷琳與幫丁閻光福結盟。行私受賄。咸豐七年。出糶倉穀二千五百石。該千總盜賣一半入己。並借與該管軍民。勒令秋後加倍償還。貧民曹姓持票量穀。疑係假造。私押班館。濫刑斃命。屍親曹羅氏在各衙門控告。該千總父子輾轉行賄。以致冤久未伸。又買民人之女為婢。打死棄屍大河各等語。職官擾累地方。大干法紀。似此侵漁貪暴。任性乖張。且案關

人命。亟應從嚴訊辦。著崇恩即將該千總謝延恩提省嚴訊。按律定擬具奏。原摺著鈔給閱看。將此諭令知之。○又諭。前因逆匪竄近粵西。諭令駱秉章撥兵援應。本日據該撫奏稱。自石逆竄楚以來。數省逆黨。悉竄湖南。非勢極窮蹙。未肯舍楚入粵。廣西現可無須分兵往援等語。逆眾麇聚湖南。則粵西情形較鬆。此時自可無庸援剿。儻該逆窮蹙。竄粵。仍著撥兵追擊為要。再。昨據官文奏稱。探聞石逆圖竄四川。蓄謀已久。或由資江沅江以窺常澧。掠荆宜。或由辰沅徑趨酉秀。均應亟籌堵禦。當已諭令有鳳於夔巫。及秀山西陽等處。派撥重兵。嚴密設防。並諭令曾國藩即統所部精銳。由楚江直赴夔州。妥籌防範矣。逆賊竄擾數省。所至糜爛。若再令擾及蜀中。則不獨財賦之區。悉遭蹂躪。且勢踞湖北上游。荆襄等處。皆為震動。即陝西亦需設防。大局將不可問。著駱秉章悉心籌畫。務於辰沅常

澧等處調派重兵嚴行扼截以杜賊眾西竄蜀川之路仍一面督飭弁兵分投攻剿將匪黨次第殲除不可稍涉疏忽另片奏道員李續宜即可到籍擬令統帶寶東兵勇著照所請辦理將此由六百里諭令知之○以四川捐輸軍餉永廣遂賓安岳三縣學額各二名華陽簡綿巴大竹內江南充岳池三臺中江蓬溪樂山宜賓印瀘十五州縣各一名○以山東捐輸軍餉永廣章邱縣學額四名○改

鑄江西瑞金縣知縣印信從巡撫耆齡請也○以湖南永州勦賊出力賞道員江忠義祖父兩代四品封典記名總兵官田興恕提督銜子陣亡知縣李右文都司劉開鴻守備王榮光譚添祥彭義忠千總李全星把總劉隆吉外委馬廷榮吏目蔣慶保訓導吳肇封縣丞唐麟巡檢盧銓等祭葬世職○甲午諭軍機大臣等前因夷船有北駛消息諭令桂良等如果夷船悉數起碇即率同段承實及委

員薛煥等星夜馳回京師本日據桂良等奏啟程後續探夷情各摺片覽奏已悉桂良等於五月十三日由滬啟程十六日尚在蘇州途次而該夷兵船陸續到津者已屬不少節據僧格林沁等奏稱夷船有逼近攔江沙停泊者情多詭詐照會亦多桀驁現派恆福文煜辦理此事示以誠信令其繞泊北塘靜候桂良等到京換約以為暫時羈縻之計但恐夷人不能久待此間無熟悉情形之人可以

另派辦理殊形棘手該大臣等接奉此旨務即星速兼程前進不可再有羈遲致令夷人有所藉口設桂良等不能全行速到亦必先一到一二人即赴天津向其開導方為妥協至所稱入京朝見一節該夷在津及所來照會內並無此言自無庸先與置辯其嘑味二國欲自舉稅務司一節亦尚未經說及皆須俟桂良等抵京後辦理較有把握也將此由六百里諭知桂良花沙納並傳諭段承實知之

○又諭。僧格林沁等奏。夷人近日情形一摺。並將照會繕遞。夷船於攔江沙內外往來游駛。近日雖移至外洋。未露桀驁情形。而該夷反覆無常。難保不肆其悖悍。設竟欲闖入內河。該大臣仍當示以鎮靜。派員諭以上年所定和約。中國既許以互換。決不肯食言。致有更變。惟大沽海口不能行走。設竟無理闖入。以致誤有損傷。中國不任其咎。並諭令該夷等移泊北塘。靜候。哨首等到後。與桂良等熟商辦理。至哨首斯本有十三日在滬啟程之說。本日據桂良等奏稱。該首船隻改於十五日開行。三國共有二十七隻。該首是否實已潛至攔江沙外。自應確加探訪。前據恆福奏。請派令明善前赴海口。當經諭知不令前往。今知發遞舛錯。未經接到。本日已將此件寄諭。命軍機處先由五百里遞去。該大臣等奉到後。即遵照妥辦。恆福現駐新河。即可督同丈煜。就近照料。自無須另行派員。桂良等於

十六日尚在蘇州。即趕緊遄行。到津尚需時日。哨首斯到海口後。總須令其靜候。桂良等到津。儻該首不願在洋守候。可告以換約係屬和好之事。本不應多帶兵船。此時既准其由北塘赴津。設或隨從多人。攜帶器械。必致民情惶駭。滋生事端。所有換約官員人等。至多不得過二十人之數。沿途備辦供給。必當盡禮。既為和議而來。中國總以誠信相待。斷無疑慮。上年哨首亦曾到津。當時委員內如有認識該首之人。即可派令同為委員。以便辨認該首真偽。該夷雖性情詭譎。此時既與議和。但當以誠相感。使其深信不疑。以免別生枝節。將此由五百里諭知僧格林沁。恆福並傳諭丈煜知之。○戶部議駁閩浙總督王懿德等奏。請將洋藥進口徵收稅銀。仍歸地方官委員徵解。得旨。所駁甚是。關稅抽釐。原屬二事。該督等欲含混為一。並以稅則三十兩為抽釐報數。不獨以後抽多報少。徒飽私

囊不能稽覈。兼可冒銷前收之款。為調劑屬員起見。殊屬取巧過甚。依議行。○予安徽軍營病故署壽春鎮總兵官余成蛟。祭葬卹廕。○乙未。諭內閣。崇恩奏。請將押解太監不慎之委員。革職勒緝一摺。山東候補未入流王鶴齡。押解逃走。太監于得海。由良鄉縣撥役護解進京。並不小心看管。致令乘間脫逃。又不就近呈報協拏。輒自回省。非尋常疏忽可比。王鶴齡著先行革職。勒限兩箇月。責令前赴良鄉縣。協同該管文武嚴緝于得海。務獲究辦。並著步軍統領衙門。順天府。五城一體嚴拏。毋任遠颺。○命大學士瑞麟。管戶部事。○命大學士銜吏部尚書賈楨。為大學士。管兵部事。充翰林院掌院學士。○命大學士彭蘊章。為國史館總裁官。協辦大學士戶部尚書周祖培。為武英殿總裁官。○調工部尚書許乃普。為吏部尚書。以都察院左都御史張祥河。為工部尚書。戶部左侍郎沈兆霖。為都

平定回疆方略卷八十四

十一

平定回疆方略卷八十四

十一

察院左都御史。都察院左副都御史梁瀚。為戶部左侍郎。管三庫事。仍兼署吏部右侍郎。○丙午。諭內閣。僧格林沁等奏。查明接仗各情形一摺。英夷船隻不遵理諭。闖入內河。於本月二十五日。先行開礮。官軍亦開礮回擊。該夷船隻受傷。仍未肯退出。並以步隊搦戰。經官軍擊斃數百名。生擒二名。餘俱逃竄回船。夷船入內河者。共十三隻。惟一船逃出。攔江沙外。餘悉被礮擊傷。不能駕駛。該夷兵頭赫姓。亦被礮傷。不能轉動。英夷狂悖無理。經此次痛加懲創。自應和中國兵威。未容干犯。該將弁等協力同心。大獲勝仗。實屬異常奮勇。所有在事出力將弁兵勇。著僧格林沁即行查明保奏。候朕施恩。並准其先於捐輸項下。提銀五千兩。分別獎賞。○又諭。昨據都察院奏。戶部郎中鐵錢局監督楊寶臣。遞呈許控戶部堂官一案。當派載垣。彭蘊章。秉公查辦。茲據查訊覆奏。鐵錢壅滯。起自上年。由

於散放較多之故。並非因本年四月。戶部有減卯裁鑪之議所致。至戶部奏稿。係各堂官均畫。並非肅順一人獨畫。該監督因所擬奏稿。惠親王等未肯具奏。仍堅執己見。輒向都察院訐控堂官。其所控情節。皆屬懷疑揣度之詞。毫無確據。實屬膽大糊塗。未便因其起念尚屬因公。曲從寬宥。楊寶臣著撤去鐵錢局監督。仍交部議處。以示懲儆。○又諭。昨據總管內務府大臣奏。審明太監田進幅進內偷竊多贓。定擬罪名。請旨一摺。當交軍機大臣覆覈具奏。茲據彭蘊章等奏稱。該犯田進幅。三次踰牆進內。偷竊銀物。計贓逾貫。情節較重。若僅比照常人偷竊倉庫銀錢。擬以絞候。尚覺輕縱。請從重擬。以絞決。續據總管內務府大臣覆訊。該犯又曾到韶景軒。竹香齋等處。行竊等語。禁園重地。該犯膽敢屢次潛入偷竊多贓。可惡已極。田進幅著照軍機大臣等所擬。即行處絞。以昭炯戒。○諭軍機大

臣等。僧格林沁等奏。夷船先行開礮。官兵擊毀夷船情形一摺。夷人不遵理論。闖入內河。向我礮臺先行開礮。官軍憤怒。列礮環擊。將該夷船擊損多隻。此係該夷自行啟釁。不得不示以兵威。惟該夷既豎白旗。仍復搦戰。並有步隊上岸。藏伏葦地。施放鳥槍等事。僧格林沁仍當嚴督將士。妥為防備。儻該夷心生畏懼。不敢仍前搦戰。即該夷仍駕船游駛。抑或扳弄鐵鏈。稍有騷擾。斷不可先行開礮。設使夷人開礮。再行轟擊。以顧全局。儻該夷來遞照會。僧格林沁斷不可接收。亦不准見面。撫局著責成恆福。文煜妥為辦理。現雖用武。著恆福等派妥妥員。或令天津道行文該夷。詰以既為換約而來。並已許其進京互換。是中國已屬盡情。毫無他意。何以反先行開礮。肆行騷擾。是伊先自背約。並非我之無信。儻該夷既知理屈。得有轉機。恆福等即可告以桂良等尚未到京。伊等或在攔江沙外停泊。

或在天津等候。總須桂良等到京後。方可互換和約。至嘈嘈嘶。是否實已到攔江沙外。此次兵船接仗。是否止係英夷之人。抑有佛味等國在內。著僧格林沁等。設法查探確實。為要。北塘海口原設官兵。前據該大臣奏稱。移往他處。此時既已接仗。則各海口均應嚴加防範。著飭李志和。仍統原帶各兵。前往北塘駐守礮臺。實力防堵。惟不可先行開礮。自我啟釁。違令者必治其罪。盛京海口。已諭令玉

明等。嚴行防守。其山海關地方。即著僧格林沁。嚴飭格綢額等。實力防堵。無稍疏懈。前調赴山東之綏遠歸化城兵一千名。本日據崇恩奏。山東民團可用。兵力已厚。毋庸前往。現已諭令成凱等。將此項官兵。派往天津防所。俟抵津後。即交僧格林沁調遣。將此由六百里諭知僧格林沁。恆福並傳諭文煜知之。○又諭王明奏。緝捕經費。請由船規項下動用等語。奉天省近來盜風日熾。該將軍現飭各

路緝捕委員。合力兜拏。所有該官兵等應需經費。錢文除將招商木價抵補外。其不敷之數。准其由船規項下動撥。以資兵食。仍著該將軍。督飭委員。並地方文武。將未獲各案。實力嚴拏。毋任漏網。夷船現抵天津海口。本日據僧格林沁奏稱。該夷不遵理諭。攔入內河。先行開礮。官兵開礮轟擊。攻毀夷船多隻。大獲勝仗。天津既已用武。奉天田莊臺兩岸礮臺。並著增慶。景霖。督飭在防官兵。嚴密設防。

仍勿先開槍礮。如夷船開礮駛入。不得回擊。以拒之。著飭沿海口岸弁兵。一體遵照可也。將此由四百里諭令知之。○又諭前因山東曹單一帶需兵防堵。諭令成凱。桂成於綏遠歸化兩城。備調天津防兵內。各調撥五百名。馳往山東單縣一帶。擇要駐劄。茲據崇恩奏稱。曹單民團甚多。兵力已厚。無須添兵等語。著成凱。桂成。將前次調撥官兵。配齊軍裝器械。仍交桂成管帶。迅速啟程。徑赴天津交

僧格林沁調遣毋庸前往山東將此由六百里諭令知之○又諭本日據崇恩奏稱曹單一帶防兵不下四十餘名加以民團眾逾數萬兵力實已有餘嶧縣則三次被擾已成賊之熟徑且兵勇亦殊單弱請將前撥吉林官兵一千名全劄嶧縣之韓莊而將現調之綏遠歸化兩城官兵仍留備天津防堵毋庸再來山東等語本日業經寄諭成凱等將綏遠歸化兵丁前赴天津防所交僧格林沁調遣

崇恩奏

四

其前調之吉林官兵一千名昨據玉明等奏稱於四月十六日全進山海關俟行抵東境即著德楞額全數帶赴嶧縣之韓莊駐劄該處關繫北竄要道德楞額於地方情形尚未熟悉一切布置機宜仍著崇恩妥為調度毋有疏失再本日據僧格林沁等奏夷船不遵理諭已闖入天津海口先行開礮我軍奮怒轟擊損壞夷船多隻餘船皆豎白旗仍有夷兵登南礮臺河岸一經轟擊皆向葦地藏伏

等語該夷既肆猖狂登萊一帶海口亦須嚴密防範但勿先行開礮自我啟釁著崇恩密飭沿海文武各員弁加意嚴防勿稍鬆懈將此由五百里諭知崇恩並傳諭德楞額知之○又諭據僧格林沁恒福奏該夷蓄意狂噬遽受大創自應膽落赫酋業已受傷無可與之理論噶魯嘶此時是否在攔江沙外即著恒福等探明該酋作何動靜僅以赫酋犯順為非即可乘機理諭派委妥員詰以何故先行開礮背約啟釁並非中國失信冀其悔悟轉圜以全撫局此時如有可乘之機恒福等切不可失是為至要至夷情狡悍來圖報復亦在意中所有損壞礮位及礮牆等均著即行修整並督飭弁兵加意防範所需礮位已飭八旗漢軍速撥武成永固礮八尊刻即解往應用矣所有直隸提督已簡放樂善其大沽協副將員缺即著以遊擊徐廷楷補授將此由六百里諭知僧格林沁恒福並傳諭文

煜知之○以河南河北鎮總兵官樂善為直隸提督。雲南維西協副將惠成為河南河北鎮總兵官。○以國史館臣工列傳畫一完竣。予內閣侍讀英秀等加銜升敘有差。○予直隸天津陣亡提督史榮椿副將龍汝元都司奇車布護軍校塔克慎千總王世敷把總張文炳祭葬世職。史榮椿龍汝元並於死事地方及各原籍建立專祠。○丁酉諭軍機大臣等特普欽等奏夷酋恃強過卡並貿易夷人

實錄卷一百一十四

三

不遵理諭一摺。據稱俄夷火輪船隻到卡。不容查驗。官兵隨至街集地方。詢之徐爾古居住夷人。稱係木哩斐岳幅帶領大官八員。由東海赴上海有事。並由黑河口至三姓貿易之徹卜勒幅等。強行闖入松花江西上。一經開導。輒恣意猖獗。並稱如不准其貿易。木哩斐岳幅到津。另有分辯等語。該夷酋既有到津之說。該署將軍等當告以天津現在設防。爾等如欲到彼。須先給我等照會。以便或奏

或咨。爾等到彼時。方有人出來接待講話。看其如何答覆。如該夷不過虛言。並非實欲赴津。亦不可先與提及。反似招之使來也。至徹卜勒幅夷船行抵胡爾哈河後。富尼揚阿以理詰問。該夷欲給字據。該署副都統據理駁斥。辦理尚屬得體。著即確探木哩斐岳幅是否欲赴天津。並剴切曉諭該夷。不准在三姓等處貿易。一面督飭團練兵丁嚴密防範。禁止居民不得與之交易。將此由五百里諭令

實錄卷一百一十四

三

知之。○以安徽宿州等處防勒出力。賞知府楊韞緒同知華培貞。知州李承穎都司張殿華。守備李聯鑣等。花翎。通判孫榮等。藍翎。餘加銜升敘有差。○以安徽南陵解圍。及攻復灣沚黃池出力。賞總兵官米興朝提督銜副將吳再升。杜兆瑞。總兵銜朱承先。蕭知音。以總兵官用。知府顏培文。同知蕭樹勳。都司韋上元等。花翎。外委梁宏照等。藍翎。餘升敘加銜有差。○以安徽畢家集等處勒匪出力。副

將博崇武。以總兵官用。賞遊擊玉祥。都司焦其洲。守備傅振。鼇參領雅凌阿。防禦富陞。道員趙連標等。花翎。把總楊連陞等。藍翎。餘加銜升敘有差。○以安徽張家溝帶兵勦賊。約束不嚴。遊擊戴世熙。下部議處。守備王安邦等。革職留營效力。○予安徽陣亡巡檢費樾。祭葬世職。○予湖北節年陣亡殉難文武官員紳民婦女四千八百六十九名口。分別旌卹如例。○予江蘇江甯揚州儀徵等處殉難

文武官員紳民婦女一千六百一十九名口。分別旌卹如例。○戊戌。諭軍機大臣等。前因夷人先行開礮。經官兵擊毀夷船多隻。當諭令僧格林沁。仍嚴督將士。妥為防備。此次嘆夷自起釁端。肆意猖獗。該大臣親督官兵奮力轟擊。使該夷大受懲創。尚屬調度有方。惟馭夷之法。究須勦撫兼施。若專事攻擊。恐兵連禍結。終無了期。不如趁此獲勝之後。設法撫馭。仍令就我範圍。方為妥善。前諭恆福文

煜乘機理諭。諒該大臣必能深悉此意。惟恐各官兵因此次獲勝。總以攻勦為是。致誤大局。現已諭令恆福。毋庸仍住大營。即與文煜駐劄北塘。專辦撫局矣。至該夷被擊之後。是否尚泊攔江沙外。抑仍圖窺伺內河。作何舉動。兩日未據奏報。實深廛念。僧格林沁駐劄海口。後路尚覺空虛。應調直隸何處官兵。擇要扼守。統歸僧格林沁調度。以為大軍援應。一切守禦之法。該大臣諒必妥為籌辦。儻該

夷再肆狂悖。前來開礮。自當竭力抵禦。飭令弁兵固守礮臺。不可稍有疏失。斷不可先行開礮。使該夷有所藉口。以後恆福等所辦撫局。僧格林沁不必會銜。二十五日之戰。史榮椿龍汝元陣亡。係在何處被礮。著將陣亡情形詳細具奏。將此由六百里諭令知之。○又諭恆福奏夷情桀驁難。以就撫。請派大員辦理一摺。此次夷船闖進海口。先行挑釁。經僧格林沁挫其兇鋒。正可乘此機會。設法開導。

從來駕馭外夷。未有不歸於議撫者。專意用兵。如何了局。前恆福請飭明善到津。未曾允准。原以該督等有管轄地方之責。不得置身事外。今該督仍請另派大員辦理夷務。殊屬非是。所有防勦事務。已責成僧格林沁。其議撫事宜。仍責成恆福。督同文煜。設法辦理。恆福經朕簡任總督。受恩深重。不得心存推諉。致誤事機。上年天津失事。以致和議受虧。今幸得此勝仗。稍挫兇鋒。趁此時與之開導。當

平定回疆方略卷八十四

三

易有轉機。啖酋先行開礮。自取挫敗。當無顏來說合。其咪喇兩國。既未隨同犯順。即著恆福督同文煜。迅往北塘駐劄。或派員會晤。或行照會。該二國告以二國既係換約而來。中國向重信義。本於天津豫備館驛。無如總須多待時日。必俟桂良等到後。方能互換。至海口設防。係向來本有。原擬由北塘接進。不意啖夷先行背約。拔我鐵轂。擊我礮臺。以觸我兵奮怒回擊。現在相持。恐有誤傷二國船隻。

今特布告。如願在攔江沙外守候。必須遠避。否則定期派人。由北塘接進天津相待。以敦和好。然不必多帶從人。恐我居民驚擾。反失和美。至啖夷背約無禮。反將中國以誠信相待之心。有失實出意外。雖連日與我為怨。亦尚有照會。令其釋疑。仍敦信好。恐執迷不悟。有誤二國換約之事。特此告知。看其是否前來。如何答覆。如咪喇兩夷。為啖夷說和。即可因勢利導。相機措詞。暫為羈縻。俟桂良等到

平定回疆方略卷八十四

三

後。再議互換和約之事。恆福等受此重任。必當盡心辦理。以副朕懷。至僧格林沁在前應敵。其後路必須步步設防。酌調直隸官兵。已諭僧格林沁矣。以後所辦防勦事宜。恆福等不必會銜。至天津民團。是否可用。以輔助官兵。仍須官為鈐束。勿令藉生事端。其所獲夷兵兩名。本留為撫綏之地。如何妥籌辦理之法。著一併計議。恆福專辦撫局。即無庸駐劄。僧格林沁大營。至本日所奏投遞照會情形。

均係二十五日以前之事。該夷船擊敗以後。退泊何處。噶魯斯等。是否尚在攔江沙外。有無另謀猖獗。並著恆福等確探具奏。將此由六百里諭知恆福。並傳諭文煜知之。○又諭增慶奏查勘海防。監修營壘完竣一摺。奉天各海口。業經增慶查勘。酌定安設礮位。並與玉明等會辦田莊臺防務。派兵築壘。擇要設防。現已一律報竣。著增慶於驗收鐵子火藥後。即行啟程回京。毋庸仍赴天津。該處防務。

聖訓卷一百四

三三

即交協領奇凌阿等。分岸防守。至天津現已用武。二十五日接仗。擊毀夷船多隻。上岸夷兵約一千五六百人。死者甚眾。惟該夷經此挫折。恐復調集兵船。窺伺各處海口。如沒溝營等處。探有夷船駛至。著玉明即統帶在城備調之兵。迅速前往相機辦理。所有田莊臺兩岸礮臺。著景霖遵照前日諭旨。督飭在防官兵。嚴密防堵。毋稍鬆懈。增慶另片與景霖會奏。田莊臺修工出力各員。可否援案保舉。

等語。著准其擇尤酌保數員。奏請獎勵。將此各諭令知之。○以安徽汭澗馬家集勒匪出力。賞記名副都統薩薩布。頭品頂帶。協領得春。以副都統用。副總管郭興阿。巴圖魯名號。都司王佐臣。趙喜義。花翎。餘加銜升敘有差。

實錄卷一百八十四

三三

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百八十四

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百八十五

監修總纂官禮部尚書臣李鴻藻等奉旨纂修

大書官軍機處副官加十三級紀錄十四次

大書官軍機處副官加十三級紀錄十四次

大書官軍機處副官加十三級紀錄十四次

大書官軍機處副官加十三級紀錄十四次

大書官軍機處副官加十三級紀錄十四次

咸豐九年己未六月己亥朔諭內閣前因京

書集本字八上

口佐領瑞靈虧短未折銀兩當降旨將該員革職監追茲據和春奏該革員業經在監病故所有欠繳銀兩著飭該家屬如數完繳其兵丁文治等十一名除已繳清之兵就近責革發落外其有延不呈繳及未繳楚者亟應從嚴究辦且各縣欠解銀兩亦須徹底查明催解著何桂清委員嚴訊追繳分別辦理以清款項○諭軍機大臣等此次夷酋噶魯斯等以互換和約來津帶領兵船欲進大沽海

口已諭令在攔江沙外停泊靜候桂良等到京商辦復恐夷情躁急未肯久待又諭僧格林沁恒福等令由北塘進口暫在天津安設館驛仍候桂良等到後辦理詎該夷不收照會不遵理論屢將海口所設鐵戲等件撤毀多件五月二十五日夷船闖入先行開礮官軍不得不回擊夷船受傷多隻猶以步隊搦戰勢甚猖獗我軍擊斃夷兵數百名生擒二名餘皆敗竄計夷船入內河者共十三隻惟一船逃出攔江沙外據生擒夷兵供稱皆嘆夷號稱提督之赫姓主見是日赫姓因桅折壓傷其骸不能轉動現在各船仍泊攔江沙外嘆夷背約恃強先行開礮並非我中國失信惟念古來駕馭外夷終歸議撫若專意用兵終非了局現仍令僧格林沁辦理防勦事務另派恒福督同文煜辦理撫局嘆夷背約稱兵固難與之理論其味喇雖與同來未必幫同犯順仍可善為撫綏今由北塘至津暫

住待桂良等到後再議該二國情形如何尚
未據恆福等覆奏。噶夷挫折之後其兵船在
天津海外者無多計必或赴上海或召廣東
兵船重來報復。著何桂清密派妥員赴滬查
探有何動靜暗中防範其天津被創之事不
可漏洩。噶夷果有火輪船至上海欲糾眾
北犯可令該處華商與夷商等聲言若復用
兵則上年所議各條前功盡棄豈不可惜。囑
各商從中勸阻或挽味哪二夷之在滬者為
之勸解令噶夷弭兵息事仍在天津等桂良
等辦理。庶各國可以同沾利益亦保全撫局
之一道也。惟此意須出自商人不可官為宣
露更不可因此事先給照會。何桂清有辦理
夷務之責既有變局不可不早令知悉將此
由六百里密諭知之。○又諭本日國瑞到京
即經召見詢以軍營一切光景並聞僧格林
沁恆福奏數日與該夷相持情形並遵保出
力人員一摺所奏雖獲勝仗該大臣仍設法

辦撫甚合機宜朕心深慰夷人自被擊後蹲
伏攔江沙外與我軍相持未敢內犯訊據夷
目供稱噶嚕嘶及各國公使乘坐大火輪船
俱停大沽口外僧格林沁等已飭天津道照
會該夷剴切曉諭即交所獲味夷帶歸投遞
以為轉圜並移咨西凌阿夷船駛入北塘不
妨聽其停泊一經上岸即督馬隊堵截該大
臣所籌與前降諭旨用意正相符合著即相
機妥辦以期及早蒞事僧格林沁督辦海防
籌畫精詳不辭勞瘁著先行賞給御用煙壺
一對時辰表一對即由國瑞齎交僧格林沁
祇領所有保舉加銜并用賞戴翎枝及先換
頂帶各員均依議行至應賞勇號並拉木棍
布扎布加恩之處統俟定局後再降諭旨其
未經宣布情節俟國瑞到津後再為傳諭可
也所獲味夷之人已令帶投照會看其如何
答覆有無轉圜之意噶竟無回信或三夷齊
心樂驚再應如何辦理之法著悉心籌畫為

要將此由五百里諭知僧格林沁。恆福並傳諭文煜知之。○又諭前因勝保進攻天長兵單未能即克。當諭令和春仍遵前旨。迅撥江北精兵前往天長。會同勝保將該城剋期收復。茲據和春奏稱。探得天長逆黨分股回犯六合。以後北路較鬆。並未於張玉良等各軍內酌量調撥。前往勝保軍營會剿。現在天長賊勢雖分。勝保扼守盱眙。尚未能攻克天長。著該大臣仍遵前旨。酌撥江北精兵前往相機會剿。速拔堅城。杜賊北竄。以固清淮門戶。勝保亦得分兵進剿。懷遠等處賊匪不致為此股逆匪牽掣。該大臣勿得輕聽將士之言。稍分畛域。至將來克復天長以後。此項官兵應仍調回江北。毋庸留勝保軍營調遣。將此由六百里諭令知之。○西甯辦事大臣福濟奏。籌辦投誠野番大概情形。得旨。此時祇好羈縻。將來蒙番能否相安。惟在隨時妥辦。若仍藉端滋事。更可驅逐有辭。著曉諭蒙古。不

可自弛武備。賴他人之勢以自立。若蒙古能強。堪以敵番。任其自行驅逐。亦無不可。○以廣東三江口協副將馬德昭為直隸大名鎮總兵官。○以浙江餘姚官紳勦匪出力。賞候選員外郎謝敬道員胡元博都司銜陳英守備高殿魁楊應龍花翎知縣江榮光等。藍翎餘加銜升敘有差。○以擅離江南紅山窰營盤革副將魁霖職。○予江南六合傷亡都司陳鵬舉賈有奇祭葬世職如陣亡例。○庚子諭內閣。王慶雲奏。川省沿邊防勦出力文武各員。擬請彙案請獎一摺。四川省上年籌防黔匪出境會剿。攻克匪巢賊壘多處。現查綦南酉陽邊界漸次靜謐。又敘州甯遠兩府屬之宜賓屏山會理鹽源等州縣毗連夷地。壤接滇疆。時有探夷滇匪勾結滋擾。該地方官勦除匪黨。撫恤難民。地方一律肅清。均屬著有微勞。自應隨時鼓勵。著准其交有鳳案彙擇尤請獎。凡出境勦賊獲勝者。每案酌保母

過十八。本境辦防者。每案毋過三數人。其餘悉歸外獎。並不得以官親幕友。藉口糧臺文案。管帶練勇等事。稍滋冒濫。以勵邊防。○又諭。前因御史謝增奏。江蘇署要縣知縣倪應晉。酗酒濫刑各情。當降旨。交何桂清等嚴查叅辦。茲據該督等奏稱。倪應晉於楊景升控告曹春元一案。究出捏名誣控。及欠租情由。將其咎責押追。旋因楊景升病發。保回身死。經伊子結求免驗。並非濫刑。亦無與主簿邱中時常聚飲各情。惟於楊景升病故攔驗一案。並未通詳。請交部照例議處等語。此案署要縣知縣倪應晉。將楊景升咎責。楊景升病發。取保。越二日身死。雖非立斃杖下。難保非因傷殞命。倪應晉著交部嚴加議處。以為玩視民命者戒。○諭軍機大臣等。廣東吏務情形。日久未據奏報。甚深座念。嘆首嗜嚙等。率領兵船至滬。未與桂良等相見。但行照會。聲稱赴津互換和約。及到大沽海口。諭令攔

泊攔江沙外。靜候桂良等回京商辦。或先由北塘暫到天津。安插館驛。俱不遵依。聲言欲撤我海口防具。五月二十五日。駛入火輪船。並杉板船多隻。偪進礮臺。竟敢先行開礮。並以步隊上岸搦戰。經僧格林沁等督兵回擊。傷斃夷兵數百名。擊壞夷船十二隻。生擒夷兵二名。其英國提督赫姓。被礮傷腕壓斃。不能動。實足以寒夷膽。而伸國威。連日該夷在攔江沙外。修整壞船。未敢內犯。僧格林沁與之相持。軍心益壯。惟念駕馭外夷之道。斷不能始終用武。儻該夷挫折之後。果有悔心。或挽味哪二夷出面說和。或待桂良等到日。換約。尚可宥其狂悖。息事罷兵。所恐夷情難測。或調廣東夷兵。前來報復。或被創於津。修怨於粵。均屬不可不防。黃宗漢奉到東京諭旨。是否業已啟程。勞崇光調任廣東。兼署督篆。是否已抵新任。均未奏到。天津接仗情形。廣東想未深悉。特以諭知黃宗漢。勞崇光。密加

防範。即如羅惇衍等。紳董中素符鄉望者。亦應整頓鄉團。以備不虞。該督等祇宜信函往來。斷不准形諸公牘。尤不可假奉旨為由。致於撫局有礙。不必宣露防禦情形。使夷人知覺。儻該夷在粵。照常無事。即不可先行挑釁。勞崇先到粵東。駐劄何郡。王慶雲未到以前。務須兼顧兩省。並與省中常通消息。留心夷務。為要。將此由六百里密諭知之。○又諭。御史徵麟奏。訪聞積年著名惡棍。勾串花戶偷

竊倉米。請飭查拏審辦等語。近來京倉竊米之案。層見疊出。據該御史所奏。北新倉有積年著名土棍。勾串該倉官人。夜間開廩。豫備偷窰米石。外間更有官人。作為嚮導。百餘人各持器械入倉。任意竊取。似此積猾棍徒。目無法紀。於倉儲大有關係。著步軍統領衙門。按照單開人犯住址。嚴密查拏。務獲究辦。毋令一名漏網。原摺單著鈔給閱看。將此諭令知之。○又諭。官文奏。軍情緊要。請添撥西丹

馬隊。赴楚助剿等語。據稱。皖省賊蹤遍野。非分三四路進兵。則孤軍深入堪虞。前請撥黑龍江西丹止有十名。尚恐不敷分派。自應添益馬隊。以圖進取。惟現在天津尚未撤防。馬隊未能調撥。著官文就現有兵力。先為布置。儻已揚阿所帶黑龍江西丹一千名到楚。即可令其赴皖剿辦。俟天津撤防。再行飭撥馬隊前往。以資攻剿。將此由五百里諭令知之。○兩江總督何桂清等奏。職官聚集賭博。恭

革懲辦。得旨。依議。革審。此案雖係賭博。惟密通夷館。聚集多人。甚屬可惡。著訊明加等定擬。○調四川建昌鎮總兵官占泰。為川北鎮總兵官。川北鎮總兵官魯占鼐。為建昌鎮總兵官。賞丁憂參將德茂。副將銜。署建昌鎮總兵官。○以直隸天津海口打仗出力。賞副將徐廷楷。參領穆騰額。倭和。玉亮。海軍。副參領明春。巴圖魯名號。遊擊李炳業等。花翎。都司阿呢揚阿等。藍翎。餘加銜升敘有差。○辛丑

諭軍機大臣等。勝保等奏。粵逆由六合分股竄撲。盱眙危急。江南援兵。尚未派往一摺。前因天長未復。賊氛甚熾。疊經諭令和春等。就近於張玉良。熊天喜等。所統各軍內。派撥數千名前往。會同勝保攻剿。現在大股逆匪。由馬家集等處。竄撲天長。各軍之後。勝保兵力過單。難於抵禦。所有張玉良等兵勇。現俱駐劄揚州。六合等處。著勝保飛咨和春。催提所派鎮將。酌帶兵三四千人。馳赴天長。會同勝保兵勇。將該城速籌克復。儻盱眙需兵。即提此項官兵。自北向南堵剿。更為得勢。惟江南北軍務。均歸和春督辦。地方甚廣。需兵較多。前因和春。未即撥兵赴援天長。業經諭令俟克復天長後。仍將所撥之兵。回至江南北軍營。歸和春調度。勝保不得截留。致滋貽誤。至定遠南路喫緊。勝保已派馬隊援應。仍著翁同書督飭弁兵。實力堵扼。毋稍疏懈。其黑龍江馬隊。並著該大臣等。催提以資助剿。將此

由六百里諭令知之。○江西巡撫耆齡奏。江省咸豐七年。補行六年大計。保舉卓異各員。現值辦理軍務。請予展限給咨赴部。從之。○以江西廣豐縣城解圍。賞都司丁應龍。花翎。把總胡清等。藍翎。道員沈葆楨等。加銜升敘。有差。○予江西義甯州陣亡殉難。知縣方楹。州同盧鎮。縣丞翟九芝。訓導童詠春。主簿陳德恆。外委田才發等。三十四員。祭葬世職。生員李清華等。三十四名。併勇目耆民婦女。分別旌卹如例。並予建坊入祠。○追予江西景德鎮等處陣亡已革千總胡再陞。開復原官。並訓導洪象賢。把總李傳綸。祭葬世職。○壬寅。

上詣

安佑宮行禮。○諭軍機大臣等。特普欽等奏。俄酋木哩斐岳幅。現至伯力地方。聲稱欲赴奇咭等處。不日旋回。再赴烏蘇里。其赴三姓城貿易之微。卜勒幅等。屢經開導。仍未折回。並

續有人船多隻。由黑龍江下駛。請飭景瀄速往辦理等語。俄酋於五月初一日。經過黑龍江時。稱欲赴烏蘇里。綏芬。等候會勘地界。至初四日。過黑河口。則稱欲往上海。及初七日。過烏蘇里口。則稱欲赴奇哈。是其詭譎多端。殊難揣測。撤卜勒幅等。前來三姓。既未肯即行折回。而初九等日。復有大小船八十隻。賊艘十七面。夷官及男婦人等數百名。攜帶鳥槍等多件。由黑龍江下駛。其蓄意蔓延。尤屬可惡。前已疊諭特普欽。將該酋木哩斐岳幅行蹤。確加探訪。並阻其三姓貿易。惟夷情日益橫恣。著景瀄星馳前進。於行抵吉林後。遵照前奉諭旨。將木酋行蹤。確探妥為曉諭。其前來三姓貿易夷人。及陸續下駛人船。應如何開導攔阻。以免滋蔓之處。熟籌辦理。毋稍遲誤。將此由五百里諭令知之。○兵部尚書全慶等奏。夷人如由北塘進京。途中尤須嚴為設備。得旨。未戰之前。固宜防範。已戰之後。

尤應加意。惟不可稍露痕跡。○奉天府府尹景霖奏。督辦工程完竣。可否回省。得旨。著仍在田莊台防所。俟夷務稍有定局。候旨行。○以疏防江西牯牛嶺。遊擊朱祖貴革職。吳開泰。劉光明。暫行革職。留營差遣。○予江西景德鎮陣亡千總梁慶雲。張陽點。把總郭建奇。顏彥貞。林星寶。張介眉。外委周昭華等。十八員。祭葬世職。○癸卯。調任廣西巡撫勞崇光。奏。廣西通省軍務。現在籌辦情形。得旨。卿竭力支持。於茲數載。朕深嘉許。今調任粵東。地方夷務。處處皆關緊要。接署督篆後。妥為經理。以副委任。○予廣西賓州陣亡署知州任秉鈺。縣丞何兆葵。守備韋廷忠。外委韋啟得。祭葬世職。○甲辰。諭內閣。張祥河等奏。請將節次扣留兵車過站之知縣。撤任查訊。一摺。順天府屬大城縣知縣高驥雲。於吉林官兵過境時。扣留上站靜海縣大車七十餘輛。經該督記過後。並不知悔改。現據直隸委員查

明該員四次扣留過站。計共車二百數十輛之多。以致後起官兵。無車難進。實屬取巧玩誤。並訪有該員家丁趙姓。任姓。通同舞弊。賣放兵車情事。高驥雲著即撤任。交恆福飭令天津府知府。提同該員家丁等。嚴行審訊。並將通同舞弊情事。訊明從嚴懲辦。以儆效尤。○又諭。恆福奏。解犯中途脫逃。請將發差不慎之知縣。交部議處一摺。直隸三河縣知縣王鍾。豐潤縣知縣夏獻烈。於護解要犯。並不慎選安役。致令中途脫逃。拒傷兵役。實屬咎無可辭。王鍾。夏獻烈。均著先行交部議處。以示懲儆。○又諭。張亮基奏。請將聲名狼藉。幾致激變之知縣。革職審辦一摺。署貴州大定府畢節縣知縣周菊。前在該縣作幕。到任後頗快恩怨。並肆貪婪。以致民心忿恨。本年三月間。鄉民持械進城。罷市數日。幾致激變。周菊著即革職。交張亮基提省審辦。如有貪污不法情事。即行從重治罪。署貴西道承齡。經

該督飭查該員劣蹟。日久並未稟覆。難保無徇庇情事。承齡著先行交部議處。○又諭。張亮基等奏。兵練團攻昆陽。海口屢獲勝仗。首逆伏誅一摺。雲南逆回馬凌漢。糾眾滋事。本年二月間。該逆聚眾數千。夜襲昆陽州城。署知州吳襄隆。被執不屈。罵賊遇害。該逆占踞州城。經外委陳起龍等。督帶兵練奮力攻剿。四月初二日。該逆率眾劫營。我兵設伏以待。槍礮齊施。當將首逆馬凌漢轟斃。並擊斃匪眾各百餘人。奪獲器械無數。陳起龍親督兵練直抵城下。破城上礮傷登時殞命。現在兵勇圍攻州城。該匪堅守不出。又海口地方匪徒麇集。我兵屢次進攻。屢獲勝仗。前後斃匪數百人。賊勢已極窮蹙。著即乘此聲威。飭令該將弁等。迅克昆陽州城。並將海口匪黨全行掃除。毋留餘孽。○諭軍機大臣等。恆福奏。兩盟官兵出力。開單懇請獎勵。並夷務事件。文煜應否會銜各等語。前據僧格林沁奏保

海口出力各員弁。業經諭知該大臣。均依議行。惟須定局後。再降明發諭旨。茲據該督奏稱。五月二十五日之戰。蒙古兩盟馬隊官兵。奮不顧身。擊敗夷眾。實屬異常出力。所請賞給該台吉章京護衛等項頂帶花翎。均依議行。即著該督傳諭各該員。准其將所請頂帶花翎。先行換戴。以示嘉獎。一俟夷務定局。即與僧格林沁前保各員。同降諭旨。藩司文煜。隨同恆福辦理夷務。遇有陳奏事件。著准其

會銜具奏。與夷人往來公文。並著一併列銜。恆福另摺奏。與味酋訂於初六日在北塘地方會晤。夷情狡悍。未必即能就範。該督於會晤後。著仍回大沽。與僧格林沁商酌辦理。將此由五百里諭令知之。○又諭。前據勝保奏。逆匪由六合分股竄撲。盱眙危急。疊經諭令和春。迅撥張玉良。熊天喜等兵馳往會同攻剿。本日據勝保馳奏。正在南路鏖戰。賊分另股。由盱眙山後。繞至湖邊。致被闖入該縣等

語。蔣壩為東北緊要門戶。該大臣擬嚴扼此處。以固清淮。並分飭濱臨洪湖各州縣。收絕船隻。以防偷渡。所辦似尚足恃。日內江南援兵。計可前來。著迅速相機堵剿。克復盱眙。天長。力扼北竄。李世忠。張元龍等。業已抒誠效順。其部下可用之兵。諒必不少。何不責令殺賊立功。乃各袖手旁觀。置身事外耶。另片請派帶領步隊得力鎮將。馳往軍營等語。勝保前請調之樂善。現因辦天津防堵。已補授直

隸提督。未能令其遠赴皖省。已飭令和春。選派提鎮大員矣。將此由六百里諭令知之。○又諭。本日據勝保奏。大長賊勢猖獗。竄撲盱眙。兵力不支。致被攻陷。勝保已退剴蔣壩。力扼北犯清江之路。現在天長未復。盱眙又失。勝保一軍。竭力支持。深恐賊眾兵單。設有疏虞。於大局頗有妨礙。此皆江南軍情。未免隔絕。和春受裨將慫恿之言。坐視不救。將來驅賊北竄。該大臣與勝保。啟咎維均著和春仍

遵前旨。即在張玉良等各軍內。迅撥精銳數千名。併選派帶步隊之提鎮大員管帶。星速馳赴北路。會同勝保。合力進剿。克復盱眙。天長二縣。以固清淮門戶。不得稍有遲延。致滋貽誤。將此由六百里諭令知之。○直隸總督恆福奏。請截留南漕一萬石。接濟兵食。從之。○欽差大臣僧格林沁奏。夷船陸續退出。現籌防守機宜。得旨。所慮實為周妥。統俟本日該督與味酋見面後。方能得其梗概。再為詳

諭飭遵。○歸化城副都統桂成。帶兵馳赴山東防堵。以綏遠城將軍成凱。兼署歸化城副都統。○以山東邊境堵剿竄捻出力。賞知府來秀。遊擊崔雙貴。都司孫延略。花翎道員敬和等。藍翎餘加銜升敘有差。予陣亡州同翟錫周。從九品李兆麟。祭葬世職。廩生田浴沂等二十三名。賞卹加等。○以直隸天津海口防剿獲勝。賞台吉珂興額。頭品頂帶。副都統那木薩朗。扎普。巴克。莫特。博勒霍。明保。恩克。

已雅爾。護衛勒格。普普。色魯普。二品頂帶。台吉諾林木。丕勒等。花翎。○以攻克雲南阿掌。沖回寨。予都司何占標等。并敘有差。○以管解礮位安速。予河南知縣李錫祺等。并敘有差。○以賊竄安徽盱眙。欽差大臣勝保。下部議處。○予雲南昆陽勒匪被戕知縣吳襄隆。外委陳起龍。祭葬世職。○乙巳。諭軍機大臣等。昨據恆福奏。與味酋訂於初六日。在北塘會晤。當諭該督會晤後。仍回大沽。與僧格林沁商辦。該酋見後情形。諒該大臣等。已奏報在途矣。本日桂良等奏。擬令薛煥。率領候選知縣黃仲奮。即由河間直赴天津。並特擬照會。交赴天津。由僧格林沁等。給與該夷。以安其心。並稱夷性多疑。若令久候海口。勢必不能。請飭恆福等。與各夷議明。凡係進京換約之人。准其先至天津城外居住。其餘仍在攔江沙外靜候。至繞泊北塘一節。萬一該夷不肯由彼處前進。似宜斟酌妥辦等語。桂良等。

所奏各情。自係未知該夷業經開仗。已非從前局面。薛煥、黃仲奮計日當可到津。即令在僧格林沁軍營聽候差委。其所擬照會。是否與現辦情形相符。亦須斟酌再行投遞。該夷初至海口。本令其由北塘赴天津城外暫住。靜候桂良等。乃該夷不遵理諭。輒起釁端。此時桂良等奏。尚慮該夷不肯由北塘前進。請斟酌辦理等語。意在令其仍由大沽赴津。未免過於遷就。不知現在夷情之兇悍。尤宜加意嚴防。豈可自毀藩籬。以快敵人之志。今味首既肯赴北塘。與恆福會晤。如察其情詞。肯為喫首轉圜。或味咈二國。肯先換和約。著即督飭文煜。乘機利導。即咈酋助惡。亦祇可佯為不知。使其先就範圍。則喫首勢孤。當更易於辦理。至進京一節。如味夷不先提及。亦勿與先提。俟桂良等到後再說可也。將此由五百里諭知僧格林沁、恆福。並傳諭文煜。知之。○又諭桂良等奏。接奉諭旨。先令薛煥、黃仲

奮赴津。並請飭恆福等妥辦一摺。前據桂良等奏。夷酋業已赴津。原擬令其由北塘進口。來京換約。其大沽海口。經僧格林沁安設鐵戢木筏等件。斷難因此撤防。已先由天津道投遞照會。詎該夷狂悖不遵理諭。強欲闖進海口。撤我防具。駛入內河。五月二十五日。先行開礮。轟我礮臺。僧格林沁督率弁兵回擊。毀其船隻。傷斃夷兵甚多。所有接仗情形。據僧格林沁奏稱。已咨桂良等知悉。連日相待。未再接仗。夷船已退出攔江沙外。能否悔禍。尚難豫料。茲聞味夷遣人至北塘投遞照會。恆福、文煜與訂期初六日在北塘會晤。現尚未據恆福等奏到。儻味夷肯為轉圜。自可相機辦理。如該夷等不肯由北塘進口。斷難自撤防具。准令由大沽進口。況既經接仗。情形又與前議不同。桂良等先令薛煥、黃仲奮徑赴天津。著諸僧格林沁軍營聽候該大臣等相機調遣。桂良等仍迅速趨程進京。無論何

人先到。即著遞摺。豫備呂對面。授機宜。將此由六百里諭知桂良。花沙納。並傳諭段承實。知之。○軍機大臣奏。請加賞琉球國貢使。得旨。此次初八初九二日。俱令進同樂園聽戲。其賞件。即照嘉慶十六年十月初四初七日之例賞給。惟都通事初九日賞件。即照十六年十月初六日之例賞給。著繕清單。以清眉目。此二項賞件。由內發給。並著禮部知照軍機處存案。其加賞正副使賞件。和詩賞件。加

賞國王賞件。俟萬壽後隨時發下。○閩浙總督王懿德奏。酌保按捕洋匪出力員弁。得旨。每勝必保。殊非覈實之遠。彼江皖諸軍。經年戰陣。非克復城邑。或斬馘數千。方獲邀登薦牘。此次著暫行存記。俟首夥全殲。地方一律肅清。方准酌保數人。○以故烏什四品阿奇木伯克輔國公邁瑪塔里普子愛瑪特襲爵。○以克復福建連城縣城。賞知府張啟煊。遊擊禧祿。衛守備黃則先等。花翎。知縣延棟等。

藍翎。餘加銜升敘有差。予麻沙陣亡額外外委鄭金綸。賞卹。加等。○丙午。上御同樂園。賜王以下。貝勒。貝子。公。文武大臣。蒙古王公。及外藩使臣等食。○諭內閣。王明等奏。久旱得雨。商民呈請演劇酬神一摺。奉天為陪都重地。道光年間。曾奉諭旨。不容戲班聚集。致趨侈靡。茲據該將軍等奏。商民等以酬神祝嘏。呈請演戲。自應俯順輿情。嗣後該省地方。遇有祈雨。謝秋。祝嘏等事。准該商民等演戲三五日。仍報明地方官。俾示限制。此外省城以內。大小文武官員。以及商民人等。仍恪遵前奉諭旨。概不准尋常演戲。以敦樸素。而杜奢華。○諭軍機大臣等。恆福奏。接到味夷照會。即欲進京。現擬暫為羈縻。一摺。初六日。恆福未能與味夷會晤。該夷照會。訂於初九日。備船往接。到北塘後。即行進京。換約。並有攜帶些少隨員之語。味夷既欲到京換約。即不必過為

攔阻致彼生疑但須告以桂良等尚未到京
汝等或在北塘守候或徑欲進京總須俟桂
良等到後方能互換和約如該夷情願少帶
從人先行來京該督即揀派道員一人副參
將一人伴送妥為照料護送來京至哱夷雖
隨同喚夷聞進仍可伴為不知即著恆福等
給伊照會告以現聞該國船隻亦到攔江沙
外味夷現在准其進京換約惟此次喚夷係
無端尋釁自違和好並非中國失信想哱國
必不肯背約是否與味國同換和約抑或俟
英國事定之後與該國一同互換如此照會
看伊如何回覆並將俟桂良等到京方能辦
理之處一併照會哱夷知悉桂良等到京總
在本月二十日後至味夷停泊北塘一切彈
壓稽查仍須僧格林沁等嚴密防範毋稍大
意將此由六百里諭知僧格林沁恆福並傳
諭文煜知之○琉球國使臣翁俊等二人於
同樂園瞻觀○丁未

萬壽節遣官祭

太廟後殿○遣官祭

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵

昌西陵

慕陵

慕東陵○遣官祭

孝德皇后殯宮○遣官祭

顯佑宮

東嶽廟

城隍廟○

上詣

安佑宮行禮○御正大光明殿王以下貝勒貝

子○公○文武大臣官員蒙古王公及外藩使臣

等行慶賀禮○御同樂園賜王以下貝勒貝

子○公○文武大臣蒙古王公及外藩使臣等食

○諭內閣勝保奏官軍進攻盱眙克復縣治

大獲勝仗一摺五月二十八九等日勝保派

營總烏勒興阿等設伏高橋左側將賊陣衝

千總

卷

為數段逆眾踉蹌敗回濱湖水師亦開礮轟

擊賊匪無算該大臣復激勵將士挑選網船

配以槍礮由老子山一路沂流上駛進攻湖

面以扼盱眙之背一面派記名副都統富勒

德恩布等分路進剿均定於初二日夜開齊

偏盱眙陸兵銜枚疾走直抵東關馬隊先登

步隊繼後該逆倉皇潰竄我軍槍箭齊施斃

匪不計其數水師亦鼓勇登岸槍礮轟擊所

有縣中路賊悉數竄出登山我軍奮勇兜剿

立將盱眙縣治克復其潤溪一帶經麟瑞等

接仗亦獲全捷該大臣於數日之內督兵克

復盱眙尚為妥速所有在事出力文武員弁

兵勇准其擇尤酌保以昭激勸○諭軍機大

臣等明誼等奏請找發經費等語甘肅省欠

撥塔爾巴哈台經費共應找撥銀七萬四千

二百餘兩該城茶稅抵撥欠餉實屬不敷自

應趕緊找發以資接濟著樂斌於應找塔爾

巴哈台六七八三年並九年經費銀七萬四

千兩

六八

千二百餘兩內趕緊通融先行借撥銀二萬

兩以應急需其餘銀兩並著陸續撥解毋許

遲誤將此由五百里諭令知之○戊申諭內

閣現在俄囉斯國遣使來京著派戶部尚書

管理理藩院事務肅順刑部尚書瑞常定期

與該使臣相見○以翰林院侍講鍾啟峒為

浙江鄉試正考官編修汪承元為副考官都

察院左副都御史錢寶青為湖北鄉試正考

官翰林院編修薛書堂為副考官○庚戌諭

軍機大臣等。恆福等奏。接晤味酋情形。並擬緩訂日期。令該酋赴京一摺。味酋華若翰。於初九日在北塘地方。與恆福等會晤。辭意尚為恭順。此時既許其來京換約。或由北塘起早赴天津。由水路進京。或由香河一帶進京。俱令該夷自行酌定。斷不可勒令由香河行走。以免生疑。惟不可多帶從人。並須飭令各該地方。嚴密防範。啟程在二十日以外。則到京之時。桂良等計亦可到。惟薛煥及黃仲奮。

平定本下八五

六

前有旨。准其先赴天津。此時既由恆福派員護送該夷進京。薛煥等即可毋庸先赴天津。著恆福即沿途行知薛煥等遵照。令其即行來京。毋庸投赴僧格林沁軍營。至該酋所稱。喚咈兩酋。均往上海。原難憑信。惟味酋和約內載有他國或有爭端。該國應善為調處之語。僕伊願為該兩國調處。即可乘機轉圜。著僧格林沁等。悉心籌度。相機辦理。本日亦已諭知何桂清。令其探聽喚咈兩酋。如果在滬。

先給照會。將咈酋開導矣。味酋所懇轉給俄夷書信。不必拂其所請。恆福等著遇便寄京。即可轉付俄夷。將此由六百里諭知僧格林沁。恆福並傳諭文煜知之。○又諭前因夷船在天津受創後。停泊海外者無多。恐其駛赴上海。廣東重來報復。諭令何桂清委員查探動靜。或挽商人。及味咈二夷之在滬者。從中勸阻息事。本日據恆福等奏。已於五月初九日。與味酋華若翰在北塘會晤。情詞尚為恭順。並肯不帶多人入京換約。惟據稱喚咈兩國公使。已於初六初七兩日開船。均回上海。未知其言是真是偽。著何桂清派員密探。如果喚咈二酋。竟在上海。除喚咈開釁。自難先與講話。其咈夷在滬。即著何桂清給與照會。告以天津之釁。開自喚夷。聞味夷已赴北塘。訂期換約。爾國既未犯順。與味國事同一律。何不在津守候桂良等到時。亦由北塘行走。少帶從人。均照味國辦法。進京換約而歸。如

平定本下八五

六

此開導。僕弗夷悔悟轉圜。則夷之勢自孤。可期漸就範圍。其華夷各商。如能借資其力。從中開導。並著相機妥為辦理。將此由六百里諭令知之。○又諭。本日據翁同書奏。擒匪攻撲定遠縣城。調兵擊退解圍一摺。此次懷遠擒匪萬餘。突撲定遠。其勢甚熾。因各路援軍大至。賊從西南一帶逃竄。城圍始解。該撫現已馳往該縣。剴定兵勇。查探賊蹤。扼截並飭殷家澗。爐橋等處各軍。加意嚴防。所籌尚為周妥。惟所稱壽春鎮。潁郡二處。皆係居中扼要。擬暫行扼割該處。以聯傳振邦軍營。自係因與勝保軍營隔絕起見。現在盱眙縣治已經克復。該撫諒可與勝保聲息相通。如果賊勢緊急。並可飛咨勝保撥兵應援。仍著翁同書督飭惠成。富明阿等馬步隊竭力堵禦。以固大局。斷不可退往壽潁。以致捻氛又熾。將此由六百里諭令知之。○吏部以大學士賈瑄。應授為何殿閣。請得旨。著為體仁閣大

學士。○以內閣學士畢道遠署戶部右侍郎兼管錢法堂事務。詹事府詹事殷兆鏞署兵部左侍郎。○以四川成綿龍茂道蔣徵蒲為按察使。○以安徽定遠勦匪出力。賞知縣周佩濂。花翎。以知州用。餘加銜升敘有差。○辛亥。諭內閣。步軍統領衙門奏。貴州威甯鎮千總楊啟鵬。以伊胞兄楊啟賢。在鎮遠府殉難。未蒙查卹。赴該衙門呈控。上年據蔣爵遠奏。查明鎮遠府失守各員。護鎮遠鎮候補副將楊啟賢。查無下落。當經降旨。將該員革職。並嚴緝究辦。茲據該員之弟楊啟鵬呈稱。當上年八月鎮遠失守時。經黃平州知州杜琢章稟報。伊兄楊啟賢。與鎮遠府知府吳登甲。同時被害。鎮遠縣知縣張淮。被水淹斃。有逃出弁兵外。委何炳南。黃錦章等。俱稱楊啟賢。實係戰歿。其總兵關防。係跟丁羅錦雲。呈繳在石阡府知府韓超處。確有可質。並有把總張雲高。將楊啟賢戰歿實情。進省稟報。巡撫藩

司均未提訊等語。案關鎮將大員存亡榮辱必應確切查明。刑難者即予褒卹。勿使含冤。偷生者緝獲嚴懲。毋令漏網。著蔣蔚遠按照該千總所控各情迅速查明。據實具奏。毋許稍有迴護。原告楊啟鵬該部照例解往備質。○壬子欽差大臣和春奏官兵進攻江浦獲勝並留兵揚州以防北竄得旨續有嚴諭催調援軍自必遵辦。雖時貽現在收復北路仍係緊要斷不准稍分界限。又奏時貽被陷嚴

平定奏卷之三

三

防天長賊匪旁竄批自行籌防則惟恐不及與人分兵則千百必較。成見難化獨軍營尤甚。○廣西道御史朱儀奏通倉米石請速運京得旨著周祖培成琦查看情形速運京倉並著該尚書等於撥運時輪流親往大通橋督辦以期覈實。○以內閣學士察杭阿為理藩院右侍郎。○以黑龍江齊齊哈爾參領巴揚阿為鑲紅旗漢軍副都統。禮部右侍郎文祥署鑲黃旗漢軍副都統。○改鑄四川總督

關防從總督王慶雲請也。○癸丑諭內閣前因職員戴堯天等在都察院呈控直隸臨城縣知縣戴澤遠以匪僧改名蒙捐並倚勢負債等情當降旨將戴澤遠革職交譚廷襄提省嚴審。茲據恆福奏稱已革臨城縣知縣戴澤遠幼因多病寄名為僧病痊即行回家訊無吸食鴉片煙及包倡窩賭拐騙銀錢各情惟伊兄戴澤長為伊報捐縣丞時並不自行呈明幼曾寄名為僧究屬冒濫戴澤遠業經

平定奏卷之三

三

革職應得杖罪著照例免其發落職員戴堯天氏人戴大疑因戴澤遠欠債不還牽砌控告應得罪名及斷還私債均著照所擬辦理惟戴澤遠幼曾雜髮寄名為僧病痊還俗其報捐時濫行出結之同鄉官著該部查取職名照例議處。○諭軍機大臣等僧格林沁奏喚咈船隻全數開行並護送味夷進京辦理情形一摺喚咈兩國夷船自初十日陸續開行至十二日全數駛去該夷此去或由上海

或赴廣東添募兵船希圖報復均未可知且恐該夷蓄謀詭譎潛匿附近島嶼待集兵船乘我不備於昏夜風雨之中突然內犯尤不可不嚴加防範著僧格林沁仍督飭將弁加意防守並設法哨探夷踪毋稍大意至味酋到京城內萬難允其坐轎惟由北塘登岸旱路不妨許其坐轎至繞過天津即由水路行走到通後令其坐車或坐贏轎進京毋得許其坐轎著恆福文煜先與該酋說明以免臨

聖訓卷之八十五

五十五

時狡執味夷所寄俄夷書信該大臣恐其兩相煽惑所慮亦是但此信將來總須交付俄夷不如官為經手轉可杜其私相通信之弊所有味夷信件著恆福即封咨軍機處交理藩院轉付俄夷較之令其自行投遞更覺妥協恆福奏天津海關稅銀請展限開徵等語現在海口商船未能出入稅課無從徵收自係實在情形惟各關稅銀向無展限之事著於奏報期滿時聲明交戶部覈議以符定制

將此由六百里諭知僧格林沁恆福並傳諭文煜知之○又諭前因嘆夷挫折之後其兵船在天津海外者無多計必或赴上海或呂廣東兵船重來報復當諭令何桂清派員赴滬查探密加防範並令該處華商與夷商等勸阻冀其弭兵息事或先招致嘍夷散其黨與尚未據何桂清覆奏諒已遵旨妥辦矣茲據僧格林沁奏稱味酋與恆福會晤聲稱嘍嘍兩國公使初六七日已回上海瞭望閘江

聖訓卷之八十五

五十六

沙外夷船自初十日起陸續開行至十二日已刻全數不見形影惟味夷大小火輪船二隻停泊北塘靜候入京換約等語此次嘆夷背約恃強先行開釁經官兵擊退之後當亦自知理屈或暫回本國以圖再舉或開泊別處另生枝節均未可定現在上海通商該夷固寄貨物不少必自知顧惜且有各商從中勸解當不致在滬猖獗惟蘇松兩府為財賦重地吳淞江口直達蘇州府黃浦江口直達

松江府此二處不可不嚴密設防著何桂清
密派委員隨時偵探相機辦理聞道光年間
曾有鈔舊糧船載石沈水扼截江面及內地
河面以固蘇松門戶夷船未曾內犯諒可查
照布置以期有備無患至鎮江一城濱臨大
江無要隘可守惟現在金山一帶尚有水軍
駐劄著和春督飭水陸弁兵嚴加防範特不
可先行開礮致該夷有所藉口俟該夷先行
肇釁自當懾以兵威足資禦侮至現在撫夷

軍機處字全

三

大局操縱不在天津而在上海何桂清身任
欽差督辦夷務如探聽嘆咈二酋果在上海
則羈縻籠絡務當設法辦理以弭兵釁而全
撫局是所望也將此由六百里各諭令知之
○又諭前因夷船在天津開礮當將接仗情
形諭勞崇光等知悉茲據僧格林沁奏嘆咈
各船於月之十二日已全數開行惟味夷船
二隻尚泊北塘靜候入京換約該酋既不認
隨同接仗現已准其來京換約俟以後嘆夷

果有悔心或挽味咈二夷說和尚可宥其狂
悖第上月二十五日之戰該夷大受懲創懷
憤必深恐將調集兵船以圖報復或即修怨
於粵均未可知前據勞崇光奏報已於五月
十七日卸事尅日啟程此時自己早到粵東
著將地方應辦各事妥為經理如探有夷人
回粵消息即當嚴密防範至省城一舉一動
該夷無不知悉總須不動聲色內為之備方
為妥協並將到任後駐劄何郡及現在該省

軍機處字全

五

民夷一切情形即行奏報以慰廑念將此由
六百里諭令知之○浙江巡撫胡興仁奏請
將延解地丁之嘉興令余祚馨等暫行革留
勒解得旨均照所擬此摺並未聲敘各縣欠
數殊屬非是著補行具奏又奏留省差委之
湖北糧道萬啟琛現已服闋請就近起復批
著照所請就近起復一俟經手事件完竣即
行給咨赴部俟到部後照例銓選不准再奏
在外開選得缺後方行赴部以杜取巧○予

安徽黃池陣亡縣丞王炳修從九品蔡承恩都司何載賡守備陶永法千總王興熾把總葛加順等二十六員祭葬世職○撫恤琉球國遭風難夷如例○

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百八十五

軟修

咸豐九年己未六月甲寅

上幸萬壽山。○諭內閣本年江蘇省鄉試已降旨於十月內舉行。借用浙江文闈辦理。其安徽省鄉試前因何桂清等奏咨商該省學政以歲科兩試久停。士子等未能一律應試。今俟平定地方較多。由該督撫奏請補行。茲據張芾奏安徽紳士籲請仍借浙闈舉行鄉試。並稱浙江貢院號舍甚多。即江蘇安徽兩省同場合考。無慮不敷。士子皆有學冊可查。不至窒礙。且該紳等皆願籌捐津貼經費等語。

江南文闈鄉試曾經兩次停止本年特開恩榜原以嘉惠士林江蘇業已舉行若將安徽展緩該省士子未免向隅所有安徽鄉試著即定於十月內同江蘇一併借用浙江文闈辦理○廣州將軍穆克德訥奏乍浦副都統來存應飭赴新任得旨著飭令來京陛見後再行赴任○命浙江在籍鹽運使金安清幫籌本省軍餉仍兼辦皖南捐餉事宜○予安徽建德陣亡外委汪聯陞祭葬世職如把總

例○乙卯諭軍機大臣等前因勝保兵力過單疊次諭令和春撥兵會剿昨復批諭和春不准稍分界限諒和春必遵照辦理本日勝保憑陳和春等按兵不動置若罔聞各情詳覽所奏竟似以皖賊猖獗全行諉過於和春亦屬非是勝保督辦皖省軍務責有攸歸如能進規廬州踞匪則浦口等處亦必畏首畏尾何至重勞兵力江南之兵或可多分兼顧皖北此次和春不肯迅撥援兵業已疊降諭

旨責其心存畛域而勝保好為大言是已非人亦失和衷之道本日據翁同書奏南北賊蹤環逼定遠餉道不通情形萬分危急勝保現雖派穆騰阿等帶兵分路進擣而賊勢全窺定遠必須該大臣親往督剿方能得力現在江南派來會剿之軍想已早到著勝保將蔣壩一帶妥為布置即馳赴定遠與翁同書協力勦辦俾可迅殄賊氛不致孤軍失陷又據翁同書奏賊攻來安甚緊而清流關等處

亦有賊蹤著勝保迅速應援以杜北竄其攻撲來安賊匪李世忠近在滁州亦應責令助剿豈可有投誠之名而無立功之實至翁同書片奏請調兵撥餉等語陝甘官兵現已無可調撥本日諭令傅振邦督兵馳赴定遠會剿合之勝保翁同書之兵已屬不少其餉銀一節昨已諭瑛榮撥銀五六萬兩由潁壽一帶解往定遠現在盱眙已復餉道已通勝保亦當分撥餉銀接濟定遠目前可不至缺乏

將此由六百里各諭令知之。○又諭翁同書奏饑軍坐困孤城危急請飭傅振邦督兵援勦等語。自逆賊竄向天長盱眙。勝保悉銳東行。以保清淮門戶。不及兼顧淮南。定遠孤城。賴翁同書悉力支柱。而南有粵逆。北有巨捻。賊眾兵單。及汭澗挫失。定遠被圍。幸將賊匪擊退。而食盡援絕。困守圍中。捻首龔得復往廬州。勾合粵逆。逼近縣城。屢圖攻撲。實屬萬分危迫。陳玉成大股復由盱眙圍攻來安。前隊已偪滁城。清流關珠龍橋等處皆有賊蹤。將與捻逆為一。若無援軍趕到。勢恐不支。本日因盱眙已克。勝保尚在蔣壩。諭令該大臣迅即回軍救援。尚恐為天長等賊所牽掣。未能全數拔營。傅振邦本係督勦三省捻匪。當此定遠危急之時。著即帶兵馳往應援。或因蒙城賊圩尚未肅清。亦著分兵會勦。先其所急。現在關保已抵豫防。分堵蒙鹿等處。山東復有黃良楷等助勦之師。皆可調令協力堵

勦。計日勝保亦當由蔣壩折回。與翁同書聯絡一氣。又得傅振邦一軍為之策應。必可救護定遠。攻打懷遠。以遏賊氛。其來安清流關等處。已諭勝保撥兵援守。至翁同書軍餉匱絕。傅振邦如能酌帶餉需。以濟饑軍。更為妥善。將此由六百里諭令知之。○予安徽盱眙陣亡知縣許垣縣丞周來豫祭葬世職。並建立專祠。○丙辰。

硃諭王大臣等。僧格林沁等先詢其來意。如無要事。即代為接遞書信。如必欲進京。即令其少帶從人。俟咪夷起身後。再令其由北塘進京。抵都後。更可與言明。常由海口往來往返。徒勞一切事件。各有地方官之專責。並可以踐丕首所改專條之言。以釋其疑。至戰船一層。不必與較。可告以我國與貴國相好有年。今雖與英國開仗。係彼自啟釁端。並不借貴國兵力。代為禦侮。此說妥否。王等酌之。○諭內閣。毓泰等奏熱河圍庭兵丁不敷差轉請

量為調劑一摺。熱河原設看管兵九百八十二名。歷經裁汰。現存兵六百四十九名。尚有前案應裁兵五十八名。茲據該總管等奏稱。恐不敷差轉。自係實在情形。所有現存兵六百四十九名。著即作為定額。毋庸再行扣裁。至所稱嗣後出有二兩餉銀兵缺。即以二人挑補。分領其餉。亦著照議辦理。○諭軍機大臣等。恆福文煜奏派員護送咪酋啟程一摺。本月二十一日。咪夷自北塘進京。即照該督

等所擬。由軍糧城徑至北倉上船赴通。仍密飭清河道崇厚等。小心防護。及沿途地方官妥為照料。本日桂良等已到京。即可仍令經手。互換和約。至喚咪夷船全行駛去。尚無消息。茲據牛莊商船在距天津海口二百餘里之十八托水洋面見有夷船九隻。是該夷潛匿附近地方。或聽咪夷信息。或招集兵船。再圖報復。若再來肆其猖獗。其兇鋒必更甚於前。著僧格林沁加意嚴防。毋稍大意。前因咪

夷肯赴北塘。與恆福會晤。是以屢次諭令該督督飭文煜。乘機利導。使咪夷就我範圍。足達喚咪兩國。如情願修好。進京換約。即可前赴北塘商議。未免漫無區別。咪夷助惡。尚可佯為不知。喚夷則首起兵端。若先行俯就。恐長其驕悍之氣。更難辦理。此等機宜。措詞失當。現在喚咪二酋未必即能悔悟。願赴北塘。設或託咪夷轉圜。自當分別計議。請旨遵辦。

可也。將此由五百里諭知僧格林沁。恆福並傳諭文煜知之。○又諭。恆福等奏俄夷投遞照會。並擬給照覆等情。俄夷偕坐咪夷船隻駛進北礮臺停泊。所遞照會。以現派伊國副章京步多國似克。通事官石射馬略甫二員。帶同跟隨二人。欲由旱路進京。投給伊國公使書信。並非為進槍礮而來。至稱慕喇約甫。即帶幾隻戰船。到海口聽候回信。其來意甚不可測。所有現到四人。著恆福等准其由北

塘進京。前經肅順、瑞常與上次俄國使臣丕業羅幅斯奇議准。如有人到津。先期照會中國。由北塘進京。此時可約期。俟咪酋起身後。派委文武二員伴送。所有路上驛館供給。概由地方辦理。毋庸該使自出已貲。其護送之官。毋須大員。如慕喇約甫欲行會晤。恆福等與訂期相見。可告以此次天津與俄國開仗。乃啖首背約。先起釁端。儻其自知理屈。悔悟求和。中國仍不拒絕。俄國所帶戰船。想係幫助中國起見。以固和好。亦可無須。如未曾晤面。不必於照會中提及攜帶戰船之事。以免語多枝節。至現在攔江沙外。雖祇有該國火輪船一隻。惟既據稱攜帶戰船數隻。仍著僧格林沁密飭將弁。即北塘海口。亦須嚴加防範。以備不虞。將此由五百里諭知僧格林沁。恆福並傳諭文煜知之。○丁巳。諭軍機大臣等。特普欽等奏俄夷由水陸分赴琿春並夷眾強赴興開湖查看地界。及在烏蘇里江建

房墾地情形各一摺。俄酋伊格那提業幅到京以後。聲稱欲會議東西交界。本月十六日。復有俄夷四人至天津北塘投遞照會。稱有緊要書信。須送給伊格那提業幅。自係為議勘地界起見。並聞木哩斐岳幅亦即到津。將來以理聞導。如該夷首等曉悟。其應如何辦理之法。仍須該將軍等定議。京中不能遙制。至烏蘇里江等處地方。並無與俄夷交界之處。疊經諭令該將軍等設法攔阻。而夷蹤日復蔓延。勢將無所底止。該夷人船下駛。必須先過黑龍江地面。奕山於木酋前來爭論時。既未能據理拒絕。而於人船下駛時。亦未聞攔阻。實屬咎無可辭。特普欽等雖疊次奏報派員攔阻。亦復毫無實際。豈得以奏明在前。遂可塞責耶。景瀉此時定已行抵吉林。著會同奕山等將俄夷如再有人船下駛。應如何妥為開導拒阻。其業經建房墾地之人。將來如何驅逐。籌畫辦法。奏明為要。夷情漸形桀

驚雖未可自我開釁而該夷或竟恃強用武將何以禦之特普欽等所稱相機防堵及多備餘丁勤加操練等事並著景福等悉心商辦以備不虞毋得有名無實致滋貽誤將此由五百里各諭令知之○戊午河南巡撫瑛榮奏請飭新授臬司賈臻先行到任辦事得旨賈臻著暫緩陛見俟接署有人再令來京○以署國子監司業馬壽金為陝甘鄉試正考官翰林院編修呂耀斗為副考官○命已

革順天府府尹五品頂帶宗元醇督辦河南歸陳兩府團防事宜○補行山東咸豐七年軍政卓異官一員才力不及官一員分別議敘處分如例○己未諭軍機大臣等前因天津夷船悉數開行諭令何桂清等嚴防吳淞蘆埔鎮江等處並俟該夷首到滬後令各商妥為開導本日據何桂清奏夷船陸續回滬探聞現赴印度調兵並邀各夷商議事一摺夷人貲財悉聚上海自不願在彼滋事惟自

輪船挫敗回滬各夷商即紛紛收取銀兩搬運下船其為夷商畏事聞風搬運或由夷首主使那移為圖踞該處地步均未可知著何桂清相度機宜嚴密防範以期有備無患至夷情惟利是圖其兵費亦須出自商人此時飭令華商開導夷商最為要著務將此後若再用武則貿易必須暫停彼此有損無益之處剴切曉諭令其洞曉利害自當於夷首處設法轉圜俾首布爾布隆既較噶首明白並

著飭令委員等於該首到滬後將此次津沽接仗係噶夷先行開釁起釁非我背約俾國既不助噶我中國自有區別不欲為難看其有無悔心至噶魯嘶有往印度調兵之說一時亦未能即到僅噶首及上海夷商誠心調處即噶首已經回國亦無難通信追回特不可露中國求和之意以防噶夷更長驕志現在噶首華若翰已定於本日由北塘啟程來京換約並言換約以後即當回至上海設法

調處亦可先向哱夷提及使其自悔。此時桂良等雖已到京。而天津現有准備。該夷若帶兵重來。惟有與之接仗。所有挽回調處之權。全在上海。諒該大臣必能悉心籌畫。以濟時艱也。將此由六百里諭令知之。○以辦理湖北襄陽糧臺及委解軍火出力。予訓導王壽嵩等升敘有差。復已革都司魏鴻興職。○庚申諭軍機大臣等。前因定遠軍情危急。諭令勝保將蔣壩一帶妥為布置。卽馳赴定遠。與

翁同書協力勦辦。並諭傅振邦帶兵馳往應援。或分兵會勦。以期聯絡策應。捍衛孤城。本日復據翁同書奏。擒逆龔得句合廬賊回撲定遠縣城。諸軍迎戰失利。該撫現扼西路鑪橋集團援勦。而孤城坐困。糧食已盡。危急情形。陷在旦夕。疊次咨請勝保赴援。杳無回信。各等語。勝保經朕特簡督辦皖省軍務。乃既未能進攻廬郡。又未能克復天長。徒以防賊北竄為詞。僻處蔣壩。坐令定遠危急。饑軍難

振於全省軍務大局。辦理實無把握。疊次諭令和春撥兵赴天長。盱眙等處。會同勝保攻勦。諒已派員帶兵前來。著勝保俟此項援軍一到。卽將攻取天長。保護蔣壩事宜交替。迅速啟程。馳赴定遠。會同翁同書救護危城。並攻打竄匪。以顧大局。傅振邦接奉前旨。諒已帶兵啟程。赴援定遠。卽著會同勝保。翁同書聯絡一氣。協力堵勦。該城餉道斷絕。勝保曾不力籌接濟。是誠何心。前經諭令河南巡撫

就近協濟銀五六萬兩。未知能否解到。著勝保傅振邦疏通餉道。並各帶餉需。以濟饑軍。毋令譁潰。翁同書另片奏請飭鄭魁士赴皖幫辦軍務。該提督甫經交卸甯防。本日據奏傷病較前加劇。精神委頓。是以未令赴援。此時傅振邦諒已先到。勝保亦卽回軍。當可毋庸另派。將此由六百里各諭令知之。○又諭本日據翁同書奏。懷遠擒匪。句結廬城粵逆。圍撲定遠。該撫扼守鑪橋。激勵將士。援應賊

眾兵單餉道斷絕勢將悉行淪陷等語該處情形萬分危急業已諭令勝保速行帶兵赴援惟將壩一路亦關緊要並諭令侯江北官兵到後再行啟程和春派往之兵係何員管帶著飭令星馳前進將將壩防務接替以便勝保前赴定遠毋得再有遲誤其進攻天長防堵將壩事宜即責成和春派往之員一手辦理毋許貽誤勝保招降擒眾不下數萬人近聞惟李世忠輩得有官職之人業經難髮

其所部降眾仍蓄髮為匪肆行劫掠勝保未能鉗束患生肘腋大為可慮勝保督辦安徽全省軍務既未能進攻廬郡漸圖克復各城即天長一邑亦日久未復並聞盱眙係賊匪自行退出徒以嚴防北竄為名僻處將壩並不能兼顧定遠以致餉道不通翁同書饑軍坐困辦理殊無把握若今日久因循恐誤大局金陵與皖省密邇勝保軍營情事和春必有所聞著詳加查訪據實具奏將此由六百

里諭令知之○又諭何桂清等奏籌解京餉銀兩並將協濟皖省月餉暫行停解等語安徽軍營缺餉已久本日據翁同書奏擒匪句結廬賊圍撲定遠兵勇竭力守禦皆啖草根瓜實饑困情形殆難言狀亟應籌款接濟何桂清兼轄皖省尤應先其所急所有每月協濟安徽餉銀二萬兩仍著源源撥解毋稍遲誤將此由五百里諭令知之○以廣西右江鎮總兵官李若珠為福建陸路提督○以張家口協領庫克吉泰為涼州副都統○予故福建陸路提督張廣信祭葬諡勤勇○辛酉遣官祭

火神廟○諭軍機大臣等陳孚恩奏急籌軍餉請飭黃贊湯辦理鹽務一摺據稱連年用兵耗費捐輸抽釐而外別無良策惟有清理鹽務取之不窮尚可接濟於萬一黃贊湯於數年前曾辦鹽務頗資軍餉請飭該河督通盤籌畫等語現在東河尚無緊要工程黃贊

湯向曾辦理鹽務。其中利弊。自必深知。惟該河督所熟悉者。係何省鹽務。抑或各省情形。俱能洞悉。此事原須分別省分。會同地方官辦理。非可徒託空言。至其疏銷之法。通變之方。因時地而制其宜。順人情而盡其利。如果參稽有素。不難詳悉指陳。著黃贊湯據實具奏。以備採擇。將此諭令知之。○以內閣學士雙福。兼正黃旗漢軍副都統。○以廣西平樂協副將慶瑞。為右江鎮總兵官。○命江南徐州鎮總兵官鶴齡。留辦清淮防務。以江甯城守營副將李恆清。署徐州鎮總兵官。○壬戌。諭內閣。恆福奏。道員交代。積至四任。延不會算。請分別革職議處。勒催一摺。直隸天津道交代。前後積至四任之多。延至數年之久。均未接收結報。實屬不成事體。所有任意玩泄之前任天津道休致直隸布政使錢忻和。著即行革職。查明現在逗遛何處。勒限催赴天津數算。前任道員已革順天府府尹張起鵠。

業經病故。著該部查明伊子。係何官職。現在何處。飭令前赴天津。勒限覈算。前任道員怡昌。短交銀兩。為數尚多。著交部議處。英毓結算遲延。著交部察議。此項交代銀兩。著即派員監同覈算。儻各該員等再不迅速算結。或查有虧那情弊。即著該督從嚴叅辦。○又諭。恆福奏。請將侵用兵餉之營員。革職審訊。嚴追一摺。直隸唐三營守備徐守敏。領到兵餉馬乾銀兩。輒敢任意侵用。現據查明短交實銀三百四十餘兩。票銀六百餘兩。實屬膽玩。徐守敏著即革職。提省審訊。嚴追。照例懲辦。○又諭。前因庚辰長春運河來源告竭。請飭山東迅即開壩。當諭令崇恩就近斟酌辦理。茲據該撫奏。微山湖存水微弱。較定誌尚短五尺六寸。且江境河源告竭。係十字河淤塞。及長河未挑之故。若湖口開壩。一洩無餘。於蘇省無濟。而東境必至舟楫不通。殊多妨礙等語。自係實在情形。所有湖口大壩。仍著暫緩。

開放。俟湖水收符定誌。再行啟壩宣濟。○諭軍機大臣等。據僧格林沁奏。辦理撫夷大局。當剛柔相濟。令郭嵩燾齎摺呈遞。朕詳加披閱。並召見郭嵩燾。詢悉該大臣籌畫勦撫事宜。均屬允當。此次啖夷犯順。經該大臣督兵攻擊。實足以寒逆膽而快人心。現在海口營壘。布置益加周密。即使該夷再圖報復。必能挫其兇鋒。至勦撫兼施。兩事本並行不悖。該大臣於議勦既有把握。則撫局自可不至遷就。本日據何桂清奏。啖拂兩酋。已先後回至上海。現今華夷商設法解散。一切情形。已咨行僧格林沁查照辦理。該大臣接到後。諒已深悉。刻已諭令和春嚴防該夷。勾結金陵逆匪。並諭何桂清確探該夷動作。如華夷商肯為剖辨是非。該夷自知理屈。自可乘機利導。但不可先為俯就。以長該夷桀驁。諒何桂清必能斟酌辦理。特該夷能否悔禍戢兵。尚無把握。至咪夷進京換約。情詞尚屬恭順。

較啖拂兩夷易於駕馭。現仍責成桂良等。一手經理。可毋庸添派大員。至僧格林沁請將啖夷狂悖情形宣示中外。並所獲咪夷蔣什坡一名。俟華若翰到京後。明降諭旨。給還該國各情。俟咪酋到京後。再行降旨宣布可也。何桂清錄呈新聞紙。著鈔給閱看。將此由五百里諭知僧格林沁。恆福並傳諭文煜知之。○又諭。前因夷船陸續回滬。當諭何桂清。令華商開導夷商。於夷酋處設法轉圜。並諭和春嚴防鎮江等處。本日據何桂清奏。啖拂二酋已回上海。密陳續探各情。並錄新聞紙呈閱。據稱吳煦等密傳華商。向夷商分割利害。該夷商均已領悟。即可因夷商以攔阻夷酋。該酋如有照會前來。卽是悔悟之機。該督務當乘機善導。以息兵端。但當使彼求和。不可先露俯就之意。卽啖拂二國雖係同惡。而釁起啖夷。辦法亦當有先後。此中操縱緩急。全在該督審察機宜。勢難懸擬。至新聞紙內所

稱欲進金陵再與中國計較。雖屬虛聲恫喝。或因前此曾入長江。此時思與逆匪勾結。亦不可不防。著和春仍遵前旨。密飭沿江水陸各軍。加意防範。勿令闖入。其蘇松一帶海口。仍著何桂清不動聲色。妥為布置。以後夷情。並著確切偵探。隨時馳奏。至咪酋華若翰。已於二十一日由北塘進口。來京換約。並可宣諭夷商等聞之。將此由六百里各諭令知之。○琉球國王世子尚泰遣使表謝。並進貢方物。賞賚筵宴如例。○癸亥。諭內閣。戶部。奏請飭報銷軍餉等語。咸豐七年。烏魯木齊等處軍需。動用各款。迄今延未報銷。著烏魯木齊都統喀什噶爾。英吉沙爾。烏什。喀喇沙爾。各大臣嚴飭經手各員。趕緊造具清冊。送部覈銷。毋得再延。○又諭。工部錢法堂奏。撤任監督畏罪輕生。請旨派員查辦一摺。撤任寶源局監督吏部員外郎張仁政。因局款軋轉不清。經侍郎成琦等奏請撤任查辦。當經查出

煤炭加價。及工料等項。含混墊發。業已具結認賠。續又查出該故員尚有應交庫款。均未呈繳。即據報稱情急自縊。雖據該家人供稱。無力賠繳。憂思所致。惟係職官輕生。案關局務。是否另有別情。著派瑞常。沈兆霖。秉公查辦。以重款項。而清弊竇。○諭軍機大臣等。前經兩次諭令勝保。傳振邦。帶兵親赴定遠。力解重圍。迄今未據覆奏。翁同書駐師鑪橋。竭力督勦。勢已萬分危險。本日據奏。十二月。督率麟瑞等軍。幸將城西賊營四座踏毀。城上亦絕勇下城。擊退逆賊。惟賊數太眾。既毀之營。復為所踞。並建木城數座。截斷紅心驛道。兼阻該撫赴援之軍。兵團民勇。既無營壘。帳房。復無勺漿粒米。連日沿村勸借。僅得米數十石。悉送前敵。並接勝保函會。如定遠有失。囑該撫退至明光。津泥一帶。覽奏。實深焦灼。賊匪陳玉成。擁眾數萬。橫踞關山。藕塘等處。廬賊捻匪。南北奔突。與龔賊相應。翁同書等。

皆在圍中。鑪橋之西。卽壽州境內。向無驛站。且潁毫各路。盡係捻巢。翁同書卽欲退扼萬難衝過。且斷無輕棄定遠一城。坐視淮南數百里淪陷之理。惟有撫循餓軍。竭力待援。勝保既克盱眙。株守蔣壩。已昧機宜。且知定遠勢將失陷。復不星馳赴援。轉令翁同書退出。欲與蔣壩聯絡。竟視定遠為可棄。是何居心。僅城陷師潰。豈能當此重咎。著仍遵前旨。馳赴定遠。以保危城。昨閱傳振邦奏報。拔營西發。尚未知定遠危急情形。並著卽遵前旨。趕緊督兵赴援。仍各帶餉需。前往接濟。若再遷延不進。翁同書等致有蹉失。惟勝保等是問。將此由六百里各諭令知之。○甲子。諭內閣。勝保奏請將管帶馬隊到營遲延。並臨陣退避各員。分別懲處等語。管帶黑龍江馬隊營總和山。自天津至盱眙。並不按站行走。遲至四十餘日。始行到營。實屬遲誤。和山著先行摘去頂帶。仍令帶隊自效。管帶吉林馬隊之

佐領委營總德永。沿途需索車輛。藉口遷延。經該大臣專弁催提。仍復任情違玩。德永著卽行革職。仍留營效力。自贖。僅再不知愧奮。卽著從重叅奏。治以軍法。又上月逆匪竄撲盱眙時。派赴前敵管帶馬隊之卽補協領委參領驍騎校伊凌阿。卽補佐領委參領諾蒙阿。見賊勢過重。遽行帶隊撤退。擅往定遠。實屬不知輕重。伊凌阿諾蒙阿均著卽行革職。仍留軍營以觀後效。吉林委參領盛安。不知繞避何處。尚未回營。著先行革職。聽候查辦。副都統銜黑龍江營總西蒙額。委參領防禦祥古塔。因患病給假在先。並不隨同大隊行走。輒敢擅赴定遠。亦屬不合。西蒙額祥古塔均著摘去頂帶。以示懲儆。○又諭勝保奏請將帶隊潰逃之文武員弁懲處等語。升用都司秦大川等。於上次賊撲盱眙時。竟敢相率潰逃。繞道洪湖。避居舟中。經勝保派弁往調。始行回營。實屬目無法紀。秦大川著卽於軍

前正法。以昭炯戒。其情節稍輕之候。選知府龔繼勛。著卽革職。發往新疆效力贖罪。卽補都司龔得貴。著卽革職留營。以觀後效。○諭軍機大臣等。前因定遠軍情緊急。疊次諭令勝保前往救援。本日據該大臣奏。本擬親督援剿。因逆匪大股竄踞竹鎮。窺伺東北。現仍扼駐蔣壩。並添兵馳赴明光。策應西路等語。勝保留防西路各軍。雖有一萬餘名。而賊蹤一至。紛紛潰散。可見所留之兵。並非精銳。現在定遠一城。危在旦夕。該大臣已由湖路西行。駛至津泥地方。旋因探聞逆股回竄竹鎮。圖撲東北。復又折回蔣壩。所留張得勝等。馬步官兵僅一千百餘名。又止進劄明光。並不令其竟赴定遠。亦屬無益。勝保既不能進克天長。又不能迎拒陳玉成東竄之匪。雖非有心避賊。惟僻處一隅。以致全省軍務鞭長莫及。措置殊失機宜。現在定遠行將淪陷。竟爾坐視不救。設有疏虞。咎將誰諉。和春所派總

兵安勇一軍。兵數若干。勝保並未奏明。此軍一到。勝保卽可將蔣壩防剿事宜交卸啟程。惟安勇所帶兵。必須四五千。始敷堵剿。如不及四千之數。著勝保酌量留兵。交付督帶。並多留馬隊。以利馳逐。不得全行帶回。致東北一路空虛。勝保接奉此旨。著卽星馳赴援定遠。毋得日事遷延。致干罪戾。將此由六百里諭令知之。○以海運漕糧驗收完竣。予兵部尚書全慶。倉場侍郎廉兆綸。下部優敘。天津道孫治等。并補加銜有差。○乙丑。諭軍機大臣等。前因定遠危急。疊經諭令勝保傳振邦。星速赴援。本日據翁同書奏。定遠縣城。於十七日被賊攻陷。業經降旨。將勝保。翁同書。交部嚴加議處。並將帶兵各員分別懲處矣。定遠被圍日久。近城援軍為數不少。卒因餉糈不繼。以致失陷。該大臣等辦理不善。實堪痛恨。翁同書駐劄蘄橋。雖經勝保囑令前赴明光津泥。而該撫以淮南地關緊要。未肯輕

棄。如果餉需有著。仍以不退為要。日內傳振邦當已赴援。惟賊勢蔓延。應如何與翁同書各軍聯絡。協力攻剿。著該提督悉心籌辦。毋稍遷延。勝保督辦全省軍務。此時淮南糜爛。而株守一隅。大勢全失。罪無可逭。和春所派安勇一軍。當已可到。著遵前旨。卽以蔣壩防守事宜。交該總兵督辦。僅兵力不敷。並著勝保抽撥湊數。以資防剿。勝保卽剋日啟程。相機進剿。務與翁同書傳振邦協力同心。迅圖克復。稍贖前愆。至翁同書另片奏各省協撥餉銀。請飭分別解交勝保。及該撫軍營。自為兩營相去遙遠起見。勝保此時諒必與翁同書力圖會合。分解一節。自可暫無庸議。前撥河南餉銀五六萬兩。本日復諭令瑛榮速行解往。其餘山東等省協餉。卽著該撫等派員迎提。均勻支放。以作士氣。將此由六百里各諭令知之。○又諭。前因翁同書奏。天長盱眙相繼失守。餉道斷絕。當經諭令瑛榮迅籌銀

五六萬兩。派員由潁壽一帶解往定遠。以濟急需。茲據翁同書奏。懷遠擒匪。句結廬城賊匪。疊次攻撲定遠。官軍奮力堵禦。因餉竭兵單。以致縣城被陷。該撫駐兵鑪橋。兵勇枵腹荷戈。各路餉道梗阻。請速撥餉銀解營等語。皖北餉道久已斷絕。定遠復被賊陷。軍情萬分緊急。豫省壤地毗連。若趕緊撥銀解往。可期迅速直達。著瑛榮仍遵前旨。迅撥銀五六萬兩。派員由潁壽一帶解往鑪橋。翁同書軍營毋稍延緩。將此由五百里諭令知之。○以安徽定遠縣城被賊竄陷。欽差大臣勝保。巡撫翁同書。下部嚴議。總兵官惠成。吉順。副都統麟瑞等。革職留營效力。○展緩湖北廣濟縣被水地畝上年銀米。○丙寅。諭內閣。和春奏請派提督留防高淳東壩等語。浙江提督鄭魁士。著駐劄高淳東壩一帶。辦理防剿事宜。○又諭。和春奏。江北逆援渡江。水師截擊獲勝一摺。江北逆賊。屢圖援救金陵。總兵吳

全美派參將郭定猷帶領師船於陳家洲江面堵擊。賊眾密運大礮。布置江岸。由裕溪口突出。礮划來撲。被擊敗退。曹府洲等處陸賊悉出。礮聲四起。東梁山。裕溪口。蕪湖。各出賊划數十隻。圍繞攻撲。郭定猷率同守備何慶龍等奮勇截勦。適下游儘先守備歐陽忠。師船前來援應。兩面夾擊。賊遂披靡四散。其往下關竄渡之賊。亦經都司李潤雄督兵擊退。該水師官兵與賊接仗。至三晝夜之久。擊沈賊划。殲斃賊眾。不計其數。防勦尚為出力。仍著和春飭令實力堵擊。無任竄渡。○諭軍機大臣等。本日據和春奏。因太平一路有添賊內犯之謠。仍在六合調兵勇二千名。派總兵安勇統帶。馳赴蔣壩歸勝保調遣等語。現在定遠業經失陷。勝保急應由蔣壩馳援。而天長一日不克清淮。一日不安。安勇所帶兵勇不過二千。加以勝保所留兵丁。僅足以防蔣壩。未能進克天長。揚州距天長不過百餘里。

著和春即將派防揚州之兵。選派得力大員管帶。移營進逼天長。迅速克復。以期肅清江北門戶。和春統轄南北諸軍。其蔣壩天長一切防勦機宜。勝保啟程後。即責成和春調度。勿令賊匪有隙可乘。將此由六百里諭知和春。並傳諭張國樑。許乃釗知之。○江西巡撫耆齡奏報克復景德鎮得旨。俟查明詳細情形。速行具奏。○以克復江西龍泉縣城。賞州同銜張俊等藍翎。餘加銜升敘有差。○予江西景德鎮等處陣亡參將李逢春都司傳承雲。千總李廷棟。祭葬加等。世職如例。千總錢得勝。把總伍見雲。尹興邦。卜連廣。外委胡慶榮。李得勝。鄭國興。祭葬世職。○丁卯。諭內閣。御史吳祖昌奏。學臣殉難。請逾格加恩一摺。廣西學政沈炳垣。前因梧州失守。時被害最慘。業經從優賜卹。並建立專祠。茲據該御史奏稱。該學政及身之贈卹已優。後嗣之推恩未逮。援照湖北學政馮培元成案。請旨等語。

著照所請。由浙江巡撫查明沈炳垣子嗣。俟服闋後。送部帶領引見。○又諭。前因倭仁奏。參增慶隨帶多員。驛馬用至八九十匹。沿途不無騷擾。當諭令該副都統明白回奏。並諭王明。景霖。查辦。嗣據該副都統奏稱。所用馬匹。係按兵部勘合火牌。照例支應。茲據王明等奏。檢查各驛。並旗民地方官。結報情形。與增慶原奏不符。該副都統所帶隨員。經過地方。自應遵照定例。不准濫支。乃於例馬之外。

竟浮用大小車二十餘輛之多。殊屬非是。增慶著交部議處。○諭軍機大臣等。前因定遠危急。疊經諭令勝保。傳振邦。帶兵赴援。並諭勝保。俟和春所派之安勇一軍到後。酌量添足兵力。令其防守蔣壩。然後馳赴定遠。昨據翁同書奏。定遠失守。復諭該大臣等。迅速赴援。茲據勝保奏。擬即親往前敵。由明光等處設法布置。仍即折回蔣壩。並請飭傳振邦。扼要屯劄。各摺片。定遠既經失陷。則賊已闖入

腹地。該處兵已撤退。淮南一帶地方。必至盡遭蹂躪。於全局殊有關係。著勝保仍遵前旨。俟安勇一軍到後。酌量布置。令守蔣壩。即親帶馬步馳赴定遠。會同翁同書。傳振邦。迅圖攻克縣城。毋任久踞。傳振邦。疊奉寄諭。諒已啟程。馳赴該處。若如勝保所請。令其扼劄固鎮九灣一帶。則僅能防守要隘。而不足以資攻剿。著傳振邦。仍遵前旨。迅速馳援。或孫唾王圩一帶。未能藏事。即飭令苗沛霖等。練勇

奮力攻剿。以資接替。該提督即可抽軍前往定遠。先其所急。此次定遠城陷。皆由各營將弁先行潰退。著勝保於到後查明。將首先潰退之員。請旨正法。以肅軍律。將此由六百里各諭令知之。○又諭。有人奏。廣西藩司蔣益澧。近來志意驕盈。因扣留軍中口糧。以致兵勇解體。騷擾鄉民。去冬賀縣之敗。實由於此。該藩司自敗後。退居省垣。委任畏葸貪鄙之候補知府潘家鼐。帶勇暫駐賀縣。數月之久。

未聞進仗。任聽湘勇擄掠村莊。本年三月間。湘勇潰散。該府踉蹌奔走。拋棄軍裝。以致賊匪蹂躪各村。又柳州潯州各處賊匪被鄉團防堵嚴密。賊黨覓食維艱。勢漸窮蹙。蔣益澧遷延不進。迨柳州復為賊踞。始行出省。致誤事機等語。廣西被兵日久。民生凋敝。全賴地方大吏保衛閭閻。若如所奏。蔣益澧以帶兵大員。輒敢不發軍糧。致令兵勇擾累居民。亟應確切根究。以嚴法紀。著曹澍鍾按照所參各節。並知府潘家鼐縱勇擄掠村莊等情。詳細查明。據實叅辦。毋稍徇隱。至蔣益澧因軍營出力。疊次加恩。擢至藩司。應如何奮勉圖報。儻敢恃恩驕縱。必當予以嚴懲。現在柳潯股匪尚未盡殲。著該撫卽飭該員帶兵進剿。如或任意玩延。不能撫馭兵丁。以致搶掠害民。著卽嚴叅治罪。原片著鈔給閱看。將此由五百里諭令知之。○戊辰。諭軍機大臣等。前因定遠危急。疊經諭令傅振邦帶兵赴援。茲

據該提督奏稱。捻匪分股竄擾北路。喫緊未能遠道南援。各等語。捻首分踞各圩。該提督一軍分路防剿。兵力本屬不敷。定遠道路較遠。勢難兼顧。自係實在情形。現在捻首余麻和等竄擾蕭縣之王家樓。分踞回村。該處東接徐郡。西連碭虞。最關緊要。著卽派馬步各隊繞出賊前。截其北竄。該提督既未能赴援定遠。卽著親督各軍。向百善站一帶直搗賊巢。一面飛咨德楞額。郝上庠等督兵接應。勿令闌入山東境內。將此由六百里諭令知之。○又諭奕山奏夷情狡詐。辦理辨明定界。實無把握。並特普欽等奏。前到琿春夷船。現已開行。各等語。俄夷於黑龍江至琿春等處。肆意遊行。欲圖占踞。總由奕山於會晤該酋時。不能據理剖晰。含糊定議所致。此時若將前約更改。該夷必不肯從。然豈能任其蔓延。無所底止。此事從前係奕山一人辦理。今既侵至吉林地界。自應由吉林。黑龍江兩將軍會

同查辦。另立條約。以息爭端。除黑龍江左岸
空曠處所。及闊吞屯奇咭久已蓋有房屋。係
夾山許以借給居住。無庸議外。此外均非該
夷應到之處。著夾山。景瀉。會同定議。明白曉
諭。以免該夷到處侵占。所有烏蘇里江。綏芬
河等處。係屬吉林地方。並非與俄夷接壤。斷
不容該夷人船游駛。三姓地方。並非馬頭。亦
斷不准該夷到彼貿易。會派妥員實力開導。
其前借與之黑龍江左岸空曠處所。及闊吞

平定志卷六

三

屯等處。原屬借與棲身之地。不得再來人口。
亦不得再行添蓋房屋。至該夷船隻。由黑河
口入松花江。往東入海。前曾許其行走。自可
毋庸阻止。如此明示限制。另立一條。或可挽
回。夾山等於會商後。即將如何辦理之處。詳
細馳奏。再與該夷定議。該將軍等身膺重任。
務須協力同心。以禦外侮。不得以開釁藉口。
搪塞。毫無辦法。致干重咎。將此由五百里各
諭令知之。○又諭。何桂清奏夷船在奉天。山

東沿海私販洋藥請飭查辦等語。據稱近來
外國商船有至登州。牛莊及沿海各處販運
洋藥。甚至有裝載豆餅。行抵吳淞之事。山東
煙臺地方有商船停泊貿易。並於該處買地
造屋。有粵人范姓。經理其事。因鄉民阻止。互
毆受傷等情。現在條約未換。無論何處海口。
均不應私行貿易。況牛莊係倭夷增添通商
口岸。登州係倭夷兩國新增口岸。現在皆未
議定開市。不應有夷船前往貿易。儻任令夷

平定志卷六

三

人買地造屋。必至占踞中國地面。若不早為
禁遏。以後更為棘手。著玉明。倭仁。景霖。崇恩
嚴飭該管地方文武查明。如有外國商船私
往。即行正言峻阻。勒令及早回帆。儻有奸民
勾通貿易。該管文武有失察故縱情事。即著
分別嚴行叅辦。並著崇恩將私至煙臺經手
造屋之廣東人范姓。密速查拏。務獲究辦。毋
令逃逸。至豆石豆餅等物。上海議定。不准夷
人販運。嗣後內地商販往來。須各有執照。可

憑方無影射。著該將軍等互相札商。妥議辦理。以便稽查。將此由五百里各諭令知之。○江西巡撫耆齡奏解湖南餉銀得旨。籌款積有成數。續行接濟。又奏動撥道庫銀兩濟餉。批戶部察覈。江西省軍興以來。曾否報銷。專摺具奏。○以克復福建邵武。光澤。建甯。泰甯。府縣各城。賞同知許廷昌。都司唐遇貴。花翎。府經歷沈振等。藍翎。餘加銜升敘有差。○以克復江西廣昌。新城。金谿。各縣城。賞縣丞陳學淵等。藍翎。餘加銜升敘有差。○以安徽東流縣防守出力。免投誠李楚材等罪。賞藍翎。並擢用有差。予知縣申從周升銜。○予江西吉安等處傷亡守備沈懷仁。外委喻萬才。陣亡外委黃慎德。劉李清。祭葬世職。

實錄卷二百八十六

奏

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百八十六

實錄卷二百八十六

奏

糾民等或辦團縛殺賊指軀或以不屈遇害

准其撙節動用有餘抵作來年防險之用斷

不准逐漸加增。以添辦為常例。賞已革正白旗蒙古都統德興阿六品頂帶交欽差大臣僧格林沁軍營差委。以翰林院侍讀蘇勒布侍讀徐士穀編修黃倬充日講起居注官。編修景其濬署日講起居注官。改鑄江西安福縣儒學條記新城縣極高司巡檢印信。從巡撫耆齡請也。以福建籌濟軍餉出力予道員英樸等加銜升敘有差。以福建省城巡防出力。賞道員秦金鑑。知府黃慶安。同知丁嘉璋。周德建。郎中郭柏蔭。協領榮貴等花翎。同知程錫疇等藍翎。餘升敘有差。以江蘇籌餉出力。予按察使薛煥等加銜升敘有差。庚午。諭內閣吏部奏。彙題本內。夾籤脫漏。查明檢舉一摺。本年五月。吏部彙題本內。浙江奉化。上虞。黃巖。鎮海等縣。交代遲延四案。浙江按察使段光清。每案應罰俸三箇月。該部司員等夾籤脫落。奉化。上虞二案內閣未經票擬。茲據該部查明檢舉。所有段

光清督催不力之奉化。上虞二案。著每案罰俸三箇月。吏部承辦司員著查取職名。交都察院照例議處。內閣看本中書著一併交部議處。諭軍機大臣等。曾國藩奏攻克景德鎮賊巢。並浮梁縣城一摺。已降旨先行給獎矣。該侍郎檄調張運蘭等一軍。四千人先赴實慶會剿。如能在湖南界內將該逆協力痛殲。使不至西竄。自與該侍郎入川無異。所恐賊勢散漫。路徑紛歧。未能攔截。曾國藩雖先駐宜昌等處。仍當偵探賊情。如實慶一帶未能遏其入川之路。即當親督兵勇赴蜀。以便調度堵剿。機宜未可遷延貽誤。著曾國藩仍遵前旨。俟到楚後。與官文等妥商進剿地方。並酌撥兵勇。以備帶往。設或賊犯四川。則蕭啟江。張運蘭兩軍皆可調赴防剿。該侍郎隨時酌辦可也。將此由六百里諭令知之。以克復江西浮梁縣城及景德鎮兵部侍郎曾國藩下部優敘。賞道員王文瑞遊擊任星元。

巴圖魯名號餘加銜升敘有差予陣亡都司李印典守備向其昌陳玉才千總高成春祭葬世職。辛未諭內閣王懿德慶端奏請將閩省殉節及積勞身故官紳士庶人等分別旌卹一摺福建省防勦逆匪該文武員弁及紳士幕友眷屬人等或臨陣捐軀或守義殉難或積勞身故情形均堪憫惻自應分別旌卹勵節褒忠著照所請所有單開陣亡之同知銜補用知縣朱汝霖等各文武員弁紳士婦女均著照例分別議卹旌表以慰忠魂其業經議卹之署尤溪縣知縣金琳護水師提標遊擊銅山營守備鄭振纓被害尤慘著入祀昭忠祠並於殉難地方各建專祠用彰忠節。諭軍機大臣等僧格林沁奏俄夷船隻駛至山海關捏稱喫夷一摺俄夷大船一隻停泊距老龍頭十里以外經副都統格綢額派人往查有夷人四五百名多係廣東口音稱係喫國人自上海廣東來此內有俄夷一

名為防兵識認恐係俄首慕姓前往山海關捏稱喫夷意圖窺伺形勢本日已飭肅順等照會在京之俄夷伊格那提業幅告以中國現與喫夷接仗各處口岸設防嚴密如見伊船隻即行開礮爾國船隻不得擅自停泊亦不得與喫夷同船恐致誤傷轉失和好僧格林沁仍嚴飭格綢額密加防範如察係俄夷自可以理開導勿令停泊設有喫夷船隻前往該處滋擾即誘令登岸俟其深入痛加勦

擊以期聚而殲旃將此由五百里諭令知之。又諭何桂清奏喫啡二酋愧忿未平現在設法辦理一摺前諭何桂清開導啡夷為喫夷轉圜以撫局業有成說姑從寬大分別辦理今喫首因敗齟恐為諸夷所笑報復之念未忘啡首亦附和喫首不肯照咪夷先來換約同惡相濟即不必再令轉圜何桂清伴作不知啡夷助逆照會布爾布澤噶其迅速北上誠恐夷性犬羊未能馴擾天津已豫備接

仗可無他虞。噶夷既與噶夷為黨。接何桂清照會後。即使有悔悟之機。亦止能照味夷和約內所載各口通商。一律辦理。所有上年在津條約作為罷論。至噶夷兩次到津。俱先開礮。此次首先背約。情理難容。即伊自悔求和。當責以釁自彼開。中國將弁多有傷亡。所有兵費約需千餘萬。除將噶夷兩國前議之六百萬抵去外。尚需索賠若干萬。看其如何答復。彼時再由何桂清作為己意。代乞恩施。酌量減數。屆時相機行事。難以豫定。噶夷將來亦只能照味夷七口通商。由何桂清與該酋另立條約。與噶夷亦另立條約。均即在上海互換。不復令該兩國進京。亦不令桂良等再往上海矣。此事辦法。該督可存之於心。勿先宣露。到時酌辦可也。另摺所陳。閩行鎮為松江屏蔽。攔路口係蘇州鎖鑰。上年所製長龍舢板戰船一百號。或內地有警。即著飛調前往堵截。並須與和春計議。扼守沿江要隘。其

閩山關江口道光年間夷務善後案內。曾經安兵設礮。此時礮臺礮位。是否尚存。並著查明具奏。將此由六百里諭令知之。又諭。王懿德慶端奏閩省寶福局尚存鐵錢十二萬串。恐日久銹爛。查有調赴天津水師戰船四號。將此項鐵錢。勻搭裝運六萬串。解赴天津。行使其餘六萬串。另顧商船配運赴津等語。現在天津一帶民間。並不通行鐵錢。若雇覓商船運解。跋涉長途。徒滋糜費。所有水師戰船搭運之鐵錢六萬串。如業經啟程。即毋庸議。其餘鐵錢六萬串。著慶端瑞璜。即飭令停止。起解以節經費。將此由五百里諭令知之。又諭。勝保奏督兵馳赴明光馬步軍進剿紅山三河各集。連獲勝仗一摺。並另片奏。擬即移師淮北。與傅振邦會合。急攻懷遠等語。明光等處。既經張得勝等連挫兇鋒。賊勢諒已稍卻。和春所派總兵安勇帶馬步隊現已到壩。勝保即可遵照前旨。將蔣壩防守事宜。

交該總兵督辦所籌湖面舟師豫為多備以防賊船夾淮下駛著即趕緊購備船礮以資攻剿至所稱現在圖攻定遠孤軍深入未必確有把握自不若先行攻復懷遠再渡淮而南較易為力著勝保酌撥兵勇三四千會合安勇之軍分剗盱眙蔣壩後即相度情形聯絡淮北各軍急攻懷遠前因擒匪分投竄擾北路喫緊據傳振邦奏未能赴援定遠已諭令即督各軍向百善站一帶直搗賊巢俟勝

保移師淮北該提督所統各軍如可合而為一即將懷遠縣城迅圖克復毋稍遲延至翁同書現已退撤壽州一帶就糧該撫所統兵勇數尚不少仍著懷遵前旨迅即回攻定遠毋再遷延惟馬隊較少著勝保酌撥應用該撫不得以防堵壽潁為詞置重兵於無用之地將此由六百里各諭令知之○察哈爾副都統慶昫奏驍騎校懷塔等捐輸銀兩請賞收支發官兵盤費並擬由軍臺官兵俸餉項

下動墊以期接濟得旨所捐銀兩著賞收應得獎敘著擬請至所稱或有緩不濟急先於餉臺項下動墊此時正餉尚不能按季開放歸補恐亦無期一面實力勸捐如萬不得已必須奏明動用○以福建捐輸軍餉永廣鄉試中額十名以安徽捐輸軍餉永廣鄉試中額二名徽州歙休甯黟四府縣學額各十名婺源績溪太平三縣各五名祁門縣三名青陽縣二名石埭縣一名以福建防守省

垣北路出力賞道員周揆源胡光瑩花翎布政司經歷程鐸藍翎餘加銜復官升敘有差以福建帶兵應援遲誤降總兵官豫祺為副將副將王捷元秦斐音泰為參將贈福建殉難道員袁績懋按察使銜予祭葬世職如按察使例遊擊張拔高祭葬世職加等○湖廣江蘇銅山蕭邵睢甯碭山宿遷六州縣暨徐州衛被擾莊屯新舊額賦有差○士申諭內閣載垣等奏職官供詞狡展請暫行革

職又惠親王等奏請迴避各一摺。鑲黃旗滿洲驍騎校阿克達春呈控佐領奎福指卸軍米案內候補印務章京玉崑自縊身死。該參領吉瑞奎福恃符狡展。語多遮飾。著暫行革職。嚴行審訊。本旗都統惠親王副都統德全。載堪均著毋庸迴避。又諭曾望顏奏查閱營伍一摺。陝西南山地方最為緊要。該撫查閱各處營伍。自應分別勸懲。以資整頓。著孝義營都司興安城守營都司達冲阿。年力衰

老。聲名平常。著即勒令休致。署漢中鎮標右營都司雲騎尉世職馬鼎署陽平營都司雲騎尉世職江占魁。力弱技生。均著開缺。勒限學習。以觀後效。另片奏署鎮等訓練有方。懇恩獎敘等語。署陝安鎮總兵揀發副將興貴。著交部從優議敘。署留壩營遊擊華陽營都司琦克坦泰。署商州城守營遊擊揀發參將阿揚阿。均著交部議敘。六品頂帶儘先把總李萬發。監造軍器尚屬精良。著賞給五品頂

帶以示鼓勵。諭軍機大臣等。官文奏請飭吉林將軍於琿春等處挑選西丹三百名赴楚助剿等語。現在吉林地方俄夷分赴琿春三姓等處希圖占地。經該將軍設法攔阻。因該省馬隊調出者多。現須多備餘丁。勤加操練。吉林餘丁實無可調。撥如將未經操練之丁勉強撥往。恐徒勞跋涉。到楚後仍不適用。官文前曾請撥黑龍江西丹千名赴楚。著該大臣於八九月間催提前往。以資應用。並咨

行沿途將軍督撫妥為應付。以利遄征。將此諭令知之。又諭張芾奏浮梁景德鎮敗匪。悉竄祁門邊境。請飭援師合剿一摺。曾國藩因江西肅清。先調張運蘭一軍赴援湖南。該侍郎亦即日拔營由武昌前往宜昌等處。乃浮梁景德鎮敗匪竟傾巢東竄。突至祁門邊界。延及箬坑禾沙坑口一帶。建德之軍既隔於外。祁門之兵復絀於內。徽州勢處甚迫。亟應由江西就近撥兵援應。曾國藩能否暫留

兵勇前赴徽州越境會剿。或以兵力已單。須親自帶往湖北。則江西一省。必尚有可用之兵。著耆齡即行抽撥勁旅。赴祁門一帶協剿。著該侍郎與該撫會同商辦。以免蔓延。將此由六百里各諭令知之。○又諭。固慶等奏。請飭截撥兵餉銀兩。以濟要需等語。甘省欠解喀什噶爾英吉沙爾二城節年經費銀二十餘萬兩。本年三月間。僅據撥到銀四千兩。又分撥備用銀四千兩。尚未解到。現在該二城

邊防緊要需餉孔殷。情形甚為急迫。著樂斌於司庫項下。無論何款。先為截撥銀數萬兩。遣委妥員迅速起解。俾資接濟。即或未能多解。亦須設法籌撥。毋誤軍需。將此諭令知之。○山海關副都統定福奏。夷船駛至海口。現在督兵嚴防。得旨。山海關非伊應到之地。即有登岸之人。亦斷不准接濟食物。尤不可希圖省事。致有互相買賣各情。○喀什噶爾辦事大臣固慶。英吉沙爾領隊大臣烏勒欣泰

因病解任。以烏魯木齊領隊大臣奎英為喀什噶爾辦事大臣。○癸酉。諭內閣。兵部題請派本年武會試提調官一本。所有開列滿漢司員四人著照文會試之例。由該堂官帶領引見。候旨揀派。並著該部纂入則例。永遠遵行。○又諭。江蘇學政孫葆元奏。代辦鄉試監臨並歲科試趕辦情形一摺。本年己未恩科江南鄉試。著派孫葆元入闈代辦監臨事務。即於考試錄遺後。赴浙辦理。至該學政應辦

歲科考試。著俟科場事竣後。再行趕辦。○又諭。恆福奏。請將承審命案未能究出實情之署知縣等。嚴議議處一摺。此案直隸束鹿縣民人劉今知之母劉馮氏。於七年六月間。在室身死。經前署知縣陳景芳查驗傷痕。係屬自縊。未及詳報。接署知縣潘榮漢楊中桂亦未訊詳。先後卸事。現據劉正宗供稱。伊姪劉今知素來忤逆。劉馮氏傷痕周布。似勒非縊等情。案關倫紀。亟應嚴切根究。該署知縣等

因循兩載案懸未結非尋常疏忽可比陳景芳著即革職潘榮漢楊中桂均著交部議處並著恆福督同臬司親提人證卷宗秉公嚴訊確情按律定擬具奏以福建古田屏南防勦出力賞知縣鄭士培等藍翎餘加銜升敘有差補行七年兩湖軍政湖北卓異官二員有疾官一員湖南卓異官三員罷輟官一員有疾官一員分別議敘處分如例予山西平陽府殉難紳士李塋等三十一名商民婦女楊九鳳等二百八十一名口旌卹如例甲戌諭內閣崇恩奏省城藥庫失火請將巡防不力之守備革職勒賠並自請議處一摺山東省城藥庫存儲軍需局及各營解省候撥火藥該管各官並不小小心看管致令失火被轟三營火藥一萬三千餘斤軍需局寄存火藥一萬六千七百餘斤並延燒民房二十餘間城垣貢院均有震塌是日在庫領解火藥之委員候補未入流高炳並監秤委

員候補縣丞黃林及兵役匠作人等均被轟身死鄰近居民亦有死傷實非尋常疏忽可比所有輪應該班巡防之署濟南城守營候補守備馬佩榮著即革職所失火藥勒令該員與應議各員趕製賠繳崇恩未能先事防範著交部照例議處其被災居民並著照議妥為安撫毋令失所又諭特普欽等奏俄人駛至三姓地方圖姦民婦被毆身死一摺五月十五日俄國人徹卜勒幅等由黑河口駛抵三姓經該副都統衙門派員攔阻未肯駛回隨派六品委官綽爾霍羅妥為看守五月二十九日徹卜勒幅登岸至民人王義會家將民婦王高氏戲謔經番役高連生等勸阻回船詎徹卜勒幅於是夜復至王高氏家圖姦被民人劉有用劈柴將徹卜勒幅毆傷殞命棄屍江內該看守弁兵等越日於松花江南岸將屍身尋獲審據劉有及王高氏供認前情不諱三姓地方非俄國人所應到且

係捨船上岸圖姦以致斃命實所自取並非無故謀殺至徹卜勒幅駛至該處該副都統等既未能攔阻回帆及其賁夜上岸圖姦民婦看守弁兵等復毫無覺察致釀命案均有應得之咎暫署三姓副都統參領巴彥布並查街之雲騎尉常壽驍騎校經文圖均著交部議處看守船隻之六品委官綽爾霍羅於徹卜勒幅兩次上岸有無知情故縱著該副都統查明辦理其民人劉有及王高氏有無

別情並著訊明按律定擬具奏諭軍機大臣等前因袁甲三奏請飭下山東在登萊青三府屬海口舉辦抽釐又前任直隸總督慶祺奏請於煙臺海口徵稅協濟天津海防經費均經先後諭令崇恩飭屬查明妥議辦理本日據該撫奏登萊青三府所屬洋面遼闊口岸散漫行戶零星資本無幾若於照例三分抽稅外再加抽釐深恐商力不支煙臺海口亦屬僻徑船隻收口時往往將貨物分船

載至天津無憑徵稅各等語各該處地方抽釐收稅既據該撫奏稱窒礙難行何以昨據何桂清奏煙臺地方有夷商船隻停泊貿易並於該處買地造屋有粵人范姓經理其事如果煙臺地方偏僻該商等不當覬覦盤踞視為利藪可見該撫所稱無憑設局徵稅但據該地方官一面之詞畏難卸責尚非實在情形况登萊青三府地方遼闊海口不少豈可概聽屬員蒙蔽毫無辦法著崇恩另委妥

員詳加察訪將何口尚堪試辦之處妥議具奏總期有裨軍餉亦不致擾累商民是為至要將此由四百里諭令知之蠲緩山東禹城陵惠民陽信樂陵霑化滋陽曲阜聊城博平莘高唐恩益都臨淄博興樂安昌樂安邱平度歷城鄒平長清東平海豐利津朝城濰邱齊河德平萊蕪鄆城費沂水堂邑清平冠昌邑茌平蒲臺莒壽光嶧四十四州縣暨德州東昌臨清濟甯四衛東平所永阜官台富

國三場被擾被旱被雹被風莊屯新舊正雜額賦有差 乙亥諭內閣巡視五城御史常通等奏遵旨查明演唱票戲之旗人據馬甲傅大供出繕書房筆帖式袁復堂等十六員名著步軍統領衙門按照單開住址查傳訊明具奏 諭軍機大臣等傅振邦奏擒匪分路北竄官軍截勦獲勝並會勦幅匪各摺片所籌疏通餉道及布置北路各節均尚周妥勝保前擬移師淮北進攻懷遠欲與傅振邦

所統各軍合而為一該提督現當北路喫緊之際恐未能前往會合即可督飭參將滕家勝等與勝保一軍聯絡聲勢相機勦辦至永城濉口一帶為北竄要路尤須加意嚴防現在賊勢紛竄靡定著該提督察看何路緊要即往何路遏勦總以層層進逼自北而南勿令乘隙北竄方為妥善協領常陞等勦辦蘭郊等處幅匪甚為得力即著留於該處地方會合德楞額乘勝擒勦盡掃餘氛勿稍鬆勁

其崔三禿孜一犯飭令嚴拏務獲勿任漏網將此由六百里諭令知之 又諭何桂清奏遵旨籌度夷情發給喫啡兩夷首照會一摺並將往來照會鈔錄呈覽均已閱悉喫啡首於接到照會後以尚須聽候該國王回信為辭喫啡則尚無回覆該首等無故挑釁致受懲創此時須候伊國王信息亦是意中之事何桂清既已發給照會並經夷商開導該首等似有悔悟且俟其自來轉圜再行斟酌辦理

毋容再向關說轉似中國求和惟該夷首先背約則上年條約內萬不可行之事正應就此斟酌已於本月初三日詳諭何桂清以該二國和約祇能在上海互換均照喫夷七口通商並須索賠兵費等事該督奉到後仍須照辦此時若不先露端倪恐該首以為仍照前議一無更改將來聞我辦法必至大失所望著何桂清仍令吳煦等傳諭華商轉達夷商謂喫夷犯順以後聞得京中王大臣公議

不令進京換約前議皆作罷論並須索賠兵費方與通商幸有該大臣念夷商失業人數眾多將來該二國自悔求和該大臣必能懇求大皇帝施恩請照咪夷七口通商並即於上海換約免得重至天津中國既不肯撤大沽兵防該首又未肯靦顏就北塘行走轉覺為難也如此漸為宣露使二首有所聞知其如何動靜再作計較至咪夷條約七口以外喫啡所增者不過牛莊登州淡水及長江

內各口淡水即臺灣地方既有臺灣即可毋庸淡水登州地方瘠苦貨物甚稀牛莊利在豆餅長江利在運鹽今豆餅與鹽業經議明不運長江及牛莊本無大利且上年夷船入江以江中處處闊淺回滬時頗覺廢然蓋在夷商以多銷貨物為得計若多添口岸而貨物仍不加銷實屬有損無益以上各節但有機會可乘即著妥為開導總之喫啡肆行無理果許其在上海換約並照咪夷七口通商

已屬曲意寬恕其如何以索賠兵費等事層層襯托將來歸到如此結局則全在該大臣悉心籌酌實力辦理也至上年天津所定條約內載有立約之後以四箇月為期彼此曉布商民知悉之語今咪夷雖即日換約尚須四箇月後方照新章辦理為期尚寬喫啡二夷屆時當可得該國回信不致兩難現在既賴夷商從中開導所有上海通商各國想必照常辦理並著該大臣於報便奏聞將此由

六百里諭令知之又諭據崇恩奏稱本年五六月間有外國商船十二隻先後來至登屬在煙臺海口停泊奸民惟利是視難保無私通買賣之事並四月間有廣東商人欲在煙臺買地蓋造公所經該縣訪聞查拏始行寢息等語夷船私至登州及煙臺地方貿易買地造屋必有奸民暗與勾通地方官始因夷船往來私通買賣藉圖漁利繼聞奉旨查拏懼干處分難保不飾詞稟報仍著崇恩嚴

飭沿海地方各官認真稽查妥為防範並嚴拏粵人范姓務獲究辦登州雖係喫啡兩國議增口岸現經天津接仗後兩夷條約未定不應有夷船前往貿易更不得任他國夷人私自與民間交易貨物如有夷船停泊當令迅速開行毋許逗遛地方文武有隱匿不報者指名叅處毋稍徇隱將此由四百里諭令知之調正白旗蒙古副都統成保為荊州左翼副都統賞太僕寺少卿慶志副都統

銜為英吉沙爾領隊大臣（以江蘇捐輸軍餉永廣鄉試中額四名沭陽奉賢二縣學額各一名以江蘇按察使薛煥捐輸軍餉永廣本籍四川興文縣學額一名（以湖北捐輸軍餉永廣鄉試中額一名予故荊州副都統戴增祭葬（丙子諭內閣駱秉章奏請將庸懦無能之遊擊革職等語湖南永州鎮左營遊擊袁敬前於署桂陽營參將任內道值賊氛逼近該員倉皇失措莫展一籌旋又

以患病稟稱回籍雖無捏飾規避情事究屬庸懦無能袁敬著即行革職以肅軍政（諭軍機大臣等前因駱秉章奏請飭四川陝西江西各省撥銀濟餉當經降旨諭令王慶雲曾望顏各於司庫籌撥銀十萬兩者齡於折漕項下撥銀二十萬兩迅即解赴湖南以濟接濟茲據駱秉章奏江西解到二萬兩四川報解銀五萬兩陝西報解銀三萬兩均尚委解在途即使到楚僅足供旬日之用請飭將

欠解銀兩迅速撥解等語現在賊匪竄聚寶慶水陸防勦兵勇增至六萬餘名需餉甚鉅著有鳳曾望顏者齡仍遵前旨迅將欠解餉銀照數撥解湖南毋稍延緩將此由五百里各諭令知之（湖南巡撫駱秉章奏酌提各屬常平倉穀以濟軍餉得旨所奏太屬含混既有倉穀即可運營抵餉設有梗阻由各處變價解營亦甚便捷豈有紛紛解省之理恐營中身歷鋒鏑者未必實惠浹沾而省局在

事員吏藉茲分享。無定價之折銀。各屬府縣並可因此彌補虧缺。更難稽覈。派戶部右侍郎寶鋆順天府府尹董醇監臨順天鄉試。以翰林院編修華祝三為河南鄉試正考官。孫翼謀為副考官。侍講學士鄭瓊詔為山東鄉試正考官。編修董元醇為副考官。右春坊右中允錢寶廉為山西鄉試正考官。翰林院編修張錫榮為副考官。丁丑。孝靜康慈皇后忌辰。遣官祭。

慕東陵。諭內閣恆福奏永定河水漫溢請將防護不力各員分別革職。革留並自請議處一摺。本年伏汛屆期。永定河水疊次增長。又因大風驟作。北三工十二號堤埝漫塌四十餘丈。該廳汛員升於河水盛漲之時。未能搶護平穩。咎無可辭。署北岸同知黎極新。署北三工涿州州判賈榮勳。均著革職。留工效力。協防通判李載蘇。河營協備邵士選。均著革職。留任。其未能先事籌防之永定河道錫

祉著一併革職。留任。恆福督率無方。著交部議處。該督現在派員馳往查勘。著即嚴飭該管員弁趕緊盤築裹頭。毋令續有刷塌。至被淹村莊輕重情形。如有應行撫恤之處。並著該督迅速查明具奏。諭軍機大臣等。翁同書奏軍情緊急請飭催解月餉軍火等語。自定遠失陷。皖北軍情危急。該撫移劄壽州。為圖攻懷遠分防霍六之計。所有山東山西陝西等省每月應解銀二萬兩。河南省每月應

解銀三萬兩。著崇恩英桂瑛榮曾望顏如數措撥陸續起解。毋再遲誤。並著崇恩英桂瑛榮各撥火藥一萬斤鉛丸一萬斤。擡槍一百桿。烏槍二百桿。探明道路。解赴翁同書軍營。以資接濟。再該撫所領各軍需餉甚繁。並著有鳳每月籌撥銀一萬五千兩。取道湖北迅解壽州軍營。該督撫等務當移緩就急。毋得區分畛域。藉詞延宕。將此由五百里各諭令知之。又諭翁同書奏移劄壽州布置情形。

並調兵籌餉各摺片。粵擒各匪。欲繞越鑪橋。斷大軍後路。翁同書以壽州險要。移軍該處。以疏通潁郡餉路。所稱跨越長淮。進攻懷遠。有高屋建瓴之勢。與勝保所奏。移師淮北。急攻懷遠之議。亦相符合。該撫現派遊擊黃開榜等沿淮而下。自可與勝保之軍會合。夾擊即由紅心池河等處進。規定遠。六安毗連楚豫。地方緊要。即飭副將盧又熊認真防守。無許該匪闖入。至陝西官兵。已據曾望顏奏請。

免調甘肅兵出調亦多。上次寄諭已詳言之。鄭魁士留防高瀆東壩。未便調赴皖省。且據奏現亦患病。德興阿在江北一蹶不振。難勝重任。鞠殿華業已身故。均毋庸議。該撫此時惟當就現有兵力。將壽州一帶妥為布置。一俟勝保移師淮北。與該撫會合。則軍聲自能復振。昨據傳振邦奏陝西等省解皖餉銀。由徐到營。該提督派博崇武還帶馬隊。每兵分攜百兩。取道苗練各寨。往送翁同書大營。變

通辦理可期。妥速此項銀兩。即著翁同書設法迎提。以資接濟。將此由六百里諭令知之。廣東布政使畢承昭請解任。回籍養親。允之以廣東按察使周起濱為布政使。鹽運使齡椿為按察使。贈安徽定遠縣殉難知縣周佩濂道銜。予祭葬。世職。並於死事地方建立專祠。守備蔣有龍。外委周汝諮。從九品舒冒謙。章懋。祭葬。世職。廩生沈仁普等。賞卹如例。並附專祠。戊寅。

孝懿仁皇后忌辰遣官祭

景陵。諭內閣。賂秉章奏本年秋審人犯難以提解。請旨遵行一摺。湖南現有賊匪竄擾。本年秋審各犯。難以提解。著該撫仍遵咸豐四年諭旨。查照直隸省章程辦理。其例應情實者。立予正法。若情有可矜。及例應緩決各犯。即按照應減罪名。先行減等發配。至舊事情實。免勾並新事例。應情實。向俱免勾各犯。亦即開單奏請減等。仍將查辦緣由。奏明遵辦。

總期獄無留滯。毋得稍事拘泥。致有疏虞。○諭軍機大臣等。肅順等奏俄夷伊格那提業幅呈稱。數日後有該國使臣木哩斐岳幅坐船來至北塘。並有帶來物件。請告知北塘官員。毋得攔阻等語。木哩斐岳幅船隻如到北塘。著即派員詢其來意。如欲差人進京。不必攔阻。但只准其二三人來京。該督等即揀派妥員沿途護送。所攜物件代雇夫役。小心防護。俾安靜行走。木哩斐岳幅曾在吉林侵占

地界。此次來至北塘。恐其另有詭謀。並著僧格林沁密為防範。毋稍大意。將此諭知僧格林沁。恆福並傳諭文煜知之。○又諭有人奏今年五月間有幅匪翟三禿子馬成等十數股合而為一。由江蘇撲至蘭山。郟城蒙陰費縣等處。復分股擾及嶧縣。新泰縣燒毀房屋。擄掠婦女。殘害老幼。裹脅壯丁數百里內到處盡成灰燼。其大股現聚蒙費兩縣之蒙山。以為巢穴。四出焚掠。脅從愈多。肆意橫行等

語。與前日傳振邦所奏相同。現已飭令將翟三禿子嚴拏。務獲勿任漏網。著崇恩會同德楞額等一體兜拏。迅將蒙山巢穴殲除。毋留餘孽。嗣後該匪復出滋擾。著該撫一面派兵勦辦。一面奏聞。毋得遲延。至辦理肅清之後。始行具奏。將此由四百里諭令知之。○又諭將壩為清淮門戶。與皖省東北境地相連。勝保因北路懷遠為張龔二逆老巢。日肆猖獗。定遠復新遭失陷。督軍回勦。不能仍劄蔣壩。該

處僅有和春派往之安勇一軍。及勝保所留都司陳德雄一軍。尚恐兵力未厚。難資堵禦。袁甲三久歷戎行。所有蔣壩防堵事宜。即著就近督率籌辦。應否擇要進劄。何處並著酌度辦理。其清淮一帶水陸紛歧。雖盱眙已克。而天長尚為賊踞。如袁甲三進劄前路。即著庚長妥籌後路防護。機宜勿令賊氛旁竄。為要。將此由六百里諭令知之。○又諭勝保奏明光擊賊獲勝。並添募各勇。通籌勦辦情形。

一摺明光一帶既經官軍連獲勝仗亟應乘此聲威分路進剿所籌防守蔣壩等處勝保前奏酌撥兵勇三四千會合安勇之軍分剿盱眙蔣壩此次奏報又云撥留陳德雄一軍合以漕河派防兵勇並安勇之兵足數四千名之數是該大臣所撥兵勇並無三四千之多究竟撥留若干仍著奏明所稱或攻懷遠或擣定遠隨時相機酌辦朕亦不為遙制惟定遠為粵逆甫營新窩賊勢甚熾且明光一

帶業經連挫兇鋒似當就近攻剿即西進定遠會同翁同書所派之兵迅圖克復仍著該大臣酌度緩急妥籌進剿以殄賊氛至勝保所撥翁同書馬隊並著仍留應用毋得全數調回將此由六百里諭令知之○又諭曹澍鍾奏請飭四川道員勸諭捐輸等語廣西股匪紛歧軍餉浩繁自應設法籌備以資接濟兩廣人在川省服官服賈者諒不乏急公好義之人若能妥為勸諭自必踴躍捐輸現任

鹽茶道韓錦雲籍隸廣東誼關桑梓著有鳳即飭該員仿照上年江西兩湖官民助捐本籍軍需章程勸諭兩廣官民普律捐助並會同曹澍鍾所派之員妥為經理如湊有成數即迅解廣西以充軍餉將此由五百里諭令知之欽差大臣勝保奏陳巡撫翁同書潰軍情形得旨該撫撫字有餘折禦本非良材彼之所短正藉汝之所長以濟之至定邑之失該撫之撤隊西奔百喙奚辭但汝係統帥只知炫己之長不顧援彼之失亦屬非是朕統籌各省軍務如家主總握其綱亦需各執事各盡其長豈有不論事之成敗日聚訟於庭庸何益乎○以廣東高州鎮總兵官慶寅為廣西提督○以河南亳州勦匪出力賞防禦平安守備馬成功花翎都司伊齋斯歡等藍翎餘加銜升敘有差○以湖南援軍克復江西吉安府城賞知府孫坦都司趙三元守備張光明蕭開印晏公山楊玠劉光裕甘露

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百八十七

[illegible]

咸豐九年己未七月己卯諭內閣上年喫咭喇國船隻駛至天津海口首先開礮傷我將弁是以命科爾沁親王僧格林沁在大沽海口嚴行設防此次各該國前來換約業經桂良花沙納在上海告以大沽設防須由北塘海口行走乃本年五月喫國嚙嚙嘶到津不遵桂良等原約竟欲闖入大沽口內毀我防具五月二十四日駛進離心灘用炸礮轟斷鐵鍊我兵仍未與較二十五日火輪船十餘隻拉倒鐵戩十餘架皆豎紅旗志在決戰經

直隸總督恆福等派員持天津道照會前往
暎國并不接收竟敢先行開礮轟擊礮臺我
軍始開礮回擊沈毀該國戰船多隻擊斃上
岸步隊數百名暎兵挫敗實由自取并非中
國失信其時咪喇堅國使臣華若翰仍依桂
良等原約駛至北塘海口求准進京呈遞國
書經恆福等具奏該國照會情詞恭順是以
朕准令進京呈遞國書本日據桂良花沙納
將咪國使臣華若翰照會該大臣等公文呈

閱見其詞意甚屬恭敬出於至誠所有該國
使臣齋來國書准其進呈即派桂良等接收
至換約一節本應回至上海互換朕念其航
海遠來特准將和約用寶發交恆福即在北
塘海口與該國使臣互換自換約之後永遠
和好通商以示朕懷柔遠人敦崇信義至意
此旨即著桂良花沙納宣示咪喇堅使臣華
若翰知之諭軍機大臣等現在咪夷在京
頗為恭順即日呈遞國書所有該國和約已

加恩准其在北塘海口互換俟該夷啟程即
將和約由驛發交恆福該督接到後即在北
塘海口與該夷互換可也至前獲夷人蔣什
坡一名既係咪國之人即可發還該國以示
懷柔所獲暎夷人犯一名曾受重傷留之無
益或即交咪夷令其由海船帶回上海交何
桂清由上海道交還暎酋噶魯喇收明亦可
藉此稍示羈縻著該大臣等斟酌辦理可也
將此諭知僧格林沁恆福並傳諭文煜知之

以廣東肇慶協副將蕭知音為高州鎮總
兵官 庚辰

皇后千秋節宮內行禮如儀停止筵宴及在外
公主福晉命婦進內行禮諭軍機大臣等
前因浮梁景德鎮敗匪竄入祁門邊境曾諭
知曾國藩著齡會商撥兵援應茲據張芾奏
祁門竄匪業經擊退惟石埭建德兩路喫緊
請飭景德鎮帶兵大員移兵合剿等語現在
祁門之匪經副將余永椿等並該處兵團疊

次擊敗後復竄入石埭之七都勢甚猖獗各營被圍數重先後被陷貴池青陽之賊乘機蠢動建德城賊又傾巢撲營情形極為緊急亟應由江西就近撥兵援勦曾國藩如可酌撥兵勇暫留江西著即飭令移劉建德會同該處官兵合力勦賊其普承堯一軍兩月來株守彭澤並未出境援應著著齡飭令該總兵迅即帶兵前往夾擊現在江西境內賊匪業已肅清不得以防守彭澤為詞致令鄰境

賊蹤蔓延將此由六百里各諭令知之○又諭朕聞勝保招降擒匪如李世忠輩得有官職之人業經薙髮其所部降眾仍蓄髮為匪肆行劫掠張元澄雖降仍踞守臨鳳四出打糧虐取於民漫無鈐束此輩狼子野心受撫後若誠心效順自當責令立功使為我用儻或仍懷反側即須加以懲創不可遷就姑容驚虛名而忘實禍一旦變生肘腋將何以禦之至盱眙本無城郭前據勝保奏係用兵克

復而翁同書則稱該處賊匪係自行退出本日又據和春奏盱眙居民聞天長既陷即將糧米搬運上船賊至無可擄掠是以退去勝保探聞賊退即以克復入奏未免語涉鋪張所有勝保前奏克復盱眙請保出力人員之處著不准行勝保身任大員督兵在外竟敢虛詞粉飾為將士邀恩本有應得之咎念其從前臨陣尚屬勇往此次姑免深究嗣後如再有捏報勝仗經朕察出必當治其冒功之

罪懍之將此由五百里諭令知之○欽差大臣和春奏親赴鎮江與兩江總督何桂清籌商增兵添餉克復金陵情形得旨將來有此大舉固為平定一大轉機但不可收復一金陵空城俾粵逆另營巢窟蔓延之患有甚於今日者懍之○辛巳諭內閣步軍統領衙門奏已革南陽府知府顧嘉衡復行遣抱京控一案參員訐告上司例應立案不行原以杜挾嫌誣陷之弊該革員上年遣抱呈控前河

南巡撫英桂欺蒙各款均在被叅以後照例立案不行此次顧嘉蘅復遣家人赴步軍統領衙門呈控鈔錄軍需局詳文內有顧嘉蘅墊發勇糧四萬八千餘兩係向官紳等那墊可否歸入大捐項下撥還抑令其自行勸捐歸款之語此項銀兩前經英桂奏明責令顧嘉蘅照數賠補何以該革員復執原詳嘵嘵置辯且所稱銀數亦屬參差是否軍需局司道從寬覈算以致該革員有所藉口抑係該

革員尚有應領之項英桂概令賠繳操之過感故不足以折服其心著瑛榮督同現任藩司祥裕臬司賈臻秉公查覈據實具奏瑛榮係前任藩司毋得稍存迴護自干咎戾○諭軍機大臣等有人奏翰林院五經博士孟廣均於咸豐四年在高唐軍營捐輸穀米三千石經勝保奏請賞戴藍翎並賞加主事銜迄今數年之久尚欠繳穀米八百石又聞該博士自恃賢裔與本省官吏交結徇庇匪徒干

預公事本族訟案不候官辦私行出票傳人訊斷該省大吏及州縣等官礙於情面置之不理等語該博士欠繳穀米至八百石之多並結交官吏倚勢營私如果屬實均干功令著崇恩按照所叅各節確切查明據實具奏毋稍徇隱將此諭令知之○又諭有人奏上年八月以後捻匪屢次竄擾山東城武曹縣單縣等處經曹州鎮總兵多隆武帶兵防剿一聞賊警即逃回曹州府城以致城武單縣相繼失守本年四月捻匪由徐州北竄署兗州鎮總兵忠順並不認真堵剿遲日始到滕縣嶧縣未經接仗隨即回兗捏報勝仗山東巡撫即據以入奏該匪擄掠民間貲財糧食至數百餘車之多忠順並不跟蹤追剿以致賊得飽掠遠颺等情該總兵等以專閫大員賊來不擊賊去不追似此恒怯無能何以飭戎行而禦外侮德楞額現駐嶧縣地方見聞較近著將該總兵等避賊冒功情事詳細查

訪據實具奏母得稍有徇隱自干咎戾將此諭令知之○以廣東陽江鎮總兵官溫賢為水師提督○復已革故廣東水師提督吳元猷職○改鑄浙江錢塘縣知縣印信從巡撫胡興仁請也○壬午諭內閣胡興仁奏查驗勇多疲弱請將管領之武弁革職留營等語儘先守備四川敘馬營外委唐南山在徽防管領驍勇膽敢以疲弱充數實屬營務廢弛唐南山著即革職留於徽州軍營效力以觀

後效副將王恩榮雖有統領之責既據親驗呈報並無徇庇情事著准其免議○又諭前因副都統增慶出差所帶隨員於側馬之外浮用車輛降旨將該副都統交部議處茲據兵部議以革職姑念海濱地方有不通驛站之處向係旗民地方承應該員因防堵緊急湊用車輛與無故濫支者尚屬有間增慶著加恩改為革職留任其司驛官有無容情不揭之處著盛京將軍查明咨部辦理○以廣

東大鵬協副將潘慶為陽江鎮總兵官○以江西景德鎮勦賊出力賞復道員劉于瀉翎頂並下部優敘○以江西安遠縣防勦出力賞守備葉鴻章花翎縣丞郭秉醇等藍翎餘加銜升敘有差○予浙江陣亡按經歷楊翊主簿姚芸典史夏廷榮朱朝武都司滕加有千總楊貴林把總謝龍恩外委徐得勝等祭葬世職○癸未中元節

上詣

安佑宮行禮遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵

昌西陵

慕陵

慕東陵 遣官祭

孝德皇后殯宮 遣官祭

端慧皇太子園寢 諭內閣戶部奏糧臺收

支款項請申明舊章按限奏報以杜冒濫一

摺各路軍營糧臺收支款項前經戶部奏定章程令將每月管收除在四柱總數並官兵領項軍需用項按照部頒款式據實填報每屆半年具奏一次自降旨准行以後各糧臺多未遵辦惟江南江北糧臺及清江籌防局將收支總數按限開單具奏亦未將官兵領項及軍用細款開報其為濫支濫應恐干指駁並豫為將來含混開銷地步均屬顯而易見當此經費支絀籌畫維艱自非申明舊章

不足以示整飭各路統兵大臣及直省督撫身膺重寄具有天良著各振刷精神將各糧臺濫支濫應等弊悉心查訪實力釐剔其收放總數飭令管理各員遵照前頒款式造報自本年六月起以六月十二月為限每屆半年奏報一次其從前未經奏報者並限於本年十二月以前一律趕辦毋許再有延宕至軍需指撥各項除地丁外以捐項釐金為鉅款往往有未經報撥已充別款並業已提用

並未報部者殊不足以昭覈實嗣後此兩項銀錢除歸入四柱清冊外仍著各糧臺另造捐輸釐金收支總冊每屆半年隨同前項四柱清冊具奏一次自此次嚴諭之後各辦理糧臺人員儆敢仍前玩泄即著各該統兵大臣及各督撫嚴行叅辦儻該大臣督撫等不能破除情面扶同徇隱並著戶部據實糾叅定當從重懲處以為玩視軍需者戒將此通諭知之 又諭前因駱秉章奏查明已革湖

南永州鎮總兵樊燮被叅各款均有確據並有侵餉重情當降旨將該革員拏問交駱秉章提訊茲據官文奏稱該革員以問官飭換親供挾嫌串害並知府濫邀優保各情遣家人赴該督衙門呈訴請派大員查辦等語案關鎮將大員侵虧營餉並各員挾嫌陷害濫邀保舉情節較重是否該革員藉詞狡展抑或事出有因亟應徹底根究著派官文親提全案人證卷宗俟錢寶青出關後會同秉公

嚴審確情定擬具奏尋樊燮於被叅後呈訴各款訊無確據至米折一項係官項錢糧既經李貴芳稟知請領該革鎮延不發還即係私自借用擬請從重發往軍臺效力贖罪下部議從之○諭軍機大臣等寄諭湖南巡撫駱秉章前據官文奏湖南賊勢蔓延恐其入蜀諭令曾國藩親督所部赴蜀並諭有鳳先於夔州正路及酉秀一帶趕緊布置扼要防守本日據有鳳奏湖南之辰州常德水陸

各路均可竄入川省酉秀黔彭尤為緊要涪州為各路總口現有阜陞等駐劄堵剿楚南之劉長佑江忠義田興恕皆為賊所畏憚請飭俟賊匪西竄蜀疆即分道追擊等語楚南賊匪現在廣聚寶慶曾國藩先後派往之蕭啟江張運蘭等軍陸續可到即可與劉長佑等會同夾擊但恐該匪乘隙旁竄如果勢將入蜀即著該撫於劉長佑等各員內酌量選派一二員帶兵嚴行堵截毋令竄入川疆亦

為上策設或該逆竄入有鳳所派阜陞等亦即出境迎頭堵剿不難聚而殲旃其楚南各軍如追剿入川即由川省應付餉橋免由湖南遠道運送將此由五百里諭令知之○命四川在籍提督孔廣順往涪州會辦籌防事宜○甲申月食○諭內閣何桂清徐有壬奏酌議借闡鄉試事宜開單呈覽一摺本年已未恩科江南文闡鄉試借用浙闡舉行其內外簾一切事宜自應參酌舊章變通辦理除

監臨事務前已降旨令江蘇學政孫葆元入
闈代辦外其外簾提調著照何桂清等所擬
派令江蘇署臬司蔡映斗屆期隨帶委員赴
浙設局辦理仍由浙江撫臣加派現任大員
及印委各員幫辦內簾提調及監試等官著
由江蘇省酌派道府大員前往內外簾官一
併由江蘇調派其巡查彈壓搜檢各武職即
由浙江巡撫就近派充至該省鄉試係帶行
乙卯正科所有官卷民卷中額均著加倍取

中其捐輸推廣之額均歸民卷取中不得加
入官卷所有與考生監著學政於錄遺時通
飭各府州廳縣學確實加結詳送以杜弊竇
至所稱同考官擬改為十房之處前因張芾
奏安徽紳士籲請舉行鄉試業經降旨准其
於十月內同江蘇一併借用浙闈辦理試卷
既多恐十房不敷分校著該督等酌量添派
諭軍機大臣等御史趙元模奏請將黃河
淤地酌辦屯田一摺據稱清江浦以東三里

許舊係河身今黃河北徙淤出平地縱約百
餘里廣約十里按方里三頃七十五畝計之
可得地三四千頃可屯三四千家得兵三四
千人或分授兵丁或招集良民應由漕河兩
督就近體察情形悉心籌畫等語現當軍餉
支絀之時自應變通盡利以濟兵糈况屯田
即古寓兵於農之意果能辦理得宜實為足
食足兵之善策著袁甲三庚長體察情形有
無窒礙覈議具奏原摺著鈔給閱看將此諭

令知之 賞順天等省戊午科鄉試年老諸
生任欲貴等八人舉人副榜有差 乙酉
上御勤政殿召見惠親王怡親王載垣鄭親王
端華兵部尚書陳孚恩軍機大臣穆蔭匡源
文祥諭曰上年順天鄉試科場舞弊經欽派
王大臣審明定擬於本年二月間降旨將柏
葆等分別懲辦並宣示在廷諸臣俾咸知朕
意本日據載垣等奏科場案內審明已革大
員並已革職員等定擬罪名一摺科場為抡

才大典考試官及應試舉子有交通囑託賄買關節等弊問實斬決定例暴嚴不得以冒否取中分別已成未成此案已革工部候補郎中程炳采於伊父程庭柱入關後竟敢公然接收關節條子交家人胡升轉遞場內即係交通囑託關節情罪重大豈能以已中未中強為區別程炳采著照該王大臣等所擬即行處斬已革二品頂帶左副都御史程庭柱身任考官於伊子轉遞關節並不舉發是

其有心蒙蔽已可概見雖所收條子未經中式而交通已成確有實據即立予斬決亦屬罪有應得惟念伊子程炳采已身罹大辟情殊可憫若將伊再置重典父子概予駢首朕心實有不忍程庭柱著加恩發往軍臺效力贖罪此係朕法外施仁並非從死罪遞減亦非因其接收關節未經中卷姑從末減也其致送關節之謝森燁等本應照科場專條治以死罪惟與業經正法之羅鴻繹等尚屬有

間工部候補郎中謝森燁恩貢生報捐國子監學政學錄王景麟均著革職熊元培著革去附貢生與已革候補郎中李旦華已革候選通判潘敦儼已革翰林院庶吉士潘祖同已革刑部候補員外郎陳景彥已於二月加恩免其死罪著照所擬均著發往新疆效力贖罪李旦華之父前任刑部侍郎李清鳳現在原籍病故著該部查明李旦華如家有次丁即於百日後起解如家無次丁著俟安葬

伊父後再行發遣降調湖南布政使潘鐸平日訓子無方著交部議處其應議之監臨監試專司稽查及內外簾執事各員並揆檢王大臣著禮部按照科場條例據實查明各該員所司何事應議之處詳晰開列銜名具奏再降諭旨另片奏未能究出冒名之人請旨議處等語載垣端華全慶陳孚恩著交宗人府吏部照例議處至科場律例本有專條刑部所擬程庭柱等罪名俱不在科場例內輒

將向辦各案以已成未成比擬實屬不合著傳旨申飭科場一案前後所降諭旨著即補入禮刑二部則例永遠遵行不必俟修纂時續入將此通諭知之刑科給事中李鶴年奏風聞程庭桂父子均擬大辟可否交廷臣會議得旨刑賞非臣下所應操遇一事紛紛聚訟尚復成何事體况程庭桂等一案朕臆度外間議論尚不以程炳采為重輕實欲減輕死罪則免死之謝森墀等自酌量遞減豈有不逢迎現任大員子弟而庇護一眾素不齒之程庭桂乎兩江總督何桂清等奏泰興縣紳民續捐撫恤難民經費請予獎敘並援案請免報銷得旨既已請獎自應造冊報銷所有援案奏請之處著不准行補行七年烏魯木齊軍政卓異官四員年老有疾官三員分別議敘處分如例丙戌諭軍機大臣等前因有人奏幅匪膺聚蒙山諭令崇恩會同德楞額等一體兜拏尚未據該撫將勦

辦情形覆奏本日據都察院奏籍隸山東沂州府戶部員外郎劉秉銓等各員呈稱沂郡為幅匪出沒之所數年來劫案不計其數上年六月間匪首賈九等曾竄至蘭山地方焚掠一空縣丞被戕該縣知縣被賊縛去贖回自是賊膽愈大本年五月間匪首程三禿子等又在蘭郛各境搶掠殘害馬頭鎮等處被禍尤烈現在占踞蒙山勢甚鴟張郛城縣知縣胡姓請兵援救該撫等以該匪未踞城池並不發兵速勦以致該匪如入無人之境等語山東為京師門戶沂郡為南北咽喉似此任意遷延實屬養癰貽患德楞額帶兵現駐嶧縣勦辦東省匪徒是其專責崇恩現派兵勇不敷勦辦著迅即添調會同德楞額所帶馬隊將此股幅匪趕緊殲除淨盡毋留餘孽儻再因循不辦任令該匪四出焚掠蔓延各處恐該撫等不能當此重咎也懍之原摺著鈔給閱看將此由五百里各諭令知之改

鑄福建鹽政印信。從總督王懿德請也。○以江西辦理軍需出力。賞道員史致諤等加銜升敘有差。○以克復江西南安並信豐解圍出力。賞都司趙國泰守備倪世儀等花翎。外委彭基明等藍翎。餘加銜升敘有差。○丁亥上御勤政殿聽政。○諭內閣前任雲南迤東道汪之旭。曾經降旨著來京交吏部帶領引見。迄今二年之久。仍在該省逗遛。著吏部迅速催調來京。如再遲延。即行從重叅處。以儆效尤。

○諭軍機大臣等。前因和春奏江南大營用款日多。請將蘇屬地漕等款暫停指撥他省等語。當交戶部速議具奏。茲據該部奏稱。江南大營兵勇現數及每月需銀若干兩。該大臣並未聲明。且所稱出款較前加增。入款較前短絀。亦並未將前後出入各款究係若干。敘有確數。況蘇藩司所屬地漕及關稅捐輸等款。合計為數甚鉅。若悉數盡歸軍需。設部中遇有急需之款。從何籌撥。所請暫停指

撥各情。礙難覈准。請飭兩江總督等妥為籌議等語。著和春會同何桂清徐有壬督同司道體察情形。迅速詳覈具奏。總期大營軍餉不致缺乏。而於部中指撥急需。仍隨時籌解。並協濟安徽江北等餉。亦能兼顧。方為妥善。將此由五百里各諭令知之。廣東巡撫勞崇光奏報廣東軍務夷務情形。得旨。覽汝所奏。抵省視事。並能片言折服該夷。足見堅持定見。毫無畏難之意。朕懷甚為欣慰。○以大

學士桂良署經筵講官。吏部左侍郎匡源充經筵講官。以前任浙江巡撫晏端書為大理寺卿。大理寺少卿慶明為光祿寺卿。鴻臚寺卿王發桂為太僕寺卿。○以廣西賀縣壯勇潰退。革知府潘家馥。參將陳友勝。遊擊宋廣東都司秦經華。守備譚厚載。唐飛。舞職。仍隨營效力。予廣西陣亡守備何超。舉鹽大使曹樹業。外委黃連勝。祭葬世職。附生胡培幹等。賞卹如例。戊子諭內閣。惇郡王奕諒

奏參莊親王奕仁揆檢考試教習士子與御史口角一摺奕仁於士子入場將次完竣時即令委員封門並未知照點名御史復與該御史爭論殊屬不合著交宗人府議處其貢院委員著專司稽查之都察院堂官查明辦理諭軍機大臣等昨據俄國使臣伊格那提業幅照覆肅順等稱本國之船斷不借用英國旗號其不通商之處前已行知本國不令船隻前往但京城至東海甚遠此時恐未

周知現復備文求轉送北塘俟本國船隻到時交付並將各國旗式繪圖封送等語俄夷既稱斷不捏稱英國之人並飭令該國船隻勿到不通商之處情形似屬恭順所繪旗式著即交僧格林沁查驗並知照盛京山海關兩處一體知悉惟夷船往來海口如果並不滋事即係哄嚇之船亦毋庸開礮轟擊儻敢先行開礮或登陸滋擾則無論何國旗號皆當嚴拒著一併知照玉明定福格綢額遵照

勿受彼欺為要華若翰計已行抵北塘茲將答覆該國璽書由驛遞至北塘交恆福面交該使臣祇領如華若翰換約後業已回帆南駛即著恆福由驛遞交何桂清轉交將此諭知僧格林沁恆福並傳諭文煜知之

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百八十八

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百八十九

恭修明載在冊日清是著上第太子太保上書奏請傳文淵閣傳書翰林院學士等件是日奉旨依議欽此

大學士管理戶部三庫事務管理刑部事務加二十三級記敘十六次

大學士管理戶部三庫事務管理刑部事務加二十三級記敘十六次

大學士管理戶部三庫事務管理刑部事務加二十三級記敘十六次

大學士管理戶部三庫事務管理刑部事務加二十三級記敘十六次

敕修

咸豐九年己未七月己丑諭內閣樂斌奏道

員屢著勞績請旨獎勵等語降調捐復之前
任甘肅安肅道和祥業經樂斌奏留甘肅以
道員補用茲據該督奏稱派委該員勸諭捐
輸試鑄大錢及辦理蒙古土鹽輸稅等獲甯
夏口外刁匪首要各犯均屬勤奮出力該員
現在赴部引見懇恩量予鼓勵等語和祥自
奏留甘肅後屢次差委著有微勞著吏部於
帶領引見時聲明請旨候朕施恩○又諭樂
斌奏番匪肆擾派兵勒捕獲勝地方現已安

謚一摺甘肅嘉峪關外鶯嘴山等處有番匪
突出搶掠經官兵擊退後總兵郭相忠探明
霧拉窰洞地方尚有大股盤踞隨督率兵勇
馳往該處掩捕匪已遁去五月十三日追至
萬尾溝直前勒擊斃匪極眾餘悉竄入窩溝
藏匿郭相忠於二十日追至該處派令馬步
兵丁獵戶入山搜剿殲擒殆盡現在沿邊各
隘口已無匪蹤辦理尚為得手所有在事員
弁著樂斌擇其尤為出力者酌保數員毋許

冒濫傷亡兵勇並著查明請卹○又諭駱秉
章奏官軍勦賊大獲勝仗城圍立解一摺石
逆自祁陽敗竄糾合各逆首併力攻撲寶慶
經水陸各軍援剿屢獲勝仗斃賊甚多六月
二十八日李續宜率全軍渡資江各逆首率
賊六七萬徑撲半邊街大營劉嶽昭等分路
截擊破賊壘七座賊卡三十六處斃賊二千
一百餘名生擒二百六十名救出難民七八
百名二十九日各賊齊撲營盤李續宜督飭

馬步隊前後衝殺復分擄賊巢賊匪紛潰官軍四面蹙之賊屍遍野餘賊渡江東竄共踏賊營六十五座賊卡一百三十餘處殺賊八千數百名溺斃約四五千名生擒一千七百余名內有賊目四十八名救出難民五六千名資西一帶餘匪搜捕淨盡寶郡城圍立解北路西路已就肅清勦辦甚為得手按察使銜湖北荆宜施道李續宜赴援神速懋著勞績著加恩賞加布政使銜以示鼓勵其餘守

城文武官紳及赴援各軍將士之尤為出力者著駱秉章彙案保奏○又諭英桂奏請將私回駐防延不赴任之遊擊革職等語貴州黔西營遊擊慶祿於引見領劄後藉詞患病延至二年有餘並不赴任私自回旗逗遛實屬違限取巧慶祿著即行革職仍著該撫飭令該革員前赴貴州軍營效力以為規避者戒○諭軍機大臣等前據樂斌奏甘餉緊要疊經諭令崇恩英桂瑛榮曾望顏各先籌撥

銀十萬兩解赴甘肅以備支放本日據樂斌奏至今三月有餘山東僅解到銀四萬兩陝西僅解到銀二萬兩山西僅解到銀一萬二千兩河南則竟未報解新疆需餉刻難緩待甘省支發內地兵餉已屬竭蹶無從籌墊情形實為緊迫著崇恩英桂瑛榮曾望顏仍遵前旨各將應解甘肅餉銀十萬兩趕緊設法籌措照數湊足解赴甘肅藩庫交納以應急需此外欠解甘餉並著源源撥解勿得再有

延誤將此由五百里各諭令知之○予湖南陣亡守備洪定陞田興讓千總劉九盛把總伍雲高毛季發將得祿外委王恒茂祭葬世職庚寅諭內閣官文胡林翼奏軍營購買馬匹請飭免稅等語湖北委員出口購買戰馬二千匹係為楚軍攻剿皖匪之用著該部移行張家口等處各稅口按照該省咨文查驗明確准其免稅放行毋令遲滯○改鑄江蘇震澤寶山二縣知縣印信從巡撫徐有壬

請也。以湖北黃安麻城勦匪出力。賞防禦西里布等花翎。披甲馬俊等藍翎。餘升賞有差。以攻克安徽太湖等處出力。賞營總巴彥杜楞驍騎校蘇倫保參將楊朝林。陳由立。宋國永黃慶。劉車龍。巴圖魯名號。都司趙既發。曹克忠。守備曹福榮等花翎。知縣鄧庭筠等藍翎。餘加銜升敘有差。○辛卯。閩浙總督慶端等奏。閩省庫款空虛。現籌解京餉五萬兩。餘俟隨時設措。得旨。戶部急速查明提解。

省分有無咨報起解在途。若皆似此。聊為點綴。各省大吏。何膜視如斯。該大員等。諒不敢盡昧天良。置京都於不顧。無論有無報解。即行覆奏。俟降旨嚴催。○以河南光山等處勦匪出力。賞知縣陳嵩兆等藍翎。餘加銜升敘有差。○以克復福建汀州府城。復遊擊斌昌。守備劉朝清。千總游從治。余槐元。柯瑞芳。嚴益彪職。○以福建興泉各屬勦匪出力。復副將石棟頂帶。○緩徵山東青城縣歉收村莊。

新舊額賦。○壬辰。諭內閣御史孟傳金奏。訪聞舊太倉書吏李錫祺。即鄺廷綸。冒名充役。買票賣米。攙沙減斛。任意把持。迨經傳訊。該倉監督倒坐日期。令其告退。情弊顯然。請飭查辦等語。李錫祺。即鄺廷綸。著步軍統領順天府五城一體嚴拏。務獲交刑部訊明究辦。又諭御史孟傳金奏。奸商關閉錢鋪匪徒乘機搶掠。請嚴行懲辦一摺。近日京城關閉錢鋪。總因奸商於開設之初。已心存詭騙。迨

出票既多。驟然歇閉。無盜賊之名。而有其實。為害閭閻殊屬可惡。著該管地方官查明虧欠若干。交刑部嚴追治罪。其匪徒搶劫錢鋪之案。著步軍統領順天府五城一體嚴拏。務獲究辦。並著順天府五城查明京城內外。共有錢鋪若干。嗣後應如何予以限制。酌定章程。以杜弊端。而安民業。○又諭張芾奏。請將退避潰逃之帶兵各弁。分別懲辦等語。徽州石埭七都營盤被賊圍困。都司劉朝林派守。

甲子嶺隘輒敢棄隘不守以致被賊抄截營盤失陷劉朝林著即革職嚴行審究都司銜儘先守備張得福等自南陵調赴石埭沿途逗遛縱勇滋事現在尚未到防張得福著先行革職交張芾嚴緝並在逃之藍翎儘先外委張明福滿長勝藍翎軍功張光全譚順發一併緝獲從嚴懲辦千總夏洪才臨敵潰逃著即革職拏獲後即行正法副將王思榮鈴束不力咎亦難辭著拔去花翎以示懲儆其

聞警輒退之遊擊田宗興及貽誤事機各員弁均著張芾查明從嚴叅辦毋稍寬縱○又諭前因鄧瀛奏叅候補道許烺經管糧臺置身事外等款當諭令何桂清胡興仁查辦茲據奏稱許烺稟許鄧瀛於甯國失守先期出城並添設捐局因公科斂各款請派員分別查辦等語該員等以監司大員彼此互訐虛實均應徹底根究徽甯池太廣道鄧瀛著即撤任同候補道許烺一併交何桂清提訊將

該員等互訐之款據實查明具奏毋稍徇隱諭軍機大臣等僧格林沁等奏接奉寄諭並俄夷所送各國旗式遵辦一摺俄夷所繪各國旗式業經僧格林沁遞交玉明格綑額定福傳諭各海口辨認所稱但據旗幟為憑深恐夷情詭譎難以確信著仍遵前旨此後夷船往來海口如僅在洋遊駛並無滋事情形無論何國旗號毋庸開礮轟擊設或登岸滋事即當嚴以拒之勿受彼欺並著知照玉

明等一體遵照辦理至所請俄酋使臣書信往來飭暫由庫倫陸路行走一節現在木哩斐岳幅將次行抵北塘必尚有在京使臣往來書信業經言明准其投遞且俟木哩斐岳幅船隻回帆後再令該國使臣書信由庫倫行走可也至調補荊州左翼副都統成保著准其俟撤防後再令回京請訓將此諭知僧格林沁恆福並傳諭文煜知之○又諭本日據何桂清奏上海民夷互鬪已派道員馳往

查辦一摺並將夷人照會及信彙各件鈔錄呈覽呂宋夷人用嘒嘒晒船隻擄捉內地民人出洋種地非止一次致令民情洶洶激成忿怒見夷人則羣相毆打並誤傷啖咭喇暹羅兩國之人李泰國等均被誤傷因此民夷各懷疑懼業經何桂清等派委喬松年馳往上海會同吳煦妥辦著即飭令一面訪拏代夷拐騙之匪徒就地正法並一面查明下手誤傷夷人之人照例治以應得之罪以期情

法兩平無枉無縱至暹羅係臣服之國其朝貢使臣及遭風難夷中國待之均有恩禮此次該國民人誤被淹斃著該督飭令地方官嚴緝凶犯務獲究辦俟辦理完竣具奏後尚須給予敕書以示撫恤遠人之意至啖苗所請欲桂良等給嘒嘒晒照會以為和解但桂良等在上海邀嘒嘒晒會面竟不肯前往今桂良等回京已繳欽差關防無從與聞其事啖夷背約肇釁嘒夷同心附和勢難先行遣

就前已將現擬辦法於七月初三初七等日寄諭何桂清業已接奉自當遵照籌辦如有轉圜之處即可在上海辦理毋得令其北上至上年條約內萬不可行之事正可藉此挽回何桂清當堅持定見不可再向關說以致跡涉求和如果該夷悔悟自來說合即須迎機善導勿令坐失機宜味夷華若翰已於十八日在北塘與恆福換約即於二十日起碇回南應覆璽書已由恆福驛遞交何桂清轉

付矣將此由六百里諭令知之○又諭張芾奏賊匪旁竄太平縣之宏潭郭村地方徽防緊急並建德勦匪情形各摺片宏潭郭村地方為太平夥縣門戶賊匪分股竄擾徽防喫緊雖有江長貴等分扼嶺隘恐賊眾兵單不敷防勦建德與江西接壤現在景德鎮業經收復普承堯一軍株守九江置重兵於無用之地著耆齡嚴飭該總兵剋日帶兵出境會合建德各軍實力兜剿以遏賊氛儻或藉詞

遣延即著嚴行參奏昨據李定太奏撥兵勇一千名赴祁婺一帶援剿得此兵力聲勢較壯張節已飭王夢齡楊名聲等進嶺聽調著妥籌布置嚴密防範勿令匪蹤闖入為要其參將馬懷珍等各隊即令留守祁門嶺隘以備建德踞匪蠢動俟徽郡防務稍鬆再飭該將弁等出嶺會剿以埽逆氛將此由六百里各諭令知之○調浙江處州鎮總兵官阿麟保為直隸宣化鎮總兵官以候補總兵官劉

培元為浙江處州鎮總兵官○以江西玉山解圍並克復安徽婺源縣城賞知府裕英知州陳炳元都司田宗友方朝龍饒魁士守備許桂林謝大魁范彪陳慶善徐德興王以仁等花翎千總袁勇剛等藍翎餘加銜升敘有差以直隸操防不力撤宣化鎮總兵官湯蘇任下部議處○以浙江疏失餉鞘革知縣惠世昭從九品汪允中守備張萬勝外委林德魁職予安徽陣亡副將吳偉奇參將馬

光宗知縣梁鵬把總龔盛林祭葬世職○癸巳仁宗睿皇帝忌辰遣官祭

昌陵

上詣

安佑宮行禮○諭內閣前因給事中李培祐奏山東曹州鎮總兵多隆武於上年擒匪竄擾城武曹單等縣時聞警逃回致縣城相繼失守本年四月擒匪由徐州北竄護兗州鎮總

兵忠順未經接仗隨即回兗等情當降旨交副都統德楞額詳查具奏茲據奏稱訪查並探聞確情均與該給事中所奏大略相符多隆武以帶兵大員駐劄青沽集與城武等縣相距非遙賊攻單縣並連陷城武曹縣該總兵並不隨時剿擊至定陶不敢前進本年賊由徐州北竄圍攻嶧縣該縣知縣鄒宗孟帶領兵勇追勦力解城圍護總兵忠順停留鄒縣藉詞遲延數日之久始行到嶧旋即回兗

並未追賊實屬庸懦無能。貽誤地方。調任河南南陽鎮總兵多隆武。前護理兗州鎮總兵參將忠順。均著摘去頂帶。革職留任。以示懲儆。山東巡撫崇恩。有督率之責。並不據實參奏著交部議處。○又諭徐之銘奏請將藉局科派之署知縣革職提審一摺。雲南署呈貢縣知縣鄒慶珍。於回民公局。輒會同傳單。向地方村莊。派令壯丁各備軍械口糧聽用。被昆明縣紳耆等呈控有案。該署知縣於鄰境

地方肆意科派。又於該縣徵收錢糧。並未報解。似此藐法殃民。亟應徹底根究。以儆官邪。鄒慶珍著先行革職。交張亮基徐之銘提省審明。從重懲辦。○又諭徐樹銘奏試期過迫。請於本屆歲科童試時。將上屆應取之額合併取錄等語。福建延平建甯邵武汀州四府。前因被匪滋擾。上屆歲科兩試均未舉行。此次若按舊章補試。時日過多。必致辦理迫促。且各該郡當蹂躪之餘。若令諸童生候試多

時。非所以示體恤。著照所請。准其於本屆歲科童試時。將上屆應取之額合併取錄。毋庸另場集試。武童一律辦理。至文生歲科考試。關繫廩增補缺。仍著分場補試。以符定例。○諭軍機大臣等。張亮基徐之銘奏藥材收稅抽釐。俟辦有成效。報部查覈一摺。滇省雖據稱向無洋藥。不過較他省尚少。著先將所產土藥分別收稅抽釐。迅速辦理。該省現尚勦辦回匪。經費支絀。准其將抽釐一款實用實

銷報部備覈。至所徵土藥正稅。仍著遵照部文。收有成數。即報明解部。不准擅行動用。尤不准以洋藥混土藥。致不肖官吏。徒飽私囊。以重稅課。將此諭令知之。○又諭張亮基等奏軍務緊要。請飭催應解銀兩等語。雲南各屬回匪滋擾。兵餉待用甚殷。且各營標已三年未發兵餉。紛紛請領。恐致鼓譟。所奏自係實在情形。所有陝西欠解餉銀銅本二十萬八千餘兩。四川欠解餉銀銅本十四萬二千

八百兩為數較多。儻不能一時湊齊。亦應陸續撥解。著有鳳會望顏。迅即設法籌措。源源解赴滇省。其山西省欠解奉撥滇餉三萬四千兩。著英桂即行如數撥解。以資接濟。將此由五百里各諭令知之。○江西巡撫耆齡奏。江西軍務稍緩。本年鄉試。請於十月舉行。得旨。所有江西省本年己未恩科。並乙卯正科鄉試。准其於十月間舉行。○改鑄江蘇六合縣知縣印信。豐縣儒學條記。從巡撫徐有壬

請也。○以雲南勦辦回匪出力。賞都司何自清巴圖魯名號。知府楊觀吳德清方俊。同知孫鈞馬樹清。知州慶安等。花翎守備張朝璽等。藍翎餘加銜升敘有差。○以克復雲南富民宜良縣城。予副將福兆。以總兵官用。摘辦理未善之知縣樓瓊。胡禧。頂帶。仍留營效力。○以堵勦雲南迤西回匪不力。降副將呂盛元為遊擊。參將福申為都司。守備李占先為把總。予雲南陣亡府經歷董家蘭典史劉

泰慶彭效武。把總楊煜昌。外委余嘉樹。祭葬世職。甲午諭內閣。都察院奏四川職員黃萬騫。以故父含冤呈懇伸雪等詞。遣抱告赴該衙門控訴。已故廣西按察使黃鍾音。於梧州失守案內。據該撫勞崇光奏稱。該員坐視平南危急。抗不應援。及至賊竄梧州。束手無策。城陷出逃。被擄遇害。是以未經給予卹典。公其子黃萬騫。遣抱告訴。稱該撫摺內所列伊父罪狀。係據知府陳瑞芝稟詞。實屬被誣。

等語。控關已故大員名節。著曹澍鍾確切查明。據實具奏。毋稍徇隱。廣西學政沈炳垣。殉難後業經加恩優卹。茲據黃萬騫單開獲賊供詞。有該學政削髮入西竺寺。被賊擄去殺害等情。亦與勞崇光前奏情節不甚相符。著曹澍鍾一併查明具奏。○乙未

上詣
大高殿行禮。○還宮。○諭軍機大臣等。據翁同書奏。陳練兵選將裕餉事宜一摺。覽所奏各

條並無非常奇策。所請調固原漢中等處官兵因陝甘兵已無可再調。業經兩次寄諭。令與勝保會合兵力。便不為單。今據稱勝保所派之兵屯駐明光。未能進與會合。然翁同書麾下尚不乏敢戰之將。身任幫辦。而不能調度。雖增兵添將。亦何足恃。至鄭魁士一員。該撫屢請調往安徽。因其交卸甯防。後傷病增劇。未令前往。嗣據和春奏。以高淳東壩軍情喫緊。並該處民情。均願鄭魁士留防。是以准

行至翁同書所舉胡林翼袁甲三等。一係湖北軍務不可少之人。一係初到清淮。當此蔣壩喫重之時。正賴籌畫禦侮。各有專司。皆為重任。何能舍他處軍務。專顧安徽耶。至所請山東山西陝西每月協銀二萬兩。悉解該撫軍營。河南月餉。該撫酌分三萬兩。而以江蘇月餉等款。悉歸勝保軍營。均可依議辦理。著即由該撫與勝保分晰清楚。咨明各省。照數劃解。以免歧誤。另片奏稱。已咨商勝保。將所

留馬隊照舊駐劄。毋庸撤回。蔣壩等語。亦著照所議辦理。將此由六百里各諭令知之。○又諭蔣蔚遠奏。籌防楚匪由黔入川。請飭催川省欠解餉銀一摺。貴州軍餉。本賴四川等省協濟。近以楚匪圖竄蜀中。恐由黔省假道添兵設防。需餉更鉅。自應速籌接濟。著有鳳將欠解黔省餉銀。速行籌撥解往。以備支發。將此由五百里諭令知之。○又諭傅振邦奏。請飭催陝西撥解餉銀等語。陝西省按月協

濟。傅振邦軍營餉銀二萬兩。數月以來。積欠至九萬兩之多。現在淮北勦匪。正當喫緊。缺餉情形。幾於懸釜待炊。著曾望顏。即將欠解餉銀九萬兩。迅速籌款解清。以應急需。以後仍按月如數源源撥解。毋令缺乏。將此由五百里諭令知之。○幫辦軍務安徽巡撫翁同書奏。陳練兵選將裕餉事宜。得旨。不過一瀆請之奏。並無非常奇策。汝動云勝保是己非人。汝之膠柱而鼓。必遂其謀。非以己為是而

何○復安徽陣亡已革道員郭沛霖職贈州判舒世琛知縣均予祭葬世職○

上以祭

社稷壇自是日始齋戒三日○丙申諭內閣前因京師米糧騰貴兵食維艱曾降旨將八旗及巡捕各營兵餉每月搭放實銀三成以紓兵困惟念數月以來食用價值仍屬有增無減兵丁生計尚形竭蹶著自本年八月為始所有八旗及巡捕各營兵丁月餉應放票鈔

折銀三十五萬一千兩零內著加恩再加放實銀二成共搭放實銀五成著戶部即隨時籌款給發其旗營每月應放二成鐵制錢文著每串以二成鐵制錢八成銅當十錢配搭放給以示體恤○又諭惠親王等奏設法採買銅斤並申明舊章嚴禁銅器一摺京局需銅鼓鑄節經戶部奏准將銅器分別斤數禁止打造使用並經刑部等衙門議奏科條在案乃地方官因循日久漸至視為故常以致

銅斤日形短絀採買商銅赴局交納者亦屬寥寥亟應申明舊章認真辦理所有各項銅器除樂器及古銅彝鼎等物不計外其餘各樣銅器凡在一斤以上者概行禁止在京大小官員民人等自奉旨之日限三月將一斤以上銅器赴部呈交如有逾限不交出將銅斤入官仍照刑部等衙門奏定官民處分罪名成案分別辦理其各城銅鋪私造一斤以上銅器者照例治以應得之罪京外各商呈交各色銅斤以及民戶呈交銅器者均隨時赴戶部官局查驗成色兌收概以實銀給價自此申明降旨後該部及地方官務須出示曉諭實力奉行以裕銅斤而濟鼓鑄○又諭惠親王等奏請飭催各省欠解京餉開單呈覽等語山東等省節年欠解京餉銀兩為數甚多經戶部於本年兩次定限奏催迄今延不報解清款實屬玩誤所有山東河南陝西浙江等省歷任督撫藩運各司均著交

吏部查取職名分別議處仍將各該省欠解咸豐六七八等年銀三百六十六萬餘兩勒限三箇月埽數解部交納以清款項其本年山西山東河南陝西浙江四川等省欠解銀二百八十二萬餘兩並著各該督撫等迅速籌畫務於年底報解全完儻因循延玩解不足數即著戶部奏參將該督撫藩運各司從重懲處該部即遵諭行○又諭前因提督鄧紹良在灣沚地方殉難當經降旨查明該員

子嗣俟服闋後帶領引見茲據和春奏該故員之子光祿寺署正銜鄧亨先尋覓父骸竟不可得情殊可憫鄧亨先著先行賞給員外郎銜以示朕軫念蓋臣至意○諭軍機大臣等前因勝保馳援定遠諭令和春調度蔣壩天長防勦事宜茲據奏稱金陵距蔣壩地勢太遠難以兼顧請就近交袁甲三調度等語蔣壩為清淮門戶地方緊要前已諭令袁甲三督率籌辦所有和春派撥安勇一軍及勝

保留防蔣壩盱眙之兵均著歸袁甲三節制該署漕督即妥為布置相機堵剿和春雖駐劄金陵而江北各軍勦辦機宜亦當統籌兼顧據勝保奏攻勦六合及留防揚州邵伯之兵共一萬八千餘名兵力不為不厚天長之賊經勝保決河灌城已衝塌十餘丈該逆現已出城散處著和春仍遵前旨迅飭駐揚官軍先打天長不必違待浦六相連毋得再事延緩將此由六百里各諭令知之○又諭昨

據翁同書奏稱與勝保軍營劃分餉銀並請留馬隊等語當經諭知勝保翁同書均照所議辦理矣茲據勝保奏移營五河圖攻懷遠請飭翁同書檢回馬隊並籌分軍餉各情該大臣於明光獲勝後即親往五河部署為疾擣懷城之計自應審度機宜迅圖克復惟據稱僅帶步隊三千馬隊弁兵百名其分撥滁州明光各路馬隊六百餘名一時概難抽撤所有即次派往翁同書軍營之馬隊官兵擬

請酌撥回營。但兩路軍情並形喫重。仍不得全數調回。致翁同書攻勦不能得力。著於馬隊內分別留用若干。調回若干。總期彼此兼顧。毋許掣肘。馬隊數目與昨日翁同書所奏因何不符。著覆奏。至該撫奏請以山西山東陝西月餉解歸該撫軍營。河南月餉則酌分三萬兩。以江蘇等款悉歸勝保。而該大臣則請山西陝西之餉由潁壽徑解翁同書軍營。山東江蘇之餉由清江徑解勝保軍營。其河

南省月解餉銀餉票由該省起解時劃撥分投交收。餘俟解到時勻撥分濟。亦屬可行。惟當覈算何款有著。何款無著。兩處分晰均勻。不得此贏彼絀。稍致偏枯。著勝保翁同書會商覆奏。該大臣等惟當和衷共濟。勿得各存意見。致誤事機。懍之慎之。將此由六百里各諭令知之。又諭勝保奏皖疆事機危迫。請飭浙江四川迅籌撥解銀兩等語。勝保東路一軍現在添募水師。購製船礮。並須籌給勇

糧需用孔殷。自應豫為籌備。以資接濟。著有鳳胡興仁無論何款迅速各籌撥銀五六萬兩。遴委妥員解赴勝保軍營。以濟要需。將此由五百里各諭令知之。○幫辦江南軍務甯古塔副都統富明阿因病開缺。回旗。命福建陸路提督李若珠幫辦江南軍務。○予江南陣亡外委何朝勳祭葬世職。○丁酉諭軍機大臣等。有人奏六月內山東長清縣屬之炒米店有廣東公車被騎馬賊搶劫。該縣屬之杜家店亦有公車被劫。又有廣西武公車在郟城縣屬之紅花埠被劫。並刀傷事主。四月內直隸固安縣城外五里及二十里地面均有騎馬賊行劫。都中差局帶信人行至直隸交河縣屬之富莊驛亦被騎馬賊搶劫。並搶去捐照數百名。此外劫而未知。知而未詳者。不知凡幾。又江南宿遷一帶有數百人日持刀矛器械搶奪往來車輛。山東沂州府屬之蒙山復聞聚匪數千出沒兗沂。要劫商旅。焚

毀村落守吏知而不究大吏置若罔聞各等語江南淮徐係北方屏障山東直隸逼近京師各該省地方官宜如何整頓捕務以重職守若如所奏各該省盜賊肆行劫掠為患行旅日久不能撲滅勢將盤結梗塞流毒無窮關繫殊非淺鮮著恆福何桂清徐有壬崇恩嚴飭各該地方官迅速查辦認真捕拏將搶劫各犯悉數擒獲盡法懲治不得區分畛域致令此拏彼竄其怠玩不職及容隱諱盜之地方官即著該督撫等指名叅辦如有該地方大吏任聽屬員諱盜有意徇庇一經查出朕必加以嚴懲恐該督撫等不能當此重咎也原摺著鈔給閱看將此各諭令知之

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百八十九

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百九十

出洋考察官報誌日講起居注官太子太傅上書學總師傅文淵閣領閣事翰林院掌院學士稽察欽奉上諭事件處國史館總纂官武英殿

大學六經理部事拾四十三條紀錄十四次賈賈積景本總載官經廷議官太子太保文淵閣領閣事武英殿總載官教習庶吉士體仁閣

人字士官理戶部三庫事務管理刑部事務加二十三級紀錄十六次正周祖培建武官太子少保管理內繕書事務對引文單機文殿

陳忠以廣州都領戶部尚書管理三庫事務加四級隨帶加五級紀錄十二次。官鑾總管官經臣孫官弘德殿教習清文讀進上書奏編撰

建國史記卷之五十五 漢書卷之五十五
都統程部尚書管理太常寺鴻臚寺事務加二級軍功加四級隨帶加八級紀錄五次。在倭什喀布等奉

人修

咸豐九年己未八月戊戌朔祭

大社

大櫻

上親詣行禮。諭內閣翰林院編修鮑源深著
在上書房行走。授惠親王之子奕詳。奕詢奕
謨讀。諭軍機大臣等。有人奏奉天府蓋平
縣知縣舒齡不理公事。寵聽家丁李春圃。招
搖納賄。詞訟之大小。以錢之多寡為曲直。舉
人丁文浚母喪百日服內謀娶馬姓孀婦為
妾。馬姓不允。買囑該孀婦表兄黃傑呈控。偪

賈該縣竟為拘提勒令改嫁致孀婦情急自
 縊遇救得生等語州縣擾害地方劣紳交結
 官長大干例禁該縣舒齡竟敢縱容家丁串
 通紳士作奸犯科致為閭閻之害該舉人前
 於蠹役詐贓案內曾經斥革捐復其為素不
 安分已可概見著倭仁景霖即提舒齡丁文
 浚徹底根究嚴行懲辦毋稍徇隱以肅官方
 而除積蠹將此諭令知之○以鄭親王端華
 為崇文門正監督總管內務府大臣文豐為
 副監督命山東巡撫崇恩來京以直隸布
 政使文煜為山東巡撫前任貴州布政使文
 謙為直隸布政使○己亥以舉行仲秋經筵

奉先殿

傳心殿

上御文華殿經筵直講官瑞麟賈楨進講四書
是故君子先慎乎德講畢

上宣御論曰君人者與天合德朝夕惕慎修

思永以明絜矩而同好惡誠國家得失之所繫也君子知之故於性功之地兢兢業業務端厥先蓋君子之德即所謂明德天之所賦民之所歸我所固有無待外求萬物悉備於此而完其固有則惟在人之自為然誠恐危微之際稍懈閑存則於本源先有未端何以使民物之繁相孚以至足之理乎君子所以戒慎恐懼探格致誠正之原不敢稍寬并不敢或後也由是準一己之矩類萬物之情所好同所惡同其德遂無遠而弗屆人第見子孫黎民胥受其福而不知皆慎德中所積厚而流也不此之先而泛驚以求之安所得治平之要哉直講官穆蔭趙光進講尚書無稽之言勿聽弗詢之謀勿庸講畢

上宣御論曰聖人體天出治於考言詢事諸大端非可漫焉以相試也禹謨所謂無稽之言勿聽弗詢之謀勿庸誠圖治之要道已夫朝夕納誨以輔台德獻可替否陳善閉邪下之

人竭格非之忱上之人獲虛受之益者以其則古稱先信而可徵實有裨於主德也否則漫無稽考徒騰口說不費則煩不偽則辯即使議論間有可採亦何關於損益乎至於謀多不集古人所憂然必卿士庶人詢謀僉同衷於一是朝廷之上同心共濟以求國計民生之本揆之庶務悉協機宜夫而後其言非虛其謀可用也所慮逞其私智不加咨度以一己之是非定天下之是非其謀為弗詢之謀即其言為無稽之言儻使習焉不察徒博納諫之虛名而所謂實有裨於主德有關於國計民生者轉無自聞其讜論良可懼已禮成

上幸文淵閣賜講官及聽講諸臣茶復賜宴於本仁殿諭軍機大臣等本日據奕山等奏遵旨會商分路派員守候夷酋並挑備兵丁各一摺業經明降諭旨將奕山革去御前大臣令其來京當差特普欽暫署黑龍江將軍

前往辦理矣。俄夷人船分赴烏蘇里口。及琿春等處。皆稱奉木哩斐岳幅之命。而木酋至今尚未駛抵北塘。據探復有欲由海路赴上海之說。傳聞互異。行蹤實為詭秘。景瀉等接奉前旨。已派富尼揚阿在黑河口守候。專司查辦。並派協領祿昌等。馳往烏蘇里口。宣示開導。甯古塔琿春等處。派令佐領富新等。巡察所籌。均尚妥協。黑龍江係該夷必經之路。特普欽接奉此旨。即著前往該處。責成派出。

之署副都統愛仲泰。勤加偵探。一面會商景瀉。妥籌辦理。總須明白曉諭。使其勿至肆意游行。不可含糊了事。再踏奕山覆轍。至所稱吉林。現在挑備餘丁一千五百名。勤加操演。現在俄夷雖未開釁。固當存有備無患之心。但須不動聲色。嚴密防範。不可稍涉張皇。致該夷窺破。其前次挑備盛京防海官兵二百名。現在本城。既須籌防。即著毋庸調往。至所稱吉林官員缺出。暫停分送各省軍營一節。

向來員缺與軍營相間補用。既有定章。自應仍照舊章辦理。毋庸輕議更改。將此由五百里各諭令知之。○庚子遣官祭

文昌帝君廟。○諭內閣。順天府奏。已故世職家屬呈請入籍一摺。原任徐州鎮總兵世襲一等海澄公黃慶春在京病故。其母王氏及幼子三人。無力回籍。著准其編入大興縣籍。以示體恤。○又諭。常清奏。因逃銷檔旗人。投効出力。懇請復歸旗檔一摺。熱河正紅旗間

散穆吉楞額。正藍旗間散烏爾棍布。鑲藍旗間散圖他春。前因逃走銷檔。茲據奏稱。該間散等先後俱赴安徽軍營投効。屢次打仗出力。均經挑補馬甲。圖他春旋即陣亡。與私逃為匪者不同。兵丁穆吉楞額。烏爾棍布。及陣亡之圖他春。均著復歸旗檔。穆吉楞額。烏爾棍布。仍令補糧當差。○諭軍機大臣等。前據王懿德等奏。閩省局存鐵錢十二萬串。由調赴天津水師戰船。及另雇商船配運赴津等

語當經降旨令停止起解以節經費慶端於未接奉此旨之前復據奏稱已先後起運放洋茲據恆福奏此項鐵錢直隸難以流通自係實在情形惟既據慶端等搭運赴津若仍令運回閩省重洋往返轉滋糜費著恆福俟運到時察看情形如果壅滯難行亦可作為廢鐵暫為存儲豫備鑄造一切應用防具亦有裨益即毋庸解回以免周折將此諭令知之○又諭山東煙臺海口前因有夷船在彼

停泊曾諭該撫嚴密稽查防範茲據僧格林沁奏夷船漸向大沽洋面南駛難保不再到煙臺海口意圖久停該處商賈雲集人煙輻輳若視為故常任其逗遛恐一旦竊發猝不及防殊為可慮此外各海口港汊紛歧多有可停泊之處均宜嚴為準備現在通商章程尚未定議民間概不得與之私行交易應一併禁絕著崇恩嚴飭沿海地方官認真巡查密加防範如有夷船停泊諭令迅速開行毋

許久留致令上岸滋擾崇恩現雖有旨令來京候簡仍宜實心辦理如因簡放有人意存諉卸將來設有貽誤恐不能當此重咎也將此由五百里諭令知之○又諭僧格林沁奏夷船在沿海口岸窺伺一摺據稱夷船三隻一月以來歷至老龍頭秦王島老母溝清河口澗河口等處用小船探水並查看地勢復駛至大沽迤南之祁口劉家河停泊用千里鏡打看等語喫咈各船前已駛回上海現在

夷船恐係俄夷多方窺伺已於摺內詳細批示矣該大臣現在調派成保等帶領馬隊分劄各處防範尚為周密該夷如敢登岸滋擾或在船上先行開礮著即遵前旨奮力轟擊勿受彼欺致落後著如僅試探水勢及上岸尋覓食物自不必先開釁端致彼有所藉口至前獲喫夷一名現既物故即為棺殮或即交沙船帶回上海交何桂清轉交該夷以為轉圜地步或暫存海口俟該夷就撫後再為

交還即著僧格林沁等斟酌辦理將此諭令知之欽差大臣僧格林沁奏報夷船在大沽海口迤南停泊現在防範情形得旨水陸籌防甚為周密不可稍涉大意以備不虞尤應嚴飭各路統兵鎮將暨弁兵等不准因有前番得意遇夷即戰徒邀保舉不顧勦撫大局如有前項情事即由汝處查拏正法不必請旨此次游駛夷船為鬼為蜮殊難測度看來恐係俄夷多方窺伺有隙即戰以圖要挾

無隙即講和貿易并代各國豫占馬頭利己利人以為他日地步皆在意中若云啖夷圖報尚不在今秋須俟明歲春夏之交或者另生詭謀辛丑諭內閣御史蘇仲山奏請嚴懲倉蠹一摺京倉米石兵食攸關豈容積匪暗中把持叢滋流弊所有各倉匪徒綽號祿米侯劉七等二十六名著步軍統領衙門按照單開姓名住址悉數嚴拏務獲究辦以清積弊而重倉儲○又諭有鳳奏撫臣丁憂請

簡一摺廣西巡撫曹澍鍾現丁母憂著照軍營例賞假百日即赴四川寓所經理喪事所有廣西巡撫著四川布政使祥奎前往署理曹澍鍾百日後即著回至廣西署理巡撫俟軍務完竣再補行終制以遂孝思○諭軍機大臣等前因山東曹單軍情喫緊諭令僧格林沁於海防備調官兵內派撥一千名交德楞額統帶前赴韓莊一帶駐劄茲據勝保奏稱現在移營五河相機攻取懷遠因馬隊不

敷調遣請將駐劄韓莊之德楞額馬隊一千名就近調往助剿而令僧格林沁再於防兵內抽撥數百名前赴東境各等語皖省軍情目前固屬緊要而山東為京畿門戶捻匪時圖北竄防兵亦未可空虛著僧格林沁酌量情形如果津防馬隊足數分撥即著抽撥五百名派員管帶前赴韓莊一帶歸德楞額調遣並知照德楞額於所管馬隊內撥出五百名派員帶往勝保軍營以資攻剿將此諭令

知之○又諭勝保奏籌攻懷遠請飭德楞額移師助剿並津防馬隊可否抽撥前赴山東等語懷遠逆氛甚熾勝保擬由滄南節節進剿所帶馬隊分留東西兩路未能會集自應急籌添撥現已諭令僧格林沁酌撥五百名派往山東交德楞額統帶即於德楞額原帶馬隊內撥出五百名派員帶赴勝保軍營助剿此項馬隊官兵輾轉調撥未免有需時日現在懷遠逆匪既有約期八月中旬肆擾之

說仍著勝保就現有兵勇督率將弁實力進剿不得以守候添兵稍稽攻擊致逆匪愈形延蔓將此由六百里諭令知之○又諭周天受奏逆匪竄踞郭村派兵往援並宣南近日軍情一摺逆匪由石棣縣之七都竄入太平縣屬之郭村攻陷官軍營壘徽甯並形喫緊經周天受派副將榮陞等帶兵勇一千七百名馳往應援現駐劄甘棠地方力遏兇鋒此項官兵即著歸張芾妥為調度會合江長貴

米興朝各軍三面兜剿迅掃逆氛其另股逆匪先後由楊田埂竄撲涇縣所屬之萬級嶺西鄉嶺雖經周天受派員剿擊疊獲勝仗惟賊情兇狡或勾結建德郭村股匪再圖滋擾亦不可不嚴加防備著周天受妥商勦辦毋令紛竄將此由五百里諭令知之○又諭前據英秀奏哈薩克汗阿勒坦沙啦年老呈請將汗爵情願移給伊姪台吉綽坦承襲一摺當經降旨准其移給綽坦承襲矣茲據扎拉

芬奏奏稱查明台吉綽坦係阿勒坦沙啦之甥等語著交該將軍查明前任塔爾巴哈台參贊大臣英秀及承辦各員如何錯誤之處據實奏奏○賞哈薩克汗綽坦雙眼花翎○壬寅諭內閣庚辰奏請將灘地暫為招領徵租等語南河桃源陸吳二鄉計田二千六百餘頃從前淪入洪湖近年逐漸涸出著照所請仿照清河灘地暫為招領徵租以充防費其應如何升科復賦之處著該部查議具奏

癸卯祭

關帝廟

上親詣行禮。○諭軍機大臣等。有人奏請飭嚴防北塘一摺。據稱本年五月間。夷船北來。因令由北塘進口。將礮臺防兵撤歸營城地方。現在啖夷受創。南旋意必來圖報復。萬一再至。大沽接仗。陰由北塘上岸。阻我營城之兵。因而南趨。大沽北礮臺後路。前後夾擊。雖有新河防兵。該夷亦可繞越。恐弁兵猝不及防。

轉致掣動大局。請飭嚴防等語。北塘地方。與大沽均屬緊要。前經僧格林沁密設防具。并派馬隊遙為策應。布置尚為周妥。現在啖夷雖已南駛。俄夷仍在洋窺伺。北塘為大沽北礮臺後路。應如何安設礮位。撥調防兵之處。不可稍涉大意。著僧格林沁體察情形。密為防範。毋令該夷窺我虛實。另片奏蘆臺稅局有丁書數十人。以查洋藥為名。濫行需索。並有北塘穆姓船隻裝載紙張紅糖。回家售賣。

因進口不使用車運貨。即被分局人役拏住。指為偷漏。將該船客人王姓押送鹽政衙門究辦。旋即斃命等語。並著恆福按照所指各情詳細查明。有無重徵勒索等弊。嚴行懲辦。原摺片著鈔給閱看。將此諭令知之。○又諭黃贊湯等奏。皖北賊眾兵單。請俟津防事竣。派令重臣移師督剿一摺。蒙毫捻氛日熾。近與粵逆潛相勾結。其勢愈形滋蔓。該河督等請派撥重兵。大舉進剿。自為速殄逆氛起見。惟天津防務急難議撤。即使秋後情形稍緩。明春亦須設防。若調往皖省。一時恐難折回。且山東為京畿門戶。設或有警。尚可撥津防之兵前往策應。儻大兵深入。該逆繞道北竄。後路反覺空虛。前派令傅振邦等三省會剿。原期合力進攻。盡殲醜類。况該提督等所統兵勇並不為少。其各處隨營馬隊不下四五千名。亦屬足數。攻擊現在。傅振邦關係富新。黃良楷德楞額等分投駐劄。已成犄角之勢。

著黃贊湯瑛榮崇恩嚴飭地方官激勵民團
聯絡聲勢齊心守禦以固疆圉仍知照傳振
邦等分路進兵四面兜剿務期迅速掃蕩不
得以盼望添兵轉稽時日將此由五百里各
諭令知之○以協辦大學士戶部尚書周祖
培為順天鄉試正考官刑部尚書瑞常戶部
左侍郎梁瀚刑部左侍郎靈桂為副考官○
以兵部尚書陳孚恩兼署戶部尚書兵部尚
書全慶兼署刑部尚書工部右侍郎潘曾榮

兼署戶部左侍郎兼管三庫事務兵部右侍郎
李維翰兼署吏部右侍郎吏部右侍郎文
祥兼署戶部右侍郎兼管錢法堂事務內閣
學士載崇署刑部左侍郎○以都察院左都
御史綿森署鑲白旗蒙古都統○改命大學
士瑞麟會同工部右侍郎成琦督辦撥運通
倉米石○甲辰

上幸圓明園○遣官祭黑龍潭
昭靈沛澤龍王之神玉泉山

惠濟慈佑靈瀨龍王之神昆明湖
安佑普濟沛澤廣生龍王之神密雲縣白龍
潭

昭靈廣濟普澤龍王之神○遣官祭圓明園
惠濟祠

河神廟○諭內閣向例會試及順天鄉試正
副考官同考官以及內外簾執事等員一經
派出即應迅速入闈乃昨日朕特派御前大
臣景壽等前往貢院稽查方悉本年順天鄉

試考官及執事各員有遲至申刻及酉刻始
行入闈者殊非慎重闕防之道姑念相習成
風免其置議嗣後鄉會試年分午門聽宣之
日著即責成稽查御史於聽宣事畢後即赴
貢院門前將正副考官同考官及派出場內
執事各員入闈時刻一併詳細查明於次日
覆奏儻該考官等有是日並無別項差使無
故遲延者即著指名叅奏以肅功令○諭軍
機大臣等前因將壩為清淮門戶諭令袁甲

三就近籌辦。擇要駐劄。並令庾長妥籌後路防堵。本日據袁甲三等奏稱。將壩情形。與上年迥不相同。探聞該逆等聚眾數萬。欲水陸下竄。直闖清淮。陸路地面遼闊。無險可扼。水路湖面周圍數百里。處處皆可登岸。不必由蔣壩而來。已抄蔣壩之後。實有防不勝防之勢。請飭勝保於盱眙以上。扼其下竄。並於張家溝添撥重兵。以杜竄越。且擬將安勇原帶之兵。進劄馬家壩等語。所籌尚屬周妥。勝保前經奏明移營五河。此時業已行抵該處。張家溝為水陸要衝。參將滕家勝。兵力較單。恐難抵禦。著勝保就近添撥。扼要駐劄。力堵上游。至安勇一軍。前已有旨歸袁甲三調遣。著即令其進劄馬家壩地方。以期聲勢聯絡。兼防汴澗小路。如天長有機可乘。即可會合進攻。總期水陸嚴防。節節進逼。毋任匪黨得以乘機竄擾。是為至要。將此由五百里各諭令知之。○直隸布政使文煜奏報回省任事日

期得旨。現已授汝山東巡撫。著俟文謙抵省。將一切地方情形詳細告知。即行來京陛見。以陝西拏獲著名匪犯出力。予知縣林綬昌等。加銜升敘有差。○乙巳諭軍機大臣等。本日據僧格林沁奏。遵旨籌撥馬隊。並近日夷船游駛情形一摺。映夷船隻。於八月初四五等日。在大沽南北各海口。往來游駛。以尋覓難民為詞。而測水繪圖。且用杉板船駛入內河。窺探礮臺情殊叵測。僧格林沁已飛咨西凌阿等嚴密防範。靜以待動。所籌俱屬周妥。本日適據勞崇光奏到。密詢廣東夷商各情形。據稱。映夷自天津挫敗後。各國皆與離心。惟印度之孟加刺。為映夷屬國。若往調兵。不能不從。又南洋黑夷。諺稱黑鬼。惟利是視。啗以重利。難保不從。若六月中旬。由上海前往調兵。約八月中旬。可到天津等語。此雖係夷商等臆揣之詞。而該夷舉動詭秘。亦難保其必無。該大臣總須嚴為之備。於大沽北塘

等處勤加偵探使其無隙可乘方為妥善又據勞崇光奏該夷耳目甚眾即如僧格林沁天津報捷原奏六月杪廣東省處處傳鈔考其由來則稱自夷船鈔得嗣接僧格林沁鈔摺咨會相符等語前何桂清亦奏稱該夷以重價購覓僧格林沁摺彙可見該夷工於偵伺不可不防著僧格林沁嗣後於陳奏摺片各件有關夷務者加意嚴密勿使稍有洩漏至勝保所請馬隊該大臣已派協領德福管

帶綏遠城馬隊五百名前赴德楞額軍營著即將此項馬隊官兵飭令徑赴勝保軍營聽候調遣並知照德楞額毋庸將原帶馬隊抽換以免周折將此諭令知之○命前任粵海關監督恆祺暫留廣東辦理通商事宜○丙午

太宗文皇帝忌辰遣官祭

昭陵諭內閣現在記名水師總兵人員將次用竣著兩江閩浙兩廣總督於水師副將內

遴選堪勝水師總兵者各保奏二三員迅速送部引見候旨記名以備簡用不得以無員可保一奏塞責其水師參將遊擊各員如有材藝出眾可備器使者並著覈實保奏毋拘資格諭軍機大臣等勝保奏統籌淮南北勦匪機宜並請飭令幫辦諸臣和衷共濟各等語皖捻以張龔為首惡現在踞守懷遠分黨四出惟急籌搗穴擒渠則餘匪自易翦滅據勝保奏稱傳振邦素稱勇敢近於緩急機

宜未能妥愜徒以孫疇等匪牽掣兵力無補大局翁同書既以賴壽自任自當力遏兇鋒觀其布置情形恐無實際現擬與傳振邦等併力進攻懷城並派張得勝李世忠等規取定遠其翁同書一軍即令以堵為剿所籌均尚周密所有懷遠東路即著勝保親率水陸各軍由臨淮蚌埠進攻其西南西北兩路並准其調遊擊黃開榜等水師及道員苗沛霖等練勇分投攻擊至北路固不可無兵兜剿

而傳振邦有督辦三省擒匪之責。駐劄徐宿扼賊北竄。未容遠離。前經該提督奏明。已派令參將滕家勝。知縣林作霖等帶兵隨同進取。即著該大臣酌量派撥。合力進攻。傳振邦著毋庸親往。至德楞額一軍。駐劄韓莊。地屬山東直隸門戶。防堵賊匪北犯。尤關緊要。勝保所稱擬調往會剿之處。亦毋庸議。其所請馬隊。已據僧格林沁於津防各軍內。派撥綏遠城馬隊五百名前往。自可迎提應用。翁同

書退守壽州以後。各省餉銀漸皆解到。已無飢潰之虞。且勝保所撥馬隊。并未調回。兵力不為不厚。惟當激勵將士。力贖前愆。著嚴扼壽春。兼防霍六。不得再行退撤。致匪氣蔓延。西路儻能相機前進。與總兵張得勝等軍會合。攻取定遠。不必專俟勝保移師。尤為妥善。勝保督辦安徽軍務。固宜虛衷商榷。不可稍涉驕矜。翁同書傳振邦。均係幫辦。亦當勦力同心。和衷共濟。不准各存意見。致負委任。儻

遇事掣肘。各不相下。以致再有債事。即著勝保參辦。以專責成。將此由六百里各諭令知之。又諭勝保奏請飭河南山東截留漕糧濟餉等語。淮北賊勢鴟張。必須士飽馬騰。方足以資攻剿。著瑛等崇恩。於各該省本年應徵漕糧項下。截留麥米各五萬石。隨徵隨解。務於九月內。由水路運赴勝保軍營。接濟苗沛霖軍食。毋稍延誤。仍著該撫等另籌米麥。如數補足。本年應徵漕糧之數。以符正額。將

此由五百里各諭令知之。○又諭官文等奏遵籌曾國藩軍營協餉銀兩等語。據稱除先後撥解外。自本年五月起。至八月止。共解三箇月。餉銀九萬兩。以後能否按月如數加解。再行籌酌辦理。現在曾國藩移營前往宜昌。堵截賊匪入川之路。每月餉需為數尚復不少。該督等須悉心籌撥。妥為協濟。仍著按月如數撥解。曾國藩軍營。以濟要需。不得稍有諉卸。致滋貽誤。將此由五百里諭令知之。○

兩江總督何桂清等奏。嘆咈二首。事多掣肘。並味首回上海日期。得旨。務須妥為籌畫。明年海運事宜。於萬難之中。總須全數辦成。責成海船。方有把握。若有夷務攪擾。猶難安穩。抵津。朕必令驗米大臣。查明該紳耆等。請旨加恩。以安徽滁州勦賊出力。擢參將李世忠。以總兵官用。○丁未。

上詣

安佑宮行禮。○祭

先師孔子。遣大學士賈楨行禮。○諭內閣。前因王慶雲奏。江西商民在川捐輸。請添設商學一摺。當諭令禮部妥議具奏。茲據禮部等部奏稱。該督所請添設江西商學。暨在川省一體鄉試之處。與例未符。且恐易滋弊竇。實屬窒礙難行。著毋庸議。惟該商人等踴躍輸將。自應酌給獎敘。著該督查明該紳商等原籍分隸何處。按照所捐銀數。加廣江西各廳州縣文武永遠定額。及一次學額。或總計銀

數。加廣江西鄉試一次中額。如有所捐銀數不敷。加廣學額者。准其歸入該商原籍續捐銀兩。併計覈算。即由該督妥議具奏。再降諭旨。江西巡撫耆齡奏。遵調總兵普承堯等。會攻建德。並分派水陸各軍。嚴防皖楚賊匪回竄。得旨。竄楚逆匪。復回衝突。恐致蔓延。為患。無大員督率。難期得力。

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百九十

定州學額三名。天津縣一名。○蠲緩河南杞通許尉氏鄆陵商邱甯陵永城夏邑柘城汝陽西平上蔡舞陽淮甯西華商水項城沈邱太康扶溝襄城鄆城睢二十一三州縣被擾村莊新舊額賦○己酉諭內閣胡林翼奏持叅性情浮躁要挾委署之知縣請旨革職一摺四川試用知縣李文燦因遊幕迴避改發湖北甫經到省輒敢以川省曾有輪委一次自行具稟藩司列冊委署經該藩司詳叅後即呈

請赴山東措貲希圖規避實屬躁進取巧李文燦著即革職以示懲儆○又諭袁甲三奏叅召領衛灘地畝委員遷延含混一摺大河衛舊有草地及新淤地畝經前任漕運總督邵燦奏明召民領墾所收領價租課作為防堵經費當委候補知縣舒文彬試用知縣陳緒芬勘丈召領該委員等歷次稟報勘丈地數既有不符並未將定則繳價隨時報解清楚現經該署漕督疊次催提續解銀一千九

百餘兩尚欠解銀七十餘兩之多難保非侵那在前意圖蒙混舒文彬陳緒芬均著先行革職交袁甲三勒限催交地價並提齊案卷徹底查究如果查有侵漁情弊即行從重治罪以儆貪墨而重帑項又諭袁甲三奏請將停歇軍船折板變價一摺自南糧或由海運或改折色各幫軍船停歇日久既多朽壞又有丁役人等私拆盜賣百弊叢生其應收底料銀兩盡歸無著於經費亦有關係既據

該署漕督札飭各糧道確查存船數目並成造年限分別覈辦著有漕督撫各將該省存船無論已未滿號一概儘數拆卸應交底料銀兩照數扣繳其船板變價除酌給丁舵以示體恤外餘俱報明存庫俟辦理河運時作為津貼之費其山陽清河高郵寶應境內停泊各幫船隻即著袁甲三就近派員查明一律拆變以節經費○又諭袁甲三奏地方城池急宜講求修守一摺地方官失守罪名定

例纂嚴前經降旨申諭不准藉詞開脫乃各省督撫及各路統兵大臣往往於賊陷城池之後率將失事各員藉端奏請留營效力以為隨同克復開脫罪名地步甚有失守時不奏至克復始行具奏者殊非所以嚴法紀而肅官常嗣後著各路統兵大臣及該督撫等破除積習於失守地方文武員弁隨時奏明按律治罪不准飾辭開脫藉口留營至城垣所以衛民果能修繕完固自足以資捍衛並

著各省督撫飭屬勸諭紳民修築所有軍務省分捐貲者照捐輸議敘出力者照軍功請獎其並無軍務省分仍照尋常城工例獎敘以示區別將此通諭知之又諭袁甲三奏漕標官兵月餉請動用庫存銀兩等語漕標額設官兵三千四百餘名如果勤加操練已足自成一隊惟近來月餉支絀軍械亦須添補著准其將淮安府庫所存江甯藩司雜款制錢一萬三千六百餘千文銀一萬六百餘

兩留為操練防堵之費著該署漕督隨時認真操演俾成勁旅毋得有名無實至所撥款項並著責成經手各員覈實動用照例造冊報銷毋令虛糜諭軍機大臣等翁同書奏請飭撥察哈爾馬匹等語該撫軍營馬隊因出征年久馬多倒斃改為步隊不能得力自應酌加馬匹以利乘騎惟察哈爾道路寬遠頻年各路軍營請撥該處馬匹沿途倒斃甚多夏令為尤甚所請著毋庸議前因何桂清奏解皖採買馬匹銀兩無款可籌當交部議由該督仍令蘇州織造於潁墅關撥解銀一萬五千兩交翁同書以供買馬之費該撫即飛咨何桂清等迅速催解此項銀兩到日即由該撫派員赴山陝等處自行購買免致輟轉調撥徒勞往返將此由六百里諭令知之

以山西捐輸軍餉永廣榆次祁三縣學額各七名太谷介休絳三州縣各四名太平縣三名陽曲徐溝平遙河津稷山五縣各二名

曲沃翼城孝義鳳台虞鄉忻聞喜七州縣各一名 庚戌

上詣

安佑宮行禮。遣官祭昭忠祠。諭內閣張芾奏請將潰退各弁分別懲處等語。除千總夏洪才業經正法外。遊擊田宗興於石埭七都各營被圍。並不前赴救援。勇丁紛退。不能鈴束。實屬庸懦無能。田宗興著革去綬勇巴圖魯名號。並拔去花翎。遊擊銜儘先補用都司白占春突圍而出。不能力保主將。著革職留營。以觀後效。儘先補用守備董成率勇過河。賊至即遁。著即革職。發往新疆效力贖罪。仍暫留軍營責令勦賊。儻再不知愧奮。即行正法。江蘇補用守備韋永龍甫經接仗。即由七都退至縣城。著即革職。無庸留營。以示懲儆。其受傷最多之儘先補用參將羅承勳。儘先補用遊擊黃金祥。尚非督勦不力。均著免其置議。諭軍機大臣等。官文奏皖省賊勢日

張籌議由楚分路勦辦一摺。皖省粵匪與捻匪勾結蔓延。日甚勝保圍攻懷遠。翁同書退守壽州。廬州以外並無一旅之師。前此楚軍東下。復以深入失利。以致匪勢漫無牽制。肆意竄擾。官文以寶慶解圍。敗賊悉數南竄。川省已有備無患。請飭曾國藩緩赴川省。暫駐湖口。俟湖南大定。分軍四路。步步為營。進勦皖省。所籌實於大局有益。曾國藩前奏尚在湖口。清釐報銷。並休息病卒。此時如已啟程。赴鄂。著與官文商酌。如湖南大局已定。川境可保無虞。即暫駐湖口。俟調回湖南各軍。為分路進勦皖省之計。設湖南敗匪尚未免有入蜀之虞。只可從緩酌量辦理。軍情變幻靡常。該大臣等近在鄰省。偵探較確。必能相機籌畫。力顧全局。至皖省糜爛已極。勝保自護城挫敗。後其勢不可復振。非由楚省派兵馳援。不能牽制賊勢。該大臣等務須亟籌協勦。豫為布置。一俟湖南定局。即照所議調撥水

陸各軍分路進剿實深盼望官文另片奏請飭都興阿赴任等語都興阿著准其赴荊州將軍之任俟大兵東下再行帶兵會剿都興阿所部兵勇即交多隆阿統帶多隆阿係記名副都統遇缺題奏之員俟有缺出即行簡放所請飭催四川等省餉銀已諭令各該督撫迅解矣將此由五百里各諭令知之○又諭勝保奏遵旨查覆馬隊數目及分撥餉需情形並片陳軍餉掣肘各等語皖省東西兩

軍餉

七

路俱形喫緊翁同書所留馬隊勝保已奏明毋庸調回其津防所撥綏遠城馬隊五百名諒即日可到勝保軍營足資調遣該大臣與翁同書分餉一節業經諭知均撥分濟不至偏枯江蘇奉部指撥解皖之款雖經和春等奏請暫停嗣經部議仍諭令將協濟安徽等餉籌畫兼顧勝保前請飭令浙江四川迅籌撥解亦已諭令有鳳胡興仁各籌撥銀五六萬兩該大臣等不得以爭餉掣肘等詞各存

意見至定遠前曾安設總糧臺近因定遠有失與翁同書分軍為二應將總糧臺移於何處著該大臣等審度地勢酌辦其隨營糧臺此時分作兩軍自應分設以後若歸一處即可仍照舊章至總辦糧臺之臬司恩錫遠在壽州所有糧臺事務即著藩司張光第總理免致貽誤將此由六百里各諭令知之○又諭前因曾國藩辦理浙閩軍務當諭令湖北湖南按月各撥銀三萬兩江西四川陝等省一

軍餉

律協濟茲據官文奏湖北省年餘以來如數解往湖南自今春粵逆入境旋經停止此外川陝等省撥解寥寥請飭按月如數迅解等語現在曾國藩留軍剿辦皖匪需餉孔殷自應仍由四川等省分撥協濟著有鳳耆齡英桂曾望顏仍遵前旨按月各撥銀三萬兩務須如數籌解毋得稍有遲延致誤要需將此由五百里各諭令知之○欽差大臣勝保奏淮北居民遭賊迫脅宜於整集團練之中寓

堅壁清野之義請派安徽藩司張光第督辦
宿靈等縣築圩集團事宜得旨即著責成該
藩司督率辦理以禮部右侍郎楊式穀為
江南鄉試正考官國子監祭酒阜保為副考
官以太僕寺卿王發桂署禮部右侍郎宗
人府府丞厲恩官署刑部右侍郎以楚皖
交界防剿出力復降調副都統舒保職予
安徽陣亡知州張琪州同銜陳飛豹守備羅
雲傳文海善慶千總張忠良把總王永泰李
延林驍騎校凌祥富倫慶鶴色拉哈德陞額
富安慶福瑞成五福祭葬世職馬甲德忠等
賞卹如例辛亥諭內閣鮑源深現在上書
房行走所有記名御史著即註銷壬子諭
內閣曾望顏奏參諱匿命案飾詞稟辯之知
縣請旨革訊一摺陝西沔縣知縣夏秉禮於
民人晏免娃身死一案已將一載延不詳報
迨經屍親上控由司將該員撤任查辦膽敢
捏詞飾辯實屬玩視民命難保無賄串延閣

情弊亟應徹底根究夏秉禮著即革職交該
撫督同該道府等嚴行審訊按律定擬具奏
改鑄江蘇甘泉縣知縣印信從巡撫徐有
士請也癸丑諭內閣和春等奏水陸官軍
獲勝情形一摺天長逆匪分股援應六合七
月二十三等日張玉良派令遊擊李有才
等槍礮迎擊賊勢披靡維時西北兩門之賊
均經官軍擊敗斬馘無數餘皆棄械狂奔官
軍追至城根共計斃賊四五百名其魯港鴉
山之賊經水師總兵吳全美於七月初五初
八等日派令鎮將分帶船勇奮力攻剿當將
賊壘全數剷平總兵李德麟迎剿大通等處
匪黨焚燒荻港賊巢勦辦尚屬得手仍著和
春等知照李若珠張玉良等分投攻擊速拔
城池毋任該逆久踞予江南陣亡守備馮
啟貴外委張上洪祭葬世職甲寅諭軍機
大臣等景瀉特普欽奏俄夷人船闖赴三姓
派員阻回其強進烏蘇里口夷人不遵開導

情形一摺俄夷人船欲赴三姓貿易於行抵富坑口等處雖經委員攔阻折回難保不復行窺伺其闖入烏蘇里人船則恣意行走未肯折回並搭蓋窩棚為久居之計兼於綏芬地方開修道路以為明春占居地步實屬異常橫恣惟該夷如此肆行無忌恐三姓烏蘇里綏芬等處旗民或有與該夷暗中勾結之處著景瀄等派委妥員查明該夷搭蓋窩棚始自何年並各該處旗民有無與潛通聲息

奏奉

上

互相煽誘均即確切訪查具奏不得稍涉含糊至該夷到處恃強既難理阻亦斷不能聽其蔓延以至無所底止景瀄等身膺重寄責無旁貸應如何體察輿情妥籌辦法使該夷不得逞志橫行而又不致開釁著該將軍等會同熟商妥議具奏將此由五百里諭令知之署直隸通永鎮總兵官李志和年老休致以候補參將海綬護通永鎮總兵官○改鑄河南陳州府周家口通判關防從巡撫瑛

榮請也○乙卯

上幸靜明園詣

龍神廟拈香○禮部奏議安徽赴浙鄉試現止徽甯廣德三屬請將該省兩科歸併中額九十名內酌中三十六名其所加定額廣額各二名亦先各中一名餘歸下屆補行取中從之○順天府以宗室鄉試中額請得旨取中四名○丙辰諭軍機大臣等勝保奏沿淮西勒壘獲勝仗並請飭傅振邦帶兵前進及分撥馬隊各摺片勝保收撫沿淮眾圩圖攻懷遠我軍於三鋪地方扼要剽營斷賊糧道該匪出撲經水陸官軍連日勦擊獲勝而大股捻逆糾合孫葵心匪眾直奔三鋪官軍營盤勢甚猖獗該大臣分布四路兵力較單自係實在情形傅振邦前奏粵捻各逆有直撲徐宿之謠北路更形喫重是以曾諭毋庸親往惟現在勝保進攻懷遠已有可乘之機三鋪營盤正當喫緊五河張家溝一帶俱形震

動傳振邦自應趕緊抽撥馬隊並親帶大兵馳往會合勦辦以期迅速殲除但擒匪股數眾多徐宿一帶地方緊要傳振邦一軍與關保富新黃良楷等為犄角之勢以固北路藩籬設勝保將傳振邦調赴懷遠而該匪由西路乘機北竄亦不可不嚴為之防勝保督辦皖省軍務粵捻各匪均歸勦辦務當統籌全局毋得顧此失彼儻傳振邦進兵北路稍有疏虞惟勝保是問所調馬隊已諭德楞額撥

李鴻章

奏

五百名前赴勝保軍營山東為畿輔門戶此項馬隊未可久調在外致東境空虛俟攻克懷遠後即可與翁同書合軍南剿馬隊足敷應用此項新調馬隊仍令折回韓莊駐劄以資防守將此由六百里各諭令知之又諭據勝保奏皖北粵捻紛乘新調馬隊到營尚稽時日仍請將原劄韓莊之馬隊抽換五百名就近赴皖等語該大臣以皖北軍情緊急期得有用官兵早資攻剿尚係實在情形著

德楞額即將原劄韓莊馬隊抽撥五百名迅速派委委員管帶前赴勝保軍營所有天津新撥綏遠城馬隊五百名即著一面迎提留於韓莊補足原額以期得力此項馬隊俟攻克懷遠後仍調回韓莊駐劄已諭知勝保矣將此由六百里諭令知之又諭前因勞崇光奏前任粵海關監督恆祺差期屆滿懇留數月幫辦夷務等語當經降旨准其暫留廣東會同勞崇光辦理通商事宜惟新任監督

李鴻章

奏

毓清即日可到朕思多一人不如少一人即留恆祺在粵於事何益况一關同時前後任兩監督亦與定例不符著勞崇光飭令該前任監督恆祺俟毓清到粵後交卸關務即速回京毋庸留辦通商事宜以符定制將此由五百里諭令知之○粵海關監督恆祺奏報欠解廣儲司銀兩得旨備述窘苦情狀試問濟艱何術於事何益此不過將來為邀免賠欠地步仍著內務府隨時奏咨嚴催○以福

建閩安協副將林向榮為廣東碣石鎮總兵官以淮北帶勇出力復已革江蘇道員蕭榮綬職減免江蘇橫浦浦東袁浦青村下砂頭下砂二三六場被災竈地八年額賦十分之一丁巳諭內閣徐有壬奏革員計告審虛堅不承認敘具眾證情狀請旨定奪一摺前據何桂清奏揀發參將台斐音因爭論缺次牽控署參將常潤等賄通謀缺希圖挾制各情當經降旨將台斐音革職交徐有壬提訊茲據該撫奏稱參將常潤係即行補用人員本在該革員班次之前例得請補並無偏抑其稟計常潤行賄謀缺及參將慶春與書吏擬索費之處訊據所指證佐毫無實據惟該革員逞刁狡執堅不承招照例聲明請旨等語已革參將台斐音誣計同官行賄審屬全虛既已眾供確鑿自應按律懲辦台斐音著即發往新疆效力贖罪以儆官邪又諭樂斌奏審明帶兵官員勒索滋鬧按律

定擬一摺已革署陝西鎮羌堡都司候補守備吳元慶於八年正月間管帶官兵前赴安徽行至米脂縣不能約束弁兵輒敢藉端赴縣署滋鬧當經革職提訊茲據該督訊明有勒索口糧錢文等弊實屬玩法已極著從重發往新疆效力贖罪署米脂縣知縣文運熙雖經稟揭惟吳元慶赴縣查問時並不出見以致滋鬧究有不合著交部議處諭軍機大臣等前據僧格林沁奏籌撥綏遠城馬隊五百名馳赴德楞額軍營聽候調撥當諭飭令徑赴勝保軍營以免周折昨據勝保奏進攻懷遠正當喫緊請將原劄韓莊之馬隊抽換五百名就近赴皖而以天津新撥綏遠城馬隊留於韓莊補足原額已諭令德楞額如數撥往並諭勝保俟攻克懷遠仍將德楞額派撥馬隊調回韓莊駐劄以資堵禦惟此項馬隊將來調回韓莊後其綏遠城馬隊五百名應否仍調回天津防守抑飭令歸伍之處

著僧格林沁屆時體察情形奏明辦理將此諭令知之○又諭據樂斌奏酌議抽收棉花釐金辦有成效並請飭下烏魯木齊都統認真抽稅一摺吐魯番廳地方棉花出產甚旺樂斌前在烏魯木齊都統任內曾經奏明抽稅藉資餉糈原議試收二年後察看情形再行定額茲據奏稱自倭什琿布奏請展限以來徵收數目遞年減少若非經理不善即顯有侵蝕之弊等語棉花進口抽收釐金甘省

辦理已有起色其口外徵收稅銀亦當切實查辦以裕經費況近來種植愈多銷路較前倍廣豈得將籌餉要需任令視為營私利藪著圖伽布督同鎮迪道崇保查照原案體察商情力籌整頓並著查明歷年徵收銀兩確數酌定稅額妥議章程具奏儻有盈餘儘數報解分別奏請獎敘如徵不足數即責令吐魯番廳照額賠補該都統等甫經到任無所用其迴護不得任聽支飾致滋弊端並著裁

汰一切浮費俾免藉口以濟餉需而昭覈實將此諭令知之○直隸總督恆福奏天津海防緊要必須僧格林沁布置未可遽令移師南下得旨所奏甚合大局該河督等奏請早已降旨未准至汝所陳意外之意並委曲為難之處朕已洞悉○以江蘇辦理上海善後事宜出力按察使薛煥等下部議敘知縣陳淦等升敘有差

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百九十一

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百九十二

[illegible]

咸豐九年己未八月戊午諭內閣前因扎拉

實錄卷之九十五

5

芬泰奏邊疆告病人員請照各省司道等官
嚴定捏飾瞻徇各處分一摺當交惠親王等
並軍機大臣會同該部妥議具奏本日據該
王大臣等議奏請嚴定章程以重職守新疆
地方幅員遼闊該大臣等職膺專閫宜如何
講求邊防無負委任乃近來紛紛告病殊屬
不成事體著即照該王大臣等所議嗣後各
城大臣遇有告病不准自行陳奏其南路附
近葉爾羌者責成葉爾羌參贊大臣北路附

近塔爾巴哈台者責成塔爾巴哈台參贊大臣附近烏魯木齊者責成烏魯木齊都統附近伊犁者責成伊犁將軍派員查驗給以假期若實係病難速痊令驗看官出具印結由各該將軍等代奏開缺如查有虛捏情弊將本員及出結之員俱議革職代奏之大臣照文職代題之督撫例降一級留任儻該大臣瞻徇情面亦照文職瞻徇之督撫例降三級調用至伊犁葉爾羌塔爾巴哈台參贊大臣

下錢三百九十九

1	2	3	4	5	6	7	8	9	10	11	12	13	14	15	16	17	18	19	20	21	22	23	24	25	26	27	28	29	30	31	32	33	34	35	36	37	38	39	40	41	42	43	44	45	46	47	48	49	50	51	52	53	54	55	56	57	58	59	60	61	62	63	64	65	66	67	68	69	70	71	72	73	74	75	76	77	78	79	80	81	82	83	84	85	86	87	88	89	90	91	92	93	94	95	96	97	98	99	100	101	102	103	104	105	106	107	108	109	110	111	112	113	114	115	116	117	118	119	120	121	122	123	124	125	126	127	128	129	130	131	132	133	134	135	136	137	138	139	140	141	142	143	144	145	146	147	148	149	150	151	152	153	154	155	156	157	158	159	160	161	162	163	164	165	166	167	168	169	170	171	172	173	174	175	176	177	178	179	180	181	182	183	184	185	186	187	188	189	190	191	192	193	194	195	196	197	198	199	200	201	202	203	204	205	206	207	208	209	210	211	212	213	214	215	216	217	218	219	220	221	222	223	224	225	226	227	228	229	230	231	232	233	234	235	236	237	238	239	240	241	242	243	244	245	246	247	248	249	250	251	252	253	254	255	256	257	258	259	260	261	262	263	264	265	266	267	268	269	270	271	272	273	274	275	276	277	278	279	280	281	282	283	284	285	286	287	288	289	290	291	292	293	294	295	296	297	298	299	300	301	302	303	304	305	306	307	308	309	310	311	312	313	314	315	316	317	318	319	320	321	322	323	324	325	326	327	328	329	330	331	332	333	334	335	336	337	338	339	340	341	342	343	344	345	346	347	348	349	350	351	352	353	354	355	356	357	358	359	360	361	362	363	364	365	366	367	368	369	370	371	372	373	374	375	376	377	378	379	380	381	382	383	384	385	386	387	388	389	390	391	392	393	394	395	396	397	398	399	400	401	402	403	404	405	406	407	408	409	410	411	412	413	414	415	416	417	418	419	420	421	422	423	424	425	426	427	428	429	430	431	432	433	434	435	436	437	438	439	440	441	442	443	444	445	446	447	448	449	450	451	452	453	454	455	456	457	458	459	460	461	462	463	464	465	466
---	---	---	---	---	---	---	---	---	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----

著由伊犁將軍烏里雅蘇台參贊大臣科布多參贊幫辦大臣著由烏里雅蘇台將軍遵照新章一律辦理其前此告病之固慶奎棟海樸烏勒欣泰保恆各員難保無虛捏規避等情並著該將軍等嚴密訪查據實參奏自此大嚴定處分之後儻再有捏飾瞻徇等弊定必嚴懲不貸至該將軍都統等遇有告病准其自行陳奏惟各有鎮守地方統率羣僚之責尤當正身率屬恪共厥職亦不得藉詞

患病率請開缺。儻敢意存避就。經朕察出。亦必加以懲處。藉儆效尤。其各懍之。○諭軍機大臣等。據崇恩奏。東省停泊米船現已全數開行。請飭驗米大臣等收兌等語。本年海運停泊東省船隻。據稱已於七月杪及本月初間全數開行北上。計日可到天津。此項米石已據全慶等奏明照厯屆成案。責成天津道驗收剝運。著恆福、飛飭守口員弁認真巡查。一俟米船到津。即照全慶等原奏。責成天津道查照崇恩咨報船號米數。儘數收兌。毋令商吏等隱匿偷漏。致滋弊端。其應否截卸北倉。抑仍可運通之處。並著悉心妥籌辦理。將此諭令知之。○又諭崇恩奏。匪徒更名充勇。沿途滋事。搶斬殆盡。請飭皖營嚴密查辦。一摺。據稱本年七月初旬。有五品軍功畢汝霖。經勝保派令帶同蘭山縣人洪潮赴山東招募壯勇一千名。沂屬滋事匪徒因兵役撥拏緊急。俱更名投往充勇。先募得于洛等三百

餘名。由水路前進。詎行至嶧縣韓莊。洪潮即率眾沿途搶掠。折回蘭山所轄之橫山地方。又復恣意訛搶。拒捕傷人。經蘭山縣知縣與護曹州鎮郝上庠督兵追襲。先後斬擒二百餘名。惟首犯洪潮等尚未弋獲。請飭大營查拏懲辦等語。軍營募勇原以濟兵力之不足。似此更名冒勇。沿途滋事。致衛民者轉以害民。尚復成何事體。雖斬擒過半。逸匪已屬無多。而洪潮即幅匪洪澱。為積年著名兇渠。于洛亦係匪首。與各夥犯俱未弋獲。難保不糾眾仍往南省充勇。為患曷可勝言。著勝保嚴密查拏。如有此等匪徒。前往大營充勇。或冒勇沿途擾害。立即按名拏獲。即行正法。並飭帶兵各員一體訪拏究辦。毋令漏網。至存營勇丁固不能紛紛查辦。致生反側。亦當隨時約束隄防。毋使出而擄掠。將此由五百里諭令知之。○又諭瑛、榮、蘭保奏。堵剿亳州竄匪。獲勝相機迎剿一摺。此次擒匪分路出竄。

窺伺亳州經關保督兵堵剿攻破賊圩燒毀賊莊兇鋒已挫永城之賊亦由黃良楷迭次截回乃逆捻劉狗等聚集藍黑旗賊眾由間道北趨分股欲走鹿邑其永城邊境及百善站等處均有匪蹤並聲言赴東省築圩盤踞捻匪意圖北竄亟應設法截剿關保現已折回鹿邑著即確探北路賊情分投迎剿斷不可令其肆意蔓延況孫葵心等由宿西永東分路北趨賊勢狡猾尤應與傅振邦黃良楷等兵勇會合勦擊關保即飭所派參將承惠等馳往協剿以遏北竄並嚴扼鹿邑偵賊所向迎頭堵截毋稍延誤本日據崇恩奏勝保派員赴山東招募壯勇匪徒洪潮于洛等更名充募行至韓莊沿途搶掠經兵勇圍捕膽敢放槍拒敵現已斬擒二百餘名逸犯無多惟首犯未獲等語匪徒冒名充勇為害甚鉅除已諭勝保查拏外豫省軍營如有壯勇投效務當查明籍貫來歷毋令此等匪徒冒名

湮迹其現在之勇投營已久不便再行查辦致令猜疑亦應嚴加約束不可稍涉大意將此由六百里諭令知之○又諭給事中方濬頤奏甯國軍需緊要請仿照成案撥鹽濟餉等語安徽甯國府逼近江甯毗連浙江杭州湖州兩府係江浙兩省門戶現在甯防緊要需餉孔殷自應寬為籌備以資接濟該給事中所稱援照周天爵曾國藩辦過成案擬酌派浙鹽十萬引由官督商運往江西銷售一切應完淮浙課稅正雜等款悉照曾國藩定數徵收辦理有無窒礙之處著胡興仁體察情形迅速妥議具奏原摺著鈔給閱看將此諭令知之○命大學士桂良毋庸進內大臣班○己未遣官祭賢良祠○頒山東單縣城隍廟御書扁額曰保惠曹南○諭內閣禮部奏江西官卷擬請比照江南加倍取中一摺本年江西鄉試係兩科歸併舉行本省官卷著即照

江南官卷加倍取中。以歸畫一。其捐輸推廣之額均歸民卷取中。不得加入官卷。嗣後兩科併舉省分均照此辦理。另片奏駐防繙譯鄉試兩科歸併可否援照官卷加倍取中等語。嗣後凡兩科併舉省分繙譯中額准其援照官卷加倍取中。○諭軍機大臣等何桂清奏夷務撫局未定恐明年攔劫海運現先籌米四五十萬石運津等語。上海喫拂二夷尚未就撫。知我明年必辦海運。恐陰謀攔阻。劫

掠以圖報復。甚為可慮。經何桂清等督同藩司王有齡等先事籌畫。乘海運沙船販貨北上之便。密飭上海紳商等令該商船墊貲販運出該夷之不意。先行起運四五十萬石。以十萬石為一批。從中秋後起至十一月陸續放洋。僅有年內不能交兌之米。暫泊天津海口俟春融進口交兌。該督等已派紳董持蘇松太道公文坐頭批米船赴天津道衙門投遞。本日特派陳孚恩赴天津。督同坐糧廳查

驗收兌。此係豫防夷人挾制起見。著僧格林沁恆福於米船到口時督飭員弁盤查明白。即放進口。並著恆福多備船隻。儘數起剝。一經兌收即照例免稅放行。嚴禁需索等弊。俾該船商迅速反棹。不致守凍為要。儻蘇省委員尚未到津。而米船先到。即著責成天津道先行查驗收兌。勿得稽延。將此諭令知之。○又諭何桂清奏咪酋請照新章完納船鈔。即在潮州臺灣先行開市一摺。咪酋華若翰回

至上海。將在京照會飾詞狡賴。並約該督前往上海會商。先照新章完納船鈔。並在潮州臺灣二口先行互市等語。各口通商須俟喫拂條約議定後再開新章。桂良等照會該酋聲敘明晰。今華若翰欲在潮州臺灣先行互市。若一經允許。必至得步進步。何桂清現已備文照覆。俟其覆到。如必欲與該督一見。自可往崑山一帶與該酋會晤。所請完納船鈔一節似尚可允。至潮州臺灣本在五口之外。

必須俟喫辦兩國定局後方能辦理斷不准其先行互市如華若翰藉此為喫辦作說客該督仍遵前旨不可先向其關說以致迹涉求和如該夷誠心悔悟自來乞請再為迎機善導操縱之機全在該督臨時酌辦至上海各國通商以茶葉為大宗現在喫辦聲言赴津報復不肯就我範圍必須設法鈐制為釜底抽薪之計著何桂清密飭上海道將運茶各商向與何國交易先行查明如明年該夷阻撓海運即可禁止茶葉出口儻他國夷商不願即告以因係喫夷與中國為難未便與別國互易致令影射如此辦理他國或恐罷市歸怨喫夷因而易於轉圜亦未可知但此係將來辦法何桂清慎勿宣露將此由六百里密諭知之○又諭本日據何桂清等奏仿照招商販運成案由商墊辦採買米石先由海運沙船起運四五十萬石以十萬石為一批從中秋後起至十一月陸續放洋等語此

次運津米石係該商等先行墊貲辦理亟欲運豆回南著派陳孚恩前往天津認真查驗隨到隨收並嚴禁需索勒抑等弊俾該船商迅速反棹不致在北守凍所有隨同驗米之倉場坐糧廳著該尚書酌量帶往妥為辦理將此諭令知之○以禮部尚書朱樽兼署兵部尚書准發遣已革員外郎陳景彥學習郎中謝森燁候選通判潘敦儼翰林院庶吉士潘祖同贖罪○改鑄河南閩鄉縣知縣印信從巡撫瑛榮請也○庚申

世宗憲皇帝忌辰遣官祭

泰陵諭軍機大臣等羅惇衍等奏各屬捐輸銀兩撥歸官局此後團練經費擬民捐民辦等語廣東各屬捐輸前據羅惇衍等奏請撥歸官局作為西北兩江軍餉茲復據該侍郎等奏稱前後各屬捐輸銀四十餘萬兩撥歸官局催收陸續祇收得銀十餘萬兩現仍選派紳士將已捐者刻期催繳未捐者認真敦

勸等情。此項捐輸銀兩。既已撥歸官局。應由勞崇光督飭辦理。其已收之十餘萬兩。作何開支。有無浮冒。未收之二十餘萬兩。亦當設法催繳收齊。後如何支用。即著勞崇光查明具奏。至團練經費。既據羅惇衍等請歸民捐民辦。及設立巡船收取絲費。將來應否仍行請獎。並未聲明。著勞崇光知照該侍郎等。分晰覆奏。妥為經理。勿拂輿情。將此由五百里諭令知之。○幫辦軍務雲南提督傅振邦奏。

截擊北竄各匪獲勝。並親赴固鎮扼要堵剿。得旨。此時勦賊機宜。總以嚴扼北犯為要。既有潁阜之賊赴淮之信。尤防其劫我空營。著速調苗沛霖緊躡其後。以成夾擊之勢。可期得手。○以皖南軍營勦賊出力。賞遊擊楊玉成巴圖魯名號。知府楊沂孫直隸州知州朱德芬同知蔣嘉楨。知州徐傳善。都司何占魁。江國林。守備譚裕高等。花翎同知張延謙等。藍翎餘加銜升敘有差。○以安徽婺源解圍。

出力擢同知彭定瀾。以知府用。○予河南陣亡把總王雲章。祭葬世職。文童王雲峯。賞卹如例。○辛酉諭內閣吏部等衙門。奏遵議各員處分一摺。降調湖南布政使潘鐸。失察伊子潘敦儼。科場遞送關節條子。著照部議降一級調用。其審結遲延之怡親王載垣。鄭親王端華。兵部尚書全慶。陳孚恩。俱著照議。罰俸一年。以上各員降調罰俸處分。均准其抵銷。諭軍機大臣等。曹澍鍾奏。請飭催川省。

欠解餉銀等語。四川應解廣西餉銀。除撥解外。尚欠解銀十四萬五千兩。現在廣西大股逆匪竄撲桂林。勢甚危急。非重兵無以埽除。餉需刻不容緩。著有鳳。即將欠解該省銀十四萬五千兩。迅速解赴廣西。毋得稍有遲延。致誤要需。其楚省紳商在川捐輸銀兩。前據王慶雲奏。勻撥廣西應用。此項續收有款。亦即酌撥解往。將此由五百里諭令知之。○又諭駱秉章奏。逆賊竊盛南竄楚境。漸次肅清。

現在籌畫援勦情形一摺江西等省逆匪同時竄擾湘中。眾至數十餘萬。經駱秉章督派將士分投擊勦。數月之間。業已漸就肅清。辦理尚為迅速。其竄粵之賊。現據曹澍鍾馳奏。該匪竄至平樂府城。經官軍擊敗。後復全股進逼省城。勢甚危急。駱秉章既派劉長佑。蕭啟江兩軍往援。著即催令迅速前進。與粵省各軍力籌會勦。至該撫揣度賊情。以今雖竄入粵西。未必久踞。或由柳州北境融縣懷遠

一帶以入黔。仍還其竄蜀本謀。或由廣西湖南邊界竄廣東。以回竄江西。所慮皆能確中賊情。著即留田興恕一軍。探明逆賊果有入黔消息。即調由武岡至綏甯靖州一路。力圖截扼。其李續宜所統湘勇。並前調馬隊。均著仍回湖北。以資防勦。餘如道州等處。應行嚴防。各要隘。並著察看賊蹤。隨時派撥兵勇前往堵截。以阻其紛竄。江西廣東等省。該撫統籌大局。無分畛域。總期迅掃賊氛。毋令滋蔓。

其本境零匪。仍著嚴飭地方文武。悉數殲除。無留餘孽。將此由六百里諭令知之。○又諭曹澍鍾奏擊敗湖南永明股匪。並大股圍逼省城。現籌戰守情形一摺。逆匪自湖南敗竄。因官軍各路追擊。無可藏身。直撲廣西省城。經曹澍鍾激勵將士。力挫兇鋒。該匪業已疊受懲創。不難迅解城圍。本日復據駱秉章奏。派令劉長佑。蕭啟江。帶兵赴廣西會勦。該撫即可飛催該道等。並所咨廣東之兵。與蔣益澧會合夾擊。毋任滋蔓。儻該逆經官軍擊敗。後竄往他處。仍著蔣益澧等實力追勦。一面飛咨鄰省。迎頭截擊。總期盡殲醜類。不至竄往四川江西等省滋擾。是為至要。其平樂勦賊文武員弁兵勇。著照所請。俟該省肅清後。准其彙案保奏。將此由六百里諭令知之。○湖南巡撫駱秉章奏南路防勦竄匪。並永明縣知縣唐淳燦。江華縣知縣林周培失守。縣城旋即克復情形。得旨。唐淳燦林周培著查

明參辦不准稍涉遷就以齊團調勇為名○廣西巡撫曹澍鍾奏遵查藩司蔣益澧數月以來深自惕勵不敢再存玩泄得旨將來省垣解嚴該藩司如果始終出力仍准覈實保奏以湖南官軍援勦江西出力擢副將李明惠以總兵用賞都司王順慶守備歐陽繼盛等花翎把總陳希常等藍翎餘加銜升敘有差○以湖南寶慶勦賊出力賞道員江忠義巴圖魯名號遊擊于高勝知縣楊安臣花

翎文童李光燦藍翎餘加銜升擢有差子陣亡千總左策一祭葬世職如守備例把總張貴先主必貴戴正和蔣連陞祭葬世職如千總例壬戌諭內閣上年順天科場一案失察子弟遞送關節條子之尚書陳孚恩等應得處分均經吏部照例議以降一級調用並聲明公罪例准抵銷業已先後照議允准朕思科場定例向多從嚴其失察子弟當緣犯法與尋常失察處分亦當有所區別一概議

以公罪似未允協嗣後官員凡遇子弟有於科場夤緣納賄交通關節失於覺察者俱著降一級調用照私罪例不准抵銷並著將此次諭旨纂入則例永遠遵行又諭華豐等奏趙光覆試各省武舉次日始行赴圍並趙光奏因誤赴公所未及赴圍自請議處一摺趙光著交部議處○又諭前因會議軍器王大臣奏郎中陳景和等願為伊兄已革員外郎陳景彥等捐銀贖罪當經降旨允准茲據

軍機處

上

御史陳慶松奏稱大員子弟贖罪太驟請將捐項存庫該革員等仍發戍所數年後再由該處將軍奏請釋回等語刑部定例本有贖罪一條無非本古人金作贖刑之義以施法外之仁郎中陳景和等為伊兄陳景彥等贖罪經該王大臣奏聞後朕嚴其情節於納贖之例尚不相悖特降諭旨准行並非以陳景彥等係屬大員子弟恩施格外該御史以為贖罪太驟請仍發往戍所於朕研究例意權

衡至當之處。未能深悉。且請將所捐銀兩。先行存庫。俟該革員等遣戍數年以後。再行酌量釋回。亦斷無此政體。所奏者。毋庸議。○諭軍機大臣等。勝保奏擊退沿淮東竄賊匪。並約會傅振邦合兵截剿一摺。勝保現在督兵沿淮西進。力擣懷遠。而懷捻糾合粵逆大股。已繞出三鋪以東。意欲直趨蘆塘口過河。抄越張溝徑犯五河大營後路。雖經水師截擊獲勝。而大股尚踞沿淮一帶。其勢甚熾。勝保

書奏

上

派令黃得魁將三鋪攻懷之軍。移剿蘆塘。以遏東北竄突之路。並調回明光馬隊赴淮北。令滕家勝嚴扼張溝。知府秦榮等進攻臨淮。以擣賊後。布置均尚周妥。惟賊鋒尚未大挫。難保不復思竄突。傳振邦經勝保咨催赴援。所派之兵。已馳至固鎮九灣一帶。該提督亦已行抵固鎮。相距止百餘里。著勝保即與訂期會晤。將一切攻剿機宜。從長商榷。何路賊勢喫緊。即由何路扼剿。總當通籌全局。力挫

賊鋒。不可使賊由西路乘機北竄。方為妥善。至該大臣與翁同書分餉一節。疊經諭令均勻分撥接濟。不得偏枯。本日據翁同書奏。山東餉銀二萬兩。行至徐州。為勝保截留。前撥餉銀四萬二千兩。止收一萬七千兩。其續解二萬兩。復經勝保提回。請飭將山東協餉。照舊撥解壽州軍營等語。勝保與翁同書同辦一事。即宜同顧大局。固不可存畛域之心。尤不可有計較之見。務當仍遵前旨。酌量勻撥。

翁同書軍營。俾資接濟。而振飢軍。將此由六百里各諭令知之。○又諭翁同書奏請飭勝保協濟餉銀等語。據稱前准山東協撥餉銀。經勝保中途截留。而勝保奏明撥解之款。又復追回。該撫現已函商勝保勻給。並請飭將山東每月協餉銀二萬兩。仍令遵旨撥解。本日已有旨諭。知勝保酌量協撥。並令該大臣隨時接濟該撫軍營。毋任缺乏。至各省應解餉銀。雖經歷次批准。但仍當彼此均勻分撥。

互相接濟不得稍存意見有礙大局現在合攻壽州之賊既經擊退該撫仍當督飭弁兵加意防守其六安一帶並著一體嚴防勿任竄逸本日據勝保奏明光情形緊急張得勝一軍恐不能即攻定遠懷遠大股賊匪併力東撲勝保已約會傅振邦合力截擊翁同書即當督催黃開榜等礮船迅速前進並飛飭苗沛霖等調齊團練相機夾擊是為至要淮南賊氛甚熾該撫身膺重寄責無旁貸務當

欽此

下

與勝保等和衷商辦以期迅殲醜類不得因分撥餉需意存畛域致誤事機自貽咎戾懷之慎之將此由六百里諭令知之○又諭特普欽奏接奉廷寄懇恩陞見等語黑龍江地方緊要特普欽著即赴署任無庸來京陞見俄酋伊格那提業幅在京疊次投遞照會欲定分界請派員履勘並詭言在黑龍江吉林等處未見中國官員經軍機大臣等以中國與俄國交界總以康熙年間所定界址為憑

無可改易所云會同履勘京中無由懸揣定擬其閩吞屯奇咭地方業許借與居住自無更改俄國入海船隻會許其由黑河口順松花江往東行走入海亦不致再行攔阻餘如烏蘇里綏芬河等處與俄國並不毗連無論在京在外商辦斷不容該夷前往無所用其查辦等語開誠曉諭而該酋昨遞照會尚復嘵嘵並稱木哩斐岳幅阿穆爾斯啟於九月二十日前後必到黑龍江之尼迺拉耶福斯

實錄卷一百一十五

下

克布拉郭微是成斯克二城吉林黑龍江將軍如須與木哩斐岳幅會商邊界應豫咨住布拉郭微是成斯克城之固畢爾那托爾使伊知悉以便候商等語夷情詭譎異常凡都中照覆之語諒伊格那提業幅無不於木哩斐岳幅處知照木酋此時赴黑龍江必以會商履勘為詞且恐捏稱於閩吞屯奇咭之外京中別有允許特普欽於行抵黑龍江後即先行派委妥員守候以免該夷再以不見中

國官員藉口。如與木酋會晤。即著照京中曉諭各節。委曲開導。以兩國分界。總以堅守康熙年間和約為定。闊吞屯奇咭兩處。既許該夷借住。該夷入海船隻。既允其由黑河口順松花江往東行走。決無翻悔。如欲查勘地界。惟有已經借給之闊吞屯奇咭。可與派員會勘。此外如烏蘇里綏芬等處。本非該夷應到之地。無可查勘。亦斷不可應許。務將派往人船速行撤回。以敦和好。該酋情形恣肆。未必

即俯首無辭。然要皆虛憍之氣。亦未必遽敢生事。特普欽一面密加防範。一面據理曉諭。以期折服其心。斷不得因該酋意氣囂張。遽為挫折。再蹈奕山覆轍。該酋如以前在黑龍江所立和約為詞。並告以奕山因辦事糊塗。業已斥革。該署將軍萬不敢再有遷就。致干嚴譴。以絕其要求妄念。至該夷人船。蔓延烏蘇里等處。其未來者。應如何嚴行堵截。已至者。應如何設法驅逐。即著景瀉特普欽。安速

會商。相機辦理。務使該夷不至再有滋蔓。亦不致自我開釁。方為妥善。該夷在各處建蓋房屋等事。始自何年。並遵照前旨。查明具奏。昨伊酋照會內。並有松花江口。於道光三十年。伊國曾建礮臺之語。雖所言未必皆實。亦可見歷任各將軍。於邊疆重務。未肯認真。諸多掩飾。景瀉等身膺重寄。值此疆事孔棘。務須悉心經理。以禦外侮。不得再蹈從前玩愒積習。致負委任。將此由五百里各諭令知之。

以直隸天津海防出力。升任巡撫文煜。下部優敘。賞四品京堂國瑞。四品頂帶李湘荅。編修郭嵩燾。佐領紀文光。道員鮑桂生。知府曹大綬。同知博多宏。武花翎。知縣杜恩祿等。藍翎。餘加銜升敘有差。○以安徽擊斃擒首出力。擢委參領克蒙額。以副都統用。○以克復江南江浦浦口出力。賞副將阿克敦。巴圖魯名號。防禦永海。雙全。委參領科蒙額等。花翎。知縣張同洛等。藍翎。餘加銜升敘有差。○

癸亥諭內閣瑞麟成琦奏寄存通倉米石轉運完竣查驗運到中西兩倉氣頭廠底米色多係攪雜灰土蓆簾請飭查辦等語著倉場侍郎崇綸等查明此項米石因何攪和緣由將該倉花甲人等嚴行懲辦並飭令該監督等將攪雜米石從颺淨盡再行入倉其所短米石仍令照數賠補以除積弊而重倉儲○以直隸通州驗收漕糧出力戶部右侍郎劉崐下部議欽即中暹福等升欽有差○甲子

秋分夕

月於西郊遣睿親王仁壽恭代行禮○欽差大臣勝保奏接准河南撫臣瑛際會奏皖北情形摺彙實屬切中時勢並請添撥馬隊另派重臣督師南下得旨北路緊要雖有馬隊實難再撥若果遂汝之願萃集勁旅三千試問僅能復一懷城驅賊南竄抑即可廓清皖北即汝身歷行間亦難確有把握至汝摺中隱約其辭不知該撫等所請是否准駁並欲擇

人與共擇地而居豈能逃朕鑒耶○以克復廣東靈山縣城復暫革知府郭椿壽職予陣亡遊擊廖達章祭葬世職○乙丑諭內閣前因禮部奏上年順天鄉試科場舞弊案內應議監臨各員失察處分尚未允協當交惠親王等大學士軍機大臣會同禮部妥議具奏茲據惠親王等詳查例案悉心覈議開單呈覽此案程庭桂家人胡升攜帶關節入場該監臨等官未能查出自應分別議處除八月

初六日另有差使未到業已知照外場察院之按檢王大臣等及續派執事各員並前充提調另案革職之前任順天府府丞蔣達均著毋庸議處外所有戊午科順天鄉試監臨刑部右侍郎景廉降調順天府府尹梁同新均著降二級留任外簾監試之給事中志太清安顏培瑚御史寶麟那蘇泰謝增朱文江尹耕雲內簾監試之御史奎斌給事中現任順天府府丞毛昶熙均著降三級留任奎斌

及調充內簾監試之御史尹耕雲復失察主考家人向房官查卷並臨時抽換中卷著照例再降二級調用其貢院門搭檢審親王仁壽肅親王華豐定郡王溥煦內閣學士雙福吏部左侍郎文清兵部尚書陳孚恩刑部左侍郎齊承彥戶部尚書肅順前署副都統廣科雙祿副都統文壽恩醇穆隆阿繼善乾清門侍衛榮全西拉綏阿慶壽磚門搭檢豫親王義道莊親王奕仁前任大學士翁心存吏部尚書許乃普左副都御史富廉副都統存佑察杭阿巴雅爾綽克托前署副都統奎章富泰德鑑休致都統英隆乾清門侍衛克蒙額岳林貝勒溥莊專司稽察之都察院堂官刑部尚書瑞常外場巡察御史徵麟忻瀄魏睦庭給事中李培祐均著罰俸一年以上各員應得處分雖係公罪均不准其抵銷○又諭王明等奏拏獲搶劫盜犯正法一摺奉天等處地方盜風滋熾王明等飭令緝捕委員

會同旗民地方官先後拏獲盜犯閻順等五十四名均係糾夥執持槍械疊次搶劫拒捕傷人勒贖訛詐當經審明照例斬決梟示該委員等前後拏獲盜犯正法者已有一百餘名所辦尚屬認真所有緝捕出力及承審各員著有微勞均著准其分別酌保候朕施恩以示獎勵○諭軍機大臣等昨因俄酋照會內稱木哩斐岳幅等約於九月二十日前後到黑龍江以會商履勘為詞當將辦理機宜詳諭景瀆特普欽悉心經理並先派委員守候免致該夷以不見中國官員藉口諒該將軍等接奉後必欽遵辦理矣中國與俄國地界自康熙年間議定本極明晰上年木哩斐岳幅以防堵暎夷為名欲將黑龍江左岸讓於伊國彼時奕山為該夷虛聲恫喝率行換字實屬糊塗朕念中國與該國和好多年不值因此致啟釁端是以將黑龍江左岸地方及該夷已經占踞之闊吞屯奇哈等處允其

借住。乃該夷得步進步。並欲占據吉林之綏芬烏蘇里等處。屢請派員會勘。其貪求無厭之心。若不嚴行拒絕。尚復何所底止。此次木哩斐岳幅等前至吉林黑龍江。與景瀉特普欽會晤時。務當詳細開導。告以綏芬烏蘇里等處係屬吉林地方。並不與該國毗連。前奕山與吉拉明阿辦理不善。大皇帝業經分別懲辦。此事斷難准行。其闊吞屯奇咭地方。既借與俄國人居住。並准入海船隻由黑河口

順松花江往東入海行走。自無更改。如該夷欲會勘地界。該將軍等即將奇咭闊吞屯。現在借給該夷居住之處。立定四至里數交界。此外不可任意侵占。亦不可多為允許。以免蔓延。該夷所請在三姓貿易之處。亦斷不准行。至黑龍江左岸空曠地方。前經奕山許給。該夷本屬失計。特普欽亦當向其言明。現在該夷占踞之處。劃清界限。立定四至。不得將左岸空曠地方全行許給。該夷如不允從。該

署將軍務當竭盡心力。設法開導。如能挽回幾分。庶左岸得有幾分。免其騷擾。方不至蹈奕山故轍。諒該署將軍必能斟酌辦理。所有在京給與該夷照會五件。並續給照會一件。均著鈔給閱看。將此由五百里各諭令知之。

江西巡撫著齡奏。前保賞戴花翎知縣馬修良。經吏部議駁。查該員係保舉候補同知直隸州。似應用五品頂帶。請仍賞花翎。得旨。所請仍不准行。該員係即補同知直隸州。即牽強換項。亦與定制不符。又奏。江西用兵七載。庫款支絀。請每月籌銀二萬四千兩。解赴湖南。不能足部撥二十萬兩之數。批著戶部一併查議具奏。全境肅清。餉糈轉多於前。必致前後轆轤。難免蒙混開銷。況通省客兵甚少。本省之兵。量移汛守。即思多多冒銷。實際沾於兵者未見也。即由部中為之畫界分期。務令迅速造報。以期覈實。○以鑲白旗滿洲副都統載岱署正紅旗漢軍副都統。○以江

西臨江府屬辦團出力賞從九品楊亦芝藍翎州同銜陳大猷等升敘有差○予江西吉安府殉難府照磨錢錫恩祭葬世職○丙寅諭內閣朱鳳標著賞給翰林院侍讀學士銜仍在上書房行走授醇郡王奕誼讀鍾啟峒差竣回京著仍照料悖郡王奕誼讀書○又諭工部奏改折工程錢糧不敷辦理暫行酌量變通一摺工部料估所辦理在京一切大小工程上年八月間曾經該部奏請以官號錢票四千抵放實銀一兩原為搏節錢糧起見茲據奏稱自改折以後銀價日漸加增物價益加騰貴所有估准興修之處商人力難承辦不得不暫為變通著照所請除

壇

廟各等工暨典禮攸關之件仍照上年分別奏定章程辦理其非目前緊要之工一概停修此外擇其尤為緊要之工不在上年單開以內者准其仍按銀鈔各半發給毋庸抵放錢

票俟銀價漸平再照上年奏定章程辦理著該堂官督率承辦司員認真稽覈並於具奏時隨摺聲明毋得藉端蒙混○諭軍機大臣等本日據袁甲三庚長奏逆匪撲擾張家溝營盤勢將下竄現在布置情形一摺懷遠逆捻勾結西路股匪沿滄東竄現踞五泗交界之九灣一帶撲擾張家溝營盤勢甚猖獗並有分兩股繞越五河後路至清淮聚齊之說袁甲三等現雖飭各處兵勇節節堵剿而所部並無馬隊恐難制勝德楞額駐劄韓莊礙難遠擊致東境空虛本日已諭令該副都統探明賊蹤如逼近東境即行迎頭截擊不可遠追以防後路矣勝保現在駐劄五河兵力較厚此時逆捻如繞越五河直犯清淮著責成該大臣實力堵剿勿任東竄儻該大臣既不能進攻懷遠又不能顧盱眙將壩以保清淮谷將誰諉朕惟有執法嚴懲豈能任其粉飾趨避歸過他人至留防盱眙兵勇袁甲三

等既請仍歸勝保調度者如所請。勝保所調安勇馬隊二百名已據該大臣奏稱撥回蔣壩袁甲三不得以所部並無馬隊為詞。所有西路各要隘及高寶湖等處撥兵防守之處均著袁甲三、庚長督飭吳棠、張金榜等實力嚴防。毋令該匪紛竄。將此由六百里各諭令知之。又諭袁甲三等奏逆捻勢欲下竄現籌布置防禦情形一摺。該署漕督等以懷遠逆捻勾結西路股匪沿滄東竄現踞五河泗州交界之九灣一帶聚眾數萬直撲張家溝接據各路探報均有東犯清淮併力下竄之語請飭德楞額帶全部馬隊馳赴宿遷縣屬之洋河等處會剿自為先事豫防起見惟該副都統所劄韓莊地方係北路要區自當力保東境門戶不可徑行出境越剿致該逆乘虛北竄抄襲我後為患更大至駐劄處所距宿遷不遠德楞額總當俟該匪竄近東境方可提兵於山東江南交界之區迎頭攔擊仍

須兼顧後路不可出境遠追致令繞越前諭令抽撥馬隊五百名赴勝保軍營當已啟程其由津防調往之綏遠城馬隊五百名不日趕到即可補足原額以備衝擊該副都統務當妥籌防剿勿稍疏虞將此由六百里諭令知之

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百九十二

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百九十三

大興寺主簿上朝事餘加十三級記錄十四次。主書積善本總管官廳直攝官太子太保文淵閣直學士武英殿總管兼督書七體八闕
大興寺主簿上朝事餘加十三級記錄十六次。主用祖塔監官太子少傅管理內膳書序官將對引大臣軍機大臣
御製詩詞題跋以外尚書管理三庫事務加四級隨帶加五級記錄十二次。主寶善堂總管官照應撫官弘德殿纂修清文指述上書房總管
建國史院總管官正監丞兼掌司都察院禮部尚書管理文書中鴻臚寺事務加二級累功加四級隨帶加八級記錄五次。主修竹樓右奉奉

教修

咸豐九年己未九月丁卯朔諭內閣福濟奏

番族投誠地方肅清並安插戶口善後章程
開單呈覽一摺甘肅野番連年滋事經該大
臣親督員弁出口查勘開誠布公殲厥渠魁
寬其脅從隨處覈定界址編查戶口妥為安
插統計八族共一千七百四十七戶男婦大
小一萬八千四百二十名口該番族感激歡
呼交出認賠牲畜及被搶牛馬羊各物呈出
承保十事及分守要隘各甘結地方得以肅
清辦理尚屬妥速所有善後事宜即照奏定

章程十條妥為辦理嗣後每年巡查禁通事之句引防歇家之容留賞罰必明奉行必力均責成該管廳營妥為經理以期日久相安此次調撥兵勇所需經費俱係在事官紳捐辦著免其造冊報銷除捐貲人員照例請獎外其出力各員著福濟擇尤酌保數員毋許冒濫諭軍機大臣等寄諭吉林將軍景瀄黑龍江將軍特普欽據景瀄等奏夷官藉端投字要挾委員據理辦駁等語俄人徹卜勒幅由黑河口駛至三姓地方圖姦民婦被民人劉有毆傷斃命前經降旨令該副都統查明辦理並寄諭德勒克多爾濟備文知照俄國矣現據該夷呈遞清字二紙所有夷從屍物已交夷目普西諾查收由景瀄等咨黑龍江將軍轉飭行知夷目布色所請飭理藩院咨明薩納特衙門之處應俟結案後再由該衙門備文知照至此案民人劉有毆斃俄夷徹卜勒幅有無別情著即飭富尼揚阿候該

夷回文應否會同審訊之處隨機覈辦以免日後藉口將此由五百里各諭令知之○又諭昨因逆匪沿滄東竄恐其直犯清淮責成勝保實力堵剿本日據勝保奏明光已為賊踞力顧淮北勢難分身東顧並逆眾已撲近盱眙請飭袁甲三力固蔣壩各等語逆匪潛分大股竄至南路撲擾明光盱眙地方逼近清淮該逆由河稍橋前來圍逼官軍營盤勢已岌岌副將格洪額一軍能否支持尚未可

平定縣志

上

知勝保雖因中路五河為水陸要衝不能撒動仍應嚴飭格洪額張得勝等力保盱眙不可再有疏失德楞額所撥馬隊五百名一經趕到即相度緩急分撥前赴盱眙一帶協同攻剿勝保不得全數截留致有貽誤此時清淮防務最關緊要袁甲三所調艇船四十隻既能得力應否撥赴三河衡陽一帶扼截或抽撥若干駛赴洪湖與勝保所派礮船聯絡聲勢之處著袁甲三庚長就近妥為布置勝

保撥回馬隊二百名已徑赴蔣壩該署漕督等即督飭安勇實力防剿以遏賊衝將此由六百里各諭令知之○又諭本日勝保奏賊踞明光撲近盱眙請飭和春等迅攻浦六等處以分賊勢並據李世忠稟探逆首韋志俊由池州帶賊過江陳四眼狗糾眾攔阻於和州地界兩相殺戮並聞李秀成被洪逆鎖拏其手下賊眾亦幫同韋逆與陳逆所帶之賊仇殺機會大有可乘現在淮南賊氛猖獗昨

據袁甲三等奏已有欲犯清淮併力下竄之語加以盱眙喫重賊勢日肆蔓延勝保進剿淮北圖扼粵捻北竄之路其力不能他顧本日已諭勝保袁甲三等各籌扼截亦恐能堵而不能剿果能以江北各軍分擣浦六天長攻其所必救則盱眙等處之賊有所牽制不至直犯清淮且該逆內訌已成能迅攻金陵以擣其巢剿辦自易得手著和春張國樑等乘此機會督飭水陸將弁謀取金陵其浦六

天長圍攻已久。李若珠業已過江。著趕緊督催將弁實力攻勦。無論何處下手。若能速拔城池。即可稍分賊勢。俾勝保淮北一軍得以節節兜擊。方操勝算。將此由六百里諭令知之。以直隸天津海口防勦出力。賞二品頂帶。台吉崇格林沁頭品頂帶。護衛圖博特巴雅爾二品頂帶。阿勒坦桑三品頂帶。諾爾布葉喜花翎。以直隸辦理天津海防出力。賞直隸州知州袁修翰。俞炳千總。邱瑞祥花翎。

守備佟清元等藍翎。餘加銜開復升敘有差。以防守安徽明光不力。革湖北宜昌鎮總兵官張得勝職。仍留營勦賊。戊辰諭內閣。前據伊興額奏。參袁甲三營內委員有虛報勇數。冒銷錢糧。並款項無著及隨營委員過多等情。當經降旨。交勝保。翁同書查訊具奏。茲據奏稱。袁甲三交卸時。營內共馬步兵勇八千餘名。咨查傳振邦覆稱。如數接收。各營呈送花名清冊。並約遞開單數目。均符。營內

自設支應局。起收支各數。覈對簿冊。領狀亦相符合。其糧臺無著銀二萬兩一節。實因孫洪金曾有袁甲三任內積欠兵勇口糧銀二萬餘兩。尚無著落之言。伊興額誤會入奏。覈其收支數目。實無濫銷。營內委員開支鹽折者。僅二十二員。其餘均自備資斧投效。尚非虛糜等語。此案既經勝保等確切查明。所參各款均無其事。著毋庸議。副都統約遜。即著回京供職。知府銜東河即補同知趙佩蘭。總

辦行營支發糧餉。造冊稽遲。經勝保等提訊。仍復遷延日久。始行到案。殊屬延玩。著交部照例議處。諭軍機大臣等。袁甲三庚辰奏。盱眙失守。現籌堵勦。傳振邦奏。滄西情形緊急。並因舊疾。舉發懇請賞假調理。各等語。傳振邦著賞假一箇月。在營調理。淮河南北。捻粵交乘。勝保等身任堵勦之責。非各盡心力。四面兜勦。勢將不可收拾。盱眙失陷以後。袁甲三等派撥遊擊張金榜。道員吳棠會同安

勇等嚴防將壩其洪湖西北一帶業經調撥兵練分投防堵布置雖尚周密惟兵力較單所有淮河下游仍責成勝保派撥兵勇嚴行扼守既防該逆抄襲後路並可相機克復盱眙袁甲三庚長仍當悉心經理不得以布置已周稍涉懈弛德楞額扼劄韓莊以固東省門戶昨已諭令不得徑行出境該署督等所稱函商該副都統進劄清江之處著毋庸議其高澗礮位既因道梗未能運送勝保營中

即著仍留該處以資防守至捻逆東西紛竄飄忽無定無非欲乘隙北犯前據勝保奏稱懷遠為捻匪老巢惟速拔該城則匪勢自蹙所籌不為無見此時賊勢日熾勝保惟當就現有兵勇速攻懷遠務拔堅城其紛竄各匪應如何擇要堵禦勿令肆行滋擾之處並著隨時相機籌辦傳振邦雖經請假宿永一路係該提督專責儻該匪果行北竄仍著妥為調度令派出之總兵博崇武等分督馬步兵

勇迎頭截擊其總兵富新道員黃良楷兩軍並准該提督調遣此項兵勇雖多未經戰陣亦當時令出隊俾資練習以期悉成勁旅扼賊北竄總之皖事日棘急應合力兜圍以免蔓延他省該大臣等惟當和衷協力共濟時艱儻敢意存取巧互相譏卸以至貽誤事機恐不能當此重咎也將此由六百里各諭令知之○又諭前因俄國使臣伊格那提業幅有信函求轉送北塘交伊國公使木哩斐岳

幅查收當由軍機大臣咨交恆福收存茲據僧格林沁等奏稱木哩斐岳幅並無前來北塘消息可否將原信咨交軍機處發還等語所有伊格那提業幅原信著僧格林沁等咨送理藩院交回俄羅斯館將此諭令知之○以廣東勦賊出力復已革按察使張敬修職並花翎賞知府海廷琛都司卓興巴圖魯名號同知彭蘊煒何維林知州孫志鈞花翎外委李殿超等藍翎餘加銜升敘有差○以廣

東大埔縣城被賊竄陷。草知縣繆中孚守備。吳繼承職遊擊潘法元守備鄧歡保千總魏鳴剛把總劉帶香革職逮問。予廣東陣亡知府文晟祭葬世職。建立專祠。殉難眷屬一併附祀。州同陳炳謙。知縣劉蔭棠。李煌。巡檢張書紳。蔡始權。把總邱京榮。外委孔金等。祭葬世職。蠲緩廣西賀修仁。容。岑。溪。桂。平。貴。武。宣。橫。永。瀆。馬。平。雄。容。柳。城。懷。遠。來。賓。永。安。懷。集。平。南。宣。化。新。甯。龍。崇。善。左。養。利。永。康。甯。明。融。羅。城。象。賓。上。林。永。甯。永。福。平。樂。恭。城。荔。浦。昭。平。蒼。梧。滕。隆。安。宜。山。武。緣。遷。江。北。流。四。十三。廳。州。縣。並。忠。歸。德。果。化。遷。隆。萬。承。太。平。安。平。龍。英。田。白。山。興。隆。定。羅。那。馬。十。三。土。州。司。被。賊。村。莊。新。舊。額。賦。已。遣。官。祭。都。城。隍。之。神。諭。內。閣。黃。宗。漢。等。奏。股。匪。投。誠。懇。免。治。罪。一。摺。廣。東。陽。山。縣。屬。之。果。子。寨。等。處。自。咸。豐。四。五。年。股。匪。四。起。雖。經。官。紳。擊。散。尚。多。潛。伏。經。黃。宗。漢。等。宣。布。恩。旨。剴。切。曉。

諭。並。委。捐。升。參。將。孔。繼。堯。等。親。往。查。辦。該。股。首。李。幹。黃。相。奎。等。先。後。悔。罪。投。誠。並。請。立。功。自。贖。適。懷。集。匪。徒。圍。攻。陽。山。縣。城。孔。繼。堯。即。親。帶。黃。相。奎。等。七。百。名。馳。赴。援。剿。立。解。城。圍。李。幹。等。六。百。名。亦。經。廣。州。府。知。府。吳。昌。壽。帶。赴。韶。州。進。剿。樂。昌。踞。匪。屢。獲。勝。仗。現。將。大。灣。七。輩。各。老。巢。悉。數。蕩。平。尚。能。輸。誠。効。力。所。有。股。首。李。幹。等。三。十。名。並。夥。黨。五。千。九。百。七。十。二。名。均。著。免。其。治。罪。該。頭。目。等。果。能。奮。勉。立。功。再。行。據。實。請。獎。又。諭。勝。保。奏。請。將。移。防。皖。省。之。軍。仍。歸。江。北。糧。臺。給。發。餉。需。等。語。江。北。調。赴。蔣。壩。之。總。兵。安。勇。一。軍。前。經。諭。令。歸。署。漕。運。總。督。袁。甲。三。節。制。調。度。所。有。該。總。兵。軍。營。餉。需。著。和。春。袁。甲。三。飭。令。江。北。糧。臺。按。月。支。放。毋。致。延。誤。又。諭。勝。保。奏。沿。淮。西。剿。大。獲。勝。仗。並。東。路。官。軍。擊。退。盱。眈。賊。匪。一。摺。捻。粵。大。股。賊。匪。沿。淮。下。竄。經。勝。保。派。令。副。都。統。穆。騰。阿。等。分。三。路。迎。擊。賊。眾。敗。退。遂。由。東。

南進兵將沿途賊卡賊船盡行焚毀三鋪四鋪各賊圩亦悉攻破其東路另股賊匪於撲入明光後復竄踞盱眙守備余通海等統帶礮船駛至河稍橋將賊擊敗遂抵清水壩整隊進攻賊勢不支悉向東南遁去防盱各軍仍回原營扼守副將格洪額經勝保派防盱眙被匪闖入著摘去頂帶責令認真防剿○廣東按察使齡椿因病解任以廣東肇羅道伊霖為按察使○以克復廣東樂昌縣城予

知府段喆等賞敘有差○以廣東辦理招撫出力予捐升參將孔繼堯遇缺即補加副將銜○以廣東辦理軍務出力賞千總黃鏞方耀花翎巴圖魯名號以都司升用同知沙翊清花翎餘加銜獎敘有差○以安徽盱眙剿賊出力賞守備余通海花翎餘升敘有差○以浙江洋面被劫摘署溫州鎮總兵官葉炳忠王環營參將張清標頂帶○庚午諭內閣成琦奏朝審人犯覈其情節有應由緩改實

一摺浙江絞犯張汰聰謀殺胞弟張汰訓一案訊係因不服管教理曲犯尊而張汰訓並無干犯實據且張汰聰拔刀疊砍情形實屬慘忍又浙江絞犯呂瀾儀謀殺伊妻張氏一案訊係因偏索田契該犯起意將伊妻致死所稱出言咒詈亦屬該犯一面之詞所有該犯等情節應否由緩改實之處著三法司覆覈具奏務持情法之平悉心定擬毋許稍涉迴護又諭鑲白旗滿洲奏統兵大臣現丁

母憂應否回京穿孝一摺欽差大臣鑲黃旗蒙古都統勝保之母在京病故該大臣現在安徽督師正當喫緊之際未可暫離勝保著俟軍務完竣再行回京穿孝○諭軍機大臣等有人奏順天府屬文安縣惡棍王二貝子即王為之同子王松林等盜竊左格莊行宮樹石將樹木伐去一百餘株運家私造月門並與知縣交結因指官訛詐監生何澤清等不允赴縣誣控將該監生等責押囹圄該縣

潘履恆與惡棍狼狽為奸聲名狼籍請飭查辦以靖地方等語地方官串同惡棍魚肉良善殊可痛恨至王二貝子等膽敢將行宮樹石肆行偷去尤屬不法著張祥河董醇秉公查訪儘潘履恆實有與土棍往來及聲名狼籍等事即著據實嚴叅王二貝子等偷竊樹石並指官訛詐等事如果屬實並著嚴拏究辦以儆官邪而懲積蠹將此諭令知之○又諭御史徐啟文奏請嚴禁私銷私鑄以通錢

法一摺據稱京師現行之銅當十錢最為饒裕近日驟行短絀推原其故京中銅當十錢一文僅抵銅制錢二文若改鑄制錢可得三四文必有奸民牟利盜銷改鑄之弊至通州天津等處行用銅制錢每聞挑選大小厚薄如無私錢攬和何由妄生區別等語盜銷盜鑄本干法紀況私錢日多則官錢日少於民用大有關繫著順天府府尹直隸總督派委委員認真稽查如有前項不法之徒即行嚴

拏懲辦毋得任聽吏胥藉端騷擾以重錢法而利民生將此各諭令知之○又諭和潤奏現審盜案情節支離請飭查辦一摺據稱咸豐六年十月間盛京衙門咨送廣甯尉委官葉復威拏獲盜犯董東兒即董克信等一案據稱董克信同逸犯張汰在黑魚溝地方傷斃事主搶奪元寶銀二錠復於十二月間咨送委員豐恩恩科等拏獲盜犯董士仁等一案亦稱董士仁同孟煥在黑魚溝地方搶斃事主搶奪元寶銀二錠提審該犯等均恃無確實贓證堅不承認詳覈兩案情節似屬一事惟葉克信一案贓證俱無董士仁一案起獲並非原贓案內要證李瀾儀又未隨案送部節經指名飭緝該地方文武空文搪塞各等語此案失事地方並賊銀數目均屬相同是否廣甯界屬有兩處黑魚溝地名或一處地方適有兩次搶劫斃命略同之案如係一案某犯係屬正賊某犯係屬妄拏應傳原拏

之委員兵役辨明以憑審辦。且該尉縣於此等重案並不立時報明。迨日久獲犯之後始補行詳報。該旗界詳報尤遲。並勘驗日期亦有不符。難保非諱盜於先。掩飾於後。委員豐恩等前因獲盜出力。該將軍衙門何以不候刑部定案。遽行保奏。著王明倭仁按照所奏各情詳察確覈。據實具奏。固不可縱盜殃民。亦不可任聽委員妄竽冒功。務期無枉無縱。以弭盜賊而安良善。將此諭令知之。○以欽

差大臣鑲黃旗蒙古都統勝保母喪。賞銀四百兩。○辛未

上幸萬壽山。○諭內閣。何桂清等奏借闡鄉試。應需文職人員。請一併借委浙員一摺。本年江南鄉試借用浙江貢院。除內簾同考官。已由江蘇派往外。其應需文職執事人員。若概由江蘇派往。不但人數眾多。兼恐呼應不靈。著胡興仁即照浙省章程酌派各員一體辦理。以資熟手而免貽誤。○兩江總督何桂清

等奏陳滬商運米赴津。豫抵新漕章程。下部議。又批。今歲商運只可作為另案。明年仍應起解全漕。以實倉儲。○以重宴鹿鳴。賞致仕都察院左都御史沈岐尚書銜。

御書扁額曰賓筵人瑞。知州銜湖南新甯縣知縣宋翔鳳。知府銜。○壬申。諭內閣。昨因鑲白旗滿洲奏勝保之母在京病故。業經降旨。令勝保俟軍務完竣再行回京穿孝。並賞銀四百兩。交其家屬經理喪事。以示優眷。茲據勝

保奏稱家丁到營述知母病垂危。籲懇賞假一月回京省視。冀見伊母一面。即行旋營報效。情詞懇切。具見孝思。惟此時伊母業經病故。有伊弟廉保料理喪事。而勝保督師安徽。正當勦辦喫緊之際。未可暫離軍營。古人墨經從戎盡忠。即以盡孝。該大臣仍遵前旨。俟軍務完竣再行回京穿孝。該大臣惟當迅速圖功。肅清皖境。庶幾忠孝兩全。朕實有厚望焉。○諭軍機大臣等。樂斌奏邊餉待用孔急。

請飭陝西省迅將欠解銀兩籌撥等語。前因甘肅口內口外兵餉經費需用孔殷。當諭令曾望顏先行籌撥銀十數萬兩。茲據樂斌奏稱。僅報解銀四萬兩。邊疆重地。現在俸餉亟應支放。未便再事遲延。致有貽誤。著該撫仍遵前旨。迅速籌解銀十餘萬兩。趕緊於九十兩月內如數解甘。以資分撥。其餘銀一百三十餘萬兩。並著按月籌解銀五萬兩。俾得源源接濟。毋誤要需。將此由五百里諭令知之。

（癸酉諭內閣）裕瑞奏遵旨覆訊已革遊擊收寄伯克衣物一摺。此案已革遊擊張耀林受寄已革四品阿奇木伯克阿那雅特衣物。未即交還。訊係一時氣忿。尚非有心圖賴。茲經裕瑞審明。業將原物如數交清。張耀林著開復原官。惟該員到案時。不即供明。究屬不合。仍著交部議處。○又諭多慧等奏廳庫被竊銀兩。請將廳員撤任。勒限嚴緝一摺。哈密廳庫支發款項。經多慧等委員監放。查點銀

數失去一千二百九十餘兩。該廳員恆齡毫無知覺。非尋常疏忽可比。著先行撤任。勒限一箇月。將贓賊全行緝獲。如逾限無獲。即行從嚴參辦。此外該員有無經手未完款項。並著飭令接署之員覈算交代。分別辦理。○諭軍機大臣等。裕瑞奏回子應交額銅請折交錢文一摺。據稱葉爾羌庫庫雅爾桑珠二莊地方向係開設銅廠。令眾回子創宅交銅。將一切糧賦差徭豁免。庫庫雅爾莊每月交銅

一千二百斤。桑珠莊每月交銅五百零七斤。茲據該二莊伯克等呈稱。庫庫雅爾莊離宅銅地方路途遙遠。耽延時日。其桑珠莊柴水缺乏。輓運維艱。請將應交之銅。每斤交當五錢二百五十文。按月清款。覈計收銅鼓鑄。搭放兵餉。有贏無絀。懇請俞允等語。該回子等採宅銅廠。交納銅斤。歷有年所。今請折交錢文。以省宅運。似係體恤回民。但輕改舊章。其中恐有別情。日後有無流弊。著扎拉芬泰遴

委委員前往該城確切查明具奏將此諭令知之○又諭據裕瑞奏浩罕遣使遞稟復差額爾沁隨班進京當經詳為開導等語浩罕伯克差額爾沁阿布都剴里木進京朝貢經該叅贊大臣詳為開導本年各城伯克年班均已停止該額爾沁應免進京旋據呈稱懇將浩罕伯克誠心代奏現在暫寓回城候信該浩罕伯克遣使入覲呈進貢物誠悃可嘉既經開導令將貢物攜回儻該伯克來信應

平定回疆方略

卷九

允即毋庸議如必欲呈進貢物籲懇代奏自應准其納款所有原進貢物著即賞收由裕瑞代遞至京朕仍照例頒賞物件並給與敕書以獎其效順之忱用示懷柔遠人至意將此諭令知之○又諭都察院奏直隸開州廩生种世恩在該衙門呈訴赴京鄉試攜帶羅文並盤費報捐銀兩偕廩生馬鏡蓉等由籍啟程於七月初三日午間行至山東恩縣途次遇騎馬賊三人各持刀槍搶去銀兩衣物

該生等赴縣稟報署知縣殷嘉樹並不追究反將該生等考羅文書扣存勒令回家其賊匪自稱德州馮義訪係該州快頭等語恩縣係近畿通衢竟有騎馬賊白晝搶奪實屬目無法紀直隸廩生种世恩等失去銀物該署知縣殷嘉樹既不趕緊嚴緝賊賊復扣留羅文致該生不能應試情節尤屬可惡此等劣員縱盜殃民著文煜嚴叅懲辦並勒限緝拏賊盜以靖地方盜首馮義如係德州快役著

平定回疆方略

卷九

即密拏嚴辦毋令遠颺將此諭令知之○甲戌命浙江巡撫胡興仁來京調福建巡撫羅遵殿為浙江巡撫以福建布政使瑞璜為巡撫賞已革布政使張集馨三品頂帶署福建布政使○釋發遣已革直隸總督譚廷襄已革江蘇布政使雷以誠罪○乙亥諭內閣勝保奏擊退竄撲盱眙粵捻大股匪眾並陣斬著名逆首一摺八月二十五日賊撲盱眙經我兵擊退旋復撲至清水壩高家凹地方圍

裏營盤張得勝格洪額等分路鏖戰多時。斃賊無數。該逆蜂擁齊來。經水師迎頭轟擊。張得勝直前衝殺。旋用手槍擊中偽前軍主將吳如哮。斬獲首級。賊勢披靡。向南遁走。我軍追殺十餘里。此次粵捻糾約大股。復竄盱眙。經勝保督飭張得勝等。會同水師礮船。併力截勦。全數擊退。並陣斬著名逆首。殲厥渠魁。洵足以寒賊膽而快人心。著勝保等乘勝進攻。盡殲醜類。勿留餘孽。諭軍機大臣等。御

實錄卷一百九十三

三

史劉有銘奏。直隸沿海一帶。與山東毗連地方。白晝騎馬劫奪之案。層見疊出。自六年七月至九年八月。滄州靜海青縣獻縣南皮鹽山三河等縣村莊。搶劫贏馬銀兩衣服。約計已有十二案之多。曾經報出者。不過三五案。至今盜犯無一弋獲。推原其故。總由州縣規避處分。豫存諱盜之心。捕役逢迎把持。遇報盜之家。多方留難。因而強者託人關說。改盜為竊。弱者抑不令報。甚至因報盜案。捕役多

以他故中傷。事主莫敢誰何。遂致盜風日熾。等語。畿輔為根本重地。豈容不肖州縣養癰貽害。況該御史所聞。不過十之二三。此外盜案。地方官諱匿不辦者。諒必不少。著恆福即照所叅各案。嚴行查辦。將諱匿之州縣。從重懲處。其騎馬賊匪充斥橫行。著飭屬嚴拏。以安行旅。而靖閭閻。原摺著鈔給閱看。將此諭令知之。賞安徽軍營病故已革漕運總督楊殿邦道銜。予祭葬。卹廕如道員例。○丙子。

實錄卷一百九十四

三

諭內閣。前因浙江嘉興協副將林策勳駐劄福建。歸化勦匪。欠給兵勇口糧。輒離防所。代理汀州府知府雷瑞光。於應發餉糈。並不隨時籌措。以致貽誤。當經降旨。將該員等一併暫行革職。嗣經歸化紳民呈控。並署汀州府知府馬壽祺。稟訴林策勳有縱勇滋事。冒銷口糧等情。復經王懿德奏。叅將該副將革職。訊辦。茲據慶端等查明。林策勳並無短數。冒銷及縱勇滋擾情事。惟於所帶潮勇。迫索捐

戶不能嚴加約束實屬溺職業已革職病故
著毋庸議雷瑞光於林策勳赴郡請餉設法
那借藉資急需尚無坐視貽誤情事所有該
員革職處分著准其開復以知府留於福建
補用仍補繳捐復銀兩馬壽祺稟訴各情事
出有因且為慎重軍需起見並著免其置議
（諭軍機大臣等德勒克多爾濟等奏請將
從前咨行俄囉斯咨文現由該國署理固畢
爾那托爾撥回可否照和約換定文案由軍

實錄卷五十三

三

機大臣行文一摺覽奏殊堪詫異本年互相
換約原為海口通商而設此次俄囉斯人在
三姓地方滋生事端若照所換文約辦理何
可為據該大臣奏稱此件文案現由俄囉斯
撥回並無另行可通之路顯係居心推諉著
交德勒克多爾濟等仍須設法咨行該國設
該國再不接收即告知伊等爾國屢次遣人
來京咨送文件我國並無撥回且爾國之人
在三姓地方滋生事端自當查辦設若屢次

撥回不收是何情理如此曉諭該夷自當收
受矣

實錄卷五十三

三

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百九十三

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百九十四

六館學士徐日通起居官太子太師上書詹師傳文周國領閣事翰林院掌院學士稽察欽奉上諭事件及國史館修職官或英殿

大學士等以六部事務繁劇十三殿紀錄十四次臣實積案不曉茲官經延請言太子太保文淵閣領閣事武英殿總纂官欽定原著士體仁閣

人壽上在戶部三庫事務管理理部事務加二十三級紀錄十六次_日周祖塔鑄幣官太子少保管理內閣書庫事務對引大臣軍機大臣

儀載黃州郡統一部尚書管理三庫事務加四級隨帶加五級紀錄十二次日實榮總載官經謀官弘德殿教習清文精通上書各總核

建國史記通鑑序
正統以來京都號稱兩都
管理太常寺鴻臚寺再加二級
軍功加四級隨帶加八級紀錄
五次自徐什驤等奉

軟修

咸豐九年己未九月丁丑諭軍機大臣等本

1871

4

日據袁甲三等奏。大股逆匪撲擾三河。現籌竭力堵禦一摺。賊匪于退出盱眙後。竄至三河南岸。又向衛陽一帶搶船爭渡。雖經水陸各軍擊退。賊匪仍聚黎城金溝一帶。與清淮相距甚近。情形危急。現派都司穆恆德等。並遊擊德興管帶存城。及所部各兵。分赴衛陽及三河。並於三河以南。收集張得勝等潰敗兵勇。洪湖北面添調團練二千名扼守。將沿湖南岸船隻悉數調歸北岸。布置均尚周妥。

二九八

勝保駐軍五河與該處相距較近設使該夷抄出後路清淮偶有疏虞該大臣全軍亦必受困著卽嚴督張得勝等將屯撲三河之匪實力剿洗其孫葵心一股聲稱取道睢靈以撲清淮袁甲三等力難兼顧並著勝保就近撥兵迎擊毋令東竄袁甲三卽咨和春等攻剿天長以牽制賊勢著先就現有兵勇分投堵遏會合勝保之兵并力夾擊毋得稍有疏虞將此由六百里各諭令知之○又諭前因

白雲山

4

勝保翁同書兩處軍營需餉甚急。疊經諭令瑛、榮等籌款分撥接濟。茲據翁同書奏稱：「近接瑛、榮來函，知勝保會已專弁前赴河南，截留山西陝西協撥翁同書軍營餉銀四萬兩等語。軍營餉需必須均勻分撥，方免貽誤。前經勝保奏明將山陝月餉就近撥歸翁同書軍營。河南月餉兩營分撥。現在翁同書一營缺餉已久。潁州一帶道路梗阻，專賴山陝河南源源接濟。勝保何得將山陝協餉全行

截留著瑛。蔡接奉此旨。將山陝協餉應撥。翁同書軍營者。經過豫省時。不得截歸勝保軍營。以昭平允。而顧大局。其豫省應解餉銀。仍著均勻分撥。將此由五百里諭令知之。又諭曹澍鍾奏。大股逆匪圍逼省城。請飭催湖南援軍合力剿辦一摺。逆匪石達開。經湖南官軍痛剿後。敗竄廣西。沿途裹脅勾結。不下十餘萬人。圍撲省城。雖經內外文武紳團嚴密堵禦。疊次截剿。殲斃甚多。惟賊眾兵單。不

欽定大清會典事例

卷

數分布所調煉勇等軍。復因路途阻滯。一時未能趕到。駱秉章前派蕭啟江。劉長佑。兩軍赴援。現于興安靈川一帶。為賊所阻。節節攻堅。未能長驅直進。桂林情形。待援甚急。設有不虞。使該匪踞為巢穴。剿辦更難措手。著駱秉章飛催該二員。迅速繞道前進。或再添撥重兵接應。毋稍遷延。并著曹澍鍾。一面飛提楚軍。一面督率文武員弁。極力守禦。以待援師。毋稍鬆勁。劉長佑。蕭啟江等軍。俟入廣西

地界。即著統歸曹澍鍾調遣。以一事權。將此由六百里各諭令知之。幫辦軍務安徽巡撫翁同書奏。額上所屬南召集一帶。擒匪薙髮投誠。沙河以南。亦漸悔罪安業。得旨。俟投誠者無懷反側。頑梗者漸可洗心。然後將在事出力員弁。紳董。擇尤保奏數員。以昭激勸。以故成郡王載銳子鎮國將軍溥莊降襲貝勒。以直隸按察使清盛為山東布政使。降山東布政使吳廷棟為直隸按察使。以

欽定大清會典事例

四

湖南常德協副將文明為陝西延綏鎮總兵官。改鑄浙江嵊縣知縣印信。從巡撫胡興仁請也。緩徵廣東清遠英德廣甯德慶四會開建靈山七州縣被賊村莊新舊額賦。戊寅諭內閣。官人奏守備受傷痊癒。請留營當差等語。都司銜守備李登闢。前因礮傷左腕成廢。當降旨准其在籍食俸。茲據官文奏稱該員傷已平復。惟不能挽弓。至辦理營務乘騎接仗。並無妨礙。業經隨同李續宜在資

西等處打仗出力。李登闢著准其留於李續
宜軍營。隨同征剿。註銷在籍食俸原案。仍照
例按班補用。其不能挽弓緣由。並著註冊。
又諭毓泰等奏。兵米不敷支放。請照例撥價
採買一摺。熱河駐防官兵不敷米石。向由承
德府暨各屬領價採買。交倉搭放。本年冬季
應放餉米。不敷支發。著直隸總督籌款撥給
熱河道飭屬買補交倉。以供支放。毋誤兵糧。
諭軍機大臣等。本日降旨。授勞崇光為兩

廣東省城

本

廣總督者齡調任廣東巡撫。即赴新任。毋庸
來京。粵東自勞崇光入城任事以後。疊據奏
報。在城夷兵無多。民夷亦尚相安無事。惟天
津勝仗。勞崇光入城時。尚未知悉。以為和議
已成。故有入城之舉。現在英俄二國能否就
範。尚未可定。昨據何桂清奏。探聞俄夷前與
鄰國構兵。現已議和。撤回夷兵三十名。在香
港口聽候消息。雖未知果否確實。而夷情詭
譎。不可不防。前此柏貴在城。一舉一動。該夷

有人伺察。文報皆須拆看。辦事不能自主。彼
時尚有黃宗漢帶兵在外。遂為聲援。若督撫
同入省城。為該夷所困。設有變動。無從脫身。
何能辦理夷務。勞崇光既已入城。自未能無
端離省。致啟該夷疑惑。著者齡行抵廣東境
內。即派委親信妥員。先入省城。面見勞崇光。
密商或以堵剿西匪為名。帶印出省。或勞崇
光礙難抽身。即留者齡在外。調度防剿事宜。
相機密辦。不至受該夷挾制牢籠。是為至要。

廣東省城

本

至現在廣東省城。民夷是否相安。及夷人如
何舉動情形。並著者齡會同勞崇光詳細由
驛馳奏。以紓廛念。將此由五百里諭知者齡。
並傳旨密諭勞崇光知之。兩廣總督王慶
雲因病解任。以廣東巡撫勞崇光為兩廣總
督。調江西巡撫者齡為廣東巡撫。以江西布
政使惲光宸為巡撫。按察使毓科為布政使。
候補按察使張敬修為江西按察使。己卯
諭內閣。有人奏。廣西布政使蔣益澧貪鄙任

性債事殃民。自擊退平樂賊匪後。並不跟蹤追剿。轉赴荔波。致賊匪乘虛窺省。迨省城被圍。該藩司僅以疲病之兵千餘回援。本省錢糧及各省協濟餉需。均以養勇為名。諸多浮冒。遇有調發。則以賤值雇募充數。其隨營之賀縣團勇。擊賊得力。該藩司忌其立功。屏棄不用。坐擁厚貲。不發兵餉各等情。蔣益澧。湖南布衣。朕因其帶勇剿賊。素稱勇敢。不數年間。疊次加恩。擢任藩司。宜如何感激圖報。乃

近日志驕氣盈。舉措乖方。辜恩昧良。實出情理之外。本應從重懲辦。姑念其前此尚有戰功。著先行革去布政使。以道員降補。仍留廣西。交曹澍鍾差委。其侵吞兵餉。及遇賊退避各情節。並著該撫查明參奏。毋稍徇隱。○諭軍機大臣等。奕山。那敏德。奏勸捐軍械。請暫借庫款一摺。據稱黑龍江。自咸豐二年以來。雖兩次修造軍器。經出征官兵攜赴軍營。為數甚多。擬添造弓一千張。梅鉞箭五萬枝。長

矛六百桿。烏槍六百桿。以資應用。現已派員勸諭省城旗營屯站。以及鋪戶商民。捐貲造辦。惟添足尚須時日。擬豫指省城官兵欠項。咸豐七年秋季俸餉。借支銀五千兩。俟出放此項俸餉時。按照所借數目扣還。現已發給銀二千二百七十餘兩。所欠二千七百餘兩。俟有解到之款。再行補發。所議尚屬可行。著特旨欽。按照所奏。妥為辦理。並准其借動庫款。趕緊製造。事竣仍造冊報銷。以昭覈實。另

摺奏佐領額勒德慎。因病脫逃。尋覓無蹤等語。職官患病。何至乘夜脫逃。是否規避差使。或另有別情。著即通行各城。嚴密查拏。務獲革職審辦。毋任遠颺。將此諭令知之。○又諭。昨據曹澍鍾奏。賊匪圍逼桂林省城。請飭催湖南援軍合剿。業經諭令駱秉章。迅派蕭啟江等軍前往。並諭令曹澍鍾。固守以待援師。本日復據李載熙奏。楚匪竄粵。城圍方急。賊營自西南城外起。蔓延百餘里不絕。西南北

三面道路梗塞。丈報不通。東路恃扒船捍禦。而十數里外亦有賊蹤。柳州湘勇千餘。及另起志同軍。煥勇千餘。均為賊隔。此外別無可恃之兵。情形實屬非常危急。桂林一城。關繫全省大局。設令賊蹤闖入。勒辦更難措手。蕭啟江劉長佑兩軍。據稱已入粵境。而尚阻於興安靈川一帶。著駱秉章飛催該二員迅速設法。繞由間道前進。並添派重兵。竭力赴援。不致孤軍深入。方操勝算。勞崇光統轄兩粵。著派撥重兵。星馳援應。力解城圍。並須設法籌撥餉需。源源接濟。毋令缺乏。曹澍鍾身任封圻。責無旁貸。著一面飛提楚軍。一面督率文武員弁。竭力守禦。以待援軍。至蔣益澧所部兵勇。著交新任臬司劉長佑統帶。責令迅速勒賊。所有疲病各勇。即著劉長佑分別裁汰。以節經費。而肅戎行。將此由六百里各諭令知之。人諭景瀄。特普欽奏。會籌保護。漫山藉杜夷人侵越一摺。綏芬。烏蘇里等處山

場。向禁居民潛往。地方空曠。以致俄夷人船得以闖入。該將軍等奏稱。漫山開採。需費較繁。惟令攬頭招募人夫。前往保護。聽其自謀生計。該處地廣山深。伐木打牲。採茶捕魚。均可獲利。明春並可布種口糧。以資接濟。似此厚集人力。漸壯聲威。夷人當不俟驅逐而自退。等語。以中國之曠土。居中國之民。人利之所在。自必羣相保衛。可杜夷人強占之計。不煩兵力。而足禦外侮。因地制宜。所籌不為無見。惟既議招募。自必多多益善。此項人夫。非盡馴良。設以聚集較眾。別生事端。亦屬可慮。況夷情詭詐。於該處人夫等。或餌之以利。或脅之以威。恐為該夷所用。亦不可不豫為防維。景瀄特普欽。現已催調攬頭。趕緊勸辦。著再悉心籌畫。務使招募人夫以後。仍官為鈐束。勿至散而無紀。轉貽後患。並如何杜絕夷人勾結。均當於立法之初。嚴定章程。確有把握。方為妥善。至開採升科等事。著俟招募得

有頭緒再行籌辦該夷占居各處始自何年並內地民人有無潛通煽誘等情仍著嚴密訪查據實具奏將此由五百里各諭令知之

以廣西按察使李開為布政使候補按察使劉長佑為廣西按察使○庚辰諭內閣官文奏製造火器請由廣東派撥兵丁前往製辦等語噴筒大箭等物為行軍所必需廣東駐防旗兵精於製造著准其由該督行文廣州將軍於駐防兵丁內擇其精於製造者派撥六七名即委驍騎校賈穆管帶前赴湖北以便製辦○又諭官文胡林翼奏楚軍赴皖攻克石牌偽城一摺安徽石牌鎮地方逆眾廣集修造堅城意圖久踞與太湖城內之賊援應經官文等飭副都統多隆阿督率馬步兵勇於八月二十八日馳抵石牌分路進攻拆毀木城越濠施放噴筒大箭該逆驚覺開礮正值攻城喫緊之際潛山安慶賊匪分股來援當派黑龍江馬隊迎勦兩路賊援均各

敗退我軍一擁而進該逆仍敢抗拒各勇奮不顧身斬毀礮眼而入偽城內大發賊眾大亂我軍痛殺其開城逃竄者亦經迎頭截擊共斃賊數千餘名生擒四十七名內有廣西老賊頭目霍天燕石廷玉二名訊明正法奪獲大礮擡陰贏馬旗幟刀矛無數此次援皖楚軍攻拔石牌偽城斬賊無遺盡殲醜類實足以寒賊膽而快人心著官文等仍飭各軍乘此聲威克復太湖縣城節節進剿以靖逆氛○諭軍機大臣等本日彭蘊章等呈遞僧格林沁寄惠親王等信一函據稱本月十一日大沽海口見有三桅夷船一隻向北行駛十二日仍在攔江沙外停泊不知何國船隻如係仇夷即派員告以如有應行進京事件當由庫倫行走此地因與英俄二國接仗即文書照會不敢接收看其如何答覆再行覈辦等語此次夷船在攔江沙外停泊如敢闖入大沽海口毀我防具無論何國即行開礮

轟擊如係俄國船隻令其前赴北塘投遞文書即可援照味夷之例辦理但不准其兵船入口如有文書照會可派員接收或該夷有寄伊格那提業幅信件亦可代為轉遞本年三月肅順等與前次俄國使臣丕業羅福斯奇議准如有人到津先期照會中國由北塘進京既有此議自未便攔阻致令生疑該夷使如欲進京不准多帶從人以免騷擾驛傳若祇差一二人進京遞信即妥為護送仍須奏明候旨遵行將此諭令知之○又諭前據有鳳奏曹澍鍾現丁母憂業經降旨照軍營例賞假百日令赴四川寓所經理喪事廣西巡撫著祥奎前往署理曹澍鍾百日後仍回廣西署理巡撫矣本日曹澍鍾奏聞訃丁憂請簡放巡撫俾得離任守制等語現在逆匪攻撲廣西省城軍務正當喫緊祥奎尚未具奏啟程道路梗阻恐難即赴署任且係生手於現辦軍情未必熟悉曹澍鍾著暫留廣西

署理巡撫妥籌戰守事宜俟祥奎到省並桂林解圍之後軍務稍鬆再行回川經理喪事以重職守將此由六百里諭令知之○協辦大學士湖廣總督官文奏道議曾國藩入川之軍可以從緩擬俟南省撤回各營分路進攻皖逆得旨俟援楚兵回速定征皖機宜○四川松潘鎮總兵官瑞琳因病解任以江南河標中軍副將聯昌為四川松潘鎮總兵官以河南商水縣勦賊出力賞遊擊王良亭守備吳鳳桂李明謨等花翎把總王樹標等藍翎察哈爾總管那木濟勒多爾濟巴圖魯名號餘加銜升敘有差○以赴援廣西省城勦賊出力予參將蕭榮芳等升敘有差○辛巳諭內閣前因記名水師總兵人員將次用竣降旨令兩江閩浙兩廣總督於各該省道員保奏現在簡放無人著該督等仍遵前旨迅速保奏送部引見候旨簡放毋稍遲延○諭軍機大臣等傳振邦奏逆捻糾眾分竄請

飭東豫兩省調兵扼截並關保等軍迎前進
劉一摺擒首孫葵心等在岳家集糾聚黨與
分起至永城以西之鄴陽城會齊出竄已繞
迤西之青里棠林等集至張家大屯唐家寨
一帶該處地界蕭碭之間恐由豐縣魚臺竄
伺濟甯其永城西南復另有騎馬賊千餘勢
欲向北而趨經傳振邦飭博崇武黃良楷等
由豐碭前進李恆清由徐州北發均令抄出
賊前相機扼擊其富新等所帶各隊亦令視

實錄卷九

十五

賊所向跟蹤追剿以成夾攻之勢該提督並
力疾親赴北路策應所籌均尚周妥現在白
旗股匪是否西竄抑即在永城西南雖尚無
確信而豐碭等處賊已蔓延未可令其闖入
山東邊界雖有德楞額郝上庠兩軍扼賊來
路曹單一帶尚屬空虛著崇恩激勵民團齊
心守禦與官軍聲勢聯絡並著郝上庠探賊
所向出境迎擊如該匪逼近東境德楞額亦
即迎頭攻剿至關保所部馬步隊合之豫省

防兵計數亦有七八千人著瑛榮飭所屬帶
兵官扼要嚴防並著關保親督承惠等迎前
進剿就近截其西路總其四面兜剿逼賊回
巢乘機痛沈毋令紛竄其苗練一軍即著傳
振邦催令進攻各圩牽賊回顧並調度各軍
奮力迎擊堵其北竄勿稍大意將此由六百
里各諭令知之○調廣東碭石鎮總兵官林
向榮為福建臺灣鎮總兵官○予安徽陣亡
外委殷廷璽祭葬世職○壬午遣官祭

實錄卷九

十六

歷代帝王廟○大考翰林院詹事府各官於
正大光明殿○諭內閣賚章奏知縣庇護
門丁委員聽縱不行提解一摺湖南甯鄉縣
知縣耿維中於門丁被控賄買頂完贓逾千
貫重案經該府提訊並不遵解嗣經委員往
提又復以自行投到詭詞曲縱實屬有心庇
護即任宜章縣知縣馮晟委提此案並不將
該門丁親自解省輒聽耿維中支飾之詞徑
自回省迨該府飭令再提又敢抗不前往並

飾詞誘咎。耿維中、馮晟均著先行交部議處。仍著駱秉章勒限提取全案人證解省嚴審。僅該縣仍前庇護及訊出丁役串賄項亮有知情故縱情弊。即行嚴拿懲辦。○又諭周天受奏分別懲辦營員等語。甯國營帶勇都司陳綱前因捏報傷亡勇數。浮領賞卹銀兩。經晏端書奏參革職留營戴罪勦賊。茲經周天受飭赴黃華嶺防剿復查有虛勇吞蝕情弊。本應即行正法。業經病故。著毋庸議。其隨同

平定回疆方略

卷一百一十五

帶勇之儘先千總趙步陞。儘先把總徐金鴻。陳祖訓於陳綱虛報勇數。知情不舉。亦有應得之咎。趙步陞著註銷儘先千總。徐金鴻、陳祖訓均著註銷儘先把總。逐令各回本籍。陳祖訓先事脫逃。尤屬目無法紀。著即通行嚴緝就地正法。以肅戎行。○兵部以武會試中額請得旨。滿洲蒙古取中一名。漢軍取中二名。奉天取中一名。直隸取中十名。河南取中五名。山東取中四名。山西取中二名。湖北取

中一名。湖南取中一名。四川取中二名。陝甘取中一名。廣東取中一名。廣西取中一名。福建取中一名。浙江取中二名。江西取中一名。○癸未諭內閣。前據給事中李培祐奏。翰林院五經博士孟廣均。於咸豐四年。在高唐軍營捐輸穀米三千石。經勝保奏請賞戴藍翎。並賞加主事銜。迄今尚未繳清。又與本省官吏交結徇庇匪徒。干預公事。本族訟案不候官辦。私行出票傳人訊斷等語。當令崇恩確

平定回疆方略

卷一百一十五

切查明具奏。茲據奏稱。該博士所捐米穀實欠繳七百五十石。檢查案卷並無被控實據。該博士因有奉發鈐記。每遇該族細故。即為理論未結者。仍送官審斷。尚無任意營私之事。惟因辦理團練。不時赴縣謁見。遇事好為議論。被參各款。事非無因等語。五經博士孟廣均。以在籍紳士。因團練出入衙門。雖查無營私劣蹟。究屬不知謹飭。至其捐輸米石。已邀獎勵。迄今數年之久。尚未繳清。尤屬非是。

孟廣均著先行交部議處。並將主事職銜賞戴藍翎之案。一併撤銷。俟繳足時。再由該撫奏明辦理。○諭軍機大臣等。景瀄奏。俄夷勘界。先已派員守候。並籌辦地方情形一摺。吉林距烏蘇里口。三千餘里。斷非該夷所應到。俄酋木哩斐岳幅。如至烏蘇里地方。景瀄亦未便前往與之見面。即飭在彼守候之署副都統富尼揚阿。協領祿昌。向其詳細開導。毋得遷延了事。致貽後患。夷目奇薩羅幅。不肯收回人船。語言驕橫。並拒阻赫哲。不准驅使及遞送公文。復在烏蘇里連東之伯力地方。聚集千餘人。備有軍械食糧。顯有尋釁之意。狂悖已極。斷非口舌所能折服。該將軍前已令攬頭招募人夫。保護山場。並擬揀派丁壯數百名。於明春變裝前往綏芬一帶。以巡海捕牲為名。借助聲勢。布置尚為周妥。富尼揚阿等。守候該夷。儘木哩斐岳幅到後。情詞恭順。撤回人船。自可暫為羈縻。設敢恃眾侵占。

吉林地界。則是該夷自起釁端。該將軍總以該處居民。不容侵占。地方官未便彈壓為詞。以為將來轉圜地步。一面激勵城鄉團練。嚴密設防。切不可先行開仗。亦毋任該夷肆意蔓延。將此由五百里諭令知之。○賞已革直隸總督譚廷襄。五品頂戴。往直隸大順廣一帶幫辦團練。○甲申。上辛靜明園。○諭內閣。慶端等奏。勦辦甯洋土匪。擒獲股首。焚燬賊巢。全境肅清。一摺。甯洋土匪胡熊。勾結黨與。出沒擾復。經官兵勦擊。猶敢竄踞山寨。負隅抗拒。經署延建邵道英。撲督飭員弁四面環攻。將該逆首用礮擊傷。旋有賊目陳情。將逆首胡熊捆送。並帶男婦幼孩八十餘名。到營投誠。該督等已飭該署道。即將逆首胡熊凌遲處死。以彰國法。而快人心。其投誠之陳情等。如訊係真心。向化即行免罪。妥為安插。現在上游各股土匪。或已就撫。或經殲滅。全境漸就肅清。辦理

尚為妥速。所有節次在事出力文武員弁兵勇著准其查明請獎。以示鼓勵。○又諭前因張亮基奏參貴州署畢節縣知縣周芳聲名狼籍。當降旨將該員革職。交該督提訊。茲據蔣霽遠奏稱。該員平日居官。不洽輿情。復於審辦已革武生劉彥芳人命重案。未能究出實情。率行定擬。請將該員革職提究等語。周希業經革職。所有劉彥芳等致斃兩命一案。著蔣霽遠俟雲南結案後。即提該革員到省。

實錄卷九十四

十一

并傳集人證。訊明嚴辦。以肅官方。○諭軍機大臣等。本日據僧格林沁等奏。接收俄夷照會信函一摺。俄夷既恐進京往返耽延。有需時日。又因北塘海面風浪。難以久停。該大臣等已與約定。暫在北塘停泊。聽候伊格那提業幅回信到時。即便開行。所有該夷交來之駐京俄夷信函四件。已由軍機處轉交理藩院付該夷收領。一俟取到伊格那提業幅回信。即由軍機處遞交該大臣行營。令委員等

交付該夷。飭令迅速開行。至俄夷照會內有物件幾匣。同公文轉送之語。本日該大臣等咨交軍機處文內。並無此件。並著查明辦理。將此由五百里諭令知之。○又諭勝保奏。籌攻懷遠。援應東路各事宜。並懇恩回京穿孝。各一摺。逆匪疊受懲創。踰伏懷遠老巢。勝保派副都統穆騰阿等水陸進攻。並籌度東西兩路情形。飭令都司余通海等帶領礮船。駛赴三河等處策應。布置尚為周密。至所稱撥新到馬隊二百名。及馬勇一百名。派赴桃源屯劄。亦為兼顧東路起見。惟兵分則勢單。難期得力。著於所派馬勇外。另撥步隊相輔。飭赴桃源。其馬隊二百名。毋庸派往。留為攻勦懷遠之用。至該大臣以痛母成疾。籲懇暫准回京穿孝。情詞哀切。具見至性。惟此時皖省賊勢披猖。該大臣統率全軍。責任至重。傳振邦雖係幫辦軍務。業已專顧北路。斷難兼統全軍。其餘如穆騰阿、張得勝等。祇能分路帶

實錄卷九十四

十一

兵聽候調度。實無人能暫攝統帥之任。使勝保北行。而軍情渙散。貽誤非輕。況李世忠等投誠未久。恐非他人所能駕馭。勝保著仍遵前旨。暫留軍營。墨經從戎。速清皖境。俟軍務稍緩。接替有人。再請回京。穿孝。該大臣惟當以移孝作忠之義。勉自策勵。勿負厚望。將此由六百里諭令知之。○欽差大臣僧格林沁等奏。請將調任鹽運使崇厚。暫緩交卸。留辦團練。從之。○予安徽因公淹斃知府倪元灝。

實錄卷一百一十五

三

祭葬卹廕。遇賊被戕。知縣何桂樽。祭葬世職。○乙酉。諭內閣。勞崇光奏。官軍克復廳城一摺。據稱賊匪分擾連山廳境。署同知韓鳳翔。帶勇馳赴上吉抵禦。該匪由天堂嶺闖入廳城。該署同知退守金坑山。捐貲募勇。隨同副將恆通。疊次進攻。將廳城克復。辦理尚屬迅速。署連山廳同知韓鳳翔。雖隨同克復。究有失守處分。若竟予免議。不足示懲。著改為革職留任。在事出力官紳兵練。准其擇尤保奏。

又諭勞崇光奏粵東西路兵勇克復開建懷集兩城一摺。廣西懷集縣城。於咸豐七年七月間被匪竄陷。十一月間。與懷集毗連之廣東開建縣城。相繼失守。懷集以獅子背為門戶。開建以良心寨為屏蔽。該匪悉力踞守。並分股竄擾廣甯等處。本年六月。廣甯縣知縣沙翊清等。將獅子背賊巢攻破。乘勝進攻古水中塘草湖等處。沿途巢窟。悉被平毀。遂於十七日。將懷集縣城克復。開建之良心寨。

實錄卷一百一十五

三

亦經署肇慶府知府劉式恕等。購覓內應。分道進兵。於六月十三日。攻拔進逼狼嶺。遂抵南豐。開建縣城。即於十九日克復。該逆負隅自固。兩載有餘。官軍疊次接仗。卒能克復。堅城所有在事出力員弁兵練。著勞崇光查明保奏。仍著嚴拏首匪陳金缸等。務獲並堵。勒零匪毋任回竄。○又諭勞崇光奏賊匪竄陷樂昌縣城。經官軍進剿克復一摺。本年二月間。逆匪由湖南桂陽竄擾廣東樂昌縣境。署

樂昌縣知縣許廷穀等督率練勇分投抵禦。因賊眾兵單賊匪乘勢闖入經廣州府知府吳昌壽前往應援署總兵勒福帶兵會剿連獲勝仗賊勢已蹙二十三日復派兵勇直撲賊營將更寮望樓縱火焚燒槍箭齊施該匪大敗各勇乘勢攻入當將縣城克復辦理尚為妥速所有在事員弁兵勇著准其擇尤請獎以示鼓勵署樂昌縣知縣候補同知許廷穀樂昌縣典史婁禹甸署樂昌城守汛千總

軍機處

奏

南韶連鎮標左營把總蔡有芳雖經隨同大軍克復縣城惟失守城池咎有應得功過不足相抵著一併革職仍責令隨營效力以觀後效。又諭蔣霸遠奏回匪竄撲普安經官兵擊退一摺貴州普安廳於本年五月間被回匪竄擾經蔣霸遠派委知府胡霖澍等帶兵往剿該匪擁眾猝至攻撲營盤官軍連日夾擊該匪傾巢而至並由劉官奎竄撲普安廳城總兵金剛保督率文武登陴守禦把總

陳國奉止斃紅衣賊目一名兵練乘勢衝殺賊退城外之觀音山金剛保復令遊擊鄧逢霖乘夜襲營復暗出奇兵會合圍剿從後抄擊賊眾驚潰由大坡鋪逃逸此次回匪攻撲普安廳城經兵練竭力守禦會同擊退辦理尚為妥速所有陣亡之弁兵練勇並著查明案案請卹。諭軍機大臣等前因楚南賊匪回竄川省諭令駱秉章如探明賊有入黔消息即調田興恕一軍由武岡至綏甯靖州一

軍機處

奏

路力同扼截本日據蔣霸遠奏湖南之賊雖皆遁入廣西而由黔亦可入川急應豫籌防堵況鎮遠思州等府廳苗教各匪入復蠢動請飭田興恕飛速回黔助剿等語田興恕一軍甚為得力該省現在賊勢披猖著駱秉章即飭該副將帶同原隊兵練迅速赴黔仍由黎平一帶分道進剿以免蔓延至黎平軍中缺餉已久省庫空虛無從籌解所有湖南省欠解黔省各款餉銀並著駱秉章迅速籌撥

以資接濟將此由六百里諭令知之○又諭勞崇光奏前借紳士銀兩請於續徵關稅內撥還等語粵東前因軍餉緊要經黃宗漢飭令紳士伍崇曜代借銀三十二萬兩應用現屆應還期限著照該督所請俟粵海關稅續行徵有成數陸續給還以符原議前據桂良花沙納奏該大臣等在上海時據黃仲奮稟稱葉名琛在總督任內有銀二百萬兩交與伍崇曜收存嗣聞此項銀兩係存於志誠信銀號有葉名琛家丁二人知悉經桂良花沙納函致畢承昭囑其密查此信係由吳健彰交火輪船遞粵至今未有回信此時畢承昭如尚未離粵即著勞崇光詢問該員接到桂良等信函何以未覆並另派委員密行查訪葉名琛究有存銀若干是否在志誠信銀號據實覆奏毋令伍崇曜等知悉致有欺隱將此由五百里諭令知之○以貴州平越等處勒賊出力賞五品頂帶陳銘勲四品頂帶花

翎縣丞熊錫齡等藍翎餘升敘有差○以勒賊不力革貴州知府胡霖濤千總薛明訓職予廣東陳亡外委王兆麟黃立幾祭葬世職附生虞輔元虞亦蘭賞卹如例○丙戌諭內閣都察院奏江西監生余震龍等以團練紳民殉義並合州出力捐貲懇請旌獎等詞赴該衙門呈訴據稱江西義甯州自咸豐二年辦理團練捐貲助餉殺賊立功經該州詳報請增廣學額並將殉難士民請卹因書吏延閣未蒙辦理案關團練要務必應確實根究著憚光宸即將所控各情確切查明如果書吏延閣著即嚴行懲辦並將增廣學額及殉難各士民分別具奏以慰忠魂而勵眾志人諭戶部請將報部候撥銀兩擅自動用之巡撫藩司議處等語河南清查提解司庫銀十三萬餘兩業經該省造入撥冊自應聽候部撥乃該撫等率行於軍需項下動用銀十一萬餘兩並未先行奏明實與定例不符

著該部查明河南巡撫並布政使各職名照例議處其動用銀兩仍著儘數提回歸款內除撥解東三省俸餉外下餘銀兩著專款存儲聽候部撥不得擅行動用以重庫項○又諭樂斌奏查閱陝西提標各屬營伍事竣分別獎劾一摺陝西護靜甯協都司靖遠營千總易騰甲署提標中營守備靜甯協營千總朱殿雄署固原城守營守備西安州汛千總馬兆麒署提標後營千總西安城守營千總牛玉林材技較優訓練得力均著以守備升用以示鼓勵肅州鎮靖逆營遊擊張國鏡年力已衰著即勒令休致○科布多幫辦大臣富尼雅抗阿緣事解任賞內閣侍讀學士錫霖頭等侍衛為科布多幫辦大臣

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百九十四

王伯達家世略曰：講起唐王太子太保上書唐魏師傳文淵閣領閣事兼翰林院掌院學士，將察欽奉上諭事件，在國史館總纂官兼纂修

大學士官理兵部事務四十三條紀錄十四次。實積累本職職官經歷議官太子太保文淵閣領閣事武英殿總校官兼督修書之體仁閣

大學士官理戶部三庫事務管理刑部事務加二十三級紀錄十六次
周祖培選載宣太子少保管理內膳書房事務對引大臣軍機大臣

吳江鎮州縣志序 郭尚書管理三庫事務加四級隨帶加五級紀錄十二次 寶篆總裁官巡撫官弘德殿教習清文館道士書序魏梅

送歸大鑑師。目正藍族蒙古都統禮部尚書管理太常寺鴻臚寺事務加二級軍功加四級隨帶加八級記錄五次賞優卹環布尋奉

咸豐九年己未九月丁亥諭軍機大臣等○曾

實錄卷之三

五

形即將張運蘭調取回鄂。亦可補蕭啟江之缺。再本日據袁甲三。庚長奏。現聞官文等。籌議進兵。勦辦皖逆。並議令勝保等。於東北路截。勦惟勝保。傳振邦。兵力單弱。一經楚師大舉。深恐驅賊北竄。請飭由光州固始。潁州一帶。繞赴北路。進勦等語。曾國藩所奏北路一軍。由商城前進。本去潁州不遠。惟須折赴六安。規取廬州。則蒙亳等處。已難兼顧。此時捻粵句結。設因南路不支。竟圖北竄。恐傳振邦。翁同書等。不能堵遏。袁甲三等。所慮亦不為無見。著官文。曾國藩。胡林翼。再行悉心籌酌。所有東下四軍內。應如何派出一軍。取道光潁州。繞出懷蒙以北。與勝保等官軍會合。南。勦俾逆匪不敢北犯。是為至要。至此次官文等。會籌大舉。關係全局利害。總須計出萬全。不妨稍遲時日。謀定後動也。將此由六百里各諭令知之。○改鑄廣西柳州府知府。新太協副將印信關防。從升任巡撫勞崇光請。

10. 11. 1944

上

也。戊子以都察院左副都御史煜綸為盛京兵部侍郎。○己丑諭內閣。此次考試翰詹各員經閱卷大臣等校閱進呈。朕復詳加披覽。親定等第。第一等二員。第二等二十四員。第三等三十八員。四等一員。其考列一等之編修顏宗儀。周學源。俱著以侍講學士升用。考列二等之編修黃倬。著升授侍講。編修夏同善。景其濬。俱著以庶子升用。編修楊秉璋。修撰孫如僅。編修馬恩溥。俱著以侍讀升用。編修梁肇煌。杜聯。俱著以侍講升用。以上各員。現在無缺可補者。俱著先換頂帶。在任候缺。編修楊榮緒。檢討宗室瑞聯。任兆賢。侍讀張之萬。編修沈東成。寇嘉相。俱著記名遇缺題奏。並各賞大卷緞袍料一匹。小卷緞袍褂料各一件。編修譚鍾麟。洪昌燕。侍讀學士馮譽驥。編修羅嘉福。鮑源深。藍拔奇。少詹事許彭壽。侍讀學士潘祖蔭。俱著各賞大卷緞袍料一匹。許彭壽。潘祖蔭。並各加賞春紬一匹。考列三

等之左中允丁紹周。著降為編修。仍留五品銜。右庶子衍秀。著以贊善降補。侍讀學士麒慶。著以侍講降補。左中允恩吉。著降為編修。編修宗室延煦。馬元瑞。王凱泰。著各罰俸半年。左贊善寶珣。著降為編修。編修范希瀉。周譽芬。張洵。檢討汪朝榮。編修錢桂森。著各罰俸一年。編修王澐。檢討董文煥。著各罰俸二年。升用侍講。編修張正椿。著撤銷升用。侍講仍罰俸一年。檢討頓福之。著罰俸一年。侍讀蘇勒布。著降為編修。仍罰俸二年。考列四等之編修于光甲。著改為內閣中書。仍罰俸一年。其考試繙譯列入一等之右中允奎昌。著升授左庶子。列入二等之侍讀學士依奇哩。少詹事廣鳳。侍讀學士清安。俱著記名遇缺題奏。並各賞大卷緞袍料一匹。小卷紬褂料一件。列入三等之編修全順。著罰俸半年。侍讀桂豐。著罰俸一年。侍講毓瑞。著以贊善降補。侍講學士桂清。著以侍講降補。侍讀銜右

贊善文奎著降為編修。並撤銷侍讀銜。餘俱著照舊供職。該員等其各力求實學。慎守官方。用副朕教育人材至意。○又諭傅振邦奏督勦北路竄匪。迎擊疊勝。將賊盡偪回巢。一摺。張家大屯。唐家寨等處地方。為山東。江南。河南。三省交界。股匪時思竄突。經傅振邦分飭記名總兵博崇武。道員黃良楷等。馬步各隊兵勇。前後夾攻。互相犄角。馬隊旋由張家大屯。進至碭山縣境。賊已聞風遠颺。黃良楷等東勇先已馳往北路堵截。並經鄉團於黃河大隄。修築濠牆。該匪不能繞越。折而西竄。直趨虞城夏邑交界。東勇折回。至夏邑之李家窪。正及賊之大股。我軍分隊迎擊。賊眾敗回。復有大股蜂擁而前。黑龍江前鋒委驍騎校博克布。奮勇當先。直衝賊隊。砍翻執旗賊目數名。佐領委營總恆齡。同時衝入重圍。縱橫馳突。鏖戰自午至申三時之久。賊向西南奔竄。我軍追殺十餘里。全股北竄。博崇武等。

馳往遏截。賊又北折而東。我兵併力東追。沿途截殺。至薛家湖地方。賊復散漫。由東而南。我軍由王家樓一帶。追至大回村。適傅振邦由濰口。馳往接應。各軍勇氣倍前。賊隊驚亂。紛紛南竄。我軍追殺過車家集。賊眾窮蹙。泗水歸巢。是日由西折北。又折東南。追奔一百三十餘里。斃賊三百餘名。生擒二十一。名。奪獲賊馬四十餘匹。槍礮器械無算。仍著傅振邦督飭各軍。直搗賊巢。並確探各路。分投堵截。勿令再行竄擾。○諭軍機大臣等。據翁同書奏。攻勦捻逆情形。喫重。請飭陝西月解協餉。勿再短絀等語。現在潁亳一帶。捻逆猖獗。意圖攻撲壽州。亟應力圖勦洗。惟需餉孔殷。陝西協餉。每月止解銀一萬兩。實不敷用。著曾望顏。每月解銀二萬兩。務須如數籌撥。以濟要需。將此由五百里諭令知之。○又諭。景霖奏。河口封凍較早。擬請十月初間撤防。以節經費一摺。本年田莊台設防。經將軍玉明。

派撥防兵一千名分駐兩岸防守內河現在奉天洋面並無夷船蹤跡河口封凍船隻不能行駛防兵自宜裁撤著玉明於十月初間將田莊台防兵一千名撤回歸伍以節經費將此諭令知之○以河南商邱等處勦匪獲勝賞總兵官朱連泰頭品頂帶副將王鳳祥巴圖魯名號餘升敘有差○予安徽陣亡同知陳米倫知州杜蘭通判周錫璜王鶴齡知縣鄧元錫王九皋德俊慶泰薩劍南朱為霖張永保驍騎校博克布都司恩興守備王錫培府經歷朱含章縣丞周詩教諭汪承基訓導殷駉從九品陳師盛典史紀煥振千總朱佩芝把總甘全外委李光斗等祭葬世職○庚寅諭內閣裕瑞奏請將專擅自用之伯克改調簡缺另行揀補一摺喀什噶爾三品阿奇木伯克阿里於布魯特案件並不呈堂審辦輒自監押實屬顛預不勝邊要之任著照所請准其改補簡缺阿里著調補喀喇沙爾

所屬布古爾三品阿奇木伯克所遺喀什噶爾三品阿奇木伯克員缺准其以阿克蘇賽里木三品阿奇木伯克庫圖魯調補所遺員缺另行揀員奏補其布魯特愛依岱克等原案並著查明辨結以昭平允○諭軍機大臣等據文藝奏甘肅司庫節年欠解烏什經費銀兩請飭迅速撥解等語甘肅司庫欠解烏什節年經費銀兩前經諭令樂斌迅速籌撥新舊積欠銀一萬二千四百餘兩其欠解八年經費銀二萬一千八百餘兩並應解九年經費銀兩一併籌款陸續接濟茲據該幫辦大臣奏稱甘肅撥解各城經費僅分撥烏什銀三千兩早經散放無存現屆冬令該官兵月支鹽菜等項無款可資接濟著樂斌即將欠解烏什七八兩年經費銀兩無論何款迅速籌撥起解勿再遲延其應解九年經費銀兩並著該督陸續籌撥毋誤要需將此由五百里諭令知之○賞河南等省戊午科鄉試

年老諸生關鎮西等十九人舉人副榜有差。
○改鑄河南南汝光道添鑄歸德鎮總兵官。
歸德營參將各關防從前任巡撫恆福請也。
○辛卯諭軍機大臣等朕聞奉天沒溝營田
莊台等處為商賈輻輳之地船隻來往向有
規費著王明倭仁景霖察看情形將沒溝營
田莊台船規酌量歸公應如何留為該處防
兵經費之處妥籌辦理並著勸諭該商捐輸
米豆自行運赴天津以資防兵口食此項米
豆既由商捐商運著該將軍等妥議章程覈
明捐數隨時奏請獎勵將此諭令知之○又
諭前因江蘇蕭縣民人鄭立本在步軍統領
衙門呈訴賊勢鴟張懇令伊興額駐守濰溪
降旨令勝保俟該副都統病痊後飭令仍往
濰溪一帶督兵勦捕本日復據德楞額奏行
次銅山有徐州士民楊介臣等呈稱伊興額
現住徐城養病僅令就近辦理軍務必能滅
賊奏功等語伊興額前此帶兵勦賊尚能得

力現當徐宿等處賊勢蔓延既據該士民等
稱其威聲素著自宜俯順輿情著傳振邦就
近查詢如該副都統病體漸痊即飭隨同該
提督進勦徐州一帶賊匪以收指臂之助將
此由五百里諭令知之○壬辰

上詣清夏齋問

如皇貴太妃安○諭內閣曾望顏奏請將縱庇
革書致釀事端之知縣革職提訊一摺陝西
宜君縣書吏孟繼周等前因蒙官勒派業經
斥革該署知縣張奎又令復充兵書孟繼周
並為其子弟等營充縣吏以致鄉民情急將
孟繼周等房屋拆毀該署知縣並不據實稟
報是既徇庇於前復敢捏飾於後現在孟繼
周先行逃逸難免無縱容指使情弊張奎著
即行革職交曾望顏提集人證卷宗研訊確
情從嚴懲辦並勒令該革員會同該地方官
迅將要犯弋獲歸案審訊○以正紅旗蒙古
副都統克興阿署鑲藍旗護軍統領散秩大

臣恩齡署鑲藍旗漢軍副都統○以宗人府右宗人戴岱管健銳營事○調烏里雅蘇台參贊大臣玉通為科布多參贊大臣○以奉天捐輸軍餉永廣滿洲蒙古學額三名漢軍四名海城縣二名承德蓋平遼陽鐵嶺義廣甯六州縣各一名○以江西捐輸軍餉再永廣鄉試中額三名○以甘肅捐輸軍餉永廣皋蘭縣學額四名靖遠縣一名○癸巳

孝慈高皇后忌辰遣官祭

福陵○諭內閣瑛奏短缺滇銅循案賠補一摺河南接運滇省壬子年加運京銅據新鄉縣查報短銅一萬九千五百二十六斤應合賠償運腳雜費銀二千四百五十兩零准其查照成案由運員及經過州縣分別賠補以昭覈實○諭軍機大臣等僧格林沁恆福奏俄夷得有回信該船現已開行一摺該大臣等將伊格那提業幅回信發給俄夷該船即已開行其留存寄京信件即著遞送軍機處

轉交理藩院以便發交伊爾收領所稱俄船時至海口難於辨認擬由恆福咨行理藩院傳知該夷嗣後毋到海口俟撤防後再照前約一節自為慎重防務起見惟俄夷書信准由北塘投遞既經立有專條該夷據此爭辯不肯遵依轉難駁詰況該夷往來書信若悉由庫倫轉遞更覺騷擾驛站至各國船隻有到大沽海口毀我防具者不論何國一體開砲轟擊前經剴切諭知諒該夷亦不敢干犯僅僅到北塘停泊遞書必不至於滋事以後俄夷如有船隻再到北塘求遞書信著僧格林沁等仍將書信接收許其轉遞京中所請由恆福咨行理藩院之處著毋庸議將此由四百里諭令知之○又諭有鳳奏滇匪竄擾筠連等縣地方調派官兵勦辦一摺雲南大關鹽井渡匪徒聚眾數千由母豬巖等處分股竄擾四川筠連高縣慶符等處地方逼近筠邑經敘州府知府英隴親帶兵勇往堵該

署督飛飭參將祥符永甯道陳枚帶兵募勇前往堵擊。復商提臣萬福並飭臬司蔣徵蒲馳赴欽州相機駐劄調度。先後調撥官兵三千名。派參將高克謙順福等統帶前往。總歸萬福調遣。並咨滇省派兵合力夾擊。布置尚屬周妥。惟筠連等處雖俱係山徑小路。而該匪分股竄入堵禦較難。設有疏虞。辦理更形棘手。著有鳳萬福嚴飭帶兵各官迎頭截擊。迅殲醜類。毋令該匪闖入欽州府城。將此由

五百里諭令知之。○前任山東巡撫崇恩奏遵查煙臺海口試辦抽釐得旨該前撫所奏尚有不實不盡之處。如該縣等平日不免抽收尚畏功令不敢形諸稟牘。今既奉明文誠恐入官無幾徒飽私橐。朕聞煙臺一處每船有七白金之多。此項非為通省陋規。即該處自然之利。若不認真查辦尚復成何事體。此時海防非喫緊之時著派郭嵩燾輕騎減從速往各處嚴密訪查。仍會同文煜破除情面

覈實具奏。務期有裨經費。杜侵漁而有限制。方為妥善。並著僧格林沁於營中揀派妥員令郭嵩燾帶往查辦。○甲午

上詣

大高殿行禮

時應宮拈香。○還宮。○諭內閣曹澍鍾奏省城解圍敗匪潰逃跟蹤追剿一摺。逆匪石達開自湖南擊敗後竄入廣西圍逼桂林省城。曹澍鍾督率在城文武挑選精銳或輕師出

襲或左右環攻。夜乘大風拋擲火箭噴筒延燒賊巢。水陸均設伏兵以備夾擊。又出示宣諭懸重賞以購逆首。蕭啟江蘇鳳文等督勇長驅直進分途圍殺。列營北門逼近賊屯之後參將蕭榮方等自柳州管帶練勇來勦在石門崗大破賊兵。九月初四日蕭啟江派所部由南門文昌門分投進剿與蔣益澧等水陸兜擊擒殺無數。賊眾遁回西路。初十日全由南路潰散。城圍已解。首逆石達開擁眾涸

逃釜底遊魂難稽顯戮著曹澍鍾仍飭各軍分途追剿務將敗匪全數殲除以安疆圉○諭軍機大臣等據曹澍鍾奏逆匪圍偏省城經官軍擊散分逃現在跟蹤追剿並請將蕭啟江暫行留粵各摺片此次逆匪未受大創石逆復自義甯折回擁眾涸逃必須探明賊蹤奮力追剿廣東江西湖南三省均與粵西接壤為該匪往來熟徑尤應實力截剿毋令竄入著勞崇光惲光宸駱秉章飭令沿邊文武各於交界要隘嚴密防堵儻該匪竄至即迎頭截擊不使入境並著曹澍鍾督飭各軍分路跟蹤將此股逆匪悉數殲除蕭啟江一軍勦賊最為得力著即探賊所向迅速追擊儻石逆遁往他省亦著督兵出境窮追毋令免脫劉長佑現已補授廣西臬司該員所帶之兵並可酌量留於該省以資勦辦將此由六百里各諭令知之○免山西綏遠城官兵應扣整裝銀○

上以孟冬時享太廟自是日始齋戒三日○乙未孝敬憲皇后忌辰遣官祭泰陵○以兼管順天府府尹事工部尚書張祥河為順天武鄉試監臨○丙申諭軍機大臣等前因山海關海口備防緊要酌調官兵駐劄防禦所有該官兵等口糧當諭令定福傳諭山海關監督誠明即在收存關稅銀兩內酌提支放茲據誠明奏現屆差滿尚未撤防請援照成案撥留盈餘銀兩以備要需等語山海關駐防官兵應放口糧銀兩時值冬令必應豫為籌備著准其撥留盈餘銀二萬兩以備支放俟封河撤防後此項銀兩可以暫停放給即留為來年防兵餉糈之用毋誤要需將此諭知定福並傳諭誠明知之○又諭有鳳奏滇匪竄擾川境筠連等縣相繼失守一摺此次雲南匪徒李短搭搭等由母豬巖攻撲筠連復有匪徒馬沅盛等會合紛竄以

致筠連慶符高縣相繼失守。雖事起倉猝。而該地方文武毫無堵禦。實堪痛恨。現在提督萬福督兵往剿。並飭臬司蔣徵蒲馳往辦理。前次調兵三千餘名。並此次抽調各營兵一千五百名。恐不敷堵剿。亟宜添補精兵。以期迅殄醜類。所有防堵酉秀黔彭一路兵丁。為數不少。現在桂林解圍。賊已南竄。該處防務稍鬆。正可移緩就急。將此項官兵酌分一半。派得力將弁帶往敘州一帶協同剿辦。務須剋期蒞事。毋得遲延貽誤。另片奏。川省軍情緊要。請飭祥奎暫緩赴粵等語。祥奎著毋庸前赴廣西署理。巡撫侯曹澍鍾回川經理喪事。時當降旨另行派員署理。至所稱勸諭山西陝西甘肅三省在川貿易商民捐輸軍餉。准其援案辦理。以供防堵之用。並飭試用道楊觀曜幫同祥奎在省設局。派員分投勸辦。以資接濟。所有筠連等縣文武下落。並失守情形。著詳細查明具奏。毋許含混。將此由六

軍機處

奉

百里諭令知之。○以休致副都統富勒洪額五世同堂。賞頭品頂帶。○以滇匪竄擾四川筠連等縣。署總督有鳳。道員陳榕下部議處。知府英騰撤任。隨營效力。併下部議處。

軍機處

十八

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百九十五

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百九十六

臣等謹將本年內各官職銜品級開列於後

本年內各官職銜品級開列於後

本年內各官職銜品級開列於後

本年內各官職銜品級開列於後

本年內各官職銜品級開列於後

較修

咸豐九年己未冬十月丁酉朔享

宣統元年

一

太廟

上親詣行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵

昌西陵

慕陵

慕東陵○遣官祭

孝德皇后殯官○遣官祭

端慧皇太子園寢○頒咸豐十年時憲書○

宣統元年

一

試中式武舉韓堃等三十六人於太和殿前

○諭內閣駱秉章奏請將疏縱官犯逃脫之

縣丞並失察各員分別革職議處一摺湖南

已革平江縣知縣張宗世前因虧短錢漕倉

穀延不會算經駱秉章奏參革職等因派委

縣丞趙秉志看守乃該縣丞並不小心防範

致令脫逃且事聞經年始行報緝難保無受

賄故縱情弊長沙縣縣丞趙秉志著先行革

職交駱秉章提同看役人等研審確情從嚴

懲辦。長沙府知府葆亨署長沙縣知縣候補同知顏培鼎疏於覺察。咎無可辭。著交部分別議處。布政使文格。署按察使謝煊。均著交部察議。張宗世係虧短錢漕革職。拏問之員。案未審結。輒敢潛逃。湖北投效軍營。膽玩已極。所有官文等前保該革員出力開復原官之處。著先行撤銷。即著官文等將張宗世迅速解交駱秉章審辦。以儆刁玩。○又諭駱秉章奏賊營投回匪犯免罪留營差遣等語。湖南民人周學韓等被賊擄脅。現既自拔來歸。著准其免死留營效力。至賊營被脅民人非甘心從逆者。可比曾經疊降諭旨。許其投誠。自效。惟逆賊於被擄難民往往偏令蓄髮並有頭面刺字以杜其投誠者。該民人等無以自明。遂不能不溷跡賊中。以冀偷生。且必實堪憐憫。此次該逆竄楚。經駱秉章出示曉諭。凡蓄髮刺字匪犯。但能棄械投誠。即給與免死護票。咨遣歸籍。各省難民逃出領票者不

廣東書

車

廣東書

由

下二萬餘人。辦理實屬妥善。因思用兵各省良民似此被脅入夥者。諒必不少。著各路統兵大臣及各省督撫。剴切示諭。此等難民雖被脅蓄髮刺字。果能逃出賊營。即給予免死護票。資遣回籍。其原籍督撫並著嚴飭地方文武。不得縱令兵練妄加殺害。其有未領護票私自逃歸者。但係良民。一律免其查辦。惟向係地痞惡棍及曾充鄉勇投入賊營。敗逃潛回者。仍由地方官查明懲辦。以示區分。而昭矜恤。將此通諭知之。○諭軍機大臣等。扎拉芬泰等奏捐修要工。請照章減成。覈獎一摺。惠遠城外之伊犁河。因本年秋間倏降大雨。山水漲發。河流匪趨。護城隄子多被冲刷。自應籌款修築。以衛城垣。著照所請。此次捐輸准其援照籌餉事例。及現行常例。於准減三成外。再減一成。並照烏魯木齊章程。每銀一兩折制錢一千二百文。俾商民踴躍輸將。易於集事。工竣後即行停止。嗣後不得援案

聲請以示限制。此項捐輸工程銀兩需用若干。著該將軍等覈實查明具奏。將此諭令知之。○又諭本日據駱秉章奏。石逆經官軍剿敗後。已竄至義甯永福等處。探聞柳州及平樂所屬各股賊匪。均有勾結之意。該逆可南竄柳州。北竄黔省邊境。該撫現已飛飭署總兵田興恕。由東安新甯武岡前赴靖州截剿。且慮該逆由黔入蜀。必須隨時籌防等語。石逆狡悍異常。既經湖南廣西官軍擊敗。難保不勾引另股匪徒竄往他處。所有廣東江西湖南三省。前已有旨諭令各飭沿邊文武嚴密堵剿。並令蕭啟江帶兵出境窮追。諒可無虞。竄擾惟該逆蹤跡靡定。欲竄蜀疆。必取道黔省。此時田興恕尚未回黔。著駱秉章即飭該署鎮詳加偵探。如該逆竄往黔省。務當實力截回。毋任闖入。劉長佑一軍。現經進至全州。並著探明賊蹤。前往追剿。必將石逆殲除。以杜後患。昨據有鳳奏。滇匪竄至川省。猝不

及防。以致筠連等三縣失守。現在調兵出剿。請留藩司祥奎。在川辦理諸務等語。已有旨令祥奎毋庸署理廣西巡撫矣。著曹澍鍾俟廣西軍務漸平。賊氛已遠。堪以離省。即行奏聞。當令派員暫署巡撫印務。以便該撫回川經理喪事也。將此由六百里各諭令知之。○又諭本日據瑛榮奏。逆捻竄擾商永。及睢州一帶。派兵分投截堵。各等語。逆捻孫葵心等分股竄擾商邱柘城圍撲睢州。約二萬餘人。杞縣已見賊蹤。距省不過百里。情形緊急。經該撫咨照關保調令承惠主鳳祥等統率馬步繞出賊前。力顧西北兩面。並由省調派馬步練勇。由崇安管帶出省。馳赴杞睢一帶迎頭堵截。所籌尚屬周妥。惟賊勢猖獗。奔突靡定。關保所部兵勇為數無多。柘城又在鹿邑西北。在在皆可繞越。瑛榮業經咨照傅振邦等分路兜剿。即著傅振邦迅派馬步兵勇會同參將承惠等軍探賊所向。迎頭截擊。力固

北路藩籬毋令賊蹤繞越瑛榮有地方之責並著嚴飭文武集團守禦以期偏賊回巢再行協力勦洗毋稍延誤將此由六百里各諭令知之○以湖南官軍勦辦兩廣股匪出力賞參將陳品南巴圖魯名號知縣黃瀛熙花翎並升擢有差予陣亡把總李錦春外委楊秀文祭葬世職軍功郭成甲羅盛世賞卹如外委例○予安徽亳州陣亡外委吳殿元祭葬世職○戊戌諭內閣兵部奏請添掣差官

並變通留差年限等語兵部額設差官二十名定例於會試年籤掣據該部奏稱現在差官到部不敷差遣此次掣籤著准其援照成案於正數二十名外再掣備用二十名以備差遣至各差官三年報滿後多無力留差其留差一年分發各省者因軍營儘先人員過多頗難得缺自應量為變通嗣後各差官等三年報滿仍照例銓選其有呈請留差一年期滿者即准其指省分發作為儘先候補與

各項儘先人員挨次敘補毋庸留差二年俾資奮勉將來軍務告竣後續經到部者仍照常例辦理○又諭兵部奏覆試不符之中式武生可否揀選請旨遵行一摺甘肅等省中式武生李懷德等五十八名覆試未能合式呈請揀選與例不符惟係志殷報效若不准其隨營當差未免向隅李懷德等著作為中式武生由該部給與驗票令其隨營學習如果弓馬可觀差操無懈五年期滿咨部註冊

由各該省督撫專以把總考拔不得拔補千總以示區別其有始勤終怠弓馬生疏差操貽誤者隨時咨部斥革以肅營規此項人員俟下科覆試合式後仍照武舉辦理○又諭張亮基等奏克復嵩明州城攻破賊寨一摺雲南嵩明州回匪孫漢鼎等占踞州城招集匪黨肆行焚掠本年五月內經張亮基派都司何自清帶兵練千餘名馳往勦辦連獲勝仗斃匪千餘並斃首匪孫漢鼎及著名兇匪

十數人。至七月間。嵩明州知州春慶。約會城內漢民為內應。縱火開城。兵練一擁而入。賊眾驚竄。追殺五六百人。遂將州城克復。知州春慶雖隨同克復城池。而前次回民入城。未能分別良莠。實屬辦理失宜。著革職暫行留任。並責令隨同攻勦肅清餘孽。所有出力員弁兵練。並捐貲紳民人等。准其擇尤保奏。候朕施恩。○又諭張亮基等奏。特參侵蝕捐項。勒捐實收之職官。請旨革職提審一摺。雲南鑄局委員在四川收捐銀兩。實存捐號。捐職遊擊劉兆麟等。抗延不交。復敢將此項銀兩。買鉛營運圖利。串通在籍捐升知府唐世祿。暗中把持捏造浮言。藐法已極。四川捐升遊擊劉兆麟。雲南通判劉安策。提舉捐升知府唐世祿。均著革職。提解雲南。交張亮基等嚴行審辦。所存捐項銀二千一百餘兩。及實收三十二張一併追繳。以清弊竇。而重軍需。○諭軍機大臣等。據張亮基等奏。雲南經費支

絀。請飭四川陝西山西將應撥滇省銀兩。即日起解等語。雲南各路用兵防堵需餉孔殷。自應亟籌接濟。著有鳳會望顏於應撥滇省銀兩內。各先行撥銀十萬兩。英桂於應撥滇銀三萬四千兩。迅速全數撥解。均於接奉諭旨之後。限十日派委妥員起解赴滇。以濟要需。毋稍延誤。將此由五百里各諭令知之。○戶部奏。查出覈對實鈔總局司員聽從革商將交款易換空鈔等弊。請飭交刑部審訊。得旨。著派載垣會同刑部認真研訊。不准稍涉輕縱。惟錢帖鈔條等項。刑部追欠時。因何含混草率。著刑部明白回奏。○命翰林院候補侍講學士編修顏宗儀。提督雲南學政。○以勦平雲南武定夷匪出力。予知縣李瑞枝等。加銜升擢有差。○以攻克雲南楚雄鎮南賊巢出力。予都司高天澤等。升擢有差。○己亥上御紫光閣。閱中式武舉馬步射。○諭內閣。達賴喇嘛呼畢勒罕。於明年七月初三日坐牀。

著派滿慶恩慶前往看視所有頒給敕書賞費等件著理藩院揀派司員二名馳驛齎往其沿途經過直隸山西陝西四川等處地方著各該督撫派委道府副參大員妥為護送並著有鳳於司庫提銀一萬兩俟該司員到省時交給帶往一併賞給達賴喇嘛至打箭鑪以西著該督知會前途照例豫備馬匹勿致遲誤○諭軍機大臣等彭蘊章等奏豫籌天津海防仍請宣洩河水以制夷船一摺據

實錄卷九十六

十一

稱夷人被創以後難保不再圖窺伺惟有洩水之法使夷船不能深入則礮臺防兵更可得手上年屢經議洩南北運河等水旋因夷船退出未及詳議今查南運河水應將滄州捷地隄淤河挑通導之入海再於天津城西開引河一道令入南窪則南運河之水可減北運河水應挑通楊村筐兒港令由東淀入海則北運河之水可減大小西河水應挑濬天津城東減水河使之東流則西河之水可

減再於馬家口以下開道引河引水入南窪並開濬白塘口則海河之水可減以上各口或修理舊牆或建築土壩無事則閑有事則啟來源分則下流易淺夷船斷難深入於守禦之策較有把握等語海口久駐重兵深恐經費難繼果能宣洩河水使夷船不復能入大沽直抵津城則地險可恃即可稍撤防兵著僧格林沁恆福查照該大臣等所議派委要員分投履勘儘將各牆壩修建實能減洩

實錄卷九十六

十二

河水有裨守禦即著乘此冬令水涸之時趕緊籌辦此項工程係就原有河道挑挖工費自不甚鉅或作正開銷或由官紳捐辦並著僧格林沁等酌量奏明辦理原摺著鈔給閱看將此諭令知之○都察院左都御史綿森等奏遵旨覆覈朝審人犯應由緩改實之浙江絞犯張汰聰應照原擬仍入緩決辦理其呂鳳儀一案請飭浙江巡撫再行研鞫得旨此事朕兩次諭旨想該堂官等並未看明初

云悉心定擬。繼云覆擬具奏。試問悉心者何定擬者何。不過順水行舟。得推則推。盈廷若皆如斯之卿貳。朕圖治何所賴焉。著派惠親王載垣。專會同都察院堂官。再為悉心定擬。覆覈具奏。○庚子。

上御箭亭。閱中式武舉技勇。○御乾清宮。引見中式武舉。親定甲乙。○諭內閣。文煜奏。特奏玩視捕務之員一摺。前據都察院奏。直隸開州廩生。种世恩。呈摺在山東恩縣。途次被騎

實錄卷二百九十六

三

馬賊搶去銀兩等情。一案當降旨。交文煜提訊。茲據奏稱。該生种世恩。被搶業據前署高唐州知州兼理恩縣殷嘉樹稟詳有案。並將該生攜帶應試羅文扣存。移送開州學查緝。實出情理之外。又查該知州兼理恩縣任內。有公差李昇被搶一案。及署高唐州任內。有冠縣文生王慶緒被搶一案。均經前任巡撫崇恩嚴飭緝捕。賊未獲。實屬玩視捕務。已極。前署高唐州兼理恩縣膠州知州殷嘉樹

著先行撤任。摘去頂帶。勒限兩月。留於恩縣。高唐協同該地方官緝拏各案。務獲究辦。調署恩縣。汎專汎把總王東洋。署高唐州。汎專汎千總李景顏。均著摘去頂帶。勒限嚴緝。如逾限不獲。並訊明殷嘉樹於种世恩案內。扣留羅文。有無借端勒捐情事。再行一併嚴參。按律定擬具奏。○諭軍機大臣等。和春奏。揚防官軍擊退東竄悍賊。該逆大股西潰。圍撲六合。撥兵援剿一摺。逆股勾結捻匪。由司徒

廟竄至瓦窑埠。沿途抄掠。直逼揚州郡城。經留守總兵馬得昭派兵迎擊。賊眾奔潰。於十七日糾眾西竄。由小路繞道儀徵。陳板橋距六合大營止十餘里。分股攻陷紅山窰營盤。該大臣已派記名總兵朱承先等渡江策應。並飛咨袁甲三。飭令副將張威邦。由清淮回至揚城。抽撥兵勇。星夜赴六合應援。並飭水師參將李新明。分撥艇船五隻。駛泊段腰口。江面堵其南竄。布置尚為周密。紅山窰係李

若珠大營後路一經失陷餉道不通情形萬分危急。現在朱承先、張威邦各軍業已馳抵瓜埠。著即嚴飭各軍奮力進攻。前後夾擊。先將紅山窰營壘趕緊攻克。以通餉道。而全大局。所有失守營盤各員著即查明分別叅辦。將此由六百里諭令知之。○又諭御史林之望奏懷遠縣民人胡文忠呈遞書函以死迫伊代奏一摺。該民人全家被難賣女來京。以地方大冤未伸。欲行叩關。並呈遞書函。經該

實錄卷六

五

御史勸阻。旋在會館自縊。據該民人書函內稱。勝保以酒色行樂。不顧生民塗炭。張瀧投誠復叛。李兆受滋擾。滁來翁同書將降匪之知縣王啟秀保升知府。通匪之懷遠主簿顧長源擢用知縣。道員黃元吉不借懷遠縣餉銀。以致該縣失守。又縱兵搶掠。設卡剝民。各等語。勝保翁同書勦辦皖匪日久無功。地方糜爛已極。胡文忠所指各情未必無因。著和春何桂清遴派妥員前往江北密行訪查。如

勝保耽於酒色。奏報不實。翁同書保舉匪人。即著據實具奏。勝保係安徽一路督兵大臣。一時頗難更易。著和春、何桂清於江南江北帶兵大員中擇其堪以勝任者酌保一員。候朕簡用。原摺單並胡文忠信函均著鈔給閱看。將此由六百里各諭令知之。○又諭瑛榮奏擒匪竄擾蘭儀省城喫緊請暫留黑龍江馬隊一摺。擒匪自偏竄。雖犯後剽悍異常。現在南至杞縣于相鋪北至蘭儀煙垌集均有

實錄卷六

六

大股盤踞。距省垣不過數十里。情形甚為喫緊。蘭儀接壤山東。尤虞北竄。郝上庠一軍現駐曹單。赴援較近。著文煜迅飭該署總兵呈馳赴豫。並飭濟東道黃良楷派勇一二千名繞由北路馳赴蘭儀。會合崇安併力堵剿。至副都統德楞額駐劄韓莊。距蘭儀較遠。況須防堵山東本境。未便遠離。著毋庸調往。瑛榮現於鄧州等處募勇到省助剿。惟兵力尚單。著關保即由鹿邑督帶所部官兵赴省援應。

其巴揚阿所帶黑龍江馬隊一千名本為湖北進剿皖匪之用。况現在甫到直隸境內。距豫省尚遠。緩不濟急。俟其經過河南時。僅捨氣尚偏省城。准由瑛榮飭令巴揚阿沿途勦洗。以期迅就殲除。儻情形稍鬆。仍著該副都統管帶赴楚北軍營。不得任意截留。致有貽誤。將此由六百里各諭令知之。○山東巡撫文煜奏報。將地丁銀五萬兩。抵米五萬石。解勝保軍營撥用。得旨。所籌銀項係屬正款。借抵將來作何彌補。速為籌畫。○河東河道總督黃贊湯奏報。秋汛安瀾。令詣河神廟祀謝。予出力人員升敘有差。○以陝西巡撫曾望顏署四川總督。賞五品頂帶。已革直隸總督譚廷襄。三品頂帶。署陝西巡撫。○以援剿江蘇六合賊匪不力。撤副將張威邦。記名總兵。○以山東二麥歉收。准改徵粟米。○辛丑

上御太和殿。傳臚。賜中式武舉一甲韓金甲。杜

遇春。李上崙三人。武進士及第二甲曹鳳甲等五人。武進士出身。三甲韓璽等二十一人。同武進士出身。○幸圓明園。○諭內閣。前因勝保籲懇回京。穿孝。疊經降旨。以安徽軍務正當喫緊。令該大臣暫留督辦。俟軍務稍緩。再行奏請。茲復據勝保懇情奏懇。著准其回京穿孝。以遂其孝思。所有欽差大臣關防著袁甲三前往署理。督辦皖省軍務。勝保所統旗綠各軍。均歸節制。勝保著俟袁甲三到營後。再行回京。漕運總督著聯英署理。○諭軍機大臣等。本日據勝保奏。懇情籲懇。仍准回京穿孝。已明降諭旨。允准。並命袁甲三署理欽差大臣。督辦皖省軍務。聯英署理漕運總督矣。皖北捻匪。勾結粵逆。勢甚披猖。現在東路之盱眙北路之蒙宿。屢經獲勝。尚保無虞。惟懷遠一城。居鳳潁之交。久為賊踞。亟宜迅圖攻克。與翁同書一軍。合而為一。以便進攻。淮南兼顧北路。袁甲三接奉此旨。俟聯英到

任交卸後即赴勝保軍營接受欽差大臣關防統領各軍即當進攻懷遠迅掃賊氛毋得株守一隅致成渙散之勢勝保屢次挫賊該營布置未必悉臻妥善袁甲三到營後須力加整頓所有帶兵各員如有遷延觀望不用命者即行嚴參懲辦以肅戎行至李世忠投誠後仍踞滁州傳聞有縱兵出掠之事今勝保已撥給月餉一萬兩自當知感知奮約束麾下不擾居民並著袁甲三妥為駕馭使為

奏奉

奉

我聞不可稍存大意至清淮防務亦當喫緊聯英接署漕督後著即會同庚長妥為調度防堵三河盱眙分竄之賊以保完善之區將此由六百里諭令知之○又諭本日據勝保奏江蘇省原定每月協撥皖餉銀二萬兩六月以前並無延誤自七月以後積欠至五萬五千兩之多請飭迅速補行撥解等語皖省現當勦賊喫緊著何桂清督飭藩司即將七八九等月應解皖餉銀每月二萬兩如數補

解以後仍按月源源接濟萬萬不准宕延將此由五百里諭令知之○命吏部左侍郎匡源吏部右侍郎文祥在軍機大臣上行走○以辦理安徽軍營文案出力賞郎中銜吳台朗花翎○予安徽軍營病故總兵官慶瑞祭葬卹廕○壬寅

上詣

安佑官行禮○諭內閣著齡奏省城辦理防勦

籌濟軍需各員請寬免處分擇尤保獎一摺

奏奉

奉

江西省自咸豐三年以來疊遭匪擾該司道府州等率屬防勦兼施辦理餉需軍械時歷數年茲當全境肅清所有該司道府州失守屬境處分准其功過相抵概予寬免其餘隨同防守出力各員並著惲光宸擇尤保獎以資激勵○又諭著齡奏參前護關道於被參案內應訊家丁延不交案一摺前據耆齡奏參護吉南贛甯道汪報閭徵收關稅詳報顯預並查有丁書人等私加稅銀收多報少等

情當經降旨將汪報閏撤任交耆齡提訊茲據奏稱汪報閏被查後任聽案內緊要家丁李恩遠颺並據稟稱七年分徵稅報單全行遺失以致案懸莫結前護江西吉南贛甯道事福建延建邵遺缺道汪報閏著即行革職交憚光宸勒令將家丁李恩並稅單等件交出歸案嚴訊如再宕延及審出浮收侵匿各情即行從嚴懲辦○以江西貴溪縣團防勦出力予生員范朝暉等擢用有差陣亡儒童吳佩銘陳德和傷亡儒童張堦祭葬世職如外委例○予江南陣亡縣丞陸鈞千總朱斌勝把總吳雄連外委陳禮國等祭葬世職○癸卯諭內閣邵亨豫奏皖省應試士子較多懇加增中額一摺前因該省應試士子僅徽州甯國二府廣德一州經禮部奏定照四成取中並加額二名茲據該學政奏稱現在應試士子不止三屬著加恩將本年己未恩科及補行乙卯正科以六成取中五十四名其

加額四名全歸本屆取中餘四成三十六名歸入下屆辛酉及補行戊午正科取中用示朕嘉惠士林至意○諭軍機大臣等據翁同書奏皖北糜爛已極敬擬補救三策一摺朕詳加披閱所奏不為無見楚軍於八月二十八日攻拔石牌偽城斬馘無遺當諭令乘勝克復太湖縣城節節進剿嗣據曾國藩奏稱以兩軍循江而下規取安慶桐城兩軍循山而進規取舒城廬州當令官文等再行悉心會商所有東下四軍內應如何派出一軍取路光固潁州繞出蒙亳以北與勝保等軍會合南剿俾逆匪不致北犯尚未據該大臣等覆奏此次會籌大舉關係全局利害必須謀定後動計出萬全茲復將翁同書所奏寄示官文等籌議矣該撫所稱苗沛霖練丁可用前經勝保奏已於山東河南兩省漕糧項下各撥五萬石以濟苗沛霖李世忠等軍餉毋庸再行議撥現在楚省援師尚無到皖日期

該撫惟有扼守壽州與傅振邦關保聯絡一氣互為聲援暫保西路俟袁甲三到後會商進剿毋得株守一隅致成坐困之勢將此由六百里諭令知之○又諭前據官文奏請令會國藩分兵勦皖當諭籌商酌度復據會國藩奏分兵四路籌勦皖匪欲由太湖潛山以取桐城由英山霍山以取舒城由六安規復廬州由宿松石牌以取安慶布置極為周密該侍郎現已回駐巴河想分布妥協不日即

奏奉

奉

分道進兵矣茲據翁同書奏皖北糜爛已極賊跨長淮之險其勢益張該撫一軍在淮潁之交與六安形勢相接如楚師騰赴而入可以收腹背夾攻之效僕別遣勁旅萬人間道疾趨英霍直搗舒城得舒城則桐城潛太皆下徐出奇兵以圖懷定漸復皖境此為上策所籌與會國藩前奏尚屬相符惟楚軍東下節節進取尚需時日已諭該撫等力保皖境以待楚師著官文胡林翼將翁同書所陳三

策加以參酌咨商會國藩謀定後動務期計出萬全以奏膚功原摺著鈔給閱看將此由五百里諭令知之○又諭瑛蔭等奏股匪竄駛通許尉氏會商籌勦一摺此股皖捻前已撲擾睢杞分竄蘭儀乃承惠所帶兵勇由商邱虞夏追賊至亳竟遭挫折其由杞縣分股之賊復竄陷蘭儀縣城圍撲考城通許並至尉氏縣之黎寺保等處焚掠雖據該撫等奏稱蘭儀一股經崇安疊次獲勝復於考城東

奏奉

奉

北為鄉團截擊敗奔而南路通許尉氏距省切近且舞陽北舞渡陳州周家口等處皆為該匪熟路甚恐蔓延雖關保刻即親赴通許並飭崇安承惠等折回夾擊覽其所奏情形著著落後待各軍馳至該逆已飽掠而歸徒成尾追之勢殊堪痛恨本日據文煜奏捻匪已闖入曹縣邊境又有分股由間道撲直隸東明之信似此豕突狼奔擾及鄰境皆因豫省堵剿不力之故著關保嚴飭各將弁併力

殲除毋令分股北竄。僅再旁擾他處。恐難當此重咎。德楞額馬隊勢難遠調。巴揚阿所帶黑龍江西丹馬隊一千名。僅經過河南時。賊氛未淨。著瑛榮暫令沿途勦洗。如軍情稍鬆。仍遵前旨。飭赴楚北軍營。不得久留豫省。致有貽誤。將此由六百里諭令知之。○又諭文煜奏。擒逆北竄。徑撲曹縣。東明一摺。逆捻屢次窺伺曹單。近又分股欲撲東明。畿輔重地。豈容該匪竄擾。恒福前因大名順德廣平三

奏書奉

奉

府地方緊要。派員辦理團練。譚廷襄現署理陝西巡撫。所有大名一帶團練。即飭候補道丁守存協同大名鎮道實力堵剿。此股賊匪剽疾異常。恐團練不足抵禦。著恒福於大名防兵之外。添派得力將弁。酌帶精銳官兵。馳往東明一帶迎頭截擊。毋任蔓延。郝上庠現署曹州鎮。勦辦賊匪。是其專責。據文煜奏。已由涇于集等防所統帶馬步大隊拔營前進。是否迎勦蘭儀竄匪。抑或北赴直境。未據該

撫詳細具奏。且瑛榮奏蘭儀之匪業已東竄。文煜奏該匪尚聚蘭儀。是否另有一股。並著文煜查明馳奏。嚴飭該署鎮偵賊所向。務將此股擒匪殄除淨盡。毋稍遷延。將此由五百里各諭令知之。○兩江總督何桂清等奏。遵查大學士彭蘊章呈出匿名書函。所陳漕弊情形得旨。此摺著與大學士都察院堂官各科道等閱看。是否全係實情。著聯銜覆奏。彭蘊章著迴避。○河南巡撫瑛榮等奏。關保督

奏書奉

奉

隊由商睢進剿。馳抵陳留。該匪仍竄往通許。情形得旨。似此著著落後飽掠而歸。徒成尾追之勢。何日方可殲除。不料關保身經百戰者。乃若是度事不明。殊堪痛恨。○以工部右侍郎杜翰署吏部右侍郎。吏部右侍郎文祥署工部右侍郎。兼管錢法堂事務。○以安徽亳州防勦出力賞守備權珍奎等藍翎。餘升擢有差。○以安徽壽州官紳辦團出力賞都司銜孫克仿花翎。餘升擢有差。○以河南勦

匪遷延革總兵官慶文職仍留任隨營效力
○以河南蘭儀縣被賊竄陷革知縣高長齡
職仍留營效力予陣亡外委范奉標訓導李
鍾山祭葬世職○甲辰

上御洞明堂句到奉天貴州新疆情實罪犯停
決奉天斬犯三人貴州斬犯二人絞犯一人
餘三十三人予卹○諭內閣載華等奏兵役
懇借銀兩並請飭催解款一摺

東陵兵役應支餉銀等項向係各州縣按四季

奏奉

奉

首月由藩庫支領申解散放本年僅祇薊州
豐潤遵化等處解到春夏等餉其餘多未解
齊不敷支放著照所請准其由永濟庫所存
租銀內先行賞借以示體恤其已解到春夏
二季餉銀者兵役每名著賞借半箇月錢糧
其僅領春季餉銀者兵役每名著賞借一箇
月錢糧俟各州縣解到夏秋餉時按數扣歸
原款以清庫項並著直隸總督督率藩司嚴
飭各州縣迅將欠解本年夏季並秋冬二季

兵役應支餉銀米折等項銀兩並前欠各季
畫撥二成二八錢文以及票銀等項一併趕
緊領解藉濟急需毋再延宕○又諭何桂清
等奏江南武闡鄉試請再行展緩一摺江南
省武闡鄉試展緩業已兩科並本年恩科自
當歸併辦理惟蘇州省城既無校閱之地浙
江武闡鄉試已因江南借考展限辦理無可
議借勢難依期舉行著准其暫行展緩俟江
甯收復後再行奏請舉行○刑部奏遵議烏

奏奉

奉

什辦事大臣保恆等奏覆訊楊自蔭用刀砍
傷楊昇身死另行酌擬一摺得旨楊自蔭仍
著改為應斬著監候秋後處決豈有若是情
節刑部率依遵駁定擬足徵事事不留心之
故刑部堂官均著傳旨申飭○以辦理江蘇
海運出力予知府蔡映斗等加銜升敘有差
○乙巳諭軍機大臣等僧格林沁恆福奏遵
籌宣洩河水請簡大員會同查辦一摺據稱
海河河水寬深潮水長落並無一定非人力

所能施。其滄州等處挑濬隄。牘前會查辦。民間多稱未便。請派員會同履勘。再行興辦。等語。宣洩河水之議。係由候補道丁守存。函致彭蘊章。四品頂帶李湘荼。函致匡源。而李湘荼言之尤為詳細。是以該大臣等。據實奏聞。請飭籌辦。現據僧格林沁等奏。請派熟悉河務人員會勘。京中並無可派之員。惟丁守存等言之鑿鑿。或有把握。此時直隸南路喫緊。丁守存既經派往辦團。自未便遽行調回。李

中集卷之六

李

十

湘荼。又偕郭嵩壽。前往山東。如能調李湘荼。先回津郡。著令其將所言宣洩事宜。詳細臚陳。即由僧格林沁。恆福。派委妥員會同該員。逐處履勘。如有把握。再行奏請興辦。儘多窒礙。即著毋庸辦理。將此諭令知之。○又諭。據恆福奏稱。賊由蘭儀竄至東明縣之杜勝集。長垣縣之前黃集等處。均經本地鄉團兵勇。截擊獲勝。賊始敗竄。懇請調兵添派大員。統帶。並截留黑龍江西丹各等語。東明。長垣。係

屬直省門戶。稍有疏虞。則北路必致震動。現在賊蹤已竄至曹考一帶。恆福業經調派宣化鎮總兵阿麟保。馳赴大名布置。惟兵力尚單。准其將巴揚阿所帶黑龍江西丹一千名。暫留堵剿。俟賊蹤遠遁。即飭巴揚阿統帶。由河南前赴湖北。至統兵大員著派樂善。迅速馳往大名一帶。總統馬步各隊。擇要駐劄。以固疆圉。如捻匪竄至邊境。即當痛加殲戮。以勦為防。不可徒事株守。將此由四百里諭令

中集卷之六

李

知之。○丙午

上御勤政殿聽政。○諭內閣。工部奏請飭催興修要工。並請派員承修各等語。盛京闕雖官等項工程。前經慶祺奏准修理。明歲方向相宜。著派玉明。倭仁。照六年原估作法就近敬謹承修。其所需銀兩。著仍按工部則例覈算辦理。刑部奏遵議直隸總督恆福奏定天津鍋匪罪名。請照強盜律科罪。殺傷人命之案。並參照閩粵等省械鬪斃命。及回民結夥

傷人各例。科罪辦理該督所稱聚數十人及百人以上。持械殺傷人命。照拏辦土匪正法之處。應毋庸議。得旨該督所擬是為因時制宜起見。原為嚴懲於一時。刑部所議太覺寬縱。著仍照恆福所擬。以儆刁風。刑部所議不准行。著御前大臣。軍機大臣。閱看。足見刑部堂司各官。惑於習氣。不肯為任怨之人也。○以詹事府詹事崇實。為內閣學士。兼禮部侍郎銜。候補三品京堂張芾。為都察院左副都

書

書

御史通政使司副使聯康。為太僕寺卿。○以山西按察使沈兆澐。為浙江布政使。未到任前。以督糧道王友端署理。以山西河東道黃經。為按察使。○以江蘇捐輸軍餉。永廣泰興縣學額三名。○以陝西候補道熊文華捐輸軍餉。永廣本籍四川綿州學額一名。○以迴護兵勇。妄拏無辜。革浙江黃巖鎮總兵官陳世忠職。以候補副將黃彬。為黃巖鎮總兵官。○以援勦江蘇六合失利。革總兵官馮子材。

副將朱承先。張威邦。參將田宗揚。職仍留營。勦賊。子陣亡。把總席定國。祭葬世職。

書

書

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百九十六

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百九十七

監修總纂官是日撰定法官太子太保上書庫總管文淵閣總纂官徐承恩等奉旨纂修

大學士管理兵部事務加十三級紀錄十四次實績著本學憲官應撰官太子太保文淵閣總纂官徐承恩等奉旨纂修

大學士管理戶部三庫事務管理刑部事務加二十二級紀錄十六次實績著本學憲官應撰官太子太保文淵閣總纂官徐承恩等奉旨纂修

錄監撰官是日撰定法官太子太保上書庫總管文淵閣總纂官徐承恩等奉旨纂修

大學士管理工部事務管理禮部事務加二十二級紀錄十六次實績著本學憲官應撰官太子太保文淵閣總纂官徐承恩等奉旨纂修

大學士管理刑部事務加十三級紀錄十四次實績著本學憲官應撰官太子太保文淵閣總纂官徐承恩等奉旨纂修

咸豐九年己未十月丁未

上御洞明堂。句到四川情實罪犯。停決斬犯十人。絞犯二人。餘六十人予句。○諭內閣。慶昫奏軍臺廢員聚賭。審明定擬一摺。此案廢員什亮等。均係因案發往軍臺效力贖罪之員。乃不知安分悔罪。竟敢聚集無賴。開場賭博。實屬怙惡不悛。所有廢員什亮。文瑞。尹繼昌。文哲。譚吉光。福蔭。均著照該署都統所擬。改發新疆充當苦差。德山。李成膏。和爾賡。額崇。喜。許。鵬。均著於軍臺本罪年限上加留一年。

以示懲儆。該管兼管各旗員。著查取職名。交兵部分別議處。慶昫失於覺察。著一併交部議處。失察聚賭之管站部員。及失察聚賭承緝不力之知縣。著吏部查取職名議處。○以甘肅辦團出力。予在籍知縣李協中等。加銜升擢有差。○以勦撫甘肅番族出力。賞還西甯辦事大臣福濟。頭品頂帶。予左翼正盟長郡王烏爾津扎布等。優敘。賞把總陳相猷等。藍翎。餘加銜升擢有差。○戊申。諭內閣。仁壽等奏。此次武鄉試。奉天武生不敷取中。請旨遵行一摺。本年武鄉試。奉天例定中額。及捐輸加廣共應取中五名。茲仁壽等。監較外場箭射技勇。合式者僅四名。所有該省不敷捐輸加廣中額。著歸入下次補中。○又諭。前據德楞額奏。徐州士民楊介臣等呈稱。副都統伊興額。現住徐州養病。懇請就近辦理軍務。當經諭令傳振邦查詢。如該副都統病體漸痊。即飭隨同勦賊。茲據傳振邦查據該副都

統覆稱。久病未痊。請回旗調理等語。伊興額前經勝保奏。參。非僻任性。難勝統帥。降旨革去頭品頂帶。交勝保差遣。旋據該副都統奏稱患病。懇請開缺回旗。當諭勝保查明。實係患病。亦令在營調治。不准回旗。此次該副都統所稱患病日久。已成半身不遂之證。是否屬實。著袁甲三查驗明確。如有捏飾情事。即行參奏。儻實係病將成廢。不勝督隊之任。亦著據實具奏。○諭軍機大臣等。本日據傅振

奏奉

三

邦奏。添派兵勇。截剿北竄。擒匪一摺。此股擒匪。節據瑛。蔡。文。煜。恆。福。等奏。竄陷蘭儀。圍逼考城。並分股竄擾曹縣。及直隸之長垣。東明。經本地團勇擊退後。復竄至曹考一帶。與該提督所奏大略相同。傅振邦探聞賊撲定陶。業經飛催派赴北路之鎮將前進。復加派兵勇一千名。令參將胡元昌。帶赴河北一帶。其已經派往豫省之博崇武。高玉振等。所帶馬隊。復經飛調轉赴山東。相機堵截。所辦尚屬

妥協。惟賊蹤剽悍異常。既經駛過河北。且竄入直隸山東境內。亟應痛加剿洗。以固北路。藩籬。傅振邦惟當飭令胡元昌等軍。會合東省官兵。繞由北路。迎頭截擊。倘令仍回老巢。斷不可自南路攻剿。驅賊北來。致成尾追之勢。將此由六百里諭令知之。○又諭。本日據傅振邦奏。病體尚未大愈。請派員幫辦等語。業經降旨。著太原鎮總兵田在田。馳驛前往幫辦矣。現在徐宿。擒匪肆擾。時圖北竄。經傅

奏奉

四

振邦撥兵策應。軍務正當喫緊。著英桂即飭該總兵迅速啟程。馳赴傅振邦軍營。毋稍遲延。所有太原鎮總兵員缺。著該撫派員署理。將此由六百里諭令知之。○又諭。上年因給事中清安奏。山東平度州。三座山。鵬化澗等處。發露金苗。堪以開採。並稱有商人薛普等情。願自備資斧。前往承辦。當諭令崇恩派員查勘。本年四月。據崇恩覆奏。勘明該處並無金苗發露。該處民人。紛紛呈請。免其開採。薛

普等又查傳不到。顯係情虛避匿。奏請封禁。茲復據該給事中奏稱。薛普等因在京貿易。未得即時投案。得信後赴省呈請委辦。知己奏明封禁。茲仍願承辦等語。著文煜即傳該商薛普等到案。派委妥員帶同前往平度州。確實查勘。如果礦苗豐旺。除費用外尚有盈餘。堪供課稅。即責令該商等試行開採。儻係該商一面之詞。諸多窒礙。亦著據實具奏。照舊封禁。原摺著鈔給閱看。將此諭令知之。○

刑部奏。審明撤任監督吏部員外郎張仁政自縊。並局員更役人等受財。比例從重定擬。得旨。奎麟。榮隱。吉祥。均照擬斬監候。完贓後。均著發往新疆效力贖罪。張仁政婪贓多款。死有餘辜。著查明該故員之子全數賠繳。不准稍有拖欠。斷不准捏報赤貧。以為貪墨昧良。希圖裕後者戒。○命山西太原鎮總兵官田在田。馳赴雲南提督傅振邦軍營幫辦三省勒匪事宜。○己酉。諭軍機大臣等。前據恆福

奏賊竄東明長垣等處。當經諭令統兵需員。即派樂善迅速馳往大名一帶。擇要駐劄。茲據僧格林沁等奏。探聞捻匪被長垣兵勇擊敗後。復被曹單兵圍擊。退分股竄往河南通許等處。北路情形已鬆。樂善即毋庸派令前往。所有直隸防兵馬步各隊。即著責令阿麟保統帶。擇要駐劄。實力防剿。以固疆圉。將此諭令知之。○又諭。僧格林沁等奏。捻匪情形稍緩。請將黑龍江西丹馬隊留駐豫北防剿。一摺。現在河南境內。關保已親赴通許。兼有崇安。承惠等。併力夾擊。諒此敗竄餘匪。不難立就殲除。所有巴揚阿統帶之馬隊。著瑛榮仍遵前旨。體察情形。飭令迅赴湖北。不可久事稽延。況此項係生力之軍。正宜乘其銳氣。以征皖匪。斷不准瑛榮任意截留。致有疲乏。至此項馬隊抵楚時。官文等擬撥向何路進攻。如由光固六安一路進兵。需用此軍。即可就近調撥。著官文。胡林翼。探明巴揚阿馬隊。

進抵何處飛速派員催提可也。將此由六百里各諭令知之。○以工部右侍郎宋晉為順天武鄉試正考官。詹事府少詹事許彭壽為副考官。○以拏獲奉天盜犯出力。賞協領恩合。佐領恩科。防禦穆錦。巴彥布。豐恩。花翎。驍騎校綽豁布等。藍翎。餘加銜升擢有差。○庚戌諭內閣。戶部奏。青州滿洲營出征兵丁受傷成廢。長支馬乾銀兩。請免追繳一摺。青州滿洲營調赴各省軍營勦賊陣亡兵丁。長支

實錄卷四

七

馬乾銀兩。業經免其追繳。至打仗受傷成廢。遣撤歸伍兵丁。例無明文。惟該兵丁等受傷回營。解退差操。照例僅食半餉。若再扣繳。難資養贍。所有青州滿洲營受傷殘廢解退。及續經病故兵丁一百四十八名。未扣長支馬乾銀一千六百三十九兩零。加恩免其追繳。以示矜恤。○又諭。王明等奏。應辦要工。請緩興修一摺。奉天關雎宮等處工程。前經降旨。令於明年修理。茲據該將軍等奏稱。採辦木

植尚屬潮濕。應俟風晾乾透。以期堅固。著照所請。此項工程。准其緩至咸豐十二年。再行辦理。○又諭。恆福奏。防堵官兵應支鹽糧。請將京商完交復價引課。京帖制錢。就近撥交搭放等語。長蘆商人。應完鹽引復價。本為海口兵餉之用。著准其將現存徵收復價。京帖制錢一萬九千九十餘串。又咸豐三年至七年。京商完交引課。京帖制錢六萬一千一百七十餘串。就近撥交糧臺。搭放兵餉。其應放票鈔一兩者。即以京帖錢四吊抵放。其實銀仍照舊章給發。以示體恤。嗣後運庫此款。如有續收。一併撥解糧臺。俾資接濟。○諭軍機大臣等。本日據勝保奏。攻勦懷遠。疊獲勝仗。並翁同書奏。西南北各捻情形。捻首張樂行。盤踞懷遠。勾結粵逆。勢甚猖獗。兩月以來。經勝保妥籌布置。現以盱眙獲勝。明光賊亦退遁。督飭各軍。分路疾擣。連獲大捷。儼能於十月內攻克懷城。皖北軍務。自有轉機。翁同書

以懷逆與鳳陽定遠聯成一氣。慮不力攻臨淮。奪取明光。恐致大股竄往盱眙。欲令張得勝由盱眙疾擣明光。李世忠由關山直擣藕塘。固以牽制北路賊勢。而尚未悉明光賊退之信。此時西路之太和阜陽縣境。各有捻匪攻撲。亟應迅籌擊退。南路匪黨。聞楚師將至。欲以全力相抗。該撫已派都司陳松等前往。為楚師嚮導。著該大臣等妥籌夾擊機宜。其定遠以北之捻。亦應督飭各軍。迅速攻剿。勿令該匪分股赴廬。方操勝算。袁甲三接奉前旨。計即日馳往勝保軍營。接署關防。所有各路軍情。著與勝保。翁同書通盤籌畫。務臻周密。苗沛霖練丁。打仗出力。經翁同書撥與糧臺米糧一千石。自必倍加奮勉。惟前據勝保奏請。於山東河南兩省漕糧內。各撥五萬石。以濟苗沛霖。李世忠等軍餉。已據文煜覆奏。於地丁項下動銀五萬兩。抵作米五萬石。解赴勝保軍營。即係接濟苗沛霖軍食之用。若

彼此均不咨商。將來必致重複。至該撫另片請協濟軍餉等語。除江西省現須籌解湖北。及曾國藩月餉。恐未能再濟皖北。所請毋庸議外。其四川每月應解一萬五千兩。本日已諭有鳳迅即籌解。此後袁甲三署任。並著與翁同書仍照前議。將軍餉勻撥分用。毋稍偏枯。其李世忠一軍。並著勝保飭令奮勇報效。毋任株守。將此由六百里各諭令知之。○又諭前因翁同書軍營需餉甚繁。當諭有鳳。每月籌銀一萬五千兩。以資接濟。茲據翁同書奏准撥四川餉銀。至今尚未報解。皖軍待餉孔亟。飢潰堪虞。請旨飭催等語。著有鳳仍遵前旨。每月撥銀一萬五千兩。如期徑解壽州軍營。毋得遷延推諉。將此由五百里諭令知之。○又諭景瀉祿權奏。委員會晤俄酋。不遵開導一摺。此次署副都統富尼揚阿。會晤木哩斐岳幅。詳細開導。烏蘇里。綏芬。不與俄國連界。無所用其查勘。令其收回人船。乃該酋

愈加忿怒。聲言到瓊瑋另有剖辦。並催該署副都統下船。即溯遊上駛。該首在黑河口不遵委員開導。驕恣已極。特普欽現在守候該夷愛伸泰。亦係專辦之員。如與該首會晤。仍應實力開導。告以黑龍江左岸空曠地方。既借與爾國。已屬中國和好之意。吉林地方。本非俄國連界。斷難允准。速將人船收回。無可再議。儻該首桀驁不馴。先開釁端。該將軍等惟有密令城鄉團練。及趕緊招募攬頭人等。

實錄卷一百一十

十一

作為居民不依。欲與該夷相抗。然後官為調處。使該夷知眾怒難犯。不致得步進步。無所底止。此中操縱機宜。全在該將軍等斟酌辦理。以折其驕橫之氣。至在京之伊格那提業幅。日久不歸。並無應辦之事。吉林黑龍江爭論地界一節。早經告知該夷首。應由外辦理。不使從中生事。該將軍等仍與木首辨論。相機措置可也。將此由五百里各諭令知之。○又諭。前經降旨。諭令曾望顏署理四川總督。

現在四川筠連高縣慶符三邑為滇匪分股竄擾。相繼失守。飛催官兵馳赴援剿。辦理軍務正當喫緊之時。臬司蔣徵藩已同萬福帶兵出省。由南廣分起進攻。計省城中惟有鳳祥奎二人駐守。有鳳雖兼署四川總督事務。而成都將軍本任亦有應辦事宜。副都統伊琿額現又因病出缺。勢難兼顧。著曾望顏於接奉諭旨後。即日馳驛迅速前往四川。署理總督事務。所有陝西巡撫前有旨令譚廷襄

實錄卷一百一十

十一

署理。其未到任以前。即著布政使慶廉署理。以便曾望顏交卸啟程。毋稍延緩。將此由五百里諭令知之。○以荊州協領全亮為成都副都統。○改鑄浙江布政使印信。從巡撫胡興仁請也。○以克復安徽霍山縣城。復已革副將盧又熊等職。予都司徐邦道等升擢有差。○以安徽懷遠縣勦賊出力。賞參領金廷舉。遊擊黃開榜。黃鳴鐸。已圖魯。名號縣丞楊德昌。五品頂帶花翎。復參領盛安等職。○以

統帶馬隊赴皖北勦賊出力予御前侍衛副都統穆騰阿優敘擢參將滕家勝以總兵官用知府洪貞謙以道員用○以河南截勒山東曹縣竄匪出力賞副將博崇武已圖魯名號擢參將高玉振以副將用○撥山東司庫銀十萬兩解赴天津以備軍需○緩徵奉天牛莊防守衛鑲黃正白鑲紅正藍鑲藍五旗被淹冊地本年額賦○撫恤奉天牛莊蓋州地震傷斃災民○辛亥諭內閣有人奏雲南

會錄卷之七

十一

省自回匪滋事以來各處紳民兵勇有臨陣捐軀聞警殉節之人未經呈報者懇請飭訪彙奏等語該紳民見危授命忠節可嘉雖經該省大吏隨時奏請旌卹然或閭閻共殉無人為之闡揚或窮鄉僻壤一時難於周知甚有因書差需索遂致延閣者恐日久湮沒殊非所以勵節義而慰忠貞著張亮基徐之銘通飭各府廳州縣出示曉諭詳加採訪遴選公正紳士設局辦理並嚴禁書差勒索等弊

統限半年彙奏一次毋任遺漏○又諭孔拉芬泰等奏前發奏報途次衝沒另繕補奏並請飭查一摺該將軍於本年六月由伊犁發報行至山西之紅崖溝地方猝遇山水漲發將背負摺件之馬夫衝沒據押送外委邊惟龍稟稱撈救無蹤惟該外委既有押送之責應與馬夫接踵同行何以馬匹摺件均被衝沒該外委獨安然無恙恐事前偷安並未押送事後裝點撈救捏辭蒙稟著英桂確切訪

會錄卷之七

十二

查如有前項情弊即將該外委嚴參懲辦以肅郵政○諭軍機大臣等曹澍鍾奏逆匪分竄柳州等處請全留湖南援兵截勦並先調張運蘭赴鄂等語劉長佑所帶之兵前已准留粵西勦匪蕭啟江一軍亦已諭令窮追石逆毋令免脫並諭知曾國藩現在蕭啟江未能調回酌量另調張運蘭回鄂茲據曹澍鍾奏稱蕭啟江接奉曾國藩札調會勦皖匪稟請拔營回楚自係該侍郎尚未接奉前次諭

旨。廣西賊勢非蔣益澧所能獨支。該撫現擬分兵。由柳北融縣懷遠一帶繞出賊前。由雄容柳城一帶包抄賊後。為會合夾攻之計。著准其留蕭啟江一軍與劉長佑會合剿辦。俟事竣酌撤回楚。至該撫請將張運蘭先調赴曾國藩軍營差遣以補蕭啟江一軍之數。固屬兼籌並顧。惟據駱秉章前奏。張運蘭率所部由衡赴郴。獲勝後即飭由郴宜越境追賊。急切未能更調。而皖境自廬以北粵逆勾結

實錄卷五十七

五

擒匪勢甚鴟張。曾國藩議分四路進兵之舉亦屬不能稍緩。並須厚集兵力方能大舉深入。蕭啟江張運蘭既不能刻即回軍。除調回李續宜一軍外。有無別項兵勇可調。能否即日東征。著曾國藩妥籌調派。總期援皖剿粵兩無貽誤。方臻妥善。至石達開逆蹤剽疾。能即在粵境聚殲。固為上策。據曹澍鍾奏該逆欲由懷遠至洪江等處趨黔入蜀。急須豫籌堵剿。雖田興恕已由武岡綏甯靖州一帶扼

截。但與其扼於黔蜀之交。不若挫其奔黔之路。著駱秉章飛飭該署總兵探賊所向。擇要防剿。迎頭截擊。勿致落後。將此由六百里各諭令知之。○又諭。何桂清奏。粵首潰請潮州臺灣先行開市一摺。潮州臺灣兩處各國私自買賣。已越三年。此次粵首懇請先行開市。亦因貿易已久。欲掩其私開之跡。尚屬心存恭順。自未便執意阻止。俟何桂清與該夷會晤後。妥為籌議。具奏到日。再將潮州臺灣開

實錄卷五十七

六

市。並先完船隻噸鈔事宜。降旨明白宣示。此次如該夷別有要求。仍應據理駁斥。毋得率行允諾。至所稱啖咈二國。亦必相率前往。惟未換新約。稅則斷不任其牽混等語。究係照新章辦理。抑或仍照舊章。著該督於覆奏時詳細聲明。將此由六百里密諭知之。○又諭。本日據何桂清奏。啖咈二酋仍無動靜。惟探聞粵東夷商指告。嘈嘈辦理不善。揣度該國王必另派人來議和。又慮中國生異議。必

準備兵船同來尋釁有不在天津而在盛京
山海關等處計期總在明春之說等語現在
天津海口河流結凍將近撤防格林沁僅
能於撤防時親赴山海關履勘情形嚴密設
防更為妥善又據奏稱外國商船齊集山東
煙臺地方經旬累月詢之咪啡領事均稱無
船到東咪夷領事亦不知情恐有奸民假託
句結私相貿易現在條約並無登州口岸該
夷本不應至煙臺等處僧格林沁等前派李

李李

李

湘藩會同郭嵩燾前往山東各海口查辦此
事不可規目前小利而開夷船私來貿易之
端本日已諭令文煜嚴禁該處海口商人私
相貿易如地方官知情故縱即著嚴參懲辦
使無內奸引誘則夷船無利可圖不禁自絕
矣將此密諭知之○又諭前因夷船在山東
沿海私販洋藥並於煙臺地方停泊屢次諭
令崇恩認真稽查飭令夷船迅速開行文煜
到任後復經派員前往查辦茲據何桂清奏

准崇恩函咨外國商船在煙臺海口停泊近
來愈聚愈多頗有不與通商不肯遠去之意
經何桂清飭署蘇松太道吳煦照會各領事
確查據咪啡領事覆稱並無船隻赴東咪夷
領事則以登州口岸非其所管有無船隻實
不知情答覆外夷船隻齊聚煙臺若非奸民
與之句結私相貿易不完稅課斷無平空逗
遛之理現在登州海口並未與夷人約定通
商所有私到船隻不難驅逐惟驅逐夷船不

李李

李

若先清內奸為釜底抽薪之計著文煜嚴飭
地方文武即將該處海口禁止私相貿易勿
因目前小利而貽害大局一應抽釐等稅應
歸地方辦理者仍然不廢但能禁止奸民不
在海口句引則夷船無利可圖自不再至如
地方官有知情故縱弊竇即行嚴參懲辦毋
稍徇隱將此密諭知之○又諭本日據光祿
寺少卿端昌奏請飭度地開礦協濟新疆兵
餉一摺據稱伊犁烏魯木齊所屬等處聞有

金銀礦久經封閉。難保不有私挖情弊。莫若招商開採升課。以濟甘餉等語。惟該少卿未曾指明何地。著扎拉芬奏飭查伊犁烏魯木齊所屬有無礦苗發露。堪以招商開採之處。再行詳晰具奏。原摺著鈔給閱看。將此諭令知之。○又諭發下硃封一件。由五百里寄與樂斌。著該督慎選道府大員。迅至陝西。俟新任撫臣譚廷襄抵省。隨同秉公查辦。仍由該督撫會銜具奏。不准稍涉迴護瞻徇。將此諭

實錄

十九

令知之。○命前任山東巡撫崇恩。以內閣學士候補。○緩徵陝西麟遊縣被雹村莊。本年原貸社倉麥穀。○壬子諭內閣。舒精阿奏官兵俸餉。懇請支領銀票各半等語。黃新莊等四處行宮官兵俸餉。准其支領銀票各半。以示體恤。○准新疆南路防兵一千七百名內缺額二百名。於各城就近募補足額。從伊犁將軍扎拉芬奏請也。○予安徽陣亡守備張映川。曾玉堂。唐見林。滕代清。千總曾文成。把

總陳昌標。黃興隆。外委陳三元。周鎮邦。王炳南。盧玉貴。傷亡守備穆大高。祭葬世職。○旌表守節被戕。直隸威縣民張澤女大妯。○癸丑諭內閣。恆福奏永定河北三工合龍日期。並請保在工出力人員各等語。永定河北三工應築漫口工程。經恆福派委候補知府范梁會同該河道錫祉。督率在工各員弁。晝夜堵築。於九月十六日興工。十月初十日卯刻合龍。辦理尚屬妥速。所有在工尤為出力之

實錄

二十

文武員弁。著恆福覈實保奏。此項工程銀兩。內有應賠款項。該督先由藩道兩庫墊發。隨後捐款歸補。其捐輸人員。除扣除賠項外。始准作為捐款。毋許含混。○又諭前據綏遠城將軍成凱等奏請酌減大青山後牧地租銀。當交戶部議奏。茲據奏稱。大青山後沙拉穆楞等處地畝硯薄。原定租額過重。以致地戶逃棄。租銀拖欠。請照該將軍等所議。將租額酌減等語。所有大青山後牧地租銀。著照議

減為每畝徵銀二分一釐五毫以紓民力。經此次議減之後。務須年清年款。其舊欠租銀。應如何分年帶徵之處。著該將軍等體察情形。報部覈辦。從前經徵官員。雖無侵那情弊。究屬催徵不力。著查取職名。交部議處。此後經徵各員。儻敢仍前玩泄。即照大同朔平二府徵收糧石例議處。○河南學政李鴻藻奏。捻氛日熾。請簡重臣。統帶勁旅。赴豫督剿。得旨。汝之所見。誠非謬也。惟一時馬有如許馬。

李鴻藻

主

隊處處設防。瑛榮近有請留赴楚西丹之奏。諭令豫境稍鬆。仍催赴楚。況將來由楚豫之交。東征皖匪。勦髮即可勒擒。正相資為力。殊不必先受人言。故為此奏。○予安徽涇縣陣亡守備金必勝祭葬世職。○甲寅。諭內閣。和潤奏。現審續獲盜犯。與前辦結各案情節不符。請派員查辦一摺。據稱咸豐五年。番役蕭陞傑等。拏獲盜犯張吉。隨同張勳等。搶劫張起家一案。現訊據素當眼綫之邱廷元供稱。

李鴻藻

主

張吉曾犯竊案。並無盜情。張起家被劫之案。係伊用非刑。倡認。查新民廳卷宗內。拏獲逸盜抱合土等。搶劫張起案內。並無張吉。張勳等名。且年分亦不相符。自應詳查真偽。方可審斷。何以盛京將軍等衙門。會訊盜犯張勳等一案。已將抱合土等卷宗調齊。而奏結摺內。遽將張勳等擬罪。其抱合土一案。從此暗銷。究竟續獲之張吉。是竊是盜。必須將前案逐層根究。方無枉縱。現在一事三案。互相矛盾。恐委審各員。意存消弭。不肯認真。請派大員查辦等語。著玉明。倭仁。親提人證卷宗。秉公研訊。確情。務期水落石出。以成信讞。毋稍瞻徇。○又諭。翁同書奏。太和亳州擊退捻逆。並潁州等處。現辦勦撫情形一摺。太和縣城。於九月二十四日解圍。其另股捻匪。由石家營竄撲亳州。亦經署知州博銘。會同總兵朱連泰等。督飭練勇擊退。至潁州一帶居民。為捻匪迫脅蓄髮。非皆甘心從逆。前因湖南巡

撫駱秉章於逆賊竄楚時出示招撫脅從至二萬餘人之多辦理妥善曾經通諭各路統兵大臣及各督撫查照辦理現在翁同書於顏阜各屬被脅民人勦撫兼施除南召潁河及沙河以南等處圩民業經薙髮歸正外其餘被脅入夥之人但能薙髮投誠即屬良民一體給與免死護票地方文武毋得妄加殺害果有材能尚堪效用者並准其投營效力立功後准予保奏其或投誠後故智復萌心存反覆者仍著悉數勦除毋稍姑息以副朕

平定奉天

聖

仁育義正一秉大公至意○浙江巡撫羅遵殿奏籌解餉需並經過地方情形得旨海運務期趕辦京協暨防堵各餉尤應隨時籌撥源源接濟通省道府以及前任藩司現任臬司聲名才具若何認真察訪密奏不准一字欺飾○旌卹殉難陝甘靖逆營遊擊汪永楨妾張氏○旌卹浙江永康縣殉難紳民徐佐等十五名烈婦姚徐青妻周氏等五口○乙

卯諭內閣袁甲三奏請將遣戍遊擊留營效力等語已革遊擊楊國正前因鄭魁士奏參不遵調度當經降旨革職發往軍臺茲據袁甲三奏稱該遊擊驍勇善戰請留營效力楊國正著准其暫留袁甲三軍營戴罪自效以贖前愆○諭軍機大臣等前因勝保懇情額請回京穿孝降旨令袁甲三署理欽差大臣關防督辦皖省軍務並諭令於到營後整頓一切以資統率本日據袁甲三奏皖省軍務萬分喫緊增兵增餉一時均形掣肘懇請飭曾國藩署理欽差關防各等語曾國藩前有分路大舉入皖之議因派援廣西之蕭啟江等軍一時未能撤回不知何時可以入皖而皖北捻逆徧地勝保攻勦懷遠正當喫緊豈可統率無人致有鬆懈況曾國藩所部皆楚南兵將於皖北情形未必熟習袁甲三前為勝保幫辦所有統帶馬隊各員皆所熟悉但能力加整頓便可進攻懷遠迅掃賊氛該署

平定奉天

聖

大臣當仍遵前旨迅速啟程前往以便勝保交卸回京至勝保穿孝為期不過百日袁甲三此行原係暫署儘勝保到京後另有差使再行簡派大員前往安徽代袁甲三之任屆時聽候諭旨遵行可也將此由六百里諭令知之○實授袁甲三漕運總督仍署欽差大臣督辦安徽軍務○丙辰諭內閣肅順文彩奏查勘內城河道請派大員會同奉宸苑辦理挑濬一摺此項工程著派瑞麟周祖培會

實錄李李

三

同奉宸苑堂官迅速挑挖事竣驗收後覈實報銷○又諭勝保奏請將已革遊擊留營效力等語直隸提標後營遊擊保英前因天長失守革職發往新疆效力贖罪茲據該大臣奏稱革員被參後數月以來臨敵爭先尚知愧奮保英著暫免發遣戴罪留營效力以贖前愆○諭軍機大臣等僧格林沁恆福奏遵旨議覆海口撤防各事宜並恆福密陳僧格林沁辦防勞瘁請令入都陛見來春再行赴

津各一摺前因何桂清奏探聞夷人有欲往盛京山海關之說隨諭僧格林沁於撤防時至山海關相度防務茲據僧格林沁奏山海關地方曾經往來數次該處無險可扼設使夷人登岸惟有誘令深入聚而殲旃具見該大臣成算在留著俟明春赴防時再行往勘僧格林沁自正月到防後籌畫調度不辭勞瘁夏間擊退夷船大彰捷伐迄今又逾數月朕欣慰之餘時深繫念現屆節候嚴寒海河

實錄李李

三

冰凍俟南來漕船無復到津即知夷船斷難駛至該大臣即帶領京營官兵回京以資休息恆福著即回保定以便整理地方公事所有留防兵丁統交樂善管帶仍著嚴密防範毋得稍涉疏忽除輪流防守礮臺外其餘或擇附近地方令其棲止以示體恤著僧格林沁恆福斟酌辦理仍著樂善妥為彈壓毋令滋事應需餉項前已諭令文煜由山東撥銀十萬兩趕於年內解到能否足敷三月支放

留防兵餉。應否照防兵開銷。抑或仍照征兵之處。並著查例具奏。至山海關應添防兵。除卓索圖盟兵一千名。本日已飭調。並交協理台吉阿勒坦提普博木濟特帶領。於明年正月。底到關。屆時著派珠勒亨前往管帶訓練。其通永宣化官兵各五百名。即著恆福先期調撥。其由甯河至山海關沿海一帶。團練事務。即著傳諭山海關監督會同候補道柏春妥為辦理。無得有名無實。所有兵勇均交格

實錄卷五

五

綢額統帶毋庸另派大員。或京應辦防務亦經諭令玉明等豫備籌畫矣。將此諭令知之。○又諭特普欽奏夷酋繞越行走。無由會晤。現擬另行確探開導一摺。特普欽行抵黑龍江城後。據夷目布色依文稱。木酋即可到城。而探聽該酋已繞越江城。由左岸徑赴海蘭泡。及派愛仲泰親往海蘭泡。布色依又稱未經接見木酋。並有何日到來。亦不能定之語。據奏已飭愛仲泰另行確探。而該署將軍擬

即回任。原為該酋屢次爽約。未便日久守候。惟夷情詭譎。其避匿不見。安知非豫為狡賴地步。兼恐愛仲泰所言。或有含糊之處。海蘭泡現已冰凍。未能前往。仍著設法偵探。俟木酋至黑龍江城一帶。該署將軍即前往與之一晤。將烏蘇里綏芬地方距其國都較遠。不能任其占踞之處。詳細開導。即未能片言定議。亦使彼知中國斷不肯將綏芬烏蘇里等處許給借住。以杜其無厭之求。免致該酋回

實錄卷五

五

國後。明春復來。更肆猖獗。將此由五百里諭令知之。○又諭何桂清奏探聞啖喘等國。明春必來尋釁。並有不在津沽而在盛京山海關等處之說。雖夷情詭詐。未可盡信。而思患豫防。理宜周密。現在山海關一帶。業經僧格林沁奏請添撥兵勇駐劄。其盛京之沒溝營田莊台等處。據僧格林沁奏前已撥解銅礮八位。現又撥解洋鐵礮四位前往。該將軍諒已布置周妥。所有兵丁雖有奇凌阿等統帶。

不可無大員督率。著玉明俟來春冰泮時。即督帶防兵。並新練之馬隊二百名。親往該處駐劄。並著景霖激勵民團。以助兵力。如有夷船駛至。即誘使登岸。痛加截擊。聚而殲旃。毋得稍存大意。將此諭令知之。○又諭勝保奏。倡攻懷遠。擊退援賊。並攻克縣城各一摺。拾首張樂行。自上年四月間。竄踞懷遠縣城。到處煽誘。蔓延淮河北。此等兇渠。亟應趕緊殲除。方免復肆。句結。據該大臣所奏。十三日。

著玉明率

克

夜間。擊燬浮橋。想此時張逆已奪路逃竄。迨克復懷城。餘賊向西奔逃。亦未指明何處。著該大臣督飭各軍。實力窮追。務將餘匪擒捕淨盡。並探明張逆逃往何處。認真追捕。庶不致克一空城。貽患他處。現在該大臣撥兵防守懷遠。仍著酌抽兵勇。進搗臨淮。毋稍遲延。為要。將此由六百里諭令知之。○欽差大臣勝保奏。官軍攻克懷遠。請將遊擊黃開榜等酌加獎勵。得旨。十三日夜。擊燬浮橋。想張逆

已豫為走路。祇賸餘賊。故攻克若是之速。並甚不費手。特分為二次拜發。不獨不泯前夜之功。兼為後文伏筆。殊屬非是。○以克復安徽懷遠縣城。賞守備張得貴。花翎。遊擊黃開榜等。加銜升擢有差。○以江蘇六合軍營失利。革提督李若珠職。欽差大臣和春。下部議處。予陣亡副將蔡其驤。都司唐義洪。杜照瑞。守備鄧全祿。外委雷聲揚。祭葬世職。

著玉明率

克

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百九十七

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百九十八

監修總裁官臣等謹將本年內各處刑部奏請將各犯擬請處決及請將各犯擬請處決及請將各犯擬請處決

大學士管理刑部事務加十三次實錄卷一百九十八次實錄卷一百九十八次實錄卷一百九十八次實錄卷一百九十八次

大學士管理刑部事務加十三次實錄卷一百九十八次實錄卷一百九十八次實錄卷一百九十八次實錄卷一百九十八次

大學士管理刑部事務加十三次實錄卷一百九十八次實錄卷一百九十八次實錄卷一百九十八次實錄卷一百九十八次

大學士管理刑部事務加十三次實錄卷一百九十八次實錄卷一百九十八次實錄卷一百九十八次實錄卷一百九十八次

校修

咸豐九年己未十月丁巳

上

上御洞明堂句到陝甘浙江江西情實罪犯停
決陝甘斬犯九人絞犯二人浙江斬犯五人
江西斬犯二人餘五十人予勾○諭內閣戶
部奏查明革商欠項應照官款歸案追辦請
旨更正並將蒙混辦彙之司員研訊治罪一
摺五字官號欠款上年經戶部具奏清結該
數對寶鈔處司員飭將五字虧短官款作為
私欠辦理不惟蒙混實屬有意欺罔茲據該
部自行查明著刑部查照更正所有奏交刑

部之宇謙革商張兆麟并移交五城追繳之
宇升革商韓得祿及奏交刑部追繳捐鈔之
宇恆革商顧青田等應追官款尚未完結著
一併交派審王大臣歸案從嚴刑訊催追如
限滿不完即行加等治罪已革郎中王正誼
等於覈對寶鈔處有意蒙混種種弊竇著交
派審王大臣查明該部所指各情詳細逐層
嚴訊勿任狡賴郎中暹福管理官錢總局兼
管覈對處奏彙存彙均經畫押並覈對處隨

上

同畫彙之司員均有應得之咎著俟定案時
咨交吏部分別議處戶部侍郎基溥寶馨於
辦理清結五字奏彙呈畫時未能查出均著
交部議處其曾經畫彙之前任戶部堂官著
查取職名一併交部議處大學士瑞麟尚書
肅順周祖培侍郎梁瀚劉崐並未畫彙且係
自行查出均著加恩免議宇謙革商張兆麟
宇升革商韓得祿宇恆革商顧青田宇豐革
商馬錫祿虧短官項著追年餘或全未完交

或以鈔條現錢帖等項虛抵實屬膽玩著派出王大臣將該革商等京寓家產貲財並自開鋪戶查封備抵。宇恆保鋪長茂號宇升保鋪隆和聚記。宇豐保鋪雙盛寅記。宇謙保鋪雲益號均著一併查封。保人王廷榮樊大旺劉德全從九品鄧文槐著步軍統領順天府五城一體嚴拏歸案訊辦。○又諭奉宸苑卿戴鷺等奏鏡清齋失去物件查明參奏一摺據稱本月初十日查看各處地面至鏡清齋

奉宸苑

上

該處園戶頭目等並未在園旋查出有失去物件等情園庭禁地理宜嚴肅該苑丞達他等漫不經心致將殿內陳設失去迨至步軍統領衙門起獲贓犯始行知覺實非尋常疏忽可比奉宸苑苑丞質善著先交內務府議處失察之奉宸苑卿戴鷺烏勒洪額均著交部議處其直宿達他等俟審明定案時奏請分別懲辦。○諭軍機大臣等據步軍統領衙門奏湖北通山縣職員譚覺先遣抱告楊安

以生員陳用中於咸豐四年賊擾該縣時偏令伊主遞冊降賊並陳用中之子陳學源從逆戕官搶掠伊主財物迨地方克復後該署知縣孔繼廉准令陳用中等復充團長接任知縣王頌三復將在押逆犯吳鶴元等釋放以致該犯等焚燒縣署攻擾義甯燒毀伊主房間伊主並伊主之子譚貞吉先後赴巡撫總督前控告委員審訊屬實乃委員因知縣稟伊主咆哮將其收押等情赴該衙門呈控

奉宸苑

上

生員從逆助惡戕官擾害地方情罪甚屬重大如果屬實亟應嚴行懲辦著官不胡林翼親提入證卷宗秉公研訊按律定擬具奏毋許稍有不實不盡其呈遞逆憑等件並著發交該督撫查閱將此諭令知之。○又諭何桂清奏咪國使臣請將條約宣示各口先在潮州臺灣開市一摺何桂清在崑山與咪喇啞使臣華若翰會晤該使臣堅以宣示條約等三事為請此外各條及上海善後章程稅則

均照前議緩辦。經該大臣與該使臣要約明白。該使臣惟求恩膏速沛。俾永久相安。情詞尚屬恭順。加恩著照所請。所有潮州臺灣兩口准味國先行開市。並照新章完納船隻噸鈔。其餘新章稅則等項。暫緩舉行。該大臣即行文各海口。一體遵照辦理。其潮州臺灣兩口內應行設關徵收商稅之處。並著會同該督撫妥議章程具奏。將此由六百里密諭知之。又諭戶部奏革商虧短官項。請飭原籍

查辦

上

各督撫查抄產業等語。戶部開設字字官號。查出革商虧短官項甚鉅。著追一年有餘。或全未完交。或以鈔條現錢帖等項虛抵。實屬膽玩已極。大干法紀。經該部查得宇升革商韓得祿係山西汾陽縣人。宇恆革商顧青田係浙江上虞縣人。宇豐革商馬錫祿係直隸棗強縣人。著恆福英桂羅遵殿密派委員。會同各該地方官。將該革商等原籍田房鋪戶產業速即嚴密查封。報部覈辦。毋許絲毫隱

匿儻承辦官員。有縱容隱瞞等弊。立即嚴參治罪。將此各諭令知之。○又諭有鳳奏楚防情形較緩。黔省賊氛復熾。現擬移師進剿。一摺。據稱粵逆被剿南竄。距川省已遠。惟黔省婺川及松桃等處。教匪復熾。逼近川疆各處。恐粵逆潛入勾結。現在到防兵勇一萬有餘。足敷調撥。正可乘此兵力厚集之時。出境相機進剿。與黔省官兵合力夾擊。俟婺川等處一律肅清。即移此得勝之師。前赴西秀會剿。

查辦

上

猶猶山教匪著有鳳與蔣玉龍先期議定。會合鄰境紳團等同日進剿。以牽制賊勢。總期以勦為防。不致虛糜軍餉。至滇匪竄擾筠連等縣。提督萬福等馳往勦辦。前經諭令將防堵西秀黔彭一路官兵酌分一半。派得力將弁帶往敘州。協同勦辦。此時是否將次蕞事。著有鳳將近日勦辦情形。詳晰馳奏。將此由五百里諭令知之。○予安徽涇縣陣亡遊擊石玉龍申明照祭葬世職。○蠲緩直隸武清

固安永清東安盧龍東鹿安天津青靜海滄南皮鹽山慶雲晉冀城邢臺唐山平鄉廣宗鉅鹿內邱任永年邯鄲肥鄉曲周廣平雞澤磁大名南樂清豐豐潤玉田南宮新河武邑衡水柏鄉隆平臨城甯晉深武強甯河無極沙河南河成安趙饒陽五十二州縣及津軍廳被水被旱村莊新舊額賦有差賑固安永清東安三縣災民口糧並給房屋修費○戊午諭軍機大臣等蔣蔚遠奏軍務喫緊兵餉告竭請飭催川楚協餉接濟一摺貴州上下游地方尚未肅清毗連川省復被賊擾粵匪又欲假道黔境防勦正在喫緊各營兵練應支餉銀積欠至數月及年餘之久斷非空言所能撫慰四川應解黔餉僅據解過銀二萬兩湖南則以現辦軍務未能籌解為詞當此軍務緊要之時需餉實難刻緩著有鳳路秉章迅將應撥黔餉趕緊籌解縱不能如數撥給亦應先解數萬兩以應急需以後源源接

濟毋稍推諉將此由五百里各諭令知之○又諭據蔣蔚遠奏黔局無銅供鑄請援案撥借滇省運存瀘店京銅以資鼓鑄等語黔省歲需俸餉等項例將搭放之制錢按季酌發現因軍務不能另籌銅本赴滇採辦所有例搭錢文無從籌措滇省運存瀘店京銅當尚不少著張亮基徐之銘查明存銅若干准其援案如數撥借銅一百萬斤並著蔣蔚遠派員提解赴局以資鼓鑄將此由五百里諭令知之貴州巡撫蔣蔚遠奏官軍攻破岑巖賊壘懇將出力人員擇尤保奏得旨自去臘至今歲仲秋雖屢有斬獲並未大勝姑念該官兵等於兵單餉缺之時尚能不避艱險衝鋒冒鎗著准汝擇尤酌保數人其出力稍次者俟續有獲勝方准彙保○己未諭內閣戶部查明五字革商虧短官款並司員蒙混辦豪當派端華等分往各處將該革員及該革商等寓所家產並自開鋪戶查封茲據端華

等覆奏查封家產什物開單呈覽所有已革
司員台斐音王正諱李守愚榮溥吳廷溥李
壽蓉鳳山賈銘慎及各革商等均著派審王
大臣會同刑部嚴行審訊有無隱匿寄頓毋
任狡賴已革商人馬錫祿前期搬運什物並
伊眷屬已赴通州顯有隱匿情弊著順天府
嚴密緝拏查封備抵已革商人張兆麟住房
據供係張成借與居住是否屬實著該王大
臣會同刑部審明辦理其在逃各犯著步軍

卷一百一十七

九

統領衙門嚴拏務獲歸案審訊○又諭禮部
奏舉人覆試逾限尚非有心規避請旨遵行
一摺福建臺灣府舉人王獻瑤前次會試因
道路梗塞折回今又因航海遭風以致遲誤
雖已滿三科覆試例限惟遠隔重洋事出有
因王獻瑤著准其於明年補行覆試○又諭
勝保奏遵保盱眙出力人員開單請獎一摺
逆匪復竄盱眙經官兵奮勇擊退在事出力
員弁自應量予恩施以昭激勵此次勝保所

保文員並未聲敘勞績且人數眾多不無冒
濫除業經加恩之前任廬州府知府立誠從
九品汪丙吉權子璜外著袁甲三按名查覈
擇其實在出力者酌量保奏毋許含混至各
該員等半係他省人員勝保於何時奏調到
營抑係各該員自行投效奏明有案著一併
查明具奏朕聞勝保廣收廢員濫行保舉有
意市恩人言藉藉著袁甲三到營後確查隨
營文員如辦理糧臺文案不可少之人方准

卷一百一十八

十

留營辦事此外濫竽充數之員概行裁汰以
杜取巧而昭覈實○又諭前因廣西巡撫曹
澍鍾丁憂當派祥奎署理廣西巡撫曹澍鍾
照軍營例賞假百日赴四川寓所經理喪事
嗣因廣西軍務喫緊祥奎又因川省乏人未
能前往署任復諭令曹澍鍾暫署廣西巡撫
妥籌戰守事宜俟軍務稍平再候諭旨茲據
該署撫奏憑陳下情仍額懇開缺俾得守制
終喪具見孝思惟此時桂林省城雖已解圍

而石逆遠竄尚未殄除該省防勦事宜甚為緊要未便遽易生手古人墨經從戎盡忠即以盡孝曹澍鍾著仍遵前旨署理廣西巡撫聽候諭旨俟軍務稍定朕必簡員受代令其補行守制以遂孝思○諭軍機大臣等前因勝保賞假回旗穿孝令袁甲三赴皖接署欽差大臣關防其所署漕運總督令聯英署理本日據聯英奏所署江南藩司及糧臺事務尚未由何桂清派員接替一時未能赴淮而

十集卷之六

上

安徽賊氛尚熾統帥需人著袁甲三即將漕運總督關防派員齎交聯英接受即日馳往安徽調度一切毋稍稽延將此由五百里諭令知之○以廣西按察使劉長佑為布政使左江道張凱嵩為按察使○以安徽軍營管帶礮船購運洋礮出力實知府丁承鈞等升銜通判金桂榮等藍翎○以擊退安徽盱眙賊匪出力復總兵官張得勝職賞知府立誠都司夏思忠守備阮治功王致祥等花翎把

總程斗山等藍翎餘加銜升擢有差○庚申諭內閣瑛榮關保奏追勦南路擒匪疊獲勝仗餘匪潰遁回巢一摺擒匪竄擾河南舞陽鄆城關保派令副將王鳳祥等馳抵洪河追殺數十里救出被裹難民千餘口又有分竄至鄆陵等處者關保統隊馳至太康縣之王隆集知縣祝壇亦帶勇趕至合力進擊陣斬髮捻二百五六十名餘匪向東南敗走關保飭令王鳳祥等馬隊緊躡賊蹤併力勦洗沿途擒殺敗匪甚多餘賊奪路東奔聞道回巢河南地方漸次肅清著瑛榮關保仍督各路官軍務將竄匪盡力擒捕以靖疆圉並飭近賊州縣實力團練守禦毋令蔓延○又諭新授湖南鹽法長寶道鄭元善久任河南防勦得力現在豫省擒匪雖就肅清而防勦尚在需人鄭元善著即開缺仍留河南遇有該省道員缺出由軍機處開單請旨簡放○諭軍機大臣等給事中侯雲登奏豫省勦擒需用

十集卷之六

上

馬隊請撥山西大同鎮馬匹以資乘騎並請將大同鎮馬兵改為步兵即以所裁馬乾津貼各處兵糧等語前因河南添設歸德鎮會由山西撥餉協濟現在大同鎮馬兵有無三四千名之數如果改為步兵於山西兵制有無窒礙著英桂體察情形具奏原片著鈔給閱看將此諭令知之○又諭前經諭令王明於十月初間將田莊臺防兵一千名撤回歸伍茲據景霖奏稱防兵經王明飭令間日啟

奏奉

上

程景霖已於本月十二日回省所有來春田莊臺防務著王明前往督辦景霖毋庸前往將此諭令知之○辛酉諭軍機大臣等前據特普欽奏俄酋繞越黑龍江城行走未得會晤擬回任另加偵探當經諭令特普欽必須與該酋會面以免其有所藉口生釁茲據奏拜摺後得信木酋復到黑龍江城即令署副都統愛伸泰阻截木酋木酋不答驅車而去復飭愛伸泰至海蘭泡與之會晤並詳加開

導該酋雖未聽信而綏芬烏蘇里等地方中國不肯借給居住之意已明白宣示特普欽尚未接到前次寄諭所辦尚相符合惟該夷虛言恫喝是其慣技該將軍等須堅持定見勿墮其奸詭術中方為妥善現屆江冰凝結愛伸泰船幾覆墜諒該夷船隻亦難行走惟明春必有續來船隻且有於黑龍江城對岸建房安礮並折毀卡房之說不可不嚴密防維現距冰泮之時尚有三月特普欽等正當

奏奉

上

趁此暇日豫籌布置為未雨綢繆之計庶免臨時張皇應如何布置之處迅速奏明至該酋既稱並無在黑龍江商辦之事其意專在吉林所有三姓地方夷蹤屢往明春恐別有舉動必須加意防範勿令該夷占踞後得有挾制景瀆富尼揚阿等仍遵前旨密令城鄉團練並趕緊招集攬頭人等於明春先行開墾作為居民防守地方特不可先行開墾俟其肆擾方與相拒但須誘之登陸勿與沿江

及舟中爭鬪我既人眾彼必喫虧然後官為調處使該夷知眾怒難犯天朝仁義兼備覺非我開免致得步進步要求無已此中操縱機宜全在該將軍等豫為籌畫斟酌辦理至此次木酋經過黑龍江並未與特普欽會晤商准恐該夷復往吉林等處或景瀄見面抑係派員前往開導其如何情形及現在辦理團練招集攬頭等事著景瀄詳細具奏將此由五百里諭令知之○刑部議覆伊犁將軍

實錄卷二百九十八

十一

扎拉芬奏請將廢員春霖釋回年限並無錯誤得旨據齊承彥面奏只論其原案係由何罪加遣有年限多少之分於官犯效力充當兩層有無區別殊未明晰著刑部再行詳查覆奏○黑龍江將軍特普欽奏俄羅斯木酋經過黑河口節次開導情形得旨該夷虛言恫喝是其慣技羞報無詞即免伏鼠竄惟賴汝等堅持定見莫墮其奸詭術中方為妥善將來即使用武俾該夷知天朝仁義兼備

豈非我開雖制勝未必確有把握斷不至為此犬羊之類所可訾議○壬戌

上御洞明堂句到江蘇河南山東情實罪犯停決河南斬犯一人山東斬犯四人餘三十人予勾○諭軍機大臣等前因楚軍東下應防匪眾北竄並蕭啟江一軍已准暫留廣西張運蘭派防郴州諭令曾國藩別籌兵勇本日據官文等奏稱湘勇於淮北形勢未能熟悉尚須俟李續宜兵到再行察看具奏並曾國

實錄卷二百九十八

十一

藩現患目疾請假各等語曾國藩著實假一月在營調理該侍郎一路兵勇既待另籌而李續宜亦係獨當一面復因母病給假是四路中已有二路急難進征於皖北待援情形實有緩不濟急之勢至所稱先圖安慶兼撲廬州以攻賊之所必救該逆備多力分不惟不敢悉力北竄並不敢壹意東顧浦六所籌尚為周妥但恐言之易而行之難此時捻匪粵匪既連為一氣皖豫徐州各帶兵大員竭

力環攻猶時虞其北竄。若得楚師鼓行而東。聲威較壯。然必須取道淮。北方不致驅賊北趨。所有前諭於四軍內派出一軍取道光固。潁州繞出懷蒙以北之處。仍著官文、曾國藩、胡林翼悉心籌酌辦理。至所請飭令浙江協解餉需該省於徽州甯國兩營月餉僅能敷衍。再令協濟楚餉。恐徒託空言。本日仍諭令四川陝西山西各督撫將應解楚餉速即按月籌解矣。將此由六百里各諭令知之。又

欽奉

上

諭前因官文奏請飭川陝等省按月撥解軍餉。當經降旨諭令四川江西陝西山西各督撫按月各撥銀三萬兩解赴湖北。曾國藩軍營茲據官文等奏稱除江西按月撥解外。陝西僅報解一萬兩。四川山西並未報解等語。現在曾國藩會同湖北水陸各軍攻勦皖匪。需餉甚鉅。著曾望顏譚廷襄英桂仍遵前旨。即於四川陝西山西省按月如數撥解。俾得士飽馬騰。藉資得力。毋再延宕致誤要需。將

此由五百里各諭令知之。○戶部奏

萬年吉地需用琉璃瓦料價銀與工部八年奏准銀票各半章程不符。得旨所議是。銀票各半較之七年歲底新章已足敷用。該部原奏並未聲明。況同一審廠亦難事分兩歧。惟在該部堂司各官認真裁減浮費以期實濟於工。著照戶部所議給發。將來料成交工時該工程處若故意挑剔刁難著工部即行參奏。若料物草率偷減工成後續有重情惟工部

欽奉

上

是問。○調兵部右侍郎春佑為吏部左侍郎。戶部左侍郎基溥為兵部右侍郎。工部右侍郎成琦為戶部左侍郎。兼管三庫事。吏部右侍郎文祥為工部右侍郎。兼管錢法堂事務。禮部左侍郎愛仁為吏部右侍郎。轉禮部右侍郎。文惠為左侍郎。以內閣學士伊精阿為禮部右侍郎。○調盛京禮部侍郎文俊為刑部右侍郎。以內閣學士雙福為盛京禮部侍郎。以浙閩總督慶端兼署福州將軍。○賞

已革江蘇布政使雷以誠四品頂帶為陝西按察使以克復江西景德鎮及浮梁縣城賞參將張勝祿巴圖魯名號遊擊陳世隆唐玉益李陞元都司張詩日胡太旗章合才胡玉元喻勝榮王明輝王開琳周芳明趙連玉朱連甲守備彭萬全胡松江等花翎千總成師吉等藍翎餘升敘有差○以辦理湖北糧臺出力予在籍員外郎胡大任等升擢有差癸亥諭內閣張泳泰李保城均著交派審

實錄卷二九八

七

王大臣歸案訊辦所有慶昌銅局及寶順亨銅廠均著步軍統領衙門即行查封○諭軍機大臣等前因戶部奏革商虧短官項諭令步軍統領衙門將該商保人王廷榮等四名查拏務獲歸案究辦茲據該衙門覆奏除宇謙保人鄧文槐業經赴城投案外其宇升保人樊大旺已回山西介休縣原籍宇恆保人王廷榮原籍浙江於咸豐六年三月出京不知下落宇豐保人劉德全即劉四已回保定

府完縣原籍請飭各該督撫查拏解京等語著恆福英桂羅遵殿速即派委幹員會同各該地方官將該保人等嚴密查拏務獲解京歸案訊辦毋任遠颺將此各諭令知之○又諭本日據和春等奏揚州官軍擊勦逆匪獲勝並南岸軍情喫緊力籌布置一摺六合逆黨悉數東趨麇集甘泉山司徒廟等處直逼揚城經總兵馬得昭等分路進攻踏平地道焚毀營壘逆眾敗退而賊首陳玉成復分遣

實錄卷二九八

七

醜類渡江南竄至金柱關等處現已逼近秣陵關欲抄截大營後路東壩溧水軍情均形緊急經和春張國樞咨行鄭魁士等挑選精銳豫備並飭總兵劉季三等扼守金陵南路長牆暨秣陵關等處晝夜嚴防所籌尚屬周密惟陳玉成係狡悍劇賊此次未始非因揚州兵力厚集未能北竄遂爾乘隙南趨為避實擊虛之計秣陵關等處為金陵大營後路豈容稍有疏虞著和春再行嚴飭將士添派

兵勇伺賊所向儘力勦洗務將此股賊匪悉數殲除毋令闖入腹地其攻撲揚州賊匪雖據稱望西鼠竄而賊巢尚屬林立並未遠遁著和春即飭李若珠馬得昭等激勵將士乘勝進剿將甘泉山一帶賊壘悉數攻克以期層層進逼六合毋任日久蔓延將此由六百里諭令知之○兩廣總督勞崇光奏報桂林解圍賊踞永安州情形得旨若果粵楚兩軍深入會剿固為甚好但恐賊眾兵單難期破

甘肅李鴻章

主

竹之勢○以工部左侍郎德全兼署戶部左侍郎兼管三庫事通政使司通政使奎章署刑部右侍郎○以廣西懷集縣防勦出力擢遊擊潘其泰以副將用○以帶勇潰散飾詞妄稟革廣東守備湯彪職○予廣東英德縣陣亡知縣陶人杰典史吳嘉禾南雄州陣亡把總黃超倫祭葬世職○予廣西懷集縣陣亡外委陳金秀祭葬世職○免安徽陣亡布政使李孟羣前署廣西潯州府知府任內應

賠稅銀甲子諭內閣何桂清奏請將丁憂知縣暫留署任一摺江蘇署句容縣知縣候補知府趙廷銘現丁母憂例應回籍守制茲據該督等奏稱句容地方緊要該員辦團等防諸臻妥協趙廷銘著暫留江蘇於百日後仍署句容縣事俟軍務告竣即回籍守制以符定例總管內務府大臣瑞麟等奏明春修理

安佑宮東西配殿等工得旨

甘肅李鴻章

主

安佑宮等項工程著內務府欠員交錢糧修理涇化軒牌樓暫緩修理○乙丑諭軍機大臣等勝保奏隨征兵丁傷亡過多請飭挑選補額等語勝保軍營原有山東兗曹二鎮兵各五百名河南河北鎮兵八百餘名歷年已久除陣亡病故迷失革除外存營者均僅百名又原調之甘肅甘涼甯三鎮兵一千名除歷次打仗陣亡受傷身故外存營者僅二百餘名經該大臣咨行各該督撫挑選補額以期

得力著樂斌。文煜瑛。蔡查明各該省存營兵額如足數出調。即照勝保原咨。如數補調。派委得力將弁帶領。於明年正月。趕程赴皖。如不能如數。即量為酌減。奏明辦理可也。將此由五百里各諭令知之。又諭錢寶青奏遵旨詢悉湖北軍務現辦情形一摺。楚軍援皖之師。擬分四路並進。布置最為周妥。已據官文等詳細具奏。惟胡林翼身任地方。以籌畫全軍餉需為最要。若由英山霍山進剿。深入

奏奉 聖旨

奉

萬山之中。於全局情形。不能兼顧。深恐貽誤事機。荆宜施道李續宜。謀勇素著。其所帶兵勇與胡林翼所部。人數相當。應令該員進取英霍胡林翼仍在黃州大營。為後路奇兵。既可籌畫餉需。兼可策應各路。萬不可壹意進剿。置地方公事於不顧。至該副都御史所稱楚軍進攻出北路者。應以六安為止。出南路者。應以桐城為止。以全力搏安慶。我軍沿江聲勢聯絡。而援攻廬州。牽制賊匪。使不暇為

北竄之謀。一旦出其不意。則六安桐城之兵。皆可襲廬州而取之。所奏不為無見。著該大臣等與曾國藩妥為籌畫。斟酌緩急。務使官軍互為聲援。確操勝算。方為妥善。其由光固潁州繞出懷蒙以北之軍。係防賊北竄起見。並著仍遵前旨。悉心籌辦。本日據官文奏。遣撤吉林黑龍江傷病官兵。西丹請如數選換等語。此項官兵。僅一百數十員。名遣撤後。無須換補。現在巴揚阿所帶黑龍江西丹馬隊一千名。將次到楚。官文即可飛催前進。以資攻剿。黑龍江儘先協領滿洲副管松英。額著准其就近赴部。併案引見。俟回旗事竣。即赴湖北聽候差遣。將此由五百里諭令知之。○改鑄湖南布政使印信。從巡撫駱秉章請也。

奏奉 聖旨

奉

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百九十八

實錄卷之二

實錄

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百九十九

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百九十九

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百九十九

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百九十九

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百九十九

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百九十九

秋

咸豐九年己未十一月丙寅朔諭內閣周天

受奏賊竄黃池請將帶兵大員革職一摺十月十二日江北金柱關各路賊匪糾合蕪湖逆黨進犯黃池防軍力戰相持高州鎮總兵蕭知音督軍援應頗有斬擒十三十六等日賊復增股進犯亭頭三里埂等處烏溪另股之賊亦由陸路直竄黃池賊眾兵單遂致失陷蕭知音以專閫大員督辦防務不能悉力堵剿致令防所失陷實屬督率無方著即行革職仍留軍營責令帶兵剿賊以觀後效其

失事各員並傷亡員弁著周天受查明分別辦理仍著督飭添調及派援各兵勇認真勦辦收復地方毋稍延緩○諭軍機大臣等本日周天受奏賊竄黃池甯防喫緊一摺江北金柱關各路之賊糾合蕪湖逆匪由水陸進犯黃池官軍營盤不守總兵蕭知音退至新豐鎮此股逆匪勢極猖獗黃池既失則灣沚亦屬可慮周天受現雖咨調各路官兵進勦尚恐賊眾兵單不足以資抵禦羅遵殿所派

兵勇亦恐緩不濟急著和春等酌撥勁旅協力援應務將該匪悉數勦除毋令蔓延將此由六百里諭令知之○安徽巡撫翁同書奏鑪橋水阻官兵不能前進現飭練丁攻勦情形得旨此不過為久居壽州敷衍小勝仗以飾其避賊之名試問鑪橋尚不能過更何能規復定遠○以直隸天津辦團出力予鹽運使崇厚等加銜升敘有差○以安徽桐城團練勦賊出力賞把總馬步雲等藍翎在籍州

同疏長庚等升敘有差○丁卯諭內閣文煜奏請將查拏幅匪詳報不實之府縣議處等語本年夏間幅首賈自成等聚眾肆搶經役勇捕毆致斃報官驗明戮屍帛示該署泰安府知府章文津捏報督飭新泰縣知縣李天鵬等開礮轟斃夥匪八名生擒一名茲經該撫訪查明確賈自成實係役勇毆斃其餘夥匪亦均拏獲懲辦該府所報雖非全屬子虛惟以尋常捕賊格斃之案作為臨陣迎勦張

大其詞詳報不實章文津李天鵬業經撤任著文部分別議處以示懲儆○兵部尚書陳孚恩奏應修運米剝船飭天津道孫治等於年內一律修固得旨著恆福督飭該道等趕緊將官剝一律修齊不准恃有民船稍存玩忽○蠲緩山東濟甯濟陽禹城長清平原肥城平陰惠民青城陽信滕單曹鉅野鄆城觀城朝城茌平邱夏津金鄉嘉祥魚臺臨清歷城鄒平新城齊河德平平原萊蕪樂陵濱利

津蒲臺滋陽鄒汶上聊城堂邑博平莘高唐
夏津城武定陶新泰海豐霑化益都臨淄博
興高苑樂安壽光昌樂昌邑濰長山臨邑陵
商河曲阜泗水冠恩武城莒沂水臨朐平度
荷澤濮范陽穀壽張齊東東阿章邱東平八
十州縣暨德州東昌臨清濟甯東平五衛所
永阜永利二場被災地畝新舊額賦有差○
准山東往平冠高唐恩館陶長清德德平肥
城惠民陽信樂陵邱十三州縣歛收豆石改
徵粟米（戊辰諭內閣御史朱夢元奏請飭
查江西省殉難士庶分別旌卹一摺江西省
前經賊擾除陣亡員弁兵勇業經隨時請卹
外所有各屬士庶人等捐軀殉難未報者尚
屬不少現在全省肅清自應及時查辦著惲
光宸即飭所屬各府州縣遴派公正紳耆設
局詳查限半年造冊申報分別奏咨旌卹毋
令日久湮沒以彰節義而順輿情（又諭曾
望顏奏請調員赴川差委等語陝西巡撫曾

望顏現赴四川總督署任所請隨帶文武各
員除鄜州直隸州知州楊光澍係實缺人員
有地方之責毋庸調往外候補知府田良丁
憂候補知縣封錫蒲署遊擊候選參將盧殿
標均著准其帶赴四川差遣委用截取道給
事中李鶴年現任京職所請揀發四川之處
著不准行○以東河防護出力予道員徐繼
鏞等升敘有差○己巳諭內閣前因扎拉芬
泰等奏廢員春霖到戍期滿懇請釋回並因
該廢員承辦文案出力請以理藩院筆帖式
候補等語當交刑部將春霖原犯案由年限
有無錯誤詳查覆奏茲據該部查明該廢員
到戍期滿與例相符春霖著准其釋回所請
以理藩院筆帖式候補之處著不准行○諭
軍機大臣等本日據玉明等奏會議明春沒
溝營設防事宜並繪圖貼說呈覽一摺據稱
西弓灣等處現擬添築礮臺八座礮位較少
不敷分布擬請由津酌撥萬斤及五六十斤

銅礮十六尊於明年開河時運赴沒溝營海口並因西弓灣河面較寬利用鐵戲水雷請飭一併撥給派員由海運送到營擇要安設各等語西弓灣地方雖屬扼要總不如在大小潮溝立科礮子房等處多設疑兵既可誘其深入兼可杜其窺伺較為得計因思僧格林沁於該處情形尚為熟悉該將軍所稱應需銅礮鐵戲水雷各件是否係該處必需之用及何處需用若干即著酌量情形具奏再行撥給現屆節候嚴寒海河冰凍夷船當無北駛之理前諭僧格林沁布置防兵各節如已完備即著該大臣遵照前旨帶領京營官兵回京以資休息毋稍延緩王明等原摺著鈔給閱看地圖一併發閱將此諭令知之○又諭有鳳奏賊撲敘州郡城官軍遷延不進請將帶兵大員懲處一摺敘屬匪徒既據探報多係烏合之眾其兇悍者不過千餘人自無難立時撲滅萬福於抵牛市場後遷延不

進業已貽誤於前現經有鳳派令副將馬天貴統兵由富順迎勦並調阜陞酌帶渝城兵勇馳赴南溪會同永甯道陳枚進攻復檄調瓦寺土兵及建昌兵前往援應兵力不為不厚阜陞現既陞任提督即著有鳳曾望顏貴令總統各軍會合馬天貴等迅速進兵務將撲擾敘城匪眾悉數殲除即將筠連等邑城池剋日收復毋任延蔓深入臬司蔣徵藩有督催之責並著飭令會同署總兵馬天貴認真督勦如再有貽誤即著從嚴叅辦將此由六百里諭令知之○盛京將軍王明等奏豫籌明春沒溝營設防並西弓灣扼要事宜得旨注意於西弓灣扼要必勝固屬甚善若礮臺稍有意外則後路雖有小莊子應援恐一時氣餒禦侮不足自亂有餘總不如在大小潮溝立科礮子房等處多設旗幟疑兵若伏而不動者誘彼深入彼若桀驁不馴先行開礮則操勝自我即使意圖窺伺打水探詢則

該夷有所顧忌未必敢恣意所為方為計之得也○山西巡撫英桂奏請將辦理捐釐不善之通判司養中等議處得旨司養中等均查無需擾各情著照所擬一併交部議處○以四川重慶鎮總兵官阜陞為提督阜和協副將馬天貴署重慶鎮總兵官○以江蘇按察使薛煥為江甯布政使兩淮鹽運使聯英為江蘇按察使仍署漕運總督江蘇常鎮通海道喬松年為兩淮鹽運使暫辦江北糧臺事○以勒匪遷延革四川提督萬福職摘按察使蔣徵蒲翎頂○庚午蠲緩湖南武陵龍陽沅江澧安鄉湘陰巴陵臨湘華容九州縣並岳州衛被水地畝新舊額賦暨雜項銀○辛未諭內閣御史孫楫奏各省奏留丁憂人員請量為分別以示限制一摺自軍興以來丁憂人員或因管帶兵勇或因辦團勸捐經各路統兵大臣及各督撫奏留差委原為一時乏員接替起見惟近來紛紛奏留恐未必

皆軍營及各省必不可少之人甚至有奏留服闋後就近起復並不回籍補行守制者殊非所以重倫常而敦風化其應如何分別予以限制之處著吏部議奏○又諭瑛榮奏請將道員暫留豫省辦理團防事宜等語鄭元善前經簡放湖南長寶道嗣因該員在河南辦理防堵業經降旨開缺仍留河南遇有該省道員缺出由軍機處開單請簡該撫此時諒已接奉前旨著即令鄭元善督同現署光州知州張曜辦理募勇集團各事宜俟有河南道員缺出候旨簡用○又諭瑛榮關係奏回竄擒匪撲捉鹿邑經官軍擊敗回巢豫境肅清一摺擒匪竄擾豫境被勦東竄後復撲周家口經官軍併力衝殺殲斃多名該匪窮威狂奔欲乘虛擾撲鹿邑經關保派令王鳳祥等扼要堵截適後股援賊踵至官軍分兩翼掩殺馬隊直搗中堅賊勢奔潰救出難民二千餘口生擒李黑兒等五名正法二十三

日逆擒全股擁至直撲我軍經官軍分隊抵禦陣斬千餘人該匪愈聚愈多分股直撲縣城經鹿邑縣知縣孫嘉臻等內外夾擊賊勢不支盡向東北狂奔副將博崇武等跟蹤追剿至亳州棗子集地方擊斃馬賊數十名生擒擒匪單和尚等三名正法豫省全境一律肅清勦辦尚屬得手所有在事出力員弁兵勇著准其查明彙案酌保○諭軍機大臣等瑛榮等奏擒匪潰竄回巢豫境現已肅清惟

本年兩次竄擾視為熟徑不可不豫為設防該省馬隊無多不敷調撥現聞天津暫時撤防請飭僧格林沁選派黑龍江馬隊一千名派員管帶赴豫助剿如津防難撤即請飭令黑龍江將軍挑派精兵或餘丁一千名迅赴軍營等語自係為需兵緊要起見但現在天津尚未撤防無兵可撥而黑龍江馬隊餘丁屢次飭撥早經該將軍奏明無可再調河南如有緩急需兵助剿傳振邦一軍相距不遠

著該撫等即與該提督商酌通融調遣以資攻剿將此由六百里諭令知之○又諭前因節候嚴寒海河水凍諭令僧格林沁於布置防兵事宜料理完竣即帶領京營官兵回京以資休息茲據何桂清陳奏各情並鈔錄新聞紙探報呈覽據聞喚咈各調兵一萬印度一萬赴津報復為時在今冬明春並不必等候開凍其喚國兵頭曼斯必帶兵六千已抵香港粵海關監督恆祺亦咨稱有夷兵到粵

各等語所言調兵三萬或係恫喝之詞雖未必確實而既有不待開凍之語不可不豫為之防所有應行酌撤之防兵暫且毋庸議撤並著僧格林沁暫緩來京仍在防所以資鎮定本日已諭何桂清再行詳加偵探隨時馳奏俟其覆奏到時再行諭知該大臣可也至此次夷船如果前來著恆福即派委妥員前往探問告以欽差大臣現在上海可往上海與何桂清商辦如欲在津換約須俟奏明辦

理此間專主防勦並非議和之地。看其如何答覆。迅速馳奏。儻仍不遵理論。肆其狂悖。毀我防具。該大臣惟當激勵兵勇奮力攻擊。挫其兇鋒。惟在該大臣隨時酌辦。固不可坐失事機。任其猖獗。亦不可先行挑釁。致啟兵端。使該夷有所藉口。何桂清原摺並新聞紙探報均著鈔給閱看。將此密諭知之。○又諭何桂清奏探聞喫啡夷兵已到香港並鈔錄新聞紙探報呈覽一摺。喫啡稱兵報復事在意

中。天津防堵未可稍弛。現已諭令僧格林沁仍駐大沽。暫緩進京。海口防兵亦令緩撤。仍著何桂清隨時偵探夷情。續行馳奏。再行斟酌辦理。如果喫啡兵船先到上海。著何桂清督飭吳煦等前往問其是否來此議和。於該國調兵等事。佯為不知。看其如何回答。或可迎機開導。俾就範圍。亦可為弭兵之計。至新來兵頭曼斯必。如果到滬。欲與該大臣會晤。更可面為理論。儻何桂清因江南北軍情緊

急。未能遠離常州。即著徐有壬督同藩司王有齡前往上海會商。吳煦等妥為辦理。至該夷欲停關稅。無非意存要挾。須知中國兵餉固取資於關稅。該夷兵費亦豈不賴有貿易。如果夷商以停止貿易為憂。可告以喫啡與兵犯順。本應絕其通商。因念天津滋事。罪在兵頭。於該商等無干。是以不絕通商。儻該兩國不知悔悟。再敢用兵。即難再與交易。不可露出我國慮其停市之意。或可杜其挾制。而

籠絡夷商。亦未始非暗制該夷之一法也。此後情形仍著確探具奏。將此由六百里密諭知之。○戶部奏鐵錢局五廠清查完竣。酌擬虧短各員分別議處。勒限賠交。並分期裁鑪。撤廠得旨。寶鑾劉崐改為察議。前管局務之惠親王恭親王奕訢尚書文彩一併交該部衙門察議具奏。又奏請飭直隸總督報銷鐵錢局煤炭銀項。批著該督督飭藩司迅速造報。又奏查出官票所司員換鈔情弊。又批景

雲崇貴常祿。鳳儀均著。即行革職。并書吏一併交刑部著派原審之王大臣會同嚴訊。忠麟等六員均著暫行解任。聽候傳訊。○閩浙總督慶端奏整頓營伍情形。得旨。紙上談兵。人人皆能。欲期其有成效。非親歷行陣者。不能訓練固善。惟不可徒飾美觀。又奏請以已革水師提督鍾寶三留閩。交護提督蔡潤澤差委允之。○予河南鹿邑陣亡驍騎校春亮守備傳致盈。祭葬世職加等。○士申諭內閣。

京察記名人員。將次簡放完竣。著內閣部院各衙門。於京察一等未經記名各員內。遴選才具優長者。出具切實考語。保送由吏部帶領引見。以巡洋不力。摘護福建海壇鎮總兵官顏青雲。頂帶勒限嚴緝。○癸酉諭內閣。慶端瑞璫奏屬員辦事顛預。請旨暫革提訊等語。福建代理晉江縣知縣錢冠瀛。試用同知章基。候補府經歷張開勳。在泉州辦理釐捐民間。嘖有煩言。且有串通府幕丁役。藉端

需索情事。亟宜徹底根究。錢冠瀛。章基。張開勳。均著暫行革職。交該督撫提省訊辦。以懲貪劣而肅官方。○調涼州副都統庫克吉泰為廣州滿洲副都統。○予安徽陣亡把總沙殿魁祭葬世職。○甲戌遣官祭

先醫之神。

上御洞明堂。句到山西直隸熱河情實罪犯。停決山西絞犯一人。直隸斬犯一人。熱河斬犯一人。餘三十六人。予句。○諭內閣著齡奏。鄉

團誤殺湘勇。請將緝犯不力之知縣懲處。一摺。江西新淦縣鄉勇於上年八月堵禦吉安竄匪之時。當湘勇追賊路經該處。並不查問明確。輒以傳聞賊冒官兵。擅行截殺。至一百餘名之多。情節慘忍。難保無另有釁端。及故殺情弊。必應悉獲兇犯。徹底根究。從重懲辦。以服軍心。前代理新淦縣事金谿縣縣丞蔣誠。撤任新淦縣知縣張鳴岐。事前既不能彈壓。事後又獲犯寥寥。並不上緊緝拏。實屬玩

泄著一併暫行革職勒限兩箇月責令協同代理知縣陳本瀉嚴拏行兇團勇按名務獲歸案審辦如逾限不獲再行嚴叅以示懲儆又諭著齡奏請將玩視命案延不獲犯之知縣革職勒緝一摺江西前任萬載縣知縣李恩長於已革舉人辛學乾擅派練勇致釀多命重案事前既漫無覺察事後又不將正兇拏獲實屬玩泄江西前任萬載縣知縣調任彭澤縣知縣李恩長著暫行革職勒限兩箇月協同現任知縣嚴拏要犯邱世興等按名務獲解省審辦儻限滿無獲即行嚴叅懲辦○又諭著齡奏訪聞署幕友私分公項銀兩一摺江西已故升任吉南贛甯道周玉衡於咸豐六年正月在吉安殉難茲據耆齡奏訪聞該故員署內幕友張焯烜等有擬取贛關公項銀兩私自瓜分情事現在傳集人證訊有端倪並據供稱張焯烜已往湖北荊門州找尋周玉衡之子周瀚等語捐納府經

歷張焯烜著官文胡林翼等派員查傳押解並傳四川候補知縣周瀚一併前赴江西備質周瀚如已赴四川即著四川總督飭令該員前往候訊以重帑項而懲貪蠹○諭軍機大臣等勝保奏連日進攻臨淮並布置防剿機宜一摺臨淮地方最為扼要該逆必悉力拒守張元龍首鼠兩端難保非陽為投誠而暗助逆匪該大臣惟當嚴密防範不可墮其術中儻逆蹟顯然即痛加勦洗以除後患現在進攻臨淮萬分喫緊袁甲三尚未到營勝保仍當嚴飭各軍奮力攻剿不可以交卸在即稍存諉卸將此由六百里諭令知之○又諭傅振邦奏兵勇饑寒交迫請飭催欠解協餉一摺傅振邦軍營兵餉每月需銀九萬兩方能敷行乃東豫晉陝四省月撥之款欠解積累過多截至十月止統計山東共欠解銀十萬兩河南欠解銀六萬兩山西欠解銀十八萬一千兩陝西欠解銀十三萬兩此外如

袁甲三奏請截漕案內經部議由東豫兩省撥銀六萬兩及山東應解部議改撥浙江協餉銀一萬九千兩均遲久未解統計各該省共欠解銀五十五萬兩之多歲暮兵饑非空言所能撫恤著文煜瑛榮英桂慶廉各將月撥傳振邦餉銀二萬兩按月如數撥解不得仍前短少帶欠致滋貽誤其山東河南並著於每月月初起解十五以前解到徐州軍營河南除餉票外仍須解足實銀二萬兩不得

奏案卷七

上

遲逾套搭所有該二省本年新欠之餉該撫等務飭藩司於年內埽數解清勿再遷延干咎其餘各該省舊欠銀兩並著各該撫酌籌搭解該提督現調苗沛霖團練圍攻袁徐兩圩需用糧石前經勝保奏請於山東河南兩省漕米內撥用原為分給李世忠苗沛霖各一半嗣據文煜奏撥銀五萬兩以抵五萬石茲據勝保奏尚未解到著文煜於應解勝保軍營銀五萬兩內撥銀一萬兩解赴傳振邦

奏案卷七

上

軍營以濟苗練兵需其餘迅解勝保軍營瑛榮應撥米石並酌量分撥毋使偏枯將此由六百里各諭令知之○戶部奏各省欠解歷年京餉延不報解請先將歷任河南巡撫藩司交部議處並飭各省遵限報解得旨依議速辦若再有意遲延於正臘以前不能解齊必將該督撫藩司一併嚴懲○都察院左副都御史張芾奏請將兵部主事馬聯奎隨營效力得旨留營不過希將來保獎況忠蓋之後亦應護惜著飭來京銷假供職所請不准行○以捐修永陵草倉河工程告竣賞府經歷郝珮芬藍翎並加銜升敘○緩徵奉天海城縣被淹旗民地畝本年額賦○乙亥諭軍機大臣等前據王明等奏會議設溝營設防事宜當諭令僧格林沁酌量情形具奏茲據奏稱設溝營毋須設防添築礮臺營壘諸多窒礙莫若在天莊臺地方嚴密布置較為得力等語所奏情

形較為詳晰。應即照所議辦理。至田莊臺營壘礮臺尚嫌卑薄。著玉明等預先備辦木植一俟來春即將營牆裏外各豎木椿。用土培厚。原築礮臺丈尺較低。亦著加高。以資抵禦。由津運往之礮位及原有礮位。如不敷用。即咨明僧格林沁再撥二三十位解往。如需大礮。須俟明年添鑄後方能撥運。鐵戲水雷既於田莊臺河底不甚相宜。自無須安設。餘著該將軍等按照所奏妥為布置。毋稍大意。原

奏摺

奉

摺著鈔給閱看。將此由五百里密諭知之。○又諭御史普安奏訪聞良鄉縣屬黃土坡係水路通衢。商販所聚。該縣貢生鄭吉祥。勾串戶書楊斌。申配土棍鄭吉承。鄭二。劉三。劉四等私設瑞興順牙行。勒價收買。苦害商賈。囤積居奇。並各有綽號。著步軍統領衙門。順天府各派委員前往訪查。如果實有居奇囤積情事。即行嚴拏。審訊按律懲辦。儻係各鄉戶收穫存糧。有人扶嫌誣陷。亦不可不詳細查

察毋令胥役藉端擾累。原摺著鈔給閱看。將此各諭令知之。○又諭曾望顏奏請調鄰省精兵赴川助剿一摺。該署督接有鳳來函。以滇匪數千圍撲敘州府城。請調陝西兵一千名赴川助剿。並欲調湖南兵二千名。湖北兵一千名。選派得力之將統帶赴川。會同剿辦。因為保靖蜀疆起見。惟滇匪入川。其始不過數百人。緣帶兵提督萬福畏縮不前。致裹脅眾多。業經降旨將萬福革職。命卓陞補授四

奏摺

奉

川提督馬天貴署重慶鎮總兵。即由該署鎮統兵由富順進剿。卓陞亦統帶渝城兵勇。會同前永甯道陳枚進攻。該帶兵等官儻能振作士氣。則區區小醜不難立就殄除。豈得謂川兵盡屬無用。必待借資他省耶。湖南北兵數雖多。防剿喫緊。未能遽調。所請著暫無庸議。其陝西兵一千名。並清軍廳火藥一萬斤。均著准其調往川省。以備征剿。曾望顏到川後。惟當嚴申軍律。督飭進剿。隨時體察情形。

再行奏聞將此由六百里諭令知之○欽差大臣科爾沁親王僧格林沁等奏嚴防海口情形得旨前諭不可先行挑釁實為要語若該夷輪船衝擊毀具開礮或登陸抄襲亦斷不可致失機宜慎之○署四川總督曾望顏奏前接翰林院編修徐昌緒信羅陳川省形勢具徵學識請飭令回籍幫辦團防事宜得旨所言頗可採擇皆汝任封圻者應留心緊要之事所請之處著不准行○江蘇巡撫徐

有壬奏報

江蘇巡撫徐

有壬奏報江海關一年期滿徵收內地商稅數目得旨所奏殊屬含混欲將此循例奏報之件隱為藥稅定則可惡之至○撥陝西司庫銀十萬兩解赴直隸天津軍營以備軍餉○蠲減江蘇上元江甯溧水高淳江浦六合儀徵江都句容甘泉銅山邵陽山丹陽金壇溧陽長洲元和吳興江震澤常熟昭文崑山新陽太湖華亭奉賢婁金山上海南匯青浦川沙武進陽湖無錫金匱江陰宜興荆溪靖

江太倉鎮洋嘉定寶山崇明宿遷西十八廳州縣及蘇州太倉鎮海金山鎮江揚州徐州七衛被兵莊屯本年額賦及各項徵銀有差

實錄卷三百九

三

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百九十九

陳燾張藝達。王金榜。均著交刑部會同原派審之王大臣歸案嚴審。商人朱棣。民人章正仁。均著聽候傳質。已革戶部司員榮溥等有無通同舞弊。一並訊究。陳燾張藝達併已故之章竣川。在京寓所財產。著步軍統領衙門。查封備抵。○諭軍機大臣等。有人奏川省匪徒滋事。係地方官激變等語。據稱本年九月間。有川省本地民人數起。自雲南購販煙土。至敘州府屬筠連縣地方。因該縣徵收稅銀。

較多。未能如數應付。議留二人為質。餘往措銀交納。該縣以報獲奸細解府。該府將二人駢誅。遂至糾眾踞城。分陷高縣慶符二邑。如果屬實。是該府縣擾民激變。及至壘陷縣城。遂以滇匪闖入為詞。重煩兵力。曾望顏甫經署任。無所用其迴護。著即查明據實嚴叅。如係本省匪徒藉端滋事。即可設法解散。至該地方文武各員。並著查明下落。一併具奏。原摺著鈔給閱看。將此由五百里諭令知之。○

追予故湖北提督向榮人祀江蘇名宦祠。從兩江總督何桂清等請也。○丁丑諭內閣都察院奏浙江民人章啟豐等遣抱告張啟山以官吏通同舞弊等詞赴該衙門具控據稱會稽縣蠹書朱克振鄺光奎樊希成等於該縣錢糧加收浮勒每年可收十餘萬兩官吏朋吞捏報災歎拖延不解並重徵米石每年可得一萬八千餘石復將大戶分作零戶累年不解希圖豁免又藉修塘為名按畝勒派

侵吞塘捐。挾該民人上控之嫌。私押班館。陵虐毆打。莫縣主。劉縣主。均得受陋規。不肯究辦。並府尊袒護各等情。此等蠹書。通官舞弊。於該縣戶口錢糧。膽敢任意勒折浮收。侵吞肥己。至十餘萬兩之多。實屬大干法紀。知縣莫姓。於丁憂後。仍在庫書。鄺姓家居。住。知縣劉姓。庇護書吏。均難保無串通舞弊情事。著羅遵殿按照所控各情。親提人證卷宗。秉公嚴訊確情。按律定擬具奏。○又諭瑛榮奏。審擬營兵唆鬧釐局一案。並請開復署副將等官頂帶一摺。河南署荆子關營副將文志。署浙川廳同知蕭厚均。前因兵丁唆令婦女。赴荆子關釐局藉端滋鬧。該員等未能約束彈壓。當經降旨。一併撤任。摘去頂帶。茲據奏稱。該員等被叅後。即會同將首從各犯拏獲。尚知奮勉。文志。蕭厚均。均著准其開復頂帶。蕭厚均仍留河南補用。文志於營務未能諳練。著註銷記名參將。仍回佐領本任。○又諭。和

春奏浦口逆援攻陷官兵營壘。現在嚴扼江浦。自請議處一摺。皖北粵逆。糾集死黨。屢撲浦口大營。提督周天培派兵迎擊。並經張國樑派撥兵勇。前往援應。詎以賊勢過重。官兵眾寡不敵。致周天培力竭陣亡。營盤失陷。現經張國樑親自馳赴江浦截擊。著即督飭將士。實力扼剿。務將下竄逆匪。悉數殲除。欽差大臣江甯將軍和春。幫辦軍務江南提督張國樑。於逆賊竄擾。未能先事豫防。實有應得之咎。均著交部議處。○諭軍機大臣等。本日據和春奏。浦口逆援。攻陷官兵營壘。現在嚴扼江浦。一摺。江浦九里山一帶。逆營綿亙。三面環伺。偪我縣城。情形自屬萬分緊急。張國樑業已督同張玉良等。渡江馳援。頗有斬馘。並經和春派馮子材帶兵三千馳往。聽候張國樑調遣。現擬分據要害。堵截兼施。所籌均尚周妥。著和春等激勵將士。先將九里山一帶逆營。層層掃蕩。以次攻復浦口。免致賊氛

延蔓。另片奏賊目韋志俊投誠效順。獻出池州其所部之眾。已由李成謀帶赴楊載福水營聽候安插。各等語。該義勇自拔來歸。志堪嘉尚。惟所部之眾。人數自必不少。其如何妥為安插及籌計口糧等事。該大臣務當與官文等妥商辦理。不可稍涉大意。將此由六百里諭令知之。○以陝西陝安鎮總兵官王浚為湖北提督。湖南岳州城守營參將黃靖為陝西陝安鎮總兵官。○予江南浦口陣亡湖

北提督周天培祭葬世職。諡武壯。○予江南六合陣亡參將鄧聯科都司陳安泰守備馬占彪陶秉賢防禦根林千總趙連潘懷珍劉子意把總全慶崔萬昇何志芳外委彭仲張文梓劉殿魁祭葬世職。○戊寅。

聖祖仁皇帝忌辰遣官祭

景陵。諭內閣。誠明奏稅課被劫請飭嚴拏一摺。據稱奉天牛莊解往山海關稅銀二萬九千餘兩行至甯遠州二台子屯地方路遇騎

馬強盜多人。劫去盈餘銀一萬六千一百八十餘兩。耗羨銀一千二十餘兩。請飭嚴拏等語。稅課為國帑所關。所有經過地方。該文武宜如何小心防護。茲據奏稱被劫銀兩。竟至一萬七千餘兩之多。實非尋常疏忽可比。盛京將軍玉明兼管奉天府府尹倭仁。奉天府府尹景霖均著交部議處。並著該將軍等遴選委員並飭地方官一體嚴拏。賊盜務獲。從重懲辦。其經過地方之疏防文武各員均著

查明嚴叅以重帑項。○諭軍機大臣等。現在德勒克多爾濟啟程來京。庫倫掌印辦事大臣業已簡放色克通額。所有印房文案各件著色克通額即帶同委員親往嚴密檢查。毋任該章京等有隱匿短少等弊。並著於查明後即行具奏。將此諭令知之。○以正紅旗蒙古副都統克興阿兼正紅旗護軍統領。○己卯。

上御洞明堂。句到朝審情實罪犯。停決絞犯一

人餘三人予句。○諭內閣。戶部奏各省欠解奉天等省俸餉。請旨飭催等語。奉天等省兵丁餉需。全賴各省撥款接濟。茲據該部奏稱。節年欠解。為數甚鉅。屢經奏咨嚴催。未據報解。殊屬疲玩。著直隸。山東。山西。河南。陝西。各督撫。並長蘆鹽政。迅即查照欠解各款。如數解至奉天省交納。毋再遲延。其吉林。長春。二廳。燒鍋。應交初限帶徵市錢四萬吊。並著該將軍照數催齊。以充俸餉之用。○又諭成琦

等奏商運米石。驗收完竣。一摺。江蘇省商運漕米八萬九千六百九十四石零。除應曬晾之三百石。由該倉場侍郎另行辦理外。餘已驗收完竣。惟據奏稱米質柔嫩。不堪久存。著戶部於開放俸米甲米時。先行搭放。至此後江蘇省起運米石。著該督撫等督飭所屬州縣揀選乾潔好米備運。并不得私稞並收。以重倉儲。○又諭前因成琦奏朝審冊內浙江絞犯張汰聰謀殺胞弟張汰訓。並呂瀾儀謀

殺伊妻張氏各一案。覈其情節。應由緩改實。當降旨交都察院主稿。會同刑部大理寺覆覈具奏。嗣據該堂官等覆奏。於兩案情節。均有含混。不免迴護。刑部堂司各官處分。復經詳悉批示。特派惠親王載垣。會同都察院堂官再為悉心定擬。覈覆具奏。茲據惠親王等奏稱。張汰聰謀殺胞弟張汰訓身死一案。義絕情慘。無可原宥。其呂瀾儀謀殺伊妻張氏一案。挾恨謀殺。情節慘忍。亦屬法無可寬。請

將張汰聰。呂瀾儀二犯改入情實。所議均屬允當。浙江絞犯張汰聰。呂瀾儀均著歸入本年情實。即行處絞。所有辦理錯誤之原省應議各員。並覆覈此兩案之刑部大理寺各員。並刑部司員。均著查取職名。交部議處。○又諭惠親王等奏。遵旨覆覈孟傳冉案情。一摺。此案山東情實招冊第七起孟傳冉一犯。因朱勝溪乘醉尋釁。將其妻父即該犯之父孟毓峯扎傷。是死者已犯有服尊長。該犯回歸

救護將朱勝溪用槍扎傷致死。是其救父情切事在危急。不得以金刃傷多且重。入於情實。孟傳冉著即照例減等。以昭平允。其原辦此案錯誤之該省應議各員。並會勘之刑部大理寺各員。均著查取職名。交部照失入例分別議處。○又諭都察院奏覆覈秋審。未能悉心定擬。自請議處一摺。該堂官等於奉旨覆覈張汰聰。呂鳳儀二案。未能悉心詳覈。有意含混。綿森。沈兆霖。富廉。均著交部查照訓

飭殊批。比例議處。○又諭惠親王等奏秋審案內實緩互有參差。請嚴定京外處分等語。秋獄大典。務在持平。本年因四川山西秋審案內由緩改實。起數較多。業將各該督撫等交部議處。惟失入之咎。較失出尤重。部臣或因處分較重。不行議駁。實非慎重人命之道。此後秋審案件。刑部已定擬實緩。經朕派員覈議更改。及由覆勘朝審之員奏駁改定者。應照各省督撫臬司之例。改至幾案。將覆覈

之三法司分別議處。至外官除由緩改實五起以上照例議處外。其失入之案。積至幾起。應酌加處分。著吏部一併妥議章程具奏。○又諭本年各直省辦理秋審人犯。經刑部由緩決改情實者。四川十二起。山西五起。該督撫並該臬司於秋獄重犯。未能詳慎覈擬。著交部查明分別議處。嗣後各將軍府尹督撫等務當督同所屬。遵照定例。酌覈案情。悉心究擬。固不可失之刻覈。亦不可惑於救生不

救死之說。意存寬厚。故從輕減。總期執法持平。無枉無縱。用副朕明慎用刑至意。將此通諭知之。○又諭翁同書奏練勇攻勦潁州蒙城等處捻匪出力。懇請鼓勵一摺。川北道苗沛霖帶練赴潁州後。進攻捻首程保民逆圩。旋攻克高家圩。斬獲不少。該練長弁丁。隨同苗沛霖防勦。尚屬奮勉出力。其蒙城各練。攻破著名捻首葛聶孜老巢。陣斬首逆。掃蕩餘匪。並截勦懷遠竄匪千餘名。亦屬著有勞績。

著袁甲三會同翁同書一併擇尤奏請獎勵。戶部奏遵議福州將軍東純短收閩海關成豐九年分稅銀請援照歷年成案免其賠繳得旨該將軍應賠短徵額外盈餘銀兩著加恩免其賠繳。又議河南巡撫瑛奏已革知府顧嘉衡應找募勇口糧請自行勸捐歸補一摺勢不能行請責令另籌還補批所請該革員勸捐歸補之處近詢及豫臬賈臻並非此時勸捐乃將前浮冒之款作為捐借之

款一請獎敘即為了事不獨有意含混實亦無此辦法著即照部議飭令另行設法籌補不准稍累商民。○庚辰諭內閣恆福奏請將領餉舞弊之都司革職提訊一摺直隸署建昌營都司赤峯營都司東成赴省領餉並不趕緊解回輒敢以錢換銀以銀買鈔取巧舞弊實出情理之外現在除補交銀兩外尚有短絀其開銷各款仍敢含混騰玩已極東成著即革職由該督交藩臬兩司提同領餉兵

目一併到省嚴訊究辦前護理赤峯營都司千總傅瑋著聽候傳質。○又諭曹澍鍾奏請將失守縣城並延不回任互相稟揭各員革職提訊等語廣西署興安縣修仁縣知縣王俊臣署靈川縣養利州知州熊三槐當逆匪闖入縣城未能抵禦均著即行革職查明該員等有無畏葸逃避情事分別究辦署永甯州知州新甯州知州汪元崇先因家事來省聞警不歸經該撫嚴催始行前往其應解錢

糧從未報解署平南縣知縣候補同知陳瀚據教諭黃秀對紳士黃鳴瀚以該縣玩弛防勒侵蝕錢糧列款稟控該署縣陳瀚亦以黃秀對之子黃炳昌包攬公事等情互揭均應徹底查辦汪元崇陳瀚黃秀對均著先行革職交該撫親提人證嚴審確情分別辦理。○又諭曹澍鍾奏請飭湖南江西撥解軍餉等語據稱蕭啟江軍餉每月需銀三萬餘兩係由湖南江西兩省勻給劉長佑月餉銀數萬

兩係由湖南支發。現在蕭啟江一軍奉旨留粵。劉長佑亦酌留所帶之兵。在粵勦辦。當勦捕喫緊之際。前項月餉未可少緩。請飭湖南江西仍照原數。按月接濟等語。此時桂林省城雖已解圍。而逆蹤靡定。蕭啟江劉長佑兩軍或出境窮追。或在粵按捕。最為得力。若改由廣西支發。該省勢難籌撥。設有貽誤。關繫非輕。著駁秉章。惲光宸查明原發該二軍月餉如數撥解。源源接濟。毋令缺乏。將此由六

百里各諭令知之。○直隸總督恆福奏請以候補道員黃輔辰留直補用。得旨吏部查議具奏。山西省外補道員缺甚少。著該部查直隸省應題道員共有幾缺。以杜取巧。尋奏直隸應題道員二缺。山西應題道員一缺。批黃輔辰仍以山西道員候補。○以攻克安徽郭村夏村等處賊卡出力。賞都司江長泰。邑圖魯名號總兵官米興朝。以提督用。副將楊名聲。以總兵官用。總兵官江長貴。下部優敘。餘

加銜升敘有差。○以保守廣西省城出力。賞巡撫曹澍鍾。頭品頂帶。學政李載熙。道員華日新。同知李鈞花翎。副將胡中和。巴圖魯名號道員蕭啟江。以按察使用。餘加銜升擢有差。以勦辦廣西全州逆匪出力。賞知縣劉祚都。司蔣俊敷等。花翎。千總彭超倫等。藍翎。餘加銜升敘有差。○予廣西陣亡副將胡顯高。祭葬世職。如總兵例。都司杜義品。把總秦枝杰。庚其昌。訓導胡錚。祭葬世職。○辛巳諭

內閣本年冬至

天壇大祀業經降旨親詣行禮。一切禮節並諭惠親王等妥議具奏。旋經該王大臣等議請朕行三跪九拜禮。後仍遣王恭代。朕思屆時仍欲勉行全禮。以昭誠敬。是以未即降旨允准。乃自上月下旬。偶感風寒。迄今雖已就痊。而步履尚未如常。茲復據惠親王等合詞籲懇。請朕暫緩親行。仍遣王恭代。揆諸朕昭事之心。實有難安。惟念

大禮攸關。設有愆儀。轉不足以昭誠恪。不得已。勉從所請。本年冬至。

圜丘大祀。著派恭親王奕訢恭代行禮。並著在紫禁城內齋宿。先期一日詣。

壇內齋宿。朕即在宮內敬謹致齋。於二十八日。仍親詣。

天壇。

皇穹宇行禮。以嚴對越。○諭軍機大臣等。新授江甯布政使薛煥。現尚在京。並無應辦事件。

本日已諭令即赴新任矣。該藩司於夷務情形。尚為熟悉。現既不辦江北糧臺事務。著何桂清飭令駐劄蘇常一帶地方。隨同辦理夷務。將此由五百里諭令知之。○陝甘總督樂斌奏。籌撥新疆要款。並請飭催山陝等省省協餉得旨。戶部速議具奏。著查明各省欠解最多者。分別參奏。○欽差大臣勝保等奏。籌辦天長賊匪乞降情形。得旨。兵不血刃。俾梟獍傾心。固不妨網開一面。與以自新。惟看該大

臣未親往受降。朕實過慮。或託為歸心甚急。實慮其另設詭謀。將來駕馭一切。惟責成袁甲三。妥為辦理。慎勿墮其術中。獎賞頂翎。只可權為軍營獎勵。俟立有勞績。勦殺粵捻。方准奏明請旨。○以貴州綏陽等處勦匪出力。賞守備全祖凱。巴圖魯名號。知府竇奉家。同知高以廉。知州朱百谷。都司全太文。李遠成。守備彭興林等。花翎。知縣蹇閭等。藍翎。並各加銜升擢有差。○予安徽定遠浦口。天長。盱

眙等縣陣亡委營總阿昌阿。委參領三保。驍騎校五福。知縣于養源。府經歷張植珪等。祭葬世職。披甲永和等。賞卹如例。追復臨淮陣亡已革千總穆逢春等。職銜。並予祭葬世職。壬午。諭內閣。繼善等奏。請將積存票鈔暫行搭放等語。廣恩庫積存票銀寶鈔過多。若按銀九票一搭放。勢必愈形壅滯。除前奏准發給實銀之項。仍放實銀。並長蘆項下。仍按原交銀五票五放給外。所有藩司項下。應放

各款均著暫行仍照銀七票三支發以資節省。俟積存票鈔搭放完竣再行體察情形奏明請旨。○命福州將軍文清擡入正藍旗滿洲旗分。○以正黃旗漢軍副都統文盛署正白旗蒙古副都統。○補鑄湖南東安縣知縣印信從巡撫駱秉章請也。○癸未諭內閣穆騰阿奏懇請簡派旗員協帶馬隊一摺前因勝保回旗穿孝命袁甲三署理欽差大臣督辦安徽軍務勝保所統旗綠各軍均歸節制

穆騰阿係統帶馬隊大員自應靜候袁甲三隨時調度乃該副都統以主帥驟易慮及軍心解體並自陳力疾帶隊難免疏忽欲請另派滿洲大員協帶馬隊不過思得幫辦之權藉詞飾說豈能逃朕洞鑒向來各路軍營督帶馬隊多派滿洲將領以其言語相通性情相習易資鈐束至於統兵大員由朕特簡令其運籌決策調度機宜不必定須滿洲人員方能勝任朕於滿漢臣僕視無二致即如向

榮以漢員為欽差大臣該營有滿洲馬隊隨剿多年未聞該帶兵官等有敢不遵調遣者勝保督辦皖省軍務從前勝仗雖多賴馬隊之力乃自護城失事以後連次挫折馬隊亦多傷亡可見用兵之道全在調度有方豈可強分滿漢致開兵驕將惰之風今袁甲三甫蒞軍營該副都統應飭該官兵協力同心恪遵軍令何得先存意見妄行瀆陳穆騰阿著傳旨申飭所奏不准行。○諭軍機大臣等特

普欽那敷德奏遵旨豫籌布置並近日夷情一摺又據實密陳遵照原擬條規各片俄夷於黑龍江城對岸蓋房並欲搶取糧石經署副都統愛伸泰與木酋辯論乃該酋以遞送公文為詞仍欲接蓋房間至搶取糧石一節自知無理又託稱妄言之徒現在嚴拏重懲殊不可信現查該夷歷年在黑龍江左岸已占踞五十餘屯即黑河口以下直至東海亦蓋房多處若任其盤踞滋蔓難圖伊子胡底

必當思患豫防。特普欽等擬將該城養育兵二百八十餘名。並挑備西丹與官兵一體操練。復由墨爾根布特哈備兵五百名。統歸署副都統那爾胡善管帶。布置尚為周妥。惟夷情猖獗。尚恐兵力不敷。必須聯絡該處旗民人等團練。以壯聲勢。並將官兵扮作民間團練。儻該夷強蓋房間。搶取糧石。先啟兵端。亦即督飭兵勇抵禦。仍藉稱民心不服所致。然後官為轉圜。庶該夷知眾怒難犯。可以稍戢兇鋒。該夷通事石沙木勒幅。欲由齊齊哈爾進京送信。此事斷不可行。必須嚴行拒絕。奕山前定條規內。如往來船隻。在卡倫報明。中國派官專司通商事務。俄國亦須派官稽查。彈壓不准私往各屯。易換物件。及往來遊玩。以上三條。必須曉諭該夷。令其照辦。以示限制。至換給米糧一事。必須嚴禁。庶可絕該夷占踞之心。特普欽等務當設法辦理。使其以貨易貨。不得以貨換米。並嚴禁居民貪利。暗

中接濟。是為至要。將此由四百里密諭知之。改鑄四川嘉定府經歷印信。從署總督有鳳請也。○緩征吉林三姓被水被雹歉收地方八旗兵丁新舊額賦。○甲申。

上詣

壽皇殿行禮。○還宮。○命都察院左都御史沈兆霖吏部右侍郎愛仁。在紫禁城騎馬。○以安徽涇縣被賊竄擾。摘參將陶寶登頂帶革都司王得勝。徐福職。仍留營效力。○予安徽陣亡參將謝長禮。守備鄭國泰。陳金榮。王以仁。千總舒夢璧。把總徐德貴。江有德。祭葬。世職。乙酉。諭內閣。端華。愛仁。穆蔭。奏遵旨查封家產。各一摺。倉場侍郎崇綸著暫行解任。副都統銜前任科布多幫辦大臣熙麟著暫行革職。均聽候傳訊。該員等家產著一併查封。慎刑司主事存印著解任。交刑部歸案審訊。又諭恆福奏本年大討請展限舉行一摺。該督現辦海防。藩臬兩司均到任未久。所

有直隸省本年大計。著准其展至來年四月舉行。如查有衰庸不職之員。仍著隨時甄汰。又諭胡興仁奏懇請賞假回籍省親一摺。前因浙江在籍知縣楊炳咸呈控胡興仁在巡撫任內演劇為樂等事。降旨交何桂清查。明具奏現在尚未據該督覆奏。胡興仁著留於浙江俟前案奏結後再行給假回籍省親。又諭明誼奏廢員賠修工程完竣覈實酌保一摺。已革防禦薩碧屯筆帖式阿弼善因塔爾巴哈台民匪燒搶貨圍辦理不善。經該大臣奏參發往軍臺效力贖罪。並責令賠修。茲據奏稱該廢員等賠修貨圍工程一律完竣。尚知愧奮。薩碧屯、阿弼善均著免其發遣。並免繳臺費銀兩。薩碧屯賠修銀數尤多。著賞給筆帖式以示鼓勵。○諭軍機大臣等。前因夷船有赴津報復之信。諭令該大臣等暫緩撤防。如該夷來津肆其狂悖。毀我防具。自當開礮轟擊。特不可先行挑釁。該大臣於辦

理此事胸中想已早有成算。儻其遣人投遞書函以求和為名。則未便即行攻擊。又不便徑行拒絕。應如何迎機而導。不至開釁。而又不坐失事機。該大臣等當先事豫籌。不可臨時致有掣肘。僧格林沁為統兵大臣。固無與該夷講和之理。而暗中籌畫。俾恆福辦理。該大臣總操其柄。著僧格林沁、恆福會同商酌。如何應付之法。先行具奏。至北塘地面。前據奏稱無險可守。難設礮臺。惟該處後路太空。萬一該夷衝突而來。直撲天津。雖有馬隊抄襲。但恐地廣兵單。不足以資抵禦。自應辦理民團。天津鄉勇數萬。著該大臣等擇其精銳可靠者。挑選一萬。勤加訓練。於北塘至天津陸路地方。擇地暗為設備。不但於北塘後路可援。亦可保障天津。其應如何密為布置。亦須未雨綢繆。著一併會同妥籌具奏。將此密諭知之。○烏里雅蘇台將軍明誼奏請酌添俄夷備用茶箱得旨。備用茶箱礙難輕許。添

給調工部右侍郎文祥為戶部左侍郎兼管三庫事以太僕寺少卿國瑞為工部右侍郎兼管錢法堂事務未到任前仍以文祥兼署○調戶部左侍郎成琦為倉場侍郎○以貝子奕劻為鑲黃旗漢軍副都統

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之三百

大清文宗協天翊運執中垂謨懋德振武聖孝淵恭端仁寬敏顯皇帝實錄卷之三百一

欽此○然官司題目講起在注官太子太傅上書奏總師傅文淵閣領閣事翰林院掌院學士侍衛察祭典上諭事務參贊同文館鑄印官成慶
大學士管理戶部事務加十三級紀錄十四次○實懷堂奉總載勳官歷議攝官太子太傅文淵閣領閣事武英殿總管教習庶吉士體仁閣
大學士管理戶部三庫事務管理刑部事務加二十三級紀錄十六次○周振坤總辦職官太子少保管理內務府事務兼理戶部軍機大臣
謹茲請禹州縣院戶部尚書管理三庫事務加四級隨帶加五級紀錄十二次○實懷堂總辦職官歷議攝官弘德殿教習清文館道員著詹繼堯
吏部中書總辦古直監錄蒙古都統辦事處管理大學寺為屬寺事務加二級累功加四級隨帶加八級紀錄五次○徐竹璣等奉

敕修

咸豐九年己未十一月丙戌諭內閣都察院奏據順天府通州署外委杜良呈稱伊父江南興武衛千總杜階平於咸豐三年二月在金陵城內巷戰殺賊陣亡母妻同時在寓殉難迄今數年未蒙議卹等語經該衙門查明曾經漕運總督咨部惟未將年月日及殉難情形聲明由部咨查未據申復著署漕運總督聯英迅即查明請卹毋再遷延○又諭羅遵殿奏皖南軍務及地漕捐輸事宜請飭大員督辦一摺所有皖南四府一州地方軍務

均著張芾督辦其甯國一軍自周天受以下俱歸節制至各屬地漕等項及勸辦捐輸並著張芾督飭皖南道實心經理以一事權而專責成○又諭羅遵殿奏淘汰劣員等語浙江補用知府潘清撰前辦行營糧臺並署臨安縣事聲名到處平常迨署蕭山縣事任內經手銀米等項徵解不符永嘉縣知縣高樑材官聲狼藉物議沸騰潘清撰高樑材著一併革職永不敘用該二員任內交代倉庫錢

糧如有侵蝕虧短著該撫嚴行參辦○又諭前據誠明奏山海關稅銀被劫當降旨將玉明等議處並令將疏防各員參辦茲據玉明等奏山海關解送稅銀車輛行至抱河嶺地方遇騎馬賊匪搶劫請將旗民地方官參處等語稅課為國帑所關經過地方宜如何小心防護此次山海關稅銀被劫至一萬七千餘兩之多該旗民地方官先事既未能豫防又不將盜犯趕緊拏獲實非尋常疏忽可比

奉天中後所界官驍騎校趙松嵐甯遠州知州何煥經均著先行摘去頂帶勒限一箇月上緊嚴緝務將贓盜並獲以重帑項儻限滿無獲即行嚴參懲辦○諭軍機大臣等羅遵殿奏皖南軍務及地漕捐輸事宜請飭大員督辦一摺已明降諭旨自周天受以下悉歸張芾節制矣皖南五屬界在江南恐巡撫不能兼顧是以前議加該道按察使銜准其奏事所有各府州地漕及捐輸事宜自應責成

該道經理張芾在徽州督兵日久即著督飭該道認真催提並勸諭捐輸毋令紳富觀望以期接濟軍餉至所稱甯防喫緊必得張芾親往視師或移劄徽甯適中之地或往來於徽甯之間等語張芾坐鎮徽州恃該處山川險阻故得力遏賊鋒至徽甯之間若無堅城可守未便率行移動或往來於徽甯之間似尚可行著張芾酌度情形具奏嗣後皖南軍務著張芾與周天受會銜具奏如有不及會

銜之處仍准周天受單銜具奏。以一事權。又據奏稱甯防官兵沾染軍營習氣。鄭魁士督防未久。不及整頓。即著周天受力加訓練。以期悉成勁旅。將弁中如有不知振作。兼染惡習之人。並著張節隨時查訪。會同周天受參奏。以肅戎行。將此由五百里各諭令知之。○兵科給事中包煒疏。各省辦理秋審。失出案件。原定處分未協。請飭部一併詳悉叢議。以歸平允。得旨。著惠親王。載垣。會同吏部。歸併

前旨。妥議章程具奏。○命四川總督黃宗漢留京。以侍郎候補。仍以陝西巡撫曾望顏署四川總督。○以克復安徽霍山縣城。賞參將蔡昌言。守備袁鴻緒等。花翎。領催巴雅朗等。藍翎。復協領西蒙額頂帶。並各升擢有差。○丁亥諭內閣。御史徐啟文奏。都城捕務亟宜整頓。一摺。本年入冬以來。京師內外城竊案疊出。即如刑部侍郎靈桂家。竟有搶劫銀物之事。輦轂重地。豈容盜賊肆行。著步軍統領

衙門。順天府。五城各飭所屬。認真緝拏。按律嚴辦。以飭捕務。而靖地方。○又諭刑部等衙門。具題甘肅狄道州民人楊同居兒等。共毆降服胞兄楊梅身死一案。據稱楊梅身受各傷。惟後被楊同居兒毆傷右脇肋骨。損為重。應以擬抵。楊同居兒。合依卑幼毆本宗大功兄死者斬律。擬斬立決等語。本內既稱詰非有心致死。復稱實屬有心干犯。斷語已屬兩歧。且該犯被其兄楊梅揆按腳踢。情急順拾

地上木車輻條。冒毆楊梅。傷其右脇肋致斃。該犯既被楊梅揆按在地。其冒毆致死之處。是否耳目所不及。本內並未聲敘明晰。案關服制。罪名出入。著刑部再行悉心叢議具奏。○諭軍機大臣等。本日據樂斌奏。請陞見已降旨准其來京。並令林楊祖護理總督印務矣。該督俟林楊祖回省。交卸啟程。道經陝西。省城著即會同譚廷襄。將前次交辦事件。督率所派道府。確切查明。俟奏結後。再行來京。

陞見將此諭令知之○又諭樂斌奏陝甘兵餉折發錢票中多流弊等語據稱訪聞各營赴陝請領兵餉司庫按照市價折發官鋪錢票該營不能攜錢不得不將原票換銀帶回散放一出入每銀一兩不過得七八錢之數徒有流通官票之名市僧居奇兵丁苦累若比照甘省支發兵餉章程每銀一兩概以八錢五分析放兵丁既多得現銀司庫亦大有節省等語陝省一切雜款均放實銀獨兵

餉一項以錢票折支以致銀價低昂暗中折損流弊實多著譚廷襄悉心酌覈所有陝西兵餉及雜支銀款如能仿照甘省辦理即著妥議章程具奏原片著鈔給閱看將此諭令知之○命陝甘總督樂斌來京陞見以甘肅布政使林揚祖護理總督○戊子

上詣

壽安宮西所問

如皇貴太妃安○諭內閣恆福奏請將辦理地

方要務未能妥協之員撤任察看並揀員署缺一摺直隸永平府知府錫麟於尋常公事尚無廢弛惟於山海關地方緊要事務辦理未能合宜臨榆縣知縣叢壇才欠開展難期振作著一併撤省察看直隸永平府知府員缺准其以博多宏武署理臨榆縣知縣員缺准其以丁憂奏留差委之候補知縣恩泰署理○又諭有鳳奏審明赴京翻控之典史供詞狡展請仍援律擬結一摺據稱該典史所

控福奎捏報勝仗檢查各卷並無其事亦無冒領餉銀勸令息訟各情趙友泰承審控案秉公聽斷並未勒具親供所控全屬子虛此案既經有鳳逐一審明而李馥湘心尚不甘任情狡執著即照眾供確鑿例擬結李馥湘申訴不實罪應滿杖業經革職著毋庸議儻該革員再行翻控即照例立案不行並加等治罪以儆刁風○又諭前因黃宗漢等奏廣東清遠等州縣緩徵銀米一摺遲至經年始

行奏到當經降旨交黃宗漢明白回奏茲據奏稱係由巡撫主稿不知前巡撫柏貴何日會稿何日發摺究由何處延閣是否吏胥舞弊請飭由廣東查明等語著勞崇光查明具奏又諭扎拉芬奏法福禮奏拏獲鄰境私進開齊擄掠之布魯特賊犯審明定擬並請保出力人員一摺此案布魯特賊犯額爾得呢雀瓦胡里等私進開齊糾眾搶劫實屬目無法紀雀瓦胡里一犯業經正法梟示額爾得呢既已監斃仍著照例戮屍以昭炯戒在逃各犯著按名嚴拏務獲究辦毋任漏網所有拏獲此案追獲贓物各員升等著扎拉芬泰等擇尤酌保毋許冒濫其阿克蘇卡倫失事各員既經協同緝獲著免其置議○諭軍機大臣等僧格林沁奏海防緊要請添調官兵以資扼守一摺夷人報復來津勢必兇狠自應厚集兵力本日已諭令常清玻崇武將前飭備調官兵各五百名分別派令協領尚

那布思成管帶於明年驚蟄以前到天津大沽防所聽候調遣其京營官兵酌量給假以示體恤並京營及吉林黑龍江察哈爾兩盟等處疲病官兵應行更換據該大臣查明每處不過一二百名即著各行各該處派撥精壯兵丁補額俟到防後即將疲病各兵撤回至所請添調吉林黑龍江兵各一百名現在該二處防務緊要疊次調撥過多勢難再令派出前撥往山東駐劄之黑龍江兵一千名交德楞額管帶經勝保調去五百名據稱俟克復懷遠即當撤回著僧格林沁行知德楞額俟勝保將調往官兵五百名撤回後即行酌撥二百名前往大沽軍營以資防守如此一轉移間於山東辦防未即見少而津沽已可敷用至山海關地方極關緊要定福於防務漫不經心實堪痛恨現已將該副都統開缺飭令回京以成保調補山海關副都統矣該大臣即飭該副都統於到任後將應辦事

宜實心經理。俟明年正月。仍著該大臣會同
恆福前往察看。無令稍涉疏懈。所稱山海關
兵勇較多。格綳額恐難獨當一面。請簡大員
前往統帶之處。即著僧格林沁酌保一員。奏
明派往。以便督率辦理。前因北塘後路太空。
諭令挑勇設備。該大臣接奉諭旨。諒已遵照
籌辦。仍將如何布置之處。專摺具奏。以慰懸
念。將此諭令知之。○伊犁將軍扎拉芬泰等
奏拏獲阿克蘇私進開齊搶掠之布魯特賊

犯額爾得呢等。審明定擬。得旨。額爾得呢。既
已監斃。並未戮屍。殊屬疏漏。又奏委錫拉那
會查葉爾羌回莊查抄叛產。批。所辦尚屬認
真。雖眾人之耳目難掩。只恐該員等不肯為
怨府也。○調正白旗蒙古副都統成保。為山
海關副都統。○以擅撤防兵。墨爾根城副都
統格綳額下部議處。○己丑。諭內閣吏部奏
孝廉方正知縣懇請分發試用一摺。向來各
省保舉孝廉方正各員。引見後。以知縣用者。

例應雙月單月歸部銓選。茲據該部奏。候選
知縣孫長順等。呈稱銓選無期。不甘自棄。自
應量為變通。俾得及時自效。著准其籤分各
省。照拔貢知縣試用二年例。期滿後。歸於拔
貢補用一人之後。將孝廉方正補用一人。其
以州同州判用者。亦准其一體分發。歸於試
用班內序補。○諭軍機大臣等。前據和春奏
池州逆首韋志俊投誠效順。獻出城池。所部
之眾。已由總兵李成謀等帶赴楊載福水營。

安插。並設法防守。池州各情。曾經寄諭和春
將如何安插。及籌計口糧等事。與官文等妥
商辦理。韋志俊占踞池州。為日已久。竟能洗
心革面。自拔來歸。志堪嘉尚。將來楚軍東征
皖匪正可藉壯聲勢。惟所部人數眾多。一切
安插事宜。著官文等妥籌迅速具奏。將此由
六百里諭令知之。○引見各衙門保送御史
人員。得旨。高士濂。王繼庭。梅啟照。王椿。胡漢
劉毓楠。曹毓瑛。蔣超伯。張瀛。傅觀海。下寶第。

王楷王蘭谷梁經先洗斌曾協均俱著記名以御史用○吏部奏遵議覆覈秋審罪犯未能悉心定擬之堂官綿森等處分得旨綿森等均著加恩改為降三級留任不准抵銷○以安徽石牌鎮勦賊出力賞協領喀爾庫副都統銜驍騎校佈善參將雷正綰遊擊趙旣發巴圖魯名號參將穆正春楊朝林守備張朋山楊樹棠等花翎披甲銀喜等監翎並各加銜升擢有差○以克復湖北黃安等縣城出力予詹事府主簿馮譽騶等升敘有差○以河南南陽府屬官紳集團勦匪出力予知州劉慶恩等升敘有差○以江南浦口勦賊失利革參將陶茂森都司曾庚福蘇如松守備曾玉龍外委朱正華職摘都司滕嗣林守備周伯雲王運新千總陳昌達張得祿頂帶均留營效力予陣亡守備黃朝祿等五十三員並江浦陣亡千總已廷相祭葬世職○以河南西平縣勦匪不力革知縣高慶頤職○

予安徽安慶陣亡都司張萬勝外委何兆勳易茂林祭葬世職○庚寅諭內閣有鳳奏官軍收復筠連等三縣相機進勦一摺滇省匪徒竄陷四川筠連慶符高縣等縣該匪李花夫率黨數百屯踞筠連縣十月十二日經守備涂太平等帶領兵練分抵該縣殺賊二百餘名餘匪潰逃會同該文武將筠連縣收復並於雙合山救出被匪圍困之代辦知縣於廷植及難民百餘人乘勝馳至高縣用大礮轟開南門兵練擁入殺斃首匪三名夥賊百餘名當將高縣收復署慶符縣典史於水之招集團練約會該文武馳抵慶邑逆匪正欲撲河逃竄我兵迎頭堵擊殺斃賊目多名斬獲首級一百餘顆搜獲逆匪正法當即收復慶符縣城現已添調官兵前往應援並咨會雲南迅派官兵馳往鹽井渡攻擄賊巢著即殄盡根株毋留餘孽此次克復三城文武紳團著曾望顏查明如實係攻城殺賊出力者

准其擇尤保奏。儘查係賊匪退出後收復城池。未有戰功者。即著毋庸請獎。以杜冒濫。○又諭曾望顏奏。請申明軍法等語。四川省官軍向稱精勁。近聞各營兵驕將惰。久未整飭。平時兵丁挾制營員。動輒聚眾滋事。及至奉調出征。延不就道。甚至沿途搶掠。到營復不遵調度。尚復成何事體。此次滇匪竄入川境。疊陷三邑。久圍府城。弁兵畏縮不前。並有署守備余振海。把總安定國。見賊先逃。以致署

總兵馬天貴陣亡。情事殊堪痛恨。著曾望顏查明該兩員實係臨陣潰逃。即行正法。以昭炯戒。並著四川提督阜陞率同各該鎮總兵申明軍律。力加整頓。嗣後該官兵等有能痛悔積習。悉遵調度。殺賊立功者。即著從優獎勵。僅有仍前驕惰惡習。致誤事機。除將該兵丁照例治罪外。並將該營員按照軍法懲辦。決不寬貸。懍之。○諭軍機大臣等。本日據曾望顏奏。滇匪圍攻敘郡。已將城外真武山等

處占踞。攻撲府城。滇黔逆匪分股竄入。意圖合併。情形危急。請飭甘肅提督郭相忠帶領提標兵一千名。馳往助剿等語。川省本完善之區。現被滇黔各匪滋擾。亟應厚集兵力。痛加剿洗。惟該署督所請提標兵一千名。不如於各營分撥挑選精壯。湊足一千名之數。著樂斌迅速如數派撥。即著郭相忠統帶。由南站階州等處。馳赴川省。分途進剿。以期迅掃賊氛。勿致蔓延。將此由六百里諭令知之。○

又諭有鳳奏。敘郡戰守情形。並曾望顏奏。請飭楚兵赴援。添調甘肅官兵。請簡提督統帶各等語。筠連等三縣城池業經收復。敘州府城被圍日久。雖悉力守禦。未致失陷。而賊黨裹脅愈多。其真武翠屏兩山之賊。尚各踞守險隘。必須痛加剿洗。方免蔓延。另股滇黔各匪闖入酉秀等處邊界。亦應添調精兵。以資剿辦。曾望顏前調陝西兵一千名。本日復照所請。諭樂斌於該省各營內。挑選勁旅一千

名即派提督郭相忠統帶由南站階州等處馳赴川省分途攻剿四川提督前已有旨著卓陞補授即責成該提督嚴飭各軍迅速進剿如各將弁有仍前畏縮者即以軍法從事毋稍寬縱曾望顏到省後儻敘州軍情仍復緊急即著親往督辦至石達開竄至永安等處有蕭啟江一軍由桂林跟蹤追躡其川黔接境之區業經駱秉章飭令田興恕扼要防剿石逆未必遂能由黔入川湖南北官兵亦實難遠調川兵雖不足恃但能申明軍律定當壁壘一新有鳳另片奏虎嵩林自願募勇投效等語該革員於本籍地方形勢及軍務情形尚能熟悉著即飭其前赴敘郡會同勦辦滇匪將此由六百里諭令知之○以陝甘督標中軍副將尹善廷為四川重慶鎮總兵官○福建巡撫瑞璣因病乞假以閩浙總督慶端兼署福建巡撫○予四川慶符縣守城殉難署知縣武來雨祭葬世職○予四川敘

州陣亡總兵官馬天貴都司王家賓守備符洪泰蘇光贊把總馬金玉宋得勝李三元馬占魁陳建勳祭葬世職額外外委賴三超等賞卹如例○予廣東四會縣陣亡府經歷呂鑑古祭葬世職○辛卯諭內閣載華等奏陵寢工程緊要請由永濟庫發給錢糧一摺孝陵東西琉璃花門工程緊要著准其援照成案即由永濟庫存款內照工部奏准工料銀數按銀錢各半發給內仍搭用銀票並大錢二成以期迅速而重要工○又諭戶部奏各省徵收上下忙錢糧請飭按限造報一摺國家經費以地丁為大宗乃各省於上下忙錢糧竟有因一二州縣未能徵收遂將全省錢糧數目概不報部更有於所屬州縣二叁屆限時調署離任巧為規避延不開叅以為見好屬員之計殊屬膽玩著各督撫嚴飭該藩司將歷年未經造報者統限於明年二月以前詳細造冊送部覈辦其明歲上下忙錢糧

除雲南貴州二省。向係徵收全完後報部外。其餘各省。著於截止後。上忙限十一月底。下忙限次年五月底。分晰成數報部。僅該州縣依限全完。准其援照成案。量予議敘。如有不肖州縣。藉詞延宕。即從嚴叅劾。儻敢瞻徇隱庇。即著該部將該藩司。及經徵不力州縣。指名嚴叅。以懲玩愒。○又諭。戶部奏。道員欠完米石。飾詞拖延一摺。湖北署糧道張曜。孫。於應徵武昌縣任內。南米藉口。疊遭兵燹。飾詞捏稟。實屬有心延宕。著交吏部從重議處。以示儆戒。其欠完米四千九百餘石。勒令趕緊完解。入冊造報。官文。胡林翼。聽信該員捏報。率行題咨。著一併交部議處。○又諭。兵部奏。遵旨議處。濫保撤任回旗人員之都統等一摺。正紅旗滿洲都統和碩睿親王仁壽。著加恩免其實降職任。即罰職任全俸六年。副都統戶部右侍郎寶鑒。總管內務府大臣文豐。部議降二級調用之處。均著加恩改為降四

級留任。○又諭。載華等奏。慎重庫款。酌議章程等語。現在銀價輕減。實銀易錢。庫款不無折耗。著照所請。所有兵役白事賞銀。並養贍孤寡錢糧。仍按銀七錢三支給。其應發各處公項。寺廟香燈等款。一律改放實銀。至零星歲修工程。准其發給實銀八成。搭放鈔票大錢二成。以重庫款。而昭覈實。○又諭。駱秉章奏。勦辦粵西回竄股匪。擒斬逆渠一摺。江華賊匪何文彪等。分竄楚粵邊界。經駱秉章飭令直隸州知州黃瀋熙。副將陳品南。疊次痛勦。何文彪猶敢徑撲江藍廳城。黃瀋熙等赴援。立解重圍。攻克馬頭鋪。朝陽。錦陂等寨。十餘處。何文彪敗竄藍山。首逆賴姓復竄入江藍廳城南之高村地方。黃瀋熙等回軍擊之。即選知府陳士杰。同知魏喻義等各率所部。追勦何逆。由九嶷洞。至小源山一帶。翻山而進。連獲大勝。生擒何文彪於簸箕山高村。賴逆復走踞楚粵交界之牛尾嶺。據險自固。黃

瀉熙等各軍。絕險進攻。破入賊巢。擒斬殆盡。此次蕩平巨股。賊匪殲戮萬數。渠目均就擒。斬脅從解散。辦理尚屬妥協。各員弁勇丁出力人等。著駱秉章覈實保奏。候朕施恩。○又諭。駱秉章奏。派兵越勦廣東賊匪。疊獲大勝。一摺。廣東賊匪竄入湖南宜章縣境。敗竄連州之星子司。經即選道張運蘭等越境追勦。立斬大旗賊目數名。及悍賊百餘名。立破九陂賊巢。並將石塘賊巢攻破。援賊四面紛出。我軍散隊縱擊。復斃賊二千餘名。即選道王文瑞進勦邵村泥潭之賊。直搗三江城。斃賊二千餘名。三江城圍立解。白虎墟老賊巢穴。一律肅清。此次楚軍越境追勦。兩保危城。疊獲大勝。辦理甚為得手。其尤為出力文武弁勇。著駱秉章擇尤保奏。○諭軍機大臣等。據曹澍鍾奏。酌撤蕭啟江一軍。回鄂援皖。並兜截賊蹤。懇請飭催撥解餉銀等語。九月二十二等日。逆匪竄撲懷遠鎮。天河等處。經各團

擊退。敗回羅城。慶遠。柳城一帶。挑濠築壘。意圖負隅。其意仍欲奔黔。窺伺川省。現在田興恕一軍。已諭令擇要防勦。迎頭截擊。自可嚴扼賊匪奔黔之路。至蕭啟江一軍。正與劉長佑由永福進兵。會合勦辦。雖經曾國藩調回。催令赴鄂。惟廣西兵力較單。防勦正當喫緊之際。仍著駱秉章。曹澍鍾酌量情形。是否堪以暫留。並接濟兵餉。使其追勦石逆。以固川省邊防。昨據曾望顏奏。滇黔逆匪分竄。攻撲敘郡等處。川省兵力難支。已由陝甘二省撥兵前往。儻石逆再由黔窺蜀。僅有田興恕一軍扼要防勦。恐兵力尚單。曹澍鍾仍須偵探賊蹤。督飭諸軍兜勦。以期聚而殲之。至劉長佑月餉銀數萬兩。向由湖南支發。仍著駱秉章按數撥解。毋誤要需。其山西。陝西。應撥餉銀。已諭令速解矣。將此由六百里各諭令知之。○又諭。本日據何桂清奏。喚苗志在尋釁。並鈔錄新聞紙呈覽。據稱。卞酋。因該國未派

人接辦志氣益驕。並探聞暎夷輪船前在天津北河一帶探水。有相離北河不遠之處。水勢寬深。大船可以近岸。該酋初意。一俟兵齊。即赴天津。由水勢寬深處登陸。直抄北河礮臺之後。印度兵頭欲將兵船分派通商各口。封港。不准商船進出。較為省力等語。暎夷志在報復。本在意中。天津大沽海防已極周密。惟北塘一帶。該夷既有輪船探水。又有登陸抄我礮臺後路之語。不可不密為設備。前經

諭令僧格林沁。恆福。辦理民團。於北塘至天津陸路地方。暗中布置。其應如何防範之處。著迅即籌辦。專摺具奏。據何桂清奏稱。暎夷新派之副公使梅爾登。與吳煦等認識。據稱該國兵到。必先講理。決不冒昧攻打。惟事係暎夷會辦。不能不同發兵。其言雖未可遽信。但暎夷既互相猜忌。正可臨時設法。離散其心。該大臣等成算在胸。屆時相機妥辦可也。何桂清摺。並新聞紙。著鈔給閱看。將此密

諭知之。又諭何桂清奏稱。暎酋志在尋釁。與暎夷意見參差各情。該酋嚙嚙嚙。先傳夷商令其不完關稅。因夷商經華商開導。恐礙貿易。未曾允許。新調印度兵頭。慮及天津地勢險窄。用兵無益。因獻封港之議。夷商亦未必樂從。佛國副公使梅爾登。既知抱怨。暎酋且新聞紙內。有暎夷不願合兵。以杜爭功之說。正可乘其貌合心離。設法解散。著該督密飭吳煦等。面加開導。告以佛國本年到津。未

助暎國打仗。中國本在天津找尋佛國公使。欲與佛國一同議和。該國船已南歸。未及商辦。若果真心和好。當與佛國一樣看待。不難即於上海換約。如此暗為散動。或可免其助逆。至該二國船鈔。已許照佛夷徵收。亦可乘機籠絡。或飭華商密告夷商。將來暎夷如能悔悟。該大臣必能奏求大皇帝照佛夷之例。在滬換約。然只可口說。微露端倪。不可形諸照會。跡涉求和。示之以弱。儻二國能知感悟。

該大臣迅即奏明。再示辦理機宜。此中操縱。何桂清想能悉心妥辦。此時亦未便盡行宣露也。將此由六百里密諭知之。○又諭。何桂清奏。喚咈二國懇援。味國章程完納船鈔。請旨遵行一摺。中國接待外國。素守信義。本年天津之事。並非中國開釁。今喚國公使。嚙嘶咈國公使。布爾爾布隆。以味國商船。海關現照新章。祇徵船鈔銀。每噸四錢。照會何桂清。懇請將該二國船鈔。仿照徵收。道光年間。曾有將來如有新恩。亦准各國均沾之語。自應俯順商情。一律辦理。著何桂清。咨飭五口通商處所。凡喚咈二國。徵收船鈔銀。均照味國新章。准其每噸徵銀四錢。以示朕加恩各國。一秉大公之至意。將此由六百里諭令知之。○以楚軍援勦黔匪出力。賞都司李遠成。吳宏勝。守備吳振連。吳士榮。等花翎。把總楊正林。等藍翎。餘升擢有差。○以擊退安徽廬州援賊出力。賞總兵官尹善廷。守備徐立壯。巴

圖魯名號。餘加銜升擢有差。予陣亡把總劉玉章。祭葬世職。如守備例。○以湖南官軍勦緝廣西竄匪。並擒斬賊渠。賞同知魏喻義。花翎。副將陳品南。父母封典。餘升擢有差。○以湖南官軍援勦廣東賊匪出力。予道員王文瑞。父母封典。張運蘭等獎敘。予陣亡參將彭聲發。祭葬世職。如副將例。○以接仗失利。湖南永州營守備向東昇。革職逮問。○以湖南桂陽興甯宜章江華永明等縣城被匪竄陷。革知縣董繼芳。彭嗣昌。吳清鵠。林周培。唐瀟。燦。參將常明。鍾萬陞。職均逮問。參將彭定本。革職留營效力。○上以冬至祀天於圜丘。自是日始齋戒三日。○壬辰。諭內閣。御史高廷祐奏。丁憂人員。署理地方。與例不符等語。各省丁憂人員。例應回籍守制。原不准其署理地方。前據恆福奏請。以丁憂奏留差委

之候補知縣恩泰署理臨榆縣員缺係因山海關防務緊要人地實在相需是以降旨允准以後各省不得援以為例○諭軍機大臣等玉明等奏奉天盜風日熾請飭熱河派員合拏等語據稱奉天省西北一隅時有結夥盜賊出沒無常皆因西北清河松嶺子黎樹溝等邊門外地方均係熱河屬界一經派員往拏匪黨聞風出邊星散藏匿本省委員難於越境訪緝請飭熱河派委妥員合力兜截

自係為慎重捕務起見奉天與熱河交界地方向為盜賊淵藪若非兩處兜截必致此拏彼竄著常清揀派妥員帶領兵役人等會同該地方官與奉天各員合力緝拏以期淨絕根株毋稍疏懈將此諭令知之○軍機大臣等奏宗室覺羅養贍銀兩未經分別年歲請旨遵行得旨仍照原擬不必分別年歲○山西巡撫英桂奏報撥解湖北餉銀一萬二千兩業已啟程得旨雖未能按月如數解齊亦

須源源接濟以重軍餉○蠲緩山西薩拉齊清水河二廳被水被雹地畝新舊額賦有差

○癸巳

上詣

皇穹宇行禮○詣

關帝廟拈香○諭軍機大臣等據勞崇光奏密探夷情請飭令天津山東妥為防範等語夷人之必來報復及輪船之外兼用馬隊或由北塘登陸窺伺礮臺後路均在意計之中

節經諭令僧格林沁亟籌防範其如何布置情形尚未據該大臣覆奏茲據勞崇光探聞暎夷調兵萬餘駕駛火輪船於明年正二月由粵赴津水陸並進並調有黑夷馬隊一千名淺水大輪船名根鉢者五十隻其意似將以大隊輪船在大沽牽掣我軍而潛用淺水船裝載陸兵至北塘乘虛登陸此等詭譎伎倆自應加意防維開春如果夷船駛至不遵理諭恃強登陸如勞崇光所奏情形該大臣

應如何設法抵禦。著與恆福會同籌畫。與北塘布置事宜。一併迅速具奏。勞崇光奏片。著鈔給閱看。將此密諭知之。○又諭勞崇光奏探聞倭夷欲圖報復。約於明年正二月間到津。並聞欲分擾登州。請飭一體嚴防等語。夷人挫敗之後。力圖報復。原在意中。現據勞崇光探明。倭夷調集水陸兵丁一萬餘人。陸續到粵。並有黑夷馬隊一千名。淺水火輪船五十隻。均俟來年正二月間到津決戰。並擬分

兵前往登州滋擾。使我備多力分。難於兼顧。其用計實屬詭譎。登州介上海天津之間。且對岸即旅順口。地方緊要。惟此時若遽議建築礮臺。撥兵防守。過涉張皇。轉恐招之前來。不如於陸地暗中設備。較有把握。文煜前經奏稱。於十月二十五日。由省啟程。前赴登萊。青三府查辦事件。著即將登州海口情形。詳加履勘。其何處口岸。為該夷所可到。何處陸路緊要。足資扼截。應如何調派官兵。遠委得

力將弁管帶。擇要分布。勤加操練。以資堵禦之處。均即妥為籌畫。馳奏。至勞崇光所稱該夷陸戰。全恃火器。有進無退。是其所長。而不能隨機應變。勝之之道。當以奇兵蹙之。疑兵誤之。等情。著文煜與鎮將等講求。陸地取勝之法。庶可有備無患。不致臨事無措。勞崇光奏片。著鈔給閱看。將此密諭知之。○改丁憂升授江西按察使張敬修。為署理。命速赴新任。○改鑄江蘇元和。浙江雲和。陝西白水。三

縣知縣印信。從巡撫徐有壬。胡興仁。曾望顏請也。○以湖北官紳團防出力。賞道員毛鴻賓同知銜方宗壘。花翎武生方煜。藍翎城守尉長順。二品頂帶知府啟芳等。加銜升敘有差。○以帶兵逗遛。降四川遊擊丁鳴岐。為把總。○予安徽石牌長安等處陣亡守備唐應國。黃萬勝等祭葬世職。○追予廣東陣亡在籍郎中宋蔚謙。於花縣本籍建立專祠。把總張得興祭葬世職。○緩徵兩淮富安。安豐。梁

埽東臺河埽丁溪草堰劉莊新興廟灣伍佑

板浦臨興中正十四場被水竈地新舊額賦

有差○甲午冬至祀

天於

園丘遣恭親王奕訢恭代行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵

昌西陵

慕陵

慕東陵○遣官祭

孝德皇后殯宮○遣官祭

端慧皇太子園寢○停次日朝賀○諭軍機

大臣等德楞額奏皖豫逆匪逼近東省請添

調兵丁一摺逆匪北竄雖因運河蓄水未消

不能徑過欲在利國驛紮筏搶渡德楞額瘡

口未愈帶病扼守韓莊兵力甚單僅恃運河

一帶團練鄉勇以為捍禦該處為東境門戶

僅令闌入北路勢必蔓延山東省現無重兵

可調著瑛榮關保即飭黃良楷由永城管帶

兵勇二千名迅速回至山東韓莊等處隨同

德楞額防剿勿稍遲誤將此由六百里諭令

知之○又諭傳振邦奏官軍連克兩圩賊復

糾眾緊圍灘口營盤請調馬隊二千並請將

博崇武等暫革留營各摺片傳振邦分兵三

路進逼淮北連克兩圩該賊嘯聚夥黨繞西

北一帶直趨灘口並圖撲徐城淮軍更番迎

擊該匪愈聚愈眾環築木圩北面處處賊蹤

情形萬分危急。自應添調勁旅以解重圍。惟吉林黑龍江本已無兵可調。天津夷務未竣。官軍亦難抽撥。勝保前調德楞額馬隊五百名。曾諭令攻克懷遠後。仍折回韓莊。現在淮營被圍。自應先其所急。著袁甲三即飭令此項馬隊赴傅振邦軍營協力攻擊。此外如有可撥之軍。務即迅速調派。會合兜擊。以杜北竄。博崇武胡元昌帶兵回宿。已降旨暫革留營。著傅振邦嚴飭該員等。迅赴淮口救援。以贖前愆。儻不知愧奮。即著從嚴叅辦。毋稍姑容。將此由六百里各諭令知之。○以江北淮營督隊不力。革副將博崇武。參將胡元昌。職留營效力。○乙未諭內閣。前據刑部具題。湖北民人蕭汶秀毆傷胞叔蕭怔。禮身死。罪名一案。當交軍機大臣悉心覈議具奏。茲據彭蘊章等奏稱。此案蕭汶秀於伊父蕭怔明棍毆伊胞叔蕭怔禮時。趨出奪棍。並將伊叔扶坐。是該犯於期親尊長。初無干犯之心。後因

蕭怔禮之子蕭汶美將伊村斥。該犯拾棍嚇毆。適傷蕭怔禮偏左頤。命是蕭汶秀欲毆堂弟。適傷胞叔。即與誤傷無異。該署撫胡林翼擬以斬決。實與情罪未符。况既云適傷。又稱有心逞兇。殊屬兩歧。刑部等衙門具題時。於原題內兩歧之處。未經駁斥。亦屬疏漏。蕭汶秀一犯。著照彭蘊章等所請。改為斬監候。入於明年秋審。情實辦理。所有該省承審審轉各員。並刑部等衙門堂司各官。著一併交部分別議處。○又諭杭州織造恩麟奏。辦運不敷。請援案籌撥一摺。據稱本年趕辦大運。僅將餘存銀兩發給。不敷之數尚多。請飭撥辦理。著浙江巡撫羅遵殿轉飭該運司。不論何款。連實解津貼兵籌足銀三萬兩。照案開銷。務於明年三四月內。全行撥解。該織造衙門毋稍遲誤。○戶部奏報。本月二十九日。彙房失火。延燒大堂各司。請將員外郎舒度等。交部嚴議。並各堂官自請交部嚴議。得旨。舒度

等均著暫行革職。俟訊出有無情弊。再行傳質瑞麟等。未能防範。實屬疏忽。著一併交部嚴加議處。至此案著歸入派審王大臣嚴審具奏。若仍有抵賴狡猾之處。即行夾訊。○予直隸東明縣殉難知縣杜勝集。巡檢王又焯祭葬。世職以堵禦不力。革去總楊三元。把總楊鳳儀職。並逮問。

大清文宗協天翊運執中垂謨懋德振武聖孝淵恭端仁寬敏顯皇帝實錄卷之三百一

大清文宗協天翊運執中垂謨懋德振武聖孝淵恭端仁寬敏顯皇帝實錄卷之三百二

敘修

咸豐九年己未十二月丙申朔諭內閣。憚先

宸奏。知縣飾詞冒功。請旨懲辦一摺。江西前署長甯縣揀發知縣仲鵬。於賊匪竄擾安遠時。並未前往援應。乃輒敢以帶勇救援。打仗數十次。殺賊一千餘名。力解城圍等詞具詳。經該撫查明。並無其事。實屬飾詞冒功。膽玩已極。仲鵬著即行革職。以示懲儆。○又諭。憚先宸奏。請將捏報軍功之代理知縣革職等語。本年六月間。賊由景德鎮竄出。代理德興縣知縣補用縣丞陳慶蘭。捏報係由該員督

勇協助官軍截殺。賊始不敢竄撲該縣等情。茲據查明。逆匪實係由景德鎮徑竄浮梁。並無圖竄德興縣。經官軍截回之事。陳慶蘭捏報冒功。膽玩已極。著即革職。以示懲儆。○又諭蔣蔚遠奏。賊匪闖入涇潭縣城。請將援勦不力之提督嚴議一摺。貴州思南一帶匪徒竄入涇潭縣境。經提督蔣玉龍馳往援勦。與署知縣廖遇春分劄要隘。協力堵截。殺賊百餘名。十月二十一日。賊復糾集大股直撲縣

城。蔣玉龍於山王廟尖山坪等處接仗。廖遇春亦帶練接應。各斃賊數十名。另股悍匪數千由松煙鋪抄至。官兵衆寡不敵。以致縣城失守。提督蔣玉龍援勦不力。咎有應得。惟究由餉缺兵單所致。蔣玉龍著改為交部議處。其廖遇春及在城文武下落。著該撫查明分別辦理。○又諭成凱奏。兵米久未關領。請飭速籌接濟一摺。綏遠城駐防滿洲營八旗官兵。應領歸綏二廳軍需倉穀接濟米石。自上

年八月起至今。共積欠米三萬一千二百餘石之多。自應速籌接濟。著英桂趕緊設法動款籌買。迅速解往。以濟兵食。○諭軍機大臣等。寄諭署四川總督曾望顏。有人奏四川敘州被圍日久。請飭迅派精兵赴援。並將庸懦不職之知縣查辦一摺。據稱敘州為水陸交通之區。孤城久困。恐有疏虞。官軍見賊即逃。俱無鬪志。宜賓縣知縣汪觀光平時不洽輿情。臨事毫無準備。被賊長驅直入。奪踞要隘。

該縣在署飲酒。形同聾瞶。請飭查辦等語。川兵疲玩已久。毫不足恃。已據曾望顏奏調陝甘精兵前往。著即迅速催提。仍飭卑陞等就現有兵勇實力攻勦。立解城圍。毋得遷延干咎。並查明汪觀光庸懦各情。嚴參懲辦。不得以敘州未失。輒稱保守有功。量從末減。至署守備余振海。把總安定國。見賊先逃。以致署總兵馬天貴陣亡。前已降旨。交該署督查明。如係臨陣潰逃。即行正法。著仍遵前旨。確切

查辦原摺著鈔給閱看。將此諭令知之。○又諭前因粵西逆匪圖由黔省窺蜀。恐田興恕一軍不足以資扼截。諭令駱秉章等酌留蕭啟江在粵追剿。毋任賊蹤他竄。本日據蔣霽遠奏。探聞首逆石達開現已竄入慶遠。裹脅不下十餘萬。自羅城至落墨渡。連營二百餘里。十月二十六日分股由六合墟渡河竄踞德勝。逼近南丹。意欲由黔入蜀。請飭田興恕速行回黔。由都勻一帶迎剿等語。田興恕一

軍前據駱秉章奏明。俟探明黔中消息再行前進。現在賊匪欲由黔入川。獨山荔波均形危急。諒駱秉章已令進兵。惟賊氛業已逼近。著飭該副將星馳前往。毋稍延緩。至該逆人數眾多。自應厚集兵力。以資圍剿。蕭啟江一軍前因曹澍鍾奏稱。因楚中檄調。急欲回軍。曾降旨仍令暫留粵西。昨據曾國藩奏稱。並未調回湖北。所有蕭啟江兵勇。仍著駱秉章接濟兵餉。由曹澍鍾飭赴慶遠一帶追剿石

逆。毋令蔓延川省。以保完善之區。劉長佑所帶兵勇如粵西軍務漸定。亦著與蕭啟江同往以助兵力。將此由六百里各諭令知之。○又諭蔣霽遠奏請飭催四川等省撥餉一摺。據稱貴州賊匪猖獗。勢甚危急。兵勇因欠餉日多。皆無鬪志。而粵匪石達開欲圖假道黔境。窺伺川疆。防堵尤形緊急。通盤籌計。非數十萬重餉。斷難濟急。請飭催四川湖南陝西山西山東各督撫將欠解黔餉。迅即籌撥。以

資接濟。自係實在情形。黔省與川楚唇齒相依。黔匪一日不靖。即川楚一日不安。若聽其餉匱兵飢。防剿何能得力。日久將不可復問。著曾望顏駱秉章文煜英桂譚廷襄於欠解該省餉項。無論何款。迅即籌撥解往。俾資協濟。毋任缺乏。將此由六百里各諭令知之。○江西巡撫惲光宸奏請已未恩科並補行乙卯正科武闈鄉試展緩舉行。從之。○以浙江續捐軍餉。再永廣鄉試中額一名。○予江西

殉難縣丞蔡福田從九品葉瑜蔡弄世職廉貢生林岡鳳實卹如例○丁酉諭軍機大臣等僧格林沁恆福奏遵籌海防布置事宜繪圖呈覽並遵保山海關統兵大員各等語用兵之道不宜稍涉游移僧格林沁等以夷情顧和則應在港欲戰則必來津大沽海口仍以難心灘為界儻夷船駛入毀我防具自應開礮轟擊使官兵有所適從不致懈怠其或在外遊駛即派員迎至北塘告以彼處有人

看待看其如何情形再行馳奏隨機應變均甚妥協其北塘陸路暗伏地雷不使占踞礮臺並有馬隊可以截擊又挑挖環濠布置事宜亦屬周密所請調察哈爾馬一千四本日已諭令慶昶速行照數挑選於明年二月內解抵防所所需調健銳等營京兵二千名亦已諭令各該營挑選候調惟京營距津二百餘里必令一日夜趕到恐人馬疲乏仍須先期數日奏調方妥至此項京兵宜選精銳者

列為前敵其次方令防守城濠而所築環濠據稱約三十五里仍應揀選練勇之中可恃者協助兵丁以資守禦山海關地方緊要自應謀勇兼優之員方足以資捍衛所保奕山賽尚阿俱未愜朕意仍著該大臣再行酌保候旨派往僧格林沁辦理夷務竭盡心力卓著戰功勤勞在外瞬閱一年朕心嘉悅之餘尤深廕繫此時防務稍鬆著該大臣於本月中旬即行來京陛見以慰朕念並可面授機

宜俟來春再行赴津該大臣來京之前須將一切防務交明樂善西凌阿暫行管理恆福駐劄大沽呼應較靈並著暫緩回省與樂善等妥為防守至該大臣等另片奏稱津沽布置情形無妨令何桂清勞崇光等告知該夷令來決戰等語雖為先聲奪人起見然辦理軍務惟當自籌善策不必誇示敵人轉似激之使來所奏著毋庸議將此密諭知之○挑八旗兩翼健銳營官兵各五百名外火器營

官兵四百名。內火器營巡捕營圓明園八旗營官兵各二百名。備天津防所調用。○調察哈爾馬一千匹。赴天津防所備用。○戊戌。命於

大高殿設壇祈雪。

上親詣行禮。○遣惠親王綿愉詣

時應宮恭親王奕訢詣

宣仁廟惇郡王奕諤詣

凝和廟醇郡王奕譞詣

昭顯廟鍾郡王奕詒詣

關帝廟拈香。○諭內閣。前據御史孫楫奏。各

省奏留丁憂人員。請量為分別。以示限制。當

交吏部議奏。茲據該部查照定章。覈議具奏。

近來各省。紛紛奏留丁憂人員。難保無夤緣

請託之弊。貪榮忘親。於人心風俗。殊有關繫。

嗣後軍務省分。除管帶兵勇。打仗出力。實為

軍營必不可少之人。准其奏留差委。並就近

起復。俟軍務告竣。仍飭令回籍。分別補行守

制。穿孝外。其餘辦理糧臺文案。勸捐團練。抽

釐等項。差使。均不得將丁憂人員請留差委。

其業經奏留丁憂。並就近起復人員。著統兵

大臣及各省督撫。嚴行裁汰。飭令回籍守制。

穿孝。不得以經手事件未完為詞。再行續請。

其從前未在軍營。丁憂後始行調往。及業經

回籍奔喪。復籍詞游幕探親。投效軍營。奏留

差委者。亦概不准行。以杜鑽營。至軍務告竣

省分。曾經奏留丁憂人員。尚未服闋者。即飭

令回籍補行守制。已經服闋。尚未回籍奔喪

之候選候補。及曾經補缺者。即飭令回籍補

行。穿孝百日。已補缺者。毋庸開缺。以符舊制。

以上應回籍各員。未經回籍之先。均著停其

升調選補。並責成統兵大臣。各省督撫。認真

詳查。分咨部科。及該員本省督撫。以備查覈。

如仍逗遛在省。在營。有營求差委。干預公事

等情。別經發覺。將本員照例革職。不即查叅

之大臣督撫。亦照例議處。再軍務省分奏留

人員多有就近起復。後並未回籍穿孝。即行改捐。並指捐他省者。尤屬有心取巧。著由服官省分之督撫查明。飭令回籍補行穿孝。其尚未分發者。俟補行穿孝後。方准分發。至實任人員。遇有丁憂。例不准請留本任。其丁憂差委人員。即打仗出力。亦不准請署實缺。以前業經奏留者。事竣後。仍飭令回籍補行穿孝。以重倫紀。而肅官方。另片奏駿直隸丁憂候補知縣杜恩祿。不准留營差遣之處。著依

議行。將此通諭知之。○又諭張亮基等奏勦捕邱北匪犯。地方肅清。一摺。雲南陳得功黨匪瞿騰霄朱開甲等。前因攻破邱北縣。戕官踞城。並分撲廣西州城。經兵練擊散。並生擒首匪朱開甲等。竄出。復經鄉練堵截。突圍奔逸。各處伏兵盡起。首匪朱開甲被礮轟斃。並斃匪千餘名。奪獲器械旗幟無數。要犯戴三夏成椿李永權等。均經殺斃。復生擒儲有佩等均係隨同戕官踞城要犯。當經臬司地

方一律肅清。該文武等撥捕淨盡。首惡無一漏網。辦理尚屬得手。所有疏防處分。均著加恩寬免。其在事出力員弁及紳民等。齊練捐貲。均屬著有微勞。著該督撫擇尤保奏。候朕施恩。○又諭玻崇武奏請將緝拏斃命按財兇犯無獲之署佐領等官。分別議處。一摺。密雲縣署佐領驍騎校綏福兼管協領恩承。於該管鑲黃正白旗蒙古佐領兼前鋒參領格圖肯之父黃夜被賊入室砍傷斃命。按竊多賊重案。事前既毫無覺察。又未即時獲犯。實屬咎無可辭。綏福恩承並疏於防範之屍子格圖肯。均著交部分別議處。玻崇武亦有失察之咎。著一併交部議處。至此案情節。甚屬可疑。著玻崇武督飭該管各官會同該縣嚴行審訊。並趕緊緝拏兇犯。務獲究辦。以成信讞。而靖地方。○諭軍機大臣等。張亮基等奏游匪竄入川境。鈞連等語。四川鈞連等三縣雖據有鳳奏業經官軍收復。而敘州府城被

圍日久。署總兵馬天貴陣亡。該省兵丁多不足恃。方慮蔓延為患。茲據該督等奏滇匪李短搭搭等逃至牛皮寨。係川匪溫如玉等勾結由桐子林竄至筠連一帶滋擾。必得兩省會剿。方足以殲醜類。著張亮基徐之銘嚴飭該省地方文武督率兵練。越境追剿。會同川省帶兵提督阜陞等併力夾擊。悉數殲除。不准稍分畛域。以兵單餉欠為詞。庶不令深入川境。亦不至回竄滇疆。是為至要。將此由六

實錄卷三百二

三

百里諭令知之。○又諭。本日據張亮基等奏。滇南回務。必須勦撫兼施。現在勦除著名兇悍匪黨甚多。而畏威求撫者亦復不少。惟回性多疑。須滇省回教中之位望較優者。赴各處開導。方足令其信服。查該省在外仕宦有浙江知府馬椿齡素為通省回民所服。著羅遵殿飭令該員迅速回滇。隨同張亮基等辦理招撫事宜。毋稍延誤。將此諭令知之。○以雲南麗江府屬勦匪出力。擢把總楊舉王郁

文為守備。賞花翎。知州何鳳飛等藍翎。府經歷鄭錫彤等。加銜升敘有差。○以勦辦雲南開化回夷各匪出力。賞千總陳永和等藍翎。知府李榮燦等。加銜升敘有差。予陣亡守備段定邦祭葬世職。○己亥。諭內閣。都察院奏江蘇文童劉珠呈遞所撰兵書名如意草談求為轉奏。所遞兵書。雖查無違悖字句。究屬不安本分。劉珠著解回原籍。交地方官嚴加管束。毋許在外滋事。○又諭戶部奏。遵議河

實錄卷三百三

三

南省應解工程及京甘各餉銀兩。仍應如期籌解。一摺。前據瑛榮奏。豫省應解萬年吉地工程銀兩。除已解過外。尚有欠解及續撥之款。現因籌解各省軍餉。該省各州縣本年除被擾被歉外。其餘完善地方。徵解無多。惟有設法先將工程要款籌解。其餘京餉甘餉等銀。俟來年開徵。再行報解等語。當交戶部查覈。速奏。茲據奏稱。河南省欠解工程銀兩。既據聲稱籌解。即應趕緊設措。務於年內解齊。

其續撥銀兩亦應遵照奏章依限起解至應解各省餉銀若能按年催徵及時起解何至積成鉅款該省額徵應解及雜款帶徵為數甚鉅即使各屬偶有水旱偏災被賊擾害地方其完善之區催徵撥解儘足籌濟何得藉詞諉卸著瑛榮按照該部所議速將工程欠解續撥銀兩如期解交其應解各路軍餉著先將安徽等省要款按月解往並將欠解京餉甘餉分批報解毋得日久宕延至被災被

實錄卷三百二

五

擾地方必當確切查明覈實辦理儻一州縣中不過一二村莊被擾地方官藉詞影射冀免闔境錢糧是徒飽吏胥之橐而正賦日虧著該撫督飭藩司詳細查明分別辦理以剔弊竇而裕供支○又諭戶部奏徵收課金疊報減少請飭查辦等語熱河熱水塘金礦徵收課金自八年開採以來各季徵報之數有減無增恐該商等有窺多報少情弊或係廠員未能督飭商人實力開採以致課額愈形

短絀著常清即揀派妥員認真督辦以資整頓而裕經費○又諭和潤景霖奏審明姦夫謀殺三命按律定擬並將訊辦不實之廳員恭奏一摺奉天金州廳同知育淳於徐范氏商同姦夫徐汶中徐應強等謀殺三命重案先未審出實情旋因審限將滿輒聽該氏捏飾之供不察真偽裝點具詳並捏造鄰人趙學孟供詞及添寫屍遺棉襖帳簿情事即如詳解月日亦有不符足見扣限草率始終掩

實錄卷三百三

五

飾難免無教供索詐迨案破後有意掩飾前非希圖見好斷難以未令重犯漏網為詞曲為開脫育淳著即行革職永不敘用並不准其降捐巡檢蔣壽同於孫元詳具控之時並不稟請印官回署驗辦輒帶刑件往勘亦屬不合將壽同著交部議處○又諭王明奏城守尉佐領等官藉端斂錢請解任審辦一摺盛京候補防禦那爾洪阿呈控鳳凰廳佐領色布肯因嫁女祝壽等事藉斂民錢勾串奸

商阿附城守尉。並城守尉宗室常庚收受銀錢包庇屬員各情節。經該將軍飭令該城守尉明白呈覆。並委員確查。前後情節含混不實。亟應徹底根究。以肅官常。城守尉宗室常庚佐領色布肯均著先行解任。交盛京刑部提集那爾洪阿並全案卷宗。審明辦理。母任狡展。○又諭。德楞額奏兵勇擊退逆匪。運河南岸一律肅清。一摺。皖捻出巢竄擾。逼近東境。於利國驛地方紮筏。意圖搶渡運河。經德

實錄卷三十三

六

楞額督率兵勇擊退。轟斃二百餘人。奪獲木筏八隻。生擒逆匪二十餘名。該逆敗竄。德楞額統帶全隊截殺追剿。殲賊三四百人。總兵雙齡亦馳往柳泉一帶搜捕。生擒紅衣賊目二人。斃賊數十人。運河南岸一律肅清。勒辦尚為得手。所有在事出力官紳弁勇著德楞額擇尤保奏數員。以示鼓勵。○又諭。德楞額奏帶兵不力之員。升請分別摘頂革留回旗等語。管帶綏遠城官兵營總協領德福佐領

德博克帶兵甚不得力。德福著摘去頂帶。德博克著革職留任。以觀後效。管帶吉林官兵營總佐領盛恩因舊傷復發。不能來騎。委參領春全久病未痊。均著飭令回旗當差。○諭軍機大臣等。德楞額奏請調吉林黑龍江馬隊五百名助剿一節。該二處馬隊頻年調赴各路軍營。為數不少。現已無可再調。前曾諭令瑛榮關保即飭黃良楷由永城管帶兵勇二千名回至韓莊等處。隨同防剿。其前次調

實錄卷三十三

七

往勝保軍營之馬隊五百名。克復懷遠後。本應調回韓莊。嗣因傅振邦濰口防堵喫緊。諭知袁甲三將此項撥赴該提督軍營。著文煜。德楞額探聽濰口等處如情形稍鬆。即知照袁甲三傅振邦將勝保前調馬隊五百名迅速調回。以資截剿。逆蹤飄忽靡常。雖暫時擊退防範未可稍疏。德楞額瘡疾未痊。著探有警信。即飭總兵雙齡帶兵前往助剿。該撫仍飭地方官激屬鄉團以輔兵力。毋令捻蹤北

竄將此由五百里各諭令知之。○予山東利國驛陣亡防禦碩隆武驍騎校伊勒哈春祭葬世職。○庚子諭內閣戴垣等奏請飭催兩江山東河南欠解銀兩以濟要需一摺。兩淮鹽課應解圓明園生息銀兩。歷年積欠至三十三萬餘兩之多。其山東河南於應解皖餉內各劃出銀二萬四千兩。均係緊要之需。疊經降旨飭催。迄今仍未據解到。實屬任意延玩。此項銀兩係圓明園八旗內務府三旗及槍營公用要需。現在該營待用孔殷。刻不容緩。山東河南劃解銀兩為數無多。即著文煜瑛榮迅速照數籌解。不得稍有遲誤。如再延宕。即將該撫藩僚處兩淮欠解之款著何桂清嚴飭該運司即將此項積欠銀兩設法籌解。儻一時不能全數解清。亦著陸續撥解。毋再延宕。致干咎戾。○又諭端華等奏倉廩不戒於火。請飭查辦並據查倉御史英華奏請將疏防之監督議處各一摺。本月初三日儲

濟倉失火燒毀豐字廩一座。接連言字思字等兩廩俱被延燒。該花戶人等有無情弊。所供被燒廩座係屬空廩。是否屬實。均應徹底根究。花戶陳志明著交刑部審訊。該監督等於倉儲重地未能先事豫防。非尋常疏忽可比。儲濟倉監督錫年景祥均著交部議處。其已燒豐字等廩即著倉場侍郎責令該監督花戶等自行賠修。○又諭正藍旗漢軍奏例應承襲世職之員傷疾未痊查明請旨一摺。前任貴州提督佟攀梅之長子同知銜候選通判占鼇例應承襲騎都尉加一雲騎尉世職。據該旗奏稱占鼇因落馬跌傷左膀無力開弓可否令該故員次子占螭承襲等語。所有佟攀梅應得世職仍著占鼇承襲。並著該旗於帶領引見時聲明無庸開弓。○又諭和春奏官軍壘破江浦逆壘揚州邊界亦一律肅清一摺。並江浦續獲勝仗等語。自浦口官軍失利逆匪東伺揚儀西徧江浦南窺溧水

等處兇殺甚熾。經張國樑渡江躬親督勦。十一月十一日。平毀北山新卡。十四日。攻破城南賊巢。十五十六等日。該逆於江邊磨盤洲地方。搶築營壘。官軍分四路環攻。賊眾大挫。狂奔北門外賊營。亦同時攻破。其陳家集等處之賊。竄回天長。揚州迤西邊境。一律肅清。南路之賊。窺伺漂水。亦經防守官軍擊退。二十三日。江浦對岸地道內。火藥轟發。官軍並未受傷。賊匪自斃無算。猶敢從來雨山等處。

壘次來撲。均經擊退。斬馘無數。官軍即乘勢進剿。將西北逆壘二十餘座。悉行平毀。該匪經此壘加懲創。其膽已寒。即著該大臣等。激勵將士。將浦口等處賊匪。節節掃除。無任久踞。○諭軍機大臣等。前因曾望顏奏。請暫調陝西撫標等兵一千名。赴川助剿。當降旨允准。嗣又以敘州被圍日久。兼有另股滇黔各匪竄入。並經諭令樂斌。於甘省各營挑兵一千名。交提督郭相忠帶赴川省會剿。茲據樂

斌奏稱。陝甘兩省地方緊要。存營兵數過單。曾望顏所調官兵。請暫緩派往各等語。所奏係為慎重邊防起見。川省兵本不少。前已諭令曾望顏。先就本省之兵。激勵調度。不可專恃客兵。惟敘郡賊勢方張。亟宜埽蕩。儻遲延日久。誠恐滋蔓難圖。不可不厚集兵力。以保完善之區。所有曾望顏前次奏調之陝西撫標等兵一千名。仍著准其調派。並著樂斌速催文志等。統帶前往。其續行請調之甘肅提

標兵一千名。著暫停徵調。俟川省軍情如果實在緊急。再行斟酌派往。即著樂斌知照曾望顏。無庸久待可也。將此由六百里諭令知之。○以故奉恩將軍奕樸子載弋襲職。○以江甯剿賊失利。革參將王鼎甲職。予陣亡副都統銜常壽。協領慶春。防禦扎克丹。驍騎校薩錦。副將陳雲彪。參將黃志配。遊擊蔡東忠。都司羅光第。守備徐宏發。千總何得勝。把總邢立起。外委張鳴珂。未入流鄭煥章。國子監

典籍王兆桂等一百六十八員祭葬世職額
外外委劉繼勝等賞卹如例○辛丑

孝惠章皇后忌辰遣官祭

孝東陵○諭內閣前據何桂清等奏查明匿名
書函所陳漕弊情形當經諭令大學士都察
院堂官暨科道等閱看是否全係實情着聯
銜覆奏本日據桂良等奏稱查閱原奏於官
民交困胥役影射諸弊尚有不實不盡如小
民之苦由於州縣之浮收而非由於業田紳

戶業田之苦不得謂較貧民為更甚州縣之
虧空非由於辦漕書差之侵漁實由州縣之
迴護請飭該督撫因時就勢力為整頓等語
江蘇省應徵漕糧甲於他省不肖州縣視為
利藪紳衿因而抗玩胥吏肆其橫恣遂至下
困民生上虧國課弊患日深實堪痛恨自應
亟籌整頓以挽積習此後該省州縣於徵收
漕糧時如敢寬放斛身甚至以四五斛作為
一石藉稱運費任意浮折書吏於浮加之外

復為開斛淋尖手捧腳踢捉豬搖小船諸弊
並紳戶假借影射抗欠把持刁生劣監包攬
食規均著該督撫明查暗訪隨時拏辦至州
縣之虧空多以騰那借墊為詞實則海運幫
費不敵河運十分之一而浮收如故虧空益
甚則或以償其逋負或以供其糜費且有交
代之時做為虧空輾轉相承愈積愈鉅上司
不敢過問轉為設法彌補官欠作為民欠喪
心昧良莫此為甚其漕書地總之豪橫不肖

紳衿之骫法分肥無非該州縣律躬不正不
能不聽其恣肆著該督撫嚴飭各該州縣凡
開徵漕糧總須足數兌運方行折色不得以
那款買米豫為藉口地步如有以上諸弊一
經查出即著從嚴叅辦斷不准稍事姑容至
該省漕務之弊尤在以熟作荒此後各該州
縣儻敢於應緩災戶仍行開徵俟徵足分數
後將未完之數作為災緩者並著嚴行叅奏
從重懲處該省目下雖軍務未竣而地方公

事。豈容置之不問。該督撫等務當激發天良。力除錮疾。無論大戶小戶。概令一律完納。以紓民困。而裕國用。毋得畏難苟安。自干咎戾。其投遞匿名書函之人。實屬不安本分。仍著何桂清等。查拏究辦。至御史富稼。另摺奏稱。請將貪婪不職。及身家不清各員。參革。御史高廷祐。另摺奏稱。署事人員不宜過多。俸滿人員。始准保奏。各等語。均為整飭吏治起見。茲令佐貳等。均為親民之官。豈容劣員濫廁。

實錄卷三十三

五

即著各直省督撫。於各該屬中。詳加查訪。儻實有貪婪不職。及身家不清者。即行嚴參。治以應得之罪。至署事代理人。不准過多。吏部本有定章。各督撫均宜遵守。不得任意瞻徇。濫行調署。規避處分。為見好屬員地步。其正任人員。果有治績昭著者。亦俟歷俸既滿。方准該督撫保奏。不必專案送部引見。務使久於其任。官民相習。庶地方藉資熟手。於吏治民生。均有裨益。○以廣東香山協副將李

揚陞為碭石鎮總兵官。○以皖南黃池堵剿不力。拔副將吳再陞。花翎。革副將楊金榜職。遊擊蕭榮勝等降革有差。留營效力。○予廣東嘉應州陣亡知州王瀄修祭葬世職。○蠲緩江蘇。邳。碭。山。句容。長洲。元和。吳。吳江。震澤。常熟。昭文。崑山。新陽。華亭。奉賢。婁。金山。南匯。青浦。江陰。宜興。荆溪。丹陽。金壇。溧陽。山陽。阜甯。清河。桃源。安東。鹽城。高郵。泰。東臺。江都。甘泉。興化。寶應。銅山。豐沛。宿遷。睢甯。海。沐。陽。贛。

實錄卷三十三

五

榆通泰興。太倉。鎮洋。上海。川沙。武進。陽湖。蕭如。阜。海門。嘉定。寶山。五十八廳。州縣。暨蘇。揚。徐。太倉。鎮海。淮安。大河。金山。八衛。被水被旱。地方新舊額賦有差。○壬寅。諭內閣。吏部。尚書。花沙納。人品醇樸。學問優長。由翰林蒙皇考宣宗成皇帝疊加簡任。洊擢卿貳。朕御極以後。晉秩正卿。勤慎宣勞。克盡厥職。方以年力正強。長資倚畀。茲聞溘逝。悼惜殊深。著賞給陀羅經被。派員勒載。治帶領侍衛十員。即

日前往奠醊。並著賞銀三百兩治喪。由廣儲司給發。照尚書例賜卹。任內一切處分。悉予開復。應得卹典。該衙門察例具奏。伊子兵部員外郎希凱。著俟百日孝滿後。由該旗帶領引見。用示朕篤念蓋臣之至意。尋予祭葬。諡文定。○又諭。聯英等奏。京控案件。原告情虛。畏罪潛逃一摺。江蘇捐職從九品賀慶昇。所控被匪焚搶。並牽涉淮徐道王夢齡各情。經署藩司喬松年等。審屬全虛。斥革擬徒。正在

實錄卷三百一

三

提勘該犯。解至寶應縣境。乘空脫逃。所奏殊屬可疑。該犯既逃悔呈。何又潛逃。難保無官官相護。授意完結。所有簽差不慎之寶應縣知縣。依勒通阿。著交部議處。該署漕督等。仍嚴飭各屬。務將逃犯。賀慶昇。拏獲。秉公再行審訊。以肅官方。而期無偏枉。○又諭。恩慶奏。裏塘善後事件。辦理完竣。並請續設土司。獎勵喇嘛一摺。裏塘地方。辦理招撫野番事宜。經該委員宣維禮等。妥為開導。均已率眾歸

附令該堪布。及土司等。就地安插。辦理尚屬妥協。其會同出力之土守備銜仁臻。工布。既稱夷眾遵服。著准其作為續設五品土司。協同正副土司。妥為撫馭。即著該部發給該土司號紙執照。熱水塘焚修喇嘛。稱勒達結。准其戴用黃桃兒帽。穿黃大褂。以示獎勵。委員試用通判莊裕蔭。現在辦理善後事竣。仍著該部照例改指省分。以符定制。其格桑彭錯。扎巴洛珠二名。著解交前藏。飭交地方官嚴

實錄卷三百二

三

加管束。○諭軍機大臣等。曾望顏奏。滇匪分擾上游。現籌截剿。請飭催調兵一摺。賊匪竄撲紋郡。因帶兵文武觀望遷延。遂至分竄。擾及嘉定等處。據提督阜陞咨報。與南溪縣所稟。迥不相符。其為捏飾無疑。亦嚴。牛喜編。均為賊竄高家場。必由之路。設有重兵駐劄。何以任賊長驅。如入無人之境。臬司蔣徵蒲。既因賊竄高家場。折回捷為。乃復由捷為退至嘉定府城。節節退縮。實屬貽誤軍情。著曾望

顏查明該提督臬司玩泄情形據實嚴奏並著該署督另揀大員統帶以免玩誤所調維州等協屯兵迅即飭令赴省用資防剿其富順等縣鹽丁亟應妥為安置嚴防勾結是為至要該署督請催調楚兵三千名一節前已諭知現在該省防剿喫緊無可再調其前次奏調之陝西撫標等兵一千名昨諭樂斌速催文志等統帶前往至續行請調之甘肅提標兵一千名因樂斌奏稱存營兵單暫停徵

實錄卷三百三

未

調現在上游均形喫重毗連眉州等處亦各戒嚴自當移緩就急本日已諭樂斌仍於甘省各營伍抽撥官兵一千名迅交郭相忠帶往川境助剿矣將此由六百里諭令知之○又諭據毓泰等奏查勘熱河園庭各處殿座樓閣均有滲漏傾圮情形惟天津閣六間存收書籍情形較重請旨辦理一摺著常清會同該總管等詳細查看所藏書卷有無損傷短少勤加抖晾其琉璃頭停瓦片脫節及椽

望虧朽之處著設法保護變通修理毋稍拘泥將此諭知常清並傳諭毓泰承啟知之○又諭本日僧格林沁奏參郭嵩燾前往山東查辦事件未能妥協請旨一摺當降旨將郭嵩燾交部議處矣前因山東煙臺等處商船出入貿易所收正雜釐稅恐多隱匿侵吞之處特諭僧格林沁派令郭嵩燾前往嚴密訪查茲據僧格林沁奏該員前赴煙臺派委紳士設局抽釐未經會同李湘茶查辦又未及

與文煜面商福山縣地方遽有不知姓名多人毆紳拆局之事當經文煜嚴飭地方拏究即著該撫訊明該局紳士等有無辦理不善及腹削激變情事秉公審辦並查明從前陋規嚴除積弊毋稍徇隱郭嵩燾現已回至山東省城文煜校閱營伍事竣亦當旋省所有各口釐稅章程仍著與郭嵩燾面晤籌商奏明辦理總期有裨國用無拂輿情方為妥善郭嵩燾俟釐稅章程商定由文煜具奏後即

行回京聽候部議將此諭令知之○又諭瑛
榮關保奏擒擾宿永並據胡林翼函稱陳逆
大股來援太湖恐分竄光固請飭調吉林馬
隊助剿各等語楚師東征賊勢自必西熾豫
省光固一帶情形喫重自應添兵助剿惟吉
林馬隊萬無可撥前據官文等奏議分四軍
征皖其第四路調回李續宜由光固以規廬
州各情朕曾諭令該大臣等務令取道光固
潁州繞出懷蒙以北方不致驅賊北趨想已

籌酌辦理惟征皖必先保豫若楚師鼓行而
東該逆走險擾及豫境誠恐關保等兵力難
資堵禦著官文等迅飭李續宜一軍即由光
固一帶截其竄豫之路毋再延緩其前調西
丹馬隊計可陸續到楚並著酌量抽分交李
續宜帶往截剿楚軍未到之先仍著瑛榮等
督飭將弁激勵鄉團扼要嚴防將此由六百
里各諭令知之○又諭聯英等奏擒匪意圖
分竄現籌防剿並整飭南路情形一摺擒逆

分股出巢一趨睢溪一擾蕭境經傳振邦派
兵繞截其竄撲景山柳泉等處之匪又經德
楞額派隊同邳州知州張富年等擊退該署
漕督等以宿桃完善之區責成地方文武擇
要布置並飭安勇等嚴防衡陽一帶豫備拏
凌船隻隨時敲冰免致偷越所籌均尚妥協
惟前據德楞額奏韓莊前面有銅山縣練總
吳鉉之勇二三萬人向稱精銳因馬賊紛至
練勇望風披靡等語此項練勇著聯英等查

明現係何員管帶如不得力即著酌量裁撤
將此由四百里諭令知之○以故成郡王載
銳子溥莊降襲貝勒○調兵部尚書全慶為
吏部尚書理藩院尚書穆蔭為兵部尚書以
吏部左侍郎春佑為理藩院尚書調工部左
侍郎德全為吏部左侍郎理藩院左侍郎伊
勒東阿為工部左侍郎以正紅旗漢軍副都
統裕瑞為理藩院左侍郎○以都察院左都
御史綿春兼鑲藍旗漢軍都統鑲藍旗漢軍

副都統繼善為鑲紅旗護軍統領調正黃旗
蒙古副都統察杭阿為正黃旗滿洲副都統
○以兵部左侍郎載堪兼鑾儀衛鑾儀使○
以安徽宣城南陵二縣辦團出力永廣學額
各三名○以河南勦捻出力復歸德鎮總兵
官慶文職○予安徽軍營病故總兵銜副將
袁學忠副將恩需祭葬卹廕○改鑄福建清
流縣知縣印信從護巡撫瑞璜請也○展緩
陝西府谷縣被旱歉區舊欠兵糧○癸卯諭

內閣御史朱夢元奏冬令早乾請修人事以
迓祥和一摺本年秋冬以來雨澤稀少節逾
冬至未霽祥雲連日戶部衙署及儲濟倉並
遭火患朕深宮撫省敬畏時深大小臣工亦
宜共加惕厲惟該御史所稱求治太銳不免
操之已蹙除弊太急不無過為己甚凡事務
以慈祥為念等語持論尚未平允近來部院
各衙門辦事多趨苟且諸臣果能力求整頓
固不宜專以刻薄殘忍為能亦不可徒博寬

大之名因循廢弛即如現辦戶部鈔票局一
案種種弊端層見疊出上虧國帑下腹旗民
若不嚴行懲辦何以肅綱紀而對臣民從此
懲一儆百各知悚惕不至自罹法網所以保
全者不更大耶朕執兩用中毫無偏倚爾在
廷諸臣亦當遇事持平同加儆省以副委任
至刑部監禁人犯多有因案牽連久繫囹圄
以至疾病待斃情殊可憫著該部速將現擬
軍流等罪官常各犯查照舊章奏請減等徒

罪以下趕緊清釐情輕者取保候訊無辜者
立予省釋並著順天府五城直隸總督一體
查辦毋得視為具文京師臬示首級著步軍
統領衙門五城御史飭坊掩埋嗣後每年冬
至前並著收埋一次以消沴氣其五城飯廠
貧民過多恐有賑給不敷之處並著每日各
加粟米一石及薪貲銀兩以廣周恤其各實
力奉行藉資感召○又諭官本胡林翼奏沔
陽州地方猝被江水漫淹情形一摺湖北沔

陽州屬一百四十一垓。於本年十月。猝被江水刷潰。隄塍民房多有淹沒。糧食漂失無存。且係收穫之期。補種無望。亟應妥籌辦理。著官文等嚴飭司道等。迅速查勘被災地方。輕重情形。分別奏請蠲緩。候朕加恩。其遷徙災民。並著飭令該管府州。妥為撫恤。毋令失所。用示朕軫念災區。恩膏速沛至意。○又諭。甘肅鎮迪道前任戶部郎中崇保。江蘇候補道前任戶部郎中忠淳。丁憂戶部主事石景蓮。

均著暫行革職。由各該督撫派員解京。歸案審訊。所有現獲到案之總商白亮。劉洪振。家產著派端華查封。崇保。忠淳家產著派愛仁查封。該二員任所貲財著各該督撫查封。並著順天府五城查明石景蓮如尚在京。即將該革員送交刑部歸案審訊。並將寓所貲財嚴密查封備抵。○以葉爾羌幫辦大臣英繡。為參贊大臣。○科爾沁卓哩克圖親王巴圖等五人烏珠穆沁扎薩克車臣親王彭蘇克

納木濟勒敷漢郡王布彥德勒格呼圖魯克齊阿巴噶扎薩克郡王阿爾塔什迪蘇呢特扎薩克郡王布達蟒噶拉等二人。四子部落扎薩克達爾汗卓哩克圖郡王伊什齊黨喀爾喀貝勒布彥巴達爾呼等四人。郭爾羅斯扎薩克鎮國公楊贊巴拉喀喇沁二等塔布囊三扎西哩等二人。於養心門內瞻覲。○甲辰諭。內閣查倉御史恩霽奏。參監督有曠職守一摺。北新倉空廩內有多人在內安鍋造

飯。經該御史往查。並無住班監督。僅有官役一名。倉廩重地。詎容任聽夫役等。在內舉火。該倉監督並不在倉住班。實屬有曠職守。著倉場侍郎查明曠班之監督。交部議處。以示懲儆。其並未住班之兵役。並在廩內舉火造飯之夫役。均著一併查明。嚴行懲辦。以重倉儲。○又諭。文煜奏。查辦煙臺釐稅。請將正署任知縣分別革職議處等語。山東省煙臺海口近年以來。商賈雲集。俱係該地方官私行

收稅經文煜委員嚴查始據該縣知縣余栢將本年所收釐稅報出其上年徵收若干堅不承認顯有隱匿侵吞情弊且該處甫議設局另定章程輒有商民聚眾滋事尤難保非該縣勾串指使亟應徹底究辦以儆官邪撤任福山縣知縣余栢著即行革職交文煜提省嚴行審辦署任福山縣知縣陳壽元雖甫經接篆惟於商民滋事未能豫防咎亦難辭著交部照例議處濟南府知府余榮係余栢

之兄恐有瞻徇護庇情弊致案情難期覈實著即撤任聽候查辦○諭軍機大臣等本日據樂斌奏川省不靖漢中為陝西門戶正宜加緊籌防署漢中鎮文志有查勘修築川楚接壤地方關隘堡寨事宜未便遽令交卸已咨會譚廷襄查明如文志尚未啟程其陝省官兵即改派委署西安城守協副將連慶馳往統帶等語自係為慎重邊防起見惟四川軍情此時正當喫緊儻賊匪由嘉定等處擾

及省城辦理更形棘手必須厚集兵力於該匪未經蔓延之先迅速撲滅庶川省完善之區不致被賊蹂躪著樂斌仍遵前旨速令郭相忠統帶甘肅兵一千名前進其陝西所派一千名仍令文志星速管帶前往赴川助剿以期迅殄賊氛毋令日久滋蔓漢中鎮總兵員缺既屬緊要即著該督揀派妥員前往接署以重地方將此由六百里諭令知之○又諭本日據文煜奏請將報稅不實致滋事變

之知縣革職提訊等語業經明降諭旨將撤任福山縣知縣余栢革職嚴訊並將署知縣陳壽元交部議處矣因思煙臺設局抽釐先據郭嵩燾函致該撫商民並無異言何以忽有聚眾毀局毆傷紳董之事困難保無奸徒從中唆撥而起釁之由總因辦理不善在籍主事蕭銘貞朕聞其平日不協鄉評其餘紳士亦並非素孚人望郭嵩燾起身以後該紳等額外加稅以致怨聲載道激而生變現經

該撫獲犯嚴辦。並提集余招等嚴訊。該革員如有隱匿侵吞。及指使毆紳毀局等事。不難水落石出。若仍令蕭銘貞等。照舊接辦。亦恐商民未能相安。並著文煜將蕭銘貞等撤去。即毋庸添派董事。所有抽收釐稅。俟該撫酌定章程後。仍派地方賢員。覈實經理。並查明從前積弊。嚴行裁汰。務使商情允協。官民相孚。方為妥善。將此由五百里諭令知之。○命翰林院編修張正椿。提督廣西學政。○予積勞病故廣西學政李載熙。祭葬卹廕。伊子學恂。服闋後。以六部主事用。○展緩甘肅皋蘭河狄道。靖遠。隴西。靜甯。安化。甯甯。夏甯。朔靈。中衛。涇。崇信。靈臺。鎮原。十六州縣。暨沙泥州。判所屬被雹被水被霜地方。舊欠額賦。○乙巳。諭內閣。瑛榮奏。請將失察擅殺多命犯。未全獲之知縣。先行議處。撤任留緝一摺。副將李世忠家屬。寄居陳州府。遣其親戚陳繼謀。帶勇十二人。赴商城原籍。行過淮甯縣所屬

虹石橋地方。該鄉民以該勇等各執器械。疑係搶匪。將陳繼謀等十三人。全行殺斃。淮甯縣知縣李澍。毫無覺察。非尋常疏忽可比。雖經獲犯十一名。並未訊出起意為首。及下手人數。並贓物多寡。實屬顛預。李澍著即撤任。先行交部議處。並勒限兩個月。留於地方。協同署任。知縣將逃犯弋獲。照例懲辦。儻限滿不獲。即著從嚴叅辦。○調直隸宣化鎮總兵官阿麟保。為大名鎮總兵官。大名鎮總兵官馬得昭。為宣化鎮總兵官。○改鑄浙江烏程縣知縣印信。從巡撫胡興仁請也。

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之三百二

實錄卷之三百二

中

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之三百三

監修鴻臚寺卿臣等謹將本年十一月內各事開列於左

大清文宗協天翊運執中垂謨懋德振武聖孝

大清文宗協天翊運執中垂謨懋德振武聖孝

大清文宗協天翊運執中垂謨懋德振武聖孝

大清文宗協天翊運執中垂謨懋德振武聖孝

敕修

咸豐九年己未十二月丙午

孝和睿皇后忌辰遣官祭

昌西陵諭軍機大臣等蔣霽遠奏提督蔣玉

龍所部兵練因糧餉告竭已多潰散該提督

威令不行致賊匪聞風上竄已降旨將蔣玉

龍先行革職留營效力並命田興恕署理貴

州提督矣貴州軍務喫緊兵心渙散蔣玉龍

原帶兵練又因招集不至全行遣撤回川致

寶安股匪漫入遵義南鄉近省之開州亦被

賊竄情形萬分喫緊田興恕業已令其署理

提督著駱秉章催令帶同原隊兵勇星馳赴黔以資統率並將由黔入川賊匪悉力堵遏毋令蔓延至蕭啟江一軍曾降旨仍令暫留粵西著曹澍鍾飭令速赴慶遠一帶追勦石逆以保川疆黔中軍務疲敝已極並飭該署提督力加整頓復振軍威迅殄賊氛毋負委任將此由六百里諭令知之○兩江總督何桂清奏探喫嘍兵船到上海數日並嘍夷向上海道脅和情形得旨該道駁飭梅爾登之語尚屬得體然此時夷情雖驕總不可使之遠去撫局難成但能將償費撤防兩層暗為消弭仍應作為嘍夷並未助逆先就範圍方為妥善如能赴崑山面見更好至喫夷之狂悖恐非言詞所能化也○貴州巡撫蔣蔚遠因病賞假以布政使海瑛署巡撫○以貴州三渡關兵潰革提督蔣玉龍職拔花翎留營效力以候補總兵官田興恕署貴州提督○丁未

孝德皇后忌辰遣官祭

殯宮○諭內閣巡視東城御史毓通等奏儲濟倉失火拏獲匪徒一摺本月初三日儲濟倉起火該城指揮等前往撲救見有匪徒持械由倉內北牆越出當將該犯盧寬成拏獲並將引薦該犯入倉之蔣五一併拏獲倉儲重地豈容匪徒藏匿難保無別項不法情事盧寬成蔣五均著交刑部歸案嚴訊盧寬成所供在逃之蘇六及九兒並同住之三人著步軍統領衙門順天府五城一體訪拏務獲歸案訊辦東城副指揮張性淵注奎吏目張坤著俟刑部定案時聲明請旨○諭軍機大臣等前因皖豫逆匪逼近東省當諭瑛榮關保飭黃良楷由永城管帶兵勇二千名迅回山東韓莊等處隨同德楞額防剿茲據文煜奏黃良楷帶勇多年上下相信是以遇仗得力今黃良楷將該勇帶回二千名下餘千名若仍令駐劄永城恐帶勇官不能駕馭請飭全

數帶回等語。山東出省會勦兵勇。尚有富新所帶一軍。留在濰口。現當山東防務喫緊。兵力不敷調撥。著瑛等關保。即飭黃良楷將所部誠勇三千名。全數帶回防勦。以厚兵力。而收實效。將此由五百里諭令知之。○又諭。本日據御史普安奏。風聞濰州牧祁之鐸失察。兵書陳煦揚等。上年兵差過境。挨戶攢斂。車價等盈千累萬。全肥私橐。所有兵差車價。仍行作正開銷。以致小民怨聲載道等語。各州

縣胥役人等。藉差苛斂。侵吞肥己。該管官豈能毫無開見。著恆福提集該州兵書陳煦揚。並經手胥役地保等。研訊確查。按律懲辦。該知州祁之鐸。有無知情徇縱情弊。並著分別叅處。毋稍徇隱。將此諭令知之。○又諭。御史普安奏。山海關稅課。風聞被已滿吏捐職之常呂崇。與貼書王亭子。在沒溝營牛莊等處。盤踞把持。串通大關樞書王休蔭。應文光。與咸豐五年經部駁捏造免稅銷冊之楊慶表。

裏為奸。朋隱分肥等語。現當庫款緊要。整飭稅務之始。豈容不肖吏胥。肆行盤踞。視為利藪。如果屬實。大干法紀。著成保會同該關監督。按照所奏各情。嚴密查拏究辦。以除積蠹。而重稅款。原摺著鈔給閱看。將此諭令成保。並傳諭壽昌知之。○黑龍江副都統關保奏。到豫接辦勦務。所需兵餉。積欠日久。請飭下河南撫臣瑛榮。按月撥解實銀四萬兩。其從前積欠餉銀。亦令搭解清款。得旨。戶部察覈。

該營有無各省欠款。並豫省應撥之款。速行籌畫具奏。至該副都統與瑛榮。其辦一事。通融撥解。事所常有。若必待請旨飭下。於軍營豈不慮其遲誤。此摺看來。文理通順。必係該撫致信關保。令其單銜具奏。有旨嚴催。便可藉口軍需。置京餉於不顧。更可暫免處分。殊屬取巧。○展緩伊犁新溝。白陽溝。南渠。被旱地畝。額賦有差。○戊申。上御乾清門聽政。○以前任山東巡撫崇恩。翰

林院侍講學士依奇哩、葉爾羌參贊大臣慶英為內閣學士兼禮部侍郎銜詹事府少詹事廣鳳為詹事。○以正白旗滿洲副都統熙拉布為京營右翼總兵。○己酉諭內閣袁甲三奏臨淮南岸擊勦撲營賊匪獲勝一摺。逆匪占踞臨淮。經官軍於南岸築營圍勦。十一月二十四日。該逆一齊擁出。直撲新營。官軍用槍礮連環轟擊。立斃悍賊數十名。逆勢稍卻。我兵奮力砍殺。復斃賊百餘名。二十五日。

又出馬步悍賊數千來撲。官軍分三路進勦。先將執旗馬賊擊倒。馬隊從旁抄入。逆眾驚潰。捲旗狂奔。經萬斤大礮並礮船排列轟擊。橫屍滿地。千總徐曉奮勇撲入賊圩。砍倒數賊。中礮陣亡。總兵張得勝親帶兵勇一擁齊進。將墟中賊眾砍殺殆盡。平毀土墟。該逆於東面添設數卡。經張得勝帶兵攻入。踏毀賊卡二座。斃匪四五十人。勦辦尚屬得手。著袁甲三督飭水陸各軍。乘此聲威。趕緊攻克臨

淮。毋任負隅久踞。○諭軍機大臣等。譚廷襄奏陝西庫款不敷。請援照舊案。將各營十年春季俸餉暨豫借等項銀兩。及省城滿漢各營豫借接濟一半銀兩。一併緩至來年春季。俟庫收有款。即行發給。並請飭令西安將軍。及陝西提鎮各營一體遵照。自因籌款維艱。不得不量為變通。雖緩至來春。為時無幾。然該兵丁等當差清苦。著該將軍提鎮等。先行妥為曉諭。以安兵心。仍著譚廷襄迅速籌畫。

一俟庫項稍有收存。即行分期補放。以示體恤。將此各諭令知之。○又諭。前因勝保奏。副都統伊興額遇事與人齟齬。軍心解體。係因聽信劣紳周光岳之言所致。當將伊興額革去頭品頂帶。交勝保差遣要用。周光岳並著勝保查明奏。旋據勝保奏稱。周光岳抗不遵提。恃符藐法。請將該員革去主事。拏解赴營審訊。本日據袁甲三奏。稱周光岳一案。經勝保飭令宿州知州招告。並查訪劣蹟。已據

該知州裕恭查明該革員種種劣蹟稟覆惟內稱周光岳因挾袁甲三不准督辦團練之嫌故肇令伊與額等語周光岳劣蹟業經裕恭查明既有與袁甲三挾嫌之事自未便由該漕督訊結惟裕恭稟內有該革員在北鄉辦團藉拏土匪每不送州擅自殺死等語情節較重自應嚴行究辦務使水落石出以期折服其心著何桂清親提人證按照該知州所查款蹟秉公審訊奏明辦理無得稍有不

實不盡致滋寬縱袁甲三所遞裕恭原署著鈔給閱看將此由五百里諭令知之○予安徽臨淮陣亡千總徐曉琴葬世職加等○庚戌諭內閣郭嵩燾奏請將辦理釐稅含混之前任巡撫議處一摺山東海口辦理釐稅自應奏定章程曉諭商民妥為辦理前任巡撫崇恩於奉旨交辦之件僅札行各屬以致州縣視為具文並不實力辦理崇恩久任山東巡撫於地方情形必能熟悉乃於各海口通

商繁盛之處並不據實奏明殊屬玩泄崇恩已補授內閣學士著降補太常寺少卿以示薄懲○又諭胡林翼奏距省較遠府屬招解人犯暫請由道員勘轉一摺湖北鄖陽襄陽宜昌施南四府所屬秋審並尋常遣軍流罪及命案徒罪人犯定例均不解省各由該管之安襄鄖荆道荆宜施道就近審明移司覆覈分別題咨現在該省軍務未竣積案愈繁著照所請暫將鄖陽襄陽宜昌施南四府所

屬案件除情罪較重之凌遲斬梟斬決絞決人犯仍照常解省審轉外其斬絞監候並命案遣軍流犯同荊州府屬尋常遣軍流犯命案徒犯俱照鄖陽等府所屬秋審等項解道審報院司覈辦俟該省軍務告竣再行照舊例辦理○諭軍機大臣等前因煙臺有聚眾毀局毆傷紳董之事降旨令文煜將在籍主事蕭銘貞等撤去毋庸添派董事茲據郭嵩燾文煜奏稱煙臺釐局留委員董步雲督辦

仍派蕭銘自等分管銀錢帳簿。自係尚未接奉前旨。辦理釐稅。雖不能專任地方官。而紳士不得其人。徒滋流弊。著文煜仍遵前旨。遴選廉幹委員。會同地方官妥為辦理。毋庸添派紳董。務使官民相安。可期經久。將此諭令知之。○熱河都統常清奏。遵派官兵往邊界兜捕盜賊。並籌經久緝匪章程。得旨。著照所擬辦理。嚴飭實力巡緝。勿得稍有疏懈。○以湖北團防出力。賞在籍給事中陳光亨。四品

卿銜。餘升選有差。○蠲緩直隸開東明長垣三州縣被水村莊新舊額賦。給貧民一月口糧。○辛亥諭內閣。玉明麟興奏。查勘應修工程。請旨遵辦一摺。所有

福陵

昭陵應修各工。著即派玉明麟興。敬謹修理。並著欽天監於明年二三月內。選擇吉期。先期知照該將軍等。餘著照所議辦理。○又諭駱秉章奏。建立專祠。書院表揚忠義一摺。湖南

省自江忠源羅澤南王鑫塔齊布李續賓等先後募勇訓練兵丁。百戰粵黔江鄂之間。悉成勁旅。其部曲疆場效命者。尤不乏人。忠義之風。照耀區宇。江忠源等業經優加卹典。備予褒榮。並准其建立專祠。用彰蓋節。此次著照駱秉章所請。准其於長沙省城內。再行建祠。其部下員弁兵勇。曾經賜卹者。並准其一律附祀。以慰忠魂。至該省帶兵出境各官紳。追贈提督湖北鄖陽鎮總兵瞿騰龍。浙江提

督鄧紹良。候補副將周雲耀。保升遊擊趙永年。候補同知直隸州知州趙啟玉。即選知府劉騰鴻。劉騰鶴。追贈鹽運使銜運同丁銳義。訓導儲致躬。從九品毛英勃。都司武昌顯等。或在鄰疆擊賊捐軀。或於本省力戰殞命。並著照該撫所請。別建表忠祠。彙祀所有該省陣亡員弁兵勇。一律附祠。並准其建立求忠書院。令陣亡各員後嗣。入院讀書。所需經費。除地方紳富捐助外。即由該撫率屬捐辦。以

昭激勸而勵忠貞。○又諭駱秉章奏楚軍越
勦黔境賊匪收復鎮遠府衛兩城一摺。貴州
鎮遠府衛兩城失陷後。苗匪教匪。廣聚思州
接壤各處。其唐家營。風崖。谷定。鶯嘴。響鼓。五
堂。尤賊淵藪。倚險抗拒。經駱秉章飭令道銜
知府兆琛。會同署貴州糧道韓超。署思州府
知府陳岳霖。駐營思州之遊擊張萬書等。各
路兵勇。分投進擊。先將風崖。唐家營。谷定。賊
堂。攻破焚燒。斬獲甚多。鶯嘴。賊棄堂而奔。

各軍進攻響鼓。堂賊復恃險死拒。並有鎮遠
及鬼計寨。苗另股教匪。會合援應。調補按察
使留任道員翟誥。檄飭所部。與兆琛。張萬書
等軍。分投抄擊。賊援盡潰。堂賊不支。被脅難
民。赴營求撫。五堂。一律肅清。鎮遠府衛兩城
之賊。聞風喪膽。都司周洪印。首先進擊。楚軍
各路繼至。賊勢敗潰。府衛兩城。同時攻入。城
外賊營。一併踏毀。殺賊數百。奪獲軍械甚多。
現將餘寨。分別勦撫。所辦尚屬得宜。所有在

事出力員弁兵勇。著駱秉章酌覈案案保奏。
候朕施恩。地方善後事宜。仍著會督該省文
武妥為辦理。○又諭駱秉章奏勦辦廣東禾
洞賊匪。大獲勝仗。連州連山一帶地方肅清。
一摺。廣東連山屬禾洞地方。猖匪羅嘉誨。與
積年賊首何觀保。李榮淑等。合夥久踞該處。
經駱秉章密飭都司張廣勝等。前往勦辦。該
逆等於連山禾洞上下門村一帶。建木城六
所。互為倚角。張廣勝督同遊擊陳青雲。參將

文恆久。都司易開俊。遊擊何本高。由白石山
安馬水口。破卡而入。與知府陳士杰所部會
擣下門村。參將劉松山等。會擣上門村。兩路
同時攻破卡隘。立將賊巢焚勦淨盡。斃賊七
八千人。並賊目五十餘名。餘匪五百餘名。此
次楚軍越境雕勦。將積年巨寇。迅速掃除。實
足快人心。而昭天討。所有出力員弁勇丁。著
駱秉章覈明。彙入勦辦廣東賊匪案內。一併
奏請獎敘。○又諭滿慶等奏達賴喇嘛之父。

敬備貢物。懇請交附巴雅爾堪布恭進一摺。達賴喇嘛呼畢勒罕之父公彭錯策旺呈進貢物。具見悃忱。著准其將貢物附交巴雅爾堪布恭進。並准其於達賴喇嘛及輔國公台吉扎薩克例貢之年。隨同進獻。○又諭滿慶等奏喇嘛專差進貢。懇請援案由四川進京一摺。達賴喇嘛呼畢勒罕於來年七月坐牀後。專差巴雅爾堪布呈進丹書克貢物。具見悃誠。著准其援照成案。仍由四川進京。以示

朕懷柔遠人之至意。○諭軍機大臣等。前諭僧格林沁於本月中旬來京。陞見。茲據奏稱接准何桂清咨。嘆唏兵船已到上海。仍擬駐劄海口。暫緩回京等語。係為慎重邊防起見。惟現在天氣嚴寒。河冰凍結。夷船斷難北駛。該大臣駐兵海口。胸閱一年。懋著蓋勞。朕心實深廕繫。僧格林沁著仍於十七日啟程來京。陞見。以慰朕念。兼可面授機宜。一切防務。仍遵前旨。交樂善西凌阿暫行管理。並著恆

福留心會商。所有京兵二千。准其分起輪替給假回京。以示體恤。將此密諭知之。○壬子。諭軍機大臣等。有人奏李若珠庸鈍。不知調度。六合被困。潰圍而出。只帶本營之眾。微服潛逃。各營不見主將。一時大亂。為賊所乘。或死或擄。約有五千。人。伊祇報陣亡二千八百餘人。兵勇生前未領之餉。糧臺欲不發給。而營中以為其人生前應得之項。必須發給。各等語。李若珠以提督大員。身任幫辦。於六合營盤被圍時。不能傳齊各營。一同殺出。竟有易服潛逃之事。致令兵勇多被傷亡。已屬毫無調度。至以傷亡之五千。人。只報二千八百餘人。非獨死者含冤。難邀卹典。且難保非為冒領餉銀地步。更出情理之外。當此經費支絀之時。豈容任聽各將弁如此營私。毫無覺察。著和春即查明六合一仗。陣亡兵勇究有若干人數。其報明陣亡者若干人數。如有冒領餉需等事。即著查明嚴行禁革。以杜弊混。

李若珠如果庸懦無能。並有前項情弊。即著和春於各營將弁內。另行選擇。奏派一員幫辦軍務。李若珠即著撤去幫辦。又據奏。近來帶勇將領。每於勇額中虛報幾名。以資津貼。從前營勇八九折不等。今日甚至有五折者。其或以難民充數。賊至即逃。虛糜勇餉。各等語。軍營壯勇。原期禦侮折衝。以補兵力之不足。若如此有名無實。尚復成何事體。著和春查明此等無用之勇。即嚴行裁汰。並將冒領

勇糧。剋扣發給之將領。一併查明嚴懲懲辦。以除積弊。再前據御史林之望奏。懷遠民人胡文忠。呈控勝保。翁同書。貽誤軍情。各節。當經寄諭令和春會同何桂清查明具奏。迄今日久。未據奏到。仍著該大臣會同該督迅速查明據實具奏。將此由六百里諭令知之。○予江南陣亡遊擊王金發。守備吳支桐。祭葬世職。○癸丑諭內閣。本日召見刑部郎中慶綱。詢以秋審向來堂議。何以分別實緩。該員

率奏為酌覈案情。斬絞俱有實緩。及詢以鬪殺之案。亦有斬罪否。又奏云。鬪殺多有議絞。似此例文尚未閱悉。不知該部堂官因何保列一等。想因其奔走勤勞。不過多見堂官幾面。即謂其例案熟悉。可見保列一等。並非認真辦案者。慶綱著撤銷一等。改為二等。刑部原保堂官。暨覆帶出考堂官。均著交吏部議處。○又諭。前因宗室長吉供稱。聞得喇嘛素特巴。有求德木楚克扎布向理藩院託情等

語。因德木楚克扎布假歸遊牧。經派審王大臣請旨飭令明白回奏。茲德木楚克扎布業已回京。據奏稱。咸豐七年冬間。因母病延請喇嘛念經。素特巴亦在其內。曾以章嘉呼圖克圖投遞呈詞。求其向理藩院堂官轉託母庸駁斥。德木楚克扎布並未回答。亦無代為託情之事等語。德木楚克扎布。雖未為該喇嘛請託。惟當其未回游牧之前。早知此案牽涉。何以從前並未具奏。實屬不合。德木楚克

扎布著交理藩院議處。○又諭。前因刑部等衙門具題甘肅狄道州民人楊同居兒等。共毆降服胞兄楊梅身死一案。斷語兩歧。當交刑部再行悉心覈議具奏。茲據奏稱。楊同居兒。係楊梅降服大功胞弟。被毆時並不懇求掙避。一經動手還毆。即屬有心干犯。至所稱詰非有心致死。係專指非故殺而言。該犯當伊兄擒按之時。輒用木車輻條。上向冒毆。已屬互鬪。並非耳目所不及。與誤傷致斃者迥

異。楊同居兒。仍照刑部原議著即處斬。其該省原題勘語。前後兩歧。並照該部所請。嗣後各省題本。務將勘語分別敘明。以免牽混。○又諭。江蘇學政孫葆元奏請責成教官提調襄理考試一摺。各省設立教官。原以整飭學規。訓迪諸生。俾各安分敦品。以圖上進。若如該學政所奏。江蘇生監多有不安本分。包攬抗糧。種種惡習。教官並不能認真約束。此等庸懦之員。何以整頓學校。嗣後各屬生監滋

事教官不能認真約束。即著該學政指名嚴參懲辦。至學政局門考試。場外弊端。勢難稽查。全賴提調知府彈壓巡查。乃近來提調多派丞倅州縣等官充當。不足以資統攝。嗣後各省學政考試各屬。如遇考棚在外縣之處。仍由該督撫派委知府充當提調。該府不准託名公事。私委屬員代辦。以重考政。○又諭。袁甲三奏進剿臨淮南岸。攻克賊墟。獲勝一摺。逆匪占踞臨淮。經官軍於南岸築營痛剿。營外賊墟尚多。袁甲三飭令投誠之柳家墟練總柳偉。約同各墟與官兵訂期舉事。初七日。官軍分隊渡河。豫伏墟外。約定先從蔣墟舉火為號。扒牆而上。逆眾不及抵禦。我軍乘勢撲入。斃賊不計其數。柳偉即在賊館放火。將賊館圍定焚燒。逆眾焚斬殆盡。計共燒斃賊匪一千餘名。砍斃六百餘名。生擒三百八十餘名。並將著名偽旗主焚斃多名。當將柳墟攻破。初八日。該逆糾合匪眾。環撲柳墟。意

圖報復。經官軍勦斃馬賊二十餘名。步賊三百餘名。餘賊敗竄回巢。初九日夜。官軍分攻附近之湯家壩等處。該逆傾巢出拒。官軍先用槍礮轟擊。逆勢不支。我軍乘勝抄殺。橫屍遍野。餘賊不敢回巢。望東南狂奔。兵勇直壓至臨淮關口。將新奪土壩扼要駐守。勦辦尚屬得手。著袁甲三督飭官軍練勇。乘此聲威。迅即攻克臨淮。毋任負隅久踞。所有此次出力員弁兵勇。及投誠立功之柳偉。著袁甲三

存記。俟攻克臨淮後。彙案酌保。候朕施恩。○諭軍機大臣等。本日據特普欽等奏。俄夷乘隙燒毀卡房。已派員修竣一摺。並繪圖貼說呈覽。烏魯蘇牡丹卡房。雖在許借俄夷界址之內。而設立自康熙年間。且係要隘處所。豈容任外夷占踞。此次該夷因船隻行駛不便。催令遷移。又未允許。乃轉謂此卡為占其左岸借居之地。突令密奇達將卡房燒毀。經特普欽派佐領鄂爾精阿前往海蘭泡查訊。據

該夷通事石沙木勒幅直認不諱。並云木哩斐岳幅真怒。故令燒毀。如欲重修。可移在右岸等語。情詞實為猖獗。特普欽現經派員在黑龍江城修妥木房。由冰道拉運至該處。照舊修蓋。業已一律工竣。所辦尚屬周妥。惟該夷蓄心侵占。已非一日。此卡既於該夷行船不便。雖經修理。難保不復來滋擾。特普欽擬派官兵常川駐守。尚恐難資抵禦。黑龍江之鄂倫春。赫哲。費雅哈等部落。其人最為勇悍。

務當收羅為我所用。不可使受夷人籠絡。如果該夷再來肆擾。即可密調該數處之人。與之抵禦。此外團練。亦當聯為一氣。使該夷稍知畏懼。不致得步進步。方為妥善。將此諭令知之。○又諭翁同書奏。兵練擊賊。疊次獲勝。粵捻現謀西竄。壽州情形喫緊一摺。壽州東南兩路官軍。雖於莊木橋等處疊次獲勝。不過因賊已潰竄。削平逆壘。並未令其大受懲創。至逆首陳玉成一股。昨據和春奏報。該逆

因被張國樞擊敗竄去。茲復據翁同書奏稱。該逆因聞楚師勢盛。遂由江浦六合帶領二十餘軍。意圖西竄六安。以拒楚師。北犯壽州。以牽掣皖軍。現在廬舒等處。逆蹤層聚等語。是該逆陳玉成竄突情形。極為猖獗。西擾六安。北撲壽州。均屬可慮。現在翁同書兵力較單。著袁甲三力籌兼顧。探有賊匪大股竄至。星速派撥兵勇前往助剿。如能派馬隊往援。更為得力。並著酌量辦理。翁同書仍當激勵兵勇力扼賊衝。不得以餉缺兵少等詞藉口。致有疏失。將此由六百里各諭令知之。○浙江巡撫羅遵殿奏。本屆海運提前趕辦。並籌變通之法。得旨。所奏殊無把握。層層折耗。實非計之得也。著戶部速議具奏。○安徽巡撫翁同書奏。署懷遠縣知縣鄒筭。前因失守叅革。現辦撫恤防堵各事宜。尚知愧奮。得旨。該員失守革職。已經開缺。即使續著勤勞。開復則可。回任則不可。又奏。派防六安副將盧又

熊稟稱。拏獲形跡可疑之毛青雲。據都司白鳳鳴認係湖北奸細。被獲脫逃。現已訊明正法。批。白鳳鳴。覷破逆謀。著存記。俟續有勞績酌保。○以安徽盱眙縣勦匪出力。賞知縣洪貞頤花翎。張鈞等藍翎。餘升選有差。○甲寅

硃筆諭大學士。六部。理藩院。尚書侍郎。都察院堂官等。國家設官分職。在部院衙門司員御史。原欲其諳練政體。詳求例意。今日為儲材之淵藪。異日出為方面。自能才識出眾。茂著循聲。意至深。典至鉅也。今則不然。進身之始。即百計營求。豫為保舉地步。非入署幫印幫橐。即檔房學習。日日奔走僕僕。勤則勤矣。於部務何益。於例案之輕重分別。以及清弊之源。更不必問矣。試問如此無恥之輩。昏夜乞憐之徒。在內即無立身之品。一日濫膺薦牘。焉望其奉公守法。不過到省後。先計其缺分之肥瘠。量一歲之所入。為奉承老師上官地

步不數年。病呈又入告矣。滿載而歸。徒飽私橐。為子孫置產之資。胥吾民之脂膏也。為堂官者。率不察其人品。辦事若何。只就目前所見。應對明晰。即許其部務熟諳。甚至暗受囑託。瞻徇情面。視保舉為市恩。無怪乎司員視一等為美具也。朕痛恨此習。深賴諸卿善體朕意。為朕惜才。勿視殊諭為贅言也。況滿漢堂司本無歧視。原應一體辦公。近見各部司員。漢員尚有講求例案者。居心公正。固不乏人。而把持不許滿員入手者。亦屬不少。滿員復甘認頹唐。不敢過問。把持者既為將來漁利之張本。頹唐者更幸一等記名。早離部署。今日之藏垢納汙。豫博美譽。為將來貪婪肥己之具而已。嗣後各部。無論滿漢司員。初到部者。概不許幫印幫橐。筆帖式初到部者。亦不許檔房學習。總期試以實事。觀其成功。杜奔競之風。為國家收得人之效。爾諸卿其共勉之。○諭軍機大臣等。袁甲三傳振邦奏。督

兵接出。灘口全軍復分路兜剿。將賊逼退一摺。據稱。擒匪圍攻。灘營。傳振邦督兵由倉里進。剿於二十八日。親督大隊。由東南兩面齊進。並飭博崇武等。帶馬隊赴趙墟伏伺。賊見我軍進攻。齊出迎拒。經胡元昌等。內外夾攻。擊破賊壘。灘軍乘勢撤出。袁甲三復抽撥兵勇至宿。援剿。初八日。傳振邦飭令各軍。由歇馬山進剿。滾營而進。三戰三捷。直逼灘口。該匪計窮。盡棄灘口巢穴等語。此次灘軍被圍。旋即設法接出。復將灘口之賊。全行逼退。惟賊勢眾多。並未大受懲創。此時田在田已到軍營。著傳振邦會同該總兵。督飭兵勇。迅將此股賊匪。盡數殄除。富新。冀耀倫。既衝出重圍。即飭令跟蹤追剿。毋令蔓延。將此由六百里諭令知之。○浙江巡撫羅遵殿奏。本年杭嘉湖三府屬。應徵起運漕白等糧。七十二萬餘石。請准援案。紅白兼收。私梗並納。得旨。所請紅白兼收。私梗並納之處。著不准行。○准

福建前翰林院編修林春溥。山東前浙江衢州府同知陳述經。浙江前衢州府學教授陶慶麒。温州府學教授金衍宗。重赴鹿鳴宴。○以安徽倉里營盤失陷。革都司王斌等職。留營效力。○予江南陣亡知縣沈節之。驍騎校常祿全陞。都司胡建功。把總徐成華。祭葬。世職。○予故河南魯山縣知縣鄭鑾。山東曹州府同知周士福。湖南衡州府知府高人鑑。入祀名宦祠。從巡撫瑛榮。崇恩駱秉章請也。○

予四川故徵士許儒龍。浙江故兵部郎中姚學埭。江西故歲貢生熊道曾。陝西雒南縣知縣馬疏。入祀鄉賢祠。從總督王慶雲。巡撫胡興仁。憚光宸請也。○蠲緩浙江仁和。錢塘。海甯。富陽。餘杭。臨安。新城。於潛。昌化。嘉興。秀水。嘉善。海鹽。平湖。石門。桐鄉。烏程。歸安。長興。德清。武康。安吉。孝豐。慈谿。奉化。山陰。會稽。蕭山。諸暨。餘姚。上虞。新昌。嵊。臨海。黃巖。太平。甯海。天台。仙居。金華。蘭谿。東陽。義烏。永康。武義。浦

江。湯溪。西安。龍游。江山。常山。開化。建德。淳安。遂安。壽昌。桐廬。分水。麗水。縉雲。青田。遂昌。雲和。慶元。景甯。六十五州縣。並杭嚴嘉湖。台州。三衛。暨杜瀆。海沙。黃巖。下砂。頭四場。被風被雹。地畝。新舊錢漕。額賦有差。○乙卯。諭內閣。羅遵殿奏。請將玩誤漕項之知縣等。革職。撤任等語。浙江黃巖縣知縣黃維同。孝豐縣知縣趙廷彩。署杭嚴衛守備任銓。於額徵本年漕項餘租等項銀兩。至今全未徵收。黃維同尚有短解。咸豐八年漕項銀兩。孝豐縣。杭嚴衛亦均有緩欠。未解實屬玩誤。黃維同。趙廷彩。任銓著一併革職。撤任。勒限追繳。如查有侵那虧短情弊。再行嚴參懲辦。○又諭。張芾奏。候補知府難勝文職。請改武職等語。著照所請。安徽候補知府李恆淞。准其改為武職。以遊擊用。仍留軍營。交張芾差遣。○諭軍機大臣等。張芾奏。皖南大概情形。並請飭籌徵甯餉銀等語。徽甯二府。逼近賊氛。自上年浙

餉停解數次。兩營俱欠餉數月。茲據張芾請由浙江按月解徽餉八萬兩。甯餉十二萬兩。如有不敷。再由本地設法籌辦。自係為通籌大局起見。惟浙省因江南大營措資募勇。甫由許乃釗勸捐五十萬。前據羅遵殿奏。擬通飭各屬捐借並行。能否踴躍輸將。集成鉅款。似亦尚無把握。江西與徽州府地界毗連。唇齒相依。現在該省匪徒業已肅靜。錢漕等項當可協撥。何桂清統轄江西。著與惲光宸通

盤籌畫。可否按月籌解徽餉八萬兩。其甯餉十二萬兩。仍由浙江協濟。則事以分任而易成。最為妥善。儻江西因防兵尚未盡撤。不能如數撥解。亦須設法籌措。不分畛域。以顧大局。羅遵殿仍當力籌勸捐。以資接濟。著與何桂清。惲光宸會同商酌。妥為辦理。至張芾既督辦皖南軍務。現雖駐劄徽州。如遇有防務喫緊之處。著仍遵前旨。酌量情形。往來督辦。毋誤事機。以副委任。將此由五百里各諭令知

之○予浙江陣亡外委田敬儀。宋得貴。典史沈元著。祭葬世職。監生張鴻翮。賞卹如例。○蠲緩浙江衢州所被兵地方。上年津租屯餉。

大清文宗協天翊運執中垂謨懋德振武聖孝淵恭端仁寬敏顯皇帝實錄卷之三百三

大清文宗協天翊運執中垂謨懋德振武聖孝淵恭端仁寬敏顯皇帝實錄卷之三百四

熊燾撰 乾隆日講經旨注卷太子太保上書房總辦傳文淵閣領閣事翰林院庶務學士稽察欽差上諭事件處閣史館纂修官武英殿

七十二年正月理部事檢加十三級紀錄十四次。臣賈積臺奉題裁官經筵講官太子太傅文淵閣領閣事武英殿總裁官兼管庫書云體仁閣

大學士管理戶部三庫事務管理刑部事務加二十三級紀錄十六次。周祖堦總載官太子少保管理內繕書房事務對引文軍機大臣

領盤旗滿洲都統戶部尚書管理三庫事務加四級隨帶加五級紀錄十二次臣寶璽總裁宣經總辦官弘德殿教習清文誦道上書房總校

重慶史館總裁官立監撰蒙古都統權部西書管理太常寺鴻臚寺事務加二級軍功加四級隨事加八級紀錄五次並倭什環布等奉

敕修

咸豐九年己未十二月丙辰

上
請

大高殿祈雪壇行禮。

時應宮拈香○遣恭親王奕訢詣

天神壇醇郡王奕譞詣

地祇壇
豫親王義道詣

太歲壇惠親王綿愉詣

宣仁廟鄭親王端華請

凝和廟怡親王載垣○詣

昭顯廟拈香○諭內閣載華等奏查明要工

情形請飭部勘估一摺。

孝陵西琉璃花門續經查出有過木斲朽情形。

此項工程即著載華等覈實估修並准其俟

來歲春融遵照另案工程開工吉期敬謹承

又諭前因譚廷襄奏○直隸新城縣知

縣楊詠春疏防搶劫過客一案當將該員先

行交部議處勒限嚴緝賊賊茲據恆福奏稱

該員於被叅後。並不上緊嚴拏。以致日久贓。

賊無獲捕務實屬廢弛楊詠春再行交部議

處仍飭嚴緝賊賊儻再無獲即行嚴叅懲辦。

予江西陣亡守備李之春。李進元黃江杭。

千總周榮陞○把總江得勝○柳三保○外委汪長

青胡名實祭葬世職○青海扎薩克郡王烏

爾津扎布等四人喀爾喀扎薩克鎮國公巴

勒達爾多爾濟等十人伊克明安輔國公烏

爾圖那遜土爾扈特頭等協理台吉索諾木

多布濟察哈爾三等台吉索諾木達爾濟等

五人於神武門外瞻觀○丁巳諭內閣戶部

奏請將延不報銷之廣西歷任撫藩及辦理軍需各員查參。仍飭迅速造報一摺。廣西省軍需自道光三十年七月起至咸豐二年止。兩年有餘。動用銀兩至一千一百餘萬之多。疊經戶部奏請勒限報銷。迄今未據造報。實屬延玩。所有該省歷任撫藩及辦理軍需各員著曹澍鍾查明。奏請交部嚴加議處。即著該撫遵照歷次諭旨。督飭局員將該省用過軍需銀兩迅速查明。按限造冊送部覈銷。並

將捐輸釐金收支總冊隨同軍需冊籍送部查覈。具辦理軍需各員如有業經離省者。即由該撫奏明。一面飭調回省。一面開具銜名咨部。儻敢仍前玩泄。即著該部將該撫等一併糾參。從嚴懲處。○又諭戶部奏請將造冊遲延之河南辦理糧臺各員並歷任巡撫藩司分別議處一摺。自軍興以來。疊經該部奏請飭令各省帶兵大臣及用兵省分督撫等。凡有關軍需動用者。均應覈實支銷。並頒發

款式。令按月開報。乃河南省數年以來並未將防兵開送。本年八月以來始據陸續造冊送部。內有事在咸豐三四兩年至今始行造報者。該省巡撫藩司及辦理糧臺各員所司何事難保非事後捏飾。為將來冒銷地步。著瑛察查明。因何遲延之故。據實覆奏。以憑覈辦。其辦理糧臺各員及歷任巡撫藩司著一併交部分別議處。以儆玩泄而杜冒濫。○以河南汝甯營參將承惠為廣東高州鎮總兵

官。以擒獲積年巨捻。予河南知縣廖慶謀等升擢有差。○以江北勦賊不力。已革總兵官蕭知音遣戍軍臺。副將熊廷芳革職留營効力。○予江南浦口陣亡千總周天順。把總周天元。周榮升。祭葬世職。○予安徽池州陣亡千總謝如友。祭葬世職。加等。安慶陣亡外委周新田。祭葬世職。○賞山東等省戊午科鄉試年老諸生趙希聖等二十一人。舉人副榜有差。○蠲緩河南祥符陳留中牟鄭榮澤。

滎陽汜水安陽湯陰臨漳林武安內黃汲新鄉輝獲嘉淇延津滑濬封邱河內濟源修武武陟孟溫原武陽武洛陽偃師孟津固始息杞尉氏洧川蘭儀鄆陵通許甯陵鹿邑虞城柘城考城許長葛臨潁商邱夏邑永城睢五十三州縣被水被旱被擾村莊新舊額賦有差○蠲緩湖北沔陽漢陽黃陂黃梅廣濟天門江陵公安石首監利松滋十一州縣被水被旱災區新舊額賦並本年漕糧有差○蠲

緩湖北漢川荊門京山鍾祥嘉魚孝感枝江羅田江夏九州縣被水被旱災區新舊額賦有差○戊午

上御撫辰殿大幄次賜蒙古王貝勒貝子公台吉呼圖克圖喇嘛等宴並賞賚有差○諭內閣有鳳奏副將呈請開缺暫令照常辦公等語四川署督標副將維州協副將張定川現因舊疾舉發呈請開缺據該署督奏稱該員熟悉情形且委造礮位火藥等項均屬出力

請俟揀調有人再令開缺現當軍務需人之際如果實在得力原准奏請留任以資熟手乃該署督但稱察看精力尚未衰憊並未聲明年歲若干且監造火器等項武職中諒不止該員一人所奏殊未明晰著會望顏秉公察看該員年歲精力是否堪資驅策應否准其開缺之處奏明請旨至該員前次製造火藥曾經該督王慶雲聲明隨時請獎應否酌予鼓勵之處並著查明辦理○諭軍機大臣

等據瑛榮關保奏官兵到防日久疲病居多請飭直隸陝甘照數換防遣撤歸伍等語關保一軍原係邱聯恩伊興額統帶之兵隨勤日久致多疲病惟防勤正當喫緊之時自未便全行遣撤因思河南省本設有南陽河北兩鎮現又添設歸德一鎮本省官兵能否就近抽撥若干著瑛榮關保酌量辦理現在直隸海防緊要陝甘官兵調往四川助剿該二省兵力恐難抽調更換關保軍營內如實有

受傷老疾各兵應行遣撤者著瑛際關保查明人數咨商恆福林揚祖譚廷襄酌量直隸陝甘各營內能否如數抽調更換再行照議辦理此項疲病兵丁撤回後恐難仍令入伍自應募補精壯方可更換並著恆福林揚祖譚廷襄妥籌覈辦瑛際等仍當就現有各兵內加以揀擇除實在疲病各兵遣撤外其餘仍須酌留應用儻裁汰過多該二省未必能如數撥補轉致掣肘也將此由六百里各諭

令知之○以雲南永昌協副將福兆為臨元鎮總兵官○調福建建甯鎮總兵官侯鳳岐為湖北宜昌鎮總兵官○湖北宜昌鎮總兵官張得勝為福建建甯鎮總兵官○以安徽亳州勦擒出力予知縣劉蘭馨等升補加銜有差○以河南帶勇約束不嚴摘參將宋慶頂翎並撤銷保案○予河南陣亡參領那蘇巴圖防禦永桂驍騎校劉得正守備王喜魁千總成鵬程把總王躍龍外委王之漢等祭葬

世職 己未諭內閣都察院奏山東文童劉希誥以在籍主事蕭銘貞等與福山縣知縣私添稅局都司王汝忠等妄拏平民並將該文童家衣物搶據親屬送縣拷逼等情赴該衙門呈控山東煙臺稅局滋事一案前經文煜具奏業經將福山縣知縣余招革職交文煜提訊並將署知縣陳壽元交部議處不協鄉評之蕭銘貞等撤去董事若如所控是該主事等顯有勾通官弁增稅擾民情弊自應

一併查辦在籍主事蕭銘貞舉人謝會清知府銜張健封孝廉方正楊成林監生張循典並署知縣陳壽元都司王汝忠等把總劉廷祿著一併交文煜秉公提訊確情奏明辦理文童劉希誥該部照例解往備質○蠲緩江蘇句容長洲元和吳吳江震澤常熟昭文崑山新陽華亭奉賢婁金山南匯青浦江陰宜興荆溪丹陽金壇溧陽山陽阜甯清河桃源鹽城高郵泰東臺甘泉興化寶應銅山豐沛

蕭礪山、邵宿遷、睢甯、太倉鎮、洋海、沐陽、贛榆、泰興、四十七州縣被災被擾地方。本年額賦

庚申

孝莊文皇后忌辰遣官祭

昭西陵。諭內閣、戶部奏請籌款修理衙署一摺。本年十一月間、戶部橐庫被火、統計延燒拆卸房屋二百餘間。該部為錢糧重地、一切案卷文件均關緊要、自應速籌修理以資辦公。所需經費銀兩著山東等省各督撫將欠

解該部飯銀等項按照單開酌提之數依限起解作為修理之用。並准該部先行借動庫款趕緊興修。俟各省報解到日即行歸款。至此項工程著工部照例奏請派員查估承修。諭軍機大臣等。本日據特普欽等奏俄夷復行折毀卡房並豫籌布置各摺片。此次俄夷因烏魯蘇牡丹卡房被毀後重行修整欲令折移江右。經愛伸泰面見夷目布色依開導不允。旋派夷官綽羅呢等四人帶領夷眾

三十餘名並傳集附近居夷各帶器械將重修卡房肆行砍毀。特普欽等以該處並無屯居旗戶非厚集兵力難與較量擬將該卡暫移江右霍羅綽地方與阿敦吉林卡倫接續。可期無誤文報自係一時權宜之計。卡房原在許借該夷地址之內彼既有所藉口卡員等一時自屬難與爭執。惟該夷如此倚眾恃強持械威逼情形實屬兇悍且左岸屯地既已被其侵占恐其得步進步以次擾及右岸

據愛伸泰探詢通事阿斯拉木幅有木酋欲往呼倫貝爾附近之英阿達河等處操兵之語該處係屬右岸地方豈可任夷蹤闖入著特普欽等即派委妥員查探明確如該酋實有往彼之信必須設法關阻仍令屯戶居民作為不依併力抗拒以杜其窺伺之謀至明春該夷如在吉林地界受虧回至黑龍江滋擾即應嚴行拒守斷難任其兇狡儻其安靜回歸亦不可自我開釁再特普欽奏請陛見

現當辦理夷務緊要之時著毋庸來京將此由四百里諭令知之○又諭景瀄奏飭辦團練並招集攬頭分布要隘繪圖貼說呈覽一摺綏芬烏蘇里等處業經景瀄等招集攬頭發給印照腰牌分投入山擇要屯劄併添設臺卡十四處以資偵探其阿勒楚喀等地方亦經密辦團練操演西丹並添造槍礮製造藥鉛備用所籌均尚周密著即照議辦理蘇城一帶向多流民集居歷有年所自係從前

地方官未能隨時驅逐此次所招攬頭是否即係此項流民如果樂為我用自可寬其既往景瀄等應即查明據實覆奏不必迴護其應如何酌給器械以資捍衛之處均應豫為籌畫至所稱瑋春東岸居住之恰喀扯人等因被俄夷騷擾來投懇求接濟現擬派員查明再行招撫此項人眾被擾來投自應妥為撫恤免為俄夷所用然或係俄夷指使而來留之則為心腹之患亦不可不防即著景瀄

等督飭委員詳加察訪不得稍存大意如來意果屬真誠其人足資禦侮或即於蘇城等處酌量撥給地畝俾得前往開墾設有緩急亦可助我兵力其軍械火藥等亦應臨時籌給以免掣肘至瑋春是否與通溝相近如與通溝相連則通溝之眾亦可倣照蘇城一體辦理並著查明具奏將此由四百里諭令知之○又諭曾望顏奏川省現辦軍務情形各等語川省自賊匪分股上竄之後附省各屬

州縣均有土匪乘機竊發現派文武員弁分投密捕該署督自應仍在省城藉資坐鎮惟土匪本係良民全在地方官辦理得宜自不致重煩兵力現在各屬土匪蜂起著責成地方文武聯絡紳董實行團練密速搜捕安撫良民如各該州縣中有庸懦無能或貪劣不協輿情者即著從嚴叅辦另委賢能之員妥為辦理不可稍涉遷就至前調陝西兵一千名計已陸續到川續調甘肅兵一千名本日

據樂斌奏。已飭提督郭相忠統帶兼程前進。不日亦可趕到。此項官兵到川後。仍歸該提督管帶。以資得力。斷不可分撥各處防勦。致令兵將不習。阜陞精力就衰。現調總兵占泰幫同勦辦。著會望顏察看阜陞。如難勝督兵重任。即著令郭相忠統帶。以資得力。遊擊張必祿准其暫行留川。隨同勦匪。俟軍務完竣。飭回湖北本任。湖南休致副將何勝先。現寓省城。准其由該署督差遣。如果著有勞績。酌

量獎勵。所請起用之處。著不准行。將此由六百里諭令知之。○辛酉。頒

硃諭。今歲入冬以來。未霑雪澤。朕心殷盼。實深著差內務府司官一員。齎大藏香十支。馳驛往山東省城。交巡撫文煜傳旨。令布政使清盛虔詣

泰山。竭誠叩禱。代朕祈請

神祇。以迓祥和。○諭內閣。前因奉天旗人佟宣勳呈控蒙官奪地一案。當交王明會同倭

仁提訊。茲據該將軍等查明覆奏。所有已革莊頭姜國樑。追出地畝。照依歷辦成案。仍應令旗佃佟宣勳等領種輸租。不准穆長海充缺撤地。以杜爭端。即著照議辦理。惟錦州管莊衙門。屢次咨請內務府。令穆長海充當莊頭。顯有情弊。原呈內既牽涉莊糧衙門職官。勾串蒙混。何以該將軍等。輒以訊無確據。並不提質。仍著王明倭仁確切查訊。據實奏。以免效尤。○

上以歲暮。裕祭

太廟。自是日始齋戒三日。○壬戌。諭內閣。載垣等奏會審戶部覈對處案內。究出職官說事受財。請革職歸案。嚴訊一摺。戶部覈對處官吏易換空鈔一案。經載垣等究出。工部主事李椿育聽從國子監教習錢紹昌。即錢問山。北河候補縣丞沈慶松。轉託向王正誼求情。得受謝錢。期票各情。李椿育著即行革職。歸案研訊。該員京寓貲財。著即查封。備抵錢紹

昌沈慶松著一併暫行革職由直隸四川浙江各督撫飭屬嚴拏務獲派員解京歸案究辦○又諭前因惠親王等奏秋審案內實緩參差請嚴定中外處分等語又給事中包燁條陳秋審失出處分定擬章程一摺先後降旨交惠親王載垣會同吏部歸併妥議章程具奏茲據奏詳查例案分別各條開單呈覽秋讞大典中外司刑各衙門均宜虛衷詳覈期於無枉無縱外省錯擬實緩罪名既有處

分專條刑部為刑名總匯之區向例未有處分明文不足以昭儆惕自應比照外省酌定章程分別處分所請酌加外省秋審失出處分並於起數多寡之中分別幾案定擬失出處分及刑部自行審理案件與覈議各省秋審案件失出失入處分均如所議辦理至都察院大理寺於各省案犯具題到部祇係會覈罪名其歸入秋審分別實緩專由刑部定擬該衙門於朝審時僅與各衙門公同覆勘

自應免其處分所有片奏請嗣後刑部定擬秋審實緩會同都察院大理寺覈擬如有錯擬由部議處之處著毋庸議○又諭袁甲三奏親督官軍偏攻賊圩立將臨淮關克復長淮一律蕩平乘勝進剿一摺我軍自攻取臨淮西面各圩後節節進逼本月十五日川北道苗沛霖帶勇渡淮添築五營並將臨鳳要路賊營一座乘勝奪獲總兵張得勝由東路進逼關下奪獲賊營二座十七日袁甲三親

赴臨淮飛飭副都統穆騰阿等馬隊會合南岸兵勇進剿十八日總兵張得勝等約同水陸各軍齊力環攻該逆驚呼亂竄我兵偏入關內逆匪間有奔逃衝出者均經兵勇追殺殲擒殆盡當將臨淮關克復其北岸各圩踞賊先經我軍挑築長濠圍困該逆見南岸賊敗均各喪膽我軍合力撲進將悍賊概行誅戮生擒逆首顧大龍等九名就地正法辦理甚為得手著袁甲三即飭兵勇進攻鳳陽迅

圖克復毋留餘孽其出力文武並前次聲明
案保奏各員弁兵勇著袁甲三查明請獎
候朕施恩○諭軍機大臣等臨淮關為南北
扼要地方既經官軍克復則餉路已通大兵
即可由此進剿實為皖省軍務一大轉機著
袁甲三即督飭諸軍進攻鳳陽府縣兩城迅
圖克復另片奏存營馬隊不敷分撥等語德
楞額所撥馬隊五百名前諭袁甲三臨淮克
復後即行遣回現在張樂行尚踞定遠張澄

伏匿鳳陽亟應乘機攻剿所有此項馬隊准
其暫留軍營惟賊蹤飄忽靡常設北路緊要
不但將此項馬隊迅速撤回並須不分畛域
添派步隊以固北路藩籬是為至要將此由
六百里各諭令知之○又諭前因蕭啟江兵
勇曾國藩並未調回湖北仍諭令駱秉章接
濟兵餉由曹澍鍾飭赴慶遠一帶追剿石逆
茲據駱秉章奏蕭啟江一軍已回抵湘潭距
廣西慶遠府較遠自宜繞道赴蜀與田興恕

會合夾攻以保川省且兼顧黔粵著照所擬
辦理至蕭啟江軍餉每月由湖南籌給一半
將來入蜀後該撫擬由川省全數籌給近年
川省籌解各省軍餉為數已多此項餉糈恐
未必能全行撥給仍著駱秉章按月籌解一
半毋誤要需至該撫請飭曾國藩從長計議
酌帶水陸各軍赴蜀等語現在四川省業已
收復筠連等三縣敘郡亦已解圍情形較鬆
況皖省軍務正當喫緊曾國藩現須統師東

下以顧全局勢不能再令赴蜀著駱秉章仍
飭蕭啟江會合田興恕一軍確探賊蹤迅速
相機進剿務須殲擒巨逆毋令闖入川境將
此由六百里諭令知之○以克復江南臨淮
關欽差大臣袁甲三下部優敘副都統穆騰
阿以都統用賞委參領克蒙阿頭品頂帶全
福巴圖魯名號總兵官張得勝滕家勝提督
銜餘加銜升敘有差以剿擊安徽廬舒等
處逆匪連破賊壘賞外委解先亮都司銜花

翎知縣英翰以同知用。○癸亥以歲暮禋祭遣官祭

太廟中殿

後殿。諭內閣慶瑞奏遵保堪勝水師總兵人員一摺。升署福建臺灣澎湖協水師副將黃進平。臺灣安平協水師副將黃禮鈐。升署臺灣北路協副將曾玉明。均著記名。以水師總兵用。仍照例送部引見。金門鎮標左營遊擊謝曜辰。水師提標右營遊擊吳青華。水師提

標左營遊擊李世雄。南澳鎮標左營守備彭奪超。臺灣水師協標右營守備吳朝成。水師提標左營守備盧成金。著一併送部引見。○又諭慶瑞奏勦辦莆田匪徒將首夥要犯擒獲分別正法一摺。福建莆田大嶺鄉為盜賊淵藪。屢次抗拒官兵。經署興化府知府曾憲德等。於本年九月十三日督兵進攻煙墩。該匪負嵎拒敵。守備田如松等拔旗而登。斃匪多名。當將賊窩十三座焚毀。鄉民捆送著名

匪犯鄭鍾陳全二名。即在軍前正法。匪首潘楷自縛投首。其大嶺各鄉賊巢一律毀平。燒斃賊匪四十餘名。並搜獲匪黨。悉行正法。辦理尚為妥協。所有出力各員。准該督擇尤酌保數人。以昭激勸。○諭軍機大臣等。據曹澍鍾奏。現在廣西軍務情形。日有起色。請暫回川省。經理母喪等語。川省本完善之區。石逆大股奔竄。慶遠府屬之得勝鎮已逾黔界。該逆自注意在川。劉長佑等現攻柳州。逼近慶

遠。沿途紳團截殺。該逆勢必奔黔窺蜀。著曹澍鍾督飭劉長佑等。會合兜剿。務將石逆殲除。不得謂驅逐出境。遂足了事。如果石逆竄出粵界。亦須跟蹤追剿。毋令闖入川省。致滋蔓延。現在藩司劉長佑等既帶兵出省。臬司張凱嵩辦理通省團練。會籌軍務。正當喫緊之時。該署撫所請暫回川省。經理母喪之處。著仍遵前旨。俟廣西軍務稍平。再行奏請簡員更代。該署撫應俟派署有人。方可交卸。至

抵川後果能會合官兵迎頭截剿以保完善之區更為妥善將此由五百里諭令知之○又諭曹澍鍾奏粵西軍餉支絀請飭湖南仍行接濟並催四川等省速撥協餉一摺廣西地方本屬地瘠民貧又經兵燹數年之後餉竭兵艱現在石達開大股逆匪屯聚慶遠將由思恩等境圖竄黔邊劉長佑蘇鳳文等軍因剿沿路土匪自雒容一帶轉戰前進軍糈刻不可緩劉長佑一軍前因駱秉章派赴粵西援剿所向有功糧餉均由湖南支給茲據奏稱截至十月底止尚有欠解銀二十餘萬兩已據駱秉章咨明自十一月起就近歸於西省按日接支俟楚庫盈餘仍當酌解自係萬不得已惟粵省情形困乏已極前據四川委解銀五萬兩一時驟難趕到其部撥山西陝西協濟湖北月餉各劃十萬兩亦未有起解之期軍行月餉斷非本省力量所能撥羅著駱秉章務再設法移緩就急仍將劉長佑

及劉坤一各軍餉銀暫行照數按月撥解至四川山西陝西所有報解及奉撥粵西軍餉銀兩亦即趕緊籌撥趕解俾無困乏之虞是為至要將此由五百里各諭令知之○以甘肅安西協副將李世忠備餉剿賊永廣本籍河南光州學額一名固始縣二名其部弁隨同勦守出力永廣安徽滁來安霍邱三州縣學額各一名○以辦理海運出力予天津府知府石贊清等升補加銜有差○以驗收全

實錄卷三〇四

三

漕出力予倉監督景霖等升敘加銜有差○

甲子裕祭

太廟

上親詣行禮遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵

昌西陵

慕陵

慕東陵○遣官祭

牛錄本吉

主

孝德皇后殯宮○遣官祭

端慧皇太子園寢○遣官祭

太歲之神○朝鮮國使臣李埈等三人於午

門外瞻觀○乙丑

上御保和殿筵宴朝正外藩科爾沁烏珠穆沁

喀喇沁敖漢阿巴噶蘇尼特浩齊特四子部

落喀爾喀茂明安郭爾羅斯扎魯特翁牛特

烏喇特奈曼土默特青海伊克明安土爾扈

特察哈爾綽羅斯王貝勒貝子公額駙台吉

塔布囊等及朝鮮正副使等隨文武大臣依次就坐諸樂並作

上進酒召左翼科爾沁卓哩克圖親王巴圖科

爾沁扎薩克達爾汗親王索特納木彭蘇克

烏珠穆沁扎薩克車臣親王彭蘇克納木濟

勒科爾沁扎薩克圖郡王索特納木倫布木

科爾沁郡王濟克默特朗布喀喇沁扎薩克

都楞郡王色伯克多爾濟敖漢郡王布彥德

勒格呼固魯克齊阿巴噶扎薩克郡王阿爾

牛錄本吉

主

塔什迪蘇尼特扎薩克都楞郡王布達喇噶

拉浩齊特扎薩克郡王濟克登噶衛章四子

部落扎薩克達爾汗卓哩克圖郡王伊什齊

黨喀爾喀貝勒布彥巴達爾呼茂明安貝勒

格楚克郭爾羅斯扎薩克鎮國公揚贊巴拉

扎魯特鎮國公達瓦呢揚保翁牛特鎮國公

永隆烏喇特扎薩克鎮國公貢蘇隆扎布喀

喇沁扎薩克公銜頭等塔布囊烏凌阿科爾

沁扎薩克博多勒噶台親王僧格林沁奈曼

扎薩克達爾汗郡王固倫額駙德木楚克扎布喀喇沁貝勒德木齊扎布土默特扎薩克貝子索特那木色登科爾沁鎮國公棍楚克林沁科爾沁公銜頭等台吉和碩額駙布彥訥謨祜等右翼喀爾喀圖謝圖汗車林多爾濟青海扎薩克郡王烏勒金扎布青海扎薩克貝勒拉旺多布濟喀爾喀扎薩克貝子德勒克多爾濟青海扎薩克貝子伊達木林沁喀爾喀鎮國公巴勒達爾多爾濟喀爾喀扎薩克輔國公旺楚克察克都爾蘇倫喀爾喀扎薩克輔國公奈當蘇倫喀爾喀輔國公車登扎布喀爾喀輔國公貢楚克扎布伊克明安輔國公烏爾都那邁土爾扈特扎薩克頭等台吉額爾德呢察哈爾三等台吉索諾木達爾濟綽羅斯三等台吉藍翎侍衛哈豐阿等至

御座前賜酒成禮○是歲旌表孝子浙江等省水孝祺等一百九十四名孝女浙江省沈淑

實錄卷三〇五

孝

蘭等十口義夫浙江省應延壽一名義士浙江省汪楷一名順孫江蘇省朱錫徽等十名悌弟江蘇省王芳辰等九名孝友福建省王仲鋒等三名守節合例宗室慶安妻賀佳氏等十六口滿洲瑞詹妻瓜爾佳氏等一百五十四口蒙古成桂妻章佳氏等五十三口漢軍珏珍妻張氏等六十五口內務府常興妻王氏等九口各省駐防奎善妻奇莫特氏等二百四十六口奉天等省榮德馨妻苑氏等

實錄卷三〇五

孝

四千八百四十九口未婚守志浙江等省王永祥聘妻陳氏等三十九口烈婦陝西等省楊煥堂妻冀氏等四十五口孝婦湖南等省劉士貴妻蘭氏等九口貞婦四川等省李帥氏等七口烈女山西等省楊氏等六口貞孝婦浙江省楊氏一口貞孝女浙江等省王氏等十三口貞孝節烈婦女江蘇等省張氏等一千零五十七口義婢浙江省呂氏一口採訪貞節婦女江西等省李允鑑妻劉氏等四

主

清實錄
咸豐十年正月上

鴻圖誕膺

寶命仰荷

上蒼篤眷

列聖貽謀臨御以來於今十載萬幾兢業百爾
欽承開言路以達聰舉賢才以輔治勵一心
之寅畏戒三事之因循在宥羣生遇偏災而
頻蠲正賦勤求上理斷疑獄而益慎祥刑乃
日敬之衷常存夙夜而時雍之化未徧寰區
命將專征秉大公以行賞罰養兵籌餉出左
藏以拯黎元勞旋帥於畿南早聞奏凱試師

于於江上遲觀銷兵飛鵠未變夫好音數雁
難期其安集披章宵旰決策焦勞今歲六月
令辰為朕三旬慶節方冰淵之自惕奚岡阜
之侈陳惟念臣民共效襄軒允宜中外覃敷
膏澤既先開夫慈榜嘉惠儒林更持沛天綸
章推恩寰海乘春錫福予一人上迓
天庥率土臚歡俾萬姓同登壽域所有應行事
宜開列於後一五嶽四瀆等祀應遣官致祭
著察例舉行一

歷代帝王陵寢

先師孔子闕里應遣官致祭著察例舉行一
自王以下至八分公俱加紀錄四次一宗室
覺羅俱賞養贍銀一月一滿漢大臣年六十
以上者俱加紀錄二次一內外滿漢文武各
官俱加一級一內外大小各官除各以現在
品級已得封贈外凡升級及改任者著照新
銜封贈一國子監貢監生及各官學教習免
坐監期一月一各省儒學以正貢作恩貢以
次貢作歲貢一滿漢孝子順孫義夫節婦該
管官細加諮訪確具事實奏交禮部覈實旌
表一八旗滿洲蒙古漢軍兵丁及內扎薩克
喀爾喀等蒙古年七十八十九十以上者分
別賞賚至百歲者題明旌表一軍民年七十
以上者許一丁侍養免其雜派差役八十以
上者給與絹一疋綿一斤米一石肉十斤九
十以上者倍之至百歲者題明旌表一直省
有坍沒田地其虛糧仍相沿追納者該地方

官查明咨部奏請豁免。一。從前各省偏災地方。所有借給貧民籽種口糧牛具等項。查明實係力不能完者。著予豁免。一。各處養濟院所有鰥寡孤獨及殘疾無告之人。有司留心以時養贍。毋致失所。一。內外官員。有因公誣誤降革留任者。該部查明奏請開復。一。各省軍流以下人犯。俱著減等發落。一。各省監禁人犯。著將上年秋朝審緩決至三次各犯。仍照節次查辦之例。查明所犯情節。分別減等

發落。其緩決一二次人犯。內有案情本輕。可予矜原者。亦著該部查明請旨定奪。於戲物阜年康。雨暘若而撫時茂對。定功保大。民人宜而受祿。延釐布告天下。咸使聞知。諭內閣。本年朕三旬慶辰。茲屆履端初吉。業經特沛恩綸。延釐中外。因念推恩之序。允宜首重親親。惇郡王奕諒。著加恩晉封親王。貝子奕劻。著加恩晉封貝勒。惠親王之子奕詳。恭親王之子載澂。均著加恩封為入八分輔國公。

惠親王之子奕詢。奕謨。均著加恩封為不入八分鎮國公。貝勒載治。溥莊。均著加恩賞加郡王銜。醇郡王奕譞。著加恩賞銀三千兩。鍾郡王奕詒。孚郡王奕譔。均著加恩賞銀二千兩。俱由內給發。用示朕覃敷闡澤。篤念宗支至意。○又諭。本年朕三旬慶辰。業經渥敷闡澤。而中外王大臣。有勤勞素著者。允宜特沛恩施。怡親王載垣。科爾沁親王僧格林沁。均著加恩賞穿杏黃色瑞草貂褂。其朝服蟒袍。

仍用藍色。鄭親王端華。著賞穿四團正龍補服。並著在紫禁城內乘坐二人肩輿。大學士彭蘊章。尚書穆蔭。均著加恩賞戴花翎。侍郎杜翰。著加恩加二級。侍郎匡源。文祥。均著加恩加一級。以上加級。在恩詔以外。並准作為隨帶。侍郎靈桂。著加恩賞還二品頂帶。直隸總督恆福。著加恩賞戴花翎。兩江總督何桂清。著加恩加太子太保銜。用示朕宣綸錫羨之至意。○又諭。本年朕三旬萬壽。著毋庸舉

行告祭禮。所有升殿禮儀著停止。○又諭本年朕三旬萬壽。王公百官仍著穿蟒袍補服七日。○又諭本年朕三旬萬壽。各省督撫及將軍提鎮等俱不准奏請來京祝嘏。○予河南丁寨陣亡遊擊孫喬林等祭葬世職。○丁卯。

上御紫光閣。賜王大臣蒙古王貝勒貝子公額駙台吉及外藩使臣等宴。並賞賚有差。○御乾清宮。賜近支親藩等宴。○以駐藏辦事大

臣崇實為鑲黃旗漢軍副都統。○以江西南昌新建豐城進賢金谿都陽餘干萬年建昌德化德安湖口十二縣被災較重。命平糶倉穀。○展緩直隸固安永清東安武清甯河盧龍東鹿安天津青靜海滄南皮鹽山慶雲晉無極臺城邢臺沙河南和唐山平鄉廣宗鉅鹿內邱任永年邯鄲成安肥鄉曲周廣平雞澤磁大名南樂清豐豐潤玉田南宮新河武邑衡水趙柏鄉隆平臨城甯晉深武強饒陽

五十二州縣被災地方新舊額賦給固安縣貧民口糧有差。○戊辰。

高宗純皇帝忌辰。遣官祭

裕陵。○諭內閣。本年秋朝審情實各犯著停其勾決。○予故甯夏將軍托雲保祭葬如例。諡剛恪。○己巳。以

神靈顯佑。頒福建甯洋縣

關帝廟

御書扁額。曰功被瀛壖。○諭內閣。本年朕三旬

萬壽。特頒恩詔。德木楚克扎布。拉木棍布扎布。德木齊扎布。布彥諾謨。棍楚克林沁。多爾濟那木凱等。或平日當差勤慎。或奮勉出力。自應各沛恩施。德木楚克扎布。著加恩賞穿親王補服。拉木棍布扎布。著加恩封為郡王。及身而止。德木齊扎布。布彥諾謨。均著加恩賞用紫韁。棍楚克林沁。著加恩在御前行行走。多爾濟那木凱。著加恩賞給頭品頂帶。以示朕行慶推恩之至意。○又諭本年朕

三旬萬壽業經降旨。所有各省督撫將軍副都統等。均著毋庸來京瞻覲。惟思各蒙古等素習敦樸。朕亦推誠優待。該王公台吉等。尤不可狃於繁文。況此次年班來京之各蒙古王公台吉等。尚未旋回。於六月間。如仍令伊等來京祝嘏。正值炎暑。往返跋涉。尤不合體。恤蒙古臣僕之意。著理藩院傳諭御前。乾清門行走之蒙古汗王公台吉等。於本年六月朕萬壽聖節。均著毋庸來京祝嘏。以示朕體恤各蒙古之至意。

實錄卷三百五

八

○又諭都統勝保。自簡任欽差大臣。督辦皖省擒匪。尚知奮勉。迨護城一挫以後。軍威不能復振。以致廬定不能克復。逆匪蔓延日久。無功。實有難辭之咎。著即撤去欽差大臣。以示薄懲。惟念該都統平素帶兵勇往。曾立戰功。現在豫省堵剿需人。著即馳往河南。督辦該省勒匪事宜。即派關保為勝保幫辦。袁甲三仍著署理欽差大臣。關防。督辦安徽軍務。除翁同書本係幫辦外。並

派副都統穆騰阿幫辦軍務。傳振邦著督辦徐宿一帶勒匪事宜。仍著田在田幫辦。其山東勒匪事宜。即派德楞額督辦。並派乾清門三等侍衛哈勒洪阿幫辦。著即馳驛前往。傳振邦。無庸幫辦。袁甲三軍務關保亦無庸幫辦。傳振邦勒匪事宜。以期事權歸一。各有專司。自此次分派之後。倘有賊匪由何路北竄。即將何路督兵大臣。嚴加懲處。決不寬貸。其有應行互相援應之處。仍不得區分畛域。爾諸臣其同心協力。盡殲醜類。迅速蕩功。毋負委任。○以江西捐輸軍餉。永廣新建縣學額十名。高安縣八名。南昌新昌二縣各六名。豐城廬陵二縣各四名。清江縣三名。奉新縣二名。泰和。金谿。南城。新城。都昌。德化。贛。七縣各一名。○蠲緩山東臨清。齊東。齊河。禹城。長清。平原。東平。東阿。平陰。惠民。陽信。樂陵。霑化。蒲臺。滋陽。嶧。汶上。陽穀。荷澤。單。曹。鉅野。濮。觀。城。朝城。往平。莘。高唐。益都。博興。樂安。昌樂。臨朐。

昌邑邱金鄉嘉祥濟甯歷城新城濟陽肥城青城海豐鄆城莒恩臨淄高苑壽光濰夏津魚臺章邱滕壽張范五十七州縣被水被旱被蟲被雹村莊額賦有差○庚午諭內閣傳親王次子載漪著承繼與瑞敏郡王奕誌為嗣○諭軍機大臣等昨因安徽捻匪時常出擾徐宿及河南山東等處降旨派勝保等分路督辦以期事權歸一各有專司現在東豫各境賊蹤雖遠而該捻出沒靡常勢極飄忽

實錄卷三百五

十

北省地勢平行無險可扼仍恐乘虛紛竄亟宜豫籌堵截前經通飭各省實行團練以助兵力現在徐宿地方緊要著何桂清嚴飭該地方官認真團練俾傳振邦等可以合力勦辦不至有兵力單薄之慮河南歸陳等屬曾經辦理堅壁清野山東曹單一帶團練向稱得力著瑛榮文煜再行嚴飭各該地方官實心經理不得因賊氛已遠稍有懈怠至山東曹州民團修築黃河北隄限賊馬隊惟考城

地方未經加築上年九月該匪即由此竄入擾及東明長垣自曹境而東直至宿遷亦未修築若仿照曹州河隄一律加修認真挑築使沿河大隄屹若堅城亦可藉資守禦著何桂清瑛榮勸諭紳民妥為辦理毋得視為具文將此由五百里各諭令知之○辛未諭軍機大臣等前因曹澍鍾奏粵西軍餉支絀當諭令駱秉章設法將劉長佑及劉坤一各軍餉銀暫行照數按月撥解其四川山西陝西

實錄卷三百五

十一

所有報解及奉撥粵西軍餉銀兩亦應趕緊籌解茲據劉長佑奏體察粵西民情賊情均利速勦惟餉需拮据難以措手請飭催各省協濟餉銀依限起解以應急需等語自係實在情形粵西連年被賊兵餉兩絀現在石達開大股逆匪仍蔓延慶遠一帶若不及早勦除恐奔黔竄蜀必至勾結為患劉長佑一軍前經駱秉章派赴粵西援勦糧餉均由湖南支給自湖南未能按月接濟尚欠銀數萬兩

粵西情形萬分支絀。劉長佑辦理防剿。正當喫緊之時。勢不能停兵待餉。勞崇光有統轄兩省之責。自應通籌全局。設法兼顧。著就近接濟餉糧。俾無缺乏。以資攻剿。並著駱秉章仍遵前旨。按月如數撥解。所有四川。山西。陝西。應行撥解粵西軍餉。亦著趕緊籌撥。協濟毋稍延緩。致誤要需。將此由六百里各諭令知之。○又諭。曾望顏奏。石逆謀入川境。亟應嚴防等語。石逆攻陷廣西慶遠府。逼近黔省。

書卷三十五

三

都勻。意圖由黔入川。該省合江。敘永。瀘州。綦江。江津。南川一帶。均與黔境毗連。設令竄入。不惟川省完善地方。遭其蹂躪。即陝西。湖北。亦將震動於大局。甚有關係。著曾望顏。嚴飭川南。川東。所屬文武一體偵探。相機籌辦。並飭酉秀。彭浩。各防所文武。即將竄入黔匪。妥速勦辦。以杜勾結。其滇匪上竄。防禦不力。業將督兵之提督。阜陞等。分別懲處。仍責令迅圖掃蕩。免致蔓延。至所稱川省營員。曉暢營

務者。均調赴他省出征。存營員弁。多不得力。亦係實在情形。現在所調陝甘官兵二千名。計日可到。勦辦必能得手。惟陝甘地方。亦關緊要。此項官兵。未便久留在外。如川境漸就肅清。仍應撤回歸伍。向來各省營伍。兵丁多不足額。錢糧半為營員侵蝕。甚至老弱充數。空籍冒糧。種種弊端。殊堪痛恨。川省兵丁。多不得力。實由於此。該署督。惟當嚴飭各營。挑選精銳。裁汰老弱。務使兵無懸額。餉不虛糜。

實錄卷三十五

三

儻有前項弊端。即或寬其既往。必當儆其將來。如能操練有方。即以本省之兵。供本省之用。足敷堵剿。不得專恃客兵援救。方為妥善。前據曹澍鍾奏。石逆大股。注意川境。已諭該署撫。如該逆竄出粵界。劉長佑一軍。務須跟蹤追剿。並諭駱秉章。飭令田興恕。蕭啟江兩軍。分途截擊。曾望顏亦當偵探賊蹤。飭屬迎頭堵剿。以殲醜類。而安邊圉。將此由六百里諭令知之。○以四川鐵蛇渡。勦匪出力。賞軍

功唐友耕五品頂帶以千總用都司馬開昌下部優敘○以勦辦雲南竄匪不力提督卑陞按察使蔣徵藩下部議處革參將順福職○予四川唐家溪等處陣亡守備楊登階訓導易良真祭葬世職○壬申

世祖章皇帝忌辰遣官祭

孝陵○諭內閣官文奏請將揀發知府降補同知等語湖北揀發知府潘祥新前經官文奏請改歸京職仍以郎中回原衙門即補當經

奏奉

旨

吏部覈與定例不符行令更正茲據該督請以同知降補著即給咨送部引見其應否以同知降補或可改補京職之處著吏部於帶領引見時聲明請旨○又諭倭仁等奏大計屆期未接部文懇請展限一摺奉天省本年大計尚未接到吏部行知著准其展至二月內具題至此項公文如係在途遺失即著該部補錄行知以憑辦理或係該部發文遲誤亦著查明具奏○又諭有鳳等奏川省土司

奏奉

旨

屯番顧懇進京祝嘏一摺該土司等呈懇祝嘏具見惻忱但念路途遙遠跋涉維勞均著無庸前來仍照舊輪流各按年班日期來京朝覲用示朕懷柔遠人優加體恤至意○諭軍機大臣等官文奏改設長江水師專營現已抽足兵數並籌辦大概情形一摺自九江克復全楚肅清以後即經官文檄飭陸路提鎮及通省各營視兵數之多寡分別按成於各兵出缺時扣留額缺共計扣出馬戰守兵二千名以備充補水師一俟皖省蕩平即改立水師專營所籌自係為慎重江防起見惟據該大臣稱以扣存兵額月餉提歸新設水師之費於常川操防養贍尚恐不敷仍須另議酌增但不得過水勇征餉之數現在水勇每名月需餉項若干仍著該大臣查明詳晰具奏至兵丁既有額缺未便令其虛懸著即行募補酌撥楊載福彭玉麟兩營調遣以資練習而助攻剿俟楚省撤防時或設水師提

督或先派鎮協統帶再由該督定議具奏將此由五百里諭令知之○又諭曾望顏奏軍務未竣請續辦按糧津貼以資接濟一摺川省連年籌解京外各餉暨本省糧餉防勦經費等項為數已至一千數十萬兩節經該督等奏請辦理按糧津貼源源接濟間閱踴躍輸將實堪嘉尚現在各路軍務未竣滇黔各匪竄入川境防勦經費所需甚鉅據曾望顏奏請於咸豐十年再行勸諭紳民續辦按糧

實錄卷三十五

十一

津貼實屬萬不得已之舉第恐不肖吏胥藉端擾累著該署督嚴飭各屬查照舊章遴選公正紳耆妥為經理不准假手胥吏致滋弊端其上中下戶之分儻該地方官高下其手蒙混侵蝕及有徵多報少等弊即著從嚴叅辦毋稍姑容庶於借資民力之中仍寓體恤民艱之意此項津貼銀兩俟收解完竣即由該署督覈計多寡奏請加廣學額中額屆時再明降諭旨以昭激勸將此由四百里諭令

知之○

上以孟春時享

太廟自是日始齋戒三日○甲戌諭軍機大臣等曹澍鍾奏川省現在籌防首以得人為重臚舉所知各員並陳石逆賊營各情及酌籌勦辦等語川省為完善之區現在辦理防堵事宜全在調度有方得人任使以冀收指臂之效除總兵馬天貴業經陣亡外所有四川候補道程祖潤重慶府知府李莊為邊廳同

實錄卷三十五

十七

知孫源丁憂知府李玉臺署酉陽州知州毛振壽降調永甯道陳枚四川提督阜陞以上各員現在業已帶兵辦理防務者毋須咨調此外著該署督酌量調遣以資差委至蔣玉龍現在貴州顏朝斌在湖北各該省軍務未竣未便遽調至川省著無庸議該署撫所陳石逆賊情自係實有見聞著曾望顏體察情形先事豫防妥籌勦辦以保完善之區曹澍鍾奏片著鈔給閱看將此由五百里諭令和

之○于江南浦口陣亡遊擊蕭勝南守備梁奉年把總周榮升外委周天元曾秀祭葬世職○乙亥享

太廟

上親詣行禮○遣官祭

太歲之神○御長春宮賜惠親王載垣端華

僧格林沁彭蘊章穆蔭匡源杜翰文祥等食

○諭內閣御史陳濬奏請飭地方官整頓捕務以安行旅一摺據稱山東沂州府及江蘇

實錄卷三五

六

徐州府一帶近有幅匪盤踞出沒無常自泰安府以北至直隸雄縣固安等處又有騎馬賊往來肆行剽奪近聞福建貢差有在宿遷縣龍泉溝被劫之案此外商民恐被累者尚多等語土匪擾害行旅地方捕務實屬廢弛况本年恩榜特開各省士子踴躍觀光僕令中途失事不能及期入闈應試未免向隅著直隸江蘇山東各督撫嚴飭各該府州縣認真緝捕儻敢仍前玩泄致有疏失即著從嚴

奏辦以靖地方而安行旅○又諭何桂清奏遵保堪勝水師總兵並可備器使人員一摺升署京口協副將鞠耀乾著記名以水師總兵用俟軍務告竣再行送部引見廣東海門營參將李新明廣東水師提標左營遊擊賴鎮海江南京口水師右營遊擊郭定猷均著俟軍務告竣送部引見○諭軍機大臣等恆福奏海口地方防兵不敷請添調官兵一摺據稱沿海一帶地方寬闊海汊紛歧若夷人

實錄卷三五

七

附岸而登同時告警其勢不能彼此兼顧擬請添調京兵二千名及得力馬隊千名等語自為思慮豫防起見惟現在已於直隸山東等省備調精兵萬餘名恆福請調各兵著俟僧格林沁到津後再行商辦其直隸應調兵四千名著恆福於該省北路各營內挑選精銳勤加操練以備調遣本日已諭戶部由庫撥銀二十萬兩分批解往天津海口支發軍餉以收飽騰之效該督務須飭令糧臺撙節

支放毋得虛糜其直隸各屬應解旗租銀兩為數甚鉅仍著該督嚴催解部以抵此項撥款毋任宕延將此諭令知之○予江南陣亡知縣丁炆祭葬世職○命山東巡撫文煜山西巡撫英桂各挑官兵二千名西安將軍托明阿挑官兵一千名綏遠城將軍成凱青州副都統恩慶各挑官兵五百名備各路軍營調用○命熱河都統常清密雲副都統玻崇武各再挑官兵五百名備天津防所調用○

欽定四庫全書

卷一百一十五

撥部庫銀二十萬兩解往天津防所以濟軍餉○以營伍廢弛並查辦草率革直隸山永協副將雙慶職留營效力護通永鎮總兵官海綬下部察議○展陝西吳堡縣原緩帶徵兵糧○丙子

孝全成皇后忌辰遣官祭

慕陵○署欽差大臣袁甲三奏天長踞賊未即就擒惟懼西路官軍分勦時思逃竄得旨該逆反覆無常未必非緩兵之計固應相機勦

除若仍真心悔罪獻城殺賊亦可准其投誠○以安徽滁州來安解圍賞協領恆祿副都統銜遊擊朱元興蔣立功巴圖魯名號守備朱得勝劉萬金拜殿元等花翎知州施照等藍翎餘升敘有差○以安徽鳳陽勦賊出力賞協領色普清額委營總吉隆額副都統銜防禦富珠隆阿花翎○丁丑諭內閣吏部奏遵議歷任河南巡撫藩司各員處分一摺河南一省歷年久解京餉為數甚鉅節經戶部

欽定四庫全書

卷一百一十五

奏咨飛催置若罔聞實屬任意延宕前任河南布政使今升河南巡撫瑛榮著降補陝西按察使仍帶降二級留任處分現任河南布政使祥裕著改為降二級留任並降為三品頂帶前任河南巡撫調任山西巡撫英桂升任直隸總督恆福均著照部議降二級留任以上各員所得處分均不准其抵銷○又諭文煜奏知縣人地未宜請旨撤任議處等語山東樂安縣知縣朱源前因抗糧案內經崇

恩查明雖無浮收勒折。究屬不合。奏請與日照縣張德霖對調。嗣據部議以該員等均有錢糧展叅處分。與例未符。茲據該撫奏稱。該員雖非激變。未便飭回本任。朱源著即行撤任。調省察看。仍交部議處。其聚眾滋事之季金鼈等。並飭嚴緝。務獲究辦。○諭軍機大臣等。文煜奏遵籌海疆布置情形一摺。據稱山東海岸。迤長三千八百餘里。武定等府均屬濱海。惟青州地處各府之中。擬令該滿綠各

書錄

主

營勤加訓練。何處有警。即由該副都統及該營將官帶往何處救援。其餘文登等營官兵。同大沽口新設防兵一體會籌堵剿。登標及文登營水師為數無多。應暫行撤歸陸路。仍由省派兵四百名前往登州。交該鎮曾達年統帶。併原有官兵以一半守城。一半守險。並勤加瞭探。如該府所屬及萊州有警。亦即分撥策應。仍勸諭紳民辦理團練。互相保衛等語。所籌尚屬周密。著即照所擬認真辦理。其

書錄

主

各營官兵應如何勤加訓練。以期得力。即著文煜嚴飭該將弁等實力講求。毋得視為具文。以致臨時貽誤。至所稱煙臺等處濱海居民。有不能解圍者。即令遷進內地。自係為煙戶稀少處設法。既難於團練。不若令其遷移內地。以免侵擾失業。前因各路軍務未竣。曾諭令恩夔於青州德州駐防兵內挑選五百名。並令文煜於該省各營內挑兵二千名。一併聽候調遣。現在青州兵既以防海。此外綠營兵二千名及德州兵丁。仍著文煜會同恩夔如數挑選。認真操練。儻擒匪北竄。即可用以堵剿。以備不虞。將此由四百里諭令知之。○以陝西布政使慶廉為河南巡撫。陝西按察使雷以誠以三品頂帶為布政使。○以河南鄧州紳民捐助勇糧永廣學額五名。○戊寅諭內閣。駱秉章奏營兵藉端滋事。審明定擬。並請將未能彈壓之文武員弁分別懲處。一摺。湖南岳州營守備王興基。千總安長慶

於兵丁疏忽門禁既未能先事覺察。迨兵丁滋事又不能即時彈壓。著一併革職。以肅營伍。署岳州城守營參將榮山。不能督率備弁。整飭營伍。岳州府知府馮崑。因嚴城禁。加責兵丁。尚係為慎重地方起見。惟未會同營員辦理。致令兵丁藉口滋事。亦有不合。榮山。馮崑。均著交部議處。○是日立春。順天府進土牛春山寶座。○己卯。

宣宗成皇帝忌辰遣官祭

慕陵○庚辰

上詣

皇乾殿行禮○詣

闕帝廟拈香○諭內閣。曾望顏奏。知府被訐藉案需索。請撤任嚴訊一摺。四川已革赤水縣丞張長慶。將民人李廷柄笞責後。擅押釀命一案。經成都府知府翁祖烈等審辦。議以革職。茲據該署督奏稱。張長慶於被革後。呈訴前任四川總督幕友吳香農等需索銀兩。

該革員給銀二百兩。迨發成都府審訊時。翁祖烈之子候補知州翁道醇復向借銀。該革員給銀二百五十兩。翁道醇並有十年間借銀三百兩未還各等語。案關官幕藉端索賂。虛實必應徹底根究。成都府知府翁祖烈著先行撤任。交曾望顏提集全案人證。秉公嚴審。務期水落石出。以儆官邪。而成信讞。

清
宣宗成皇帝
忌辰

五

大清文宗協天翊運執中垂謨懋德振武聖孝淵恭端仁寬敏顯皇帝實錄卷之三百五

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之三百六

監修總裁官臣等謹將本年太保王公大臣等所奏各款彙編成冊呈覽
大學士管理兵部事務加三級紀錄十四次 實相兼本國欽差大臣等所奏各款彙編成冊呈覽
大學士管理戶部三庫事務管理刑部事務加二十三級紀錄十六次 周祖培等所奏各款彙編成冊呈覽
銀錢滿洲都統戶部尚書管理三庫事務加四級紀錄十二次 寶昌等所奏各款彙編成冊呈覽
達爾扎雅等所奏各款彙編成冊呈覽
欽修

咸豐十年庚申正月辛巳祈穀於

上帝遣惇親王奕訢恭代行禮

上詣

壽安宮西所問

如皇貴太妃安 諭軍機大臣等現在俄夷以
吉林分界一節屢次行文曉諭不已當經覆
以綏芬烏蘇里等地界奕山等妄行允許後
該處民人以中國地方不應被夷人占踞公
同具呈控告是以降旨將奕山革職吉拉明
阿枷號並未奉旨允准儻該國前往占踞該

處民人出來爭論反傷和好等語借此措詞
以冀消其覬覦之心如該酋伊格那提業幅
將此覆文知照木哩斐岳幅恐其向該將軍
等詢問吉林民人有無同遞公呈不願該夷
在綏芬烏蘇里住居之事著景瀄特普欽遵
照前說加以開導以堅其信勿致語涉兩歧
是為至要俄夷上年秋至今來文並軍機處
覆文一併鈔寄閱看將此由五百里各諭令
知之○以刑部左侍郎靈桂署工部右侍郎

兼管錢法堂事務 以廣西慶遠府城被賊
竄陷巡撫曹澍鍾下部議處革知府榮林知
縣况逢春副將郭承修職 壬午

上幸圓明園○詣

安佑宮行禮○癸未

上御正大光明殿賜王大臣蒙古王貝勒貝子
公額駙台吉及外藩使臣等宴並賞賚有差
諭軍機大臣等本日據曾望顏奏另股滇
匪距川甚近已飭知府帶勇回滇堵勦各等

語滇省界內老鴉灘黃毛壩柿子壩豆沙關一里壩兩河口等處有匪首馬沅盛韓大耶楚老五陳大耶李偏鬍子簡大耶葉二大耶各聚眾數百人在橫順一帶地方盤踞均距川甚近並牛皮寨有匪首羅四板枷率眾百餘人夥同各匪欲竄川疆又井底壩咽匪羅新大耶帶匪二千餘人欲赴青山合夥首逆李短搭搭之弟李小花么在牛皮寨老巢亦有蠢動之意業經曾望顏咨明張亮基等並飭令來川助剿之雲南前任知府夏廷楫帶所部得勝練勇馳回滇省先將牛皮寨一帶入川各路要隘堵禦並將滇省界內匪徒以次進剿但兵力甚屬單薄前次竄入川省之滇匪均已由敘州合股上竄至嘉定犍為一帶各路官兵亦併力馳赴上游其下游川滇交界地方未免空虛該匪難保不乘隙竄擾覽奏殊為可慮著張亮基徐之銘迅速調撥精兵揀派得力大員管帶馳往牛皮寨等交

界地方探明賊蹤所向會合夏廷楫所帶之勇迎頭截擊分路掃蕩毋令闖入川疆致令蔓延為患將此由六百里諭令知之又諭有人奏各關稅課本有定則近因洋藥收稅關津處所多設海役巡查往往一衣一履之漏報罰至盈千累百且有得錢賣放之事稅款仍難足額其弊各關皆然而杭關為尤甚請明定罰款章程無任胥吏舞弊再地方水旱偏災奉有蠲緩諭旨州縣官必先期加緊催科故意遲貼騰黃以便侵蝕即如咸豐八年浙東被賊蹂躪西安松陽永康武義克復之後知縣匿貼騰黃是其明證等語奸商偷漏例應議罰然使任聽胥吏高下其手則徒為行旅之累而於國課仍無裨益至被災被擾之區蠲緩錢糧事關民瘼儻任不肖州縣匿貼騰黃致膏澤不能下逮尤為大千例禁著羅遵殿按照所參情節嚴密查訪如杭州各關實有以罰款為名肆行舞弊及西安等

縣果有匿貼膳黃之事即著嚴叅懲辦以儆其餘至罰款章程應如何明行榜示使胥役無從影射蠲緩膳黃務使徧行張貼以期實惠及民之處並著該撫實心整飭毋得視為具文以安商旅而蘇民困將此諭令知之○調廣東高州鎮總兵官承惠為河南河北鎮總兵官以廣東督標中軍副將勒福為高州鎮總兵官○以甘肅省城壩工完竣陝甘總督樂斌等下部議敘○以甘肅勦辦野番出力

賞道員蕭浚蘭文麟琇武知府斌越章桂文同知葛以簡都司丁炳魁柴旦守備竇林等花翎把總劉士貞等藍翎餘升補加銜有差○以四川擊勦滇匪出力賞已革總兵官虎嵩林四品頂帶總兵官占泰下部優敘餘加銜升敘有差○甲申

上御正大光明殿賜廷臣大學士尚書等宴○諭內閣前據御史林之望奏懷遠民人胡文忠呈稱勝保酒色行樂李世忠滋擾滁來翁

同書保升降匪之知縣王啟秀等並道員黃元吉不借餉銀以致懷遠失守及縱兵搶掠設卡剝民等情當經降旨交和春何桂清查明具奏茲據奏稱委員前往密查勝保自蔣壩前赴盱眙雇坐民船該船戶帶有眷屬遂有耽於酒色之謠李世忠防守滁來因軍餉無出設卡抽釐其事尚出有因以致人言訛傳應無庸議至翁同書保升知縣王啟秀並主簿顧長源一節王啟秀係因辦團出力經

傳振邦保升知府顧長源於懷遠解圍案內經福濟保升知縣與何桂清衙門卷據均符翁同書並非原保之人王啟秀顧長源亦無降匪通賊之事黃元吉帶兵無餉因在定遠等處設卡抽釐仍多不敷並無餘餉援救懷遠迨臨淮失守兵勇逃散黃元吉勢難彈壓既經和春等查明翁同書並無濫保匪人黃元吉亦無不借餉需各情均著免其置議惟勝保退守蔣壩正當軍務緊急之時各將弁

前往慶賀生辰。即當拒絕。乃復給以酒食。實屬不知遠嫌。勝保著降為副都統候補。仍著督辦河南勦匪事宜。以觀後效。○諭軍機大臣等。和春奏。官軍攻克浦口。沿江一帶賊壘。及九洲賊巢。逆勢窮蹙。請飭楚皖各路官軍乘機進勦。各等語。九洲為金陵水路出入咽喉。今為官軍攻克。已成合圍之勢。惟浦口。六合。天長等處。踞賊尚多。若不先加掃蕩。恐九洲勢孤。難守其地。既為粵逆所必爭。

尤當嚴為防備。以免掣肘。著和春。張國樞。督飭將士。先行進攻浦口。並飭李若珠。督兵進攻六合。天長。將江北賊援。勦除淨盡。既不至軍臨險地。而江北藩籬既固。金陵處坐困之勢矣。至洪逆被圍。情急。必號召粵捻各匪赴援。亟應各路進兵。使其不能相顧。以冀早收成效。現在曾國藩已抵宿松。胡林翼亦進劄英山。皖北逆眾業已震懾。袁甲三自攻克臨淮。後軍威甚盛。翁同書一軍進攻鑪橋。亦漸

得手。均可迅速進兵。至皖南池太等處。為金陵後路應援。亦應急攻。以分賊勢。即著官文。曾國藩。胡林翼。袁甲三。翁同書。張芾。周天受。各飭所部將士。剋期大舉。實力進勦。其楊載福。水師。並著官文等。飭令與江南水師互相策應。乘此機會。各路攻勦。既可乘虛規復各城。並可使賊水陸各有牽制。不能回顧。金陵洪逆如檻獸釜魚。必早授首。惟在各將帥不分畛域。協力同心。以期迅奏膚功。同膺懋賞。

朕實有厚望焉。將此由六百里各諭令知之。○欽差大臣和春奏。報洪逆偽詔。號召上游賊黨。意圖下竄。請飭楚皖各路統兵大員。乘機會勦。得旨。此時機會頗覺可乘。惟在汝等各將帥不分畛域。合力會勦。庶幾早收成效。○河南巡撫瑛藻等奏。勦捕鹿邑縣聚眾滋事之寨長段樂山等。訊明正法。該縣知縣孫嘉臻。隨同馳勦。可否免其議處。得旨。該犯等踞寨抗拒。實屬罪不容誅。然歸咎於地方官。

不能隨時彈壓。若果試辦之初，皆係良民。馬
有此事，此必係首鼠兩端。時順時逆，加以莠
民惑眾，禦寇適足以引寇。亦可見地方官平
日之恩信未孚。該縣孫嘉臻尚能隨同出力，
著從寬免議。○命漕運總督袁甲三為欽差
大臣，督辦安徽軍務。○以鑲藍旗漢軍副都
統穆騰阿為鑲黃旗蒙古都統，刑部右侍郎
文俊兼正黃旗蒙古副都統，以攻克江南
浦口並九洲洲賊巢，賞總兵官黃彬、黃靖參
將羅大春、楊福增、遊擊賴鎮海、郭定猷、朱得
勝守備況文榜、巴圖魯名號，餘升敘加銜有
差。乙酉。

上御奉三無私殿，賜近支親藩等宴。御山高
水長，賜王公大臣蒙古王貝勒貝子公額駙
台吉及外藩使臣等茶果。諭內閣張芾奏
投誠義勇著有勞績，懇請獎勵等語。義勇章
志俊等上年自池州統率部眾獻城歸順，旋
因賊眾兵單，池城復陷。茲據張芾奏稱，章志

俊在徽州一帶，隨同官軍屢著戰功。現仍劄
營雷湖黃嶺等處，助剿洵屬深明大義。章志
俊及其部下尤為出力，義勇著張芾酌量保
奏。候朕施恩，以為自拔來歸奮勉立功者勸。
○諭軍機大臣等，傅振邦奏擒匪圖竄東豫，
請飭各該省嚴密堵禦等語。袁徐等圩擒匪
因傅振邦即欲進攻，築壘死守，一面裝旗出
竄，圖擾東豫。並已有馬步賊千餘人竄往西
北碭虞一帶。傅振邦雖已派出馬隊探信，跟
剿惟繞道追躡，深虞落後。自應東豫兩省速
籌會合堵剿，以杜竄越。著文煜、德楞額、瑛
榮關保各就本省防邊兵勇調派精銳，探明賊
蹤，迎頭截擊，不得徒事株守。東省如郝上庠、
黃良楷等兵勇為數較多，尤應不分畛域，出
境迎剿。豫省屢經匪眾蹂躪，此次不得再令
竄擾瑛榮尚未交卸，仍著與關保悉心籌辦。
毋許稍涉鬆懈，致干重咎。將此由六百里各
諭令知之。○又諭前因東豫晉陝四省欠解

傳振邦軍營兵餉為數甚鉅。諭令文煜等各將月撥該提督餉銀二萬兩。按月如數撥解。山東河南並須於每月十五以前解到。河南除餉票外。仍須解足實銀二萬兩。該二省新欠之餉。務於年內解清。其各該省舊欠銀兩。並著酌籌搭解。本日據傳振邦奏。上年各該省積欠餉銀。共有五十餘萬兩之多。迄今尚無消息。請旨飭催等語。現在宿南捻匪猖獗。傳振邦統兵進剿。力遏北竄。軍情萬分喫緊。

所有各營口糧。萬難掙欠。其添造器械等用。尤屬浩繁。豈容將奉撥餉需。任意延玩。著文煜瑛榮英桂譚廷襄各遵前旨。將每月應解傳振邦餉銀。如數撥解。不得稍有短少。其山東河南仍著於每月十五日以前解到。河南除餉票外。仍須解足實銀二萬兩。不得遲逾。其各該省新舊積欠銀兩。並著各該撫籌撥搭解。儻敢仍前玩泄。以致貽誤軍行。惟各該撫藩司是問。恐難當此重咎也。將此由六百

里各諭令知之。○雲南提督傳振邦奏竄賊擊退回巢。宿松一路肅清。並飭總兵官博崇武。遊擊劉蘭馨等統帶兵練。由宿南相機攻取。兼固徐宿藩籬。得旨。博崇武劉蘭馨雖於五鋪截剿。並未扼其回竄。似此處處落後。無怪乎該逆之愈聚愈多。○都察院左副都御史張芾奏。徵餉八萬兩。請就近先由浙省每月按數籌解。得旨。戶部速行查議具奏。軍餉固為急需。而浙省亦有京協各餉。著認真籌

畫。勿致捉襟見肘。予故內務府大臣存佑子候補郎中六桂。服闋後。以內務府郎中即補。予江南陣亡委參領舒明。委防禦素密。推祭葬世職。丙戌。

孝穆成皇后忌辰遣官祭

慕陵。○諭軍機大臣等。張亮基奏回匪占踞大理等處。請飭傳振邦趕緊到任等語。雲南迤西回匪。久踞大理郡城。負隅抗拒。亟應痛加勦洗。該督委福兆護理提督篆務。辦理數月。

未有成效。請飭傅振邦赴任。自係為該省軍務緊要起見。惟傅振邦現在堵辦徐宿勦匪事宜。正當喫緊之際。未能即赴滇省。張亮基現委記名總兵褚克昌前往接辦。著即飭令該員督飭兵勇。實力攻勦。俟徐宿勦捻蕞事再令傅振邦馳赴滇省。徐之銘片奏密陳陝西候補知府張向宸。疊著戰功。不敢沒其勞苦等語。張亮基之子張向宸。既能帶練打仗立功。自應覈其勞績。奏請獎勵。不必因其係

大員子弟。歸入密奏。著該撫查看該員如續有戰功。即據實保奏。候朕施恩。將此由六百里諭令知之。雲貴總督張亮基等奏黔省撥借銅斤。現在滇南無可撥運。應由黔自行籌採得旨。該部議奏。黔省軍餉兵糧尚且不繼。焉有餘力再籌銅本。以兼轄省分。尚如此歧視。總由習氣未化也。以江南潁州蒙城等處勦捻出力。賞遊擊劉蘭馨巴圖魯名號。五品軍功武舉侯殿元等花翎軍功朱鑫等

藍翎。餘升選加銜有差。○以雲南彌勒宣威等處勦匪出力。賞知縣湯箴衛花翎。未入流張星等。藍翎知縣沈善慶等。升敘有差。予陣亡知州慶安。知縣王庭煥。遊擊韓寶都。司劉國乾。車國才。守備曹文科等四十九員。祭葬。世職舉人陳天柱等。賞卹如例。○以辦理軍務勝負無常。雲南署臨元鎮總兵官申有謀革職留任。丁亥諭內閣吏部奏遵議催科勤奮之州縣。照例覈給獎敘一摺。河南汝州

直隸州知州程廷鏡。閩鄉縣知縣岑傳經。徵錢糧埽數完解。經前任巡撫瑛榮奏請將程廷鏡賞加道銜。岑傳以直隸州知州用。當降旨著該部議奏。茲據吏部奏稱。覈與定例不符。所有經徵咸豐六七八等年錢糧全完二萬兩以上之汝州直隸州知州程廷鏡。應得獎敘。著照例改為紀錄三次之外。再加一級。閩鄉縣知縣岑傳。在永甯縣任內。經徵咸豐六年錢糧全完二萬兩以上。照例改為紀錄

三次另片奏嗣後各省保奏經徵全完之案請由部詳察年分額數聲明請旨等語嗣後各省保奏經徵全完各員降旨允准者除賞加虛銜頂帶外其有指明保奏官階仍著該部詳查戶部年分額數如與例未符即著聲明請旨以杜冒濫而歸畫一○又諭吏部奏遵議失入各員處分一摺山東省秋審情實孟傳冉一犯業經惠親王等覆覈減等所有原辦錯誤之前任山東巡撫現任太常寺少

卿覺羅崇恩著加恩改為降二級留任不准抵銷六年無過方准開復山東按察使葉圭書著照部議降一級調用不准抵銷前任山東布政使降補直隸按察使吳廷棟著降一級留任六年無過方准開復前署濟東泰武臨道撤任濟南府知府余榮著於補官日降一級留任六年無過方准開復會勘覆覈之刑部郎中今升浙江嘉興府知府邊葆誠著降三級留任八年無過方准開復刑部堂官

大學士桂良尚書瑞常趙光侍郎靈桂齊承彥前任侍郎今授伊犁參贊大臣景廉前署侍郎禮部侍郎楊式穀均著照部議降一級留任四年無過方准開復以上各員所得降留處分均不准查級議抵○諭軍機大臣等據駱秉章奏皖賊上犯急須策應請調蕭啟江全軍改道援皖固鄂以顧全局一摺皖北粵捻各匪麇聚潛山一帶悉力上犯石逆復自慶遠分股由慶遠趨柳州南路並由富川

竄入楚境探有賊謀由湖南廣東邊界回竄江西等語現在張運蘭一軍越境追勦在湖南江華藍山邊界距省較遠病尚未痊未便遠調著即留於湖南所有蕭啟江一軍既據稱添募兵勇由水路赴常德陸路趨沅州相機前進不日到如果皖北粵捻各匪大舉上犯即飭令蕭啟江改道赴鄂以資攻勦儻皖鄂軍務稍鬆應仍令蕭啟江一軍由荊宜入川以保完善之區著官文曾國藩胡林翼

通籌全局。妥商辦理。毋誤事機。本日據官文奏黑龍江調撥西丹戰馬到楚日期分別撥赴前敵等語。皖省粵捻各匪分途上犯。攻勦喫緊。著官文將新到西丹均勻分撥各營北路一帶。尤為緊要。自宜多為撥赴。以杜北竄。前諭官文等令李續宜由光固潁州繞出懷蒙以北。不致驅賊北趨。嗣據胡林翼奏李續宜因母病假歸。著官文等迅飭李續宜一軍赴鄂。以便由光固一帶進兵堵賊竄豫之路。

所有西丹馬隊。即著酌量抽分。交李續宜統帶。以資截勦。毋稍延誤。將此由六百里各諭令知之。山東道御史哲臣奏請嚴整倉儲。以防偷竊。而杜弊端。得旨。所奏是著派瑞麟會同倉場侍郎察勘辦理。○湖南巡撫駱秉章奏查遊擊蔣榮華奉札援粵。尚無擅離防所情事。可否免其查議。得旨。似此避難就易。雖非擅離。亦屬畏葸。蔣榮華著降為都司。以觀後效。○調江蘇按察使聯英為山東按察

使。仍署漕運總督。以山東鹽運使陳景亮署按察使。江蘇蘇松常鎮太糧儲道湯雲松為按察使。○以鑲紅旗漢軍副都統巴揚阿署荊州左翼副都統。扎薩克貝子德勒克多爾濟署歸化城副都統。○以湖南平江防勦出力。賞同知張岳齡花翎外委黃占魁等藍翎。餘升補加銜有差。予陣亡把總張文藻祭葬。世職。予安徽潛山陣亡副都統銜協領西林布參將吳明亮祭葬。世職。○戊子

孝聖憲皇后忌辰遣官祭

奉東陵。○諭內閣。前因會議軍器。王大臣等奏阿巴噶扎薩克多羅郡王阿拉塔什第報捐銀兩。馬匹當經降旨交理藩院覈議具奏。茲據該衙門查照定章聲明。請旨。所有該郡王捐輸銀兩。馬匹。應得獎敘著一併移獎子弟。仍著理藩院覈議具奏。○又諭勞崇光奏甄別知縣。分別革職降調。改簡一摺。廣東開建縣知縣調補。電白縣知縣朱甸霖前在東安

縣任內折獄錯謬濫押無辜樂會縣知縣柏卿額辦事粗率吏治生疏難膺民社潮陽縣知縣吳裕徽辦公竭慶難勝繁劇朱甸霖著即行革職柏卿額著降為府經歷縣丞留於廣東補用吳裕徽著即撤任遇有相當中簡缺出另行請補照例送部引見又諭勞崇光奏請將辦事荒謬之代理知縣革職拏問並將交代蒙混之署任知縣暫行革職一摺廣東代理合浦縣知縣候補縣丞卞霖於前署知縣丁用之身故後如果交代款項實有虧短理應覈算明確揭報參追何得率稟本管知府即邀同鹽大使黃慶澄守備楊紹賢前往查抄丁用之寓所財物且將抄存金銀等項動用開銷其衣物則稱故員親屬領回亦無領狀本任經徵稅羨又短交至六千餘兩之多復於前署知縣翁鳳起交代未清捏稱已故靈山縣知縣胡國達為監盤蒙混結報種種荒謬膽大妄為殊出情理之外該署

知府呂銓於卞霖稟請查抄財物率行批准亦屬昏瞶且難保非有心縱容卞霖著即革職拏問翁鳳起呂銓黃慶澄楊紹賢一併暫行革職聽候傳質以成信讞而儆官邪○又諭勞崇光奏特參擅提鹽餉並擅賣倉鹽之署知州請旨懲辦一摺廣東署連州直隸州事補用知府張崇恪因地方防勦土匪支發勇糧並未稟明各該上司輒行擅提鹽餉至三萬餘兩又提賣倉鹽抽收鹽包軍需銀兩自行動用及被控行查復含糊稟覆推諉紳士並不將提用支發實數分晰聲明經該督等撤任提省審辦猶復任意耽延顯有藉端侵蝕情虛畏審情事張崇恪著即行革職拏問交勞崇光提同卑商及經手紳士人等嚴切審訊究明實在銀數若干嚴追懲辦○諭軍機大臣等前據玉明覆奏咨取總管英秀稟詞與塔爾巴哈台俸滿糧餉章京多鑾布等所供各情互相歧異當令玉明飭英秀迅

速來京赴軍機處聽候傳訊。茲據彭蘊章等呈遞英秀親供二紙。該總管前在塔爾巴哈台任內辦理哈薩克阿拉坦沙拉汗爵與綽坦承襲一案。據供不識回字。未諳清文。盡憑本處筆帖式阿弼善等將回呈繙出。聲稱綽坦係阿拉坦沙拉之姪。並不知係其甥。至訊以發給綽坦帶頂翎文書一角。英秀亦諉為不知。總稱係阿弼善薩碧屯多鑾布三人辦理。顯係有心狡賴。本日已降旨將英秀解任。

由該旗交兵部解交扎拉芬泰提同人證嚴行審訊。此案英秀辦理綽坦承襲汗爵之時。是否有心通同作弊。抑係阿弼善等因其不識回文。任意蒙混。並多鑾布曾否回過英秀。請其查明。及發給綽坦帶頂翎文書。是否阿弼善等蒙混辦理。著扎拉芬泰親提全案人證。並添派廢員中漢人承審。務期水落石出。定擬具奏。其阿拉坦沙拉有無投向俄夷一節。尤為緊要。又綽坦有無把持迫脅情事。並

著密查具奏。英秀親供二件。著鈔給閱看。將此諭令知之。又諭據慶昫奏籌擬錫林郭勒備調官兵劄營地方。擬派查驗操練之員。並請撥應需口分等項。請旨遵辦。一摺。前諭令錫林郭勒挑備馬隊兵一千名。馬一千匹。在察哈爾擇地駐劄。錫林郭勒所屬之阿巴噶扎薩克旗。既與正藍旗及多倫諾爾廳相近。此項官兵著即在正藍旗地方駐劄。並可就近由多倫諾爾廳購買口糧。即派正藍旗總管珠克都爾帕木妥為照料。認真操練。查驗軍裝器械。務令一律整齊。遇有調遣。即行迅速馳往。毋誤事機。其應需經費。著即由多倫諾爾廳稅務項下酌量撥給。統歸直隸報銷。所有錫林郭勒備調官兵應需口分。已飭戶部查明定例。應如何支給之處。咨明慶昫以憑支放可也。將此諭令知之。命正黃旗蒙古副都統文俊馳驛前往。

東陵會同馬蘭鎮總兵官存誠查辦事件。以

失察司員蒙混畫彙馬蘭鎮總兵官存誠下部議處○以廣東合浦等處勦賊出力予馬四兒等免罪○己丑諭內閣刑部候補主事何秋濤呈進所纂書籍八十卷著賜名朔方備乘此書於制度沿革山川形勢考據詳明具見學有根柢何秋濤著加恩俟補缺後以員外郎即行升補並著在懋勤殿行走毋庸常川入直○以刑部左侍郎靈桂禮部右侍郎楊式穀知貢舉 庚寅諭內閣本年輪應

查閱湖北湖南雲南貴州四省營伍之期湖北著即派官文湖南即派駱秉章雲南即派張亮基貴州即派蔣蔚遠逐一查閱認真簡校如查有訓練不精軍實不齊即將廢弛之將弁據實叅奏毋得視為具文 又諭文煜奏請將解犯遲延之員摘頂勒緝等語直隸廩生种世恩等在山東恩縣地方被劫案內究出平原縣捕役馮連標等有糾夥行劫妄拏拷逼情事經該撫飭令該縣劉恩第嚴拏

解究日久未據報獲難保非有心徇庇劉恩第著先行摘去頂帶勒限一月嚴拏馮連標等務獲解審限滿無獲即行從嚴撤叅 又諭惲光宸奏請將失守地方之鎮將等官寬免處分等語江西省自咸豐三年以來疊遭匪擾經該省文武員弁悉力防勦業經全省肅清功過尚足相抵該司道府州等失守屬境處分前經者齡奏請寬免所有兼轄統轄該管之總兵副將參將遊擊等官應得處分

著一併寬免○諭軍機大臣等本日據扎拉芬奏奏探悉夷情請乘機扼要以資牽制一摺據俄酋臣蘇勒與伊犁協領哈布齊賢等談及以暎夷欲赴津報復莫若派兵遙攻印度地方或可牽其內顧而從此息兵該將軍探悉夷情臚陳大略亦以為機有可乘因請懲懣俄夷率偏師以攻印度之東南嘉獎廓夷出奇兵以擣印度之西北並請密諭理藩院派員曉諭俄夷使一面檄調廓夷各等語

所奏係為夷務大局起見言之實為詳悉惟該將軍在外已久於現在所辦夷務情形尚未能深悉如所稱俄夷與我倍睦於前不知現在俄夷駐京公使伊格那提業幅屢次行文欲於吉林所屬地方強分界址一節噤噤置辯其心實屬叵測並非因有人駐京較前更為和睦況俄英噶三國本屬通同一氣籌攻印度之舉不但無此兵力即能取勝而其地仍為俄國所有中國不能享其利且中國若發此言恐俄夷先送信於英夷以為構釁是我所注意者正為該夷所愚也廓爾喀國小而貧又本臣服於英夷今欲借其力以攻印度彼必不敢得罪於英夷徒開其要挾誅求之釁亦屬無益而有損著扎拉芬奉密諭該協領等不必與匪蘇勒官再提此事儻該匪蘇勒官自行提起可囑該協領告以天朝撫馭外國向以信義為重斷不暗用機謀致開兵釁至現在天津有備實不慮其報復毋

使該夷有輕視中國之心此旨密寄該將軍閱看不得令該處人等知之以防洩漏另片奏應交俄夷茶斤寬備之五十箱如下屆交付時夷人藉端爭論請飭酌量撥補等語前據明誼奏已將此項茶箱發給商人售賣明年如需用茶該商人肯照數備辦如茶已敷用情願按箱交銀業已准其所請著毋庸另議將此密諭知之又諭有人奏廣東夷人占踞將軍等衙署設立英噶總局不准地方官抽收釐金城內奸細極多官之動靜夷能周知夷之情形官難測探勞崇光大有孤立之患請飭巡撫耆齡速即赴任擇要駐劄外郡以相控制等語前因夷情詭譎曾經諭令耆齡於行抵粵境後即派妥員入城見勞崇光密商或以勦匪為名帶印出省儻勞崇光未能抽身即留該撫在外調度以免該夷挾制本日據耆齡奏病體痊愈業由江西啟程不日即可抵粵此時英噶兩夷志在報復廣

東夷人於該督撫等自必嚴為防範。儻徑行入城，必致為所挾制。著耆齡於到粵後，酌度地勢，駐劄外郡，與勞崇光互為援應。至嘆咈離合情形及調兵數目，雖經勞崇光探報，仍恐限於見聞，且因現處城內，或恐文報為夷人所見，有難於盡言之處。即著耆齡詳細查探，隨時密奏。原奏片著鈔給閱看。將此由五百里密諭知之。○伊犁將軍扎拉芬泰等奏報夷情，臣測得旨目下津沽有備，實不慮其

報復。果能悔過求和，天朝向以信義為主，斷不以黷武佳兵為勝。亦不以開闢要荒為務也。此等語意，可作為該協領之意，隨便向該夷官傳述，以杜該夷輕視中國之念。又奏探悉夷情，擬酌施餌鉗之略，豫防水陸之交。批所奏實為詳悉，汝之注意正為該夷所愚。前摺已批示矣。此摺未盡情形，寄諭汝知。調庫爾喀喇烏蘇領隊大臣托克托鼎為伊犁領隊大臣。伊犁領隊大臣穆克登額為庫爾

喀喇烏蘇領隊大臣。○予江西南安府守城殉難同知恩喜祭葬世職。辛卯諭內閣：前因吏部議奏刑部堂官京察保送不實處分所引例文尚未允協，其兩次出考各堂官又未明晰聲明。當交端華、彭蘊章另行覈議。茲據奏稱援照嘉慶年間成案，議以降二級調用。該堂官等於京察大典濫行薦舉，不諳本部例案之員實屬咎有應得。惟念相習成風，不獨刑部為然。此次姑從寬宥，所有濫保之

刑部堂官大學士桂良、前任刑部尚書調任禮部尚書麟魁、刑部尚書趙光、前任刑部左侍郎今任工部侍郎國瑞、左侍郎齊承彥、前任右侍郎今任鑲白旗蒙古副都統孟保並覆帶出考之刑部尚書瑞常、左侍郎靈桂、署右侍郎宗人府府丞厲恩官均著加恩改為降二級留任，不准抵銷。其兩次出考之堂官著吏部查取職名再行罰俸三箇月以示區別。亦不准其抵銷。嗣後每屆舉行京察之期

各部院堂官。務各慎選賢能。不得以劣員充數。儻敢再行濫保。一經查出。即行實降。不能再邀寬典也。諭軍機大臣等。勝保奏蒙亳擒匪猖獗。亟宜增調重兵。扼剿歸德及永城一帶。與鹿邑官軍互為聲援。然後簡練精銳。與徐宿諸軍出境會剿。懇請飭撥吉林黑龍江並西安馬隊及直隸等省步隊赴豫調遣。並以安徽軍營馬隊尚多。如能抽撥五百名。於麟瑞薩薩布善慶克蒙額四人中。派委兩員管帶赴豫。則吉林等處亦可少為抽調。各等語。直隸及陝甘兩省官兵。疊經調撥出征。其吉林黑龍江馬隊。調赴各路軍營者為數尤多。均難再行抽撥。勝保現在督辦河南剿匪事宜。兵力單薄。亦屬實情。所有德楞額軍營馬隊五百名。前因袁甲三奏進攻鳳陽。須兵准其暫留該營。儻北路緊要。即行撤回。韓莊著袁甲三翁同書察看情形。如可無須此項馬隊。即於麟瑞等四人中。派委一二員管

帶前赴河南。交勝保軍營調遣。將此由六百里諭令知之。壬辰諭內閣。前因張芾奏部議陣亡人員。應得卹典。未能一律請飭。分別覆加。議卹當交兵部議奏。茲據奏稱。該部前議各案。覈與定例相符。惟各路軍營將弁。由兵勇保升。遞至副參遊各官。而尚未有底缺者。擊賊陣亡。俱照所得升階。議卹其有缺之員。如僅得拔補。外委把總等缺者。則不論保升之階。轉照本缺。議卹殊不足以昭平允。應如何妥議章程。以歸畫一之處。著該部悉心覈議具奏。尋奏軍營奏保升用升補。奏准升署及題准推升。選補各員陣亡者。均於奉准後。各照升階。議卹從之。諭軍機大臣等。前因俄夷恃強。燒毀烏魯蘇牡丹卡房。恐其復來肆擾。諭令特魯欽收羅鄂倫春赫哲費雅哈等部落之人。使為我用。以資抵禦。茲據特魯欽等奏。查明鄂倫春一項人等。向分五路。有庫瑪爾畢喇爾並墨凌阿鄂倫春雅法罕

鄂倫春等項名目。總歸布特哈總管管理其人散居黑龍江右岸一帶山野以捕獵為生。每年秋後往黑龍江左岸外興安嶺以內捕打進貢貂皮。至次年春間仍回黑龍江右岸捕牲為業。特魯欽等先擬設法收羅疊加防範。因此項牲丁已於九年冬季外出捕獵。春融即應交差。未便拘回虧課。此次接奉寄諭。又派委員會同前派往之副管通格等籌辦。擬於本年春季交差之後。即將此項牲丁收

羅團聚分布要隘。可期緩急應用。各等語。所籌俱屬周妥。著即照所議辦理。其應如何酌給口糧俾其安業。不任意游行。以受夷人籠絡之處。並著妥議章程。奏明辦理。至鄂倫春牲丁每年進貢貂皮五百張。本年秋後如果夷情緊急。仍須團聚。所有應捕進貢貂皮著即免其交納。俟夷務稍平。再行照例捕進。將此密諭知之。成都將軍有鳳因病乞回旗調理。允之以副都統全亮暫署成都將軍。

協領慶雲署副都統。○癸巳諭內閣。樂斌奏故員領款無著。請飭歷任藩司分賠等語。甘肅前任河州知州蔣立鰲。於咸豐三年採辦銅斤。經前任布政使段大章借發工本銀錢。當時並未報部。嗣後該知州未能續交銅斤。接任布政使常績亦未催追歸款。現在蔣立鰲病故。懸款無著。所有前項借發銀一千七百兩零制錢五百千零。即著四川山西各督撫飭令段大章常績各半分賠。解交甘肅藩

庫以清懸款。○調甘肅巴里坤鎮總兵官張玉良為肅州鎮總兵官。肅州鎮總兵官德明為巴里坤鎮總兵官。○以甘肅辦理河州等處回匪出力副將成瑞以總兵官用。賞參將松林知州章禮筠花翎。知府李懷庚等升敘有差。○甲午。

孝儀純皇后忌辰遣官祭

裕陵。諭軍機大臣等。前調伊克昭烏蘭察布兩盟兵各五百名。令在綏遠城擇地駐劄。並

諭成凱勤加操演以備調遣茲據成凱奏兩盟官兵業經行文催調約計二月即可到齊惟到城後令其常川操演斷難枵腹從事必須豫為籌措所需經費擬於茶斤節省及道庫儲存稅課兩項銀兩內動撥支發並責成歸綏道貴肇安為經理所籌尚屬周妥惟據稱擬援照土默特蒙古官兵每年春秋操演之例每兵每日各給盤費銀五分管帶官員各按品級酌給鉛藥等項亦須籌備支發著

軍機處

奉

該將軍覈定每日需用銀若干兩詳晰奏明一面咨照戶部以便將來報銷其牧放馬匹即照所議辦理以節糜費將此由四百里諭令知之○又諭明誼奏貼補夷茶數有贏餘請將本年應運茶斤減數運解一摺上年貼補俄夷茶斤前據明誼奏稱有備茶五十箱未經動用本日復據明誼奏稱所有應交俄夷茶斤計共付給一千四百三十一箱除去包皮箱索外已符十二萬斤之數餘茶六十

九箱除受溼之二箱不計外實餘茶六十七箱併未用之備茶五十箱共餘茶一百一十七箱本年備辦茶斤請飭購運一千四百五十箱以完尾案等語此項貼補茶斤既經明誼節省餘存一百餘箱所有本年應解正備茶箱即著成凱英桂飭屬共購茶一千四百五十箱如期解往其成色斤兩務須按照上年所購各箱備辦不得以上次算有贏餘稍涉草率偷減轉致不敷應用將此各諭令知之

軍機處

奉

福建道御史白恩佑奏津防重大請豫籌後路以保萬全得旨所奏固為慎重起見然駐兵籌餉徒自糜費況八年因門戶已失不能不布置後路現在津防周備設該夷登岸自有迎接之兵著毋庸議○署四川總督曾望顏奏官軍追勦滇匪連日獲勝擬先擇尤保奏得旨零星獲勝並未痛加勦洗著俟續獲全捷方准奏獎○以四川北鎮總兵官占泰為提督陝西西安城守營副將王鳳祥

王伯錫爾紫韁並在御前行走乙未

上詣

大高殿行禮還宮以祭

社稷壇自是日始齋戒三日

聖學集要

毒

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之三百六

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之三百七

數行或或官經題目講處居注官太子太保上書房總師傅文淵閣領尚書翰林院掌院學士稽察欽奉上諭事件歷國史館總纂官云英月

大學士管理兵部事務加十三級銓錄十四次。貴校奉敕戴官燈巡撫官太子太保文淵閣領閣事貳於殿廡戴官教習庶吉士禮仁

大學士管理戶部三庫事務管理刑部事務加二十三次紀錄十六次臣周祖培蠟藏太子少保管理內閣通房事務引大臣革職大員

錄藍旗滿洲都統戶部尚書管理三庫事務加四級隨帶加五級紀錄十二次 臣 寶參威威官歷任講官外授殿學士清文讀本上書房總纂

達爾文館職官止監漢蒙古都統糧部尚書管理太常寺典膳寺事務加二級軍功加四級隨帶加八級紀錄五次

救修

咸豐十年庚申二月丙申朔諭軍機大臣等

前因田莊臺地方情形緊要諭令王明等於兩岸礮臺營壘各事宜妥籌嚴密布置茲據奏稱該處兩岸礮臺營壘均須加高培厚係屬必需之工合之在防弁兵按月口糧需費已覺甚鉅原擬備調赴防之官兵二千名勢難全令到防擬先由內城調撥兵一千名派協領變成等統帶於二月十六日分赴田莊臺兩岸駐劄並令挑馬隊二百名由該將軍親自帶往相機布置此外備調之兵一千名

分別留於各該處應援設伏暫緩到防自係因經費不敷藉節浮糜所籌均尚周妥即著照所議辦理至所稱工費俱已酌減兵餉尚屬不敷准其於庫存銀六萬兩內撙節動支除該將軍不領日支庫給外其隨辦文案並修工文武官員隨營差委兵弁以及在防官兵每日支領廩糧需用銀若干兩著該將軍查明具奏將此由四百里諭令知之○丁酉祭

先師孔子遣大學士瑞麟行禮○以舉行仲

春經筵遣官告祭

奉先殿

傳心殿

上御文華殿經筵直講官肅順許乃普進講中庸夫孝者善繼人之志善述人之事者也講畢

上宣御論曰孝也者先王所為至德要道也聖人之孝與常人異天子之孝與庶人異盡倫

盡制皆孝中之志與事即皆前人之志與事也中庸論武周之達孝而申之以善繼志善述事誠以孝道至大人子之心在善窺乎天理人情之所同因時起義以求滿其孝之本量而已前人所有之志與事固當敬承而勿替即前人所未遑制作者但使所志所事協天理順人情正不必前人所已為而要皆前人所欲為特時位不同故前人未及為之而有待於後人是以論其迹則今昔異宜推其

本則後先同揆也武周為人倫之至故能善繼善述使孝之量充滿而無遺經所稱通於神明光於四海者其武周達孝之謂乎直講官文彩臣源進講易經后以財成天地之道輔相天地之宜以左右民講畢

上宣御論曰夫國於天地必有與立民者天地所以立心者也王者觀天地之氣化以驗民之從違使民情上通乎君而君道下濟乎民是以品物咸亨而性命各正此其義於泰象

見之天地之道有寒暑晝夜之運因而有作
訛成易之宜民生天地之間或節宣失序以
昧生成之經或倣擾乖和以干陰陽之紀豈
民之失其性哉天時地利有成規而久而紊
其節則乖戾之氣生天經地紀有定則而忽
而反其常則否塞之機伏聖人成泰之功與
所以保泰之道惟審其端於民情之通塞而
已○是以祁寒暑雨常恐民氣之傷必財成其
過焉者而後時行物生之機暢通德類情以
求民性之遂必輔相其不及焉者而後易知
簡能之化成蓋其心通乎民隱而扶持祐助
不以尊卑臨之而以左右命之故曰天地所
以立心者民也生民所以託命者后也聖人
繫泰之辭意深哉禮成

上幸文淵閣賜講官及聽講諸臣茶復賜宴於
本仁殿○諭軍機大臣等官文等奏請飭催
各省協餉等語湖北入皖之軍共計六萬人
分布各路上年十二月間官文因欠餉已近

百萬奏請飭催陝西山西四川江西浙江等
省按月協濟餉銀當經批令戶部查議速奏
茲據該大臣等奏稱各省並無起解日期現
在楚軍需餉甚亟設有貽誤關繫非輕除山
西有應解餉銀二萬兩改撥天津外其餘該
省應解湖北餉銀仍著英桂迅籌起解並著
曾望顏譚光宸羅遵殿譚廷襄按照部撥數
目迅速解赴湖北軍營以資接濟將此由五
百里各諭令知之戶部議准浙江巡撫胡
興仁疏報富陽等縣開墾沙地九百三畝有
奇照例升科從之以湖北均州守城及攻
克武當山出力予外委歐貴賢等升補加銜
有差○予安徽太湖等處陣亡守備唐玉齡
等三百三十員名賞卹有差○展緩直隸開
東明長垣三州縣被淹村莊本年額賦戊
戌祭

大社

大稷

上親詣行禮遣官祭

文昌帝君廟。諭內閣瑛榮等奏軍營傷病人員難期速痊請遣撤回旗等語。吉林協領穆騰額等或臨陣受傷或傷病舉發一時未能就痊自應酌量遣撤俾資調理。吉林協領黑龍江墨爾根城佐領穆騰額齊齊哈爾佐領委參領富順烏拉防禦吉林驍騎校委參領富呢雅抗阿防禦儘先佐領奇成額黑龍江拉林防禦儘先佐領委參領烏勒喜春齊齊哈爾驍騎校委防禦恭楚克扎普布特哈驍騎校委參領明陞墨爾根城佐領吉林烏勒防禦委參領成順均著暫行開缺遣撤回旗。明陞富呢雅抗阿疊在軍營出力奇成額成順受傷較重年力均屬衰老著加恩各照原銜賞給半俸俾資養贍。穆騰額烏勒喜春富順年力正強尚堪起用均著俟病痊後送部引見。命翰林院侍講黃倬提督四川學政。己亥諭內閣。王明寶山奏宗室不服審

訊請旨懲辦一摺。盛京宗室智仁與宗室興明控爭園地。經盛京戶部會同宗室佐領提訊。興明一味狡展抗不遵審。竟敢咆哮公堂。該將軍等復添派族長等會訊。興明仍前狡執任意抗違不肯下跪聽審。實屬藐玩。興明著重責三十板發往吉林。交該將軍嚴加管束。以肅法紀。其爭控園地一案著傳興明之子四瑞歸案審辦。諭軍機大臣等。裕瑞英蘊奏各城需餉孔殷請飭迅速籌撥一摺。據稱葉爾羌巴爾楚克應需咸豐五七八等年經費並抽換官兵供支一切銀兩除甘肅司庫撥解外尚欠解十萬九千八百八十餘兩。又九年分經費三萬三千三百餘兩亦並未撥解。僅於上年三六七月先後解到銀一萬兩。內除抽換官兵路行鹽菜等銀三千兩另款支發其經費銀只餘七千兩不敷三月支放。且喀什噶爾英吉沙爾烏什等城欠放款項有至二年者。眾兵嗷嗷待哺。各城屢次咨

催葉爾美無從籌措等語各城欠撥銀兩為數甚鉅兵丁苦累委係實在情形著林揚祖體察各城擇其尤為瘠苦欠款較多者先行籌撥接濟俟各省續有解到之款隨時酌撥毋稍偏枯將此諭令知之 庚子

上幸圓明園 諭內閣本日袁甲三奏克復鳳陽府縣二城業經降旨將該大臣及出力人員分別獎勵至投誠之裹脅黨與如果真心悔罪立功自效疊經酌量加恩寬其既往予以自新若逆首張元澄屢次假託投誠實則陰謀助逆上年定遠之陷該逆率眾攻城本年正月鳳陽民人潘田等謀為內應遭其戕害實屬罪不容誅此次我軍一鼓作氣將該逆擊獲凌遲處死洵足以彰國憲而快人心除賊目張先等三十二人一併正法外其投誠之鄧正明等七人從賊已久現雖被困情急同謀獻城僅足贖其前愆未便遽予獎勵著照該大臣所請留營隨勦以觀後效嗣後

各路軍營投誠賊目如有陽降陰叛首鼠兩端與張元澄情罪相同者斷不准稍事姑容致稽顯戮若真能洗心革面投首獻城或打仗立功即隨時量予獎勵以示區別○以雲南布政使劉源灝為貴州巡撫雲南按察使姚錫華為布政使鹽法道鄧爾恆為按察使以克復安徽鳳陽府城賞欽差大臣漕運總督袁甲三黃馬褂守備張誠心巴圖魯名號前鋒慶亮花翎餘升補加銜有差 予故

貴州巡撫蔣霽遠祭葬子候選郎中斯岱斯崧服闋帶領引見 辛丑諭軍機大臣等德楞額奏擒匪復偏東境續獲勝仗一摺前據德楞額奏正月二十六日將竄擾東境擒匪擊退逃往江南邳州等境茲復據稱二十七日又有擒股從周家山頭一帶逼近東境前竄江境之匪復行折回會合撲擾得勝莊等處並有繼至大股分撲六里石巨梁橋萬年丁廟頓莊等處搶渡勢甚鸚張經該副都統

督率兵勇及嶧縣知縣鄒崇孟添調民團堵禦先後斃賊千餘賊復分擾邳州梁王城渡口意圖偷越亦經兵勇過河擊勦仍向東南逃竄等語該逆屢次擾及東境竟圖北犯雖經擊退而該逆等尚有春暖春融分投搶渡之語著文煜德楞額督飭官軍實力嚴防北竄即未能出境迎勦務須扼定各路要隘毋令該匪再行竄擾尤不許有一賊渡河而北其各屬團練亦飭各地方認真激勸協同官軍防勦德楞額擬請將黃良楷所帶之勇分撥各處兵力未免太單著與文煜會籌妥辦毋使稍涉疏虞文煜另片奏勝保咨行補額官兵東省防勦喫緊存營官兵實係無可再調此次皖省補額兵丁即著准其暫緩調補將此由四百里諭令知之又諭何桂清奏探聞夷船四隻北駛現仍設法轉圜並錄夷商所擬條款呈覽一摺上海夷商因華商徐昭珩等開導開列八條懇為照准其中窒礙

甚多前年喫箇嘔爾噏在津議定五十六款本屬不得已之舉迨夷船退出天津海口特派桂良等前往上海會同何桂清挽回駐京等四事乃該酋不與桂良等相見上年駛赴天津先行開囂經僧格林沁督兵痛擊大獲勝仗海口一切防務經理實屬不貲現在該夷商擬列八條意在弭兵息事今有需銀一百萬兩之條又有天津所定和約不能更改一字之語豈非多添百萬况拂夷尚有兵費二百萬兩亦未聞如何辦法不可墮其奸計至先給照會一層斷無中國先給之理若令華夷兩商投遞呈詞尚屬可行前諭何桂清在上海與該夷互換和約今該夷仍欲進京又有帶兵至大沽口外駐劄及帶兵一二千至天津府城候旨並請撤大沽之防各條顯係藉此要挾乘間滋擾豈可為其所愚夷船四隻北駛意在攔阻漕船為脅和之計除頭二批業已放洋其三四批漕船著暫緩放洋

以防疏失。現在京倉米石可放至明年四月。俟事定再圖北上。亦尚無妨。至議和當在上海。若夷船駛至天津。桂良已交卸欽差關防。無人講說。該夷即必欲到京換約。亦必須先在上海與何桂清議定。毫無異說。然後可照。味夷之例。到京換約。既已議和。即不必攜帶兵船前來。若仍帶兵船。則是有意尋釁海口。防兵定當照上年辦理。朕聞薛煥尚為夷人所信服。著該大臣即飭該藩司前往上海與

吳煦等會同商辦。必須設法消弭。並確探該夷如何動靜。隨時馳奏。如該夷不遵理諭。船隻北駛。著薛煥即行兼程來京。不可耽延。總以在上海撫局有成為要。北塘一口允其進京換約之路。並非議和之地。將此由六百里密諭知之。○又諭本日據何桂清奏探聞夷船先有四隻北駛。欲在直隸山東一帶扼要處所。截我漕船。並傳聞英俄兵齊即赴天津。斷不侵犯礮臺正面。必於大沽左近港口進

兵窺伺礮臺後路等語。夷情狡獪異常。難保不避實擊虛。所有蘆臺等處兵力尚單。應如何豫防抄後之處。著僧格林沁。俟山海關應辦事宜辦有眉目。即交增慶格。額成保等接辦。以資守禦。僧格林沁即行馳赴大沽海口。嚴防礮臺後路。勿令該夷抄截。以豫杜其窺伺之心。何桂清原奏摺單。並本日寄信諭旨一道。一併鈔給閱看。將此密諭知之。○又諭景瀄等奏俄夷攜帶牲畜食糧運入烏蘇

里。強占卡倫派員前往籌辦一摺。俄夷侵入烏蘇里。建房安礮。種種妄為。已屬驕橫。去冬復拉牲畜裝載食糧等物進口。茲復攆逐官兵。強占卡倫。實屬兇橫已極。惟該夷所占卡倫距三姓遠近。道里若干。並景瀄等所派西丹一千名。赴黑河口一帶設伏。其地距烏蘇里所設卡倫道里若干。並未詳細聲明。著該將軍等繪圖貼說。詳細具奏。至創夫徐得林情甘應募保護山場。毋須給發器械。實屬好

義如有罪名亦應寬免該將軍等已發給腰牌二十面令其前往招募以助兵力該劄夫等既樂為我用所招人夫是否隨同官兵相機勦擊抑僅自衛山場並著景瀉等將該劄夫如何布置抵禦情形照前奏攬頭設營處所亦繪於圖內據實具奏俄夷既有春暖進城之說究係何城亦當詳審如其得步進步肆行滋擾該西丹及劄夫等當必與之抵禦西丹既改裝易服作為打牲捕魚之人即與

民團無異屆時官為調處使木酋知所畏忌而又不露官為起釁此外仍飭各處舉行團練以備隨時接應是為至要將此由五百里密諭知之○陝西按察使瑛榮奏謝降補恩得旨汝之才具頗可用惟在豫年久不能處處破除情面致未能大見振作現雖降補將來重領封圻務須自加勉勵不可自甘廢棄山東道御史林壽圖奏士子入京會試請飭稅局照例驗放以示體恤得旨該士子等

志切觀光自應奉公守法然間有一二壟斷之徒或逞刁攔驗或夾帶藥物私售均難保其必無著端華文豐嚴飭巡役人等固不可藉端訛詐尤不可豫存成見因噎廢食致啟賣放之漸夾片所奏著查辦○蠲緩河南舞陽上蔡西平遂平羅山淮甯商水項城沈邱扶溝襄城郟城湯陰杞十四縣被擾村莊新舊額賦 壬寅

孝淑睿皇后忌辰遣官祭

昌陵 諭內閣裕瑞英蘊奏浩罕額爾沁違旨逗遛肆意行兇經弁兵毆斃一摺上年九月間裕瑞奏浩罕額爾沁阿布都剌里木到葉爾羌懇求進京朝貢原屬誠悃可嘉當經諭令裕瑞以本年各城伯克年班均已停止浩罕額爾沁亦應免其來京朝貢以示體恤如其籲懇必欲呈進貢物即著賞收由裕瑞帶遞來京朕仍頒給賞件敕書獎其效順之心茲據奏稱該大臣傳諭該額爾沁未能遵順

逗遛不歸並在回城恣意妄為屢次捆毆軍民回戶刁搶回民婦女恃強姦娶經該大臣飭令阿奇木伯克疊次開導該額爾沁猶復抗違帶領安集延回子多人持械進城求見復經該大臣豫備賞物筵宴傳見將前奉諭旨詳為宣示該額爾沁執意不從出言違悖該大臣當令阿奇木將其帶出詎該額爾沁肆行兇橫喝令從人各出刀斧先將弁兵刃傷十三名眾兵見其行兇亦將額爾沁等毆

斃共二十五名奪獲刀斧存據該大臣即令阿奇木伯克前往回城撫慰安集延貿易人等均屬安謐查獲額爾沁寓內擄去本地回婦艾呢帕等十七名口訊取供詞並取安集延呼岱達供詞開單呈覽該額爾沁違旨逗遛肆意行兇所為不法已極經弁兵格斃實屬孽由自作前葉爾羌參贊大臣裕瑞葉爾羌參贊大臣英麟未能先事防維究屬咎有應得均著交部議處仍著妥為撫慰安集延

回民人等各安生理毋致驚疑以綏邊圉諭軍機大臣等本日據僧格林沁奏分撥官兵防守城池一摺山海關布置一切現已辦有頭緒分撥添調各官兵防守認真操演足資堵禦該大臣已啟程回至大沽將應辦事宜交增慶等接辦該處設有夷船駛至近岸須先派員迎探詢其來意如有應議事件即妥為開導令其前往上海彼處另派有大員經理此事儻執意不從即令前往北塘商辦

該夷或需用淡水食物即行付給設遇有夷人登岸購買物件人數不多不必遽行驅逐惟須密為防範總期示以鎮靜不可先行開釁如果該夷先開槍礮實有狂悖情形即著督率兵丁迎頭截勒以馬隊分兩翼抄擊聚而殲之該處業經僧格林沁布置周密該副都統等屆時相機行事毋得稍涉大意將此諭知僧格林沁並傳諭增慶知之○又諭本日據裕瑞等奏浩罕額爾沁在葉爾羌違旨

逗遛肆意行兇經弁兵毆斃一摺該額爾沁違抗諭旨任意逗遛所為種種不法並敢率眾持械進城面見該大臣肆行兇逆令其從人砍傷弁兵十三人該弁兵等抵禦致將額爾沁格斃共斃二十五人固屬禍由自取第恐浩罕伯克欲圖報復從此起釁邊疆緊要應如何豫為之防著扎拉芬奏不動聲色密為籌備設或浩罕前來理論或竟稱兵犯順何以應之並著扎拉芬奏派委妥員前往葉

爾羌將此事起釁本末查明具奏如裕瑞等所奏有不實不盡著奏參毋稍徇隱原摺及所奏安集延呼岱達並被擄回婦等供單一件鈔給閱看將此諭令知之○又諭本日裕瑞等奏浩罕額爾沁抗違諭旨肆行兇橫經弁兵將其格斃一摺並將該額爾沁寓內擄去回婦艾呢帕等傳訊並錄取呼岱達供詞開單呈覽當經降旨宣諭並將該大臣等加恩改為交部議處矣該額爾沁等不遵理論

竟敢包藏禍心肆行不法實屬禍由自取惟該大臣等辦理此事如何善後之法摺內未據聲明恐浩罕因此事欲圖報復不可不豫為防範著仍飭該呼岱達善撫安集延回子貿易人等一面使浩罕知此事係該額爾沁先行用強砍我弁兵以致該兵弁抵禦致斃多人並非釁自我開將來浩罕伯克如何舉動著與扎拉芬奏面商辦理邊疆緊要應如何密為豫備之處即著詳細具奏將此諭令

知之○又諭前據奉天吉林廳文生李玉溫具控浮收縱盜等情當降旨交景瀄親提嚴行審訊嗣據景瀄審明全虛李玉溫狡不畫招據眾供確鑿照例擬結改發新疆茲據步軍統領衙門奏李玉溫遣抱告李盛復以委員貴昌等於所控重情一概不究刑偏畫供等情赴該衙門呈訴此案李玉溫既經該將軍以畏罪虛捏擬結何以復遣抱呈控其所控浮收稅銀有交收眾鋪之帳目可查該將

軍提訊時何以不行查究顯係被屬員蒙混該革生堅不畫招是否實有冤抑該佐領富全等有無捏造原供刑偏畫押並令司獄官應許給銀報瘋了結各情著景瀄覆訊確實明白回奏並將另單所列浮收稅釐各款嚴行查出歸公備用毋得徇隱迴護致干咎戾原呈著鈔給閱看將此諭令知之○又諭據御史尋鑒煒奏風聞山陝濱河接壤一帶及陝省大荔涇陽臨潼渭南各處洋藥來源甚

旺但差役行頭局總糾邀奸商土棍暗地屯積擡價居奇地方官及巡查委員往往徇庇因循置而不問轉於往來行旅零星商販並不按照貨物遵例徵收動輒指為漏稅任意罰賠及實覈所徵款數仍屬寥寥侵吞訛索諸弊叢生恐致激成事變請飭查究等語各省設卡抽釐原以接濟餉需為一時權宜之計豈可任聽不肖官吏藉端擾累徒飽私囊且恐遇有奸匪煽惑致釀重案著英桂譚廷

襄按照所奏各情嚴密訪查如有前項情弊即著從嚴參辦毋許徇隱又據該御史片奏山西汾陽平遙介休洪洞襄陵太平各處近有外來游匪口操楚豫之音自七八十至二百人不等結夥糾黨號為土客以興販洋藥為名晝則散處城鄉各洋藥館局夜則四出搶掠並有暗地偽造各旗色冊籍名目地方官因循畏事以致盜劫之案層見疊出等語昨據文煜奏傳聞捻匪由馬牧集渡河分

出一股圖竄晉省是否屬實尚未據有續報恐此等游匪即係捻黨散布潛伏豫為勾引若不及早查辦必致釀成大患著英桂派委幹員會同地方文武認真稽查嚴密捕緝並整飭武備以期消患未萌將此各諭令知之○癸卯以鑲藍旗漢軍副都統繼善署鑲藍旗滿洲副都統以安徽攻克鎰橋賊巢出力賞副將程友勝遊擊朱淮森巴圖魯名號記名總兵官鮑雲翥等升補加銜有差甲

辰遣官祭黑龍潭

昭靈沛澤龍王之神玉泉山

惠濟慈佑靈渡龍王之神昆明湖

安佑普濟沛澤廣生龍王之神密雲縣白龍潭

昭靈廣濟普澤龍王之神○遣官祭圓明園

惠濟祠

河神廟○遣官祭

先醫之神○諭內閣惠親王等會同軍機戶

部奏酌加兵餉實銀並變通鈔票出入章程一摺京城各旗營兵餉自上年歷次搭放實銀以來該兵丁領項較前雖覺寬裕惟念物價仍未平減兵丁不免拮据除二成錢四成實銀照舊放給外著加恩自三月為始將應折四成票鈔改放三成實銀以示體恤至捐銅局收捐章程向係以錢折銀現在兵餉既加實銀則捐項亦應稍為變通著准其於每兩內改收實銀二錢餘仍分別搭收鈔票等

項其前經奏定六條九條捐項仍著照舊辦理此外如鈔本改放現錢及鈔票掣字停止與官票酌給實鈔並停止民號寶鈔之處均著照所請行經此次通盤籌畫兵餉各款均關緊要所有部撥款項並歷年欠解地丁鹽課關稅等項著各該督撫並各關監督遵照歷奏嚴旨並該部疊次奏撥銀數實力催提源源解部毋許稍有遲誤致干咎戾○又諭兵部奏應發軍臺廢員延不起解開單請飭嚴催一摺各省應發軍臺廢員起解限期定例恭嚴乃竟有遲至半年以後並數年之久仍不起解者歷經該部奏咨嚴催置若罔聞實屬延玩所有單開之已革知縣秋家丞已革把總蘇錦堂著兩江總督江蘇巡撫查明該員等如何下落該地方官有無捏報情弊據實具奏已革知縣范鑫謝芬蔣文煥雷元昭千總解魁元額外許志耀代辦把總程志剛外委陳占魁姚鳳閣等九員著閩浙總督

福建。湖南。河南。山東各巡撫嚴飭該地方官迅將各該廢員押解啟程毋許藉詞逗遛其起解遲延各官著該督撫指名參辦失察之各上司並著查取職名交部議處以儆玩泄○諭軍機大臣等聯英庚長奏大股擒匪直撲清淮請飭江皖各營撥兵援應一摺擒匪圖撲清淮已據袁甲三奏稱派營總克蒙額等統帶馬隊四百名副將向得聰等統帶步隊一千二百名馳往援剿並據傅振邦奏稱

總兵田在田因探聞擒匪有竄擾清淮之信業已統帶馬隊馳赴清淮附近繞前迎截兼由該提督派出步隊一千五百名交已革副將胡元昌帶領由靈泗一路趕赴桃源等處探明賊蹤隨同田在田併力堵剿茲據聯英等奏稱馬步賊匪不下三萬餘人由桃源闌入順清河直撲清淮是賊勢極形猖獗恐兵力尚形單薄本日已諭令和春於揚州防兵內酌量派撥前往助剿矣以上各路官軍即

著聯英等催提前進會合堵剿並著嚴飭派出之副將馬國陞等分扼要隘毋令賊眾得以渡河一面知照田在田等務於桃源順清河一帶將賊眾兜圍擊剿聚而殲旃毋令蔓及清淮尤不可驅令北竄至衡陽蔣壩偏近天長亦關緊要一俟清淮情形稍緩即著飭令鶴齡安勇等各回防所以免別有疏失將此由六百里諭令知之○又諭聯英庚長奏大股擒匪直撲清淮請飭江皖各營迅派援

師接應一摺逆擒大股由桃源闌入順清河直撲清淮該處為南北扼要且係揚郡後路設有疏虞關繫非淺昨據袁甲三奏稱已派克蒙額向得聰等統帶馬步官兵一千六百名馳赴清淮以西堵剿並據傅振邦奏稱總兵田在田已督帶馬隊馳赴清淮迎頭截擊並撥步隊一千五百名交已革副將胡元昌帶領由靈泗一路趕赴桃源等處隨同田在田併力遏截惟馬步賊眾不下三萬餘人恐

尚不敷接應。著和春、張國樑就近於留防揚
郡官兵內迅速挑選精銳派委得力將弁馳
赴清淮一帶併力堵遏。毋令竄至清淮以保
完善之區。是為至要。將此由六百里諭令知
之。○乙巳諭內閣都察院奏山東監生譚維
清以地城圖說一書赴該衙門呈遞著發交
僧格林沁閱看。有無可以採擇之處酌量辦
理。譚維清著該部解往聽候傳詢。○丙午
孝康章皇后忌辰遣官祭

孝陵○諭軍機大臣等海瑛奏請飭催四川等
省協餉各等語。黔省自用兵以來指撥各省
軍餉欠解至五百餘萬兩。其另撥之軍餉亦
積欠至七十餘萬兩之多。現在遵義等處疊
經獲勝黔楚官兵進剿鎮遠需費較繁。設因
兵餉不繼貽誤非輕。四川山東山西湖南陝
西所欠黔餉自數萬兩至二十餘萬兩不等。
著曾望顏文煜英桂賂秉章譚廷襄迅速設
法籌解。毋稍遲誤。至江西省協撥貴州兵餉

連年積欠至二百四十餘萬兩。該省現在全
境肅清籌撥較易。若仍以一二萬兩敷衍塞
責必至愈積愈多。著憚光宸督飭該藩司迅
速籌撥務以十萬兩為一批解黔接濟。毋得
如前玩忽致干咎戾。將此由五百里各諭令
知之。○署貴州巡撫海瑛奏報黔楚官兵進
剿鎮遠賊匪收復府衛兩城得旨。此次收復
府衛兩城惟在善撫其後迅派良員整飭諸
務修繕城隍不可視為緩圖。○以收復貴州
湄潭縣城革疏防在前知縣廖遇春職免其
拏問責令隨同剿賊予陣亡知府江炳琳祭
葬世職加等並於遵義地方及原籍建立專
祠。○丁未遣官祭昭忠祠○諭軍機大臣等
前因喬松年奏江北糧臺餉需請於附近省
分按月指撥當經諭令戶部查覈速奏。本日
據戶部奏稱山西等省及淮安關應解江北
餉銀積欠甚多請飭速解以資支放。其江北
地糧捐釐等項係歸該糧臺充餉應行該司

自行催解。惟聞江北軍營兵勇多不足數。往往以少報多。為侵扣餉糧地步。請飭覈實裁減等語。除山西等省欠解餉銀業已諭令英桂等速行籌解外。其淮安關欠解江北糧臺餉銀八萬餘兩。著何桂清督飭該監督迅速籌撥。即行分起解交。不得再事延宕。其江北地糧捐釐及漕糧折價漕項銀兩。並著何桂清飭令喬松年趕緊催提應用。如有徵解遲延。即著嚴行參奏。仍遵限報部。以備查覈。至

軍營虛額。前據和春奏稱。曾與張國樞力為清釐。埽除積習。惟當此庫款支絀之際。未容以空言塞責。所有江北軍營兵勇著和春將老弱充數者。嚴行裁汰。其江南各營募勇。聞亦有虛額。帶兵官侵吞餉銀為肥己之計。殊屬可惡。並著和春查明參奏。以杜虛糜。上年和春親往常州。與何桂清商議籌餉。許乃釗又赴浙勸捐。原為速克金陵起見。乃僅克九洲一處。殊不滿意。若不及早圖維。因循日

久。以後餉需難繼。和春身為統帥。其能當此重咎耶。和春接奉此旨。務與張國樞振刷精神。力圖大舉。迅奏膚功。以副委任。將此由五百里各諭令知之。○又諭。前因兩淮鹽運使喬松年奏江北大營待餉孔殷。懇請於附近省分按月指撥。當交戶部查覈速奏。茲據奏稱山西各省尚有欠解江北糧臺之款。計山西積欠五十餘萬兩。陝西積欠七十餘萬兩。河南山東各欠解二萬九千餘兩。請飭催解

等語。著璵、榮、文、煜、英、桂、譚廷襄督飭各藩司將欠解江北軍餉迅速按月籌解。以資接濟。毋得再有延宕。致干咎戾。將此由五百里各諭令知之。○工部奏庫存絲絀。自道光十年變價後。迄今三十年之久。朽壞過甚。飭令管庫司員查照成案。分別加減估值得旨。此項變值物件。只憑司員覈計。尚非覈實之道。著派肅順、宋晉即日前往認真查辦。本屆年分雖較上次稍久。惟所積愈多。亦無草率減價

之理必須全按市價涓滴歸公○補鑄福建汀漳龍道關防從署巡撫瑞璜請也○戊申諭內閣惠親王等奏恭辨

聖訓完竣應需刷印紙張請旨遵行一摺武英殿恭辨

皇考宣宗成皇帝

聖訓現已刊板完竣所有紙張價值著照戶部前奏給發銀票各半其一半票銀按照新章支領足數應用由武英殿自行採辦該王大臣

臣等請由長蘆籌款採買或照市價由部支

領錢文之處均毋庸議○諭軍機大臣等傳

振邦奏勦辦銅邱宿遷交界竄匪暨劉蘭馨等渡滄攻克各圩並探聞東路竄匪有闖入

清江浦王家營之信各等語捻匪圖竄清淮

前據聯英等奏報當因袁甲三所派克蒙額等馳援之馬步隊一千六百餘名尚形單薄

並諭令和春等就近於留防揚郡官兵內挑選精銳馳赴清淮一帶堵遏竄路均未知曾

否趕到庚長雖督隊迎勦究屬賊眾兵單恐難抵禦况據傳振邦聞捻匪有竄王家營清江浦之信更屬防不勝防著該提督即飭田在田胡元昌等飛速前進確探賊蹤會同各路援兵合力兜勦萬不准令此股賊匪闖入清江浦一帶亦不可令其紛竄滋擾該提督進攻袁圩附近各賊巢正在得手仍應督飭將弁乘勢攻勦毋稍鬆勁其另摺請飭催山東等省餉銀已嚴諭文煜瑛榮等速行先籌

銀各四五萬兩解往接濟山陝兩省亦令將

知之○又諭前因傳振邦軍營需餉孔亟當

諭山東河南山西陝西各將應解月餉如數撥解其山東河南仍於每月十五以前解到河南除餉票外解足實銀二萬兩其各該省新舊積欠銀兩並著各籌撥搭解茲據傳振邦奏河南月餉已欠三個月正月以來各路餉銀杳無音耗兵勇日領雜糧數合數日不

得一飽田在田師行中途屢因絕食聒噪大局將形決裂等語現在擒匪猖獗傳振邦一軍直搗老巢應援各路趙海臨渙韓村等處一鼓而下正可整軍前進掃蕩賊氛當此事機得手之際豈容因糧餉不繼致誤大局著文煜瑛榮英桂譚廷襄仍遵前旨按月如數撥解并酌搭舊欠以資接濟山東河南距徐宿尤近並著文煜瑛榮督飭藩司無論何款先行籌撥銀各四五萬兩迅解傳振邦軍營

實錄卷五

七

毋許再有延宕如敢仍前玩泄貽誤軍情必將該撫及該藩司從重懲處不貸懍之將此由六百里各諭令知之○以攻克安徽懷遠縣城出力賞遊擊尹嘉賓都司陳祥興吳士玉劉景芳守備常振清王元魁趙思咸劉建勳馬德林委營總和山副參領額特賀等花翎委參領佛爾吉善布新查特爾清阿千總田恩來等藍翎餘升用加銜有差○己酉諭內閣本年朕三旬慶辰業經覃敷閭澤並將

王大臣分別加恩因念在京大員老親有年逾八十者祿養承恩康疆逢吉洵為盛世嘉祥允宜特加恩賚用示朕錫福推恩至意○以楚軍攻克安徽太湖縣城賞副將王載駟唐義訓參將蘇文彪段福勳遊擊穆正春都司余福象巴圖魯名號禮部主事李榕花翎餘升補加銜有差予陣亡遊擊徐勝祿都司陳士富易長奉守備朱榮發李年治阮鎮定千總王發貴把總張倫震外委楊得信等四

實錄卷五

七

十二員祭葬世職文童曾益明等賞卹如例○以錫福推恩

御書扁額賞理藩院尚書春佑涼州副都統春英母馬佳氏曰壽寓春暉副都統安興阿克興阿母那拉氏曰錫類敷恩戶部左侍郎梁瀚祖母韓氏曰燕喜春長並珍玩文綺庚戌諭內閣戶部奏請嚴催粵商欠款一摺廣東省各埠商歷年應輸帑本息銀前後共積欠至九十一萬三千一百四十餘兩之多經

該部於道光二十九年。咸豐元年。屢次奏催分限完解。又於七年。該部查覈奏請將歷任運司以下。催解不力。造報遲延各職名。送部覈議。迄今未據登覆。實屬延玩已極。當此籌備庫儲之際。豈容以有著款項。任意稽延年復一年。伊于胡底。著勞崇光。耆齡督同該運司。迅將前項逾限未完銀兩。按照該部前後奏咨各案。嚴定期限。趕緊掃數催提解司。專款存庫。分年造冊報部聽候撥用。不准再有

實錄卷三百七

三

帶欠。並著查明歷任運司以下各職名。送部覈議。其歷任及現任各該督撫。督催不力。亦有應得之咎。並著該部查取職名。分別議處。如此後仍不上緊實力催解。按限咨報。即由該部將該督撫暨運司以下各官。據實嚴參。以重款項。而警疲玩。諭軍機大臣等。據文煜奏。捻匪被擊回竄。東境肅清。惟另股擾及清淮郡城危急。已調勇出境助剿。一摺。據稱前竄邳宿之賊。於前月二十九日。竄擾桃源。

該縣失陷。逆眾已於初一日。由王家營南竄清江。庚長退至淮城。與聯英固守。文煜已飭黃良楷帶勇。由桃源宿遷一帶。拔隊前進。著即探明賊蹤。何路緊急。即由何路迎剿。儘淮安業已解圍。務須於後路相機設法兜截。毋令北竄。前諭和春。於留防揚郡官兵內。挑赴清淮一帶。併力堵遏。現在道路梗阻。未知文報能否直達金陵。著袁甲三。迅飭前派之營總克蒙額等。統帶馬步隊。傳振邦。即飭田在

實錄卷三百七

三

田胡元昌等。帶兵直趨清江浦。救援淮城。勿令該匪紛竄裏下河。泰州等處。以保完善之區。德楞額現在韓莊。與挑宿接壤。即距清淮亦屬不遠。著酌量情形。如能分兵就近截擊挑宿一帶賊匪。即可為清淮廓清。來路並可防竄入東境之患。亦著不分畛域。合力兜剿。清江無城垣可守。各路兵到。不難將該匪眾聚而殲旃。將此由六百里各諭令知之。以安徽東流縣城防守出力。賞軍功。向洪貴等。

藍翎教諭洪參銓等升補加銜有差予陣亡
千總陳邦杰祭葬世職○以擊退山東運河
竄捻出力賞委營總穆隆阿依查佈委參領
富隆阿委防禦榮祿花翎委驍騎校碩翰等
藍翎委營總色楞泰等升補加銜有差

實錄卷三百七

三

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之三百七

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之三百八

藍翎教諭洪參銓等升補加銜有差予陣亡千總陳邦杰祭葬世職○以擊退山東運河竄捻出力賞委營總穆隆阿依查佈委參領富隆阿委防禦榮祿花翎委驍騎校碩翰等藍翎委營總色楞泰等升補加銜有差

教修

咸豐十年庚申二月辛亥諭內閣本年朕三

旬慶辰覃敷闡澤中外均霑因念文武大臣
有年逾七旬精神強固供職克勤者洵為熙
朝人瑞允宜特沛恩施以昭優眷大學士桂
良吏部尚書許乃普工部尚書張祥河均著
加恩賞給太子太保銜鑲紅旗漢軍都統劉
鈺之子驍騎校榮昌著加恩以印務章京即
補先換頂帶西安將軍托明阿之子候補參
將敬文仍留直隸以副將用以示朕尚齒引
年優禮耆臣至意○諭軍機大臣等昨因文

煜奏。擒逆擾及清淮。當諭袁甲三。迅飭克蒙額等。直趨清江浦。救援淮城。本日據袁甲三奏稱。擒匪竄陷清江。援兵尚嫌單薄。復添派馬步隊二千餘名。交善慶等統帶。前往助剿。並撥礮船三十隻。駛赴清江。此項水陸官軍。與克蒙額等軍。如能會合。田在田援剿之師。奮力攻擊。諒可力挫賊鋒。清江為南北鎖鑰。關繫江淮全局。斷不容該匪久踞。該大臣即嚴飭所派各軍。乘賊蹤未定。迅速攻剿。毋令盤踞。至所稱伊興額。與傅振邦不能和衷。請飭會同田在田。辦理徐宿軍務等語。現在田在田帶兵馳援清淮。既未便折回徐宿。且資望較淺。伊興額未必肯聽其調度。該副都統既已病痊。著即馳赴袁甲三軍營。責令帶兵剿賊。傅振邦進攻袁圩。正當喫緊之際。實難前往清江。仍應責成田在田等。督兵赴援。袁甲三以分路進兵。地面遼闊。請派傅振邦來營幫辦。現在徐宿一帶。匪蹤充斥。斷非田在

田等所能勝任。俟徐宿肅清。再令該提督前往與袁甲三會剿可也。另片奏請飭催山東河南等處新舊撥款。已諭令文煜。瑛榮按月搭解。至淮安現辦防堵。恐其自顧不暇。可暫緩催解。所請另撥有著之款十萬兩。已交戶部速議具奏矣。將此由六百里諭令知之。○又諭袁甲三奏。請飭催東豫兩省欠解餉需等語。各處應解袁甲三軍營月餉。山東省僅解至上年九月。計今已欠十萬兩。河南僅解至上年十月。計今已欠八萬兩。而河南尚欠折漕銀三萬餘兩。月需放款。積欠甚多。現當攻剿得手之際。豈容以餉項缺乏。致誤事機。著文煜。瑛榮督飭藩司。迅將欠解新舊撥款。按月籌解。毋許再有延誤。自千谷戾。將此由六百里各諭令知之。○壬子。上幸萬壽山。詣廣潤祠拈香。○諭內閣。慶昫奏。審明廢員不安本分。援案定擬一摺。已革正白旗蒙古世

管佐領崇喜屢次犯事。於軍臺本罪上加留一年。乃仍不知悔罪。輒以無據之詞。擅行進口興訟。又不靜候查辦。竟敢搶奪文卷。實屬形同匪類。怙惡不悛。崇喜著發往新疆充當苦差。以示懲儆。張家口管站員外郎福申。於該管廢員。不能約束。實屬庸懦無能。並著交部議處。○又諭曾望顏奏。查明臨陣潰逃之營員。並庸懦不職之知縣。分別辦理一摺。四川署守備余振海。把總安定國。當馬天貴陣亡之時。雖據查明無見賊先逃情事。惟主將被害。未能策應。實屬救援不力。咎有應得。又宜賓縣知縣汪觀光。平日性耽麴蘖。貽誤地方。余振海。安定國。汪觀光。著一併革職。以示懲儆。余振海。現因打仗陣亡。著毋庸議卹。安定國。著暫留軍營效力。以觀後效。僅再不知愧奮。即著按軍法嚴懲。○諭軍機大臣等。曹澍鍾奏。克復柳州府。及柳城縣城。石逆尚踞慶遠。請飭蕭啟江等迎剿。並尋屬賊匪未靖。

現飭蔣益澧。馳赴陽朔。籌辦剿撫各等語。蕭啟江一軍。前經官文等奏稱。皖鄂軍務已鬆。飭令由常德取道入江。徑赴川省。此時萬難再令折赴貴州。其田興恕一軍。並據駱秉章奏稱。如賊蹤未過都勻。則令由靖州赴黎平。古州截剿。此時行抵何處。尚未奏聞。廣西石逆現踞慶遠。並於馬平等處。分屯股匪。著曹澍鍾。即飭劉長佑。移得勝之師。會合慶遠兵練進剿。並知照駱秉章。迅飭田興恕。探明賊蹤。迎頭截擊。毋令闖入黔省。窺伺蜀中。方為妥善。降補道員蔣益澧。既據該撫查明。尚知愧奮。派令前往陽朔。接管湘勇。並審察荔浦等處賊情。分別撫剿。即著曹澍鍾。嚴飭該員。實心經理。毋得再涉玩泄。其餘派撥兵勇各事宜。均著照所議辦理。所請催山西等省餉銀。本日已諭令各該督撫。迅速籌解矣。至竄擾川境滇黔各匪。雖據曾望顏奏報。疊經剿辦獲勝。而匪勢仍形猖獗。蕭啟江如已到川。

即著曾望顏飭令會同川軍將彭浩及捷為敘州等處竄匪實力勦捕。儻石逆有入川之信。即令出境赴黔。與劉長佑等會剿。庶不致以有用之兵。徒勞往返。也將此由六百里各諭令知之。○又諭前因粵西需餉。諭令曾望顏等速籌協撥。本日據曹澍鍾奏該省軍需萬分匱乏。前奉諭旨。令山西陝西於協解湖北月餉內各劃解廣西銀十萬兩。尚未咨解。四川省亦尚有欠解銀十二萬五千兩。請旨

飭催等語。廣西柳州府城雖經克復。而潯屬賊匪未靖。現經曹澍鍾酌籌添兵勦辦。惟需費愈繁。自應速為協濟。所有山西陝西兩省前劃解銀各十萬兩。四川省欠解銀十二萬五千兩。著曾望顏英桂譚廷襄迅速籌解。派委妥員。即行陸續解往。以濟要需。毋得再涉遲延。致滋貽誤。將此由五百里各諭令知之。○又諭前據曾望顏奏四川已革赤水縣丞張長慶呈訴前任四川總督幕友吳香農並

成都府知府翁祖烈之子候補知州翁道醇有藉端索賄情事。當經降旨將翁祖烈先行撤任。交曾望顏提集人證。東公嚴審。本日據曾望顏奏該府翁祖烈因撤任不甘懷忿。訐告羅列八款。經該署督鈔錄呈覽。並請欽派大臣來川訊辦各等語。曾望顏身為大吏。既被屬員反噬。斷難再令與聞此事。況翁祖烈所訐各條。是否屬實。亦應確切查明。方足以折服其心。崇實此時將次行抵四川。著將此

案提集人證。東公嚴訊。徹底查辦。以成信讞。至隨同審案之員。該大臣可於成都駐防旗員及省外文員內選派數人。其在省人員及陝西人員概無庸派委。以防該參員有所藉口。曾望顏原奏翁祖烈撤任摺片。並此次請派大臣摺及鈔錄稟詞訐款二件。均著鈔給閱看。將此由六百里諭令知之。○又諭前據何桂清奏正月內有喫夷火輪船大小四隻。由副兵頭尊士督駕出口。探係前往山東。直

隸交界總隘洋面駐劄。為攔阻漕船之計。當經諭令僧格林沁等一體嚴防矣。本日據文煜奏稱。二月初八日。探有火輪船一隻。夾板船三隻。陸續由東南大洋駛至福山之罟島口停泊。其是否盡係夷船。及貨船兵船。現尚未據探悉。而既已適符四隻之數。且該夷前有阻攔漕船之說。亟應嚴密防範。以免疏虞。向來夷船所到之處。均賴有沿海居民接濟食物。更有趨利奸商。與之潛通貿易。夷船遂

因此逗遛不去。以後遂難拒絕。貽害無窮。著文煜督飭在事文武。在沿海一帶。曉諭居民。嚴切禁止。使該夷於食物貿易兩無所得。其船隻亦必不能久停。並著密飭前派護送漕船之登州鎮總兵曾逢年。親統師船。督飭將弁梭織巡查。其海運漕船。有收入山東各口者。並著妥為保護。不使夷船乘便搶掠。是為至要。將此由五百里諭令知之。○署四川總督曾望顏奏。知府被參後。懷忿訐告多款。請

派大臣來川查辦。得旨。汝雖非負氣強辯。亦跡近剖白。身為大吏。一被屬員反噬。即請撤任。是窺朕平日有不信大吏之心。朕實深愧也。○以克復安徽潛山縣城。賞參將楊富有。周忠容。王可陞。巴圖魯名號。餘升補有差。予陣亡都司王定和。守備蔣貴祿。把總曹自太。王澄清。外委范祿斌。藍良貴。周義和。彭行吉。劉光英。李桂元。祭葬世職。○以四川官兵擊勦嫠匪出力。賞候補道程祖潤。都司吳毓光。花翎。並參將舒洪元等。升敘有差。○以四川擊退滇匪出力。予知縣唐炯獎敘。陣亡把總陳全。外委蒲映第。杭在田。祭葬世職。○以克復廣西柳州府及柳城縣城。賞道員劉坤一。按察使銜。並各升敘。給封有差。予陣亡都司徐士信。把總李華燦。祭葬世職。○以力攻江西建德縣。予陣亡千總周維祺。從九品許繼武。把總楊興漢。外委李茂盛。周春林。祭葬世職。○癸丑。遣官祭

關帝廟○諭內閣上年冬令雪澤稀少降旨
派山東布政使清盛恭齋大藏香虔詣

泰山代朕叩禱茲自二月初七日起祥雲疊
沛渥澤深霑農田可卜豐登朕心實深寅感
著仍差內務府司官一員賁大藏香十枝馳
驛前往山東省城交巡撫文煜傳旨令布政
使清盛恭詣

泰山虔申報謝以答

神庥○又諭都察院奏湖北民人鄧旺銀遣

抱告以委員嚴刑勒結等詞赴該衙門呈訴
據稱上年該民人京控李行儲等糾眾燒搶
一案由步軍統領衙門咨回本省乃案證未
齊而委員馬元驥等輒用嚴刑勒令該民人
具結等語案關承審委員袒護匪人虛實均
應徹底根究著交官文督同臬司親提人證
卷宗秉公研訊確情按律定擬具奏委員馬
元驥重紹昌並著該督查明奏抱告王義
順該部照例解往備質○惠親王綿愉等奏

謹將庫存

仁宗睿皇帝聖訓黃綾本式樣尺寸及議改五
摺榜紙每十二頁用紙一張式樣尺寸各繪
樣黏呈請旨遵行抑或仍遵舊制辦理可否
欽派大臣據實查驗得旨著派端華穆蔭查
驗具奏前旨甚明猶至再至三屢請變通想
該司員匠役等無利不辦此係何事尚敢如
此取巧並欲擅更舊制將來展開不便皆朕
之刻意求省之故尤屬非是此批摺與御前

大臣軍機大臣同看○賞江甯布政使薛煥
巡撫銜幫辦五口通商事宜○予湖南永州
傷亡都司李榮忠祭葬世職○甲寅諭內閣
吏部奏請將正途京員捐升道府選法酌擬
變通一摺吏部銓選道府各官其由正途京
員捐升者俱照現行章程辦理相沿已久若
為特旨錄用人員遽行更改舊章殊多窒礙
且恐視為捷徑紛紛改途易開取巧之門嗣
後正途京員未經補缺捐升道府者著仍仿

照咸豐元年二年奏定章程專選簡缺所請以繁簡統選之處著毋庸議○又諭張芾奏官軍剿賊失利涇縣旌德被陷現在力籌堵禦並自請嚴議一摺逆匪竄踞涇縣之黃柏嶺灣灘等處經官軍疊次擊退獲勝正月十九二十五等日賊分大股來撲副將楊名聲知府陳炳元等奮勇鏖戰斬獲甚多並殺斃賊首賴汶末一名詎賊愈聚愈眾涇縣旌德遂於二十六日相繼失陷著張芾督飭員弁

兵勇進剿迅圖克復城池並嚴防徽郡一帶飛調江長貴帶隊援剿務期殲除醜類毋留餘孽所有失事文武員弁著一併查明分別叅辦張芾著交部議處○又諭庚長奏逆捻闖入清江浦自請從重治罪一摺據稱大股逆匪由順清河直撲清江浦經該河督帶兵迎剿疊獲勝仗詎該逆分股從後抄截我軍失利致被闖入現在退保淮城俟調集援兵再行進剿該河督辦理防堵有年此次失事

雖因賊眾兵單究屬堵剿不力咎有應得庚長著即革職暫留本任仍著督率將弁迅圖克復以贖前愆○諭軍機大臣等張芾奏克復建德縣城並涇縣旌德失陷周天受奏甯郡情形喫緊飛調援師各等語逆匪由銅陵繁昌攻陷涇縣進踞清弋江蔓延至楊柳埠去甯國府城極近周天受現已由竹塘統兵回郡著即督飭將士實力堵剿毋任再有滋蔓甯國縣為入浙門戶地關緊要南陵遠隔

嶺外亦應速籌援應並著周天受嚴飭派往甯邑之遊擊楊得春等飛速前進力籌堵禦毋許稍有疏失南陵防軍應如何設法往援即會商張芾妥為辦理至涇縣匪眾復分股攻陷旌德該縣距徽州府城僅百餘里據張芾奏稱城內並無存兵雖已調江長貴由黟縣太平赴旌德截剿深恐路徑紛歧難於兼顧致被闖入並著周天受速派得力將弁管帶精銳由甯邑繞赴績溪迎頭截擊毋任賊

蹤得以擾及郡城。至建德甫經克復。自應派兵駐守。江西各軍內。如道員劉于瀉。吳坤修等。何員可以派令帶兵駐劄。即著張芾一面派撥。一面知照。惲光宸辦理。以期迅速。而免貽誤。張芾另片奏請。將招撫韋志俊等出力各員。鼓勵等語。韋志俊既已調赴東流。所有出力義勇。著即會同楊載福酌量保奏。其接濟韋志俊一軍之知府張慶安等。既能相機應變。尚屬著有微勞。即著張芾酌保候朕施

恩。將此由六百里各諭令知之。○又諭。本日據聯英。庚長奏。清江失陷。及現在布置情形。各一摺。清江為南北咽喉。豈容任賊久踞。致令各省文報不通。淮安存城兵勇無多。既難分撥赴援。庚長所調留防衡陽蔣壩之總兵鶴齡。安勇等軍。著即飛催迅速前進。實力堵禦。其田在田等督帶之馬步隊。並袁甲三先後調派之營總克蒙額。已革遊擊楊國正等。所帶之馬步隊。計已陸續可到。前飭和春等。

所派之揚防官軍。相距較近。著聯英。庚長一面飛速催提。一面督令已到各軍。會同鶴齡等軍將匪眾擊退。以保淮城。至清江無城郭可守。恐該匪搶掠後。即行紛竄。聯英等務當設法堵截。勿令竄往東南。擾及裏下河各邑。以保完善之區。是為至要。將此由六百里諭令知之。○浙江巡撫羅遵殿奏。勦捕餘姚土匪。審明正法。餘匪遁入大關山。現帶嚮導。擒捕得旨。大關山路徑叢雜。自應以鄉民為嚮

導。極力擒捕。若置之不顧。將來必致蔓延。又奏。查明欠解錢糧。奉化縣知縣吳芳蕙。定海廳同知陳繩武。一併撤任。批。既已撤任。即應奏參。若必待查出弊端方參。恐啟劣員玩愒之漸。並難保接委各員。代為彌縫。著補摺奏。以儆效尤。○舉行咸豐九年大計。奉天。卓異官一員。才力不及官一員。年老官一員。有疾官一員。湖南。卓異官六員。不謹官五員。罷軟官三員。浮躁官二員。才力不及官四員。年

老官二員。河南卓異官十員。不謹官四員。才力不及官一員。年老官三員。山東卓異官十二員。罷輟官一員。浮躁官一員。才力不及官一員。山西卓異官十二員。不謹官三員。浮躁官二員。才力不及官一員。甘肅卓異官八員。年老官一員。有疾官一員。河南卓異官二員。年老官一員。東河卓異官一員。不謹官一員。分別議敘處分如例。○以克復安徽建德縣城。賞知府丁峻花翎。餘開復升選有差。○乙

卯。諭內閣。本日吏部具題。失察書吏冒領俸銀之工部監印司員處分本內。議以降一級調用。公罪准抵。除前任郎中吉興阿。岳興。陳士安三員。均有級可抵外。其無級可抵之主事劉孫。捐升知府。分發浙江之前任主事葛桐銜二員。該部均議以降一級調用。內閣票擬雙籤。將葛桐銜一員。擬令該督撫出具考語。送部引見。該員係在部時應得處分。是否應票雙籤。其主事方驥任內加級。係本年恩

詔所得。是否准抵以前處分。主事劉孫。何以無恩詔加級可抵。此案刑部於上年九月奏結。移咨吏部。查取監印司員職名議處。工部何以遲至本年正月始行送齊。有無逾限之處。均著吏部查明具奏。再降諭旨。○又諭。前據裕瑞奏。葉爾羌庫庫雅爾。桑珠二莊。向設銅廠。請將銅斤折交錢文。當經降旨。令扎拉芬。奏委員查明。有無流弊。茲據奏稱。揀派伊犁領隊大臣錫拉那。前往查明。咸豐五六年

間。因籌辦開礦。是以將庫庫雅爾。桑珠二莊。每年應交糧布棉花及一切雜差。概予豁免。近年銅斤短絀。情願折交錢文。雖經該伯克等僉稱。毫無抑勒。惟令該回眾因此賠累。非所以示體恤。可否免其折交銅斤。仍復糧賦舊制。請旨遵行等語。該處開設銅廠。原以供鼓鑄之用。今既產銅短絀。未便令折交錢文。情同科斂。所有庫庫雅爾。桑珠二莊。折交銅斤錢文。即著停止。仍收原額糧賦。以復舊章。

而杜流弊。○諭軍機大臣等。前據裕瑞英蘊奏。浩罕額爾沁阿布都剴里木違旨逗遛肆意行兇。經弁兵將其格斃。當經諭令扎拉芬奏。委員前往葉爾羌將起釁本末查明具奏。茲據該將軍等奏。接到裕瑞等函致此案原委。已派員由冰嶺馳往查辦。正與朕意相合。本日復據裕瑞等奏。查明浩罕額爾沁實係謀逆未成。審明定擬。並譯出寄回浩罕逆信呈覽各等語。該額爾沁本為輸誠效順而來。何以一朝逞兇。毫無忌憚。且此次裕瑞等摺內。所稱額爾沁寄信與浩罕伯克。並囑呼岱達約會各莊安集。延謀逆各情。前次摺內並未提及。難保非因事變已成。添飾情節。現據扎拉芬奏。揀派佐領圖們額前赴該城查詢原委。而此案業已由裕瑞等擬結。恐有不實不盡。著扎拉芬奏。將裕瑞等摺件詳細閱看。所擬罪名。有無未協之處。並著另擬具奏。至額爾沁罪由自取。釁非我開。雖據裕瑞等令

阿奇木伯克先行寄信與浩罕。明正額爾沁之罪。而浩罕伯克能否折服。不致別生事端。尚未可定。其應如何防範。及一切善後事宜。並著該將軍會商裕瑞英蘊悉心妥辦。毋稍大意。裕瑞等原摺。並譯出逆信。均著鈔給閱看。將此諭令知之。○又諭扎拉芬奏。遵查回莊抄產業情。並請將承辦各員解任提訊一摺。葉爾羌回莊抄產一案。前因辦理含混。諭令扎拉芬奏。派員認真查辦。茲據奏稱。已派領隊大臣錫拉那督同喀什噶爾阿奇木伯克愛瑪特前往該處查出印房章京西林泰等有藉端漁斂。挾同隱徇等情。必應徹底根究。方能水落石出。已明降諭旨。將西林泰等解任。交英蘊提訊。即著與阿奇木衙門之毛拉邁買底里等一併派員看管。聽候查明訊辦。此案種種弊端。蒙蔽已久。非認真清查。不足以成信讞。英蘊訊辦此事。著督同伊犁派出之伯克愛瑪特。撙剔弊竇。安撫回眾。毋

得稍涉瞻徇。扎拉芬泰原摺著鈔給英蘊閱看。將此各諭令知之。○以直隸堵築永定河工竣。予知府范梁等并敘加銜有差。○丙辰諭內閣。文俊存誠奏審明司員袒護親族蒙混辦稟。按律從重定擬一摺。已革郎中關瑞於承辦咨查補缺文稟。並未先與五內關防司員商酌。輒敢袒護親族。僅將伊堂姪恩錫表親納清額富隆額三員列名敘入。並將富隆額混入捐納班實屬有心蒙混。關瑞著從重發往軍臺效力贖罪。候補筆帖式烏爾喜瀉私見關瑞探問補缺。已有不合。並敢向該總兵求看公牘。更屬妄為。烏爾喜瀉著即革職。郎中繼聰尚茶正勒廣高山向關瑞探聽補缺。雖無情託等情。究屬不合。均著交部議處。員外郎阿爾薩蘭德衡額祥盛德明奇成額恆瑞主事龍光德榮哲英額達杭阿文榮尚茶正穆通阿祥兆尚膳正海榮蘇蘭泰六品筆帖式依克坦於會畫稟件並不悉心查

閱。輒即隨同畫押。均著交部照例議處。○以二品頂帶武備院卿明善為總管內務府大臣。○丁巳諭內閣。班禪額爾德尼呼畢勒罕於本年十月初二日坐牀著派恩慶會同色呼本諾們罕前往看視。所有頒給敕書賞齋等件著理藩院揀派司員二人馳驛齎往。其沿途經過直隸山西陝西四川等處地方著各該督撫派委道府副參大員妥為護送。並著曾望顏於司庫提銀一萬兩俟該司員到省時交給帶往。一併賞給班禪額爾德尼至打箭鑪以西著該督知會前途照例豫備馬匹勿致遲誤。○己未上詣大高殿行禮。○還宮。○遣官祭賢良祠。○諭軍機大臣等。聯英庚辰奏迎擊竄突淮安擒匪並籌議防勦清江踞匪一摺。覽奏殊為憤懣。清江為南北咽喉。地當衝要。必須趕早克復。方不至蔓延腹地。何以大股捻逆尚踞清江。

賊勢仍形猖獗。該署漕督等。不過株守待援。一籌莫展。本日據和春奏。已令李若珠帶兵赴援。袁甲三傳振邦。早經具奏。派往各軍。為數已屬不少。此時諒已先後到浦。聯英等。即一面催提各軍。一面督飭鶴齡。安勇等。南北兩路夾攻。即因賊勢眾多。未能盡行殲戮。亦當驅之歸巢。不使紛竄。擾及裏下河一帶。完善之區。是為至要。儻令該捻日久盤踞清江。使南北道途梗阻。甚至竄往東南。朕惟聯英。

庚長是問。決不寬貸。將此由六百里諭令知之。○又諭。前因何桂清奏。夷船北駛。並將夷商所擬條款呈覽。當將條款內窒礙之處。逐層指示。復經降旨。將布政使薛煥。賞加巡撫銜。令其幫辦五口通商事宜。本日據何桂清奏。華夷各商。力圖轉圜情形。並擬飭薛煥。馳赴上海。督同吳煦等。密行籌商等語。是該大臣雖未接奉前旨。而所辦適相符合。薛煥於夷情尚為熟悉。即著何桂清。督同該員。將夷

務妥為籌辦。至天津和約既定。而噶魯嘶忽復稱兵。是該夷先行背約。並非中國肯失信於外夷。此時兵威既振。豈能將前議之五十六款。悉行照辦。至兵費一層。中國既經得勝。即應該夷賠償。若兩抵不償。已屬通融辦理。安有中國出銀之理。無論後添一百萬。即英夷四百萬。必欲如願。則拂夷二百萬。亦必效尤。當此各路軍需緊迫。將何以應之。至大沽設防。係海疆應辦之事。並非專為喫拂。即使和約大定。亦未能遽行裁撤。果使該夷悔罪。誠心求和。前定之五十六款內。凡不可行之事。悉聽何桂清等裁減。於上海議定以後。或欲援照咪夷成例。減從來京換約。尚屬可行。總之所擬八條內。窒礙過多。薛煥逐層指駁。尚為透徹。仍著督飭華商。與夷商熟為籌酌。至噶魯嘶之意。以為今年即再敗衄。明年尚須報復。在中國歲歲設防。固屬無謂。第不知該夷歲歲稱兵。其經費復何所出。且彼一再

戰敗則兇猷自挫。安敢屢行犯順。在該夷以此等無理之詞。相為恫喝。亦不可不加指駁。以折服其心。惟該夷等來至中國。主客之勢懸殊。無論為戰為和。均利於速。而中國以逸待勞。則宜於應之以緩。以戢其驕志。俾就範圍。該大臣等固宜據理力爭。尤應委婉開導。自不必過於迫切。轉致激之北來。何桂清與薛煥。定能隨機應變。善為羈縻。與之平心妥議。五十六款之中。惟四事最關緊要。前經疊

次諄諭。當不煩贅述。將此由六百里密諭何桂清。並傳諭江甯布政使薛煥知之。○署湖南提督周天受。奏報甯國廣德等處喫緊。現在抽派勁旅。會合浙軍。節節進剿。得旨。續派之林保。黃金友等相機前進。總不可著著落後。浙防兵勇。未可深恃。著趕緊截擊。勿令擾及完善之區。○辦理江北糧臺兩淮鹽運使喬松年奏。擒匪竄至清江。現在邵伯鎮扼要防守情形。得旨。覽奏稍慰朕懷。現雖匪蹤蔓

延。江北軍餉。尤應善為籌畫。不可稍緩。○以甯夏將軍倭什琿布。為理藩院尚書。理藩院尚書春佑。為熱河都統。調熱河都統常清。為烏魯木齊都統。○庚申。

上詣

弘仁寺拈香。○諭內閣。禮部題請派繙譯會試提調官一本。所有開列揀選司員二人。著照文會試之例。由該堂官帶領引見。候旨揀派。並著該部纂入則例。永遠遵行。○以皖北

勦匪出力。賞參將劉蘭馨。遊擊艾憲銀。巴圖魯名號。千總李太和。花翎。並獎敘加銜有差。

○辛酉。

孝昭仁皇后忌辰。遣官祭。

景陵。○諭內閣。戶部奏。請將燒鍋稅銀。赴部交納等語。直隸省燒鍋稅銀。前經戶部奏明。令該商戶在部呈交。迄今日久。仍有在該州縣交納。已領印收。而稅銀並未解部者。並有商戶等在部完交。該州縣仍復縱差需索。節經

該部據商戶控告。咨交直隸總督等衙門親提訊究。延不咨覆。實屬不成事體。著直隸總督順天府府尹。迅將此等侵匿稅課。擾累商賈各員。確切查明。嚴行叅辦。並著轉飭直隸藩司。通飭各屬。將燒鍋商戶清冊。限一月內先行造報。並令每年六箇月造報一次。儻再遲延。即將該藩司叅處。嗣後此項稅課。不准在各州縣交納。悉令赴戶部兌收。其地方稍遠者。彙齊赴部代交。如該州縣再有私收商

稅。侵匿需索等弊。即著該部從嚴叅辦。以重稅課而安商賈。○又諭。前因署四川總督成都將軍有鳳奏。請將滿洲營閒散餘兵。調充省標新兵。當交該部詳查飭駁。從重議處。茲據兵部等衙門奏稱。滿洲營挑補綠營兵缺。向有定額。不得過十分之二。該署督輕議更張。殊屬有違定制。所請滿洲營餘兵。調充省標新兵之處。著不准行。前署四川總督成都將軍有鳳。著即照部議革任。○又諭。譚廷襄

奏革員被控供詞狡展。請解回原省訊辦。一摺。此案貴州孀婦王張氏。具控陝西已革直隸州知州王緯辰。誑騙伊翁王寶祥。為伊夫王振聲報捐金銀。前經降旨。交該撫嚴審。並提同王寶祥質訊。嗣據貴州巡撫咨稱。王寶祥老病不能赴陝。王緯辰恃無確切證據。信口翻供。實屬狡展。著譚廷襄將該革員王緯辰。同妾楊氏。並原告王張氏等。派員解回貴州。交海瑛親提人證卷宗。嚴訊明確。按律懲辦。以成信讞。而儆官邪。○諭軍機大臣等。張芾奏。賊匪壘陷太平等縣。請催江西協餉。並請飭江西兵勇。駐守建德。祁門各等語。本日已諭知。惲光宸。飭令普承堯。統率所部。及把總李濟元。團勇駐守建德。吳坤修一軍。移剗祁門。以資扼剿。其江西協餉。前經惲光宸奏明。每月協撥銀三萬兩。亦已諭知。該撫速行籌撥。源源解往矣。張芾在徽辦防有年。一旦賊至。即致數縣城池悉行失陷。未知平日所

辦何事。此時賊勢鴟張。自應亟籌保守徽州府城。以免匪蹤再有滋蔓。江長貴業已抵郡。即著張芾會商該署總兵。督飭將士實力堵剿。俾賊眾不敢輕視郡城。仍將已失各縣城池速圖克復。以贖前愆。前因涇縣旌德失守。曾諭周天受撥兵赴徽援剿。本日據周天受奏稱廣德州又復失守。現在分軍扼堵入浙之路。自顧不暇。未必能兼顧徽郡。涇縣為徽甯兩郡往來要道。張芾總應設法攻復。以通

聲息而資聯絡。將此由六百里諭令知之。○又諭前據和春奏甯國淮安兩處軍情。同時喫緊。於挑兵三千名赴援清淮之外。擬於金陵南北各營。抽撥精銳二千名。前往高淳。聽候鄭魁士調遣。本日據瑞昌等奏稱皖南賊匪竄陷涇縣。旌德甯國太平績溪等縣。廣德州探聞亦已失守。浙省杭州兩屬之昌化孝豐等縣。壤地均與毗連。賊氛漸逼。請飭和春等迅撥勁兵數千。兼程前進。以期保全浙江

門戶各等語。清江賊匪現因北岸援兵雲集。有由黃河南岸竄回老巢之信。是淮安軍情亦已解嚴。而浙省賊勢正在喫緊。不可不先其所急。該大臣先將派赴高淳之軍。飭令迅速赴援。保全兩浙門戶。查明清淮賊情稍鬆。即將前派赴援之軍。改赴高淳。並由大營酌量抽調勁旅。以資策應。毋稍延緩。至此次賊勢歸併徽甯。蕪湖巢穴空虛。並著該大臣等速飭總兵吳全美李德麟等迅督艇師緊攻

蕪湖。以期竄擾廣德等處之賊聞警回援。藉資牽制。將此由六百里諭令知之。○又諭本日據瑞昌等奏徽甯賊勢漸逼。浙境現籌撥兵防堵。並請酌調乍浦滿兵赴省協防一摺。皖南賊匪疊次竄陷涇縣旌德甯國太平績溪等縣。廣德州探聞又已失守。浙省杭州兩屬之昌化孝豐等縣。壤地均在毗連。亟應力籌扼堵。以防竄突。瑞昌等業經派協領賽沙春帶存城兵二百餘名。會同段光清與協防

局練勇五百名。截留江南新募勇一千名。一併統帶。即日馳抵餘杭。李豐一帶擇要布置。並據羅遵殿奏稱。已由總兵李定太。派令遊擊胡應元帶勇十名。前赴於潛昌化。駐劄該鎮。自督兵勇二千。探賊所向。迎頭截擊。其千秋關等處。並派同知程鍾英等招集練勇。以資守禦等語。所籌均尚周妥。李定太前在浙江總統軍務。甚為得力。著即專派該鎮調度諸軍。併力截剿。毋令該匪闖入浙疆。擾及完善之區。所稱酌調乍浦滿洲營兵四百餘員名。赴省調遣之處。即照所請行。至請飭和春等撥兵援應一節。前據和春奏稱。於金陵南北各營。抽撥精銳二千。前往高淳。聽候鄭魁士調遣。本日業由六百里寄諭和春。張國樞李若珠。令其酌量派撥勁旅。迅速赴援。俟此兵一到。即令會合李定太。周天受等。前後夾擊。迅掃賊氛。毋致滋蔓。將此由六百里諭令知之。○又諭。張芾奏。軍情緊急。請催協餉。並

請飭江西兵勇駐守建德。祁門各等語。賊匪竄陷涇縣。旌德後。太平甯國績溪等邑。相繼不守。江長貴業已統兵回駐徽州郡城。藉資扼剿。而祁門黟縣防兵。既經抽調一空。深恐池州賊眾復圖內竄。非獨皖事益不可支。即江西邊境。亦深虞竄突。總兵普承堯等。自克復建德以後。聲威稍壯。著憚先宸。即飭普承堯統率所部。及把總李濟元團勇。駐守建德。道員吳坤修一軍。移劄祁門。確探賊蹤。嚴密堵剿。毋任匪眾竄擾徽郡。兼顧江西門戶。其浮梁樂平等縣。凡與皖現毗連處所。應如何派撥官兵。以資防守。並為普承堯等後路聲援之處。並著憚先宸妥為籌辦。毋任疏失。至徽防餉需。前經憚先宸奏稱。每月由江西解銀三萬兩。現在皖事喫緊。且廣德州亦已失守。浙省邊防危急。恐難兼顧。徽餉所有江省應解餉銀。即著憚先宸迅速籌撥。源源接濟。毋稍延誤。將此由六百里諭令知之。○又諭。

本日據周天受奏賊匪竄陷廣德州城並派兵搶扼各要隘情形一摺已降旨將周天受交部議處矣逆蹤飄忽靡常意在直趨江浙以解金陵之圍現在太平甯國績溪等縣與廣德州城相繼失陷湖州蘇常各郡防務均形喫重四安鎮六洞橋兩要隘雖經參將周天孚副將黃金友等帶兵馳往力遏兩路正衝並由該署提督添派參將王興棠等督兵續往助防惟該處道路紛歧兵力尚嫌單薄

已諭令和春由江南大營酌撥精兵馳赴援應並據羅遵殿奏已飭李定太迅移衢防兵勇馳往湖郡交界地方相機迎截該署提督惟當先就現有兵力督飭在防將士嚴密布置毋令賊蹤繞越江浙境內至涇縣為徽甯兩郡往來要路亦宜設法疏通庶文報不致梗阻另片奏稱賊蹤飄忽恐其注意浙省擬親督勁旅入浙勦辦等語現在浙省已有李定太一軍迎頭截擊兵力足資堵禦甯國郡

城為皖浙緊要關鍵該署提督亦未可輕離重地惟當駐守郡城相機調度庶彼此可期兼顧將此由六百里諭令知之○以安徽廣德州城被賊竄陷督辦甯國軍務提督周天受下部議處○壬戌諭內閣寶鑒奏豫杜轉運流弊請嚴定章程一摺海運米石自天津驗收後沿途剝運弊竇叢生甚至有挾恨毆兵不遵約束等情迨經交部辦理罪止枷杖該經紀船戶等益無忌憚法輕情重殊不足

以警刁玩且此等案件交部後尤應迅速辦結上年十月間慶豐插官剝船駕掌賀九等暨十一月船戶李成等案據奏至今尚未咨覆著刑部迅將前送之船戶經紀等照該侍郎所奏比照監守自盜律加等治罪因漕米犯案各棍徒等比照兇惡棍徒律加等治罪並將擬定罪名詳細咨覆以憑覈辦嗣後該驗米大臣倉場侍郎等遇有此等案犯均著一面交刑部一面奏聞其另片奏請派員巡

緝大通橋朝陽門一帶偷漏等弊。即著步軍統領衙門。揀派參遊等員。督弁在各該處分段巡緝。實力訪查。以除積弊。而重倉儲。諭軍機大臣等。曾望顏奏請飭黔省辦理善後等語。四川酉秀邊界賊黨股數甚多。經曾望顏勦撫兼施。彭浩官軍已將首逆王帶周擒獲。現在專勦濯水一股。計日當可蕩平。惟王帶周前踞各寨。均係黔省印江婺川正安三縣所屬地方。川省官員祇能越境進剿。至撫綏地方。安插難民一切善後事宜。必須黔省地方官妥為經理。方不至再滋事端。重煩兵力。著海璘即飭印江等縣地方官。將被難居民認真綏輯。務使閭閻各安生業。儻該地方官不能得力。即行奏參。另派賢能之員前往辦理。將此由六百里諭令知之。○又諭本日。翁同書奏軍餉萬分窘乏。請飭催協撥等語。翁同書軍餉僅恃山西陝西河南每月各協撥銀二萬兩。現在南北江皖兩路軍威頗振。

翁同書一軍亦攻克鑪橋。進圖定遠。漸有起色。各營兵勇餉糈匱乏。枵腹堪虞。該省地方粵捻交乘。久經糜爛。既無可籌之款。若各省協撥銀兩再有遷延短欠。必致饑軍譁潰。貽誤不淺。著英桂譚廷襄瑛榮按照每月撥銀二萬兩如期籌解。毋得推延。將此由五百里各諭令知之。○安徽巡撫翁同書奏訊明已革前署全椒縣知縣胡鑑於縣城失守後潛往皖南投效各情。按律從重問罪。得旨該革員胡鑑被圍受傷已難憑信。迨縣城已失慮被拏問。因藉措貲就醫。擅自赴徽。律以私自離營立正軍法。亦屬罪所應得。乃翁同書斷以違制革職。毋庸議。並聲明失守一案另行查辦。不過為將來一奏留營。尚可續請開復。殊屬太輕。胡鑑著發往軍臺效力贖罪。以示懲儆。○署四川總督曾望顏奏請將本年四川秋審暫行展緩得旨。著即派該署司認真覈辦。不准率請展緩。以慎秋獻大典而免積

壓○以禮部尚書朱嶠兼署兵部尚書協辦大學士戶部尚書周祖培署管理戶部三庫事刑部右侍郎文俊署戶部右侍郎兼管錢法堂事務○以尋獲陣亡安徽布政使李孟羣遺骸賞千總沈國太花翎餘給頂翎○以安徽壽州擊退捻匪出力賞遊擊郭清標花翎鹽大使孫傳鈞等藍翎餘升敘加銜有差○以江南華子岡等處勦擊粵逆出力賞守備吳長慶等花翎軍功張登紳等藍翎都司

孟雲霞等加銜升補有差○癸亥春分朝

日於東郊

上親詣行禮○詣

東嶽廟拈香○幸圓明園○諭內閣僧格林沁恆福奏遴員遞署總兵副將一摺直隸宣化鎮總兵著金泰署理其所署山永協副將本係綠營員缺該大臣等請以山海關駐防右翼四旗協領伊克經額署理並聲明滿洲營員署理綠營與例未符惟因該處現辦防

務該員熟悉地方情形不得不量為變通以

資得力伊克經額著准其署理山永協副將

他處不得援以為例○甲子諭內閣前因戶

部官票所官吏交通舞弊當經降旨令載垣

會同刑部審訊並將各官吏家產派王大臣

查封茲據載垣等奏已革官票所掌關防員

外郎景雯等先後聽受筆帖式常祿書吏董

桂庭等賄囑用短號鈔換出長號鈔得受謝

錢常祿等又聽從已故員外郎色卿額自咸

豐八年秋間至九年春間向換鈔商民勒索

使費與書吏俞俊等分用該官吏等交通婪

贓舞弊殊屬膽玩所有已革員外郎景雯崇

貴筆帖式常祿鳳儀郎中宗室奕遷主事豐

瑞書吏俞俊歸瓚董桂庭各家產著原派王

大臣前往先行查抄入官俟結案時再行定

擬罪名色卿額起意勒索商民使費雖已病

故其家產貲財著派愛仁一併查抄入官至

短號整票兌換長號零鈔據忠麟王熙震等

供稱曾經回堂議准。惟日久未能記憶。所回何堂。著七八兩年戶部歷任各堂官據實明白回奏。不准稍涉推諉。○又諭前因喇嘛嘉木磋與那木喀呼圖克圖。口角爭執案內。牽涉已革貝子德勒克色楞。有誦念黑經之事。當將該已革貝子。交惠親王。怡親王。載垣。瑞麟。穆蔭。歸案訊辦。本日據惠親王等奏。該已革貝子到案後。有遣伊家人向承審司員託情等事。業經供認。惟於念經一節。堅稱係因祈禱母病。及問自己時運。餘情悉未承認。應即照現供擬結等語。德勒克色楞前因侵蝕賞銀獲咎。發往熱河。應如何悔過自新。乃復延請喇嘛念經。跡涉咀咒。致招物議。到案以後。復敢令家人行賄請託。並聽從獄卒串供。種種行為。實屬不安本分。罪有應得。若再發他處。難免別滋事端。著即照該王大臣等所擬。交刑部永遠監禁。已革扎薩克達喇嘛嘉木磋。因閤話忿爭。將那木喀呼圖克圖貂褂。

實錄卷三百八

十一

撕破。復將已往之事。撫拾訐告。意存挾制。著照擬革去喇嘛杖八十。徒二年。喇嘛扎噶拉噶爾畢圖們桑宋畧及杭噶拉。於阿木呢固爾通巴。念經時。有隨同誦念打鼓等事。均著照擬杖一百。其為德勒克色楞行賄請託之圖克濟扎布著革去梅勒。康喜即康古著革去二等護衛。均照擬杖九十。徒二年半。傳述供詞。及得受錢文之獄卒秦瑛。得著照擬答五十。鞭責革役阿木呢固爾通巴。為德勒克色楞念經時。所懸佛像。及供獻服飾。有異尋常。亦屬罪有應得。該犯業已病故。著毋庸議。那木喀呼圖克圖。於念經之事。既有所聞。輒敢有心徇隱。著即回原處。無庸在京當差。貝子索特那木色登家人。有應訊之事。該貝子延不交出。亦有不合。著交理藩院議處。嘉木磋等事犯。雖均在本年恩詔以前。惟情節較重。均著不准減等。在逃之薩布隴扎隆阿。著熱河都統。察哈爾都統一體嚴拏。勿令漏網。

實錄卷三百八

十一

其拏解阿木呢固爾通巴出力之佐領舒都
爾古筆帖式多毓委驍騎校依克津圖在京
當差出力之領催候補驍騎校佛克興阿均
著署察哈爾都統慶昫酌擬奏請獎勵另片
奏已革知府到案訊有得受謝銀之事定擬
罪名請旨等語已革湖南衡州府知府英桂
於章嘉呼圖克圖呈請進京輒敢聽受囑託
並事後得受謝銀四百兩著照擬勒限一年
追贓仍發往軍臺效力贖罪儻逾限不完即
從重發往新疆充當苦差無庸再請展限

實錄卷三百八

四

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之三百八

實錄卷三百八

五

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之三百九

纂修總纂官總纂日講起居注官太子太保工部尚書總辦傳文淵閣閣事翰林院掌院學士稽察欽奉上諭事件處詹事府詹事府掌印司書等處
大學士管理兵部事務加十三級紀錄十四次 實績奏不職等官監講官太子太保文淵閣閣事武英殿總纂官纂修總纂官等處
大學士管理戶部三庫事務刑部事務加二十三級紀錄十六次 周祖培總纂官太子少保管理內務府事務對引大臣軍機大臣
總纂滿洲副都統戶部尚書管理三庫事務加四級隨帶加五級紀錄十二次 寶家驊總纂官監講官詹事府詹事府掌印司書等處
遼寧文獻總纂官正監講官副都統禮部尚書管理太倉寺鴻臚事務加二級軍功加四級隨帶加八級紀錄五次 侯世璜等奉
敕修

咸豐十年庚申三月乙丑朔諭內閣前因

朝日壇行禮百官宗室世職章京未見陪祀當
令仁壽等查明覆奏茲據奏稱僅據吏部等
衙門開送收到職名並未聲明陪祀與否著
宗人府吏部禮部兵部都察院查明除另有
差使及例不陪祀各員外其餘應行陪祀未
到各員著開單參奏以儆怠玩○又諭王明
奏請添派大員會審交辦案件一摺王明現
在因公出省所有前派該將軍會審之盛京
刑部司員得贓賣放盜賊一案著改派煜綸

會同原派之倭仁景霖審辦驛丞陳五福京
控于國寶截扣馬乾銀兩一案著改派和潤
會同原派之倭仁審辦其餘各案即著原派
各員遵照前奉諭旨分案審辦毋庸另行派
員會審○又諭滿慶等奏班禪額爾德尼坐
牀受戒請派照料一摺班禪額爾德尼呼畢
勒罕現屆坐牀又值受戒之期達賴喇嘛尚
屬年幼未能前往前班禪額爾德尼披剃更
取法名時經呼徵阿齊圖呼圖克圖前往辦

理甚屬吉祥仍著派令前赴扎什倫布照料
坐牀受戒以示朕振興黃教至意○諭軍機
大臣等前因瑞昌等奏探聞廣德州城失守
請飭江南迅撥勁兵業經諭令和春等將上
次派赴高淳之軍飭令迅速赴援以固浙江
門戶茲據羅遵殿奏賊氛直逼浙境安吉城
內已有賊蹤毗連廣德之東平湖築有賊卡
二座李定太甫抵梅溪為大股賊匪所乘帶
傷折回湖州周天孚在四安鏖戰亦恐寡不

敵眾。杭湖情形危迫。請飭於江南大營撥兵。派鄭魁士督帶援剿等語。又據周天受奏。所派援兵。於四安迎剿獲勝。是羅遵殿所奏。不免稍涉張皇。惟浙江無素能用兵之將。所恃李定太督率調度。不料甫經出仗。即已受傷。退至湖州。本日又據和春奏。安吉亦已失守。鄭魁士帶兵四千。取道溧陽等處救援。又恐鄭魁士一軍。僅能進攻廣德。未能繞出賊前。又派副將會秉忠。參將羅希賢帶陸兵二千。名水勇一千名。戰船六十號。由蘇常馳往湖州堵剿。何桂清等復派兵一千一百名。長龍船一百隻。前往助剿。兵力不為單薄。但能調度得宜。無難埽蕩賊蹤。其高淳東壩。為蘇常門戶。因鄭魁士帶兵出援。另派朱永先。梁成桂帶兵四千餘名。分別屯劄。以固守要隘。所籌甚為周密。本日周天受摺內。有南陵灣黃如一撤防。賊必羣起而進。聯廣德為一氣之語。和春等諒必加意防範。不使該逆有隙可

乘。庶於救援鄰省之中。仍為自固藩籬之計。將此由六百里各諭令知之。○又諭羅遵殿二月初十四日兩次奏報。均於本日先後遞到。所陳杭湖危急情形。並請調援兵各等語。逆賊竄陷廣德。窺伺杭湖。並已闖入安吉。情形實屬喫重。所請飭令和春派兵援應之處。現據該大臣奏稱。已令鄭魁士統兵赴浙。並派副將會秉忠等統帶水陸官兵三十名。由蘇常徑赴湖州。合之何桂清所派三起官兵及長龍舢板船水勇。為數已屬不少。並據周天受奏。已派周天孚帶兵於四安獲勝。著羅遵殿即將前項援軍。飛提前進。速將安吉攻復。賊眾尚未深入。自不難於擊退。李定太素善用兵。此次尚未剗定營盤。猝然遇賊。以致受傷。退守湖州。俟江南兵到。仍令會同出剿。不可令其株守一隅。省垣防堵。固屬緊要。亦不可以有用之兵。徒為防守之計。總以迎賊截剿。使無竄入。庶足以保全完善之區。該

撫當統籌緩急。不可徒事張皇。其灣黃南陵防兵。據周天受奏稱。曾經該撫飭令由建平轉入四安。惟灣沚為江浙藩籬。一經撤動。則蕪湖青繁賊眾。必與廣德聯為一氣。大局更不可問等語。所奏不為無見。所有灣黃南陵等防兵。羅遵殿切不可輕率調度。致有疏虞。其甯軍餉需。並著該撫揀委妥員。由湖州取道梅溪建平。陸續解往。毋得藉詞延誤。張芾如能提兵援浙。固屬就近。但恐自顧不暇。已

諭令酌量緩急。抽撥協濟。所有徽甯二處援軍。俟抵浙境。統歸李定太調度。已諭知張芾等。飭令帶兵將弁。遵照辦理矣。曾國藩遠在皖北。未能赴浙。即江西兵亦恐緩不濟急。另片奏請截留漕米。以濟眉急等語。所有未經起運漕糧。准其截留數萬石。接濟軍民食用。先將截留數目具奏。至多不得過五萬石。一俟軍務稍鬆。即行籌補起解。將此由六百里諭令知之。○又諭周天受奏。四安官軍闌勒

獲勝。並滙陳南陵等處防軍。未可輕撤。一摺。逆匪由廣德州竄撲四安。經參將周天孚等督率隊伍。分路截殺。追奔二十餘里。得此勝仗。賊鋒自可稍挫。惟本日據羅遵殿馳奏。李定太劄營梅溪未定。被匪攻撲。突圍退守湖郡。又據和春等奏。探聞賊已竄陷安吉縣城。此時匪眾已繞出四安之南。逼近杭郡。省城待援孔亟。著即飛催周天孚督兵繞出賊前。迎頭截擊。現據和春奏。已派鄭魁士統兵四千。由溧陽一帶馳援湖郡。復派副將會秉忠等統帶水陸官軍三千。由蘇郡馳赴浙省。江蘇督撫又撥兵協濟。當足以資勦辦。鄭魁士赴浙後。高淳東壩和春已派兵扼守。至南陵黃池灣沚。亦為江浙門戶。況現在甯邑已失。甯郡可危。該署提督不可因羅遵殿咨調。遽將防兵撤歸浙境。又據羅遵殿奏。張芾咨稱。擬俟克復績溪後。親督勁旅。赴援浙江。惟徽郡情形。亦屬急迫。能否分兵出勦。著張芾酌

量情形。權其緩急。抽撥應援。如有得力將弁。可以管帶。張芾亦不必親自赴浙。至徽甯二處。赴浙援兵。俟入浙境後。統歸李定太調度。所有甯國軍餉。已諭羅遵殿。派委妥員。繞道起解。不得藉口延誤。將此由六百里各諭令知之。○又諭本日據袁甲三奏。克復清江。截勦定遠竄匪獲勝。並馬隊不敷分撥。各摺片。定遠逆匪。先聞清江之信。欲由東路渡淮。會合北捻。竄過戴家港一帶。經袁甲三迭次派

實錄卷三百九

十七

兵截勦獲勝。始由馬壩一路遁去。是否欲撲三河。據稱尚未探確等語。現在清江克復。定遠賊勢已孤。袁甲三正當乘此銳氣。會合翁同書一軍。緊攻定遠。迅速克復。次及廬州舒桐。期與楚軍聯絡一氣。肅清皖境。至袁甲三軍營馬隊甚少。現在馳援清江。不無疲乏。自係實在情形。所有山東撥去馬隊。准其暫緩調赴勝保軍營。惟皖豫境地毗連。現在豫省兵力較單。翁同書營中馬隊。既分往六安。願

上。恐難敷抽撥。著袁甲三隨時偵探。如果豫省有兵力不敷之處。即行酌量分兵協助。毋存畛域之見。將此由六百里諭令知之。○欽差大臣袁甲三奏。報克復清江。並截勦定遠竄匪獲勝。請復已革遊擊楊國正職。得旨。朕記楊國正係胡興仁奏留未允。經勝保奏請留營。暫停發遣。是該革員並未免罪。驟予開復。未免過優。又奏逆首龔長春壘請納款獻城。參領恆德都司李紹銘。赴天長縣城受降。

實錄卷三百九

十八

未知下落。批。雖係該員等易事輕進。汝為統帥。亦難辭疏於豫防之咎。○予江蘇清江浦陣亡佐領富珠隆阿。委參領巴青阿等。祭葬世職。○丙寅。諭內閣。前因吏部具題。失察書吏冒領俸銀之工部監印司員處分。本內有主事劉蓀等三員處分。尚須詳察覈定。降旨令吏部查明。並將工部查送職名。有無逾限之處。一併查明具奏。茲據該部奏稱。劉蓀係捐納候補人員。恩詔內例無加級。方縣有恩

詔加級。應准抵事前處分。葛桐銜。捐升知府。應於知府上降調。內閣照外官例。票擬雙籤。亦係照向來成案。辦理等語。所有失察各員。除有級可抵之前任郎中吉興阿。郎中岳興。陳士安。及恩詔加級。准抵事前處分之主事方驤。均著照例。准其抵銷外。其無級可抵之主事劉蓀。著降一級調用。捐升知府。分發浙江之前任主事葛桐銜。著該督撫。出具考語。送部引見。再降諭旨。其咨送職名。遲逾定限。

之工部司員。著查取職名。交部議處。查取遲延之吏部。委署主事隆瑞。候補主事楊兆運。均著交都察院議處。○又諭。前因軍務未竣。推廣捐例。節經戶部等衙門議准。親屬同官一省。捐免迴避。茲據吏部奏稱。行之日久。流弊滋多。著照所議。即行停止。其從前已經捐免各員。著各督撫。府尹。勒限三個月。飭令詳細呈明。如係指省之員。准其另指一省。各按原班序補。僅係軍務省分。不得另指無軍務

省分。以杜取巧。業經得缺各員。咨部以總督兼轄省分改掣。如無總督兼轄。及兼轄省分。或係本籍祖籍。即改掣鄰近省分。均歸不入班次。遇缺即補。未補缺各員。准其呈明戶部。將捐免迴避銀兩。改為加級紀錄。僅逾限不報。即照隱匿例。私罪議處。不准抵銷。以復舊制。而肅官方。○以奉天勸辦釐稅出力。予協領成殿鼐。知府多隆武。佐領崇善。花翎。餘升敘加銜有差。○丁卯諭。內閣。瑛榮奏。查明已

革知縣。受傷身故。並無逃避。捏稟一摺。前因御史王德固奏。稱已革河南武安縣知縣錢應昇。避賊捏稟。愁急病故。請將開復議卹之案撤銷。當交瑛榮確查具奏。茲據該撫查明。該革員實係帶勇禦賊受傷。越日身故。尚無飾詞。捏稟情事。錢應昇。仍著開復原官。交部照軍營受傷身故例議卹。○又諭。裕瑞奏。查明各城大臣。告病情形一摺。前任英吉沙爾領隊大臣烏勒欣泰。喀什噶爾辦事大臣固

慶阿克蘇辦事大臣海樸烏什辦事大臣保恆均著來京。俟到京後由各該旗察看具奏。○戊辰諭內閣禮部奏咨送會試箭冊遲誤。據實檢舉一摺。正白旗漢軍舉人閔中剛先經該旗將該舉人履歷造具箭冊咨送禮部書吏收文後並未回明該管司員註冊辦理以致該舉人未能驗看騎射顯係訛索不遂有意蒙混。所有禮部經手書吏著交刑部嚴審究辦。失察之司員著查取職名交部議處。

實錄卷三百九

十二

閔中剛著准其會試。俟場後遇兵部考驗各項人員之便補行考驗。○又諭內務府奏清查各州縣新編莊頭積欠錢糧並未完應徵租銀分別辦理一摺。直隸順天大興等四十九州縣新編莊頭自道光三十年至咸豐九年積欠租銀至二十萬四百餘兩之多。現經該衙門派員會同直隸順天委員查明積欠銀錢確數。所有佃欠並該州縣徵存未解各租著即照議由該總督府尹檄飭各該州縣

迅速傳佃追租。勒限兩箇月徵齊。交該莊頭承領。不准再行延宕。至該莊頭實未完銀十萬餘兩。於上年仍未交齊。並藉詞取巧。實屬狡猾。亟應從嚴懲辦。所有交過一成至八成之張善通等一百四十八名均著按成分限勒交。如限滿不完即著拿交慎刑司押追。其交不足成數之把雙符等十八名即著按名鎖拏來京。交慎刑司嚴追。其分釐未交之袁尚忱高成階于成傑高堦四名著該總督

實錄卷三百九

十二

府尹密飭該州縣將該莊頭家產一併查抄備抵。按名鎖拏來京。加等治罪。其承領地畝暫由該地方官收管。聽候牌取。儻胥役徇情縱放即將該州縣從嚴叅辦。催長文通慧祥吉陞承催毫無實效著先行摘去頂帶。責令會拏莊頭。如有一名漏網即著一律治罪。至該衙門牌取通州等三十九州縣欠租銀三萬七千一百五十餘兩屢催罔應實屬疲玩仍著該總督府尹嚴飭該州縣勒限六箇月

埽數徵齊。俟牌取委員到境。同本年租銀一併兌交。儻再延宕。即由該衙門指名叅奏。順義等七州縣。連年分釐未徵。著直隸總督順天府府尹。查取歷任順義懷柔密雲高陽平谷良鄉安州各州縣職名。先行交部照例議處。應徵租銀。勒限六箇月。全數徵齊。同本年租銀一併兌交。牌取委員。儻仍前抗違。即著從嚴叅辦。其催徵不力之歷任司員筆帖式等。著該衙門分別議處。以示懲儆。○諭軍機

實錄卷三百九

十三

大臣等。前因特普欽等奏。將鄂倫春牲丁。收羅團聚。分布要隘。當諭令將如何酌給口糧。不受夷人籠絡之處。妥議章程具奏。茲據該署將軍等奏稱。酌擬章程。繪圖呈覽。所有庫瑪爾畢喇爾。托阿哩。多普庫爾。五路鄂倫春。著即照所擬地方。令其環居游獵。以備緩急調用。阿哩多普庫爾。托三路鄂倫春。既移於內興安嶺以內。其嶺外呼倫貝爾卡倫之東。謨哩勒克一帶。地方遼闊。恐該夷窺伺。著即

責成該處附近游牧之新舊巴爾虎人等一體防範。並准其於額爾固訥河以下布魯河謨哩勒克河兩處。各添設卡倫一處。並在查邊要路。額勒霍訥河根河渡口處。各添設卡倫一處。加派官兵坐守。與呼倫貝爾珠爾特依卡倫會哨巡查。以期周密。該鄂倫春所食口糧。應行接濟。及挑備官員領催管束之處。均著照特普欽等所擬辦理。鄂倫春五路男丁。經此次指定地方。設法接濟。並每路挑備

實錄卷三百九

十四

官員領催等管束。即不得令其任意遠離。務須隨時稽查。毋令越限游獵。致為俄夷籠絡。是為至要。將此由四百里密諭知之。○以翰林院編修袁保恆發往安徽軍營。交欽差大臣袁甲三差委。○己巳諭內閣。御史恩霽奏。漢軍旗員。蒙混改入滿洲一摺。據稱翰林院侍講恩吉。係內務府正白旗漢軍人。其考取附生拔貢。中式舉人卷冊。均係漢軍旗籍。何以今竟歸入滿洲。難保無通同蒙混。擅改戶

檔情弊著禮部兵部內務府順天府將該員戶考各冊及箭冊中卷一併查明具奏○又諭巡城御史托克托布等奏巡捕營千總霍瑞祥自縊驗有冤呈牽涉刑部司官及營員交通舞弊婪贓曲法一摺著軍機大臣會同刑部嚴行審訊尋奏霍瑞祥恐被刑部傳訊受累遽萌短見其牽涉各情均已訊明擬結從之○諭軍機大臣等前據都察院奏山西民人馬敦五等呈稱絳縣銅山銅礦產苗甚

實錄卷三百九

十五

旺請自備資斧試行開採當經降旨著英桂派委妥員查看情形具奏茲據御史富稼奏稱查閱馬敦五呈內礦經私挖復請試行三箇月升課詞有閃爍素聞該民人等均非安分良民且非殷實富戶顯有影射之徒假公濟私等語著英桂按照該御史所奏各情嚴密查察該處礦苗如可採辦可否官為經理據實具奏毋任該民人等蒙混營私以裕鼓鑄而杜侵漁原摺著鈔給閱看將此諭令知

之○又諭前因官文奏稱都興阿病尚未痊

當諭令赴荊州將軍本任俟大兵東下再行帶兵會剿茲據都興阿奏懇請陞見等語現在楚師東征業已克復潛太甚屬得手都興阿著暫緩陞見俟病體痊愈仍遵前旨督率所部兵勇前進與曾國藩及湖北各軍會合夾擊以奏膚功實深殷盼將此各諭令知之○又諭本日據瑞昌等奏逆匪直撲省垣危急情形一摺皖南之賊由廣德進竄四安偪

實錄卷三百九

十六

近浙境業經和春等派兵赴援乃該逆竟由武康直撲浙省羅遵殿等登陴守禦事前既布置倉皇徒為守城之計並未派兵迎擊實屬無能之至覽奏殊堪憤懣據稱和春等續派副將向奎帶兵二千總兵張玉良帶兵二千周天孚亦管帶兵勇二千三百餘名進援浙省合之前派鄭魁士會秉忠所部六千名兵力亦不為不厚何以任令該逆逼近浙省恐各軍未能確探賊蹤以致節節落後著和

春張國樑何桂清迅速催令前進以解省城之圍瑞昌等現在固守待援務即激勵兵勇妥為防範米興朝統兵三千六百名已抵江口即可迎提協勦一俟江南援兵雲集即應內外夾擊痛殲醜類毋得株守省垣致成坐困之勢本日已諭令慶端等調兵二千名由閩赴援並諭周天受跟蹤追勦攻賊之背矣瑞昌等另片奏請飭乍浦副都統錫齡阿再派官兵四百名來省助勦等語此項官兵連

實錄卷三百九

十七

前調之兵共八百名即著瑞昌飛飭錫齡阿管帶赴省以資防勦協領祥瑞帶兵行抵塘棲既知省城危急竟敢折回嘉興實屬畏葸著先行摘去頂帶仍令帶兵赴省隨同勦賊如再不知奮勉即著從嚴叅辦將此由六百里加緊各諭令知之○又諭周天受奏西安又挫南陵獲勝一摺西安為入湖州正衝該逆以全力拌死圍撲我軍力竭無援以至四安五營被賊攻陷殊堪憤懣本日據瑞昌羅

遵殿等奏賊由武康徑撲省城現在嬰城固守情形萬分危急周天受惟當激勵將士奮勇直前由孝豐一路攻賊之背以解杭城之圍所陳甯餉缺乏請就近接濟餉需一節已諭譚光宸迅速撥解矣將此由六百里加緊諭令知之○又諭本日據瑞昌羅遵殿等奏賊由武康徑撲省垣存城兵勇無多現在嬰城固守情形萬分危急等語賊匪竄入浙境前調江南大營兵數千名尚未能全數到浙此時猝撲省垣非厚集兵力不足以資攻勦著慶端瑞璣迅速撥兵二千名派得力將領管帶探明就近道路馳赴浙江救援以解城圍毋許遲誤將此由六百里加緊諭令知之○又諭周天受奏甯國一軍欠餉過多請籌接濟一摺西安為入浙門戶扼守官兵因力盡無援又復挫敗賊已由武康徑撲省城情形萬分危急已飭周天受整頓各軍力圖前進以解杭城之圍惟甯國一軍欠餉過多軍

心已不甚固。勢難驅策。飢軍前進。著惲光宸無論何款。迅速籌撥銀數萬兩。趕解甯國軍營。以濟眉急。毋許遲誤。致干重咎。將此由六百里加緊諭令知之。○浙江巡撫羅遵殿奏報賊撲省垣情形。得旨。羅遵殿身任疆圉。乃事前既布置倉皇。徒為守城之計。迨賊蹤不遠。尚不知派兵迎擊。實屬無能之至。○庚午諭軍機大臣等。何桂清奏。嘆咈各酋呈遞照會。意存挾制。並鈔錄新聞紙呈覽一摺。嘆咈

各酋呈遞大學士公文。有欲令中華認咎。派員赴津迎接。及長駐京城。賠償兵費各節。大致相同。所言狂悖已極。已由軍機大臣照會何桂清轉覆該酋矣。所遞譯出該夷新聞紙。有嘆咈增兵共有三萬之眾。攜帶礮械等具。仍攻天津。並有於北塘左右得水勢深處。登岸直抄津口礮臺之後等語。雖不足深信。然嗜嚙嘶與嘶嚙嘶。狼狽為奸。其情兇狡。所言添兵。及登岸攻我礮臺之後。亦不可不防。

著僧格林沁。恆福。相度形勢。妥為布置。務使防禦周密。計出萬全。方操勝算。毋涉大意。原摺及所呈新聞紙。著鈔給閱看。俄酋伊格那提業幅。因吉林地界一事。不允所請。呈遞照會。有兵船數隻。欲來北塘。並有俄酋書信。求為由京送至上海等語。當經給與照會。將原信發還。現屆春融。如有俄夷兵船前來北塘。僧格林沁等。即告以原定和約。並無兵船前來之語。所立專條。係海口無事之時。方准俄

夷由北塘行走。現在海口設防。若隨帶兵船前來。則各國言語像貌。無從辨認。且恐別國冒充滋擾。僅被官兵誤傷。反失和好。勿得在海口逗遛。致多不便。該夷若以解送槍礮為名。駛至近岸。著仍遵前旨。令在攔江沙外停泊。由內地另派小船搬運進口。仍當嚴密防範。至在京俄酋聲稱。派人前赴北塘。難保不別生詭計。如果有俄夷由京來至北塘。著該大臣等嚴密查訪。拏獲。派人解京。毋令窺探。

虛實將此密諭知之○又諭和春等奏派兵援浙並江浦獲勝及何桂清等奏逆匪直撲杭州省城請速派督辦大員各一摺逆匪逼近杭州省城情形萬分危急和春等先後派援各軍已一萬有餘計可陸續趕到前有旨令李定太調度援浙諸軍現在該總兵在梅溪受傷折回湖州威望已失難資統率所有浙江軍務即著和春兼辦並著候補提督張玉良總統援浙諸軍其各省派出帶兵之員及浙江各軍均歸張玉良調度以一事權昨諭慶端等由福建迅派援兵二千取道前往浙省本日復諭令惲光宸飭令饒廷選帶兵赴援此項官兵到浙後一併歸張玉良調遣羅遵殿祇知固守省城並未派兵迎擊已非上策現將援救湖州各軍全數調赴杭州不知杭州之賊僅止一股大股尚在長興等處似此未知賊情必致墮其奸術朕深為繫念著和春等即飭張玉良督催諸軍迅解城圍

毋得遷延貽誤一面兼顧湖州保障蘇常毋得顧此失彼將此由六百里諭令知之○又諭何桂清徐有壬奏湖州軍情緊急并賊撲杭城請派大員督辦各一摺昨據瑞昌等奏逆匪由武康一路直逼杭州省城已諭令和春等迅催援浙各軍以解城圍並諭令慶端等調福建兵二千名馳往救援現在徽甯江浙各軍為數不少李定太梅溪一挫威望已失自應簡派大員以資統率本日已諭令和春兼辦浙江軍務所有援浙諸軍均歸候補提督張玉良總統俾事權歸一不致調度失宜逆賊兩次攻撲湖州均經我兵擊退自可無虞惟杭湖逼近江蘇浙省一經得手恐該逆另圖竄擾該督等現在籌防江蘇布置尚屬妥協著即認真堵截毋令闖入江境另片奏請飭江西接濟餉銀等語已諭惲光宸每月解徽州軍餉銀八萬兩矣該督等既知保全大局救浙救甯同一喫緊現雖催解江西

之餉。仍在月解數內。不能補浙餉之缺。自應由蘇省協甯。以免瓦解。俟將來軍務稍鬆。仍可停解。其援浙諸軍餉需。該督等已由江蘇墊發。尤應隨時接濟。毋稍遲誤。將此由六百里諭令知之。○又諭本日據羅遵殿奏軍情。愈緊。請飭鄰省協濟軍餉等語。浙省被圍。既患兵單。益虞餉絀。指日援兵雲集。各路民團募勇。所費數倍於前。現當防守喫緊之時。豈容以餉乏兵飢。致形決裂。著慶端瑞。無論

何款。撥銀十萬兩。迅速委員。探明道路。管解赴浙。以濟眉急。江西現當無事之時。惟已撥應徽甯軍餉。能否籌撥數萬兩。接濟浙省。亦當酌度情形。不分畛域。寬為籌備。方為妥善。本日復據張芾奏。請飭解徽餉。並飭總兵饒廷選。援浙等語。徽防軍餉。積欠過多。將虞譁潰。著惲光宸。飭令藩司毓科。仍遵前旨。按月籌解徽餉八萬兩。如數速籌接濟。並飛飭現駐浮梁之總兵饒廷選。率所部兵勇。星速赴

援浙江。以資攻剿。毋許遷延。將此由六百里各諭令知之。○又諭本日據羅遵殿奏軍情。愈緊。請飭鄰省協濟軍餉。並請將知縣暫行革留等語。皖南逆匪。擾入浙境。直撲省垣。該撫將援湖水陸各軍。全數調赴杭城。不識逆匪分我兵力。墮其術中。已屬調度乖方。而且主守不主戰。守近不守遠。株守省垣。致成坐困之勢。實屬無能之至。現在已命和春兼辦浙江軍務。並命張玉良。總統援浙官軍。所有

江浙徽甯官軍。悉聽調度。羅遵殿即飭令聽候張玉良調遣。勿庸歸李定太總統。該撫亦不得率行更調。致失機宜。此時惟當激勵將士。固守省城。一俟援師雲集。內外夾擊。以解城圍。安吉縣知縣陳鍾英。於縣城失陷後。尚能督同士民。於一二日閒。將縣城克復。尚知奮勉。著革職暫行留任。所請飭令福建。江西。籌款接濟。已諭慶端等。籌銀十萬兩。並諭惲光宸。酌量籌撥矣。現在援兵齊集。所有江南

援浙各軍。已由何桂清等墊給軍餉。該撫亦當督率司道各員。於本省可以籌餉之處。悉心籌畫。俾得源源接濟。不得以無著一詞。為將來冒銷地步。將此由六百里諭令知之。○又諭張芾奏派兵援浙。仍親駐徽郡。以顧門戶。一摺。皖南逆匪。攻陷武康。直撲浙江省城。存城兵勇無多。現在嬰城固守。情形萬分危急。張芾所派總兵米興朝。帶兵四千名。據羅遵殿奏。已行抵江口。其所派參將袁國祥一

軍。由水路進發。並著張芾飛催前進。與江南諸軍會合夾擊。以解杭城之圍。現命張玉良總統援浙諸軍。各路均歸調度。大兵雲集。無難立殄賊氛。張芾自應仍駐徽州。以固浙江藩籬。無庸親往。將此由六百里諭令知之。○命協辦大學士戶部尚書周祖培為會試正考官。吏部尚書全慶。禮部尚書朱崢。吏部右侍郎杜翰為副考官。○以兵部尚書穆蔭署吏部尚書。都察院左都御史沈兆霖署戶部

尚書。吏部尚書許乃普署管戶部三庫事。吏部左侍郎匡源署禮部尚書。刑部尚書趙光。署兵部尚書。候補侍郎黃宗漢署吏部右侍郎。內閣學士載崇署刑部左侍郎。戶部左侍郎文祥署工部右侍郎。兼管錢法堂事務。候補侍郎李嵩署禮部右侍郎。○以怡親王載垣署正紅旗漢軍都統。○以安徽衡陽防勦出力。賞總兵官鶴齡。安勇提督銜。千總劉厚和。巴圖魯名號。副總管德陞額。防禦桂林守

備劉玉章。知府顏培高。同知依勒通阿等。花翎軍功常海等。藍翎。餘升敘。加銜有差。○以克復安徽臨淮關。賞都司苗希年。巴圖魯名號。遊擊滕遇春。都司連福。守備徐士衡。知府秦榮等。花翎。知縣丁光德等。藍翎。餘加銜升敘有差。○以朝日壇陪祀未到。不入八分鎮國公綿壽等。下部議處。○予江南瓜子山陣亡都司曾陞。外委李朝清。祭葬世職。○辛未。遣官祭

歷代帝王廟○壬申諭軍機大臣等。昨據何桂清奏夷酋意在脅制夷商。並接收喚咈各酋。照會公文呈覽一摺。業經諭令軍機處。按照來文情節。分別咨覆該大臣。轉覆該酋矣。照會言詞。諸多狂悖。而尤於駐京賠費二層。曉曉置辯。可見其意所專注。強詞奪理。該大臣以覆文給予閱看後。即當飭令薛燦督同吳煦等。密諭華商。籠絡夷商。設法詳細開導。以期消患未萌。無論駐京一事。從前已說通。

融斷不能再准。即擇地居住之說。亦不可行。該國通商處所。皆有領事官住居。何又添出官員。住居不通商處所。道光年間。從無此事。亦不可行。至索償兵費一節。喚夷釁由自啟。本無賠費之理。且中國所費。豈止數千百萬。應向該夷索令賠償。除抵還四百萬外。尚須我給中國。惟夷情惟利是視。未必聽從。萬不得已。亦須將兵費二百萬抵償。其賠貨之二百萬。作為華商分年代賠。務令交還廣東省。

城。咈夷之二百萬。亦準此辦理。至增添口岸一節。除長江內固不可行。此外喚國所求牛莊。登州。皆與天津逼近。亦難允准。祇可照咈夷增潮州。臺灣一口。此外不增。如必不得已。喚國可再添其所請之瓊州一處。咈國可再添其所請之淡水一處。連潮州。臺灣。已共添四口。不為少矣。以上各條。何桂清等先勿宣露。應俟該夷悔罪求和。以為轉圜地步。如該夷等。於應行通融事宜。悉聽該大臣等斟酌。

各無異說。真心換約。方能援照咈夷成案。准由北塘行走。若欲大沽撤防。可告以中國設防。雖換約之後。亦不能撤也。其遊歷內地。及長江設立馬頭二條。該大臣等務當竭力消弭。蓋一與換約。即當永遠遵行。毋貽後日無窮之患。總之該夷此次照會。雖不露求和之意。已屬外彊中乾。其情大可想見。全在該大臣等迎機以導。妥為辦理。方不負朕委任也。如果該夷不聽開導。船隻竟行北駛。即著薛

煥馳驛來京不可耽延將此由六百里加緊諭知何桂清並傳諭江甯布政使薛煥知之○以陝西靖遠營副將成瑞為甘肅甯夏鎮總兵官○癸酉諭內閣徐有壬奏官犯不服起解請旨辦理一摺已革參將覺羅台斐音前因訐告虛誣發往新疆效力贖罪乃敢肆其咆哮不服起解實屬刁玩台斐音著即行鎖押起解毋任疏脫○以河南防河出力賞知府高應元鹽運使銜○以湖南疊次防勦

實錄卷三十九

七

出力賞副將翟國彥參將楊巖寶遊擊全祖凱巴圖魯名號遊擊趙太和都司李茂齡守備林柏同知王誥知州汪敷灝等花翎軍功袁玉章等藍翎餘升敘加銜給封有差予陣亡都司蔣得勝守備黃映魁千總張友煥把總唐占魁外委彭揚貴縣丞鄭其光巡檢徐正學訓導曹玉衡等九十七員祭葬世職生員吳國治等賞卹如例○予江南蕭縣清江浦陣亡副將高玉振巡檢宋逢庚外委魏永

剛驍騎校阿拉什祭葬世職○甲戌諭軍機大臣等勝保奏行抵豫省查知兵力單薄歸德等屬業經築立堡寨辦理團練擬就現辦章程再加整頓並於各鄉團內酌抽壯丁勤加訓練聽候徵調統俟慶廉到後籌商妥辦等語已諭令該副都統照議辦理矣抽丁訓練事屬創始必須派委賢能員弁分投督辦以免有名無實口糧等項須各州縣就地籌捐藉資接濟儻有不肖莠民借端滋事亦須

實錄卷三十九

七

地方官妥為彈壓消患未萌均著慶廉會商妥辦至勝保慮事權不屬呼應不靈嗣後除地方尋常事件勝保不得與聞外其關涉軍務事宜應催應參均著勝保與慶廉會辦以重事權至軍營餉需並著該撫督飭藩司源源接濟毋使支絀將此由六百里諭令知之○又諭本日據勝保奏行抵豫省籌辦情形並請添調營員馬隊各摺片業經降旨將武員佟煊等三員准其發往差委矣豫省境內

現已一律肅清。而江皖豫三省交界。皆係賊
圩。難免時出窺伺。勝保以關係一軍數千兵。
尚嫌單弱。不能不借助民團。現擬遴員分赴
歸陳各屬。照瑛榮前辦章程。按團抽丁。勤加
訓練。並於完善各府縣。籌捐糧米。計口授食。
所籌自係為整頓防務起見。著照所議。會同
新任巡撫慶廉。妥為辦理。總期著有成效。足
資敵愾。均不可有名無實。至團勇能否調赴
軍營。仍著體察輿情。酌量辦理。逆捻現在廣

實錄卷三百九

三

聚邳宿北路防剿。正當喫緊。豈能將得力勁
兵。分撥赴豫。所請飭調馬隊千名之處。著毋
庸議。勝保現於豫省各標。挑選精兵。並另募
北勇訓練。惟當籌現有兵力。會合關係等軍。
由亳州一帶。直搗賊巢。亟圖埽蕩。俟皖省軍
務稍鬆。則傳振邦袁甲三兩軍內馬隊。尚可
通融分撥。毋庸瀆請。將此由六百里諭令知
之。○命總管內務府大臣明善。辦理
萬年吉地工程。○以克復安徽績溪縣城。予守

備張泰忠等獎敘。免知府劉兆璜。知縣王峻
等疏防處分。○以安徽涇縣等處防堵不力。
撤升用總兵官楊名聲。勇號。並與副將羅承
勳等。併革職留營效力。

實錄卷三百九

三

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之三百九

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之三百十

恭修禮部官鑒題日滿起居注官太子太保上書房總師傅又閣閣學士翰林院學士詹事府詹事上書房侍從史館修撰官武英殿

大學士管理兵部事務加十三級紀錄十四次官費積重奉曉諭官太子太保文蔚閣閣學士武英殿修撰官武英殿

大學士管理戶部三庫事務管理刑部事務加二十三級紀錄十六次官費積重奉曉諭官太子少保管理內務府事務對引各庫庫大使

銀監總局總辦戶部尚書管理庫事務加四級隨帶加五級紀錄十二次官費積重奉曉諭官武英殿修撰官武英殿

通國史館總纂官正藍旗蒙古都統理部尚書管理太常寺鴻臚寺事務加二級軍功加四級隨帶加八級紀錄五次官費積重奉

教修

咸豐十年庚申三月乙亥

孝賢純皇后忌辰遣官祭

裕陵○諭內閣戶部奏閩省茶稅延不奏報請

旨飭催一摺福建省徵收茶稅前經戶部奏

准令將所繳課銀專款存儲每屆三月奏報

一次並節次隨案奏催勒限奏報迄今仍未

據該督撫奏報有案以致無憑查覈實屬遲

延難保無侵漁中飽情弊著慶端瑞璜迅即

遵照該部前奏速行造報毋稍徇隱並先行

查取遲延各職名送部覈辦該督撫當嚴飭

各稅員認真經理將所徵稅銀封存聽候部
撥不得以辦理軍需為詞任意開銷儻再含
混宕延即著該部查明奏○又諭工部奏
捐修城工費與奏案不符查明請旨一摺前
因甘肅捐修城工將該督等交部議敘免其
造冊報銷茲據工部奏稱各省捐修工程勸
辦請獎即與動款無異豈可漫無稽察致滋
冒濫且此項工程銀數在五百兩以上未據
聲明保固限期費與該部奏案不符所有甘

肅省捐修城工一案仍著造冊報銷並將陝
甘總督樂斌此次議敘撤銷毋庸交部議處
○福建水師提督楊載福奏策應江南水師
布置江面事宜得旨所請飭令和春抽調師
船著軍機大臣存記遇有江南廷寄附便諭
知○展普濟堂功德林煮賑兩月加賞稔米
二百石○丙子諭內閣前據瑞昌羅遵殿等
馳奏皖南逆匪由廣德進竄四安並從武康
縣直撲杭州省城當諭令和春兼辦浙江軍

務並著候補提督總兵張玉良總統諸軍迅速馳往援浙。方冀大兵雲集立解城圍。乃羅遵殿事前布置倉皇竟墮賊計。本日據和春何桂清等馳奏。二月二十七日逆眾在清波門暗掘地道將城轟塌三十餘丈。蜂擁入城。滿洲營官兵接仗殺賊眾寡不敵以致杭城失陷等語。覽奏焦憤實深。和春等疊次所派援兵為數已及萬餘何以全未趕到。著和春張玉良查明各路帶兵員弁如有託故遷延

即立予正法。現派王有齡署理浙江巡撫並著會同張玉良督飭諸軍迅圖克復。其在城文武各官下落著和春何桂清王有齡迅速查明具奏。○又諭和春奏營弁強姦擅殺請革職拏問等語。貴州定廣協都司陳定安赴廣東招勇行至茂名縣謝雞圩地方輒敢在歇店持刀強姦民婦並將該民婦家屬及店夥等六人一併捆殺。訊據供稱在歇店被竊銀兩並無殺人之事情節支離實屬目無法

紀案關營員逞兇姦殺虛實均應徹底根究。陳定安著即革職拏問。由江蘇解赴廣東著勞崇光督同臬司歸案嚴行究辦以儆官邪。○諭軍機大臣等本日據扎拉芬泰等奏接裕瑞等函稱浩罕所屬提拉依地方有托古達買州等帶領五六百人劉住又阿克蘇所管卡拉巴哈地方住站布魯特進山勾結探聞浩罕已派倭里罕托古達買州帶兵五千於二月間前往冰嶺截官兵來路等語。葉爾

羌官兵毆斃浩罕額爾沁一案曾據裕瑞等奏明審結現在該浩罕派兵前來意圖報復是該大臣等前派阿奇木伯克寄信與浩罕伯克並未能折服其心辦理殊未妥協該浩罕稱兵犯順虛實雖未可知必須豫為籌辦著裕瑞等一面設法曉諭該夷俾自知理曲不致別滋事端一面不動聲色妥為防範並安撫各處回民毋令勾結為患仍隨時與扎拉芬泰會商妥辦總期消患未萌以安邊圉

而弭兵端。將此諭令知之。○又諭據扎拉芬泰等奏。請飭催甘省欠餉等語。甘肅省欠解伊犁三成俸餉。不下百萬之多。前經部議。山西陝西等省。報解甘餉。約計三十萬兩。行令撥給伊犁。並催各該省各撥銀十數萬兩。限三日內湊齊。如數解甘。此項專撥銀兩。迄今未據甘省轉解。該將軍屢次咨催。亦無回音。是否已分撥各處。抑或尚有未到。現在浩罕使臣額爾沁等。在葉爾羌滋事。被弁兵毆斃。

聞浩罕業已派兵。欲往冰嶺阻截官兵。難保不因此起釁。南路各城。設有蠢動。所需行糧一切。無可支發。貽誤非輕。著林揚祖無論何款。先行籌撥銀數十萬兩。派員解赴伊犁。並查明山西等省。專撥伊犁餉銀三十萬兩。如已解到。即行起解。兼程前進。並檄飭前途台站。毋得刻延。以濟要需。將此由五百里諭令知之。○又諭和春。何桂清等。杭州毗連蘇省。為財賦之區。斷不容該逆久踞。致誤東南大

局。和春現既兼辦浙江軍務。著即與張國樞。何桂清。王有齡。通盤籌畫。一面進攻杭城。一面嚴截竄路。毋令擾及附近各處。力保完善之區。並咨催前調閩兵二千。及饒廷選所部兵勇。迅速赴浙。以厚兵力。其米興朝一軍。已到江口。即可飭令攻城。蘇州與杭州。唇齒相依。據何桂清。徐有壬奏。已募上海礮船四十隻。派員帶赴嘉興一帶。迎頭進擊。並飭蔡映斗等。嚴扼由浙入蘇之路。務即嚴密布置。毋得臨事倉皇。江蘇藩司籌辦大營兵餉。責任綦重。著何桂清。徐有壬。保奏一員。先行署理。候旨簡放。所有杭州文武下落。著和春等查明具奏。再前因官軍攻克沿江賊壘。及九洑洲賊巢。諭令官文等。飭楊載福水師。與江南水師。互相策應。茲據該提督奏稱。水師應仍在蕪湖以上。巡扼沿江要口。隨時截擊。俟陸兵會齊。攻復安慶後。相輔東下。僅金陵尚須礮船。請飭和春。將蕪湖以上紅單師船。調往

下游等語。楊載福水師。既專防蕪湖以上一帶。所有紅單師艇。即可調赴下游。俾呼吸相通。互為策應。著和春等體察情形。酌量辦理。將此由六百里加緊各諭令知之。○又諭。和春奏各路軍情緊急需用軍火浩繁。請飭河南山東陝西。趕解火藥足數。並請再行奏撥等語。現在江南圍攻喫緊。兼須接濟皖省江北清淮等處。近因杭湖甯國軍情同時緊急。需用孔殷。自應亟籌撥解。著慶廉文煜。譚廷

襄。迅速將前次所欠該營火藥。趕緊如數解足。一面再行各撥火藥十萬斤。擡槍五百桿。烏槍一千桿。擡槍烏槍鉛丸各三萬斤。派委妥員飛飭起解。至江南軍營。以濟急需。毋稍延誤。將此由六百里各諭令知之。○欽差大臣和春奏報杭城失守情形。得旨。覽奏焦憤。資深。疊派援兵。有無託故遷延。著查明正法。○命欽差大臣和春兼辦浙江軍務。甘肅肅州鎮總兵官候補提督張玉良。總統援浙諸

軍專辦浙江軍務。○以江蘇布政使王有齡署浙江巡撫。○丁丑。

上御勤政殿聽政。○詣清夏齋問。

如皇貴太妃安。○諭內閣。和春何桂清等奏江南援兵會同杭州駐防官兵克復杭州省城一摺。覽奏實深欣慰。杭州省城於二月二十七日被賊攻陷。杭州將軍瑞昌堅守駐防之城。與賊鏖戰。候補提督張玉良親督官兵星夜遄行。本月初二日馳抵大關。初三日早出

賊不意。將武林錢塘門外及昭慶寺賊壘全行掃蕩。瑞昌調派八旗官兵。縋城攔剿。斬獲甚多。張玉良挑選奮勇緣城而上。瑞昌亦督隊登城援應。我兵大隊一擁登城。會同旗綠官兵將城隍山校場等處屯聚逆匪斬馘殆盡。遂將杭州省城克復。杭州將軍瑞昌於省城被陷後尚能堅守駐防城。至六日之久。以待援兵會同克復厥功甚偉。著賞穿黃馬褂。並賞給二等輕車都尉世職。候補提督張玉

良出奇制勝。於兩日內克復杭城。實屬謀勇超羣。著賞穿黃馬褂。並賞給騎都尉世職。署浙江巡撫。王有齡密告機宜。籌濟軍火糧餉。不遺餘力。著補授浙江巡撫。迅帶兵勇。馳赴浙省。勦除餘匪。辦理善後事宜。欽差大臣江甯將軍和春。兩江總督何桂清。派兵援救。不分畛域。深堪嘉尚。均著先行交部從優議敘。江蘇巡撫徐有壬。著交部議敘。衢州鎮總兵李定太。汀州鎮總兵米興朝。赴援杭州。遷延不進。殊堪痛恨。著即革職。留營效力。仍著瑞昌等查明。如有畏葸退縮情事。即著嚴參治罪。其在城文武官員下落。並著瑞昌。王有齡。迅速查明具奏。○諭軍機大臣等。昨據和春等奏。廣德長興。增添逆黨。若不截其來路。必至皖南之賊。麇聚於浙。雖省城已復。而到處蔓延。亦屬可慮。廣德州是否尚為賊踞。現派何員攻勦。四安為入湖州正衝。參將周天孚等。前次挫敗。恐不足恃。鄭魁士帶兵四千。由

溧陽馳赴宜興。自應迅速前進。克復長興。熊天喜一軍。經王有齡商令。如杭州無須添兵。即由嘉湖開道。攻復德清。著和春即飭該提督等。探明賊蹤。奮力攻勦。不得稍涉遷延。致有貽誤。江西饒廷選一軍。本日復諭。憚光宸。仍令其兼程赴浙。歸瑞昌。張玉良等調遣。以資攻勦。其孝豐武康之賊。亦應一律掃蕩。毋令久踞。和春距浙較遠。何桂清等與浙密通消息。易通。正可就近策應。王有齡現授為浙江巡撫。責無旁貸。所有浙省應防應勦事宜。著即與瑞昌。張玉良。悉心籌辦。以副委任。羅遵殿等。或稱殉難陣亡。或稱救入駐防城中。詳細情形。著瑞昌。王有齡查明具奏。臬司段光清。防守獨松關。迨武康失守。折回救援。省城何以一聞杭州被陷。即與副將王邦慶。退保海甯嘉興。顯係聞警先逃。著瑞昌等查明。嚴參懲辦。蘇常等處防務。仍著何桂清。徐有壬。妥為布置。毋稍大意。將此由六百里加緊

各諭令知之○又諭前有旨令總兵饒廷選率所部兵勇星速赴援浙江以資攻勦復據惲光宸奏分兵馳援浙江已飛飭署九江鎮總兵文瑞統帶兵勇二千餘名前赴杭湖應援等語現經和春派令張玉良馳赴杭州會同瑞昌將入城賊匪擊退杭州省城尚未失守惟城外尚有餘賊著惲光宸即飭饒廷選星速帶兵前赴杭州協同駐守省城統歸瑞昌張玉良調度所有文瑞統帶之兵毋庸前往杭湖著即留於江西浙江交界地方扼要駐劄嚴防賊竄餘匪擾及鄰境以固邊圉將此由六百里諭令知之○又諭文煜奏東省餘兵餉米銀兩連同前欠請飭部覈議准於正項內支給覈銷一摺山東省添募餘兵經軍機大臣會同戶部議覆所需月餉令該撫另行籌款支給茲據奏稱自粵匪蔓延額設兵丁節次奉調外出存營出汛之兵不數分防是以陸續添募餘兵此時勢難裁撤所需

口糧無款可籌請將每季餘兵餉米銀兩連上年冬季欠發之款一併在於正項內支給覈實造冊報銷等語現在庫款支絀兵丁設有定額豈能於正額之外添設餘兵東省兵丁雖經節次調出而空額虛糧積習相沿恐復不少著文煜嚴飭各營詳查缺額兵數即將此項餘兵照數補足從前失察員弁免其置議僅有支飾即行嚴叅並嚴定限期勒令補足如逾限不能補足即著該撫據實叅辦

果能於限內趕緊補足額數仍准其開復如此嚴定章程庶於兵丁不致再有缺額餉米銀兩亦無庸於例外開支致形缺乏又據奏兵勇勦匪失利等語據稱蘭山縣東莊寺地方聚有六七百人身穿號衣懸挂腰牌賊目兼戴頂帽經費縣知縣周鵬會營迎勦初次失利旋雇募壯勇調集鄉團復行整隊出擊賊即向蘭山一帶逃逸此股匪眾無論是否擒匪及散勇亟應悉數殲除勿令勾結土匪

日久擾害地方。著文煜即飭黃良楷督同地方官嚴扼該匪竄路。會合兜剿。務期聚而殲旃。本日據御史陳濬奏。捻蹤逼近山東。請飭江蘇山東督撫各於本省兵勇內籌派數千名。選派大員在豐碭適中之地分立兩大營。互相援應。遇有竄賊即時截擊。其如何嚴密布置之處。令該督撫與督辦諸臣悉心商辦等語。現在江南兵勇調赴援浙。正當喫緊之際。東省防兵除德楞額黃良楷郝上庠分路防堵外。亦無餘兵可調。若令移劉豐碭之間。山東腹地必轉致空虛。著文煜知照德楞額並飭令黃良楷郝上庠各探賊蹤。遇有警報即行督兵出境迎頭截剿。與傅振邦互為聲援。毋得株守東境。致令匪蹤紛竄。將此由五百里諭令知之。○蠲免福建甌甯建陽順昌龍巖沙將樂永安歸化德化甯洋安溪崇安浦城政和松溪長汀甯化清流連城永定邵武光澤泰甯建甯大田興化莆田仙遊晉江

南安惠安龍溪南靖詔安平和南平尤溪武平永春三十九府州縣暨汀州邵武興化馬港四廳溪口州同嵐下麻沙仁壽永和里泉上里羅漢峽陽縣丞所屬被擾地方新舊額賦○展五城煮賑一月。仍加賞各廠米每日各一石。○予山東蘭山勦匪陣亡千總王壽椿外委段繼先祭葬世職。○戊寅清明節上詣

安佑宮行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵

昌西陵

慕陵

慕東陵○遣官祭

孝德皇后殯宮○遣官祭

端慧皇太子園寢○諭內閣前因

朝日壇行禮應行陪祀未到各員當降旨令吏部等衙門查明參奏茲據吏部禮部兵部都

察院先後查明覆奏所有單開未到各員除另有差使及先期送冊注病各員免其議處外其餘陪祀無故不到及臨期告病道阻遲延各員均著交各該衙門照例議處其已經陪祀漏遞職名各員均著交各該衙門察議是日查取職名之御史毓通王憲成未能查明即時奏著交部議處○又諭載華等奏請飭催春季餉銀並懇於永濟庫暫借銀兩以資接濟一摺

東陵兵役歲支餉銀著准其於永濟庫租銀項下暫借一箇月錢糧俟各州縣將本年春餉解到即行按數扣歸原款並著直隸總督恆福嚴飭遵化等各州縣將本年春季兵役應支餉銀未折等項並前欠各季劃撥錢文票銀一併趕緊申解近年應解兵餉屢有拖欠殊非慎重之道如再任意遲延即著嚴行參辦並將該督藩等一併議處○又諭恆福奏請於山海關地方試辦抽捐一摺山海關為

東三省往來要道商賈絡繹著照所請即照奉天法庫門現辦章程酌量辦理所有貨車標銀應收捐項按照稅關日報造冊彙解其糧食車輛馱子等均照所議設立公所並設局收捐以免偷漏該督即飭該管地方官隨時體察認真稽查總期商賈樂從胥吏無從滋弊方為妥善○又諭羅遵殿奏浙省仕途過雜請嚴行舉劾以肅官方一摺所有該撫保舉之西防同知孫夢桃玉環同知黃維詰

同知李壽椿候補知縣薛時雨廖宗元均著送部引見再降諭旨其奏劾之候補知府顧準尖巧猾利難勝表率之任著以通判降補相廬縣知縣左煊辦事顛預不洽輿情著以府經歷降補候補知縣范先疇委靡不振著以縣丞降補候補同知馬桂林嗜利營私候補知縣楊德淵有玷官箴候補縣丞余廷荃聲名狼籍杭州府西路場鹽大使周鼎成黃灣場鹽大使金晉釗公事廢弛均著即行革

職○諭軍機大臣等僧格林沁恆福奏遵旨相度地勢妥為布置一摺所稱北塘後路有馬步各營該夷不能直抄礮臺之後辦理自必妥協所料該夷情形亦能洞悉此次接收該夷給大學士照會業經何桂清允其轉遞以後難以拒絕至前諭何桂清喫咈二夷應議各節必須在上海說定方准其照味夷之例辦理並非令其至北塘再議也儻該夷駛至大沽海口不投照會徑闖礮臺毀我防具

該大臣等自應開礮轟擊痛加勦洗或該夷假投遞文書為名仍欲拆毀防具闖入大沽亦不可不加懲創若該夷投遞文書並無桀驁情形著恆福派員前往接收看其如何措詞如已在上海議定並未帶有兵船即酌量允其代奏若語言狂悖別有要挾即行拒絕告以應回上海與辦理通商之欽差商議此地不能接收儻該夷恃強狂悖即可置之不理若仍有意尋釁直攻礮臺亦即督兵轟擊

如此分別辦理不致過激使該夷無所藉口方為妥協其間操縱機宜該大臣等務須臨時斟酌辦理若該夷已遞照會並無悖慢之詞又無毀防情形該大臣等即督兵轟擊使該夷有所藉口更激其決戰之心亦必惟僧格林沁等是問山東監生譚維清所呈地圖說既於海口不宜應毋庸議譚維清不必令其回籍著暫留該大臣等軍營差委將此密諭知之○又諭前因瑞昌等奏請飭乍浦

副都統錫齡阿。再派官兵四百名來省助剿。當有旨。令將此項官兵。連前調之兵共八百名。著瑞昌飛飭錫齡阿。管帶赴省。以資防剿。茲據錫齡阿奏。前調官兵四百名。已派員管帶。赴省應援。現存駐防官兵。不敷調遣等語。乍浦地方。濱臨海口。民情浮動。實係緊要之區。既據稱存兵不敷調遣。所有應行調赴應援官兵。除前次業經赴省之四百名外。其續調之官兵四百名。著即毋庸派往。現在杭州

省城業已克復。錫齡阿亦毋庸前往。即在乍浦嚴密防範。認真巡緝。安撫居民可也。將此諭令知之。○以勦辦滇匪出力。賞都司尹士超等花翎。餘升敘有差。予陣亡遊擊張萬祿祭葬。世職如總兵官例。雲騎尉馬彪龍得雲守備楊朝貴。吳宗漢。千總耿文廣。伍遇春。把總閔紹烈。外委董世泰等。祭葬。世職。○補鑄廣西富賀營都司關防。從巡撫曹澍鍾請也。○已卯諭內閣。前經降旨。令各省將軍督撫。

毋庸來京祝嘏。茲據慶端奏。請入都隨班祝嘏。所有該督應行陛見之處。著緩至本年秋冬。察看地方情形。再行具奏。至各省將軍督撫。接奉前次諭旨。均毋庸再行奏請祝嘏。以省虛文。○諭軍機大臣等。杭州省城現雖克復。而近城地方。賊蹤未盡掃蕩。長興等邑。城池尚為賊踞。即著和春飭令張玉良。督飭各路援兵。克復各城。毋庸留餘孽。其廣德一州。地關三省衝要。若不克復。則蘇杭等處。防不勝

防。據和春奏。探報杭州敗匪。多赴廣德。亟應撥兵截剿。惟鄭魁士傷疾舉發。已令劉季三帶兵四千前往宜興。為進攻長興之計。又因流洞橋為通溧陽要隘。聚賊不少。另派馮日坤前往進剿。所籌均屬周密。惟廣德州係屬要路。尚應添兵實力合圍。速圖恢復。毋令賊匪久踞。庶幾蘇杭得保無虞。再金陵軍營派出援兵。為數較多。深恐逆匪乘機竄撲。仍著和春等嚴密防剿。一俟長興等邑收復後。即

可將赴援各軍漸次撤回。將此由六百里諭令知之。○又諭官文、胡林翼奏分兵援應浙江一摺。據稱因接羅遵殿咨知浙事危迫。亟謀救鄰之策。飛撥候選知府蕭翰慶挑選精壯衛勇三千人。並韋志俊義勇三千人。飭令蕭翰慶管帶。問道馳援浙江。如果事勢更急。再行遴員募勇備援各等語。足見該大臣等敵愾同仇。不存畛域之見。惟浙江杭州省城二月二十七日失陷。後旋於三月初三日經

張玉良等會同瑞昌等攻復。現在餘賊退踞廣德等處。江南各路援兵亦已足數。勦辦楚省各軍。現當分道入皖。攻勦喫緊之時。若以得力勁軍分撥赴浙。深恐兵力空虛。致形鬆勁。所有蕭翰慶管帶之衛勇義勇。即著仍留楚省。為入皖勦賊之用。毋庸改道赴浙。如業已啟程。並著官文等迅速飛咨令其折回本境。將此由六百里諭令知之。○又諭張芾奏浙省軍情緊急。米興朝潰退富陽。先請交部

嚴議。並請派重臣督師一摺。浙江省城於二月二十七日被賊用地雷轟陷。將軍瑞昌等尚堅守駐防滿洲城待援。昨據和春等馳奏。已於三月初三日經江南派往候補提督張玉良會同瑞昌等督兵克復。米興朝救援杭城。遷延不進。已將該總兵革職留營。所帶之兵與援浙各軍均歸張玉良總統。並諭令瑞昌等查明如有退縮情事。即行嚴參治罪。現在浙省敗殘餘匪勢必各路分竄。張芾即當

飛飭派往嚴州之前任杭嘉湖道孫觀會同該地方官鼓勵鄉團。隨地截勦。並於徽郡交界處所派兵截擊。毋令闖入徽郡。再致蔓延。至浙省長興、武康、孝豐、德清等縣。現皆失守。所有米興朝一軍。並江西派援之饒廷選一軍。均須留交張玉良調遣。俟克復各縣後。再行撥歸。將此由六百里諭令知之。○湖南巡撫駱秉章奏。審明已革守備向東昇前赴永州。實係請兵請餉。並無畏葸逃棄情事。惟疏

防汎地失守。應請革職。得旨。審結營弁之事。因何不會總督銜。況南省設有提臣。巡撫不兼銜。著明白回奏。○以河南按察使賈臻為布政使。南汝光道邊浴禮為按察使。○以浙江嚴州協副將安貴為衢州鎮總兵官。○以接遞克復浙江省城捷報。賞奏事官員外郎福善。兵部捷報處員外郎國英。花翎。委署主事。鈕昌等。藍翎。予兵部郎中振興獎敘。○以浙江省城被陷。旋即克復。賞副都統來存。頭

品頂帶。已圖魯名號。○賞江南江甯投誠勇目秦禮。國石。定邦等。四五品頂帶。花翎。秦錫言等。六品頂帶。藍翎。○以援浙不力。責令已革總兵官李定太。米興朝。戴罪自效。革副將向奎職。留營效力。○舉行九年貴州大計。卓異官五員。罷輟官一員。年老官一員。有疾官一員。分別議敘處分如例。○補鑄浙江巡撫關防。兩浙鹽運使印信。○予浙江省城殉難巡撫羅遵殿。署布政使王友端。道員繆梓。祭

葬世職。○予湖南陣亡遊擊谷代維。都司王洪貴。守備劉峻福。千總陳步方。把總黃楚漢。外委劉時開等。七十三員。祭葬世職。○庚辰諭內閣。胡林翼奏。臬司審轉命案。改擬失當。請交部議處一摺。湖北民人蕭汶秀。毆傷胞叔蕭恆禮身死一案。前經軍機大臣覈議。駁正。所有該省承審審轉各員。應得處分。業經吏部照例議奏。茲據胡林翼奏。稱署當陽縣知縣黃鐘鳴。承審此案。以蕭汶秀並非有心

干犯。依律擬罪。照例夾簽。署荊門州知州黃昌輔。武昌府知府如山。均照該縣原擬審轉。本無錯誤。前任按察使莊受祺。誤會為有心干犯。刪去聲請夾簽。實屬改擬失當。請將莊受祺交部議處。該撫未能細心覈辦。並自請議處等語。所有此案處分。著該部另行覈議具奏。○辛巳諭內閣。和潤奏。會審案件。查有弊竇。懇請另派大員查辦等語。盛京內務府鑲黃旗驍騎校王際德等。婪贓舞弊一案。於

咸豐八年九月內有人奏參降旨交王明會同盛京刑部訊辦。茲據和潤奏稱。此案係將軍衙門主稿。久懸不結。既未添傳人證。又未將阻止恆謀考試一事研究弊竇。該承審司員等所擬奏底有保舉王際德之詞。而於處分不肯敘入情弊。已屬顯然。解任驍騎校王際德著即行革職。承審官協領烏爾棍珍恩齡。佐領董廣和。員外郎悟勒德濱英。均著暫行解任。另派倭仁。煜給。提集人證。卷宗。秉

公研訊確情。按律定擬具奏。務須水落石出。以成信讞。和潤即著毋庸會審。至和潤前奏盜犯董克信等及抱合土等兩案。亦經特交王明等查辦。何以該將軍於年終具奏未結各案摺內。將此兩案現辦情形。漏未聲敘。難保非該衙門承辦官員。從中舞弊。意存掩飾。王明有無受其蒙蔽。並著倭仁。煜給。詳細查明。據實具奏。毋稍徇隱。○又諭。滿慶等奏。察木多兩造逞兵仇殺。委員帶兵彈壓息事。並

現辦情形一摺。工布汪曲與察木多因案控訴。結連博番。抗不赴傳。復與察木多互相仇殺。兵聯不息。經滿慶等派令委員候補知縣李玉圃前往丹達。帶同噶布倫宜瑪崙珠。親赴兩造營盤開導。該番目陽奉陰違。仍於附近居夷處所焚搶。博窩境內之宿木宗。宇茹棍噶朗三處第巴。復添派番兵。至巴里郎地方。助工布汪曲滋事。經該委員檄調碩板多。工布江達等處土兵。分布要隘。剴營控制。隨

與噶布倫。帶兵赴巴里郎。面諭博番頭目退兵。該番目仍肆鴟張。經該委員與噶布倫等。派兵設伏。於該番目來營要挾時。將各番目立時捆縛。並砍斃從番五人。餘眾及被捆縛番目。始悔罪乞命。聚眾撲營之番眾。亦經伏兵截回。其噶朗等三處各第巴。亦經該委員等豫派弁兵。齎帶賞件。檄諭撤兵。該第巴等旋即遵檄。令巴里郎番目。撤兵出境。各歸牧所。察木多兩造番眾。現已震懾。兵威。情願退

兵歸案聽審。辦理尚屬妥協。所有全案人證。著即派兵押赴藏中。秉公審斷。以昭慎重。○又諭滿慶等奏。喇嘛專差進貢。懇請援案由四川進京一摺。班禪額爾德尼呼畢勒罕。於本年十月坐牀後。專差已雅爾堪布呈進丹書克貢物。具見惻忱。著准其援照成案。仍由四川進京。以示懷柔遠人至意。○以援浙不力。革協領祥瑞職。副都統錫齡阿。下部議處。○予江蘇清江浦陣亡道員吳葆晉通判沈

鴻。祭葬世職。○壬午。

上詣

安佑宮行禮。○諭內閣。前因御史恩靈奏。參翰林院侍講恩吉。以漢軍旗員。蒙混改入滿洲。當經降旨。令禮兵二部。內務府。順天府。將該員戶考各冊。及箭冊中卷。一併查明具奏。嗣據禮部等衙門。查覈冊卷。先後覆奏。該員之父松齡。係在內務府呈請改歸滿洲。由內務府行文吏戶禮等部。一體照辦。本日據內務

府奏。松齡於咸豐二年六月呈稱家譜內載始祖奇希圖。係原任三等侍衛。隸滿洲康傑達氏。與八旗氏族通譜內所載相符。是以准其更改。茲復詳查戶檔所載人名。間有不符。無憑查考。並調查官存松齡家譜。籍隸漢軍康姓。係由恩謹起。並無奇希圖之名。再查八旗氏族通譜。奇希圖名下。僅有正白旗人字樣。而無包衣字樣。質之松齡。亦無實據可指。但認糊塗。願甘治罪等語。松齡身任職官。於

譜系並未詳查。僅以跡涉疑似。率行呈請更改籍貫。殊屬不合。惟係業經革職之員。有無應得罪名。著該部查覈具奏。翰林院侍講恩吉。更改籍貫。雖由伊父主持。難保不因滿洲中額較寬。希圖僥倖。實屬取巧。著交部議處。所有松齡恩吉及同時呈改籍貫之郎中惠齡等九員。著一併改歸內務府漢軍籍貫。前任內務府堂官並內管領等於松齡呈改籍貫時。並未詳究原委。奏明辦理。但據松齡一

面之詞。率行咨部更改。殊屬草率。著查取職名。交部議處。吏戶禮等部未經駁查。亦屬疏漏。堂司各官。並著一併查取職名。分別議處。○又諭。理藩院奏請將科爾沁扎薩克圖謝圖王旗爭襲貝勒世爵一案。飭交盛京將軍審辦一摺。圖謝圖王旗貝勒旺楚克林沁因病出缺無嗣。所遺世爵。據哲里木盟長卓里克圖王巴圖呈報。在於伊弟敏珠爾色登達木林旺濟勒二人內。指定一人承襲。該已故貝勒旺楚克林沁之母噶魯瑪復以敏珠爾色登係屬庶出。不應襲職。赴理藩院具控。經該衙門札飭該盟長巴圖查辦。雖經取具扎薩克及近支台吉印甘各結報院。惟結內出語仍多含糊。且未將噶魯瑪及近族台吉等並無爭競甘結取報。其各台吉族人結稱達木林旺濟勒曾給與台吉布彥德勒格爾泰養一節。該盟長亦並未能查有確據。現復據噶魯瑪以冤抑等詞。赴理藩院呈控。此案該

盟長巴圖未能詳細查究。致噶魯瑪兩次京控。著交王明會同倭仁提集案內應訊人證。卷宗秉公訊究。覈實辦理。以重世爵而杜爭端。原任貝勒旺楚克林沁之母噶魯瑪著該衙門飭令即赴盛京聽候傳質。○禮部以宗室會試中額請得旨。取中二名。○以安徽潁州辦理招撫出力。予副都統銜烏爾棍布。以副都統用。賞知州陳之琦參領郭明阿。都司柏雲錦花翎。委防禦常凌等。藍翎。餘升補加銜有差。○以堵禦安徽潁上擒匪出力。開復吉林副都統麟瑞。河州鎮總兵官吉順革職留任處分。○癸未。上幸靜明園。詣龍神廟拈香。○諭內閣。載華等奏職官毆斃胞姪。請革職審辦一摺。防禦富隆阿身係職官。因胞姪巴彥布不服教訓。輒用木棍毆打致傷。越日身死。富隆阿著即革職。解交刑部審訊確情。按律定擬。所有巴彥布之妻關那

氏披甲德克登額著一併解部備質。○諭軍機大臣等袁甲三奏請仍令穆騰阿統帶馬隊並添調吉林黑龍江餘丁各等語袁甲三軍營馬隊向歸穆騰阿統帶若遽易生手接管深恐難資駕馭該都統現在幫辦軍務所有軍營馬隊著仍由該都統管帶以利攻剿至吉林黑龍江馬隊頻年徵調為數已多勢難再行派撥雖添調餘丁止三百名而一切整裝等項銀兩需費不貲勝保前請亦未允

准著毋庸議定遠賊勢已衰著即會同翁同書一軍迅速進剿毋再遲延天長一縣久為賊踞揚州兵力未必能遠攻袁甲三當早籌克復以免東竄現在清江竄匪一律肅清著該大臣體察情形分撥精兵進規天長迅圖克復惟彼處與六合相為犄角當約會江北各軍同時進攻六合以免此剿彼竄將此由六百里諭令知之○欽差大臣僧格林沁等奏通籌全局請在各省設法勸捐以實部庫

而裕軍儲得旨所請晉豫東三省勸捐接濟京防各餉實因顧全大局起見現在指撥派撥以及藥稅加成各項京餉奏咨嚴催勒限起解何啻至再至三該督撫等自應激發天良督飭藩司源源撥解以京師為重若再加以續捐三百萬多多益善豈不更覺充裕然各省勸捐數載於茲恐未必如前踴躍況那東補西不過變一名目而已著戶部認真查覈現不應撥京餉已解若干再行奏明嚴催

以期有益兵民僧格林沁等所請實屬可行惟應於此三省續捐數內劃撥京餉幾成海防經費幾成或先儘海防有餘再行解京一面嚴催各項京餉以清眉目勿得專顧目前致各省以勸捐為由轉置正撥於不問希冀寬免嚴議至應派道府大員以專責成俟部議奏上時再行分別寄諭○以兵部尚書穆蔭署步軍統領○修張家口駐防兵房從都統慶昫請也○甲申諭內閣前因翁心存杜

翻再行回奏。均稱司員並未將兌換寶鈔之事。回堂當諭載垣等。再訊忠麟。王熙震。有無實證確據。茲據奏稱。覆訊忠麟等。供稱約略記得。回過翁心存。杜翻並無證據等語。此案以短號寶鈔。兌換長號寶鈔。其時價值雖未有低昂。但係更改舊章。自應回明各堂。立彙辦理。乃忠麟等僅稱回過翁心存。杜翻其餘堂官概未回明。亦未立彙存案。辦理本屬錯誤。何得以影響之辭。意存諉過。惟翁心存等。

在部有年。即或當時疏忽。何以鈔價既有低昂之後。仍屬毫無覺察。是忠麟等同堂一節。雖無確據。而該堂官於部務漫不經心。實難辭咎。翁心存。杜翻均著先行交部議處。無庸再行回奏。亦無庸傳訊。其餘失察之戶部各堂官。著俟定案時。一併查取職名。交部分別議處。○又諭。恆福奏。請將催納屯糧暨撥運兵米。辦理不善之署知縣。分別議處查辦一摺。直隸署龍門縣知縣盧天澤。下鄉催徵屯

糧。如果善為開導。何至鄉民聚眾抗違。乃該署縣以稽查保甲。將未造戶口草冊之鄉約。嚴訊掌責。以至該鄉民懷疑聚眾。先後入城毆傷書吏。闕堂拒捕。實屬辦理不善。盧天澤業經撤任。著先行交部議處。署赤城縣知縣余啟咸。撥運獨石口駐防兵米。雖經徧諭紳耆。由官墊發運腳。又傳諭改期開倉。惟尚有南鄉村民聚眾抗運。究屬未能整頓。業經撤任。著即飭令回省。聽候查辦。並著該督飭令

口北道親提現獲各犯。嚴行審訊。是否刁民藉端聚眾滋鬧。或書吏人等。查有抑勒苛派情弊。一併從嚴懲辦。以肅吏治。而儆刁風。○以內閣學士慶英。署兵部右侍郎。○以禮部尚書麟魁。署鑲黃旗漢軍都統。鑲白旗滿洲副都統載岱。署鑲白旗護軍統領。○以江南援軍克復浙江省城。賞遊擊蘇如松。劉登元。參將張應祿。守備王玉林。王少卿。龔占鼐。巴圖魯名號。把總楊昌明。向玉舉。五品銜花翎。

餘復官加銜有差

年庚申

事

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之三百十

清 實 錄 咸豐十年三月下

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之三百十一

欽修
咸豐十年庚申三月乙酉
上詣
大高殿行禮○還宮○諭內閣浙江按察使段
光清前因賊匪竄入浙境經巡撫羅遵殿派
令帶兵防守獨松關迨賊撲杭州省城折回
救援乃因省城失陷即藉詞接仗失利與副
將王邦慶退至海甯嘉興顯係聞警先逃茲
聞杭城克復仍即來省種種奸猾情形實屬
罪無可逭段光清著即革職拏問交和春何
桂清王有齡嚴行審訊從重定擬具奏王邦

五五五

慶係杭州協副將何以與段光清一同退避該員現在何處並著查拏一併懲辦諭軍機大臣等本日據瑞昌等奏克復杭州省城詳細情形各摺片該將軍所稱羅遵殿於城陷時與妻女一同殉難羅遵殿之妻係何氏其女幾人羅遵殿王友端繆梓葉堃馬昂霄李福謙等是否殺賊遇害抑係在署自盡均未明晰聲敘仍著查明詳細具奏此外同城之錢塘令及文武各官有無被害及逃避出城情事並在城紳士被難者若干著一併詳查分別奏參請卹杭城雖已收復餘匪竄至餘杭據奏已派兵進剿其長興孝豐武康德清各縣均未收復急應撥兵分剿前據和春等奏擬令熊天喜一軍規取德清此外各縣尚未據奏派何人前往攻克和春遠在江南鞭長莫及即著瑞昌張玉良王有齡會同籌商迅速辦理即如前調之饒廷選一軍計已到浙即可派令與米興朝等軍分投掃蕩攻

克四縣不令久踞蔓延至廣德為浙江門戶已諭令和春調度總期迅速克復以免賊匪踵至張玉良著即留於浙江督辦軍務以資得力臬司段光清當省城失陷之時輒與副將王邦慶出城茲聞克復即已回省居心實不可問已明降諭旨將其革職拏問交和春何桂清主有齡查辦該將軍等現令該員兼署藩篆自係為一時乏人起見惟此等劣員斷難姑容前令何桂清等於江南遴選明幹道府數員赴浙幫辦地方事宜所有司道等缺即可酌量委署以專責成將此由六百里諭令知之○又諭勝保慶廉奏擒匪竄擾豫疆逼近省垣請調馬隊助剿並聞東路擒匪尚圖擾害清江請飭防範等語擒匪於三月初七八等日竄至商亳交界之營廓集等處至十二三等日已至睢州遂擾及蘭儀通許現在省垣五六十里之外已有匪蹤窺探賊勢固屬剽疾而豫省地方文武所司何事竟

聽匪眾長驅直入關保駐劄鹿邑何以於該匪犯豫時並未派撥官兵截剿致擒眾得以深入尤出情理之外現據該副都統等奏稱業已調派兵勇分投迎擊即著勝保等督飭弁兵實力堵剿務將此股逆匪悉數殲除無任蔓延儘不速行勦辦致汴梁或有疏虞或竟由豫北竄則責有攸歸前降諭旨甚明朕惟有執法懲治不能寬貸至請調吉林黑龍江馬隊一二千名等語現在北路情形勝保

豈不知悉何尚曉曉瀆請勝保在皖時馬隊官兵不少乃自護城等處屢次敗績傷亡甚多請卹時分為兩次意存掩飾尚留百餘名交袁甲三奏請議卹其中吉林黑龍江將領已屬不少兵丁尚不在內以東三省勁旅因調度無方致令紛紛戰歿言之實堪痛恨嗣後勝保軍營如須酌添馬隊著與傅振邦商酌分撥應用所有請調之處著不准行至清江經賊蹂躪已成熟路據勝保奏探聞有再

行竄擾之說亦不可不防即著傅振邦田在田勤加偵探儘實有東竄消息務即派撥勁兵嚴行扼截並飛咨德楞額黃良楷等一體截剿毋任再有蔓延將此由六百里各諭令知之○又諭本日據勝保慶廉奏擒匪大股竄入豫境擾近省垣現籌布置情形一摺據稱擒首劉狗孫葵心等大股竄至商亳交界於三月十二三等日由豫省睢州境內分股向蘭儀通許一帶擄掠馳行甚捷現在距省

五六十里之白邱等村已有賊馬窺探豫省兵力單薄能否遏截尚無把握已飛札大名鎮道督兵赴考城防堵並咨會河督黃贊湯嚴防黃河等語擒匪竄入豫省勢甚猖獗直隸大名一帶逼近賊氛防務最關緊要恆福即飭大名鎮道督率在防官兵出境截擊毋令闖入畿疆致滋生蔓並著僧格林沁恆福勤加探訪儘賊蹤已渡黃河即由僧格林沁等於天津防兵內酌派馬隊精兵馳往截剿

以杜北竄。將此諭令知之。○調江蘇按察使湯雲松為浙江按察使。以記名按察使王夢齡為江蘇按察使。○予浙江杭州殉難知府馬昂霄知縣李福謙協領扎勒堅圖賽沙魯佐領薩音納靈志防禦貴祥驍騎校成剛榮亮志善哈哈善。清海祭葬世職。勇目蕭雲貴卹加等。○准山西臨汾洪洞吉孝義豐鎮繁峙解芮城絳趙城聞喜霍十二廳州縣歉收地方。出借倉穀。並緩石玉保德甯遠陽曲太平曲沃虞鄉臨汾霍靈石十廳州縣。應買補節年平糶。暨借碾兵米穀石。○丙戌論內閣倭仁景霖奏。特參故員虧短倉米。提拏丁書人等嚴訊究辦。一摺。前任奉天鐵嶺縣知縣廣勳。經管倉儲米石。漫不經心。致令徵變至八千九百餘石。又復擅行變價九千八百餘石。殊屬膽玩。且難保非藉詞徵變。有那移侵蝕情弊。亟應確切根究。著即提拏該故員家人暨書吏人等。嚴訊究追。以肅功令。而重倉

儲。所有該故員廣勳寓所貲財。即著嚴密查封。其在京有無房屋貲財。著該旗都統一併查封備抵。○又諭。玻崇武奏。監斃盜首遺失屍骸。請將玩忽之知縣。交部嚴議。一摺。此案盜犯德安德林俊彥行劫殺人。業已處斬梟示。惟盜首莽喀在監病故。仍應戮屍。乃發掘棺木。並無屍骸。密雲縣知縣王寶權於案情未定之日。率行飭令屍親領葬。已屬疏忽。事後復不嚴密訪查。究問地保。顯係有心卸責。王寶權著交部嚴加議處。仍責令該縣將地保尹德等嚴行審究。查獲莽喀屍身。照例戮屍。屍媳鄂氏供稱具領並未歸葬。亦難保非潛行移埋。意存掩飾。玻崇武雖無統轄地方之責。然於此等重案。豈可顛預了事。即著玻崇武督飭協領等將鄂氏覆加嚴訊。務得實情。以成信讞。○諭。軍機大臣等。前因賊擾清江。所有失守地方衙署之文武各員。均有應得之咎。降旨令何桂清等查明嚴參。現在清

江雖已克復。然聞桃源宿遷一帶。民不畏官。恃強搶奪。總由地方官見賊先逃。致為百姓藐視。此風斷不可長。況昨據勝保等奏。東路擒匪。尚圖擾及清江。雖係探報之詞。而該匪曾經竄撲。路徑已熟。且恐土匪從中勾結。更宜先事防維。著何桂清會同聯英。查明失守之文武各員。從嚴叅辦。勿令債事之員。忝居司牧。以致民不畏法。貽患地方。俟查明應劾各員後。即揀派幹員。分往接署。以專責成。其

實錄卷三十三

八

清淮一帶防守事宜。即著妥籌布置。勿至臨事周章。至淮徐道王夢齡。昨已簡放江蘇按察使。該員在任年久。於防守地方及籌撥軍餉事宜。尚為得力。著何桂清等體察情形。如有堪以接任之員。即飭王夢齡前赴新任。僅一時接手乏人。即將王夢齡奏請暫留徐州。所有江蘇臬司。該督撫另行派員署理。將此由五百里各諭令知之。○以克復安徽全椒縣城。賞知府李元忠。巴圖魯名號。千總劉士

貴等花翎。餘加銜升補有差。○丁亥。

上耕耤詣

先農壇行禮。更服至耤田所。

躬耕三推。復加一推。

御觀耕臺。命禮親王世鐸。睿親王仁壽。醇郡王

奕譞。各五推。吏部左侍郎德全。署戶部尚書

沈兆霖。禮部左侍郎文惠。署兵部左侍郎畢

道遠。刑部尚書趙光。工部左侍郎潘曾瑩。都

察院左都御史綿森。通政使司通政使奎章。

實錄卷三十三

九

大理寺少卿吉成。各九推。畢。順天府府尹。率

農夫終畝。賞資農夫耆老如例。○詣

關帝廟拈香。○幸圓明園。○諭內閣。前因四

川提督萬福。統兵勦辦筠連等處匪徒。行抵

距敘州三十里之牛市壩後。藉口添兵。遷延

不進。以致匪眾直撲敘城。當將該提督革職。

交有鳳查辦。茲據曾望顏奏。查明萬福馳往

勦辦時。帶兵無多。經各路分撥。營中存兵。僅

三百餘名。不敷迎勦。因請續調兵弁。尚非藉

口兵單有心玩誤等語。萬福勦匪遲延。雖事出有因。惟以統兵大員。不能迅埽賊氛。咎無可辭。且年逾七旬。難期振作。業經革職。著毋庸置議。並著該署督。飭令回旗。毋許逗遛。諭軍機大臣等。前因浙省軍情緊急。諭令憚光宸。於江西省撥銀數萬兩接濟。本日據毓科奏。江西防兵未撤。現復分兵援浙。援徽需餉較鉅。兼需協解。會國藩等營軍餉。所有浙省餉需。難以兼顧。現僅籌銀三萬兩解往。至

實錄卷三十一

十

徽州二三兩月。及閏三月。餉銀業已提解銀九萬兩等語。浙江省城雖已克復。而長興等縣。尚為賊踞。援兵需餉浩繁。雖有江蘇協濟。恐不敷用。江西壤地毗連。未容稍分畛域。著毓科再行酌量籌撥。解往接濟。至徽甯軍餉。每月需銀十餘萬兩。向由浙江撥解。此時浙省自顧不暇。設或防軍飢潰。大局將不可問。所有江西協餉。仍著每月撥銀八萬。該護撫務須實力籌畫。毋得稍涉推諉。致有貽誤。將

此由五百里諭令知之。○護江西巡撫毓科奏。漕糧折價請暫緩解部。得旨。覽奏殊屬可惡。所請斷不准行。仍照部議。分別辦理。戶部知道。○命翰林院修撰章鑒。在上書房行走。○戊子。諭內閣。載垣等奏。請將值班先行散歸之貝子。議處一摺。昨日貝子綿勳。在圓明園出班時。並未與棍楚克林沁面晤交替。已刻先行散歸。實屬有違定例。綿勳著交宗人府議處。又據綿勳奏。因感受風寒。懇請賞假

實錄卷三十一

十一

一摺。著毋庸賞假。又諭。前因工部寶源局監督張仁政。自縊。派令瑞常。沈兆霖查辦。旋經瑞常等查明。前任監督奎麟等。照擬斬監候。勒限追贓。並將前任監督嘉興府知府瑞琇革職。歸案審辦。茲據瑞常等奏。據瑞琇供稱。前在監督任內。因試鑄鐵錢。招商採買煤炭。經伊族弟瑞璘。向伊為民人宋丕富代求充商。並未應允。嗣因鑪頭願為具結。遂發給執照。宋丕富充商後。其時鐵制錢昂貴。將所

領鐵制錢。易換錢票。得有餘錢。分送局員人等。該革員得過錢二萬七千三百四十吊。供認不諱。瑞琇身任監督。輒敢收受商人錢文。至二萬七千餘吊之多。實屬目無法紀。與奎麟等情罪相同。著照所擬斬監候。勒限一年追贓完贓。後發往新疆效力贖罪。該革員犯事。雖在恩詔以前。不准援減。瑞琇。宋丕富。應得罪名。俱准其援減。奎麟。瑞琇。均係京察一等人員。所有原保之刑部工部各堂官。著查

實錄卷三十三

七

取職名。交部照例議處。○諭軍機大臣等。據勞崇光奏。近日夷務情形。請飭布置防範等語。所稱喫喇夷兵。陸續由本國分赴香港上海等處。與何桂清等探聞之詞。大略相同。惟據稱商人密報。該夷有馬隊二千。將赴山東利津海口登岸。由武定府陸路直赴天津各等語。該夷多帶馬匹。遠涉重洋。似無其理。然所歷閩廣浙蘇等省。隨處可以買馬。亦難保必無其事。山東省兵力單薄。前據文煜籌辦

海防。擬令青州適中之地。駐劄重兵。以備開警策應。其各海口未能設備。利津毗連天津。既有所聞。自應早為布置。著僧格林沁。即派妥員前往。察看情勢。應如何扼要守禦。使其不能深入之處。妥籌辦理。一面飛咨文煜。知悉可也。勞崇光原奏。著鈔給閱看。將此密諭知之。○直隸總督恆福奏。嚴禁私銷私鑄。並查潞津等處。尚無私錢攬雜。得旨。現雖查無前項弊端。仍應嚴密訪查。私鑄或無。私銷必

實錄卷百上

七

有。但不可畏難苟安。恐成巨案。若能破獲多案。並可寬免失察處分。酌予獎勵。以示觀感。將來設有此等案件。可將此硃批於摺疏內載入。○予廣東南雄州百順司陣亡巡檢束炳泰。祭葬世職。妻曹氏等。分別旌卹如例。○乙丑。諭內閣。綿勳奏。因病仍請賞假一摺。貝子綿勳。前日在圓明園出班。未俟交替。即自散歸。被叅之日。始行請假。當經降旨。交宗人府議處。並著毋庸賞假。綿勳自應靜候該衙

門議處。何以復具摺請。著再交宗人府議處。仍毋庸賞假。○又諭吏部奏遵議張芾疏。防處分一摺。都察院左副都御史張芾督辦皖南軍務。本年正二月間。賊匪疊陷涇縣。廣德州等數城。以致闖入杭州。實屬咎無可辭。姑念賊匪由甯國一帶竄出。張芾遠在徽州。亦當防勦喫緊之際。著暫行革職。仍責令督辦皖南軍務。以觀後效。至周天受以武職大員。駐紮甯國。當賊匪竄陷廣德時。未能實力

實錄卷三十一

十四

堵截。尤難辭咎。周天受著革職留營。並革去巴圖魯名號。毋庸交部議處。仍責令督兵。將廣德涇縣等城。迅圖克復。以贖前愆。○又諭前據理藩院奏書吏馬林升勒索哈密吐魯番進貢回子銀兩一案。當交穆蔭會同刑部審訊。茲據理藩院奏。筆帖式文明稟呈書吏馬林升家。有該院堂印白空片一件。請飭訊究等語。理藩院印片。何以該書吏得以私藏。著交刑部歸案究辦。尋奏馬林升需索回子

銀兩屬實。其空白印片。係文明挾恨誣陷。應請將馬林升發邊遠充軍。文明從重發新疆效力贖罪。從之。○諭軍機大臣等。陳孚恩成琦奏。江浙海運商船陸續抵津。請飭該省糧道。迅速赴津辦理一摺。江浙兩省抵津米船。現已有二百三十餘隻。正在驗收喫緊之時。各該糧道既未抵津。亦未據報啟程日期。此後米船連檣北上。辦理乏人。經費又無所出。著何桂清。徐有壬。王有齡。即飭各該糧道迅

實錄卷三十一

十五

速兼程前赴天津。毋任稽留。致誤運務。前據羅遵殿奏。截留附省各縣漕米數萬石。運赴省城。此項米石。有無被賊焚劫。著王有齡查明具奏。浙江三批以後漕船。應否即行放洋。著何桂清查看上海情形。知照該撫與蘇省一律辦理。至杭城雖已克復。長興等四縣尚為賊踞。瑞昌等並未奏及派兵前往勦捕。此時王有齡已抵浙省。著即與瑞昌張玉良等商。迅派得力兵將往勦。務將失陷各縣次第

克復。毋令蔓延他處。江蘇與浙省唇齒相依。著何桂清就近籌畫策應。資助兵力。非獨兼顧浙江。亦以自固疆圉。至廣德為浙江門戶。賊氛一日不靖。則江浙一日不安。前經諭令和春等力圖攻克。毋令該逆久踞。並著何桂清王有齡查明該州現有何員督兵攻剿。能否得力。知照和春張國樞迅速調度。將此由五百里各諭令知之。○又諭前因勝保等請調馬隊。諭令與傅振邦商酌分撥應用。本日

實錄卷三十三

十六

據奏。近省捻股悉數擊退。折竄西南。仍請飭調馬隊一二千名赴豫助剿等語。捻匪竄偃河南省城。經勝保親督弁兵截剿。該匪半由睢州回巢。半由西南鋌走尉氏。並探聞孫葵心大股逆眾復欲由潁陳西竄。勝保督辦豫省軍務。兵力固屬稍單。亦視調度是否得宜。該副都統等現經招集降眾一千餘人。可以助戰。前奏按戶抽丁。諒亦早經辦理。務當實力兜剿。將該捻就地殲除。不得株守省垣。致

令紛竄。所需馬隊著遵照前旨。於傅振邦軍營通融分撥。不得再行瀆請。關保駐劄鹿邑。何以於擒匪竄豫時並未派兵截擊。及至賊已深入。始由睢州赴援。是否年老遲鈍。或該員平日有懼怯情形。即著勝保會同慶廉據實奏。另簡幫辦之員。以資得力。毋令坐誤事機。此次出力將弁准其先行存記。俟續有勞績。肅清豫境後。彙案保奏。候朕施恩。將此由六百里諭令知之。○庚寅諭內閣。前據張

實錄卷三十三

十七

亮基奏。參署貴州畢節縣知縣周芾曾充該縣幕友。到任後頗快恩怨。並肆貪婪。幾致激變。各等情。當經降旨將周芾革職。交該督提訊。茲據奏稱。訊明周芾曾在畢節縣游幕。迨委署斯缺。已在接奉部文三月之後。蒙混到任。並辦理釐捐。致縣民聚眾滋事。及借住民房。驅逐房主。責革生員。均經供認不諱。其平日不知檢束。不洽輿情。已可概見。周芾業經革職。著永不敘用。以肅官方。至其貪婪卑污

各情該革員恃無質證任意狡展著即解赴貴州交該撫督同臬司嚴行審訊○又諭前因徐之銘奏保張亮基之子陝西候補知府張向宸疊著戰功等語當諭令該撫查看該員如續有戰功即據實保奏茲據張亮基滙陳軍營出力將士未邀恩獎者尚不乏人伊子不敢驟邀恩施徐之銘則稱張向宸管帶練勇疊破安甯州等處賊營斬獲首逆奏請獎勵張向宸隨同伊父赴滇雖有勞績而該

實錄卷三十一

六

撫必欲優保其意何居既據張亮基懇切陳情即著毋庸給獎以後如有過人勞績方准該撫據實聲明候朕施恩○諭軍機大臣等本日據張亮基徐之銘奏滇省昭通東川等處與四川壤地毗連僅隔一江去冬今春屢有巴布夷人黑蠻偷渡過江肆行燒殺並擄人勒贖此股夷蠻係四川甯遠府西昌縣雷波廳各屬土司所轄請飭四川會勘等語巴布夷蠻聚眾至二三千人之多屢由川境渡

江入滇肆擾若不及早剿除必致釀成巨患著曾望顏迅即派兵會合滇省兵練四面兜擊痛加剿洗毋留餘孽以安邊圉而除後患至此股夷蠻是否係甯遠雷波府廳各屬土司所轄並著曾望顏確切查明嚴飭地方文武即將滋事夷匪巢穴掃除毋任推諉貽誤致滋蔓延將此由六百里諭令知之○又諭前因滇餉緊要曾諭令曾望顏等迅速籌解茲據張亮基等奏四川陝西僅各解到銀一

實錄卷三十一

九

萬兩山西由蜀兌撥銀一萬八千兩尚有一萬兩未據四川起解請飭令四川陝西每月撥銀八千兩山西每月撥銀六千兩各等語滇省軍務未竣合計兵練不下六七萬人全賴四川等省協撥軍餉以資接濟現在張亮基等所請月撥之款為數無多著曾望顏英桂譚廷襄督飭各藩司必須按月如數撥解不得再有短絀致誤要需將此由六百里各諭令知之○又諭張亮基等奏由興恕現署

貴州提督通省官民無不額手稱慶惟黔省既無存款他省協餉又不可恃若驅飭疲之卒枵腹荷戈田興恕亦恐束手請飭賂秉章將楚師之在黔者仍歸湖南籌餉等語貴州餉需支絀異常賂秉章素能不分畛域顧全大局所有現在援勦貴州之湖南各軍仍著該撫設法籌撥餉需毋令缺乏將此由五百里諭令知之○又諭前因杭城克復餘賊竄向餘杭一帶疊經諭令瑞昌等催提援兵迅

實錄卷三十三

三

籌攻勦本日據慶端奏知浙省軍情緊急已調閩省省標等兵共二千名派副將斐什賀等統帶星馳赴浙等語浙省杭城雖已克復而長興孝豐武康德清四縣尚為賊踞正需兵力掃蕩此項官兵到浙著即交張玉良調遣飭令會同和春等派往之兵分投攻勦迅圖克復四城以固浙江門戶慶端業已派兵前往諒不至因杭城已復遂行撤回至浙省援兵雲集餉項無從措辦前諭慶端等迅籌

銀十萬兩委員解浙以濟急需即著迅速籌解毋許遲誤將此由六百里各諭令知之○又諭有人奏捻匪竄至豫省通許一帶勢將窺伺山陝且聞陝西涇陽渭南等處回民有蠢動之意恐致勾結不可不豫籌防範西路形勢惟虎牢關最為緊要若派兵扼守可杜竄擾山陝之路訪聞丁憂知府張曜素有威望請飭帶兵防守等語豫省捻匪昨據勝保等奏稱竄往西南已諭令督兵兜勦迅速就

實錄卷三十三

三

地殲除虎牢關為西路扼守之區自應嚴密防堵著勝保慶廉酌量情形如知府張曜堪勝帶兵之任即派官兵五六百名令其帶往虎牢關防守並准其招募壯勇以資協助儻該員現署要缺不能抽身即另行委員前往或因豫省兵力不能分撥自應先顧省城所有虎牢關防務再行籌畫辦理總期有備無患以免疏虞原奏著鈔給閱看將此由六百里諭令知之○禮部以會試中額請得旨滿

洲取中六名。蒙古取中一名。漢軍取中二名。直隸取中十九名。奉天取中二名。山東取中十六名。山西取中九名。河南取中十七名。陝甘取中十九名。江蘇取中十二名。安徽取中六名。浙江取中十六名。江西取中十四名。湖北取中九名。湖南取中五名。福建取中八名。廣東取中六名。廣西取中六名。四川取中八名。雲南取中五名。貴州取中四名。○湖廣道御史薛書堂奏陳南河自黃水改道後下游

實錄卷三十二

三

已成平陸無工可修濱淮壩隄亦以河運未復久不葺治請將南河河督及各廳員悉行裁撤得旨該御史所奏裁汰河員各事宜著御前大臣軍機大臣會同該部議奏爾王大臣等務須統籌全局不可畏難尤不可恐為怨府該河督數載經營所辦何事不過屢額帑餉奏此無用之輩而已○雲貴總督張亮基等奏飭令前任迤東道汪之旭赴部引見得旨於覆奏之中隱有薦語殊屬不必又奏

黔餉難籌惟查瀘永一帶有存積黑白鉛三千五百餘萬斤若就近變價計值數十萬金批變價鉛斤俟章程奏准後方可運往不准擅行提解又奏請以貴東道何冠英糧儲道韓超幫同署提督田興恕辦理貴州勦匪事務從之○以貴州按察使賈洪詔為雲南布政使貴州貴西道龔自闓為按察使○以勦辦雲南井地回夷出力賞知府張同登花翎知縣王遂先等藍翎餘加銜升敘有差予陣

實錄卷三十二

三

亡參將孫鈺千總郭紹魁祭葬世職○以雲南安甯擊退回匪出力予遊擊何自清等升敘有差陣亡把總謝紹洪祭葬世職○追予湖南東安縣殉難知縣李右文於通州原籍建立專祠妻郝氏子傑媳王氏及幕友王夢魚等一併附祀○辛卯諭內閣禮部奏新中舉人到京逾限懇補行覆試等語所有江西舉人段陽銜等及廣西舉人梁際椿到京已逾覆試之期實因道路梗阻事出有因著准

其補行覆試以示體恤嗣後不得援以為例
○又諭翁同書奏舒城截擊粵匪及桐城勇
練會合水師擊破渡江援賊生擒賊目一摺
賊首四眼狗陳玉成由浦六來援潛太裏脅
甚眾圖撲六安壽州經副將盧又熊等擊退
舒城縣知縣甘文瀾於二月二十日親督勇
丁薄賊頭營該逆拒守不敢出戰甘文瀾遣
人繞過營後突起躍濠斃賊數十名該逆潰
奔復倡攻該逆次營燒毀賊房多間餘賊始

實錄卷三十三

五

行逃遁同時北路官兵復攻破賊營一座殺
賊三十餘名追殺數里桐城東鄉練勇在破
岡烏金渡等處屢獲勝仗二月初八等日經
在籍知州疏長庚齊集練勇會同水師駛往
大龍潭伺賊半渡擊覆賊船不計其數外委
裴人傑等由桂家壩擊已渡之賊共斃三百
餘名此次舒桐擊賊大獲勝仗著翁同書督
飭員弁乘勝進攻迅即殲除醜類勿留餘孽
其在事出力人員准其俟克復桐城後彙案

請獎候朕施恩○以攻克安徽礪橋出力賞
遊擊鄒學鏞都司王占魁守備辛占泰等花
翎披甲保山德等藍翎餘加銜升敘有差復
已革總兵官惠成職賞已革總兵官扎隆武
三品頂帶○壬辰命刑部右侍郎文俊前往
江蘇查辦事件○以太僕寺卿聯康署戶部
右侍郎兼管錢法堂事務吏部右侍郎愛仁
署刑部右侍郎以託病規避革廣東內河
水師都司譚鎮職永不敘用○癸巳祭

實錄卷三十三

五

先蠶之神

皇后親詣行禮○諭內閣前據刑部奏船戶經
紀人等偷竊米石分別從嚴擬罪當令載垣
彭蘊章覆覈具奏茲據載垣等詳查例案從
重定擬漕糧為天庾正供顆粒皆宜珍惜該
經紀船戶人等輒敢於起剝轉運沿途任意
偷竊甚至用藥使水攪和舞弊一經查拏復
敢糾眾拒捕實屬目無法紀著照所擬嗣後
凡經紀船戶偷盜漕糧經兵役往拏輒敢拒

捕者。即照前定賀九一案。首犯於審明後。即行處斬。為從各犯。發新疆給官兵為奴。遇赦不赦。此外偷盜漕糧入已。數在六十石以上者。首犯斬監候。秋審入於情實。為從各犯。發雲貴兩廣極邊煙瘴充軍。數在六十石以下。二十石以上者。首犯絞監候。秋審入於情實。為從各犯。發遠充軍。數在二十石以下者。首犯發新疆給官兵為奴。遇赦不赦。為從各犯。發近邊充軍。其用藥使水灌米之案。首犯發新疆給官兵為奴。遇赦不赦。為從各犯。發極邊煙瘴充軍。以上各項人犯。所有家產。俱抄沒入官。至因漕米犯案匪徒。仍照刑部原議。罪應枷杖者。發雲貴兩廣極邊煙瘴充軍。徒罪以上。發新疆酌撥重地當差。該部即纂入則例。永遠遵行。至所虧米石。應如何分別賠補之處。著該部查例具奏。○又諭。和春奏。官兵克復長興等縣等語。總兵熊天喜。於十五日黎明。由湖州督隊。同參將羅熙賢分路

進兵。規復長興縣城。立毀虹星橋賊營兩座。知縣徐之鑑。帶領民團萬餘。與賊相持。適記名總兵曾秉忠。帶領長龍船。由太湖夾浦駛至。包洋河。兵勇夾攻。賊敗入城。曾秉忠師船已從小東門水關駛入。民團亦即進城。逆匪逃逸。遂於是日午刻。克復縣城。並據各路稟報。杭州府屬之臨安縣。已於初八日克復。湖州府屬之孝豐縣。亦於十四日克復。即著和春。嚴飭帶兵各員。乘勝擒捕竄匪。收復各縣。俟肅清浙境後。即當力攻廣德。毋令久踞。記名總兵曾秉忠。及出力之官兵民團等。均著瑞昌。張玉良。王有齡。查明保奏。候朕施恩。○諭軍機大臣等。袁甲三奏。粵逆糾眾竄擾滁全。派兵援剿一摺。粵逆陳玉成。因官軍克復全椒。糾黨數萬。由和州合山竄至。兩面圍攻全椒。復在腰鋪十五里墩小山頭等處。劄營直逼滁城。雖經李世忠等竭力守禦。奮勇攻擊。而被毀賊營。旋即搶築。全椒糧道斷絕。情

形甚為危急。且該逆有欲由江浦進攻九洲之說。設該處有失。賊勢愈形猖獗。袁甲三現雖先後派兵前往援剿。尚恐兵力單弱。著和春、張國樑酌撥江北勁旅。由江浦一帶會合夾擊。力保滁全。並著袁甲三嚴飭烏勒興阿等統帶馬步兵勇馳往助剿。毋稍遲誤。將此由六百里各諭令知之。○又諭前據瑞昌等奏。按察使段光清等於二月二十七日與賊打仗失利。後出城追集援師。三月初六日

實錄卷三十三

三八

進城等語。當降旨將段光清革職。交和春等嚴行審訊。從重定擬具奏矣。茲據徐有壬奏。段光清續報杭城失守情形。具摺稟請代遞。先後不符一摺。段光清前經稟稱。羅遵殿派令防守獨松關。迨賊撲杭城。折回救援。各門堅閉。於二十六日晚間。密約城中員弁。於二十七日黎明出城迎擊。該逆先在清波門攻陷城垣。屢次衝擊。眾寡不敵。即與副將王邦慶退至海甯嘉興。現又奏稱。回援省城。

不能前進。於二月二十九日沿江繞至海甯。聞杭州已於二十七日失陷等語。且原摺填寫三月初三日。於三月十七日始行齎交。徐有壬代遞。計期已隔半月之久。前後情節種種不符。顯係藉詞掩飾。著和春、何桂清、王有齡仍遵前旨。將段光清嚴訊定擬具奏。徐有壬、段光清摺俱著鈔給閱看。將此由六百里各諭令知之。○已革浙江按察使段光清奏省城被陷。現辦浙東防堵情形。得旨。此所謂

實錄卷三十三

三九

不勘自招。城失即遁。城復即回。覲顏露面。何以生為。○甲午諭內閣。恆福奏請將聚眾滋事。未能彈壓各員。及具稟含糊之道員。分別叅處一摺。前因張家口辦理捐釐不善。當降旨派署察哈爾都統慶昫督同臬司吳廷棟妥為辦理。茲據該督奏稱。張家口鋪戶於初四日概行關閉。匪徒乘間聚集。擁赴口北道寨音博勒格圖行寓誼鬧。萬全縣知縣姚忠亮彈壓不服。該道頭顱受傷。姚忠亮亦受軋。

傷署張家口副將張毓賢近在咫尺當聚眾滋事之時該道差人往邀彈壓張毓賢置之不理及人散後始帶兵出署實出情理之外署張家口協副將候補參將張毓賢著交部嚴加議處萬全縣知縣姚忠亮係專管地方之員先事既未能解散臨時又不能彈壓實屬軟弱無能著即撤任交部議處口北道賽音博勒格圖辦理釐捐未洽輿情已有不合迨聚眾滋事以後又不將受傷重情據實稟

實錄卷三十一

三

報顯係辦理不善有意隱飾著先行交部議處交該督查明情節與候補道春保一併奏參以昭平允又諭巡視東城御史毓通等奏逃走太監影同誑騙一摺太監韓進喜即韓五李大王太均著交刑部訊辦其在逃之白五喬三唐姓等著步軍統領衙門順天府五城一體嚴拏歸案審訊據李大供稱本年正月二十日隨同韓進喜進東華門韓進喜供伊又進景運門由隆宗門出西華門所有

是日值班官兵失於查察著刑部於定案時聲明請旨諭軍機大臣等何桂清奏夷酋接到回文報復之念益堅一摺據稱三月十三日噶魯嘶與夷商公議先遣兩輪船赴北洋聽信攔阻漕船並阻南北往來商船另遣輪船赴舟山聽信占踞定海以為接應夷商等因先經華商開導再三勸阻未允十四日果有輪船二隻北駛十五十七等日復有輪船二隻南駛並聞喫嘍兩夷在日本等處買馬千餘匹送至上海之虹口地方餵養製造又式木架鑽有多孔欲用木人乘馬中藏火器以為陸路衝突之用又聞前遣輪船北駛已於成山外之海山劉有夷兵專為攔阻漕船商船噶魯嘶之意兵船到齊概赴天津附近數處一齊侵犯等語夷酋噶魯嘶接到咨會決意用兵已有夷船北駛自應嚴密防範大沽海口經僧格林沁恆福布置周密著即時時偵探相機堵禦該夷既有同時侵犯各

實錄卷三十一

三

口之說。則山海關。盛京。山東各海口。亦應一體嚴防。著僧格林沁。王明文煜。督飭在防員弁。認真守禦。毋稍大意。現在江浙漕船到津者數已不少。該夷既欲攔截往來。則此項收泊沙船。或令其暫泊口內。或令其放洋。著僧格林沁。恆福。妥籌辦理。其未經收口之船。一遇夷船攔阻。或赴奉天。山東暫時停泊。王明文煜亦當熟籌辦法。毋令該夷搶掠。將此由五百里各密諭令知之。○又諭前因張家口

實錄卷三十三

三

辦理釐捐不善。當派慶昫。督同吳廷棟。妥為辦理。本日據恆福奏。該處上下兩堡鋪戶。關閉。匪人乘間糾眾滋事。毆官已明降諭旨。將該文武各員。分別嚴議議處查辦矣。該道賽音博勒格圖。辦理鋪捐。關涉旗民。自應先向署都統慶昫。悉心熟商。定議後。妥為勸辦。自不至有窒礙難行之處。乃據恆福奏。慶昫原咨。與該道所稟意見兩歧。顯係該道辦理顛預所致。況各處抽釐。皆就買賣鋪戶。計其所

入百分抽一。似與鋪戶無傷。何至激成事端。茲慶昫原咨。有兩堡私產與地方官無涉之語。所言私產。未知何指。若指房屋而言。則房屋本不應入抽釐之內。究竟恆福所定章程。如何。著慶昫會同臬司吳廷棟。體察情形。妥籌辦理。此係權宜之政。所入無多。總須無拂輿情。方為允協。其阻撓捐務。指使關鋪及聚眾毆官各犯。務須按名弋獲。嚴行懲辦。以肅法紀。吳廷棟准其會同慶昫。聯銜奏事。將此

實錄卷三十三

三

諭知恆福。慶昫。並傳諭吳廷棟知之。○又諭前據僧格林沁等奏。通籌全局。擬在晉東豫三省勸捐。接濟京津各餉。當諭令戶部認真查覈。一面嚴催各項京餉。毋致各省以勸捐為由。轉置正撥於不問。茲據戶部奏。遵旨查覈該三省歷年捐輸各案。為數業已不少。該士民情殷報效。雖捐項至再至三。猶形踴躍。請飭山東。山西。河南各巡撫。體察各該地方情形。奏明辦理等語。僧格林沁等擬在該三

省設法勸捐係為籌備京津各餉起見既據戶部奏稱該三省士民歷年勉竭餘貲力圖報效著文煜英桂慶廉體察情形悉心籌畫詳細具奏總期於軍餉地方兩無窒礙方為妥善至各省派委勸捐各員難保無依勢作威多方抑勒藉端滋擾情弊甚至有賄求囑託將有力者指為下戶無力者指為殷實反覆顛倒曲濟其私或以完作欠或以多報少彌縫侵蝕半歸私橐種種弊端深堪痛恨並

實錄卷三十二

三

著各該撫力除積弊遴選公正紳士會同地方官妥為勸辦以濟要需將此各諭令知之○兩廣總督勞崇光奏查明廣東虎門城寨等處防兵口糧覈實截支得旨該部查覈具奏傳回醫痊兵丁馬能如許之多顯係當時潰散事定潛回尚欲以並未奏明動用之項濫應浮銷實屬非是況此項屢經展限漫無稽考更難保無別項侵那藉此了結之事○江西巡撫惲光宸因病展假以布政使毓科

暫護巡撫○展緩廣東清遠廣甯開建靈山陽山南雄六州縣被擾地方舊欠額賦○蠲緩直隸安東安天津三州縣積滯地方新舊額賦

實錄卷三十三

三

大清文宗協天翊運執中垂謨懋德振武聖孝淵恭端仁寬敏顯皇帝實錄卷之三百十一

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之三百十二

監修總裁臣日講起居注官太子太保上書房總管文淵閣事務臣等奉命纂修

大學士管理兵部事務加十三級紀錄十四次實錄纂修總裁臣太子太保吏部尚書臣等奉命纂修

大學士管理戶部三庫事務管理刑部事務加十三級紀錄十六次實錄纂修總裁臣太子少保管理內務府事務臣等奉命纂修

鑲藍旗滿洲副都統戶部尚書管理工部事務加四級紀錄十二次實錄纂修總裁臣太子少保管理內務府事務臣等奉命纂修

通國文館總纂官直隸按察使臣等奉命纂修大學士鴻臚寺卿加二級紀錄十四次實錄纂修總裁臣太子少保管理內務府事務臣等奉命纂修

教修

咸豐十年庚申閏三月乙未朔諭內閣喬松

年奏河督擅截江北餉銀一摺江北糧臺待餉孔殷乃庚長既將淮北存鹽提取兩萬包變價充餉復將山西解赴江北糧臺餉銀擅自截留實屬不顧大局著交部議處○諭軍機大臣等據何桂清奏夷酋接到回文報復之念益堅現仍擬設法開導一摺此次啖首嗜嚙嚙接到軍機處駁飭回文大為拂意既先遣輪船南北分駛復有兩國發兵即到上海并分路竄擾等語蓋見回文詞氣和平故

作此虛聲恫喝之言以冀盡如其願仍是該夷得步進步之慣技上年啖夷赴津先行背約致為我師所挫實屬咎由自取即將從前所議條約概作罷論在我亦為理直乃猶許其悔罪輸誠仍由何桂清與講明條款即准其照咪夷之例北來換約我中國相待之恩可謂寬大乃該夷不自引咎不遵開導仍以必不可行之事志在必行在中國豈能受其挾制現在天津等處設防嚴密如果該夷帶

兵前來惟有與之決戰但此次用兵之後該夷斷非有心和好所有前議條約概作罷論著何桂清即令薛煥等傳諭夷商使該夷知悉至前諭通融辦理各條總須在上海議定毫無疑意方准北來不帶兵船由北塘登岸進京換約儻條款未定貿然即至天津無人與之會議亦須堅持前說勿涉游移該大臣仍飭薛煥等妥為駕馭相機開導竭力挽回不致驟然決裂方為不負委任將此由六百

里加緊密諭知之。又諭朕聞川省勦辦滇匪甚不得手。賊從自流井竄出。後提督占泰帶兵猝遇賊伏。並未接戰。遽行潰散。折回省城。軍裝器械盡為賊有。以致人心震恐。城門晝閉。又聞自川至陝沿途有攜帶軍械之兵丁紛紛逃散。占泰係統兵大員。如果勦賊失利。遽退回省。因而省垣戒嚴。何以曾望顏並未據實查叅。著該署督明白回奏。毋得稍有隱飾。至川省正在用兵。而逃兵滿路。更屬不成事體。著曾望顏查拏。嚴行懲辦。以伸軍律。本日據該署督奏滇匪竄陷青神等處。雖經官兵收復青神彭山兩縣。而蒲江徂近省垣尚為賊踞。務即督飭將弁迅速收復。毋令該匪久踞。致滋蔓延。將此由六百里諭令知之。

又諭前因浙省軍需緊要。諭令慶端等籌撥銀十萬兩。憚光宸亦由江西籌撥協濟。茲據瑞昌奏現在地方殘破。軍餉浩繁。福建籌款尚無咨會。江西僅據來咨。祇能解銀三萬

兩。不敷應用等語。浙江省垣雖已克復。餘匪尚未肅清。該省甫被蹂躪。經費無出。著慶端瑞璜仍遵前旨。於福建迅速籌撥。委派妥員解赴浙省交納。江西於擬解三萬兩外。著毓科再行設法籌解。以濟急需。均不得遲延推諉。致有貽誤。將此由六百里各諭令知之。又諭瑞昌奏代辦巡撫事務。委署各缺。並咨請學政回省商辦善後各等語。張玉良一軍已准其留於杭州防剿。此時臨安及湖屬各

邑已先後克復。仍著張玉良督飭援浙各軍分投搜剿。務令全省肅清。毋留遺孽。至杭州滿洲營兵額為數無多。如恐不敷守禦。即著瑞昌來存查照湖北章程。將所有駐防餘丁挑選年力精壯者。勤加操練。以備緩急。所請調撥京兵之處。已批示不准行。至張錫庚諒已到省。司道等缺。該將軍均已派員署理。一切善後事宜。不患無人商辦。該學政職司考校。俟王有齡到省後。仍著出省按試各屬。毋

誤考政。所有羅遵殿等殉難情形。及此次所奏仲孫懋於何處陣亡。並此外官紳下落。均著王有齡查明具奏。其脫逃監犯。務即拏獲懲辦。被劫之存庫銀錢倉米。詳查數目。一併具奏。將此由六百里各諭令知之。○杭州將軍瑞昌等奏。查杭省駐防滿營兵額。不敷布置。請由京營揀選勁旅二三千名。派員統帶來杭。協同防守。得旨。來存。係廣州駐防。容或不知。瑞昌在鑒。儀衛當差有年。安有不知之

理。京營勁旅。豈能遠戍杭城。所奏殊屬不知政體。○河南巡撫慶廉奏。此次軍務。為日過久。一切用項繁多。勢難隨時截數。請將承辦遲延各員。及歷任撫藩。免其查議。得旨。已奉明旨。尚敢冒瀆。近來各省大吏。往往敢於煩瀆。皆因朕間緣一二事。實係真情。俯如所請。遂皆視為故常。殊覺可惡。此摺斷難允准。仍遵前旨。分別議處。並將此次具詳之司道暨前署巡撫。再行交部分別議處。出奏之慶廉。

一併察議具奏。○以四川眉州解圍。予都司明耀光。以參將用。○以四川青神。彭山。兩縣城被賊竄陷。旋即收復。革疏防知縣黃志學。葛福綏職。責令實力堵剿。署總督曾望顏。下部議處。○予浙江杭州陣亡道員仲孫懋。副將魁齡。祭葬世職。○丙申。諭內閣。奕櫨等奏。兵役應關米石。請飭催交卸一摺。

西陵兵役。應關領九年冬季米石。業經於上年十一月間。運至白溝河倉次。該幫弁丁等。竟未隨幫押運。迄今數月之久。尚未交卸。實屬膽玩已極。著戶部。倉場侍郎。直隸總督。趕緊嚴催該幫弁丁。迅赴白溝河倉次。兌交。並著查明承辦各員。從嚴叅處。○諭軍機大臣等。有人奏。粵東省城。近有匪徒拐擄良民。販與夷人。男女被擄者。以數萬計。夷人以省城之西關番禺縣屬之黃埔。香山縣屬之澳門。及虎門外之香港等處。設廠招買。每次買出外洋。皆滿載而去。該匪徒始猶暗用術誘。近則

明用強搶。省城附近一帶村落。行人為之裹足。地方官不特不為禁止。且出示聽人自賣。各等語。匪徒擄人轉販外夷。例禁甚嚴。該夷人招買人口。若無內地匪徒貪利從中轉販。豈能滿載出洋。地方官果能嚴禁。亦不至如此肆行無忌。且以地方官懲辦本地匪徒。與該夷毫無干涉。夷人亦無從饒舌。何以不行禁止。反為出示聽其自賣。著者齡查明。即行嚴禁。從重懲辦。以期匪徒斂跡。內地良民。不

至為該夷所掠。並查明出示聽賣之地方官。從嚴叅辦。勿稍徇隱。原摺著鈔給閱看。將此由五百里諭令知之。○又諭。前因杭州省城失陷。臬司段光清等。藉詞接仗失利。退至海甯嘉興。當經降旨將該臬司革職拏問。交和春等嚴審。從重定擬具奏。昨據徐有壬。將段光清奏報轉遞。所稱失守情形。種種不符。顯係事後藉詞掩飾。復經降旨交和春等。一併嚴訊。本日據瑞昌等。三月初二日專差齎遞

一摺。內稱賊於二月二十七日卯時。用火藥轟坍城身。夏寶慶之勇。類與賊通。佯為敗退。以致闔城兵勇。同時潰散。又二十八日。漢城四面火起。段光清等。早已縋城逃走。各等語。兵勇通賊。首先潰退。帶勇之員。何以毫無覺察。殊堪痛恨。著和春。何桂清。王有齡。詳細查明。將通賊之勇。盡法懲治。並將夏寶慶。一併訊明正法。以肅軍律。至已革臬司段光清。如何縋城逃走。並著和春等查明。與副將王邦

慶。一併按軍法懲辦。將此由六百里各諭令知之。○又諭。本日據何桂清等奏。建平。東壩。溧陽。先後失守。蘇常情形危急。一摺。東壩。溧陽。為蘇常門戶。東壩固守數年。今因建平失守。遂於三月二十三等日。相繼失陷。賊氛已逼近蘇常。何桂清等。一聞此警。自必趕緊布置。力籌保全之策。據奏。和春等。已調回援浙之向奎。羅熙賢二軍。由湖州間道。馳回宜興。其熊天喜一軍。及曾秉忠之長龍船。亦均

已調回關。惟程途較遠。一時尚無確信。且恐兵力尚單。不敷勦辦。現在杭湖各邑。均經克復。杭城有張玉良一軍駐守。加以米興朝。李定太等軍。足敷揔捕。所有饒廷選一軍。由江西援浙。據報已於二月二十八日啟程。本日慶端奏援浙之閩兵三千。亦已啟程。著何桂清等飛咨瑞昌張玉良。如浙江已可無須添兵。即由何桂清分撥進剿。迅圖克復東壩。溧陽勿令闖入腹地。至金陵已合長圍攻剿。

正當喫緊。何桂清已飛咨和春。欲請張國樑帶兵赴援。仍著和春酌量情形。必有謀勇兼優之人。可代張國樑坐鎮防剿。方可令張國樑暫時離營布置。仍回金陵大營。以免困守逆匪。或有意外竄出之虞。所有派防東壩各員弁。著和春等查明奏。其建平溧陽等縣城內文武下落。並著何桂清等查明具奏。將此由六百里加緊各諭令知之。○又諭慶端奏派兵援浙。並請添調勁旅助剿一摺。浙江

省城於三月初三日克復。臨安及湖州被陷各邑。亦已先後攻克。惟廣德州仍為賊踞。浙中防剿尚屬喫緊。所有慶端派出援應之閩兵三千名。著即催令前進。於行抵浙境後。聽候張玉良調遣。其餘調撥之臺灣等處兵勇。均可無庸派往。即著飭令歸伍。廣潮等勇。亦可無庸雇募。以免糜費。至浦城及仙霞關等處。應如何酌留兵勇。嚴密設防。仍著該督察度情形。斟酌辦理。所請添調江西官兵赴浙

之處。著毋庸議。將此由六百里諭令知之。○丁酉

上臨故壽安固倫公主第。賜奠。○詣

覺生寺拈香。○幸圓明園。

如皇貴太妃薨。

上臨視悲痛。酌奠。○諭內閣。僧格林沁等奏。辦理要工。動用各款。請免造報一摺。僧格林沁等。上年辦理各處工程。除動用捐款外。其不敷銀八萬三千六百餘兩。准其陸續勸捐歸

補。此項經費。並著免其造冊報銷。○諭軍機大臣等。前據僧格林沁。以探有夷船。停泊驢駒河。裹去漁船。拘留米船各情。函致惠親王等。經軍機大臣陳奏。本日據僧格林沁等奏。夷船於上月三十日。牽帶米船三隻。一併駛至大沽海口。在攔江沙外停泊。後將米船放回。該夷船即向東駛去等語。該夷向船戶探問。祁口地勢。甚為詳細。其為窺探虛實詭計無疑。祁口地方。距大沽若干遠近。有無防兵。

該大臣自必密為布置。所有哨探弁兵。曾否放回。抑被夷船帶去。本日復據載垣面奏。接端華由工次來書。知明善接上海私信。該夷在廣東募湖勇三千。在該處操演。意欲於山東海口一帶空曠處所。登陸抄襲。復據卞寶書云。北倉地方。係上年咪夷換約所經之路。該處空虛無備。恐咪夷溷跡。導之使來。各等語。著僧格林沁。詳查地勢。如有可以繞越礮臺。直達京師之路。即著扼要防守。並即奏明。

添兵。以防抄襲。其防守礮臺之兵。萬不可輕易移動。致有疏虞。至山東沿海各口。防不勝防。惟利津地方。距津較近。仍著查明具奏。將此密諭知之。○欽差大臣僧格林沁奏報。夷船停泊大沽海口。半日。業經開駛。時時偵探相機堵禦。得旨。俟探有確情。即行奏報。此次夷船。如果駛進沙內。不遞照會。竟行毀防。開礮。必其處心積慮。別蓄詭謀。接仗時尤應慎益加慎。不可稍存輕易之心。朕惟有所夕一

誠默籲

天

祖加佑我清。戰則必勝。和則必堅。海氛永靖。休息人民。實所望而不敢必者也。○戊戌。

上詣吉安所

如皇貴太妃金棺前酌奠。○還宮。○諭內閣。朕姊壽安固倫公主。淑慎持躬。性敦孝友。仰承皇考。

皇妣恩眷。優渥逾恒。昨聞薨逝。良深悼惜。當派

醇郡王奕譞帶領侍衛十員前往奠醊。朕復親臨祭奠。本月初五日。朕再行親往賜奠。用伸眷念優加至意。○諭軍機大臣等。前因傳振邦軍營需餉甚亟。當諭令山東河南山西陝西撥解月餉酌搭舊欠。以資接濟。並著山東河南就近各籌銀四五萬兩。先行撥往。茲據傳振邦奏各路餉銀仍有無音耗。開年已經三月。各營兵勇尚未發足一月之餉。馬匹大半倒斃。亟應籌款購補。且苗練大隊現已調齊。此數萬之眾。一經缺食。尤屬不堪設想等語。現在傳振邦一軍直擣賊巢。甚為得手。方期乘勝前進。迅掃賊氛。豈可因待餉停兵坐誤事機。著文煜慶廉英桂譚廷襄仍遵前旨。各將應解月餉按月如數撥解。各將舊欠一併籌撥。並著文煜慶廉督飭藩司先行籌撥銀四五萬兩。就近迅解傳振邦軍營。不准空言搪塞。儻再仍前玩泄貽誤軍行。惟該撫及該藩司是問。決不寬貸。將此由六百里各

諭令知之。○以鑲白旗蒙古都統瑞常署鑲黃旗滿洲都統。理藩院尚書倭什琿布署鑲白旗滿洲都統。○以江南清淮等處勒匪出力復已革副將胡元昌職。并總兵銜。○以河南歸德等處勒賊並生擒擒首出力賞協領恒齡佐領扎克都力防禦齊克唐阿守備王捷三等花翎把總宮春吉等藍翎復已革副將博崇武職。並勇號。以總兵用。餘升擢有差。○以江南山東河南三省節次防剿出力賞參將有福守備程世德邵廣等花翎知縣劉守曾等藍翎。餘升擢加銜有差。○以貴州貴定等處勒賊出力賞知州戴鹿芝樊希棣遊擊鄧春華都司賀萬年等花翎外委陳恩祿等藍翎。餘升擢有差。予陣亡知縣江鉞雲騎尉張傑李攀龍祭葬世職。軍功黃紹煜生員陳文熙賞卹加等。○以貴州普安縣城被賊竄陷旋即收復革疏防知縣胡祖寅職。留營會剿。○己亥。

上臨故壽安固倫公主第賜奠○詣

覺生寺拈香○幸圓明園○諭內閣載華等

奏拜唐阿訐告本官請交部審辦一摺

孝陵拜唐阿豁勤布控訴本管郎中鐵樸員外

郎德明無故捆打並運夫順瑞偷賣回乾樹

梃及同役口角各情當經載華等訊明該拜

唐阿捆打之由係因出言頂撞不服訓責與

同役口角係與幼丁岳慶因辭差彼此爭辯

至回乾木柴向係用為成造官物該員外郎

德明雖照舊例辦理惟不應運至私宅成做

郎中鐵樸亦不應任聽擡運其間恐有不實

不盡又供出本衙門添辦錢糧及辦理戶口

冊檔等事有差役飯食錢文本管官知情不

究各情均應徹底根究拜唐阿豁勤布並幼

丁順瑞約興阿岳慶樹戶石廣等均著解交

刑部審訊按律懲辦郎中鐵樸員外郎德明

均著赴部聽候質訊○又諭前因貝子綿勳

在圓明園值班不候交替即自散歸迨經奏

叅復具摺續請賞假兩次降旨交宗人府議

處茲據載垣等覈議具奏綿勳著革去宗人

府左宗人右翼前鋒統領正黃旗滿洲副都

統仍留散秩大臣管理圓明園及右翼第三

支族長其餘差使均著革退並著罰世爵俸

六年再折罰世職半俸九年毋庸查級議抵

以示懲儆○諭軍機大臣等瑞昌等奏浙境

肅清衛防喫緊分兵援應並截留兵勇一摺

官軍克復長興後泗安鎮賊匪望風逃遁我

軍跟蹤追剿直逼廣德距城三十里之界牌

浙境已就肅清惟另有股匪竄擾江西之南

豐新城逼近貴溪距廣信祇百餘里賴有平

江水師轟擊逆匪不能徑渡沿河南岸雙港

一路進逼鉛山縣城復由廣豐竄至江山縣

境此股逆匪蔓延各處衢州防堵固屬喫緊

但昨據何桂清等奏建平東壩溧陽先後失

守蘇常亦形危急當諭令和春等飛咨瑞昌

等如浙江無須添兵所有饒廷選一軍及援

浙閩兵三千名。即由何桂清等分撥進剿。今瑞昌等已飭向奎一軍前赴高淳東壩。其閩兵三千擬留守江山。李定太所部兵勇又經飭赴衢州。饒廷選現往衢州。其兵勇已撥往江西。周天孚等已帶兵回援甯國。所有攻剿廣德州兵力是否足敷。該處為由皖入蘇浙要路。該將軍等仍當咨商和春。何桂清察看賊勢緩急酌量調度。毋得顧此失彼。至克復杭州出力滿漢文武員弁兵丁及團勇等業

經降旨。令瑞昌等覈實保奏。現在浙境肅清。所有追剿出力之將弁等。准其一併保奏。候朕施恩。將此由六百里諭令知之。○又諭。本日據譚廷襄奏。探聞捻匪孫葵心由鄭州榮陽竄至鞏洛。立意窺伺陝境。已入由豫至秦大路。所過賊數蔓延十五里。勢若燎原。現添派省兵三百名。馳往函谷關扼要守禦。兵力單薄。將西安備調之駐防營馬隊一千名調往堵禦。並飛咨提督經文岱親行督兵前來

辦理防堵等語。此股捻匪欲由河南地方竄入陝境。勢甚鴟張。勝保等督辦河南剿匪事宜。何以豫省沿途不能堵截。任令竄擾鄰境。著勝保等迅撥精兵飛速截剿。毋令闖入陝境。如勝保督兵出省。即留關保防守河南。關保督兵追剿。則勝保留住河南所需糧餉。著慶廉源源接濟。至山西與河南壤地毗連。該捻聲言入陝。暗窺晉省。亦意中事。儻賊勢北趨懷慶一帶。亦著勝保等相機截剿。以保完

善之區。設或遷延貽誤。致捻匪蔓延山陝。勝保等不能當此重咎也。將此由六百里加緊諭令知之。○又諭。寄諭山西巡撫英桂。據譚廷襄奏。探聞捻匪窺伺陝境。由鄭州榮陽竄至鞏洛。並孫葵心已入由豫至秦大路。所過蔓延十五里。勢若燎原。該署撫添兵防堵。本日復諭令勝保等分兵追剿矣。惟聲東擊西賊匪慣技。咸豐三年懷慶解圍後。賊由濟源直趨垣曲。蹂躪晉境。茲捻蹤已近懷慶。該處

毗連晉省。亟應調兵防堵。所有前諭備調官兵二千名。業據該撫覆奏。照數挑齊。按日操練。派定守備清山等。分起管帶。即著飭令原揀統帶之副將穆騰額等。督兵馳赴澤潞一帶。擇要駐劄。一聞匪蹤逼近。即行悉力遏截。勿令擾及完善之區。致蹈從前覆轍。將此由六百里諭令知之。○又諭。沈兆霖奏。請就黃河改道。勸捐築隄。錄出前人奏疏。並將東省原寄圖說呈覽一摺。據稱。歷來河流。皆以北行為宜。乾隆年間。吏部尚書孫嘉淦。請開減河入大清河一疏。言之最詳。所謂入大清河。由利津入海。即是現在黃河所改之道。詢之東省官紳。俱云。張秋以東。自魚山至利津海口。皆築民堰。惟蘭儀之北。張秋之南。則黃河自決口而出。汎濫汪洋。工程最鉅。直隸之東明。長垣。山東之荷澤。鄆城。培築又較張秋為易。張秋下游至海門。不必施工。惟缺口至張秋數百里間。可令民間捐貲籌辦。各等語。係

為通籌大局起見。著恒福。黃贊湯。文煜。慶廉。各就地方情形。悉心酌議。覈實勘估。如果事屬可行。即勸諭各該處紳民。力籌捐辦。並遴派熟諳河務之大員。會同各該地方公正紳士。妥為區畫。或應開引河。或應築隄埝。分別相度。一面勸諭捐輸。將來民捐民辦。均著紳董經理。毋許假手委員吏胥。以歸撙節。如果輸將踴躍。即可於本年霜降水落時。奏明一律興工。並著各該督撫。將有無窒礙情形。先行審度具奏。總期為民捍患。節經費而順輿情。沈兆霖原摺。及錄呈孫嘉淦奏疏。均著鈔給閱看。將此各諭令知之。○又諭。戶部奏。籌擬廣東軍餉。請飭新任巡撫。妥為收放一摺。前據勞崇光。以軍需緊急。請撥粵海關稅銀三十萬兩。當令戶部覈議。經該部以籌撥非易。議駁。茲據奏稱。新任巡撫耆齡。將可到粵。如需餉實屬緊要。應提關稅若干。俟奏奉俞允後。須加謹存儲。並利權須自我操。應急籌

轉移之法等語。者齡前赴粵東之任。曾經諭令於省外地方。擇要駐劄。不可遽入省城。惟該省軍務未平。防勦經費。亦應籌畫。該撫到粵後。著察看情形。如必須提關稅銀若干兩。接濟之處。馳奏請旨。不准先行動用。即將各股匪設法埽除。至該省地丁鹽關等項銀兩。若仍解進省城。恐徒為夷人所攫。應如何於城外妥擇善地數處。分別收存之處。並著者齡酌度辦理。至商賈貨物。未可全運省城。亦

是思患豫防之見。但只可密諭各商。將貨物逐漸運往他處。以分其勢。亦不可顯露防患情形。致彼生疑。或別生枝節。全在該撫細心體察。設法籌畫。使商貨分散售銷。而利權操之自我。方為妥善。戶部原摺著鈔給閱看。將此由六百里諭令知之。○予浙江省城殉難學政張錫庚子候補知縣恩然。祭葬世職。妾王氏。媳戴氏。旌卹如例。○庚子。諭內閣。奕訢等奏揀選城守尉。請旨遵行一摺。呼蘭城守

尉一缺。著照部議。由值年旗於各項合例及宗室人員內。一併揀選引見。其免補協領以城守尉記名簡放之長順。並著列名引見。候旨簡放。○又諭。和春奏。建平等處失守。自請議處一摺。廣德逆匪。竄擾建平。三月十八日以後。官軍與賊晝夜鏖戰。將賊匪所造浮橋。旋搭旋毀。復有浙西回竄之賊。益以皖南。江北。新到各匪。我軍寡不敵眾。遂於二十一日失守。東壩。溧陽。相繼失陷。官軍防守建平。東

壩。已閱數年。此次雖因賊眾兵單。致被竄陷。究屬防守不力。咎無可辭。和春著交部議處。其各防統兵員弁。未能實力堵禦。並著和春查明。即行叅奏。該大臣務即嚴飭將弁。迅圖克復。將此股逆匪。悉數殲除。毋令闖入腹地。○諭軍機大臣等。和春奏。賊陷建平等處。欲由宜興邊境。直趨常州。派兵堵剿情形。一摺。建平。東壩。溧陽。先後失守。蘇常門戶洞開。前經何桂清奏報。已諭令該將軍等。迅圖克復。

力保腹地。常州為根本重地。到防兵勇已有三千八百名。續調之馬占葵等兵。尚有四千餘名。又續調揚州兵勇二千名。各項兵勇到齊。著即由何桂清就近調度。力籌堵剿。過其分竄蘇常之路。現又探報賊黨有由溧水圖援金陵之說。東西梁山。金柱關等處。亦有江北匪船接續前來。張國樑自未便遽令遠離。著仍留江南督兵。以便布置一切。至浙境雖已就肅清。而廣德未復。終有回竄之虞。昨又

據瑞昌等奏。江西股匪竄至江山。衢州喫緊。張玉良所帶之兵。能否全數調回。杭州兵勇是否足敷防守。和春兼辦浙省軍務。務須妥籌兼顧。聯為一氣。仍即督飭各路統兵員弁。一面迅攻溧陽等處。以次克復。一面進攻廣德。兼顧浙防。是為至要。將此由六百里加緊各諭令知之。○又諭。昨據譚廷襄奏。捻匪孫葵心立意窺伺陝境。已入由豫入秦大路。當諭勝保等。迅撥精兵。飛速截剿。茲據勝保等

奏。該捻經我兵擊敗後。竄赴西南。已過通許尉氏縣境。攻撲中牟縣城。及鄭州等處地方。經總兵承惠參將黃得魁帶兵追剿。疊獲大勝。其東路續來大股逆匪。亦經關保帶所部兵勇。由周家口。馳赴項城。汝陽。相機扼剿。布置尚為妥協。匪蹤飄忽。現在是否西趨山陝。即著關保探賊所向。迎頭截擊。毋令擾及完善之區。蔓延為患。勝保即暫留省城。居中調度。與慶廉會商策應之方。以期節節掃蕩。另

片奏。捻撲項城。經該縣知縣張其昆登陴守禦。百計防維。復縋城擊賊。城圍立解。并汝甯府。同時解圍等語。所有守城殺賊之項城縣知縣張其昆。及城內官紳兵練。著勝保等查明保奏。候朕施恩。其請調伊犁。錫伯。索倫。西丹二千名助剿。伊犁兵丁。向不遠應征調。况道路遙遠。須八月間方能到豫。亦恐緩不濟急。著勝保仍就現有兵力。相機堵剿。毋得專待客兵。致成坐困。俟秋間夷務定局。天津裁

撤防兵。不難酌撥赴豫。所請飭調伊犁西丹之處。著毋庸議。本日據翁同書奏。全營缺食。河南應解協餉。久未解到。積欠至十萬五千兩之多。前據瑛榮咨。委解銀二萬兩。該撫委員迎提。豫省尚未起解。請飭全數迅撥等語。翁同書一軍。待餉孔亟。飢潰堪虞。何以將已經報解之款。又復遷延不解。著慶廉督飭藩司。將前項銀兩速令起解。並將欠解翁同書月餉。全數籌撥。毋許延誤。將此由六百里諭

令知之。○又諭。據張芾奏。請飭楊載福將韋志俊一軍。仍調回水營。隨時簡練。以收實效等語。義勇韋志俊。經楊載福派令赴浙。計自東流由徽入浙。程途較遠。現在浙省援軍雲集。足敷勦辦。所有韋志俊一軍。自可毋庸派令前往。著楊載福。即飭韋志俊仍回水營。認真訓練。以資攻剿。將此由六百里諭令知之。○安徽巡撫翁同書奏。克復地方。請豁免錢漕。加廣學額。得旨。戶部速行察覈。豁免錢漕。

務與前屆奏案相同。不可歧異。至所請加廣學額。附摺聲明。請旨。○以鎮國公繼善為宗人府左宗人。調正白旗漢軍副都統。恩醇為正黃旗滿洲副都統。以正藍旗滿洲副都統伊勒東阿為右翼前鋒統領。鑲紅旗漢軍副都統載崇為正白旗護軍統領。○予故廣東羅定協副將李日昇。祭葬卹蔭。○辛丑。諭內閣吏部等衙門奏。遵旨分別議處一摺。前因惠親王等。於武英殿郎中寶齡等。承辦紙張

價值。議請變通。未加詳察。當派端華等。復行查驗。降旨。將惠親王等。分別議處。茲據吏部會同宗人府議。以降五級調用。毋庸查級議抵。惠親王恭親王奕訢。加恩著毋庸開所兼職任缺。照例折罰。職任全俸十五年。抵免降調。工部尚書文彩。並著加恩改為革職留任。○又諭。前因張芾奏。請將丁憂前浙江杭嘉湖道孫觀。直隸候補知府張慶安。留營分辦糧臺捐務。當交軍機大臣。會同吏部議奏。茲

據奏稱該部原定章程軍營丁憂人員僅止辦理糧臺文案勸捐者不得請留差委應飭令回籍守制惟孫觀張慶安之母本屬迎養在浙均經穿孝百日治喪與在營聞訃未經穿孝者有間且孫觀原籍安徽舒城縣張慶安原籍雲南太和縣均被賊竄無籍可歸與現辦章程准其就近起復之案相符該二員分赴嚴州徽州襄辦防堵事務亦與尋常辦理糧臺勸捐者不同聲明請旨等語孫觀張慶安均著准其留於張芾軍營接辦糧臺捐務他省不得援以為例○壬寅諭軍機大臣等僧格林沁恒福奏夷船仍往祁口停泊現又開駛一摺夷船在祁口地方來去無定自係窺探虛實該處既非要隘無須駐劄官兵設有夷人登岸滋擾即偵探確實督兵截擊毋令深入僧格林沁等因經費支絀不敢豫調官兵固為節省起見但現在防務喫緊仍須早為布置以免臨事周章本日已令戶部

籌畫銀二十萬兩解赴大沽軍營所有備調官兵即可酌量奏調至海防經費亦不能全賴部撥著恒福仍於本省司庫款項內設法籌措此次設防後直隸省撥用軍餉若干著該督查明具奏並隨時造冊報部以憑稽覈漕船進口已有五百餘隻該夷並未攔截著僧格林沁等飛咨文煜催令山東各口停泊米船迅速開洋赴津以免耽延本日據勝保等奏請將大名道聯捷所撥防兵六百名長劄蘭儀上店柳園河口其口糧等項仍歸直隸支放等語此項防兵係堵截捻匪闖入直境所需口糧著恒福照例支給將此諭令知之○又諭前因和春奏賊陷建平等處派兵堵剿情形當諭令各項兵勇到齊由何桂清就近調度力遏分竄蘇常之路茲據何桂清徐有壬奏賊匪已於三月二十五六等日由溧陽徑竄常州因沿途民團截擊退踞溧陽埠宜興荆溪敗匪復竄踞張渚鎮現籌防守

勦辦等語。此次檄調援常各軍。據和春前奏。約有九千數百名。計可陸續馳到。又有曾秉忠師船三十隻。諒已足數分撥。張國樑因金陵布置喫緊。未能遠離。張玉良一軍。如能趕到。即可迅速埽除。但江西賊匪欲竄衢州。杭城防守。又形喫緊。萬一張玉良不能前來。即著和春調鄭魁士。由溧水赴常州督兵。較為近捷。王有齡准其暫留常州。協同該督守禦。俟張玉良或鄭魁士到常。即行馳赴浙撫新任。其未到之馬占葵等。所帶各兵。並著飛催前進。何桂清惟當就現有兵力。先除溧陽埤股匪。由宜興金壇。以次埽蕩。規復溧陽等處。毋令蔓延。其無錫等處。入蘇州要路。即著徐有壬嚴密堵守。為要。何桂清現籌防事宜。未遑兼顧夷務。著傳諭薛煥。遇有緊要夷情。即由該藩司單銜馳奏。以免稽延。或和議未妥。必須該藩司北來。即著該督飛飭沿途地方。妥備夫馬。以便趲程前進。不致遲滯。將此

由六百里加緊各諭令知之。○又諭。勝保慶廉奏。督辦民團。派委得力大員。實力舉行。並將所擬章程告示呈覽一摺。豫省捻氛肆擾。兵力不充。自應舉辦團練。以固疆圉。經該副都統等酌定章程。變通辦理。尚屬妥協。著即照所擬舉行。並派委在籍五品頂戴前順天府府尹宗元醇。記名道趙書升。記名知府傅壽彤。分赴歸陳兩府。實力興辦。並飭南汝光道鄭元善。汝甯府知府祁之銓等。帶領委員。

會同各州縣分別段落。前往布置。務使眾志成城。戰守兼資。以免有名無實。並著隨時察覈。如有窒礙難行之處。量予疏通。儻該委員等辦理未善。亦即嚴加叅辦。至團丁調營後。酌給軍火糧草。著即設法籌捐辦理。惟團丁等更番調營。所領糧餉。易滋流弊。儻不覈實支發。恐團丁不服。難期得力。著勝保等嚴飭該委員等。實用實銷。不得絲毫冒濫。仍按月造冊報部。以備查覈。另片奏。派兵於直豫交

清 實 錄 咸豐十年閏三月上

界力顧河防等語。所有大名道聯捷。派撥防兵六百名。即著長駐蘭儀上店。柳園河口。其餘四百名。仍留直境開長等處。其自柳園口以上各口岸。責成參將穆特布。會同道廳。嚴密巡查。與直隸防兵。聯為一氣。遇有緩急。互相策應。毋得專諉諸直隸防兵。儻該匪由蘭儀等處北竄。惟勝保是問。所有直隸出境防兵。應需口糧。本日已諭恒福按例支放。如有不敷。亦應自河南籌款協濟。勿分畛域。將此

由五百里諭令知之。○飭戶部籌銀二十萬兩。解赴僧格林沁軍營充餉。○改丁憂江西九江鎮總兵官普承堯為署任。督辦防堵。俟事竣回籍終制。○癸卯。署四川總督曾望顏奏報蒲江縣城收復。敘永廳屬地方肅清。得旨嘉獎。○以正白旗蒙古副都統法福禮署烏魯木齊都統。○以四川名山縣城被賊竄陷。署總督曾望顏下部議處。○予四川邛州陣亡雲騎尉王經。外委樊永清。教諭羅策。祭

葬世職。○甲辰。諭內閣。前據給事中李培祐。以曾望顏任性妄為。聲名狼籍。臚列十二款。參奏。當交樂斌。會同譚廷襄查辦。茲據該督等查明各款虛實情節。分晰覆奏。如原參濫保軍功一款。據稱咸豐七年間。豫匪竄擾陝界。曾望顏調兵防禦。均有斬擒。奏報情節。尚無鋪張。其添保及刪除各員。亦尚平允。惟同知張兆蓉一員。雖非遇賊先逃。究無顯著勞績。曾望顏將該員請賞換花翎。殊未允協。至

商雒防堵一案。用銀止六萬四千有奇。原參所謂防堵為日無幾。銷銀一百餘萬。係屬傳聞之誤。前任商州知州唐李杜。支應兵差。有應行找領銀兩。及繳還長支銀兩。並無找給銀七百餘兩。及委沈壽嵩調停之事。至沈壽嵩於官錢局未改章程以前。曾節欠銀五千四百餘兩。除收清外。短銀三十餘兩。亦經還訖。此外並無向官錢鋪借用銀兩之事。曾望顏之子報捐郎中曾捷魁。有查街拏賭之事。

原叅所稱與各官宴會往來招權納賄均無實據。委員長起赴漢中辦理釐捐。因與南鄭縣知縣蘇鼎甲言論未協致滋事端。別無藉差滋擾情弊。長起之父伊綿阿原係漢中鎮總兵。長起出省後家人送眷至漢中賃房居住。就近支領廉俸亦無擾累百姓之處。寶雞縣知縣王昌穀平日居官尚無不洽輿情之處。號鎮刁民聚眾折毀土行一案亦係愚民圖免抽釐恃眾滋事並非官吏差役勒索激

成。惟該縣於此案因曾望顏函示僅將自首三人枷號完結不免草率。至買空賣空久干例禁。曾望顏曾經出示通衢並札行各屬一體嚴禁。嗣經推廣釐捐並未實力申明前禁。臨潼縣知縣張舒芾因前代沈壽嵩籌墊捐項銀五百兩業經沈壽嵩給還適在該府赴京之前致有訛傳。原叅沈壽嵩勒派程儀張舒芾送銀一千實無其事。前署鳳翔縣知縣封錫蒲相驗命案未及詳報即行卸事並非

諱匿。曾望顏先以玩視人命奏叅革職後經查知追悔旋請開復並非封錫蒲鑽營亦未抑勒馬綸篤檢舉其令沈壽嵩函致已革鳳翔府知府王炳勳聲請更正亦非私情請託。澄城縣知縣梁際殷於監生韓貽孫呈報竊案亦經批准詳報。曾望顏因伊叔韓瑞東飾詞控告遂以該縣匿報盜案奏叅革職未免急遽。惟賊已逾貫該縣既未親勘又未緝獲正犯亦難辭咎。曾望顏並無挾嫌情事。至曾

望顏原保沈壽嵩摺內均有實在事迹。且案經藩臬兩司會詳亦非該署督平空保奏。其沈壽嵩兩次所得保舉均係特旨獎勵並非該署督擬議聲請。除前任商州知州唐李杜等均著無庸置議外。陝西候補同知張兆蓉雖因受傷突圍而出究屬失於應援。所有原保花翎著即撤銷。仍留藍翎免其查議。委員候補通判長起雖無挈眷同行滋擾地方之事。惟委辦釐捐接留眷口足見以官為家不

過希圖分潤。况會辦釐捐。未能明白勸諭。更屬草率。寶雞縣知縣王昌穀會辦釐務。未能消患未萌。僅將自首三人。遷就了結。實屬辦理失當。均著交部分別議處。署鳳翔縣知縣封錫蒲。雖非有心諱匿命案。第漏未造冊移交後任。致書吏歸入已結卷內。實難辭咎。業經曾望顏奏准開復。仍著交部另行議處。已革鳳翔府知府王炳勳。原稟鳳翔縣命案。止敘訪聞飭訊緣由。並未請參。曾望顏遽以誤

揭屬員附參。王炳勳業經另案革職。所有前參降一級留任處分。著即註銷。澄城縣知縣梁際殷。雖無諱盜情事。而於事主報縣之初。既未親往勘驗。迄今四年之久。又未拏獲賊。亦屬咎有應得。著開復原參諱盜處分。仍照例議處。陝西巡撫現署四川總督曾望顏。雖訊無賊私重情。惟舉劾屬員。多有草率錯謬。且明知其誤。仍不檢舉。又令伊子查街拏賭。干預公事。致招物議。實屬不自檢束。著交

部嚴加議處。西安府知府沈壽嵩。於官錢局改定章程以後。並無交易虧短情弊。惟於曾望顏誤參封錫蒲諱命一案。尚未深悉。是否王炳勳誤揭。輒因曾望顏面諭。即行函令更正。事雖因公。究屬不合。著交部議處。○又諭翰林院應行保送御史。現在合例應保者。人數無多。著將從前曾經保送未經記名各員。與應行保送之員。一體帶領引見。○諭軍機大臣等。瑞昌張玉良奏。衢防喫緊。蘇常戒嚴。縷陳分兵援應各事宜一摺。賊匪由江西窺浙。常山江山已有賊蹤。情形實屬喫緊。瑞昌等業已挑選練勇。派員管帶。分起赴衢。聽候饒廷選調遣。著即責成該鎮實力堵剿。毋稍疏失。儻兵力實有不敷。准其招集民團助剿。至已革臬司段光清。既據瑞昌等奏稱。於沿江一帶情形。尚為熟悉。著准其暫行派往衢嚴。會同饒廷選商辦防剿。俟有人接手。即遵前旨拏問。江南自溧陽東壩失陷。蘇常萬分

危急。惟俟援浙各師。回軍勦辦。昨已諭知和春等。浙省衢防喫重。如張玉良不能折回。即令鄭魁士由溧水赴常州督勦。仍留張玉良督辦浙江軍務。著瑞昌等酌量情形辦理。現在熊天喜等駐劄界牌等處。即著瑞昌、張玉良督令相機進攻廣德之賊。不得徒事株守。王有齡赴援常州。已准其暫留該處。俟鄭魁士到後。再行赴任。所有省城善後事宜。並著瑞昌等妥為籌畫。隨時具奏。將此由六百里

諭令知之。○又諭。本日據英桂奏探聞捻匪竄至鞏洛。意圖西犯。派委員姚慶布等帶兵二千名。分布破石驛、茅津渡等處駐劄。以防西竄。惟晉兵夙非勁旅。恐不足恃。該省東南各州縣多與豫省接壤。若派兵常川防堵。則經費難支。旋撤旋防。又疲於奔命。且各屬距省較遠。聞警調兵。更有鞭長莫及之勢。請飭勝保於豫省扼要截堵。各等語。晉省著名富庶。久為捻逆所垂涎。該省官兵未經戰陣。恐

未可恃。自係實在情形。勝保督辦勦匪。責無旁貸。不得任其竄擾鄰省。著勝保慶廉探明匪蹤所向。即派兵繞前截擊。毋令闖入晉疆。徒成尾追之勢。將此由六百里諭令知之。○又諭。前因捻匪有窺伺陝省之意。恐其聲東擊西。旁竄晉疆。已諭令英桂將前次備調兵二千名赴澤潞一帶防堵。茲據該撫奏稱。探聞捻匪竄至鞏洛。與晉省壤地毗連。現於陝州之破石驛及茅津渡東灘渡封門口等處。

各派兵五百名扼要布置。河東運城地方亦派省標五百名馳赴防守。所辦尚屬周妥。惟賊蹤飄忽靡常。難保不於無兵處所折竄。該撫即飭地方官勸諭民間舉行團練。以壯聲威。並調大同鎮官兵到省聽候調遣。偵探何路告警。即派兵由何路迎擊。以期力保完善之區。是為至要。將此由五百里諭令知之。○又諭。前據給事中李培祐奏。參曾望顏各款內有該撫查閱營伍時。攜帶伊子曾捷魁同

行經過地方。每處封送曾捷魁銀二十四兩。及三十二兩不等。名為少爺茶敬。當諭令樂斌。會同譚廷襄查辦。茲據奏稱。已據署韓城縣知縣楊廷翰等稟稱。曾望顏家丁張姓。有藉端需索情事。至曾否與曾捷魁另有牽涉。請飭查訊等語。家丁張姓。現隨曾望顏赴川。著崇實提訊究辦。曾捷魁有無沿途收受茶敬之事。一併查明懲處。毋稍徇隱。樂斌等原奏。著即鈔給閱看。將此由五百里諭令知之。

○杭州將軍瑞昌等奏。賊陷德清武康兩城。均經收復。報聞。又奏。衛防喫緊。請飭段光清。前赴策應。得旨。該革司雖於地方情形熟悉。惟恐自知罪重。焉能更往向前。○以安徽南陵擊賊出力。賞副將吳再升。都司江萬川。張順林。花翎。知縣廉能等。加銜升擢有差。予陣亡副將榮陞祭葬世職。如總兵例。

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之三 百十二

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之三百十三

監修總裁官臣等謹將文宗顯皇帝實錄卷之三百十三

大學士官修纂官臣等謹將文宗顯皇帝實錄卷之三百十三

大學士官修纂官臣等謹將文宗顯皇帝實錄卷之三百十三

大學士官修纂官臣等謹將文宗顯皇帝實錄卷之三百十三

大學士官修纂官臣等謹將文宗顯皇帝實錄卷之三百十三

敕修

咸豐十年庚申閏三月乙巳諭內閣勝保奏

請將不遵軍令之都司革職提訊等語河南
候補都司李永祿管帶馬勇隨同追賊行至
新鄭縣地方經總兵承惠催令出隊該都司
所帶馬勇輒敢藉端鼓譟折回鹿邑實屬膽
玩已極李永祿著先行革職審訊如訊有故
縱情弊即著按軍法從事其撤回勇丁著一
併分別懲辦以肅戎行而伸法紀諭軍機
大臣等勝保等奏請調西安馬隊赴豫助剿
等語前因捻蹤西竄經譚廷襄撥西安馬隊

一千名防守函谷關茲勝保等奏請借撥五
百名俟伊犁餘丁到豫將此項馬隊撤回原
營惟勝保等前請調伊犁餘丁並未准其調
撥此項西安馬隊一經借調即難遽行撤回
現在陝省防務緊要已屬兵丁不敷分布勢
難再行出調況添兵即須添餉河南欠解各
省軍餉甚多現又辦理民團須籌經費何得
屢請徵調不顧餉需所奏著毋庸議將此由
六百里諭令知之○以禮部右侍郎伊精阿

為繙譯會試正考官工部左侍郎伊勒東阿
為副考官○以呈進會試題名錄遲誤知貢
舉靈桂楊式穀下部議處○以勦辦河南捻
匪出力賞守備張明崑千總雷鳴夏花翎五
品軍功蕭成惇藍翎餘升擢有差○准丁憂
河南按察使周士鐸暫留勝保軍營差委
丙午諭軍機大臣等前因翁同書以餉需不
至兵勇飢潰堪虞請於北路協餉外另撥江
西省銀數萬兩當交戶部速查皖餉分別嚴

催具奏。茲據該部奏稱。江西月解曾國藩軍營餉銀六萬兩。徽防軍餉八萬兩。再令協濟皖北。力有未逮。應毋庸議。並據查明皖北軍餉。自九年正月為始。截至本年三月止。山西欠解銀五萬八千兩。陝西欠解銀二十三萬五千兩。河南欠解銀十二萬五千兩。請飭嚴催等語。山西等省應解皖北協餉。積欠甚多。以致翁同書軍營兵勇枵腹荷戈。軍情岌岌。設因糧絕潰散。大局何堪設想。著英桂慶廉

譚廷襄。務將應解皖餉。按月如數解往。其以前積欠。著限於半年內陸續解清。毋得仍前延宕。儻再任意稽遲。玩視軍需。致誤大局。惟該撫藩等是問。決不寬貸。將此由五百里各諭令知之。○命署廣西巡撫曹澍鍾。馳往四川辦理軍務。○以廣西布政使劉長佑為巡撫。按察使張凱嵩為布政使。右江道華日新。為按察使。○丁未。諭內閣。內務府奏請將有意徇隱之內管領議處一摺。內管領雙桂之

子英連。係現審案內要犯。乃經刑部疊次片傳。並不交出。雙桂著交該衙門議處。仍責令將伊子英連交出。歸案審訊。並著步軍統領衙門。內務府。順天府。五城。將英連一體嚴拏。務獲。毋令遠颺。○又諭曹澍鍾奏。紳團互殺。請將擅決之知縣。把持包庇之紳士革職。審辦一摺。廣西署平南縣知縣羅綱。因團總劉彥文等。平日藉團恣暴。並有砍死鄰團廩生謝林之事。遂將劉彥文。黃榜元誘殺。已屬擅

決。並據劉彥文等家屬呈訴有受賄謀殺等情。省局紳士郎中唐岳。親復該團信函。輒即代為包攬。謁見巡撫兩司。囑其查辦。代寄總督信函。且令其叩閭。慫恿寄信御史。其為包庇已屬顯然。而該縣復許其受賄庇匪。情節尤重。案關官紳互訐。受賄枉殺。虛實均應徹底根究。署平南縣知縣羅綱。鴻臚寺卿銜候選郎中唐岳。均著革職。交張凱嵩提同全案人證卷宗。認真研訊確情。定擬具奏。並著劉

長佑一體稽查。務期水落石出。毋得草率結案。○諭軍機大臣等。本日何桂清等奏。溧水失守。通籌防剿情形一摺。據稱三月二十八日。溧水失守。大股逆匪與金壇之賊併竄。紅山地方。距白垵僅十餘里。請將常鎮諸軍就近暫歸張玉良節制等語。白垵地方。上通句容。下達丹陽。並可直抵鎮江。設該逆分竄。則大營後路為賊所包。於大局甚有關繫。句容雖經和春派兵防堵。而丹陽鎮江。空虛實甚。

何桂清現派副將向奎馬占葵等統帶兵勇先赴鎮江。並飛催熊天喜率廣德得勝之師。由常赴鎮。一俟趕到。再令馬占葵一軍扼守瓜州。以通大營至蘇常之水路。派已革總兵蕭知音等帶領兵勇並舢板船隻馳往丹陽一路。以通大營至蘇常之陸路。布置尚屬周妥。惟溧陽尚未克復。金壇之匪有回竄之信。宜興西北各鄉賊氛尚熾。當此逆匪環逼。何桂清所派各軍。是否足敷防剿。著和春張國

樑體察情形。趕緊將大營後路妥為布置。毋令該逆分竄。丹陽鎮江等處逆匪欲由豐義直撲常州。該處防務未可稍涉大意。所有總兵馬得昭等兵勇自應一併暫留常州調遣。張玉良已到常州。著暫留江蘇節制諸軍一切防剿機宜。仍隨時咨商和春張國樑務令聲勢聯絡。不可顧此失彼。將此由六百里諭知和春張國樑何桂清。並傳諭張玉良知之。○以署正藍旗蒙古副都統奕貴為正紅旗

蒙古副都統。○以甘肅肅州鎮總兵官張玉良為廣西提督。未到任前。以廣東陽江鎮總兵官潘慶署理。○以自陳病廢革副都統伊興額職。勒令回旗。○予廣西軍營病故提督慶寅祭葬卹廕。○戊申。諭軍機大臣等。前因捻匪窺伺陝境。恐其旁竄晉疆。當諭將前備調官兵二千名。飭原揀統帶之副將穆騰額等帶赴澤潞一帶。擇要扼剿。旋據英桂奏。已於太原大同二鎮。挑選官兵。並於省標派兵。

分防要隘。以杜竄越。本日據僧格林沁等奏。請調山西備調官兵赴防等語。山西毗連陝州等處。既據該撫派兵嚴防。並另挑太原大同兵二千名赴省聽候。是分布之兵。尚可敷用。所有前諭備調官兵二千名。著英桂即飭穆騰額等統帶。配帶擡槍烏槍。馳赴津郡。聽候僧格林沁調遣。毋稍遲誤。將此由五百里諭令知之。○又諭。前因楚省各軍分道入皖。攻剿喫緊之時。以得力勁軍分撥赴浙。恐兵力空虛。當諭令蕭翰慶所帶之衛勇義勇。仍留楚省。為入皖剿賊之用。茲據張芾奏。浙西敗匪竄至建平一帶。甯國府情形危急。並浙東又有賊氛。徽州防務增嚴。請暫留援浙楚師等語。江西股匪由鉛山等縣擾及浙江邊界。與徽屬歙休婺源毗連。並窺伺歙南之連嶺歙嶺。現在甯國緊急。徽防又以浙東有警。多所牽掣。淳安竄賊。飄忽靡常。自應亟籌堵蕩。勿致蔓延。所有蕭翰慶一軍。著准其留於

張芾軍營。即飭令進攻旌太涇縣。速解甯國之圍。以保全皖南大局。○另片奏請飭曾國藩督辦皖南軍務等語。曾國藩現在安慶。勦辦賊匪。皖北情形喫重。其所部得力將弁。調撥至他省辦理防剿事務者。亦已不少。若將曾國藩調往皖南。恐所統各軍無人接管。所有皖南軍務。仍著責成張芾督同周天受認真辦理。相機籌畫。以期事權歸一。迅掃賊氛。毋庸輕議更張。至各營積習。務須力為整頓。不得因難推諉。日就廢弛。將此由六百里諭令知之。○欽差大臣僧格林沁奏。津防軍報緊急。探差官弁口分。並駝馬餵養。每月需銀一百三十六兩零。請全准支領。從之。○以內閣學士伊奇哩署正藍旗蒙古副都統。○以甘肅安西協副將李世忠為肅州鎮總兵官。○己酉。諭內閣。刑部奏。現審案內。供有職官勾引外人強劫己家財物。請旨革職嚴審一摺。此案內務府正白旗漢軍候選同知德溥呈

報被賊持械撞門。劫去財物業據該員家人王四等供稱德涇曾密告以數日內邀人強搶伊母財物。並據德涇之母薛氏供稱德涇向不務正。被劫後在德涇房內搜出金銀等語。提訊德涇則稱並非被劫原贓。其勾引外人強劫伊母財物之處。堅不承認。顯係恃符捏飾。希圖避就。德涇著即革職。嚴行審訊。並著步軍統領衙門。順天府。五城。將此案賊賊嚴拏務獲究辦。○諭軍機大臣等。本日據瑞

昌奏。賊蹤移竄嚴屬杭省。又形危急。請飭撫鎮回援。並逆匪由分水竄踞昌化縣城。各摺片。逆匪大股由開化之華埠竄出。於三月三十日竄入遂安。又分股撲擾涇安。竄踞昌化縣城。大肆焚掠。該縣水陸交通。逼近杭郡。自應亟籌防勦。現在王有齡已起程赴浙。省城一切守禦事宜。自可與該將軍周密布置。惟杭州甫經收復。人心未定。存城兵勇不過五千。實形單弱。復無得力大員統帶。甚屬可虞。

張玉良因蘇常告警。業已馳赴常州。現在該處情形稍鬆。自應先其所急。著和春等即飭張玉良統帶兵勇迅速折回杭州救援。竭力堵禦。毋令賊蹤再行闖入。復肆蹂躪。以保省垣重地。前諭和春調鄭魁士由溧水赴常州督兵。較為近捷。儻鄭魁士或因老病未能獨當一面。著和春體察情形。另派得力大員前往節制諸軍。妥為勦辦。何桂清身任總督。一切防勦機宜。亦可就近調度。務須督飭諸軍

趕緊將溧水建平東壩等處克復。毋令窺伺腹地。致滋蔓延。以保全東南大局。將此由六百里加緊諭知和春張國樑何桂清並傳諭張玉良知之。○又諭瑞昌奏逆匪由開化進竄遂安。又分擾涇安。嚴州防務喫緊。旋復竄踞昌化。杭城又形危急。本日已寄諭和春等並傳諭張玉良迅速回援。王有齡於本月初五日起身。計已馳抵省垣。著即與瑞昌妥籌布置。固結人心。示以鎮定。一面嚴密防守。一

面遣派得力將弁。在城外剗營。扼要截擊。不得如羅遵殿株守省城。致蹈覆轍。瑞昌現調李定太節制各軍。該員前次赴援杭州。遷延不進。並聞所帶兵勇到處騷擾。似此庸懦之員。恐難勝統率之任。現在衛防較鬆。張玉良未到以前。即可令饒廷選暫行節制各軍。仍嚴飭李定太約束兵勇。奮力勦賊。儻再觀望不前。即行從嚴叅辦。並飭布興有管帶礮船嚴防江路。毋許疏懈。省中鄉勇僅止五千。朕

聞兵勇多有通賊之事。此次瑞昌所奏。即有土匪潰勇為賊先導等語。必須查明各勇。如有通賊情事。即正法數人以儆其餘。該將軍等奏稱遂安被賊竄入城池。是否失陷。及昌化失守情形。文武各官下落。著瑞昌主有齡迅即查明。據實具奏。將此由六百里加緊諭令知之。○予貴州黃平州陣亡知州楊承照祭葬世職。並於死事地方建立專祠。妻王氏。子恒錫等十一名口。分別旌卹。一併附祀。○

庚戌。軍機大臣會同內務府大臣。審訊太監張府私藏軍器。並知情不舉各犯。分別定擬。得旨。張府著即處絞。○以江南句容縣城被賊竄陷。革副將梁克勲職。予陣亡把總王德魁主得均祭葬世職。○辛亥。諭內閣吏部具題。遵議禮部漏檢科場條例之堂司各官處分。此係嚴辦科場案內之事。禮部初次奏摺。實屬含混。迨經特派會同覈議。始行更正。試問科場既有專條。何得謂之漏查。及自請議處。又何得謂之檢舉。將該堂司照徇庇例治罪。亦不為過。況此係去歲秋間之事。因何遲至半年之後。始行具題。著吏部堂官明白回奏。至麟魁等處分。著吏部照有意蒙混。尚非始終徇隱例。酌擬具奏。尋奏。遵擬禮部郎中壽昌等。應照徇隱例減等。降一級調用。尚書麟魁等。降一級留任。均不准抵銷。從之。○又諭。前據刑部審擬。驍騎校阿克達春呈控。佐領奎福不准眾軍卸米一案。當經派令戴垣。

會同本旗都統惠親王等再行秉公覆覈。茲據載垣等查明定擬具奏。並據德全等以失察屬員辦理軍米舞弊等情。自請議處。此案候補印務章京玉崑。於鑲黃旗軍米出倉。包攬售賣。減價散放。參領吉瑞等。因辦公款項。均由辦米餘錢內墊發。因循容隱。咸豐九年分春季軍米。除減價散放。及墊給合旗公用外。餘錢至四千餘吊之多。均經玉崑與吉瑞等分用。驍騎校阿克達春。訪知情弊呈控。經

惠親王。派委吉瑞等訊問。吉瑞等會同署佐領奎福。向阿克達春。玉崑開導。並經奎福將該驍騎校應得甲米付給。令各具和息親供。隨經惠親王。訊知阿克達春所具親供。非出本意。奏交刑部審辦。該部並未深究。屢向阿克達春威嚇。將就擬結。迨經載垣等傳集原被人證。逐層研訊。始各供認前情不諱。已革參領吉瑞等。於該旗應領軍米。任聽玉崑違例私折。復敢收用贓錢。苦累眾軍。實屬罪無

可逭。已革參領吉瑞。松瑞奎福。均著從重發往新疆效力贖罪。印務章京瑞柏常順驍騎校慶舒玉和。文明。德克津布。國紳。均著革職。與已革參領瑞禧。祥慶。均從重發往軍臺效力贖罪。吉瑞等均無庸追贓。即行起解。領催松林。得受津貼錢文。計贓較輕。著革去領催。無庸治罪。頭等護衛毓祥。趕福。二等護衛志格。四品典儀恒順。六品包衣達存。興於。應得俸票。並不關領。輒行售賣。實屬有干功令。均

著即行革職。領催廣義。為玉崑請託未成。畏罪逃走。雖旋經投案。殊屬狡猾不法。著革去領催。銷除本身旗檔。仍笞五十。解任驍騎校阿克達春。屢控屢銷。無非假公濟私。意存挾制。著即革職。候補印務章京玉崑。私辦軍米。婪贓行賄。業已畏罪自縊。所得贓錢。並無確數。著免其追繳。伊子馬甲惠昌。著革去馬甲。永遠不准挑補差使。已革司儀長玉連。通同玉崑舞弊分贓。眾供確鑿。未便因其堅不承

認稍滋寬縱。著從重發往新疆。効力贖罪。並無庸追贓。即行起解。該犯等犯事。均在恩詔以前。惟情節較重。均不准其減免。副參領文桂。印務章京兼公中佐領瑞慶。於承審阿克達春控案。任聽原被告捏供和息。刑部堂司各官。審理此案。亦未深究。將就擬結。均有不合。著一併交部議處。鑲黃旗滿洲都統惠親王。失察所管旗員舞弊得贓。及本府護衛交接旗員私賣米粟。著交宗人府分別議處。副

都統德全。載堪。失察屬員辦米舞弊得贓。德全並失察家人收受喜錢。均有應得之咎。著交部分別議處。又諭恩麟奏查明織關兩處情形一摺。本年二月間。賊陷杭城。織造衙署案卷等件。盡遭殘損。南北兩關口。址半被蹂躪。其庫存銀兩。亦被劫掠。恩麟未能先事防範。又未自請議處。實屬昏愎。所有被劫之飯食等銀八千餘兩。著恩麟照數賠補。其衙署及兩關口。址亦著一律賠修。仍交部議處。

以示懲儆。諭軍機大臣等。前因曾望顏奏。撤任知府翁祖烈。臚列八款。託告。並抄錄呈覽。當經諭令崇實。於行抵四川後。秉公查辦。茲據崇實奏。行抵川省日期。先將現在軍務。咨詢該署督。並翁祖烈原託八款。與曾望顏錄呈之件。語句不符。抄錄覆文。託款各件。呈覽。所有督勦畏葸。及武備廢弛二款。雖經該署督據咨答覆。仍著該大臣。與原託各條。一併詳細查明。秉公覈辦。務期水落石出。毋得

稍有不實不盡。至原稟八款。既與曾望顏錄呈之件不符。著即照該撤任知府原稟查辦。其曾望顏應得處分。俟該大臣逐款查明奏結時。再降諭旨。將此由五百里諭令知之。又諭前因扎拉芬奏等。請飭催甘省欠餉。當經諭知林揚祖。無論何款。先行籌撥銀數十萬兩。解赴伊犁。復據林揚祖奏。稱甘肅藩庫存款無多。請飭各省迅速續解。並稱陝省自再設捐局以來。書捐銀數已八十餘萬兩。

請借撥銀十五萬兩解甘等語。當交戶部速議具奏。茲據該部奏稱。各省協濟甘餉積欠已至一千數百萬兩。上年十一月內。曾由該部查明。令先籌撥銀各數十萬兩。於年內解赴甘省。請嚴飭各省。仍遵該部前奉諭旨。籌解等語。山東。河南。山西。陝西。各省。應解甘肅協餉。自上年正月起。至本年二月止。僅據解到七十餘萬兩。其餘積欠未解者甚多。邊疆重地。待餉孔殷。似此任意延玩。必致貽誤要

需。著文煜。英。桂。慶。廉。譚。廷。襄。仍遵上年該部奏奉諭旨。籌撥銀各數十萬兩外。迅將積欠餉銀。按照該部指撥各數。迅行解赴甘省。毋得仍前稽延。致滋貽誤。其河東應解甘省餉銀。據林揚祖奏稱。已報解五萬兩。該部復查明。本月初三日。河東又報起解銀五萬兩。合計已及十萬兩。著林揚祖仍遵前旨。督飭各該藩司。無論何款。先行提借。合之河東解到甘省銀十萬兩。共籌撥銀數十萬兩。先行解

赴伊犁。以免延誤。至陝省應撥安徽軍餉一百五十餘萬兩。曾於咸豐八年間。經安徽巡撫奏請。以兩淮欠解甘餉抵撥。是此項抵款。陝省即應迅速籌解。何以遲延至今。報解甚少。且陝省書捐銀數。已有八十餘萬兩。現在該省雨水應時。開徵又早。藩庫存款。自應充裕。著譚廷襄。即於捐輸釐金各款。先行借撥銀十五萬兩。作為抵撥應解之款。限於四月十五日以前。解赴甘省。毋許藉詞延宕。致干

咎戾。將此由五百里各諭令知之。○又諭海瑛。奏署提督田興恕。現督大隊。由靖州拔營。取道黔省之銅仁一帶。分路進兵。以固貴陽省垣門戶。兼防粵匪。惟所部兵練僅四十餘名。不敷防剿。擬添募壯丁。足二萬人之數。始能濟事。月需餉銀十二萬兩。黔省斷難籌茲鉅款。請飭湖南。並江西。湖北等省。按月各協濟數萬兩。由湖南湊足十二萬兩。以濟田興恕軍餉等語。黔省餉需支絀異常。前因該署

提督一軍入黔。餉需不繼。恐致停兵待餉。諭令駱秉章設法籌撥。現在該省苗教各匪竄越過江。逼近省城。情形危急。田興恕所部兵練僅止四千餘名。自應添募壯丁。以資攻剿。所需月餉。黔省無從籌畫。均係實在情形。非各省力籌協撥。田興恕亦必束手無策。惟江西防兵。尚有四萬餘名。又月解曾國藩及徽甯軍餉。為數已屬不支。仍恐有名無實。若令楚南北月籌十二萬兩之數。湖北現在分兵

入皖。湖南亦派兵援川。援粵。餉需未能充裕。恐難籌此鉅款。著官文、胡林翼、駱秉章酌量情形。不必限定數目。按月設法籌撥。由湖南轉解。總期田興恕新舊各部士飽馬騰。不致因餉缺掣肘。是為至要。將此由六百里各諭令知之。○署貴州巡撫海璠奏黔省己未恩科鄉試。因軍務喫緊。未能補行。仍請展緩。從之。○以安徽紳團協力收復城池。永廣懷遠、五河兩縣及臨淮鄉文武學額各二名。鳳陽

縣三名。○予廣西陣亡知州積綸吏目李作東。把總徐嘉會。祭葬世職。軍功郭永清賞卹如例。○予浙江杭州殉難刑部員外郎許潤身妻孫氏等十口。旌卹如例。○豁免安徽懷遠、鳳陽、五河三縣及臨淮鄉被擾地方積欠額賦。○壬子。諭軍機大臣等。本日據何桂清奏夷酋復各呈遞照會。意在以兵脅和。一摺。該酋等攔漕停稅之舉。雖經華商與洋商多方阻止。始行罷議。而兵齊報復之說。仍復牢

不可破。所遞照會。無非欲以兵脅和。言辭殊為狂悖。現在英酋已換嘔囁。噍酋已換噉囉。均有四月可到之說。既已換人。此時噉首等諒未必遽敢犯順。該大臣惟當俟噉首等到後。仍飭薛煥督同吳煦。密飭華夷各商。迎機開導。俾就範圍。此時毋庸再與噉首曉辯。轉令彼持之愈堅。至天津原定條約內。為害最甚者。如夷船入江。海運河運。皆歸其掌握。挾制無窮。夷人駐京。則中國為外夷所監守。

自古無此體制。萬不可行。其餘各條如無大窒礙之事。即不妨略予通融。如果該夷一意堅執。不肯改易。輒云奉有伊國勅諭。該大臣亦可云。此事係屬奉旨斥駁。藉以折服其言。至所稱薛煥應否豫飭來京。此言殊屬非是。天津非議和之地。溯查道光年間。各國更換條約。均在外間議定章程。送至京師用寶。今既許其來京。礙難與噶酋再說更改。必當事事說妥。然後許其進京。彼時薛煥前來。亦不

過令其作一見證。並非在津議事也。該大臣仍當飭薛煥迅赴上海。設法挽救。豈可先令北來。竟以議和一事。諉之天津耶。至噶爾噠到滬。當以噶酋背約一事責之。並非中國失信。此時仍准議和。係中國格外寬恕。所有在上海換約一事。不妨與噶爾噠說知。看其有無轉機。再行酌辦。至該大臣此次已許噶酋等代奏。該夷必要索看上諭。為此另寄諭旨一道。以便該大臣於奉到時。或摘錄給予閱

看。或傳述大意。令彼知悉。此密寄中言語。萬勿先行宣露。為要。將此由六百里密諭何桂清。並傳諭薛煥知之。又諭何桂清奏。英、佛二國公使投遞照會。據情代奏一摺。英、佛二國自道光年間。五口通商以來。十餘年間。久歸和好。從無稱兵構釁之事。乃中外所共知者。迨咸豐七年。無故於廣東起釁。八年復直犯天津。經桂良等推誠開導。許立條約。詎上年春間。又帶兵船到津。不遵理諭。毀我海口。

防具。首先背約。其損兵折將。實屬咎由自取。並非中國失信。所有八年議和條款。自應概作罷論。惟據何桂清奏。中國與外國各商。恐礙生計。不願再啟兵端。噶爾噠亦當深知悔悟。乃此次照會內。仍欲事事須從原約。是噶爾噠尚未自知悔悟。該督亦無從代彼乞恩。如其真心和好。朕亦必體恤中外各商。允其所請。然必於前議條款內。擇道光年間曾有之事。無礙大體者。通融辦理。令其有以回報。

該國保全顏面仍須於上海定議不得率行北來。儻再有兵船駛入攔江沙毀防守器具等事。必當痛加攻勦。毋貽後悔。至嘑使照會內有以軍機大臣不自行覆給照會為簡慢之處。不知道光三十年。英國投文與軍機大臣穆彰阿等。其時即由兩江總督陸建瀛代為答覆。因軍機原不管通商之事。此時照舊例辦理。並非簡慢。將此由六百里諭令知之。○禮部以繙譯會試中額請得旨。京旗取中

一名。駐防取中一名。○癸丑。諭內閣稽查北新倉御史恩霽奏。拏獲偷竊倉糧賊犯一摺。本月十五日夜間。北新倉有賊犯多人偷竊倉糧。經該倉監督榮魁會同朝陽汛把總周麟。楊廣福等。拏獲賊犯及窩賊人犯共五名。並賊米五石零。所有賊犯張太。安四。魯大窩賊人犯張有兒。王太。連。按獲賊米著一併交刑部嚴行審訊。其未獲賊犯孔禿子等二十三名。及買贓之天義米局。洪興米局。著步軍

統領衙門。順天府五城一體嚴拏務獲歸案究辦。其歲字殿被竊米石確數著派劉崐會同倉場侍郎廉兆綸盤查具奏。○諭軍機大臣等。據楊載福奏巡查下游江面派營堵勦情形一摺。逆匪於李陽河盤踞附近山後。騷擾村市。並擄船欲渡北岸。該提督行至池州府之鳳凰峽。內港水淺。礙船不能前進。土橋逆匪築壘開濠。水師獨攻一面。難以得手。現在李陽河。既經楊載福派總兵李成謀等移

營扼堵。即著飭令嚴密防守。毋令賊匪得以偷渡。其鳳凰峽等處。既未能進攻。著楊載福督飭各營堵勦。於沿江各要隘。不時帶船梭巡。與陸路楚軍互相聯絡。俟胡林翼等克復桐舒。移師會剿。以期一鼓蕩平。樅陽等處。復有該匪偷載蘆柴。欲運往安慶。業經為我兵焚燒。仍飭李成謀等加意防範。毋稍鬆懈。江南現因溧水。句容相繼失守。溧陽又未克復。得力兵勇調赴常州。鎮江等處。大營頗覺空

虛。恐金陵殘喘餘孽。乘虛外竄。則蕪湖安慶。益形喫重。著楊載福會同江南水師總兵吳全美李德麟等。聯絡聲勢。隨機痛剿。力杜外竄。是為至要。將此由五百里諭令知之。命河南學政李鴻藻來京供職。以右春坊右中允景其濬提督河南學政。甲寅諭內閣。戶部奏請將抵通漕米收存城內七倉。以杜偷漏等語。城外倉廩。巡查看守。未能嚴密。疊經該部奏准。先儘城內七倉收儲。乃數年以來。

仍未遵辦。所有本年江浙海運豫東河運漕糧。除清河安河之本裕豐益二倉。仍按應放之數派收外。其餘米石。著倉場侍郎儘數均勻。派收城內七倉。不得意為多寡。以重倉儲。又諭。前因袁甲三奏副都統伊興額自陳病廢。降旨革職。飭令回旗。茲據都察院奏。安徽監生張鴻文等於未奉諭旨之前。聯名赴該衙門具呈。懇令該革員仍駐濉溪總辦。剿匪事務等語。伊興額前在軍營。屢次獲咎。朕

因江蘇民人鄭立本等來京具呈懇留。是以俯順輿情。令其仍駐濉溪認真勦捕。乃該革員藉稱患病。延不前往。嗣復派赴袁甲三軍營帶隊。勦賊輒敢自陳病廢。不能當帶兵重任。是伊興額辜負朕恩。並非朕棄置不用。所有該監生等聯名具呈之處。著毋庸議。張鴻文即交該部遞解回籍。諭軍機大臣等。前因扎拉芬奏。接據裕瑞函稱。浩罕因葉爾羌弁兵毆斃額爾沁。有帶兵前來滋擾情形。

當經諭令扎拉芬等密飭各城嚴行防範。以期有備無患。本日據扎拉芬等奏。委員查稟及現擬籌辦大概情形。並將夷字各件鈔錄呈覽。此次浩罕派來夷使愛孜木巴巴已到喀什。遞字庫孜伯克尚未進卡。所遞字內。詭稱毆斃額爾沁一事。尚未告知浩罕伯克。以額爾沁口回之事。先行探聽。情詞詭譎。其大旨總在籠絡愚回。懈我邊防。然後入卡勾結。羣起響應。惟現在既遣使遞字。即尚有

可乘之機。該將軍等當熟籌駕馭挽回之法。勿使事機即行決裂。方為妥善。著仍遵前旨。一面密飭各城。不動聲色。嚴行防範。以期有備無患。法福禮前已有旨。令馳往烏魯木齊署理都統。茲據奏稱。該參贊大臣熟悉該處情形。如浩罕稱兵。須令前往統師等語。著扎拉芬泰等酌量情形。如果烏魯木齊相距較遠。於策應實有未便。即著法福禮留於伊犁。暫緩啟程前往。將此諭令知之。○又諭前因

中集未上

十一

扎拉芬泰等奏。據裕瑞函稱。探聞浩罕有派兵前往冰嶺等事。當經諭令裕瑞等妥為防範。本日復據扎拉芬泰等奏。查明額爾沁被殲情形。並因接到裕瑞信函。知浩罕明巴什續派夷使愛孜木巴。庫孜伯克。兩人前來。即將明巴什圖書字二件鈔錄呈覽等語。額爾沁於入城筵宴後。本已退去。因聞砲驚駭。互毆致斃。該大臣等實屬未能先事審慎。覽明巴什信內。有自古至今並未聽見過此事。

因恐伯克生氣。再來騷擾地方。未曾回知之語。意在籠絡愚回。俾知其曲在官。而不在彼。且欲懈我邊防。一旦入卡。必至羣起響應。不可收拾。殊屬居心叵測。裕瑞等久無奏報。此次該夷使等既來探信。亟應設法曉諭。將額爾沁桀驁滋事之處。詳細告知。使自知理屈。以免遽開邊釁。其各城回眾。仍須加意安撫。萬勿任令該夷煽惑。致被勾結為患。一切仍與扎拉芬泰會商。妥為籌辦。不得再涉疏忽。

中集未上

十一

致干重咎。並將近日辦理情形。詳細馳奏。將此諭令知之。○署貴州提督田興恕奏。帶兵先援省城。再圖分剿。得旨。黔省餉項匱竭。汝須認真撫循。威令必行。勿使潰散驕惰。○以內閣學士清安署正紅旗漢軍副都統。○以湖北按察使嚴樹森為布政使。督糧道唐訓方為按察使。實授恩錫安。安徽按察使。○予四川名山等處陣亡千總陳洪猷。把總田長林。外委張昇。趙生祿。祭葬世職。

大清文宗協天翊運執中垂謨懋德振武聖孝淵恭端仁寬敏顯皇帝實錄卷之三百十三

平家末主上

七

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之三百十四

監修總裁官經筵日講起居注官太子太保上書房總師傅文蔚監修閣事翰林院掌院學士稽察欽奉上諭事件處國史館修纂官武英殿

大學士管理兵部事務加十三級紀錄十四次臣黃松年奉頒敕宣經提議官太子太保文淵閣領閣事武英殿協辦官教習庫書士體仁閣

大學士管理戶部三庫事務管理刑部事務加二十三級紀錄十六次臣周祖培總載官太子少保管理內繕書事務對引大臣軍機大臣

健監滿洲都統戶部尚書管理三庫事務加四品隨帶加五級紀錄十二次

建武史館總裁直正藍旗蒙古都統禮部尚書管理太常寺鴻臚寺事務加二級軍功加四級隨帶加八級紀錄五次臣倭什琿布等奉

敕修

咸豐十年庚申閏三月乙卯實授毓科江西南

巡撫調署福建布政使張集馨署江西布政使以福建按察使裕鐸為布政使降調湖北布政使莊受祺為福建按察使○以湖北捐輸軍餉永廣江夏縣學額九名武昌興國大冶江陵四川縣各六名沔陽州五名黃岡縣四名咸甯漢陽天門隨光化五州縣各三名嘉魚蒲圻孝感蘄水黃梅京山應城應山襄陽東湖恩施荊門十二州縣各二名崇陽通城通山麻城蘄鍾祥潛江安陸監利松滋宜

都南漳穀城長陽當陽十五州縣各一名○
以克復安徽鳳陽太湖潛山府縣等城賞協
領阿青阿烏凌阿副將蕭孚泗參將姜玉順
遊擊曹克忠委參領常明圖明額守備張士
端防禦富珠哩德明委防禦巴爾佳佈驍騎
校明陞敦奇祥阿巴圖魯名號道員鄭金文
遊擊朱雲章守備馬培基關行莊等花翎知
縣汪榮棠等藍翎免已革總兵官李續燾等
遣戍新疆仍留軍營效力餘升敘有差予陣
亡守備彭元德王家隆把總蔣登鳳外委張
正春等十九員祭葬世職加等披甲賡音保
等賞卹如例○丙辰諭軍機大臣等據翁同
書奏潁州兵練擊破賊圩並截剿由豫回竄
大股擒匪斬殺殆盡一摺擒逆由豫回竄突
撲潁東經潁郡兵練迎頭截剿並擊破王家
海賊圩生擒擒首申連斃賊極眾敗匪奪路
回巢水陸各軍會剿斃匪無數現在沙河南
岸一律肅清此次潁郡兵練齊心擊賊尚能

以寡勝眾不致分竄蔓延實為得力著翁同
書仍飭在潁各軍乘勝進攻沙河河北岸賊圩
俟全行肅清即會合苗沛霖練勇直擣孫逆
等老巢毋留餘孽另片奏吉林馬隊內無馬
兵丁共一百餘名皆係餘丁新補尚為精壯
勝保處現缺馬隊擬派往豫省由勝保撥給
馬匹可期得力等語本日適據勝保奏請飭
袁甲三翁同書等仍派員來豫管帶馬隊著
袁甲三等仍於瑞麟薩薩布善慶克蒙額德
春等五員中酌量派出一二員管帶此項無
馬兵丁赴勝保軍營聽候調遣以資攻剿將
此由六百里各諭令知之○又諭前因浙江
需餉甚亟諭令慶端等撥銀十萬兩解赴浙
省茲據該督等奏稱調派閩兵三千援浙需
用口糧以及俸賞等項幾及七萬兩又因江
右逆匪逼近建甯邵武所屬兵勇防堵需費
不貲所有浙省軍餉一時未能全解現將庫
存兵餉銀三萬兩儘數解赴杭州等語浙省

防勒喫緊。待餉孔迫。閩省僅解銀三萬兩。恐難敷用。前據戶部奏。閩省撥給浙江銀十萬兩。擬由茶稅項下動用。除瑞昌截留閩海關解京餉銀二萬餘兩。其餘七萬餘兩。儘數撥給浙江。著慶端等。即照部議撥解。以資接濟。毋得藉詞延宕。致誤要需。此次派兵三千名援浙。裹帶三個月口糧。及俸賞行裝夫脚等費。何以用銀至七萬兩之多。當此經費支絀之時。即係照例辦理。亦應量為覈減。且恐帶

兵各員。藉此濫支。濫應。本日已諭令戶部查議具奏。並著慶端瑞璜。詳查造報。毋任浮冒。將此由五百里諭令知之。○以浙江省城聞警先逃。副將王邦慶。遊擊沈榮海。革職逮問。○予河南陣亡參將桂喜。都司李振邦。護軍奇布松武。從九品銜金均。祭葬世職。○予安徽潛山陣亡通判徐貴馨。祭葬世職。文生汪春濤等二十四名。賞卹如例。並建總祠。○予安徽定遠。霍山等處。陣亡主事吳觀瀾。知州

李承穎。州判姚震。知縣王世溥。訓導董澂鏡。縣丞王培榮。巡檢袁塾。從九品胡汝禧。未入流章揆。佐領成勇。都司李得勝。守備張邦傑。千總伍光宗。把總夏璽璋。外委康紫亭等。三十一員。祭葬世職。文生沙溥俊等。賞卹如等。○蠲緩安徽宿。潁。上。蒙。城。霍。邱。亳。壽。鳳。臺。英。山。宿。松。阜。陽。泗。太。和。靈。璧。涇。宣。城。太。平。廣。德。歙。休。甯。黟。績。溪。旌。德。建。平。二。十。三。州。縣。並。屯。坐。各。衛。被。災。被。擾。地。方。新。舊。額。賦。及。雜。課。銀。

○丁巳諭內閣吏部奏。遵議私罪降革分發人員。不准仍分原省。另議章程一摺。私罪降革。捐復人員。均係棄瑕錄用。若令其再赴原省。難保不仍蹈故習。貽誤地方。著照所議。嗣後凡有私罪降調革職捐復之員。如係曾任實缺。應歸部銓選者。遇到班時。毋許掣原省之缺。其從前未經得缺。例應回省人員。並一概不准仍赴原省。另以各省配籤分發。如以上各員。加捐指省分發。亦不准仍指原省。僅

原省係軍務省分。仍以軍務省分改指改掣。以杜規避。其雖係公罪情節較重者。並著一律辦理。各該員等赴部報捐。如不聲明降革緣由。徑行指捐原省者。著即照蒙混捏飾例覈辦。所有從前業經指捐。尚未引見發往各員。即飭令於到部時。按照新章。呈明改指他省。再行帶領引見。○又諭。文煜奏。勇隊恃眾滋擾。請將不能約束之道員革職查辦一摺。山東濟東泰武臨道黃良楷管帶步勇二千名。防剿兗沂各屬。經文煜奏明。令在紅花埠一帶屯劄。諄飭嚴加約束。乃該勇等屢有恃強搶擄情事。該道又自蘭陵擅自移營。駐劄滕縣。於奏明有數之勇。任意添募裁撤。本月初六日。該勇等在郟城縣重坊地方。恣意焚掠。殺害團總紳民人等三十餘名口。該道並不據實稟究。反稱被該處民團截擊殺傷。並歸咎於缺糧所致。顯係飾詞袒護。非尋常玩誤可比。運司銜濟東泰武臨道黃良楷。著即

行革職。交文煜查辦。其所部勇隊。即著青州營參將梁愷管帶。仍由署曹州鎮總兵郝上庠統領。認真約束防剿。並將滋事各勇嚴拏訊辦。毋任疏脫。以肅軍律。○又諭。周天受奏。遵查駐守涇縣防堵不力之副將等。及不力守灣灘之各員弁。請分別辦理等語。安徽駐守涇縣援軍。並不扼要嚴防。致令賊蹤闌入。前經降旨。令周天受查參。茲據該署提督查明。該副將等。或因應援不及。或係先勝後挫。尚非畏蕙愆事。所有應援不及之記名總兵廣東南雄協副將李嘉萬。此次進剿寒亭竹塘。尤為奮勇。著免其置議。其屢勝後挫之儘先副將直隸提標左營遊擊黃金友。此次派援浙江。屢臨大敵。現仍在浙剿賊。著拔去花翎。以示薄懲。至該署提督奏參之留浙儘先補用遊擊黃熊飛。於賊竄灣灘。不能力守。雖眾寡不敵。究有應得之咎。著革職留營。守備高殿颺。臨敵潰退。久不歸隊。著革職嚴拏。

務獲按律究辦。○諭軍機大臣等何桂清奏夷人闖入定海廳城一摺。本月初一日。喫啡兵船駛至定海衙頭地方停泊。旋有夷官進城分駐寺院。並徧貼夷示。該夷此次占踞定海。雖未肆擾。而以兵脅和。以地要和。情形殊堪痛恨。此時若調兵驅逐。是自開兵端。但何桂清係總理五口欽差。豈能付之不問。著即照會該酋等。責以定海並非通商之地。何以擅行居住。令其速即退出。免致開釁。看其如何回覆。再行奏明請旨。現在戰撫之局未定。正當喫緊之際。若任聽囑囑。嗟等北駛。更難著手。著何桂清督飭薛煥。曉以桂良業經交卸欽差關防。花沙納又病故。該酋貿然北來。無人講話。該大臣係欽差辦理各國通商事。宜若在上海商議。尚可代奏懇求。儻徑至天津。恐徒啟兵端。於事無益。並將本月十八日所寄諭旨。詳加開導。使該夷得一退步。或可望其轉圜。切不可意存推諉。激其決意北行。

何桂清摺內。已詳細批示。諒該大臣必能仰體朕意。悉心籌辦也。將此由六百里密諭何桂清。並傳諭薛煥知之。○又諭。前據扎拉芬泰等奏。接裕瑞信函。知浩罕明巴什派夷使遞字。有未曾回知伯克之語。恐其籠絡愚回。當諭裕瑞等。將額爾沁桀驁滋事之處。告知夷使。並安撫回眾。勿令勾結為患。茲據裕瑞等奏。業已寄信浩罕申說。該夷接信後。先派回子於二月中旬到喀。與該城阿奇木遞字探問。並說與阿奇木仍然和好等情。旋即折回。察其詞意。尚屬恭順等語。夷情叵測。現雖安靖。難保不暗中勾結。猝啟釁端。又准固慶函稱。浩罕派來額爾沁捏斯密頂等。將到葉城遞字。著俟該額爾沁前來。察其情詞。相機辦理。並將額爾沁滋事各情。詳細告知。使知其曲在彼。儻該夷輸誠效順。自應再加恩撫。如或意存狡賴。即當據理駁斥。以服其心。其本地回眾。先當隨時撫慰。以杜勾結。各邊卡

嚴飭戒備。以絕其窺伺之心。並覓妥靠回子。能深入外夷。愛曼者。密為探報。如浩罕有何舉動。即飛速咨商。扎拉芬。泰安。籌辦。裕瑞著暫緩來京。俟辦理此事得有定局。再行奏請。將此諭令知之。○又諭。本日據何桂清奏。金陵逆援。麇聚常州。兵力不敷。援勦一摺。甯郡。南陵。賊匪大股。一由東壩徑趨金陵。一由溧陽。圖竄常郡。句容。逆匪。因聞防守丹陽。悉向溧化鎮竄去。江北。皖南之賊。併力犯金陵。長圍。勢甚鴟張。和春欲調張玉良等回營助勦。復飭熊天喜等。由丹陽鎮江前進。馬占葵所帶兵勇。又經李若珠調回揚州。現在金陵長圍。攻勦正當喫緊之際。自當兼顧大營後路。以通餉道。並嚴防賊匪抄襲。惟蘇常為江南大局所關。亦應力籌堵勦。以遏賊匪分竄之路。現當賊氛環逼常州。兵力實形單薄。所有援常諸軍。應如何調撥策應。以圖萬全。毋致顧此失彼。著和春。張國樞。何桂清等。和衷

商榷。不可偏重一處。致誤事機。金陵後路。固宜嚴防。而常州亦不可稍有失事。該將軍等務當力圖兼顧。相機籌辦。以保全東南大局。將此由六百里各諭令知之。○引見已未科散館及補行散館人員。得旨。修撰翁同龢。孫家鼐。編修孫念祖。李文田。業經授職。二甲庶吉士張丙炎。朱學篤。黃錫彤。宗室常珩。銘安。王師曾。英啟。賈瑚。馬傳煦。李振家。胡毓筠。俱著授為編修。三甲庶吉士彭桂馨著授為檢討。史崧秀。田國俊。特亮。左雋。周瑞清。周光祖。陳傳奎。關耀南。吳增達。曾椿壽。俱著以部屬用。唐嘉德。王正璽。張璟。槃。馬文夢。張其蕙。田書年。李佩琳。龔易圖。杜壽朋。俱著以知縣即用。張丕烈。王寅亮。羅賢升。俱著歸原班銓選。繙譯庶吉士廣壽著授為檢討。齊克慎著以部屬用。○兩江總督何桂清奏。夷人闖入定海廳城。意在用兵。得旨。該夷以兵脅和。以地要和。若自我稍緩其辭。必啟彼挾制之心。若

一意決戰。亦必激彼無一退步。再戰不休。必致歲歲決戰。終須歸於撫局。此正當喫緊之際。朕心洞鑒。不致為所搖惑。即在京王大臣等。亦深資協贊之功。卿總理五口。責無旁貸。務期內外一心。不可稍涉推託。朕必不因偶失一隅之地。即治卿之罪也。○命山東山西各巡撫。速籌火藥一萬五千斤。解赴皖南軍營備用。○以浙江續捐軍餉。再永廣錢塘商學額二名。德清縣二名。鎮海餘姚。海甯。山陰。

平湖。鄭。會稽。蕭山。秀水。上虞。諸暨。嘉興。嘉善。嵯。天台。義烏。十六州縣各一名。○以河南捐輸軍餉。永廣汝陽縣學額六名。葉縣三名。中牟。商邱。河內。淮甯。襄城。光山。六縣各二名。祥符。杞。通許。尉氏。鄆陵。睢。孟。鞏。新安。南陽。鄧。內鄉。舞陽。上蔡。正陽。新蔡。羅山。西華。商水。項城。太康。扶溝。鄆城。汝。郊。寶豐。廬氏。固始。二十八州縣各一名。○以皖省寒亭地方扼守不力。援參將馮開得。花翎。已革副將熊廷芳。遣戍。

軍臺。革遊擊蔣錫光。職。均暫留營效力。○追予安徽陣亡道員金光勛。於原籍天津縣建立專祠。勇丁呂祥等。一併附祀。並予金光勛祖父母父母二品封典。○戊午。諭內閣。曾望顏奏。齋送敕書赴藏。司員不克前進。請旨遵行一摺。達賴喇嘛係七月初三日坐牀。茲據曾望顏奏稱。理藩院司員英符等。於三月內甫經到川。計由打箭鑪至前藏七千餘里。夏令山水不時漲發。道路間有梗阻。誠恐有誤。

坐牀。援案通融辦理。著照所請。即將敕書封固。先行驛遞。交駐藏大臣頒發。其賞項銀物。暫存四川藩庫。俟道路疏通。即著該署督派員趕緊解送。以昭慎重。理藩院司員英符等。即飭令回京。○又諭。曾望顏奏。官軍會剿貓山逆匪。連拔逆寨一摺。四川貓山逆匪。郎官等。盤踞茶溪。紅巖坪等處。築寨負隅。辦理西秀防務之綿州直隸州知州毛震壽。會同地方文武印委各員。分起進剿。三月十四

等日。連將茶溪老巢。紅巖坪險寨。攻克平毀。疊次斬獲甚多。官軍奪險扼要駐守。其獅子巖。苦竹坪。張家巖各賊寨。亦於十六日分路進剿。各有斬擒。即著該署督飭令帶兵文武。乘此聲威。速圖進取。盡殲醜類。○又諭。工部。奏請飭催直隸省歲報河道錢糧。並南運河歲搶修工程一摺。河工歲報河道錢糧及歲搶修工程。均應按年題報。乃經該部疊次奏催。迄未具題。著直隸總督。將因何遲延之處。

查明具奏。即將道光十七年以後。歲報河道錢糧。並道光二十二年以後。南運河歲搶修工程。迅即分別造冊。按年題報。毋再遲延。以免積壓而清款項。○又諭。抽查漕糧御史阿克敦布等奏。倉儲緊要請妥籌收運一摺。本年海運漕糧。現已陸續抵津。自宜趕緊運倉。以昭慎重。著天津通州驗米大臣。會同倉場侍郎。趕緊設法轉運。迅速收入城倉。不得以車輛口袋不敷周轉為詞。致滋貽誤。并著該

御史等。實力抽查。毋令積壓。○諭軍機大臣等。慶昫奏。欠交馬匹收全時。應否解京請旨等語。錫林果勒馬一千匹。除挑出堪供調用。及留牧息養外。餘馬七十二匹。不堪留牧。業經該署都統咨行理藩院行令補交。並著慶昫即行知照該盟長。飭令迅速備齊。不准以羸弱充數。此項馬匹收全時。著即派員緩程解赴天津大營應用。所請令錫林果勒盟長選派大員統帶官兵。已諭理藩院行知。請撥

鉛丸火藥等件。亦諭知工部迅速籌解矣。將此諭令知之。○以四川酉秀辦防出力。賞知州毛震壽花翎。○己未。諭軍機大臣等。成凱等奏。兩盟官兵陸續到城。其烏蘭察布盟六旗官兵。馬匹大半疲瘦。不堪乘騎。現因積雪未消。無處牧放。准其酌留臆壯馬數十匹。輪替練習。其餘暫交該盟長派員妥為牧放。一聞徵調。迅速解城。其伊克昭盟七旗官兵。軍裝器械。多不適用。著成凱等督飭帶兵各官。

趕緊認真修理。馬匹駝隻亦多疲瘦。並飭令在大青山後牧場。妥為牧放。至該兩盟兵丁。素以游牧為業。技藝生疏。不曉紀律。並著成凱等督飭訓練。務令馬上槍箭習熟。轉瞬天氣炎熱。儻該兵丁不服水土。並患病難以久停。著該將軍等體察情形。奏明辦理。所需盤費口糧。即照議酌給。並知照戶部以歸覈實。將此諭令知之。○又諭。僧格林沁。恒福。奏。北塘海口。見有夷船二隻停泊。現在防守情形。

一摺。此次北塘口外。先後駛來夷船二隻停泊。雖據稱係俄國船隻。而既有寄京信函。並不由舢板攜帶。且無通事。先稱僅來大船一隻。續又由南洋駛來一隻。形跡可疑。據稱大船上有通曉俄言語之人。難保非俄船。二夷船入俄夷船內。希圖窺伺。該大臣等現已派撥馬步官兵。前往北塘駐劄。以備臨時緩急之用。所籌自屬周妥。北塘地方。前經肅順等。與俄夷約定。如海口無事。可以差人往來。現

當設防之際。原不應前來。茲該夷舢板船已經出口。如再來北塘送信。著恒福接收。許其寄京。如欲差一二人進京。奏明請旨酌辦。至俄夷此來。無非欲趁俄船二夷來時。從中取利。未必先行開戰。自違和約。儻我軍先行轟擊。正墮彼術中。該夷得所藉口。必至公然與俄船朋比為奸。更難措手。斷不可以該夷欲作說合。從中取利。墮其術中。應令該夷速即退避為要。該大臣務當隨機應變。與恒福妥

籌辦理。以慰朕望。至馬隊恐不敷分撥。可於山海關。吉林。黑龍江。兵內酌調若干。以資策應。大沽防兵。不可掣動。北塘後路。及天津兵力較單。應如何添兵布置之處。著該大臣斟酌辦理。迅速奏明添調。再昨據何桂清奏。儘先守備謝起發。已由夷船放歸。搭坐商船。趕回津沽矣。又據該督奏。俄船二夷兵船十八隻。駛至定海廳地方停泊。其夷兵借居城內。分住寺院。並徧貼夷示。欲占地屯兵。藉為扶

制難保不即由定海駛至天津。種種詭譎情
形。不可不嚴為之備。其伊克昭烏蘭察布兩
盟官兵。本日據成凱等奏。先後到城。現在勤
加操演。並令將疲瘦馬匹。妥為牧放矣。將此
由四百里密諭知之。○又諭。瑞昌奏。逆賊竄
踞分水。現籌扼堵一摺。賊匪聚集分水。並分
股擾及於潛新城等處。勢甚猖獗。據該將軍
奏稱。業將省城防守事宜。嚴密布置。並派撥
官兵。扼堵入省要路。與前日王有齡所奏。大
略相同。惟賊蹤業已蔓延分水。踞賊甚眾。使
非急籌埽蕩。勢將不可收拾。李定太係債軍
之將。且聞其所部兵勇。到處滋擾。恐難得力。
饒廷選因衛防緊急。復難兼顧。所有省城西
南一路。勒捕事宜。應如何添調官兵。及派委
得力將弁統率。以期迅殲羣醜。即著瑞昌。王
有齡會商妥辦。張玉良未能再赴浙江。所有
該省軍務。統歸瑞昌。王有齡調度。江省自句
容失陷後。金陵軍營喫重。溧水等邑未復。常

郡亦尚戒嚴。前次調回援軍。均未能再令赴
浙。現在江西復有股匪逼近信豐。入浙進皖。
均未可定。常聞等處餘逆。亦有竄杭之說。實
屬防不勝防。前據慶端奏。福建所派援兵三
千。業經飛飭繼興等迅速前進。計已可抵浙
境。著該將軍等。即與張芾所派蕭翰慶等管
帶之勇。一併催提。以資攻剿。各軍未到之先。
仍就現有兵力。妥籌防剿。毋稍疏失。將此由
六百里諭令知之。○命翰林院編修呂朝瑞。
在上書房行走。○庚申。諭內閣。倭仁等奏。京
控應訊人員。久未到案。請飭催提一摺。前因
驛丞陳五福呈控。剋扣馬乾銀兩案內。究出
前任科布多幫辦大臣富呢雅杭阿等有收
受謝儀等情。當降旨將富呢雅杭阿等分別
解任。歸案備質。茲據奏稱。日久均未前往。案
懸莫結。著兵部。飭催富呢雅杭阿。帶同門丁
鄭二。迅赴奉天。聽候質審。並催提江西廬陵
縣解任縣丞劉方亨。一併歸案審辦。○諭軍

機大臣等。葉布冲額奏。倉院失火。延燒茶箱。勒令該州趕緊賠補。運解一摺。據稱三月十四日。迪化州漢城倉院。不戒於火。延燒儲茶房間。查點被燒茶一百八十九箱。尚有完好茶六十一箱。擬即將完好茶箱。先派員會同領運委員。解送至塔爾巴哈台查收。並勒令該州將被燒茶斤。趕緊賠補等語。綏遠城辦解咸豐十年分。賠補俄夷五起茶二百五十箱。解至迪化州存儲。關緊要需。理宜加意防

實錄卷三十四

辛

範。乃竟不戒於火。非尋常疏忽可比。迪化州知州伊常阿。著先行交部議處。所有被燒茶一百八十九箱。即勒令該州照數賠補。其成色斤兩。不得與原茶稍有不符。致該夷有所藉口。俟收買足數。著葉布冲額。即行委員續解前進。儻限內不完。著即嚴叅懲辦。將此諭令知之。○又諭。本日據和春奏。各路悍賊圍攻金陵大營。我軍力不能支。退守鎮江一摺。覽奏殊深憤懣。此次逆賊分路圍攻金陵大

營。我軍於獲勝後。猝因雨雪交作。致西南隅長牆被賊攻破。力不能支。退守鎮江。功敗垂成。殊可歎惜。現在賊勢甚為猖獗。和春等擬先將句容。溧陽。次第克復。再出溇壩。與皖南合兵。先清徽甯。以至池太。然後各路之師。會搗金陵。先芟枝葉。再拔本根。目下情形。亦只可如此辦理。即著和春等。會合籌商。激勵將士。分兵攻拔各城。維持全局。力贖前愆。此次援賊雖眾。何以一隅挫失。全局渙散。長圍一

實錄卷三十五

壬

失。即為該逆增負。岨之具。况大營處處火起。非奸細潛伏。即自行擾亂。所奏情形。殊不明晰。著和春等。據實覆奏。江北六合等處。踞匪未除。原恃張國樑控馭。今張國樑退扼鎮江。賊匪已跨江聯為一氣。天長未克。揚州一帶。殊屬可虞。李若珠前經債軍獲咎。斷難勝此重任。著即撤去幫辦。飭令仍回大營。隨同張國樑剿賊。其揚州督兵大員。著和春。張國樑另選得力提鎮。前往駐劄。以資鎮守。再本日

已將薛煥調補江蘇藩司。其江甯藩司一缺。著王夢齡補授矣。江北各屬錢糧均歸江甯藩司經理。催提解充軍餉。王夢齡應令其駐劄江北何處地方。俾得就近經理。以專責成。並應否令管江北糧臺之處。均著何桂清酌定具奏。至徐州地方。現在逆捻充斥。淮徐道一缺。關繫緊要。並著何桂清迅即揀選賢能之員。奏請補授。以便王夢齡速赴藩司新任。將此由六百里加緊諭令知之。○又諭本日

實錄卷三百四

三

據和春奏。金陵逆賊圍攻大營。官軍退守鎮江等語。現在溧陽等城尚未收復。祇可先圖規復各城。以固蘇常門戶。再圖進取。其江北六合等處踞匪。此時和春等難於兼顧。雖已諭令袁甲三等。力扼北路要隘。無任賊眾肆擾。並諭楊載福督率水師駛赴下游。會同吳全美、李德麟等。梭巡江面。以掣賊勢。而江北究無重兵駐劄。深恐袁甲三、翁同書未能遏其兇鋒。北竄可虞。楚軍已定大舉入皖。太湖

潛山業經克復。自應亟籌進取。都興阿病已痊愈。著即督帶馬步各隊四五千名。馳赴皖北。或由舒桐。或由霍六進兵。與袁甲三等各軍聯絡聲勢。駐劄江北。進攻六合浦口。天長等處。以杜粵逆北擾。捻匪旁趨。惟口糧軍火。此時江皖斷難支應。必須寬為籌備。方可無虞。匱乏。即著官文、曾國藩、胡林翼將如何進取之處。悉心籌酌。傳旨令都興阿迅速帶兵馳往。是為至要。將此由六百里諭令知之。○

實錄卷三百五

三

又諭。本日據和春奏。此次逆首陳玉成等。乘江南調兵援浙。大營空虛之際。糾合賊黨十餘萬。與金陵城內之賊兩路衝突。勢極鴟張。和春等打仗七晝夜。力竭退守鎮江。惟江北未暇兼顧。該逆必至與六合等處股匪聯絡。著袁甲三等督飭兵勇。防其竄越。清江一路。現無重兵扼守。亦屬空虛。並飭派赴天長之副將黃開榜等。嚴密防範。袁甲三等仍激勵官軍。速克定遠。以杜逆援。將此由六百里各

諭令知之。○兼管順天府府尹張祥河等奏各屬積欠旗租銀兩。嚴飭勒限催解。得旨。現解之數甚少。所稱民欠之款。將來亦不容含混。一歸蠲緩。終為無著之項。○江蘇巡撫徐有壬奏請展緩大計。俟軍務稍平。定期舉辦。得旨。大計展限。如所請行。至尋常一切題咨事件。仍照例辦理。不准展限。又奏。揚關所轄白塔等口。一年稅銀。提充軍餉。批。戶部查議具奏。若年復一年。任意拖欠短少。尚復成何

書

書

事體。○調江甯布政使薛煥。為江蘇布政使。以江蘇按察使王夢齡。為江甯布政使。福建督糧道甯曾綸。為江蘇按察使。○以前河南河北鎮總兵官惠成。為陝西陝安鎮總兵官。○命丁憂副都統巴棟阿。暫緩回旗。留辦鎮江防務。○以金陵營盤被陷。退扼鎮江。革欽差大臣和春職。拔去雙眼花翎。仍暫署江甯將軍。督兵攻剿。江南提督張國樑。拔去花翎。革職留任。光祿寺卿許乃釗。以四品京堂降

補。予陣亡總兵官黃靖。副將馬登富。守備吳天爵。祭葬世職。○辛酉。諭內閣傳振邦奏請將抗不遵調之參領等員革職等語。協領穆克德布所帶吉林馬隊。前飭令調赴臨淮。該協領忽藉欠餉為詞。延不就道。迨經傳振邦飭令糧臺照數裁清。參領佟陞等復以六年間在河南等處。尚有欠餉。及兵丁大半受疾。漸成廢人。請全數開缺回籍。疊次具稟。仍復抗不赴調。若照該提督所奏。僅予革職留營。

書

書

未免輕縱。參領佟陞。劉泰。著參領寅得布。德祥。均著革職。穆克德布。著交部議處。一併交袁甲三嚴行審訊。所稱兵丁成廢等情。如有捏飾。即重治其罪。至佟陞等稟訴穆克德布管隊刻苦。眾心不服。有無剋扣兵糧情弊。並著確查懲辦。○諭軍機大臣等。據傳振邦奏。該督前因王夢齡簡放江蘇臬司。催令交卸赴任。當委吳棠署理淮徐道篆。兼攝徐州府事。王夢齡總管糧臺勸捐等事。難易生手。吳

崇亦難以一人而兼兩篆。請留王夢齡辦理徐州糧臺。並以署淮徐道吳崇幫同辦理等語。所奏自係為人地相需起見。惟江北各屬錢糧均歸江甯藩司綜理。如今其駐劄徐州。於江北糧臺鞭長莫及。勢難令其兼管。仍著何桂清妥籌具奏。至吳崇既署淮徐道。斷難再令兼攝府篆。所有徐州府一缺。著何桂清迅速揀選賢能之員。奏請補授。一面先行委員前往署理。以便吳崇專辦淮徐道任內事務。將此由五百里諭令知之。○吏部奏遵議率准恩吉等改籍之吏戶等部堂司各官處分。得旨。松齡有意蒙混。希圖子孫仕進之階。不獨負欺君之罪。亦何顏以對乃祖乃父。律以重罪。亦屬應得。吏刑二部援引漢員冒籍例。殊未允協。松齡著改為發往軍臺效力贖罪。恩吉著革職。一併隨伊父前往軍臺效力。於伊父應交臺費外。免其再交基溥保衡等應得降留罰俸各處分。均准其抵銷。○雲南

提督傅振邦奏請將抗不遵調之參領佟陞等革職留營以觀後效。得旨。如此從輕懲辦。何以示威。若處處效尤。潰散可立而待也。○壬戌。諭軍機大臣等。有人奏杭州省城失陷情形。由於城內之賊久伏而不知。城外之賊紛來而不拒。加以不服管束之潮勇。豫為內應。遂至數萬士民橫罹鋒刃。慘不可言。臬司段光清防堵餘杭等處。離省僅七十里。該司於城未破之先。私自回署。接取眷屬。派兵護送出城。郡民目擊。無不忿恨。搖動軍心。益無守志各等語。臬司段光清前因其緹城潛逃。降旨革職拏問。嗣因衛嚴緊急。經瑞昌派令帶兵馳往。會同饒廷選商辦防剿。原因一時乏人起見。茲據奏稱。該革員私送眷屬。致懈軍心。種種貽誤情形。殊堪痛恨。著瑞昌王有齡仍遵前旨。一俟衛嚴軍務接手有人。速將該革員拏問。即以軍法從事。勿得以遠戍為開脫。至潮勇豫為內應。乘勢助賊。尤堪痛恨。

並著該將軍等查明通賊之勇。盡法懲治。其不安分之勇。亦須分別裁撤。嚴定章程。現在浙境賊氛未靖。省垣重地。不使亂源復萌。方為妥善。原摺著鈔給閱看。本日據王有齡奏請將浙省皖餉局裁撤等語。候補運使金安清督辦皖餉。在浙江設局勸捐。所得無幾。徒滋擾累。有礙本省餉源。所有金安清在浙江督辦之皖餉局。著即撤銷。惟皖省餉需。少此一款。未免益形支絀。仍著王有齡於浙餉內

奏

酌量劃解。協濟皖省。毋令缺乏。將此由五百里諭令知之。○軍機大臣會同戶部議覆山東巡撫文煜奏。東省餘兵餉銀。難以籌措。應如所請。仍於正項內支給。從之。○署漕運總督聯英因病解任。以江甯布政使王夢齡署漕運總督。○命署浙江按察使義泰辦理省城糧臺。○癸亥諭內閣。張芾奏。參不遵紀律各員。請分別懲處等語。已革都司陳茂林。管帶勇丁。隨同米興朝赴浙援剿。膽敢私攜婦

女。留住休甯地方。並有私役勇丁情事。都司銜儘先守備沈蘭芳。幫帶楚黔勇。並不隨隊進發。擅至蕭山。與團丁格鬪。實屬不遵軍律。任意妄為。陳茂林著發往新疆充當苦差。沈蘭芳著即革職。均仍暫留軍營。責令戴罪自效。如再不知愧奮。即以軍法從事。其管帶楚黔勇之儘先守備袁紹祥。鈐束不嚴。著交部議處。以示懲儆。○諭軍機大臣等。僧格林沁等奏。俄夷持有寄京信函。求為遞送一摺。俄

夷船隻駛赴北塘。呈出寄京信函二件。並稱俟得回信。即便開行。經恒福將該夷信件。封送軍機處。已由理藩院轉交夷館矣。俄夷趁喫啡來時。忽至北塘投信。顯係藉此窺探虛實。所稱信函。並無關繫喫啡之事。原不足信。北塘地方。皆未設防。恐該夷藉買食物為名。任意登岸。不可不豫為杜絕。如該夷需用淡水等物。著恒福派人代為買辦。毋許登岸盤踞。一俟在京俄酋寄有回信。即飭令迅速開

行。僧格林沁於北塘後路。天津郡城均已豫為布置。自可暫緩添調官兵。其前調山西官兵二千名。一俟到防。即擇要布置。京兵二千名。已飭各該旗營豫為準備。屆時酌量調遣。以壯後路聲威。並須多設疑兵。令該夷難以窺測。本日據薛煥奏。探聞夷船赴北洋窺探。以津沽防堵嚴密。欲用兵船一二十隻。虛攻大沽。牽掣我師。另覓得山海關以內海岸。約定各兵船由此登陸。徑奔都門。並雇有廣東

匪徒。令騎馬前導。又探聞該夷偵知大沽左右。有鹽田。水深可以泊船。欲由北上岸。直抄礮臺後路等語。山海關地方。前經僧格林沁等親往察看。分撥官兵防守城池。布置諒已周妥。惟該夷既有由此登岸之說。自應嚴密防範。著即督飭增慶等隨時偵探。毋令登陸肆擾。其餘附近山海關各海口。亦宜妥為籌防。不可稍涉大意。該夷詭譎異常。聲東擊西。意欲分我兵力。亦未可定。諒僧格林沁等必

能相機防堵。其如何布置之處。即著迅速奏聞。夷務關繫緊要。該大臣等一切奏報文移。務當格外慎密。以免該夷探聽消息。即營中之人。亦宜加意嚴防。是為至要。薛煥摺著鈔給閱看。將此由四百里密諭知之。○又諭。本日據薛煥奏。喚首嘯喇哈。佛首噶囉。尚未到滬。據稱窺探防堵虛實。測量水口淺深。意在用兵。夷情詭譎。安知非故為虛聲恫喝。豫為脅和地步。現在天津等處。嚴密設防。固不慮該夷北駛。惟思患豫防。亦須妥為籌畫。如果任其帶兵北來。與之決戰。即我兵全操勝算。亦必至兵連禍結。後患無窮。終非善策。不若仍在上海反覆開導。毋令決意北來。庶可消患於未形。何桂清身任欽差大臣。總理五口籌辦機宜。是其專責。不得意存諉卸。薛煥經朕特派辦理夷務。亦不可稍涉大意。激之北來。戰撫之局。現在未定。正可極力挽回。若任聽該酋率行北駛。徑至天津。一經構兵。以後

辦理更難著手。著何桂清即飭薛燦同至上
海督率吳煦等相機開導。如該藩司所稱旁
敲側擊。引其入彀。方為正辦。斷不可使其驟
然決裂。以期就我範圍。是為至要。將此由六
百里密諭何桂清。並傳諭薛煥知之。○又諭
勝保等奏。現擬出省督師進剿。惟豫省軍營
帶隊人員。不敷調遣。請飭袁甲三等。於總兵
張得勝等三員中。飭調一二員來營。專帶步
隊等語。著袁甲三。翁同書等。即於總兵張得

勝。勝家勝。副將黃開榜。三員中。酌量派出一
二員。前往勝保軍營。聽候調遣。另片奏。擒匪
鴟張。馬賊過多。非添調馬隊官兵。不能制賊
死命等語。傳振邦所撥馬隊四百名。據稱尚
未到營。且大半無馬。恐難得力。昨諭令袁甲
三。將伊興額所帶馬隊一百數十名。酌量分
別去留。著該大臣察看此項馬隊。如尚得力。
即可撥往勝保軍營。前據翁同書奏。吉林馬
隊內無馬兵丁一百餘名。擬派往豫省歸勝

保調遣。並著催令迅速前往。此外如有可籌
撥之處。亦可酌量調撥。以資攻剿。復據勝保
奏。據苗沛霖稟稱。蒙城一帶。自趙海檀城賊
圍相繼攻破。賊猶負固其中。真賊圍有五百
座。首鼠兩端者。亦有五百座等語。賊黨雖多。
總期解散其勢。方不致勾結蔓延。現在傳振
邦會合苗練。分路進攻。即著該提督等相機
籌辦。妥為招撫。予以自新。令其真心投誠。賊
眾皆為我用。攻剿自易得手。將此由六百里

各諭令知之。○又諭。瑞昌。王有齡。奏。東壩漂
陽逆匪。仍圖回竄。廣德建平。撥兵馳援。並請
徽甯濟師一摺。記名道員蕭翰慶一軍。前經
徽防截留助剿。本日據張芾奏。官軍連日攻
克太平。旌德。石埭。三城。擬令會合各軍。乘勢
規取池州。已諭張芾等。俟攻克後。即飭令蕭
翰慶。迅赴廣德。合力助剿。並諭張芾。周天受。
於徽甯各軍。先行酌量撥調。一併馳赴廣德。
以資防守。杜賊回竄之路。仍著瑞昌。王有齡。

飛催福建援浙之兵迅速前進。此項兵勇到浙。亦可分布各處。現在金陵大營。為賊撲擾。退守鎮江。浙江杭嚴各屬。又處處籌防。廣德建平。尤不可再有疏虞。致多牽掣。瑞昌王有齡。仍當就現有兵力。督飭帶兵各員。相機合剿。力固藩籬。記名道員李元度。已諭令曾國藩。飭赴浙省矣。將此由六百里諭令知之。○又諭。勝保等奏。越境追剿擒匪。擊回老巢。豫境肅清一摺。此次擒逆受創回奔。經各路官兵。及各縣鄉團。分投截殺。屢獲大勝。越境追剿。將各擒股悉數擊回老巢。豫境已一律肅清。辦理尚屬得手。勝保現已出省。督師前進。擬在歸德郡城駐劄。居中調度。惟須步步為營。相機進剿。直擣老巢。並聯絡團練。以固後路。謀定後動。計出萬全。方為妥善。所請飭調總兵張得勝等。赴營專帶步隊。本日已諭袁甲三。翁同書。酌量調派。並諭酌撥馬隊。赴勝保軍營。以利攻剿。將此由六百里諭令知之。

○又諭。瑞昌王有齡奏。東壩溧陽逆匪。仍圖回竄。廣德建平。撥兵馳援。並請徵甯濟師一摺。廣德建平。雖相繼克復。而東壩溧陽等處。均有賊蹤。總兵熊天喜一軍。已調往丹陽一路防堵。僅有米興朝之軍。駐守廣德。兵力甚單。茲據瑞昌等奏稱。東壩溧陽之賊。分股竄出。有回擾廣德建平之意。距建平十餘里之蔡村一帶。又聚賊數千。逆蹤密邇等語。現在金陵大營。被賊撲擾。退守鎮江。蘇常正當喫緊。廣德為江浙門戶。設被逆賊再行竄踞。全局又將震動。前張芾派去援浙之副將王夢麟等兩隊。已經調回。現在旌太石埭等縣。相繼克復。軍情稍鬆。著即派撥得力官軍。前往會同米興朝協守。瑞昌等商調之副將陳大富等各軍。並著周天受酌量抽撥。前赴廣德助剿。勿稍遲誤。至蕭翰慶一軍。據張芾奏。飭令乘勝規取池州。與水師互相聯絡。辦理正當得手之際。恐未能再行他調。俟攻克池州。

後。再令取道前往廣德。與浙兵合力勦擊。杜賊回竄之路。即知照官文無庸調往豫省。所請浙江江西協餉之處。浙江甫經被擾。恐難兼顧。已諭毓科於月撥三萬兩之外。酌加數萬兩。迅速撥解徽營矣。將此由六百里各諭令知之。○又諭張芾奏請飭駐守建德之軍。擇要駐劄等語。總兵普承堯一軍。前經諭知前江西巡撫譚光宸。飭令駐守建德。以資堵剿。茲據張芾奏稱。該總兵駐軍下隅坂地方。

在建德西南四十餘里。中隔峻嶺。雖可扼彭澤湖口一路。而於建德縣城。仍難保其無虞。賊如上犯。可由建德之東北馬田洋湖陂等處。長驅直入。於江西之鄱陽浮梁徽州之祁門黟縣。均有鞭長莫及之患。且亦可竄擾彭湖。該鎮之軍。臨時堵截。均難兼顧。是此軍以五六十眾僻守一隅。於江皖大局。未能全顧。於事無益。著毓科即飭總兵普承堯。統率所部。移營馬田。或洋湖陂。擇要屯劄。深溝高壘。

西可與東流水師。遙為聲援。東可與石埭陸軍。互相策應。不獨為規復池州地步。即江西之鄱陽徽屬之祁黟防兵。皆在其後。亦可隨時抽調。不致為賊所牽。庶於江皖全局。均有裨益。另片奏。徽防缺餉。請飭措解等語。徽防軍餉。本屬缺乏。現在旌太告克。分軍進取。涇縣。馳援甯郡。必須設法籌放餉銀。俾免饑潰。浙省又甫經被擾。庫藏空虛。恐不能籌及徽餉。並著毓科於認解徽餉三萬兩之外。每月

再行籌撥銀數萬兩。儘力措解。以濟急需。毋稍諉延。將此由六百里諭令知之。○熱河都統春佑奏。甫經到任。熱河文職大計。請展限舉行。從之。○以甘肅靈州營參將滕家勝。為四川北鎮總兵官。○以克復安徽太平。旌德。石埭。三縣城。賞道員蕭翰慶。鹽運使銜。義勇。韋志俊。花翎。副將余永椿。以總兵官用。知府蘇式敬等。獎敘有差。革疏防知縣楊裕仁。李焜。職。○予安徽亳州。涇縣等處陣亡總兵。

官王鳳翔。遊擊王慶長。守備陳永椿。千總何忠祥。把總王三勝。外委余大鵬。縣丞林錦等。五十四員。祭葬世職。生員江濤。賞卹加等。○賞會試年老舉人孫中田等十六人。編修檢討學正職銜有差。○甲子。諭軍機大臣等。據何桂清奏。金陵大營退守鎮江。現在籌辦情形一摺。金陵逆援攻撲長圍。我軍退保鎮江。和春進劄丹陽。居中調度。各路軍情。及防剿事宜。自應仍責成和春。張國樑統籌督辦。所有陸續招集之兵勇。應需鍋帳軍械等項。一時殊難猝辦。自係實在情形。現據何桂清飭令署藩司蔡映斗等。將鍋帳鎗礮鉛丸火藥軍械。趕造解往。並籌撥銀米採買鐵鍋。先行委解。以濟急需。現當庫項支絀之時。若不力求撙節。於東南大局。不堪設想。著和春嚴飭王浚。按實在收集人數。酌給口糧。仍於月餉內扣還歸款。務須遴派妥員。逐名點驗。給領不得以帶兵官虛報為憑。致滋浮冒。其老弱

傷病兵丁。即著嚴加裁汰。毋許濫等充數。至江北兵勇。應需月餉。羅掘尤難。並著一體清釐。嗣後僅有虛報兵勇名數。希圖肥己。沾染營中惡習者。別經發覺。無論大小將弁。必當執法嚴懲。不能寬貸。和春等奉命督師。日久無功。前因退扼鎮江。僅予薄懲。未加嚴譴。若再不知愧奮。力求整頓。以圖進取。保全東南大局。自問當得何罪耶。有人奏。周天受貪色好殺。物議沸騰。近以爭奪妓女。擅殺都司。各營解體。不戰而兵潰等語。周天受現任統兵大員。連次失陷各城。是否能勝重任。至其平日聲名何如。有無前項劣蹟。著和春。何桂清。密查具奏。毋稍徇隱。又有人奏。蘇州省城添辦義團。長洲縣知縣李翰文。元和縣知縣馮樹勳等。招募廣勇。以致廣潮匪類踵至。滋生事端。州縣曲加袒護。民情惶懼等語。廣潮匪類。前在蘇省盤踞滋事。經薛煥等查拏懲辦。始得安靖。現在逼近賊氛。尤應豫為嚴防。即

如杭郡之變。係李定太。繆梓所帶之勇。句結開城。前車可鑒。著何桂清。會同徐有壬。查明此項廣勇。嚴禁招募。設法遣散。儻有滋擾。即著按律嚴辦。以安民心。而弭後患。將此由六百里各諭令知之。○以貴州遵義。永甯等處。勒匪出力。賞守備涂應泰。包興等。花翎。知縣朱文香等。藍翎。知府周夔等。加銜升敘有差。○予江西貴溪。鉛山等處陣亡千總謝義香。把總樊瀉松。外委程連發等。五員。祭葬世職。軍功曾桂林等。賞卹加等。

實錄卷一百一十五

重

大清文宗協天翊運執中垂謨懋德振武聖孝淵恭端仁寬敏顯皇帝實錄卷之三百十四

實錄卷一百一十五

聖

大清文宗協天翊運執中垂謨懋德振武聖孝淵恭端仁寬敏顯皇帝實錄卷之三百十五

監修總纂官經筵日講起居注官太子太保上書房總師傅文淵閣領閣事翰林院掌院學士稽察欽奉上諭事件處國史館總纂官武英殿

大學士管理兵部事務加十三級紀錄十四次臣賈樟本承繼職官經筵講官太子太保文淵閣領閣事云英殿總管教習庶吉士體仁閣

大學士管理戶部三庫事務管理刑部事務加二十三級紀錄十六次臣周祖培總辦官太子少保管理內繕書房事務鈐引大臣軍機大臣

保監旗滿洲都統戶部尚書管理三庫事務加四級隨帶加五級紀錄十二次臣實榮額職官經筵講官弘德殿教習清大略道上書李鴻章

達國文館總纂官正藍旗蒙古都統理部尚書管理太常寺鴻臚寺事務加二級軍功加四級隨帶加八級紀錄五次臣倭什琿布等奉

教修

咸豐十年庚申夏四月乙丑朔享

太廟遣恭親王奕訢恭代行禮○諭內閣寶鋆廉兆綸奏查出船戶偷米請交部審辦一摺天津剝船戶胡澱沅膽敢偷竊漕糧移裝劉晌船內雖據劉宋氏供稱劉晌並未在船難保無夥竊情弊船戶張興舟李發於嚴定新章之始竟敢偷米至二三十石之多先期逃匿尤屬藐法胡澱沅著交刑部嚴訊卽照新章治罪在逃之船戶劉晌張興舟李發著直隸總督飭屬嚴拏務獲一併交刑部治罪嗣

六二八

後再有攙和虧短。及經剝逼同舞弊各案。即由倉場侍郎等隨時咨交刑部彙案附奏。○又諭曾望顏奏克復名山縣城。攻奪金雞關要隘。並雅州解圍。嘉定擊賊獲勝一摺。雲南逆匪藍大順等竄踞四川名山縣城。並分黨據守金雞關。分撲雅州府城。我兵將百丈場一帶之賊擊退。後隨即分道由新店子白土坎酒岡子等處踏平賊壘。偏攻名山縣城。經提督占泰等飭參將馬旭林及守備唐友耕等各軍復由後山子進攻文昌宮奎閣山梁之賊。將賊營寨盡行平毀。馬旭林等軍攻至東南兩門。城內賊營火起。官軍乘勢登城。踰牆湧進。將名山縣城克復。占泰一面派飭都司柏昌懷等軍分路圍攻金雞關。壘經痛勦。復探明路徑。奮力進攻。逆眾分股來拒。唐友耕率領敢死兵勇一擁而上。馬旭林等復在關之左右山頂開放大礮。斃匪多名。當將金雞關奪獲。並連踏關前後賊營七座。逆匪棄

營而逃。占泰揮兵穿關追勦。直至姚橋等處。土地坎繞出賊援。亦經擊走。馬旭林等兵勇。取道平羌渡。及姚橋進擊。適署重慶鎮總兵傅崐。勦辦車林餘賊事竣。率領官兵進勦水津關。及大興場之賊。時雅州城內文武。與賊堅持。疊加勦創。已解城圍。聞各軍援至。復由東西北三門出擊。該匪四路狂奔。其嘉定之賊。經甘肅提督郭相忠等。分撥官兵進擣。牛華谿等賊巢。行抵銀窩寺地方。賊出抗拒。郭

相忠之子縣丞郭定疆墜馬被賊截傷。其孫郭廷選。將賊立斃。大隊繼至。痛加勦殺。將四方壩等賊營。焚毀淨盡。計殺賊千餘名。似此節節進勦。克城奪隘。所辦尚為得手。務即乘此聲威。力圖進取。○諭軍機大臣等。前因金陵大營官軍不支。退守鎮江。當諭令曾國藩等傳旨。令都興阿馳赴江北。將如何進取之處。悉心籌酌。茲據瑞昌王有齡奏。上游悍賊麇集。金陵鎮常處喫緊。請飭曾國藩會同

楊載福。分勦蕪湖。並入甯境。以分賊勢等語。金陵大營退守鎮江。逆賊分踞句容溧水等處。圖犯蘇常。江浙安危在於呼吸。曾國藩現劉安慶。若與楊載福率領所部水陸各軍。迅由東流建德一帶。分勦蕪湖。並入甯境。以分賊勢。而顧蘇常。於東南大局。實有裨益。惟安慶賊勢頗眾。曾國藩能否舍安慶而東下。著酌度情形。相機辦理。如兵力不敷。未能前進。即飭楊載福。統領水師。進攻蕪湖。扼賊之吭。

並與李德麟等梭巡。亦足以牽制賊勢。是為至要。有人奏。左宗棠熟悉形勢。運籌決策。所向克敵。惟秉性剛直。嫉惡如仇。以至謠詠沸騰。官文亦惑於浮言。未免有指摘瑕疵之處。左宗棠奉身而退。現在賊勢猖獗。東南蹂躪。請酌量任用等語。左宗棠熟悉湖南形勢。戰勝攻取。調度有方。目下賊氛甚熾。應否令左宗棠仍在湖南本地。襄辦團練等事。抑或調赴該侍郎軍營。並著曾國藩酌量辦理。將此

由六百里諭令知之○以攻克四川名山縣城賞都司柏昌懷琦克坦泰花翎外委張占鰲等藍翎守備唐友耕巴圖魯名號餘加銜升敘有差○丙寅諭軍機大臣等據庾長等奏西捻復出○現籌分路防勦一摺既據探有由浦東竄之說自應早為準備力遏兇鋒庾長現在募勇集團派員分路堵禦著即照所議妥辦江甯藩司王夢齡現已派署漕運總督著與庾長會同調度毋令該逆東竄以保完善之區將此由六百里各諭令知之○又諭據庾長等奏西捻意圖東竄一摺據稱西路藍黑二旗賊首劉添幅等裝旗復出前竄東豫之賊亦已回巢又有騎馬賊數百人至豐縣蕭縣交界之青里集陳家官莊等處滋擾聲言復由清江東竄雖經庾長募勇集團但兵力過單只可防守近處儻有大股捻匪東竄恐難抵禦著袁甲三傅振邦酌撥勁旅前往援應毋令清淮再有失誤以保下河完

善之區將此由六百里各諭令知之○又諭庾長奏清江西北沿河一帶挑濠築圩以資防守一摺清江為南北咽喉之地四通八達向無城郭防守最關緊要茲據奏稱數年來蔣壩三河節次保全惟恃湖河水勢設法收蓄是以隔岸堵擊賊難飛渡惟南北順清河上下冬春之際水勢枯落前此捻逆猝至致被闖入亟應趕緊籌備以為善後之計其清江西路由楊家莊至張福口引河北路由邳州窪灣以下至楊莊地方均就河湖隄岸加築切陡又桃源縣西門南成子河起至眾興以北挑溝築壘以憑守禦等語文俊現抵清江著即按摺中所稱確切查明是否實在情形辦理有無草率據實具奏將此由五百里諭令知之○又諭前經面諭多爾濟那木凱詳查德勒克多爾濟劣蹟即行參奏茲據色克通額等奏稱德勒克多爾濟前在庫倫辦事大臣任內暗用五品官達里蘇隴托體二

人把持公事。上年十月間有圖謝圖汗盟呈報竊案。已經呈堂簽到。托體竟將此件報文私行給回盟長。及至查問該員反肆咆哮。似此劣員。自應嚴行懲辦。至所參德勒克多爾濟各款全無實據。如所稱圖謝圖汗盟報災文案引用車臣汗盟舊案報部。及任聽年年報災。是否德勒克多爾濟與托體通同把持於蒙古生計。大有關礙。必須嚴切根究。儻係捏報。即據實參奏。至與蒙古王公演射皮條

如係演習騎射。尚非違例。有無藉端苛累之處。亦須查明。其所拆公所房間。是否存公。抑係留為私用。著一併查明具奏。該大臣等即提訊托體。逐款研訊。務得確情。毋稍含混。另摺奏。俄囉斯署固畢勒那托爾澤諾斐赤嗣後行文請添寫德斯坡特姓氏。著准其於行文時添寫。將此諭令知之。○先是禮部奏遵議河南巡撫瑛榮奏明儒曹端從祀文廟。得旨。大學士。軍機大臣。另行妥議具奏。

並酌定以後從祀章程。不可漫無限制。若定例原有專條。即不必酌定章程。遵例行。不准援案。至是奏稱曹端篤信好學。守道不移。崇正闢邪。以力行為主。論者推為明初理學之冠。應如該部所議。准以明儒曹端從祀文廟東廡。其位在先儒胡居仁之上。至從祀章程。例無明條。應以闡明聖學。傳授道統為斷。嗣後除著書立說。羽翼經傳。真能實踐躬行者。准奏請從祀。

文廟外。其餘忠義激烈者。入祀昭忠祠。言行端方者。入祀鄉賢祠。以道事君。澤及庶民者。入祀名宦祠。概不得濫請從祀。文廟其明儒賢輔。已經配享。歷代帝王廟者。亦應飭無庸再請從祀。從之。○命景運門圓明園八旗步軍統領內外火器營健銳營配齊前備官兵軍械馬匹。聽候飭調。迅赴天津防所。○丁卯。

上詣

時應宮

福佑寺

昭顯廟拈香○還宮○諭內閣翁同書奏收撫張家岡賊圩並攻破任家圩賊巢分別撫勦一摺捻逆回竄老巢經副將黃鳴鐸遊擊武全等排築長濠圍攻張家岡圩該圩民畏懼乞撫其捻首潘四即潘樹現本係良民亟思自拔來歸率眾至劉伶口攻破大華家圩殺賊首梁景等旋與伊父潘凱詣苗沛霖處

乞降薙髮投誠歸農復業其高家寨寨董任太立等前亦身陷賊中密投練總升用同知高錫齡寨內共議殺賊糾良民為內應三月二十二日高錫齡等帶練將任家寨攻破擒斬著名捻匪李水泰九等首餘人將被脅良民盡行救出並將賊圩房屋悉行焚毀至閏三月初三日又率練攻破鄧家賊圩殺斃捻首鄧莪等數十名所有出力人員准其酌量保奏○以安徽辦團勦捻出力賞同知史久

恩通判甯若煊花翎千總彭瑞林等藍翎餘加銜升敘有差○

上以常雩祀

天於

園丘自是日始齋戒三日○戊辰引見翰林院保送考試御史人員得旨何福成董元醇孫翼謀華祝三王道墉胡壽椿周恆祺汪承元俱著記名以御史用○己巳

上詣

南郊齋宮齋宿○諭內閣袁甲三奏進攻定遠大捷現飭滾營進逼一摺袁甲三派撥馬步各軍進攻定遠直抵城下斃賊甚多逆眾倉皇失措滕家勝等催隊趕到乘其慌亂越濠扒牆槍礮齊發將東北角賊營同時燬平東門突出悍賊二千餘人都司黃國安帶廣勇極力抵禦善慶薩薩布等復分攻西路賊營悉行焚毀統計踏毀賊營九座斃賊一千餘名生擒二百餘名奪獲槍礮多件該大臣當

即督飭諸軍滾營前進。直逼城根。勦辦尚為得手。著即乘此聲威。迅拔堅城。毋再延緩。○諭軍機大臣等。據袁甲三奏。各路探報。有九洑洲全軍撤退等語。據稱前次該逆糾眾。本有欲爭滁全。進攻九洑洲。為救援金陵之計。經袁甲三派馬步援軍擊退。現在江南大營退劄。則九洑洲自難固守。但江北竟無一軍扼守。恐賊蹤北竄。在在堪虞。著和春等。迅即設法防範。仍須統籌大局。毋令皖軍為賊夾攻。以固北路藩籬。將此由六百里諭令知之。○又諭。有人奏。夷人登陸滋擾。必先勾通內地民人。為之嚮導。方敢深入等語。該夷詭譎異常。現在沿海窺探。難免與內地民人勾通。豫為臨時嚮導。該大臣等。營內官兵。似不至與該夷通氣。惟鄉勇及販賣食物等人。恐有奸細溷跡。非認真稽查。未易敗露。著僧格林沁。玉明。遇有形跡可疑之人。嚴密訪拏。破其奸計。天津五方雜處。閩廣人頗多。沿海各口。

地方遼闊。更恐有匪徒埋伏。為該夷所用。著恆福。遴委幹員。會同地方官。並公正紳士。編查保甲。嚴拏奸細。使海濱肅清。以弭隱患。盛京之田莊台。沒溝營等處。著玉明一體辦理。其山海關一帶。即著僧格林沁。密飭增慶等。嚴查拏辦。斷不可稍涉大意。俄酋伊格那提業幅。正月間來文。有兵船欲到北塘。聽其調度之語。現在該酋以烏蘇里等處地界。不允所請。語益不遜。欲由京赴北塘登舟。該酋心存叵測。或勾結暎嘑。滋擾伊從。中說合。意圖取利。或暗助暎嘑。與我尋釁。均未可知。若阻其前往。未免受其挾制。已諭步軍統領衙門。順天府。派員護送前往。儻該夷欲換利哈撒幅來京。一面設法阻止。一面奏明請旨。將此由五百里各密諭知之。○欽差大臣袁甲三奏。擒首張樂行在古城。與龔逆不睦。思欲投誠。得旨。該擒首罪大惡極。恐未必遽敢投誠。莫若令其自相疑貳。藉除巨慝。著傳諭李世

忠妥為辦理。如果真心悔罪。無實在功績。亦難准其投誠。○浙江巡撫王有齡奏請截留未運漕米。撫恤難民。接濟兵食。得旨。數處被賊。即通省無一完地。外省習氣。一何深也。若果澤逮吾民。尚能副朕之望。此不過為屬員冒銷地步。上無益而下有損。徒飽若輩之囊橐。言念及此。殊堪浩歎。汝新任封疆。好為之。○予安徽陣亡委防禦薩爾松阿。春德。千總張鳳岐。把總張尚朝。外委劉占魁。祭葬。世職。

披甲扎隆阿等。賞卹如例。○庚午。常雩祀。

天於

圓丘。

上親詣行禮。○詣。

關帝廟拈香。○幸圓明園。○以讀祝生疏。太常寺讀祝官薩明。並管太常寺事禮部尚書麟魁等。下部嚴議。議處有差。○辛未。諭內閣。都察院奏。已故知縣長興之妻趙顏氏。以惡奴勾串逆子。遂出繼母。並充官搶掠等詞。赴

該衙門呈訴。據情具奏。一摺。此案業經刑部雲南司訊明。真贓數目。何以含糊勒結。著刑部堂官。另派司員。秉公嚴行審訊。按律定擬。具奏。毋稍徇隱。尋奏。趙顏氏之女趙氏。與文壽通姦。屬實。文壽之子廣義。並無繼母。名分趙顏氏。實係捏控。又縱女通姦。應銷除旗檔。從之。○諭軍機大臣等。俄囉斯伊格那提業幅。現定於初八日。由京前赴北塘。本日業經傳知順天府。專派妥員護送前往。著僧格林

沁。恆福。即行派委員弁。迅速探迎護送。俟該酋登舟後。即令開行。毋使在該處逗遛。其經行道。務須由北倉行走。不准前往天津。及大沽礮臺後路等處。免其窺見。致令得我虛實。將此由四百里密諭知之。○閩浙總督慶端。奏。閩省洋藥正稅。應俟上海議定章程。方能啟徵。現先籌撥閩海關銀五萬兩解京。得旨。夷稅未定。商稅自有。何得如是含混。現在閩關若非暢旺。焉能若茲應手。尚欲劃抵歸

還是徒有藥稅之名。那東補西。惟虧正款。所請歸還之處。毋庸議。若將來關稅藉口短少。必將前後任監督著落賠補。○以內閣學士慶英兼鑲紅旗蒙古副都統。○以福建勦匪出力。賞知府王延齡花翎。布政使裕鐸下部優敘。○壬申。以安徽勦賊出力。賞守備周汝和千總王仁和花翎。外委劉復勝等藍翎。餘加銜升擢有差。○以楚皖交界團防勦賊出力。賞直隸州州同趙孟楨藍翎。餘加銜升擢有差。○以克復安徽太湖等縣。城賞總兵官沈俊德。副將蕭慶衍。彭炳武。彭星占。朱品文。余大勝。參將張玉田。遊擊楊鎮魁。巴圖魯名號。同知吳葆儀。遊擊余福松。都司王復勝。守備黃恆春等花翎。同知金玉堂等藍翎。餘加銜升敘有差。○以安徽潛山辦團出力。賞軍功蔣榮連花翎。武舉儲開泰等藍翎。餘加銜升擢有差。○以克復福建甯化等縣。城賞知縣朱善驥等藍翎。免知府雷瑞光。同知盧兆

處分。餘加銜升敘有差。○予安徽陣亡州同銜徐貴馨。知州銜生員王春濤等從九品銜。武生宋如虎等千總銜。童生王三畏等把總銜。祭葬世職。如贈銜例。並准建祠。○癸酉。諭內閣。巡視西城御史興奎等奏。控案內牽涉賄買言官等詞。請交刑部審辦等語。據稱候補員外郎福祥與趙希文互控地畝一案。業經順天府擬結。惟福祥在城所遞呈內有孟寶二姓唆訟及賄買言官之說。虛實均應徹

底根究。著交刑部提集人證卷宗。嚴行審訊。務期水落石出。以成信讞。尋奏賄買言官及唆訟等情。福祥並不能指實。應照申訴不實例。滿杖。係屬職官。應請革職。從之。○諭軍機大臣等。本日據何桂清奏。丹陽失守。和春。許乃釗。退至常州。張國樑不知下落。並現在布置大概情形一摺。前據何桂清奏稱。和春等進扼丹陽。居中調度。方期激勵軍心。力圖進取。今丹陽又為賊匪攻陷。兵勢屢挫。東南大

局岌岌可虞。和春身為統帥。所司何事。致令潰敗至此。殊堪痛恨。惟當妥速布置。先固軍心。再籌進剿。以期力贖前愆。蘇郡係省垣重地。兵力甚單。何桂清自應馳赴該處督率兵勇。聯絡鄉團。力籌防勦事宜。以固根本。現在潰勇難民。紛往蘇郡。奸細最易溷跡。何桂清務當與徐有壬。督飭地方文武。嚴密稽查。先清內奸。鎮江一帶。現有何員駐守。張國樑現在曾否回營。著和春等迅速查明。馳奏以慰

朕懷。本日復據喬松年奏。九洑洲兵勇潰退。並李若珠陡患痺症。不能行步。各等語。著和春等仍遵前旨。速派得力大員前往。更代力顧江北。其九洑洲潰敗兵勇。亦即由江南大營派員迎提。催令速赴鎮常。毋任逗遛。將此由六百里加緊各諭令知之。○又諭。前因金陵大營被陷。官軍退守鎮江。當諭令都興阿。督帶馬步各隊。或由舒桐。或由霍六進兵。與袁甲三等各軍聯絡聲勢。駐劄江北。進攻六

令浦口。天長等處。本日據喬松年奏。丹陽被賊圍攻。已於上月二十九日失陷。江南北軍情。同時喫緊。李若珠陡患痺症。勢難臨陣督隊等語。現在丹陽已失。天長六合之賊。時時出巢窺伺。江北無重兵駐劄。該逆難保不乘此鴟張。更思竄擾。著都興阿。即督帶馬步各隊四五千名。趕緊前進。與袁甲三等各軍互相聯絡。力圖進取。並著官文等。仍遵前旨。將所需口糧軍火。寬為籌備。毋稍遲誤。曾國藩

現在圍攻安慶。著即迅圖克復。遵照前旨。率師東下。迅掃賊氛。其楊載福水師。仍著進攻蕪湖。扼賊之吭。並與李德麟等梭巡江面。以牽賊勢。毋令北竄。將此由六百里各諭令知之。○又諭。聯英庚辰奏。逆匪直撲三河。衡陽圖竄清淮。現在撥兵防堵一摺。據稱黃黑等旗捻匪。直撲衡陽。紮筏搶渡。經總兵鶴齡等督隊擊退。又另股捻匪。竄逼花園。甯都管塘各鄉。都司張得魁等督兵截勦。該匪即逃至

馬家壩盤踞其竄入三河尾及觀音寺等處之馬賊復經總兵安勇督飭防堵現在抽撥兵勇赴防嚴密堵禦等語清淮甫經蹂躪元氣未復此次搶渡之賊雖疊經擊退而衡陽蔣壩兵力究單儻續有大股東趨誠恐不敷抵禦據生擒賊匪供稱係龔瞎子部下由古城前來搶擄欲攻打三河與定遠之賊運糧自係定遠踞匪被圍緊急分黨竄擾意圖牽我官軍並為賊匪接濟著袁甲三等挑選精

銳派委得力員弁管帶馳赴衡陽三河一帶會同安勇鶴齡等實力攻剿迅將此股掃除既可為定遠賊匪絕其外援亦可兼顧清淮免令天長逆匪乘機北竄將此由六百里諭令知之○又諭本日據薛煥奏探聞英咈兩夷欲戰欲和主見未定續經探知有定於四月內北來決戰之說併將新聞紙及所探夷船數目單鈔錄呈覽各等語噶爾琿由英赴咈本欲約噶爾同來因咈夷意欲決戰噶爾首

亦不復來中國仍聽噶爾辦理此等傳聞之詞本不足憑信惟既有此說亦見其本不欲戰礙難開口有此機會殊不可失至所探英咈兵船現已由定海及各口陸續北駛其舉動總在四月以內並欲用牛隻馱負木人衝突兼雇有廣東跣足匪徒一千餘名等情形種種詭謀亦不可不嚴為防備僧格林沁等於海口防務大致以虛實相間馬步相輔為主布置自屬周妥儻夷船果於日內陸續

駛至應否將備撥官兵先期調派以壯聲勢即著僧格林沁恆福悉心酌辦既有木人火牛等事自應多批濠溝為要其餘應如何設法抵禦並著豫為籌畫至俄酋伊格那提業幅到北塘後儻必欲易換利哈徹幅前來似亦無庸過於攔阻致該夷有所藉口仍著該大臣等酌度情形妥為辦理將此密諭知之○又諭據薛煥奏夷情詭譎變幻決意添兵北駛並鈔錄新聞紙各件呈覽英首噶爾琿

道經暹國。因該國主一意添兵主戰。噶酋已回覆該國主。不來中國。仍聽噶酋。噶酋主持有兵船不日北駛之說。夷情詭譎。本難懸揣。惟兩國相持。噶既欲和。而暹又欲戰。足見欲戰亦非其本意。其中不無可乘之機。薛煥現已前往上海。即當設法令華商轉告夷商。向噶首婉轉開導。告以上年暹國擅毀防具。自取敗衄。爾暹國並未隨同附和。中國與爾國亦和好無嫌。正宜在上海議定。先行換約。於爾

奏奉

主

國方有利益。若兵端一啟。中國必先絕兩國之貿易。則華夷各商均受其累。如此反覆開導。動以利害。噶酋如能悔悟。或可阻其北駛之心。噶酋之勢既孤。更可設法令夷商等相機勸諭。俾就範圍。一切機宜。惟在何桂清等妥為商辦。總宜設法離間。不可令其連橫北駛。方為妥善。前已有旨令該藩司專辦夷務。尤當竭盡心力。設法挽回。該藩司既責無旁貸。斷不可委卸於人。將此由六百里密諭何

奏奉

主

桂清並傳諭薛煥知之。○又諭本日據薛煥奏。噶酋仍圖北駛報復。並探聞噶兵欲分擾山東登州。萊州一帶。牽掣我師。及兵船已由定海各口陸續北駛。其舉動的期約在四月以內。另雇熟習直隸路徑之廣東匪徒甚多。並欲用牛隻馱負木人衝突。名為火牛陣。各等語。噶酋分兵滋擾登萊。以冀分我兵力。原在意計之中。現在登州等處尚有夷船停泊。難保不招集熟悉山東路徑之人為其嚮導。若由利津登岸。亦可由陸路徑至天津。著文煜嚴飭該處將弁。暗為防備。一面嚴飭地方不准接濟食物。儻該夷兵船陸續駛至。著該撫派委妥員。告以去年該國並未助噶國打仗。如係換約而來。此處並無辦理通商換約之責。務須在上海議定章程。經該省欽差奏明後。仍須由北塘進京換約。方不失兩國和好之道。如該夷登岸滋擾。該撫務須臨時酌量情形。妥為辦理。切不可先行起釁。致令該

事

咸豐十年四月中

六三九

庸開列。是以未將該二案現辦情形聲敘等語。此兩案係朕特旨派審之件。自應將現辦情形。於年終具奏。不得以未逾限期。毋庸開列為詞。如謂不應開列。何以王際德、姚富臨兩案。均未逾限。該將軍彙奏摺內。又復列入。豈非辦理兩歧。該將軍既聲稱向辦案件。應奏與否。皆堂官自行酌定。非承辦司員等所得操權擅專。所有前後辦理不符之處。著王明明白回奏。尋奏。董克信案已擬結。因要證

未到。致有耽擱。漏未聲敘。抱合土案。因卷宗部文接到在後。是以未經列入。得旨。王明著交部議處。○又諭。張芾奏。官軍三路會攻。克復涇縣一摺。徽甯官軍。自克復旌德。太平以後。經張芾督令進攻涇縣。總兵江長貴督同參將文芳等。次於三溪。周天受飭令副將吳再升等。進劄琴溪。與副將陳大富等一軍。聲勢聯絡。吳再升等。先以馬隊攻克赤灘賊卡。復於距城七里之紀村地方。設備夾攻。遊擊

田應科等。亦涉河擊賊。賊敗不敢復出。江長貴由姑麻司溪裏一帶進擊。將白華晏公堂賊卡。一律燬平。直抵城下。甯國府知府顏培文等。率團助剿。閏三月二十二日。江長貴等督軍齊進。同時攻擊。賊猶拒守。吳再升率隊轟斃守牌賊目。登時潰亂。我軍先登。斬關直入。賊由西南兩路竄奔。前署涇縣知縣劉西園等。復率團掩殺。當將縣城克復。其由蘭山嶺等處竄遁者。又經知府蘇式敬等。截殺無

算。辦理尚為妥速。出力文武員弁。准其會同周天受。擇尤保奏。以示鼓勵。○又諭。特普欽等奏。總管佐領等缺。酌量變通。請旨遵行等語。著照所請。嗣後遇有殘廢呈請休致之總管。協領。參領等缺。一面將該員履歷造冊送部。一面具奏。俟奉到諭旨。即行開缺。酌擬正陪。請旨簡放。仍俟軍務告竣。再行送部引見。以專責成。而免懸曠。○以克復安徽涇縣。城並蘭山嶺等處。勦賊出力。擢副將吳再升為

總兵官已革總兵官楊名聲為遊擊免知府顏培文失守屬縣處分餘加銜升敘有差○丁丑諭內閣寶鑒廉兆綸並御史阿克敦布等奏叅監督貽誤車輛請交部議處各一摺現在抵通漕米運赴京倉經寶鑒等飭令大通橋監督及各倉監督等多備車輛以期迅速乃大通橋於例雇大車之外並未加增七倉協濟之車仍屬無幾該監督等猶復藉詞推諉實屬不知緩急所有七倉監督著查取

職名交部議處大通橋監督鍾霖著監督景祥業經摘去頂帶交部議處著再行交部議處以示懲儆並著該侍郎等責令嚴催車戶花戶添雇車輛迅行裝運每日進倉米數總須以三萬石為率如敢仍前玩誤即著從嚴叅辦其車戶花戶等如再有車輛短少轉運遲延情事即交部從重加等治罪以免積壓而利漕行○又諭刑部奏越獄重犯供詞不符請飭交訊辦一摺昌平州脫逃絞犯張立

兒據順天府查係攔脫鎖鑄爬出內外圍牆而該犯則堅供由監門逃出何以供詞不符有無賄縱情弊自非與該州刑禁人等當堂環質難成信讞張立兒著毋庸解交直隸總督審訊即由刑部提取昌平州刑禁人等質訊明確照例辦理○諭軍機大臣等有人奏江南山東交界等處州縣緝捕廢弛商旅裹足等語據稱清江浦失事以後山東郟城至江南宿遷一帶土匪蜂起遇有車輛過紅花

埠峒崙等處必先至牛馬莊劉姓家說明車輛行李數目按數計錢給予旗號派人護送方免劫掠否則貨物身命不保紅花埠一帶俱築壘挖濠劉姓係武舉名學駒又名一舉向頗能捍禦土匪近自拾匪蹂躪宿遷桃源等處伊等糾合人眾器械堅利名為團練鄉勇護送行旅愈聚愈多沿途似此者亦復不少實恐寢成禍端紅花埠等處係南北通衢向多土匪各借團練禦賊原所不禁但其中

良莠不齊。惟在地方官駕馭得法。不特消患未形。且可使為我用。若因循日久。翦除愈難。著文煜遴委妥員嚴密查訪。設法辦理。固不可徒事羈縻。釀成巨患。亦不可操之過蹙。別滋事端。將此諭令知之。○又諭有人奏陝西興安府屬毗連川楚。咸豐六七年。有自楚來傳邪教者。不一其人。隨地變易姓名。有秦姓。覃姓。徐姓等人。勸人喫齋念佛。夜靜時演諸邪法。信從者甚眾。七年秋。平利縣訓導史夢

熊。目擊情形。曾經具稟本府。經興安府知府林映棠委員查辦。拏獲匪徒無幾。管押數旬。即行釋放。未經嚴辦。習教者益無忌憚。漸染至漢中府屬近山數百里。比戶皆然。磚坪廳有段光耀等窩藏匪類。搶劫民財。暗置器械。地方紛紛稟報。而署同知徐奎並不緝究。前遇荒旱。徐奎託名拯饑。變賣倉穀三千餘石。約計錢一萬四千串。至秋間豐收。偈勒民間捐穀六千餘石。以填官倉。復侵吞二千餘石。

反以半施半賣捐廉填倉。稟報上憲。民間以其縱容教匪侵蝕倉糧。形諸謠詠等語。良民染習邪教。例禁甚嚴。似此地方官一味姑容。必致養癰貽患。現在川省賊勢蔓延。儻與勾結。為害非細。著譚廷襄確切查明。嚴拏懲治。地方官有縱容諱飾諸弊。即行嚴叅懲辦。並將徐奎侵吞倉穀之案。一併嚴查究辦。以儆官邪。將此諭令知之。○戊寅。諭軍機大臣等。勝保奏道員苗沛霖欲帶練西來助剿。已令

侯程圩得手後。由西路進兵專搗老巢。兼顧豫疆。並擬即日馳赴鹿邑。檄調該員前往。面授機宜。於皖豫兩省均有裨益等語。道員苗沛霖督率練勇。隨同官軍剿匪。如攻克鳳陽府縣。及臨淮關等處。均經出力。此時復派練勇。隨同傅振邦。翁同書各軍。助攻閻圩。沙河。捻匪。並親赴江口集。劉伶口。地方圍攻程圩。甚屬勇往。據勝保奏稱該員與皖軍不睦。不願聽袁甲三。翁同書調遣。此次西來助剿。並非

皖軍調之使來。苗沛霖屢經袁甲三等保奏。並無齟齬不合。究係因何稍有不睦。著袁甲三等密查明。據實具奏。現在該練助攻閭圩等處。正當喫緊之際。自不可遽行撤退。若該員駐劄潁州一軍。與勝保相距較近。俟攻克程圩後。亦可飭令分撥練勇。隨同進剿。不必專歸該大臣調遣。如能將各捻圩迅速掃蕩。既以肅清皖境。即可保衛豫疆。於北路亦為有益。即著袁甲三等妥籌辦理。總期兵歸有用。弗致稍爭分際。致涉畛域之分。將此由六

百里諭令知之。○又諭。前因江南徐州河南考城地方均關緊要。諭令何桂清瑛榮仿照山東曹州河隄一律認真修築。藉資守禦。本日據勝保等奏稱。現由蘭考一帶查閱隄濠。由龍門口至曹縣邊境。隄長一百六七十里。一律修竣。並商辦集團分段扼守。駐劄要隘。互相策應。足資守禦。惟單縣迤東接連江省之豐沛蕭碭等縣一帶河隄。直達清江。若能

照豫東章程挑築。集練堵禦。則濟甯兗沂一路皆可借資保衛等語。江南豫東交界地方。捻匪出沒靡常。時恐乘虛窺伺。而豐沛等縣關繫三省衝要。儻不嚴籌堵截之策。剿辦終難得手。何桂清接奉前次諭旨之後。曾否辦有規模。未據詳細覆奏。即著王夢齡等體察情形。於豐沛蕭碭等處沿河一帶。飭令地方官仿照豫東現辦章程。勸諭民團一律修築。以資保衛。並即繪圖貼說具奏。毋得視為具

文。將此由五百里諭令知之。○又諭。勝保奏前赴歸德辦團。並現籌進攻情形一摺。豫東各縣鄉團。經勝保酌定章程。選充團長。抽丁備械。沿隄守禦。並互相援應。各條均尚妥協。著即覈實舉行。毋得徒託空言。以致有名無實。各團練中。果能齊心殺賊。著有勞績。即著勝保等擇尤保奏。以資鼓舞。至苗沛霖所部練丁。現在隨同攻剿。斷不能遽行撤退。該道員駐劄潁州一軍。如與勝保相距較近。俟攻

克程圩後再行隨同助剿不必專歸該副都統調遣勝保馳赴鹿邑後惟當就現有兵力督同關保由潁亳一帶與皖軍互相聯絡節節進剿將孫葵心等各賊圩迅速掃蕩不得專駐歸德株守一隅將此由六百里諭令知之○又諭本日據巴棟阿奏逆賊竄撲鎮江府城官軍疊擊獲勝並孤城危迫情形一摺本月初一至初六等日逆賊馬步數千至丹徒鎮焚擄旋即圍攻鎮江府城雖經在事文武登陴固守並副將向奎等屢出奇兵將西來賊匪擊退而東南兩路尚有屯匪其毗連鎮江之金陵句容丹陽以及東壩溧陽等處數百里之間徧地皆賊孤城僻處江濱糧援隔絕文報不通實屬萬分危急和春現在退守常州前此潰散兵勇諒已陸續收集著即迅撥勁旅由間道繞赴鎮江會合向奎等軍奮力擊剿力保危城至被陷之丹陽溧陽句容等縣城池並著和春嚴飭在事將弁分投

攻剿迅圖克復何桂清現守蘇州自必布置嚴密徽浙援兵曾否趕到著與和春和衷共濟激勵軍心以期復還舊觀保全東南大局將此由六百里各諭令知之○降前任雲南提督文祥為總兵官○予河南陣亡守備清長方秉義李承勝張鶴翔張炳榮符寶田馮景山千總張從美馬興邦王金斗李林丁殿試周鳳麟驍騎校三慶德隆阿巴順白林祭葬世職○己卯諭內閣內務府奏請飭催粵海關應交銀兩一摺粵海關每年應解內務府衙門銀三十萬兩自奏定分季批解後迄今數年之久陸續解交者尚不足一年之額現報解銀六萬餘兩亦並未聲明如何按季批解儻仍前拖欠勢必貽誤要需著該省督撫監督等遵照奏定章程自五年分起每年應交銀三十萬兩按四季於現徵關稅內每季儘先撥銀七萬五千兩趕緊解京嗣後該監督如徵收已有成數一季未能解到即由

該衙門奏參交部議處。遲至兩季不能解到。再行奏參嚴議。經此次嚴定章程。戶部及該督撫等。亦不得以應行起解之款。改撥截留。如該督撫等。不即時遵委委員解京。及委員藉詞逗遛。該衙門亦即隨時奏參。至業已起解因事折回之四年分銀六萬五千兩。應如何完繳之處。著查明迅速籌解。以清款項。毋再延宕。○諭軍機大臣等。札拉芬奏等。各營員弁具稟伊犁兵餉久竭。情形急迫一摺。

伊犁官兵俸餉積欠過多。節經降旨飭催迅解。未能應期解到。該兵丁全藉俸餉為生。當差不無苦累。各營員弁所稟。亦係實在情形。該將軍等。所請飭部及陝甘督臣迅速籌撥之處。已交戶部議奏矣。惟俸餉雖有積欠。該員弁亦當妥為拊循。著札拉芬奏法福禮嚴飭各營員弁。實力開導。徧行曉諭。不得藉餉缺為詞。致令別滋事端。將此諭令知之。○署陝西巡撫譚廷襄奏請挑練勇八百名。派員

管帶赴漢中興安一帶。防堵川匪。得旨。即使訓練精熟。八百馬能數用。一經官手。百弊叢生。總應民捐民辦。寓禦侮於自衛。賊來固不容延蔓。賊不來。亦足以靖奸宄。所請派員管帶之處。不准行。○庚辰。諭內閣。軍興以來。疊經諭令各直省督撫。勸諭紳民舉行團練。京外官紳。果有諳悉戎機者。亦屢經降旨。令其在籍辦團。藉資表率。迨著有勞績。經各督撫及各路統兵大臣奏聞。亦無不立予恩施。以

示優異。凡以官民聯為一體。即盜賊無自生心。正本清源。莫要於是。乃江南省城。及皖南北各郡縣。淪陷於賊。久未攻拔。近自高瀋。句容等縣。不守。丹陽繼陷。蘇常一帶。風鶴頻驚。不免流離遷徙。大江南北。億萬生靈。皆吾赤子。久罹於水深火熱之中。而莫之拯救。深宮廬念。晷刻難安。大營兵餉。何一非我民脂膏。竭力供億。原期共保安全。乃和春等。不惟不能迅奏膚功。反令財賦之區。致被蹂躪。殊堪

痛恨已嚴飭該大臣等激勵將士力贖前愆其守令等官與地方紳士亦應將守禦之法實力講求協助官兵同仇敵愾所有江蘇等省在籍紳士除業經奉有諭旨辦理團練外其通曉大體律身公正足繫人望者自不乏人即著在京籍隸江蘇安徽浙江河南等省之大小官員將如何團練隨同官兵助勦及防守等一切事宜務須統籌全局尤不可自顧鄉閭須與官兵連為一氣庶於防勦方能

得力其如何辦理之處著各抒所見並各舉所知迅速奏聞毋得虛言搪塞該紳民等食毛踐土二百餘年諒能眾志成城以輔兵力之不逮朕實有厚望焉至於被脅難民要非甘心從逆其有真知悔悟自拔來歸者並著各督撫及各統兵大臣援照歷辦成案奏請免罪以示脅從罔治咸與維新至意○諭軍機大臣等前因金陵大營被陷和春等未能兼顧江北李若珠陡患痺證節經諭令都興

阿或由舒桐或由霍六進兵與袁甲三等各軍聯絡聲勢駐劄江北進攻六合浦口天長等處現在逆首陳玉成在江浦糾合和州以西之賊意圖傾巢出犯江南潰兵紛紛渡江情形實為危急和春等由丹陽退保常州大江南北文報不通江北一軍若非威望素著之大員統帥勢將渙散設或江南之賊渡江與天長六合之賊合成一片則揚州等處亦將被擾著官文等統籌全局即令都興阿迅

赴揚州六合一帶與袁甲三各軍互相聯絡力圖進取以紓朕懷如舒桐霍六等處未能行走迅速即由間道設法前往將此由六百里諭令知之○福建水師提督楊載福奏遵旨防守李陽河並進攻螺磯獲勝情形得旨螺磯地方能否據守若不能守迅將中壘攻克並將其餘三壘一律平毀勿令該逆再踞○命荊州將軍都興阿督辦江蘇江北軍務○予安徽陣亡守備彭先大外委湯洲南祭

葬世職○辛巳

孝端文皇后忌辰遣官祭

昭陵○諭軍機大臣等袁甲三奏江北大局喫緊現籌布置情形並請派大員專辦江北軍務一摺天長六合逆匪糾集大股擄取民船勢將水陸併力東犯揚郡及裏下河等處均形喫重袁甲三現派副將黃開榜管帶礮船三十隻東下督同前次派往之遊擊張得魁等礮船三十隻由蔣壩三河下抵寶應高郵

等湖往來巡防並酌添漁划協助兵船以杜賊匪竄渡所籌尚屬周妥惟水路兵勇必須陸兵協助方可聲勢聯絡總兵鶴齡現防衡陽安勇現防三河著王夢齡即行飛飭該總兵等與水路師船聯為一氣以期互相援應力遏賊鋒至江北統兵大員已諭令都興阿督辦江北軍務與袁甲三各軍互相聯絡矣清淮一帶地居衝要已降旨令王夢齡迅赴漕督署任著即妥籌布置督率兵勇鼓舞鄉

團與水陸諸軍聯絡防堵毋稍鬆懈將此由六百里各諭令知之○予安徽六安州等處殉難知州尹寶珪縣丞黃河清巡檢駱秉章守備凌慶桂儲開元千總趙玉選蘇世常祭葬世職生員黃先鳴等十八名口旌卹如例○壬午諭軍機大臣等有人奏京師輦轂重地近年搶竊漸多若非有窩藏之家何至肆行無忌甚且有外國夷人潛入京城改易內地服色以傳教為名等語盤詰奸匪本係地

方要務著步軍統領衙門順天府五城御史各督飭所轄地面密為查辦遇有外來游棍或三五成羣或行蹤詭秘者立即密拏嚴究固不得過事張皇尤不得稍行疏縱其近畿一帶如通州武清固安良鄉房山昌平密雲等州縣即由順天府飭各該文武員弁等嚴密稽查按月報覈毋得視為具文將此各諭令知之○又諭據喬松年奏江南軍情益急江北餉需益絀並陳江防喫緊情形一摺據

稱自丹陽失守以後。賊匪四竄。如丹陽。辛豐。諫壁。大港等鎮。圖山關。皆被賊擾。並擄船希圖北擾。常郡萬分危急。江南糧臺。未知移退何地。無錫有地名皇甫墩。尚可扼守。如賊再越此而南。則蘇州更無險可恃。著何桂清。迅速妥籌。扼要堵截。現在江南逆勢猖獗。惟恃長江可以阻遏。江面艇船不少。所有應發口糧。每月約計在十萬兩以外。江北糧臺所籌之款。尚不敷揚州兵餉。而水師餉需。尤殷。著即飭江南糧臺趕緊將此項口糧。迅速籌給發。如在常熟縣設立糧臺。則水師可由狼山對渡。前往支領。當此軍情棘手之時。總期士飽馬騰。力扼長江之險。杜賊北竄。並保全東南大局。何桂清現守蘇州。不能置常州於不問。務與和春激勵軍心。互相援應。力圖規復。迅速逆氛。現在軍情若何。地方一切情形。若何。日久未見續有奏報。著迅速詳細具奏。以慰朕懷。儻因道途梗阻。文報難通。即著探

明路徑。繞道前進。或由常熟縣福山海口。對渡通州。從泰州。泰興至高郵。寶應一帶。亦可馳遞北上。著相度情形。妥籌辦理。將此由六百里諭令知之。○又諭。前因逆首陳玉成。在江浦糾合和州以西之賊。意圖傾巢出犯。當諭官文等。令都興阿。迅赴揚州六合一帶。督辦江北軍務。本日據喬松年奏。探聞鎮江尚能固守。賊於四鄉焚掠。將入江陰境內。且擄有船隻。希圖伺便。以渡江北。而擾瓜揚。常州城外各營已潰。郡城被圍。無錫鄉間。已有賊蹤等語。江南大營潰退以後。和春等退保常州。情形萬分危急。無錫為蘇州屏障。如賊再越此而南。蘇州無險可扼。東南大局。將不可問。曾國藩規取安慶。頓兵堅城。即使安慶得手。而蘇常有失。亦屬得不償失。為今之計。自以保衛蘇常為第一要務。著官文。曾國藩。胡林翼。熟商妥議。統籌全局。即令曾國藩統領所部各軍。探明道路。赴援蘇常。以顧大局。或

未能深入救援。亦可扼截江面。以杜北竄。其安慶等處。並著官文。胡林翼等。嚴密防範。毋令上竄。將此由六百里各諭令知之。○又諭。前據王有齡奏。派兵勇二千三百餘名。赴常州聽候。何桂清等調遣。復據張芾奏。金陵大營失利。派江長貴率所部二千餘人。並由周天受於甯防選派精銳二三千人。一併交江長貴統帶馳援。本日據喬松年奏。探報常州城外各營已潰。賊圍常州。分擾四鄉。無錫鄉

間。已有賊蹤等語。丹陽失守。和春退保常州。何桂清赴蘇州籌防。張國樑尚無下落。日久未見續報。若如喬松年所奏。是蘇常情形。岌岌可虞。亟應迅集援兵。以冀挽回萬一。著張芾飛飭江長貴統帶各軍。星夜馳赴蘇常。並著王有齡再行酌撥兵勇。飛速應援。不准稍有延誤。如浙軍不敷分撥。所有援浙之閩兵三千。當已陸續趕到。即著催赴蘇常。以厚兵力。江南大營潰退。兵勇勢成渙散。全賴皖浙

兵勇援救。張芾。王有齡。務當隨時偵探。相機策應。是為至要。將此由六百里各諭令知之。○又諭。昨有旨。令王夢齡馳往淮安。妥籌布置。茲據喬松年奏稱。株守淮安一城。仍無裨益。請飭該署漕督駐於高郵等語。淮安地當衝要。於江北地方。可以統籌兼顧。若移劄高郵。去揚州雖近。而與淮徐一帶。相去較遠。地方事務情形。恐有格礙。喬松年既稱高郵南顧揚州。北顧淮安。該處地方。較淮安尤為扼

要。著王夢齡察看情形。是否可以移劄。斟酌辦理。總期南北兼籌。毋令顧此失彼。將此由五百里諭令知之。○又諭。江南大營。自丹陽失守以後。文報不通。據喬松年奏稱。九洲全軍撤退。常州被圍。無錫已有賊蹤。鎮江之賊。四鄉焚掠。已入江陰境內。且據有船隻。意將伺便渡江而北等語。現在和春等節節退守。未能兼顧。賊蹤北竄。在在堪虞。李若珠防剿江北。是其專責。著即整飭將士。激勵軍心。

嚴密防守。所有李德麟、吳全美等師船均著歸該提督調度。即著督令水師上下梭巡。與楊載福師船聯為一氣。嚴防江面。毋令賊船北渡。擾及瓜揚。並派兵扼剿天長六合一帶。以固北路藩籬。儻令匪蹤北竄。朕惟李若珠是問。決不寬貸。懍之。○命河南、山東、山西、陝西各巡撫迅撥協餉。解赴江北糧臺。以備要需。○癸未。諭內閣。何桂清奏官軍失利。現往常熟。照料糧臺。並自請嚴議等語。兩江總督何桂清駐劄常郡。為策應大營後路。乃自丹陽失守。即思前往蘇州。現又輟轉退至常熟。以照料糧臺為詞。希圖掩飾。實屬畏葸無能。有負委任。何桂清著即革職來京聽候審訊。○諭軍機大臣等。昨因常州被圍。蘇城危急。當諭曾國藩赴援蘇常。扼截江面。以顧大局。本日據何桂清奏常州失利。和春等退至潁墅關。何桂清退守常熟。現在常州岌岌可危。無錫又有賊蹤。可以徑犯蘇城。江南大局幾

同瓦解。曾國藩接奉此旨。即統率所部兵勇。取道甯國廣建一帶。徑赴蘇州相機兜剿。以保全東南大局。毋稍遲誤。道員劉于瀉一軍所帶兵勇四千餘人。頗多精銳。現駐東流一帶。地近江南。即飭令取道徽甯。隨同赴蘇援剿。知府蕭翰慶一軍。現在規取池州。亦即飛調赴營。隨同前進。不得調回湖北。致有貽誤。此兩軍半係曾國藩舊部。均歸節制。必能得力。此外湖南湖北兩省。如有可調之兵。並著官文悉心籌畫。酌量調撥。陸續進發。以厚兵力。江南糧臺遷移無定。軍火缺乏。並著官文等籌備餉糈。源源接濟。目下軍情緊急。曾國藩素顧大局。不避艱險。務當兼程前進。保衛蘇常。次第收復失陷地方。重整軍威。肅清醜類。朕實有厚望焉。將此由六百里加緊各諭令知之。○又諭據王有齡奏蘇常軍情喫緊。請飭江西省分兵援應等語。江南軍務自丹陽失陷後。節節潰退。和春已屯劄潁墅關。何

桂清退至常熟。常州未知能否固守。蘇州亦岌岌可虞。已命曾國藩帥師往援。亟須厚集兵力。以資攻剿。所有劉于瀉一軍。已諭知曾國藩調往助剿。著毓科即飭該道員迅速前進。此外如有可撥勁旅。並遴委得力將弁管帶。即日馳赴蘇州。歸曾國藩調度。現在蘇州軍情緊急。援兵口糧倉卒之間。恐一時無從籌給。並著毓科籌備餉糈。毋使臨時缺乏。致形掣肘。將此由六百里諭令知之。○又諭。昨

因蘇常危急。諭令張芾飛飭江長貴統帶各軍馳往援應。本日據何桂清奏常州失利。退守常熟。後據徐有壬奏蘇省危急。催調各路援師各等語。逆匪分撲常州。城外各營相繼失守。和春因賊匪抄過東北。不能進城。現在退守潁墅關。雖未據和春奏報。而賊勢披猖。兵勇潰散。情形已不可問。現在江南軍情萬分喫緊。必須厚集兵力。以保全大局。徽甯兩防距江蘇較近。著張芾即飭江長貴統帶各

軍飛速前往。並著周天受將前派甯防兵勇一併交江長貴統帶。馳往蘇常相機援剿。不准稍有延誤。蕭翰慶一軍。已諭曾國藩調往助剿。著即飭令迅速前進。此外如有可撥之兵。亦可酌量調往。其廣建一帶地方緊要。仍著周天受實力防剿。毋令該匪分股闖入江南糧臺。尚無定處。著將所派兵勇應需糧餉先行籌備。以利軍行。而免貽誤。將此由六百里各諭令知之。○兩江總督何桂清奏金陵

全軍皆潰。丹陽已失。欽差大臣和春退至常州。軍務應歸督辦。而蘇州尚無準備。故臣赴蘇駐劄。以繫民望。乃撫臣徐有壬屢次拒絕。並傳諭總督衙門之人。不准入城。臣在潁墅關兩日。未見一官。又赴常熟覓糧臺委員。亦不知所在。得旨。聞風先逃。民望何在。該大臣既抵常州。有兵有將。聲勢自應更壯。何畏蒞若此。又批。無異於程番采之奔回長沙。又批。試問覓一糧臺委員。顧總督之事耶。○命江

西巡撫毓科撥擡槍五百桿。烏槍二千桿。火藥三萬斤。火繩五萬盤。鉛丸五萬斤。解赴浙江備用。○賞前任侍郎曾國藩兵部尚書銜署兩江總督未到任前以江蘇巡撫徐有壬兼署。○命江蘇布政使薛煥署欽差大臣辦五口通商事。○甲申諭內閣戶部奏軍需鉅款延不造報請旨飭催一摺。廣東自道光三十年起本省軍需前後支應為數甚鉅。僅將二年動用軍需奏報一次。餘均係籠統約略

之數。其歷年防勦處所調派兵勇及動用糧餉若干。並何員經理支放。事越十載。總未造報。節經該部奏催。置若罔聞。以致漫無稽考。實屬任意延玩。現當經費支絀之時。似此鉅款豈容日久因循。著勞崇光著齡查明歷任司道及辦理軍務各員。先行奏參。交部嚴加議處。一面將該省疊次防勦處所支用軍需確實細數。遵照歷奉諭旨。按限分晰造冊報銷。自此次嚴催後。儻再藉詞延擱。以及造報

含混。即著戶部參辦。以重帑項。○諭軍機大臣等。前因蘇常危急。諭令曾國藩帶兵赴援。昨復降旨。令其統率所部兵勇。取道甯國。廣建一帶。徑赴蘇州。本日據曾國藩覆奏。賊勢全趨蘇常。斷非進攻蕪湖所能牽綴。所奏自係實在情形。惟蘇常為東南財賦之區。必須力籌保衛。以全大局。輕重相權。不能不先其所急。楚軍既不能進攻蕪湖。但於安徽一帶。嚴密扼截。亦足堵其上犯。曾國藩現署兩江總督。軍務地方均屬責無旁貸。著即遵照前旨。迅速馳赴蘇州。相機援勦。將此由六百里諭令知之。○又諭都興阿奏遵旨啟程馳赴皖北。相機進剿一摺。江南軍情緊急。江北又無重兵。北竄堪虞。都興阿既赴省城。著即與官文會商。迅籌調撥馬步各隊。統帶啟程。相機進取。毋稍遲誤。將此由四百里諭令知之。○又諭曹澍鍾奏在川官兵是否會商督臣調派。抑專歸節制等語。曹澍鍾現由粵西馳

赴四川辦理軍務。所有四川在事文武。以及各路兵勇。自應歸其統率節制。著即於行抵川境之日。即行知各路軍營。以一事權。曹澍鍾在川歷任有年。情形熟悉。經朕特派專辦四川軍務。尤當整頓軍旅。妥籌布置。迅除醜類。以保完善之區。將此由六百里諭令知之。

奉 上諭

奉 上諭

○又諭。據戶部奏。籌議伊犁放餉章程。擬頒發官票試行等語。伊犁各城欠餉。近年愈積愈多。若因地利以贍兵糈。亦裕餉之一策。該處向有額徵地糧。道光年間續墾新地。已著成效。該將軍等務當悉心查勘。凡有閒荒可墾之處。速為開墾。惟此項工本無出。若照皖豫餉票捐輸章程。由兵餉放出官票。再於捐項收回。所收捐項。作為捐輸開墾工本。分次請獎。以濟餉需。著即照該部所請。頒發官票四十萬兩。交札拉芬泰等支放。該將軍前以放餉三成。兵食不敷。請俟十一年以五成估調。今既有頒發餉票。所有伊犁及各城兵餉。

奉 上諭

奉 上諭

著提早一年。自本年為始。於三成實銀外。先加放官票二成。共為五成。抵發舊欠。以示體恤。如餉票流通。不但開墾有資。且與兵食有益。該將軍等務當妥為籌辦。將此諭令知之。

○欽差前任侍郎曾國藩奏。調河南開歸陳許道張運蘭一軍赴營。剿賊從之。○以大學士瑞麟。協辦大學士戶部尚書周祖培。刑部尚書瑞常。都察院左都御史沈兆霖。吏部左侍郎匡源。戶部左侍郎劉崐。著禮部左侍郎

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之三百十六

實錄卷三百十六

奉

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之三百十七

皇極經世一書經世目講起居法言太子太孫上書房等處皆宜刊刻以廣其傳

大學士管理兵部事務加十三級經緯十四次官制官制本處為官經緯講官太子太孫文淵閣閣學武英殿總纂官教習庶吉士體仁閣

大學士管理工部三庫事務管理刑部事務加二十三級經緯十六次官制官制本處為官經緯講官太子太孫管理內務府事務對引大臣軍機大臣

保監滿洲都統戶部尚書管理三庫事務加四級經緯十二次官制官制本處為官經緯講官太子太孫管理內務府事務對引大臣軍機大臣

通國吏部總辦官正藍旗蒙古都統禮部尚書管理太常寺鴻臚寺事務加二級軍功加四級隨帶加八級經緯五次官制官制本處為官經緯講官

敕修

咸豐十年庚申四月乙酉策試天下貢士徐

致祥等一百九十人於保和殿制曰朕寅紹

丕基覃熙宙合仰荷

吳寧眷佑

列聖貽庥兢業救幾日慎一日茲御極之十年

誕敷綸詔特開恩榜嘉與宇內士周諮博稽

每思建極首貴執中學古必先證史察吏興

廉之要理財制用之經治忽攸關究圖宜切

爾多士其敬聽朕詢執中一言堯以咨舜三

代哲王相傳不易意治法心法皆必期於無

過不及歟。孔子之言時中。則曰君子中庸。加以庸字。其旨安在。乾之德曰中正。正非由中而生者乎。天之命曰中和。和非由中而發者乎。修六禮以節性。而周官言禮曰教之中。則執其中而禮皆隆禮也。明五刑以弼教。而虞廷言刑曰協于中。則執其中而刑皆祥刑也。湯誥之降衷。孔氏以衷為善。朱子云衷祇是中。其與受中以生。有以異乎。洪範之皇極。漢儒訓極為大中。朱子又以為中之極。能詳其

說歟。前賢又言執中之矩。不外主敬。主敬之本。不外存誠。則誠與敬固即中之所以為執者歟。漢司馬遷作史記。變編年之例。歷代史書。相仍不改。或為本紀世家。皆有所本。惟列傳則創自遷。能約舉其說歟。遷書之前。亦有名史記者。見於何篇。公侯傳國。始稱世家。孔子獨列世家何義。劉知幾謂史記周以上多闕略。秦漢以下始條貫。其信然歟。史記網羅放失。綜其終始。又能於敘事中寓論斷。能舉

其一二否。班固作漢書。太初前者。皆因史記舊文。而加以刪改。然束於成格。而不能變化。豈遷為一家言。因為官書。體例固不同歟。然有較遷為精審者。亦有較遷為繁冗者。其優劣能晰言之歟。觀遷書者。喜其錯落。觀固書者。賞其整嚴。二書果足為史氏之傑歟。安民莫先於察吏。察吏莫重於興廉。虞廷三載考績。其詳未聞。夏嚴貪墨之罰。商制殉貨之刑。皆所以尚廉也。迄於成周。小宰弊羣吏六事

以廉為本。獎廉之意。不更深歟。漢以六條察二千石。尚有合於此意。能詳言之歟。當時廉吏固不乏人。能歷舉之歟。唐考課有四善。宋令諸路轉運使。察所部官能否為三等。其目若何。斯時吏亦有以廉聞者歟。夫吏之貪廉。民生之休戚所係也。比歲籌餉孔急。吾民已重困矣。在位者宜如何激發天良。奉公潔己歟。今欲揚清激濁。澄敘官方。俾吏治蒸蒸日上也。其何道之從。周禮一書。理財者綦詳。自

是以後。若管仲之於齊。李悝之於魏。商鞅之於秦。皆能致其國於富強。然去三代之治。蓋遠矣。能言其故歟。漢武帝行平準之法。史稱其不加賦而用足。然歟。秦漢而下。善理財者。莫如劉晏。其法若何。王安石銳意富國。而內外騷然。其失安在。自漢迄唐。賦稅外。惟資鹽利。至宋而茶利始溥。宋趙開更茶馬之法。歲收息至一百七十餘萬緡。其後復大變酒法。榷酤所入。幾與鹽等。可得而考歟。夫開源節

流理財之善經。若變通有無。與時上下。則亦有非常法所可拘者。果何如而上下交足歟。凡此者。用中以端主極。考古以觀人文。課績以飭官方。豐財以儲國用。皆經邦之要道。立政之宏規也。多士服習有年。對揚伊始。其陳謏論。毋泛毋隱。朕將親覽焉。○諭內閣。存誠奏補栽樹株。並籌款津貼一摺。

東陵伐除蟲蠹。回乾樹株。所有派撥餘丁飯食錢文。著准其由永濟庫租銀項下支領銀二

百兩。以資津貼。並准其在於永濟庫租銀項下支銀一百兩。作為灌培之需。俟新栽小樹於限內成活後。即將培灌之銀停止。不得再行支給。○又諭。前因何桂清輟轉退至常熟。當降旨革職。來京聽候審訊。茲據徐有壬奏。何桂清自丹陽失守。即已膽落。立思逃避。經常州紳士涕泣慰留。乃何桂清突開東門而出。其紳民耆老跪留者。竟被兵丁擊傷多名。迨避至常熟之十里亭。所帶親軍。在彼放火

劫掠。種種情節。實出情理之外。何桂清自丹陽失守以後。既不能固守常州。阻遏兇鋒。以總督重臣。輒思逃避。且於士民涕泣挽留。尚忍心害理。擊傷多人。以冀脫逃。縱容親軍放火劫掠。震動地方。現在常州紳民。尚能登陴固守。而該督節節退守。置地方民生於不問。實屬殃民誤國。何桂清著即拏問。交徐有壬派員押解來京。聽候審訊。○又諭。徐有壬。乃劉各奏督師大臣。擊賊傷亡。並代遞遺摺。

懇恩賜卹各摺片。欽差大臣暫署江甯將軍和春督師江南。前因金陵大軍退守鎮江。當經降旨。將其革職。仍暫署理江甯將軍。留於江南督兵。以觀後效。茲據徐有壬等奏。逆匪攻犯常州府城。和春親自帶兵迎敵。胸前重受槍傷。衝圍而出。火毒內陷。嘔血身亡。和春自廣西轉戰數省。由安徽至江南。數載以來。戰功卓著。茲雖兵機屢挫。尚能血戰捐軀。殊堪憫惻。和春著開復革職處分。照將軍例賜

卹。以慰忠魂。尋予祭葬。世職謚忠壯。○又諭。曾望顏奏。各路官軍。勦賊大勝一摺。四川逆匪分股。從止戈場等處。直竄洪雅。經署重慶鎮傅琨等。過河截勦。轟斃甚多。閏三月二十六。二十八等日。賊匪乘筏渡河。分竄三寶寺等處。參將馬旭林等。會合進攻。提督占泰。派令守備唐友耕等。帶領兵勇。由夾江渡河迎勦。當將雙福場收復。追殺十數里。生擒偽總統李懋發等多名。正法梟示。占泰探知賊匪

圍撲我眉。隨即督隊馳往。疊有新擒。踏平賊壘。城圍遂解。藍逆退踞大廟山。大佛寺一帶。築壘抗拒。我軍分路進擊。遊擊琦克坦奉一軍。將賊營全數攻毀。斃賊一千餘名。生擒一百七十三名。內有偽統領王和尚等。十五名。其竄擾樂山縣屬等處賊匪。亦經各處兵練隨時截勦。斃賊不可勝計。辦理尚為得手。著飭各處帶兵大員。乘勝進攻。毋留餘孽。○諭軍機大臣等。本日據徐有壬奏。督臣節節退

守。並賊偏蘇省。和春傷亡各摺片。又據許乃釗奏。請簡放統兵重臣等語。前因蘇常危急。命曾國藩署理兩江總督。統帶兵勇。由廣建馳往救援。並諭張芾。周天受。飛催各軍。星夜馳援。兩湖官兵。亦諭官文酌量調派。惟各路援兵。一時未能趕到。徐有壬惟當激勵兵民。固守蘇州。張玉良現在無錫高橋地方駐劄。著即收集潰兵。奮力攻勦。總須在蘇州之北。擇要截擊。兼可進援常州。方為妥善。該提督

現署欽差大臣關防。所有楚皖援兵。及王有齡所派之軍。均歸其節制。即設法妥為布置。以期保全蘇常。是為至要。將此由六百里加緊各諭令知之。○又諭。本日據徐有壬許乃釗奏。和春受傷身故。蘇州危急情形各等語。現在常州被圍。賊逼蘇州。鎮江一城。關繫緊要。恐該逆乘虛竄擾。著巴棟阿實力防剿。勿稍疏失。江甯將軍已降旨令魁玉署理。著巴棟阿知照。令其收集滿洲官兵。會同駐守鎮

江。協力防剿。務與張玉良互相關照。聲息相通。以免貽誤。現調各路援軍。當可陸續趕到。蘇常勦辦得手。則鎮江愈形喫重。巴棟阿務當會同魁玉。激勵防剿。各將弁悉力固守。相機截剿。是為至要。將此由六百里諭令知之。○又諭。本日據傅振邦奏。陣擒巨逆。痛挫賊鋒等語。逆首李大喜與張龔二逆。同時糾眾。膽敢分列五旗。實屬罪大惡極。該提督以該逆願招所屬趙浩然等三十餘圩。暫行幽禁。

意在勦撫兼施。惟此輩狼子野心。深虞反覆。果能設計攻取各圩。原可省我兵力。若所言未足憑信。著即立正典刑。毋貽後患。將此由六百里諭令知之。○又諭。本日據張亮基等馳奏。滇省軍務各摺片。並將尋常事件。一併附奏。向來尋常事件。各督撫皆專弁齎奏。其有關軍務者。方准由驛馳奏。茲張亮基等以尋常事件。附報馳遞。且劉源灝等三月二十一日謝恩摺件。遲至一月有餘。始附入四月

初二日報內呈遞。該督等屢次奏報。又俱無請安摺。種種不合。嗣後凡尋常奏事。及升遷謝恩。概不准附軍報馳奏。以示區別。將此由六百里諭令知之。○又諭。本日據玉明奏。漕船在山東洋面。被夷船截搶。該夷復在船演放礮位。並有夷船二隻。向青泥窪行駛。各等語。據稱金州和尚島口外。有火輪船一隻。停泊。並江南金永康等商船。在山東洋面被劫。初八日。該夷火輪船一隻。向東南洋駛去。復

有該夷劫來丁游船一隻。與前劫商船一處停泊。據被劫船戶登岸聲稱。由上海裝運漕米。行至威海城山頭。被火輪船截搶。帶到青泥窪口。原人俱令登岸。每商船有夷人五六名。並不交給原票。前後共劫去商船六隻。並將船身另塗白色。欲改修火輪船。帶赴天津打仗。該夷復在船演礮。驚駭鄉民。又有白布蓬船一隻。四桅重疊。蓬大夷船一隻。向青泥窪行駛等語。該夷截搶漕船。塗改船色。扣留

商船原票。情殊叵測。難保非漢奸假稱被劫商船。登岸窺探虛實。更難保該夷不藉此船隻潛載夷兵。扮作商船。執持照票。濶入各口。隨處埋伏。著僧格林沁等。密飭將弁。嚴為防備。俟漕船進口時。嚴密盤查。庶免墮其奸計。將此密諭知之。○又諭。玉明奏。漕船在山東洋面。被夷船截搶。並在青泥窪游駛。演放礮位等語。該夷肆其兇悍。情殊叵測。著玉明。嚴飭西拉布。加意嚴防。如該夷非大隊登岸。深

入滋擾。不可先行開礮。致該夷有所藉口。其濱海口岸。並著玉明。嚴飭隨時豫防。不得稍形疏懈。該船戶裝運漕米。有無押運弁兵。原領票照。又被夷人扣留。無憑查驗。難保非奸細假冒登岸窺探。更難保不藉此船隻持票濶入各口。尤應確查嚴備。著西拉布。傳集被劫船戶水手。逐層盤詰。務得確情。並飭沿海各口弁兵。遇有商船停泊。加意盤查。毋墮奸計。將此由五百里密諭玉明。並傳諭西拉布

知之。○已革兩江總督何桂清。奏和春濫迹。兵勇解體。大局搖動。非臣書生所能支持。得旨。平時無事。侈談彼短。一旦決裂。尚不自知。認罪。猶以書生自居。可歎可恨。殊有負書生兩字。○幫辦軍務四品京堂許乃釗。奏張玉良在無錫擊賊獲勝情形。得旨。張玉良雖未大勝。究可望其漸能鼓勵軍心。○命廣西提督張玉良。署欽差大臣。督辦江南軍務。○以江甯副都統魁玉。署將軍。○以安徽皖南鎮

總兵官江長貴署湖北提督浙江金華協副將王明山為安徽壽春鎮總兵官○以勦擒安徽淪南逆首出力賞遊擊苗景開巴圖魯名號守備隋廣居花翎軍功陳懷堂藍翎餘升擢有差○以雲南元江等州縣勦匪出力賞都司潘延祚守備張玉桂米洪順吳助鄭洪順花翎武舉關雲龍等藍翎餘加銜升敘有差○以雲南晉甯州等處被圍趙州等處失守革知府甘來司知州路景熙榮光知縣

陳棟張邦彥汎升李鶴鳴等職留營效力○予江蘇陣亡湖北提督王浚祭葬世職諡勤勇安徽壽春鎮總兵官熊天喜祭葬世職○予湖北節年陣亡殉難守備嵩山暨紳民婦女等九百三十五名口分別祭葬世職旌卹如例○予四川陣亡遊擊阿阜土地雲騎尉阿多耳郎加大屯把總占克戴明星外委訥足王明德甲米納太祭葬世職○予雲南陣亡都司張福保守備陳開榜把總梁用胡維

森恩騎尉洪鍾慶訓導丁榮善祭葬世職○丙戌諭軍機大臣等本日據巴棟阿奏逆匪竄撲鎮江官軍擊勦獲勝現已解圍賊由丹徒馬陵遁去並探聞有調另股悍匪傾巢來撲之信請派兵往援等語此時張玉良尚住常州以南恐難兼顧鎮江賊匪去而復至實在意中鎮江設有疏虞則瓜揚益難固守著李若珠勤加偵探如逆匪果再竄擾鎮城即行派撥水師前往實力援勦不得稍存膜視

其江面上下游仍督同李德麟吳全美等會同楊載福水師嚴密梭巡毋稍疏懈致賊北渡至天長六合等處逆倭亦正鴟張揚州防剿極關緊要李若珠駐劄該處責無旁貸務當督率弁兵認真守禦相機攻剿是為至要○山東巡撫文煜奏查接管已結卷內尚有未辦各案現分別趕辦得旨該前撫雖未必有意延閣亦足見其平日漫不為幕吏之所蔽○以候補總兵官陳大富為安徽皖

南鎮總兵官。○丁亥諭內閣御史王憲成奏。請復西北兩城御史在園駐班舊制一摺。著步軍統領衙門都察院會議具奏。尋奏現有總兵大員輪班駐園。該御史自可無庸駐班。惟稽查牌甲自宜覈實。西北兩城御史應每月每人赴園抽查二次。從之。○又諭恆福奏。教諭毆傷典史。請分別革職撤任一摺。直隸武強縣教諭鮑華麟。於該縣知縣傳訊抗差欠戶。輒稱係該學署挂名鬥。不令傳訊。復

至縣署滋鬧。經典史杜承懋理說。該教諭竟敢喝令伊子。將杜承懋毆傷。實屬任性妄為。目無法紀。鮑華麟著先行革職審訊。並將應訊鬥。查拏審辦。杜承懋著撤任聽候傳質。○戊子。

上御勤政殿。召讀卷官入。親閱定進呈十卷甲第。○諭軍機大臣等。本日據王明奏。金州海口疊見夷船劫留商船。並搶劫銀兩一切情形。又據文煜奏。夷船闖截漕船商船。現在暗

為防範各一摺。沙船運米到津。前數月未聞有被火輪船搶劫之事。何以此時紛紛被劫。且有致斃人命之事。實堪詫異。難保非冒充喫啡之人所致。著薛煥一面照會喫啡二國查詢。如係該國之船。務須嚴行禁約。免起爭端。儻有別國冒充喫啡二國者。中國無從辨別。即由該二國查明照覆。一面飭令商人仿照前次該夷欲截漕船。眾商與之爭論之意。向其理論。爾等既絕我等生計。祇好從此罷

市。薛煥須相機從中調處。斷不可令其決裂。是為至要。將此由六百里密諭知之。○山東巡撫文煜奏。遵查劉一舉即劉業居。在江南宿遷地方。藉端需索。乘機搶劫。並分咨會勘情形。得旨。著即飛咨王夢齡嚴密查拏。東省亦勿得稍分畛域。一體協緝。○以驗收海運漕糧出力。兵部尚書陳孚恩等。下部優敘。予戶部員外郎文彬等。加銜升敘有差。○己丑。諭軍機大臣等。前因江南軍情危急。特命張

王良署理欽差大臣關防。總統諸軍。所有各路援兵。悉歸節制。本日據毓科奏。探聞蘇常軍情緊急。已派駐防浮梁吉安之副將文瑞。劉芳貴等。帶領兵勇共三千八百餘名。馳往蘇省援剿。並據張芾奏。已商令蕭翰慶一軍。馳赴甯國。取道廣德。馳援蘇省。各等語。以上各項援兵。並前次派令赴援之江長貴。所統各項兵勇。計已陸續到蘇。徐有壬毋得擅行截留。即著催赴張玉良大營。聽候調遣。分撥

各要隘。並令克復各城。張玉良總統諸軍。著該提督。於各營得力鎮將內。遴選一人具奏。作為協理軍務。許乃釗係屢經獲咎之員。著即撤去幫辦。仍留於張玉良軍營。辦理文案。糧臺現在移設望亭。仍著查文經督辦。應需兵勇口糧。即著徐有壬源源接濟。聞廬鳳道蕭盛遠。前在和春軍營。聲名甚屬平常。著先行撤任。交張玉良。徐有壬詳查該員劣蹟。嚴叅懲辦。毋許仍留大營。至蘇郡現有兵勇。總

須於城外多創營盤。以資策應。毋得聚守城中。致蹈杭州覆轍。將此由六百里各諭令知之。以安徽建平縣城被賊竄陷。督辦皖南軍務張芾。下部議處。○庚寅。諭內閣。鑲白旗滿洲都統等奏。查明寶坻駐防景觀。因阻繼涉訟一案。具奏一摺。前因給事中清安奏。鑲白旗滿洲寶坻駐防景觀。因阻繼涉訟。經戶部覈駁。日久未據該旗咨覆。請飭查辦。當經降旨。交戶部查明該旗照例辦理。旋據戶部

奏明。景觀願為奎英立繼。自應商同閩族定議。取具各結。由旗報部辦理。茲據該旗奏。查此案。景觀願將伊子元麟。繼與奎英為孫。既無閩族出具印甘各結。其族長珠隆阿。所呈景恆應繼奎英為嗣。該族人押結。又不齊全。似此互相爭繼。案懸莫結。殊非覈實之道。著稽查寶坻等處大臣。飭令寶坻防守尉嚴諭該閩族人等。商同景觀之母宗室氏。速擇族中昭穆相當之人。出具閩族聯名甘結。並該

管官印結一併咨送該旗。加具該參佐領印結報部查覈辦理。毋得再有稽延。及押結不全。致滋弊竇而啟爭端。○又諭戶部錢法堂奏監督等訊取竊犯供詞稟報兩歧一摺。戶部寶泉局被竊銀兩一案。業經該監督等錄取餘丁李峻供詞。由該侍郎等奏交刑部訊辦。茲復奏據監督文荃呈報李峻所竊銀共一千九十兩零。與前供七十七兩之數多寡懸殊。且原奏供詞係署監督何毓福會同監

督文荃訊取。何以前後兩歧。難保無掩飾別情。關繫罪名出入。著刑部將該犯李峻嚴審。並查明以多報少。係何人主見。按律定擬具奏。監督文荃署監督何毓福。大使治泰著一併聽候傳訊。○又諭巡視東城御史毓通等奏拏獲假神惑眾之民婦等請交部審辦一摺。順天民婦甯聶氏。膽敢妄託降神。為人治病。燒香受謝。並設有畫像等物。實屬大干例禁。甯聶氏著交刑部嚴行審辦。其夫甯三一

併交部嚴訊。○辛卯諭軍機大臣等。本日據何桂清奏。兵勇再集再潰。宜擇要堵扼。又據庚長奏。江南猝遭蹂躪。江北亦萬分危急。各一摺。前降旨令張玉良署理欽差大臣。節制江南各軍。現在無錫兵勇復潰。張玉良已赴蘇州鎮江瓜州。聲息已隔。水師無人統轄。江陰丈報亦復阻絕。艇師紅單各船。自大營潰後。餉道不通。據何桂清奏。宜在常熟福山一帶扼守江海要區。以通消息。並設立糧臺。以

濟水師。庚長亦稱艇船因南路不通。無路領餉。水師各船原以扼截江面。若糧餉不繼。勢必渙散。張玉良既總統各軍。亟應力籌全局。設法疏通餉道。俾水師得以保衛瓜鎮一帶。福山口路程迂遠。尚恐緩不濟急。本日已諭喬松年先行就近接濟水師軍餉。徐有壬仍當亟籌餉需。接濟水陸諸軍。不得專恃江北接濟。又據庚長奏六合之賊已竄至揚州西北公道橋地方築壘。並在高郵對湖之菱塘

橋打館窺伺李若珠近在揚州自應迅速堵
剿儻該革提督不勝重任即著張玉良另派
得力大員接辦揚州軍務毋得瞻徇情面致
誤大局本日已諭王夢齡調兵進剿公道橋
一帶賊壘惟兵力尚單必須添兵策應並著
張玉良斟酌辦理將此由六百里加緊諭令
知之○又諭本日據何桂清奏水師無人統
轄又據庾長奏江面艇船因南路不通無處
領餉各等語前諭李若珠督飭李德麟等師

船於江面梭巡毋令江南賊匪北竄現在大
營潰退餉道不通若不急籌接濟水師恐有
渙散之虞揚州兵勇多調赴江南所有江北
糧餉諒必有餘著喬松年迅即籌撥水師兵
餉源源接濟毋許藉詞推諉致有貽誤並著
李若珠懍遵前旨督飭李德麟等嚴扼江面
以杜該逆北竄據庾長奏六合賊已竄至揚
州西北之公道橋地方築壘並在高郵對湖
之菱塘橋打館窺伺李若珠近在揚州何以

置若罔聞本日已諭王夢齡調兵進剿著李
若珠即親督兵勇奮力會剿毋得觀望遷延
致干重咎○又諭本日據庾長奏六合之賊
兩路窺伺意極叵測江北裏下河尚為完善
之區現在潰敗兵勇及逃來難民不下數萬
餘人深恐羣聚滋擾等語清淮一帶原有安
勇鶴齡帶兵防守將壩衡陽以防賊匪內竄
茲六合匪徒已至揚州西北之公道橋及高
郵對湖之菱塘橋打館是賊已內竄即可直

達清淮雖守將壩衡陽亦屬無益著王夢齡
迅速馳赴淮安即於安勇鶴齡兩軍內抽調
一軍飭令前赴揚州設法攻毀公道橋等處
賊壘並將菱塘橋打館賊匪擊退以消內患
至王夢齡應駐劄何處仍著酌度形勢辦理
將此由六百里加緊諭令知之○又諭有人
奏杭州北新關為商賈輻輳之區近來弊竇
叢生自南關至北關穿城二十餘里河流狹
小關吏創為五日十日滿限之例故使笨船

閩擁貨船不得速行。一經滿限。雖南關已經報稅。北關仍復重徵。自北而南亦如之。以致行商裹足等語。杭城甫經收復。籌餉之要。自以通商為第一。若如所奏。重徵苛斂。悉飽私囊。商販不通。於國課餉。大有關繫。著王有齡。即飭該關監督。嚴密訪查。如有前項弊端。即行嚴拏懲辦。又稱。前湖南道員署按察使俞焜。病中擊賊。被戕最烈。前任兵部侍郎戴熙。與其弟廩生戴煦。投水殉難。仁和縣知縣

李福謙。在圍城中偵知賊穴地道。奔告巡撫司道。請兵護城。皆不為意。憤極自盡。貽書當事。俱未之信。未幾而城遂陷。孤忠苦節。深堪憫惜。著王有齡查明該員等死事情形。奏明請卹。此外同時殉難人員。著一併查明奏請。旌卹。以慰忠魂。將此由五百里諭令知之。督辦皖南軍務都察院左副都御史張芾奏。皖浙毗連。未敢撤防。前赴江浙。得旨。前已有旨。令汝仍駐徽防。現雖有徐有壬。王有齡。咨

令援浙。惟徽甯之防。遽撤。實於大局攸關。祇可催江長貴等援兵。迅速前往。以濟眉急。○江西巡撫毓科奏。接濟兵餉。動撥道庫。並各屬正項漕折等款銀數。得旨。邊防所需。何至動輒廿餘萬。一飭協濟鄰封。則備陳苦狀。若果為保衛地方起見。他省何異於本省。可見未必實濟於兵勇。影射彌縫。甚且侵蝕。可勝言哉。著戶部查覈該省兵勇數目。認真覈議具奏。若具報兵冊遲延。不必再催。即行叅奏。

○以鑲紅旗滿洲參領博銘。署正藍旗滿洲副都統。○予安徽陣亡千總洪玉春。把總黎得勝。外委陳盛。林顯庸。楊昌榮。祭葬世職。武舉余步瀛。賞卹如例。○予江西殉難四品封貢生葉筠。教諭朱翔超。訓導湯邦杰。縣丞徐迎恩。典史曾海源。從九銜袁興澄等。祭葬世職。監生丁守忠等。二十三名。賞卹如例。○蠲緩江西奉新。宜黃。星子。建昌。德化。新喻。永甯。樂安。鄱陽。安仁。德興。都昌。德安。彭澤。贛。零都。

信豐興國會昌石城萬載南昌新建萬年豐城進賢分宜安義宜春餘干高安瑞昌三十二縣被災被兵地方新舊額賦有差○壬辰上御正大光明殿傳臚賜一甲鍾駿聲等三人進士及第二甲黎培敦等八十二人進士出身三甲崇謙等九十八人同進士出身○諭內閣前浙江巡撫羅遵殿殉難杭城當經降旨照巡撫例從優賜卹茲據御史高延祐奏封疆大吏誤國殃民百身莫贖請撤銷卹典

等語羅遵殿城破捐軀妻女同殉是以給予優卹嗣又博採眾論皆言杭州賊已攻城該撫不肯出一軍抵禦坐待省城失陷城中男婦死者以數萬計覈其情節實屬一籌莫展貽誤生民所有羅遵殿卹典著即撤銷至伊妻伊女同時殉難應得旌典仍著瑞昌王有齡查明照例辦理○又諭李若珠奏天長六合賊匪撲犯瓜揚當經擊退等語四月初六日逆匪分三路來撲揚州一由陳家集圖竄

揚城一由東溝圖竄瓜州一由僧道橋紮筏意欲偷渡邵伯經李若珠調上游總兵李德麟所部礮船派副將王萬清調遣初七日參將詹啟綸帶馬隊由三汊河進剿會同團練乘賊不備驟馬殺入賊眾奔逃十一日詹啟綸復由黃珏橋繞往僧道橋一帶抄擊王萬清亦由邵伯湖帶隊上岸兜剿該逆遂於僧道橋修築土圍木城希圖久踞詹啟綸復由黃珏橋中路直搗賊巢副都統海全由楊歇壩右路進擊副將劉成元由陳家集左路分抄該逆先出五六千人抗拒我師詹啟綸輕騎直前所向皆靡當將賊營兩座及木城同時焚毀海全等橫斜截擊直追至陳家集地方始行收隊共生擒長髮賊四百餘名分別正法辦理尚為得手仍著設法進剿陳家集踞匪毋稍稽延○諭軍機大臣等前據袁甲三奏已派副將黃開榜等礮船由蔣壩三河往來巡防高郵寶應等湖杜賊竄渡茲據李

若珠。巴棟阿各奏探聞常州。無錫。江陰。壘陷於賊。蘇城危在旦夕等語。金陵官軍挫退後。再集再潰。和春因傷殞命。張國樑亦存亡未卜。何桂清棄常州不守。曾國藩尚未具奏啟程日期。張玉良新署欽差關防。一時未能驟振軍威。江南大局。甚為棘手。江北六合之賊。竄逼揚州。公道橋等處。雖經李若珠擊退。而賊勢甚張。袁甲三現駐臨淮。勦辦皖北賊匪。與清淮密邇。儻淮揚一帶告警。著即設法撥

兵救援。以保大局。將此由六百里諭令知之。○又諭。本日據李若珠奏揚防喫重情形。並請飭吳全美所帶艇船停泊狼福兩山等處。又據巴棟阿奏常州。江陰。相繼失守各摺片。逆匪自竄陷丹陽以後。一由奔牛直趨常州。一由丹陽竄丹徒。逼近鎮城。復沿江繞竄戴港。諒壁。團山。關各口岸。以致南北文報不通。鎮江為南北咽喉。前據巴棟阿奏。官軍擊勦獲勝。府城解圍。當諭令李若珠。勤加偵探。如

果逆匪再圖竄擾。即行派撥水師。實力援勦。現在逆勢猖獗。難保不傾巢再撲。惟江南無兵可調。著巴棟阿會同馮子材。向奎等。協力守禦。與李若珠聲勢聯絡。以遏賊匪北竄之路。李若珠駐劄揚州。督辦江北軍務。現在防勦喫緊之際。責無旁貸。況既有薛成良一軍。八千餘名。加以揚防兵勇。數已逾萬。即著督率弁兵。認真堵禦。力遏賊氛。以維東南大局。所調吳全美艇船二百餘號。著准其調赴狼

山。福山等處。擇要停泊。毋令賊匪由江陰等處。北來肆擾。並以疏通餉道。其李德麟師船。仍留江上梭巡。以防江南竄匪。嗣後蘇常賊勢稍鬆。仍將吳全美艇船調回。著李若珠相度情形。妥為籌辦。將此由六百里加緊諭知。李若珠。巴棟阿。並傳諭吳全美。李德麟知之。○又諭。文煜奏。夷人上岸劄營。張貼偽示。委員相機妥辦一摺。據稱。福山縣於本月十九日。有自稱沸夷兵船。至煙臺山下。約有三四

千人各執器械上岸。占住民房。即於山上劄營。並張貼偽示。尚不滋鬧。現選長於詞令之員。妥為開導等語。此次夷人占踞煙臺。偽示內自稱係佛國孟姓。前諭何桂清薛煥設法令華商轉告夷商。向希首開導。宜在上海先行議定。再為換約。藉以阻其北駛。薛煥接奉此旨後。是否已諭華商轉告夷商。如兵端一啟。則各商均受其累。希首或可自知悔悟。至應議條款。前已密諭何桂清等知悉。是否已由商人轉達。嘆佛二酋知悉。或尚未曾一一明言。著薛煥即行詳細覆奏。此次曉諭佛夷。當告以上年英國背約。爾國並未附和。何以今有兵船忽至煙臺。實屬有失和好之道。該處並非通商之口。儻該民人等或有爭端。轉傷和好。速將此項兵船撤回上海。定議後即可換約。從此永敦和好。以免猜疑。如此剴切開導。或可使就範圍。薛煥現署欽差大臣。辦理夷務。是其專責。務須悉心籌辦。不可意存

推諉。致誤事機。將此由六百里密諭知之。又諭文煜奏夷人持械登岸。劄營。張貼偽示。尚不滋鬧。委員前往妥辦一摺。佛酋孟姓帶領夷船。於本月十九日。駛至煙臺山下。約有三四千人。各執器械上岸。占住房屋。即於山上劄營。並張貼偽示。安撫居民。並不滋鬧。其心叵測。恐其意圖久踞。煽惑民人。徐謀構釁。文煜現委署青州府知府董步雲等。前往相機妥辦。當令告以去歲在津。該國並未幫助英法打仗。中國已令欽差大臣。知照貴國。按味國換約之事。商辦在案。迄今並未接據照覆。亦無妥定章程。今驟然攜兵而來。實堪詫異。此處既非通商之地。又非商辦換約之處。未便相留。設久住此地。居民或相驚擾。反傷和好之道。仍應速回上海。向欽差大臣議定條約。應在何處換約。總俟欽差大臣知照。方能辦理。看其如何答覆。總在該委員等剴切開導。勸其將船隻撤回上海。毋任久踞。方為

妥善。並飭沿海將弁。於各路密為防範。固不可自啟釁端。亦不得因其並不滋事。漫無准備。總宜暗中布置。有備無患。並嚴禁內地民人接濟食物。潛相勾結。是為至要。將此由五百里密諭知之。○以江蘇揚州勦賊出力。開復福建陸路提督李若珠處分。○癸巳。

孝慎成皇后忌辰。遣官祭。

慕陵。○諭軍機大臣等。前有旨。令曾國藩統領所部各軍。取道甯國。廣建一帶。徑赴蘇州。相

曾國藩奏

奉

機兜勦。並令都興阿速赴江北。督辦江北軍務。本日據瑞昌等奏。蘇州於四月十三日失守。請飭催曾國藩剋日統師東下等語。現在江南遭此蹂躪。糧餉無款可籌。著官文、胡林翼。妥速將各軍應需餉糈。寬為籌備。一面遴委妥員。撥解曾國藩軍營。一面即籌款交都興阿帶赴江北。此後並須源源接濟。毋令缺乏。以次攻克蘇常。維持東南大局。是為至要。將此由六百里諭令知之。○又諭。本日據瑞

曾國藩奏

奉

昌奏。蘇州失守。請飭曾國藩來浙督辦等語。江南軍務。自和春身故。大營兵勇全行潰散。不獨不堪任使。並且擾害民間。非有勁旅。不足埽蕩賊氛。張芾派江長貴帶兵二千七百名。蕭翰慶帶兵四千名。周天受派劉仁福帶兵二千名。毓科派文瑞、劉芳貴帶兵三千八百餘名。皆係赴援蘇常之軍。據瑞昌等奏。江蘇潰散兵勇。紛紛南下。已諭令該將軍等。飭張玉良截留。認真簡汰。惟賊勢飄忽異常。官兵能否抵禦。尚未可定。著曾國藩即遵前旨。兼程前進。由浙赴蘇。會同瑞昌調度各軍。昨據張芾奏。溧陽股匪復陷建平。進犯甯國。此路如有梗阻。務當設法繞道。以免耽延。將此由六百里加緊諭令知之。○又諭。本日據王有齡、喬松年等奏。蘇州不守。張玉良退至杭州。江南全勢已成糜爛。江北六合之賊。竄擾揚州。僧道橋地方。雖經李若珠奏稱擊退。而賊勢正張。江南逃潰兵勇難民。紛紛渡江。又

恐南岸逆匪乘此分擾與六合天長之賊合成一片。辦理益難著手。李若珠近患風痺。聞已不能得力。都興阿曾經具奏啟程。著連統帶馬步諸軍馳往揚州等處。擇要扼剿。力籌堵剿。務使天六之賊不得與江南賊勢聯合。其江面水師斷賊北渡。尤為緊要。必須設法調度。水陸互相策應。毋致長江之險盡失。鎮江與揚州隔江聲勢相倚。都興阿到江北後。亦應聯絡一氣。探明蘇常確實情形。相為策應。曾國藩現署兩江總督。未知何時始能趕到。並須隨時偵探明悉具奏。方能胸有全局。通籌辦理。力固北路藩籬也。將此由六百里加緊諭令知之。○又諭本日據瑞昌等先後馳奏蘇省被陷。張玉良退回杭州。請催調援師各摺。江長貴一軍已由湖州至平望。去蘇州不過數十里。王有齡何不催令赴蘇。乃令在平望相機前進。以致援兵不至。蘇州失陷。實屬誤事。此時瑞昌已總統諸軍。即著飭令

江長貴及蕭翰慶各軍星夜前進。迅圖克復蘇州。毋稍延誤。江蘇潰散兵勇紛紛南下。到杭者已有一二萬之眾。著即令張玉良認真簡汰。挑選得力者統帶前行。毋使流為匪類。杭州城守事宜。即著副都統來存會同王有齡督辦。另撥兵於嘉興平望一帶扼要設防。以保浙疆。將此由六百里加緊諭令瑞昌。王有齡並諭江長貴知之。○又諭前命曾國藩署理兩江總督。尚未據奏啟程。已降旨令薛煥暫署。惟現在上海辦理夷務正當喫緊之際。薛煥未可遽離。而蘇常猝遭蹂躪。其餘各屬地方應如何籌防籌剿之處。及收集兵勇籌備各路援兵糧餉軍火。均屬萬分緊要。著薛煥即在上海地方悉心籌辦。務飭各屬地方官聯絡紳民同心禦侮。毋令該逆再陷完善之地。將此由六百里加緊諭令知之。○又諭本日據喬松年奏蘇州危急並探聞蘇城失守各一摺。現在京營勁旅萬難遠調。已諭

曾國藩等帶兵前進。江北軍務緊要。李若珠病體雖未就痊。昨因僧道橋等處獲勝。責令實力防剿。荊州將軍都興阿統帶各軍。計日亦可馳抵揚州。並令王夢齡迅赴淮安。撥軍來揚助剿。是江北兵力足資堵禦。該運使所奏水師艇船餉無從出。已交戶部建議具奏矣。遏賊北竄。全恃江面水師。不可聽其潰散。喬松年當仍遵前旨。先行設法支放水師兵餉。毋得意存推諉。○兩淮鹽運使喬松年奏。

實錄卷三

事

大江南北賊勢愈熾。而哄夷志在覬利。尚非壹意構兵。請暫主撫議。得旨。速就撫局。原屬正辦。若藉資夷力。後患無窮。○先是安徽巡撫翁同書奏。皖北軍需協餉不濟。請覈議籌撥。以顧大局。當交怡親王載垣等會同軍機大臣戶部議奏。至是奏稱。該撫軍營餉需。撥款每月不下十餘萬兩。除趕令山西陝西河南三省於月協二萬兩外。按月帶解一二萬兩。仍限半年。將欠款全數解清。惟該營兵勇。

共有若干。安省地漕關稅捐輸。抽釐。每歲共有若干。請飭令查明奏報。至恩錫摺內所陳一切情形。祇極言欠餉之弊。不暇顧理之所安。顯係暗受囑使。尤屬非是。請將署按察使恩錫交部議處。從之。○以兵勇潰退。革署欽差大臣廣西提督張玉良職。仍留營差遣。命杭州將軍瑞昌總統江南軍務。署湖北提督江長貴幫同辦理。○以江蘇布政使薛煥。暫署兩江總督。○命江西福建各督撫速籌餉銀。解往浙江。以備要需。○改江蘇靖江縣暫隸通州。從鹽運使喬松年請也。

實錄卷三

事

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之三百十七

中錄卷之五

素

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之三百十八

蘇傳曉秋官蠟筵日講起居注官太子太保上書房總師傅文淵閣領閣事翰林院掌院學士稽察欽奉上諭事件處國史館總纂官武英殿

大學士管理兵部事務加十三級紀錄十四次臣曹振鏞奉總督官經廷議官太子太傅文淵閣領閣事武英殿總纂官兼翰林院侍讀學士體仁閣

大學士管理戶部三庫事務官刑部事務如二十三殿紀錄十六次。歷祖塔瑪喀載寧太子少保管理內燭書庫事務對引大臣軍機大臣

鎮藍旗滿洲都統戶部尚書管理三庫事務加四級隨帶加五級紀錄十二次

遼國史館總載官正藍旗蒙古都統禮部尚書管理太常寺鴻臚寺事務加二級軍功加四級隨帶加八級紀錄五次臣倭什琿布等奏

救修

咸豐十年。庚申。五月。甲午朔。諭內閣。御史賀

壽慈奏錢鋪關閉。貽害地方。請飭嚴辦等語。本月二十四五等日。正陽門外錢鋪。無故關閉數家。貧民受累甚多。儻內外城各鋪。相率效尤。於圖法民生。殊有關係。著步軍統領衙門。順天府。五城。嚴定章程具奏。其有扶嫌散造謠言。致民間齊集取錢。復乘間攘奪。以致各鋪閉門歇業者。並著嚴拏懲辦。以儆奸商。而安良賈。再據御史朱潮片奏。錢鋪無故關閉。請以竊盜論。計贓治罪等語。著刑部議奏。

○諭軍機大臣等。有人奏。近京直隸州縣。及與豫東接壤各屬。時有盜匪劫掠。雖疊經奏責緝。而未經呈報者甚多。恐與敗逃捻匪勾結。致煩兵力。請飭直隸總督。責令地方文武。於所屬地面。各仿鄉約保甲之法。變通行之。訪其窩藏。察其形跡。懸賞購緝。設法密捕。並責成道府鎮協。時加查考。定以限期有成。效者保擢。無成效者叅劾。以清盜源等語。畿輔地關緊要。豈容盜匪肆行無忌。恆福於失

事各州縣等。雖疊經叅辦有案。續報緝獲者。甚屬寥寥。可見該督徒以一叅了事。地方官仍屬漫不經心。其未經舉發者。諱飾彌縫。皆所難免。即著該督嚴飭所屬文武。舉辦保甲。實力稽查。一經訪有匪跡。即會督兵役。密速撥捕。務求淨絕根株。勿致養癰貽患。其接壤豫東各屬。尤應認真查拏。以免與捻匪勾結。致煩兵力。儻有陽奉陰違。視為故事。以及有心諱飾。規避處分者。恆福務即嚴行叅辦。毋

稍徇縱。其如何責成道府鎮協。時加查考。予限責效。以免有名無實。並著斟酌妥辦具奏。原片著鈔給閱看。再據御史朱潮奏。都城大錢。日形短絀。緣直隸匪徒。多以私銷為業。以致民困益甚等語。已諭令步軍統領衙門。順天府。查拏究辦。仍著恆福曉諭各屬。儻查有私銷匪犯。即著密速嚴拏。盡法處治。毋任漏網。以重圜法。將此諭令知之。○又諭。御史朱潮奏。大錢短絀。請嚴拏私銷一摺。據稱。現在

都城錢票一千文。祇換現錢八百有零。或八百文。京票攜往海澱。有時不能換錢。究詰其故。僉稱大錢短少。並有奸民將當十大錢。燬質私鑄。計當十大錢一枚。可作輕薄制錢五六文。獲利無算。附京西山一帶。宵小潛設鑪匠。私行銷燬。官吏恐其拒捕。不敢過問等語。錢鋪以票換錢。通行已久。豈可任奸商漁利。暗行私銷。致令票賤錢貴。民生倍形拮据。似此藐法殃民。亟應實力查拏。著步軍統領衙

門順天府一體認真究辦。務令悉數拏獲。毋任漏網。以重國法。而戢奸宄。將此各諭令知之。○又諭。本日據何桂清奏。徐有壬照會。喚。欲借夷兵防守蘇州。該酋答以必須何總督來滬面商。方能定議。何桂清已坐輪船前赴上海商辦。各等語。夷人欲入長江。我方必欲阻止。豈可招之使來。徐有壬此舉。紕繆已極。此事斷不可行。恐何桂清仍伸前說。著薛煥即飭吳煦等。告知該夷。徐有壬已死。此事

毋庸再議。即或該夷情願入江相助。亦當婉言拒之。以杜後患。然乘此機會。正好籠絡該夷。相機開導。就我一切範圍。不但永息兵端。亦可消弭無窮後患。是為至要。本日何桂清奏。但云徐有壬殉難。此外文武各官。尚無下落。著薛煥確切查明具奏。何桂清業已革職。拏問。於夷務軍務。均無干涉。著薛煥即派員起解赴京。聽候審訊。毋任逗遛。將此由六百里加緊密諭知之。○已革兩江總督何桂清

奏。前赴上海商借夷兵。得旨。蘇垣保固。尚不可借用夷兵。今事已至此。何事可商。巧藉一避賊之地耳。○署陝西巡撫譚廷襄奏。請將責斃流犯之鳳縣知縣楊國鈞。先行撤任。得旨。暫行革職。提省嚴訊。並迅即飭驗屍傷。究係因責因病。不准稍涉徇庇。○甘肅肅州鎮總兵官李世忠奏。謝授缺恩。得旨。汝自擢用以來。屢挫賊鋒。實堪嘉尚。汝部下人數眾多。並妥為彈壓。勿致累汝聲名。○以江蘇布政

使薛煥為巡撫。仍暫署兩江總督。○乙未。諭內閣。參員許告上司。定例立案不行。其有情節較重。或牽涉贓私。不得不加以查辦。惟審訊既屬虛誣。則扶嫌陷害之人。自應從重懲治。以昭平允。嗣後各直省參員。許告上司者。除立案不行外。其有欽派大員審訊。因誣告而罪擬徒流者。均不准贖罪。因有賄和而被革職者。亦不准捐復。以儆官邪。而懲刁健。○諭軍機大臣等。前據文煜奏。噶夷孟姓船隻。

駛至煙臺山下。約有三四千人。持械上岸。於山上劄營。並張貼偽示。尚無滋擾。已派署青州府知府董步雲等。前往詢問來意。當經諭令該撫飭令該員等。諭該夷以上年曾經知照該國。按味喇哩換約之事商辦。未據答覆。今驟然帶兵前來。查該處並非通商之地。亦非商辦換約處所。未便久留。應即回上海。向欽差大臣商議。向其妥為開導。本日復據文煜奏。該夷自占踞張姓房屋後。復占踞比鄰

劉姓房屋。於山下開井二眼。二十一日已刻。東南洋面。復駛來火輪船二隻。仍泊之罟島。並由該船搬下馬鞍二三百盤。並未見有馬匹。又偪令各鋪戶。買伊洋錢使用。似有扶制通商之意等語。夷人船隻。久在山東洋面游駛。茲復於煙臺地方。上岸劄營。並陸續占踞民房。實屬心存叵測。現已飭令文煜。密為防範。該夷既攜帶多兵。恐以煙臺為屯聚之處。仍欲駛往天津。及山海關等處。肆行滋擾。僧

格林沁等。於大沽海防。業已辦理周妥。其附近各海口情形。仍著隨時偵探。儻該夷等。或實有欲用馬匹。乘虛抄襲情事。應如何設法堵禦。即著該大臣等。豫為籌畫布置。為要。將此密諭知之。○又諭。據文煜續報。該夷占房鑿井。搬移馬鞍。偪買洋錢。種種情形。殊有扶制通商之意。文煜接奉前旨。諒已遵照妥辦。著仍飭前派之委員董步雲等。諭以此處並非通商之地。勸其速回上海。至洋錢一節。上

年。嘆夷兵船。駛至湖北。因民間素不使用。難於相強。否則必致啟釁。該夷既有馬鞍。恐於附近地方。購買馬匹。或肆行擄掠。著密諭該處商民。不得行使洋錢。賣給馬匹。並防其登岸擄搶。其煙臺近處。如福山等縣地方。均宜挑備官兵。暗中設伏。以備臨時策應。免致倉猝為所襲踞。其內地民人。接濟食物。私行交易。仍須隨時查察。嚴行禁止。毋稍大意。將此由五百里密諭知之。○又諭。本日據崇實奏。

署四川總督曾望顏。不諳軍旅。年衰偏聽。聲望迥非昔比。現在各股逆匪。勢已窮蹙。可以指日肅清。乃該署督措置乖方。以致人心解體。蕭啟江現統楚勇到川。軍務正當喫緊。請飭曹澍鍾迅即來川。統籌全局。剋期進剿。等語。蕭啟江一軍。既經抵蜀。自可乘此聲威。殄除羣醜。但該員資望較淺。恐與該省統兵大員。彼此不相聯絡。曾望顏調度既未合宜。轉多掣肘。曹澍鍾前奏。擬於四月下浣啟程前

進。著即星馳赴蜀。毋得遲延。到省後即著提調各軍。掃除逆匪。以靖疆圉。而副委任。將此由六百里諭令知之。○又諭。翁同書奏江北應行設防。並籌畫淮揚餉需一摺。據稱揚郡裏下河。應行設防者。有三汊河。沙頭萬福橋。邵伯鎮四處。三汊河有高阜可據。沙頭有江汊可防。萬福橋有寬河可恃。邵伯鎮有運河可限。支港重湖可憑。此數處防兵不可空虛。至兵勇餉需。有江北地漕釐捐可用。又裏下

河商賈輻湊。富庶倍於往時。從前雷以誠創辦畝捐。一年可得制錢三十餘萬緡。責成州縣辦理。不設委員。可無擾民之事。加以裏下河各州縣商賈捐輸。若增兵萬餘。扼守裏下河要害。經費有盈無絀等語。裏下河為江北精華。糧米充裕。且可為揚郡屏蔽。自宜分守要隘。以防賊匪竄來。商民逃散。著李若珠即行酌量情形。添兵扼守。毋令完善之區。再為賊擾。至應徵餉需。既有裏下河畝捐。及商賈捐輸。可資接濟。著王夢齡即於抵淮後。與喬松年妥為籌商。際此經費支絀之時。該署漕督等。亟宜竭力圖維。毋得推諉遷延。務期有裕軍食。以利攻取。翁同書原摺著鈔給閱看。將此由六百里諭知李若珠。王夢齡。並傳諭兩淮鹽運使喬松年知之。○以貴州思南等處勦匪出力。賞知縣繆煒。花翎副將沈宏富。田興奇。巴圖魯名號。府經歷陸用和等。藍翎。餘加銜升敘有差。予陣亡都司毛良德。祭葬。

世職六品頂帶楊國勝賞卹如例○予安徽霍邱合肥陣亡殉難在籍通判劉星杓從九品劉澤施劉長太劉咸一訓導田紹雍祭葬世職雲騎尉宣英等八十七名口旌卹如例○丙申夏至祭

地於

方澤遣惇親王奕誼恭代行禮○

孝誠仁皇后忌辰遣官祭

景陵○諭軍機大臣等景瀄奏俄夷搶掠尋釁

現將卡倫官兵撤回招撫赫哲代巡等情一摺俄夷由奇咭突赴烏蘇里卡倫搶掠食物並欲將卡官等截留業經景瀄將該官兵等撤回分派赫哲坐守復據赫哲保福等報稱該夷屢來探問兵數民情似頗畏懼復有夷人戲謔扎拉妻妾經鄰人勸散該夷輒將扎拉邀去強令歸順扎拉即在彼探悉木酋與俄王意見未合所率夷眾亦有怨恨木酋之語隨復逃回求協領輯順收留已令將各赫

哲招撫搬入松花江內地其甯古塔地方有夷人房屋草堆經恩騎尉明祿燒毀亦無他事各等情俄夷到處游馳意圖肆擾一經官兵等虛言恐嚇該夷即行斂跡看此情形是將山內之人招出顯有裨益至扎拉投回所稱眾夷抱怨木酋一切情形足見究係滿洲所屬不肯甘從外夷雖彼時被脅所迫始終不忘根本實堪嘉尚然亦須詳查如係誠心投回並非暗為該夷所使該將軍等務當妥

為安置即將松花江上游南岸空曠之地撥給開墾以全生業惟該夷率眾深入不能多攜糧食惟有嚴禁居民人等不得接濟食物並不准將錢貨互換則必窮而思返即著景瀄等剴切曉諭毋許陽奉陰違儻該夷因斷其接濟敢行搶掠則釁自彼開應悉聽民人與之理論若並不敢滋事則不值自我啟釁如敢有戲謔民婦等事則有徹卜勒幅舊案雖至毆斃彼亦無詞惟烏蘇里等處該夷不

能得志。或往他處。亦未可定。並著景瀄等嚴密偵探。加意嚴防。毋稍疏懈。再烏蘇里綏芬空闊之處。早為招民開墾。使該夷無所期望。是為至要。將此由五百里諭令知之。○盛京將軍玉明奏。查探金州海口夷情。並訊取被劫船戶確供。得旨。嚴諭濱海居民。斷不准接濟食物。並禁其錢貨互換。○以京口副都統巴棟阿署江甯將軍。○以直隸堵剿河南竄匪出力。賞長垣縣知縣金東忠等藍翎。餘加銜升敘有差。○以勦賊恒怯。革江甯副都統魁玉職。仍留營隨剿。○授一甲進士一名鍾駿聲。為翰林院修撰。二名林彭年。三名歐陽保極。為編修。○丁酉。諭內閣。前因禮部尚書麟魁呈遞謝恩摺二分。續經撤回一分。當將麟魁及奏事官瑞芳。交部議處。茲據吏部遵旨具奏。麟魁已將奏摺呈遞。復向奏事處。私行撤出。實屬有違定制。著照部議降三級調用。不准抵銷。奏事官內務府員外郎瑞芳。於

呈遞摺件。聽從撤出。亦屬非是。著退出奏事處。即照部議降二級留任。准其抵銷。○又諭。巡視東城御史毓通等奏。拏獲疊次販稻。赴通攬漕。並受雇馱運各犯。請交部審辦各等語。民人胡九。膽敢疊次販買秬稻。夤夜運至通州。顯係攬雜漕糧。實屬有干例禁。胡九。管黑子。孫四。白壽兒。均著交刑部嚴行審辦。其賣給秬稻之成美。王三。即德全。著聽候傳質。未獲之尹大。王六。著步軍統領衙門。順天府。五城。一體嚴拏。務獲歸案審訊。現在糧艘抵通。其潛行販運秬稻。攬雜漕糧者。恐不止一起。必應嚴密查拏。按律懲辦。著通州收米之侍郎寶鑒。倉場侍郎成琦。廉兆綸。督飭所屬。明查暗訪。嚴拏究辦。以清積蠹。○又諭。前有人奏。前任廣西布政使蔣益澧。侵吞兵餉。遇賊退避。並委任知府潘家馥。縱勇擄掠等情。當降旨。交曹澍鍾。查明奏。茲據奏稱。確查原參各款。尚無浮冒。退避忌功情事。實因辦

理不善以致物議沸騰。並片稱該員援保平樂回勦逆匪。省垣解嚴尚屬出力。蔣益澧業經以道員降補。著仍留於廣西差委補用。所有前此因循怠玩之處著免其置議。已革知府潘家馥雖無縱勇擄掠重情。惟不能約束實屬庸懦無能。業經革職。著毋庸議。○諭軍機大臣等。前據瑞昌王有齡奏蘇城被陷。張玉良退回杭州。業經諭令瑞昌迅督諸軍克復。王有齡量為籌濟餉需矣。本日復據瑞昌王有齡奏續陳近日各路軍情。並招集江南兵勇。勉籌布置一摺。此次蘇州失事。固由於兵民互鬪。潰勇附賊。而江長貴一軍稽留平望。吳再升蕭翰慶等軍尚在廣德。以致鞭長莫及。蘇城被陷。其督催不力之處。不可謂非王有齡之延誤。現在蘇城既失。逆蹤方張。蘇浙連界郡縣亦處處喫緊。亟應痛加勦洗。以免蔓延。瑞昌現已總統江南諸軍。江長貴亦已幫辦軍務。所調各路援兵為數不少。計已

陸續雲集。著瑞昌迅即督帶兵勇馳往蘇省。會同江長貴調派各軍乘賊勢未定之時力圖規復。毋令日久負隅。並著王有齡速將江南潰散兵勇催令張玉良等趕緊招集認真裁汰。管帶前往以厚兵力。其杭城防守事宜仍著王有齡會同來存妥籌布置。毋稍鬆懈。再據奏蘇州以北道路不通。前摺已由上海轉遞。如不能達即改設驛站繞道江西等語。現在上海文報可通以後如有梗阻其應否由江西繞道之處著王有齡酌量辦理。將此由六百里加緊諭令知之。○又諭勝保奏道員苗沛霖屢請赴潁督勦並孫葵心乞降。現已派員辦理等語。並將苗沛霖及阜太士民稟函鈔錄呈覽。勝保督師皖北時苗沛霖曾歸調遣。此時謂盼望該副都統前往潁州未必非世故周旋之語。該道以團練勦匪疊經保舉擢至道員。此時感激圖報無非為朕出力。勝保豈得以此市恩。苗沛霖亦豈得以此

歸功勝保耶。即著勝保飭知苗沛霖。以皖豫兩省勦擒。雖各有統帥。實則共辦一事。該道員惟應聽候調度。認真攻勦。果能續著勞績。袁甲三等。豈能不以上聞。不應以該副都統之到。穎與否。鯁鯁過慮。勝保經朕簡任。督辦豫省防勦。原應不分畛域。惟豫省團練。尚未就緒。自當先固豫疆。徐及皖境。乃屢以該道員等稟辭上瀆。是何居心。好大喜功。舍近圖遠。是該副都統受病之處。前在皖北督師。以此挫敗。尚復不知悔悟。必至再蹈愆尤。至孫葵心乞降。狼子野心。未易馴服。是否出於真誠。未敢深信。若能殺賊自贖。立功來歸。再當斟酌辦理。該副都統既派知縣黃殿楨等前往招撫。惟應嚴飭該員等。慎之又慎。不可輕率從事。致貽後患。將此由六百里諭令知之。○又諭曹澍鍾奏。請飭湖南防兵。就近合勦賀縣賊匪。並咨勞崇光。派兵進攻一摺。據稱廣東北江首匪陳金剛。竄踞粵西賀縣城池。

並闖入富川縣境。經湖南兵勇往援。踏破賊壘。餘匪遁回賀邑。嗣因楚師撤回本省之江華縣白芒營駐守。該匪復分股竄至富川縣西鄉。現由粵西增募湘勇二千名。派左江道蘇鳳文。馳往督勦。並咨勞崇光。派兵進攻。請飭楚省劉嶽昭一軍。合力會攻。以期迅速。掃平等語。逆匪攻陷賀縣。踞為老巢。四出滋擾。以致楚粵邊界。連年未靖。粵西兵力未厚。自宜由粵東合力協勦。著勞崇光迅速派兵。由廣甯開建一帶。前往會攻。候選道員劉嶽昭。所統楚軍。現駐江華。距賀縣不遠。本日據駱東章奏。富川業經收復。著該撫即飭令劉嶽昭。統率所部兵勇。馳赴粵西。會同各軍。進攻賀縣。務期盡拔根株。為一勞永逸之計。毋得稍分畛域。致滋延誤。將此由六百里各諭令知之。○又諭前因山東濟東泰武臨道黃良楷管帶步勇。不加約束。以致在郟城縣地方。恣意焚掠。殺害團總紳民三十餘名。反藉口

餉缺飾詞袒護當經降旨將該道革職交文煜查辦茲復有人奏黃良楷素為捻匪所畏令其統帶義勇二千名前往宿遷與王夢齡互為聲援必可得力並稱該革員帶勇獲咎係蒙陰縣知縣誤以義勇為賊該縣已經撤詢等語江南宿遷一帶為兩省交界之區捻匪易於出沒王夢齡力薄兵單勢難兼顧必得東省派有大員帶兵援應方可以壯聲威黃良楷如尚能得力亦可棄瑕錄用若如文

煜前參縱勇焚掠各情即令該革員前往宿遷亦屬無益且聞其年力已衰難期振作恐不能約束勇丁反致滋擾著文煜查明該革員是否可用迅速覆奏將此諭令知之○督辦河南勦匪事宜鑲藍旗漢軍副都統勝保等奏請將貴西道文桂留豫辦理營務得旨文桂辦理營務並非帶隊實不可少之員況黔省乏員實難准汝所請著即飭赴任○以兵部尚書全慶充翰林院掌院學士○以都

察院左都御史綿森為禮部尚書吏部右侍郎愛仁為都察院左都御史調兵部右侍郎基溥為吏部右侍郎以內閣學士載崇為兵部右侍郎兼署刑部右侍郎○以吏部右侍郎文祥兼左翼總兵理藩院尚書倭什琿布兼正藍旗蒙古都統○以河南辦團勦捻出力賞知府傅壽彤等花翎知縣陳桂林等藍翎餘加銜升敘有差○以滇匪竄入四川榮經縣城署總督曾望顏提督占泰下部議處

○准丁憂已革福建汀州鎮總兵官朱興朝留營勦賊俟軍務稍鬆回籍終制○戊戌諭內閣曹澍鍾奏請將開報餉需不實及擅動廠稅銀兩等員分別懲處等語廣西署鬱林直隸州知州鄒德瀉承辦軍務動用經費至六萬餘兩開報多有不實且將應解正雜錢糧等款借入餉需動支難保無侵蝕入己情事已革梧州府知府陳瑞芝將任內徵存廠稅銀二萬六千八百餘兩作為勇糧全數開

支並不移交後任。輒行回籍。實屬蒙混冒銷。鄒德瀉著即行革職。毋庸暫行留任。仍勒令將徵存賦稅。埽數完解。不准濫行開銷。儻查有虧短。即著嚴叅治罪。陳瑞芝著即行拏問。按數追繳。如敢支飾推延。即著查抄家產。嚴行究辦。○以戶部尚書肅順。戶部右侍郎寶璽。為總管內務府大臣。○以大學士瑞麟。兵部尚書全慶。為內大臣。○調正藍旗蒙古副都統托雲。為鑲紅旗滿洲副都統。以禮部右

侍郎伊精阿。兼正藍旗蒙古副都統。○以廣西勦匪守城出力。賞道員楊翰朱孫詒。同知彭靖。知州凌昆。參將陳友勝。都司何萬華。鮑得揚。守備庾福禮等。花翎。州同侯敬祺等。藍翎。餘加銜升敘有差。○己亥。諭內閣。內務府奏。交審太監。由園解司。在途脫逃一摺。太監陳得生。係在園庭行竊。要犯該番役吳廣順等。送往慎刑司收審。並不小心押解。致令在途脫逃。難保無賄縱情弊。著內務府嚴行審

辦。毋任狡展。在逃之太監陳得生。著步軍統領衙門。順天府。五城。一體嚴拏。並著內務府。飭令番役嚴緝。務獲究辦。○又諭。庚辰。長春。知縣籌募沙勇。克復江陰。縣城一摺。逆匪於攻陷常州後。分股沿江東趨。竄陷江陰。縣城。經常熟縣知縣周沐潤。設法籌募沙勇。奮力進攻。沙董嚴康保。首先從鹿苑進剿。連獲勝仗。徐浩統帶所部接應。殺斃賊目一名。殲賊七百餘人。民團同時響應。奮勇追殺。四面圍剿。

於四月十九日。將江陰縣城克復。辦理尚為得手。著薛煥即飭該縣。督率民勇。趁此聲勢。相機進取。攻復各城。毋留餘孽。○又諭。前因御史薛書堂。及兩淮鹽運使喬松年。叅奏。庚辰演戲宴客。退守淮安各情。當派文俊。馳驛前往查辦。茲據該侍郎。查明覆奏。請旨定奪。革職暫留本任。江南河道總督。庚辰。當清江防堵喫緊之時。輒因酬神演戲。已屬不知緩急。猶復觀劇終日。迨聞賊警。倉惶出隊。迎勦。

失利遽行退入淮城。尤屬畏蕙無能有負委任。庚長著即革任來京聽候審訊。舒康等有無失守處分。著王夢齡與清江失守文武各員一併迅速查明叅奏。○諭軍機大臣等。本日據庚長奏。現在江陰業經收復。正可乘此聲威相機進剿。計曾國藩啟程赴蘇。尚需時日。前已諭令瑞昌迅帶兵勇馳往蘇省。會同江長貴調派各軍痛加勦洗。著薛煥督飭各州縣激勵民團乘勝進攻。於賊勢未定之時。

迅圖克復蘇常。以保全東南大局。江陰道路疏通。文報可不至梗阻。並著薛煥迅速查明蘇常失陷及各屬相繼失守各城文武下落。詳細情形由驛馳奏。以慰廑念。如上海至常熟路有阻隔。即著王夢齡飭令該縣周沐潤等督率沙勇實力堵剿。以次規復各城。是為至要。前據都興阿奏。於四月二十六日由鄂馳往英山。或先督馬隊前進。尚須繞道徐宿。到揚需時。王夢齡現在已抵淮安。著嚴飭沿

江各州縣聯絡兵勇嚴密防守。以固北路藩籬。清江西北沿河一帶挑濠築圩。前令文俊確查實在情形。辦理有無草率。茲據文俊奏查驗圩工楊莊頭壩等處尚均深固足資守禦。由阜河至審灣之圩工尚未完竣。著王夢齡即飭朱善張等妥為勸導趕緊修築。以資捍衛。其應如何嚴定守圩章程著王夢齡相度情形悉心籌議詳晰具奏。總須兵勇民團同心守禦。以期保衛地方。南河因辦防堵設

有抽收釐局。庚長陸續添局十處撥歸淮安徐州安徽三處。自四年至九年止共收釐銀二十六萬二千九百餘兩。為清江蔣壩等處各勇經費。據文俊查明已經報部者尚屬相符。其未經報部者有無冒銷侵蝕情弊。著王夢齡徹底盤查調齊各卷冊逐款覈算。詳細具奏。毋任稍有捏飾。以清積弊而重防務。將此由六百里各諭令知之。○以故奉恩輔國公祿義子恩弼襲爵。○以署漕運總督王夢

齡兼署江南河道總督。○命河南荊子關副將伊里綱阿赴德楞額軍營差遣委用。○以觀劇弛防。前署漕運總督聯英等下部議處。○庚子諭軍機大臣等。前據李若珠奏調艇船。當令傳諭吳全美將艇船二百餘號駛赴狼山福山等處。李德麟師船仍留江上梭巡。以防江南竄匪。並疊次諭令喬松年接濟水師餉需。茲據李若珠奏。上下艇師已成隔絕。請派吳全美統帶艇船東下。李德麟仍留魯港。先將下游布置嚴密。再與楊載福李德麟聯為一氣等語。自係尚未接奉前旨。著再行傳諭吳全美。即帶艇船駛赴下游。聽候李若珠調遣。毋許藉詞延誤。長江中間。現在道路不通。李德麟艇師尚在魯港。李若珠無從調遣。楊載福前奏。記名總兵陳金鼇等會同李德麟等師船。將螺磯石壘攻破。是該總兵距楊載福水師較近。著暫歸楊載福調遣。仍飭令設法疏通江路。與吳全美等聲勢聯絡。總

期扼截江面。毋令南岸之賊乘虛北渡。方為妥善。吳全美全師東下。儀徵以上。是否空虛。李若珠必須通盤籌畫。不可顧此失彼。昨據庚長探報。江陰克復。此路文報已通。吳全美艇船應否仍泊狼山福山等處。並著李若珠相機辦理。毋稍拘泥。各起艇師。每月所需口糧甚鉅。江北糧臺僅撥銀數千兩。斷難敷用。喬松年前奏。水師餉無從出。雖經戶部遵旨議撥款項。交江北糧臺支發。尚恐緩不濟急。李若珠曾咨令查文經趕緊接濟。何以絲毫未解。著喬松年傳旨諭令查文經。在上海關庫各款。先行提解水師軍餉。源源接濟。不得藉詞推諉。致干重咎。並著喬松年先行設法給發。以期固結水師。即以保全大局。至江南兵勇潰散。所有前欠各餉。自應劃除。所集兵勇。另行按月支給。不得藉口補給從前欠餉。致滋浮冒。此節並著喬松年傳諭查文經遵照辦理。將此由六百里加緊諭知李若珠。楊

載福並傳諭吳全美李德麟喬松年知之○又諭前因浩罕派來夷使遞字恐其入卡勾結當諭扎拉芬泰妥籌駕馭茲據裕瑞等奏稱浩罕派來額爾沁捏斯密頂等遞字仍求和好經裕瑞等將前次探獲已斃額爾沁寄回信字謀為不軌情形與此次額爾沁閱看額爾沁頗有愧色謂係禍由自取前已寫信回浩罕將住站呼岱達舒庫爾鎖押俟新換呼岱達到來商同寫信回浩罕將前次之事

說明仍然和好等語該浩罕既遣額爾沁前來善說又將呼岱達更換尚知其曲在彼似非意圖報復惟明巴什所遞字內有不肯憑信之語夷情叵測難保不暗中勾結猝啟釁端已諭裕瑞等嚴密戒備深入偵探著扎拉芬泰派人詳查該大臣所奏是否實在情形詳細具奏如該浩罕回信到時仍求和好或求將呼岱達伯塔爾等罪名減輕自可俯順夷情相機妥辦以示懷柔儻該浩罕有蠢動

之意亦當會商裕瑞等妥為防範設法曉諭毋涉疏忽將此諭令知之○又諭裕瑞等奏浩罕遞字仍求和好相機辦理一摺據奏浩罕派兵前往冰嶺並無其事此次派來額爾沁捏斯密頂等遞字仍求和好意尚恭順裕瑞等所擬俟新呼岱達到喀與該額爾沁寄信回浩罕之便再飭阿奇木書寫覆字一同寄去詳細開導使該夷誠信不疑如回信仍然效順或求將呼岱達伯塔爾等罪名減輕

再為相機辦理所籌尚為妥協惟夷情叵測所言未可盡信且明巴什等所遞字內有不肯憑信之語難保不暗中勾結猝啟釁端裕瑞等惟當不動聲色嚴密戒備以絕其窺伺之心並仍覓妥靠回子深入偵探不可因該額爾沁言詞恭順稍涉大意如該浩罕回信到時仍求和好自可俯順夷情妥為辦結以示寬大懷柔之意總在該大臣等明示羈縻暗加防範毋為該夷所乘方為妥善將此諭

令知之○辛丑諭軍機大臣等何桂清王有齡奏長興失守賊竄湖州杭城危急並請撫夷勦賊各摺片逆匪大股至夾浦竄陷長興蕭翰慶一軍至塘口地方遇賊接仗蕭翰慶不知下落所部奔至湖州賊即圍撲湖城並分股繞出小路已至武康縣境距杭州僅一日之程杭城亦危急萬分江長貴一軍已抵平望因潰兵衝至遂折回湖州現在湖州被圍該署提督係幫同辦理軍務之員責無旁貸著激勵兵勇督同在城文武嚴密防守保衛郡城並分兵截勦武康竄匪以杜逆賊入杭之路瑞昌王有齡亦當撥派兵勇出省夾擊先清武康之匪並扼截湖州入省要路瑞昌現命總統江南各軍規復蘇城現在杭城喫緊自當先顧杭州再圖進取毋得株守省城致成坐困張玉良一再敗退奔回杭城亦當奮勉圖功隨同保守省垣以維大局毋令再有疏失致干重咎所有現在湖州防守情

形及蕭翰慶下落並著瑞昌等迅速查明具奏夷人欲入長江我方欲阻止豈可招之使來徐有壬照會喫嘴欲借夷兵防守蘇州何桂清前赴上海商辦紕繆已極已諭薛煥婉言拒阻江南賊勢雖張現在調集各路援兵自能力圖規復若借資夷力使該夷輕視中國後患何可勝言所請安撫夷人勸其助順勦賊之處應毋庸議將此由六百里加緊諭令知之○又諭本日據何桂清奏自蘇州失守後賊陷長興湖郡戒嚴吳江一帶逼近賊氛情形亦甚輿重恐賊匪蔓延聯成一氣勢更不可收拾著薛煥妥速布置迅圖規復蘇常毋令該匪久踞致成負隅之勢日後殲除愈難江陰克復後江路已通前據李若珠奏請將吳全美艇船二百餘號調赴福山狼山停泊與何桂清所奏賴鎮海一軍停泊福山等語果否扼要足資策應並著薛煥與李若珠通籌酌辦水師軍餉即飭查文經在上海關

庫各款先行提撥。毋誤要需。廬鳳道蕭盛遠聲名平常。前諭令徐有壬將該員撤任。查明叅奏。何桂清請暫令接署臬司之處。著不准行。仍著薛煥查明該員實蹟。據實奏叅。毋稍徇隱。江蘇臬司另行派員署理。其蘇常二府及各屬失守之文武員弁。並著詳細查明具奏。另片奏張國樑在丹陽禦賊。官兵潰散。壅塞不能前進。策馬渡河。水深馬沒。沈溺不起。據張國樑之弟張國材同都司黃才貴護送

江南提督印信至上海等語。著薛煥再行確切查明。張國樑是否沈水。抑係受傷。並飭張國材迅速尋覓。將實在下落情形。據實具奏。再降諭旨。將此由六百里加緊諭令知之。○又諭。前因和春奏請籌撥軍火等項。疊經諭令恆福等。各於直隸、山東、河南、陝西等省。隨時接濟。現在江南軍情大變。各路防剿。更為喫緊。蘇常均應亟圖克復。所需軍火。無處承造。著恆福、文煜、慶廉。諱廷襄。務將各省未解

江南軍營火藥鉛丸火繩等項。星速籌解。淮安府驗收轉運。以應急需。毋稍延誤。將此由五百里各諭令知之。○又諭。薛煥奏。喫啡聯為一氣。狂悖愈甚。一摺。並據何桂清。王有齡奏。南北皆危。亟宜撫夷。勦賊等語。喫啡二夷。知江南大營潰退。蘇常等處。相繼失陷。愈形狂悖。本在意中。何桂清又至上海。與噶魯嘶商議。無怪該夷夜郎自大。肆意要求。江南賊勢雖張。現在調集各路援兵。自能力圖規復。

若藉資夷力。更使該夷輕視中國。後患何可勝言。何桂清。王有齡。所請斷難允行。前據薛煥奏。喫啡額酋。道經佛國。因該國主一意主戰。額酋已回覆該國主。不來中國。此次噶魯等。又稱額爾喀。噶囉。不日仍來中國。其中不無可乘之機。所稱立即赴津。斷不在上海停留。亦未可盡信。何桂清業經拏問。薛煥現署欽差大臣。責無旁貸。務須在上海妥為辦理。不可往來徒報夷情。尤不可為何桂清豫

為開脫所有夷務。著即探明額酋等。一到上海。即遵前奉諭旨。剴切開導。冀有轉機。固不可因蘇常失陷。稍示以弱。亦不可激之北駛。致啟兵端。操縱之機。全在該署大臣。悉心籌畫。不得意存推諉。有負委任。味夷業經換約。何以亦欲赴津。顯與喫啣兩夷暗中勾結。若至天津。誤傷該夷船隻。必致有所藉口。著薛煥詳細告知。毋令前往。是為至要。將此由六百里加緊諭令知之。○又諭。本日據薛煥奏。

喫啣聯為一氣。狂悖愈甚。一摺。據稱。何桂清到滬。見嗜嗜嘶。反覆開導。毫無悔悟。啣夷哥士者所言。亦與嗜酋相同。又稱。額爾喀噶囉。仍來中國。立即赴津辦事。味酋嘩諾噶。亦要赴津等語。喫啣兩夷。因江南大營潰退。愈肆恫喝。據稱。喫兵已屯劄山東之成山。啣夷亦劄成山對峙之高麗洋島。一俟額酋噶酋到來。即行北駛。著僧格林沁。恆福。隨時偵探。密為防範。其山海關一帶。亦應一體嚴防。啣夷

已占踞煙臺地方。文煜前派署青州府知府董步雲等。前往詢問來意。著即督飭該員。安速辦理。並於各海口。認真嚴防。以免該夷登岸滋擾。原摺著鈔給閱看。將此密諭。僧格林沁。恆福。並由四百里密諭文煜知之。○以塔爾巴哈台領隊大臣武隆額。為葉爾羌幫辦大臣。已革福建陸路提督炳文。為塔爾巴哈台領隊大臣。○以海運漕糧驗收完竣。戶部侍郎寶璽。倉場侍郎廉兆綸。下部議敘。戶部員外郎繼格等。加銜升敘有差。○以城陷脫逃。及先期出城。革署江蘇布政使蔡映斗。署蘇州府知府吳雲。元和縣知縣馮樹勳。職。嚴行查辦。○以恆怯無能。革降補四品京堂許乃釗。職。留於李若珠軍營差遣。○予江蘇殉難巡撫徐有壬。工部主事徐曾庾。理問鮑綬銜。祭葬世職。徐有壬妻施氏等。旌卹如例。○壬寅。諭內閣。各直省軍務未平。而郡邑士民。辦理團練。尚能隨同官兵勦賊。是團練足以

輔兵力之不逮。具有明徵。朕前經降旨諭令籍隸河南等省在京官員。各抒所見。昨據怡親王載垣等會同周祖培等擬定河南團練章程呈覽。自應先令該省籌辦。順天府府丞毛昶熙著賞加都察院左副都御史銜。作為督辦河南團練大臣。馳驛前往。並著河南鹽運使銜南汝光道鄭元善幫辦團練事宜。載垣等所擬團練章程十條。即著毛昶熙於馳抵河南後會同鄭元善按照所議條款妥為辦理。○諭軍機大臣等。前因蘇常失守。疊次諭令曾國藩帶兵迅速馳赴兩江總督署任。並令兼程繞道由浙赴蘇。會同瑞昌調度各軍。迅圖攻克。本日有人奏安慶一城經曾國藩水陸布置。聯營圍困。賊已援絕勢窮。剋日可復。如舉建瓴之師。直擣金陵。急攻東壩。踞蘇之賊。必回顧巢穴。即以援蘇之兵乘勢夾攻。則蘇州可復。常州可圖。較之由長江取道赴蘇。似為便捷。各等語。蘇常為東南財賦之

區。且係數省咽喉。自應以急籌攻復為上策。現在賊勢已直趨杭湖。勢將糜爛兩省。尤為刻不可緩。曾國藩接奉前旨。擬由何路行走。尚未據該署督奏到。如果安慶一城指日可復。該署督正不妨先克安慶。沿江而下。乘金陵賊眾空虛之時。直擣巢穴。一面調派援兵。併力夾攻蘇州。使賊首尾不能相顧。似較便捷。曾國藩既膺重任。責無旁貸。其安慶是否可以即復。金陵是否可以進攻。不致牽掣兵力。久頓堅城。抑或設法先解蘇常之厄。均著酌量緩急。妥籌辦理。原摺著鈔給閱看。將此由六百里加緊諭令知之。○又諭。僧格林沁等奏請調撥防兵變通辦理一摺。據稱現調山西北鎮官兵二千名。其尚堪教演者僅有一千名。其餘一千名。輒弱疲病。技藝生疏。甚難得力。請將此項老弱官兵一千名。撤回原省。交山西撫臣分別裁汰。將此一千名額設糧餉撥歸直省。即在京旗滿洲蒙古漢軍。並

內務府三旗及演藝各營挑選精壯養育兵開散一千名充額。揀員管帶赴津訓練以資守禦等語。山西到防官兵半多疲弱。該大臣等力籌整頓。量為轉移。欲由京旗挑補精壯足額。自係為添兵節餉起見。惟現在該夷撫局未定。未便議及善後章程。此項老弱官兵一千名。著該大臣等撤回山西原省。交英桂分別裁汰。仍著英桂另挑精壯官兵一千名。調赴天津防所。以足原額。所請由京旗挑選壯丁。以為永久嚴防之計。著俟該夷就撫後再行覈辦。將此諭令知之。○又諭。僧格林沁等奏調撥防兵裁汰老弱一摺。據稱調到山西官兵二千名。其尚堪教演者僅有一千名。其餘或輟弱疲病。或技藝生疏。留於津郡。實難得力等語。天津防務最關緊要。現在山西調到之兵多係老弱充數。實不足以資捍衛。業經諭令僧格林沁等。遂加挑選。將輟弱疲病及技藝生疏之官兵一千名。均令撤回該

省。英桂接奉此旨。著即按照該大臣等所撤官兵數目。另行挑選精銳如數補足。委派妥員迅速管帶赴津。以期戰守兼資。一兵有一兵之用。不致虛糜餉需。是為至要。至此項官兵既不能得力。將來撤回山西。即行裁汰。不得令其入營歸伍。濫支口糧。仍當另挑精壯以足原額。將此諭令知之。○引見新科進士得旨。一甲三名鍾駿聲。林彭年。歐陽保。極業經授職外。黎培敬。黎翔。牛元愷。林天齡。崔穆之。劉秉璋。陸樞宗。惠林。姚清祺。劉淮年。王珊。郭從矩。王榮琯。何亮清。祁世長。錢來商。歐壽樞。杜庭琛。彭世昌。畢保釐。陳楷。李祉。胡昌銘。徐致祥。宗室寶森。宗謙。孫汝霖。路桓。蘇輅。孫詒經。吳鎮。王慶祺。王桐。周冠。吳元炳。尚林。焱。許廷桂。俱著改為翰林院庶吉士。俞之俊。余煥文。趙亮。熙。李希蓮。宗室阿克丹。周幹臣。林墉。方鏞。汪國鳳。賈修明。林廷燮。吳墉。何瑞霖。沈源深。何嵩祺。霍潤生。李汝霖。余本初。徐宗

一李桂林。毛亮熙。凌行堂。謝寶鏐。章乃會。李
楹。范坦。陳進銜。馬永璋。張元培。李德河。劉樹
倫。呂鐘三。傅大章。崔國慶。張同符。王建本。郭
家修。王耀文。邊其恆。任漣。覺羅松阿達。李培
英。劉宗岱。秦煥。彭葆初。畢堂紅。帶子英。卓章
耀廷。潘自彊。陸光祖。吳庚揚。周麟高。同善胡
印遠。陳文田。于中法。黃道讓。羅錦城。全霖。張
文德。蔣善。慕崇文。俱著分部學習。毛鴻圖。徐
熾。俱著以內閣中書用。林繡。王宮午。賈元濤。

馮允煦。李鳴鳳。游觀第。邵壇。張時中。錢世欽。
王樹德。丁海珊。胡鑑。何鼎孫。頌清。江毓秀。張
崇第。朱鴻灝。翟飛聲。徐延旭。傅遇年。王伯良。
王慎修。儲賡。張鏡堂。謝寶樹。李大觀。文宗
歐。張雋選。雒宗易。路峙。李師濂。畢亮。馮景畧。
王廷鑑。鍾承堂。曾思濬。劉兆祿。張恩煦。方鳴
皋。郭程先。黃毓桂。余祥鍾。張炳星。孫繩武。戴
之祥。劉俊揚。伏作霖。國興。賈龍光。劉鳴皋。胡
叔珊。孔昭浚。牟標。方啟憲。劉緒。蔡振玉。雷冲。

賈焦有森。慕思本。劉銑。孫原吉。余瓚。馨。顏有
莊。俱著交吏部掣籤。分發各省。以知縣即用。
戶部候補郎中張緒楷。著以郎中即補。禮部
候補主事王維珍。工部候補主事王汝訥。戶
部候補主事李寶銘。俱著以主事即補。刑部
學習郎中彭澤春。兵部學習郎中蔣啟勛。工
部學習郎中鄭培基。俱著俟報滿作為候補
郎中。後以該部郎中即補。刑部學習員外郎
姚東濟。工部學習員外郎彭克儀。俱著俟報

滿作為候補員外郎。後以該部員外郎即補。
兵部學習主事朱厚基。刑部學習主事何有
濟。戶部學習主事譚繼洵。俱著俟報滿作為
候補主事。後以該部主事即補。餘著歸班銓
選。○命戶部右侍郎劉崐。往奉天巡查海口。
會同盛京戶部侍郎倭仁。妥議稅課章程。○
以塔爾巴哈台參贊大臣明緒。為鑲藍旗漢
軍副都統。○以巡防出力。復已革直隸通州
協副將魁麟職。○以畏葸無能。降督辦河南

勦匪事宜副都統勝保三品京堂來京候補。以河南巡撫慶廉督辦勦匪事宜。副都統關保幫同辦理。○命河南陳州府知府安奎等。聽候督辦團練大臣毛昶熙差委。○癸卯諭軍機大臣等。前據文煜奏。夷船駛至煙臺山下。占房開井。有挾制通商之意。當經諭令文煜飭令委員反覆開導。並設伏嚴防。本日又據續奏夷務情形。並福山縣知縣陳壽元。往見夷酋情詞。尚為恭順。一摺。夷人又占民房數處。並船上載來木料。蓋屋數間。顯係意圖盤踞。在彼通商。各鋪戶紛紛關閉。早絕其望。正可使該夷廢然思返。足見該商民等。尚知大體。不必勒令商人等照常生理。致拂民情。夷兵往近村搶掠食物。經鄉團聚眾逐回。夷酋聞知。即將夷兵懲治。是該夷尚有畏懼百姓之意。正可迎機而導。使其不敢猖獗。所稱因其情形恭順。擬酌給牛羊雞鴨等物。以示羈縻。此舉殊可不必。夷人如果食物不能充

裕。正可速之使去。格外體恤周旋。以後恐應接不暇。設有不繼。轉令該夷有所藉口。如該夷向地方官索求。即告以此處並非通商換約之地。地方官不敢擅專。其民間有接濟食物。私行交易者。仍行一體嚴密禁止。使其不能久留。尤當嚴禁沿海居民。不可為所雇募。並防其乘間搶擄民人。迫令服役等事。朕聞登萊青濱海一帶。現辦團練。向來招募練勇。多屬有名無實。不過為州縣冒銷地步。著該撫飭令地方官。遴選公正紳士。董司其事。均由民捐民辦。不得假手吏胥。尤不可招募無業游民。及外來之人。免致奸細溷跡。該撫前派之委員董步雲。與該夷接晤後。如何情形。一俟覆到。即行詳晰馳奏。再本日又據文煜奏。夷人於續到之輪船二隻內。起出馬一百五六十匹。該撫現添調馬隊。以備抵禦等語。夷人既有馬匹。恐其計圖水陸並進。且其船駛往東南。安知非續行載馬。行蹤實為詭詐。

東

清實錄
咸豐十年五月中

官軍會擊滇匪。勦撫兼施。川滇邊界肅清。一
擗滇匪李短搭。竄入川境。後夥黨盤踞滇
邊一帶。遙為聲援。意圖會合。經川省官軍。隨
時擊退。勦撫兼施。匪首馬源盛等先後乞降。
隨同參將祥符等。越境進剿。擒斬多名。先將
柿子壩等處賊巢。掃蕩適雲南官兵由大關
會剿。分途搜捕。復將李逆之弟李小花名匪
首羅四板枷等。次第誅滅。其敗竄各匪。悉被
滇省兵圍殺斃。川滇兩省邊界地方。一律肅

清勦辦尚為得手。所有在事出力員弁紳民。准其擇尤保奏。候朕施恩。○諭軍機大臣等。王明奏夷船陸續駛至。並於大孤山登岸等語。夷人火輪船。先後駛至金州海口者。已有三十七隻。與劫去商船。同泊大孤山和尚島青泥窪等處。並因一船墊破。有夷人二百餘名。於大孤山灣內登岸。搭蓋帳房。棲止實屬心存叵測。不得因其並未滋事。任令久行居住。著王明即知照該副都統。令其揀派明幹

員弁。前往曉諭。以該處並非通商口岸。未可在此逗遛等詞。婉言開導。令其迅速回船。並將船隻即行駛去。一面督飭地方官嚴密禁止海口居民接濟該夷食物。及與夷人錢貨交易等事。並防其雇覓內地民人購買馬匹。務令認真辦理。不得有名無實。該夷食用之物。斷不能多為攜帶。一經嚴斷接濟。勢將不驅自去。即自稱係俄夷船隻。索取食物。可告以此處並非應到之地。亦不能接濟。惟在該

將軍等實力防範。毋稍玩視。致涉貽誤。將此由五百里密諭知之。○又諭有人奏順天府屬大城縣知縣陳鸞賦性貪鄙。舉動乖張。前署良鄉縣任內。聲名已屬平常。及補大城縣缺。更復不修葺。到任之始。即請地方商民富戶。至署飲酒。索借錢財。本年閏三月間。為其妻作壽。復向鹽當商人。派令出銀若干兩。以為壽禮。於詞訟案件。並不細心推鞫。惟恣意濫刑。欲藉立威。意存需索。如遇稍為殷實

之戶。有詞到官。即罰令出錢。託名充公。實飽私橐。稍不如意。押責隨加。生監矜者。亦難倖免。以致民怨沸騰。輿情不洽。請飭查辦等語。知縣為親民之官。豈容貪鄙劣員。肥己營私。肆行無忌。著張祥河等。按照原奏。據實確查。嚴叅懲辦。以儆貪劣。而肅官方。毋得稍有徇隱。原摺著鈔給閱看。將此諭令知之。○又諭前因江南逆燄。張蘇常失守。特命曾國藩署理兩江總督。並疊次諭令統帶各軍。兼程

前進矣。本日據曾國藩奏。統籌全局。並辦理大概情形。又據胡林翼奏。敬舉賢才。力圖補救。並滙陳四川軍情各摺片。曾國藩現在進兵安慶。已薄城下。驟難撤動。而蘇常一帶。望援孔亟。亦須帶兵過江。先固人心。所稱平江南之賊。必據上游之勢。現已駐劄徽池境內。分兵三路。一由池州進規蕪湖。一由祁門至旌太。進圖溧陽。一分防廣信玉山。以至衢州。並聞賊欲分竄江西湖北。須俟湖南協防江

西兵勇。布置妥協。約須八月。方能進剿。各情統籌全局。甚合機宜。即著照所擬辦理。至四川軍務。關繫緊要。本日據胡林翼陳奏各情。業經降旨。令東純兼程前往署理四川總督。並令暫時接辦軍務。曹澍鍾已令回籍終制矣。該撫所保之左宗棠一員。前已有旨。賞給四品京堂。令其襄辦曾國藩軍務。若令督辦川省軍務。能否獨當一面。於大局有無裨益。即著妥速籌商。如可勝任。即一面令該員迅

赴川省。一面奏聞。再降諭旨。其沈葆楨一員。已諭慶端等。飭令前赴江西。俟李元度募勇到時。即可駐防一處。劉蓉一員。並諭知駱秉章。飭令募勇六千。前赴江浙皖南等省。張運蘭一軍。已令迅速前往。該員等到後。即著曾國藩。胡林翼。分別差委調遣。再本日據曾望顏奏。蕭啟江在四川省城病故。其所部全軍。請迅由楚省揀選得力大員。兼程來川。以資統帶。即著官文等於湖南湖北兩省中。揀派

得力大員。迅速馳往四川。接續管帶。以資攻剿。將此由六百里加緊各諭令知之。○又諭。本日曾國藩奏。請起用告養回籍道員。以資熟手一摺。據稱現已由徽池一路進兵。賊必由衢廣等處。窺犯江西。衢廣一路防兵。最為喫重。非得威惠素著之大員。不能得力。查有古養。按察使銜江西九江道沈葆楨。前在署廣信府知府任內。辦理防務。籌兵籌餉。東路藉以保全。如仍令辦理廣信防務。實於大局

有裨請飭該員迅赴江西等語著慶端等即飭沈葆楨迅速馳赴江西聽候曾國藩等差遣委用毋稍遲延將此由六百里諭令知之○又諭曾國藩奏軍營調遣乏員請飭催張運蘭迅速帶兵助剿等語前因曾國藩請調道員張運蘭一軍業已諭知駱秉章令該員統帶所部迅赴湖北軍營隨同剿賊茲據奏稱現擬渡江由徽池等處分路進剿兵力尚單將領亦乏獨當一面之才恐不足以資勦辦

著駱秉章即飭張運蘭剋日啟程由湖南取道江西至饒州一帶聽候曾國藩調遣毋得遲延紆折致誤事機本日又據胡林翼奏請飭候選知縣劉蓉由湖南募勇六千名馳赴江浙皖南援剿並著該撫飭令該員妥速遵辦將此由六百里諭令知之○署廣西巡撫曹澍鍾奏審明守禦不力之已革象州知州盧承勳並無逃避情事請免治罪得旨盧承勳身任地方於賊匪撲城時藉名赴金雞塘

迎敵復捏報受傷迨賊匪退後尚欲倖免失城之罪殊屬可惡著即發往新疆效力贖罪又奏遵查前任按察使黃鍾音殉難情節扣念念念不忘家事實不足徵其見危授命黃鍾音著仍遵前旨勿庸給予卹典○命前任廣東按察使齡椿往天津軍營差遣委用○命署成都將軍東純兼署四川總督辦理剿匪事宜○命辦理四川軍務署廣西巡撫曹澍鍾回籍終制○贈故記名按察使蕭啟江巡撫銜予祭葬卹廕○乙巳諭軍機大臣等前因戶部奏廣東省請撥關稅充餉應飭加謹存儲當諭著齡於抵粵後設法辦理本日據者齡奏訪查粵海關收稅數目現擬籌辦情形等語粵海關徵收稅銀自上年八月起所收銀兩被夷人提取大半該撫擬嗣後以西江北江軍需為名所有關庫收到稅銀無論多寡酌提十之五六同省城各庫銀兩一併解往佛山另款收存以備撥解餘銀留為補

還該夷經費之用。並擬於佛山建築城垣。俾商賈不招自至。漸收利權。且築城以後。足以自固。該夷無可窺伺。自屬妥善。惟佛山尚與省城密邇。仍不足以昭慎重。若另覓去省較遠之處。將提撥銀兩收存。更可無虞。疏失。即著者齡熟籌酌辦。至粵省商賈貿易。近因夷踞省城。本已爭趨佛山。此時設法招徠。亦須以漸施行。使夷人不覺。以免因此啟釁。將來利權盡歸於我。自當廢然思返。其省城之兵

亦未可因佛山設備。遽議移撤。將此由六百里密諭知之。○閩浙總督慶端等奏。閩省添調兵勇。籌餉裹帶。赴援蘇州。得旨。新調閩兵。聲明由本省力籌裹帶。並未奏明係動用何款。共銀數若干。著戶部存記。將來該省如果有意蒙混。即不准作正開銷。責令分賠。○欽差大臣袁甲三奏。定遠剿賊獲勝。並李世忠擊賊情形。得旨。李世忠約軍尚嚴。然人數太多。當查其部眾。以免勾結。○丙午。遣官祭

關帝廟。○諭內閣。袁甲三奏。請將私自抽換保舉名單之知縣。革職發遣。一摺。候選知縣吳廷寅。因苗沛霖差伊齋送保舉名單。起意抽換。將自己列入首功。希圖優保。並將在籍之親友。一併捏入。經袁甲三查出。覈實刪除。並究出該員私娶趙家海賊圩婦女。實屬大千軍令。吳廷寅著貸其一死。即行革職。發往新疆充當苦差。遇赦不赦。以為玩視軍律者戒。○諭軍機大臣等。前因糧臺移設望亭。當

諭張玉良等。仍派查文經督辦。茲據何桂清奏。江北喫緊。已飭查文經與記名總兵曾秉忠。先帶師船。往高寶邵伯湖一帶會商防剿。查文經係專辦江南糧臺之員。陳欠新餉。豈能歸於無著。非何桂清心已昏憤。即係該員自為脫身之計。著薛煥迅速追回。飭令清理江南糧臺事務。本日又據魁玉奏。江北餉源告竭。水師艇船。餉無所出。情形萬分危急。所派輪船。赴山海請餉。轉運諸多不便等語。此

項水師餉需。前經諭令喬松年傳旨令查文經在上海關庫各款。先行提解水師軍餉。解赴江北糧臺。由喬松年暫行支給。著即飭查文經寬為籌備。並著薛煥派委妥員。帶赴江北糧臺。暫行支放水師餉需。毋許遲誤。至張國樑殉難情形。及蘇常文武下落。屢經降旨。令查明馳奏。至今未據奏報。著薛煥迅即查明覆奏。前已有旨。令薛煥拏問何桂清。諒已接奉。著趕緊起解。勿稍耽延。再何桂清奏據吳煦訪獲奸細姜少汀。據供賊陷蘇城。金陵潰散兵勇投賊者數萬人。內有大營領兵官李文炳。及不知姓名戴紅頂者二人。均已降賊等語。大營潰退兵勇降賊至數萬人。已堪髮指。而領兵官李文炳及一二品官員。亦相率從賊。想蘇常失陷。其查無下落投降逆匪者不知凡幾。並著薛煥詳細查明。據實具奏。將此由六百里加緊諭令知之。○又諭前因李若珠請將吳全美艇船二百餘號調赴福山狼山停泊。當令傳諭吳全美即帶艇船駛赴

下游聽候李若珠調遣。旋據何桂清奏。派賴鎮海一軍停泊福山。復諭薛煥與李若珠通籌酌辦。茲據魁玉奏。鎮城孤懸南岸。若無重兵屯劄瓜洲金山。以為聯絡。則孤立無援。現在京口師船僅十餘隻。不敷調撥。請飭江北迅撥艇船駛赴瓜鎮停泊等語。賊匪攻撲鎮江。疊經兵勇會同艇師擊退。是舟師之有裨於南北兩岸非淺。所有吳全美艇船能否分撥赴瓜鎮金山一帶停泊。以為犄角之勢。著李若珠酌量情形相機辦理。何桂清奏記名總兵曾秉忠。所帶長龍船前於克復九洲及長興縣城暨湖州解圍殺賊甚多。又現在防守鎮江之總兵馮子材。陳國泰。副將向奎等。節次擊賊厥功甚偉。所有出力之員弁兵勇。著查明咨報。會國藩保奏。又常熟縣知縣周沐潤。會同紳士龐鍾璐等。雇募沙勇克復江陰縣城。業經降旨。將周沐潤及團首黃元昌等優加獎勵。其沙勇出力人員著一併查

明咨報會國藩擇尤請獎候朕施恩江北水師糧餉不繼本日已諭知薛煥派委妥員攜帶兵餉赴江北糧臺暫行支放水師軍餉該委員未到之先仍著喬松年先行設法接濟毋得諉卸致誤事機將此由六百里加緊諭知李若珠並傳諭喬松年知之○又諭前據王有齡奏長興失守賊竄湖州杭城危急當諭令瑞昌先顧杭州再圖進取本日據何桂清奏吳江崑山失守浙省自二十四日以後

文報不通情形甚為可慮並據拏獲奸細供稱嘉興失守數日未據瑞昌王有齡奏報朕心實深懸繫著瑞昌等即查明嘉興失守是否確實及近日軍情如何布置迅速具奏前奏江長貴已抵平望因潰兵衝至遂折回湖州據奸細供稱係打仗失利亦與王有齡所奏不符並著據實具奏杭州嘉湖現在萬分喫緊該將軍等務當督飭兵勇迅速堵剿並激勵各屬城鄉團練合力殺賊毋令蔓延將

此由六百里加緊諭令知之○又諭王明奏金州續到夷船多隻調兵防剿一摺金州地方先後聚集夷船六十餘隻在和尚島青泥窪大孤山等處停泊時復登岸拆毀民房搭蓋帳房演放槍礮搶掠牲畜顯有窺伺滋擾情形該將軍因金州城池緊要將前次挑備省城等處官兵調派記名副都統協領奇凌阿統帶馳赴金州並前調熊岳官兵均歸該協領統帶著即責令與副都統希拉布會同

旗民地方官斟酌緩急妥為布置惟盛京海口紛歧各處防兵總應暗中設伏以備該夷大隊深入滋擾若將防兵聚集海岸夷人窺我虛實轉得施其伎倆該將軍惟當密為布置使夷人知內有伏兵必不敢肆行登岸方為妥善所有防兵均須辦作民團不可稍露官兵情形以為將來轉圜地步一面遴派長於詞令之員詢其來意告以金州並非通商換約之地不應在此停泊且恐居民不容致

生釁端。反傷和好。一面密查該夷動靜。以便豫為防範。前據文煜奏。該夷在煙臺地方蓋房數間。意圖通商。各鋪戶紛紛關閉。該夷兵擄掠食物。經鄉團逐回。夷酋即將夷兵懲治。可見商民深知大體。而該夷畏懼鄉民。亦可概見。此次夷船停泊和尚島等處。該將軍亦應密諭附近商鋪。不得與之交。並嚴查奸細。禁止居民賣給食物。該夷無可希冀。自可速之使去。至民間羸馬。嚴防搶掠。尤不可令該夷購買。儻有貪利之徒。私行交易。即從嚴懲辦。並當防其誑掠人口。倡令服役。該將軍務當認真妥辦。勿得視為具文。將此由六百里密諭知之。○已革兩江總督何桂清奏。江南餉源斷絕。請飭撥接濟。得旨。戶部速議籌撥。並查明大營未潰以前。已解未解之餉。劃清界限。飭催具奏。○以克復江蘇江陰縣城。賞團首黃元昌等藍翎。以都司用。知縣周沐潤。以知府用。○以安徽泗州勦匪出力。賞署

知州趙季輔花翎。軍功張元泰等藍翎。並升用有差。○以軍營藉病抗玩。革吉林委參領台興阿職。摘黑龍江委營總和山頂帶。○丁未諭軍機大臣等。前據文煜奏。夷人續到輪船二隻。內起出馬一百五十六匹。復據王明先後奏報。夷人先後駛至金州海口者。已有船六十餘隻。在大孤山和尚島青泥窪等處停泊。本日復據勞崇光奏。該夷由上海赴東洋。日本國購馬五六百匹。運至浙江定海。又赴南洋。曼奈即小呂宋購馬一千二百匹。運至廣東香港。兵船旋亦駛赴上海。人數約一二萬。尚有二三千人。在香港支搭帳房。亦一併登舟北駛。昨據耆齡奏。亦稱該夷以萬餘金購買稻草。訪問欲載往天津。紮草人於馬上。用衝頭陣。以當礮火。而以精銳繼進。又欲填塞天津溝坎。爛泥免致陷足。復以千餘金收買寸許厚木板。將載赴上海。打造小船。以備天津同時並進之用。又有馬隊三四千。

亦均載往天津等語。雖夷人虛聲恫喝。是其慣技。然如該撫等所奏。是購買馬匹。紮造草人。竟是有其事。該夷詭詐百出。不可不防。天津布置已臻嚴密。不為搖動。然不可稍存大意。尚宜悉心籌度。講求應敵之方。不可掉以輕心。至為該夷所乘。又據奏。英夷公使額爾喀。邀同佛夷公使噶羅。自伊本國前來。該二酋。係咸豐八年。在天津與桂良等。面議條約之人。因上年噶羅等辦理不善。致啟釁端。是以伊等復來重理。

前說各夷商。惟恐兵連禍結。致妨貿易。屢求伍崇曜等探問。可見該夷雖肆兇悍。未必不希冀說合。仍循前議。僮夷船抵津。未遽動兵。恆福當派員開導。毋先開釁。如該夷先行開釁。或施詭計。僧格林沁即相機堵禦。總在有備無患。計出萬全。方為妥善。將此密諭知之。○又諭。據喬松年奏。淮海兩屬推廣抽釐。可否改交署漕運總督察看辦理等語。前據喬松年奏。請於淮海兩屬擇地設局。推廣抽釐。經戶部議交兩江總

督察看辦理。現在曾國藩尚未到任。所有該運司請於淮海兩屬推廣抽釐之處。有無滯礙。著王夢齡按照部議。就近察看情形。斟酌妥議辦理。以免稽延。另片奏。鎮軍營兵目張士瑚。又名張四鬍。又名張治國。向糧臺索餉。逞兇恣鬧。請飭密拏等語。鎮軍鎮兵。前已調赴江南。自南岸失事後。該營兵逃潰無蹤。並聞此軍全為賊匪裹去。該兵目安居江北。尚敢公然索餉。前文煜管理糧臺時。因該兵目

奸很無賴。包攬盤剝。把持挾制。種種不法。奏請查拏正法。和春未能認真查辦。奏懇寬免。乃張士瑚怙惡不悛。膽敢索餉肆擾。藐玩已極。現當辦理軍務喫緊之時。難保不聚眾要挾。滋生事端。並據喬松年奏報。該目兵黨與頗多。恐李若珠不能鈐制。致釀大患。著王夢齡密派妥員。不動聲色。前往設法查拏。訊明後。即行正法。以肅軍令。而杜後患。將此由六百里諭令知之。○雲南騰越鎮總兵官安通。

因病解任。以候補總兵官褚克昌為雲南騰越鎮總兵官。○以江蘇江甘兩縣辦團出力。賞千總毛鶴皋等。藍翎同知朱忻等。加銜升敘有差。○以廣東四會縣守城勦匪出力。賞知縣張作蔭花翎。以同知用。遊擊卓興。加副將銜。以參將用。予廣東陣亡遊擊黃滔鴻。副將銜。守備羅黃忠。都司銜。祭葬世職。○戊申。諭軍機大臣等。前因何桂清等欲借夷兵規復蘇城。屢經諭令薛煥阻止。茲據薛煥奏。俄酋抵滬。恣憑哄嚇。北來打仗。並募勇及雇夷勇親督進剿。各等語。俄夷使臣喝約。嚙。行抵上海。極力恣憑哄嚇。打仗。嚙。酋為其所惑。主戰之意愈堅。有不候嚙。嚙。二酋到來。即行北駛之意。俄酋並許其同去。其為各夷相約而來。互通消息。狼狽為奸。俄酋希圖於中取利。已無疑義。現在惟當暗用離間之計。密囑華夷二酋。相機排解。告以俄酋在京。屢有幫助中國之說。此次未必非誘令哄嚇前來。

使受懲創。意圖見好於中國。不可聽信俄酋之言。致乖和議。天津已有準備。即來打仗。未必即能取勝。徒勞無益。且去歲釁由彼開。總將四事挽回。即在上海將條約議定。再行換約。此後永敦和好。豈不甚善。不但現在將嚙。酋。嚙。酋。為羈縻。不可令其驟然北駛。即嚙。酋。嚙。酋。到來。亦當設法攔阻。婉言開導。薛煥現署兩江總督。五口欽差大臣。事權歸一。責無旁貸。不得以挽留不住為辭。復蹈何桂清故轍。方不負委任。昨據者齡奏。嚙。夷由廣東海關提取稅銀三十三萬三千餘兩。抵扣天津和約內所議賠項兵費。該夷既遵和約提銀。更不應附和哄嚇。夷前來尋釁。如此密為勸譬。離間哄嚇。以破其陰謀固結。阻其北行。不致再生枝節。方為妥善。至借用夷兵。本非善策。後患不可勝言。該撫已由吳煦雇募呂宋夷人一百名。作為夷勇。欲帶赴嘉定太倉崑山一路。會同民團。相機進剿。呂宋雖與哄嚇。

不同。然究係英夷黨與。且據勞崇光奏稱。英夷由呂宋購買馬匹等語。難保呂宋內不無英夷。況英勇百名。亦無濟於事務。當量為遣回。毋使英人得以藉口。該撫現在責任綦重。不得輕離上海。致誤事機。惟有嚴飭帶兵將弁。節節進取。以圖規復蘇城。是為至要。自蘇州失守以後。前後所寄何桂清。徐有壬。查辦事件諭旨。恐有遺失。茲將閏三月二十三日。至四月二十五日。寄諭五道。鈔給閱看。該撫

即遵照查明辦理可也。將此由六百里加緊密諭知之。○又諭。昨據耆齡奏報。粵海關稅數目。內稱佛蘭西夷人。陸續提出關稅銀三十三萬三千餘兩。咪喇哩夷人。提出銀四萬兩。均稱係作抵六百萬撫夷經費等語。咪夷業經換給和約。尚屬從權。佛夷在天津雖有二百萬兩之議。現在並未換約。且英佛兩國提取填築地基銀八萬八千餘兩。英兵防城經費洋銀一萬八千圓。該督未經奏明。何以

准其提用。著耆齡密派妥員。進城面見勞崇光。詢以各該夷已提銀兩。是否即在和約內所定之六百萬兩數內。必須詢明。否則必為該夷所愚。今該夷既已提用。即將此款存記。以備將來扣除。務須嚴密辦理。該夷購馬裝船北來。復因噤首上年辦理未善。嘔囑嗟復。邀囑囉同來。重理前說。未必非自圖轉圜。各夷商惟恐兵連禍結。致妨貿易。屢求伍崇曜等探問。正可藉為轉機。耆齡亦當密告勞崇

光。令伍崇曜等妥為開導。告以署理欽差大臣薛煥。現在上海辦理五口通商事宜。該夷如往上海將條約議定。大皇帝必格外施恩。不究上年之事。自可永敦和好。不致兵連禍結。於眾商均有裨益。儻該夷有在粵轉圜之意。即著耆齡迅速馳奏。將此由六百里密諭知之。○暫署兩江總督薛煥奏。俄夷抵滬。恣憑英佛二夷北來情形。得旨。俄夷恣憑英佛。不過為於中取利。此時應密飭華夷兩商設

法離間○調正白旗滿洲副都統基溥為正紅旗滿洲副都統正紅旗滿洲副都統文豐為正白旗滿洲副都統○以疏防省城失陷蘇州織造文燠下部議處○己酉諭內閣刑部奏司員供詞矛盾請解任研訊等語戶部寶泉局被竊銀兩一案前因監督文荃等訊取竊犯供詞稟報兩歧當經降旨將該犯嚴審並將該監督等傳訊茲據奏訊明李竣供稱竊銀十四包計一千九十兩業經取有供

詞旋經滿漢監督同訊改取偷銀七十七兩之供訊之文荃何毓福供詞均屬自相矛盾等語文荃現稱何毓福面向李竣聲稱偷銀一包可活當時何以不直言阻止反負氣口授改取供詞何毓福既知李竣所竊本係十四包何以定欲開脫罪名會同文荃改供且該員等所供情節與聯康等原奏亦有不符之處並據何毓福供曾經回明該侍郎及詰以何人主見復互相推諉不肯實供顯有掩

飾情弊是否該員等捏詞蒙混抑係堂官授意開脫均應徹底根究寶泉局監督刑部員外郎文荃著漢監督戶部錢法堂主事何毓福著一併解任歸案研訊○諭軍機大臣等前經諭令喬松年傳旨令查文經於上海關庫先提撥水師軍餉解赴江北糧臺暫由喬松年支給嗣復據魁玉奏江北餉絀當諭薛煥飭令查文經寬為籌辦派員帶赴江北糧臺暫行支放水師餉需矣茲據已棟阿奏鎮

江水陸嚴防力遏北竄請飭薛煥籌撥餉需等語現在蘇常失陷鎮江為南北咽喉愈形喫重自應扼要嚴防以杜賊匪北竄所有水陸兵勇應支餉需據該副都統派撥艇船繞赴上海僅領銀五萬兩現當防勦喫緊之際各營待餉孔殷著薛煥設法籌款並籌辦兵米迅速遴委妥員帶赴江北糧臺或於泰州城內分設糧臺專放鎮防水陸各營軍餉及大江水師餉糈以便就近支領毋稍延誤並

據巴棟阿奏。上海內河道路尚未疏通。須以火輪船運餉入江。較艇船為靈便。此項輪船既據稱曾經協同艇師攻勦得力。著薛煥即飭吳煦。將前在鎮防之商捐輪船二隻調赴鎮江。聽候巴棟阿調遣。以資防勦。兼備轉運軍餉。本日據張芾奏。湖州解圍。長興亦已收復。浙省文報現在是否已通。如探有詳細情形。著迅速具奏。將此由六百里加緊諭令知之。○又諭。本日據李若珠奏。鎮城一軍。與各

起艇師口糧無著。統歸喬松年一手經理。復據巴棟阿奏。鎮江水陸兵勇乏餉已久。請飭江南糧臺籌款撥解。各等語。鎮江艇船餉需前據薛煥籌備。派委委員帶赴江北糧臺暫行支放。本日復諭薛煥迅速籌撥。諒該撫已經籌備。不日可由委員帶到矣。其仙女廟招集之二千餘人。應歸江北糧臺支給。著喬松年迅速支發。毋使飢潰。薛成良一軍。八千餘人。既經遣散回籍。新募之勇。未必得力。著母

庸募補。本日都興阿奏。已抵英山。湖北餉絀難期接濟。將來該將軍馳抵江北。即將裁勇所餘口糧接濟。都興阿一軍鎮江在事文武官弁兵勇奮勇擊賊。力解城圍。深堪嘉尚。前已有旨。令李若珠查明咨報。曾國藩保奏。惟該署督到任需時。保奏太遲。恐不足以鼓勵軍心。著巴棟阿查明。尤為出力各員。奏請獎勵。候朕施恩。將此由六百里加緊各諭令知之。○予廣東陣亡殉難吏目尹紹伊。巡檢

張亮搏。把總王龍光。祭葬世職。官紳男婦楊啟官等三千七百一十九名口。旌卹如例。○予湖南官軍援浙陣亡道員蕭翰慶。遊擊吳修政。都司鄧茂先。守備黃林。千總蕭占春。把總全夢庚。外委阮宏勝。巡檢羅金鏞等十四員。祭葬世職。生員李易簡等議卹如例。○予湖北殉難從九品帥遠星。祭葬世職。民人朱宗廷等旌卹如例。○予安徽洪林橋陣亡遊擊榮勝。都司邱學周。李培基等十二員。祭葬

加等世職如例○以軍營潛遁革安徽帶兵都司向得勝守備譚正喜外委張加喜伍元興職嚴拏重懲○庚戌諭內閣戶部奏遵議會國藩請設立糧臺釐局一摺署兩江總督會國藩現在督兵進剿所有該署督糧臺即著札令江西布政使總辦再派道府數員幫同辦理由江西報銷並准其將江西錢漕仿照湖北章程歸巡撫經收以充本省兵餉其通省牙稅釐金亦准其照湖南章程另設一

局由該署督自行經收以充征兵餉需仍應彼此互相通融稽考毋令稍滋流弊至該署督前次帶兵所設行營糧臺尚未報銷著即分案造報免致輾轉江西牙稅釐金自設局以來收支數目亦未報部著會國藩會同江西巡撫將前收款項先行截清數目造報以清款目而免牽混○又諭前諭河南等省辦理團練並令順天府府丞毛昶熙回籍督辦因念山東地屬海疆毗連畿輔陝西與川豫

接壤地方均屬緊要自應一律辦理所有應辦事宜即著籍隸山東陝西在京大小官員各就地方情形直抒所見該兩省官紳中有名望素著練達事務者並著各舉所知候旨派往該官紳等必知共體時艱助兵濟餉不但為國家保守疆域亦可自衛桑梓朕實有厚望焉○諭軍機大臣等本日據喬松年奏滙陳江南招勇之弊並請豫調近省營兵備剿一摺所稱蘇州等城失守皆由賊匪豫先

難髮前來充勇因而將兵勇勾結官不及知臨時即紛紛投賊恐新派統兵大臣到後復須募勇則久潰之勇又將重出應募賊匪故智得以復萌擬請停止招勇即調派護軍營暨北五省之綠營令其馳赴江南北交新授統兵大臣布置所籌均係思患豫防不為無見現在江南北兵額不敷急需增補京營及北五省兵丁驟難調撥著會國藩瑞昌巴棟阿李若珠薛煥王有齡等通籌辦理如該營

餘丁多已補盡。即將所出兵缺行文該省督撫。在本籍補挑精壯起送到營。其路途資斧。官為籌給。不准以彼省之人充此省之兵。以重營制而資得力。至招募勇丁。本多流弊。如曾國藩等所帶之勇。俱係土著。始能所向有功。若以烏合之眾。漫無紀律。無事則虛糜糧餉。有事則臨陣潰逃。殊為可恨。現在江南潰勇多已投賊。著薛煥即飭糧臺查明開除。不准冒領賞卹。及資遣回籍等項銀兩。其現存

之勇。如係無業游民。打仗不能得力者。即著嚴行裁汰。如查有投賊之勇。難髮再出應募者。著即行正法。以肅軍律。將此由六百里各諭令知之。○又諭。本日據喬松年奏。江南大營募勇多係無籍游民。平時不守紀律。臨陣輒行潰散。甚或紛紛投賊。流弊不可勝言。已諭令江蘇浙江各督撫。並帶兵各員。分別裁遣矣。向來楚省鄉勇多係土著良民。勤匪頗稱得力。昨據都興阿奏。馳抵英山。調撥馬隊

並會商胡林翼。調取余際昌勇丁三千餘名。此項勇丁。或能如數調到。或由楚另行添募。著都興阿妥為擇選。務須土著有籍者。方可令其入伍。斷不可以無業游民濫行充數。致貽無窮之患。該將軍請飭袁甲三豫籌餉項。接濟楚軍一節。昨據喬松年奏。薛成良一軍八千餘人。由九洑洲潰退江北。已由該運使散遣回籍。當已諭令將此項裁勇口糧留為都興阿所帶楚勇餉需接濟矣。該將軍務就

現在調到馬步兵勇。由楚省先為籌備餉需。迅速前赴江北。以圖攻取。勿誤事機。將此由六百里諭令知之。○命署漕運總督王夢齡。督同兩淮鹽運使喬松年。辦理江北糧臺。○辛亥。諭軍機大臣等。據瑞昌王有齡奏。備陳蘇常等處失守情形。現在收集潰軍。急圖進剿。並調兵專防杭州省城。以待援師各摺片。張玉良自常州至無錫。蘇州節節敗退。前經降旨。將其革職留任。以示懲儆。因該提督未

知命其總統諸軍情尚可原所請治罪之處著加恩寬免張玉良前援救浙江頗為神速此時既知愧奮著即親督大隊由嘉興平望進攻蘇州迅圖克復以贖前愆江長貴因傷退回瑞昌等應添官軍協同張玉良赴蘇進規蘇郡即以自固嘉湖藩籬如所調彭斯舉吳再升饒廷選各軍均可酌派赴蘇不可株守杭城致蹈從前覆轍至杭城情形現在喫緊張玉良既督隊先行瑞昌啟程不妨稍緩

江西福建赴援各兵勇計日亦當到杭著瑞昌王有齡分撥出省以勦為防是為至要所請撥餉已交戶部速議惟江蘇自蘇常失陷上海關稅必然寥落恐軍餉一時難繼王有齡既將江蘇寄存銀三十萬兩全行用罄自應兼顧蘇餉毋得稍分畛域自取唇亡齒寒之禍將此由六百里加緊諭令知之○又諭本日據文煜奏幅匪洪佃一由江南邳州竄入東省嶧縣糾合土匪屯聚洪山一帶蘭山

費縣兵勇及青州撥往馬隊先後進剿失利現將撥赴海口防夷之挑備官兵二千名內截留一千名改撥剿捻等語又據德楞額等奏洪佃一股匪已由該副都統等督帶馬步各隊在蘭山費縣境內搜捕屢次擊斬七百數十名匪徒四散現飭江南山東地方官督帶鄉團合力兜剿等語著德楞額等乘勝分頭剿殺務將此股兇匪殲除淨盡毋令蔓延此時幅匪如已追剿出境文煜所撥兵一千

名即可調回仍防海口將此由五百里各諭令知之○又諭前因夷人於煙臺地方占房蓋屋屢經諭令文煜嚴禁奸民接濟並交易貨物及沿海民人不可任聽該夷雇募服役尚未據該撫將辦理情形覆奏近日朕聞夷人於到煙臺後將商船之大者悉行奪去居民商賈遷徙一空隨至福山縣城內以修夷館通商為辭向該知縣索取夫馬搬運瓦石知縣等官業已避去復於廟島長山島修築

礮臺數座。府城官屬聞風遠避。該夷即至城內。居府署者數日。復回島中。並開海口地方銀價驟落。夷人所帶廣勇。時出滋擾。土匪亦乘機擄搶。總兵曹逢年。署知縣陳壽元。並未認真彈壓。民心不服。各等情。夷人盤踞煙臺。逗遛不去。全在地方官設法防範。杜其窺伺。乃該守令等。於夷人任意往來。不能攔阻。復安望其約束。民人斷絕接濟。耶府縣官屬紛紛避出。尤堪詫異。是否果有此事。該撫身膺

疆寄。何竟毫無聞見。著即將以上各情據實覆奏。嗣後務須派委妥員。查探確情。隨時具奏。勿任蒙蔽。至夷人之建造房屋。修築礮臺。無非挾制通商。且恐有截劫漕船。勒收商稅諸詭計。海口各處銀價日賤。非內地奸商私買洋銀。何以至此。尤當嚴行禁絕。現在和約未定。斷難任令於各海口盤踞。得以遂其要挾之計。著文煜仍遵前旨。嚴飭地方官認真查禁。居民接濟食物。交易錢貨。並受夷人雇

募。聽其役使。儻因目前小利。必致受害無窮。廣東之事。即是前車之鑒。須切實開導。內地民人。庶該夷無可希冀。自當廢然思返。至地方文武不遵諭旨。著即嚴叅示懲。以儆疲玩。並嚴催知府董步雲等。迅即設法開導。勿令遷延。至該撫前奏調派馬隊等兵。籌辦防堵。應如何不動聲色。嚴密設防。即著妥為籌畫。毋稍疏忽。自千重咎。將此由五百里密諭知之。○浙江巡撫王有齡奏。幫辦軍務江南提

督張國樑陣亡請卹。得旨。仍應訪查實在下落。如尚未亡。或遇救得生。猶堪備千城之選。又奏。辦理防剿。請將丁憂總兵官劉季三留營調遣。允之。○以浙江湖州解圍。並克復淳安縣城。實在籍知府趙景賢花翎。巴圖魯名號。知府瑞春。知州孫芳翰。在籍員外郎姚觀元。同知顏森玉等。花翎。知縣李樹等。藍翎。知府彭忻舉等。升敘有差。○予浙江省城殉難在籍兵部侍郎戴熙。尚書銜祭葬世職加等。

建立專詞謚文節其眷屬等一併旌卹附祀道員俞焜同知陶定求知縣趙翼健教授蔣昌期訓導韓之麟參將和致遊擊沈榮海都司洪際清守備孫遇龍等文武官紳男婦二千五百十八員名口分別祭葬世職旌卹如例○予浙江省城殉難巡撫羅遵殿妻徐氏女陳懿侯妻羅氏在籍翰林院編修張洵妻施氏子敘典等旌卹如例○予江蘇省城陣亡守備王玉林王少卿千總王萬釗祭葬世職

職○壬子諭內閣前據何桂清奏署江蘇布政使蔡映斗署元和縣知縣馮樹勳於蘇州失守後逃至上海署蘇州府知府吳雲先期出城當經降旨將蔡映斗馮樹勳革職交薛煥查明嚴行叅辦吳雲是否係有札委一併查明奏叅茲據御史陳濬奏監司大員棄城潛逃請旨嚴辦等語蔡映斗馮樹勳均著拏問交薛煥嚴行審訊按軍律定擬具奏吳雲著先行革職如查無札委即行拏問審辦以

肅法紀而儆官邪再浙江已革臬司段光清前因該員緹城潛逃疊經嚴降諭旨令王有齡拏問審辦現在該革員尚在帶兵著該撫仍遵前旨拏問與已革副將王邦慶均從嚴懲辦毋稍寬縱○諭軍機大臣等前因夷人在煙臺地方占房蓋屋金州海口到有夷船六十餘隻並於外洋購買馬匹廣東購買稻草木板等物疊經諭令僧格林沁等加意嚴防不可掉以輕心本日據僧格林沁等奏偵探防守情形一摺據稱海口一帶處處溝槽今年雨水較多濠牆外盡皆泥淖該夷即欲填溝塞濠亦不能盡知大沽營盤虛實且正欲誘其深入現已傳知各營並飭令西凌阿增慶等嚴密防範及沿海一帶妥為偵探各等語所籌尚屬周密本日又據文煜奏夷人到煙臺後續載來牛三四十隻上岸牧放並搬取亂石砌海岸馬頭又駛來大船二隻載有夷兵五百威海汛地方到來輪船一隻有

夷人十餘名。聲稱喚國有兵船四五十隻。約兵萬餘。五七日內。即到威海煙臺街上。夷人往來約八九千。據通事云。大將軍在後。尚有馬八百對。二將軍亞蒙先來。祇為去歲天津之事各等語。又本日有人奏。夷船泊福山海口。有馬隊三千。上騎中空。木人內裝火藥。每日上岸操演。復聞募到潮勇約五六千人。聞日十餘合。或二三十人不等。結伴北行。文煜所派防堵兵五百名。毫無覺察。又沂州府屬

之莒州。不通大路。月內忽有南來人眾數起。皆官兵衣裝。口操粵音。稱係由河南撤防回京。並無印文執照。該地方官弁。亦不根究。查詢任聽行走。各等語。各夷陸續聚煙臺。且有欲來威海劄營之說。無非欲覬覦津沽。該夷知防禦嚴密。不敢輕犯。難保不為潛師陸路之謀。若先以潮勇嘗試。繼以馬隊徐來。更欲使我水陸兼防。伺隙思逞。居心實不可問。已諭文煜飭令山東地方官。認真盤問。加意

嚴防。著恆福嚴飭直隸山東交界過往必經之州縣及通京城大路所屬州縣。一體嚴密盤查。如有似此情形者。即行嚴拏懲辦。不可稍有疏虞。致令偷越。以杜奸謀。僧格林沁既設有偵探。亦當飭令沿海及陸路一帶。實力稽查。不可稍涉大意。營總色爾固善。由江南大營帶有黑龍江官員兵丁八十七員。名投奔津沽。並持有吳煦執照稟函。該營總等不思效命疆場。轉敗為勝。遽爾率眾北行。殊屬

非是。副都統銜營總色爾固善。著革職留營。責令戴罪自效。所有此項兵丁潰敗之餘。難期得力。若留於天津軍營。誠恐慢我軍心。著僧格林沁妥為斟酌。如無可遣赴之處。或即留於大營後路。不可令在前敵。該營總來自上海。所持吳煦稟函。是否足憑。該大臣亦須倍加詳慎。江蘇署蘇松太道吳煦。率給執照船隻。亦有不合。著交部議處。以示懲儆。文煜摺並著鈔給閱看。將此密諭知之。○又諭。昨

因聞夷人於煙臺地方有修築夷館礮臺等事。諭令文煜設法防範。並聞去歲夏間。福山縣知縣余栢。賣給該夷海岸數段。索得重價。盡飽私囊。是以本年夷人上岸支搭帳房。欲蓋夷館。此沿海居民所共知者。請飭該撫查明各等語。所奏情形。決非無因。何以該撫毫無聞見。夷人到海口者。既有數千人。兼帶有馬匹。其為意圖一逞。已可概見。著文煜即日。出省前赴登萊青一帶。擇要駐劄。籌辦防堵。

該撫前調馬步各軍。尚屬單薄。德楞額軍營馬隊。較為得力。如可分撥。著即與德楞額商撥數百名。聽候該撫調遣。其餘本省官兵。如尚有可調之處。並著酌量派撥。該夷如並無滋擾。自宜不動聲色。密為防範。儻圖攻撲城池。或直圖擾天津後路。或即由直省徑奔京師一帶地方。著文煜相機前進。設法堵剿。不得任其橫恣。至潮勇陸續北來。自係欲於天津沽左近設伏。俟夷船到時。水陸並發。使我猝

難抵禦。著文煜嚴飭各府州縣。及自登至直。應行經過地方。文武員弁。督率兵役。嚴密訪查。儻有假作官兵裝束結隊。口操粵音。並無印文執照者。立即拏辦。該撫仍派明幹大員。前往各屬查察。儻該地方官奉行不力。即予嚴叅。委員董步雲等。所稟閩廣人告知各鋪。不可搬回之言。自屬實情。正可藉此開導各商民。勿為夷人所愚。致被搶擄。至民人接濟食物。交易錢貨。及甘心雇給夷人服役等事。仍

著遵照前旨。妥為查禁。該撫身膺疆寄。當此夷情喫緊之時。諒不敢泄沓從事。自干咎戾。其何日出省。及如何辦理之處。均著詳細馳奏。至已革福山縣知縣余栢。如何將海岸數段賣給夷人。以致夷人有可藉口。徑行上岸居住。實屬可惡。即著文煜密速訪查。一經得實。即將該革員拏問懲辦。不得稍涉徇隱。將此由五百里密諭知之。○又諭成凱等奏。蒙古兵丁不耐暑熱。請交各盟長訓練備調。一

摺伊克昭烏蘭察布兩盟官兵既經該將軍等在綏遠城逐加訓練現在節逾夏至海暑薰蒸該兵丁等不服水土漸生疾病著即飭令暫歸各盟以示體恤並責成該盟長選擇適中處所常川操練務使技藝益臻純熟駝馬軍器時加整頓以備臨時調遣毋得稍有懈弛致滋延誤將此諭令知之○癸丑諭軍機大臣等前因江北喫緊諭令都興阿酌帶馬步各軍馳赴揚州六合一帶駐劄督辦軍

務旋據該將軍奏稱擬赴英山調齊馬步繞入北路由豫而轉徐宿以達淮揚茲據鴻臚寺少卿曹毓瑛奏該將軍自英霍取道臨鳳以抵江北不過旬日可至各等語皖省自克復鳳陽府縣兩城後廬定雖尚為賊踞英霍壽六一帶業已疏通該將軍若取道廬鳳前進袁甲三現在駐劄臨淮尚可會晤面商防剿機宜聯絡聲勢儻由豫繞赴程途未免紆遠江北久無統師賊匪時圖竄擾裏下河等

處必得威望素著之大員迅速馳赴方可力遏賊氛著都興阿酌量情形即由臨鳳馳抵江北帶兵追剿以免遲誤將此由六百里諭令知之○盛京將軍玉明奏報金州夷船游奔登岸情形現在催兵嚴防得旨此不過恫喝虛聲尚不至恣意騷擾惟恐漢奸處處潛伏為夷引導務須先清內患以禦外侮○安徽按察使恩錫緣事降職以湖北安襄鄖荆道毛鴻賓為安徽按察使○以攻克安徽螺

磯賊巢實投誠陳芸桂等藍翎並各升敘有差○調察哈爾馬二千匹解京候撥○調直隸北路精兵四千名派員帶赴青州地方候撥

大清文宗協天翊運執中垂謨懋德振武聖孝淵恭端仁寬敏顯皇帝實錄卷之三百十九

牛車水五元

事

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之三百二十

監修徳威官経歴日講起居注官太子太保上書房總師傅文部省領事勲院掌院學士積善欽奉上諭事件及國史館總撰官武英殿

大學士管理兵部事務加十三級紀錄十四次臣實積素不繕寫經是議官太子太傅文淵閣領閣事武英殿總纂官敕習庶吉士體仁閣

大學士管理戶部三庫事務管理刑部事務加二十三級紀錄十六次周臣阻撓賜官太子少保管理內閣事務對引大臣軍機大臣

羅藍旗滿洲都統戶部尚書管理三庫事務加四級隨帶加五級紀錄十二次

連城又捐募官正監旗蒙古都統樓部兩書管理太常寺鴻臚寺事務加二級軍功加四級隨帶加八級紀錄五次臣倭什琿布等奉

敕修

咸豐十年庚申五月甲寅諭內閣前諭山東

等省在京大小官員各就地方情形仿照河南辦理團練章程。直抒所見並令各舉所知。候旨派往。茲據大學士賈禎等酌擬辦理章程八條呈覽均屬可行。自應一律籌辦。著派前任戶部右侍郎杜弼作為督辦山東團練大臣。馳驛前往。並著山東登萊青道貢璜。登州府知府暫留濟甯州知州盧朝安幫辦團練事宜。即按照所議條款並參酌河南章程體察情形妥為辦理。○諭軍機大臣等。文煜

奏委員接見夷酋情形一摺。此次署青州府知府董步雲等接見夷酋。措詞尚為得體。惟令其速回上海。議定條約。該酋輒稱和約之事早經決裂。其意在尋釁。已可概見。昨論文煜即日出省。前赴登萊青一帶擇要駐劄。籌辦防堵。所有青州馬隊官兵及續撥之官兵著即分布要隘。嚴密設防。毋令該夷聞見。致啟釁端。至煙臺附近居民亦當趕緊辦理團練自衛。若能齊心守禦。聲勢相聯。該夷聞之

必不敢肆。無忌憚。儻該夷圖攻城池。或圖擾天津。或徑欲赴京。務即將一帶要路設法堵剿。毋任猖獗。一面密諭商民不與交易。並嚴防裹脅。斷其接濟。該夷雖自謂兵多糧足。亦難日久相持。該撫務須不動聲色。安速布置。不可稍涉大意。該夷既肯與董步雲等接見。仍應飭令該員等作為己意。告以大皇帝撫馭各國深仁厚澤。上年佛國並未助英。國打仗。雖未換約和好。自在現在大沽防守嚴密。

英國若去。必然喫虧。爾國何必前往。山東地方雖無辦理通商大臣。然爾國如有可以商辦之事。本省巡撫亦可代為轉奏。使汝等下情可以上達。大皇帝寬大為懷。亦必有加恩之處。若隨同英國與中國用兵。恐徒傷和好。如此曉諭。無論該夷聽從與否。此意不妨令董步雲等向其開導。兼可探聽該夷動靜。豫為準備。將此由五百里密諭知之。○又諭。前據李若珠奏薛成良一軍八千餘人。因欠發

口糧。遣散回籍。茲據喬松年奏薛成良現在全隊逗遛。即伯湖中。其心叵測。本日復據王夢齡奏薛成良因與糧臺細故。帶領所部及眷屬貲財。竟赴高郵。聲稱欲赴袁甲三營。又稱往依李世忠。各等語。薛成良獻地歸誠。業已優加賞賚。何至因偶欠口糧。遽萌異志。復統全隊泊於高郵湖中。四出窺伺。若如王夢齡所奏。因糧臺細故。即帶領所部。並糾合潰勇。直赴高郵。是其帶隊而行。出於負氣。並非

心存反覆。足見辦理糧臺各員。調處失宜。致令激而他去。所有實在情形。及因何與該員不合之處。著喬松年查明回奏。至薛成良糾眾北行。經詹啟綸勸回不允。竟將副將王萬清拘留船中。心多叵測。不可不防。惟江南大營潰散。勢成糜爛。江北亦時防竄突。且捻匪肆擾。在在堪虞。更不可操之過蹙。致激而為匪。另起一股。又屬滋蔓難圖。著密為偵探。如果往投袁甲三營。或往李世忠營。即飛咨袁

甲三。妥為撫綏。以消反側之心。儻查有滋事實跡。著李若珠等。密為設法。即照抗違軍令之案。殲其渠魁。餘眾分別解散。若如該運司所奏。李若珠分調水陸大隊。尾追其後。不獨使其生疑。且以有用之兵。被其牽掣。總非善策。該署督等。惟當妥籌辦法。毋致撫馭失宜。又肇釁端。是為至要。將此由六百里諭知王夢齡。李若珠。並傳諭喬松年知之。○以通政使司通政使朱鳳標。為都察院左副都御史。

○以陝西按察使瑛榮。為布政使。潼商道吳春煥。為按察使。○命翰林院編修郭夢惠等。往山東。聽候團練大臣杜錕。差委。○以勒平安徽。擬陽偽城。賞參將丁泗濱。巴圖魯名號。守備祝廣元等。藍翎。餘加銜升敘有差。予陣亡參將劉德亮。祭葬。世職如總兵例。○予安徽綿綿磯等處陣亡千總張漢友。把總喻春和。任富貴。柳心田。外委何錦標。謝洪才。祭葬。世職。○乙卯。諭內閣。禮部奏。前任侍衛暨耆民等。呈請隨班祝嘏。援案請旨一摺。本年朕三旬萬壽。所有前任二等侍衛慶志等。暨耆民情殷叩祝者。俱准其附於百官之末。另班行禮。○又諭。前諭河南山東等省。辦理團練。並已令順天府府丞毛昶熙。前任戶部侍郎杜錕等。回籍督辦。因念順天。直隸。為畿輔重地。尤屬緊要。自應一律辦理。所有應辦事宜。即著籍隸順天。直隸。在京大小官員。就地方情形。各抒所見。該省官紳中。有名望素著。練達

事務者。並著各舉所知。候旨派往。該官紳等必知共體時艱。盡心籌辦。用副朕綏靖畿疆之至意。○又諭英桂奏查明銅鑛不堪開採。請旨封禁一摺。前因都察院奏。山西民人馬敦五呈稱。該省絳縣南山。銅苗甚旺。請試行開採。復據御史富稼奏。該民人情詞閃爍。顯係假公濟私。請官為經理等語。均經諭令英桂嚴密查奏。茲據奏稱。派員履勘開挖。並無礦砂。實屬不堪開採。著英桂仍飭該地方官

嚴行封禁。以杜紛擾。該御史所請官為經理之處。著毋庸議。○諭軍機大臣等。前有旨。令安徽等省舉行團練。已令在京官員各舉所知。皖省被兵數年。郡邑淪陷。即偶爾攻克一二州縣。賊至復失。終未能一律肅清。其團練殺賊。隨同官兵出力者。所在多有。惟未能全行舉辦。以致人心不固。平日漫無準備。聞警相率潛逃。地方官虛報募勇。實招致無業游民充數。藉以侵蝕口糧。賊匪一至。民無鬬心。

勇亦潰散。遂至棄城不守。糜餉勞師。伊于胡底。朕思該省雖大半糜爛。若就完善之處。先為辦理。多一良民。即可少一賊匪。未必非釜底抽薪之計。並令紳士督辦。使互相聯絡。眾志成城。且可免百姓無所依從。及藉端滋事之弊。如能辦理得力。即可化莠為良。悉臻平靖。現在鳳陽懷遠。全椒等處。次第收復。各處賊圩。亦多攻克。正宜實力舉行。以輔兵力之不足。著袁甲三。翁同書。查明未被賊陷。及業

已收復各府州縣。已辦者幾處。未辦者幾處。如何辦理。始能有利無害。會同妥商。詳細具奏。皖省紳士。如苗沛霖。徐立壯等。隨營助剿。固能懋著戰功。即保衛鄉閭。如桐城紳士疏長庚等。亦能帶練得力。屢卻賊匪。可見認真舉行。具有成效。該大臣等諒必悉心籌畫。不至空言搪塞也。將此由六百里諭令知之。○丙辰。孝恭仁皇后忌辰。遣官祭。

景陵○諭軍機大臣等。文煜委署青州府知府董步雲等接見佛酋。該酋言詞狡詐。意在尋釁。當諭文煜再令委員開導。並令煙臺趕辦團練。嚴密防禦。茲復據文煜奏。該夷大輪船四隻。先後駛赴威海。疊次拉搶商船二十餘隻。復諭文煜趕緊出省。前往登萊青一帶。擇要駐劄。籌辦防堵。本日復據薛煥奏。額爾琿既抵吳淞口。佛酋噶囉。計可先後到滬。有即日北駛之說。夷人在奉天。山東。洋面。搶掠船隻。恐其探海口水淺之處。欲乘小船前來。情殊叵測。額爾琿等既將即日北駛。恐其竟撲大沽。或用小船登岸。或搭造浮橋。或將所掠商船。先來探試。均不可不防。著僧格林沁等。豫為布置。嚴密防備。毋使該夷得行詭計。方為妥善。至該夷於攔江沙外遊駛。固不可先行議撫。如有可乘之機。亦不可因我有備。致失議和機會。其間操縱。該大臣等臨時酌奪。迅速具奏。本日文煜摺著鈔給閱看。將此諭

令知之。○又諭薛煥奏。探聞夷船北駛。及額爾琿已抵吳淞口。並克復嘉定等城各摺片。夷人在奉天。山東。洋面掠船。疊據玉明。文煜奏。佛夷由煙臺駛入劉公島。將口內商船全行拉去。並在手揚河口一帶外洋拉去船隻。築驚情形。實堪痛恨。噶爾琿等已抵吳淞口。佛酋噶囉。當亦隨後可到。此時不便官為曉諭。可密諭華商向夷商開導。告以夷人在山東等處。強拉海船。拋棄貨物。從此海道不通。不獨中國商船受害。即夷商亦無可貿易。況噶爾琿與中國構兵。汝等須出兵費。若不竭力阻止。彼此均無裨益。該夷商皆為利而來。自必向額爾琿等勸阻。如此辦理。方為釜底抽薪之計。如可挽回。仍在上海定議。換給和約。方為正辦。該署大臣諒能竭力妥辦。不至意存推諉也。此次克復嘉定太倉。內有呂宋夷人一百名助剿。雖非噶爾琿一類。究不必藉資夷人之力。著薛煥。即將此項夷勇裁撤。給予

糧數目。夷情詭譎異常。現在定海肆意要求。無非為脅和地步。其操演巡查。不過意存挾制。虛聲恫喝。是其慣技。所有該廳徵冊。帑項攸關。斷不可任該夷強索。致啟覬覦錢糧之漸。著慶端。王有齡。卽飭該地方官會同委員妥為防範。仍與華商紳民等設法開導。當告以該廳錢糧數目。無從開寫。不可為該夷所徇。勒致墮其奸計。亦不可因夷人強徇為詞。豫為將來各項錢糧報虧地步。仍當激勵民

旨命杜翻督辦山東團練。此時以防夷為第一要務。該侍郎未經抵省之前。即著文煜先行飭屬認真舉行團練。使該夷知到處人心固結。無可裹脅。無從接濟。自可不戰而屈。並著該撫迅即出省。妥為籌辦。隨時馳奏。以慰懸繫。將此由五百里密諭知之。○又諭。前據裕瑞等奏。浩罕遞字仍求和好。當諭暗加防範。以杜釁端。茲據裕瑞等奏。浩罕額爾沁遞字情詞恭順。並稱已由住站安集延人眾出

具聯名結數前次額爾沁之非。與此次額爾沁信。專人送回浩罕。仍求和好等語。該夷等既稱其曲在彼。立意求和。倍常遜順。或可不致再啟釁端。惟詳閱浩罕明巴什所遞怕爾希字。不但於額爾沁之不法。大有疑詞。即將該額爾沁毆斃。亦大以為非是。種種不平。尚未釋然於心。須俟此次額爾沁信。函到時。看其是否誠信無疑。方可無慮。更恐該夷偽為恭順。以懈人心。乘我不備。暗圖報復。夷情

叵測。不可不防。裕瑞等。仍當恪遵前旨。明示羈縻。暗為戒備。并深入偵探。以絕其窺伺之心。不可因其言詞恭順。遂涉大意。裕瑞著暫緩來京。俟夷務辦結。各卡安靜。再行奏明請旨。將此諭令知之。○又諭。前因王夢齡奏。薛成良因與糧臺細故。帶領所部。竟赴高郵。當諭令喬松年。將實在情形。查明回奏。茲據李若珠奏。薛成良恃取索餉。擅劫副將。現調官軍四面合圍等語。薛成良糾眾北行。逗遛邵

伯。經糧臺解到餉銀。輒欲盡索。從前積欠之餉。副將王萬清當向開導。竟拘留船中。揚帆遁去。所過露筋一帶。頗為滋擾。薛成良索餉劫官。任意妄為。自應大加懲創。惟現當賊勢猖狂之際。若操之過蹙。必致激生事端。並恐其已經自拔來歸者。亦恐心存疑慮。反側不安。於辦理招撫解散脅從之法。未免窒礙。況薛成良既授職官。即查明有滋事實跡。亦應

照軍法。治以應得之罪。其部下勇丁。宜將首先滋擾之人。嚴加懲辦。餘眾分別解散。方為妥善。著李若珠趁此圍攻得手之時。飭令該勇丁等。將薛成良并首先滋事之人。一併交出。訊明後。定擬具奏請旨。僅有意致死滅口。惟李若珠是問。其餘善為安撫。分別遣留。勿得激成事變。以弭釁端。將此由六百里諭令知之。○又諭。慶廉奏。省標營額空虛。酌募練勇。以資防勦。請飭議准。勇糧作正開銷。一摺。

據稱河南省標左右開三營額兵因近年軍務徵調四出存營不及三分之一駐防滿洲營官兵亦半多調出經前撫臣恆福等因省垣空虛奏明挑募餘丁及抽調鎮兵練勇二千一百名之數僅數平時巡防若賊氛猝至誠恐接應不遑現有新任南汝光道鄭元善所募羅山正陽練勇二千勦賊尚能得力該撫因省標營額空虛飭於二十名中挑選一千名來省歸入營標訓練並請將此項勇糧

作正開銷等語河南省標營額徵調空虛不足以資戰守添募壯勇入營訓練較臨時雇募者自屬得力惟當經費支絀豈得於營額之外添此練勇口糧漫無限制前已有旨將河南兵勇歸慶廉統帶著查明節次河南省城調出兵丁共有若干即將此項練勇補足營額所餘練勇口糧著自巡撫以下各官自行捐辦不得作正開銷以示限制此等勇丁既係在省豫為訓練必須覈實認真操演以

備緩急務使足資戰守毋得虛糜將此由五百里諭令知之○又諭本日據何永安奎棟奏請暫行那提本地稅銀充餉一摺據稱古城地方官兵久困協餉無期聞所屬之奇臺縣人稠地廣商貨雲集歲收茶稅銀九千餘兩牲畜稅銀三千餘兩按年統歸鎮迪道庫前因缺餉經前任領隊大臣貴文截留過茶稅銀二千兩餉銀撥到仍歸原款請將古城地面由每歲奇臺縣徵收牲畜茶稅銀兩暫

行提歸滿洲營搭放兵餉每兵一成有零其餘不敷銀數再由內地酌撥俟協餉充裕仍歸舊章辦理等語近因逆氛未靖各城協餉未能按期撥解古城地方兵丁艱苦自係實在情形惟此項稅銀全行撥歸該處此贏彼絀轉恐於他處有妨著准其援照舊案截留茶稅銀二千兩以濟要需不得全數提撥並著業布冲額體察情形將古城所撥此項稅銀於各城有無窒礙之處悉心籌畫奏明請

旨。以重帑項。將此諭令知之。○署欽差大臣江蘇巡撫薛煥奏。喫啡兩夷兵船。業有北駛。額爾琿等現抵香港。並陳籌辦情形。得旨。此時辦法。總宜以華夷構兵。費出自夷商。由商力阻。並聞其附和。為釜底抽薪之計。又奏。克復嘉定。太倉。兩城。得旨嘉獎。○以畏蕙無能。降浙江提督鄭魁士職。以己革總兵官朱興朝。暫署提督。○予江蘇嘉定等處陣亡千總陳松海。把總王茂。徐彪。外委馮德鍾。富泰。蔡彝世職。○丁巳。諭內閣。戴垣等奏。訊明宇商濫支經費情形。請旨辦理一摺。前經戶部奏。五字官號案內奏銷。先未立案。該司員等任意濫支。請訊明歸案著追。茲據戴垣等奏。訊據已革戶部郎中王正誼供稱。宇商疊次將墊賠各款。呈請回堂覈銷。經該堂官等飭令嚴行覈減。嗣經該革員等議定減去六成。准銷四成。時因各項頭緒紛繁。堂諭嚴催趕辦。奏銷未及辦彙。至奏銷後。始行補辦存彙。又

據已革戶部員外郎台斐音等供認畫彙時。曾經見過此項覈減清單。委因回堂催辦。奏銷未及趕辦存彙。奏後始行補辦。並無情弊。各等語。此案宇號月支經費。曾經奏明定數。何得再行加增。即使食用不敷。亦應奏明請旨辦理。該司員等率行混入奏銷案內。彙總開銷。事前又不明立彙案。以致漫無查考。所供因催辦奏銷。未及趕辦存彙。是否實有其事。並因何准令濫支之處。著辦理宇號奏銷。及標畫存彙之戶部各堂官。據實明白回奏。另片奏。革商顧青田。虧短捐鈔。王正誼等。任聽將空鈔抵補。蒙混奏銷。實屬營私舞弊。王正誼。台斐音。家產。著先行查抄入官。其所虧官項。俟結案時。一併查明分別覈辦。○又諭。瑞昌王有齡奏。嘉興失守。請將攜銀先逃之知府。革職。拏問等語。賊匪竄踞吳江。復撲平望營盤。署提督江長貴。受傷折回省城。二十六日。逆匪三路並進。攻破嘉興南門。以致郡

城失陷。署嘉興府知府甯波府知府張玉藻。於賊匪未至之先。既不能豫為準備。輒藉經管局務為名。攜銀逃走。航海避至紹興。實出情理之外。僅予革職。拏問不足蔽辜。張玉藻著即行正法。以為棄城逃避者戒。○又諭瑞昌王有齡奏。流洞橋擊賊獲勝。並請將聞賊先逃之營弁革職等語。本月初一日。宜興。溧陽之賊。由張渚犯流洞橋。已革參將王鼎甲等。不戰而潰。經未與朝派兵馳剿。轉敗為勝。

所有駐守流洞橋之黃巖營守備汪超英。臨陣退縮。棄營逃回省城。僅予革職。不足蔽辜。汪超英著即行正法。王鼎甲。業經革職。胡岳虎著即革職。與王鼎甲一併暫留軍營。如再不知愧奮。即著按軍律懲辦。○諭軍機大臣等。昨諭都興阿。取道臨鳳。馳抵江北。帶兵進剿。以免紆折遲誤。茲據奏籌商調撥馬步各隊。催辦餉項情形一摺。據稱擬調余際昌所部三千餘名。胡林翼因此軍移動霍山。藩籬

盡撤。深以北路空虛為慮。且該營欠餉未能支領。尚須催辦。至抽調吉林馬隊。未見多隆阿咨覆。而舒保所撥西丹。又復疲弱不堪。現到英山馬隊。只有百餘名。實難得力等語。現在江北久無統帥。防勒喫緊。若該將軍因馬步兵單。繞道馳赴。則遷延日久。深恐有誤事機。著官文。胡林翼。迅即飭令多隆阿。舒保。將所部馬隊。酌量調撥。都興阿軍營。與該將軍現有馬隊。合計湊足四五百名。以資攻剿。並

著調得力兵勇三四千名。派委鎮將大員二人管帶。聽該將軍調遣。江北李若珠所部一軍。該將軍馳抵後。即可全歸統帶。都興阿仍遵前旨。酌量情形。取道臨鳳。剋期馳往江北。督辦堵剿事宜。勿得再有遲誤。所需餉項。即著官文等。寬為籌備。源源接濟。並將該將軍現在調到馬步兵勇。由楚省先為籌備餉需。以便迅速啟程。至都興阿啟程遲延。為籌商調撥官兵。催辦餉項起見。事出有因。所請

文部從重治罪之處。著加恩寬免。將此由六百里各諭令知之。○又諭瑞昌王有齡奏嘉興失守。統兵相繼進剿一摺。江長貴一軍駐劄平望。原以保衛嘉興。乃一經該逆攻撲。兵勇輒紛紛潰散。以致嘉興失守。賊氛日熾。逼近省垣。覽奏實深憤懣。前有旨令瑞昌總統江南諸軍。並令江長貴幫辦軍務。嗣因賊至武康。杭城危急。復諭瑞昌先顧杭城。再圖進取。現在江長貴受傷折回省城。仍著瑞昌親

統各軍出省剿辦。王有齡留於省城。布置一切。無須帶兵出省。江長貴業經受傷退回。如不能勝幫辦之任。即著瑞昌王有齡遴選提鎮大員。奏請幫辦。此時瑞昌帶兵前赴嘉興一帶。即令張玉良為前敵。至逆匪欲擾甯紹完善之區。該將軍等即派賴信揚督帶水師礮船。扼要巡防。並激勵民團。聯絡守禦。毋令紛竄。署嘉興府知府張玉藻黃巖營守備汪超英。見賊先逃。僅請革職。不足蔽辜。已明降

諭旨。將該員等即行正法。以儆其餘。浙省軍務疲玩已極。該將軍等務當力加整頓。以挽積習而振軍心。將此由六百里諭令知之。○以候補總兵官曾秉忠為福建汀州鎮總兵官。○予廣東殉難紳民婦女陳超龍等九百一十三名口。旌卹如例。○戊午。諭內閣。本日據李若珠奏。薛逆糾黨入湖。官軍圍攻。全數殲滅一摺。前因薛成良歸誠效順。獻出江浦縣城。屢次出力。著有戰功。疊經降旨褒獎。賞

給三品頂帶。並賞戴花翎。其部下頭目人等。亦經分別加恩獎勵。以為自拔來歸者勸。昨據喬松年奏。薛成良自退至揚州後。因索餉不遂。輒稱帶領所部回籍歸農。經糧臺發給餉需。聽其遣散。乃薛成良旋即擁眾入邵伯湖中。搶掠露筋祠等處。李若珠請撥兵追捕。朕恐薛成良與軍營各員。或有齟齬不合而去。是以諭令李若珠剴切曉諭。不得遽加勒戮。以致稍有屈抑。乃本日據李若珠奏。前令

副將王萬清前往曉諭。竟被薛逆拘留。復膽敢於高郵之王家港。築壘六七座。句結西陵塘橋賊匪。約期東竄。叛迹顯然。無從寬免。當派副將劉成元。總兵黃開榜等。各率水陸官兵進攻。而薛逆猶敢憑壘抗拒。經官兵四面焚燒。逆眾始奪船逃竄。我軍截住轟擊。立將薛逆大小船隻三百餘號。全行焚燒。逆眾勒除殆盡。薛逆見官軍逼近。投水身死。薛成良投誠已逾一載。屢受恩施。宜如何感激圖報。

乃始則索餉劫官。繼而句結巨逆。負隅築壘。狼子野心。怙惡不悛。實屬自外生成。罪可可追。除不願從逆。從中內應之五品花翎王品裕。周大有。唐春光。孔慶祥等。深明大義。及隨同投出之被脅男婦一千餘名。均著准予免死外。其生擒之男婦數百名。即著李若珠。分別訊明正法遣散。妥為辦理。所有此次在事出力將弁文武。准其擇尤保奏。候朕施恩。至薛成良降而復叛。法所不容。自應大加懲創。

以伸國法而快人心。其餘各路軍營。如有去逆效順。真心投誠者。一經統兵大臣及各督撫奏聞。仍必優加褒獎。不吝恩施。將此通諭中外知之。○諭軍機大臣等。前因何桂清奏。已飭查文經。與曾秉忠。管帶師船。往高寶。邵伯湖一帶防剿。當以查文經。係專辦糧臺之員。陳欠新餉。豈能歸於無著。非何桂清心已昏憤。即係該員自為脫身之計。諭令薛煥。迅速追回。飭該員清理江南糧臺事務。並著該

署督。設法籌款。並籌兵米。派委妥員。帶赴江北糧臺。或於泰州分設糧臺。專放鎮江一軍。及大江水師餉糈。本日喬松年奏查文經現已渡江。此時鎮城暨水營兵勇。見糧臺大員到此。仍置兵餉於不問。恐致渙散決裂。請飭查文經。毋庸管帶戰船。仍辦江南糧臺。以專責成等語。著該署督。仍遵前旨。將該員追回。另揀妥員。於江甘一帶。擇地安設江南糧臺。妥為辦理。迅由上海籌畫餉糈。源源接濟。若

令諸軍饑潰。惟薛煥是問。查文經從前經手收支各款。並著薛煥飭令該員逐款交代清楚。如有含混浮冒。即著嚴行叅辦。喬松年片奏。長龍船兵餉。請彙入水師艇船項下。由南臺一併籌給等語。此項兵餉。即著由江南糧臺支放。至江北糧臺事務。已降旨令王有齡督同喬松年辦理。本日復諭令山東、河南各將部撥銀十萬兩。迅速解往。既有督辦大員。該運使不得以吁應不靈為詞。仍當不分畛

域。寬為籌濟。再大理寺少卿潘祖蔭。編修楊泗孫。奏稱常熟縣知縣周沐潤。督率沙勇。克復城池。但僻處海隅。遇有緊急要務。非稟知上海。即郵達江北。輟轉遷延。機宜易失。請飭丁憂在籍內閣學士龐鍾璐。督同周沐潤。攻勦附近未復州縣。龐鍾璐曾任大員。遇事准其專摺具奏等語。所奏不為無見。著薛煥即行傳旨。諭知龐鍾璐。並飭周沐潤。如有緊要軍務。即稟明龐鍾璐就近馳奏。其江陰等縣

民團。前隨周沐潤出力者。並著該署督飭令查明請獎。藉以鼓舞人心。此時江南逃兵充斥。著薛煥通飭各屬州縣。出示曉諭。如有逃散兵勇。過境擾害居民。即著格殺勿論。俾此輩奸徒。稍知斂迹。以靖地方。將此由六百里諭知薛煥。並傳諭兩淮鹽運使喬松年知之。○又諭。前因江北餉需並絀。當准部議。令文煜、慶廉於山東、河南二省各撥銀十萬兩。以資接濟。茲據喬松年奏。江南賊氛徧地。淮南

片引不行。淮北課銀。悉充皖餉。刻下運庫已空。所有應發各項餉銀。無從籌給。情形甚為可慮。著文煜、慶廉務將未解餉銀。迅速接續撥解江北糧臺。以濟要需。毋稍延誤。將此由六百里各諭令知之。○幫辦軍務四品京堂許乃釗。奏金陵大營潰敗情形。請將翼長王浚。卹典撤銷。得旨。此等語。朕聞之已久。然當時汝在軍中。既確見王浚播弄威權。何不單銜密奏。於大局不無小裨。逮軍潰地失。人已

死而追論於後。不知者或被汝愚。朕豈能受汝之愚。此無他。身家之念重耳。至王浚惡劣聲名。疊飭和春密查。伊總為可用。是以未撤。今若仍照提督例議卹。以昭平允。此朕心自有權宜。初不因許乃釗之奏也。王浚以一武弁。從征十載。隨向榮由楚至江。雖有芳蹟。尚能致危授命。視僕僕奔走為何如耶。視自命書生。偷生海隅。又為何如耶。此摺并硃批。著與

本日值日奏事之各堂官。公同閱看。由閣發鈔。俾共知悉。○以江蘇捐輸軍餉。永廣蘇州府學額十名。江陰縣三名。婁縣二名。華亭縣一名。○以江西樂安縣捐輸軍餉。永廣學額九名。○以四川續捐軍餉。永廣安岳。眉。二州縣學額各二名。簡德陽。巴。達。大竹。仁壽。南充。廣安。岳池。三臺。遂寧。蓬溪。富順。邛。十四州縣各一名。○己未。諭軍機大臣等。僧格林沁。恆福奏。遵調官兵到防。並俄夷船隻停泊北塘。

投遞味夷信函各等語。直隸備調官兵四十名。除分撥唐兒沽。及環濠礮臺等處防守外。所餘及新調之兵。共只有二十名。為數較單。青縣一帶。為山東等省入京要道。亟宜駐劄重兵。以防奸宄。涸跡。所有前項備調官兵二千名。著僧格林沁等。遵照前旨。揀派得力大員。迅飭前往該縣駐劄。當由京營另調兵二千名。派克興。阿管帶前往。一併駐劄青縣。與直隸官兵分作兩營。以厚兵力。而資捍禦。俄

夷寄京信函。著恆福派員接收。轉送京師。至味夷轉遞信函。和約內並未載有味國由天津海口呈遞之條。是以礙難接收。如味國欽差船隻到來。可告以爾國既已換約。自應按照條約辦理。別無再議。如欲給喫。俾兩國從中調處。亦須由上海辦理五口通商欽差大臣處商議。方為信守和約之道。再本日大煜奏。海濱續到夷船。先後共有夷兵萬名之多。並有礮車百數十輛。情形甚為猖獗。著僧格

林沁等豫籌防範。將此密諭知之。○又諭本日據文煜奏。近日夷務情形。擬即出省籌辦。一摺。所稱夷人又續到輪船三隻。夷兵夷官甚多。起出馬二百數十匹。連前約共四百匹。礮車三十餘輛。大小銅鐵夷礮又小車一百餘輛。孟酋亦已上岸。計共到夷兵一萬。馬四百餘匹。夷氛如此猖獗。誠恐不免有由直隸徑奔京師之事。文煜業已由省啟程。馳赴青萊交界。密駐籌防。並先委派候補知府來秀。馳往煙臺。確查夷務情形。兼派李德增等。分赴自登至直經過地方。及沂莒一帶。查拏奸細。所籌均尚周密。著即飭令該委員等。詳細訪查。余招通夷重情。及地方官疏縱奸匪各節。一經查實。即著指名嚴參。毋得稍存諱飾。並一面飭令委員。開導夷人。一面嚴密防範。勿稍疏懈。再本日據僧格林沁等奏。俄夷船泊北塘。遞寄信函。並為味夷遞信等語。俄國續定和約。本有准在北塘通信之條。而味國

不在此列。業經諭令恆福。將俄國信函接收。其味國之信。則令告以須向總辦五口通商欽差大臣處投遞。現在煙臺等處海口。想味國之人。來者不少。難保不因天津拒絕。復向該處求遞。該撫當密飭海口員弁。照此答覆。仍令其前往上海投遞。勿得率行接收。將此由六百里密諭知之。○又諭本日據戶部奏。變通奉天。山東捐米並雜糧章程。以濟京倉一摺。據稱本年新收。及存倉舊漕米石數目。約計甲未可放至十二年七月。俸米可放至十二年秋季。若來歲南漕不能接濟。兩年以後。恐有缺乏之虞。擬令奉天。山東於向辦捐米章程。量為推廣。並准將早稻白米及各項雜糧。分別定價。一體交捐。運赴京倉。以資接濟等語。京倉為根本重地。該將軍等。自宜竭力圖維。寬為籌備。著王明倭仁。景霖。文煜。迅速辦理。不得視為具文。貽誤放款。亦不得稍形冒濫。致礙各項捐輸。其應如何推廣變通。

之處。著各按地方情形。妥為籌畫。先行具奏。毋稍遲延。至該部摺內所稱。山東省歷年捐未。除運京放賑外。尚餘若干。請飭該省查明。限一個月報部。速運赴通。又黃河為患。已隔多年。濱水居民。想應得所。捐賑名目。應行裁除。並以後捐米。應按舊章。將運腳折耗。均在捐生報捐內覈算清楚。不得再行開銷。以節浮費等語。著文煜。即按照該部所奏各條。覈實辦理。毋許稍涉含混。致滋浮冒。其奉天所捐米石。運腳折耗。即著照山東一律辦理。將此各諭令知之。○又諭文煜奏。山東省城。查獲匿名揭帖。封送呈覽。內稱文煜。清感。賈缺得銀。泰安府三千兩。濟南府四千兩。章邱縣五千兩。歷城縣三千兩。青州府六十兩。肥城縣二千兩。並濟南府賣給汪承鏞。所得銀兩。暗差人送給張樂行。及半年口糧不發。眾兵老少難度。登州兵口糧。止一百三十六文。各等語。匿名揭帖。本干例禁。惟所稱巡撫。藩司。

賣缺通賊。及扣放兵餉之處。皆有關繫。虛實均應查辦。著杜翹。於行抵東省後。即將帖內所稱各情。詳細密訪。據實具奏。毋稍徇隱。將此諭令知之。○又諭曾國藩奏。抽撥兵勇。啟程渡江。擬設三路水師。並籌畫京倉米石。湖北官兵。不宜再調各摺片。蘇州失陷以後。崑山吳江。相繼不守。賊蹤蔓及浙省。遂陷嘉興。新授巡撫薛煥。雖由上海督勇。克復太倉。嘉定。而地僻兵單。勢難展布。杭州將軍瑞昌。前曾命其統師赴蘇。現因杭城危急。亦恐未能前進。曾國藩現已抽調兵勇萬人。由宿松進駐祁門。俟鮑超。張運蘭。李元度。到後。即由徽甯蕪湖。廣信。分路進兵。具見胸有成竹。謀定後戰。惟蘇省待援迫切。該署督惟當催令鮑超等。迅速來營。會籌進剿。但能援師早到一日。即早一日救民水火。實深殷盼。該署督進駐徽境後。擬即整頓皖南吏治。該處軍務。亦應統籌。昨有人奏。張芾等任賊長驅。以致江

浙大局決裂。現徽甯兵勇尚有三萬餘名。若統歸曾國藩節制。即可簡其精銳。以資攻剿。不必專俟新募之勇等語。張芾督辦皖南軍務。於賊匪入浙。不能堵禦。咎無可辭。徽甯等府。本曾國藩兼轄地方。該處軍務。如併由該署督督辦。自覺事權歸一。惟地方遼闊。能否控馭得宜。著曾國藩於抵徽後。察度情形。奏明辦理。該署督現統兵勇較單。未可輕率前進。宜加持重為要。至所稱擬設淮揚水師。以保裏下河之米。各場竈之鹽。兼輔淮揚陸軍。均屬目前要務。應即興辦。至設甯國水師。以與大江水師夾攻金陵。設太湖水師。以規復蘇常。所籌亦屬周妥。惟曠日持久。勢難坐待。只可一面照議辦理。一面相機進剿。以速解倒懸之眾。至京倉米石。久形短絀。蘇常雖經淪陷。而產米之區。尚復不少。其本年漕米。應如何酌量催徵起運赴京。即著該署督咨商薛煥。熟籌辦理。事關京師根本。該署督責無

旁貸。諒能悉心策畫。至鄂省官軍。礙難抽調。自屬實在情形。曾國藩所募之勇。人數較多。所有餉需。自應早為籌及。總須得力可用。方能餉不虛糜。將此由六百里諭令知之。○又諭。前據張芾奏。普承堯一軍。僻守一隅。無濟於事。當諭毓科。飭令該總兵。統率所部。移劄馬田。或洋湖陂等處。以資堵剿。茲據該撫等奏稱。九江為江楚咽喉。關繫兩省全局。普承堯一軍。坐鎮潯防。萬不可少。該總兵從前分軍援剿建德。兼扼彭湖。已屬跋前疐後。現在江省調兵援蘇。援浙。九江。饒州等府。處處空虛。若移營他處。則距潯愈遠。轉置兩省門戶於不顧。設有疏虞。所關非淺等語。皖南自克復涇旌石太後。建德防守稍鬆。所有普承堯所部兵勇。自未便令其深入皖境。致有顧此失彼之虞。著毓科。即飭普承堯。統率全部。擇要扼守。以顧江楚門戶。與彭玉麟水師。互相策應。兼為曾國藩所統一軍。後路聲援。至該

總兵現駐軍下隅坡地方。僻處一隅。勢難兼顧。並著飭令相度地勢。另行移劄。專顧尋防。並控建德。以遏賊氛。而固疆圉。並著毓科。知會張弼。遵照。將此由六百里諭令知之。○軍機大臣等奏。味夷信件。可否令恆福接收。得旨。俄夷寄京信。著恆福派員接收。持送京師。至味夷信。礙難接收。可告以俄國現有駐京學生。尚可遞送。若事涉通商。總在五口。欽差方能辦理。味國於去歲已換和約。無可再議。實不能代為遞送。即使味國欽差到此。遞有信函。亦必咨照上海欽差辦理。○補鑄江西吉安府照磨印信。從巡撫毓科請也。○命湖南道員李瀚章。改歸江西補用。辦理釐務。安徽丁憂知縣葉兆蘭。署安慶府知府。辦理團練。○以擅加軍餉。革江西道員馮席珍職。○以不遵調遣。革江西遊擊劉勝祥職。拔去藍翎。留營效力。○庚申。諭軍機大臣等。前據勝保。翁同書。先後奏稱。捻首孫葵心乞降。

當經諭知勝保。必須殺賊自贖。真心來歸。再當酌辦。不可輕率從事。茲據勝保奏。該捻首極知感畏。情願自拔。迷津。率眾薙髮。擬先派員前往料理。再行擇日定地受降。並將翁同書致勝保信。及孫葵心投誠稟詞。一併呈覽。孫葵心係著名捻首。人數眾多。若能撫之歸來。羣捻亦易於懾制。其機自不可失。惟此輩狼子野心。難保不因人多乏食。窮蹙來歸。以投誠為領餉之計。設或受降以後。其部下人眾。因所欲不遂。仍復四出擄掠。擾害地方。是以有用之經費。泰養盜賊。其弊何可勝言。勝保前已有旨。令其來京。以三品京堂候補。著翁同書。察看此事。有無把握。如果真心投誠。即著該撫接辦。其應如何駕馭。及受降以後。部下人眾。如何分別遣散。妥為安插之處。均著該撫通籌大局。悉心經理。毋得稍涉大意。致貽後患。將此由六百里諭令知之。○又諭勝保。慶廉奏。進剿亳州捻匪。攻克賊圩一

摺李河溜及黃莊賊圩。為擒匪入豫要路。現經官軍攻毀殆盡。自應乘此聲威。速行進攻。將亳州境內各賊圩。一律剿除。著慶廉即行督飭帶兵各員。與關保協力防剿。一應團練。勦撫事宜。並著妥為布置。該撫身任地方。責無旁貸。務須盡心籌畫。毋得遷延貽誤。致負委任。將此由六百里諭令知之。○又諭劉長佑奏越南正貢屆期。據呈請旨。並可否飭令於來歲年底到京各等語。越南國上屆應進

例貢。因內地軍務未竣。諭令緩至下次兩貢並進。來年復屆貢期。既經該國王瀝誠懇請。若再行展緩。轉不足以示懷柔。所有越南貢使。著准其於來年六月以前到京。呈進貢物。不必俟至歲底。惟廣西軍務未平。尚須繞道行走。應如何早行開關。俾該貢使等得以如期抵京。即著劉長佑酌度情形辦理。將此諭令知之。○以內閣學士袁希祖署戶部右侍郎。兼管錢法堂事務。都察院左副都御史朱

鳳標署刑部右侍郎。○以攻克亳州李河溜擒圩。賞知縣田玉梅都司趙喜義巴圖魯名號。餘加銜有差。○以緝捕勤能。賞奉天佐領崇禧花翎。防禦慶恆等藍翎。餘升敘有差。○以攻克安徽樅陽地方。賞知州疏長庚花翎。○辛酉。諭內閣前因戶部字號月支經費。議請加增。未經奏明。該司員等混入奏銷案內。彙總開銷。諭令管理字號奏銷。及標畫存臺之戶部各堂官明白回奏。茲據翁心存全慶

沈兆霖基溥寶鑒先後回奏。據稱該司員辦理五字奏銷時。逾限數月。催令趕緊清算。因字商添支經費。曾經翁心存等駁議減。並未奏明。該司員已將此款列入奏銷清單。並奏銷後始補畫存臺。均未查出。自請嚴議。議處各等語。字號月支經費。係奏明定數。即使不敷。酌議加增。亦應奏明辦理。乃該堂官等於酌添經費。未能專摺陳奏。遽任該司員等列入奏銷清單。並當時未立存臺。事後始行

補畫種種錯誤。咎有應得。翁心存沈兆霖基溥。寶鑒均著分別交吏部。都察院嚴加議處。全慶於辦理五字奏銷時。尚未到任。惟隨同補畫存彙。亦有不合。著交都察院議處。○諭軍機大臣等。文煜奏。近日夷情一摺。據稱該夷日在洋面搶船。本有欲遊蓬萊之說。近又聞無暇往遊。孟酋已到。問巡檢嚴國初。由煙臺赴天津。有大河否。該酋帶來兵千餘人。馬三四百匹。馬高大者約有五尺。礮車三十餘

架。聽其口氣。似欲於過暑後。放船至海豐縣屬之大山地方。再行水陸並進。直赴天津。所搶船隻。問作何用。據云。用搭浮橋。裝草料。請飭僧格林沁。調派馬隊。前赴鹽山扼截。至所到煙臺海口。夷人及廣東人。約共一萬數千人。小車共二百五六十輛。馬共八百餘匹。牛共一百六七十隻。糧食軍械。不計其數等語。夷人於煙臺海口。愈聚愈多。並探有欲由海豐水陸赴津之信。實屬居心險詐。現已諭知

文煜。派委司道大員。剋日前往該處。籌辦防堵。鹽山等處。為海豐赴津必由之路。應如何派撥官兵。前往該處。擇要駐劄。以資扼截。即著僧格林沁等。熟籌妥辦。至夷人如果由山東陸路深入。官軍與之接仗。務須步隊在前。隨後以馬隊繼進。藉收抄截之效。馬隊斷不可遠迎。僅以馬隊為前敵。恐一挫不可復振。步隊更難為力。並著該大臣等。妥為調派。再昨令僧格林沁等。將備調官兵二千名。交派

出得力大員管帶。與克興阿所帶之京營官兵二千名。分作兩營。一併駐劄青縣。諒已遵照辦理。前諭令樂善帶領馬隊。必須探明該夷。或由山東陸路直奔京師。抑或抄襲大沽後路。該大臣務當相機截剿。勿墮該夷分我兵力之詭計。本日復諭春佑。琿崇武。各將備調熱河。密雲兵。各五百名。並諭慶昫。挑選察哈爾馬隊一千名。一併前往青縣駐劄。均交克興阿管帶。以上各項兵丁。所需口糧。著恆

福寬為籌備。於該處附近一帶。另設糧臺。以供支放。或即由天津糧臺支放。毋令缺乏。將此由五百里密諭知之。○又諭。本日據文煜奏。續探夷情。欲由大山赴津。請飭由津酌撥馬隊迎截。並夷人又續到人馬一摺。夷人陸續到煙臺者。約共一萬數千人。礮車馬匹。亦復不少。探聞過暑後。放船至海豐縣之大山地方。再行水陸兼進。直赴天津等語。本日已諭知僧格林沁等矣。鹽山等處。為海豐赴津必由之路。應如何派撥馬步官兵。前往該處駐劄。令該大臣等熟籌妥辦矣。至文煜所擬。俟添募之勇齊備後。即以一千名駐劄該處。密防所籌均屬周妥。然募勇不如團練得力。著即行遴派司道大員。前往相度地勢。擇要布置。以期有備無患。至福山城內。及煙臺等處地方。民人因該夷滋擾。多有遷移。足見該處百姓。深知大義。該撫惟當聽其自然。以期無拂輿情。不可強行禁止。致令該民人等。為

所擄脅。更可訶知內地虛實。昨據玉明奏。該夷輪船。駛入奉天之旅順口。羊頭窪等處。登岸搶掠食物。該二處鄉民。聚集二三千人。持械喊逐。該夷驚竄回船。駛出口外。不敢停留。可見該夷尚有畏懼百姓之心。文煜當於民間接濟食物。私相交易。嚴切禁止外。仍須將團練事宜。迅速舉行。使該夷知眾怒難犯。不敢肆行滋擾。即不必因兵不敷調。另請增勇也。將此由六百里密諭知之。○又諭。前因各路軍務未竣。諭令托明阿。於西安駐防兵內。挑選一千名。以備調遣。惟西安駐防餘丁尚多。若挑選訓練。足備緩急之用。著托明阿。保慶烏蘭都。認真選擇。勤加操演。所需口糧。並著與譚廷襄商籌間款。作為該餘丁。操演經費。該將軍等。務當隨時訓練。毋致有名無實。其挑選若干名。並著先行具奏。將此諭令知之。○又諭。有人奏。四川提督占奉。當賊在自貢兩井時。駐兵下游。並不出戰。屢次虛報勝

仗二月初八日。在馬路井大營。慶賀生辰。令將弁拜壽。收受禮物。賊竄五通橋。年華溪等處。該提督仍駐兵華縣。半月之久。遷延不進。致賊連陷眉州。青神。彭山。蒲江。邛州等處。三月十九日。賊竄名山。仍不追剿。以致名山又陷。且以克復冒功。並有毆打知縣劉棟威。需索供給。民人徐恆順等。在建昌道郭惠處。稟告有案等語。又有人奏。占泰怯懦無能。擁兵自衛。且忌功妒能。不許人打仗。并研縣知縣

劉棟威。因稟其逃避。該提督喝令隨從捶擊幾殆。所過州縣。惡其擾害。閉門不納。甚致開礮轟逐。總兵虎嵩林。亦有賊至。按兵不動之說。四川臬司蔣徵蒲。由捐納道員。坐升臬司。督辦軍務。怯懦無能。又四川近來辦事。大權全歸於成錦龍。茂道。賸貽孫。其人由佐雜捐升道員。無孔不鑽。無惡不作。通省以其貪而忘禍。或呼為撲燈蛾。曾望顏初到四川。聲望頗重。傳聞該道有餽送該督黃金三百兩之

事。後遂遇事扶制。肆無忌憚。該道又借軍餉為名。按畝徵錢。每日二文。十日一收。差役四出騷擾。大半皆飽該道私橐。候補令武姓。欲揭其劣蹟。該道餌以即補好缺。久而食言。武知縣厲聲相向。該道漸沮。無辭等語。事關吏治壞。軍務廢弛。虛實均應徹底根究。著崇實會同東統。確切查明。據實奏。毋得稍有

不實不盡。自干咎戾。將此由五百里諭令知之。○江蘇學政孫葆元。奏江陰等處情形。得旨。時事艱難。汝雖任學政。自應振刷精神。不可豫存退志。○以內閣學士清安。署工部左侍郎。○以正黃旗滿洲副都統察抗。阿。署右翼前鋒統領。兵部右侍郎載崇。正黃旗蒙古副都統富明。署正白旗蒙古副都統。總管內務府大臣明善。署正藍旗滿洲副都統。○調熱河。密雲官兵各五百名。察哈爾馬隊官兵一千名。赴直隸青縣駐劄。命護軍統領克興阿。統帶。○以山東蘭山勒匪出力。賞知縣沈

沅花翎五品軍功劉志和等藍翎協領富爾孫以副都統用○于安徽全椒陣亡驍騎校巴彥太勝德阿勒楚喀拉林把總李魁元外委許輔清黃心明韓金標祭葬世職披甲永連賞卹如例○壬戌諭內閣前諭江蘇等省辦理團練並令在京大小官員各就地方情形直抒所見並各舉所知候旨派往茲據大學士彭蘊章等酌擬辦理章程十條呈覽均屬可行自應一律辦理著派大理寺卿晏端書作為江北督辦團練大臣馳驛前往並著淮徐道吳棠幫辦團練事宜在籍內閣學士龐鍾璐著作為江南督辦團練大臣其幫辦之地方官著彭蘊章等於江蘇司道中訪察保奏候旨簡派晏端書等即按照所議條款體察情形妥為辦理○又諭前諭陝西等省在京大小官員各就地方情形各抒所見籌辦團練事宜並各舉所知候旨派往茲據戶部左侍郎梁瀚奏酌擬辦理章程九條呈覽

均屬可行陝西團練即派署巡撫譚廷襄督辦前任陝西陝安道坐補鞏秦階道陳晉恩著發往陝西與現任陝安道張守岱在籍候選知府馬百齡均幫辦團練事宜按照所擬條款並參酌河南等省章程體察情形妥為辦理○諭軍機大臣等據官文等奏湖北撥派兵勇已多趕往湖南增募勇丁並請另設水師專營等語與曾國藩所籌適相符合曾國藩現已抽調兵勇萬人由宿松進駐祁門俟鮑超張運蘭李元度到後即由徽甯蕪湖廣信分路進兵並擬設淮揚水師以保裏下河及各場竈並輔淮揚陸軍已令即日興辦鄂省官軍調出已多漢黃德三府空虛無備恐賊匪乘間內犯繞入腹地包襲安慶桐城英霍後路不可不防胡林翼已派員前往湖南增募勇丁著俟新募各軍到後妥為布置勿使逆匪得伺其隙新授江蘇巡撫薛煥現在上海並未前赴揚州江北統兵大員非李

若珠所能勝任。都興阿雖患痼疾。不能騎馬。然該將軍久歷戎行。曉暢兵機。正可藉資調度。不必衝鋒陷陣。親臨前敵。著該大臣等。仍遵前旨。調撥馬隊兵勇。並籌備餉項。派赴都興阿軍營。以便該將軍統帶啟程。前往江北督辦堵剿事宜。勿稍遲誤。將此由六百里諭令知之。○又諭瑞昌等奏廣德失陷。賊蹤剽疾。并欲添調黨援三四萬。以圖大逞。恐其席卷而東。則浙省面面受敵。將有應接不暇之

勢。著即咨催江長貴一軍。迅速前進。扼其內竄。并撥平江營一軍。進剿餘杭。為江長貴等後路策應。毋令再有疏失。嘉興賊匪出擾。屢被民團擊退。張玉良收集江南潰散兵勇。合諸省城內外防剿諸軍。及福建江西新撥各隊。不下六萬餘人。兵力不可謂不厚。現已前赴石門灣。白洋鎮之間。步步進剿。并調水師礮船。駛赴石門。以便水陸並進。張玉良素稱勇敢。前次救援杭州。厥功甚偉。故命署理欽

差大臣。總統諸軍。旋以蘇州失守。潰退革職留營。著即飭令迅速前進。立復各城。以贖前愆。儻所向有功。仍可重膺懋賞。毋再挫失。致干咎戾。張芾奏餉源告竭。道員孫觀赴浙乞餉未回。暫行代辦之道員福成。又藉病誣卸。請派大員經營糧臺等語。著王有齡迅速派大員前赴甯國辦理糧臺。以專責成。將此由六百里諭令知之。○又諭張芾奏廣德涇縣先後失守。徽防戒嚴。分兵堵截一摺。賊匪敗竄

回撲。涇縣又復失陷。徽甯之路隔絕。亟宜乘其喘息未定。迅圖克復。即飭道員蘇式敬等由績溪旌德迅速進攻。節節掃蕩。克復城池。以保浙皖門戶。據奏廣德之賊。盡數竄出。是否該州城已經收復。並著查明具奏。至皖餉缺乏。前據張芾奏請飭江西等省撥解。已令戶部速議具奏。旋據該部奏准於湖南湖北各撥銀十五萬兩。並令江西仍於每月解足三萬兩之外。再行籌撥數萬兩。迅解皖南。以

資接濟。著張芾先為安撫軍心。毋令譁潰。俟各處餉項解到。與周天受一軍酌量分用。以安眾志。將此由六百里各諭令知之。○又諭。本日薛煥奏。籲爾陰。噶囉。已到上海。即日北駛。並派員來津聽候差遣等語。薛煥署理欽差大臣後。即照會噶囉。味俄四酋。噶囉並不照覆。籲爾陰。噶囉。到滬。惟裝運軍大行李上船。並帶有竹梯車馬木刻假夷人等。數日內。即行北駛。經華商楊坊等。勸其與薛煥見面。該酋答以只知進京。不與外省官員相見。籲首即日起碇。噶囉尚須稍遲數日。味俄兩酋亦附和同行。該夷等聯為一氣。決意北駛。薛煥已無從勸阻。大沽設防嚴密。該夷諒不敢輕入。設或來至攔江沙外遊駛。或徑抵北塘。即著恆福揀派善於詞令之人。詢其來意。如該夷稱欲進京換約。不肯遽言用兵。或投遞文書。該督亦不必拒絕。可作為己意。告以上年味夷由北塘進京。互換和約。汝等此來。如

願照味夷辦理。不帶兵船。少帶從人。照會前來。亦可代為轉奏。大皇帝撫馭各國。一視同仁。允汝等進京。亦未可定。如該夷即言用武。該督一面迅速具奏。一面派委妥員。仍作為己意。詳細開導。總以去歲英法兩國先行起釁。咄咄。國並未幫助。大皇帝仍格外施恩。尚准其減輪船鈔。足見中國不為不寬大。今汝等必欲用武。不但與兩國兵民有損。且與通商貿易之處。更屬無益。以此為詞。或可稍有轉機。看其如何回覆。奏明請旨。固不可露先往說和之意。亦應因勢利導。不可失此機會。薛煥現派候補知府藍蔚雲帶同候選知縣黃仲金。及華商一二人。坐捕盜輪船。前來北塘。聽候差委。到時不必驚疑。即令上岸。交恆福差遣。至夷性詭譎。或藉換約為名。窺探虛實。或俄味兩國。先來從中說合。故作緩兵之計。令我猝不及防。遽肆猖獗。不可不嚴為防範。仍著僧格林沁等。倍加慎重。不可墮其奸計。雖僧

格林。責在防勦。然撫局亦當暗為幫同。恆福。妥為辦理。是為至要。原摺著鈔給閱看。將此由五百里密諭知之。○又諭本日據梁瀚奏。酌擬陝西團練事宜。並遵保辦理人員。開單呈覽一摺。已明降諭旨。派譚廷襄督辦矣。陝西居四塞之中。處處有險可扼。該撫務董率各員。按照各條認真辦理。另片奏陝西上年勸辦捐輸。專為本省防堵經費而設。各富戶皆努力輸將。計書捐銀數共八十餘萬兩。

呈繳到庫者。已有一半。現在辦理團練。若不勸此項。不惟已捐者交納未必踴躍。且恐以後勸捐。亦有妨礙。請於捐輸項內。酌提銀十分之二三。攤交各屬。另款存儲。以為置備器械。及隨時賞需之費。其不敷之數。仍隨時勸捐接濟等語。此項捐款。是否已經交清。著該撫查明具奏。至團練係為保衛鄉里。各省俱係民捐民辦。如有緩不濟急之處。准於前項內。酌量借動若干。仍俟集有成數。即行歸款。

前項若需借動。甘協各餉。仍不准藉詞延宕。並飭地方公正紳士支領。不得假手胥吏。以杜弊端。所擬章程。著鈔給閱看。將此諭令知之。○以江西南贛鎮總兵官饒廷選。為浙江提督。○以安徽廣德。涇州縣等城被賊竄陷。督辦皖南軍務張芾。下部議處。撤署浙江提督。已革總兵官朱興朝。任革遊擊楊名聲。職均留營效力。予陣亡總兵官李嘉萬。都司蔡湘。祭葬世職。○命翰林院編修沈錫慶等。聽

候江蘇督辦團練大臣晏端書。龐鍾璣。差委。○命陝西西安府知府沈壽嵩等。聽候署巡撫。譚廷襄。委辦各屬團練事宜。

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之三百二十

中興書局

一

七四〇

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之三百二十一

駐紮總兵官經日講起居注官太子太保上書房總辦傳文淵閣領侍衛內大臣翰林院掌院學士張家欽奏上恭摺件奏閱史館總纂官吳

大梁府管理共部事務加十三級紀錄十四次臣貴項掌本總奏臣煙鏡講官太子太保文淵閣領閣事武英殿總纂官兼習庶吉士體仁閣

大學寺管理戶部三庫事務管理刑部等格加二十三條紀錄十六次臣周祖培然竊官太子少保管理內繕書房事務對引大臣軍機大臣

鎮鎮萬洲都統戶部尚書管理三庫事務加四級隨帶加五級紀錄十二次

遼國史館編纂官正藍旗蒙古都統權部尚書管理大常寺光祿寺事務加二級軍功加四級隨帶加八級紀錄五次

救修

咸豐十年庚申六月癸亥朔諭內閣色克通

額等奏叅前任庫倫辦事大臣擅改祭山章程等語庫倫肯特依神山向係用湯退牛羊供獻前任庫倫辦事大臣貝子德勒克多爾濟到任後並不遵照定章沿照伊父倫布多爾濟在任時用活牛活羊供獻殊屬有違定制德勒克多爾濟著交理藩院議處嗣後恭祭神山仍著用湯退牛羊以符舊制○又諭禮部奏巴爾虎蒙古旗人請援例准考一摺盛京駐防巴爾虎蒙古旗人既准其考試武

童捐納職銜所有文童繙譯均著准其一體考試○諭軍機大臣等色克通額多爾濟那木凱奏審訊蒙古官恃符狡展挾讎捏告請派大員審辦一摺前據色克通額等奏參德勒克多爾濟暗用五品官達里蘇托體二人把持公事及報災演射折毀公所等事當諭該大臣等查明具奏並提托體逐款研訊茲據奏稱德勒克多爾濟演射皮條並非官員兵丁等情願屬下之人亦有苦累在任只行

圍一次年年報災有心廢弛訊向托體所折公所四十餘間輒稱歸公其實只八間變價歸公餘俱無案可查至圖謝圖汗報災文案引用車臣汗舊案之處托體恃符狡展堅不吐實反遞呈控告色克通額收受恰克圖八甲首金銀等物又收副盟長車林多爾濟等銀兩此案托體供詞狡展控告色克通額收受銀兩虛實均應徹底根究著派錫霖前往庫倫會同多爾濟那木凱將德勒克多爾濟

被參各款秉公詳查據實具奏並將托體把持公事各情逐加研訊勿令狡賴色克通額有無收受銀兩之事一併查明具奏不准稍有徇隱色克通額既被托體訐告著即迴避勿庸會同查辦原摺及托體原呈著鈔給錫霖閱看將此各諭令知之○又諭本日據福濟奏擬撤極邊冗防酌撥近口要卡一摺據稱西甯邊外蒙古察漢托洛亥地方於道光三年添設營堡派將弁二十五員兵一千名

照新疆換防例由甘涼甯肅河州西甯各標下調兵防守於所調兵內撥二百名分守阿什罕水邊卡其奉調官兵於例給俸餉之外每名日給口食歲需銀一萬八千七百餘兩加以每次換防行裝腳價費尤不貲道光二十三年復於察漢托洛亥之西南添築將軍臺會亭子二戍城又增防兵二百名咸豐七年經樂斌奏明將防所撥交鎮海協副將統轄守汛之兵四百名撤歸本營募增土兵以

省換防鹽糧。察漢托洛亥當處。尚留兵八百名。即連年協餉不繼。減成緩發。每歲猶需銀九千餘兩。無險可守。徒費口糧。請全行裁撤。等語。蒙古察漢托洛亥地方。當時添設防兵。原為蒙古孱弱。番旗搶劫而設。今番旗投誠。蒙古頓釋風嫌。讓給海南戈壁一帶牧所。業已相安無事。此項防兵。日久廢弛。難期得力。當此甘餉支絀之時。豈能格外虛糜。著樂斌於回任後。會同福濟。妥籌酌議。如該處設防

無益。即奏明全行裁撤。並飭委西甯道督帶明幹員弁。分勘沿邊要隘。量撥西甯本營官兵。就近分守。勿庸另支鹽菜銀兩。以歸撙節。將此諭令知之。○又諭。駱秉章奏。遣官致祭。銜名不符。請另繕頒發一摺。前因富森署理荊州將軍印務。所有致祭南嶽等處。改派文格前往。茲據奏稱。原頒祭文。與該司銜名不符。不足以昭誠敬等語。著駱秉章。即將部頒祭文。改繕藩司文格銜名。飭令該司迅速前

往。敬謹致祭。若復由部改繕。往返遷延。殊非致敬之道。該撫即遵照辦理。毋稍拘泥。將此由五百里諭令知之。○以閩浙督標中軍副將陳金鼐。為江西南贛鎮總兵官。○以豫境疊次勦賊出力。賞遊擊羅仲保。巴圖魯名號。防禦倭恆額。驍騎校慶祥。花翎。知縣李玉宣等。藍翎。餘復官升敘有差。○以河南勦匪及轉運軍火出力。賞道員陳世勳。知縣朱光宇。已革河北鎮總兵官崇安。花翎。○甲子。諭內

閣多慧。穆輅。雷以誠。呈進萬壽賀摺。俱用頌揚詞句。與例不符。均著交部議處。○諭軍機大臣等。前因廣西軍餉支絀。當諭湖南省接濟。並疊經諭令四川。山西。陝西等省。速撥協餉。以濟軍需。本日據劉長佑奏。艇匪聚眾。江面不靖。潯州未克。則慶太。思南等六府數十州縣。與省城聲氣頓隔。土匪蠭起。千百為羣。欲思勦賊。必議增兵。而餉項日絀。斷非本省力量所能撥羅。各軍積欠已多。需款甚鉅。即

鄰省稍為籌措亦無濟要需等語廣西地瘠民貧兵艱餉竭自屬實在情形現擬進躡石逆並分勦賀縣等處股匪以保全局需用更繁駱秉章前奏先將劉長佑所部楚勇口糧發至九年十月底止欠解之七萬餘兩陸續找清以後每月勻撥二萬兩著駱秉章仍按月源源撥解以利軍行至山西陝西兩省前諭令於協解湖北月餉內劃解銀各十萬兩並諭曾望顏將四川省欠解銀十二萬五千

兩迅籌陸續解往迄今未據報解著曾望顏英桂譚廷襄趕緊奏集撥解毋再推延將此由六百里各諭令知之○又諭有人奏東省員弁投團冒功監司大員誣勇為匪請飭查辦一摺據稱已革道員黃良楷所帶各勇多不安分節經奉旨查辦惟其中有所謂趙康侯團勇百名係把總趙堯所帶並未滋事因蒙陰縣役需索不遂捏報該勇搶掠以致無辜被害署蒙陰縣知縣區士熊泰安營參將

受興阿反以擒斬幅匪多名通稟其百長郭兆範所帶團勇四十名路過沂州係被該處兵勇疑賊縛送兗沂曹濟道王觀澄前往查辦授意承審委員復將該勇等嚴刑逼認為匪科以重罪如果屬實實屬殘忍酷虐且據奏稱蒙沂兩案該員等有捏造百姓控詞通詳存案為據等情尤為巧詐現當舉辦團練之際尤當懲勸確實以資整頓若如所奏各情殺團冒功藐法殃民甚且明知舛錯迴護

前非實出情理之外著杜翻於到東後即將摺內各情認真秉公查訊務期水落石出以雪羣冤而固眾志毋得稍有徇隱原摺片著鈔給閱看將此諭令知之○又諭僧格林沁恆福奏北塘祁口續到夷船接收俄夷信函並請派譚廷襄等來津籌辦各摺片僧格林沁等派員接收俄夷信函業將咪夷信件令其撤回惟明常既經出口因又有咪船駛至北塘復行進口情殊叵測夷人在海口一帶

廟內住宿和約內並未載有此條著僧格林沁等派員曉諭該酋令其迅速下船出口不可任其久踞致墮術中祁口往來之船在高沙嶺驢駒河等處丈量水勢又有粵人登岸詢問赴津路徑其為喫拂無疑該大臣等尤當督飭南岸馬隊官兵輪流至祁口一路巡防如該夷有欲剽營情事亦須派人向其開導斷不可如煙臺金州等處任其登岸占踞致令得步進步總須以理相拒不可釁自我

開並曉諭居民不得與之接濟以杜該夷窺伺至駐劄青縣官兵即照所請派副將牛浩然管帶俟此項官兵到防歸克興阿統帶此次夷船北駛關繫大局必須戰撫兼籌方為妥善僧格林沁布置周密於決戰雖有把握然亦必須暗中籌畫撫局恆福身任地方此時戰撫之機間不容髮防勦事宜僧格林沁業經辦理周妥惟撫局屢降諭旨令恆福專辦責無旁貸豈可稍存成見有意推諉著仍

遵前旨遇有夷船前來即揀派妥員詢問來意相機妥辦所請派譚廷襄等來津之處著毋庸議奏片內已詳細批示諒該大臣等必能領會也俄夷信件尚未據禮部送到俟送到時再行相機辦理將此由五百里密諭知之○欽差大臣僧格林沁等奏請於譚廷襄崇綸二員內派一員來津議撫得旨僧格林沁素顧大局深得兵心於決戰之時固無罅隙之漏而於撫局亦必能代為擘畫至恆福

以封疆大吏兼理防務於議戰議撫胥關天下蒼生豈可稍存成見若必欲仍復舊觀必以丁歲冬粵城未失以前論試問能乎否乎○以四川酉陽防勦出力予道員王廷楨等加銜升擢有差○以四川榮經縣城被賊竄陷旋即收復革知縣顏汝霖職免其查辦○以四川天全州城被賊竄陷革知州常慶職戴罪效力署總督曾望顏下部議處○乙丑諭內閣王有齡奏請將藉辦軍需擅留各款

之道府撤任查辦一摺。浙江溫處道俞樹風前任溫州府知府王景澄於應歸軍需專案報銷之款。輒率藉墊借各項將茶捐關稅擅行坐扣截留。並於勸捐款項既未請獎亦未具報所收茶捐又復濫支薪水顯有浮冒侵蝕情事。俞樹風王景澄均著革職拏問。交王有齡審訊。將該員等經手各項徹底查明。從嚴懲辦。以肅法紀。○諭軍機大臣等瑞昌王有齡奏浙江軍餉罄盡一摺。浙省現在防剿

喫緊。必須各省協濟軍餉。自係實在情形。本日已由六百里寄諭湖北湖南福建廣東四川江西各督撫按數撥解矣。張玉良收集潰勇二萬四千餘人。此輩多有眷屬。無心戰鬪。斷難得力。若仍用之。必至騷擾地方。此時給與口糧。不過暫時籠絡。仍當設法徐為遣散。以節糜費。現在賊勢蔓延。兵力不敷。堵剿全在激勵團練。保衛身家。不但可以協助官兵。兼可節省軍餉。據奏嘉興之賊時出擄掠多

為民團所敗。可見百姓敵愾同仇。深明大義。著瑞昌王有齡飭屬認真舉行團練。如湖州紳士趙景賢等即可派辦。毋得視為具文。張玉良現劉石門灣步步進剿。馬得昭為後路策應。趙景賢會同劉仁福由平望兜剿。著即督飭各員分路攻擊。克復嘉興。進攻蘇郡。毋稍延緩。將此由六百里加緊諭令知之。○又諭據瑞昌王有齡奏浙江軍餉業已罄盡。原有兵勇與招集江南潰軍共有五六萬之眾

現在進攻嘉興。援剿廣德。均係大隊口糧不容稍缺。請飭催各省協餉等語。浙江甫遭蹂躪。元氣未復。而兵勇雲集。士卒饑疲。口糧無出。自係實在情形。著慶瑞瑞璜仍遵前旨。籌撥銀數萬兩。迅解浙江。並著勞崇光著齡飭粵海關監督毓清遵照部撥。在於粵海關稅項下除應解內務府銀兩外。下餘銀內先撥銀十萬兩解浙。官文胡林翼駱秉章曾望顏毓科仍各按照前次部撥協款數目。迅速籌

撥解赴浙江。俟曾國藩一軍到浙，以資協濟。毋稍延誤。本日又據劉源灝奏，粵匪竄擾黔境。本地苗教各匪復事鴟張，餉竭師疲，力難兼顧。請飭催撥餉等語。四川省欠解黔餉甚多，著曾望顏無論何款，迅即籌撥銀二十萬兩，就近解黔，以濟急需。將此由六百里各諭令知之。○又諭劉源灝奏粵匪竄擾黔境，內賊復肆鴟張，滬陳危急情形一摺。粵匪擁眾萬餘，由興義、貞豐歸化，竄陷廣順、永甯兩州。

城，窺伺定番。貴州省城附近苗教各匪乘間而起。雖經趙德昌等帶隊馳往擊退，而清水江以內數百里，賊蹤幾徧。廣順甫經收復，其永甯竄踞粵匪，勢正披猖。定番距省僅百餘里，省城四面受敵，情形實為危急。著田興恕即督大隊由石阡取道遵義，徑抵省門，以顧根本。並將粵黔等匪與劉源灝斟酌緩急，力圖勦辦，以除醜類。而靖地方。毋稍延誤。將此由六百里諭令知之。○欽差大臣袁甲三奏

勦滅薛成良股匪請獎，得旨：前已有旨，令李若珠查明酌保。著咨商該提督，如尚有未保者，准由汝處酌保數人。○浙江巡撫王有齡奏請將擅提茶捐之溫處道俞樹風等撤任，得旨：此等利令智昏之劣員，即迅抵於法。罪有應得。然絲毫胥關帑項，必須徹底查明。○戶部議准前浙江巡撫胡興仁疏報仁和場竄蕩五百二十四畝有奇，照例升科，從之。○命浙江布政使沈兆澐來京，以福建按察使

莊受祺為浙江布政使，江西吉南贛甯道林福祥為福建按察使，調浙江按察使湯雲松為江蘇按察使，江蘇按察使甯曾綸為浙江按察使。○命二品銜江蘇淮揚道朱善張等聽候江北團練大臣晏端書差委。刑部主事李汝鈞隨辦文案。○命降補總兵官鄭魁士往安徽袁甲三軍營效力。○以克復安徽全椒縣城暨滁州解圍出力，賞副將向聰得守備袁興旺、巴圖魯名號。都司姚紹修、伍德勝

支萬蘭守備周長福倪文濱等花翎知縣李德潢等藍翎餘加銜升敘有差○以貴州廣順州城被賊竄陷隨同收復署知縣史悠漢革職留營戴罪自效予陣亡守備戴雨先梁獻廷千總阮登雲把總張禧祚祭葬世職監生譚功遠賞卹加等○丙寅諭軍機大臣等本日據薛煥奏青浦松江相繼失守並嚴扼要隘迅圖克復一摺覽奏曷勝憤懣青浦松江於五月十二十三等日連行失陷該城文

武竟不能為一日之守且松江郡城設有提標五營額兵二三千名並有何桂清添派督標兵一百六十餘名儘足防勦乃賊匪竄至時僅有華亭婁縣募勇在西門接仗一次而五營員弁兵勇無一人出戰任令賊匪長驅入城實堪痛恨該處營務自張國樑在金陵督師後俱係參將游桂林主持是否聞警先逃著即迅速查明嚴行叅辦以伸軍律現在東西浹及得勝港等處水師雖經獲勝而逆

匪仍踞城未退著薛煥即督帶添募兵勇聯絡鄉團迅圖克復毋令再行蔓延至江蘇兵勇銳氣盡失潰逃相繼難期振作惟有鼓勵民團可輔兵力之不足現已降旨令前任內閣學士龐鍾璐為督辦江南團練大臣晏端書為督辦江北團練大臣著該撫就近與龐鍾璐迅速籌商務令被賊郡縣一律舉行實力堵勦毋得有名無實至該撫召募呂宋夷兵助勦本有流弊既經嘆首嗜嚙嘶喚回正

可乘此機會聽其撤歸不必再行強留張國樑所遺江南提督員缺未便久懸著該撫即於江蘇帶兵各員中擇其得力堪以勝任者酌保一人候朕簡放並已諭知瑞昌王有齡恐蘇省無可保之員即在浙省帶兵各鎮內酌量保奏矣至漕糧為天庾正供關係緊要蘇省未失地方產米之區尚多仍著該撫設法豫為籌畫於明歲春間由海運津以備京倉支放是為至要將此由六百里加緊諭令

知之○又諭前因嘉興廣德相繼失陷諭令瑞昌等飭令張玉良統帶水陸兵勇步步進剿以期迅復嘉興郡城本日復據薛煥奏青浦松江連日失守賊氛甚熾各等語江蘇松江地方與浙江省嘉興壤地相接現在郡城雖被竄陷而嘉興各屬尚無賊蹤若賊由松江等處竄擾旁縣則蹂躪之區愈多攻勦更屬不易浙省兵勇及各路援兵統計不下六萬名民間團勇又能奮勇殺賊著瑞昌王有齡

即飭張玉良迅速由石門進剿以圖克復嘉興保全浙境即可進援蘇省並著激勵民團同心殺賊以助兵威現在浙江帶兵各員除饒廷選已放浙江提督外有無得力大員堪膺江南提督之任者著瑞昌王有齡一併察看保奏候朕簡放再嘉興現雖失守而浙省產米之區尚屬不少明年漕糧正賦仍當籌辦以實京倉著王有齡豫為籌畫屆時由海運津毋誤天庾正供將此由六百里加緊諭

令知之○又諭文煜奏續到夷船情形各摺片據稱煙臺海口續有夷船駛到夷人廣東人約共一萬四五百人馬一千一百匹贏七八十頭大車四十餘輛獨輪小車一百餘輛木桶木箱藤袋等多件委員問以現居煙臺何事答以避暑七月後即赴天津該夷復探聽煙臺至利津及利津至天津水陸程途遠近並於山南平地試演礮車兼聞煙臺鋪戶傳說該夷於六月初旬即要起身並該夷

大將軍即日坐船西行已分咨僧格林沁等嚴防等語夷人前有由海豐大山水陸赴津之說近復探問利津至天津程途其為欲圖水陸竄津顯而易見前諭僧格林沁等派撥官兵前往鹽山等處擇要駐剿以資扼截諒已遵照辦理其馬隊礮車應如何設法堵禦以免臨時費手並著豫為籌畫再本日據薛煥奏籲囑噙噶囉於五月十七十九日先後由滬起碇並探得該酋等有會齊兵船於六

月初旬。偕抵大沽海口。察看中國如何舉動。始決戰和之說。務於天津內河。節節多豎旗幟。帳房夜間虛點燈火。添設疑兵。夷人多疑。自然不敢輕犯等語。行軍虛實之法。本無一定。該撫所稱多設疑兵。是否可行。著僧格林沁等斟酌辦理。至所稱既有看中國舉動。始決戰和之說。是該夷未敢專意主戰。恆福仍遵前旨。向其開導。如有可乘之機。妥為辦理。不可坐失機會。再本日接到俄夷來文。內有

願從中說合之語。已由軍機處給與照覆。交禮部轉遞。恆福查收。所有該夷來文。與軍機處照覆。及文煜摺片。俱著鈔給僧格林沁。恆福閱看。將此由五百里密諭知之。○又諭本日據文煜奏。夷人續到人船車輛情形。擬添勇嚴密設防各摺片。該夷在煙臺地方。陸續駛到人船。搬起車輛。為數日增。且造船搭橋。演試礮車。既有問利津抵天津。路程遠近之說。並據鋪戶傳言。該夷云此間不能久住。即

欲起身。其大將軍坐船。即日西行。種種詭譎情形。實屬心存叵測。文煜現已行抵青州。擬晤商恩夔。相度扼劄。並擬於利津地方。添募勇丁一千名。擇要設伏。即著照所議辦理。惟海豐利津等處。路通天津。夷氛如此猖獗。而兵力較單。不敷分布。亟須嚴飭各屬。實力舉行團練。使夷人知眾怒難犯。稍知斂戢。以資堵禦。杜翻未到之先。該撫即須辦有眉目。不可俟其到省以後。始行辦理。委員董步雲等

業已折回煙臺。該撫仍當飭令實力向夷人開導。以弭兵端。其民間接濟食物。私相交易各節。仍著嚴切禁止。所有西行之船。究竟駛往何處。並著勤加偵探。毋稍大意。將此由五百里諭令知之。○以江蘇松江青浦府縣等城被賊竄陷。巡撫薛煥下部議處。○丁卯諭內閣。前諭浙江等省辦理團練。並令在京大小官員。各就地方情形。直抒所見。並各舉所知。候旨派往。茲據尚書許乃普等。公保督辦

幫辦各員請旨簡派以專責成自應一律辦理著派前任漕運總督邵燦作為浙江督辦團練大臣並著浙江差委道員史致謬幫辦團練事宜即按照河南等省所議章程體察情形妥為辦理○諭軍諭大臣等勞崇光奏探聞喫苗嘯嘯等由香港上海即赴天津並購得新聞紙知喫咕喇國王之意主和惟適值江蘇軍務決裂難保該苗不故作刁難等語夷人於山東奉天等海口業已肆行占踞近復有人船陸續駛至北塘海口若聽其任意登岸則廣聚既眾必至滋蔓難圖不可收拾惟昨因俄酋來文內有願為喫啡說合之語業將原文鈔給僧格林沁等閱看並諭令乘機妥辦本日據勞崇光奏報各情亦與昨日薛煥所稱該夷欲於到大沽後察看中國舉動再決戰和之語暗合是該夷等志在求和之說尚非無因著僧格林沁恆福酌量情形如夷人日內續有船隻到津恐意上岸

圖占民房或支搭帳房居住必須派人先行前往善為開導此處斷難任所欲為致將來追悔無及不可令其踵山東故智若喫啡兩夷到後或遣員進口投遞文書則是意圖求撫自可藉弭兵端即著恆福遵照前旨設法辦理不可坐失機宜惟夷情叵測亦恐借議和為名乘我不防暗施詭計僧格林沁仍當整飭防務不可稍涉大意即或該夷船隻進口雖多如不開礮及不毀我防具亦須看其動靜斷不可釁自我開其間操縱務當悉心策畫不得以夷情願撫懈我士氣亦不得先啟釁端致該夷有所藉口勞崇光原奏著鈔給閱看將此由五百里密諭知之○又諭本日據玉明奏續陳金州夷務情形並籌酌設防各等語金州夷情猖獗船既百數十隻人亦不下數萬登岸夷人詭稱避暑暫駐至今月餘毫無動作難保不別尋釁端水陸並進現自金州至省城兵力空虛並各海口在在

均可登陸防不勝防。亟應舉辦民團以資堵禦。著景霖星速前往蓋州駐劄。勸諭各州縣村莊實力舉行。再闢外旗堡甚多。亦當一體團練。即由王明會同該府尹認真督辦。務須旗民聯為一氣。方為妥善。如遇夷人登陸深入。即須齊心抵禦。奸細廣匪亦須查拏淨盡。清內奸而禦外侮。務令一律足恃。不可徒託空言。其設溝營鋪團二千餘勇。即著該府尹就近彈壓。前備調之官兵一千五百名。並著

王明全數調出。在遼陽蓋州適中之地擇要駐劄。與民團相輔而行。以資聯絡。至吉林黑龍江馬隊現已無可調撥。該將軍等惟當力行團練。並以現有之兵力不動聲色。熟籌堵禦。不必紛紛奏請增兵募勇。轉涉張皇也。將此由五百里密諭知之。○又諭勞崇光奏請估變師船備抵借款一摺。此項師船據稱接該撫咨。仍由粵省派員雇募水兵。俟山東委員到粵。即會同管駕回東。而現在粵省受雇

水兵率多無業。蠶民遠涉重洋。每虞滋事。且師船六號均屬損漏不堪。難於修葺。空糜鉅費。而無益護漕。自應准其變通辦理。所有山東省護漕船隻。或另行製造。或雇用民船。著文煜就地方情形妥為籌辦。並著就地配用水兵。以歸簡易。而昭覈實。將此由五百里諭令知之。○又諭曾望顏奏石逆疊擾黔省。逼近川疆一摺。粵逆石達開由紅水江竄入黔省。分股攻陷永甯廣順等州。勢甚猖獗。川東

一帶與黔省地方在在毗連。若由黔入川。更恐滋蔓難圖。前調蕭啟江一軍赴川。本為防勦石逆而設。嗣蕭啟江抵川病故。楚軍統領乏人。曾諭令官文等於湖南北兩省中揀派得力大員前往管帶。此時如已揀派有人。著即飭令迅赴川省。以資攻勦。左宗棠現在襄辦曾國藩軍務。前有旨令官文等妥速籌商。該員是否能獨當一面。令其赴川督辦軍務。昨據曾國藩奏該員在楚南募勇。隨同勦賊。

亦恐不能即往蜀中。此時川省軍務毫無起色。滇匪既未能除。石逆又將竄擾。該省據兩湖上游。設或糜爛。楚省亦有西顧之憂。曾望顏本不得力。曹澍鍾業已撤回。此時並無熟悉軍務之員。在彼督辦。深為可慮。左宗棠前在湖南襄辦軍務。尚為石逆所畏。若令督辦川省軍務。能否勝任。仍著官文等迅速具奏。再降諭旨。將此由六百里各諭令知之。○又諭前因粵匪竄陷廣順。永甯窺伺定番。貴州

省城附近苗教各匪。乘間蜂起。省垣危急。當降旨諭令田興恕。即督大隊由石阡取道遵義。徑抵省城。力圖勦辦。茲據曾望顏奏。粵匪石達開分陷永甯廣順等處。並有大股已破郎岱之說。黔省畢節縣與川省敘永廳毗連。如該逆由遵義竄擾。則必由南川縣入川。儻由仁懷假道。則綦江江津合江等處皆屬可虞。請飭田興恕帶兵由酉秀一路直入川境。再分兵一由綦江趨遵義。一由敘永趨大定。

如兵力未敷。即於川南川東招募團勇。歸其統帶。餉需亦由川省籌撥。各等語。石逆垂涎川省已久。黔省素稱瘠苦。該逆未必竟思久踞。恐其聲東擊西。假道黔疆。以遂入川之計。四川滇匪尚未勦除。所有該省兵勇均赴天全井研兩處勦辦。未暇分顧川南邊防。若令石逆乘間闖入。必致滋蔓難圖。著劉源灝田興恕酌量緩急。通盤籌畫。如黔省情形稍鬆。探明果係石逆大股入川。即帶兵迅赴酉秀。

由綦江敘永分投迎勦。既可以保川省藩籬。亦可以樹黔省聲威。毋致顧此失彼。將此由六百里諭令知之。○盛京將軍玉明奏。金州夷船出入無定。並拏獲奸細。得旨。拏獲奸細除應訊明分別辦理者。自應解省研鞫。以重人命。若直供不諱。受夷指使偵探虛實者。即就地駢誅。○兩廣總督勞崇光奏。越南例貢應否展緩。得旨。已有旨。令使臣於明年六月上旬抵京。如仍有梗阻。再由汝會同該撫具

奏○命江蘇按察使湯雲松幫同在籍內閣學士龐鍾璐辦理江南團練事宜○命浙江在籍給事中朱昌頤等聽候團練大臣邵燦差委○補鑄河南睢州州判關防從巡撫慶廉請也○以廣東清遠勦匪出力賞都司鍾南俊羅才友守備胡保南花翎餘升敘有差○予四川陣亡布經歷汪應濤等祭葬加等世職如例○戊辰諭內閣本年朕三旬慶辰業經覃敷闡澤並將在京大員老親加恩優

賚茲據吏兵等部查明外任大員老親有年逾八十者祿養承恩康疆逢吉洵為盛世嘉祥允宜普加賞賚用示朕錫福推恩至意○諭軍機大臣等本日據王夢齡奏清淮餉源告竭釐捐幾無可抽勸捐亦無把握擬於江北各屬及兩湖江西東豫五省有漕各州縣按照缺分大小或四五百兩或二三百兩量力捐輸並措捐庫平銀一千兩以資倡率請飭湖北等省各督撫一體飭屬照辦各等語

清淮地方關繫南北咽喉必得士飽馬騰方足以壯聲威近因賊氛逼近釐捐各項諸形短絀不得不廣為勸捐以救目前之急湖北湖南江西山東河南各州縣或甫離賊氛或地方多事原不能責其一律捐輸惟軍興以來紳商富戶屢次輸將以佐軍儲况各州縣受國家養養之恩目覩時艱急公好義之員諒不乏人著官文胡林翼駱秉章毓科文煜慶廉責令各該糧道實力勸諭飭令有漕各

州縣按照缺分大小量力捐輸集有成數即解交王夢齡糧臺以濟軍餉將此由五百里各諭令知之○又諭前因何桂清奏派令查文經赴高寶等處辦防續據喬松年奏查文經業已渡江迭經諭知薛煥以查文經係專辦江南糧臺之員即行迅速追回令其清理經手事務另揀妥員於江甘一帶擇地安設江南糧臺餉項由上海源源接濟勿令諸軍飢潰本日據查文經奏蘇松太道於應解餉

需以本境設防及供應喫睇兩國防兵為詞絲毫不解迭經催提仍屬罔應並請將寄存浙江甯波銀十萬兩由海道解往應用各等語江南糧臺應放水師等餉項薛煥於接奉前旨後諒已於江甘等屬另設糧臺派委賢員辦理各軍需餉急迫即著該撫於上海籌畫款項陸續解往毋任潰乏致有貽誤查文經尚在高郵著薛煥遵照前旨即行追回令其將經手收支各款交代清楚如查有浮冒

等弊即著從嚴叅辦至夷人防兵自應由夷首發給口糧斷無中國支應之理何以該署道員吳煦於查文經催餉時輒以此言答覆是否實有其事並著薛煥查明具奏毋稍迴護其蘇省寄存甯波銀十萬兩據王有齡奏此項與前存藩庫銀二十萬兩業已動用查文經所請提解糧臺之處著毋庸議將此由六百里諭令知之○又諭本日據王夢齡奏淮揚餉竭請借撥各省銀兩並倡捐勸捐各

摺片業經諭令山東山西河南等省各籌撥銀四五萬兩迅速解往並諭令湖北等省責成各該糧道實力勸諭捐輸以資接濟江北地方係王夢齡所轄亦宜按照有漕各州縣缺分大小量力捐輸該署漕督既捐銀一千兩為之倡率即著認真勸諭俟收有成數即解交糧臺以濟要需其山東等省借撥之款亦經諭知各該省俟解到以後所借之款即在江海關及兩淮欠餉內劃抵歸補至江北

現已簡放晏瑞書為督辦團練大臣淮徐道吳棠幫辦團練將來團勇所需口糧等項即可民捐民辦毋庸糧臺兼籌矣將此由五百里諭令知之○以錫福推恩

御書扁額賞漕運總督袁甲三母郭氏白懿渠頤齡葉爾羌參贊大臣英蘊母瓜爾佳氏曰壽寓延禧伯都訥副都統富隆額母扎克達氏曰燕喜承祥署湖南提督周天受父文喜曰義方篤慶貴州安義鎮總兵官顏朝斌繼

母余氏曰壽永金萱貴州古州鎮總兵官巴揚阿母那拉氏曰芝綸錫祐並各賜文綺有差○予貴州普安等處陣亡殉難知縣劉代英都司李春華守備唐定國州同翁燮臣縣丞楊詠春府經歷袁如璵州吏目周詠龔千總陳占魁把總饒致和等九十四員名口祭葬世職並旌卹如例○己巳

上以三旬萬壽節御同樂園賜王大臣蒙古王貝勒貝子公等食○諭內閣海瑛奏請將玩

視國務之知縣典史革職一摺貴州代理甕安縣事府經歷嚴廷承於甕安縣失守時奉委在珠場地方辦理團務該員並不實力齊團扼要防守致珠場復為賊踞並敢藉詞回省實屬畏葸無能署甕安縣典史候補同知照磨趙廷燦同在珠場辦團未能協力堵禦咎亦難辭嚴廷承趙廷燦均著革職以為玩視團務者戒○又諭劉長佑奏官軍攻復慶遠府城一摺逆匪石達開竄踞廣西慶遠府

城經劉長佑督飭文武員弁先將分竄思恩河池等處股匪痛加勦洗剪除淨盡該逆震恐自相殘殺知府榮林即率勇練由西路前進署宜山縣知縣況逢春等各帶團練由北路前進四月十八日榮林勦賊獨山塘擊斃二千餘名況逢春等沿途轉戰亦斃賊一千餘名十九日會師臨城該逆開門由南路逃逸官軍追逐數十里殲擒賊匪多名當將郡城克復著劉長佑乘此聲威飭令榮林等跟

蹤追勦迅埽賊氛毋留餘孽所有在事出力文武員弁團練人等並著查明保奏候朕施恩○諭軍機大臣等昨因曾望顏奏石逆欲由貴州犯蜀請飭署貴州提督田興恕由酉秀赴綦江敘永分投進剿當因貴州省垣危急劉源灝請令田興恕赴省救援恐一時未能分身諭令察看情形稍鬆田興恕再行前往惟石逆大股分陷永甯廣順等處據曾望顏言之鑿鑿而該撫則稱該逆由慶遠竄赴

賓州未定所向。自係探報較遲。或該逆前隊已擾及永甯等處。而該逆尚留賓州。均未可定。四川地方殷富。逆匪垂涎已久。但能於粵省多除一匪。即於黔蜀均屬有益。著劉長佑督飭將士。乘此聲威較振之時。迅速圍剿。勿令竄入川省。其已竄黔界之匪。並飭該將士等實力追剿。與黔省官軍夾擊為要。另片奏賀縣獲勝情形。其出力之道員蔣益澧。已降旨賞加鹽運使銜。該撫仍當飭令認真督剿。

毋得再蹈前轍。再前據劉長佑奏。越南請示貢期。當諭令於來年六月以前到京。昨復據勞崇光奏報。諭令於明年六月上旬抵京。如有梗阻。再由該督會同該撫具奏。現在粵省軍務未平。著劉長佑於今年冬間。察看情形。儻彼時道路尚有梗阻。即據實具奏候旨。將此由六百里諭令知之。○以正黃旗蒙古副都統文俊署正紅旗護軍統領。○以廣西平樂等處勦賊出力。賞道員蔣益澧鹽運使銜。

○以貴州龍里縣辦團不力。革知縣何維炳職。○庚午。

上御同樂園。賜王大臣蒙古王貝勒貝子公及外藩使臣等食。○諭軍機大臣等。慶瑞奏浙省軍情萬緊。即日統兵馳援。並請飭催各路援師會剿一摺。逆匪竄陷嘉興。杭城危急。瑞昌王有齡業經派張玉良督兵進剿。並節次諭令瑞昌總統江南諸軍。由浙進攻蘇常。兵力尚敷。勦辦慶瑞請帶兵前往會剿。自係不分畛域。但福建毗連浙省。必須嚴防門戶。以免該逆乘虛竄越。著慶瑞即帶兵勇馳赴閩浙交界處所。扼要駐劄。與浙省遙為聲援。毋庸赴浙轉致本省空虛。現在曾國藩統兵由祁門前進。湖北派兵已多。實難再調。官文等現已派員赴湖南募勇。江西亦經添派官兵援應。均無須另行徵調。所有福建派援之金廈泉州兵勇。著該督即飛催前進。毋稍延誤。將此由六百里諭令知之。○以故瑞敏郡王

奕誌子戴漪降襲貝勒○命浙江在籍都察院左副都御史王履謙幫辦本省團練並督辦勸捐事宜○以帶兵耽延革廣東南雄協都司劉仁福色圖魯名號總兵銜○朝鮮國使臣任百經等三人於同樂園瞻觀○辛未萬壽節遣官祭

太廟後殿○遣官祭

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵

昌西陵

慕陵

慕東陵○遣官祭

孝德皇后殯宮○遣官祭

顯佑宮

東嶽廟

城隍廟○

上詣

安佑宮行禮○御正大光明殿受王大臣蒙古

王貝勒貝子公文武大小官員及外藩使臣

等行慶賀禮○御同樂園賜王大臣蒙古王

貝勒貝子公及外藩使臣等食○諭軍機大

臣等前因葉爾羌查抄回產司員有漁斂索

贓等情當諭英蘊督同扎拉芬泰派審之員

提訊茲據英蘊奏伊犁派來之已革三品阿

奇木伯克愛瑪特親赴回莊所帶跟役回子

至七十餘名之多聲勢過大回子懼怕全行

逃散請將愛瑪特撤回另行派員查辦等語

已革三品阿奇木伯克愛瑪特前在葉爾羌

喀什噶爾阿奇木任內均以有失回心兩次革退。此次經扎拉芬奏派往清查回莊抄產該莊回眾一聞其至即紛紛逃避是其積怨已深且愛瑪特所帶人役太多以致回眾驚擾實屬不知檢束。愛瑪特著即行撤回所有清查回莊抄產一案據英蘊奏已調喀什噶爾伊什罕伯克蘇皮蓋隨同伊犁派委之協領烏爾西春同赴各莊認真清查如該二員仍不能服回眾即著扎拉芬添派委員前往查辦一面安撫回眾毋令驚擾將此諭令知之。○壬申

上御同樂園賜王大臣蒙古王貝勒貝子公等食。○諭內閣慶昫奏帶隊官員來營遲延請摘去頂帶等語察哈爾正黃旗驍騎校布彥達賴前經慶昫調令帶隊至今尚未到營殊屬任意耽延著摘去頂帶仍令帶隊當差以觀後效其漏未查催之營總濟布尊扎普布彥德勒格爾及帶兵總管那瑪善並漏未飭

實錄卷三十二

三

實錄卷三十二

三

令赴營之該旗署總管精莫特署參領拉什達爾濟署副參領巴勒棍扎普佐領貢噶章桑均著交部分別議處。○諭軍機大臣等前據薛煥奏噶爾噶噶囉即日北駛並派員駕坐捕盜輪船來津聽候差遣當諭令恆福派善於詞令之人俟該夷酋到時詢其來意因勢利導並諭僧格林沁暗幫恆福辦理撫局茲據薛煥奏稱捕盜輪船水手等全被噶囉嘶喚去現飭藍蔚雯等改由陸路行走星夜北上並稱上年天津開仗係由噶酋與喇酋嘶噶嘶隆擅自主戰並非該國主本意是以另派噶酋噶酋前來辦理其意原重在和而不重在戰惟噶酋恐一經議和則益著其上年擅戰之失是以堅稱國主主戰豫為布置噶噶兩酋既至以後阻使不令見薛煥一面使無從說合無非一片私心等語此次薛煥探詢夷情自係確有所見噶噶兩國既另換使臣並不令噶噶嘶等赴津辦事其意不專

主用兵已可概見。其所以帶兵前來者。亦處於不得不然之勢。此時若不迎機善導。不但激頓酋等之怒。且中噶酋奸計。殊非撫馭外夷之法。藍蔚雯等由陸路北來。一時未能到津。如果啖噤船隻前來。著恆福不必俟上海委員。先行照會該二酋。告以汝等係原議和約之人。此次前來換約。自應照咪國辦理。如有商辦事件。不妨彼此照會。所帶兵船均停泊北塘攔江沙外。並將二十九日諭旨參酌。

實錄卷三十一

三

照會該酋。使知上年接仗。全係噶酋之失。並非中國不敦信義。所派之員。及照會公文。詞句之間。亦要細心斟酌。該夷心多疑忌。不可因小失大。如該夷必欲欽派大員赴津會議。即告以桂良已交卸欽差大臣關防。花沙納早經身故。只有署欽差大臣薛煥。辦理通商事宜。汝等在上海。既不肯與之相見。來此更無可議之人。只好我與爾等代表。但須所議之事。不外情理。大皇帝自必格外施恩。若如

噶嚕嘶之決意主戰。中國亦早經準備。斷不畏懼。如此心平氣和。推誠開導。則該酋等得有體面。必可稍為轉圜。消弭兵釁。全在於此。想僧格林沁與恆福。必能揣測夷情。斟酌妥辦也。薛煥摺著鈔給閱看。將此由五百里密諭知之。○又諭慶廉奏請暫留勝保在豫。辦理招撫事宜一摺。捻首孫葵心乞降。疊據勝保。翁同書先後奏聞。當經諭知勝保。該捻首如果真心來歸。必須殺賊自贖。再當酌辦。不

實錄卷三十一

三

可輕率從事。旋有旨令勝保來京。已命翁同書接辦招撫事宜。惟此輩狼子野心。難保不因人多乏食。窮蹙來歸。其應如何駕馭。及部下人眾。如何分別遣散。妥為安插之處。並諭翁同書通籌辦理矣。著慶廉即行知照翁同書。仍遵前旨妥辦。所請暫留勝保辦理招撫之處。著毋庸議。慶廉現在出省。駐劄歸德。督辦防勦。責無旁貸。務當激勵諸軍。與各國勇聯為一氣。認真堵剿。不可因有議撫之舉。稍

涉大意。所統兵勇。當此新舊更替之際。尤貴統馭得宜。無使軍情渙散。致有譁潰之虞。將此由五百里諭令知之。○命大學士彭蘊章。毋庸在軍機大臣上行走。○以河南陳州等屬解圍出力。賞按察使銜趙書升二品頂帶。知府劉拱宸道員銜。

寶錄卷三百二十一

四

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之三百二十一

七六〇

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之三百二十二

東修漢職官母純日諸姬居注宮太子太保上書居職師佐文淵閣領閣事翰林院掌院掌士稽察欽奉上諭事件處國史館總纂官弘其收

大學士管理兵部事務加十三級紀錄十四次。重慶索本總兵官總兵講官太子太傅文淵閣領學事武英殿陳藏。教習廣吉士體仁閣

大學士管理戶部五庫事務管理刑部事務加二十三級紀錄十六次^後周祖培總載官太子少保管理內閣書庫事務對引大庫軍機大臣

鎮監模滿州都統戶部尚書管理三庫事務加四級隨帶加五級紀錄十二次

建國文館總纂官正藍旗蒙古都統禮部尚書管理太常寺鴻臚寺事務加二級軍功加四級隨帶加八級紀錄五次臣僕什璽布魯魯

敕修

咸豐十年庚申六月癸酉諭軍機大臣等前

因夷人載馬北行。當諭王明、文煜嚴禁居民賣給馬匹。該夷現於金州、福山等處停泊船隻搬運馬鞍。包藏禍心。難免不為水陸並犯之計。恐其在各產馬處所添買馬匹。或密囑奸商代為購求。並恐髮捻各匪四路購買。不得不嚴為防範。盛京、吉林、黑龍江、綏遠城、熱河、察哈爾、大凌河及順天直隸等省。或係產馬之區。及民間馬匹均宜嚴禁私販。著張祥河、董醇、王明、景瀉特普欽、成凱、春佑、恆福、慶

昀侍順。文煜慶廉英桂譚廷襄派委幹員嚴密稽查。如有官為購買馬匹者。必須驗明執照。照例納稅後。方准放行。隨時知照兵部。儻有來歷不明之人。及無執照者。向各該處私買馬匹。務須認真盤詰。立即嚴拏。將所買馬匹盡行入官。拏獲人犯。訊明具奏。毋使匪徒得售其奸。是為至要。將此由四百里各密諭知之。○甲戌諭內閣。瑞昌奏協領因傷成廢。懇恩休致。並賞給食俸等語。杭州駐防鑲紅

旗滿洲協領色克津圖。於本年二月間。逆匪撲犯省城。帶兵防堵。斬殺甚多。嗣因接仗受傷。致成殘廢。色克津圖著准以原品休致。並加恩賞給全俸。以示體恤。○諭軍機大臣等。瑞昌奏進攻嘉興。待集援師。並請催曾國藩統兵迅速赴浙。會商一摺。浙省各路援師。並收集潰散兵勇。為數已屬不少。正宜乘此兵力。規復嘉興。松江兩郡。迅速進攻蘇州。以期挽回大局。若再遷延觀望。俾賊匪得以從容

布置。勢將負隅久踞。攻克又稽時日。且恐四出蔓延。防剿更形棘手。曾國藩現由東流進駐徽郡。擬俟增募湖南新勇到齊後。將皖南防剿事宜。布置稍定。再圖進取。本日已諭令該署督即行赴浙。會商攻剿。惟該署督兵尚未齊。恐一時未能遽行到浙。瑞昌惟當迅速啟程。督同張玉良統率各軍。攻克嘉松。進剿蘇郡賊匪。不得坐待曾國藩到杭。亦不得以防守省垣為詞。株守杭城。致誤事機。另片奏

請調河南山東各省馬隊二三千名赴浙助剿等語。此時豫東兩省。本處防剿。正在喫緊之際。本屬不敷分布。勢難再撥他省。將此由六百里加緊諭令知之。○又諭瑞昌奏請催曾國藩兼程赴浙一摺。據稱浙省援師及收集兵勇。除由張玉良調攻嘉興外。尚須分扼孝豐。於潛嘉善等處。現在存兵無多。急盼援師方能進規蘇州松江。聞曾國藩已由東流抵徽。請飭兼程赴浙。會商進剿等語。已諭令

該將軍即將現有兵勇統帶迅速啟程進取蘇松不得稍涉觀望。惟該將軍兵力較單亦屬實情。曾國藩前奏於行抵徽州後尚須待新募勇到再行前進。自為持重起見。第蘇松常等府均屬財賦之區。果能早為規復。或可不至糜爛。著曾國藩酌度情形。如所帶官軍萬人合之瑞昌兵勇足敷勦辦。即著星馳前進。將蘇州等府縣城池速籌克復。不必再俟新勇。其如何取道浙中以便與瑞昌面商各

務並著斟酌辦理。至張芾督辦皖南軍務不能得力。前諭曾國藩以徽甯本該署督兼轄地方。如將該處軍務歸併辦理。自覺事權歸一。於到徽後察度具奏。曾國藩現已渡江。著仍遵前旨。即將能否兼顧之處據實奏聞。將此由六百里加緊諭令知之。○以克復浙江省城賞佐領瑞靈順祥成廣招壽連會巴圖魯名號道員赫特赫訥二品銜知府懷清王喬雲王承楷馮譽驄同知達晉伊麗亨知州

恆海協領傑純恆全遊擊林奎都司李恆清守備王運新等花翎防禦隆保等藍翎餘加銜升擢有差。○乙亥諭內閣前諭河南等省辦理團練並各派大員回籍督辦。因念四川地屬巖疆毗連雲貴近因滇匪竄擾尚未肅清嘉慶年間該省舉行堅壁清野之法著有成效。此次自應倣照辦理。所有應辦事宜即著籍隸四川在京官員就地方情形各行所見該省官紳中有名望素著練達時務者並

著各舉所知候旨派往該官紳等必知共體時艱盡心籌辦用副朕綏靖邊疆之至意。○諭軍機大臣等本日據軍機大臣呈遞僧格林沁致惠親王等信函內有該大臣派員查看咪夷船隻告以該國前託轉遞信函所以未經接收之故該夷深為詫異及同委員至俄船查詢俄夷明常則稱已將信函代為呈遞各等語是明係俄夷從中播弄是非有意挑釁希圖取利亟應乘勢離間以破奸謀該

大臣等擬仍派員赴咪船告以總督公文。可以接收。並申明前信未收之說。所籌甚中。竅要。惟與俄夷熟識。如德祥。姚煦等員。不可派往。務須慎選妥員。前赴咪船。告以貴國前託俄國轉遞信函。中國並未接收。現仍在俄國手內。貴國應即向其索取。如俄國稱係中國有與之回信。無論何詞。斷不可信。如中國有與貴國信函。亦必遵照和約。由上海欽差大臣處轉送。今俄國既有來往不實之事。恐誤

各國與中國交好之誼。不惟貴國如此。即啖啡二國。恐俄國從中亦有假設之詞。使各國不能信服中國信義。儻該二國如不信其播弄。欲照貴國去歲之例。前來換約。大皇帝亦必寬其既往。仍可商酌辦理。斷無用武之意。恐貴國與啖啡二國。不知俄國所行之事。信其一面之詞。致使與中國有傷和好。然此並非中國多疑。實係俄國由此次寄信之事。顯露虛假。礙難憑信。是以不得不派人言明。方

能於事有益。如此剴切曉諭。看其如何答覆。再行相機酌辦。總在使俄咪及啖啡各國互相疑貳。則俄夷慙慙之計。便無所施。而於啖啡撫局。亦不無裨益也。將此由五百里密諭知之。○又諭前因有人奏。四川提督占泰。臬司蔣徵蒲督辦軍務。怯懦無能。成綿龍茂道濮詒孫。餽送曾望顏黃金。遇事挾制等款。當經諭令崇實等會同查叅。本日復有人奏。川匪之起。由筠連縣多徵洋藥稅銀。並揚寡狗

等無辜被誅。以致激變。事起之後。署總督有鳳等。茫無主意。濮詒孫力主不發兵餉。以致迭陷三城。前此陳彥坤許案。因王慶雲與翁祖烈同鄉戚誼。代懇有鳳添派濮詒孫審辦。陳彥坤得賄。自認誤控。其銀則分派優缺州縣。皆濮詒孫設法消弭。我馬營兵以數十人斃賊二千餘名。不為保舉。蔣徵蒲帶兵勦賊。動即避匿。並未接仗。候補直隸州知州伍雲錦。在紳士楊熙軍營辦理糧臺。浮開兵餉。迭

經控告。三撤三委。並濮詒孫趨附炎熱。綽號撲鐙蛾。與蔣徵蒲狼狽為奸。知府史致康為之羽翼。藩司祥奎於升調等事。惟濮詒孫是問。致有濮作道四川闢濮作臬四川滅之謠。請飭查辦等語。吏治軍務相為表裏。果如所奏。則四川吏治之壞已極。若不亟加整頓。軍務安有起色。著崇實、東純按照所奏各情。並前諭查辦各款。一併嚴密訪查。如有端倪。即將該員等奏請革職。拏問嚴行訊辦。勿涉徇

隱。以肅法紀而儆官邪。並著迅速具奏。毋得遷延。原摺片二件。均著鈔給閱看。將此由五百里諭令知之。○又諭本日御史瑞亨奏。現錢與錢票輕重懸殊。請飭嚴禁一摺。據稱近來現錢與錢票忽輕忽重。民號錢鋪均不開。票兵丁每月領餉換錢多。以官號錢票易換。而民號錢票竟屬寥寥。是以官號取錢之人自早至暮擁擠不散。該鋪不能按票點錢。有持票十數吊赴點者。僅給一九現錢一二吊。

即或於各行鋪戶易換。每千僅給當十現錢七八百文。推原其故。總因奸商私行加價。每現錢一百吊。加用錢票二三十吊不等。遂致市價時有長落等語。京城以銀易錢。行用錢票原為便民起見。豈可任奸商漁利。私行加價。任意低昂。著順天府及五城御史於銀市地方出示曉諭。嚴行禁止。並時派妥員密為訪查。如有前項情弊。即將經紀人等送交刑部從重治罪。並著步軍統領衙門及巡城御史妥為彈壓。不得令取錢之人滋生事端。將此各諭令知之。○工部尚書文彩因病解任。調禮部尚書綿森為工部尚書。理藩院尚書倭什琿布為禮部尚書。以工部左侍郎伊勒東阿為理藩院尚書。未到任前以禮部尚書倭什琿布署理。○命翰林院編修李鴻藻仍在上書房行走。○以烏里雅蘇台將軍慶如為鑲白旗漢軍都統。○丙子諭內閣。前諭河南等省辦理團練。令在京大小官員各就地

方情形。直抒所見。並各舉所知。候旨派往。茲據尚書陳孚恩等。以江西毗連安徽。浙江廣東等省。擬辦團練。酌保辦理人員。並擬團練事宜八條呈覽。自應一律舉行。在籍四品銜前任翰林院修撰劉繹著賞加三品京堂銜。作為江西督辦團練大臣。並著吉南贛甯道沈葆楨。布政使銜甘肅安肅道劉于瀉。幫辦團練事宜。即著按照該尚書等所擬章程。體察情形。妥為辦理。務須抽選壯丁。按期操演。

毋得團而不練。以致有名無實。所需器械。即由團練處編號散給。俟軍務告竣時。即令繳還。所有河南等省議定章程。並著鈔給閱看。酌量遵行。○諭軍機大臣等。本日據僧格林沁等奏。夷船先後駛至海口。十餘隻。並接收咪夷照會鈔錄呈覽一摺。業於摺內明白批示矣。此次咪夷既有照會。明露欲為喫拂調處之意。是已有議撫端倪。即可迎機善導。該大臣擬俟喫拂照會到時。由恆福照覆該夷。

令其遵照咪夷之例。進京換約。並約其即赴北塘會商。為先。占以禮相待地步。所論甚合機宜。至所稱先在海口將條約議定一節。殊可不必。該夷有心求和。必有一番挾制。設在海口。言語不合。復又登舟。恃其人多船眾。恣意要挾。一經拒絕。必致兵釁再開。尚不如照咪夷之例。聽其來京商酌。則人少勢孤。或可易就範圍。著恆福乘此機會。即行照覆咪夷知悉。儻喫拂二國如願真心和好。前來換約。

大皇帝寬其既往。准其援照上年咪國之例。祇帶從人一二十名。徑由北塘進京換約。以示懷柔之意。看其如何答覆。及喫拂有無照會前來。再行相機辦理。再本日據文煜奏。探聞喫拂兩夷。水陸並進。一由金州水路赴津。一由煙臺放船。至利津海豐地方登陸。赴津等語。現在駐劄青縣官兵。係專防該夷由陸分竄。並保護天津大營後路而設。此際斷不可輕易調動。俟臨時再由僧格林沁斟酌。

急相機辦理該大臣本日所致惠親王等信
函業經由軍機大臣呈覽矣將此由四百里
密諭知之○又諭文煜奏遵辦沿海團練派
撥勇丁分別設防並仍飭委員開導夷人一
摺東省沿海之蓬萊福山等縣經各地方官
勸辦團練已有萬人之多並經該撫將雇募
勇丁分劉大山利津等處均著照議辦理咪
夷到津以後經恆福派員告以由俄酋遞來
該夷信函並未接收而俄酋則稱咪夷所託
信函業已代為遞交欲以我之不覆激怒咪
夷是其蓄心挑釁已可概見此時咪酋有與
恆福照會明露欲為喫拂調處之意而並不
索回文是欲中國挽其調停以便肆行要挾
恆福現未給與覆文本日已諭知該督等照
覆咪酋令其告知喫拂儘欲換約須照上年
咪國換約成規令該酋等少帶從人由北塘
來京將應行斟酌各款議定後再行彼此互
換惟夷情詭譎或因天津不售其術復往東

省嘗試亦未可知文煜現今委員董步雲折
回登州著即密飭該員如探明煙臺等海口
實有咪夷船隻可即設法告以該夷如欲為
喫拂調處在天朝厚待外夷原可既往不咎
惟必須照咪國上次換約成規辦理其應酌
條款亦須俟到京後議定方能互換至俄國
於代遞咪國信函既有假設之詞其於喫拂
二處亦必以虛言播弄是非恐貴國與喫拂
不知俄國所行之事信其一面之詞致與中
國有傷和好是以不能不為言明庶於彼此
有益等語詳細開導即咪夷並未到彼而該
委員或得見喫拂亦可以此說向其曉諭仍
作為董步雲已見將此言傳述不可稍露官
為指使看其如何答覆即可迎機辦理但能
該夷等不復聽俄酋播弄當不致構釁無已
也文煜定能體會此旨妥為辦理至海口夷
船有欲分起西行之說如果欲由利津海豐
等處登陸即著文煜派令委員前往理阻不

得令其深入。亦不可先行開仗。仍一面統帶官兵。馳赴該處。並調集壯勇團丁。設法防堵。該夷儻敢不遵約束。肆行深入。徑起來京及天津道路。自應迎頭截擊。示以兵威。然總須辦作民團服色。不可稍露官兵氣象。即將來亦易於轉圜。但不可任其肆行竄擾。尤不可釁自我開。致該夷有所藉口。將此由五百里密諭知之。○欽差大臣僧格林沁等奏。夷船續到海口。並籌辦情形。得旨。咪夷既有照會。

即應照覆。以免將來口實。只得告以中國原無必戰之心。不可授以仗彼求和之柄。又批。其機雖在該夷。先機而導。遇機而發。則仍操之自我。不可只圖其易而避其難。又批。該夷有心求和。彼必有一番挾制。理勢然也。又批。甚好。此為議撫之端倪。不可作為戰後之地步。○以西甯辦事大臣福濟為工部左侍郎。刑部右侍郎文俊為西甯辦事大臣。降調禮部尚書麟魁為刑部右侍郎。○以都察院左

都御史愛仁署鑲白旗漢軍都統。調正黃旗蒙古副都統文俊為正藍旗滿洲副都統。以正黃旗護軍統領載堪為右翼前鋒統領。○命江西在籍道員鍾音鴻等聽候督辦團練。大臣劉繹差委。○丁丑諭內閣。著齡奏。州縣署事太多。現飭實缺人員各赴本任一摺。州縣為親民之官。實缺人員責無旁貸。遇事自顧考成。不敢不認真辦理。至於署事人員。每以本任有人。一旦交卸。即可脫身事外。往往

計一己之利害。巧為趨避。而於國計民生。轉可置之不論。且紛紛委署。未免意存調劑。見好屬員。亦易開奔競之風。現在廣東通省州縣署事代理。竟有六十六員之多。殊不足以肅吏治。著該撫查明實缺各員未經到任者。即飭各赴本任。其部選人員留省察看者。照例三月期滿後。亦飭令赴任。以專責成。如實係才力竭蹶。著即據實甄別。以免貽誤。嗣後遇有地方緊要。必須揀派實任人員署理者。

著仍遵定例。通年覈計。不得過十分之二。以示限制。○又諭曾國藩奏。在營出力文武各員。恭遇覃恩。援案懇給封典等語。儘先副將陳發翔。儘先參將喻俊明。儘先遊擊任星元。遊擊銜儘先都司丁義方。儘先守備王吉。總兵銜副將張勝祿。副將朱南桂。蕭孚泗。副將銜參將張光明。知州凌蔭廷。打仗出力卓著戰功。雖現尚未補實缺。著准其援照奏准前案。均按各員升銜給予封典。以示鼓勵。○又

諭前經降旨。令御史阿克敦布將家人周二。即行交出。茲據該御史奏稱。家人周二。業經逐出。已有半月之久。不知現在何處。顯有迴護隱匿情弊。阿克敦布著即行解任。仍勒令將家人周二趕緊交出。歸案審辦。尋奏周二赴部投案。訊出阿克敦布在大通橋抽查漕糧。有授意婪贓情弊。應請將阿克敦布革職。發往新疆效力贖罪。從之。○又諭薛煥奏。克復松江府城。現飭乘勝進剿一摺。江蘇松江

府城被賊匪竄踞。經薛煥飭令候補道張景渠等會同直隸州州同應寶時等。約會民團分投進剿。五月二十七日。賊匪分路出巢。圖竄上海。官軍乘其不備。即刻進攻。直抵南門城下。施放槍礮。轟斃逆匪多名。城內各匪慌亂。我軍攻破城門。應寶時督令兵勇首先由南門殺入。兵勇民團一齊擁進。斃賊一千餘名。當將松江府城克復。城內餘匪復經兵勇乘夜搜捕淨盡。其圖竄上海之賊。經各路兵

勇民團沿途截殺。斃賊無算。該匪星奔四散。悉為民團擊殺。勦辦甚為得手。著薛煥督飭水陸兵勇激勵民團。乘此聲威。迅復青浦。進攻蘇州省城。以慰朕懷。所有此次出力之文武員弁兵勇。並團練紳董勇丁。著薛煥查明保奏。候朕施恩。其前經降旨令查之失事文武員弁。是否聞警先逃。仍著查明從嚴參辦。毋稍寬縱。○又諭前諭順天直隸辦理團練。並令在京大小官員。就地方情形。各抒所見。

並各舉所知。候旨派往。茲據侍郎齊承彥等。公司酌保督辦幫辦各員。開單呈覽。自應一律辦理。著派候補內閣學士桑春榮作為順天直隸督辦團練大臣。並著大順廣道聯捷。幫辦團練事宜。即按照河南等省議定章程。體察情形。妥為辦理。○諭軍機大臣等。前因江蘇軍情緊急。瑞昌等。亟盼援師進規蘇州。諭令曾國藩酌度情形。如所帶官軍萬人。合之瑞昌兵勇。足數勦辦。即行星馳前進。迅圖

克復各城。茲據曾國藩奏。妥籌辦法。並酌擬變通章程一摺。所稱中路不宜遽進。漂陽恐其驅賊南犯。擬俟左宗棠。李元度。鮑超。張運蘭等。先後到齊。北路則直趨池州。南路則直趨廣德。中路則暫不深入。先守徽甯要縣。庶免抄我後路之患。自係持重老成之見。所有行營駐劄處所。及隨同差委之司道各員。均著照所擬辦理。惟江蘇臬司湯雲松。昨已降旨。令其幫同龐鍾璐辦理團練事宜。該員能

否。隨同該署督行營差委。著再酌量調派。江蘇藩司一缺。擬俟簡放有人。即可隨同該撫同駐一處。至浙江軍務。張玉良進攻嘉興。雖獲小勝。尚未克復郡城。已命瑞昌出省督師前進。本日據薛煥奏。松江府城。於五月二十七日克復。現在會督兵團。進攻青浦。是蘇省軍情。亦漸有起色。若得該署督所派援軍。分道並進。早與瑞昌等軍會合進勦。更可大振軍威。迅復各城。免致東南財賦之區。久遭蹂

躪。該署督務當兼權緩急。毋得坐失機宜。將此由六百里諭令知之。○署陝西巡撫譚廷襄奏。請陝省兵馬。兼歸巡撫節制。得旨。著俟樂斌抵陝。與譚廷襄妥為商酌。若各鎮協以下。均由巡撫節制。其升調缺分。兵馬錢糧。有無違礙之處。一併熟商。不可各存意見。務期有益於地方。籌畫妥當。會銜具奏。○以內閣學士清安。署工部左侍郎。○以御前侍衛安興。署正紅旗護軍統領。○命在籍鴻臚寺

少卿王兆松等聽候順天直隸督辦團練大臣桑春榮差委。○以川楚官軍會勦滇匪出力。賞副將朱桂秋。蕭慶高。秦華祝。巴圖魯名號。守備蕭德經等花翎。餘加銜升敘有差。○戊寅。諭內閣。戶部奏監督交代與例不符等語。各關監督定例以一年為期。其未及一年離任者。所有徵收稅項。交後任接徵。扣至一年期滿。分晰彙報。山海關監督烏勒洪額。因前任監督未滿一年。輒以抵任日期起算。覈與定例不符。且關期與任期不同。烏勒洪額擅自更張。殊屬不合。著交部議處。仍令照例接徵。扣至一年期滿。分晰徵收數目。覈實奏報。以符定制。○又諭。李若珠奏。請將馬隊官兵撤回原營一摺。富和三福等所統吉林馬隊。及黑龍江官兵二百九十員名。均著撤回本省。以示體恤。○諭軍機大臣等。僧格林沁。恆福奏。夷船連檣而至。津沽防守喫重一摺。夷船一百數十隻。均在攔江沙外停泊。距海

口不過三四十里。僧格林沁調派馬步官兵。分劄各路。並於埕子莊地方。豫籌馬隊。以備臨時截擊。布置諒已周密。上年喫夷駛至大沽海口。毀我防具。經僧格林沁督兵轟擊。大獲勝仗。該夷未必不心存畏忌。此次復調集兵船。聲言水陸並進。意圖報復。實則以兵脅和。勞崇光。薛煥。均探該夷有議和之意。味夷又欲從中調處。是喫拂兩酋。不專主戰。已可概見。今該夷船隻。既在攔江沙外停泊。不可遲延多日。即著恆福派委委員。詢其來意。並先行照會該酋。令其照咪國之例。少帶從人。由北塘進京換約。如該酋等給與該督照覆。雖詞氣傲慢。而其欲和之意。若微露端倪。該督即可乘此機會。反覆開導。令其漸就範圍。若謂先給照會。即示之以弱。不知上年該夷挫敗。其辱已甚。此次先行委員給與喫拂咪照會。正見中國寬大。並非畏懼求和。朕思僧格林沁海口布置。雖已周妥。聲威亦為該夷

所畏。原不難使該夷再受痛懲。惟念決裂之後。從此兵連禍結。迄無了期。雖圖快於目前。而遺患於將來。朕又何忍沿海居民。遭其荼毒。恆福身任地方。當仰體朕心。不可因海口設防嚴密。仍存先戰後和之意。該督於接奉此旨。總須以撫局為要。不得畏難自阻。致負委任。所有如何照會該苗之處。即著恆福妥籌速行辦理。不可稍存成見。有誤大局。將此由五百里密諭知之。○又諭據王有齡奏。通

飭各屬舉行團練等語。本年三四月間。賊踞分水。淳安等縣。附近民團。隨同殺賊。長興西南兩鄉。二萬餘人。殺賊數千。縣境肅清。嘉興之王店鎮等處團勇。沈毀賊船。拏獲奸細。殲斃賊匪無數。蘇省所屬吳江縣之同里等鎮。亦經該撫委員諭令聯絡完善。各鄉集團自衛。俟有官兵前進助剿。各該處舉辦民團。踴躍奉行。無不同仇敵愾。願隨官軍攻剿。共圖恢復。實屬義勇可嘉。該撫通行勸諭。並先給

功牌獎勵。辦理亦甚得宜。現在諭令各省辦理團練。已有旨派前任漕運總督邵燦作為浙江督辦團練大臣。並著浙江差委道員史致諤等幫辦團練事宜。惟團練原為紳民義舉。以衛桑梓而固疆圉。各省係民捐民辦。地漕為天庾正供。豈容絲毫短少。若各直省紛紛請免。國家經費有常。庫款將從何出。王有齡所稱請免地漕之處。萬不可行。著毋庸議。仍令各該紳民出貲自行捐辦。俟捐貲積

有成數。將來或援照成案。請加通省中額。廣各州縣學額。或照推廣捐輸例。從優給獎。擢予官階。或照軍功優敘。與在事出力打仗人員一體保奏。優加甄敘。但能辦有成效。殺賊立功。朕必破格施恩。以昭懋賞。該撫即當出示勸諭。妥為辦理。總期兵民聯為一氣。以資攻剿。現在平望既經克復。即著瑞昌督飭各軍會合民團。迅復嘉興。次第攻克蘇常。是為至要。將此由六百里諭令知之。○浙江巡撫

王有齡奏在籍道員趙景賢督帶練勇收復湖州平望地方得旨嘉獎又奏閏三月暨四月海塘沙水情形批工部知道單圖併發此係月報之件不准附驛具奏即循例地方事件亦應設法繞道專差齎遞不准藉口路阻以惜小費○以不遵調遣革江蘇蘇松鎮總兵官周希濂職仍責令統帶艇師○追予福建陣亡道員趙印川在死事地方建立專祠並入祀本籍昭忠祠○予江南歷次陣亡副都統多隆武托克通阿佐領烏哩伸額爾楚岱穆克德恩白凌阿防禦滿保驍騎校呢克通阿委參領穆隆阿祭葬世職○已卯諭內閣慶廉奏甄別才不勝任之知縣請旨分別降補勒休一摺河南涉縣知縣金益謙才庸識闇未能約束丁胥新安縣知縣徐泰才識平庸難膺民社該二員係進士舉人出身文理尚優著以教職降補鄖陵縣知縣徐承祖辦事任性日形廢弛扶溝縣知縣劉封典公

事廢弛不洽輿情閩鄉縣知縣岑傳性情淺躁工於取巧均著以府經歷縣丞降補淇縣知縣錫英精力就衰難期振作著勒令休致○又諭慶廉奏審明失守城池員弁定擬一摺咸豐六年間湖北賊匪竄入河南鄧州被陷當經諭令前任巡撫英桂將署知州姚慶溥等陣亡情形確切查明具奏茲據慶廉奏稱訊明鄧新營千總王勝祥吏目何維階遊擊穆奇賢均無先期逃避情事復隨同克復城池惟不能先事豫防究屬咎有應得王勝祥何維階穆奇賢著一併革職以示懲儆其署鄧州知州姚慶溥既未尋獲全屍所稱巷戰遇害是否確有見聞著切實查明再行請旨○諭軍機大臣等據德楞額等奏蘭郟等界勦辦情形現仍督飭兵勇躡蹤勦捕並挑備馬隊聽候海防調撥一摺據稱匪首翟三禿子被擊帶傷竄至沙墩經營總依查布等跟蹤追襲竄入蘆塘哈勒洪阿自長城搜捕

到磨山莊塢地方。生擒張士蘭等二十餘名。正法。翟三禿子身受重傷。竄入江南。蘭郊邳沭等界。漸就肅清。匪首洪佃一。仍踞項城尚岩。覬覦我軍等語。該匪疊經官軍痛加剿洗。餘黨無多。惟匪首翟三禿子。洪佃一。尚未就擒。現在江北軍務。正當喫緊之際。難保不勾結為患。亟應乘勝殲除淨盡。以絕根株。著德楞額等。不分畛域。分路兜剿。務將翟三禿子。洪佃一。二犯捕獲。勿使一名漏網。以清餘孽。

文煜所調馬隊。該副都統業經挑撥吉林等馬隊共二百五十名。令營總穆隆阿等管帶。聽候調遣。著俟文煜調撥。即令啟程。德楞額現在追捕餘匪。俟蘭郊費澤一律肅清。仍回韓莊駐劄。勿庸前赴登萊一帶。以專責成。將此由五百里諭令知之。○又諭。昨因夷船在攔江沙外。諭令恆福先行照會該酋。令其少帶從人。來京換約。本日據僧格林沁等奏。夷船三十餘隻。駛至北塘海口。夷人登岸占踞。

村莊。恆福現已照會咪酋。轉約唎咈二夷進京換約。所辦尚為妥善。惟當接咪酋照會時。即應立時照覆。今唎咈既已在北塘登岸。始行照覆咪酋。已屬落後一著。儻咪酋不為即達。唎咈必至立起釁端。著恆福即趕緊分擬照會。徑行給與唎咈兩酋。其唎夷照會內。不必提上年打仗之事。但告以汝等此次既到北塘。足見真心和好。有意換約而來。如願照咪國之例。進京換約。必代為轉奏。俟奉旨允

准。即可由此北上。佛國照會內。告以上年爾國並未助唎國打仗。大皇帝深為嘉獎。此次來至北塘換約。從此更可永敦和好。如此分別照會。看其如何答覆。迅即馳奏。如該夷願照咪國之例進京。其坐轎及少帶從人之處。即在此內。不必專意提及。儻該夷必欲坐轎進京。亦不必過於阻止。但告以只可在城外坐轎。不必以此小節。致誤大局。以後照會。務須心平氣和。以禮相接。不必稍露用武之意。

致該夷難以轉圜。至大沽後路及天津郡城著僧格林沁仍嚴密防範。毋稍大意。將此由五百里密諭知之。○以糧臺造冊遲延。河南候補道陳鼎雯等分別議處。○予山東追賊溺斃六品軍功德成。王慶博。棟武。祭葬。世職如陣亡例。○庚辰諭內閣。前據御史薛書堂侍郎宋晉御史福寬等奏請裁汰河員。並改設漕運總督。簡員駐守宿遷各摺片。當交御前大臣。軍機大臣會同該部議奏。茲據載垣

等奏。遵議裁汰河工文武官員。酌改操防營伍各事宜。開單呈覽。江南河道總督統轄三道二十廳文武員弁數百員。操防修防各兵數千名。原以防河險而利漕行。自河流改道。舊黃河一帶。本無應辦之工。官多闕冗。兵皆疲惰。虛費餉需。莫此為甚。所有江南河道總督一缺。著即裁撤。其淮揚淮海道兩缺。亦即裁撤。淮徐道著改為淮徐揚海兵備道。仍駐徐州。所有淮揚淮海兩道應管地方河工各

事宜。統歸該道管轄。廳官二十員內。豐北蕭南銅沛宿南宿北桃南桃北外南外北海防海阜海安山安十三廳。均係管理黃河。現在無工。又管理洪湖之中河裏河運河高堰山盱揚河江運七廳。現在工程較少。均著一併裁撤。惟中河等七廳。有分司蓄宣洩事宜。所有裁撤之運河中河二廳事務。著改設徐州府同知一員兼管。裁撤之高堰山盱二廳。著改設淮安府同知一員兼管。裁撤之裏河

廳。著改歸淮安府督捕通判兼管。裁撤之揚河江運二廳。著改歸揚州府清軍總捕同知兼管。至裁撤黃河無工十三廳。原轄各工段汎地。即著落各該管州縣官管轄。不得互相推諉。各廳所屬之管河佐雜人員。除揚莊等牘官十員。專司啟閉。毋庸裁撤外。其宿州等管河州同五缺。高郵州等管河州判三缺。東臺等管河縣丞十九缺。高良澗等管河主簿二十一缺。阜甯等管河巡檢十六缺。均著一

併裁撤。清江地方緊要。著添設總兵一員。作為淮揚鎮總兵。駐劄該處。俟軍務平靜。再行改駐揚州。原設河標中營副將一員。著即裁撤。改為鎮標中軍遊擊。駐劄蔣壩。其淮徐遊擊一員。駐劄宿遷。所有鎮標中軍員弁。並右營。廟灣。洪湖。佃湖等五營。遊擊以下官五十員。馬步守兵共二千五百餘名。原屬操防。悉仍其舊。至蕭碭等營所屬修防兵六千九百餘名。著一律改為操防。將二十四營改設

蔣壩宿遷蕭碭豐沛桃源安東山阜高郵葦蕩左右等十營。除酌留遊擊以下八十一員外。其餘六十七員。悉行裁撤。以上各營官兵。均歸新設淮揚鎮總兵統轄。著即裁汰老弱。簡選精壯。認真操練。以資戰守。現在江南軍務未竣。該省督撫。勢難兼顧。所有江北鎮道以下各員。均著歸漕運總督暫行節制。○諭軍機大臣等。僧格林沁等奏。咪夷照會內稱。啖咈兩國。即欲交兵。現有夷匪結隊出村意。

圖撲犯一摺。咪夷照會恆福。有業已無法之語。是該國不能從中調處。該督仍給與照會。令其轉致啖咈兩夷。弭兵和好。措詞頗為得體。惟咪夷既有推諉之意。自應徑行照會啖咈兩酋。示以中國寬大。或可稍知悔悟。此次該夷出村撲犯。業經擊退。在我給與照會。並非示之以弱。跡涉求和。在該夷懾我兵威。心存顧忌。正可乘此據理曉諭。使之知感知懼。著恆福仍遵前旨。迅速分別照會啖咈兩酋。

令其照咪夷之例。進京換約。並須心平氣和。如此次照會咪夷。措詞不激不隨。曲為開導。但不必提及打仗。使該夷無可轉圜。僧格林沁調度有方。不患不獲勝仗。所慮該夷敗後。揚帆遠遁。不但各海口地方不能安靖。即大沽之防。不能遽撤。夷務迄無了期。究非萬全之策。前降諭旨。已極詳備。該大臣等。必能仰體朕心也。將此由五百里密諭知之。○又諭。玉明奏。查探金州夷情一摺。據稱大小孤山。

青泥窪大魚溝等處岸上夷人所搭帳房及馬匹器械逐漸收撤回船駛出外洋難保非會齊赴津等語連日據僧格林沁等奏報夷船一百餘隻駛至大沽海口攔江沙外近復有夷船三十餘隻由北塘登岸盤踞村莊自係由奉天山東一帶連檣而至疊次諭令僧格林沁嚴密防範並諭恆福先行派員詢其來意並照會喚佛兩國令其照咪國之例進京換約如該夷藉此轉圜即可不煩兵力惟

奏

上

此時戰撫之局尚在未定設該夷復至金州等處該將軍仍當不動聲色密為防備不可貪功挑釁致誤撫局如該夷結隊深入有滋擾情形方可相機堵截亦須作為百姓不容不可露出官兵打仗使該夷無可藉口前諭玉明會同景霖辦理旗民團練該府尹諒已早抵蓋州著即迅速舉行以資捍衛是為至要將此由六百里密諭知之○又諭本日據載垣等奏遵旨會議裁撤江南河道總督添

設總兵一員請飭酌保候旨簡放一摺江南河道總督既經裁撤添設總兵一員已明降諭旨作為淮揚鎮總兵暫駐清江俟軍務平靖改駐揚州清江地方為南北咽喉最為緊要現在粵捻各匪均未肅清難保不再行窺伺必須久厯戎行深諳韜略之員方堪勝任著袁甲三曾國藩各於所部將領中詳加揀選擇其才略素著曾經出兵打仗謀勇兼全者酌保數員迅速具奏候旨簡放以期防勦

奏

上

得力將此由五百里各諭令知之○直隸總督恆福奏請截留稅銀等三萬五千餘兩撥充海防經費得旨雖濟海防急需他處亦無款可籌何不顧大局若是耶著戶部速議具奏○以總管內務府大臣明善署鑲紅旗滿洲副都統正黃旗蒙古副都統富明署鑲藍旗護軍統領○以放餉不公降遊擊葉志清為把總仍責令隨隊勦賊○補行咸豐九年直隸大計卓異官十五員不謹官一員浮躁

官一員。才力不及官二員。年老官四員。有疾官一員。分別議敘處分如例。○壬午。諭軍機大臣等。前據僧格林沁等奏。夷匪由北塘結隊出村。意圖撲犯。經我軍擊退。當諭令恆福分別照會。啖啐兩酋。令其照啐夷之例。進京換約。以冀夷情就範。茲據僧格林沁等奏。夷人勢大志驕。暫難議和。滙情直陳一摺。所奏情形。尚為透徹。此次夷人連檣而至。原屬意存叵測。不可不嚴為之防。僧格林沁。恐一意

實錄卷七

書

主撫。以致懈我軍心。所慮尚是。惟恆福身任地方。撫事責無旁貸。且十七日之戰。既已擊斃夷匪五十餘名。以後該夷並無動靜。未必非候我給與照會。藉此轉圜。此機斷不可再失。總當遵奉疊次諭旨。照會該夷。不可任令委員藉口風浪不順。畏葸不前。儻再貽誤事機。致令大局決裂。惟恆福是問。該督專辦撫局。務當平心和氣。妥速辦理。此時先行給與照會。並非求和。因去歲該夷既受懲創。令番

先行照會。不但不為示之以弱。尤見中國寬大。並可看其如何舉動。是以屢降諭旨。令恆福遵辦。若一經開仗。則荼毒生靈。滋擾海口。儻仍不受撫。結怨愈深。後患終無了期。亦非萬全之策。該督總當仰體朕心。曲為開導。以顧大局。若坐失機宜。該督不能當此重咎也。將此由五百里密諭知之。○又諭慶昫奏。查明口外現無俄夷潛匿情形一摺。口外地方。經慶昫派委駙騎校興福等。前往草地。及黑

實錄卷七

書

城子。白城子等處。詳加履勘。並無俄夷藏匿形跡。附近蒙古。亦僉稱俄夷去年六月回國後。至今並未復來。惟此後難保無該夷潛來寄跡。仍著該署都統隨時嚴密訪查。毋令在該處藏匿。至口外地方。遼闊盜匪每易潛蹤。既據該署都統訪有自二三月以來。盜匪多起。攜械由民界中東西分走之語。並有該參領呈報騎馬賊匪四十餘人。由臺行走之案。著該署都統即行嚴密查拏。務須迅速緝獲。

母令日久遠颺其吳三即吳金榜一犯仍著
妥速密拏解京審辦將此諭令知之

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之三百二十二

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之三百二十三

敕修

咸豐十年庚申六月癸未諭內閣本年朕三

旬萬壽闈澤覃敷所有從前叅革休致各員
隨班祝嘏者特令軍機大臣查案開單呈遞
茲將各員名列單進呈朕詳覈案情量予恩
施前任四川提督萬福前任湖南提督英俊
均著賞給六品頂帶前任廣西提督惠慶著
賞給七品頂帶前任二等侍衛慶志著賞給
本旗驍騎校前任藍翎侍衛慶貴著賞給本
旗驍騎校前任護軍校祥瑞著賞給馬甲錢
糧該衙門知道○又諭本年朕三旬萬壽四

川生員王金階年逾九旬來京祝嘏著加恩賞給上用緞一疋銀十兩以示朕慶錫耆年至意○諭軍機大臣等本日據劉源灝奏各匪竄陷歸化修文等城逼近省垣請飭田興恕迅速援省並據田興恕奏現在籌辦防剿情形及部署下游各軍即行督軍赴省各摺片粵匪自攻陷歸化廳城後已至羊昌河一帶距省不及百里苗教各匪攻陷修文縣城屯聚省城數十里外省中存兵無多三面受

敵異常喫緊田興恕雖飭副將沈宏富劉吉三兩軍由湄潭甕安赴援尚恐緩不濟急著田興恕迅將勦辦下游各軍部署完竣即督所部由婺川取道遵義馳赴省城會同巴楊阿等兵練分投掃蕩勿留餘孽一俟省垣情形稍鬆仍即馳回石阡相機堵剿以固川省門戶田興恕所奏勸捐抽釐事權未能歸一等語幫辦軍務貴東道何冠英著即專辦該省勸捐抽釐諸事以濟餉需其糧臺事務著

劉源灝另行揀員襄理無庸令該道會辦以專責成至黔中州縣疲玩成風屢經田興恕札飭辦理捐釐各州縣動以養練為詞任意開銷全無實際該撫甫經到任無所用其迴護著即認真查明嚴叅懲辦以除積弊將此由六百里諭令知之○安徽巡撫翁同書奏孫葵心乞降擬與袁甲三商辦得旨應撫即撫不可稍涉推諉○以防務喫緊改丁憂湖南鎮總兵官文安為署任暫緩回旗穿

孝○陝西延綏鎮總兵官文明因病解任以前任貴州上江協副將博崇武為陝西延綏鎮總兵官○以貴州歸化修文廳縣城被賊竄陷巡撫劉源灝下部議處予陣亡道員周夔副將全興府經歷胡繼學把總張起發祭葬世職胡繼學子文昭武生趙秉權賞卹如例○以防堵不力並縱練滋事貴州都司德壽等降革遣戍有差○以鈴束不嚴革安徽壽春營遊擊鄒學鏞等職留營效力○以守

城不力。革署浙江嘉興協副將張守元等職。從嚴查辦。○予貴州壽溪陣亡總兵銜副將田興奇祭葬世職如總兵例。並於死事地方建立專祠。○甲申。諭軍機大臣等。本日據僧格林沁等奏。喚夷送來免戰白旗。擬即照會令其定期會晤一摺。並將照會及旗式各件抄錄進呈。夷船於駛近北塘河口後。瞥見火攻木筏備齊。即忽迫回駛。以致輪船閣淺。其船上夷人二名。上岸各執白旗一面。上書免戰二字。另有摺疊白布一塊。據稱須留作往來之用。各等語。此即夷人先已自屈。顯有就我範圍之意。此機斷不可失。恆福所給喚夷照會。深得大體。惟佛國亦有兵船在津。雖未答話。未便置之不理。亦須一律給與照會。不可專給喚夷。致令有所藉口。日內該夷或有照會。或與該督晤面。務須迎機而導。不必責備其去歲開仗之非。即可向該夷告以援照咪夷之例。減帶從人。由北塘進京換約。設或

該夷另有條款。及格外要求。無論如何為難。恆福斷不必當面駁詰。亦不可故作刁難。惟當允其即為陳奏。若在北塘議和。稍不遂意。必有變更。總不如准其進京商議為妥。尤不可令該夷稍生疑慮。方能就我撫局。如願來京換約。即與該夷約定日期。迅速具奏。諒恆福必能仰體朕心。不避艱難。妥速辦理也。現在撫局尚未大定。僧格林沁仍當督飭馬步各營。加意嚴防。不可稍涉大意。將此由五百里密諭令知之。○以楚軍越境克復廣西賀縣城。賞參將李金賜李復勝。巴圖魯名號。軍功陳建勳等。藍翎。餘加銜升叙有差。子陣亡都司梁東山。千總胡青桂。把總章桂林。外委劉名章等十三員。祭葬世職。○乙酉。遣官祭火神廟。○諭軍機大臣等。特普欽等奏。春夏夷情。並開江以後。過往人船數目一摺。據稱夷人請禁換酒。未經允許。海蘭泡迤北地方。有夷人前往開墾。經委員往見該酋。理論業

經將墾地之人喚回查辦。所種之地平毀。夷酋瑪克什莫幅等來見。經愛紳泰以綏芬烏蘇里夷人必應撤回之語。詳為開導。所辦均尚妥協。惟開江以後。下駛人船。為數不少。且載有木箱萬餘件。口袋三萬餘條。據稱係前往奇咭闊吞等處。搬移眷口。運送口糧。語涉掩飾。難於憑信。恐於奇咭闊吞地方。亦有私墾地畝情事。該處係暫借給俄夷居住之處。豈容開墾荒地。為久安之計。且所借地方。四至亦應查明。以免侵越。著特普欽等。派委妥員。前赴吉林一帶。嚴密查訪。該夷於奇咭闊吞等處。占踞地面若干。有無私行開墾之事。並於松花江一帶。各屯密查。該夷有無占踞開墾之處。務即據實奏聞。該署將軍不得因曾任吉林副都統。與景瀄熟識。有關情面。稍涉徇隱。致負委任。再摺內所稱愛紳泰乘機與約。並禁換一切貨物。藉以杜其接濟等語。係屬正辦。然前經屢降諭旨。令軍民斷其接

濟。今該夷既裹糧前來。已可概見。特普欽尤當嚴禁軍民。不准私行交易。使該夷無利可圖。庶不能作長久之計。將此諭令知之。○又諭據文煜奏。福山縣煙臺口岸。逼近夷氛。商賈裹足。稅釐局委員在彼株守。徒多煩費。暫行撤回。俟事平再設各等語。煙臺稅釐局。原係收海口商賈之稅。並抽釐金。現在雖係該夷盤踞。難保無貪利商人。前往私行貿易。若內地停止抽收稅釐。恐該夷得以暗中取利。且夷船已多退出。與前數月情形亦有不同。著文煜嚴密查明。如該處尚有商人貿易。仍當抽收釐稅。以重課項。不得任聽該委員一面之詞。遽行撤回。將此由四百里諭令知之。○又諭本日據薛煥奏。松江克復後。查獲賊匪偽諭一紙。內有兩粵兵勇三千餘人。欲由上海投誠字樣。廣勇通賊。為害非鮮。請通飭各省軍營。裁汰驅逐。毋令入伍等語。各省軍營。招募廣勇。歷有年所。若如該署督所奏。該

勇與逆匪句結蓄意不良本年江南大營潰敗實由於此不可不嚴為之防著袁甲三翁同書瑞昌王有齡慶廉李若珠於各該營內嚴密詳查此項勇丁如有逆跡顯露已得其通賊實據者除將該犯立即正法外並行文該逆本籍夷其族屬以儆兇頑而消反側其尚無通賊實據而平日素不安分者亦須分別裁汰嚴行驅逐或資遣回籍毋許再招入伍以期盡絕根株袁甲三等當慎之又慎不可因循姑息致蹈覆轍再本日據薛煥奏江震所屬之平望前經湖州紳士趙景賢於五月二十六日帶勇克復後因賊眾蜂聚間又失陷等語平望克復瑞昌等業經奏聞此次因何失陷並進攻嘉興是否得手著瑞昌王有齡迅速具奏將此由五百里各諭令知之○又諭江蘇自省垣失陷後藩司一缺尚未簡放有人現在籌畫餉需撫恤地方最關緊要必須得一賢能素著克理繁劇之員方能

勝任著曾國藩薛煥於所屬司道各員內秉公揀擇會同酌保二員迅速具奏候朕簡放將此由六百里各諭令知之○山東巡撫文煜奏平度州三座山等處請封禁開礦得旨著仍行封禁不時嚴查勿致藏奸匿匪○以藉病推諉革山西太原鎮遊擊阿克彰阿職○緩徵山西臨汾洪洞二縣被旱被雹新舊額賦○丙戌諭內閣前因御史許其光朱潮奏請清理刑獄各一摺當派肅順文祥會同刑部覈實查辦茲據奏稱查明監禁各案犯將情節較輕及無難速結之段大等四十二名已分別發放取保省釋矣刑部現審事件與彙題會審各案均有定限例義本極嚴明承審司員如果照限完結何致案有留牘獄多繫囚此後著該部堂官飭令承審司員務須遵例迅速審結不得怠玩遷延致有積壓如有任意因循逾限不完者即著咨部照例議處其新分到部之員律例未諳該堂官等

亦應令其潛心講求。日久再行試令聽斷。庶於現審各案。方無枉縱。如有不堪造就者。尤當隨時甄別。以昭慎重。至當月司員。向有分別收禁人犯之責。嗣後新進之員。著隨同學習當差。俟二年後再行輪值當月。以免濫行收禁之弊。○諭軍機大臣等。據瑞昌王有齡奏。攻克平望。及嘉興。疊獲勝仗。長興。廣德。防堵戒嚴一摺。五月十七等日。張玉良親督官兵。並派令馬得昭等。分路進攻。將嘉興城外

逆匪壘卡。一律攻毀。掃除淨盡。現在逼近西城。剗營。勦辦尚為得手。著瑞昌王有齡督飭張玉良等。乘此聲威。迅速進攻。即將嘉興府城克復。毋令賊匪久踞。致滋蔓延。至平望踞賊。經瑞昌等奏。經湖郡紳士趙景賢。於五月二十六日擊退。將平望鎮克復。昨據薛煥片奏。亦稱趙景賢於二十六日克復平望。後因賊眾蜂聚。聞又失陷。平望鎮究竟是否得而復失。著瑞昌王有齡確切查明。迅速具奏。其

竄入長興之賊。並著迎頭截擊。痛加勦洗。勿令賊眾闖入境內。以致牽掣我軍。該將軍等惟當力保湖郡。進攻嘉興。以期迅拔。堅城肅清。浙境將此由六百里諭令知之。○又諭。前據曾國藩奏。酌擬變通進兵章程。北路趨池州。南路趨廣德。中路先守徽甯。俟布置稍定。後即親赴淮揚。籌辦鹽漕。大江南北。兼顧統籌。尚為周妥。惟薛煥僻處海隅。兵力單弱。勦辦恐難得手。瑞昌尚在浙省。張玉良收集潰

實錄卷三百三十三

十一

軍進攻嘉興。雖獲勝仗。亦未收復郡城。此時蘇常一帶。並無重兵攻勦。前因李若珠已患痺疾。在江北帶兵。未能得力。是以命都興阿馳往督辦。本日據該將軍奏稱。湖北無兵可撥。尚在英山駐劄。似此節節耽延。將來賊勢北趨。勦辦愈難措手。即完善之區。鹽漕亦不易辦。曾國藩現授為欽差大臣。大江南北。水陸各軍。均歸節制。事權歸一。責無旁貸。著即飭催左宗棠。李元度。鮑超。張運蘭等到齊。由

池州廣德分路進兵規復蘇常其江北一帶尤為緊要應如何布置之處亦應悉心籌畫免致臨事周張該大臣膺茲重任務當統籌全局迅掃逆氛以副委任將此由六百里諭令知之○又諭前命都興阿馳赴江北因馬步兵單恐其遷延日久有誤事機疊經諭令官文胡林翼迅飭多隆阿舒保將所部馬隊酌量調赴都興阿軍營與該將軍現有馬隊合計湊足四五百名並調得力兵勇三四千

實錄卷三百三十三

十三

名派鎮將大員一二人管帶聽該將軍調遣茲據都興阿奏屢次催調馬步各隊未經籌撥進止兩難請旨遵行等語江北久無統帥防勦喫緊李若珠現患痺疾力不能支將來蘇常克復後賊勢必至北趨亟宜嚴密布置以固江北藩籬朕以都興阿聲威素著特命剋期前往督辦堵勦事宜該將軍受恩深重宜如何奮勉圖功迅速啟程乃至今遲延不進殊非朕意據該將軍奏稱兵勇不敷鄂省

官軍雖已調出多名而湖南添募勇丁不日可到著官文胡林翼仍遵前旨迅即添調馬隊并得力兵勇三四千名速赴都興阿軍營以便該將軍統帶前進馳赴江北督辦防勦勿得再行遲延致誤事機所需餉項仍著官文等寬為籌備毋令缺乏本日已降旨將曾國藩補授兩江總督並授為欽差大臣督辦江南軍務大江南北諸軍均歸節制都興阿與該大臣曾經共事自可協同商辦總之江

實錄卷三百三十三

十三

北地方軍務緊要該將軍不得有畏難之心官文胡林翼不得存畛域之見惟期同心共濟迅掃賊氛朕實有厚望焉將此由六百里各諭令知之○實授曾國藩兩江總督並命為欽差大臣督辦江南軍務○丁亥諭內閣西拉布奏遵旨查抄家產一摺已革戶部員外郎台斐音家產前經派令西拉布查抄茲據奏稱訊有隱匿寄頓情事自應詳加查辦邦泳泰帥順吉馨李升並現在續行查封德

森之妻及祥麟台布家產情形並聯昌銳莊隆慶所遞原呈親供清單等件均著交原派王大臣審明辦理世襲輔國將軍宗室銳莊禮科給事中隆慶均著聽候傳質未獲之吉升仍著嚴緝務獲歸案訊辦候選知州聯昌著聽候傳訊告病同知台布查無隱匿各情所封家產著原派王大臣訊明後酌覈辦理所抄台斐音家產著交內務府收存○諭軍機大臣等前因黔省需餉四川欠解甚多當

實錄卷三十三

十四

諭曾望顏籌銀二十萬兩就近撥解茲據劉源灝奏粵匪竄擾黔境省城危急請飭川省籌濟餉需等語粵匪既入黔境道路紛歧均可旁竄川境現在田興恕一軍取道遵義赴援省城會同巴楊阿等分投勦辦如將粵匪在黔撲滅蜀中自可無虞惟軍餉支絀係屬實在情形自應速籌接濟著東純於行抵四川接署督篆後即遵前旨先籌銀二十萬兩迅速解赴田興恕行營以資接濟將此由六

百里諭令知之○又諭前據曾望顏奏石逆大股入川恐假道黔疆當諭劉源灝田興恕酌量緩急如黔省情形稍鬆即赴酉秀一帶迎勦嗣據劉源灝奏各匪竄陷歸化修文等城逼近省垣復經諭令田興恕迅速援省俟省垣情形稍鬆仍回石阡堵勦茲據劉源灝奏黔中防勦喫緊田興恕未可赴川等語自係尚未接奉兩次寄諭現在逆匪欲撲省城距川尚遠省中待援孔亟自應先清腹地以

實錄卷三十三

十五

固川楚邊防未便令田興恕舍黔入蜀徒守一隅著劉源灝仍遵前旨飭令田興恕迅將下游各軍部署完竣即督所部由婺川取道遵義馳赴省城會同巴楊阿等兵練分投勦辦一俟省垣情形稍鬆仍回石阡堵勦以固川省門戶所請由川省籌撥餉需本日已寄諭署四川總督東純籌解矣將此由六百里諭令知之○又諭巴棟阿奏籌辦鎮防兵勇情形請添調營兵一摺另片奏永師分泊不

均請簡員督帶師船等語。鎮江現在實存兵僅一千八百餘名。所出各缺。原應由各省挑補足額。惟湖南等省。或現辦防勦。或徵調已多。勢難再撥。該署將軍所請各省共撥兵四千赴鎮江之處。應無庸議。賊踞蘇常有窺伺鎮江之意。巴棟阿即就現有兵力認真堵勦。該處各勇既有一萬四千餘名之多。若能認真訓練。亦可隨同官兵勦賊。不得因係久募之勇。任其坐糜糧餉。至江面水師本歸李若

實錄卷三三三

十六

珠調遣。據巴棟阿奏稱。除泊儀徵英洲頭一軍以防浦六竄匪外。其餘北岸停泊之船。皆宜歸併南岸等語。江面師船全在分布得宜。方能有益。若偏重一處。必至顧此失彼。著李若珠即令擇要分泊。上下梭巡。嚴扼江面。現在楊載福已令李德麟、吳全美等駛赴下游。可與陳國泰等師船互相聯絡。以重江防。總宜視各口之險夷。以定師船之多寡。方為妥善。並著李若珠於水營鎮將中擇其堪以統

帶師船者。酌保一員。聽候簡派。以專責成。而杜觀望。將此由六百里各諭令知之。○又諭。據巴棟阿奏。江防喫緊。亟應先靖江面。南北兩岸。上下袤延數百里之遙。艇師僅二百餘隻。現擬擇要分泊等語。江面分布艇師。兵力尚形單薄。前有旨令吳全美艇船駛赴下游。李德麟在魯港。仍飭令疏通江路。與吳全美聯絡聲勢。昨據楊載福奏。已飭李德麟師艇與吳全美併赴下游。以資分布。現在江防喫

實錄卷三三三

十七

緊。著楊載福嚴催吳全美、李德麟。剋期帶領所部師船。迅速前赴下游。聽候李若珠調遣。毋得稍有遲延。致誤事機。將此由六百里諭令知之。○前署四川總督曾望顏奏。克復天全州城報聞。○以成都將軍東統兼署四川總督。○以川軍追勦滇匪出力。予參將黎得盛等升敘有差。○以堵勦不力。革四川帶兵副將何紹棠職。留營效力。○補鑄江甯將軍印信。從署江甯將軍巴棟阿請也。○戊子。諭

內閣慶昫奏嚴防私販馬匹請旨辦理一摺據稱內外扎薩克以及各旗各羣進口前赴喇嘛廟燒香所帶之香貨馬匹並護送各廟馬匹以及蒙古牧丁送京馬匹甚多向無稅銀又無稽覈此係大境門一處其餘山海關古北口殺虎口等處似此尚多難保無夾帶私販等情著理藩院迅即議定章程奏明請旨辦理並著張家口監督治昌將大境門一處稅口自接印至今逐日詳細底簿封送察

實錄卷三百三十三

十八

哈爾都統衙門以備查覈另片奏據治昌咨覆本月並無馬匹到局報稅顯有私販由小口行走並未聲明是何地方至本年所收馬稅雖經開具數目未曾分別某月幾匹運往何處發給稅票幾張籠統無別殊難考察著慶昫再行逐層駁查調取邊口底簿詳覈無任含混○諭軍機大臣等本日僧格林沁等奏喚夷接收照會並未照覆旋據奏稱接得喚夷照會鈔錄呈覽並俄夷同來應否准其

會面各摺片喚首額爾琿既投遞照會雖語多要挾然並非專意主戰亦可概見此次不必直斥其非亦不必言上年接仗之事致該夷無所轉回但告以中國與爾國並無必戰之心額爾琿係八年原議和約之人此時前來換約與八年原約並無不合如有應行面議之事大皇帝現派有欽差在京面議汝等即可定期由北塘進京議定為是至本年二月喚首照會軍機處文書及軍機處如何答覆此處並不知悉將來汝等到京後自可向欽差議論如該首取出喚首照會文底及軍機處照覆與恆福閱看即告以此係喚首斯一面之詞況八年和約係額爾琿所議今額爾琿到此自應按八年和約辦理喚首之事本處既不知悉更無須在本處提起總須進京與欽差面議為妥並照會俄夷令其一同援照咪國之例少帶從人由北塘進京換約不必令夷首轉交至俄夷播弄是非句結挑

實錄卷三百三十三

十九

釁最為可惡。此時亦不必明言。並可照會味夷。詢其前次中國未接之信函。曾否向俄夷要回。俾該夷互相猜忌。至喚拂二酋。如願擇地會面。即或俄夷同來。毋庸阻止。恆福不必向其答話。再前俄夷所寄毬包一件。著即送去。並告知該夷。現無應商之事。催令即行起碇。勿在海口逗遛。該大臣等辦理夷務。既能嚴密防範。又能設法羈縻。深合機宜。接奉此旨。諒必斟酌妥善也。將此由五百里密諭知

實錄卷三十三

三

之。○以翰林院侍讀學士綿宜檢討瑞聯。編修文奎。充日講起居注官。侍講鍾啟峒。署日講起居注官。○調甘肅巴里坤鎮總兵官德明。為伊犁鎮總兵官。伊犁鎮總兵官常英。為巴里坤鎮總兵官。○以隨同克復浙江。淳安縣城。革疏防在前知府松海。知縣何柄謙。職何柄謙。暫留署任。○已丑。諭內閣。前諭四川省辦理團練。並令在京官員。各舉所知。候旨派往。茲據給事中趙樹吉。酌保各員。請旨簡

實錄卷三十三

三

派在籍前任詹事府右春坊右贊善李惲。著賞加五品卿銜。作為四川督辦團練大臣。並著前任宜昌鎮總兵虎嵩林。成都府知府楊重雅。幫辦團練事宜。即按照河南等省所擬團練章程。並嘉慶年間。該省舉行堅壁清野之法。體察情形。妥為辦理。○諭軍機大臣等。僧格林沁等奏。夷人分股攻撲新河馬隊。不能支持一摺。據稱二十六日。夷人出隊。馬步約有萬餘。分撲新河軍糧城。我軍因眾寡不敵。現已退守唐兒沽等語。唐兒沽距大沽。僅止八里。為大營後路。最關緊要。著即嚴飭克興阿等。扼守壕牆。不准稍有鬆懈。軍糧城為赴津之路。恐該夷一面牽掣唐兒沽。一面由軍糧城上竄。必致我軍應接不暇。西凌阿防堵北塘一帶。是其專責。此次雖因眾寡不敵。馬隊不能抄擊。究係該都統未能奮勇抵禦所致。西凌阿派撥吉林等處馬隊。必須設法迎頭截剿。將該夷擊回。儻再有貽誤。該都統

豈能當此重咎。僧格林沁現調山海關馬隊前往天津駐劄。著即飛催前進。此時夷人撲入新河村莊。其勢甚張。該大臣惟當鎮定軍心。妥為調度。不可稍涉張皇。恆福辦理撫局。責無旁貸。不得因業經接仗。遂置撫局於不問。著仍遵前旨。迅速照會該酋。設法轉圜。以顧大局。將此由六百里密諭知之。○又諭。前據慶昀奏。口外草地黑城子白城子地方。並無俄夷藏匿情形。當諭令該署都統隨時密

實錄卷三十三

三

查現在俄夷船隻在天津一帶海口停泊。張家口外為俄夷往來熟徑。此時雖無該夷藏匿。難保無內地漢奸暗通消息。務當嚴密查拏。至元寶溝地方。該夷前既有緊要之語。應如何防備之處。著慶昀不動聲色。遴委明幹之員。密赴遠近一帶。時常查探。以便先事豫防。毋稍大意。將此諭令知之。○又諭。前因四川軍務緊要。擬令左宗棠前往督辦。當諭官文。胡林翼將該員能否勝任。迅速具奏。茲據

奏稱。左宗棠督辦川省軍務。難收速效。若令劉長佑由西秀進保重慶。取徑甚捷。保全甚大等語。左宗棠既不能獨當一面。即毋庸赴川。仍襄辦曾國藩軍務。廣西省現在防剿正當喫緊。劉長佑未便遽離該省。湖南地方。尚稱安靜。著駱秉章即馳赴四川。督辦軍務。該撫於湖南紳士。素為熟悉。擇其曉暢軍務者。酌量帶往。並添募湖南練勇。以資勦辦。湖北軍營中。曾經仗陣得力之員。籍隸湖南者。亦

不乏人。著官文。胡林翼酌派數員。交駱秉章差委。石達開窺伺川疆。滇匪尚未撲滅。其勢岌岌可虞。東純現署川督。未諳軍旅。該撫務即迅速啟程。由便道入川。毋稍延誤。蕭啟江所帶之勇。據官文等奏。已咨令都司彭忠信候選同知直隸州王沐。分起管帶。此項勇丁。及川省兵勇。均歸該撫調遣。以冀迅掃賊氛。駱秉章出省後。湖南巡撫著文格暫行署理。將此由六百里各諭令知之。○又諭。許乃普

奏皖浙交界情形並請飭辦理皖南團練一摺皖南為江浙門戶地當要衝曾國藩已抵建德即日進駐徽境現在各省舉行團練皖南地方緊要自應一律辦理前據鴻臚寺卿程祖誥奏翰林院侍讀呂錦文在籍有年籌辦團防擊退竄匪著有成效請飭令辦理皖南團練事宜茲據許乃普奏請飭工部郎中余述祖回籍辦理婺源團練該員資望較淺若令專辦該縣團練當可得力呂錦文在籍

實錄卷三十三

二十四

率團擊賊辦有成效未知能否勝督辦之任著曾國藩察看情形擇其諳練軍務素繫人望者酌保一員迅速奏聞候旨簡派即令督辦皖南團練事宜以期協助官兵保衛疆圉許乃普原摺著鈔給閱看將此由六百里諭令知之○又諭官文等奏請飭陝甘督撫練勇辦團一摺據稱陝西南山一帶山深箐密易藏奸匪且處處與蜀境毗連為滇匪川匪販土熟游之路恐逆黨隱謀勾結乘機滋事

請飭陝甘督撫慎選將領募土著良民練作勁勇以補兵力一面責成地方文武籌辦團練等語前經降旨令譚廷襄督辦陝西團練該署撫於接奉前旨後自己飭屬一律興辦現在川省軍務未平河南捻氛亦未盡息陝西鳳邠兩屬界連南山即應豫為防範潼關商雒皆與河南接壤興安漢中皆與川省接壤該處有險可扼如果認真防堵自可遏匪徒竄入之路著樂斌譚廷襄體察情形何路

實錄卷三十三

三十五

喫重即先行遣派妥員會同地方官紳籌辦團練堅築堡砦以防各匪竄越如有土匪隱匿勾結亦即認真查拏懲辦該督撫等務當未雨綢繆毋得臨事周章致滋貽誤將此由四百里各諭令知之○又諭德楞額奏請飭調察哈爾馬匹等語察哈爾距山東較遠恐解到時轉多疲乏此項馬匹為數無多即著德楞額在該處左近地方自行採買驢壯馬二百匹補足疲殘缺額俾官兵隨時訓練以

成勁旅將此由五百里諭令知之。又諭前據薛煥奏籌濟鎮江及大江水師餉糈並滬上道府無員可委札飭喬松年在江北遴委妥員辦理江南糧臺茲據查文經奏餉需無款可指專候接辦糧臺委員前來督辦等語當常州失陷之後兵勇潰散退至望亭存營兵勇無多該員所稱普放水陸各營一月口糧並途次補放借給之款共放銀十八萬三千二百餘兩難保無任意冒銷之弊查文經

著即革職由薛煥嚴密訪查有無藉端虛冒情事並飭令將從前經手收支各款交代清楚如有含混侵蝕情弊即著嚴行叅辦至江南糧臺存項無多無款可指現在大江水師及長龍船待餉孔殷必得迅派委員接辦薛煥不必拘定官階大小趕緊遴選公正諳練之員仍遵前旨設法籌款飭令帶往江北辦理江南分設糧臺專放鎮江一軍及大江水師軍餉不得以無員可委盡諉之喬松年派

員經理儻有貽誤致令諸軍飢潰惟薛煥是問將此由六百里諭令知之。命安徽按察使毛鴻賓總辦皖北營務以冒濫保薦安徽帶兵參將劉元勳等分別革職留營並撤銷所保原案。命工部郎中余述祖回籍辦理安徽婺源團練。命四川馬邊廳同知孫濂等聽候團練大臣李惺差委。辛卯硃諭僧格林沁握手言別倏逾半載現在大沽兩岸正在危急諒汝在軍中憂心如焚倍切

朕懷惟天下根本不在海口實在京師若稍有挫大總須帶兵退守津郡設法迎頭自北而南截剿萬不可寄身命於礮臺切要切要以國家倚賴之身與醜夷拌命太不值矣離營後南北兩岸礮臺須擇可靠之大員代為防守方為妥善朕為汝思之身為統帥固難言擅自離營今有硃筆特旨並非自己畏蒞有何顧忌若執意不念天下大局只了一身之計殊屬有負朕心握管不勝悽愴諄諄特

諭汝其懍遵此殊諭著載垣端華軍機大臣
公同閱看附廷寄由六百里加緊發去○諭
內閣宗人府奏應給貝勒官員甲數請旨遵
行一摺瑞敏郡王奕誌之承繼子載漪已封
為貝勒其從前所留郡王分內官員甲數著
即照貝勒分內應得之數裁減給與○又諭
玉通等奏科布多額爾德尼畢什呼勒圖墨
爾根班第達呼畢勒罕本年因朕三旬萬壽
聖節率領該處喇嘛等奉經奏聞一摺本年
朕三旬萬壽聖節額爾德尼畢什呼勒圖墨
爾根班第達呼畢勒罕自備資斧率領明噶
特額魯特二旗游牧居住之喇嘛等奉丹書
克等經二十一日實出忱悃甚屬可嘉著加
恩由該處庫內動銀二百兩賞給該呼畢勒
罕等以示朕嘉獎之意○諭軍機大臣等本
日據僧格林沁等奏唐兒沽被賊占踞大沽
兩岸危在旦夕一摺據稱該夷大隊於二十
八日卯刻先欲渡河因我兵防守嚴密隨向

唐兒沽攻撲我軍相持兩時傷亡甚重餘俱
退回現在拉撒浮橋令潰兵均歸北岸礮臺
以圖扼守各等語唐兒沽既被占踞夷勢自
必益張該大臣現以兵勇悉力抵禦如果無
可支撐惟當設法酌撤由該大臣等督帶馳
赴天津扼要守禦以固京師門戶至該大臣
韜略素嫻久為朕躬所倚賴現在身膺重寄
惟當以大局為重不可因目前小挫致有憤
懣之心總當妥為調度鎮定自持以期挽回
補救是為至要該大臣所寄載垣等信函業
由軍機大臣呈覽矣將此由六百里加緊密
諭知之○又諭前日據僧格林沁奏稱夷人
占踞新河恐由軍糧城直赴天津府城業令
西凌阿派撥營城駐劄之吉林黑龍江察哈
爾馬隊會合大沽南北兩岸馬隊跟蹤追勦
本日復據僧格林沁奏稱夷人已由新河攻
入唐兒沽地方大沽礮臺萬分危急是該夷
專欲攻撲大沽急應厚集兵力著西凌阿即

將營城駐劄之吉林等馬隊刻即統帶前赴大沽救援後路與僧格林沁合力夾擊以分賊勢軍情緊急萬分不得以派援津城為辭遷延不進致罹國憲將此由六百里加緊諭令知之○又諭本日據僧格林沁奏唐兒沽被夷占踞大沽危在旦夕一摺夷人既占唐兒沽恐其分股徑撲天津郡城天津為京師門戶豈可稍有疏失寬惠等於一切布置防守事宜諒已妥為豫備著即趕緊選派明幹

兵役於唐兒沽赴津一帶地方層層設探並於濠牆內各處加意防守如果夷勢猖獗以大股悉力撲犯寬惠等即可派委幹員告以大皇帝已欽派大員前來與爾國議事即日可到以期稍緩其勢總宜固守津郡毋得稍涉大意○又諭連日疊據僧格林沁等奏喚哱等夷占踞北塘村莊其大股分撲新河軍糧城我軍接仗失利本日據奏唐兒沽亦被占踞大沽礮臺萬分危急現在夷氛猖獗其

或襲天津或趨京師均未可定亟宜厚集兵力以嚴捍衛而固畿疆著托明阿於原調馬隊一千外再行挑撥馬隊五百名共一千五百名成凱德勒克多爾濟英桂於太原綏遠歸化各城內挑選駐防兵一千名春佑挑選熱河兵五百名譚廷襄挑選陝西兵三千名慶昫於原調馬隊一千外再行挑選馬隊一千名共二千名文謙挑選直隸兵三千名並文煜將本年原調之山東兵三千名恩燮將

本年原調之青德州兵五百名玻崇武酌量於密雲調派若干名均須趕緊調派一律精壯配齊軍裝器械火藥鉛丸各派大員管帶即日啟程馳抵通州聽候瑞麟調遣該將軍等務須勿涉張皇致令民情驚擾並不可稍涉延緩貽誤事機將此由六百里諭令托明阿等並傳諭文謙知之○又諭本日派大學士瑞麟統帶京旗各官兵五千名於七月初一日啟程前往通州併尚書伊勒東阿所帶

官兵四十名。共馬步隊官兵九千名。所有應領餉項。已諭令戶部先撥銀十萬兩。交順天府支應。即著張祥河董醇。於通州安設糧臺。照例支放。並派委廉幹大員。前往督辦。毋稍遲誤。將此諭令知之。○又諭有人奏。撫藩幕友。庇護親屬。請旨查辦等語。據稱河南試用知縣余嘉穀。係巡撫幕友余霽之孫。年輕浮薄。膽大妄為。該員並未到過軍營。遽以軍功保舉。又河南候補知府陸迺普。係藩司幕友

實錄卷三十三

三十三

陸舜卿之兄。性情貪鄙。營私無忌。越署懷慶府優缺。縣丞典史俱納賄認拜門生。該二員之罔上行私。皆由余霽陸舜卿之力。為護庇等語。職官恃勢營求保舉。謀署優缺。如果屬實。大干法紀。亟應徹底根究。以儆官邪。著慶廉按照所參各情。確切查明。嚴行叅辦。務須破除情面。毋得稍涉迴護。致有不實不盡。原片著鈔給閱看。將此諭令知之。○又諭法福禮奏。兵餉積欠愈多。請飭催籌撥一摺。據稱

烏魯木齊暨巴里坤古城吐魯番四滿洲營兵餉。歷年積欠已六十餘萬兩。待餉孔殷等語。自係實在情形。已諭令樂斌林揚祖設法籌撥數萬兩。以資接濟矣。惟此時內地各路軍餉需款甚鉅。勢難專顧西路。源源撥解。該署都統仍當就本城地方設法籌畫。毋得專待甘餉。自成坐困。將此諭令知之。○大學士瑞麟奏。請將祭酒阜保隨帶赴通從之。○命大學士瑞麟理藩院尚書伊勒東阿統帶官

實錄卷三十三

三十三

兵赴通州防堵。○以安徽勦撫沙河捻匪出力。賞守備石向陽等花翎。守備張福甲藍翎。餘加銜升敘有差。○以安徽攻克程圩逆巢出力。賞守備趙玉成巴圖魯名號。外委李鴻猷加守備銜。花翎。副將黃鳴鐸加總兵銜。道員才宇和加按察使銜。餘升敘加銜有差。○士辰諭內閣著派文俊恆祺前往北塘海口。伴送暎拂二國使臣進京換約。○諭軍機大臣等。昨據僧格林沁等奏。唐兒沽被夷占踞。

大沽兩岸危急。當由六百里加緊發去硃批。一道令該大臣總當以大局為重。本日已可接奉矣。茲據僧格林沁等奏。夷人占踞唐兒沽。並未出村撲擾。給與照會。亦尚未覆。並據恆福奏。密陳設法議撫之策。各一摺。此時夷人既未出村撲擾。或係尚畏該大臣威名。不敢遽肆衝突。或另有詭謀。欲占踞兩岸礮臺。均難豫定。不可不嚴為防範。如該夷由北塘搬運大礮。即飭西凌阿迎頭截擊。勿令遂其

實錄卷三百三十三

三十四

奸計。仍著恆福一面再行給與照會。告以大皇帝因爾等遠來。已特派文俊。恆祺。由京前來北塘。伴送爾等進京換約。以期永敦和好。該夷應允後。如肯由北塘行走。固屬妥協。若必欲由大沽行走。即可由我更換小船。令該夷乘坐。由大沽行走。知照文俊等。與之接晤。後一同進京換約。並須與之約定。以後彼此不准再行用武。大沽之防。仍不可撤。如該夷萬難理諭。仍以全力向兩岸礮臺攻撲。我軍

抵禦不甚得手。僧格林沁務須遵奉硃諭。酌派大員防守礮臺。該大臣即抽帶兵勇。迅保津郡。以固京師門戶。諒僧格林沁必能仰體朕心。權宜辦理也。昨因軍情緊急。諭令瑞麟於備調京兵一萬名內。先撥五千名。於七月初一日。統帶前赴通州。伊勒東阿所帶京兵四千名。仍駐劄河西務。歸瑞麟調遣。至大沽礮臺後路。如屬空虛。著恆福於附近該處之直隸各營官兵。並上年所團津屬之靜海等

實錄卷三百三十三

三十五

縣練勇。酌量調赴。以作大沽後路。庶分賊勢。毋致疏虞。將此由六百里加緊密諭知之。○又諭。本日據僧格林沁等奏。二十八日卯刻。與夷人接仗後。至二十九日申刻。夷人仍踞唐兒沽。並未出村尋釁。該大臣等將應設礮位等妥為布置。人心較定。並由恆福給與喚咄照會。告以大皇帝業已派有大臣在京。等候該使臣等商議。尚未接有該夷照覆等語。現已將文俊。恆祺。前往北塘。伴送該使臣進

京換約之處。明降諭旨。該大臣等現在無論行抵何處。著即兼程前進。儻該夷索看旨意。可即將本日明發諭旨。給與閱看。接見以後。是何情形。著即詳細馳奏。將此諭令知之。○又諭前經明降諭旨。派桑春榮為督辦順天直隸團練大臣。現在京畿東面一帶。亟應興辦。從前粵匪竄擾天津。近京地方。如武清等州縣。均各辦有成效。備見民情好義。足以助兵力之不逮。所有各處團練成規具在。自不

實錄卷三百三十三

三六

難迅速舉行。著張祥河、董醇會同桑春榮。即飭近畿東南兩路各廳州縣。趕緊先行辦理。應如何團結訓練。以杜奸細之窺伺。以作同仇之志氣。務須悉心斟酌。俾臻妥善。其從前武清等處辦理章程。有可採擇之處。著與現議各章程參酌互用。並須於數日之內。一律舉行。不得稍涉延緩。至京畿西北兩路。及直隸闔省。俟東南各州縣辦有頭緒後。再行次第籌辦。將此各諭令知之。○以都察院左都

御史愛仁兼鑲白旗漢軍都統。○予故鑲白旗漢軍都統慶如祭葬。

實錄卷三百三十三

三十七

大清文宗協天翊運執中垂謨懋德振武聖孝淵恭端仁寬敏顯皇帝實錄卷之三百二十三

莊得勝爲總吏日講進官太子太保上書唐鑑傳入通閣翰林院學士積欽欽奉一命事倭國史文館總纂官兼
大學士管理兵部事務加十三級紀錄十四次實績奉天總督官路應祥官太子太傅文淵閣領閣官武英殿總纂官兼廣西土轄仁閣
大學士管理戶部三庫事務管理刑部事務加二十三級紀錄十六次實績周垣堵邊燕官太子少保管理內務府事務引見軍機處臣
懷慶鎮副都統一解兩省管理三庫事務加四級隨帶加五級紀錄十二次實績營城武官經略諸君佐德成最著清丈道達上書有疏請
沖簡文館總纂官直隸按察使卽從前由書管理太常寺禮部事務加二級累功加四級隨帶加八級紀錄五次實績俸什理等奉本

咸豐十年庚申秋七月癸巳朔享

從事以嚴紀律而固軍心現已由恆福兩次
給與該夷照會儻從此就撫事機固順如或
再肆猖獗該大臣督軍擊退則津郡與京師
皆可無虞震動萬一事機緊急該大臣總當
恪遵硃諭斷不可固執已見諒該大臣必能
仰體朕心勿專以大沽為重置京師於不顧
孰輕孰重又何待朕屢次諄諄訓諭也將此
由六百里加緊密諭知之又諭本日據僧
格林沁等奏大沽兩岸布置嚴密等情形一

摺並據軍機大臣將恆福寄伊等信函進呈。夷人接二十八日照會後業已立白旂該督於三十日復將現已派有欽差赴津給與嘆咈照會雖尚未接有覆文或可望其就撫。昨已派文俊恆祺前往北塘海口伴送嘆咈使臣來京著恆福再行給與照會以欽差業經趕到津城即可前赴北塘與噸噶兩酋會晤。由文俊等伴送來京辦理換約之事如該夷酋應允不妨優加禮貌不至妄生疑慮至該

夷酋行走道路總宜設法宛轉令其由北塘進京方無意外之虞昨諭更換小船准由大沽進口且不可先行提及俟該酋等遞到覆丈或有遲疑即著飛速馳奏候旨遵辦僧格林沁專意力扼大沽不肯撤回天津保衛京師實深慮念惟事勢如果緊急恆福總當設法保全不令遽蹈危險此時不可過於急切轉致激其意氣毅然不顧朕為維持大局愛惜人才該督自能仰體此意也將此由六百

里加緊密諭知之又諭周天受奏旌德等處賊匪竄犯甯國郡城被圍急盼援師一摺據稱賊匪兩萬餘人由旌德涇縣分路竄撲甯國府城該提督派撥官軍分投迎擊疊次鏖戰賊勢不衰現在府城被圍情形危急請速派援師等語甯國為江浙屏蔽儻有疏失則蕪湖等處之賊得與蘇常聯絡辦愈難著手曾國藩已抵祁門著即調派勁旅間道前往甯國與周天受內外夾擊藉解城圍並

責成領兵將弁星速遄行毋稍遲誤其蘇常等屬應如何速籌進剿一俟鮑超等到營並著即行籌辦將此由六百里諭令知之○又諭周天受奏江蘇金壇縣城自四月初一日被圍經總兵蕭知音叅將艾得勝周天孚署知縣李淮督率官紳民團嬰城固守至今數月並無一旅之援請飭援救等語金壇縣城以彈丸之地界連常州等處四面皆賊該文武將士紳民深知大義堅守待援至數月之

久效死勿去必得迅速援救俾忠義自效者得以保全方可激勵軍民之心前據薛煥奏稱已咨商總兵馮子材派兵前往現在該總兵是否業已派兵往援著巴棟阿迅即添派勁旅兼程赴援力解城圍將此由六百里諭令知之又諭本日據張芾奏旌太逆匪糾黨圍撲甯國府城浙西賊竄徧徼界並據周天受奏甯國府城被圍困守待援各一摺旌太等縣賊匪糾合大股圍撲甯國府城該提督登

陣守禦迭次出戰均有斬獲而賊勢仍不少
卻甯郡為江南上游地勢最關緊要江長貴
於廣德防內派撥之援兵二千數百名計亦
不久可到著周天受一面嬰城固守一面激
勵士卒先就現有兵力會合江長貴所派之
兵四面夾擊並著張芾派撥得力兵勇前往
救援以期迅解城圍其宜興股匪已竄於潛
昌化逼近歙東並著張芾派撥將弁督兵實
力堵剿毋令蔓延將此由六百里各諭令知

之○調正白旗漢軍都統肅順為錄黃旗漢
軍都統命江西浙江湖北湖南各督撫籌
撥餉銀軍火解赴皖南軍營並命浙江巡撫
王有齡速派大員接辦甯國糧臺以江北
剿匪出力賞同知直隸州知州李慶琛姚弼
唐同知朱忻知州裘輔副總管富勒慶阿依
薩布守備黎占熊等花翎領催富祥等藍翎
餘加銜升敘有差○以竊餉潛逃革江西千
總歐陽龍等職逮問予安徽陣亡叅將廖

榮陞都司劉登高周國柱徐定邦千總謝承
恩把總陳元棟陳步龍陳忠義高鳳和外委
陳友元徐忠明蕭占春縣丞汪熙春從九品
魏加成祭葬世職○甲午諭內閣工部奏駁
查南河初堵復堵豐北漫工銀兩請飭迅造
清冊具題一摺南河豐北漫口初堵各工用
過庫平銀四百六十餘萬兩因冊造浮多經
該部駁令查明覆奏其復堵各工用過銀一
百八十餘萬兩駁令分別應賠應銷造冊具

題迄今日久未據奏報殊屬任意宕延現在
河工各員已分別裁撤若不及時清釐則承
辦人員紛紛離工應銷應賠各款勢必無著
著曾國藩王夢齡飭令經手各員將初堵復
堵用過錢糧迅照駁查各款造具清冊分別
題奏報部其文武各屬應賠銀兩著勒限嚴
追不准稍有拖欠並查明道廳各員內有承
辦各案未結之員著暫留工次不准擅行出
省其有因公出省並升遷事故離任者速行

調回清理。勒限六個月一律趕緊趕辦。如限滿仍未辦結。或有冒濫情事。即著指名嚴參。以重帑項而釐積弊。又諭工部奏請飭催東南兩河欠解水利銀兩一摺。東南兩河欠解中年豐北兩案歸公水利銀十八萬五千餘兩。並南河欠解該部六季飯銀五萬二千九百餘兩。八九兩年水利銀一萬八千三百餘兩。東河欠解六七八九等年水利銀二萬八千三百餘兩。均未解部。殊屬玩延。此項銀

兩均係各工承領時隨時生扣有著之款。何以久懸不解。難保無侵蝕之弊。著曾國藩黃贊湯王夢齡迅將欠解各款如數解部。毋再延緩。另片奏中年豐北兩工當時所用均係實銀。其常年兩河工程雖係搭用寶鈔。南河尚有各省例解到工現銀。東河尚有奏定搭成實銀。所有應解歸公及常年水利飯銀均著按照各工放款章程分別解交。不准儘以官票充數。又諭慶昫奏參不以公事為重

之稅務監督一摺。張家口監督治昌於徵收馬稅底簿。經該署都統調查。以備詳覈。乃該監督率行咨覆。稱六月以來並無報稅馬匹。迨疊經駁查。始據送到各項稅票。起數既夾雜不清。又有六月稅票在內。與原咨亦屬不符。顯係巧為推避。治昌著先行交部議處。仍責令照該署都統所查之數逐層送出。以憑覈辦。儻再有含混。即著從嚴參辦。諭軍機大臣等。據載垣等呈遞大沽海口探報。內稱

二十八日。侍衛布爾和德解到所獲夷人十五名。內有廣西長髮賊十名等語。該夷此次來津。帶有長髮賊。是該夷與粵逆勾結。已可概見。現在恆福給與喫佛照會。該夷如從此就撫。僧格林沁自應固守大沽礮臺。若該夷決意用兵。該大臣仍當察看情形。遵照前旨。擇要扼守。不可專顧礮臺。致悞大局。並派得力之員扼守大沽。以防夷船闖入。方為妥善。該夷既與粵逆連為一氣。即或我軍攻勦得

手亦必揚帆而去。邀集髮捻各匪水陸並進。京師更為緊要。仍賴該大臣帶兵迎擊。以資捍衛。此係通籌全局。非僅為保全該大臣一身計也。所擒夷人五名內。如有俄味兩國之人。不可傷害。派員送還。並照會該二國。既與中國和好。兩國之人。斷非助戰。想是誤被裹脅。看其如何回答。喫咈二夷。接到照會。有無回信。並著迅速馳奏。將此由六百里密諭知之。○以克復安徽鳳陽府城。臨淮關。賞知縣

王立功等藍翎。餘升敘有差。○以克復廣西賀縣城。賞知縣劉嶽曙花翎。餘加銜升敘有差。○予廣西陣亡叅將劉文彬祭葬世職。如總兵例。建立專祠。守備譚文海祭葬世職。如都司例。命撥張家口稅銀一萬五千兩。接濟直隸軍餉。○乙未諭內閣。崇實奏查明撤任知府。訐告上司各款。分別定擬一摺。前因曾望顏奏撤任知府翁祖烈。臚列八款。訐告當諭令崇實秉公查辦。茲據奏稱查明原訐

各款內。勒索規禮一節。據各州縣辦差家人俱堅供。並無其事。惟該署督自陝入川。所帶人數眾多。於丁役人等不加防範。以致浮言盈耳。所稱盤查銀庫。僅看銀三封。餘概免盤。並收受規費折乾一節。該署督盤查藩鹽兩庫。因銀數較多。並不抽查。僅看零銀三封。實屬草率。翁祖烈因夔州府知府羅升梧差解四廳經費銀六千兩。至督署投遞。遂疑該署督有收受規費情事。所云水禮折乾。亦不能

指出實據。所稱敘嘉軍務日緊。該署督畏蒞不前一節。上年滇匪上竄。敘嘉一帶。該署督業經奏請親往督勦。到省後。因近省土匪蠕動。復奏請在省坐鎮。以致日久無功。雖非意存畏蒞。實屬坐失事機。所稱川省吏治因循。該署督既經劄諭屬員。乃既稱確切。查明復云姑寬。既往一節。該署督雖無私心。實係前後詞意矛盾。致翁祖烈得以藉口。所稱武備廢弛。廣招咽喉匪滋事一節。據崇慶州金堂縣

稱係奉防勦局札飭不盡由該署督之意但該署督身任總督豈得諉為不知所稱撥移防勦局並派陝西候補知府田良在局及為富順縣知縣胡汝開鋪張勞績一節訊據防勦局向設藩署該署督改移皇華館以便親自稽查田良入局尚無把持等弊惟該員向來聲名平常該署督未免輕信偏任胡汝開以帶勇擅長該署督將其記功旋因防勦不力即予奏參尚無不合所稱該署督不按定期放告遇停刑日發交印封一節雖於公事認真起見究與定例不合至縱子干預公牘並串通家丁在外招搖一節訊因該署督年老健忘遇公務紛紜往往令伊子曾捷魁存記批發票件或令代筆以致物議譁然疑有賄囑關通之事家丁張喜呂義亦無串通舞弊情事惟該署督既信任伊子家丁張喜呂義等皆係年輕浮動訊無招搖殊難憑信曾望顏身任總督大員不能整躬率屬種種荒

謬又信任其子不能嚴加防範因而家人藉勢招搖致招物議實屬咎無可辭前已因案革職暫留四川總督署任著即行革任仍留於四川聽候另案查辦翁祖烈以屬員訐告上司雖訊非無因乃砌詞列款肆行詆毀此風斷不可長著即行革職永不敘用以示懲儆張喜呂義著杖一百枷號一個月遞回廣東江蘇各原籍折責發落調任成都府知府楊重雅布政使祥奎鹽茶道韓錦雲前任夔州府知府羅升榜查無賄囑代辦臬司及致送規費等情均著無庸議川省陋規現已明降諭旨永遠裁革地方官徂於積習難保不潛行營私相沿不改此業雖無確據實難保其必無嗣後地方大吏各宜自飭廉隅以為表率庶幾源清流潔大法小康不至為屬員扶制訐告之風亦可永息務當激發天良痛懲前轍以副朕澄敘官方之至意○又諭崇實奏隨營知府被控重情並現任知府徇私

舞弊請分別嚴辦一摺據稱四川撤任知府翁祖烈呈出田良幕友邵桂芳稟詞控告田良捏報冒功縱賊殃民所有各款虛實亟應徹底根究邵桂芳於該大臣行抵川省時即向行館投遞呈詞經成都府知府楊重雅向候補知縣鍾瀚假稱借閱擅行懷去顯係意存寢息陝西候補知府田良著革職拏問交崇實東純嚴行審辦並緝提邵桂芳到案對質楊重雅著一併撤任嚴究以成信讞○諭

軍機大臣等僧格林沁等奏接得英夷照會極為狂悖鈔錄呈覽並該夷占踞大小梁子各摺片又據恆福奏夷情緊急請由軍機處迅即照會等語旋據奏報接到英夷照會呈覽該夷言詞狂悖其意將以全力攻撲大沽及兩岸礮臺現復占踞大小梁子夷勢萬分猖獗現由軍機處擬出照會已交文俊等轉達該夷其能否聽從罷兵尚未可知該大臣等自當固守礮臺悉力抵禦恐該夷攻撲礮

臺後面營外並無援兵本日已傳諭寬惠等令派官紳帶領天津兵勇馳往大沽一帶救援並諭將天津以南州縣民團調出山海關馬隊已寄增慶等令其飛催前進該大臣等惟當激勵兵勇內外夾擊將該夷痛加勦洗以解礮臺之危俟該夷少挫或尚易於轉圜儻該夷攻撲礮臺大沽萬難固守該大臣仍當遵照硃諭帶領得力官兵保全津郡即以捍衛京師不可稍涉拘泥江蘇委員藍蔚雲

黃仲奮等於五月二十六日由上海陸路啟行約此時當抵直境著恆福飭令地方官查明該員等行抵何處即催令迅速前往大沽聽候差委將此由六百里加緊密諭知之○又諭本日福濟奏甘省要政亟宜練兵裁冗足餉養鋒以除糜費而防飢噪一摺甘肅地處窮邊額兵甲於直省歲須各省協餉甚鉅近年撥解維艱於咸豐五年議准餉銀每兩按時價折八錢五分仍緩發二成先發一成

茲據奏稱所發餉銀實數祇得一半猶有短欠遲支不能按季士卒枵腹時有出伍辭糧陽為求餉陰謀鼓噪之事以致曠操違令該管官亦無如何設兵無以為養多兵反足為害若不及時裁冗恐有尾大不掉之患第裁之不可大驟必須辦理得法陸續汰其老弱留其遺缺積之年餘可去三分之一然後將所留二分勤操練習悉成勁旅庶幾裁冗即以練兵糜費可除於現在養鋒先期足餉飢噪可防於未然即文武各官歷年添設不少冗員亦應隨時裁改以省枉費等語著樂斌林揚祖即按所奏情形悉心體察斟酌妥議覈減務須兵能日贍餉不虛糜以期有備無患另片奏甘省兵餉除地丁釐金協款外惟倉糧尚屬有餘可資搭放如甘涼肅等處月放銀麥各半惟西甯倉多豌豆陳陳相因易致微變其他縣亦有應存三四萬石至十餘萬石者該管道府縣目擊飢兵困苦且恐或

生覬覦酌量准借抵放而藩司拘於成例責令籌議扣還上下相持有名無實等語並著該督督同藩司查明各州縣實儲新舊倉廩除應留各營例支本色外其餘存糧各就地方情形於現領二成餉銀之外酌量搭放並將各兵所借之糧統俟協撥充裕餉銀全領之時再行陸續按季扣還是否可行有無窒礙之處一並詳細查明妥議具奏將此諭令知之○又諭前諭曾國藩俟左宗棠李元度鮑超張運蘭等到齊分道進兵規復蘇常茲據王有齡奏逆匪竄入於潛後復東竄貴芳橋離臨安四十里地方風山牧亭村等處均有賊蹤勢將內犯省城防剿均難請飭該大臣迅速赴援等語逆匪盤踞於潛東可達臨安餘杭南可達新城分水桐廬均可內犯省城若占踞嚴州則江西福建餉道不通援兵隔絕杭城亦為坐困省城兵勇雖有一萬數千能守而不能戰該撫接據探報並盤獲奸

細有四眼狗陳逆由蘇糾合賊黨五六萬欲竄抗湖。又思先取徽甯之語。省城萬分危急。曾國藩現已馳抵祁門。若由此入徽。即由潛安。嚴州轉戰而東。先將此股逆匪勦除。則皖浙可以保全。然後進兵削平江蘇諸郡縣。庶大局可以挽回。如曾國藩尚未能督兵前往。即著催調張運蘭。鮑超等迅速到齊。兼程前進。以顧全局。將此由六百里諭令知之。○協辦大學士湖廣總督官文等奏湖北軍情緊急。馬步兵勇無可撥赴都興阿軍營得旨。近又有寄諭仍飭籌撥官文等自應懍遵。該將軍雖不甚習於步隊。已有旨飭令另派大員。隨同都興阿管帶。○直隸總督恆福奏夷情緊急。請將所請各條俯賜曲從得旨。戰機已決。挽回無術。現仍擬由文俊等轉覆該夷。不過希其萬有一得。以不改前年原約為釣餌也。○命防堵山海關正紅旗漢軍副都統增慶將調赴山海關之吉林黑龍江官兵一千

三百名。交副都統格綱額管帶馳赴大沽。聽候調遣。○命直隸山東山西陝西各將軍督撫都統副都統將前調馬隊官兵派員管帶馳赴通州聽候調遣。○命長蘆鹽政寬惠等調防守天津官兵並郡城練勇赴大沽防勦。○以冒功糜餉撤四川提督占泰任並逮問。○丙申諭軍機大臣等昨諭令寬惠崇厚迅派兵勇救援大沽後路。本日復明降諭旨。令焦祐瀛張之萬回籍激勵民間招集義勇。會

同堵勦。天津百姓素稱好義。諒必同心協力。踴躍爭先。所需募勇口糧必須豫籌接濟。著寬惠崇厚不論何款寬為籌備。准焦祐瀛等先為提用。俾濟要需。事竣由崇厚覈實報銷。以清款目。所有製備軍火懸賞殺賊一切事宜均著照焦祐瀛等呈遞寄寬惠等信函辦理。該少卿等未到之先即著寬惠崇厚督同天津府知府石贊清及本地紳士先行籌辦。並雇募勇丁不得招致無業游民以防奸宄。

是為至要。○密雲副都統玻崇武奏遵挑官兵五百名赴通州防堵得旨除現調五百名外堪備再調尚有若干名迅速具奏。○命光祿寺少卿焦祐瀛翰林院侍講學士張之萬馳驛回籍辦理團練。○丁酉諭軍機大臣等本日據寬惠等奏遵撥防守天津旗綠各營兵五千餘名並挑選練勇二千餘名派員管帶前赴大沽聽候僧格林沁調遣大沽後路聲威已壯惟該夷現在占踞大小梁子逼近

西沽雖有馬隊在彼守禦恐亦未必得力既自天津兵勇數千足敷勦辦著該大臣懸立重賞激勵眾心內外夾擊並派隊渡河由唐兒沽進攻以保北礮臺後路不可全行調守濠牆致令後援兵單不能牽制賊勢並須於賈家橋一帶加意嚴防以通餉道尤為第一關鍵其餘通大沽餉道如新城等處亦須分籌守堵毋為該夷占踞八年間諸臣條奏禦炸礮火箭之法或用牛皮藤牌以避之或分

馬隊為兩翼置之陣後斜抄而出使該夷不得抄我軍之後或乘夜進攻或挖濠溝數十道俟該夷開槍我兵即伏濠中槍過越出傷近敵前使該夷火器無所施其伎倆或以零星隊伍誘其施放槍礮突然槍入該夷隊中短兵相接亦可制勝其言不無可採著該大臣體察情形相機籌辦現在文俊等已馳赴大沽前令軍機處擬給嘆唏兩國照會二件諒已送交恆福辦理撫局是其專責仍須設

法轉圜保全大局惟現在戰機已決該夷能否就範尚未可知勿墮該夷奸計懈我軍心正在寄諭間復據僧格林沁等奏報夷匪情形並札飭寬惠等暫緩派撥兵勇等語此項兵勇本日已諭知寬惠等仍遵前旨調往保守大沽後路即所以保守天津且可疏通餉道現在焦祐瀛等到津即可續募勇丁以資防剿人心尚不至於搖動該夷業經決裂占我村莊與之決戰並非覺自我開現在兵勇

厚集該大臣自當相機勦辦並嚴守南北礮臺毋稍大意將此由六百里加緊密諭知之○又諭前因恆福奏接到嘆唏兩酋照覆當令軍機處擬給照會咨文俊恆祺轉行本日據寬惠奏大沽情形萬分危急文俊等已前往海口以冀挽回該大臣等行抵大沽當已將照會轉行是否得有夷酋照覆有無可以轉圖之處速即馳奏正在寄諭間復接僧格林沁等奏稱該大臣等如接到該夷照覆定

期晤面時總宜前赴北塘以免窺伺大沽虛實等語著文俊恆祺俟接到該夷照覆定有相見之期再往北塘與該夷晤面是為至要將此由六百里加緊密諭知之又諭本日據寬惠等奏派撥兵勇赴援大沽並防守郡城一摺所稱尚為周妥惟夷氛逼近大沽危急現派去兵勇七千名恐尚形單薄昨已命焦祐瀛等赴津辦團並諭寬惠等先行雇募勇丁著即招集素有身家義勇順海河陸續

前進以為前勇後路聲援一面固守濠牆以保津郡並照焦祐瀛等函內所稱先行出示曉諭各勇丁申明大義令其同心殺戮有能殲擒夷匪及攻奪被踞村莊者除賊之輜重即行賞給外並予重賞以期踴躍從事現在北塘一帶良民富戶皆遷徙一空僅存無業游民此輩惟利是圖恐為夷人招致本日已有旨令御史陳鴻翔回籍辦理團練該員世居北塘或能籠絡此項游民安定北塘人心

不致為該夷所用至賈家橋為大沽餉道最關緊要已諭僧格林沁嚴密防堵此外各處餉援道路亦應分籌堵守毋為該夷所踞儻餉道有失惟寬惠等是問夷人炸礮火箭猛烈但將兵勇星分恭布俟槍礮過後分頭搶進夷隊短兵相接則炸礮火箭無所施其伎倆務當嚴飭帶勇各員妥為布置毋令為該夷所乘正在寄諭間接據僧格林沁等奏報天津兵勇撥動恐致人心惶惑業已札行寬

惠等緩撥兵勇援應等語。大沽礮臺步隊甚少。必得天津兵勇前往應援。況防堵大沽後路。即以保衛津城著寬惠等仍遵前旨。將派撥兵勇催令前進。並續募勇丁補額。以為防守郡城。接應前路兵勇之用。毋稍遲誤。○又諭龐鍾璐奏常昭等處防剿情形。請協濟軍餉。並請令督臣移師進剿。各摺片。前據曾國藩奏酌擬變通進兵章程。當諭令飛催左宗棠等到齊。由池州廣德分路進兵。規復蘇常。

茲據龐鍾璐奏稱。由浙至蘇。必須先復吳江。由滬至蘇。必須先復崑山。由江北至蘇。必須由常熟進兵。似此三路進兵。再由丹陽漂陽。規復常州江陰。追躡其後。庶可殲除賊匪。現在招集之兵。即係潰散之人民。團又無紀律。不能遠戰。請飭曾國藩迅速統師南下等語。蘇常等郡。被匪蹂躪。民團尚能殺賊。亟望官軍援剿。若任久陷賊中。恐民心易懈。賊守益堅。辦理愈難措手。著曾國藩體察情形。應由

何路進兵。迅圖規復。至所稱常昭兩縣捐餉已竭。請飭協濟等語。並著曾國藩飭令該地方官。就附近完善之區。勸捐接濟。庶使民團益形踴躍。得以相機攻剿。該大臣務統籌全局。盡埽逆氛。以慰朕望。將此由六百里諭令知之。○又諭前因給事中趙樹吉奏保前任詹事府右春坊右贊善李惺辦理四川團練。當經降旨賞加五品卿銜。作為四川督辦團練大臣。茲據刑部奏候補主事王鏞呈稱。李

惺年近八十。精力過衰。咸豐三年曾經保舉辦理團練。迄無成效等語。現在四川軍務緊要。該贊善是否能勝督辦之任。著東純切實查明。迅速具奏。再辦理團練。必須籌備經費。近聞四川官紳勸捐。往往押比勒追。徒飽私囊。入則以多報少。出則以少報多。種種弊端。無裨實用。著東純嚴加稽覈。如有前項情事。即行懲辦。並著飭令勸捐各員。嗣後每月將收捐若干。費用若干。出示曉諭。俾經手人等。

不致侵蝕。方為妥善。至四川情形。川南雖遭蹂躪。其餘尚多完善之區。據該主事呈稱。若於各府州縣鄉勇。擇其技藝嫺熟。年力精壯。自願效力者。取具的保造冊。範以紀律。可得精壯萬餘人。其應用糗糧器械。即由各該地方團練局中支給。既不至徒招無業游民。賊平後亦易於遣散。並著東純察看情形。妥為辦理。以收眾志成城之效。將此由五百里諭令知之。○又諭。本日錫齡阿奏。乍浦防勦事宜。及提款暫墊兵餉一摺。據稱自松江失陷後。該副都統因乍浦相距不遠。道路叢雜。無隘可扼。當即督同官兵登陴守禦。晝夜巡防。並派協領多仁圖。及德順。穆克德克等。各帶官兵。分駐乍浦東北兩路。以資堵禦。又自嘉興失守後。四月二十八九等日。尚有逆匪數百人。自平湖海鹽間道而來。該副都統督同官兵。兩路夾擊。斃賊二百餘人。餘俱撲水淹斃。統計斬獲逆匪及盤獲奸細。隨時捕獲土

匪。共計一千餘名。其難民萬餘人。酌給口糧。截回原路。惟乍浦兵餉米石。四月未放。請就近提用關稅釐捐。以資兵食等語。其所稱辦理防堵。並擊賊情形。是否屬實。著瑞昌。王有齡。確實查明具奏。至提用關稅釐捐之款。是否可以通融。得來於該官兵應支俸餉內。由藩司按數扣抵。有無窒礙。並著瑞昌等。查明具奏辦理。以杜侵冒。前諭瑞昌。王有齡。迅催江長貴。並檄平江營等軍。進扼廣德。涇縣等

賊內竄之路。其嘉興郡城。嚴飭張玉良。迅圖克復。近日辦理情形如何。著即行馳奏。以慰廑念。將此由五百里諭令知之。○命協辦大學士。戶部尚書周祖培。兵部尚書陳孚恩。工部左侍郎潘曾瑩。右侍郎宋晉。會同五城御史。辦理團防。○命山西道御史陳鴻翊。回籍辦理團練。○戊戌。諭內閣。前因御史陳濟奏。叅監司大員棄城潛逃。當降旨將蔡映斗等。等問。並將吳雲先行革職。飭薛煥確查如先

清 實 錄 咸豐十年七月上

期並無札委。即行拏問審辦。茲據薛煥奏稱。已革署蘇州府知府吳雲先期出城。確係奉有前江蘇巡撫徐有壬印文札委。並呈出令箭令旗等件。尚無捏飾情事。吳雲業經革職。著免其拏問。○又諭。袁甲三等奏鹽務同知取巧牟利。請旨革職。並勒捐餉銀等語。鹽運使銜候選道淮北監掣同知許敦詩。於本年賊竄清江時。捏稟西壩鹽棧被焚。藉為開銷肥己地步。並於聞警之際。在私宅演劇。尤屬

不知緩急。許敦詩著即行革職。並勒令捐銀十萬兩。接濟清淮防費。以為取巧牟利者戒。○又諭。英桂奏。派員署理營缺一摺。旗綠各營員缺。例不得通融署理。據該撫奏稱。以太原城守尉慶瑞。署理太原鎮總兵。而以撫標中軍參將秀魁。兼署太原城守尉。實屬與例不合。慶瑞、秀魁均著飭回本任。另行揀員署理。○又諭。全亮慶雲奏賊勢漸熾。擬撤省城防兵一摺。滇匪竄入四川。屢圖上犯省垣。經

全亮等揀調滿洲營馬步官兵。分駐城外扼守。現在楚軍會合川省兵勇。分路進剿。連日獲勝。并研解圍。成都所屬地方。亦一律安謐。所有防守省城滿洲營官兵。著即裁撤歸旗。以節糜費。○諭軍機大臣等。僧格林沁等奏北岸石縫礮臺失守。現擬遵旨退守一摺。據稱初五日卯刻。該夷馬步萬餘。攻撲石縫礮臺。因藥庫被焚。以致礮臺失陷。提督樂善登時陣亡。現擬督帶重兵扼守通州等語。覽奏

曷勝憤懣。夷氛猖獗。礮臺雖不能守。而馬步官軍為數不少。該大臣等現擬酌量退撤。再圖決戰。實能顧及大局。聞之稍慰。惟通州為京師屏蔽。而天津實為通州門戶。若非力扼天津。恐通州亦難安堵。此時夷勢雖張。而海河防具層層密布。想船隻尚難立時闖入。且津郡城外築有濠牆。尚堪扼守。著僧格林沁等將大沽兵勇一面撤退。一面前赴津城。將海河兩岸及郡城守禦事宜。督飭寬惠等妥

為籌畫後再赴通州。未可因該處水陸受敵置之不顧。瑞麟於初一日始往通州。尚無眉目。其天津後路以至通州一切布置應如何相度要隘。擇要嚴防。調撥兵勇分投堵剿。以臻周密之處。均著該大臣等妥為辦理。至大沽礮位軍火不少。並著恆福將可以運回者。即行搬運。其不能搬運者。礮位即應釘眼。或推落海河。其餘軍裝火藥糧餉等均應立時焚毀。毋許存留資敵。將此由六百里加緊密

諭知之。○又諭本日據寬惠等奏赴援大沽兵勇現在整裝以待。並據僧格林沁等奏北岸石縫礮臺失守。大沽兩岸萬難支持。各一摺。津郡為京師門戶。大沽既無可守。則津郡愈形喫重。所有前調兵勇。即著無庸派赴大沽。留於該郡嚴密布置。並督飭石贊清激勵民心。竭力堵禦。於天津附近各要隘處所層層設備。迎頭截擊。毋得稍有疏虞。致令京師震動。是為至要。僧格林沁本日已令其酌撤

大沽兵勇。退保天津。以定人心。其應如何守禦機宜。寬惠崇厚等即可稟承該大臣熟商妥辦。力求防勦之策。方為妥善。又諭本日據恆福奏稱事勢危急。已勸明僧格林沁即日啟程。退守通州一帶。保衛京師。並將照會。哭啼之件呈覽。本日復據文俊等奏稱接到哭啼照覆。必欲欽派全權大臣。能允二月定款者。方肯會晤等語。具見該督遵旨妥辦。尚能以保全大局為心。欽派重臣一節。該督業

經允許。著再行給與照會。現在大沽業已撤防。所有海河內一切防具。亦須多日方能撤清。庶可由此赴津。惟既敦和好。兵船不必多帶。恐致百姓驚擾。反為無益。至該夷屢次以和誤我。此時大沽之防既撤。由津至通一帶布置尚未周備。亦正可藉此稍緩時日。該督一面會商僧格林沁等於附近天津。及由津至通一帶。擇要設備。毋稍疏虞。將此由四百里密諭知之。○又諭本日據僧格林沁等奏。

初五日卯刻北岸石縫礮臺被夷攻陷。情形危急。擬遵旨退守以保京畿。焦祐瀛等。於今日啟程。所有危急情形。諒已在途探悉。此時雖有文俊等議撫。亦不過暫時羈縻。恐將來終須勦辦。著即飛速前進。馳抵天津。趕即出示曉諭四鄉居民。激以大義。並懸賞格。令其同心殺賊。該夷如不受撫。竟來撲犯。即糾集團勇。痛加勦洗。使該夷知所畏懼。焦祐瀛等。自能斟酌緩急。相機籌辦。也將此由四百里

奉

密諭知之。又諭瑞麟奏通州設防情形。並河西務官軍應否赴通。及請調京旗礮位各摺片。大沽北岸石縫礮臺。於初五日卯刻被夷攻陷。僧格林沁等遵旨退守。已諭令將天津府城及津城後路通州前路酌度情形。派兵扼剿。所有伊勒東阿統帶官兵四千名。應令仍駐河西務。聽候僧格林沁調遣。備調京兵五千名。已令辦防王大臣催令赴通。一俟到齊。即著瑞麟量為派撥。擇要駐剿。通州舊

存營址。係僧格林沁相度。當屬扼要。八里橋亦係要道。瑞麟於通州城外安營。於一切調度機宜。自屬便捷。若該大學士固守城內。則匪眾之來。安保不由城外越過。轉致扼剿無及。所請將大營移入城中。究不如城外較便。其挖濠等事宜。仍著飭令地方官迅速辦理。至修城一節。暫且緩辦。所需礮位。已飭令各旗趕緊運送矣。將此諭令知之。又諭薛煥奏。近日各路軍情。請飭統兵大員派兵馳援。

奉

一摺。據稱。蘇省自松江克復後。餘匪復陷嘉定。進踞南翔鎮。招集附近土匪。圖竄上海。青浦縣踞城逆匪。距上海密邇。雖經兵練攻擊。未能得手。滬城兵力甚單。請速催曾國藩。瑞昌督師赴援等語。已諭知瑞昌。王有齡。飭張玉良。迅派勁旅三千。馳赴滬上矣。曾國藩現移營暫住祁門縣境。擬俟新募楚師到齊。始由徽甯進剿。昨因蘇省逆匪。由浙省長興孝豐一帶竄至於潛縣境。甯國郡城。又有大股

逆匪數萬。攻圍甚急。已諭令曾國藩派兵迎剿。進解甯郡之圍。此時浙省皖南軍情喫緊。曾國藩勢難兼顧蘇省。薛煥惟當俟浙省援師到後。力圖攻克青浦。嘉定。二城。會合民團。進圍蘇郡。並速行鼓勵常熟民團。克復江陰城池。以斷賊匪渡江北竄之路。將此由六百里諭令知之。○命杭州將軍瑞昌等。撥兵三千名。馳赴上海。交巡撫薛煥調遣。○以庸劣不職。革廣東平海營參將莊起鳳等職。○予

江南陣亡團長都司徐浩。從九品馬善。祭葬世職。五品軍功龐希賢。監生俞大倫等。賞卹如例。○己亥。諭軍機大臣等。文謙奏。續調官兵。派員管帶。馳赴通州一摺。此次續調官兵。內馬蘭鎮二百名。泰甯鎮三百名。為數無多。況係守護為重。馬蘭鎮兵尤難調出。著文謙於直隸各營中。另行挑選精兵五百名。補足一千五百名之數。仍遵前旨。飭令迅速馳赴通州。聽候僧格林沁。瑞麟調遣。其原調馬蘭

泰甯二鎮之兵。均著各歸原汛。○又諭。前因曾國藩。毓科奏。請起用告養回籍道員沈葆楨。辦理廣信防務。當諭慶端等。飭令前赴江西。並將該員補授吉南。贛甯道員缺。茲據慶端瑞璜奏。該員因親老多病。家無次子。未能遠離。已准其終養開缺。惟此時皖南浙江賊氛蔓延。江西廣饒一帶。防務均形緊要。所有帶勇督團。撫綏地方各事宜。亟須得力人員辦理。著曾國藩。毓科。會同商酌。即行揀派熟

悉地方情形。素稱得力之員。前往廣饒一帶。辦理防務。以固邊圉。將此由五百里各諭令知之。○以內閣侍讀學士王映斗。署光祿寺卿。○以福建臺灣北路協副將曾玉明。為建甯鎮總兵官。○庚子。諭軍機大臣等。據僧格林沁奏。天津無可守禦。現往蔡村候旨。並現擬調兵固北面之防。自請治罪各一摺。天津既無可守。該大臣擬於通州迪南屯劄。將天津破位。及在防官兵撤至通州。並將山海關

馬步各兵一併交增慶帶往所籌均尚周妥
即著照所議辦理其通州河西務原駐各兵
無庸撤回京師該大臣將所帶官兵留於通
州駐劄即著迅速來京面受機宜再行回至
防所節節向前布置以衛京師將此由四百
里密諭知之 又諭恆福奏礮臺撤防退回
津郡並文俊等奏津兵撤調赴通人心震動
應亟籌保衛各一摺並據恆福將給與夷人
照會呈覽著恆福即先行給與喫啣照會以
現已派桂良及該督為欽差大臣前來商辦
該夷得此消息暫不至即肆猖獗津城防守
事宜雖不便明為辦理亦不可不暗中防範
該郡團練已先後派令焦祐瀛張之萬陳鴻
蚨回籍辦理即著恆福於該少卿等到津後
悉心會商在津城附近一帶地方擇要駐劄
激勵士民實力經畫務使民團團結庶夷人
不得肆其衝突至津城後路凡屬入京要道
尤應將守衛捍禦各事宜迅速籌辦恆祺著

留津隨同辦理議撫事務文俊著即來京將
此由六百里加緊密諭知之 又諭巴棟阿
奏夷船入江上駛一摺據稱六月二十一日
有夷人礮船一隻經過瓜州江面船上有夷
人二名水手夷人數名甯波人十餘名問係
喫啣喇國船由上海前赴金陵傳教並呈出
致鎮江元戎信一封耶蘇書三本稱說三二
日即回至今尚未回駛請飭嚴防等語夷人
乘船上駛金陵傳教散書其與粵匪勾結已
可概見現在逆氛猖獗蘇常尚未克復江面
關繫緊要豈能任夷船往來此次夷船上駛
何以下游水師毫無覺察著李若珠查明具
奏並著飭令下游各起師船嚴密梭巡嗣後
如再有夷船駛入江面務行攔阻不得任聽
往來以杜詭謀將此由六百里諭令知之
又諭本日據慶廉奏統籌堵剿皖捻大局須
合力兜擊分路進攻一摺捻匪張樂行等大
股蔓延宿毫蒙懷廬壽一帶及豫省邊界江

蘇山東河南三省屢遭蹂躪此擊彼竄總未能痛加懲創豫省兵力僅分路扼防不足以資攻擊該撫請飭袁甲三傳振邦等移兵分路扼剿自係為通籌大局起見袁甲三現攻定遠已將得手著即分撥得力之軍環擊滄北各賊圩直擣東南要害傳振邦俟袁徐二圩攻克後即從東北一路規取賊巢並著慶廉力扼商鹿邊境節節進剿以圖毫北各圩其苗沛霖分剽宿南之軍著袁甲三飭令就

實錄卷一百一十五

七

近移劉蕭永邊境與扼守永城商鹿等軍互為聲援力扼西北進剿東南如遇大股紛乘即當力挫兇鋒不得稍分畛域如此三路兜剿同時並舉定可制賊死命埽穴擒渠該大臣等務須同心共濟以期早殄逆氛將此由六百里各諭令知之又諭現在金壇情形危迫著巴棟阿仍遵前旨即行飭令馮子材迅速進兵並嚴飭該道府等趕緊籌辦器械糧餉毋得遷延貽誤致失事機鎮城防守事

宜亦應加準備勿令賊匪得以窺伺句容丹陽常州無錫蘇州各處賊匪麇聚日多既有秋冬回竄之信尤應加意嚴防巴棟阿務宜督飭各軍聯絡師船水陸堵截毋令逆匪渡江北竄益至蔓延將此由六百里諭令知之

實錄卷一百一十五

七

以科爾沁親王僧格林沁辦理海防未能周妥革去正黃旗領侍衛內大臣鑲藍旗滿洲都統並拔去三眼花翎予天津陣亡直隸提督樂善祭葬世職謚威毅並建專祠予河南陣亡外委王琦祭葬世職辛丑孝靜康慈皇后忌辰遣官祭慕東陵諭軍機大臣等本日據文俊等奏稱前由軍機處擬定照會底案已照錄送往未按照覆等語上次軍機處所擬照會係令該

使臣來京面議尚在大沽未經撤防之先現在情形不同已令桂良即日馳驛赴津應令該使臣在津靜候會同辦理著恆福等明晰知會勿致稍有疑惑本日復據恆福等奏嘆兵已入津城等語該督接見吧酋其意總以未經派有欽差不能停止干戈為詞桂良候領欽差大臣關防即日啟程約十五日必可到津已由桂良擬就照會著恆福轉交該使臣俾知桂良剋日可到以免再有疑慮恆福

實錄卷三三四

三

恆祺均著居住城外以便與桂良面商一切將此由六百里加緊密諭知之○又諭本日據文俊等奏嘆拂兵眾已入津城占剽請派大員來津並文俊前赴楊村暫駐各摺片○夷人既踞津城往來文報恐有攔截之事文俊等毋庸回京即在楊村駐劄俾往來密寄事件藉免疏虞將此由六百里加緊密諭知之○又諭瑞昌等奏於潛大股賊匪迭陷臨安餘杭三縣並由餘杭竄偏省垣雖經總兵劉

季三一軍擊退而省城兵勇能守而不能戰張玉良攻勦嘉興之軍正在得手亦難撤調福建江西之兵雖經催調到尚須時待援情形自屬非常緊迫著曾國藩仍遵前旨迅速取道入徽即由淳安嚴州轉戰而東先將此股逆匪撲滅保全浙省再圖克復江蘇諸郡設或該大臣不能親往亦須先派得力之兵前往救援以冀挽回大局再據王有齡片奏連日探得蘇省逆賊紛紛北走終日水陸不

實錄卷三三四

四

絕且據團勇奪獲賊匪偽文內有賊目李世賢尚在蘇城盼望其黨連往省垣之語蘇城賊勢單薄似乎可信著曾國藩乘此機會應由何路進兵迅圖規復地方仍遵前旨體察情形迅速辦理將此由六百里諭令知之○又諭恩蔭奏請將調防官兵撤回歸伍等語據稱青州等營駐防官兵前經調赴江南等處防所本年金陵大營被陷後接據該帶兵官倭紳等稟稱現在陸續收集官員十五員

甲兵一百四十餘名可否撤回歸伍請旨辦理此項收集官兵著准其撤回歸伍其德州官兵即著仍歸原營並著於青州官員內酌留數員將收集兵丁儘數帶赴萊州由該副都統管帶妥為布置扼要駐劄將此由五百里諭令知之○又諭前有旨令東純兼署四川總督一切勦匪事宜均歸節制矣本日據全亮等奏提督占泰膜視軍務致令大股逆匪全數逸出竄至邛蒲新津等州縣窺伺省垣辦理軍務之知府田良由營潛自回省占泰又稱患病以致百姓搬移人心震動各等語是川省情形業已緊迫異常曾望願既經革職全亮等所統滿洲營官兵為數不多又恐呼應不靈未足以資守禦著東純迅速前進馳抵成都會同全亮等籌商攻勦之策該著督身膺疆寄責無旁貸務須整飭戎行激勵將士迅掃賊氛不得稍涉遲緩致誤事機前因提督占泰冒功糜餉業經撤任知府田

實錄卷五十四

聖

良被控縱賊殃民業已革職等因均交東純會同崇實嚴行查辦此次田良潛自回省並占泰玩誤捏病各情著一併訊明具奏毋稍徇隱將此由六百里諭令知之○又諭全亮等奏賊匪上竄省垣喫緊籌派官兵相機防勦一摺此時省城防守事宜十分緊要全亮等務當督飭在省官兵嚴密布置一面催提占泰所部兵勇速赴省城繞道攻擊扼要堵勦毋令竟撲省垣是為至要將此由六百里

實錄卷五十四

聖

諭令知之○賞還已革廣西提督張玉良頂帶幫辦杭州將軍瑞昌軍務以正白旗領侍衛內大臣景壽署鑲藍旗蒙古都統以雲南按察使鄧爾恆為布政使糧儲道花詠春為按察使以奉天岫巖城守尉廉孚為察哈爾副都統杭州協領傑純為甯夏副都統壬寅孝懿仁皇后忌辰遣官祭景陵諭軍機大臣等據僧格林沁奏遵旨將

所帶官兵留於通州駐劄先派員齎摺來京一摺此次該夷占踞礮臺經該大臣將馬步官兵撤退駐劄通州係遵奉諭旨通籌大局起見並非督勦不力該大臣威望素著能得兵心自應仍領欽差大臣關防會同瑞麟總統諸軍辦理防務妥籌布置以期保衛京師現在通州一帶防堵喫緊要隘處所官兵恐不敷分布所有瑞麟伊勒東阿統帶前往之京營官兵一萬四千名著暫留通州扼要設

實錄卷三二四

聖

防俟各處所調之防兵到齊後再行體察情形酌量抽撥回京其所調防兵均歸僧格林沁瑞麟統帶至通州洩水挑挖引河務須趕緊籌辦是為至要正在寄諭間據恆福奏該夷馬隊意欲屯劄北倉恐該夷尚未知已有欽差執意北犯殊屬可慮著僧格林沁嚴飭前路地方各官如見夷官可告以已派欽差不日抵津稍過豕奔而免疏虞將此由六百里加緊密諭知之又諭昨據文俊等奏夷

眾占劄津城往來文報恐有攔截當諭文俊毋庸回京即在楊村駐劄茲據載垣等呈遞文俊所寄信函有由楊村河西務一路回京之語夷人既占津城文報到時若被撻獲拆看必致另生枝節文俊著仍遵前旨毋庸回京即折回楊村駐劄俾往來密寄事件得以設法轉遞以免疏虞將此由六百里加緊諭令知之○又諭據焦祐瀛張之萬奏馳抵天津查訪情形危急一摺據稱該夷盤踞天津

實錄卷三二四

聖

郡城若遽出示曉諭四鄉居民同心殺賊必至立起釁端尤恐有誤大局現在該夷既踞城插旗並有調兵二萬來津之語雖已派桂良恆福為欽差大臣與該夷議撫暫示羈縻誠恐撫局不成該夷分兵北犯亟應豫為設防昨已諭令恆福於焦祐瀛等到津後悉心會商令在津城附近一帶地方擇要駐劄激勵士民務使人心固結並於由津至京一帶要隘處所妥為勸諭實心籌辦即著該少卿

等駐劄兩處以便分辦焦祐瀛仍擇地居住
毋庸偏近津城張之萬於附近州縣招募壯
勇聯絡聲勢俾該夷知所警懼不敢圖謀內
犯毋得以恐誤撫局為詞致人心因之生懈
也如該夷有北犯情形雖迎擊不能得力尚
可跟蹤追剿不得以雇勇為名臨事無濟徒
費帑項將此由六百里加緊密諭知之○署
漕運總督王夢齡奏奉裁河缺尚有未盡事
宜得旨所謂未盡事宜係專指奏准各條內

實錄卷一百一十五

聖

斟酌損益並未飭另議何又請留淮揚道况
酌留各廳儘數辦理所請著不准行○江西
巡撫毓科奏防務緊要請將升任福建按察
使林福祥緩赴新任從之○命武備院卿恆
祺為撫夷幫辦大臣○命直隸布政使文謙
將天津寄存藩庫餉銀二十餘萬兩迅解通
州撤順天原設糧臺均歸天津道孫治經理
並另撥銀三萬兩解交光祿寺少卿焦祐瀛
等辦理團練○予江南陣亡都司李沛章徐

申○守備李若球祭葬世職○予江西陣亡從
九品魏滌清祭葬世職六品軍功余仲龍生
員劉必達賞卹如例

實錄卷一百一十六

聖

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之三百二十四

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之三百二十五

仕途遇坎官經逐日擢起居注官太子太保上書乞歸師傳文淵閣閣事翰林院掌院學士等官亦不上府事件及御史館編修官武英殿

大學士管理兵部事務加十三號紀錄十四次。貴州學政總成。官修是議官太子太保文淵閣領閣事。武英殿總裁官教習廣書堂體仁閣。

大學士管理戶部三庫事務管理刑部事務加二十三假紀錄十六次
周祖培職官太子少保管理內務府事務對引大臣軍機大臣

學蓋誤爲州郡統戶部尚書管理三庫事務加四散隨帶加五帳紀錄十二次臣曾鑒煙灰嘗請宣旨以憑嚴懲習清大達達上書奏錄

達國史館編纂官王蔚撰蒙古郡統體郭海善官理太常寺鴻臚寺事務加二級軍功加四級領帶加八級一級九次臣保什理等奉

救修

咸豐十年庚申七月癸卯諭軍機大臣等有

人奏河南靈寶縣於咸豐三四年間合縣捐輸共實銀七千兩零該署縣曹吉麟將銀解省換錢算交總局從中取利以致參差短數總局不為具奏迄今七載各捐生僅執本縣收票不但未得部照亦並未有藩司實收上年豫省彙奏捐輸請加學額靈寶一縣獨不得與以致民心疑惑以為該署縣曹吉麟全行侵吞以後捐輸難期踴躍等語紳民捐輸銀兩自應將所捐實數按照各該省章程合

算奏請獎敘河南省現辦團練經費又須勸捐接濟似此州縣官於捐輸銀兩輒敢轉換侵蝕以致捐生不得獎敘民情疑貳殊屬可惡且於捐務大有妨礙著慶廉會同該省督辦團練大臣毛昶熙即將靈寶縣捐輸銀兩是否該署縣曹吉麟侵吞抑係總局別有勒索情弊查明懲辦並將該縣紳民所捐實銀速即按照章程覈算具奏給予獎敘又聞河南省各州縣歷次捐輸積弊似此尚多均著

晚諭紳民據實呈報一併查辦以昭激勸毋稍徇隱將此諭令知之予業經優卹並准建祠之浙江陣亡道員蕭翰慶祭葬世職如三品例遊擊吳修攷都司鄧茂先如副將例予浙江陣亡通判楊再權縣丞龍翔都司李斌彪千總朱佳文祭葬世職賑湖北東湖江陵松滋公安石首枝江宜都監利沔陽雲夢漢川十一州縣並撫恤湖南華容安鄉湘陰澧沅江龍陽益陽巴陵八州縣被水災

氏○甲辰

皇后千秋節宮內行禮如儀停止筵宴及在外公主福晉命婦進內行禮○諭內閣曾望顏奏齋送敕書赴藏司員不克即時前進請旨遵行一摺班禪額爾德尼呼畢勒罕於十月初二日坐牀茲據曾望顏奏稱理藩院司員慶徵等於六月初三日甫經抵川現在赴藏之路尚未一律肅清一時不克前進且查打箭鑪距後藏路程寫遠即非道路阻梗按日

計程亦恐有誤坐牀之期請援案通融辦理等語著照所請即將敕書封固先行驛遞交駐藏大臣頒發其賞項銀兩暫存四川藩庫俟道路疏通即著東純派員趕緊解送以昭慎重理藩院司員慶徵等即飭令回京○諭軍機大臣等恆福等奏津郡夷務情形並知照焦祐瀛等在西鄉安撫居民各摺片夷情狡詭異常既經該大臣等設法轉圜令將城上所豎旗幟暫行撤去並看守夷兵亦暫撤

退民心得以稍定俟桂良到津後妥籌商辦或冀可漸就範圍不至驟形決裂該大臣等移居城外不特民心搖動且恐該夷生疑所奏不為無見即著仍居城內免致該夷疑惑桂良於十五日准可到津該夷聲稱為期太遠日內恐其別生事端該大臣等惟當妥為羈縻力杜該夷北犯之心是為至要至焦祐瀛等即在西鄉一帶駐劄著恆福傳諭該少卿等仍當糾集團勇備豫不虞一面安撫居

民力求鎮定一面仍暗為設防以資捍衛不得因現在議撫稍涉大意將此由六百里密諭知之○又諭前因蘇常等處失守當諭瑞昌王有齡將所調各軍酌派赴援茲據薛煥奏青浦官軍失利松江府城復陷上海情形危迫請飭督師大臣兼程援救等語松江復失與青浦以上逆氛聯為一片嘉定之賊分竄羅店地方勢將撲犯寶山上海為餉源所繫賊所注意現在三面皆賊存城兵勇無多

實屬萬分危迫。前諭曾國藩自嚴州轉戰而東。目下將弁兵勇是否調齊。當此事機緊急之餘。該大臣務當設法探明道路。兼程前進。急攻蘇松各城。使該逆回兵救援。以解上海之危。瑞昌因宜興之賊直犯餘杭。逼近省城。未能前進。現在滬城危急。著該將軍即於馬得昭彭斯舉吳再升饒廷選四員中酌派一人統帶精銳四五百人前往救應。營中如尚有廣勇。毋庸派往。並飭帶兵之員不得遷延。

觀望致誤事機。本日復據張芾奏逆匪環伺甯郡。援絕兵單。城圍未解等語。賊圍甯國愈聚愈眾。周天受激勵飢軍誓以死守。情形亦甚緊急。前經諭令曾國藩調派勁旅。聞道前往應援。著仍遵前旨。分撥兵勇派委得力將弁迅速統帶前進。以解甯國之圍。將此由六百里加緊各諭令知之。○又諭薛煥奏松江復陷上海危急。請催兵將赴援一摺。逆匪潛赴崑山蘇州。糾約大股。復將松江府城攻陷。

上海逼近兇鋒。該署督調派兵勇分籌堵禦。尚屬周妥。前飭瑞昌派兵赴援。本日復諭令曾國藩趕緊援剿。並催令瑞昌等派員統帶精銳赴上海援應。著薛煥迅速迎提一面飭催曾秉忠長龍船赴滬助剿。一面督率員弁竭力固守。以待援兵。毋稍疏虞。前據巴棟阿奏六月間有夷船一隻入江上駛。問係喫咕喇船。由上海前赴金陵傳教。至今未回復據。王有齡奏接獲逆目偽文有洋人兄弟來降。

之語。本日薛煥摺內亦稱洋涇濱夷房牆壁黏貼偽示該逆與夷人設或暗中勾結。勦辦尤難措手。著薛煥派員設法密為離間。毋令聯成一氣。將此由六百里密諭知之。○又諭張芾奏甯國郡城兵單援絕。勦辦棘手。情形一摺。自旌德太平敗匪糾合涇縣蕪湖賊黨進圍甯國府城。增築逆壘。偏攻甚力。周天受登陴誓守。飢踣之卒蹶然奮興。屢次襲毀賊營。賊卡並選精銳下城奮力攻勦。疊有新獲。

而賊圍益堅又諜聞紅楊樹踞匪將復并力來犯我軍困守二十餘日雖屢戰輒勝恐兵疲餉竭久將不支各路官軍自應竭力趕緊赴援雖據奏稱江長貴已催令江長泰所帶三百人會合張芾所派護餉前往之守備倪開試等四百人繞道入城兵力尚形單薄曾國藩近在祁門前已有旨諭令調派勁旅間道前往甯國與周天受內外夾擊以解城圍本日復諭迅撥兵勇就近赴援其浙江報撥甯餉到徽即著張芾加派弁兵妥速轉解前往以固軍心其摺中所稱賊偏甯國北門意將斷我糧道米興朝甫離廣德五十里即頓兵不進且師行十日未出百里等語似此恒怯無能自應嚴行指劾併著張芾速將該革鎮逗遛各情據實嚴參毋稍容隱將此由六百里諭令知之○督辦河南團練大臣順天府府丞毛昶熙奏統陳團練辦法並酌擬條規一添築堡寨以扼要隘一講求險要以便

堵禦一慎擇首事以資統率一分選團丁練丁以備訓練一攤捐練費以備公用一互為救援以資聯絡一申明號令以一眾志一嚴定約束以禁頑暴一公賞罰以示勸懲一嚴察奸宄以防內應一旌忠義以作民氣一事貴實力奉行得旨所議條規均屬周妥照議辦理○乙巳諭軍機大臣等前因通州一帶防堵喫緊當諭令僧格林沁等於要隘處所嚴密布置並添調直隸等省官兵歸該大臣等調遣尚恐不敷勦辦所有卓索圖哲里木昭烏達三盟兵丁除已調赴軍營外其餘是否尚堪續調著僧格林沁體察情形或每盟各調一千或各調二千即行酌量具奏並斟酌駐劄地方現在通倉米石本擬運至京倉惟轉運非易趕辦尤難若即以此項米石覈算兵丁應得口糧估計時值於餉需內搭放數成既可節省實銀且尤便於兵食於經費較有裨益著僧格林沁等悉心體察妥議具

奏至順天糧臺現既歸併孫治一手經理無論銀米及搭放款項均應與天津糧臺一律支發以昭平允天津夷人雖未擾害地方恐其探聽路徑意圖內犯著僧格林沁等於由津至通各要路多設巡卡嚴密防範遇有夷人潛行附近一帶立即阻止勿令前進暗探消息以杜其北犯之漸來往行人亦應認真盤詰前由張家口解往之要犯關四並由京解往之于七及潘志和三犯曾否審有端倪

該犯等現在羈禁何處著一併覆奏將此密諭知之○又諭文煜奏江浙漕船收進俚島等語江浙漕船三隻共裝漕米四千七百三十石因洋面未靖暫行收泊山東俚島口內著文煜派員確切查明此項漕米如今在船停泊是否不至微變抑或於附近地方暫行露囤俟海防事竣再行運津兌收該撫即體察情形妥為辦理將此諭令知之○命戶部續撥餉銀十萬兩解赴通州糧臺以通州

辦理防務命直隸河南山西各督撫將備用軍械迅速解京○賞已革大學士賽尚阿五品頂帶交欽差大臣僧格林沁軍營差委○予故工部尚書文彩祭葬諡安恪○蠲緩山東鄒平陽信濱利津霑化莘冠館陶高唐益都惠民海豐朝城邱齊河泗水城武定陶鉅野費沂水金鄉樂陵荷澤鄆城臨朐臨清昌樂高苑嶧單曹三十二州縣及濟甯臨清各衛被旱被風被蟲被雹被擾莊屯新舊額賦

○丙午

硃諭惠親王等僧格林沁勤於王事朕深廕念況近京一切布置更必日夕勤劬著惠親王等前赴通州傳旨詢咨僧格林沁防守情形並著僧格林沁激勵兵心以期有備無患○諭內閣周祖培等奏籌議團防章程酌擬條款呈覽一摺京師為首善之區周祖培等辦理團防自應實力奉行務使宵小潛蹤善良安堵以期人心靜謐所擬章程各條均尚妥

協著即照所議會同五城御史悉心妥籌辦理不可有名無實其設立公所等一切經費著照所請由該尚書等先行倡捐如有情願捐貲報效者並准由該尚書等奏請獎敘以昭激勸○又諭刑部奏審明嘉量被竊分別定擬一摺千門前陳設嘉量係工部製造庫經管每遇典禮完竣應即撤回存庫咸豐元年領催劉國慶等以該庫司員令其毋庸撤回輒私雇步甲喜祿看守接任各員並未查出以致被竊均屬不知慎重除劉國慶等應得罪名均照所擬辦理外所有應行存庫嘉量不即撤回之工部製造庫司員及後任未經查出各司員均著查取職名交該部分別議處仍責令照式賠修○諭軍機大臣等桂良奏籌商議撫各節請旨遵行一摺桂良此次到津大局所關自當豫行籌畫以便與該夷晤商如該夷照會內所稱在京居住一層該夷與桂良在上海既有擇地居住之議未

便任其翻悔且其照會內尚有遵照天津所立和約第三款或長行居住或隨時往來候其國王諭旨等語尚非堅意駐京著桂良等極力挽轉但能消弭此事方為妥善如萬難阻止亦可允其駐京但不得多帶從人致令居民驚擾如但欲於海口隨時往來亦須先期知照中國即可派員護送至該夷稱欲送還船隻一層可告以大沽礮臺工程鉅萬今被爾國攻毀較船隻之費尤鉅足可相抵且去年所沈之船尚在水中未嘗為中國所有如欲送還礮位可告以礮位現時均在海口應由貴國自行認收其所稱賠償各項雖未定有數目難保不多方需索諒桂良等必能隨機應變斟酌妥辦輕重之權衡該大臣定能體會朕意也將此由五百里密諭知之○又諭喬松年奏金壇被圍日久請將守城文武先行優獎等語金壇文武力守孤城數月之久深堪嘉尚參將艾得勝知縣李淮著已

棟阿先行查明。奏請優獎其隨同守城出力之官紳兵勇一併查明。先行奏請優獎。以示鼓勵。將此由六百里諭令知之。○命給事中吳惲。薛書堂。御史楊榮緒。徐啟文。郭祥瑞。劉有銘。朱潮。薛春黎。任兆堅。白恩。佑幫。辦五城團防。○以誤差糜餉。革江蘇遊擊奎喜職。並遣戍。○予山東陣亡團總千總袁煜。把總李中廷。祭葬。世職監生李興若。生員倪鳳來。六品軍功劉真義。賞卹如例。○丁未中元節。遣

官祭

永陵
福陵
昭陵
昭西陵
孝陵
孝東陵
景陵
泰陵

泰東陵

裕陵

昌陵

昌西陵

慕陵

慕東陵○遣官祭

孝德皇后殯宮○遣官祭

端慧皇太子園寢○

硃諭軍機大臣等。昨夷照會詞似近理。而處處

要挾。心殊叵測。即如賠費一節。作為互敦和好。在此次兵費以外。顯係暗伏戰機。為將來多索地步。津郡通商。與英夷同長。駐京師。與二月間照會中國。如不允從。凱送至京之語。亦隱連綫索。現在實難豫為挽回。俟桂良報到。再為斟酌。○諭內閣。曾國藩奏平江縣城捐建忠義祠。懇請列入祀典。一摺。湖南平江一縣。地當江鄂之衝。自粵匪滋事以來。四鄰皆陷。一邑獨完。計自守禦禦賊出境。荷戈前

後力戰死事者約二千六百餘人洵屬忠義可嘉允宜特予褒榮用光祀典該大臣請於該縣捐建忠義祠將贈太僕寺卿何忠駿等分別奉祀遴派公正紳耆經理祭田均著准其照辦並著照各府昭忠祠及湘鄉縣忠義祠之例列入祀典地方官春秋致祭以妥忠魂而彰蓋節○諭軍機大臣等前因甯國被圍緊急並浙江於潛之賊竄偏省垣疊經諭令曾國藩迅撥勁兵分道援剿本日據曾國藩

奏稱若由杭嘉以至蘇州處處阻水兵從一路而入必難得手張玉良頓兵一面已屬失勢再以重兵繼之地隘兵多勢難施展徽甯池太等府係屬兼轄地方自應力籌兼顧各等語該大臣既顧皖南即不能兼顧浙江浙省現在兵勇已有五六萬人前撲省垣之賊業經擊退即著瑞昌等迅就現有兵力飭令帶兵各員分途勦辦張玉良向稱驍勇善戰並著該提督剋期攻復嘉興進規蘇郡毋得藉口

待援遷延不進現在松江復失滬城危急前諭該將軍等派員前往救應並著迅速派往毋稍遲緩一俟上海得手即可會合浙師兩路進兵蘇城不難克復也將此由六百里各諭令知之○又諭前據龐鍾璐奏常昭兩縣捐餉已竭請飭協濟當經諭令曾國藩飭地方官就附近完善之區勸捐接濟本日復據龐鍾璐奏稱常昭兩縣已拮据無遺深恐圍練飢潰請飭迅速寬籌等語薛常迭昭以來

常熟以蕞爾一隅民團齊心守禦屢次殺賊使三路之賊不能歸併一處若因餉竭渙散賊勢愈形猖獗勦辦更難得手不可不急籌接濟以勵民心曾國藩遠在祁門恐未能迅速籌撥著薛煥於該處設法籌款解赴常熟交龐鍾璐散給俾民團益臻踴躍該省餉需雖屬竭蹶惟民團心志齊一足輔兵力之不逮較之招集潰軍徒糜餉項者尚為得力毋令因餉竭潰散是為至要將此由六百里諭

令知之○又諭本日據官文奏署四川總督東純在湖北途次病故一摺已令崇實署理四川總督矣現在滇匪竄擾逼近省垣又有石逆分股窺伺川境之信前有旨令駱秉章馳赴蜀中督辦軍務恐一時未能遽到崇實現在川省審辦案件該處情形諒應熟悉所有防勦事宜責無旁貸亟應整飭戎行妥籌布置毋許貽誤因循再蹈曾望顏覆轍其援勦川省之楚軍現歸江西補用同知直隸州知州王沐統帶勦辦甚屬得力該署督務當妥為駕馭毋令軍心懈弛前因黔省軍餉四川欠解甚多曾諭曾望顏籌銀二十萬兩就近撥解復諭令東純於接署督篆後即行籌解此時黔省軍情緊急盼餉甚殷著崇實仍遵前旨速行如數籌解毋得推諉致誤要需至已革提督占泰等兩次叅款並濮詒孫田良等各案前經諭令崇實東純會同查辦著該署督即遵前旨嚴密訪查認真究辦毋稍

徇隱將此由六百里諭令知之○又諭本日據劉長佑奏石逆分股闖入黔境現在督飭截勦一摺據稱石逆遣其黨曾廣依由泗城走西林西隆一帶於四月間乘夜偷渡紅水江竄擾貴州興義府地界復撲雲南廣南府城石逆尚踞慶遠逆黨賴裕新復力撲南丹土州欲由此分道入黔經官軍截殺賴逆折回慶遠石逆遂率而南欲繞道思恩出泗城尋曾廣依所竄原路趨黔窺蜀請飭四川雲貴各督撫沿邊夾擊以杜竄越等語石逆詭譎異常凡經過之處必分其黨為數路每路復分為數起使官軍不暇兼顧得以肆行奔突若非合力兜勦不免有遏此竄彼之虞著張亮基劉源灝田興恕激勵各軍將竄入黔滇各股會合粵省兵勇悉數殲除勿留餘孽並著遴選勁旅於沿邊一帶地方實力截擊毋令餘匪竄入四川西秀敘永一帶尤為黔滇入蜀要隘即著崇實嚴飭防勦各軍認真

巡探如有該逆股匪竄近川境之信立即派撥兵勇認真堵剿毋使擾及完善之區將此由六百里各諭令知之○以駐藏大臣崇實署四川總督○調甘肅提督郭相忠為四川提督以甘肅甯夏鎮總兵官成瑞為提督降補總兵官鄭魁士為甘肅甯夏鎮總兵官○命督辦皖南軍務張芾來京其軍務統歸欽差大臣曾國藩督辦已革提督周天受交曾國藩差委○命署陝西巡撫譚廷襄將捐備

軍餉四萬五千兩迅解順天通州糧臺○子故成都將軍東純祭葬諡恭介○子閩門殉難安徽在籍通判程枚祭葬世職子五品軍功程耀等賞卹加等眷屬等旌卹如例○子河南陣亡協領依興阿參將羅仲保子總羅青雲從九品哈明璧祭葬世職戊申諭軍機大臣等本日據桂良奏接到英佛照會請旨遵辦一摺該夷照會內稱總以天津通商賠償兵費為退兵息兵之關鍵該大臣等前

此給予照會所云無不可商者原指見面互相商辦並非直言允許現在該夷狂悖異常固應示之以信使其不疑然仍須斟酌妥善俾無後患方合辦法桂良馳抵津郡與該酋等晤面如提及索賠兵費若能相機開導減去若干固屬甚善否則必不可減亦應與之言明寬定期限並由何項扣還庶可從容辦理至天津通商一層可告以不獨八年所定和約並無此條即本年二月所要四款亦無

此語況八年和約有牛莊而無天津原係以此易彼今何又多此款如此辯論看該夷如何回答若仍不能挽回亦應告以通商雖無不可商辦但該國既帶兵船不獨大沽天津民心驚疑即商賈亦必裹足不遑實與爾等無益如該夷允許不帶兵船駐劄若欲建夷樓與不退兵船無異亦不可允許總之賠費通商即使允准亦必將兵船退出海口方能定議換約其舟山煙臺二處亦均須退出始

可辦理兩國既云和好必須以禮相待若占踞地方以兵脅和實非長久之道桂良等務當於羈縻之中仍寓挽救之意將此由六百里密諭知之○又諭本日據毓科奏逆匪由宜興間道入浙迭陷於潛臨安竄入餘杭直撲省垣現催副將文瑞等就近赴援並請閩省派兵援救各等語前因於潛逆匪竄偏省垣雖經總兵劉季三擊退而省城兵勇能守而不能戰曾諭曾國藩迅速赴援昨據該大

臣奏稱兼顧皖南不能再顧浙江是浙江待援之師惟有福建江西尚可就近助剿前據慶端先後派令署總兵繼興等統帶兵勇援浙現在尚有千名未到著慶端瑞璣迅即催令赴浙聽候瑞昌王有齡調遣毋得再有遷延並著隨時偵探浙江情形如兵力尚屬不敷即著續行添調派往援應毋誤事機將此由六百里諭令知之○又諭崇實奏請飭已革貴州提督蔣玉龍赴川帶兵等語四川兵

丁散漫無紀勒賊不能得力總由帶兵大員號令賞罰不能嚴明以致屢誤事機蔣玉龍前在黔省督兵勒匪尚稱得力此時川省滇匪竄擾距省城不過數十里情形十分喫重著劉源灝等即速飭蔣玉龍星馳回川交署總督崇實調遣毋稍遲緩將此由六百里諭令知之○又諭前因慶昫奏參張家口監督治昌於咨查報稅馬匹意存推避當將該監督先行交部議處仍責令將所查之數送出

以憑覈辦本日據治昌奏稱該處稅局並未設有底簿本年六月間慶昫因查馬稅疊經調取該局親標底簿先經該監督將稅根式樣咨覆繼將稅根送查嗣復將每日報單封送該署都統未肯接收復將報單拆封訂成二簿送往始據該署都統覆稱歷次所調即係此簿其六月內收稅馬匹數目亦先經陸續咨送現奉諭旨責令照該署都統所查之數逐層送出查該署都統一切查詢之件實

已詳細咨覆別無遺漏等語。張家口稅局是否向無親標底簿。六月間既有進口馬匹。何待往返咨查。始行查出。所稱咨送報單等。歷次月日。是否相符。即著慶昫按照所陳各情。詳查據實具奏。將此諭令知之。撫恤福建澎湖廳遭風災民。己酉諭內閣。裕瑞英蘊奏浩罕輸誠納款一摺。上年浩罕遣使額爾沁阿布都剌里木進京朝貢。經葉爾羌參贊大臣裕瑞據情具奏。當諭該大臣將貢物接收代遞。乃該額爾沁不即折回。逗遛葉爾羌回城。招集各城安集延人等。任意妄為。滋生事端。於裕瑞豫備筵宴傳見時。輒敢喝令從人行兇。刀傷弁兵多名。被兵丁將該額爾沁拒斃。並將同謀之呼岱達伯塔爾等拏獲。定擬罪名監禁。並復令阿奇木伯克將全案情形函致浩罕知悉。茲據裕瑞等奏稱。浩罕伯克遣額爾沁捏斯密頂敬關前來。並呈遞圖書。自認錯誤。仍求將貢物賞收。尚屬恭順。可

嘉自應俯如所請。所有浩罕呈進貢物。即著該參贊大臣等遵照前旨接收代遞。聽候頒給敕書賞件。並准其照舊通商監禁之呼岱達伯塔爾等十五犯。均著加恩免罪釋放。即交該伯克自行管辦。以示懷柔。遠人至意。又諭裕瑞英蘊奏審擬住站安集延回子聚眾阻擾。並私隨安集延之內地回犯分別懲辦等語。本年二月間。喀什噶爾及英吉沙爾內地回子。有私隨安集延回子。糾眾聚住英吉沙爾所屬之別什蓋莊二城。情事當經護理領隊大臣德祥分派回兵往拏。住站安集延呼岱達額帕爾等。輒敢聚眾阻擾傷斃回兵。復沿途搶奪馬匹。直奔卡倫。經希皮察克布魯特俾斯底克率眾兜捕。將額帕爾等七犯擒獲。其私隨安集延之內地回犯素皮蓋等二十一名。亦經英吉沙爾回兵續行拏獲。經裕瑞等審明定擬。具奏。安集延回犯額帕爾等。糾眾拒傷回兵。並搶掠馬匹等物。本應

從重治罪。姑念此次浩罕額爾沁呈遞圖書，仍請納貢尚屬恭順。著准其仿照成案，將額爾沁玉素普二犯留於葉爾羌永遠監禁。愛依提入則捏致爾帕里完庫吐魯克五犯留於英吉沙爾永遠監禁。其素皮蓋等二十一犯著查覈情罪輕重，分別懲辦。希皮察克布魯特俾斯底克拏獲要犯甚為出力，著該參贊大臣等酌量請獎。○命前任葉爾羌參贊大臣理藩院左侍郎裕瑞來京供職。○以理藩院尚書伊勒東阿兼正紅旗蒙古都統，刑部右侍郎麟魁兼正白旗蒙古副都統。○以烏魯木齊都統常清為伊犁將軍。予雲南陣亡贈太僕寺卿銜知府淡樹琪於四川原籍建立專祠。隨同陣亡之從九品周廷振等一併附祀。○庚戌諭內閣慶廉奏援勦鹿邑竄匪疊獲大勝一摺，毫擒劉狗雷彥等糾合馬步賊匪突竄鹿邑境內，占踞萬集等處，民寨圍撲城池，經該撫飭派總兵承惠等於本

月初九日分路兜攻斃賊數十名，賊眾敗竄。初十日我軍分起馳進萬集寨，該匪列仗迎敵。經知府張曜王榮烈等督飭馬隊兵勇奮力衝擊，斃匪五六百名，跟蹤追殺不計其數。立將萬集寨克復。參將馬春華等乘機進攻趙集寨，斃匪數百名，亦即克復。其屯踞劉集及圍攻邱集之匪，知萬集趙村先後攻克，紛紛潛逃。經關保派令馬隊併力疾追，斃賊二百餘名。勦辦尚為得手。著慶廉即飭該鎮將等乘機進擊，毋任旁竄。○諭軍機大臣等本。日工部奏請飭催硝斤以濟要需一摺，據稱前因庫存硝斤不敷支放，於咸豐八年二月及九年三月行取直隸山東河南三省硝斤各一批，嗣於九年十二月據直隸總督奏因天津防勦緊要將應辦八年分部硝斤截留應用，并將山東省委解八年分部硝斤一併截留。當經該部覆奏行令各該省補行採辦，同九年分硝斤一併趕解。現據山東將九年分行

取十四萬斤。委員解交。其八年分應補解截留硝斤。尚未解部。至河南省應辦八九兩年行取部硝。疊經行催。迄今並無一批報解等語。工部每年配造軍需。並常操火藥。需硝四十萬餘斤。現在庫存不敷甚鉅。且當海防喫緊之時。尤應寬為籌備。著恆福、文煜、慶廉並文謙各將該省應行補解及欠解部硝。迅即如數批解。以濟要需。此後毋得再行截留。其河南省於應解八九兩年硝斤。經部疊催。並

無一批解部。尤屬宕延。著該撫嚴飭星速趕解。毋再玩視。並先將河南承辦不力各員查取職名。交部議處。將此由五百里諭知恆福、文煜、慶廉。並傳諭文謙知之。又諭薛煥奏江南賊匪滋蔓難圖。惟有以重兵直搗金陵。該逆必回顧根本。前大臣向榮以全軍攻金陵。蘇常得享安全。此其明效。浙江嘉興本有重兵。一面以勁旅由嘉善直達松江。與該署督會合。迅掃青浦嘉定。該處脅從者眾。定見

從善如歸等語。著曾國藩體察情形。或即先搗金陵。亦可牽制賊勢。並著瑞昌等飭令所派援兵。即由嘉善一路前進。會同剿辦。是為至要。將此由六百里加緊各諭令知之。○又諭前據劉源灝奏各匪竄陷歸化。修文等城。逼近省垣。疊經諭令田興恕取道遵義馳赴省城剿辦。茲據劉源灝奏粵匪距川較遠。提臣仍應就近進剿。未便繞道赴川等語。自係尚未接奉疊次寄諭。現在粵氛既距川尚遠。

川疆稍鬆。黔中與賊相持。正當喫緊之際。田興恕自應仍遵前旨。取道遵義力圖剿辦。據劉源灝奏修文克復。內竄賊匪大半擊退。省城情形亦覺稍緩。著田興恕探明省垣如可毋庸赴援。即可先辦粵匪。務須迎頭截剿。毋庸繞道入川。至應需軍餉。前經諭令四川先籌銀二十萬兩。就近撥解。惟川省現辦軍務餉源支絀。恐一時不能全數解到。著劉源灝先於本省設法籌措。以濟軍食。不得專恃鄰

省籌濟停兵待餉致誤事機本日據工部奏黔省應解黑鉛久未批解請飭催陸續補解等語黔省應解黑鉛數年未據按批解到現在庫存無多海防緊要深恐貽誤軍需著劉源灝將咸豐二年下運起歷年應解黑鉛迅即分批解部以資灌造毋再耽延將此由六百里諭令知之管理武英殿惠親王等奏恭辦

宣宗成皇帝聖訓因紙張採辦未齊請先行刷

印進呈清漢書各一部陳設清漢書各八部從之以江蘇上海被圍命杭州將軍瑞昌等迅速派員赴援再續派援兵以資策應並命辦理江北軍務福建陸路提督李若珠飭總兵曾秉忠統帶長龍等船飛速馳救以四川勦匪出力賞知州李英策千總馮義德花翎府經歷胥星輝藍翎餘升敘有差以克復貴州修文縣城賞守備譚永昌千總趙德光趙德新花翎把總保定基等藍翎餘升

敘復官有差以聞警退回及帶兵逃走革四川都司趙應熊千總劉應琨職嚴行審辦予河南陣亡千總郭自泰把總李心式外委吳占魁祭葬世職予四川陣亡知縣肅慶縣丞良鑑都司戴貴發守備李復慎韓有功千總周成就李武芳王化成把總蕭玉堂梁正和外委李文松等祭葬世職辛亥諭軍機大臣等本日據桂良等奏夷務情形一摺據稱接到夷酋照會內有所請各款必得

一概允准不容再事商量如有一款不准即行帶兵北犯之語又據該酋聲稱嘆佛兩國進京每處約計四五百人並須另派數十人先期進京觀看京中房屋察其情形實欲藉此沿途窺我虛實請將通州防兵如何撤退免致該夷窺見生疑藉口等語夷情狂悖已將所請斷難一概允准並不許其來京多帶從人及先期派人來京嚴諭桂良等設法挽回開導矣僧格林沁瑞麟前奏辦理通州防

守情形當經諭令照辦。當此夷情叵測。僧格林沁等即將所辦戰守事宜趕緊豫備。嚴加防範。又據載垣等呈遞桂良等信函。內有據英首領囑咐。遣人送信云。伊國派有進京買物之人。行至距津百餘里地方。為官兵盤獲。現已派員赴通。請將盤獲之人釋放等語。著僧格林沁等即將所獲之人解回天津。交桂良等辦理。並著飭令官兵。照舊嚴密巡查。嗣後如有此等藉端窺探奸細人等。仍應上緊

緝拏。不得因此次盤獲之人解回天津。以致稍涉疏忽。將此密諭知之。又諭據桂良等奏。夷務急迫。不得已將所求各款允准。及該夷索討賠項。設法商辦各摺片。並據載垣軍機大臣等。將桂良等所寄信函呈覽。該夷狂悖異常。動輒虛聲恫喝。意圖挾制。桂良等照覆。嘆咈將所求各款。概為允許。固係暫示羈縻。然前屢降諭旨。如欲天津通商。及占踞海口。斷不可允許。該大臣今既允許。不過因該

夷酋不肯晤面起見。如晤面時。仍當設法挽救。消弭此事。萬不可以現在議撫任聽。該夷肆意要求。漫無限制。天津通商一層。八年原約。本係以登州牛莊所抵。今若允許。豈非又多此口岸。該大臣等當據理與之辯論。儻該夷決意不從。祇准每年來津通商幾次。並先行知照中國。以便派人接進海口。不准攜帶兵船。亦不准在大沽天津建蓋夷樓。其應如何議立章程。桂良等自應奏明。請旨聽候辦

理。不得擅行允許。總應互相商議。亦不准為該夷所挾。事事遷就。至該夷進京換約。必須令其先將內河兵船。海光寺一帶馬隊撤回。並將兵船概行退出海口。按照咪夷少帶從人。方准來京換約。其先期派人進口探看沿途光景。及京中房屋。斷不准應許。當與言明。如該兩國來京。中國自有一定章程。即駐京之處。亦應聽中國指定。不能俾該夷自行選勘。坦然明示。該夷不必自生疑慮也。索賠兵

費一層。現當庫款支絀之時。桂良等何尚未悉情形。豈復有餘款先付現銀之理。即使有款可付。奚異於開門揖盜。該大臣等仍應與之言明寬定限期。並由何項扣還。尤不可允其先付現銀。通州撤退防兵一節。即直告以爾國既帶有兵船來津。則中國防兵亦萬不能撤去。桂良等膺此重任。自當義正辭嚴。與之理論。以杜該夷無厭之求。總之桂良等初次辦法。已為該夷所恫喝。今既允許海口。津

城隱患已伏。若仍畏葸遷就。一步不如一步。名為保全大局。實則多啟戎心。將來若終歲不能撤防。歲需帑餉。姑置弗論。盤踞久則禍發愈大。現在不患決裂之堪虞。惟當籌既戰之後。作何了局之法。桂良等斷不准一誤再誤。致將來不可救藥。該夷桀驁性成。斷難理諭。豈能保其必不北犯。即使再與決戰。議撫之人更有理據。何必顧忌。若此順逆原在該夷。朕不肯責諸桂良等。將此由六百里密諭

知之。○加浙江黃巖鎮總兵官黃彬提督銜。統帶江蘇鎮揚一帶各起師船。壬子諭內閣。翁同書奏。兵練收撫各圩一摺。沙河兵練自攻拔程圩後。聲威益壯。經翁同書飭令苗沛霖等統帶得勝之師。於六月二十六日進剿板橋集地方。徧諭從前被脅各圩。果能殺擒投誠。即准收撫。當有展溝闢墮等處地方。聞風響應。各將從逆擒首。擒斬獻功贖罪。其餘附近大小各圩。俱一律薙髮投誠。於本月

初四日。齊至板橋集。即經苗沛霖妥為安置。旬日之間。兵不血刃。共收撫六十餘圩。淝河以南。漸就肅清。辦理甚為妥速。布政使銜四川川北道苗沛霖著交部從優議敘。以示鼓勵。○諭軍機大臣等。本日據桂良等奏。接到英佛罷兵照會。並議減賠償現銀。及吧首即欲先期進京一摺。該夷照會內。明謂俟條款議妥後。方能罷兵。該大臣等並未細心閱看。詎知該夷包藏禍心。馬得謂之罷兵。桂良等

惟當仍遵前旨與之言明索賠兵費一層仍應寬定限期並由何項扣還斟酌妥辦所有先付現銀之處斷不准允許至進京換約一層務令該夷先將兵船馬隊全行退出海口並不准多帶從人方准來京桂良等擬令恆祺崇厚伴送夷酋吧嘎禮先行進京之處著不准行即將來准其進京換約亦不得任令該夷酋隨帶護衛兵將總須商定隨帶從人數目方為妥善所有以上各條均須與該夷

議定奏明請旨如尚未議定二十二日不准即與該夷蓋印畫押該大臣等惟當剛柔互用極力挽回不准以顧大局為詞再行瀆請致滋貽誤將此由六百里加緊密諭知之○又諭前據春佑奏訪拏要犯吳金榜解京當即解交僧格林沁審辦本日據慶昫奏因訪拏吳金榜未獲先將該犯妻室人等解送步軍統領衙門訊究據該都統原奏所列該犯雇工韓雙喜供詞於吳金榜關四等句結夷

人窩藏盜匪頗有確據該大臣提訊此案時正可切實根究毋任狡展該犯妻室人等俟解到京後即行解往通州歸案嚴訊正在寄諭間接據桂良等奏報吧嘎禮二酋欲每國先給銀一百萬方議罷兵並頓首定於二十一日與桂良等晤面二十二日將現言各條當面蓋印畫押後即先令吧嘎禮隨帶數十人進京觀看沿途及京中房屋住址桂良等已派恆祺崇厚伴送進京等語該夷包藏禍心

欲藉此窺我虛實已嚴諭桂良等設法挽回第恐該夷桀驁性成或竟派人先期來京看視如來人無多仍即盤獲解津交桂良等辦埋儻該夷帶兵而來即設法攔阻以未奉諭旨不能令其過去為詞阻令回津如該夷不遵理諭先行開釁著即督兵截擊以戢兇鋒如恆祺崇厚伴送同來即傳旨令其仍行伴送回津毋許進京是為至要該大臣趕緊整兵嚴備以防不測並著諭知瑞麟一體會同

嚴防毋稍大意。將此密諭知之。又諭前據焦祐瀛等奏。遵籌團練事宜。密為布置。擬在武清靜海二縣地方。籌辦豫備迎勦尾追之衆。所籌尚合機宜。本日據惠親王等呈遞焦祐瀛等信函。內稱夷酋吧噶哩等欲在天津設立馬頭。儻不准。即帶兵北犯。並又調夷兵二千來津。如無照會允許。即居住官署。帶兵前進。無可再商等語。該夷桀驁性成。斷難理諭。其肆意要求多方挾制。無非以所請不遂。

即可藉口占踞津城。將來勢必決裂。亦難保不意圖北犯。若待彼時再籌集團堵禦。則已著著落後。亟應早為布置。以期有備無患。著焦祐瀛等趕緊於津郡附近地方。如武清靜海等處。召募壯勇。扼要嚴防。設該夷有北犯情形。一面迎頭截擊。一面跟蹤追勦。務使該夷於由津至京要隘處所。節節阻攔。不敢長驅直入。至津城若為該夷占踞。勢必藉制百姓。如廣東之按查兵器。定海之苛派巡費。爾

時雖欲團練而不能。後悔何及。現在紳士中之賢者。固無不志切同仇。保全鄉里。至市間商賈負販人等。或因愚魯無知。難保無希圖夷利。暫顧目前。其無業游民。亦恐為夷人所勾結。惟有密為勸諭。設法招徠。勿使貪利忘害。為該夷誘致。轉為所用。前據文煜奏。山東煙臺鋪民逃避。該夷誘令撤回。照常開張。所擄廣勇。私告各鋪。爾等不可信以為實。撤回必致搶擄。我等皆為其所愚等語。可見該夷

愚弄小民。啗以重利。一被其誘。胥苦累。即不可勝言。名為絕不擾民。實則為害甚大。焦祐瀛等可即將此意。開導居民。毋為所惑。以期人心固結。是為至要。將此由六百里密諭知之。又諭慶昫奏。訪查通夷要犯。現經他往。先將家室人等解送訊究。一摺。要犯吳三即吳金榜。已經熱河訪獲。解京。由京解往通州。交僧格林沁審辦矣。據慶昫奏。該犯雇工韓雙喜供詞。有吳金榜與關四認識。強盜來往。

分銀並吳金榜關四句結俄夷商議買馬送往天津若有兵來即在元寶溝屯聚之語是潘志和前供元寶溝地方緊要之說不為無因該處山川是何形勢其通草地之路共有幾處通於何方並現在有無盜匪及夷人屯聚亟應確切查明認真嚴拏以杜後患著慶昫密派妥員前往該處詳細查勘迅速具奏該都統前奏正白旗地方有創宅黃著民人聚眾持械驅逐不去此項人數眾多難保無

實錄卷五十五

三

匪徒藉宅黃著為名潛謀滋事即著密札各羣總管及駐防出青官廠加意防護認真盤查不可稍存大意張家口為俄夷往來熟徑久有通商之意恐有該夷藏匿及內地漢奸暗通消息務當不動聲色多設偵探遴派明幹之員密赴遠近一帶時常訪查遇有形跡可疑之人即行盤獲究辦勿令遂其奸計是為至要將此密諭知之又諭文煜奏請馳赴通州一帶協同防剿一摺夷人屯聚津城

及大沽海口現飭桂良等前往議撫夷情狂悖決裂仍在意中不能不嚴為防備該撫所稱分調各省官兵一時不能俱到山東距京較近理宜即就東省所調官兵統帶前進協同堵禦等語現在通州一帶防剿事宜由僧格林沁等嚴密布置山東地方亦關緊要文煜著勿庸自行赴通即將所有先後派撥山東官兵迅催管帶之員趕赴通防勿稍遲誤其山東沿海防務仍應慎密籌辦不可稍涉疏虞將此由五百里諭令知之予安徽陣亡團總衛千總陸長慶把總吳文瑞外委王定國盧文德祭葬世職六品軍功武生李聲和等旌卹如例

實錄卷五十五

四

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之三百二十五

實錄卷三三五

聖

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之三百二十六

敘修

咸豐十年庚申七月癸丑諭軍機大臣等據

桂良等奏接奉嚴諭滬陳急迫情形並夷酋
必欲先期進京及夷人借住鹽政官署各摺
片天津通商一節前曾諭桂良等必須先令
該夷將兵船馬隊全行退出口議定每年
來津幾次不可建蓋夷樓方准允許其應如
何立定章程條款桂良等亦須奏明請旨聽
候辦理斷不能以該夷現在屯聚津城任其
肆行要挾即與以蓋用關防憑據至先期進
京之處即當嚴詞以告現在條款尚未議定

換約與否亦尚未定。吧嘰嚙遠欲先行進京。其意何居。顯非真心換約。可知。如謂觀看房屋。將來議定條約後。該兩國來京少帶從人。自有一定章程。豫備款待。中國以誠信待人。該夷酋亦無所用其疑慮。如條約未定。斷不能允其先行進京。其索賠兵費一節。務須遵照前旨。寬定期限。由廣東關稅分成扣還。酌量妥議。若兩月為期。無論無款可籌。即使有可措給。亦豈能任聽該夷坐索。致啟覬覦之心。斷不能輕為允許。另片奏夷人搬入鹽政衙署。經阻不允等語。可向該夷理論。既係和好。如何占踞官署。應即令退出。所有該署文案彙件事關緊要。著即設法移出。妥為收存。儻有疏失。惟該大臣等是問。桂良等身膺重任。既不能設法挽回。力圖補救。而又怯懦無能。徒以顧大局為詞。轉貽後患。兩次諭旨。已逐層嚴示。該大臣等自應懍遵妥辦。勿為該夷所懾。致干重咎。將此由六百里加緊密諭。

知之。又諭昨因夷人欲先派人進京。當諭僧格林沁等設法攔阻。並整軍設防。以備截擊。因思夷人占踞北塘後。該處久無探報。該夷詭計多端。儻分隊由北塘一路徑奔甯河。寶坻。三河北趨順義等縣。既不經由天津。亦可繞過通州。不可不嚴為防範。現在張家灣及通州一帶大路已有僧格林沁瑞麟分屯重兵扼要駐劄。其甯河等處路途紛歧。在在可通。即著僧格林沁等札飭該地方官隨時探明稟報大營。并著該大臣等多設偵探。四出探聽。如探夷人有從此路舉兵北來信息。立即撥兵前往奮力截擊。其餘來往行人亦一體盤查。以防奸細窺伺。路徑毋稍疏忽。將此諭令知之。又諭據御史梁經先奏陝西刀匪回匪搶劫各案。層見疊出。該匪巢穴即在蒲富臨渭四邑之交。二百餘里一片遼闊。並無城池。雖渭南之下邽鎮臨潼之關山鎮各設有縣丞職分卑小。難資彈壓。該縣等又

以四邑交界互相推諉以致盜風日熾惟添設縣治庶緝捕責有攸歸下邳之地處四邑之中漢唐皆有縣治關山鎮亦尚有圍牆丞署若割四邑之地於該處改設下邳縣城修築較易而渭南臨潼兩縣丞即可裁撤至修葺城池衙署學校等項前有修葺廟餘銀交商生息可以提取動用等語著譚廷襄察看該處情形是否可行並修築城池等經費有無窒礙之處詳細查明具奏將此諭令知

之 又諭前因張家口監督治昌奏稅局並未設有底簿並查詢各件已詳細咨覆當諭令慶昫按照所陳各情詳查具奏矣本日復據治昌奏請飭照監督原議令大境門官兵盤詰進口馬匹並邊牆缺口處所一律堵塞責成守口弁兵嚴查偷漏毋任訛索各摺片並將原咨章程呈覽私販馬匹例禁綦嚴現當查禁接濟之時尤當倍加周密該處馬匹進口是否應由大境門官兵先行盤詰開單

加用戳記再行報稅抑或由稅局書役人等自行稽查該都統咨文所稱加用戳記礙難照辦有何礙窒之處著慶昫查明具奏至治昌所稱堵塞邊牆缺口責成守口弁兵嚴查偷漏並禁止藉端訛索各條著該都統按照該監督所奏一併查覈覆奏該都統惟當秉公覈辦固不可任聽該監督有意推諉亦不得偏執己見總期於公事有裨是為至要將此諭令知之 命吉林將軍景瀄黑龍江將

軍特普欽各棟調馬隊餘丁一千名挑選獵戶一千名派員管帶並命西安將軍托明阿陝西巡撫譚廷襄飭催原調續調官兵均馳赴通州聽候調遣 甲寅諭內閣德楞額等奏官軍勦滅幅匪江南山東邊界一律肅清一摺江南山東等處幅匪於四月間句結擒匪意圖內應經德楞額等親統馬步兵勇會督地方各官極力勦洗並據記名副都統富爾孫等先後稟報各路拏獲匪首多名奪獲

器械無算立將幅匪數千名全行剿滅邊界一律肅清辦理尚屬妥速所有打仗尤為出力之員著該副都統等保奏候朕施恩毋許冒濫諭軍機大臣等據僧格林沁等奏酌撤馬步官兵以免該夷窺伺一摺張家灣等處馬步各隊業經該大臣等量為移撥以防該夷窺探虛實仍須多發哨探如有北犯之信即行調撥截擊不可稍有疏虞至藉端窺探奸細人等仍須上緊緝拏不得稍涉鬆懈

致令漏網其潘志和關四吳金榜等三犯既經訊有通夷端倪尚須研究確情以便密為防範吳金榜併有開墾官荒牽涉未結之案著即將該三犯暫行羈禁以備質對事定後再行處治儻軍務緊急即將該三犯立時正法將此密諭知之又諭龐鍾璐奏上海常熟情形危急請飭援救一摺據稱江陰逆匪於七月初間連日出撲向東焚掠現在賊蹤離常熟不過二三十里請飭江北諸軍速往

援救等語江北防兵本不甚多近因馮子材帶兵由丹陽進援金壇李若珠撥兵二千名助剿嗣薛煥因上海危迫又調去勇五百名並長龍船全行援滬水路各軍無可再撥勢未能兼顧常熟仍著龐鍾璐剴切曉諭紳民團勇竭力防剿一面督同知縣周沐潤等力籌保衛一面催令編修趙曾向速邀江北民勇前來救援其糧餉前經諭令曾國藩薛煥設法籌撥俟解到時妥為散給以資接濟至

上海被圍甚亟前諭瑞昌等迅撥精銳四五千名馳往應援諒已趕到仍著龐鍾璐隨時偵探俟上海圍解即可會同薛煥將各路援兵分顧常熟以杜賊氛將此由六百里諭令知之又諭李若珠奏派撥師船赴援上海並請飭上游師船迅速下駛以資防剿一摺據稱逆匪自復陷松郡大股竄至上海城外民團官軍多被衝散存城兵勇無多現在該縣三面被圍情形萬分危急業經派令都司

姜德管帶練勇五百名駕船前往並派曾秉忠管駕長龍等船順流赴滬現在長江下游務須多派艇師節節防備請飭楊載福迅催上海師船剋期下駛兼顧南北等語上海為江南餉源所自出且與北岸唇齒相關儻有疏虞關繫甚重曾秉忠一軍駐劄江陰靖江一帶原為策應上下游而設現已全幫調赴上海則長江更覺空虛現聞逆匪有在蘇造船之說萬一乘虛而入勦辦愈難得手前有

旨令吳全美李德麟等統帶全部師船駛往下游迄今未見東下殊屬延緩著楊載福查明該總兵等師船是否江路梗阻抑係沿途逗遛迅飭不分晝夜駛赴下游聽候調遣毋得再涉遲延致有貽誤將此由六百里諭令知之雲南學政翰林院侍讀學士顏宗儀因病解任命翰林院編修張錫嶸提督雲南學政命陝甘總督樂斌挑選獵戶二千名派員管帶馳赴通州聽候調遣以不守營

規及帶隊偷安革火器營參領孝順布山西副將穆騰額職仍留營效力予直隸天津陣亡委翼長阿克東阿祭葬世職乙卯硃諭惠親王等中國以天下之勢而受累於蠢茲逆夷廿載於茲戰撫兩難誠堪浩歎蓋謀國者務為長久之計應變者尤賴握要之圖朕不憚詳思夜以繼晝恐召對時事有或遺因縷晰而細言之○大沽為津郡門戶門戶既失則畿爾之城已在該夷掌握通商一層許與不許等該夷既占礮臺及三岔河等處將來多集兵力只能野搏斷不能肉身與船礮爭鋒朕初意未嘗不善以桂良此次抵津不許津郡則必戰引之深入決戰之後則明言新條不算仍引舊約如再不能則以津城通商換駐京一款斯則可矣今既經該大臣等已允通商只可就議條款暫示羈縻決裂之時將桂良等撤下或即斥革辦到何地步再因時處置○索費一層多方要挾必遂其

欲而後止。無論二百萬不能當時付與。即有此款亦斷無此理。城下之盟。古之所恥。若再覲顏奉幣。則中國尚有人耶。一。帶兵換約。謂各有戒心。不得不防。若既經議撫。何必擁兵。若擁兵而來。顯懷莫測。即使遷就進京。必仍有斷難應允之條款。彼時欲戰不能。欲允不可。況陸續潛來之夷隊。雖有兵而不能阻。煽惑依附之匪類。雖嚴示而不能禁。大患切膚。一決即內潰於心。京師重地。尚可問乎。以上

二條。若桂良等喪心病狂。擅自應許。不惟違旨畏夷。是直舉國家而奉之。朕即將該大臣等立寘典刑。以飭綱紀。再與該夷決戰。一。吧首進京一層。兩國既經議和。一切供給。自應飭該司妥為籌辦。何必先來路勘。况該夷首驚吠狂噪。亦必多為挾制。既來則不肯走。與帶兵換約一事。其害相等。斷斷不能應許。一。津城大沽不能即時退兵一層。既經議撫。則應罷兵。豈有以刃加頸而索償之理。况此條

與賠費為一事。互相牽連。不過再為添償地步。決裂之後。亦可以向該夷索費。為消弭之法。一。決戰宜早。不宜遲。趁秋冬之令。用我所長。制彼所短。若遲至明歲春夏之交。則該夷又必廣募黑夷。舉四國之力。與我爭衡。再勾通髮逆。遠近交攻。支持頗覺費手。以上各條。竭朕心思。手書示惠。親王載垣。端華。肅順。軍機大臣等。辦法亦只能如此。若別有良謀。可再詳細面陳。勿稍緘默。

硃諭載垣。穆蔭除面奉旨允許酌辦幾條外。如再有要求可許。則許。亦不必請旨。如萬難允許之條。一面發報。一面知照僧格林沁。督兵開仗。載垣等。即趕緊撤回。扈駕。諭內閣。王有齡奏請將已故道員卹典撤銷。並將帶勇逃出省城之員。嚴議一摺。本年二月間。逆匪竄撲杭州。省城前署浙江鹽運使金衢嚴道繆梓。總辦營務偏執已見。創議株守。不肯派兵出城擊賊。以致省垣被陷。實屬咎無可逭。

所有該故員已得卹典著即行撤銷繆梓之子候選同知繆植禮所帶勇丁先經內亂城陷時該員復行逃出著即行革職以示懲儆又諭王有齡奏浙省需米甚殷援案招商懇請免稅等語浙江軍糈民食需米甚殷現經該撫出示招商購買臺米洋米並咨閩廣等省一體招商運米赴浙所有經由水陸各關口著准其一律免稅以廣招徠而資接濟俟該省米糧充裕即行停止又諭景廉奏

吐爾扈特汗喀屯請留已故前諾們罕門徒一摺已革諾們罕阿旺扎木巴勒楚勒齊木既在吐爾扈特病故著准其留葬該處佑安寺其門徒二十三人並准其留於吐爾扈特游牧諭軍機大臣等本日據桂良等兩次馳奏夷酋不遵開導擬設法羈縻並夷情危急懇俯允所請各摺片並鈔錄照會各件呈覽此次該夷酋等來桂良等行寓索看全權大臣等敕旨照會內復以桂良並無畫押之

權為嫌其意無非欲桂良等即行允許遂其以兵挾和之計該大臣等仍當勿避艱難剴切開導中國所授欽差大臣即爾國所謂全權大臣名異而實同如事屬可行亦不妨先允後奏事屬不可行亦不能一概應允前所謂無不可商者原係兩國彼此斟酌何去何從並非將爾國一面之詞悉行聽從始謂之全權大臣也如天津通商一節桂良等業經允許必須議定條款進京後絕無增添更改之處方無後患如帶兵換約一節事屬萬不可行兩國既經換約即係和好何得又帶多人前來足見爾國猜疑未化儻不能相信桂良即可自許留於天津俟兩國換約後再行進京以釋其疑况通州一帶現在駐有重兵爾國人眾前來必不放過因不放過而互相用武是釁由爾國所啟不得歸咎中國且通州非議和之地該處亦無議和之人如吧噶禮來京先行踏看一層已諭知僧格林沁該

夷酋行抵何處即行攔回桂良等斷不可令其前來致令起釁。至賠償兵費一節此間即使允許尚須行文廣東省湊撥賑轉尚須時日斷不能以兩月為期由京付給現銀以上各條該大臣等務須層層駁辯明晰開示使夷情不致驟形決裂以期漸就範圍方為不負委任。前派恒祺為幫辦大臣原因其熟悉夷情藉可往來挽救初不料其隨同桂良惟命是聽一籌莫展。至此次江蘇委員藍蔚雯

等係薛煥專派為夷務而來到津已久亦不聞有一辭之贊吧。頃嚙亦係英國幫辦彼既可來我即可往該大臣惟當飭令恒祺率同藍蔚雯等前往該酋處設法勸導實力挽回方為妥善。本日示惠親王等硃諭內第二三條著鈔給桂良等閱看正在寄諭間據桂良等馳奏夷酋決意帶兵北上等語桂良接奉此旨如該夷尚未北犯自應在津郡遵照所諭各層極力挽回。儻該夷業已北犯即不必

再與議和照會致該夷執為憑據將此由六百里加緊密諭知之。又諭據桂良等奏夷酋不遵開導並夷情危急情形各一摺據耑夷酋吧。頃嚙以不允先期進京擬即不候伴送先行啟程等語並據桂良等將該夷酋照會呈覽內有桂良並無畫押之權欲帶夷兵赴通州另議之語已諭令桂良等設法暫事羈縻矣。夷人狂悖桀驁心懷叵測誠恐桂良等難於挽回徑行北犯著僧格林沁等即

行嚴密防堵並於各路多設偵探不可稍涉大意。儻額嚙二酋肆其狂悖徑行帶兵北來或吧。頃嚙以先行來京察看房屋為詞徑行北來即著僧格林沁等督兵截回如該夷不肯聽從擅行闖越著僧格林沁等即行勦辦毋得坐誤事機。本日復據桂良等寄惠親王等信函一件內有夷酋進京時由河西務分路不過通州欲進廣渠門行走並攜帶帳房百數十架沿途棲止等語夷情詭譎多端必

於無兵處所前進。著僧格林沁等。即於河西務分達廣渠門道路。扼要嚴防。毋稍疏虞。至三汊河來源。以南運河為大。八年夏間。曾經烏爾棍泰前赴德州。四女寺挑挖引河。由該處洩水入海。彼時三汊河下游。水勢即形淺弱。著僧格林沁。即行派員前往德州。將四女寺壩壩。即行啟放。並知照文煜。派員會同辦理。如有淤淺之處。務當星夜挑挖。並設法將南運河正身築壩堵閉。務令水勢日落。該夷大船閣淺。自不能久踞津河。於制夷事宜。不無裨益。其由津郡通州赴京行人。並著僧格林沁等。嚴行盤查。毋令奸細。涸跡除偵探兵役外。其餘一概不許來往。正在寄諭間。據桂良等馳奏。英佛兩夷。首准於即日帶兵徑赴通州。再為定約。並云沿途如見有防兵。即行開仗等語。該夷等不候理諭。遽欲北來。實屬兇悍已極。著僧格林沁。瑞麟將前後路官軍。速行派撥整齊。嚴兵以待。儻該夷竟敢逞其

兇橫。肆行奔竄。即著前路官軍迎頭攔剿。並於凡可由津至京各要隘。嚴行扼截。不得稍有疏忽。其後路官軍。應如何策應之處。均著妥為籌畫。毋任夷蹤得以滋蔓。是為至要。將此由六百里密諭知之。又諭據焦祐瀛等奏。懇陳禦夷之策。辦理拮据。各摺片覽奏已悉。惟該少卿等。並未將天津民情。是否忿恨該夷。抑或外強中乾。及附近各處民團。除武清靜海外。其餘能否興辦。詳細具奏。現在該夷肆行狂悖。所求各款。斷難允准。刻下惟有與之決戰。戰後再撫。捨此別無辦法。所有攻剿事機。必須迅速辦理。通州一帶。已有大兵迎剿。若再能使該夷有後顧之憂。則剿辦愈可得手。前據文謙奏。已撥銀三萬兩解交焦祐瀛等應用。現據該少卿等奏稱。尚未收到。著即趕緊知照。恆福派員提解。有此款項。即可招集民團。立懸重賞。許以破格優獎。或俟該夷北犯時。跟蹤追剿。或於夜間輪流暗擊。

使其刻無休息。以疲其力。總使步步牽制。使該夷跋前疐後。攻勦方有把握。該少卿等務當不避艱難。迅速舉辦。以助兵力。切勿以有礙撫局為慮。將此由六百里加緊密諭知之。○又諭。據景廉奏。俄夷貿易人等。原由博羅霍吉爾卡倫行走。茲據該夷咨請。嗣後冬春間。改由霍爾果斯卡倫行走。與原定章程不符。請旨遵行各等語。俄夷赴伊犁貿易人等。向由博羅霍吉爾卡倫行走。茲請改道。難保無別有他意。惟上年因積雪難行。曾經扎拉芬奏許其由霍爾果斯卡倫行走。嗣後冬春間。所有俄夷貿易人等。著准其暫由霍爾果斯卡倫行走。以示體恤。但事關邊陲。必須慎重。以垂久遠。著景廉查明該處情形。以後如有窒礙難行之處。仍當奏明停止。毋滋流弊。另片奏。總管英秀前因在塔爾巴哈台參贊大臣任內。辦理哈薩克襲爵錯誤一案。供詞狡展。諭令解伊犁交扎拉芬審訊。現在

該將軍病故。毋庸另派大員。即著景廉提集人證。嚴行審訊具奏。將此諭令知之。○又諭。前因都興阿奏。屢調馬步各軍。未經籌撥。當經諭令官文等。速調馬隊。並得力兵勇三四千名。派赴都興阿軍營。帶往江北防剿。隨據官文等。將無可調撥情形。馳奏復批。令懍遵前旨籌撥矣。本日據曾國藩奏。稱淮徐民風剛勁。不患無可招之勇。而患無訓練之人。已函商都興阿。祇須酌帶楚師千人。前來江北。到防以後。以楚師之營制。練淮徐之勇。下期得力等語。所籌係因楚軍無可調撥。為因才於地之計。尚屬妥善。著官文、胡林翼。即行調派馬步得力兵勇千名。配齊軍裝糧械。令其速赴都興阿軍營。為數既屬無多。不得再行推諉。都興阿於此項官兵到後。著即統帶啟程。前往江北。到防以後。應如何於淮徐等屬抽調勇丁。加以訓練。藉資防剿之處。即著與曾國藩會商辦理。將此由六百里各諭令

知之○又諭曾國藩奏接奉諭旨統籌全局一摺據稱李元度等兵勇約須七八月間到徽左宗棠須九月中旬到徽到齊以後亟須分攻廣德救援甯國未能急議規復蘇常至嘉興上海亦暫難兼顧都興阿督辦江北軍務尚未啟程已函商官文等令該將軍酌帶楚師千人馳往江北到防後以楚軍之營制練淮徐之勇下可期得力等語蘇省賊氛延蔓急盼援兵而該大臣部下兵將未齊驟難進剿亦屬實情著俟李元度等陸續到徽後應如何攻剿廣德派援甯國即照議迅速辦理至淮徐勇丁可用都興阿即可無須多帶兵勇前往江北所籌亦屬妥善再本日據瑞昌等奏探聞賊目李秀成住居蘇城並不設備賊數不滿千人時於胥盤兩門之外觀看田稻無錫城內之賊亦不過三四百人均甚畏民團等語蘇城之賊圍攻上海其空虛亦在意中著曾國藩確行偵探如該處及無錫

兩城果係賊匪無多即著檄調勁旅間道出奇前往規復亦不可失此機會不必專俟兵勇到齊轉涉拘泥也將此由六百里諭令知之○又諭本日據文興等奏烏什經費支絀甘省每年祇撥銀一二千兩不足兩月支發請將八九兩年欠解經費銀四萬三千七百餘兩飭令甘省於年內解齊其十年經費銀二萬三千五百餘兩亦即陸續籌解各等語烏什地處邊陲偏近外夷官兵巡防彈壓關繫緊要若令枵腹荷戈實不足以資防守該處勸捐接濟亦屬不敷前諭譚廷襄於陝西捐款項下撥銀十五萬兩解赴甘省以濟伊犁等處兵餉著樂斌林楊祖於此款解到時酌量撥解烏什經費以濟要需其餘各城務須一律均勻不得專顧一處是為至要將此諭令知之○欽差大臣兩江總督曾國藩奏謝授缺恩得旨卿數載軍營歷練已深惟不可師心自用務期虛己用人和衷共濟但不

可無定見耳。命怡親王載垣。兵部尚書穆
蔭為欽差大臣。往通州籌辦撫局。命署戶
部右侍郎袁希祖。往天津查辦團練。以浙
江火藥不敷。命江西福建湖北湖南廣東各
督撫籌撥解往。修烏什城垣。並營汛卡倫。
從辦事大臣文興等請也。丙辰。諭內閣。王
夢齡奏。湖河漲漫。設法籌堵。撫恤一摺。南河
高寶等處。因上游山泉漲發。挾同積潦。下注
當經道員朱善張將高郵車邏壩南關新壩
啟放。並督率民夫赴工搶辦。旋因風雨交作。
人力難施。自露筋鎮至金灣一帶。無工處所。
閒段漫塌百餘丈。小民蕩析離居。深堪憫惻。
著王夢齡委派妥員。會同地方官紳董趕緊
設法堵築。勸捐籌辦。並嚴飭各屬認真防護。
勿令再有疏虞。其被水災民。務當加意妥為
撫恤。使無失所。諭軍機大臣等。據桂良等
密奏一摺。現在喫咈夷酋。以條約未定。即欲
帶兵北來。本日已命怡親王載垣。尚書穆蔭

即日前赴通州。現在先給該夷照會。杜其進
兵之計。著僧格林沁。即日蓋用欽差大臣關
防封妥。派委員前迎該夷投遞。毋稍遲誤。將
此由六百里加緊諭令知之。又諭。王夢齡
奏。江北餉需支絀。請飭催籌撥一摺。據稱江
北餉項。惟恃晉陝兩省月撥餉銀藉以敷衍。
近來陝省尚如數撥解。晉省則短解甚多。本
年應解銀二十一萬兩。先後僅收銀七萬八
千兩。陝省先後撥解銀十一萬兩。以後尚未
咨明何時籌解。山東欠解銀一萬九千餘兩。
河南欠解銀九千四百餘兩。又續撥銀各十
萬兩。未經籌解。請飭嚴催各等語。著英桂譚
廷襄按照月撥之數。如期籌解。源源接濟。不
得仍前短少遲延。山東河南舊欠之項。為數
無多。續撥銀各十萬兩。至今未解。並著文煜
慶廉迅速清解。以應要需。另片奏大江艇船
餉項。前經部撥河東鹽課銀十萬兩。河南山
東各五萬兩。未經報解。並請嚴催等語。並著

文煜英桂慶廉無論何款迅速如數籌撥毋得再有遲誤將此由六百里各諭令知之○以貴州都勻協副將田興恕為安義鎮總兵官○以河南勦擒出力賞知府王榮烈○巴圖魯名號餘加銜升敘有差○以河隄漫口摘署南河江運同知丁承鈞等頂帶○丁巳仁宗睿皇帝忌辰遣官祭

昌陵○諭內閣前因慶昫奏參監督治昌徵收稅票與原咨不符巧為推避當降旨將治昌交部議處並令該都統查明覈辦茲據治昌奏稱向來承辦稅務均係先將報單內所收貨物銀數覈足定額造冊然後劃出各費俾數應用等語此等不應上達之詞輒敢形諸奏牘實屬冒昧不知大體張家口監督兵部郎中治昌著即照部議降三級調用○欽差大臣僧格林沁等奏通州布置情形得旨現在議撫之王大臣料已行過通州惟不知此時已見仗否若尚未決裂僧格林沁等斷不

可輕於一試總期於撫局有絲毫之益實為萬幸也○欽差大臣桂良等奏節次遵旨辦理夷務情形得旨桂良恒祺著即赴通州候旨恒福著仍駐津郡○以鑲白旗蒙古都統瑞常署鑲紅旗滿洲都統○以盛京戶部侍郎倭仁兼署盛京副都統○以辦理夷務未能妥協撤大學士桂良直隸總督恒福欽差大臣武備院卿恒祺幫辦大臣命將欽差大臣關防交怡親王載垣等祇領江蘇委員藍蔚雯等仍聽候差委○賞還科爾沁親王僧格林沁三眼花翎○予江蘇殉難在籍訓導惲棠昌祭葬世職予監生元升等十名口旌卹如例○戊午諭內閣毛昶熙奏連年鄉團殺賊遇害未經請卹等語據稱河南歸德一府連年鄉團殺賊出力管帶團勇屢戰捐軀者殊不乏人未經請卹其帶團禦賊著有成效者亦未查明請獎著慶廉將所有連年鄉團出力陣亡殉難並辦團有效人員迅速查

明奏請分別獎卹以後遇有鄉團應獎應卹之事即著毛昶熙查明分別奏請恩施○諭軍機大臣等本月二十五日兵部遞到俄夷使臣伊格那提業幅咨文一件據稱欲於啖啡二國欽差進京之後暫遲數日啟程赴京等語此次俄夷尾隨啖啡前來即使阻止諒該夷亦未必肯聽茲已由軍機處咨覆該夷令其俟啖啡二國議定後再行來京此刻正在商議之際不必前來惟該夷若知載垣等

出京伊亦必來見面議此事該王大臣等亦即照軍機處咨文答覆可也將此由六百里加緊密諭知之○又諭駱秉章奏遵旨督辦四川軍務現在籌調湖南湖北兵勇並請令左宗棠入川各摺片所奏請令左宗棠襄辦軍務一節前已有旨令該員勿庸入川仍著襄辦曾國藩軍務矣昨據瑞昌王有齡薛煥等奏均以蘇常糜爛不堪上海鎮江等處情形危急苦無援兵非曾國藩一軍入蘇不可

而曾國藩又以左宗棠等募勇未到不能前進駱秉章既有劉嶽昭等隨同前往著即飭令左宗棠迅速帶勇仍赴曾國藩軍營另片奏皖南協餉無從籌撥等語所有皖南軍務前經降旨統歸曾國藩督辦皖南防兵為數不少現在甯國被圍日久亟應籌撥餉糈以圖進剿曾國藩所帶兵勇又係楚軍自應仍由湖南接濟該撫等素顧大局自不可意存膜視著駱秉章文格仍於湖南設法籌措按

照部咨每月如數撥解皖南軍營以濟要需至石逆現雖距蜀尚遠而入蜀之滇匪擾近省城賊勢猖獗東純已在湖北病故昨命崇實暫署四川總督該大臣未諳軍務在川楚軍無人統馭恐不足恃駱秉章即當催齊募勇迅速入川以清蜀境毋再遷延將此由六百里諭令知之○又諭前派毛昶熙督辦河南團練事宜諭令按照載垣等會議章程妥為辦理本日據毛昶熙奏河南團練以歸陳

二府為先。前勝保因調團不齊。勒派百姓出
賃雇丁。統計勇糧運費較正供多至倍蓰。百
姓苦累。近日紛紛稟請以抽丁一項。民力已
竭。鄉團勢難再辦。其開封等府百姓。聞歸陳
雇勇之苦。亦復觀望不肯實辦團練之事。仍
恐有名無實等語。用民之法。總宜深得民心。
勝保等所辦章程。既與民心不洽。自應改絃
更張。以期得力。著慶廉體察情形。將此項雇
勇酌量裁撤。毛昶熙即按照載垣等會議章
程。趕緊集團練勇。以輔兵力。勿令捻匪乘虛
竄入。並著該團練大臣和衷共濟。務使紳士
與地方官聯絡一氣。辦團方有成效。將此由
五百里諭令知之。○以江蘇禦賊出力。賞巡
撫薛煥頭品頂帶。蘇松太道吳煦二品頂帶。
千總王子龍藍翎。餘升敘有差。○己未。諭內
閣。戶部現儲通倉米石。除搭放糧臺外。並城
外各倉所儲米石。應如何先行搭放之處。著
戶部速議密奏。調安徽軍營甘肅甯夏鎮

總兵官鄭魁士。赴江蘇鎮江辦理軍務。○以
江蘇鎮江防勦出力。賞都司張漢王玉林。巴
圖魯名號。副都統巴東阿。道員英喜佐領連
喜。遊擊賴鎮邁。向雲陞等。花翎筆帖式陞喜
等。藍翎。餘加銜升敘。復官有差。○予江南陣
亡佐領榮耀。防禦順興。驍騎校添瑞。長貴。遊
擊戴佐英。守備戴俊英。外委蔣文舉。祭葬。世
職。武舉廣秀。馬甲經元。賞卹如例。○庚申。諭
內閣。朕廑念兵艱。中心惻怛。若令枵腹荷戈。
焉能責其用命。疆場茲由內發銀二十萬兩。
普賞防堵巡防各兵丁。以示激勵。人心之至
意。○辛酉。諭內閣。杜翩奏請仿照河南章程。
調遣官兵等語。著山東巡撫文煜飭令各營
將弁。將額設官兵認真訓練。遇有緩急。由團
練大臣調遣。與民團相輔而行。以資得力。○
諭軍機大臣等。僧格林沁瑞麟奏夷人逐日
前進。其意必至通州。現在嚴陣以待。以備截
擊。一摺。據稱載垣等接喚夷照會。仍欲赴通。

商議經載垣等復又兩次給與照會該夷並不照覆仍往前進載垣等現已折回通州據探該夷前隊已至河西務僧格林沁等現派格綢額督帶馬隊駐劄安平俟該夷探馬到時著即攔阻毋令再行前進如不聽從即行拏獲至夷人後隊僅越過馬頭即著僧格林沁等迎頭截擊盡殲醜類該夷以數千之眾深入內地我軍數萬合力兜擊無難一鼓蕩平該大臣等惟當激勵眾兵同仇敵愾以副

朕望載垣等若仍留通州恐兵士猶謂尚欲議撫意存觀望已諭令該王大臣察看情形或尚可暫留或即行回京斟酌辦理將此由六百里加緊密諭知之又諭本日據載垣等馳奏夷情堅狡遵旨辦理情形並吧噶禮等業已抵通各摺片該夷狡謫性成噉夷照會尤為狂悖其帶兵抵通名為議和實則挾以兵要盟之見此時和議斷不能成惟有與之決戰惟恐該夷陸續北來我兵反致落後

措手不及深為可慮吧噶禮等業經到通矣此外如有零星前來者無論人數多寡即行攔截斷不可任其徑過若該夷大隊前來務須認真兜剿其通州附近各要隘亦須處處設卡不可稍有疏虞一切行人斷不准其來往如經別處拏獲訊出由何路放過即惟何路是問由內發去賞兵銀兩所有防堵各營應分十二萬兩該大臣等無庸俟兵數查齊即著派員迅速來京祇領將此由六百里加

緊密諭知之又諭昨據載垣等奏給與夷人照會約其在河西務等處商辦事宜方謂有機可乘本日據僧格林沁等奏噉夷並不照覆仍往前進載垣等不能遏止現已折回通州該夷逐日前進自係堅執其赴通商議之言現經僧格林沁等派令格綢額督帶馬隊駐劄安平俟該夷探馬到時先為攔阻如其後隊越過馬頭即行鼓勵眾心盡力勦擊不可再失機宜近日頒發內帑二十萬兩普

賞內外防堵巡防兵丁想士氣奮興同仇敵愾必能克奏膚功。蠢茲醜夷不能任其猖獗也。朕意已定別無猶豫。該王大臣等在外亦不可為浮言所惑。至載垣等辨撫之人不宜仍在通州。此時尚堪暫留。若該夷聽受攔阻。自應望有轉機再為入手。若狂悖太甚不聽攔阻。載垣等不必俟其開仗即行回京。將來戰勝議撫即趕緊馳往亦斷不至遲誤。若仍創後路猶恐軍民觀望打仗不勇殊屬可慮。

載垣等接奉此旨仍將一切情形先行馳奏。將此由六百里加緊密諭知之。又諭載垣等奏夷情堅狡欲攜大隊來通並吧噶禮抵通求見各摺片。夷情狡謬必欲帶隊赴通名為議和實則豫伏以兵要盟地步況噶夷所遞照會萬分狂悖和議必不能成惟有與之決戰。吧噶禮喊唆嗎等係該夷謀主聞明常亦暗隨在內即著將各該夷及隨從人等羈留在通毋令折回以杜奸計。他日戰後議撫

再行放還若不能羈禁吧噶禮等令其全數回河西務亦無不可斷不准去留任意有礙戰局。至吧噶禮等欲來求見恐該夷以賓禮自居長其驕傲將來見額噶等酋又將何以待之。即著該王大臣勿庸接見以崇天朝體制。仍遣委員與之辯駁所請索要現銀及帶兵進城萬不能允將此由六百里加緊密諭知之。又諭前因夷人肆行狂悖疊經密諭焦祐瀛等集團懸賞跟蹤追剿為步步牽制

之計。本日據僧格林沁等奏該夷接載垣等照會並不照覆仍往前進已至河西務載垣等已折回通州等語。逆夷逐日前進堅執赴通商議之說其心叵測斷不容其深入。現經僧格林沁等督飭官軍攔阻一俟該夷越過馬頭即行迎頭截擊盡力剿滅該夷既不受撫朕意惟在與之決戰毫無疑慮。惟大兵勦擊尤須民團協力相輔而行著焦祐瀛等速即招集津郡一帶民團懸賞殺賊許以破格

優獎。一聞馬頭開仗。即行進擊。果能斬馘兵頭。奪其輜重。格外許以重賞。決不吝惜。況該夷隊半已北犯。後路空虛。津勇正可乘機焚其船隻。誅其醜類。其武清靜海民團即可跟蹤追剿。時時牽制。以疲其力。使該夷跋前疐後。大兵更易得手。儻該夷敗挫。亦須防其回踞津城。先發制人。實為要著。該少卿等毋得意存顧忌。趕緊將撥銀三萬提取以備賞需。恒福如已抵通。即著折回天津。會同辦理。如尚未回津。即著寬惠會同焦祐瀛等籌辦。聞夷人帶來潮勇。留守大沽。不給口糧。使其四出滋擾。此時正可餌之以利。招之使來。如投歸者人數不多。即另為安置。儻大股來投。即令勒夷立功。方准收錄。總在該督等察其誠偽。控制得宜。令該夷失所憑依。方能制其死命。近日京師人心業已大定。復頒發內帑二十萬兩。普賞內外防堵巡防兵丁。以收士飽馬騰之效。又本日據探報稱。夷人北來時。津

郡為之代雇車百數十輛。途中復應付柴草。及至河西務。又向武清縣索取草料。該縣未曾付給。並武清民團未奉地方官示諭。不肯與該夷為難等語。夷人既帶兵北犯。與我為仇。地方官何以尚為代備車輛草料。殊出情理之外。至民團須多方激勵。始能眾志成城。著恒福等飭令地方官曉諭民團。一聞官兵勦擊。即須並力兜截。地方官如有接濟夷人車輛者。並著查明嚴參治罪。決不寬貸。恒福亦不得處處掣肘。致誤事機。將此由六百里密諭恒福。焦祐瀛張之萬陳鴻翔並傳諭寬惠知之。又諭杜翻奏通籌團練大局情形。並酌擬章程十二條。開單呈覽。一摺所籌均尚妥協。第七條內稱。有面生可疑之人。盤詰立拏。或冒充官兵。亦即拏送。儻有不受盤查。持械聚眾拒捕者。即是匪徒。許各團合力捕殺。例得勿論等語。匪徒聚眾持械。確有據捕證據。即著格殺勿論。但不得妄殺無辜。或挾

雖報復以重人命第十二條內稱國家正供有常地方官固不得額外徵收若遇水旱偏災報明後隨時奏請蠲緩不得聚眾抗糧等語著文煜嚴飭各該地方官認真嚴辦不得稍存姑息如有捏報災歉者並著查明懲辦另片奏免沂曹單等處防兵駐劄之區多係被災處所百物騰貴若照定章日給口糧銀三分米折八釐三毫之數僅易京錢百文有奇一餐不飽不足以資守禦等語兵丁苦累

實錄卷三二六

手札

自係實在情形斷不能令其枵腹荷戈致有潰散逃亡之慮著文煜會同杜嗣設法妥籌量為調劑仍不得動支正項錢糧以昭畫一務令士皆宿飽餉不虛糜是為至要將此由五百里各諭令知之又諭李若珠奏滬城解圍現又添兵往援並金壇失守各情形一摺逆眾圍撲上海經在城文武奮力擊退守城兵勇不過千餘人現在逆蹤尚在數十里內各處援師未到自應令向奎一軍迅速前

往乘勝進攻力保餉源重地金壇固守已進數月守備馬得勝與賊潛遁川勇約期內應遂至縣城失陷兵勇逃至鎮城者已有二千餘人現正當招集潰散兵勇之時難保無此項川勇混雜其中潛至鎮城應募著巴棟阿嚴密稽查如有川勇逃至鎮城者責令各營將弁隨時查出即行正法毋使奸宄涸跡致貽後患將此由六百里諭令知之又諭據曾望顏奏陝甘官兵多有患病請撤回歸伍

實錄卷三二六

手札

一摺前調陝甘官兵二千餘員名經提督郭相忠統帶於本年二月間全數抵川力擣賊巢疊獲勝仗現因不服水土日有病亡兼之屢次打仗傷亡甚眾所存精壯官兵無幾自應撤回歸伍以示體恤惟郭相忠現已調任四川提督不能帶回該省所有現存陝甘官兵著崇寶另委妥員統帶回省分別歸伍將此由六百里諭令知之直隸布政使文謙奏遵解部稍十萬斤得旨現在軍火若無需

趕造著該部酌量應何時解京以昭慎重○
命候補三品京堂勝保簡練精兵親自統帶
於通州以西擇要駐劄並命直隸山東山西
陝西各督撫飭催前調官兵星夜趲赴通州
聽候調遣○以安徽剿匪出力賞副都統善
慶頭品頂帶縣丞李守潔守備黃國瑞巴圖
魯名號千總程文炳花翎餘加銜升敘復官
有差○以勦匪出力四川提督郭相忠下部
議敘○予安徽陣亡副將于昌麟馬昇平遊
擊劉大用陸廣山陳開玉都司劉紹軒丁大
起守備許永勝千總郭元齡外委劉兆蘭把
總于延年協領富亮台興阿阿青阿防禦明
保祭葬世職○予四川陣亡通判繆榮吉巡
檢張錫祐都司唐廷揚守備楊定發祭葬世
職

實錄卷六

三

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之三百二十六

實錄卷六

三

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之三百二十七

監修總官 經日漢館主 注家 太子太保上書房總師傅 文淵閣領事 翰林院學士 領察殿奉上前事件及國史館總纂官 武興典

大學士管理兵部事務加十三級紀錄十四次 臣賈樟奉 奉 敕感 官 陞 選 導 官 太子太保文蔚閣領事武英殿學士 臣 教習 庶 務 士 體 仁 閣

大學士管理戶部三庫事務管理刑部事務加二十三次
周祖培通載第六十三條管理內務府事務對引大庫軍機大臣

鎮藍旗滿洲都統戶部尚書管理三庫事務加四級隨帶加五級紀錄十二次

建國史館藏雍正藍旗蒙古都統理部尚書管理太倉寺鴻臚寺事務加二級革功加四級隨器加八級。餘五次。任什庫等奉

秋修

咸豐十年庚申八月壬戌朔遣官祭

文昌帝君廟○諭軍機大臣等德楞額等奏
自請帶兵赴通等語據稱探得夷船駛入海
口現在山東軍務雖當江北喫緊之際較之
津通輕重懸殊商令哈勒洪阿暫劄韓莊德
楞額分帶兵勇一千名星馳赴通聽候調遣
山東韓莊一帶防務稍鬆已諭令德楞額准
其帶兵赴通俟該副都統到時著僧格林沁
等體察情形如大營可無需此項馬隊即令
德楞額毛劄附近通州一帶或繞截該夷前

途或抄擊該夷後路由該大臣等自行酌量調派可也。正在寄諭間據載垣等奏到夷情就範一摺。據稱載垣等在通已與吧叻禮噉噉妥嗎接晤。言尚馴順。呈出在津時與桂良等議定續增條約八款。惟天津通商一款極有關係。第桂良等業經允許。難於翻悔。當即給與照會。俟額爾琿到通即行蓋印畫押。再行進京換約。其所帶隊伍悉駐張家灣以南五里外。不再前進一寸。該大臣等現既准額爾其餘創營。總於張家灣以南五里之外等語。著僧格林沁仍嚴兵以待。於額爾琿來通時除約定千兵以外。如有任意續來。仍應攔阻。該夷酋等詭譎異常。額爾既隨帶弁兵千數來通。將來噉酋定議時。所帶弁兵亦必照此數目。總須嚴密偵防。恐其人數眾多。一發難制。尤恐吧叻禮等貌為馴順。其中仍有叵測。該大臣等諒必能籌畫精詳。萬無一失也。將

此由五百里諭令知之。○又諭。昨據德楞額奏。請分兵赴通助剿。已諭令該副都統准帶兵勇千名。馳赴通州。並諭知僧格林沁。於附近通州一帶。酌量調派。本日據傅振邦奏。額毫大股捻匪。傾巢而出。計有十數萬。由永南沿澮而東。襲破練圩。兩處圍攻。澮南軍營。雖經擊退。其勢甚熾。請飭河南山東一體嚴防等語。復經諭知德楞額。察看情形。能否帶兵赴通。自行斟酌辦理矣。再本日據托明阿等奏。西安馬隊二千三百名。並商維等處步隊一千五百餘員名。配帶軍火等項。自七月十二。至二十一。二等日。業已渡河。趨出陝境。此次馬步各隊。計已陸續可到。著即將續調之察哈爾馬隊。後起官兵一千名。分撥勝保軍營。令於由通入京各要隘。酌量布置。以為該大臣等。後路援應。現在該大臣等軍營兵。共有若干名。及所調各路官兵。已到營者。共有若干名。著將數目查明具奏。昨諭知僧格

林沁等。額爾琿來通時。除約定千名以外。如有任意續來者。仍應攔阻。本日據載垣等奏。該夷業已就撫。額爾苗於本日午刻到通。恐其於准帶夷兵千名之外。仍有大隊陸續到通。該處密邇京師。辰發午至。猝不及防。深為可慮。傳聞該大臣等兵。已退劄八里橋。其由張家灣至通一帶。雖有格綳額等馬隊。在彼屯劄。恐官兵等。知已議和。未必認真攔阻。著該大臣即行激勵眾兵。刻不忘戰。於張家灣一帶。照舊嚴防。除准帶夷兵之外。如有陸續前進者。仍遵前旨。嚴行截剿。毋稍顧慮。將此由六百里密諭知之。○以肅親王華豐為崇文門監督。都察院左都御史愛仁為副監督。○癸亥。諭軍機大臣等。傅振邦奏官軍攻破蒙西賊圩十餘處。額毫大股。傾巢出擾。現籌剿辦一摺。傅振邦督飭各軍。深入蒙西。甫將小澗西陽十餘賊圩攻破。賊勢已窮。詎額毫大股。捻匪。因渴肥漲溢。賊圩被淹。捻首姜台凌。

劉狗糾集數百圩之眾各帶家屬輜重傾巢北竄圖擾完善之區擒首張閭刑又脅永毫一帶飢民前驅五旗賊約十數萬眾欲就食澮南遂由永南沿澮而東襲破練圩圍困澮南官軍營盤雖於七月十九二十等日經傅振邦率同田在田會合兜抄踏毀賊壘擒獲著名擒首余麻和等大小以百數計疊次痛勦兇鋒已挫惟賊勢眾多拌死狂奔尤虞旁竄紛擾著慶廉德楞額各飭永城與山東各路防兵一體嚴防並速探賊蹤所向與傅振邦等軍分投接應毋分畛域聯絡堵剿殄除羣醜保全完善地方昨有旨准德楞額所請帶兵勇一千赴通現當擒勢縱橫東防又加喫緊著德楞額體察情形緩急斟酌行止毋致顧此失彼將此由六百里各諭令知之○怡親王載垣兵部尚書穆蔭奏夷酋抵通畫押得旨帶兵進城一節令其仍照與桂良商定喫佛兩國每國不得過四百人現銀一節

換約後在津郡於兩月限內繳清予安徽青水溝等處陣亡副將劉蘭馨和縣年玉田祭葬加等世職如例千總李大和祭葬世職○甲子京畿道御史鄂堃奏祀社稷壇請入城致齋得旨在宮在園誠敬則一並非因居處自便所奏毋庸議○以候補三品京堂勝保為光祿寺卿○乙丑遣官祭關帝廟○諭內閣朕撫馭寰海一視同仁外洋諸國互市通商原所不禁○又咭喇佛蘭西與中華和好有年久無嫌隙咸豐七年冬間在廣東遽啟兵端闖入我城池襲擄我官吏朕猶以為總督葉名琛剛愎自用召囂有由未即興問罪之師也八年閏夷酋額爾琿等赴懇天津當諭總督譚廷襄前往查辦該夷乃來我不備攻踞礮臺直抵津門朕恐荼毒生靈不與深較爰命大學士桂良等往與面議息事罷兵因所請條約多有要挾復令桂良等馳往上海商定稅則再將所立條約講

求明允以為信據。詎夷酋噶魯斯等。樂驚不馴。復於九年。駕駛兵船。直抵大沽。毀我防具。經大臣僧格林沁。痛加轟勦。始行退去。此由該夷自取。並非中國失信。天下所共知也。本年夷酋噶魯斯。噶魯斯等。復來海口。我中國不為已甚。准令由北塘登岸。赴京換約。不意該夷等。包藏禍心。夾帶礮車。並馬步各隊。抄我大沽礮臺後路。我兵撤退後。復至天津。因思桂良係前年在津原議之人。又令馳往。與之

理喻。猶冀該夷等。稍知禮義。但使所求尚可允許。亦必予以優容。豈意噶魯斯等。肆意要求。竟欲婪索兵費。強增口岸。陳兵擁眾。入我郊畿。兇狡情形。至於斯極。爰命怡親王。載垣。兵部尚書。穆蔭前往。再三開導。並命將所請各條。妥為商辦。逆夷猶敢逞兇。帶領夷兵。逼近通州。稱欲帶兵入見。朕若再事含容。其何以對天下。現已嚴飭統兵大臣。帶領各路馬步諸軍。與之決戰。近畿各州縣地方士民。或

率領鄉兵。齊心助戰。或整飭團練。阻截路途。無論員弁兵民人等。如有能斬黑夷首一級者。賞銀五十兩。有能斬白夷首一級者。賞銀一百兩。有能擒斬著名夷酋一人者。賞銀五百兩。有能焚搶夷船一隻者。賞銀五千兩。所得貲財。全行充賞。天津百姓。素稱義勇。務各敵愾。同仇。明攻暗襲。以靖逆氛。朕非好武窮兵之主。凡此大不得已之苦衷。當為天下臣民所共諒。至該夷所擄閩廣等處內地人民。

皆朕赤子。如能自拔來歸。或斬夷首來獻。朕亦必予以厚賞。該夷去國萬里。原為流通貨物而來。全由刁惡漢奸。百端唆使。以致如此決裂。並當諭令各海口。一律閉關。絕其貿易。其餘恭順各國。各安生理。毋相驚擾。經此次剴切明諭。該夷儻能醒悟。悔罪輸誠。所有從前通商各口。朕仍准其照常交易。以示寬大之仁。如尚執迷不悟。滅理橫行。我將士民團等。惟有盡力殲除。誓必全殄醜類。其毋後悔。

將此通諭中外知之。○諭軍機大臣等。前因江北防務緊要。楚軍未能分撥。諭令官文。胡林翼調派馬步兵勇千名。交都興阿統帶啟程。前往江北。到防以後。於淮徐等屬。抽練勇丁。藉資防剿。茲據李若珠奏。金陵逆匪。現在製造礮船。並擄取船隻。意圖北竄。其由丹徒小河口等處出竄賊匪。雖經各艇船將弁。先後擊退。惟艇師單薄。亟盼上游援師等語。現在曾秉忠所帶之長龍船。全數派往援滬。下游各起艇師。為數無多。設金陵之逆。擄船下竄。丹徒等處。再有逆眾橫趨。則江北一帶。更形喫重。著官文。胡林翼。迅將前調馬步兵勇千名。挑選精壯。配齊軍裝器械。由都興阿統帶。迅赴江北。力籌堵剿。至以楚師營制。訓練淮徐勇丁。實為現在切要之圖。著都興阿仍遵前旨。與曾國藩會商。趕緊辦理。以冀練成勁旅。正在寄諭間。據都興阿奏。楚勇未能遠征。擬調吉林馬隊一起。及現有馬隊。已各行

官文。胡林翼。催調等語。著官文。胡林翼。迅將此項馬隊。即飭前往都興阿軍營。以便該將軍。即日統帶啟程。馳赴江北。認真勦辦。保全完善之區。是為至要。將此由六百里各諭令知之。○又諭。前據張芾奏。浙江賊眾。突犯廣德。江長貴親督馬步各隊。出城馳剿。所向披靡。該逆復糾眾回撲。江長貴與米興朝登陴督戰。及賊眾圍城。江長貴猶引親軍數十人。拔關而出。與賊死戰。手刃數賊。究因援軍未到。以致州城失陷。江長貴突圍退至安吉等語。已降旨。將該署提督革職留任。茲據瑞昌等奏。廣德州失守情形。與張芾所奏。大略相同。惟所稱該逆竄入廣德東南二門時。江長貴在南門。不知何往。以致米軍退走。與張芾前奏。江長貴登陴力戰。各情。迥不相符。江長貴自派援蘇州等處。節節潰退。此次統領廣陵所部。有七千餘人。並不為畢竟不能固守一兩日。以待援兵。實堪痛恨。著瑞昌來存。主

有齡將江長貴如何臨陣退縮棄城不守及張芾前奏因何不符之處據實查明奏奉母稍徇隱米興朝赴援不力此次復退至四明前已諭曾國藩奏參該將軍等奏請免議之處著毋庸議所擬仍由民團辦理防堵各節即著瑞昌來存主有齡等認真激勵迅速舉行以收實效將此由六百里諭令知之○又諭前因李若珠奏師船赴援上海長江一帶空虛請飭楊載福迅催上游師船剋期下駛當經諭令楊載福即飭吳全美等師船駛赴下游以資防剿茲據李若珠奏稱逆眾擄船意圖北竄雖經艇船截擊獲勝而兵力單薄急待上游師船迄今未到等語先經李若珠探聞金陵逆匪在下關製造長龍船欲備用上游師船旗號下駛密飭水師各軍嚴為防備旋有丹陽等處逆匪欲圖偷渡俱經擊回現在各起艇師僅存有一百餘號分河支港防不勝防儻金陵逆船下竄或丹徒諫壁等

處逆眾橫趨則江防愈形喫重吳全美李德麟現在逗遛何處江路有無梗阻降旨疊催未據楊載福覆奏著該提督仍遵前旨飭令吳全美等統帶全部師船不分晝夜駛赴下游聽候李若珠調遣毋得再涉遷延致干重咎將此由六百里加緊諭令知之○又諭本日據載垣穆蔭奏夷情恣肆萬難允許一摺該夷吧噶禮等已帶四十餘人抵通州呈出照會有五換和約時須將該夷國書親呈御覽之語經載垣等再三駁詰堅執如故此係該夷狡詐故生枝節國體所存萬難允許該王大臣可與約定如欲親遞國書必須按照中國禮節拜跪如儀方可允行設或不能祇宜按照咪俄兩國之例將國書齎至京師交欽差大臣呈進俟接收後給與璽書亦與親遞無異現在撫局將有成說不值因禮節而決裂設該夷固執前說不知悔悟惟有與之決戰其隊伍敢過張家灣以北即著該王大

臣一面趕緊知照僧格林沁等督兵勦辦該王大臣即一面回京毋得泥於議撫致誤戰局至該夷劫去天津府知府石贊清一節該王大臣可即行文知照額酋此係中國最得民心之官猝被爾國羈留士民憤恨異常洵洵欲闢中國亦斷難禁止現當兩國互換和約之時豈宜有此務令孟姓夷酋迅速以禮送還以全和好而弭事變該王大臣與夷人約定各條務須於在通時與之定准切不可

有俟到京後再行商酌之語夷情狡執言詞務須斬截以昭中國信義勿得稍有游移將此由六百里加緊密諭知之○又諭載垣穆蔭奏稱喚夷所請各條已皆允許該夷吧嘎禮復邀同佛夷吧吐達嘆哩登來通呈出照會內有換約時所有該國夷書須親呈御覽之語雖經載垣等反復開導而該逆堅執如故此條萬難允許已知照僧格林沁等嚴兵以待等語似此夷情狡展又復忽生枝節殊

屬可惡如載垣等再加開導該夷能悔悟不執前說自不值因此決裂已諭令該大臣等如果夷酋能遵天朝禮節拜跪呈遞國書自屬可行否即仍應援照味夷來京呈遞國書辦理誠恐夷情多生枝節並無就撫之心如因此條不允仍帶夷兵過張家灣著僧格林沁等即行痛勦不必再為顧惜撫局該大臣等務嚴兵以待毋致倉猝或失事機本日據載垣等呈遞恆福咨文內稱該夷因聞大兵欲抄其後路將天津府知府石贊清劫留營中不放士民憤恨異常洵欲闢有不容並立之心已諭載垣等給與該夷照會令其迅即放回並諭恆福等密為布置儻該夷始終桀驁一聞張家灣開仗之信即令民團進攻該夷前後受敵諒難脫逃昨有旨令勝保帶兵剿定福莊茲據載垣等奏兵力不宜過分請將勝保所帶全軍飭令即赴僧格林沁大營等語著僧格林沁等體察情形如尚需厚

集兵力。即將勝保所帶全軍。飭赴僧格林沁大營。以備勦擊。或於所帶之兵。酌量分調。若干前往。若前敵之兵。已數闌。勦勝保一軍。仍令劉定福莊。以為後路。該大臣等軍營。現共有兵若干名。及所調各省官兵。已到營者。共若干名。前經諭令查明數目。具奏。務於即日遵查。迅速奏聞可也。將此由六百里加緊密諭知之。○又諭。本日載垣等奏。喚夷孟姓。帶兵將天津府知府石贊清劫去。當即詢問吧。噶禮據稱。知有此事。惟不肯認錯。言詞桀驁。實屬可惡。並據恆福咨載垣等文內。有士民憤恨異常。洶洶欲闕。有不欲並立之心等語。石贊清蒞任四年。為士民所愛戴。今被該夷恃強劫去。實堪憤恨。已諭載垣等。給與該夷照會。令其迅即放還。以敦和好。著恆福等。一面飭令該處士民。向該夷首孟姓索取。務令以禮送還。儻該夷不服理論。仍將石贊清扣留不放。則眾怒難犯。勢必激而與戰。現在喚

首吧。噶禮。佛首。吧吐。噠。嘆。哩。登。等在通與載垣等相見。又復另生枝節。欲求面遞國書。載垣等再三開導。堅執如故。表情恣肆。恐撫局終成決裂。本日復諭令僧格林沁等。嚴兵以待。儻該夷一過張家灣。寸步即督兵迎截。痛加勦戮。矣。恆福等乘此津民憤怒之時。應即速遵前諭。廣集民團。多方激勵。一聞張家灣開仗。即令津郡民團。截其後路。痛加勦洗。以洩眾憤。並出示曉諭津民。有能斬馘兵頭。誅

其醜類者。即加以重賞。並許以破格優獎。如能奪其輜重。焚其船隻者。所得貲財。悉准立功人自行運取外。仍予重賞。並設法招回被脅難民。以利餌誘潮勇來歸。使該夷自相疑貳。俾黨羽漸孤。於勦辦事宜。自有裨益。其武清靜海民團。務令跟蹤追剿。牽制該夷北犯。俾該夷後路有所顧忌。是為至要。該夷心懷叵測。儻撫局既不能成。朕惟有立意與之決戰。恆福等宜豫辦民團。整旅以待。毋得顧惜。

撫局因循坐誤自失機宜並著焦祐瀛等將現在如何情形即行馳奏將此由六百里加緊密諭恆福焦祐瀛張之萬陳鴻翔並傳諭寬惠知之○又諭據載垣穆蔭秦吧嘍禮堅欲撤退僧格林沁張家灣之兵該王大臣因其之剖辦掉頭不顧驟馬逃去該王大臣因其狂悖已甚立即知照僧格林沁與之開仗大兵獲勝吧嘍禮業已就擒各等語吧首係該夷謀主善於用兵現在就獲夷心必亂若更

以民圍截其後路可望一鼓殲除著恆福即會同焦祐瀛等乘此聲威激勵團勇一湧而前痛加勦洗其津通一帶沿途各民團有能殺賊立功者一體號召協助官軍並懸重賞鼓勵眾心聞津郡紳士張錦文等暗中早有布置此時前路業經得有勝仗機不可失著即飭令該紳士等督率團勇明攻暗襲必可同膺懋賞該夷兼顧後路必不敢長驅而前全在恆福等迅即調度勿誤事機是為至要

將此由六百里加緊密諭恆福焦祐瀛張之萬陳鴻翔並傳諭寬惠知之○又諭僧格林沁等奏夷隊來撲我軍退至八里橋一摺僧格林沁現扼八里橋截住夷兵前進之路諒能振起軍心乘賊喘息未定之時務須設法更番搦戰使其不得休息恐該夷調齊大隊轉來撲犯致落後手尤須防其抄襲後路由通州城內衝出撲我八里橋之後取道北犯勝保之兵應令劄于家衛以備截擊來京要路其所帶僅止步隊現有察哈爾馬隊一千名如老弱不堪衝突即可將其兵丁守營另選精兵用其馬匹以利馳逐事機萬緊著僧格林沁瑞麟會同勝保妥籌戰勝機宜務期一鼓作氣勦力同心迅挫兇鋒實殷厚望該夷所恃火器猛烈總須以奇兵抄襲挫其前鋒能以烏槍刀矛等短兵相接則可操勝算矣將此由六百里加緊各密諭知之○以克復安徽廣德州城賞六品軍功許國棟五

品頂翎巡檢徐安國。外委陳鵬。六品頂翎革
疏防在前知州高楨職暫留任。○丙寅諭內
閣。戶部奏在籍藩司勸捐軍餉。未經報銷請
獎。請嚴查究辦一摺。江蘇在籍前任湖南布
政使王藻。自咸豐三年在本籍通泰一帶辦
理勸捐。聲名狼籍。眾怨沸騰。該員經手所收
捐項。不下二百餘萬。作何動用。既未報銷。又
未呈報請獎等語。該部既查無奏咨給獎案
據。即該員本身所捐銀二萬四千兩。亦難保

無將他人捐項作為己貲。冒邀獎敘情弊。著
王夢齡會同喬松年嚴密確查。並提隨同該
員勸捐各紳士。訊明通泰等處捐項數目。乾
沒若干實據。即行奏明請旨。並飭令該員王
藻先行交出銀三十萬兩充餉。其餘仍照數
分限嚴追。如該員恃符狡賴。不即完繳。即行
參革監追。查抄家產變抵。按律治罪。以為侵
蝕捐項者戒。○又諭杜翻奏查訊東省員弁
殺團冒功。誣勇為匪一摺。已革山東道員黃

良楷於三月初八日。派令團勇在沂水縣之
垛莊與賊接仗。因天晚追賊失路。行至蒙陰
縣東關外。經該署知縣區士熊指為賊匪。帶
至縣署內。全行正法。署泰安府知府博文。先
後會銜稟報。參將愛興阿雖未會銜。均難保
無扶同隱飾情事。沂州府拏獲團勇一業。經
日照縣知縣張德霖用非刑拷問。以致王新
中受刑斃命。趙應儉等七名受刑成廢。是否
屬實。亟應徹底究辦。以儆官邪。區士熊著革

職。等因。博文著即行革職。愛興阿。張德霖。均
著先行解任。一併交杜翻從嚴審辦。○諭軍
機大臣等。周天受奏。甯軍續獲勝仗。請飭催
餉。援一摺。甯國官軍自六月十七日以後。續
獲勝仗。力保郡北糧道。並攻克西南兩路逆
卡逆壘。現在敗匪負隅。鄰疆不守。甯國孤城
困守五十餘日。餉道益梗。兵勢益孤。設有疏
虞。關係皖南全局。前諭曾國藩救援甯國。該
大臣以兵將未齊。須俟七八月間。李元度等。

陸續到徽方能進。勦目下帶兵各員諒已趕到。著卽派撥兵勇馳援甯郡。毋再遲誤。周天受仍著就現在兵力固守待援。並聯絡地方紳團相機擊勦。勿稍疏懈。現在皖南軍務歸曾國藩辦理。所有湖南等省協餉並著該大臣自行嚴催。現在廣德克復。士氣奮興。周天受惟當激勵士卒力解城圍。是為至要。將此由六百里各諭令知之。○又諭王明奏金州復到夷船多隻。仍飭濱海嚴防一摺。我兵自

撤退大沽礮臺後。夷人以議和為名。由津至通節節進逼。所請各條已皆允許。該夷必欲將該國夷書親呈御覽。堅欲撤退僧格林沁。張家灣之兵狂悖殊甚。撫局已形決裂。業經僧格林沁開仗獲勝。大營現劄八里橋阻截。夷兵前進據該將軍奏。金州復到夷船三十餘隻。夷情叵測。不可不防。且恐該夷不得逞志於通。必將擾及沿海地方。肆其驕橫。所有金州續到夷船如敢登岸肆擾。藉端尋隙。卽

著王明督飭在防兵丁相機堵勦。該夷深伏不動。卽密為防範。不必挑釁。並密拏奸匪。嚴斷接濟。以靖內患。至山東登州一帶。夷船尚未盡撤。著文煜飭令防守官兵加意嚴防。如該夷敢於尋釁。亦卽撥兵迎擊。勿誤事機。將此由六百里加緊各諭令知之。○又諭前據托明阿奏。選派馬隊官兵交烏蘭都督帶赴通。續據奏報兩次派撥馬步隊業於七月十二日全數出境。想不日可以抵通矣。惟夷情恣肆。撫局已形決裂。僧格林沁業經開仗獲勝。現在夷人不時來撲。僧格林沁現劄八里橋。勝保現劄于家衛。防堵由通入京要隘。以截夷人前進。必須厚集兵力方可無虞。著烏蘭都迅卽統帶所部馬隊官兵二千三百名星夜趨行。前赴通州以西八里橋地方聽候。僧格林沁等調撥毋稍遲延。將此由六百里加緊密諭知之。○又諭戶部奏酌提各省漕折銀兩採買糧石以實倉儲一摺。京倉為

根本至計。兵民口食攸關。亟應廣為籌畫。現在江西湖南湖北軍務肅清。閭閻安業。所有應徵各款。自可照舊徵收。著官文。胡林翼。文格。毓科。將江西漕折銀提四十萬兩。湖南湖北漕折銀各提十萬兩。務於年內一律解京。並將起解銀數日期。先行奏報。奉天山東二省。前經諭令籌辦推廣捐收糧米。如何章程。著玉明。文煜。迅速妥議具奏。毋稍延緩。將此由六百里各諭令知之。○又諭景瀄。祿權奏。

挑派兵丁。遴員管帶赴通。惟該官兵餘丁均無馬匹。應否撥給等語。現在夷情決裂。竄踞通州一帶。張家灣業經開仗。僧格林沁駐劄八里橋。籌辦防剿。著景瀄等即將挑出之兵一千名。催令管帶員弁。迅速趕赴通州以西八里橋軍營。聽候調遣。大凌河等處馬匹。不堪乘騎。僧格林沁軍營現有馬匹足數。撥給務須迅速啟程。毋得因等候馬匹致有遲誤。將此由六百里加緊諭令知之。○賞安徽在

籍翰林院編修宋夢蘭侍講銜督辦皖南團練事宜。命山東在籍已革閩浙總督劉韻珂廣東巡撫黃恩彤前任江西巡撫傅繩勛等分辦本省團練。○丁卯祭

先師孔子。遣協辦大學士周祖培行禮。○諭內閣。色克通額等奏章京被控訛索茶箱。請解交刑部審辦一摺。恰克圖郭院章京瑞徵於該大臣等交審案件。任意推諉。復挾嫌恐嚇上司。迴護處分。並向商民勒取茶箱。反將

該商民解送庫倫審辦。據該處甲首呈控該章京歷年收受票禮挑貨。販茶計銀十六萬餘兩之多。實屬有干法紀。瑞徵著即革職。解交刑部嚴行審訊。按律定擬具奏。色克通額於該甲首送給茶二百箱時。未能拒絕。雖稱係給價償還。究屬不合。著先行交部議處。印房額外主事錫齡雖訊無強索。該甲首情事。惟借用茶五十箱。以致生事。並著交部察議。○諭軍機大臣等。僧格林沁自退劄八里橋

之後日來與該夷是否又經見仗未據奏報實深廬念連日拏獲奸細據供逆夷用兵馬隊在前步卒在後臨陣則馬隊分張兩翼步卒分三層前進前層踞地中層微俯後層屹立前層先行開槍中層繼之後層又繼之我軍若迎頭轟擊馬匹一經受傷必然驚潰惟有斜抄橫擊轟斃必多等語夷情兇悍深知兵法是在該大臣等審度形勢妥籌應敵以操必勝之權朕思該夷所以遲遲而進因知我有備故不敢直前但恐情急仍不免前來衝突若僅用正兵與之相角恐夷人說謊不足以盡其變現在夷人大股屯聚李兒寺南前敵馬隊數百盤踞郭家墳一帶此時惟有派馬步勁旅三千繞至馬頭一帶以牽其後彼進則我進彼退則我退使之懷疑不敢北趨然後大兵分三路擊之一挫其鋒自難立足並用暗襲之法於夜間更番出擊使其自相驚擾夷性多疑軍心一亂勦辦自易得手

軍情變幻靡常總在出奇制勝著該大臣等斟酌事機妥為布置以奏膚功實深殷盼如有擒獲夷人即於陣前正法不必解京以免該夷藉口前明降諭旨有斬殺夷首焚搶船隻者分別懸以賞格著僧格林沁等再行宣布鼓勵人心果有斬馘來獻者即如數予以賞項毋稍吝惜以圖敵愾同仇是為至要將此由六百里加緊各密諭知之○又諭喚拂二夷連檣北來攻奪大沽礮臺占踞津郡多方要挾疊經特派欽差大臣往議撫局以示寬大該夷得步進步要求無厭勢難遷就現在業於張家灣通州一帶開仗撫局已形決裂本日據耆齡奏查明粵海關提補拂夷兵費並喚拂二夷填築地基及防城兵費各款該夷擁兵踞城挾制官吏尚以因我之財力以充養兵造作之費實屬異常狡詐目下和議不成惟有與之決戰此項防城兵費何能再為應給著耆齡即知照勞崇光向該夷駁

斥。即行停止。毋齎盜糧。至夷商欲求息兵。以利貿易。正可乘機利導。以離其心。著勞崇光等密飭伍崇曜及華商等。向夷商開導。告以該夷恃強貪黷。苛求不已。以致激起兵端。現已明降諭旨。命通商各口閉關絕好。停其貿易。爾輩衣食之源。從此斷絕。甚為可憫。爾輩若能同心寄信。向額首理論。令其罷兵息事。退出津城。大皇帝仁德如天。不究既往。自可仍准照舊通商。以修和好。爾輩仍收無窮之利。豈不甚善。如此辦理。或可藉以轉圜。以收弭兵之效。廣東省城現在夷兵不多。是否可乘機收復。著耆齡與勞崇光密為籌辦。該撫擬改駐惠州。去省較近。諸事可就。近商酌其佛山抽釐一事。仍著妥為勸導。俾眾心樂從。毋令滋事。本日又據查文經奏。江南墊放廣東紅單船餉。請飭粵省按月籌還等語。廣東原雇紅單船五十隻。及續雇二十七隻。所需經費。向由廣東籌備。因粵省未能如期解

到。疊經江南糧臺先後籌墊代發。計共銀九十三萬餘兩。上海賊蹤偏地。餉源斷絕。兵勇窘急。時有渙散之虞。現在江南糧臺安設江北。著勞崇光等分飭藩司。粵海關。先行按月各籌還銀五萬兩。迅飭委員。乘坐海艇。剋期解交江南糧臺。以濟要需。毋許推諉。將此由六百里密諭知之。又諭焦祐瀛等奏。招集壯勇。馳往楊村。密為布置一摺。所辦尚妥。現在夷情決裂。僧格林沁等已於張家灣開仗。斬獲多名。又派令勝保統帶精兵。為通州大營後路。足壯聲援。夷性多疑。必須令其兼顧不遑。自不敢再圖前進。本月初四日。兩次由六百里加緊諭令恆福。會同該少卿等。激勵團勇。一湧而前。並密約津郡紳士等。明攻暗襲。此旨是否業經接到。如何辦理。即著迅速馳奏。焦祐瀛等到津多日。只招勇五百名。未免單弱。著於靜海等處地方。分投招募。滄州民風素稱強悍。亦可廣為激勵。以期得力。現

雖倉卒應募亦無火器。若令於要路埋伏。暗中截殺。或乘間奪其輜重。或擣虛襲其營壘。或於險隘多設旌旗。或於黑夜亂鳴金鼓。互肆以疲之多。方以誤之逆夷。人數不多。使彼首尾不能相顧。不數日即當潛遁。然後尾追抄擊。必獲大勝。初四日。明發諭旨一道。並著鈔給閱看。即可出示宣布。以振人心。該夷膽敢舉兵北犯。已屬罪大惡極。撫局業已無成。不必再生顧忌。該少卿等務竭力辦理。使該夷回顧不敢肆意北來。是為至要。將此由六百里加緊密諭知之。○以雲南宣威州勦賊出力。賞都司戴新奎。守備狄楷等花翎千總陳占斗等藍翎。知府丁鳳皋等升敘有差。○以雲南景東廳擊退回匪。賞都司錢體元等花翎。同知張愉等升敘加銜有差。以廣東樂昌仁化二縣城被賊竄陷。革知縣吳保楨。黃培基等職。責令戴罪隨剿。○以雲南楚雄廣通元謀府縣等城被賊竄陷。總督張亮基。

巡撫徐之銘下部議處。革道員宋延春。知縣積壽職。予陣亡知府楊觀副將慶連。都司聶天發。知縣江清。縣高。卽祭葬世職。戊辰祭大社。大稷遣恭親王奕訢恭代行禮。○諭內閣。載垣。穆蔭。辦理和局不善。著撤去欽差大臣。恭親王奕訢著授為欽差。便宜行事。全權大臣。督辦和局。○又諭英桂奏請將譚強為竊之知縣革職一摺。山西鳳臺縣知縣孫汝霖。於地方明大強劫錢鋪之案。輒因慮干奉處。囑令門丁轉求事主。改強為竊。實屬有心諱匿。孫汝霖著即革職。以肅功令。○諭軍機大臣等。昨因等獲奸細。據供夷人用兵形勢。當經密諭該大臣等。妥籌布置。並令派撥馬步勁旅三千。繞出馬頭一帶。明攻暗襲。使之驚疑不定。然後分路衝擊。諒已遵諭辦理矣。本日據載垣等呈遞僧格林沁信函。始知該大臣已經給與該夷照會。如願議和。令赴通州南門。

外駐劄。聽候換約。此舉未免失之孟浪。此次夷人來遞照會。語雖狂悖。無非探聽吧噶禮信息。該大臣即欲罷兵息事。亦應迅速奏明。命載垣等給與照會。方合辦法。該大臣係主戰之人。豈可輕給議撫照會。致令該夷輕視。更恐慢我軍心。且通州為倉儲重地。若令該夷盤踞。適以資盜糧。朕再三熟思。此舉未盡妥善。但該大臣業經給與照會。若再與之反覆。未免失信於外夷。看其照覆如何。再行相機辦理。如該夷仍復桀驁。即著僧格林沁會同瑞麟。勝保等軍。與之決戰。如該夷仍欲求和。即著迅速具奏。候朕定奪。其屯兵之處。總以仍在張家灣以南為善。如該夷並不照覆。即行進兵。或一面照覆。一面前進。即著僧格林沁等督兵截擊。斷不容其屯踞通州。令我益無把握。夷人與我相持數日。諒必在彼密為布置。我軍亦不可坐視。以待著即力振軍威。奮興士氣。並仍遵前旨。派撥勁兵。繞出其

後。使其進退兩難。屈而求和。與撫局方有裨益。勝保處兵力不敷。即酌量派撥得力兵將。交其統帶。毋得各持意見。致誤事機。將此由六百里加緊密諭知之。又諭。前因吧噶禮就擒。僧格林沁與夷開仗。獲勝。當已諭知恆福等。激勵民團。截其後路矣。此旨是否。接到其紳士張錦文等。暗中布置。究竟如何。能否乘勢明攻暗襲。現在夷人大股屯踞李兒寺前敵馬步數百。屯踞郭家墳。僧格林沁等退

機辦理。如該夷仍復桀驁。即著僧格林沁會同瑞麟。勝保等軍。與之決戰。如該夷仍欲求和。即著迅速具奏。候朕定奪。其屯兵之處。總以仍在張家灣以南為善。如該夷並不照覆。即行進兵。或一面照覆。一面前進。即著僧格林沁等督兵截擊。斷不容其屯踞通州。令我益無把握。夷人與我相持數日。諒必在彼密為布置。我軍亦不可坐視。以待著即力振軍威。奮興士氣。並仍遵前旨。派撥勁兵。繞出其

劄八里橋。勝保亦已帶兵繼進。夷性多疑。所以遲遲未進。自因知我有備。不敢直前。且吧噶禮巨慙就擒。其中必餒。然時來窺伺。仍欲逐步漸圖前進。本日據恆福奏。天津民團已募千名。該督又調有督標兵五百名。著即密為調遣。不分晝夜。乘虛擣襲。或設疑驚擾。正肆以疲之。多方以誤之。俾夷有所牽制。其前路自不敢徑行直前。並可使津民一面聲言。如該夷前路再行北犯。我津民必從後盡力

攻勦一面使該處紳士如辛榮等向該夷轉說爾等在通所求各款已經欽差大臣等允許乃因吧噶禮肆行狂悖遽然開仗以致和議不成誤我商民海口生理爾等如將兵退回天津則我等闔郡百姓必能懇求欽差王大臣等照舊相待如仍欲前進與官兵接仗則津民在汝軍之後斷不相容恐眾怒難犯非爾等之利也若該夷仍前狂悖即激勵兵民從後牽制夷兵務令首尾不能相顧是為至要將此由六百里加緊密諭知之○又諭昨因夷匪盤踞郭家墳一帶當諭令勝保會同僧格林沁等派撥勁旅繞出賊後以牽其勢諒僧格林沁等接奉此旨後已遵諭辦理矣現在吧酋就擒夷膽已落正宜乘勢攻勦如再觀望恐該夷大隊前來並覺費手且該夷前隊已在通州之南距京密邇必須有兵牽制始能阻其前進著勝保即行遵奉前旨派員統帶馬步隊各千餘名馬隊由南路繞

出馬頭一帶彼進亦進彼退亦退有機可乘即行抄擊步隊由北路繞出夷營附近之處遙為聲勢夜間施放槍礮或舉號火以惑其心使夷人徹夜不能安眠如兵力不敷可向僧格林沁商撥本日並諭知僧格林沁瑞麟遵辦矣正在寄諭間據軍機大臣呈遞勝保信函業已覽悉所請委員薪水著歸瑞麟糧臺支領至嚴守通州復派馬隊截勦之處即著責成瑞麟勝保嚴兵以禦若該夷並無覆僧格林沁照會前來即行督兵前進惟有與之決戰耳將此由六百里加緊密諭知之○又諭軍機大臣呈遞勝保信函知前路接仗失利大營退劄八里橋勝保已受重傷撫局難成載垣穆蔭辦理不善已撤去欽差大臣現派恭親王奕訢前往督辦和局本日明發諭旨一道僧格林沁等即宣示夷人令其停兵待撫恭親王奕訢未便與夷人相見候其派委議撫之人或恆祺或藍蔚雯等到後再

與面議該大臣等仍當嚴陣以待堵其北犯務須阻遏兇鋒以顧大局發去照會二件即派員持交喚佛二酋可也將此由六百里加緊密諭知之○內廷王御前大臣等遵議吧噶禮罪大惡極本不容誅惟現在撫局未成暫時羈留以為轉圜地步報可○光祿寺少卿焦祐瀛等奏請將吧噶禮極刑處死得旨是極惟尚可稍緩數日耳又奏集團勦夷得旨汝等辦理機宜惟有激勵眾心以牽制該夷現在祇有戰之一端斷不准仍存迴護雖有軍營或他處知照亦無顧忌務期事在必成將來可望轉圜時自有殊筆改定寄諭為憑以期爾等志果心堅○己巳

上詣

安佑宮行禮○以秋獮木蘭自圓明園啟鑒皇長子隨駕○大學士瑞麟光祿寺卿勝保奏在八里橋與夷人接仗勝保受傷得旨勝保著賞假調理瑞麟著毋庸來園即在城外督

率伊勒東阿接應隨同僧格林沁截擊○是日駐蹕南石槽行宮○庚午秋分夕月於西郊遣肅親王華豐行禮○太宗文皇帝忌辰遣官祭

昭陵○諭內閣留京辦事王大臣著派豫親王義道大學士桂良協辦大學士戶部尚書周祖培吏部尚書全慶義道全慶著仍在禁城周祖培著仍在外城桂良著仍在城外○諭軍機大臣等前有旨令景瀄特普欽等各撥

兵一千名獵戶一千名前赴通州一帶交僧格林沁等調遣昨據景瀄等奏派兵一千名業已啟程現在夷氛逼近京城朕於本月初八日巡幸木蘭所有前調吉林黑龍江兵丁如已進山海關即著春佑迅速知照帶兵官飭令折赴熱河護駕毋庸前赴通州再熱河行宮及一切供應著春佑即飭該總管及地方官妥為打掃豫備是為至要將此由五百里諭令知之○命大學士賈楨協辦大學士

周祖培。兵部尚書陳孚恩。刑部尚書趙光。在外城辦事。以工部右侍郎文祥署步軍統領。暫住城外。刑部右侍郎麟魁署左翼總兵。內閣學士慶英署右翼總兵。是日駐蹕密雲縣行宮。辛未。遣官祭昭忠祠。內閣欽奉。

硃諭。張祥河。董醇。均著摘去頂帶。以示薄懲。飭令將應需車輛。趕緊備齊。如再任意延玩。定行嚴辦。諭軍機大臣等。寄諭欽差大臣僧

實錄卷三十八

三

格林沁等。朕於八月初八日。啟鑒巡幸木蘭。本日已駐蹕要亭行宮。所有前調西安馬隊。昨據烏蘭都奏報。行抵保定。現在計已全到大營。此項馬隊。即著該大臣等。飭令烏蘭都帶領全隊。迅赴熱河護駕。毋得遲延。據恭親王等。奏報夷務情形。業已諭令相機辦理。第該夷桀驁異常。撫局恐不可恃。著該大臣等。激勵軍心。力圖勦辦。不得任令攻撲城池。是為至要。途中並無探報。嗣後如何情形。務須

隨時奏報。以慰朕懷。前頒賞兵丁銀十二萬兩。存寄圓明園銀庫。候該大臣等派員祇領。因經費不敷。業已提赴行在備用。即著該大臣等。由糧臺另行撥款。賞給。後再報銷可也。將此由六百里密諭知之。恭親王奕訢等。奏夷務情形。得旨。覽奏均悉。以後情形。實難逆料。亦不便遙為指示。祇有相機而行。○是日駐蹕要亭行宮。

實錄卷三十八

三八

大清文宗協天翊運執中垂謨懋德振武聖孝淵恭端仁寬敏顯皇帝實錄卷之三百二十七

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之三百二十八

欽定實錄總纂官臣等奉 上諭纂修欽定實錄總纂官臣等奉 上諭纂修欽定實錄總纂官臣等奉 上諭纂修

大學士臣等奉 上諭纂修欽定實錄總纂官臣等奉 上諭纂修欽定實錄總纂官臣等奉 上諭纂修

大學士臣等奉 上諭纂修欽定實錄總纂官臣等奉 上諭纂修欽定實錄總纂官臣等奉 上諭纂修

大學士臣等奉 上諭纂修欽定實錄總纂官臣等奉 上諭纂修欽定實錄總纂官臣等奉 上諭纂修

大學士臣等奉 上諭纂修欽定實錄總纂官臣等奉 上諭纂修欽定實錄總纂官臣等奉 上諭纂修

敘修

咸豐十年庚申八月壬申

太祖高皇帝忌辰遣官祭

福陵○諭軍機大臣等本日據勝保奏夷氛偏

近闕下請飛召外援以資夾擊一摺據稱用

兵之道全貴以長擊短逆夷專以火器見長

若我軍能奮身撲進兵刃相接賊之槍礮近

無所施必能大捷蒙古京營兵丁不能奮身

擊賊惟川楚健勇能俯身孫進與賊相搏逆

夷定可大受懲創請敕下袁甲三等各於川

楚勇中挑選得力若干名派員管帶即行啟

程剋日赴京以解危急等語逆夷犯順奪我

大沽礮臺占踞天津撫議未成現已帶兵至

通州以西距京咫尺僧格林沁等兵屢次失

利都城戒嚴情形萬分危急現在軍營川楚

各勇均甚得力著曾國藩袁甲三各選川楚

精勇二三千名即令鮑超張得勝管帶並著

慶廉於新募彝勇及各起川楚勇中挑選得

力者數千名即派副將黃得魁遊擊趙喜義

管帶安徽苗練向稱勇敢著翁同書傅振邦

飭令苗沛霖遴選練丁數千名派委委員管

帶均著兼程前進剋日赴京交勝保調遣勿

得藉詞延宕坐視君國之急惟有殷盼大兵

雲集迅掃逆氛同膺懋賞是為至要將此由

六百里加緊各諭令知之○又諭本日據勝

保奏夷氛偏近請飛召外援一摺已有旨諭

令曾國藩等迅挑川楚等勇派員管帶剋日

赴京矣文祥接奉此旨即著軍機章京繕寫

分寄各省毋得遲延勝保所陳城守各事宜

並著該大臣傳知守城王大臣查照辦理。外省摺報數日未到。即著兵部接收。以次遞至行在。並傳捷報處司員前來聽差。現在軍機章京均尚未到。所有摺件。發交文祥。即令該章京等鈔錄存案。原摺發還各省。迅傳該章京等兼程前來。毋得玩視公事。致干重咎。將此由六百里加緊諭令知之。○是日駐蹕巴克什營行宮。○癸酉。諭軍機大臣等。前據奕訢等奏。現辦夷務情形。朕已批示相機而行矣。本日據僧格林沁等奏。佛國通事愛姓。欲輕騎進城。與恭親王會晤。心懷疑慮。須有確據。方肯進城。並吧噶禮須加以恩禮。妥為看待。以為轉圜地步。現在恆祺、藍蔚雯等並未前往。即使該夷有心就撫。亦無由轉機。該夷各處哨探。撫局宜迅速辦理。不可稽延。各等語。唉。佛兩夷自奕訢覆給照會後。並無照覆前來。相持日久。恐該夷另有詭謀。且城外土匪四起。設為該夷句結。尤為可慮。佛夷通事

既欲求見。未必無轉圜之機。即著奕訢給與照會。擇城外適中之地。派恆祺等前往會晤。看其光景如何。斟酌辦理。現在尚議撫局。吧噶禮自應妥為看管。儘撫局不成。該夷攻撲城池。著慶惠、綿森、奕山、賽尚阿等。悉力固守。萬一勢不可支。即將吧噶禮提出正法。並著奕訢等先行知照慶惠等知悉。將此由六百里密諭知之。○又諭前據恆福等奏。遵旨調集督標兵丁。並天津靜海民團。截剿該夷後路。諒已舉行。數日未接奏報。殊深懸繫。現在該夷前隊屯踞八里橋西三間房地方。逼近京城。難保不即圖攻撲。僧格林沁等雖嚴陳以待。過其前鋒。必須另有兵勇。牽其後路。使該夷有所顧忌。始不至公然前進。勝保一軍。昨因挫失。不能繞擊該夷中路。著恆福等仍遵前旨。迅即調集兵勇。勦其後路。毋再遲延。該夷因津民眾怒難犯。已將石贊清送回。可見該夷甚畏天津百姓。即令石贊清傳集紳

民向該夷理論。如敢撲犯京城。定不與之通商。以期挽回大局。石贊清素得民心。必能為國家出力也。恆福身任封疆大吏。任令地方官為該夷備辦車馬。送其北行。以致震驚乘輿。問心亦當自愧。惟有急圖補救。尚可稍贖前愆。若再意存觀望。京師儻不能保。天津豈能獨存耶。前據焦祐瀛等奏。勇力尚單。亦無火器。即不能奮勇向前。亦可大張聲勢。務須激勵紳民。節節牽制。如能令該夷大隊退回。

其功當與前敵相等也。將此由六百里加緊密諭恆福。焦祐瀛。張之萬。陳鴻翔。並傳諭寬惠崇厚。石贊清。知之。○又諭。本日據僧格林沁等奏。夷務情形一摺。該夷現在雖未大隊攻撲。時時窺探。遷延日久。必多詭計。撫局自宜早定。所奏咄夷受嘉畧。欲進城求見一節。已諭恭親王奕訢斟酌辦理矣。至該夷大隊如果直抵城下。僧格林沁等即督兵在後兜剿。毋令攻撲城池。儻城已攻撲。萬不能支。該

大臣帶兵速赴古北口。布置防守。現調三盟蒙古官兵。不日可以到口。無人管帶。著僧格林沁先派乾清門侍衛。如舒明安之類。酌定一二人。趕赴行在。以備統帶蒙古官兵。分布要隘。是為至要。將此由六百里諭令知之。○又諭。前有旨。命桑春榮會同張祥河等。將順天東南兩路團練。先行舉辦。諒已實力奉行。現在夷氛逼近京城。難保不分股四擾。所有順天西北兩路。均應一律舉辦。著張祥河。桑

春榮。董醇。迅飭地方官會同紳士。趕緊舉行。總期協力同心。互相保衛。毋得有名無實。天津等處民團。前已令恆福等。迅即調齊截剿。該夷後路。其武清通州一帶。均屬順天地方。並著張祥河等。激勵民心。同仇敵愾。節節牽制。毋令該夷肆意前進。是為至要。將此諭令知之。○以山西冀甯道瑞昌為按察使。○是日駐蹕兩間房行宮。○甲戌。直隸總督恆福奏。遵諭石贊清開導夷人得旨。俾該夷酋知

懼知恩斷無是理。○河南巡撫慶廉奏歸陳兩屬練勇。未可裁撤。得旨。既礙難驟撤。著准其暫緩。○督辦貴州軍務署提督田興恕奏。保黔境以固川疆。得旨。所陳各情。甚屬詳明。至所請催解川餉。已屢有寄諭矣。○贈江蘇辦團陣亡在籍左春坊左贊善趙振祚。太僕寺卿銜。予祭葬世職。○是日駐蹕常山峪行宮。○乙亥。諭內閣。薛煥奏嘉興軍營將士。請留獲罪大員督勦等語。據稱。副將吳再升等

稟稱。各營兵丁。因已革總督何桂清前曾籌畫軍糈。接濟兵食。願令該革督赴營督勦。俟克復蘇州。再行赴京伏罪。何桂清身任封疆大吏。棄城不守。以致江蘇全省糜爛。厥咎甚重。著薛煥仍遵前旨。迅即派員押解來京。聽候審辦。該將士等請留軍營督勦之處。著不准行。○諭軍機大臣等。據薛煥奏。江南水師軍餉。前奉旨。由江北糧臺暫行支放。經喬松年奏准。由各省撥銀二十萬兩。現在奏明。仍

歸江南糧臺支放。所有各省未解之款。請飭改解南臺。以歸畫一。其續撥之銀三十萬兩。請飭閩海等關。仍解江北。交王夢齡封儲。奏明動用等語。所有前經指撥解往江北糧臺之款。著文煜、英桂、慶廉。迅即查明。尚有未解若干。改解南臺。以免牽混。其續撥閩海各關之三十萬兩。著文清。並該監督等。趕解江北糧臺。以資接濟。再。翁同書奏。捻首孫蔭心。意欲投誠。已派委員前往察看。將來一經獲

勢。必籲求口糧。不得不量加撫恤。現在河南欠解月餉。已積至十餘萬兩。請飭該省於月餉二萬兩之外。迅即補解前欠四五萬兩。以備犒賞等語。著慶廉趕緊籌撥銀四五萬兩。解赴壽州軍營備用。庶撫局不至中變。於河南防務。亦有裨益。將此由六百里諭知文清、文煜、英桂、慶廉。並傳諭毓清知之。○又諭。本日據護理山海關副都統和盛阿奏。老龍頭海口有夷船停泊。請留吉林黑龍江兵丁以

資防守一摺。已准其截留吉林餘丁一千名。協同山海關兵丁防守矣。此項兵丁。約於本月二十日前後。即可抵關。著恆福即派道府大員。迅速前往。安設糧臺。支放口分。勿得遲誤。將此由六百里諭令知之。○又諭本日據特普欽等奏。挑選餘丁。分為兩起。前赴通州一摺。現在夷氛逼近京城。朕於八月初八日。啟鑾巡幸木蘭。所有挑選黑龍江馬隊餘丁二千名。毋庸前赴通州。即著全赴熱河護駕。

據奏。總管珠爾格訥管帶頭起餘丁一千名。已於八月初七日起程。計二十日前後。即可抵山海關。著即飛催折赴熱河。其總管三都克多爾濟。所帶後起餘丁一千名。如由草地行走。可以直達熱河。即著毋庸進關。飭令迅速前來行在。以資護衛。是為至要。將此由六百里加緊諭令知之。○又諭本日據薛煥奏。擬派接辦糧臺人員一摺。所有江南糧臺。即著署江蘇臬司候補道江清驥前往接辦。於

江甘泰州一帶。擇地設局。專放鎮江一軍。及大江水師軍餉。以專責成。英佛兩夷攻奪大沽礮臺。占踞天津。遣桂良等前往議撫。該夷桀驁異常。屢議未成。現已帶兵越過通州。京城為之戒嚴。該署督前云。該夷志在和不在戰之語。竟未盡確。委員藍蔚雯等。亦不能十分出力。昨已明降諭旨。命各海口閉關。絕其貿易。儻該夷悔悟。仍可通商。此時惟有令上海夷商。寄信囑咐。令其罷兵。天朝必仍

准通商。以示寬大。此亦釜底抽薪之一法。薛煥必能竭力挽回也。將此由六百里密諭知之。○又諭本日據麟魁慶英奏。請飭步軍統領仍駐城內。並令恭親王進城居住一摺。步軍統領掌管筦鑰。自應駐居城內。以資鎮守。文祥著准其留駐城內。會同麟魁慶英。及守城王大臣等。布置一切。遇有恭親王奕訢等商辦之件。再行赴圍。晚間仍即進城。如有要事。不能赴圍。亦可函商辦理。奕訢著仍駐圍

寓。毋庸進城。昨據慶廉奏。由河南解送糧倉一千桿。火繩二萬盤。鉛丸四萬斤。於七月二十七、八日啟程。此項軍械。計當趕到。著仍令其交步軍統領衙門朝房收存。並傳知圓明園帶操章京。先行演試。以備調用。恭親王奕訢。文祥。信玉。已由軍機大臣呈覽矣。將此由六百里密諭知之。○又諭。本日據和盛阿奏。山海關海口駛來夷船。現辦防守情形。並酌留防兵。籌畫軍餉。各摺片。據稱老龍頭海口。

於八月初九日有夷船二隻。前來停泊。難保不意圖窺伺。所調吉林黑龍江兵丁。前有旨。本令其全赴熱河。現在山海關兵力較單。著准其將吉林兵一千名。留備防範之用。即著派員迎提。迅速前來。其黑龍江兵二千名。俟進關時。仍令其折赴熱河。毋庸前赴通州。吉林兵未到之先。著和盛阿嚴密防守。不可大意。至官兵口分不足。難期得力。自屬實在情形。著准其援照成案。提用關稅盈餘銀兩支

放。即按官每日一錢五分。兵每日一錢之數。以示體恤。其練丁二百名口分。均著由盈餘銀內支領。儻有不敷。即著烏勒洪額捐辦。所請由直隸安設糧臺之處。已諭知恆福矣。○刑部尚書瑞常等奏。添派大員巡守地面。得旨。巡守地面。著添派成琦。益保。○以湖廣督標中軍副將成福。為湖北宜昌鎮總兵官。四川馬邊協副將傅崐。為建昌鎮總兵官。○以江南山東交界地方。勦匪擒渠出力。賞把總張捷三。五品頂帶。花翎。知州張富年等。并敘有差。○以鈴束兵丁不嚴。摘總兵官曾秉忠頂帶。○以江南清河桃源二縣被賊竄擾。知縣黃壽豹等。分別叅處。予陣亡副將舒祥。訓導王步雲。典史陳延禧。外委魏宗典。祭葬世職。○予江蘇蘇州等處陣亡總兵官魯占鼐。道員史保悠。知府朱鈞。遊擊張汝琳。都司李沛。守備盛世昌。同知鄧爾晉。通判岳昌。知縣尚那布。教授張鏡瀄。未入流李幼瀄等。十六

員祭葬世職。生員龔建中。賞卹加等。○是日駐蹕喀拉河屯行宮。翼日如之。○丙子。諭內閣。林揚祖奏請嚴定命盜案件。初報限期一摺。各省地方官命盜案件。承審招解。例有定限。而勘驗詳報。向無定期。往往任意遲延。以致諸弊叢出。非嚴定初報限期章程。不足以除積習。著照林揚祖所請。嗣後各省州縣。凡遇命盜案件。一經報到。立即前往勘驗。盜案限三日。命案限五日。先將大概情形。切實通

稟。如有遲至二十日者。奏請交部議處。儻敢諱匿不報。別經發覺。從重究辦。○諭軍機大臣等。據毛昶熙奏。捻匪竄擾。調札民勇。毫不得力。亟宜改辦鄉團。撫臣堅執成見。不肯遵旨辦理。恐誤大局一摺。據稱。七月二十四日以後。賊由營廓附近竄至陳州等處。未聞民勇堵禦。致令捻匪縱橫出沒。如入無人之境。撫臣一聞賊信。即由高辛集退回府城。關保亦安居鹿邑縣城不出。歸德府知府傅壽彤

每月領餉八千兩。雇勇二千名。乃守城之時。每門止有三十名。其餘皆係虛冒。至撫臣謂抽丁調防。百姓所出。不過抵正供十之二三。以商邱一縣而論。約計已有七萬兩。而該縣地丁不及五萬兩。豈得謂民力可支。樂於從事等語。自係實在情形。昨據慶廉奏。抽調歸陳練丁。請暫緩裁撤。並稱已與毛昶熙商酌。是以朕准其所請。今據該大臣所奏。此項民勇。既不得力。自應全行裁撤。改歸民團。慶廉

身任封疆。全在與紳士和衷商辦。始能聯絡一氣。若偏執己見。心存迴護。齟齬不合。於事豈能有濟。仍著與毛昶熙會同商辦一切。不得各存意見。致誤事機。現在西竄賊匪。尚未回巢。開許一帶喫緊。著與關保督兵進剿。若統兵大員。安坐不出。將士豈能用命。其傳壽彤冒銷勇糧之處。即著查明嚴叅。將此由六百里各諭令知之。○光祿寺少卿焦祐瀛等奏。派撥鄉勇於黃花店設伏。得旨。既有敢死

之士著設法飭令該勇等將夷酋或領事之首級梟其一二以寒賊膽○總管內務府大臣寶鑒奏參順天府兼尹張祥河府尹董醇覓雇車輛遲延得旨前因該員不以公務為重任意推諉已有旨將該兼尹等摘頂示懲此時不必再行議處如再遲延即行嚴叅○署陝西巡撫譚廷襄奏盤獲傳教夷人得旨著由豫楚解回廣東○署四川總督崇實奏遵辦川省軍務並籌撥黔餉得旨汝初膺外

任尚能不分畛域兼顧鄰封深為不負委任

○命浙江在籍翰林院編修沈祖諫等聽候督辦團練大臣邵燦差委○以玩視團務河南署項城縣知縣張其昆下部嚴議○予江蘇解餉被戕參將張朝綱祭葬世職○丁丑上至熱河詣

綏成殿行禮○諭內閣朕現在駐蹕避暑山莊天氣漸寒所有隨扈侍衛官員章京等每員著賞給銀五兩兵丁每名著賞給銀三兩以

示體恤至每日應給口分若干著總理行營王大臣妥速具奏○又諭前因淮安府知府恆廉山陽縣知縣顧思克隨同庾長觀戲照部議降三級調用茲據袁甲三奏本年春間擒逆竄陷清江後直撲淮城該府等督率士民登陴固守竭八晝夜之力克保危城尚屬著有微勞請從寬免其降調等語顧思克著改為降四級留任恆廉另有失守屬縣之案著改為革職留任○諭軍機大臣等袁甲三

奏北路軍務緊要請飭帶兵大員回京等語逆夷自攻奪大沽礮臺後占踞天津命桂良等前往議撫迄無成說現已帶兵直逼京城僧格林沁等兵屢挫之後不能振作昨已有旨調張得勝帶得力練勇前來歸勝保調遣諒已迅速啟程穆騰阿幫辦軍務現在督攻定遠正當得手之際若再行他調誠恐該匪乘虛竄出又費周章該都統著毋庸前來惟當督率兵勇迅克堅城擒斬渠首以慰朕懷

將此由六百里諭令知之○又諭本日據恭親王奕訢等奏辦理夷務緊急情形各摺片。並往來照會五件。該夷既有在通州議和之語。似有轉機。恭親王等給與照會措詞均尚得體。現在事機緊迫。聞不容髮。朕亦不為遲制。即著恭親王等相機辦理。總期撫局速成。和約已換國書已遞。朕即可及早回鑾。鎮定人心。並保全億萬生靈之命。回鑾後不致再生枝節。方為妥善。文祥奏勝保傷已漸愈。請

將西安馬步隊交勝保統帶等語。西安馬隊前有旨令僧格林沁飭烏蘭都帶赴熱河。現在黑龍江馬隊二千。不日即可前來。此項西安馬隊二千三百名。即著留交勝保調遣。毋庸令其前赴熱河。所有西安步隊並著歸勝保統帶以資攻剿。將此由六百里密諭知之。○直隸總督恆福奏請隨扈得旨著毋庸前來。俟夷務定局。回鑾時赴口接駕。道路亦不必照例豫備。○欽差大臣袁甲三奏勦辦定

遠逆匪獲勝得旨張龔二逆罪不容誅務期一併殲除或暗伏內應斬馘以獻萬不准又令免脫○以直隸河間協副將黃翼升為江蘇淮揚鎮總兵官○以皖北擒獲逆首薛成良等擢總兵官李世忠為江南提督參將李顯發等加銜升敘有差○喀喇扎薩克多羅都楞郡王色伯克多爾濟於喀拉河屯宮門外瞻觀○戊寅諭內閣江南提督張國樞由廣西自率所部隨同向榮轉戰數省所向無

敵朕見其謀勇兼優功勳卓著由偏裨擢至提鎮大員並令幫辦江南軍務殊恩異寵屢賜褒嘉復因其克復城池賞給世職該提督感激圖報誓志滅賊數載以來東南半壁倚為長城詎意本年夏間金陵大營潰敗和春退守丹陽張國樞自鎮江往援出城擊賊身受重傷策騎渡河人馬俱沒於水先後據薛煥等奏報朕猶以為傳聞之訛未即開缺諭令詳細確查並命其弟尋覓骸骨尚冀該提

督不死。出為國家宣勞。乃距今數月。終無確耗。其為業經捐軀。已無疑義。若使張國樞尚在。蘇常一帶。何至糜爛若此。追念蓋臣。益深愴惻。張國樞著追贈太子太保銜。照提督陣亡例。從優賜卹。所有任內一切處分。悉予開復。入祀昭忠祠。並著於死事地方。及該提督原籍。建立專祠。以慰忠魂。該提督子孫。幾人著廣東督撫查明。俟服闋後。送部引見。候朕施恩。用示朕眷念勲勞。優加褒卹之至意。尋予祭葬。世職。謚忠武。○諭軍機大臣等。本日據義道等聯銜具奏。權濟艱危。以維大局。一摺。據稱恭親王奕訢。辦理撫局。漸有端緒。惟恐心不堅定。或有遷避之意。則撫局又裂。該夷勢必帶兵直趨木蘭。請飭奕訢仍駐城外。妥辦撫局等語。恭親王奕訢。經朕特派辦理撫局。責無旁貸。前有硃諭。令其專心妥辦。如或不成。即督兵勦擊。昨復諭令相機辦理。朕亦不為遙制。總期撫局速成。朕即可及早回

鑒。鎮定人心。並保全億萬生靈之命。諒恭親王必能領會朕意。竭力圖維。不至輕為遷避。至該王大臣等。辦事守城。是其專責。現在京師夷氛逼近。總須嚴密布置。同心協力。保守城池。不得觀望撫局。致生疏懈。再熱河隨扈兵丁口分。不給。所有外省解京餉銀。著留京王大臣等。傳知戶部。飭令該委員暫行解赴行在。以濟要需。將此由六百里密諭知之。○又諭前有旨。諭知僧格林沁。飭令烏蘭都統。帶西安馬隊。星夜前赴熱河。隨扈。現在勝保在京防剿。兵力較單。該副都統無論行抵何處。即帶領全隊。迅行折回。直赴京師。歸勝保調遣。以資堵剿。毋得稍有耽延。將此由六百里諭令知之。○又諭據王有齡奏。蘇常各屬團練望兵甚殷。請飭統兵大臣。兩面會勦。並嘉興軍營失利各摺片。蘇常失陷以來。不見官兵。已逾三月。吳縣各鎮。舉辦民團。均尚安靜。其無錫金匱武進陽湖江陰各縣。亦行團

練殺賊甚多。惟日久支持。筋疲力盡。若大兵遲到。恐難久存。曾國藩本有八月進兵之議。現在左宗棠、張運蘭、李元度等當已趕到。著即派令該員等督率兵勇。或從太湖進攻蘇州。無錫。或從廣德進攻溧陽。宜興。以分賊勢。而慰民心。其嘉興一軍營盤。如何失守。著瑞昌、王有齡等查明。首先潰退之員。嚴叅懲辦。一面飭令張玉良等奮勉圖功。整軍前進。一面布置城守事宜。嚴密防堵。毋令該逆擾近省城。是為至要。將此由六百里加緊各諭令知之。○又諭。朕現在駐蹕避暑山莊。隨扈官兵口分不敷支放。所有各省解京兵餉。路經直隸。著文謙即傳知該委員暫行解赴熱河。以資要需。欽差大臣僧格林沁奏夷情緊急。請飭趕辦撫局。得旨。力挽撫局。已屢諭恭親王矣。至管帶蒙古兵之侍衛。著毋庸由軍營派來。○己卯。諭軍機大臣等。本日據恭親王等奏。撫局難成。現仍竭力挽回一摺。夷人

運送大礮。雲梯。顯係欲為攻城之舉。城內外兵力疲餒。戰守皆無足恃。京師為根本重地。僅有疏虞。大局何堪設想。據該夷等照會。無非欲送還吧噶。等語。始肯罷兵。轉圜之機。在此一綫。該夷如肯遵照恭親王等所給照會。退至張家灣一帶。酌定適中之地。定期各派委員。將在津續定條約。蓋印畫押。再將吧噶等送回。固屬甚善。如必不肯遵行。或並無照覆前來。不必待其進攻城池。莫若即將所獲吧噶等送還。以示大方。尚可冀其從此罷兵。換約。不值為此數十夷醜。致令億萬生靈俱遭塗炭。至親遞國書一節。該夷照會。有不盡此禮。則國書不便呈上。及向未列入準此動兵之議等語。似該夷不至為親遞國書所議不合。再致決裂。一切相機行事之處。即著恭親王等斟酌辦理。無待朕詳為指示也。將此由六百里加緊密諭知之。○又諭。本日據官文等奏。探聞夷人竄擾天津。擬派都興阿

統帶馬隊入援一摺。嘆唏兩夷。自占踞天津之後。朕命大學士桂良等。議撫未成。現已帶兵直犯京師。劉營城外。勢甚猖獗。朕於八月初八日。舉行秋獮。駐蹕熱河。京中雖有多兵。俱係未經戰陣。該大臣等。既請派都興阿來京。即著統帶馬隊四百名。星夜前來。歸僧格林沁大營。以備攻剿。湖北營中練勇。向稱驍健善鬪。並著官文等。挑選一二十名。另派得力將領管帶。迅速赴京。聽候調遣。所有軍各兵械。餉需。均著一律備齊。毋得遲誤。將此由六百里加緊諭令知之。○又諭前據駱秉章奏。請令左宗棠帶勇入川。隨同助剿。當因蘇常一帶喫緊。諭令左宗棠。仍赴曾國藩大營。襄辦軍務。本日據曾國藩奏。嘉興軍營潰退。浙江省城危急。必須左宗棠新軍抵徽。乃可赴杭援剿。現在駱秉章督辦四川軍務。抽調湖南防兵。本省空虛。左宗棠遲遲未能成行。請飭駱秉章暫緩入蜀。俾左宗棠兼程來皖。

等語。四川賊勢鴟張。若再曠日持久。誠恐滋蔓難圖。且蕭啟江所部楚勇。甚為得力。惟王沐官職較卑。未能駕馭。亟須大員統帶。著駱秉章仍遵前旨。帶領得力員弁兵丁。迅速赴川。以期力保完善之區。並著催令左宗棠。趕赴曾國藩大營。毋再稽延。將此由六百里諭令知之。○伊犁參贊大臣景廉奏。變通伊犁兵餉章程。得旨。所慮尚屬妥協。著俟常清到任後。會同徹底查究。惟該將軍抵任以前。汝應隨處留心。亦不可過於拘執。○賞湖南按察使翟誥。二品頂帶。署巡撫。○以嘆唏逆夷入犯京師。命綏遠城將軍成凱。盛京將軍玉明。陝甘總督樂斌。山東巡撫文煜。河南巡撫慶廉。山西巡撫英桂。赴京合剿。以庫倫辦事大臣德勒克多爾濟。署綏遠城將軍。盛京戶部侍郎倭仁。署盛京將軍。甘肅布政使林楊。署陝甘總督。山東布政使清盛。署山東巡撫。河南布政使賈發。署河南巡撫。山西布政

使常績署山西巡撫○庚辰遣官祭黑龍潭
昭靈沛澤龍王之神玉泉山

惠濟慈佑靈瀨龍王之神昆明湖

安佑普濟沛澤廣生龍王之神密雲縣白龍
潭

昭靈廣濟普澤龍王之神○遣官祭圓明園
惠濟祠

河神廟○諭內閣本年庚申恩科武會試著
展至壬戌科一併舉行加倍取中○又諭晏

端書奏請派道員勸捐軍餉一摺候選道吳
文錫著辦理揚州各屬勸捐事宜仍隨同晏
端書等分辨團練諭軍機大臣等本日據
勝保奏力疾銷假一摺並片陳夷務辦法覽
奏均悉昨有旨命統帶西安馬隊以備勦擊
烏蘭都途中未接寄諭現已帶領前五起馬
隊一千五百名行抵熱河業令在承德灤平
等處暫行駐劄其隨後之六起係委營總佐
領官陞管帶第七起係委營總佐領德克敦

布管帶約計此時可抵保定即著勝保飛提

截留毋庸令其再赴熱河總兵伊綿阿統帶

步隊一千五百名諒已趕到僧格林沁軍營

其後隊二千七百名據譚廷襄奏均已啟程

統交勝保督率於城東北一帶擇地劄營以

防該夷攻城並扼北犯之路兼可與僧格林

沁瑞麟等大營互相聯絡所有西安馬隊步

隊餉需即著勝保知照僧格林沁等由大營

糧臺支應將此由六百里諭令知之○光祿

寺卿勝保奏力疾銷假得旨報國心殷實堪

嘉尚○辛巳諭軍機大臣等本日據恭親王

奕訢等奏撫不可恃請飭統兵大臣激勵兵

心以維大局一摺並鈔錄照會等呈覽據稱

夷情狡詐不測現雖給予照覆暫為緩兵之

計而夷兵距京甚近戰守既一無足恃即和

局亦萬不能成等語所慮甚是恭親王等辦

理撫局疊次諭令相機而行並明示以酌量

情形放還夷酋此中緩急操縱之機諒恭親

王等必能斟酌辦理。惟此時未放夷酋之先。並將來放還夷酋之後。設該夷大隊進攻。必須兵力能與相敵。撫局始有足恃。戰守和三。三者相輔而行。不能互相觀望。全謨諸辦撫之人也。僧格林沁瑞麟大營馬步隊。並綿勳伊勒東阿等統帶之兵。兵力不為不厚。節調各酋兵丁到者。諒復不少。朕前經頒發內帑。普加賞賜。復諭令懸立重賞。以勵有功。該大臣總宜振興士氣。力求制勝之策。儻再接再厲。

實錄卷三三八

十一

尚可轉敗為功。不可先自委靡。徒喚奈何。據瑞常等奏。請令勝保入城。會同防守。昨已諭令勝保統帶西安各隊。劄營京城東北。以備勦擊。並與僧格林沁等大營互相聯絡。儻陝西後起兵。現尚未到。即著勝保暫時入城。布置防守一切。仍駐劄城外。如兵已到齊。著仍遵前旨行。文祥著仍駐城外。與恭親王等商辦撫局。並辦理軍機處一切事件。將此由六百里加緊密諭知之。○又諭。本日據恭親王

奕訢等奏。撫不可恃。請飭守城王大臣激勵軍心。力保危城一摺。恭親王等辦理撫局。疊經諭令相機而行。諒恭親王等必能斟酌妥辦。惟該夷設或大隊撲城。必須固守無虞。撫局始有足恃。著慶惠等即傳知內外城防守王大臣等。務須振興士氣。鎮定人心。布置周密。嚴加守禦。使該夷不得施其伎倆。方於撫局有益。再據瑞常等奏。接辦巡防一摺。因文祥辦理撫局。在城內諸多未便。恐誤機宜。改

實錄卷三三八

十二

派瑞常署理步軍統領。即著與寶璽等接辦巡防事宜。該尚書等請派勝保進城。會同守禦之處。昨已有旨。令勝保統帶西安馬步隊。劄營京城東北。以備勦擊。如兵未到齊。即著暫行進城。布置防守一切。儻兵已到齊。仍著在城外督勦。業已諭知勝保矣。將此由六百里加緊密諭知之。○又諭。前因和盛阿奏。老龍頭海口見有夷船。當經諭令截留吉林兵一千。以資防守。本日據景嵩等奏。挑派官兵

已於八月初五至初十日全數啟程。此項官兵未有馬匹。他處亦無可撥。抵閩時著寶山即飭帶兵官改為步隊。布置要隘。是為至要。將此由六百里密諭知之。○又諭前因恆福奏請赴熱河隨扈。業經批示勿庸前來。俟夷務定局。回鑾時赴口接駕。現在京北一帶地方緊要。必須有大員坐鎮。且沿路兵差絡繹。文報紛繁。所有各州縣應辦事務。必須該督前來呼應較靈。恆福著即到古北口內駐劄。

實錄卷三

三

以資督率。其天津一帶夷務。即著責成寬惠等。會同焦祐瀛等辦理可也。將此由六百里諭令知之。○又諭巴棟阿奏鎮營兵勇困苦。請飭撥餉需一摺。鎮江一府孤懸大江南岸。現當防剿喫緊之時。餉需豈宜久欠。昨據薛煥奏鎮江一軍現無撥款。上海勢難兼顧。請飭部按月撥銀十萬兩。以濟要需。業已諭令戶部速議具奏矣。未經撥款之先。仍著巴棟阿督同該道府設法接濟。以維大局。將此由

六百里諭令知之。○又諭本日據傅振邦奏軍需喫緊。請飭各省迅解欠款等語。傅振邦一軍餉需。前經該提督奏明。將山陝東豫四省積欠銀六十二萬餘兩。全行蠲除。每月請解銀七萬兩。已屬力求撙節。自應迅籌接濟。以防飢潰。著慶廉文煜英桂譚廷襄務須按月源源接濟。毋任缺乏。將此由六百里各諭令知之。○以刑部尚書瑞常署步軍統領。○改賞署江甯將軍京口副都統巴棟阿頭品頂帶。○以辦理軍需江防出力。賞兩淮鹽運使喬松年二品頂帶。

實錄卷三

三

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之三百二十八

實錄卷三百二十八

三

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之三百二十九

監修 禮部尚書臣德馨等奉 上諭 文宗顯皇帝實錄卷之三百二十九

大清文宗協天翊運執中垂謨懋德振武聖孝 淵恭端仁寬敏顯皇帝實錄卷之三百二十九

太子少師臣德馨等奉 上諭 文宗顯皇帝實錄卷之三百二十九

太子少傅臣德馨等奉 上諭 文宗顯皇帝實錄卷之三百二十九

太子少保臣德馨等奉 上諭 文宗顯皇帝實錄卷之三百二十九

敕修

咸豐十年庚申八月壬午遣官祭賢良祠○

諭軍機大臣等本日據恭親王奕訢等奏現
辦議撫情形各摺片前因事機緊迫諭令將
吧叻噶等放還以示大方原恐該夷即欲攻
城藉此保全億萬生靈之命恭親王等現派
恆祺藍蔚雯等與該酋商辦從前允許各條
如何派員會晤畫押並覆給該夷照會使知
羈留該酋原為商辦和約起見此中操縱甚
合機宜如該酋肯許日久相安不至別生枝
節即可與之約定畫押蓋印儻該酋推諉不

肯擔承仍令其致書囑囑等極力挽回將來撫局若成恭親王不妨接見該首面示天朝寬厚之恩並曉以利害令其心折再行送還至換約以後情形原難豫料設該夷再有反覆則其曲在彼而我為有辭惟此時不能不慎之又慎以期防患於未然諒恭親王等必能籌慮周詳也僧格林沁瑞麟及城守大臣昨已寄諭令其悉心戰守西安兵既已調赴石碣即著駐劄該處以資防守將此由六

百里加緊密諭知之○又諭本日據錫齡阿奏乍浦官兵會同援軍克復縣城一摺據稱七月二十一日克復平湖後即於二十二日將嘉善縣城克復第滿洲官兵駐守乍浦更兼四路土匪甚多實屬不敷遣調斷難兼顧兩縣請飭副將陳步高帶兵駐守平湖分劄嘉善等語浙江自嘉興大營潰退後省垣戒嚴現在未知情形如何實深慮念平湖嘉善甫經收復必須有重兵駐劄防其回竄陳步

高一軍如尚未調赴他處即著分劄該兩縣以資防勦儘兵力不敷或即飭令協領多仁布等協同守禦著瑞昌王有齡斟酌辦理並著傳知錫齡阿浙省援兵昨已寄諭曾國藩令其派兵分路進攻以分賊勢但恐緩不濟急張芾一軍未知曾否趕到該將軍等與其株守省城莫若飭張玉良等迎頭截擊使賊不能逼近城池方為妥善將此由六百里諭令知之○廣東巡撫耆齡奏進攻樂昌仁化

逆匪獲勝得旨收復城池暨打仗出力人員著擇尤酌保數人隨同收復之本地方官不准過為開脫○癸未諭軍機大臣等據龐鍾璣奏常昭縣城失守請飭都興阿駐劄江北相機規復一摺江南自蘇常失守徧地賊蹤常熟昭文官紳尚能激勵民團同心固守茲以該匪大股猝至眾寡不敵縣城遂於八月初二日失陷都興阿現時未能即抵江北鎮江官軍雖向奎所部經薛煥調往上海尚有

李若珠派來援兵著巴棟阿酌量情形派兵迅圖克復並著於沿江各要隘嚴密防堵勿令該匪北竄是為至要將此由六百里加緊諭令知之○予江蘇常熟昭文陣亡都司許玉珍從九品龐祖安祭葬世職○淀園火○甲申

世宗憲皇帝忌辰遣官祭

泰陵○諭軍機大臣等本日據慶廉奏官軍追擊擒匪總兵承惠陣亡現乏督隊得力之員

請派曾經出師打仗勇往之鎮將二員來營調遣等語河南軍務緊要督隊需員著袁甲三於軍營得力鎮將中挑選兩員即行派往交慶廉差遣如鎮將無人可派亦可於參遊內擇其能得兵心打仗奮勇者派往前調總兵滕家勝帶勇前來諒已接奉諭旨著即飭令星夜進行毋得遲誤將此由六百里諭令知之○又諭前因夷氛猖獗直犯京師諭令慶廉迅即統帶精兵星夜前來合力攻剿將

河南剿匪事宜交毛昶熙督辦該撫諒已接奉此旨本日據慶廉奏官軍眾寡不敵鎮將被戕是河南擒匪情形正當喫緊之際設或該撫帶兵北來逆擒一聞此信乘機北竄尤為可慮毛昶熙未諳軍務亦恐呼應不靈著慶廉體察情形如不能動身前來即著前調之副將黃得魁遊擊趙喜義等管帶新募義勇及得力楚勇共數千名兼程前進剋日到京以資調遣該撫請派曾經出師打仗之鎮將二員已諭知袁甲三由該大臣軍營揀派矣將此由六百里諭令知之○工部尚書兼管順天府府尹事張祥河等奏車輛雇覓維艱得旨所奏自係實在情形務期無誤要需斷難拘於例價著實用實銷勿得稍涉虛冒又奏請修墊橋道批撫局已成朕即回鑾惟此時尚不必豫為降旨況回鑾橋道不過略加修葺耳無虞趕辦不及○以己革四川提督萬福為甘肅肅州鎮總兵官直隸河屯協

副將牛浩然為河南河北鎮總兵官○予河南野豬岡陣亡總兵官承惠遊擊苗玉榮祭葬世職加等○以貽誤軍報摘河南汝甯府知府祁之銓汝陽縣知縣廖慶謀頂帶○乙酉諭軍機大臣等朕聞京內人心不靖訛言頗多有謂各旗營兵丁停放月餉者有謂豫行支給三月者當此物價昂貴之時若停放月餉何以資養贍即先行支給三月亦恐後難為繼著豫親王義道等即行傳知戶部及各旗營自九月起兵丁銀米仍著按月支放以裕兵食而定人心將此由六百里諭令知之○又諭本日據張芾奏請飭兩湖江西仍遵部議籌撥微甯餉銀等語皖南軍務現歸曾國藩辦理所有張芾督辦時各省欠解餉銀自應補解清楚以期各歸各款不相牽混著官文胡林翼翟誥迅即按照部撥之數籌解曾國藩大營其江西欠解之項並著毓科如數補解以濟要需毋得延誤將此由六百里諭令知之○恭親王奕訢等奏吧噶噠等尚未送還得旨覽吧噶喊各酋往返信字具見逆夷暫戢桀驁無非為此羈囚執意進兵不必相顧等語尤覺情見乎詞先行縱歸必另生詭計著俟撫局已成不致別生枝節即加緊馳奏以便降旨回鑾慎之密之照常情形無決裂之事仍六百里具奏不必加緊○督辦貴州軍務署貴州提督田興恕奏由湄潭覓安赴省得旨赴省應援無後顧之憂方為妥善○都察院左副都御史張芾以補行守制請開缺回籍允之○予浙皖交界陣亡把總譚光徐聖凡外委馬富林祭葬世職○丙戌以勦辦貴州思南石阡各屬賊匪出力賞副將周學桂遊擊李有恆巴圖魯名號守備孫殿元知縣章樹勛花翎縣丞張致祠等藍翎餘升敘有差予陣亡都司沈玉龍汪得勝守備秦復陞鄭啟萬朱得明千總符順興把總楊洪利滕成富袁得勝外委田景玉祭葬

世職加等。丁亥諭內閣邵燦等奏請飭地方官會辦團練等語。團練一事雖屬紳民義舉。非地方官會辦亦恐呼應不靈。所有浙江團練事宜著責成邵燦王履謙會同該省地方官認真辦理。如有地方官及紳士人等從中阻撓或藉詞推諉即著邵燦會同王有齡據實奏參至團防經費畝捐尚未辦齊准其於紹興府捐輸項下酌量提用。諭軍機大臣等前有旨諭令慶廉迅派副將黃得魁等帶勇馳赴京師歸勝保調遣現在該夷直撲圓明園焚燒街市大肆猖獗實堪髮指著慶廉趕緊飭令該副將等統帶得力各勇星夜前來毋得遲延將此由六百里加緊諭令知之。○又諭前據寶山奏吉林頭起官兵業已抵關日內想已陸續到齊著即嚴密布置以資守衛。前調黑龍江兵二千名計期亦應進關現在夷氛緊急著即飛催帶兵官迅速前赴熱河毋稍遲滯如尚未到關並著趕緊迎

提是為至要將此由六百里加緊諭令知之。○又諭本日據恭親王奕訢等馳奏夷人擾踞園庭情形危急一摺覽奏憤懣之至連日接恭親王等奏報方冀撫議有成不料夷務決裂敗壞至此據恭親王等奏稱萬不能再議撫局現在兵力毫無足恃若任令該夷盤踞日久消息不通以後更難措手仍應於萬難之中設法極力挽回以冀維持大局恭親王等現在盧溝橋駐劄恐文報阻隔往返耽延著繞至園庭東北一帶擇地駐劄竭力籌辦撫局奏報亦較為便捷僧格林沁瑞麟大營現在何處並城內如何情形均著探明迅速馳奏勝保是否已到盧溝橋所有續到各省兵勇即行截留俱著交勝保統帶相機勦辦俟兵力稍厚亦可繞至東南抄其後路務須與恭親王等聲氣相通不至有礙撫局。古北口一帶已諭烏蘭都帶兵防守恆福仍宜前來督率地方官辦理一切著即星夜赴口。

母得遷延本月二十日及二十一日寄諭已
諭軍機大臣鈔給閱看將此由六百里加緊
密諭知之○又諭朕於本月十六日駐蹕熱
河前有旨令恆福迅赴古北口內駐劄督率
地方官辦理一切本日據恭親王等奏正議
撫局該夷首於二十二日直犯圓明園焚燒
街市恆福已到盧溝橋道阻未能前往請令
吳廷棟赴口等語著慶昫傳知吳廷棟即令
該臬司由張家口趕緊赴古北口駐劄督辦

往來兵差文報各事宜毋稍延緩將此由六
百里加緊諭知慶昫並傳諭吳廷棟知之○
又諭文謙奏請赴熱河隨扈一摺前有旨令
恆福迅赴古北口內駐劄以資督率本日復
諭令吳廷棟由張家口趕緊前來辦理一切
直隸省垣緊要現乏大員著文謙毋庸前來
隨扈所有各省解京餉銀路過直隸仍著文
謙遵奉前旨飭令該委員等改解熱河以濟
要需儻或道路梗阻著該藩司設法解送是

為至要○又諭前有旨因喫啣兩夷奪我大
沽礮臺占踞天津帶兵直犯京師當諭令玉
明統帶馬步官兵星夜前來赴熱河護駕茲
據恭親王奕訢等奏正在議和間該夷長驅
直撲圓明園焚燒街市等語夷氛猖獗實堪
髮指著玉明即速調齊馬步隊官兵備齊軍
裝火藥無分晝夜兼程前來木蘭行營以備
防剿毋得片刻遲延是為至要並著星夜傳
知吉林黑龍江將軍一體派兵內援可也將

此由六百里加緊密諭知之○廣西巡撫劉
長佑奏勦撫石逆餘黨得旨勦撫兼施實中
窾要至遣散回籍各投誠義勇只可酌發口
糧執照礙難多撥兵役護送著即將所奉硃
批飭行各省未便又降諭旨○署成都將軍
全亮等奏籌防省垣並辦團練情形得旨布
置尚屬周妥○戊子諭軍機大臣等昨諭令
烏蘭都帶領西安馬隊一千五百名駐劄古
北口內日內想已趕到昨據恭親王等奏報

逆夷於本月二十二日直犯圓明園焚燒街市令人髮指該夷詭計多端難保不分股北犯著即相度要隘妥為布置多設哨探嚴行扼守朕聞此項官兵隊伍齊整紀律嚴明防勦必能得力仍宜隨時操練不可日久生疲其續到陝西馬步各隊官兵僧格林沁令其屯劄密雲縣所屬石硤地方現在已到數目若干著烏蘭都查明迅速奏聞均著歸烏蘭都統帶所調黑龍江馬隊二千名約計已可

進關俟到口時即著截留屯劄該處一併交該副都統管帶未到之前毋庸迎提僧格林沁大營糧臺是否尚在順義未得確信恐已移至他處不能接濟該副都統軍營已傳諭霸昌道英毓飭令密雲懷柔順義等縣無論錢米暫行支放俟恆福吳廷棟到口即可設立糧臺矣將此由五百里諭令知之○己丑諭軍機大臣等本日據僧格林沁等奏夷人退出園庭一摺僧格林沁瑞麟統帶重兵節

節退劄已屬畏蕙無能此次夷人直犯圓明園肆行焚搶又不能馳往救護實屬咎無可辭僧格林沁著革去爵職仍留欽差大臣瑞麟著即革職均仍留軍營帶兵堵勦保護京城儻該夷大隊攻撲務須從後兜擊力贖前愆昨據恭親王等奏該夷擾踞園庭撫局不能再議已諭令極力挽回以後如何情形尚未接恭親王奏報恭親王現在常新店距城較遠恆祺現在城內著僧格林沁等知照恆祺先行羈縻吧首勿令再有決裂聽候恭親王等辦理至該夷狡詐多端現雖退出園庭仍盤踞黑寺一帶撫局是否能成實難豫料仍須嚴為防備再海淀一帶土匪四起清河地方逃兵匪徒聚集多人在彼掠搶以致文報不通著該大臣等迅速查拏懲辦是為至要將此由六百里加緊密諭知之○庚寅諭內閣薛煥奏叅總兵屯兵不進以致縣城潰陷請革職帶罪圖功等語據稱金壇縣被圍

日久該縣文武嬰城固守稟請總兵馮子材撥兵救援該總兵大書斷難往援等詞露封送往兵民共見遂致人心渙散迨經巴棟阿派兵援剿兵已逾萬不難間道馳往內外夾擊力解城圍仍復駐劄鄰境遷延觀望一聞城陷隨即撤兵而回似此種種乖謬畏縮不前僅予革職尚不足以蔽辜馮子材著先行革職暫留軍營仍著巴棟阿確切查明如實係有心規避即行嚴叅懲辦○諭軍機大臣

等本日據慶惠等奏釋放夷首保全大局一摺據稱夷匪竄踞圓明園一帶地方內外城人心十分驚懼僧格林沁瑞麟兩軍潰散勝保手無重兵城守事宜未可深恃公同將吧噶噶等交恆祺送往該營以示寬大等語吧噶噶等朕本有旨令恭親王等酌量情形即行釋回此次慶惠等因恭親王業經移寓未能函商從權辦理原為保護城池起見惟夷情狡詐仍宜嚴防著即會同守城各王大臣

等悉力守禦毋得稍有疏虞至一切換約事宜聽候恭親王等擇地辦理本月二十日寄諭一道曾否接到未據聲明途中恐有遺失著軍機大臣另行鈔錄交慶惠等閱看將此由六百里密諭知之○又諭據瑞昌奏大兵進剿統領乏員請飭張芾赴浙督剿一摺據稱張玉良自嘉興潰退以後威望頓挫不足以資統馭張芾御兵嚴整甚得兵心前請飭令來浙幫辦軍務督軍進剿嘉興等語昨因

張芾奏請回籍補行守制業經降旨允准如張芾尚未離徽即著曾國藩飭令赴浙幫辦軍務本日又據薛煥奏蘇省常昭已陷上海岌岌援兵不至亦恐難支著曾國藩酌量情形速籌援救是為至要將此由六百里諭令知之○克勤郡王慶惠奏請飭恭親王入城辦撫得旨已諭恭親王擇地就近駐劄斷難在城內辦撫又奏連日多有潰兵進城抵進城潰兵應嚴密訪查不可置之不問○光祿

寺卿勝保奏該夷撲擾城關現在布置情形得旨摺中並未敘及傷愈情形殊深廕念現能否騎步如常抑尚需人扶掖又奏暫駐天甯寺以待新兵必須痛勦再行議撫得旨所奏不為無見○署四川總督崇實奏巴布夷人就撫得旨該夷既係野夷就撫回巢實為止辦況該土司出具切結更不值重煩兵力○杭州將軍瑞昌等奏省城官軍潰退得旨張玉良著革去幫辦並提督銜仍責令督兵進勦瑞昌所請嚴議之處著寬免又奏請派張芾幫辦軍務得旨一時乏人仍應責令張玉良督辦所請張芾赴浙已諭曾國藩矣○予故總管內務府大臣文豐祭葬如尚書例諡忠毅○予江南陣亡總兵官魯占鼇陳開選副將馬登富陳安邦參將王夢熊張順和羅桂元冉正祥遊擊李寬都司田天祥守備焦溥千總林忠山把總馬現祿等六十八員祭葬世職○予浙江嘉興陣亡佐領志廣筆

帖式瑞康知縣李宗謨祭葬世職○予四川郫縣陣亡團首衛柏齡祭葬世職如都司例

大清文宗協天翊運執中垂謨懋德振武聖孝淵恭端仁寬敏顯皇帝實錄卷之三百二十九

瀾並防護出力各員可否擇尤保奏一摺據稱本年永定河自立秋以後河水時有長落雖較伏汛溜勢稍減而秋禾按根勢甚洶湧以致各工埽段紛紛稟報蟄陷並有汕刷過急直潰隄根極形危險當經該護道王茂堦督率各廳營汛無分雨夜併力搶護一律保護穩固現在節屆秋分水勢日漸消落河流順軌著該督飭令該護道督率各廳汛仍照

1.

兵靜以觀變一摺足徵該大臣忠勇性成赤心報國著即授為欽差大臣並開缺以侍郎候補總統各省援兵相機勦辦即由勝保知照禮部頒給關防現在直隸陝甘等兵僅到八百名其各起大隊二三日內始能到齊遠道赴援必須休息已諭令慶惠等堅守以待並諭恭親王等迅辦撫局儻該夷猖獗萬不能成即行知照勝保督兵進勦該大臣自應靜候辦理惟事機緊急必須量敵而進計出

萬全一戰成功始慰朕望儻兵力未厚不可輕於一試所謂川楚各勇均已飛催尚未據報啟程惟都興阿自請帶馬隊四百名前來朕已允准本日據英桂奏與總兵慶德先後帶兵勇三千剋日啟程文煜亦撥海豐防勇一千曹勇三千前來其各省未到援兵毋庸歸僧格林沁瑞麟大營均著交勝保調遣將此由六百里加緊密諭知之 又諭昨因慶惠等奏釋放夷酋保全大局一摺業經諭令

書奏未奉

三

該王大臣等悉心防禦毋得稍有疏虞其一切換約事宜聽候恭親王等擇地辦理此旨諒已接到本日據勝保奏稱該夷倡言攻城稱兵挾制守城諸臣汲汲以議撫為事意欲訂期開城為休兵息民之策等語近日夷務辦理情形尚未接恭親王等奏報已諭令迅飭恆祺前往面議並給與照會如該夷能遵前約即可畫押蓋印定期換約該王大臣等守城是其專責惟當竭力嚴防堅守以待聽

候恭親王等辦理不可先自擾亂致懈軍心瑞常等業於二十日寄諭內准其接辦巡防事宜矣將此由六百里加緊密諭知之○又諭本日據王夢齡奏清淮餉源告竭請迅賜飭催等語據稱迭據徐州探報捻匪藍黑白三股繞出宿營後路沿途焚掠竄至徐城迤西之雙溝愈趨愈東邳睢境內均有大股滋蔓欲由窩灣等處搶渡滋擾並有分竄清淮之意前因王夢齡奏請借撥兵餉當即諭令

書奏未奉

四

山東山西河南各省借撥銀四五萬兩迄今幾及三月何以尚無絲毫解到著文煜常續慶廉仍遵前旨迅速各籌銀三四萬兩委員星夜解赴清淮如一時尚不能齊亦須先解二三萬兩毋誤要需將此由六百里各諭令知之 又諭本日英桂奏酌調各路官兵親帶赴京並請飭山東河南得力將領帶兵前來等語據稱現於省標挑選官兵一千名大同鎮兵二千名分撥馬匹咨調將領一俟到

齊星夜親帶赴京並咨大同鎮總兵慶德先帶本標官兵前來現已派勝保為欽差大臣到京時著即隨同勦辦河南練勇素稱強壯前已有旨諭令慶廉挑選精健數千名令副將黃德魁遊擊趙喜義管帶前來助勦現在山東防堵正在喫緊德楞額前請帶兵親來已有旨令其暫緩來京矣將此由六百里諭令知之又諭前因夷人占踞圍庭諭令恭親王奕訢等在昌平一帶駐劄辦理撫局昨

接二十六日奏報知恭親王等尚在長新店居住聽候恆祺辦撫之信連日如何情形務即迅速具奏現在夷人已退至黑寺自圓明園一帶以至黑龍潭太子府沙河清河等處地方土匪仍復肆擾以致文報阻隔行旅不通若不早行懲辦誠恐聚集日多釀成大患勦辦愈形棘手綿勦派撥之兵一千名未知曾否到園亦須有大員統帶方能得力本日已改派文祥署理圓明園八旗包衣三旗印

鑰其綿勦派撥之兵一併歸文祥調遣著即調集各旗及巡捕營官兵飭令將各處土匪嚴行捕拏立即正法以靖地方而通道路長新店距城較遠於辦撫事宜往來不便文祥若仍在該處亦覺鞭長莫及著恭親王等於京城西北附近地方擇地駐劄文祥便可兼顧圍庭仍隨恭親王辦理一切正在寄諭間接據勝保奏因和礮戰現處情形一摺據稱各起官兵二三日內皆可到齊惟遠道赴援

不無疲憊自應量予休息始可即戎無如守城諸臣汲汲議撫方且訂期開城為休兵息民之策再四思維惟有齊集援兵靜以觀變如該夷謹守條約相安無擾亦不敢自生外釁如竟顯然反覆或屯兵不撤自當相機而動等語該逆於城北一帶修築礮臺並至城根測量遠近狡譎情形實堪髮指慶惠等自應嚴密防守聽候恭親王等辦理若開門揖盜害不勝言已諭令慶惠等激勵眾心堅守

以待並將候補侍郎勝保授為欽差大臣總統各省赴援諸兵整軍備勦此時事機緊迫著恭親王等迅即飭令恆祺往見該酋並給與照會責其修築礮臺之非如該夷仍遵前約並不另生枝節即可畫押換約以敦和好儻有心反覆再事要求即知照勝保督兵進勦惟必須厚集兵力一戰成功方為計出萬全即由恭親王等斟酌辦理可也將此由六百里加緊密諭知之○戶部左侍郎左翼總

兵文祥奏夷匪竄擾園庭請分別治罪得旨陳良才等四員均著革職留任並摘去頂帶飭令嚴拏土匪如再不知愧奮即行嚴叅文祥著革職留任麟魁慶英均著降四級留任總管內務府大臣寶鋆奏請簡放內務府大臣一二員分任其事得旨現在明善已由行在回園矣所請毋庸議汝係內務府大臣非他人可比即使不能在園料理出城一往有何不可乃竟置之不顧尚有人心耶○以

戶部左侍郎文祥署管理圓明園八旗包衣三旗官兵事務大臣印鑰 癸巳內閣欽奉硃諭軍機大臣自隨扈以來諸務繁多舉凡承旨書諭並札咨事件倍於平時尚能鉅細無遺昕夕在公穆蔭著加恩賞穿黃馬褂匡源杜翰均著加恩賞戴花翎以示優眷 諭內閣劉崐倭仁奏訊明山海關貼書控告櫃書蒙官舞弊分別擬結一摺據稱山海關稅正額贏餘共十一萬一千一百餘兩向來徵收

不止此數惟該監督並無養廉一切辦公藉資餘利向不報部由來已久現已由該侍郎等查明奏請另定章程所有前任監督誠明及歷任各監督均著免其議處櫃書應文光於經費項下紙張飯食等款既經領出並不照例給發輒以辦公不敷任意費用雖訊無侵吞入己實據究屬任意妄為應文光著革去櫃書照律杖八十折責發落永不許改名復充 諭軍機大臣等慶廉奏訪聞豫直東

交界地方土匪滋事現籌勦辦一摺據稱八月初間風聞河南滑縣地方並直隸之東明開州長垣等處有土匪傳帖惑眾等事密飭知府何懷珍等嚴密查拏多向長垣一帶逃竄經知縣尚國均等捕獲匪犯焦多誦等三名供認傳帖聚眾與曹州府匪徒大水牛等往來屬實現復催調官兵二千名派令臬司邊浴禮督率馳往勦辦等語直隸山東河南三省交界地方壤地相連每易藏奸此項匪

徒初起亟宜乘其聚集無多全行撲滅著恆福文煜迅即飭令大名鎮道曹州鎮府督率官兵民團會同慶廉所派官兵實力兜拏勿任紛竄以消亂萌將此由六百里諭知恆福文煜慶廉並傳諭文謙清盛知之予河南汝陽陣亡知府王榮烈參將百順參領德色勒布委營總賽吉爾胡委防禦和陞額遊擊王居廣祭葬世職○甲午諭軍機大臣等據恭親王奕訢等奏請簡派大員總統軍務及

籌辦撫議情形各一摺已批示恭親王等蓋印畫押定在城外進城不過換約之一事原因撫局未定不可冒險進城本日復據義道等聯銜具奏夷人入城現尚安靜專待辦撫王大臣親來換約等語義道等不候恭親王等函商輒即暫開一門許其入城雖為保護城池起見實屬冒昧然事已至此若再與決裂勢必闔城生靈被其荼毒此時若在城外畫押該夷必不肯從著恭親王等迅即入城

與該夷將本年所議續約畫押蓋印並將八年天津和約互換令其退出京城再商定駐京章程方為妥善至所請簡派大員總統軍務並飭僧格林沁馳赴古北口之處昨已有旨授勝保為欽差大臣總統各路援兵聽候恭親王等知照相機辦理僧格林沁瑞麟因節節退劄不能救護圍庭已一併革去爵職均留營督辦軍務此時撫局未成未便即令赴口已諭令其查辦土匪矣片奏俄囉斯

使臣懇請來京著文祥即由軍機處給與照會令其進京若再以軍機處隨扈出京為詞恐其直赴行在不成事體將此由六百里加緊密諭知之○又諭恭親王等奏北路空虛請飭僧格林沁馳赴古北口督兵設防一摺前有旨諭知該大臣儻城已攻破即帶兵速赴古北口布置防守本日據義道等奏該夷入城尚屬安靜已諭令恭親王等迅速進城換約此時撫局尚在未定該大臣等自應相機辦理未便帶兵北來清河一帶為古北口要路聞有敗兵在彼盤踞劫掠行人附近圓明園地方均有土匪出沒若不及早肅清將來聚集日多更難撲滅於餉需文報往來均有關係著僧格林沁等迅即派員招集潰兵查拏土匪疏通道路是為至要將此由六百里加緊密諭知之○恭親王奕訢奏接喚佛照會籌辦情形得旨蓋印畫押原令在城外進城不過換約之一事此時冒險進城雖為

顧惜大局儻該夷不允復出尚復成何事體○安徽巡撫翁同書奏保差委知縣桂中行以直隸州知州用得旨隨辦文案所保未免過優著免選本班以知州留於安徽即補雲南提督傅振邦奏請帶兵赴京得旨汝欲赴京自效奮勇可嘉准捻匪逼近東境能截賊回巢勿使北竄直東即為汝功○大學士彭蘊章以病乞開缺允之○吏部尚書許乃普因病解任以兵部尚書陳孚恩為吏部尚書都察院左都御史沈兆霖為兵部尚書吏部右侍郎萬青藜為都察院左都御史候補侍郎黃宗漢為吏部右侍郎工部右侍郎杜翰兼署禮部右侍郎○命禮部右侍郎楊式穀提督順天學政○改派總管內務府大臣明善辦理萬年吉地工程○以截擊運河一帶竄匪出力賞知縣趙敏功委防禦訥欽花翎知縣樊維垣等藍翎餘升敘復官有差以安徽攻拔逆巢出力賞都司奎光守備孫

全等花翎披甲阿克敦布等藍翎餘升敘有差○以安徽正陽關防守出力復三品頂帶已革湖南綏靖鎮總兵官扎隆武職予湖南陣亡主簿楊雋守備李得勝千總劉紫雲把總賀楚南劉名春外委蕭忠漢等三十一員祭葬世職乙未諭內閣吳廷棟奏參疏防監獄各官請革職分別留緝拏問並自請議處一摺張家口理事同知熙格署萬全縣縣丞謝立坊於監內搶劫毆官重犯不知小

心防範致令脫逃至六十三名之多雖當時拏獲莫特等九名其餘各犯尚未弋獲實屬漫不經心非尋常疏忽可比熙格著革職留任勒限督緝謝立坊著革職拏問交宣化府提同禁卒人等嚴訊有無鬆刑賄縱情弊按例懲辦吳廷棟現駐張家口不能先事豫防著交部議處欽差大臣僧格林沁等奏撫局未可豫料得旨撫局能成與否實難豫料所奏情形已悉至新到之兵已有旨全數歸

勝保統帶矣已革大學士瑞麟奏夷氛偏近畿郊擬於田邨擇地諏吉恭奉

李德皇后梓宮

雲嬪

琿常在

珥常在

鑫常在采棺暫安得旨所辦甚好以湖南

防勦出力賞知州劉晉卿參將易開俊戴雲

輝曹義勝楊桂武遊擊陳青雲陳玉恆章在

作龍見田熊隆名郭德馨鄧榮達都司賀國

楨守備陳星福等花翎守備張九元等藍翎

餘升敘有差丙申遣官祭

歷代帝王廟諭軍機大臣等據恆福奏夷

氛逼近京城萬分危急征調外省兵勇應援

數逾巨萬所需糧餉一切急須籌備以濟要

需等語直隸連年籌辦海防兵餉需費浩繁

業已無款可籌山西陝西兩省究係完善之

區籌款動撥尚不至十分竭蹶當此待用甚

迫著譚廷襄常續轉飭各藩司不論何款迅速各動撥銀二三十萬兩委員星馳解直應用毋誤要需將此由六百里各諭令知之○又諭昨因夷人業已入城諭令恭親王等迅即進城與該夷畫押蓋印互換和約諒已接奉諭旨本日據恭親王奕訢等奏夷人把守安定門並於城上屯劄夷兵雖目下僅止游行街市尚不滋事日久恐未必相安現在恭親王等已給與該夷照會并添派崇綸與恆

祺協同辦理著即飭令將退兵各層迅速定議俟該夷酋進城即行前往畫押換約保全大局毋再耽延致生枝節此時天氣尚未嚴寒該夷如能早退朕即可回鑾以定人心再俄使伊格那提業幅進京後如欲從中說合不必拒絕儻有可乘之機恭親王等相機辦理可也將此由六百里加緊密諭知之○總管內務府大臣寶璽奏禁園被搶印信遺失得旨文明革職留任寶璽只知顧一己之命

前於御園被燬既不前往今於專管之三山亦被搶掠又不前往不知具何肺腸實我滿洲中之棄物也姑念其城內尚有照料宮庭事件著暫免正法撤去巡防降為五品頂帶一切差使暫停開缺以觀後效○以江蘇上海帶兵遷延革副將向奎職留營效力○丁酉諭軍機大臣等本日據慶廉奏遵旨統兵赴京援剿一摺據稱於所部各營兵勇內挑選九千餘名連黃得魁趙喜義所帶勇隊共

一萬二千餘名並設措實銀十萬兩以作糧餉即行統率剋日啟程等語足見該撫敵愾同仇甚為勇往惟前因河南捻匪鴟張官軍失利恐慶廉一經北上捻匪即乘虛北竄甚為可慮當諭令該撫斟酌辦理現在夷人焚掠園庭稱兵要挾守城王大臣業已令其入城聽候恭親王等辦理撫局儻撫局議定即行退去亦可不煩兵力若再行猖獗不得不痛加剿洗著慶廉行抵直隸境內暫行劄住

聽候諭旨再行前進亦可兼顧本境擒匪杜其北來不致肆意紛竄該撫既已出省督兵需員慶文著毋庸來京至所帶兵勇尚可再加挑揀精益求精以期得力勝保所調之黃得魁趙喜義等仍著迅速帶勇前來歸勝保調遣該撫請撥山陝餉銀已寄諭該省矣將此由六百里加緊諭令知之○又諭慶廉奏豫省連年防勦兼施軍需浩大又須撥解京餉及各路軍餉以致入不敷出司庫甚形拮

据現在統帶援兵一萬二千餘名星馳北上師行糧繼刻不容緩雖已飛飭藩司籌撥實銀十萬兩僅可暫濟目前查山陝兩省尚為完善之區庫藏亦較為充裕可否先其所急飭下山西陝西巡撫各撥銀十萬兩以資兵餉等語所奏自係實在情形著譚廷襄常續飭令藩司無論何款先各籌撥五萬兩委員解交直隸境內豫軍大營其餘各五萬兩亦即跟接起解以期迅速無誤軍糈是為至要

將此由六百里各諭令知之○又諭前因田興恕奏請仍由渭潭寶安赴省當經諭知赴省應援無後顧之憂方為妥善本日據劉源瀚奏獨山定番兩州均被粵逆攻陷距省甚近人心震恐城中僅有饑疲之兵數百名萬不足恃請飭田興恕迅速赴援等語粵逆糾眾數十萬逼近省城情形岌岌可危自應先其所急以固根本著田興恕統帶得勝之軍徑由婺川遵義赴省救援此路並無賊阻迅

速可到其渭潭寶安兩縣賊匪仍可派兵分勦以顧後路俟省垣附近一帶賊勢稍鬆再出省以次勦辦該撫請飭催四川各省餉銀已諭令崇實等籌撥矣將此由六百里各諭令知之○盛京將軍玉明等奏請支放弁兵整裝銀兩得旨依議辦理此係前來護駕沿途口食維艱故不得不俯允所請抵熱河後仍應妥為籌畫以期後繼有方○豫親王義道奏僧格林沁屢著戰功仰懇恩施得旨朕

視滿蒙臣僕原無二致何必妄自分別況此次夷務失礮臺者僧格林沁非瑞麟也又非終身廢棄更何必代為乞恩此摺若係汝一人之見不過識見未充情尚可恕若係與留京守城諸人商酌具奏乞他人之恩掩己畏葸之罪更屬非是○命署四川總督崇實迅籌銀二十萬兩解赴貴州軍營充餉○予河南汝陽陣亡知縣田玉梅都司何天保守備海進忠楊玉文委防禦伊蘭經歷閻漢璞縣

丞熊錫彤從九品周其偉把總辛占元祭葬世職領催喀勒春布賞卹如例○予貴州獨山殉難知州侯雲沂祭葬世職如知府例並於死事地方建立專祠妻楊氏子克善等五十五名口旌卹如例一併附祀○予貴州定番等處殉難知縣吳兆麟吏目徐景程等五員歸化被戕守備高鳳臨等六員祭葬世職加等○戊戌諭軍機大臣等慶昫奏請帶官兵前赴行在一摺據稱探聞夷匪猖獗繞至

京北請由張家口駐防旗營內挑選精壯五六百名帶赴行在隨駕當差或派往何處防堵請旨遵行等語現在夷務未定張家口地方直通庫倫恰克圖等處亟應嚴行防範且兩堡人心惶惑尤須妥為彈壓以資鎮靜慶昫著無庸前來仍督率各員勤加偵探實力稽察以防奸宄而定人心另片奏請將錫林郭勒官兵調至熱河等語此項官兵仍著在察哈爾正藍旗地方駐劄飭令總管珠克都

爾帕木認真操演聽候調遣無庸調赴熱河將此諭令知之○已亥諭軍機大臣等本日據勝保奏已到官兵數目並請派大員幫辦一摺據稱各省官兵陸續已到六千五百名現今分地屯劄俟河南山東陝甘等省兵勇到齊約有一萬五千餘名兵力漸厚著即勤加訓練以成勁旅所調張得勝鮑超兩軍尚未據該大臣等覆奏苗練業經翁同書傳振邦飭知亦尚無啟程日期調兵既多糧餉為

難撫局如能速就亦可不必再催至慶廉自請帶兵勇一萬二千名前來昨已諭令在直隸境內屯劄聽候調遣黃得魁等所帶之勇仍令赴京文煜英桂各帶兵一千本日諭令暫劄入直地方聽候勝保調遣惟總兵慶德帶兵二千令其剋期前進該大臣請派都興阿幫辦之處該將軍此時未報啟程著俟到京時再降諭旨將此由六百里加緊密諭知之○又諭前據恭親王奕訢等奏辦理撫議情形業經於本月初四初六等日兩次諭令迅速進城換約免致另生枝節本日據恭親王等奏接到喚咈照會設法羈縻一摺該夷狂悖情形實堪髮指惟業已入城一經駁斥必致決裂只可委曲將就以期保全大局俱著照恭親王等所議辦理該夷既訂期初十日換約計諭旨到時和約已換換約後如何情形務即迅速馳奏俄酋既願從中說合不必拒絕設能如其所言於撫局不無裨益文

祥奏請俟撫議就緒再行督捕土匪之處此等匪徒必須撙捕淨盡以示懲儆現時既未便查辦著照所請行將此由六百里加緊密諭知之○署山海關副都統寶山奏報吉林官兵業經調齊得旨各項兵團統歸汝調遣奉恩輔國公續銘奏添兵那款得旨依議辦理兩庫款項儻有不繼並准其向地方那用又奏飭拏各處土匪格殺勿論批現在近京土匪猖獗舍此別無辦法命山東山西

各巡撫親帶兵勇駐劄直隸境內備調○辛丑諭內閣曾國藩奏甯國府城被陷請將救援解餉遲誤各員分別革職並自請議處一摺據稱安徽甯國府城自八月十一日廟準失利後糧道阻絕城外尚有營壘十餘座十二日周天受督兵於北門出隊互有殺傷適值大雨如注火藥不然賊遂乘勢撲入各營同時潰散賊復分踞我營拋擲火器入城城上守禦兵勇開南門沖出千餘人城池遂陷

等語前因甯國被圍屢經降旨令曾國藩分軍往援當據奏報已令張運蘭宋國永馳抵旌德太平等處即遇悍賊窺伺兵力過單未能前進尚非救援不力均著免其置議鮑超請假踰期至八月二十日始到祁門遷延貽誤咎實難辭姑念其驍勇素著著革去巴圖魯勇號以示薄懲仍責令督兵進剿力圖克復至浙江記名道廖士彥經周天受飭令赴浙催餉業已撥給餉銀並由張芾派委營員協同護送該道沿途逗遛聞警折回以致甯軍因饑敗潰尤屬畏葸無能廖士彥著即革職以示懲儆曾國藩甫經接辦皖南軍務雖因兵勇未齊派援未至究屬失於防範著交部議處周天受嬰城固守數月之久力竭被陷殊堪憫惜著查明該提督及闔城文武下落迅速具奏又諭張芾奏參糧臺委員貽誤軍需並任意開報希圖冒領請革職嚴訊等語委員廖安之周錫堡辦理米興朝行營

支應並不隨隊行走致軍需屢次貽誤經張芾催令報銷復敢聯銜具稟以石埭移營存米一千八百餘石被賊掠去請領價銀四千兩該員等節節規避已難辭咎即使遺失米石屬實亦應自行彌補何得任意開報希圖冒領餉項同知銜浙江候補知縣廖安之著即行革職交曾國藩嚴行訊辦同知銜安徽候補知縣周錫堡是否知情並著查明分別辦理又諭張芾奏參不能約束兵勇之將領請暫行革職責令拏解首先滋事兵弁等語據稱徽防各營兵勇因張芾交卸誤謂欠餉虛懸紛紛滋鬧以致居民驚惶幾至閉市經副將余永椿參將袁國祥押令歸伍仍敢糾眾離營實屬目無法紀自應從嚴查辦以肅軍令儘先副將余永椿儘先參將袁國祥不能約束均著暫行革職飭令即將首先滋事各犯拏解按律懲治並著曾國藩查明管帶分帶各員分別嚴參以振軍律而儆效尤

○諭軍機大臣等據僧格林沁奏派員防守古北口情形一摺據稱和議漸有就緒有無變更尚難豫定古北口雖有馬隊尚形單薄現飭成保帶領提標官兵會同烏蘭都布置防守並令密雲協領恩成帶兵五百名前往駐劄統歸成保管帶等語俱著照所議辦理本日復諭杜翻等將曹勇三千酌量改歸南路助剿以杜捻匪北竄該大臣無庸行文阻止附京一帶土匪肆搶前經該大臣等奏稱

已派西凌阿帶兵在清河劄營朕聞該處並無官兵駐劄該都統係在何處避匿著僧格林沁等查明奏將此由六百里密諭知之○又諭據傅振邦奏苗練未能遠調先撥兵勇赴京並自請北上助剿一摺苗沛霖所部練勇自滄南一挫尚須再加整頓自屬實在情形且現在粵捻勾結南北交乘未便調令遠出著即無庸飭令前來傅振邦抽撥之馬步官兵一千五百餘名仍著協領恆齡參將

玉祥等管帶星夜赴京歸勝保調遣該提督自請北上之處前經批示汝欲赴京自效奮勇可嘉惟捻氛逼近東境能截賊回巢勿使北竄直東即為汝功著仍遵奉此諭毋庸前來將此由六百里諭令知之○又諭前據恆福奏稱本月初八日可以抵口現在當已駐劄該處設立糧臺所有西安馬隊一千五百名黑龍江馬隊二千名並僧格林沁新調之密雲官兵五百名均應由糧臺支放口糧本

日據戶部奏稱密雲縣尚收存僧格林沁糧臺餉銀十八萬九千兩請解熱河此項銀兩即著恆福派委妥員提至古北口糧臺以資接濟仍責令經手委員覈實支放毋得虛糜將此由六百里諭令知之○又諭據英桂奏派兵分起前進等語據稱先派參將珠爾杭阿管帶省標官兵前進並咨總兵慶德由宣化府一帶至近京聚齊復添調太原鎮標官兵五百名派城守尉慶瑞統帶作為後路除

珠爾杭阿等所帶官兵應隨英桂駐劄直境外其慶德所帶一軍如由宣化而來亦可留於京城西北一帶拏辦土匪著勝保斟酌辦理本日據袁甲三奏已派張得勝帶得力勇丁一千二三百名起身並穆騰阿自請帶馬隊一百名前來都興阿尚無啟程之信如穆騰阿先到即著該都統幫辦勝保軍務其苗練一軍據傅振邦奏苗沛霖稟稱自澮南一挫尚須再加整頓未能遠出該提督已派協

領恆齡等帶兵勇一千五百餘名赴京著歸勝保調遣至山東曹勇三千名據杜翻奏稱趙康侯等統帶已於九月初一日起身現因擒匪意圖北竄山東南境空虛已諭令杜翻文煜酌量令此項團勇折回隨德楞額助剿如日內業已到京即著勝保察看斟酌去留並籌給糧餉毋令缺乏將此由六百里密諭知之○又諭據杜翻奏檄調民團赴北援剿一摺據稱探聞夷情猖獗飛札調取鄆城民

勇三千名派趙康侯李錫魯帶領北上已於本月初一日啟程並由藩庫借撥銀四萬兩以作餉需等語本日據德楞額奏擒匪北竄現雖極力扼截情形甚為喫重文煜業經帶兵北來南路空虛無人策應現在夷務勦撫尚在未定山陝直隸各省兵勇到京者已不為少著杜翻文煜酌量情形將此項勇丁飭令折回赴嶧縣一帶隨同德楞額剿辦擒匪或酌留一半歸文煜統帶儘接到諭旨時趙

康侯等業已到京仍著歸勝保調遣將此由六百里諭令知之○又諭曾國藩奏請飭江陝兩省協濟皖餉等語據稱皖南徽防之餉歷奉諭旨江西每月協解八萬近來僅解三萬少或二萬安慶一軍亦向該大臣索餉本省無可籌撥軍務實難支持自係實在情形著毓科每月將漕折銀協解五萬兩內以三萬兩撥濟徽防以二萬兩撥濟甯防並著譚廷襄每月協濟銀二萬兩解至湖北交官文

等專發安慶一軍解三箇月即行截止該撫等務即飭令該藩司迅速撥解毋誤要需將此由六百里諭令知之○又諭袁甲三奏派委張得勝帶勇助勦並請留鄭魁士幫辦軍務各摺片據稱接奉諭旨密飭張得勝挑選得力勇丁一千二三百名星速北上現在撫議漸有就緒恐其反覆無常尚令勝保嚴兵以待此項勇丁著即兼程前來歸勝保調遣穆騰阿前請回京辦理軍務因定遠正在喫

緊業已諭令該都統毋庸赴京鄭魁士並准其留皖助勦該大臣等尚未接奉諭旨此次穆騰阿既已管帶馬隊起身即著前來幫辦勝保軍務穆騰阿離營後著鄭魁士幫辦袁甲三軍務該大臣自請來京之處現在鳳陽賊氛正熾業已批示無庸前來矣將此由六百里諭令知之欽差大臣袁甲三奏逆夷逼近畿郊自請北上助勦得旨覽奏已悉現已退守臨淮况圍攻鳳陽二城賊氛正熾汝

斷難遠離所請毋庸議光祿寺少卿焦祐瀛等奏夷蹤北犯自請嚴議得旨數萬勁旅尚不能稍遏凶鋒汝等所齊之團馬能自效所請嚴議著寬免命翰林院庶吉士杜琨琛刑部員外郎王蘭谷馳往山東聽候團練大臣杜翻差委以克復江西浮梁縣城暨景德鎮賞都司謝得龍守備于宣揭鴻陞滿發喜等花翎千總鄒新等藍翎餘升敘有差以貽誤皖南軍餉已革副將羅承勳下部

議處予江蘇福山陣亡總兵官葉萬青知縣吳樑祭葬世職壬寅諭內閣穆蔭現丁父憂軍機處現在事務較繁著賞假十四日經理喪事假滿即行當差俟回京後再補行穿孝又諭慶昫吳廷棟奏審明巡丁詐贓未成請將監督議處並飭總督妥議稅則一摺張家口監督所管例有一定口岸萬全縣並不在口岸之內巡役范成等因詐贓未遂輒將販賣布疋之鋪商吳通等妄拏指為漏

稅該監督治昌不察虛實即行濫押並苛罰銀至二千兩之多雖未入手已屬不知檢束迨吳通等控告經慶昫等逐層咨查覆文又復含糊支離尤屬有心迴護前任張家口監督降調兵部郎中治昌著交部議處至直隸物產布疋居多應如何就地徵收稅銀著恆福通查所屬各就產布之區與販布路途妥議稅則具奏並令專款報部以垂久遠而便商情○諭軍機大臣等前據王明奏帶兵馳

赴熱河並據寶山奏盛京官兵亦由喜峯口行走等語諒該將軍業已啟程前來現在古北口設有防兵布置尚為周密喜峯口一帶無兵防守甚屬空虛著王明行至該處體察情形即將所帶官兵留於喜峯口或分劄白馬關等處以資守禦所需糧餉前已批示該將軍妥為籌畫如一時不及接濟著就近由山海關糧臺支領王明著仍馳赴行在此項官兵即交帶兵各員嚴加約束隨時操練並

分布要隘認真盤查是為至要將此由六百里諭令知之○直隸總督恆福奏報馳抵古北口請赴行在得旨汝現已抵口一切籌畫糧餉疏通文報暨嚴查奸宄彈壓地方在在均關緊要仍著暫緩來見○察哈爾副都統慶昫等奏辦察哈爾兵私行回旗並嚴拏騎馬賊得旨逃犯固應嚴辦即尋常搶劫盜犯應拏解審訊者亦一併准其隨處殲除不必解審以期清盜源而靖地方○以候補侍郎

李嵩為工部左侍郎○以江南太湖營副將王之敬為福山鎮總兵官○以運礮遲延摘張家口協副將烏忠阿等頂帶下部議處

癸卯

上詣

須彌福壽廟

普陀宗乘廟拈香○諭軍機大臣等黑龍江官兵陸續由熱河赴口不日即可到齊現在兵數既多必須大員統轄以一事權所有西

安馬隊一千五百名黑龍江馬隊二千名密雲步隊五百名均著歸恆福調遣此項官兵素稱勁旅著督飭各帶兵官勤加操練不可令其日久生疲至密雲縣暫存僧格林沁糧臺銀十八萬九千兩現在曾否全數提到各項官兵口分即由此款動用仍照戶部議定防兵口分按數支發當此軍需浩繁經費支絀之時務當嚴飭辦理糧臺各員撙節出入覈實支銷毋稍虛糜將此由五百里諭令知

之 又諭本日據巴棟阿奏蘇常大股逆匪攻撲鎮江請飭曾國藩迅速統師來南會合進攻挽回大局等語據稱逆首李世賢糾合悍賊四萬於八月二十六日圍撲鎮江府城經巴棟阿督率馮子材等出城奮擊斃賊多名江面艇船亦開礮協同助剿相持三晝夜之久賊勢仍不少退等語江蘇自常昭失守以後惟有鎮江一府孤懸江岸必須竭力保全以為進覬蘇常之地雖經巴棟阿等勉力

支持無如餉絀兵單十分危急且金陵之賊亦有下竄之信甚屬可慮前聞曾國藩奏摺知該大臣刻刻以蘇常為念鎮江僅有疏虞則江南賊勢聯成一片異日進兵更為費手著該大臣統籌兼顧迅撥勁旅馳往援救務須設法保全是為至要將此由六百里加緊諭令知之○又諭據巴棟阿馳奏蘇常逆匪復犯鎮江官軍接仗情形並添調兵勇協剿一摺據稱賊首李世賢抽調蘇常悍賊於八

月二十六日由辛豐丹徒而至晝夜環攻鎮江府城經巴棟阿與馮子材選派隊伍督令出擊連日斃賊不少水師船隻亦協同助剿該逆仍不肯退現在固守待援等語著巴棟阿督率馮子材等嚴密防守以維大局李若珠派援之忠勇二千當已到齊並著設計進剿力却賊氛至諫壁鎮等處賊船出港雖經參將李新明等擊退據巴棟阿片奏據聞金陵之賊尚有礮船多隻意圖下竄並下關一

帶賊造長龍船偽用吳全美旗號等語逆情詭譎尤須加意嚴防著李若珠嚴飭黃彬陳國泰等統率師船併力防剿江北一帶亦須嚴為布置毋令紛竄吳全美李德麟所帶各船據楊載福奏業於八月下旬起碇並著李若珠飛催該鎮等迅赴下游以厚兵力巴棟阿請催曾國藩統師來南之處已諭令撥軍赴援矣將此由六百里加緊各諭令知之○大學士彭蘊章奏謝開缺調理恩得旨卿久

在樞垣備悉時事現在夷務軍務儻有見及之處並採訪輿論民情仍應隨時具陳交附近地方大吏代遞以攻破安徽池州一帶賊巢賞都司張文彪曹芳鳳守備劉照志等花翎外委李昌和等藍翎甲辰諭軍機大臣等據官文胡林翼奏征皖各軍餉需支絀請飭各省籌濟一摺據稱湖北軍務孔亟向賴山西陝西四川等省每月各協餉五萬兩晉省早行停解秦蜀二省亦經年累月報解

無期請飭各該省督撫仍照前案按月接濟其山東廣東二省請每月協解鄂餉各三萬兩等語著崇實常績譚廷襄仍按從前月濟該省五萬兩之數接續委解並著勞崇光耆齡清盛每月各協解三萬兩以資接濟該督撫等務須不分畛域如期籌撥毋得藉口耽延將此由六百里各諭令知之○又諭據托明阿奏抽撥馬隊帶赴圍場或赴京師請旨遵行一摺前調西安馬隊官兵二千三百餘

名業經陸續到齊分撥勝保恆福等統帶該營存兵無多現當川豫各省賊氛未熄陝省毗連地方緊要托明阿著無庸前來以資坐鎮將此由六百里諭令知之○又諭據王有齡奏浙省寇氛日熾民困日深請飭派大員督師進剿一摺據稱浙省三次震動幸保孤城現在湖州喫緊安吉孝豐於潛岌岌可慮張玉良屢經挫衄銳氣全無瑞昌來存久患暑瘧調理需時浙省並無統兵得力大員曾

國藩經營江皖有不能援浙之勢請飭左宗棠前來辦理江浙援剿事宜等語浙中諸將如道員彭斯舉總兵吳再升副將劉芳貴等尚屬敢戰必須得人統率方能相連一氣前據瑞昌奏請留張芾幫辦軍務昨張芾已奏明不能赴援計左宗棠此時當抵祁門著曾國藩酌量情形如徽甯一帶無須此軍即令左宗棠統帶所部迅由廣德前往督軍進剿於江浙兩省軍務均有裨益將此由六百里

諭令知之○命江西吉南贛甯道李瀚章幫辦團練事宜以江西南昌城守營副將文奎為湖北鄖陽鎮總兵官改丁憂湖北鄖陽鎮總兵官訥欽為署任○以勦賊奮勇予山東沂州協副將郝上庠以總兵官用○乙巳諭內閣恭親王奕訢奏嘆唏兩國互換和約一摺嘆唏兩國業經朕派恭親王奕訢於本月十一十二等日與換和約從此永息干戈共敦和好所有和約內應行各事宜即著

通行各省督撫大吏一體按照辦理又諭裕瑞英蘊奏參濫刑斃命之伯克並扶同徇隱之章京請撤任訊辦一摺阿克蘇三品阿奇木伯克阿密特因七品明伯克伊薩克七品密喇普伯克木薩督修渠壩不力輒行重責伊薩克因傷斃命後復命章京向其家屬強取手印甘結實屬任性妄為該章京亦難保無扶同徇隱等弊亟應徹底根究三品阿奇木伯克阿密特印房回務章京伯英額均

著先行撤任交該大臣等提同全案人證嚴行訊辦以成信讞○諭軍機大臣等本日據恭親王奕訢等奏辦理嘆唏兩夷換約情形並自請議處各一摺據稱嘆唏兩酋業已於本月十一十二等日互換和約朕閱兩國和約內雖摺內有增減大致尚無出入所請明降諭旨一條自係慎重之意朕思和約已換似不如示之以信使之不疑本日明降諭旨一道著恭親王等宣示該夷並交內閣發鈔

令中外不逞之徒知和議已成不敢乘機滋事亦可定人心而杜奸謀至換和約以後夷兵退至津城回鑾後能否不至再有要求及任意來往必須與之議定以免再生枝節其親遞國書一節雖經吧酋與恆祺言及作為罷論照會中究未提及亦須得有確據所議現銀一百萬兩為期甚近著即於宗人府所存工程銀內撥給四十萬其餘六十萬即飭戶部迅令附近省分湊撥如限內不能趕到著由內庫先行墊撥各省解到再行歸還等語恭親王辦理撫局本屬不易朕亦深諒苦衷自請處分之處著無庸議另片奏俄夷照會請派大員商酌等語該夷要求本在意中所稱未了之事若待其明言轉恐又多需索著即令瑞常等告以綏芬烏蘇里等處均照奇吉闊屯之例借與該夷居住此外俱不必提及以杜其得步進步再恭親王等密奏一件朕已留覽事關重大必須計出萬全方為

妥善尤不可先露風聲本日英桂亦有密摺所見相同已令該撫至京與恭親王等面議著與該撫密商妥協再行具奏將此由六百里加緊密諭知之又諭據勝保奏僧格林沁等所統各隊請飭分別撤留等語本日已有旨令僧格林沁瑞麟馳赴行在並將所統察哈爾及蒙古三盟官兵帶回遣撤其餘吉林黑龍江等處各軍均著歸併勝保軍營即交該大臣統帶並著留心察看其不得力者即行撤回該夷和約已換各省續調兵勇紛紛前來未免虛糜糧餉著勝保先將河南所調之勇飭令折回此外兵勇酌量情形具奏再降諭旨停其赴京將此由六百里密諭知之又諭本日據恭親王奕訢等奏嘆唏兩夷已於本月十一十二等日互換和約雖現在俱未退兵城外尚有勝保一軍以備緩急僧格林沁瑞麟著即赴行在該大臣等軍營所調察哈爾蒙古三盟官兵即著全數帶回

遣撤其餘各軍均著交勝保統帶將此由六百里密諭知之○又諭前因英桂奏督兵赴京當經諭令該撫一入直境即可劄住聽候勝保札調再行前進其慶德一軍仍著由宣化一路赴京此際諒已接奉諭旨現在恭親王等已於本月十一十二等日與該夷互換和約該撫所帶官兵著仍遵前旨辦理至英桂密陳一摺業經留覽事關重大必須從長計議始能萬全無患著該撫即日親赴京師

軍機處

軍

與恭親王等當面密商條款再行具奏將此由六百里加緊諭令知之○恭親王奕訢奏請暫還董醇頂帶得旨張祥河董醇均著賞還頂帶僮撫局諸務拚擋未妥仍應嚴懲勿貸○伊犁參贊大臣景廉奏清查回莊尚能馴服回眾得旨所辦尚屬妥速○葉爾羌參贊大臣裕瑞等奏愛瑪特私交外夷請拏要證審辦得旨該阿奇木身膺顯爵乃不知檢束實屬有玷厥職惟只可就案嚴辦不准吹

毛求疵以撫回眾仍飭拏雅雅阿渾歸案欽差大臣勝保奏密探夷情及布置情形得旨該夷之勉就撫局未必非因飽其所欲之故豈攝汝之數千兵耶○以故扎薩克鎮國公阿玉爾扎那子多諾羅布襲爵○蠲緩河南陳留杞尉氏洧川鄆陵中牟蘭儀鄭禹密新鄭商邱甯陵鹿邑柘城淮甯沈邱太康扶溝臨潁襄城長葛舞陽葉汝陽上蔡遂平確山通許項城許睢三十二州縣被擾村莊新

軍機處

軍

舊額賦有差

臣色克通額參奏之嫌列款控告當經派令錫霖馳赴庫倫會同多爾濟那木凱秉公審訊茲據該大臣等審明定擬具奏此案庫倫印房蒙古筆帖式托體呈控色克通額各款均無實據且所控俱係不干已事實屬任意妄為僅予革職不足蔽辜托體著革去五品頂翎蒙古筆帖式再加枷號一箇月以示懲儆色克通額尚無收受銀兩及私給頂帶多用柴炭情事惟收受恰克圖八甲首賀禮其

執茶二百箱雖經給價償還究有不合色克通額著交部議處○諭軍機大臣等本日據雲南學政張錫嶸馳遞封奏並將山西候選教職祁元輔所著破夷紀聞鈔錄呈覽朕詳加披閱現在避燬之方亟宜講求所陳各條雖未必盡合機宜然亦不無可取著勝保詳細體察採擇備用原片著發給閱看將此諭令知之○又諭據恆福奏請添派道員分辦糧臺等語現在岷嶓兩夷業經換約昨有旨

諭令僧格林沁瑞麟前來行在所帶察哈爾及蒙古三盟官兵均令撤歸游牧所餘無多統歸勝保管帶以備緩急僧格林沁等大營糧臺自當即行裁撤以節糜費著恆福飭令天津道孫治認真鉤稽覈實報銷不准稍有浮冒至勝保一軍著即派候補道柏春辦理糧臺督率委員妥為支應事竣即由該道造冊報銷可也將此諭令知之○又諭現在用項浩繁庫存未裕前戶部奏催各省應解京

餉五百萬迅速解部業經解到者已有若干已報啟程者若干其未到之款若干著戶部堂官查明一面分別嚴行咨催剋期撥解一面分晰具奏將此諭令知之○又諭據翁同書奏粵逆大股圍攻情形緊急並都興阿已抵壽州各摺片前因夷氛逼近京都官文等請令都興阿統軍北上朕業已允其所請現在夷人業經互換和約彼此罷兵該將軍現經行抵壽州即著協同翁同書將此股粵逆

擊退毋庸赴京蘇常諸賊時思北竄江北地方更為喫緊著俟道路一通即統帶馬步隊迅赴揚州一帶督同李若珠等嚴行防守翁同書督率諸軍連獲小勝該逆尚未遠颺著激勵將士實力防剿以保危城本日袁甲三奏稱鳳陽已經解圍派參將許保清管帶礮船駛赴懷遠遙為壽州聲援該撫請催協餉之處已嚴諭河南及山陝兩省迅速撥解矣將此旨六百里加緊各諭令知之○又諭本

日據翁同書奏粵逆圍攻壽州情形緊急請飭催河南等省餉銀一摺著賈臻無論何款先行籌撥數萬兩解往翁同書大營以拯險危其山西陝西二省應解壽州軍餉并著常續譚廷襄迅即按月撥解以濟急需將此由六百里加緊各諭令知之○署步軍統領瑞常奏夷人復擾圍庭請一併治罪得旨前摺已批此次圍庭被焚中營副參遊著免其再行懲處瑞常接印在初次被搶之後著加恩

降四級留任文祥慶英均不必再行議處其三山專汛都守等官著查照前批懲處○以安徽鳳陽府城解圍賞道員張學醇都司于殿甲巴圖魯名號守備楊萬林花翎把總方淮澄藍翎以隨營出力賞青海剛咱族番日拉麻拉夫坦四品頂帶花翎予廣東英德縣陣亡守備鄧建勳祭葬世職○予廣東仁化縣陣亡守備郭景山縣丞姚德峻知縣鄭鈺典史張保昌祭葬世職予張家口捕匪被害千總胡上志祭葬世職○戊申諭軍機大臣等本日據景瀄奏懇前來熱河隨同護駕一摺前因夷氛逼近京城諭令玉明傳知吉林黑龍江將軍派兵內援現據恭親王等奏喚帟兩夷已於十一十二寺日互換和約俟該夷兵退不再反覆朕即可回鑾現在古北口駐劄西安密雲黑龍江等處馬步各隊官兵為數不少亦足以資捍衛吉林邊疆重地諸事均關緊要景瀄著毋庸前來所調

阿拉楚喀。拉林各兵五百名。均著撤回歸伍。以息兵力。而資鎮定。將此由六百里諭令知之。○又諭。昨因用項浩繁。部庫未裕。業經諭令戶部。將各省應解京餉。迅行咨催。現在撫局定議。嘆唏兩酋業已互換。和約惟尚有償給兵費。部庫無款可籌。自應由各省迅速籌解。以濟要需。著直隸山東河南各解銀二十萬兩。山西陝西各解銀三十萬兩。湖北湖南四川各解銀十數萬兩。無論何款。趕緊著撥。

委員星速兼程解京。赴庫交納銀兩。一日不到。即嘆唏一日不能退兵。京師根本重地。事繫安危。該督撫藩司等共濟時艱。諒不能膜視也。將此由六百里密諭。恆福清盛賈臻常續譚廷襄官文胡林翼翟誥崇實並傳諭文謙知之。○又諭。本日據景瀋等奏。挑派精兵遊員管帶赴京一摺。已有旨諭令景瀋毋庸前來。現在和約已換。古北口駐劄馬步隊官兵足資捍衛。此項官兵。無論行抵何處。著實

山飛速傳旨。令其折回歸伍。以息兵力。不必徒勞跋涉。將此由六百里諭令知之。○又諭。據慶端瑞璜奏。蘇常嘉興尚未克復。江浙兩省應運漕米。能否按額運津。實難豫定。京倉為積儲重地。俸餉攸關。自應豫籌接濟。以免匱乏。現在籌辦臺米。明年解運京倉等語。該督撫等體國之忱。殊堪嘉尚。江浙財賦之區。多遭蹂躪。本年新漕。斷不能如數徵收。天庾正供。勢必缺額。即著慶端瑞璜督飭司道各

員。通盤籌畫。或分勸輸將。或籌款採買。務期多多益善。於明年春夏間。雇備船隻。分批解運接濟京倉。是為至要。將此由五百里諭令知之。○又諭。本日據李若珠奏。江面水師。大獲勝仗。並克復江陰各摺片。此次賊船千餘號。由丹徒諫壁辛豐各口。欲圖北竄。經參將李新明等督軍大獲勝仗。其江陰逆匪復經黃彬督令副將郭定猷等焚燒木棹。杜截歸路。於九月初三日。將縣城克復。勦辦甚為得

手軍務大有轉機。惟江陰既已克復。而常熟、福山、常州等處皆有賊匪。非有重兵駐劄。萬難守禦。據該提督奏。鎮江業已解圍。著巴棟阿即於大營內抽出一軍。飭令迅赴江陰屯守。既與鎮城互為犄角。亦可為規復南岸地步。至吳全、李德麟等師船一百八十餘號。業經駛赴下游。兵力已厚。即著李若珠、督同黃彬飭令擇要分泊。務使與南岸鎮江、江陰等處陸兵互相聯絡。嚴密巡防。毋令賊船北竄。

實錄卷三十一

八

竄。此項水師糧餉。著江清驥、喬松年於南北兩臺中會同籌款。故給。不准互相推諉。致有缺乏。都興阿一軍業已行抵壽州。昨諭令其統率馬步隊馳赴江北。該將軍一到。軍威益振。巨寇不難蕩平矣。將此由六百里諭知巴棟阿、李若珠。並傳諭江清驥、喬松年知之。○以疏防淀園被擾。著鑲藍旗漢軍副都統恩齡革職留任。拔去花翎。仍當散秩大臣差使。○己酉諭軍機大臣等。據總理行營王大臣

仁壽等奏請調派各衙門堂司各員及侍衛各項官員來赴行在。並各省應解餉銀暫存直省一摺。此次隨扈各員。惟吏戶禮兵四部及理藩院內務府均有堂官。其餘刑工兩部及大小各衙門並無堂官前來。各衙門司員來者更屬寥寥。每日應辦事件。若俟回鑾後再行清理。必至積壓太多。除吏戶禮兵等各衙門均有堂官隨扈。並派穆蔭兼管行在內閣外。著派刑部左侍郎靈桂、工部右侍郎宋晉理藩院尚書伊勒東阿、都察院左副都御史聯康。即日前赴行在隨扈。並將行在印信帶來。文武大小各衙門司員。經堂官派出。如有推諉等情。即著嚴叅懲辦。至各省解京餉銀。著戶部飭令解赴直隸省城。藩庫收存。按月奏報聽候指撥。即京內兵餉等款。亦著奏明由行在撥給。另片奏寶鑒等籌解銀兩不力。請一併交部從重治罪等語。本日已據戶部奏解銀八萬兩前來。寶鑒、張祥、河董醇均

著加恩寬免再昨日朕閱戶部奏摺九月內尚有放給巡守官兵口分現在業經換約所有城內巡守官兵除應留防守地面若干名其餘著守城巡防王大臣等分別去留覈實支放隨時奏明以節糜費將此由六百里諭令知之○又諭昨因喚佛已換和約諭令寶山飛速傳旨將景瀋續撥吉林兵五百名飭令折回歸伍諒已接奉諭旨遵行本日復據特普欽等奏挑選齊齊哈爾布特哈呼倫貝

爾馬隊官兵五百餘名派呼蘭城守尉清凱統帶於九月十八日啟程由草地取道進法庫邊門現在撫議漸已就緒此項官兵已諭特普欽等趕緊撤回著寶山即行派員迎探無論行抵何處令其折回毋庸前來將此由六百里諭令知之○又諭戶部奏庫款支絀請飭催各省應解京餉迅速起解一摺據稱本年部撥京餉五百萬兩除已解到銀一百一萬餘兩外尚有山西地丁銀一百十萬兩

山東地丁銀五十萬兩鹽課銀二十一萬兩河南地丁銀七十萬兩陝西地丁銀二十八萬餘兩浙江鹽課銀三十萬兩四川銀二十九萬兩江海關銀六十萬兩均未解到歷年積欠陳餉經戶部奏准分年帶解本年已解到二十三萬餘兩尚有未解銀五十四萬餘兩請飭該督撫悉心籌解等語現在庫款無多下月兵餉即已不敷開放僅有貽誤關繫非輕著常續清盛賈臻譚廷襄王有齡崇實

薛煥趕緊籌解一面將啟程日期先行報部毋得任意稽延致干重咎將此由六百里各諭令知之○又諭據喬松年奏請馳赴畿輔帶勇禦敵一摺據稱傳聞夷氛漸近通州京師戒嚴該運司久在營中自揣尚能帶隊請派往軍前差遣委用等語現在撫局業經議定各省兵勇均已陸續撤回且江北防勦正在喫緊喬松年專辦糧臺責任綦重著毋庸前來○降級留任河東河道總督黃贊湯奏

報安瀾得旨本年搶險防渡出力各員著暫行存記俟明歲秋汛安瀾後再為察看○以江蘇鎮江府城解圍復總兵官馮子材職命直隸河南山東陝西各督撫迅籌欠解各項軍火兵械運交江南軍營以應要需○准湖北隨州殉難知州楊嘉運於直隸原籍建立專祠○庚戌諭軍機大臣等寄諭內務府大臣寶鑒

恭順皇貴妃金棺永遠奉安本年山向不宜著仍在崇格莊暫安俟明春二月間選擇吉期再行奉移奉安將此諭令知之○又諭前因安徽廬鳳道蕭盛遠在江南大營內辦理文案聲名平常當將該員撤任諭令薛煥查明實蹟奏參本日據薛煥奏蕭盛遠性情稍傲疏於交接營中來往員弁欲與識面者投刺拜謁往往託故不見自此每招物議此外並無實在劣蹟等語朕聞蕭盛遠前在和春軍營與已故提督王浚把持公事納賄營私

以致軍心不服金陵大營潰敗實由於此若如薛煥所奏未免意存開脫著曾國藩再行嚴密訪查據實具奏江蘇布政使本日已簡放毛鴻賓該藩司現在安徽隨同曾國藩辦理軍務已諭令薛煥派員署理矣鎮江上海均已解圍賊勢稍衰左宗棠如已趕到正宜乘此機會會同浙軍規復蘇常毋再延緩八月間勝保因夷氛逼近京師請調外援當經諭令曾國藩挑選川楚精勇二三千名令鮑超管帶剋日赴京歸勝保調遣至今未據該大臣覆奏現在京師兵勇雲集撫局漸已就緒皖南正當喫緊鮑超一軍著毋庸前來即飭令該鎮與張運蘭迅克甯郡力掃賊氛是為至要將此由六百里諭令知之○以哈密幫辦大臣穆輅為哈密辦事大臣以安徽按察使毛鴻賓為江蘇布政使湖北荊宜施道李續宜為安徽按察使以扼守安徽壽州出力予副將黃鳴鐸以總兵官用予故

浙江副都統來存祭葬卹廕。予江蘇金壇
殉難知縣李淮道銜參將父得勝周天孚總
兵銜並祭葬世職。予江蘇蘇松等處殉難
遊擊葛同華黃致祥守備趙慶恩陸文龍千
總嚴向高把總沙聖榮外委祝映奎知縣卞
乃詭吳士松等十五員祭葬世職額外外委
黃一德並吳士松妻張氏等十五名口旌卹
如例。辛亥

上詣

綏成殿

宣宗成皇帝聖容前行禮命內廷王御前大臣
軍機大臣隨同行禮。諭內閣官文胡林翼
奏派解上忙錢糧全完較多及完不足數之
州縣衛請分別勸懲一摺署崇陽縣巴東縣
知縣王筠節署通城縣試用知縣傅詩代辦
孝感縣儘先補用同知文希范羅田縣知縣
潘亮功安陸縣知縣李泰源署隨州知州准
補施南府同知趙篤慶徵解錢糧均溢定額

洵屬催輸勤奮俱著交部從優議敘黃岡縣
知縣薛元啟署沔陽州知州周開錫前麻城
縣知縣陳汝蕃完解錢糧亦屬有贏無絀著
交部照例議敘其催科不力之前署荊門州
儘先補用同知直隸州林之華武昌左衛守
備孫殿元均著摘去頂帶林之華著留於地
方協同本任知州牟嗣龍催徵與武昌左衛
守備孫殿元一併勒限三箇月解完如再不
知奮勉即行叅辦。又諭樂斌奏遵議陝省

各鎮兵馬兼歸巡撫節制一摺前因譚廷襄
奏軍興以來征調防堵多由巡撫籌辦平日
無節制之權有事恐呼應不靈擬請量為變
通當經諭令樂斌會同譚廷襄妥商茲據樂
斌奏擬請嗣後遇有征剿防堵要務陝西各
鎮協官兵均由該撫酌調仍咨總督查照各
該營訓練操防亦令該撫就近稽查僅有廢
弛及缺額等弊即行會同總督聯銜叅辦其
武職升遷調補稽覈糧餉等事仍由陝西提

督移咨總督辦理。若各鎮協將領中有人地不宜之處，應令該撫咨商總督提督酌量更調等語。所議尚無滯礙，均著照所請行。至請加提督銜之處，著毋庸議。又諭曾國藩奏徽州失守，自請議處一摺：逆匪於八月十八日由胡樂司竄叢山關等處，時皖南道李元度帶勇三千甫抵徽州，聞警即派兵由績溪前進。十九日出隊分兩路進剿，斃賊百餘，張運蘭亦於楊溪一帶派兵邀擊，斃賊馬數十匹，悍賊一千餘名，詎於二十四日賊股大至，直撲徽城。更番誘戰，李元度親督各營出城接仗，斃賊數百，嶺後伏賊併出抄我兩翼，眾寡不支。李元度率平江四營入城固守，西門城垣坍塌，又無垛口，賊乘夜專攻此門。李元度身卧城頭，竭力堵禦。二十五日賊伏民房施放火槍，守陣弁勇立腳不住，府城遂陷。曾國藩未能先事豫防，著交部議處，仍著鮑超張運蘭等迅速進兵，力圖克復闔城文武下

落著該大臣查明具奏。諭軍機大臣等：本日據樂斌奏督兵啟程並請卸任西甯辦事大臣暫署總督一摺，據稱上次續派官兵二千名，又飭派涼州等營官兵一千名，定於九月初九日統帶起身等語。現在喫喘兩夷業經於本月十一十二等日換給和約，撫局漸已就緒，不日即可退兵。樂斌調派之兵業經啟程者，即於陝西境內割住，其未經啟程者即行截住，毋庸前來。樂斌既已起身，酌帶官兵迅赴京師，與恭親王等面商事件。其總督事務即著福濟暫行署理，提督成瑞仍留省城幫辦營務。將此由六百里加緊諭令知之。又諭樂斌現在來京，陝甘總督關防現已帶赴行營，福濟著即借用西甯辦事大臣關防以昭信守。將此諭令知之。又諭本日據成凱奏統帶官兵赴京一摺，據稱歸綏兩城官兵調往直隸者已有二千餘名，其餘不敷揀派存城滿洲官兵四百名，屯田壯丁一百

名於九月十五日統帶啟程等語現在喫啡
兩夷業經換給和約撫議漸已就緒此項官
兵著毋庸前來成凱無論行抵何處著即折
回以息兵力而節虛糜將此由六百里諭令
知之○又諭恆福奏裁撤僧格林沁等大營
糧臺請飭部借撥銀兩解交勝保糧臺應用
等語此時勝保一軍兵多餉鉅自屬實在情
形惟庫款自辦理夷務以來用項浩繁昨據
戶部奏僅存銀二十餘萬尚不敷下月兵餉

已寄諭各省迅速籌解此時萬難借撥著恆
福仍飭該司道等設法籌款接濟勝保糧臺
毋令缺乏俟夷兵退後即當將所調兵勇酌
量遣撤以省糜費將此由四百里諭令知之
○又諭本日據曾國藩奏請於該大臣與胡
林翼二人中欽派一人帶兵北上一摺現在
喫啡兩夷已於本月十一十二等日互換和
約撫議漸可就緒且徽甯相繼失守舒桐方
議進兵皖南北均當喫緊之時該大臣等一

經北上逆匪難保不乘虛思竄擾及完善之
區江西湖北極為可虞曾國藩胡林翼均著
毋庸來京至鮑超一軍諭知曾國藩飭令迅
克甯郡毋庸前來該大臣現已令其回駐漁
亭仍著相機前進力圖克復該大臣甫接皖
南防務連失兩郡雖因餉絀兵單究屬籌畫
未密著即振作軍心再接再厲萬勿一挫之
後即損軍威李元度此次失衄殊屬可惜人
才難得著即迅速查明下落具奏將此由六

實錄卷三百三

十九

百里加緊諭令知之○予湖北江西安徽等
省陣亡守備謝光耀千總章殿安把總李允
昇等三十員祭葬世職生員讓興第等四十
三名口旌卹如例○壬子諭內閣文煜奏請
飭原辦糧臺委員趕辦報銷一摺江南糧臺
自文煜交卸後應辦報銷各件業經接辦各
員分案咨部覈銷惟文員鹽糧等項並採辦
製造運送雇備修築雜支各款尚未造報現
在署江蘇按察使江清驥接管糧臺該員前

係經手委員著薛煥飭令接續趕辦迅速報銷以專責成。諭軍機大臣等據文煜等奏擒匪擾及山東濟甯一帶經德楞額帶兵勦擊難保不折而回竄侵及豫疆毛昶熙未諳軍務亦恐將升軍民解體慶廉無論行抵何處著即統領赴援兵勇折回該省督辦勦匪事宜以定人心而節糜費將此由六百里加緊諭令知之。又諭據義道等奏通本未便改題懇請展緩辦理一摺朕因各衙門應辦

實錄卷三三一

二十

事件積壓日久清理為難所有應進本章自應陸續呈進免致愈積愈多若俟回鑾後概行呈遞未免披覽太勞著義道等查明從前巡幸木蘭舊例本章係幾日一進照例辦理至各衙門緊急本章自應改題為奏其餘本章均有一定限期亦不得任令稽延轉滋流弊著與通本一體票擬進呈以疏積滯將此諭令知之。又諭據勝保奏分別留撤官兵及黃得魁等勇丁均已趕到兵勇不下一萬

實錄卷三三一

三

二千名現在足資防範安徽擒氛正熾總兵張得勝及協領恆齡所帶官兵二千數百名即應飭令趕緊折回本日據文煜等奏濟甯被圍已派曹勇三千防勇一千隨德楞額等前往助勦河南與東境毗連尤關緊要已諭慶廉統帶兵勇迅速回省矣另片奏諸酋情願由上海助勦等語該國果有此意應俟兩國均退回天津後由恭親王等酌量辦理該大臣統帶軍旅防勦是其專責此事毋庸與聞將此由六百里密諭知之。又諭據德楞額等奏本擬馳赴鄒境勦辦教匪旋因濟甯被圍先行援救各摺片濟甯為東省繁富之區久為擒匪所垂涎此次糾眾數萬直撲州城兵勇接仗失利致被圍困該處為東省門戶且係北路咽喉亟宜迅速援勦以顧大局據德楞額奏稱先派色爾克固善富新帶領馬步隊前往本日復據文煜奏稱已飭趙康侯等帶勇三千折回並撥兵四百赴援清盛

亦奏稱雇募練勇一千名並調馬隊二百親自統帶出省所有趙康侯等練勇均著歸德楞額調遣即著會同清盛等所帶兵勇並調集附近民團四面兜拏務將此股賊匪全行撲滅毋任蔓延俟勦辦肅清再行查拏教匪以靖地方其東路沿河一帶著飭營總薩林等嚴密防守毋得顧此失彼致令乘虛竄越將此由六百里諭令知之 又諭文謙奏擬派道員擒捕土匪一摺據稱直隸獻縣衡水

實錄卷三十三

三

武強交河一帶均有土匪聚眾搶掠若不及早殲除必致養癰成患恆福現在駐劄古北口鞭長莫及文謙已派道員許誦恆帶兵五百名前來籌辦但兵力太單恐不濟事昨據文煜奏稱現駐富莊驛協同勦捕著即嚴飭該道會同該撫所派兵勇迅速掩捕務期淨絕根株不得遷延觀望並飭令知府徐志導王榕吉等集團杜禦毋令竄逸 癸丑諭軍機大臣等本日僧格林沁等奏遵旨撥交遣

撤官兵一摺現在直隸畿南土匪蜂起據文謙奏獻縣衡水武強交河一帶千百成羣肆行搶掠雖經該藩司派道員許誦恆前往會同文煜所帶兵勇掩捕兵力太單恐不能迅速殲事遲延日久必致愈聚愈多勦辦更為費手大名等處聞亦有匪徒蠢動河南擒匪倡獮來去無常山東幅匪未清近復有擒匪大股圍困濟甯情形甚為危急此時各省兵勇撤調空虛難保不乘機北竄朕思現在天

實錄卷三十三

三

氣寒冷正北方勁旅得力之時若能於年內將擒逆一律蕩平粵逆勢孤辦理尚可得手僧格林沁瑞麟均著毋庸馳赴行在即著帶兵前往勦辦北路各匪先由河間一帶次及山東河南權其緩急以次進勦據僧格林沁等奏哲里木昭烏達兩盟及歸化城官兵尚屬得力著即將兩盟官兵一千二百餘名留於軍營其歸化城兵三百名為數太少著酌量裁撤本日已諭勝保分撥吉林黑龍江等

處馬隊二千數百名共合成四千之數歸該大臣統帶僧格林沁現為欽差大臣俟到東豫時著督飭各路兵勇合力兜剿該大臣軍營兵力如有不敷各營均可調遣僧格林沁等惟當激勵將士力贖前愆如能迅奏膚功自當重膺懋賞朕實有厚望焉至派佐領紀文光等所運礮位已諭恆福截留古北口安設無庸解赴熱河將此由六百里密諭知之

又諭朕因京南一帶土匪蜂起並山東河

實錄卷三百五

五

南兩省均有捻匪竄擾恐其互相勾結乘虛北犯本日已諭令僧格林沁瑞麟帶兵前往勦辦該大臣等所帶官兵除已撥交勝保軍營外兼有哲里木等盟官兵一千二百餘名其餘均已遣撤著勝保再於吉林黑龍江等處得力官兵馬隊撥給二千數百名合成四千之數交僧格林沁等統帶現在喘夷雖已撤兵尚未盡退喚夷有五六日內退兵之說猶懷觀望仍著該大臣整齊兵旅以備不虞

朕聞該夷所用廣匪均已由京遣散聽其自便如果屬實此項匪徒難保不聚眾滋事著勝保嚴密訪查如有擄掠等情立即捕拏同土匪一律懲辦將此由六百里密諭知之

又諭本日據僧格林沁等奏現派佐領紀文光等運送制勝得勝銅礮八位九月十八日起身前赴熱河此項礮位解到古北口時即著恆福截留於要隘處所相地安設以資防守將此由六百里諭令知之

以天津海口

實錄卷三百五

五

兵潰革總兵官文祥參將和陞職予陣亡侍衛扎精阿等五十五員副前鋒校保林等七百五十八名祭葬世職

甲寅諭內閣前因給事中唐士森奏杭州北新關弊竇叢生商賈裹足等情當經諭令王有齡飭該關監督嚴密訪查具奏茲據王有齡奏稱北新關設有南北二口凡南路已經輸稅之貨行至北口若過限五日重復徵收載在志書並非奏准定例書役往往藉此詐贓又各關口過往

行人攜帶用物其應納稅不過三分者向准免稅其後漸有併計納稅之事皆由陸家集艮山門螺螄埠草橋門等處管口家人及巡欄人等索詐留難大為行旅之害等語杭州北新關為商賈往來要道稅課有常豈容胥役家丁恣意訛詐著該關監督嚴密稽查將過關五日十日之限一概刪除其零星貨物仍照定例不過三分者概予免稅以便商民經此次明定章程之後如再有重徵併計藉

實錄卷三百三

三

端訛索等弊除書役家人從重治罪外朕必將該監督嚴加懲處又諭兵部奏武職月選等員可否比照文職一律辦理一摺所有武職月選分發各員及軍營奏補該部擬補並學習期滿世職人員由各該督撫咨送到部者均著俟該部考驗後再由留京王大臣覆加考驗另繕清單請旨分別發往補放如有人材軟弱弓馬生疏者即著留京王大臣扣留俟回鑾後帶領引見其應行請旨錄用

及擬定正陪請旨簡放等員均著俟回鑾之日帶領引見以克復浙江淳安縣城賞同知祝齡郭式源參領關福遊擊吳蓋臣都司黃儲寶守備李定貴鍾志瑞等花翎同知鄭學濂等藍翎並各升敘有差（乙卯諭內閣載崇奏母病未痊懇恩賞假回京醫治一摺載崇前因母病請假赴密雲迎親茲因母病未痊奏請續假自應由密雲發摺批准後再行起身此摺係九月二十一日由留京王大

實錄卷三百三

三

臣代發顯係不候批示業已回京殊屬非是載崇著開兵部侍郎缺並撤去一切差使仍留乾清門侍衛散秩大臣俟母病稍愈即行前赴行在當差毋許延誤諭軍機大臣等本日據戶部奏庫項支絀請暫行借撥銀兩一摺現在撫局已定放款仍復不少部庫僅存銀二十餘萬轉瞬京營兵餉屆期不敷散放自係實在情形著由宗人府存儲銀兩內酌借散放陝西解部銀五萬兩業已在途本

日傳諭文謙催令迅解部庫此外各省餉項諒可陸續解部俟解到時即行歸款其內庫舊存銀兩不准擅行動撥將此諭令知之

又諭勝保奏東省捻氛甚熾請飭撫臣回省督剿一摺前因喫咈兩夷已換和約諭令文煜在直境駐劄聽候調遣復據文煜奏稱駐富莊驛一帶會同直隸官兵擒捕土匪現在勝保恆福已各派兵前往僧格林沁等不日亦可統師南下兵力足敷剿辦皖省捻匪竄

實錄卷三三一

元

撲濟甯城圍未解正當喫緊之際著文煜統帶兵勇即赴濟甯會同德楞額及傅振邦所派之協領恆齡等兵勇分投夾擊迅解城圍毋留餘孽文煜到後清盛著即行回省將此由六百里諭知文煜並傳諭清盛知之又諭慶廉奏帶兵北上請隨帶各員差委等語前因撫局業已就緒該撫毋庸北來兼恐濟甯一帶捻匪折回侵及豫疆當諭令慶廉無論行抵何處即統領赴援兵勇折回該省督

實錄卷三三一

元

辦剿匪事宜該撫諒已接奉此旨所請隨帶各員北上以資差委之處可毋庸議至調任直隸永定河道徐繼鑄業經交卸署臬司篆務即著該撫飭令該道迅速前赴新任本日據譚廷襄奏陝省協濟陝甘調赴直隸官兵口食並籌淮揚徐宿協餉正在撥解為難其安徽等省催餉甚急勢已不遑兼顧豫軍餉需十萬兩實屬無款再行撥給等語現在陝西一省協濟各路餉需業已羅掘殆盡譚廷襄所奏自係實在情形所有河南調派兵勇業已飭令折回並有慶廉率屬捐輸之款足敷支放自可無庸陝西籌解矣將此由六百里諭令知之又諭勝保奏軍營援兵雲集需餉浩繁此時帑藏空虛既非部庫所能供億亦非直隸司庫所能支持請仿照陝省辦法令各省自為籌餉各養各兵等語所有勝保軍營山東河南陝西兵勇著文煜賈臻譚廷襄各按名數多寡每月應需餉銀若干由

各省自為籌款源源報解直隸糧臺代為支發其吉林黑龍江等處馬隊官兵除撥給僧格林沁等軍營外尚餘若干統由直隸藩司籌款支應如此通融辦理庶軍心可固而兵力可充矣將此由六百里諭知文煜賈臻譚廷襄並傳諭文謙知之又諭劉長佑奏官軍剿賊喫緊請抵撥餉銀一摺逆匪石達開餘黨自桂林潰竄大股尚割武緣現經該撫督飭各軍分別剿撫廣西軍務漸有起色惟

實錄卷三十三

二

據稱楚營欠餉至四十萬之多蔣益澧一軍亦不下二十餘萬兵勇待哺嗷嗷山西陝西奏撥協餉尚欠解八萬兩道途較遠運解為難湖北蘆源豐旺請於該省應解皖餉內酌撥若干就近解濟粵西即以山陝應解粵西之餉查明湖北酌撥銀數就近抵解皖省等語著官文胡林翼酌量情形就近抵撥用資接濟其山陝兩省應解粵餉著常績譚廷襄亦即迅速解赴楚省以清款項將此由六百

里各諭令知之又諭毓科奏江省上下游同時告警請將撥浙各軍調回堵剿一摺廣東股匪周豆皮春等竄入江西樂昌等處經官軍擊退其敗匪由信豐竄至安遠意在撲城並分股回竄仁化勢尤兇悍其鄭大聲橋一股轉竄南雄裏東鳳凰橋距南安府甚近往來飄忽亟宜堵其深入之途而南贛等州縣處處與粵東毗連險隘紛峙防不勝防且水陸各軍調往堵剿者已逾萬餘零都以北

實錄卷三十三

萬分空虛兼值甯國徽州相繼淪陷饒州一帶緊接皖疆尤有脅亡齒寒之慮必須調回援浙各軍方足以資捍禦浙省軍務現在情形稍鬆所有江西援浙各軍除文瑞一軍仍留防守省垣外著瑞昌王有齡飭令道員彭斯舉副將劉芳貴遊擊劉長培等各率所部營長兼程回江援剿毋得羈延致誤江西全局將此由六百里諭令知之恭親王奕訢等奏嘆夷允期退兵並已接見喇蘭等語得

旨二夷雖已換約難保其明春必不反覆若不能將親遞國書一層消弭禍將未艾即或暫時允許作為罷論回鑾後自津至京要挾無已朕惟汝等是問此次夷務步步不得手致令夷酋面見朕弟已屬不成事體若復任其肆行無忌我大清尚有人耶以乾清門侍衛德懋為鑾儀衛鑾儀使以署工部左侍郎清安為鑾紅旗漢軍副都統以內閣學士慶英為兵部右侍郎以安徽黟縣碧

賞錄卷三百三

三

陽書院公捐軍餉永廣學額一名以楚軍克復廣西富川賀兩縣城賞都司劉明德守備成漢堂知州劉嶽昀等花翎縣丞劉德謙等藍翎並各升敘有差以克復廣西柳州府城賞總兵官李明惠三代一品封典副將蕭榮芳鄺世堂參將鄭金華李世恩遊擊戴盛寬劉榮合巴圖魯名號知府席寶田同知劉思詒都司楊秀琪守備李廷植等花翎外委曹行脩等藍翎並各升敘有差予廣西

象得等處陣亡都司李鳳魁何通勝守備李堯傑千總羅隆升把總朱玉龍蔣顯敷外委劉玉升等十二員祭葬世職丙辰諭軍機大臣等本日據恭親王奕訢等奏夷酋帶兵回津一摺此次英俄兩國雖經換約退兵日後不免要求仍當豫為防範恭親王等總須切實與之訂定不致再啟爭端俯首照覆內既有該夷國書不幸於啟程之前未及呈上等語不但咈夷如此仍恐英夷亦復如是必

賞錄卷三百三

三

須令恆祺等面為開導確實說妥或作為罷論或照恭親王原議恭設香案代為接收庶回鑾後不至再生枝節如能消弭更為妥善不可含混了事至恆祺崇厚等在津撫馭夷人只可作為奕訢隨員所有通商瑣屑事務由恆祺等辦理遇有要事仍應稟明恭親王等酌辦應具奏者由恭親王等具奏恆祺等不得具摺另奏議定俄夷條約並開單呈覽業已具悉事勢至此不得不委曲將就免致

狼復為奸已命軍機大臣另擬寄諭一道儻該夷索觀即可宣示將此由六百里密諭知之○又諭本日據恭親王奕訢等奏議定俄國條約開單呈覽一摺俄國使臣呈出條約十五款經恭親王令瑞常等會同該國使臣伊格那提業幅逐層商酌定議尚屬妥協即著照所議辦理惟兩國通商往來必期永遠和睦方於兩國有益著恭親王仍飭瑞常等與該使臣言明彼此共守和約毫無疑惑即可定期畫押蓋印以昭信義而敦和好將此由六百里諭令知之恭親王奕訢等奏夷酋帶兵回津請簡大員羈縻得旨此次辦法實屬毫無把握在京並未言明含混退兵欲使恆祺等隨時羈縻不來則已來則必啟爭端況既經換約何法弭之種種貽患實難枚舉若不能萬分妥實不妨據實密奏萬不准輕惑浮言避居怨府以後夷務應辦之事尚多恭親王等豈能因兵退回鑒即可卸責○

實錄卷三百三

三

前任廣西巡撫曹澍鍾奏啟程回籍日期並報探聞賊情得旨外省惡習事初起惟恐不大迨事已釀成又諸多粉飾不獨蜀省為然○命武備院卿恆祺辦理海口通商事宜長蘆鹽運使崇厚以三四品京堂候補幫同辦理○丁巳孝慈高皇后忌辰遣官祭福陵 諭軍機大臣等據恭親王奕訢等奏議定俄國條約呈覽一摺現在啖啖兩國於本月十一十二等日互換和約業已陸續退兵俄國使臣復呈出條約十五款懇求商定經恭親王令瑞常等與該國使臣伊格那提業幅逐層商酌會同定議業經諭令恭親王等照議辦理現擬即日定期畫押蓋印所有單開之十五款著鈔給景瀄特普欽等閱看俟與該國使臣晤面時即可按照辦理以期共敦和好永靖邊疆將此由四百里各諭令知之○又諭前因直東一帶土匪蜂起當諭僧

實錄卷三百三

三

格林沁瑞麟帶兵前往勦辦先由河間一帶及山東河南權其緩急以次進勦並諭知勝保撥給吉林黑龍江等處馬隊二千數百名交僧格林沁等調遣矣本日已賞給伊興額六品頂帶交僧格林沁等差委著該大臣即將僧格林沁分撥之吉林黑龍江馬隊一千數百名全數撥交瑞麟先行帶往河間勦辦土匪其餘再行續撥現在濟甯尚未解圍所有勝保軍營山東兵二千餘名即著遣回交

實錄卷三三一

三

文煜統帶迅赴濟甯以資攻勦將此由六百里諭令知之○賞已革科爾沁親王僧格林沁郡王爵並還三眼花翎已革大學士瑞麟侍郎銜並還花翎○賞已革副都統伊興額六品頂帶交僧格林沁瑞麟差委○戊午諭軍機大臣等清盛奏泰甯情形較緊請留過境兵勇並抽撥駐援官兵一摺皖捻竄擾東境其勢甚張現在濟甯城圍已解逆捻大股俱在甯陽之施家集等處屯聚滋陽境內亦

有賊蹤本日據杜翻奏鄆鉅單曹等縣均被竄擾自應厚集兵力以資攻勦前調赴京師各兵勇趙康侯等業經折回得振邦所派之恆齡等馬步各隊亦經勝保飭令留於山東助勦所有總兵張得勝管帶川楚練勇現已行抵東境著一併留於東省會同該省兵勇合力進勦至駐通之東省援兵二千名昨已寄諭勝保令其迅速遣回交文煜統帶矣該撫務即會同德楞額等激勵兵勇迅掃賊氛

實錄卷三三一

三

以清疆圉將此由六百里諭知文煜並傳諭清盛知之○又諭前因直東一帶土匪蜂起命僧格林沁瑞麟統帶馬步各兵前往河間一帶節節進勦惟兵力尚單恐不敷勦辦所有留防山海關吉林官兵一千名著寶山派令原帶兵官管帶即赴南苑駐劄聽候僧格林沁等調遣以資得力本日據寶山奏夷船復泊老龍頭海口派員驅逐防範等情現在夷人業經換約講和彼此罷兵如有夷人登

岸惟當派員善言開導不得擅啟釁端致生枝節將此由六百里諭令知之○山東團練大臣杜翱奏辦事顛預之濟南守汪承鏞請以同知降補得旨著與撫臣文煜函商意見相同方准會銜具奏彼此不得將就含混又奏留道員丁守存辦理沂州團練批著仍令回直該道府官直省不候諭旨因接信函擅行回東殊屬不合丁守存著交部議處又奏請飭畢承昭等辦理海防並道員陳寬就近起復又批畢承昭案關奏銷未便留辦海防著迅即飭令赴皖陳寬所請起復之處著吏部查議具奏○以規避山東魚臺防堵協領明霖下部嚴議責令帶兵效力 己未

孝敬憲皇后忌辰遣官祭

秦陵○諭內閣順天府奏請照例賞給米石收養貧民一摺今歲近畿百姓猝遭兵燹深堪憫惻若仍照向章收養難免覺獨無告者仍喪溝瀆之中朕心甚為廕念所有普濟堂一

實錄卷三十三

三

廠著於例賞小米三百石之外再行加賞小米三百石功德林一廠即於此項小米內分給二百石以資養贍其五城粥廠亦應提早開放著五城御史認真經理毋令一夫失所並著於放飯時嚴密稽查如有匪徒涇跡即行拏辦以副朕軫念窮黎之至意 諭軍機大臣等官文奏籲懇提兵入援京師一摺覽奏具見惻忱惟現在暎沸兩夷經恭親王等辦理業已互換和約定期退兵該大臣所請提兵入援之舉著毋庸前來前據曾國藩奏請帶兵入援亦因撫局就緒諭令停止其都興阿一軍行抵壽州並諭令即赴江北毋庸北上矣至東豫一帶捻匪未能肅清現經派令僧格林沁瑞麟等督兵前往足敷勦辦惟粵逆近又竄陷徽甯勢甚披猖難保不乘虛北犯如探有內竄之信即著該大臣帶領所派馬步隊三千餘名馳赴北路迎頭截擊毋令分竄將此由六百里諭令知之 恭親王

實錄卷三十三

三

奕訢等奏請豫定回鑾日期得旨覽奏具見
惴惴惟此時尚早況勝保係帶兵大員撫局
亦不應干涉又奏佛首所要北堂可否允准
批此事尚係小節既經蓋用護照亦未便再
事爭執東西二堂究在何處速查覆奏（協
辦大學士戶部尚書周祖培等奏部庫存銀
短絀擬將兵餉變通辦理從之又批十月新
章即照現定新章開放（以疏防倉糧被劫
倉場侍郎成琦廉兆綸查倉御史博桂滿漢
監督榮林等下部分別議處（予順天通州
殉難西倉監督中書貴倫戶部主事玉潤祭
葬世職（庚申諭軍機大臣等本日據恭親
王奕訢等奏匪首畏罪自請效力等語據稱
勝保探知河間土匪頭目王落越係屬匪類
託名現王落越畏罪願效力自明並請解散
匪眾各等情前據恆福奏稱匪首王落越藉
團練為名聚眾一千餘人肆行擄搶當諭令
僧格林沁瑞麟前往勦辦先由河間一帶次

及山東河南以次進勦現在王落越忽稱匪
類託名難保非聞大兵將至畏罪投首惟既
願效力自明如果屬實即可令其解散醜類
以省兵力其零星匪徒搜捕亦易於蒞事著
僧格林沁瑞麟詳細查明應如何將王落越
留營效力及飭令解散匪徒不至大兵南下
再行聚眾滋事之處悉心籌畫妥為辦理將
此由六百里諭令知之（又諭據恭親王奕
訢等奏夷人送到刊刻條約通行各省請密
諭沿海各督撫酌辦等語朕昨雨夷業經換
約退兵該夷送到刊刻通行各省條約告示
請鈐用欽差關防由該酋等自行帶往各省
交府尹督撫宣布恭親王等以事既通行若
不鈐印恐為藉口業已照辦此次該夷稱兵
犯順擾及京師雖經互換和約其條約中所
載多有窒礙難行之處朕恐荼毒生靈不得
不保全大局俯從所請既經通行各省勢難
再有變更全在各省封疆大吏設法羈縻於

條約外不得任令另生枝節如該酋等在各
省請議詳細章程仍可於權宜之中寓限制
之意總期不至貽患無窮庶可相安永久著
倭仁景霖恆福文謙曾國藩薛煥慶端瑞瓊
王有齡勞崇光耆齡文煜等於該酋到後妥
為駕馭悉心籌辦其奉天天津山東等處係
新設埠口尤關緊要並著酌覈妥議辦理是
為至要將此由六百里密諭倭仁等並傳諭
文謙知之○恭親王奕訢等奏夷兵全數退
津得旨夷兵雖退一切未經議妥殊無把握
退津情形是否祇留夷酋數人抑全隊駐津
續行探明馳奏

實錄卷三百三

聖

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之三百三十一

實錄卷三百三

聖

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之三百三十二

是時禮部奏請日清起居注官大士保工書等職事文冊等件應請照舊辦理等因奉旨著照舊辦理欽此

大學士管理理部事務加一級紀錄十四次

大學士管理理部事務加一級紀錄十六次

大學士管理理部事務加一級紀錄十七次

大學士管理理部事務加一級紀錄十八次

敕修

咸豐十年庚申冬十月辛酉朔享

太廟遣禮親王世鐸恭代行禮遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵

昌西陵

慕陵

慕東陵遣官祭

孝德皇后殯宮遣官祭

端慧皇太子園寢○頒咸豐十一年時憲書

○諭內閣本年天氣漸屆嚴寒朕擬暫緩回

鑒俟明歲再降諭旨諭軍機大臣等本日

據恭親王奕訢等合詞籲請回鑾一摺此次

夷人稱兵犯順恭親王等與之議撫雖已換

約此係萬不得已允其所請然退兵後而各

國夷酋尚有駐京者且親遞國書一節既未

與該夷言明難保不因朕回鑾再來饒舌諸

事既未妥協設使朕率爾回鑾夷人又來挾

制朕必將去而復返頻數往來於事體殊多

不協且恐京師人心震動更有甚於八月初

八日之舉該王大臣等奏請回鑾固係為鎮定人心起見然反復籌思只顧目前之虛名而貽無窮之後患且木蘭巡幸係循

祖宗舊典其地距京師尚不甚遠與在京無異足資控制朕意本年暫緩回鑾俟夷務大定後再將回鑾一切事宜辦理所有各衙門引見人員及一切應辦事件均查照木蘭舊例遵行辦理至前派應行前赴行在者著即飭前來其各衙門辦事之堂司各官均著趕緊

清理積壓諸事勿少稽延將此由六百里諭令知之○又諭前因直東一帶土匪竄起當諭僧格林沁瑞麟帶兵前往勦辦並諭勝保將僧格林沁等撥交之吉林黑龍江馬隊一千數百名交瑞麟先行帶往河間勦辦土匪茲據勝保奏匪首王啟山等六人為首因伊不肯從到處冒名計圖嫁禍王落越情願齊集練勇擒獲王啟山等解散其黨以圖自贖王

落越是否真心畏罪自明仍著僧格林沁等詳細查明即令拏辦王啟山等贖罪以期迅速嚴事本日據杜翱奏擒匪猖獗濟甯兗州泗水均已被圍文煜所帶兵勇尚未趕到僧格林沁等俟畿輔一律肅清即行前赴山東節節勦辦以期盡絕根株至吉林黑龍江馬隊業經勝保奏明聽候僧格林沁調遣如兵力尚有不敷著僧格林沁等再向勝保大營分撥以利攻勦將此由六百里諭令知之○

又諭曾國藩奏請調粵軍助勦等語現在夷人換約退兵各路援兵均經撤退曾國藩前請率兵入衛業已諭令毋庸前來茲據奏請飭劉長佑令蔣益澧即率所部三千入皖會勦係為厚集兵力起見惟該大臣北援之舉既已停止無虞兵單所請飭調粵軍會勦之處著毋庸議將此由六百里諭令知之○又諭傅振邦奏軍餉竭蹶請飭催協濟等語徐宿軍營素無專餉向恃山東山西陝西河南

四省協濟前因傳振邦奏請飭催業經諭令該四省迅速籌解現在兵勇饑寒交迫屢致譁譟饑潰堪虞著文煜常績譚廷襄慶廉仍遵前次諭旨按月起解毋稍遲誤又徐營舊提鹽課銀每月一萬兩充餉去夏因淮河梗塞暫行停止現在鳳陽臨淮克復鹽路暢行著薛煥即飭該運司將徐營舊提鹽課銀一萬兩自本年九月以後按數解濟傳振邦軍營以資協濟將此由六百里各諭令知之○

又諭前據勝保奏東省捻氛甚熾諭令文煜統帶兵勇即赴濟甯會同德楞額等兵勇前往攻剿嗣復諭令勝保將該大臣軍營山東兵二千餘名遣回交文煜調遣其張得勝恆齡各軍二千數百名均已留於東省助剿本日據杜翻奏曹州兗州沂州泰安濟甯等屬二十六州縣均有匪蹤出沒濟甯兗州泗水均各被圍連日尚無確耗各等語文煜計已接奉前旨著即會同德楞額等督率各路兵

勇四面兜擊分投勦辦毋任蔓延李錫魯陣亡西路帶勇人少著即派已革道員黃良楷協同趙康侯分帶團勇以資得力將此由六百里加緊諭令知之○又諭慶廉奏粵逆圍撲壽州分調官兵扼要堵剿並擬暫駐彰德以杜北竄一摺粵逆數萬人糾合捻逆攻撲鳳陽業經官兵擊退壽州亦已解圍惟捻逆大股竄入東境勢甚猖獗兗曹濟甯一帶均有匪蹤歸德地方與山東毗連亟宜力圖扼截毋令擾及豫境現在夷氛已退業經諭令慶廉毋庸北上所有前派兵勇著慶廉即帶赴歸德駐剿以便勦除逆匪毋使滋蔓另片密奏藩司賈臻恃才妄作膜視軍餉等語該司於應籌軍餉京餉遷延不解殊屬不知緩急著嚴飭該司於應籌兵勇口糧及欠解京餉迅即如數報解儻敢仍前玩泄即著嚴叅懲治將此由六百里諭令知之○又諭傳振邦奏捻趨東北經官軍擊勦截回並徐宿獲

勝偏賊西趨一摺擒匪徑趨東北經傅振邦調派署總兵李恆清等於荆山橋臺莊一路迎頭截剿大有斬擒其攻偏徐郡之賊復經吳棠等緹城追殺賊仍往西北伺隙濟甯一帶本日據杜翱奏報擒匪滋擾東省現在曹州沂州兗州泰安濟甯州所屬二十六州縣時有告急文報或城關被圍或屢戰失利賊蹤業已北趨勢甚猖獗亟須官兵迎頭截剿以期迅速堵遏傅振邦前派恆齡等所帶之

兵一千數百各業經勝保飭令留東助剿田在田現在督同胡元昌等繞赴單縣即著繞前杜截偏令回巢以固北路藩籬是為至要將此由六百里加緊諭令知之○貴州巡撫劉源灝奏剿辦粵逆教匪可否擇尤保舉得旨每戰必保未免太優况天池蓋等處亦非大捷如有實在出力者准其存記彙案續保○直隸布政使文謙奏催各州縣應解糧租得旨各該縣徵解錢糧在平時即難免遷延

當此時事維艱更可藉口侵蝕必應隨時嚴懲如果有徵多報少情弊除查抄外即按軍法從事○實授田興恕貴州提督以候補副將趙德昌為貴州安義鎮總兵官○以山東勦擒出力予直隸州知州趙康侯等加銜升敘有差○以夷人滋擾防範獄囚出力予刑部提牢主事恩齡等升敘即補有差○以疏防夷人拆毀城垣革北營參將馬桂等職仍留任步軍統領瑞常等下部議處○以安徽

甯國府城被賊竄陷都司銜孔旭日等分別正法拏問革職有差予殉難已革湖南提督周天受開復原官祭葬世職建立專祠道員福咸知府顏培文知縣王乃晉副將朱景山祭葬世職一併附祀並於周天受原籍建祠伊弟江蘇殉難提督天培參將天孚同入祀○予安徽叢山關陣亡同知童梅華守備張培文祭葬世職○蠲緩廣西賀修仁容岑溪桂平貴武宣橫永淳馬平柳城來賓宜山賓

永安荔浦藤平南宣化新甯歸德果化龍崇善左養利永康甯明萬承太平安平龍英羅容羅城懷遠融象天河上林田臨桂靈川永福恭城蒼梧懷集隆安武緣遷江四十九漢土廳州縣被擾地方額賦有差○壬戌諭內閣崇實奏籌辦團練各情形並據李惺奏滬陳下情請另行簡派督辦大員一摺據稱川省團練並無堪勝督辦之巨紳不若責成州縣各遵所屬紳士佐之由各該上司時加稽覈以收官紳一氣之效其團練需費全藉民力密查從前辦理官紳有無勒追肥己情弊據實嚴叅懲辦一面將每月所收所用數目榜示通衢以杜侵蝕所奏係為通籌大局起見即著照所議辦理前任右春坊右贊善李惺年近八旬精力已衰不能勝任著即撤去督辦四川團練大臣並毋庸賞給五品卿銜所有四川省督辦團練事宜著責成該省總督藩臬督飭各州縣及各屬紳士認真辦理

○又諭慶昫奏盜風日熾請破格獎勵一摺張家口一帶盜賊肆行亟宜設法擒捕以安良善著照慶昫所請嗣後無論口內口外凡有拏獲騎馬持械結夥同行以及行強搶奪積匪猾賊准其格殺勿論其有獲解到官重犯審明後即行正法以免滋蔓獲盜之人准隨時酌覈案情分別人數多寡賞給功牌翎頂以示破格優獎○又諭景廉奏持叅虧那捏控之都司並將失察各員分別議處一摺

伊犁綠營都司馬舉虧短營馬多匹私那兵糧抵交麵帖經總兵常英盤查點驗恐被揭叅膽敢列款捏控計圖挾制實屬膽大妄為著即行革職以示懲儆所有虧短馬匹麵斤並著勒限嚴追已故守備羅萬齡虧短軍械即著落該故員家屬及兼管之參將王重福分別勒限賠補以重軍儲參將王重福於本營虧短軍械既經失察於前復敢顛預於後都司王重祿將營馬私行借給馬舉遊擊楊

成有稽察兵馬錢糧之責乃於馬舉任內虧空不早糾察扶同徇隱均屬不合王重福王重祿楊成著交部分別議處總兵常英亦有失察之咎著交部察議○諭軍機大臣等恭親王奕訢奏請飭文祥回京商辦撫局等語現在夷兵已退匪徒斂跡清河一帶不過零星土匪文祥著即回京幫同恭親王商辦撫局事宜其捕匪事務著即交帶兵將領認真掩捕以安良善而靖地方將此由六百里諭

令知之○又諭駱秉章奏帶兵入川請由川省接濟軍餉等語前命駱秉章赴川督辦軍務該撫已於九月十八日交卸撫篆料理啟程所帶劉嶽昭等軍不下萬人湖南僅能籌給行糧一入川境即須接濟著崇實即飭局員於夔州所屬擇要設立糧臺寬籌糧餉俾楚師士飽馬騰迅速奏功是為至要將此由六百里諭令知之○又諭張亮基等奏請飭已革提督來滇效力等語據稱雲南武職大

員不敷布置已革貴州提督蔣玉龍久歷戎行身經百戰若令來滇效力必於軍務大有裨益自係為軍務需人起見惟蔣玉龍現已據崇實奏請調回川省勦匪正當得手之際未便更易生手該督等仍當於本省將弁中認真遴選可也將此由六百里諭令知之○又諭據德楞額等奏追勦竄匪疊獲斬擒一摺此次擒逆竄入東境被兗州擊退後擁眾東竄據德楞額奏稱已飭色爾固善帶領馬

隊自宮里集地方抄至大汶口北面截其北竄青泰之路並令富新帶兵駐劄曲阜撥捕土匪該副都統馳抵平邑與色爾固善合隊自北向南攻勦等語前因濟甯被圍諭令德楞額前往救援自係因勦捕東路竄匪未遑兼顧現在曹濟一帶均未肅清著俟兗沂竄匪偪回老巢後即會同文煜所帶兵勇迅將各處匪徒一律掃蕩勿令北犯一步將此由六百里諭令知之○兵部右侍郎李維翰因

病解任以內閣學士畢道遠為兵部右侍郎
署戶部右侍郎袁希祖兼署兵部左侍郎○
雲貴總督張亮基因病解任以貴州巡撫劉
源灝為雲貴總督雲南布政使鄧爾恆為貴
州巡撫山東按察使陳景亮為雲南布政使
長蘆鹽運使貢璜為山東按察使以雲南
需餉命四川山西陝西各督撫將每月准撥
銀兩如數解往加賞駐劄張家口備調錫
林郭勒官兵柴炭銀以四川勦賊解圍出
力賞遊擊雍中耳吉等守備陳百勝余占鼇
等花翎州吏目華煒等藍翎餘加銜升敘復
職免罪有差以雲南克復路南州城勦辦
回夷及編查保甲出力賞通判保大泉守備
張成貴等花翎同知直隸州知州姚學海等
藍翎餘加銜升敘補用有差以夷人擾及
地壇管理太常寺禮部尚書倭什琿布等下部
議處嚴議有差以滇匪闖入四川參將馬
旭林等革職留任有差署總督崇實提督郭

相忠下部議處予雲南路南州陣亡把總
鄧明貴祭葬世職予四川丹稜殉難典史
徐思源祭葬世職教諭溫恭母許氏等旌卹
如例癸亥諭內閣翰林院侍讀學士綿宜
奏職員呈請回籍勸捐據情代奏一摺山西
職員張國棟謝智爾請回籍勸捐欲由戶部
發給執照現在山西勸諭捐輸皆歸地方官
督同紳士辦理若再添設市井之徒從中勸
諭百弊叢生不可勝言且由戶部發給執照
前往勸捐亦無此政體綿宜所奏著不准行
又諭清盛奏濟甯解圍勇團接仗獲勝並
現在撥兵截勦情形一摺捻逆竄入東境圍
攻濟甯州城經署知州盧朝安督率同城文
武紳團嬰城固守不時縋城迎擊互有殺傷
復會合河標參將孫延略遊擊周貞元兩路
夾擊槍礮轟發賊始分股奔竄該州城圍立
解現在竄賊分股肆擾著文煜會同德楞額
督飭將弁迅掃賊氛無任延蔓諭軍機大

臣等現在軍機處事繁人少焦祐瀛著即赴行在當差所有津南彈壓土匪事宜著交張之萬陳鴻翔辦理將此由五百里諭令知之○又諭袁甲三奏巡防江北師船請由江北糧臺領餉等語總兵黃開榜所帶水勇礮船前經袁甲三派往高寶湖一帶防勦所向有功得以保全完善現在湖防緊要未便撤歸皖營惟皖營餉絀勢難兼顧此項師船既在江北防守自應於江北領餉著王夢齡即飭

喬松年轉飭糧臺委員按月照數支發以歸簡便將此由六百里諭知王夢齡並傳諭喬松年知之○又諭毛昶熙奏請專派藩司辦理撫局等語據稱捻首孫葵心蓄意投誠惟負罪深重辦撫之員非所深信往往遲疑中止該捻首聞藩司賈臻前隨勝保招撫李世忠始終孚以誠信深為感服每欲由該藩司受撫等語孫葵心如果真心悔罪投誠其機自不可失著毛昶熙會同慶廉體察情形儻

該捻首遣人具稟即著責成該藩司悉心經理務須示以誠信使之不疑而人不至墮其術中致貽後患是為妥善將此由六百里諭令知之○調正白旗漢軍都統肅順為鑲黃旗漢軍都統正黃旗漢軍副都統文盛為正白旗滿洲副都統○以鑲白旗蒙古都統瑞常署鑲藍旗滿洲都統正白旗蒙古副都統麟魁署左翼前鋒統領○以隨扈辦公勤慎賞三品銜戶部員外郎文彬花翎餘升敘有

差○以安徽六安州擊賊解圍出力賞遊擊陳松田巴圖魯名號署知州鄒筍花翎餘加銜升敘有差○以湖南逼近賊氛各州縣防勦出力賞都司何習藝花翎千總鄧彰等藍翎餘升敘有差○以蜀滇接壤勦匪出力賞同知法豐阿周廷績直隸州知州周力壩都司長德等花翎知州顧德齡等藍翎○以捻逆竄入山東署巡撫清威下部議處○予山東濟甯州陣亡練總同知銜知縣季錫魯祭

葬世職如道員例典史龔紹昌守備馬萬春
祭葬世職予安徽六安州陣亡防禦永謙
驍騎校多羅倫都司路成海守備余茂森千
總陳文崑外委秦奎等祭葬世職領催蘇爾
精阿賞卹如例予解餉被難河南知縣武
世昌祭葬世職如陣亡例科爾沁貝勒桑
魯布都特賽等二人土默特扎薩克貝勒那
遜鄂勒哲依扎魯特貝勒諾爾布林沁喀喇
沁額駙吉蘭泰等二人於四知書屋瞻觀○

甲子諭內閣景瀄祿權奏總管子嗣呈懇分
襲世職請旨遵行一摺陣亡總管台斐音保
原襲之雲騎尉世職著伊長子春全承襲其
新得之騎都尉世職著伊三子春毓承襲○
諭軍機大臣等都興阿奏兼程北上一摺前
因夷人業已換約退兵當諭都興阿由壽州
一帶前赴江北本日據奏由臨淮改道兼程
北上等語想係尚未接奉前旨著都興阿於
接奉此旨後無論行抵何處即行折回迅赴

江北統籌全局力埽賊氛以慰朕望將此由
六百里諭令知之直隸總督恆福奏津郡
新設埠口通商請飭文謙籌辦得旨飭令文
謙赴津會同恆祺等辦理通商事宜吳廷棟
著回省督辦防務又奏勘辦古北口建牕築
壩各工批先行擇要興辦不准草率偷減並
將近口一帶山川形勢道路通透之處詳細
繪圖呈覽以湖南鎮筵鎮總兵官文安為
提督乙丑諭內閣僧格林沁等奏請留道
員辦理糧臺並將次報銷暫行緩辦等語現
命該大臣等統兵勦匪所有軍營糧臺即著
派天津道孫治辦理至該道前次所辦糧臺
業經報銷二次其第三次報銷自應隨時報
部方免輟轉著即飭令趕緊清釐以重帑項
又諭朕聞京師城內夜間明火劫案層見
疊出輦轂重地豈容匪徒肆行無忌著瑞常
文祥慶英嚴飭巡捕旗營各員弁認真捕拏
訊明後即行正法如該員弁再行玩泄即著

嚴叅懲辦並著順天府五城一體嚴拏務須
搜捕淨盡毋令宵小潛蹤以警匪類而安善
良○又諭前因近畿百姓猝遭兵燹深堪憫
惻業經諭令五城粥廠提早開放並嚴查匪
徒毋任涸跡茲據戶部奏請五城煮粥賑濟
一摺著即於十月初一日起至次年三月二
十日止按城設廠煮粥賑濟責成五城御史
認真辦理並著都察院堂官嚴密稽查務使
實惠均霑毋任吏胥中飽至明歲春間應否

展賑屆時由都察院堂官察看具奏以副朕
軫念窮黎至意○又諭前因劉崐等會議奉
天海口變通收稅章程當交戶部議奏茲據
該部奏稱酌擬加增稅額四條著照所請所
有奉天所產黃豆豆餅照例收稅此外包頭
油篋稅銀由行棧交該關各口稅書承收除
該關每年正額贏餘之外加銀八萬兩作為
贏餘解部即責成該監督於本年八月新關
期起按季解京如有虧短勒令照數賠補再

有多餘儘收儘報其船規一項原定稅銀太
輕著將各船隻照原徵銀數各加一倍以咸
豐八年報部稅數作為正額此外再加一倍
作為贏餘由各口岸造冊詳報盛京將軍等
彙總奏報除留支各項外其餘悉數解部如
有虧短著落經徵之旗民地方官賠補至各
項貨物經過內河各口岸定為每石徵銀四
分以咸豐八年歸公銀數作為正額再加一
倍作為贏餘此項銀兩以錢一串抵銀一兩

搭放盛京官兵俸餉如徵收不能足數亦著
落經徵之員賠補其內河漁字號小船著照
未逾式船使一體報店交納船規十七兩除
牛莊一口辦理商捐其餘各海口均著盛京
將軍飭旗民地方官查照辦理其大小牛船
亦照漁船一律加倍收稅並另委妥員常川
在彼實力稽察如有無票私船即行拏辦經
此次明定章程之後著該將軍等隨時認真
查察嚴拏偷漏並責成該監督及旗民地方

官務照新章如數徵收如有短絀即照關稅定例勒限追賠儻徵收足數外再有贏餘即行報部由部奏請獎敘如有額外私自加增擾及商民立即從嚴叅辦以副朕裕課恤商至意○諭軍機大臣等僧格林沁等奏請調官兵一摺僧格林沁等現在暫創中項一俟馬步各隊調齊著即馳赴河間相機勦辦所擬調撥之内外火器營勝保軍營等兵軍火等項並哲里木盟等處官兵均著照所議如數調派以厚兵力其昭烏達盟馬隊一千名僅存一百餘名不敷征剿該大臣等可即將此項餘存之兵飭回該盟以示體恤即由勝保軍營另撥兵千名補足此數毋庸再令該盟挑補耽延時日將此由六百里諭令知之○又諭富森奏請提師入都協勦一摺現在喀喇兩國業已換約退兵富森所請帶兵入都之處著毋庸前來惟當就現有兵力勤加訓練務使技藝嫻熟人盡于城以備他日調

遣將此由六百里諭令知之○又諭本日戶部奏請五城煮粥賑濟一摺據稱京師五城每年十月初一日起至次年三月二十日止按城設廠煮粥賑濟每城每日給十成稂米二石柴薪銀一兩等語京畿猝遭兵燹生民餬口維艱若照向章賑濟恐恩膏未能遍及貧民仍多枵腹之虞自應於每城每日例給米石外酌量添給以示體恤此項添給米石應於何款內動支開放並有若干可以添給之處著該部迅速查明具奏將此諭令知之○又諭本日據御史蔣超伯奏本年秋初江北高郵界馬棚灣決口潰溢至三四百丈之寬直注下河各邑秋禾不及收割通泰鹽場亦皆淹浸等語裏下河十二州縣為漕米鹽課關稅所從出若不堵築決口致該地方久被淹浸恐江北軍餉無從取給關繫非輕著王夢齡會同晏端書速籌修築或即勸諭紳耆民捐民辦以工代賑趁此冬令水淺之時

迅速興工俾財賦之區災黎不致失所毋得假手吏胥致滋弊竇將此由五百里諭令知之○命直隸布政使文謙籌餉二十萬兩解往欽差大臣僧格林沁軍營以江蘇鎮江需餉命河南山東山西各巡撫將部撥協餉埽數解往並命巡撫薛煥設法籌濟○署江甯將軍京口副都統巴棟阿因病賞假命江甯副都統魁玉暫署江甯將軍甘肅西甯鎮總兵官馮子材督辦鎮江軍務○以新授湖

南提督文安尚未服闋命改為署理○以湖南桂陽營參將胡裕發為鎮筵鎮總兵官○丙寅諭內閣本日兵部具題失察冒領錢糧之協尉遵旨嚴議一本解任協尉彭壽冒領錢糧係屬公罪惟於革役李富英挑充步甲明知更名復充容隱不舉與尋常失察案係公罪者有間該部從嚴議以革職留任之處是否確有辨過成案著即查明具奏尋奏並無辨過似此成案擬照臺灣換防兵丁換名

頂替該管官容隱不報例改為降二級調用從之○又諭巴棟阿奏查明金壇失陷情形一摺並請將帶勇各員分別免罪拏辦等語已革廣東高州鎮總兵蕭知音於營員馬得勝等暗與賊通未能先事覺察以致金壇縣城失陷實有應得之咎姑念其調防該縣嬰城固守已歷四月有餘衝鋒接仗身受重傷尚非有心貽誤蕭知音著免其治罪留於鎮江大營效力其餘帶勇各員都司葛春陽翟

先仲千總王得高劉太和把總馬天魁丁學紅縣丞謝炳南等均著免其治罪撤歸原營其通賊在逃之守備馬得勝外委王文榮均著即行革職嚴拏正法以昭炯戒○諭軍機大臣等恭親王奕訢等奏俄夷和約已換一摺此次恭親王等於本月初二日業將俄夷呈出條約畫押蓋印與之互換惟地圖一份係綏芬烏蘇里河分界之據因前定條約曾添入空曠之地遇有中國人住並漁獵之處

俄人均不得占之語。一經畫押。漫無限制。告以明春須派員互勘。未即畫押。自係為慎重界址起見。其餽送槍礮一節。未知是否真誠。以後再當相機辦理。此次俄夷所換條約十五款。除吉林黑龍江二處。已令軍機大臣鈔寄行知外。其餘各省。尚有應行行文知照之處。著恭親王等一體知照。以便屆時會同酌辦。至俄味兩國和約國書等件在海淀被夷兵搶掠。恐該兩國知業經失落。有所藉口。著飭令恆祺等設法向吧苜索取。務須令原本歸還。免致將來饒舌。將此由六百里密諭知之。○又諭。昨因僧格林沁等請調官兵當諭俟馬步各隊調齊。即馳赴河間勦辦。茲據恆福奏省南一帶土匪蠶起。安平縣有土匪三四百人由深州闖入該縣黃城村內焚搶。束鹿縣有土匪千餘名在該縣舊城村搶借。此外晉州藁城肅甯等處亦有匪徒竄擾。又滄州梟匪蕭麥秋鹽山縣梟匪李四鍋腰率眾

千餘人闖入靜海縣屬之北港各灘搶掠鹽場焚燒汛房。畿南河間一帶土匪尚未肅清。復有安平平等處匪徒滋擾。逼近省垣。若不及早殲除。必致釀成巨患。僧格林沁等現劄中頂著即調集各兵亟籌勦辦。如河間一帶尚不能立時肅事。即酌量分兵各路掩捕。務期盡數捕滅。勿任蔓延。以安良善而靖地方。將此由六百里諭令知之。○又諭。前經降旨諭令穆騰阿來京幫辦勝保軍務。茲據袁甲三穆騰阿奏該都統現已挑選馬隊官兵一百三十員。定於九月二十四日啟程。惟此時夷人業已就撫。京城安堵如常。皖捻勾結粵匪竄擾淮南一帶。勢復鴟張。穆騰阿著毋庸來京赴援。即行統帶馬隊官兵迅速折回袁甲三軍營。會同袁甲三鄭魁士勦辦粵捻各匪。以期力遏兇鋒。將此由六百里諭令知之。○以安徽軍營需餉。命山東河南江西各巡撫將部議撥款迅速解往。並撥江西新漕折色

十萬石。○戊辰諭內閣瑞常等奏飭查殉難紳民一摺。八月間淀園被擾。內務府員外郎泰清全家自焚。殊堪憫惻。所有泰清家十六口殉難情形。著內務府查明。分別奏請旌卹。其餘近畿一帶殉難紳民。著八旗都統。順天府直隸總督。迅速查明具奏。以彰節義。至各處遺骸。亦堪矜憫。並著順天府暨營城各地方官員。迅即掩埋。毋令日久暴露。○諭軍機大臣等。本日據僧格林沁奏山東擒匪鳴張。擬於畿輔一帶土匪。鮮有頭緒。後即行帶兵南下。現咨調勝保營陝甘官兵四千名助剿。一摺。復據勝保奏稱。該營所存兵勇統計不過八千餘人。無可分撥等語。現在山東濟甯泗水等處。雖經解圍。而大股擒匪七八萬分路四竄。兗沂曹濟泰各屬二十六州縣紛紛告警。覈計山東現有兵力。實屬不敷攻剿。且直隸河間一帶土匪。尚未肅清。復有安平匪徒滋擾。逼近省垣。此外晉州藁城肅甯滄州。

鹽山各處匪徒。遽起畿南一帶地方尤關緊要。自應先其所急。著勝保即將陝甘官兵四千名迅速撥赴僧格林沁瑞麟軍營。以資攻剿。毋稍延誤。將此由六百里各諭令知之。○又諭。前諭各省解京餉銀。行抵保定後。令解赴行在。復諭戶部將各省解京餉銀。飭令解赴直隸藩庫。聽候指撥。現在部庫需餉甚殷。所有以後解京各餉。仍著令各省委員赴戶部交納。毋庸解赴行在。亦毋庸存留直隸藩庫。將此由五百里諭知恆福。並傳諭文謙知之。○吏部尚書全慶等奏京察屆期繕錄條例。封送軍機處。得旨。本年京察有効無薦。覈實辦理。著通諭各部院衙門知之。○欽差大臣勝保奏。拏獲土匪。起出淀園物件。得旨。單開各件。交內務府查收。至昌平州收藏各件。已有旨派寶鋆等查辦矣。○緩徵山西薩拉齊太平二廳縣被水村莊額賦。有差並碾常平倉穀。撫恤貧民。已已。諭軍機大臣等。文

煜奏西路擒匪肅清現赴東路查探勦辦一摺。擒匪自濟甯州城解圍後。四路分竄。被兵勇追擊。各由荷澤等縣渡河。竄回老巢。曹單一帶已無賊蹤。文煜現駐泰安。已撥兵赴鄆。鉅一帶。按捕土匪。安撫居民。該撫擬即由泰安赴沂州。察探東路相機進剿等語。擒匪竄擾東省蔓延二十餘州縣。此等彼竄。飄忽靡常。並未大受懲創。西路既已肅清。其東路賊匪尚在沂州一帶肆擾。德楞額現帶團取道

實錄卷三三三

三

蘭邦屬之馬陵山。從旁抄襲。著文煜即帶所部兵勇與之會合夾攻。偏令回巢。其恆齡一軍雖令折回。並著文煜知照傅振邦揀派得力將弁會同該撫之兵迎頭截剿。總期一律肅清。勿令擾及完善。將此由六百里諭令知之。以當差勤奮賞內務府郎中兼佐領官銘郎中護軍參領銜毓泰二品頂帶餘獎敘有差。予山東鄆城壽張等處陣亡訓導張書紳都司馬風雲千總郭殿英祭葬世職。

予安徽陣亡守備陳高陞外委周太和千總朱豐培祭葬世職。○庚午浙江巡撫王有齡奏湖南試用知府劉汝璆請暫留差遣得旨著照所請軍務稍平即給咨赴部不准奏留暨保免試用。○以浙江嚴州府城被賊竄陷革知縣李長齡職。予陣亡副將封九貴祭葬世職。

實錄卷三三三

三

大清文宗協天翊運執中垂謨懋德振武聖孝淵恭端仁寬敏顯皇帝實錄卷之三百三十二

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之三百三十三

光緒二十三年八月二十二日奉旨著交吏部知道欽此

大學士管理戶部事務加三級奉旨著交吏部知道欽此

大學士管理刑部事務加三級奉旨著交吏部知道欽此

大學士管理工部事務加三級奉旨著交吏部知道欽此

大學士管理禮部事務加三級奉旨著交吏部知道欽此

教修

咸豐十年庚申十月辛未諭內閣劉長佑奏

越南國入貢屆期察看道路情形請旨遵行
一摺現在廣西南太得梧等府軍務未竣道
路尚多梗阻所有越南國丁已辛酉兩屆例
貢著暫行展緩俟該省軍務平靖後再由該
撫具奏又諭前諭直隸等省辦理團練均
已次第舉行茲據侍郎梁瀚奏甘肅地方緊
要請飭一律辦團並酌保官紳開單呈覽一
摺甘肅壤控西陲地方遼闊且與陝西四川
毗連現在四川滇匪未靖自應一律舉辦團

練以靖邊陲所有甘肅省團練事宜即著陝
甘總督樂斌督辦並著甘涼道蕭浚蘭丁憂
刑部員外郎吳可讀江西候補道楊昇幫辦
團練又諭喬松年奏請將江北新設釐局
改歸江南徵收一摺江北糧臺新設八里鋪
釐局著歸江南糧臺接管徵收所有吳全美
李德麟師船餉需即由江南糧臺放給○又
諭薛煥奏克復縣城等語賊匪竄踞江陰縣
城經靖江縣知縣齊在鎔署通州知州張富

年並都司龔致福等統帶艇師及兵勇民團
將內河賊匪木簰礮船轟毀並將城外礮臺
奪獲九月初四日兵勇抄入東門將城中逆
匪擒斬淨盡立將縣城克復所有在事出力
人員著准其擇尤保奏以示鼓勵○諭軍機
大臣等本日據恭親王奕訢等奏接見夷酋
各情形一摺俄酋所稱伊國欲送中國槍礮
一節前已由理藩院行文令其由陸路運至
庫倫此次欲派該國官數員帶匠役來中國

教導在西北兩路距京較遠地方請中國派員帶同兵丁數名前往學習製造演放諸法奕訢等恐夷言未必確實請旨遵行等語該夷既有此意自係有心見好未便遽行阻絕著奕訢等一面行文知照俄酋令其將槍礮送至恰克圖地方即由內地派弁兵運回京師省其自備經費以示和好之意一面於京營內遴選熟悉槍礮兵丁並奏派大員帶往恰克圖即於該處認真學習演放各法輪番

更替以期技藝純熟如此辦理庶於羈縻之中仍寓防閑之意將此由六百里密諭知之○又諭本年秋閒喀喇爾兩國帶兵撲犯都城業經換約退兵俄羅斯使臣伊格那提業幅亦即隨後換約該酋見恭親王奕訢等面稱髮逆在江南等處橫行請令中國官軍於陸路統重兵進剿該國撥兵三四百名在水路會擊必可得手又稱明年南漕運京恐沿途或有阻礙伊在上海時有咪國商人及中國

粵商情願領價採辦臺米洋米運津如今伊寄信上海領事官將來夷船沙船均可裝載用俄咪旗幟即保無虞等語中國剿賊運漕斷無專借資外國之理惟思江浙地方糜爛兵力不敷勦辦如借俄兵之力幫同辦理逆賊若能早平我之元氣亦可漸復但恐該國所貪在利藉口協同勦賊或格外再有要求不可不思患豫防○喀喇爾在京時亦有此請著曾國藩等公同悉心體察如利多害少尚

可為救急之方即行迅速奏明候旨定奪至代運南漕一節江浙地方淪陷明歲能否辦理新漕尚無定議然漕糧為天庾正供自不可缺該酋所稱採辦運津之說是否可行應如何妥議章程辦理之處併著曾國藩薛煥王有齡酌量情形迅速具奏將此由六百里各密諭知之○添派刑部尚書署步軍統領瑞常留京辦事與大學士桂良均免值宿○以正白旗滿洲副都統文盛署正白旗護軍

統領○以催科勤奮予河南知縣趙集成等
加銜補用有差予江蘇金壇殉難同知吳
德昭馮繼蕃遊擊蘇坤都司汪文清守備曹
錦榮等二十九人祭葬世職副貢生莊振岡
等三十二名口旌卹如例○壬申諭內閣德
楞額等奏迎勦擒匪偪入江南仍督隊追襲
一摺本月初二日擒匪由馬陵山竄撲郊城
縣境經德楞額等督同兵勇奮力迎勦斃賊
百餘名生擒三名其北來一股復由港口渡

河抄襲官軍後路適都統穆騰阿帶兵北來
乘勢夾攻官軍勇氣倍加復斃賊數百名生
擒七十餘名旋因天晚撤回城下該逆乘夜
來撲復被礮轟斃多名遂由港口渡河西竄
官軍追入江南邳州境內沿河追擊疊有斬
擒勦辦尚屬認真著卽會同傅振邦所派兵
勇前後夾擊悉數殲除毋任遠颺致留餘孽
○辦理江南糧臺江蘇記名道江清驥奏糧
臺事件可否自行陳奏得旨凡關涉糧臺事

務著照前案由汝具奏○以山東追勦擒匪
出力賞知縣周鵬花翎千總張永慶以守備
升補○癸酉諭軍機大臣等本日據恭親王
奕訢等奏遵旨會同密商西巡事宜並開列
條款呈覽西巡事關重大必須慎重圖維以
期悉臻妥善現在不過先事豫籌須俟明年
二三月間察看夷人如何舉動再行酌量辦
理將此由六百里密諭知之○又諭本日據
樂斌奏酌帶官兵赴京並英桂請赴行在陛

見各一摺現在夷氛已退樂斌著帶兵折回
甘省英桂亦毋庸馳赴行在陛見卽回山西
辦理勸捐籌餉及地方各事宜本日復據恭
親王奕訢等會同密商西巡事宜並酌議條
款開單呈覽京師為根本重地自不便輕議
遷移卽巡幸之舉亦必須籌畫萬全方為妥
善夷人現雖盡退明歲尚來駐京能否相安
實難豫定自宜豫擇一巡幸之地以期有備
無患陝西古稱天府雄據上游與中原聲息

相通人心繫屬轉餉亦易誠為便宜將來驛路經行由山西太原平陽等處折入潼關尚屬可行惟事屬創始所有沿途行宮尖宿處所及慎設防守籌畫經費各事宜必須先為籌議周妥始可舉行英桂係會同密議之員著卽將酌議條款鈔錄知照樂斌譚廷襄卽與該督等密為函商妥議章程具奏其中有無窒礙之處著一併詳細數陳毋稍遷就將此由六百里各密諭知之○又諭慶端奏賊

蹤闖入瀋安浙東軍情緊急請飭毓科抽調林福祥所部各軍馳赴三衢堵剿等語現在浙江嚴州府城已被逆匪攻陷情形危迫待援孔殷閩省援浙兵勇已先後派往一萬餘名勢難再行續調升任福建臬司林福祥現在江西帶兵所部定武軍及親兵營素稱得力著毓科迅飭林福祥於所部兵勇內抽調二三千名派得力員弁管帶星馳赴浙援剿應用糧餉軍火並著該撫迅速籌備固三衢

之門戶卽以保豫章之藩籬務期不分畛域趕緊籌辦毋得遷延推諉致誤事機將此由六百里諭令知之○暫革都察院左副都御史張黃奏請應否來京或回籍守制得旨著卽行回籍補行守制汝年尚壯將來報效為日正長朕自中秋抵承德後身體安健特諭汝知○予貴州廣順州殉難在籍翰林院檢討但鍾良知縣但蔭良祭葬世職並其親屬家丁三十三名口旌卹如例○甲戌諭內閣

恆福奏請將打用過站車輛之署知縣摘頂撤任一摺直隸署定興縣知縣錢瑩於兵差過境時率將清苑安肅二縣車輛扣留打用過站實屬任意取巧錢瑩著摘去頂帶撤任留於定興地方幫同接署之員辦理後起兵差以觀後效如再不知愧奮卽行從嚴叅辦○又諭綿勳等奏帶兵侍衛逃避請分別治罪一摺八月間官軍駐劄廣渠門外領隊侍衛伯爵崇岳案隊逃走侍衛福成因病請假

久未回營。實屬逃避取巧。崇岳福成均著卽行革職。交部分別治罪。以肅戎政。○諭軍機大臣等。倭仁等奏。請將通商條約先行封寄等語。前據恭親王奕訢等奏。嘆唏兩國條約。交夷酋帶往各省。茲據倭仁等奏。稱夷人刊刻條約。自行宣布。恐真偽莫辨。轉多藉口。奉天海口新設埠口。尤關緊要。所有嘆唏等國。八年及本年所議條約。著奕訢鈔錄一分。先行密封寄交倭仁等。斟酌辦理。其餘閩浙兩

廣。山東江蘇。浙江等省。均著一體鈔寄。以免歧誤。將此密諭知之。○以河南光州勦擒出力。賞在籍翰林院庶吉士吳元炳。花翎知府用知州祝壇。道銜。○改鑄浙江鹽運司經歷印信。從巡撫王有齡請也。乙亥諭內閣。內務府奏。遵旨查明前任總管內務府大臣文豐子孫具奏一摺。文豐之子。造辦處郎中兼驍騎參領廣毓。茶庫員外郎廣麟。慎刑司郎中兼驍騎參領廣順。均著俟百日孝滿後。由

該旗帶領引見。伊孫候補員外郎福恩。候補主事福榮。福山。官學生福瑞。均著俟服滿後。帶領引見。其年未及歲者。俟及歲後再行帶領。以示朕篤念蓋臣至意。○諭軍機大臣等。德楞額奏。擊退圍攻重豐賊匪。現催援軍。併力夾擊一摺。擒逆圍攻重豐民圩。經德楞額等督兵追勦。立將該逆壓退。惟追躡失利。色爾固善受傷。賊衆兵單。未能得手。大股賊匪。尚在邳州一帶。恐其渡河紛擾。冀圖北犯。著

文煜卽飭各路官軍。自滕縣迎擊。並飭富新移營前進。會同郝上庠督帶民團合力兜擊。德楞額亦當激勵士卒。會合夾攻。並飭沿途州縣統帶民團。併力抄截。毋令北竄。將此由六百里各諭令知之。又諭前因都興阿奏。由臨淮改道兼程北上。當諭令卽行折回。迅赴江北會勦。本日據德楞額奏。都興阿已由紅花埠馳抵邳城。會同將圍攻重豐逆匪擊退。復業已督兵北上等語。自係尚未接奉疊

次寄諭現在京師撫局已定夷兵撤回都興
阿著仍遵前旨無論行抵何處卽行折回江
北督辦防剿以靖逆氛將此由六百里諭令
知之○又諭本日據慶廉奏請添調馬步官
兵並滙陳兵餉支絀情形各摺片皖捻句連
粵逆馳騁豫境自歸陳以達光汝慘遭荼毒
祇以限於兵力未能出境窮追該撫通籌大
局請調吉林黑龍江馬隊三千名陝甘官兵
三千名自係為力埽賊氛起見惟前調吉林

黑龍江馬隊及陝甘官兵現因畿南一帶土
匪竄起已諭令勝保撥歸僧格林沁瑞麟軍
營以資攻剿其陝甘本省官兵所存無幾難
以續調且增兵必須增餉現在餉源支絀該
撫惟當就現有兵力簡練精銳督飭在事將
弁肅清豫境俟僧格林沁等由直隸山東漸
及河南卽可會合豫軍直搗賊巢併力埽蕩
另片奏兵餉支絀各情現在兵勇既不加增
餉糈可從節省且毛昶熙所辦團練均係民

捐民辦無須另募勇丁致多糜費著慶廉飭
令該藩司仍按從前月餉數目源源籌撥並
嚴督經管糧臺之員覈實支放毋許稍有冒
濫以節浮靡將此由六百里諭令知之○又
諭前據戶部奏庫款支絀兵餉不敷散放請
暫行借撥銀兩當經諭令由宗人府存儲銀
兩內酌借散放俟各省餉項續解到部時卽
行歸款茲據全慶等奏稱宗人府庫存吉地
餉銀共計五十八萬四千兩除恭親王奕訢

遵旨提撥銀四十萬兩外僅存銀十八萬兩
戶部現擬酌借銀十八萬兩未便儘數撥借
請將陝西解到暫存戶部吉地餉銀七萬四
千兩就近撥借該部等語宗人府現在吉地
工程銀兩為數已屬無多轉瞬來歲春融應
行興修工項亦須先為籌備自未便將庫存
銀兩儘數撥借著將陝西解到暫存戶部吉
地餉銀七萬四千兩就近撥借該部以充兵
餉所餘銀兩仍存宗人府庫以備明春興修

之用。其先後撥借宗人府庫銀四十七萬四千兩。著戶部於各省餉銀解到時陸續歸款。並著戶部將各省應解各款嚴行咨催。剋期解京。以期毋誤要需。將此各諭令知之。○予淀園殉難員外郎秦清六品苑丞秦衷祭葬世職。其親屬家丁十三名。旌卹如例。○丙子。

上詣

安遠廟。

普樂寺拈香。○諭內閣。巴棟阿奏請將江北捐款分濟鎮防兵餉一摺。所有江北糧臺籌辦畝捐房捐除揚屬八州縣仍歸江北糧臺籌辦外。其常鎮通海道所轄之通海五廳州縣著准其撥歸鎮防以濟餉需。即著巴棟阿飭令鎮江府知府師榮光認真督辦。其江北糧臺及總辦揚通畝捐之候選道吳文錫即毋庸會辦。以專責成。○又諭御史寶麟等奏參各衙門送刷文卷逾限開單呈覽並請核

對展限一摺。部院大小各衙門錢糧文卷例應於八月初旬送河南道覈對刷卷。本年逾限未送者甚多。除順天府業經聲明展限毋庸議處外。其餘逾限各衙門著該部院按單內所開查取職名照例議處。仍著各該衙門飭令各該處將彙卷檢齊移送該道覈對。毋再遲延。至此項文卷紛繁必須詳加磨對。著准展至明年三月內繕寫黃冊呈覽。○諭軍機大臣等。前因僧格林沁等軍營需餉傳諭

文謙迅籌銀二十萬兩分起解往以資接濟。茲據奏稱庫項竭蹶擬俟各屬錢糧收庫後先撥給僧格林沁軍營三萬兩其勝保營內所有天津等處官兵擬酌撥銀一萬五千兩並稱用多入少不能不量入為出擬此後每月酌撥僧格林沁軍營月餉銀二萬五千兩勝保軍營月餉銀一萬五千兩按期解往其餘仍應由各該糧臺另行籌議各等語直隸藩庫支絀係屬實在情形惟據該藩司所擬

各營月撥之款。是否足敷支放。著僧格林沁、瑞麟、勝保詳細覈實查明具奏。如為數不敷。應如何另行籌議之處。卽著該大臣等迅速籌畫。以足兵食。將此由六百里各諭令知之。○福建陸路提督李若珠奏。龍袍洲賊匪分竄瓜揚。兜勦獲勝得旨。此次獲勝。自係賊壘尚未堅定。若再有大舉。必以全力撲犯。著嚴督勦辦。勿令下竄一步。○署湖南巡撫瞿誥奏。遵解京餉五萬兩。得旨。著懷遵前旨。速行

另籌十數萬兩。以濟急需。並漕折未解一半。一並迅解。○以江蘇青浦縣勦賊出力。賞還總兵官曾東忠頂帶。復副將向奎職。○丁丑諭內閣。翁同書奏。遊擊之母訓子有方。懇恩獎勵等語。副將銜候補遊擊孫之友之母孫劉氏。先命其子率衆投誠。嗣因逆犯亳州。復令登陴固守。克保危城。該氏年逾七十。深明大義。實屬可嘉。孫劉氏著加恩准照其子副將升銜。給予二品封典。以為母訓克端者勸。

○諭軍機大臣等。本日據僧格林沁等奏。查辦直隸土匪情形。並擬移兵東省。勦辦擒匪各摺片。僧格林沁等自行抵河間後。經各地方鄉團。會同兵役陸續緝獲土匪。分別正法。各匪以次解散。該大臣擬卽督帶馬步各隊。取道東昌。以次南下。勦辦擒匪。瑞麟暫駐河間。等候後起兵丁。其衡水、靜海等處。已札飭冷慶許、誦恆等帶兵梭巡彈壓。並令各州縣查明出力鄉團鼓勵。所籌均尚周妥。卽著照

所擬辦理。山東擒匪曹州一帶。已報肅清。尚有大股擒匪。擾及嶧境。德楞額所帶兵勇失利。已諭文煜會合該副都統迎前截擊。杜其北犯。該匪飄忽無常。避實乘虛。是其慣技。此次深入東境。蹂躪二十九州縣。並未大受懲創。該大臣行抵東豫後。必須會合兩省兵力。進搗匪巢。以期一鼓蕩平。是為至要。將此由六百里各諭令知之。○又諭前據僧格林沁等奏。不日帶兵南下。請調勝保營陝甘官兵。

四千名復據勝保奏稱兵力無可分撥當經諭令勝保將此項官兵迅速撥赴僧格林沁等軍營矣本日據僧格林沁等奏直隸土匪漸次解散擬即由河間取道東昌勦辦擒匪俟續調陝甘官兵到齊即行前進並稱勝保擬勻撥川楚勇各二千名恐難得力各等語僧格林沁移兵東省勦辦擒匪亟應厚集兵力以壯聲威此項官兵若留於勝保軍營徒事防守未免可惜著勝保仍遵前旨將前項

陝甘官兵四千名迅速撥赴僧格林沁軍營以資攻勦而利進行毋得延誤該大臣所調河南川楚各勇三千名並著酌量撤回原省以節糜費將此由六百里諭令知之○又諭僧格林沁等奏請裁減兵額等語據稱本年天津海口一帶接仗察哈爾官兵首先潰敗實屬不堪調用而該處兵額最多若不量予裁減必致虛糜糧餉所籌自係為節省經費起見著慶昫查明該處兵額共若干名其分

撥各台者若干游牧者若干汰除老弱簡擇精壯尚可練習者若干應如何酌量分別裁減之處即著妥議具奏將此諭令知之○又諭現在各省文報遞至良鄉縣後轉遞京城再由兵部遞交順義縣接遞行在未免耽延時日著恆福即飭良鄉縣於接到文報時徑遞順義縣接遞毋庸由京轉遞如該二縣相距程途稍遠即於中途添設腰撥以免稽遲將此諭令知之○又諭察杭阿奏據住京俄

羅斯達喇嘛固里報稱俄羅斯北館後牆有空地一段官房七間求為查驗給予圍進館內建蓋房間當經該衙門查明該處官街空地內有官房七間俱損壞坍塌可否給予俄羅斯北館圍進之處據情請旨等語此項地段既係官街空地基址亦不甚大官房七間亦經坍塌即著給與該館准其建蓋房屋惟不得於原指丈尺之外再行侵越將此諭令知之○又諭僧格林沁等奏請飭豫東辦理

糧臺等語。前命僧格林沁、瑞麟帶兵勦辦匪徒。現在河間土匪業已解散。不日由直啟程前往山東。如該省地方肅清。即赴河南勦辦擒匪。所帶兵勇萬餘名。亟應寬為籌備餉糈。以資支應。著文煜、慶廉按照該大臣等咨撥之數。迅即籌解。並各揀派司道大員辦理。該大臣等糧臺事務。毋令匱乏。將此由六百里諭令知之。又諭戶部奏各省欠解京餉過多。請飭催籌撥開單呈覽一摺。各直省奉撥

京餉。欠解過多。現在部庫支絀。冬季支放各款。為數甚鉅。若再遲延拖欠。致誤大局。關係非輕。據該部單開本年京餉。截至九月止。山西欠解地丁銀一百萬兩。山東欠解地丁銀五十萬兩。鹽課銀十八萬兩。河南欠解地丁銀六十五萬兩。陝西欠解地丁銀十三萬六千兩。零四川欠解銀二十九萬兩。浙江鹽課銀三十萬兩。江海關稅銀六十萬兩。均未據報解。又積欠陳餉。應分年帶解項下。山東欠

銀十二萬餘兩。河南欠銀二十萬餘兩。浙江欠銀十二萬餘兩。又奏撥各省洋藥稅釐。閩海關已報啟程銀五萬兩。山海關未解銀四萬八千兩。河南省未解銀四萬五千兩。其天津關之五萬兩。臨清關之五千兩。江海關之二十萬兩。夔關、山東省、四川省、山西省之各十萬兩。陝西省之八萬兩。揚州關、淮安關、浙墅關、北新關之各一萬兩。均未據解到。當此需用緊急之時。豈容任意延宕。著恆福、文煜、

常績、慶廉、譚廷襄、王有齡、慶端、瑞璜、曾國藩、薛煥、崇實、文謙、寬惠、毓清各將應解欠款。迅速籌撥。務於開印前埽數解京。毋得遷延。致干重咎。此外各關監督。並著該督撫等一體嚴催趕緊報解。另片奏另撥附近省分銀兩。尚未報解等語。前經該部咨撥山西省銀三十萬兩。山東、河南各十五萬兩。此係賠償兵費銀兩。已由內庫借動。尤應迅速批解歸還原款。並著常績、文煜、慶廉無論何款。即行撥

解母再延誤將此由六百里諭知恆福等並傳諭文謙等知之○浙江巡撫王有齡奏請留何桂清會辦浙防得旨所請斷不准行○以河南歸德府等處防勦出力賞工部員外郎梁燦州判銜謝維軒花翎巡檢汪英福等藍翎餘加銜升敘復官有差○命湖南在籍前任陝甘總督易棠內閣學士周玉麒翰林院侍讀學士丁善慶幫辦團練○予安徽廬江縣等處陣亡文生鮑雲鵬賞卹加等並建專祠殉難縣丞裴克端夏光前程銑及其子外委程元勛府經歷余樞六品藍翎周恩從九品凌焜祭葬世職文生李位卿等二十九名口旌卹如例予安徽廣德州陣亡州判陳建章學正趙對激訓導宋載陽守備郭世升千總汪驥把總鄂奏功外委王茂榮等祭葬世職歲貢生湯培庚等旌卹如例○予浙江杭州等處殉難參將銜胡應元遊擊楊家正都司楊光富梁鎮邦守備唐玉喬縣丞馮譽

驊從九品范鳴球典史董光照千總李玉華把總伍逢雲外委朱灃等祭葬世職紳民婦女文生湛榕等一千四百十二名口旌卹如例○予江蘇傷亡副將余兆青祭葬世職○戊寅諭軍機大臣等王夢齡奏請將應行封儲款項先行提撥等語部撥粵海關徵存稅銀二十萬兩係應交王夢齡另款封儲之項既據該署漕督奏江南糧臺解撥寥寥大江水師及鎮營兵勇無款可籌著准其於粵海關餉二十萬兩內先提銀十萬兩撥交江南糧臺支應水陸各餉仍責成辦理糧臺各員覈實造報以重帑項將此由六百里諭令知之○又諭前因德楞額奏擒逆在邳州一帶搶渡運河擾及嶧境當經諭令文煜督飭各軍由滕縣會合德楞額之軍併力夾擊本日據文煜奏稱擒匪現由江南贛榆縣之青口折回仍在蘭邳嶧邳交界屯聚並據探聞該匪南撲邳州之窩灣以江南團練堵禦未能

過河折赴臺莊迤東三里之黃林莊頭起已過運河因上流水發餘匪尚在邳嶧一帶游奕等語。匪蹤飄忽無常。此拏彼竄。是其慣技。亟宜痛加勦洗。以期盡殲醜類。文煜現已行抵沂州。著卽督飭各路兵勇。會合德楞額之兵。認真勦擊邳嶧一帶游匪。悉數殲除。並著王夢齡飭令派出各員弁。迎頭堵剿。毋任滋蔓。將此由六百里各諭令知之。○署漕運總督王夢齡奏現飭已革監掣同知許惇詩捐

備棉衣濟軍。於捐項內扣抵得旨。該革員捐備棉衣。不准在捐項內扣除。將來銀兩交清。另將棉衣數價酌給獎欽。○以奏報不實。甯古塔副都統德楞額下部議處。仍督辦山東勦匪事宜。○己卯諭內閣。戶部奏請將添設看倉兵丁裁撤一摺。京師各倉額設防兵。原為嚴防宵小起見。著倉場侍郎成琦。廉兆綸。嚴飭各倉巡守之員弁兵丁。實力防護。並著該侍郎等。隨時密行稽查。儻有曠誤疏失。卽

著嚴叅懲辦。所有前次奏明添設官兵四百名。卽行裁撤。以節糜費。○賞還前任倉場侍郎崇綸家產。○庚辰諭內閣。袁甲三奏。訊明奉調員弁。延不就道。各緣由。分別定擬一摺。前因傅振邦奏吉林四起馬隊官兵。由徐州調赴臨淮。延不就道。當經降旨。將帶隊之協領穆克德布等。分別議處革職。交袁甲三嚴行審訊。茲據該大臣奏稱。審明協領穆克德布。奉調臨淮。隨卽帶隊赴徐州。稟請籌撥欠

餉。一面督催啟程。尚無不合。其稟揭參領佟陞等。赴寓詳辯。藉示懲儆。亦非妄揭屬員。餉銀均經分給。實無剋扣情弊。該協領打仗。尚稱奮勇。著准其開復降調處分。仍留軍營帶隊。以資攻勦。五品頂翎儘先驍騎校全林。六品頂翎前鋒依常保。不能約束兵丁。商同佟陞等。赴穆克德布寓所剖辯。並與佟陞等稟許穆克德布。以掩其遲延之咎。實屬藉詞遮飾。庸懦無能。全林。依常保。均著卽行革職。與

已革之委參領佟陞。劉泰署參領德祥。一併勒令回旗。以肅營伍。○又諭。前因慶廉奏參藩司賈臻。膜視軍餉。當經諭令慶廉嚴飭該司迅籌報解。儻敢仍前玩愒。卽著嚴參懲辦。茲據賈臻奏參慶廉貪婪欺罔。舉止乖謬。各情。慶廉賈臻。以撫藩大員。互相參奏。必應嚴切根究。以肅官箴。慶廉賈臻。均著卽行撤任。交新任河南巡撫嚴樹森秉公查辦。毋許瞻徇。○諭軍機大臣等。前據恭親王奕訢等奏。

俄味等國。八年間所換和約各件。並味國國書。因啖啡兩國滋擾。淀圍均已遺失。當經諭令恭親王等。飭恆祺等。在津向各國詢明取回。茲據奏稱。恆祺已向該酋再三盤詰。聲稱當時拋棄焚燒。事所難定。並據俄酋伊格那提業幅。面告奕訢云。條約已經刊布。別無他用。無需尋覓各等語。因思味國遠在上海。尚未知悉。著薛煥卽行知照味酋。告以該國國書。及原本條約。稅則存在。海被啖啡等國。

滋擾時。業已遺失。尋覓無蹤。現在條約刊本。業經通行各省。將來遇有兩國交涉事件。均可照此為憑。其原本有無。無足重輕。如此豫為說明。免致將來饒舌。將此由六百里密諭知之。○又諭文煜奏。擒匪被擊。竄回老巢。東境肅清。擬回省辦理夷務一摺。此次逆捻出巢。由東省魚臺金鄉渡河。經各州縣圍剿。會合官軍。極力堵禦。將該逆擊竄回巢。東境一律肅清。文煜著卽回省。仍著分派員弁。挖捕

土匪。並安撫難民。無令失所。現在啖啡各國條約。業已通行各省。俟該夷酋行抵登州。卽著文煜前往海口。悉心籌辦通商事宜。以期永遠相安。此次擒匪竄入東境。係由魚臺金鄉一帶。該處係何員帶兵駐劄。防堵不力。有應得之咎。著文煜查明。奏。本日據袁甲三奏。總兵張得勝帶勇北上。截留山東。應否飭令回營等語。現在撫局已成。張得勝所帶兵丁。毋須北上。袁甲三軍營正當攻勦喫緊之

時文煜卽飭該總兵回營助勦將此由六百里諭令知之○又諭前因江陰縣城克復宜有重兵守禦諭令巴棟阿於鎮江大營內抽撥一軍迅赴江陰屯守茲據巴棟阿奏稱原擬抽調兵勇三千名前往江陰駐劄旋因大股逆黨自句容等處竄至湯岡築壘侵犯鎮城現將分派江陰之軍撤下一千五百名留備防守以一千五百名飭副將富陞管帶前赴江陰一面咨行李若珠於江北軍營撥兵一千五百名同赴江陰駐劄等語鎮江附近一帶逆黨麇聚該處防務緊要勢難多撥兵勇分駐江陰著李若珠於江北大營內迅撥精兵一千五百名派委得力鎮將帶赴江陰會同鎮江所派兵勇駐劄該城嚴密防守毋得遲延推諉致誤事機將此由六百里諭令知之○又諭恭親王奕訢等奏英法欲於長江通商業經給予照覆允准一摺長江通商一節八年原定和約內載明除鎮江一年後

立口通商外其餘自漢口溯流至海各地選擇不逾三口准為夷船出進貨物通商之區今該國以撫局已成欲先赴漢口九江兩處開商應納稅餉或在上海鎮江各關按照新章交納並據該酋照會內稱先向海關報明護船兵器火藥鉛彈等物請給照單該關口查明所報軍器數目如在情理之中卽註明給發僅有額外軍器或並無照單私行售賣者卽將該船所載貨物全行入官並驅逐該船出口不准在江面貿易各等語該夷此次嚴定章程無非慮中國防其勾結賊匪售賣軍火等物有意存見好之心業經恭親王等允其咨照湖北江西督撫矣惟漢口九江兩處係屬通商創始所有一切章程必須按照條約與之妥為商定毋令別生枝節以期永遠相安其進口出口應納稅餉恭親王已令其與上海關公同商酌亦須明定章程免致稅課虧短至該洋船所帶兵器火藥等已據

該箇聲明在海關呈報均須嚴密稽查照章辦理其經行江面地方所有防守弁兵俱應飭令一體知悉毋得滋生疑慮以致別啟釁端著官文胡林翼薛煥毓科巴棟阿李若珠等悉心妥辦總期杜漸防微而又不致有傷和好方為至要將此由六百里各密諭知之○欽差大臣兩江總督曾國藩奏截留江北餉二萬兩得旨依議辦理惟明春汝帶兵前往淮揚尚須臨時斟酌○命都察院左副都

李奏事官

三

御史銜順天府府丞毛昶熙督辦河南勦匪事宜○以湖北布政使嚴樹森為河南巡撫未到任前以河東河道總督黃贊湯暫行兼署湖北按察使唐訓方為布政使廣東鹽運使裕麟為湖北按察使河南按察使邊浴禮為布政使南汝光道鄭元善為按察使○以私自離營革安徽守備滕加受職

大清文宗協天翊運執中垂謨懋德振武聖孝淵恭端仁寬敏顯皇帝實錄卷之三百三十三

實錄卷之三

三

大清文宗協天翊運執中垂謨懋德振武聖孝
淵恭瑞仁寬敏顯皇帝實錄卷之三百三十四

茲修纂實錄日滿起唐法太子太保上書禮部傳文淵閣閣事翰林院掌院學士徐德裕奏 諭事件處閣之修纂實錄
大學士管理兵部事務加十三級紀錄十四次實錄纂本機載官增補漢官太子太保文淵閣閣事翰林院掌院學士徐德裕奏
大學士管理戶部三庫事務管理刑部事務加二十三級紀錄十六次實錄纂本機載官增補漢官太子少保管理內務府事務劉長
還藍旗滿洲都統戶部尚書管理三庫事務加四級紀錄十二次實錄纂本機載官增補漢官太子少保管理內務府事務劉長
還國史館纂修正監諸書各部修纂官管理文書海蘭察事務加二級紀錄十四次實錄纂本機載官增補漢官太子少保管理內務府事務劉長

敘修

咸豐十年庚申十月辛巳諭內閣都興阿奏

請派員差遣等語三等侍衛色楞額著發往
江北軍營交都興阿差遣委用 諭軍機大
臣等瑞昌王有齡奏續陳近日軍情請將江
西援浙兵勇暫留堵剿並請將劉于濤所部
兵勇暫緩遣散一招前因毓科奏江省上下
游同時告警請將援浙各軍調回堵剿業經
諭令瑞昌等飭令道員彭斯舉等各率所部
兼程回江援剿茲據瑞昌等奏稱粵逆現由
淳安一帶擾及威坪回竄蜀口徽州北路之

賊亦竄至杞梓里三陽坑等處昌化衢州一
帶防務空虛張玉良已統率所部進剿嚴郡
彭斯舉等分駐海甯海鹽等處防堵嘉興南
竄賊匪未便撤動請將彭斯舉劉芳貴劉長
培等軍暫行留浙並請飭會國藩毓科將劉
于濤陸軍暫緩遣散等語浙省此時賊氛甚
熾防剿在在需兵江西林福祥劉于濤各軍
尚稱得力左宗棠新募勇丁現駐平樂亦足
為該省聲援所有彭斯舉等援浙兵勇著毓
科暫緩調回如果江西防務需用甚殷即著
咨商瑞昌王有齡等調回一半以資防堵其
劉于濤所部陸軍即著會國藩毓科暫緩遣
散以厚兵力將此由六百里各諭令知之○
命荊州將軍都興阿督辦江北軍務福建陸
路提督李若珠幫辦 壬午諭內閣前因色
克通額於該管甲首送給茶箱雖經給價償
還究屬未能拒絕並收受所部賀禮先後降
旨交部議處經該部分別議以降調革職庫

倫辦事大臣正藍旗蒙古副都統色克通額
著暫停開缺。加恩改為革職留任。諭軍機
大臣等。前據文謙奏。每月酌撥僧格林沁軍
營月餉銀二萬五千兩。當經諭令僧格林沁
等。查明該藩司所擬月撥之款。是否足數。支
放。本日據僧格林沁等奏。現在需餉。每月總
在六萬之數。抵豫東後。尚須添兵以馬步官
兵二萬名。覈計每月需銀十萬兩。文謙擬撥
月餉二萬五千兩。僅敷數日之用。而山西自
春夏之間。每月撥解銀二萬兩。數月以來。未
據報解。請飭各該省寬為籌備。並按月解交
等語。僧格林沁等統兵南下。需餉甚急。亟應
迅籌接濟。以期士飽馬騰。著黃贊湯、文煜、文
謙。於各該省寬為籌備。源源接濟。每月總須
湊成十萬之數。其山西省月撥之二萬兩。並
著英桂撥解。毋稍稽延。至僧格林沁馬步官
兵業經分起前進。文謙解到之銀二萬兩。支
放已竣。並著文謙查明庫存部餉。未解京者。

尚有若干酌量提解。僧格林沁軍營以濟要
需。嗣後各省解京餉銀。並著飭令源源解部。
勿稍遲緩。將此由六百里諭知黃贊湯、文煜。
英桂。並傳諭文謙知之。以援皖楚軍需。餉
命山西陝西四川山東廣東各督撫。將月濟
餉銀迅速籌撥。○癸未諭內閣。成琦廉兆綸
奏。花戶在逃。請將該管監督分別懲辦。一摺。
前因豐益倉糧石被劫。當經降旨。將監督榮
林等議處。並將該倉花戶交部嚴審。茲據成
琦等奏稱。該監督等漫不經心。致花戶朱斌
等四名先後逃脫。似此顛頑成性。實出情理
之外。且難保無知情。故縱情弊。榮林著即行
革職。交刑部嚴訊。署監督劉清著聽候傳質。
監督長桂。前據吏部奏業經病故。是否屬實。
並著該侍郎查明具奏。在逃之花戶朱斌。王
煥。劉泰。李志信。著步軍統領衙門順天府。五
城一體嚴拏。務獲解部審辦。另片奏請將倉
米趕緊搭放等語。豐益倉存米無多。著戶部

趕緊搭放候放竣後將倉廩封鎖交該處營汛弁官暫行看守以昭慎重又諭前因巴棟阿奏軍營賞號緊要請於泰興縣屬之口岸鎮地方設卡抽釐以濟要需茲據喬松年奏該處抽釐於民未便請旨停止一摺江北釐局林立若再於口岸鎮設局與泰州江都如皋三處相去甚近商民之情不協所有巴棟阿前請在泰興口岸鎮設卡抽釐之處即著停止○戶部議准前浙江巡撫羅遵殿疏

報仁和場竈蕩地三百七十九畝有奇照例升科從之○以拏獲鄰境巨盜賞吉林長春廳理事通判松鶴藍翎○予故鑲紅旗漢軍都統劉鉦祭葬諡慎恪賞伊子三等侍衛容盛二等侍衛○予江南丹陽等處陣亡驍騎校德凌守備趙慶恩把總楊霖祭葬世職武生趙慶錫等賞卹如例○甲申以烏里雅蘇台將軍明誼為鑲紅旗漢軍都統予廣西賀縣等處陣亡府經歷鍾積惠從九品陳斌

鍾人瑞遊擊謝作高千總周德施把總袁獻等祭葬世職生員鍾子瀉等賞卹如例○蠲緩湖南武陵龍陽沅江澧安鄉湘陰巴陵臨湘華容九州縣暨岳州衛被水莊屯新舊額賦有差○乙酉以雇募鄉勇辦理不善直隸候補道李麟選下部議處○丙戌諭內閣傳振邦奏官軍擊退竄匪大獲勝仗一摺擒匪竄擾山東鉅野縣時經總兵田在田調齊副將胡元昌等會合鄉團勦堵兼施立將濟甯

以西賊股由曹縣等處擊回其由沂州回竄之匪屢撲邳州城圩經城內兵練及各鄉團並出堵截疊有斬擒該匪復由東北直撲徐州城垣田在田與署總兵李恆清等進勦追殺十餘里匪勢不支紛紛潰散自相踐踏均由蕭縣以西遁去計斃賊三四百名奪獲羸馬槍礮旗幟無數救出難民車輛尤多勦辦尚為得手所有徐州三次守城出力之文武紳練及兩入東境勦匪之尤為出力各員均

著准其分別酌保候朕施恩（諭軍機大臣等前據毛昶熙奏捻首孫葵心欲由布政使賈臻受撫當經諭令該大臣責成該藩司悉心經理本日據賈臻奏皖豫著名捻首渦河之南以孫葵心為大股河北以劉狗為大股如孫葵心就撫則劉狗亦可招降由此辦理得手則江皖東豫可望肅清惟遣散酌留反籌給口糧等事均應妥議章程稍涉稽遲恐致貽誤請准單銜奏事並俟孫葵心具稟到

日擬即赴歸陳一帶籌辦等語昨因賈臻與巡撫慶廉互相叅奏業將該藩司撤任交新任巡撫嚴樹森查辦惟招撫事宜至關緊要孫葵心於該藩司深為感服自未便易人辦理現該藩司已派遊擊陳奇金持札前往開諭如孫葵心實係真心就撫具稟前來即著賈臻前赴歸陳一帶擇地駐劄相機妥辦其如何分別留遣及籌給口糧等事宜均著妥議章程仍隨時稟商毛昶熙辦理並著毛昶

熙隨時奏聞該藩司毋庸單銜具奏將此由五百里諭令知之（又諭毓科奏部撥袁甲三營軍餉江西無款墊解請飭福建督撫將軍趕緊籌解等語袁甲三營軍餉前經戶部咨令福州將軍在於閩海關稅銀內籌撥十萬兩因恐緩不濟急先令江西省由丁漕項下墊解俟閩海關撥解歸款旋經毓科以江西餉項艱窘無款墊解四次咨催福州將軍趕緊籌撥迄今尚未據閩海關報解現在袁

甲三軍營正當攻勦喫緊之時待餉孔殷閩省大吏豈容任意推諉著文清慶瑞瑞璿迅將應解袁甲三營軍餉派委妥員解往毋許稍涉延緩致誤事機將此由六百里諭令知之（又諭本日勝保奏遵旨籌畫兵食一摺據稱現在軍營極力撙節月需餉銀三萬六七千兩除直隸已奏明每月撥銀一萬五千兩外下短之數請陝西每月撥解銀一萬兩河南每月八千兩山西每月五千兩惟各路

軍營協餉過多恐不能如期解到轉瞬年終設或籌措不及勢必譁潰堪虞請飭將河南彰衛懷三府漕糧折價徑解該營先資周轉僅各省協餉按期解到即將此項漕折銀兩解交部庫以清從前借撥十萬兩之款等語北路軍營護衛京師最關緊要必須寬為接濟方足收飽騰之效著黃贊湯將彰德衛輝懷慶三府漕糧援照上屆折價成案由各該屬就近彙齊徑解勝保軍營一面詳報河南

布政司無庸再由河南藩庫轉解所有河南應按月解銀八千兩即可暫免籌解並著英桂每月協撥銀五千兩譚廷襄每月協撥銀一萬兩務當按月如數籌解毋得推諉將此由六百里各諭令知之欽差大臣勝保奏請赴熱河得旨現在畿輔不靖正需汝在京彈壓調度機宜須臾難緩所請不准行○督辦徐宿勦匪事宜雲南提督傅振邦因病賞假命山西太原鎮總兵官田在田暫行接辦

江南淮徐道吳棠暫行幫辦○以四川監造軍器出力賞直隸州張廷奎守備謝銀花翎千總謝登綸等藍翎餘升敘有差以辦理團練不合輿情撤在籍漕運總督邵燦督辦浙江團練大臣並撤道員章嗣衡等幫辦○丁亥諭內閣田興恕奏官軍勦賊連獲大捷克復甕安縣城現擬督兵赴省一摺逆匪盤踞龍溪勢甚猖獗田興恕飭副將沈宏富等各率所部相機進剿八月十二日揚巖寶等

分攻左右各寨賊匪出營迎敵我軍奮力衝殺斃賊無算立將龍溪賊巢攻破十六十七等日又將水溪坐巖門新土小泥田構子坪五處賊營十餘座次第攻克副將劉吉三等進攻三角莊殺賊一千餘名參將李有恆進勦大寺頂之賊三獲勝仗斬擒甚眾八月二十四日田興恕親督長勝軍徑剋龍溪逆匪糾約三萬餘人分路來撲我軍截住該逆歸路兵勇分頭衝出迎敵窮追二十餘里斃賊

二千餘名我兵一無損傷九月十一日冒雨進攻參將羅孝連等奮不顧身飛登賊牆大兵繼進攀附而上殲除逆賊殆盡即乘勝直撲松坪前後夾擊斬馘四千餘名乘勢攻克猴坪賊巢是日三戰三捷踏破賊營七十五座陣斬偽扶明王石大魁偽元帥偽將軍十餘名救出難民二萬餘人解散餘黨二萬有奇十八日踏毀紅崗堡賊營後直抵寶安殺斃黃衣紅衣賊目數名斬獲不計其數立將

縣城克復此次官軍進剿計兩旬以來連獲大捷殺賊二萬數千收復地方三百餘里赴省大路已通著即乘此聲威殲除餘孽○又諭寶山奏添設步甲並籌款給發口糧等語山海關駐防閒散自挑選操練後技藝尚為嫺熟現當撤防之際若聽其廢棄未免可惜所有餘丁二百名團丁一百名均著准其作為步甲其餘丁每年應支口分銀三千六百兩著准其於山海關監督衙門備存銀內動

支團丁每年應支口分銀一千八百兩著准其於臨榆縣釐捐項下支發○諭軍機大臣等慶廉奏擒匪竄撲鹿邑縣城迎擊獲勝現擬出省堵剿一摺亳州大股擒匪萬餘人竄至鹿邑縣境攻撲城池經記名道趙連標等會同毛昶熙所派勇練擊退殺斃多名匪眾仍竄回亳境老巢惟賊情狡詐股數眾多難保不去而復來亟須督兵大員前赴歸陳一帶相機堵截慶廉現在因案撤任業已派毛

昶熙督辦剿匪事宜著即速行出省馳赴歸陳邊境整飭團練厚集兵力相機堵剿以固邊圉慶廉調回之北路援兵俟到齊後統歸毛昶熙管帶將此由六百里諭令知之○又諭孔繁瀨奏南擒竄擾曲阜土匪乘機勾結通總兵富新等帶兵踵至派隊勦辦賊已遠竄惟土匪桂錫正等未獲且濟甯等處復見賊蹤誠恐突然再犯請留富新駐劄曲阜保衛

林廟並可策應曹濟控制滕嶧等語。曲阜為聖賢林廟重地，自應妥籌保衛。惟現在東境業已肅清，即有零星土匪，該處地方文武自當上緊緝拏，毋令滋擾。若留富新一軍駐劄該處，恐以有用之兵置之無賊之地，未免可惜。儻該縣駐有重兵，實足以西應曹濟，南控滕嶧，則

林廟既資保衛於通省軍務，亦有裨益。自可照議辦理。如他處尚須調令防勦，亦未便令其株守一處。所有總兵富新應否駐劄曲阜之處，即著文煜斟酌情形，據實具奏。將此由六百里諭令知之。恭親王奕訢等奏呈進俄夷地圖，並請派員履勘，得旨：互換和約著收存禮部備查。毋庸齎赴行在。至明歲季春赴吉林查勘分界事宜，應派何人前往，方昭妥慎。著恭親王酌擬請旨。署江甯將軍巴棟阿等奏請將廣勇一千二百八名留營隨勦從之。○以候補總兵官胡中和為四川建

昌鎮總兵官。○以河南沈邱縣屬勦匪出力，賞知州陳學仁、秦篤新、都司訥勒、李景瑞、防禦德昌、成連、更額等花翎。知縣萬鏞等藍翎。餘加銜升敘有差。○以四川會擊滇匪出力，賞知縣徐濬鏞、花翎都司銜曾鳳鳴等藍翎。餘升敘有差。○以克復貴州甕安縣城，賞副將毛克寬、參將羅孝連、巴圖魯名號守備田興勝、巴圖魯名號並花翎都司楊正林、知縣繆煥章、花翎生員商景暘等藍翎。副將銜參將金祖凱、父母二品封典，餘加銜升敘有差。○以才難勝任，降四川建昌鎮總兵官傅崐為副將。以辦團捐釐辦理未善，革貴州思恩府知府高振洛等職，仍留營效力。○予貴州新場等處陣亡副將劉吉三、遊擊謝永池、祭葬，世職並立專祠。旌表被賊殉難廣東番禺縣知縣李福泰妻朱氏。○戊子諭內閣：戶部奏議撥黑龍江餘丁整裝銀兩一摺。黑龍江餘丁奉調出征，整裝銀兩向係每名給

銀十一兩二錢八分零此次奉調餘丁二千名據特普欽等奏稱該餘丁等貧苦懇照兵丁例減扣給發每名給銀十六兩一錢五釐零業經籌借墊給請飭戶部指撥歸款茲據戶部查稱尚屬實在情形所有此項整裝銀兩三萬五千二百三十八兩二錢四分照議著山東巡撫在於該省己未年未完地丁銀內如數動撥派員解赴黑龍江將軍衙門交納歸還借款嗣後不得援以為例又諭薛

煥奏賊匪圖犯金山等處疊擊獲勝一摺十月初五日賊撲江蘇金山縣涑涇鎮等處經總兵曾秉忠派守備楊貴福等會合金山縣知縣周紹濂等併力扼勦曾秉忠復親督各船迎頭截擊擒斬悍匪甚多遂將楓涇鎮收復該逆又糾約蘇常大股徑撲廣富林圖犯松江時曾秉忠甫自楓涇收隊回泊龍王廟當於初六七等日分三路進攻鏖戰三時賊匪大敗死者不可勝數該逆大股復集寶山

縣所屬之羅店鎮經都司姜德分為三隊設伏誘賊出戰自率中隊當先繼令左右兩隊夾擊賊不能支餘逆竄遁勦辦尚為得手福建汀州鎮總兵曾秉忠著遇有提督缺出題奏所有在事出力將弁著薛煥查明擇尤保奏候朕施恩至廣富林官軍水陸並退雖由眾寡不敵究係防勦不力副將向奎遼擊陳貴守備薛廷輝均著摘去頂帶遊擊虎崑揚經該署督飭令赴援松江並不即日啟程旋

又聞警耽延著一併摘去頂帶以示薄懲而觀後效諭軍機大臣等薛煥奏軍營餉需支絀請飭催各省趕緊籌解等語據稱鎮江軍餉河南奉撥銀二十萬兩許敦詩捐款銀十萬兩廣東每月協解銀五萬兩節次催提均未報解大江水師軍餉山西應撥鹽課銀十萬兩山東河南各協濟銀五萬兩又續撥閩海關稅銀十萬兩粵海關稅銀二十萬兩另儲備用現在惟河南解到銀二萬兩山西

解到河東鹽課銀三萬兩續准報解未到銀四萬兩其餘均無起解日期廣東欠解紅單等船餉銀藩司粵海關應按月各籌五萬兩源源接濟亦屢催未解水陸諸軍欠餉日鉅詳潰堪虞等語除河南奉撥之二十萬兩業經慶廉奏請另撥外著文清勞崇光著齡黃贊湯文煜英桂迅將應解鎮江軍營及大江水師餉銀紅單等船新舊餉銀按數即日起解其廣東每月應協解銀五萬兩並著勞崇光著齡飭令藩司粵海關監督速籌起解以應急需毋得遲延推諉其前任湖南藩司王藻應捐銀三十萬兩與已革同知許敦詩應捐銀十萬兩均係充餉之款並著薛燠於此兩款內先提銀十萬兩交江南糧臺應用以符部撥原數將此由六百里諭知文清勞崇光著齡黃贊湯文煜英桂薛燠並傳諭粵海關監督毓清知之以太常寺少卿鄭敦謹為太常寺卿仍留山東學政任命太常寺

少卿焦祐瀛在軍機大臣上學習行走

大清文宗協天翊運執中垂謨懋德振武聖孝淵恭端仁寬敏顯皇帝實錄卷之三百三十四

閣勝保奏請專派大員防河等語。直隸大順、廣道聯捷著專辦河防事務。准其奏事。其直隸之大名、順德、廣平、河南之彰德、衛輝、懷慶各府應辦防河事宜，均著妥為籌辦。嗣後如有捻匪偷渡河岸，惟該道是問。其濱河各該地方官有怠惰疏失及不遵調遣者，准其指名叅奏，以專責成。○又諭勝保奏請將離營潛逃之都司革職嚴辦等語。直隸大沽協都司阿呢揚阿帶兵至京，輒敢棄印潛逃，實屬

紛竄。至甯波道府縣所辦釐捐等項。據邵燦等奏稱。多有不實不盡。著王有齡即行徹底查明。認真整頓。務令絲毫悉歸公用。毋任隱匿侵吞。將此由六百里諭令知之。○河南巡撫慶廉奏。京餉無款籌解。得旨。所請萬難允准。仍應迅速籌解。此係專供京餉要需。屢奉嚴旨。尚如此遷延。殊屬可惡。○以巡幸熱河。免蹕路經過地方。本年額賦十分之四。○緩徵直隸武清博野完縣祁東鹿獻青鹽山靜

海滄南皮臺城肥鄉曲周廣平雞澤大名南樂新河武邑衡水柏鄉隆平臨城甯晉深饒陽安平邯鄲永年成安懷來南宮武強深澤三十六州縣被水村莊新舊額賦並蠲免天津縣被擾村莊額賦有差○壬辰諭軍機大臣等昨據勝保奏稱附近土匪王景澄等滋事派兵查拏情形本日復據御史劉有銘奏香河縣屬回子營地方素係奸民糾眾之所逃犯王景澄聚眾搶擄擁集數百人白晝橫行劫奪牛馬稅務請飭勝保密速查拏等語盜匪聚集多人肆意擄掠恐日久蔓延漸難撲滅著勝保迅飭所派各員弁帶兵前往嚴密查拏務將匪首王景澄即時擒獲毋令聞風遠颺該犯多係回民首要各犯必須按名弋獲其餘脅從之眾設法解散毋任併聚一處庶緝捕較易不致激成事端原摺著鈔給閱看將此由五百里諭令知之○駐藏幫辦大臣滿慶等奏結察木多與工布旺曲互相

仇殺一案得旨著照所議完結永不准各相爭執再肇釁端○福建陸路提督李若珠奏親赴江面布置水陸各營並迎勒三河等處擒匪情形得旨現在水陸仍應嚴防以杜下竄○廣西巡撫劉長佑奏石逆餘匪續竄湖南現督軍赴義甯等處追剿得旨石賴各股勿令其死灰復燃赴楚追剿務須一鼓殲除以太僕寺卿王發桂為通政使司通政使以山東捐輸軍餉永廣鄉試中額二名灘縣學額九名濟甯州八名黃縣六名厯城縣四名新城單聊城膠四州縣各二名章邱長清德河澤曹益都臨淄壽光安邱諸城掖高密福山甯海臨清十五州縣各一名○以江西建昌縣捐輸軍餉永廣學額十名○以辦理察木多夷案出力賞噶布倫拉旺工布二等台吉承襲一次扎薩克頓柱宇結頭等台吉朗結策忍噶厦卓尼爾宜喜三柱等花翎外委秦玉貴等藍翎餘升敘有差○癸巳諭

內閣官文奏請將架詞捏控之棍徒嚴懲等語據稱湖北近有刁惡棍徒或因訛詐不遂或因挾嫌報復往往指名捏控誣以謀逆從賊羅織多人挾制官吏如麻城縣民人鄧旺銀等京控各案均係有心誣陷捏詞控訴業於訊明後照例嚴辦以遏刁風各省被陷地方經官軍收復之後其被脅良民並非甘心從逆者原准免其治罪其困守本境不肯逃亡者較之被脅之民情更可原決無反予苛

求之理似此刁徒訛索架詞誣累實為良善之害亟應嚴行懲辦嗣後湖北京控案件遇有執持逆匪偽據捏詞控告者著都察院步軍統領衙門即將該原告連所遞呈詞等件一併交該部遞解回籍查明有無在本省上控案據分別立案不行並加等治以越訴誣告之罪以儆效尤至他省有赴京向該衙門等呈控事關重大者仍著隨時具奏諭軍機大臣等有人奏勝保前次行文各路語多

失當等語勝保於夷兵犯闕時行文各路有京營禁旅蒙古番騎非初歷戎行即素性怯懦之語自係倉卒之間措詞未能斟酌以致遠近傳聞不無駭異至李世忠苗沛霖兩人於該大臣頗知悅服即有書信往來惟當宣示朝廷德威使之益加馴服若屢將夷人犯順及土匪搶劫情形詳細告知究屬機事不密恐令所部各勇有藐視官軍之心致難駕馭該提督等於該大臣之言尚能聽信即著

將現在夷兵已退和約既換以後可以相安無事及近京土匪漸就肅清僧格林沁等業已統帶大兵前赴東豫勦辦捻匪等情函致並囑該提督等同心勦力報效朝廷毋得為浮言所惑是為至要將此由五百里諭令知之○又諭據江清驥奏請將吳全美李德麟原帶師船餉銀分歸南臺支放吳全美等添造之小波舢等船餉銀分歸北臺支放其八里鋪所設鹽局仍歸喬松年收放等語所籌

尚屬妥協。嗣後吳全美原帶師船二十九隻。李德麟原帶師船二十四隻。所需月餉銀一萬一千二百餘兩。即著歸於江南糧臺支放。其吳全美添造之小波舢、礮艇等船二十隻。李德麟添造之礮划、長龍等船一百二十一隻。所需月餉銀一萬四百餘兩。均著歸於江北糧臺支放。務各設法籌給。毋使缺乏。至八里鋪釐局。前經喬松年奏請歸江南糧臺接管。業經降旨允准。惟八里鋪係收鹽釐。由該運司辦理。呼應較靈。所有收放各項。仍著喬松年經理。以免紛更。而杜推諉。○欽差大臣袁甲三奏。夷患稍紓。亟宜力圖整頓。以杜禍患。而固根本。得旨。精訓練儲將才。二條著總理行營王大臣妥議具奏。又奏。燕京為天下根本。不可輕議遷徙。批。所奏甚是。初因京師危在呼吸。原有此議。近則撫議已成。斷無輕議遷徙。自就偏安之理。督辦四川軍務湖南巡撫駱秉章奏。粵匪竄陷綏甯。分撲武岡。

新甯請暫調赴蜀各軍援勦。得旨。近年四方多故。湖南諸軍出力為多。若遽移師西向。恐內顧憂繁。轉難得力。著暫准所請。俟軍務稍緩。即迅速統帶赴蜀。○安徽巡撫翁同書奏。時事方亟。敬陳管見。一。謹天戒。二。固邦本。三。收人才。四。練京營。五。爭形勢。得旨。收人才一條。利少弊多。無庸議。餘具覽。悉將隨時措施矣。○浙江布政使莊受祺因病解任。以福建按察使林福祥為浙江布政使。福建汀漳龍道黃安綬為按察使。○以河南開封等處勦匪出力。賞郎中袁保慶主事葉伯英守備李煥然等花翎。通判張廷燁藍翎。餘升敘有差。予安徽定遠縣等處陣亡參領富政防禦鳳山驍騎校賡音布馬萬和永祥博冲阿縣丞侯錫恩。外委滿建勳秦瑞平祭葬世職。披甲劉景泰等賞卹如例。○予湖南新甯縣等處陣亡都司鄧芝林祭葬世職。如遊擊例。把總陳亮祭葬世職。如守備例。○甲午。遣官祭

先醫之神。○諭軍機大臣等瑞昌等奏新城等縣失陷省垣危急力籌堵剿一摺。逆賊竄陷桐廬後新城臨安富陽三縣城池相繼失守。省垣情形危急。馬得昭等軍較為得力。惟為嘉興之賊牽掣。未能撤回。該將軍等現調張玉良等由嚴州轉戰而下。使賊顧後路不能遽行深入。所籌尚妥。至省城內外兵勇尚有一萬餘人。兼之旗營駐防官兵深明大義。素稱得力。著瑞昌王有齡督飭該弁兵等協力同心認真防堵。不得稍涉鬆懈。浙東地方尚屬完善。瑞昌等現飭訓字營官兵回顧諸暨其蘭谿等處民團亦能擊賊。並著飭令該地方文武會同團練。於沿江一帶實力巡防。務須上下游聲勢聯絡。勿使逆蹤闖入。將此由六百里加緊諭令知之。○又諭前據慶端等奏調派援浙總兵曾玉明統帶兵勇業已馳抵三衢著即飛飭該總兵督率援師會同張玉良並道員彭斯舉各軍迅由上游嚴郡

一帶轉戰而下與省垣兵勇互相夾擊以期力保危城。儘曾玉明所部閩師尚形單薄即著慶端等迅速添調兵勇星夜赴浙應援並著將閩師餉銀速行籌撥源源接濟毋令缺乏。閩浙兩省唇齒相依該督等務當不分畛域力顧東南大局毋得遷延觀望致誤事機。將此由六百里加緊諭令知之。○以浙江湖州府防守出力免副將鄂爾霍巴失守處分賞都司劉利安守備蕭得勝周傳德唐壽山曹東山張春華彭福星楊其忠鄭代訓等花翎守備楊洪彪等藍翎餘升敘有差予陣亡都司曹德明守備王繼成千總許開慶把總鄧心芳外委唐成楚胥遠澤傷亡都司梁鎮邦祭葬世職軍功李連昭賞卹如例。○乙未諭內閣王夢齡奏擊退大股粵逆三河衡陽一帶肅清一摺。粵逆廣聚三河等處於十月十四日由龍岡馬壩一帶直逼河岸意圖搶渡經官兵開礮轟擊斃賊千餘名十八日逆

眾復至三河搶渡兵勇槍礮齊施斃賊無算逆勢不支向東南竄逸其分撲衡陽黎城之賊經官軍於十六日分投堵剿並將擄船偷渡之賊擊沈五六千人賊匪全行遁去勦辦尚屬得手所有出力之文武兵練並海沭邵宿等處防河守城出力之員弁兵勇著王夢齡一併查明擇尤請獎以示鼓勵又諭王夢齡奏請將防湖水師統歸節制等語記名總兵黃開榜所部防湖師船著准其歸王夢齡節制以一軍令所需水師口糧即由清淮籌防局接支○諭軍機大臣等據邵燦王履謙奏富陽失守長江無險可憑已飛調甯波廣艇由海入江並派令已革臬司段光清統帶所需糧餉即責成該革員向甯波地方設法籌應另片奏義橋等處民團擊賊出力請准存記彙保並請派地方大員幫辦團練各等語本日已明降諭旨將段光清暫緩拏問責令戴罪自效即著瑞昌王有齡王履謙督

飭該革員將甯波廣艇星夜統帶入江一面會合彭斯舉等陸路官軍及沿江上下游團練防守江面力遏賊匪東竄毋得稍涉疏懈其義橋江口及滙海所三江口等處擊賊出力各民團均著准其存記俟續有勞績保奏前因邵燦撤去督辦團練大臣諭令王有齡保舉公正紳士數人候旨現在幫辦道員史致諤既據邵燦等奏稱久未到浙襄理乏人著王有齡於該省司道知府內酌保一員與所保紳士均俟奏到之日降旨派辦團練將此由六百里加緊各諭令知之○以辦理各國和約完竣恭親王奕訢下宗人府優敘大學士桂良戶部左侍郎文祥下部優敘餘升敘有差○以浙江軍務緊急准已革按察使段光清留營效力○命山東巡撫文煜山西巡撫英桂於山東運庫山西河東道庫酌撥清淮軍餉○丙申諭軍機大臣等穆騰阿奏請飭伊興額迅赴徐州督勦捻匪等語已革

副都統伊興額前在徐宿一帶勦匪深得民心該革員現已賞給六品頂帶在僧格林沁等大營著該大臣等體察情形如無須伊興額帶隊即著飭令迅赴徐州聯絡鄉團勦辦擒匪以順輿情而固眾志至皖北擒匪雖經遁歸老巢現據穆騰阿奏稱該逆聲言明春正二月間擒首孫葵心仍擬率眾撲犯東省僧格林沁現已督兵馳抵東昌若徑由歸陳一帶南下恐東省空虛無以遏該匪北竄之

路著即於濟甯兗州一帶擇要駐劄先將北路妥為布置如豫省歸陳及江南徐宿一帶須兵助勦即著僧格林沁等派兵前往與毛昶熙關保傳振邦等軍會合進勦以期力竭賊氛將此由六百里各諭令知之○又諭聯康奏請飭嚴拏匪徒一摺據稱密雲縣附近地方及古北口外巴克什營一帶有匪徒白晝搶劫並聞換班侍衛被搶馬匹等語密雲至古北口等處係由京赴熱河大路豈容匪

徒肆意橫行致為行旅之害著恆福張祥河董醇派委妥弁前往該處會同地方官嚴密查拏務獲懲辦毋稍寬縱將此諭令知之○又諭關保奏該營每月需銀二萬五千兩自到防之日起新舊積欠至十餘萬兩之多十月二十八日由省解到現銀一萬五千兩即飭糧臺合計宋鹿兩營均勻撥發詎委員候補知府黃汝楫抗不遵撥署總兵信陽協副將成景通同留難兵勇向隅勢必饑潰至積

欠餉銀曾經諮詢藩司賈臻據稱額解月餉不惟數月絕無短絀且時日亦未稍遲不知糧臺委員何以分解無多等語軍營餉需最關緊要豈容委員等通同留難抗不遵撥至額解月餉既經藩庫如期撥解並無短欠何以該營餉銀積欠至十餘萬兩之多糧臺委員通同舞弊該藩司亦不能置之不問所稱數目絕無短絀是否屬實亦應徹底詳查著毛昶熙將該副都統所參各情嚴密訪查儻

該委員等實有通同舞弊玩誤要需情弊即著嚴行叅辦並將關係一軍應需月餉源源撥解毋令缺乏將此由六百里諭令知之○又諭陳孚恩奏編修吳嘉善通曉外洋各國文義江蘇臬司湯雲松與之同縣等語著薛煥傳飭湯雲松查明該員現在何處即催令赴京毋得延緩將此由五百里諭令知之○吏部尚書陳孚恩奏佛國夷目在保定索傳牌欲往陝西得旨此事已知現在西巡之舉行當作爲罷論况該夷不過專爲傳教無足重輕○賞密雲古北口熱河喀喇河屯張三營額魯特駐防存營兵丁暨駐劄古北口之西安黑龍江等處兵丁並看守各行宮弁兵等銀各一兩○賞京師外城練勇每月口糧銀三千兩○予故前任成都將軍鎮國公有鳳祭葬如例○丁酉以廣東官軍援解江西安遠縣城圍出力賞守備吳光亮花翎餘升敘有差予陣亡外委黃船祭葬世職○予江

蘇常熟縣殉難紳士國子監助教曾彬文中書丁雲瑞教諭江之升祭葬世職副貢蔣鶴齡等旌卹如例○戊戌諭內閣御史高延祜奏請將浙江團練歸併巡撫辦理以專責成一摺前因邵燦督辦浙江團練未能妥協諭令王有齡酌保在籍公正大員接辦茲據該御史奏稱請照陝甘四川章程責成巡撫督辦等語所有浙江團練事宜即著王有齡督同該省紳士認真經理以收實效其在籍大員即著毋庸保奏○又諭瑞昌王有齡奏逆匪撲犯省城迎勦獲勝一摺逆匪竄陷富陽縣城經瑞昌等派兵乘夜往攻賊匪驚遁復與臨安股匪合陷餘杭縣城徑撲省垣瑞昌等親自督戰副都統傑純與副將吳再升等均手刃執旗賊目數名賊勢退卻十月十四日賊分三股來撲復經副將文瑞派隊迎敵西湖水勇及文瑞礮船登岸迎勦賊匪敗走勦辦尚屬認真著瑞昌等即督飭將士迅將

此股逆匪殲除。毋任分竄。○諭軍機大臣等。崇實奏官軍鄉團擊匪獲勝一摺。藍逆大股由丹稜竄至近省。官軍雖屢獲勝仗。地方已被蹂躪。李逆由五里浩竄至薛家灣。經官軍攻破營壘。而逆黨尚在內江。隆昌富順等處奔竄。加以土匪到處響應。若不迅將逆賊撲滅。必致裹脅日多。現在湖南綏甯城步等處。被賊竄擾。軍情喫緊。業已諭令駱秉章暫緩入蜀。崇實身任巖疆。責無旁貸。著即督飭郭

相忠將玉龍統帶官兵。會合鄉團。覘賊所向。認真圍剿。務將藍李兩股逆匪悉數殲除。毋留餘孽。將此由六百里諭令知之。○以候補副將佈克坦為直隸通永鎮總兵官。○以擒獲湖廣荊州澧州匪徒馬旺等出力。賞守備曹立金花翎。知縣張建基等藍翎。餘升敘有差。○以擒獲湖北靳廣匪徒何致祥等出力。賞員外郎閻敬銘主事成山。佐領政通花翎。餘升敘有差。○以四川官紳辦團並防勒滇

匪出力。賞知州恒保。許培身。李德良。恩騎尉高馭富等花翎。知縣李光祖等藍翎。餘升敘有差。○予浙江富陽陣亡總兵官劉季三。副將劉芳貴。都司張順。守備王應選。蕭玉林。千總許凱。勛。祭葬世職。○予安徽桐城陣亡副將楊得武。遊擊許應城。張朋山。守備胡世明。千總楊開興。把總楊炳照。外委秦均彥等。祭葬世職。○予四川灌縣陣亡在籍知縣何汝源。訓導鄭嘉謨。祭葬世職。○己亥。冬至。祀

天於

園丘。遣克勤郡王慶惠恭代行禮。遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵

昌西陵

慕陵

慕東陵○遣官祭

孝德皇后殯宮○遣官祭

端慧皇太子園寢○停次日朝賀○改鑄山

西平遙縣知縣印信從巡撫英桂請也○以

直隸知州瑞慶等隨同候補內閣學士桑春

榮分辦京畿南北路團練○庚子諭內閣曹

國藩奏官軍進攻休甯壘獲勝仗並克復黟

縣城池一摺總兵鮑超等移營進逼休甯縣

城賊由榔市來撲張運蘭派隊迎勦斬偽將

軍汪懷忠並悍賊百餘名其由徽州來援之

賊屠聚東路萬安街官軍前後夾擊斃匪二

千餘名並攻燬東門賊壘二座斬馘殆盡○另

股賊匪由蘇州蕪湖上犯闌入黟縣經副將

宋國永迎頭痛擊斃賊千餘立將城池克復

勦辦甚屬得手在事出力員弁兵勇著曾國

藩擇尤保奏候朕施恩○安徽學政邵亨豫

因病解任命翰林院檢討馬恩溥提督安徽

學政○休致雲南臨元鎮總兵官福兆貴州

鎮遠鎮總兵官金剛保以雲南撫標右營遊

擊何自清為臨元鎮總兵官前任貴州平遠

協副將朱承先為鎮遠鎮總兵官○以四川

省城防勦出力賞協領慶雲二品頂帶花翎

協領吉祥托布冲武固勒洪阿防禦特音慶

康遊擊戴廷超花翎驍騎校恩旭等藍翎餘

升敘有差○以克復安徽黟縣城賞總兵官

鮑超巴圖魯名號副將張玉田余大勝參將

婁雲慶總兵銜道員張運蘭下部優敘復遊

擊楊鎮魁職○以隨勦皖鄂賊匪出力予儘

先副將宋國永黃慶陳由立遇缺拔補○以

雲南元謀縣城被匪竄陷革同知陳慶椿職○

並建問○追予故按察使蕭啟江諡壯果併於湖南江西省城及湘鄉原籍建立專祠○辛丑

上詣

文廟。

城隍廟。

關帝廟拈香○諭軍機大臣等前因慶廉賈臻互相叅奏降旨將慶廉撤任以嚴樹森補授河南巡撫並令將慶廉等互叅各款秉公

查辦本日據慶廉奏賈臻剛愎性成遇事擅改舊章以致上忙錢糧徵解喫緊之際羣相裹足於應解京餉協餉及本省兵餉均不能酌度緩急候補知縣張紹英係該員至戚例應迴避輒蒙混委署並將該員請補鄂陵前任宜陽縣知縣河工同知周注例不准充幕友該員先令告病旋請充當錢穀狼狽為奸其由歸德折回兵勇應領口糧指延不發裁撤各勇口糧亦應裁發該員意存膜視復藉

病推諉不顧大局各等語藩司為錢糧總匯之區各屬升遷調補亦係藩司專責若如慶廉所奏賈臻於應解各餉不知緩急應行迴避人員並不據實聲明且於幕友相倚為奸與兵勇應發口糧有心延指如果屬實殊出情理之外著嚴樹森於行抵河南後將所叅各情並該撫等前次互叅各款一併嚴密訪查據實具奏不准稍有徇隱原摺片均著鈔給閱看將此由五百里諭令知之又諭本

日據慶廉奏藩司膜視軍餉等語據稱歸德大營糧餉自毛昶熙接辦以來均經藩司賈臻按月撥發並不欠解分文獨慶廉所帶兵勇口糧司庫指延不發慶廉業經撤任毛昶熙接辦軍務所有該前撫北援之兵勇及已經裁撤之勇所欠口糧如果應行支領即查明叅奏並飭令藩司邊浴禮分別發給毋任缺乏致有潰散將此由五百里諭令知之○又諭揚防事務處處均關緊要據都興阿奏

統籌全局大概情形。所有水陸一切防勦事宜。尚屬周妥。著即挑練兵勇。悉成勁旅。力保完善之區。以期漸復糜爛之地。李若珠業經開缺。並著該將軍體察情形。如果幫辦需人。即於軍營提鎮大員中。擇其謀勇兼全。威望素著之員。酌量保奏。候朕簡放。將此由六百里諭令知之。○福建陸路提督李若珠解任養親。以汀州鎮總兵官曾秉忠為陸路提督。○壬寅。

聖祖仁皇帝忌辰遣官祭

景陵。○諭內閣直隸天津府知府石贊清在任年久。深得民心。此次綏輯地方。尚能妥協。著加恩交軍機處記名。遇有直隸道員缺出。請旨簡放。○又諭前據德楞額奏請保山東勦擒出力人員。疊次諭令該副都統會同文煜查明保奏。茲據文煜奏稱。德楞額於該省地方出力官紳。並未會同查覈列保等語。嗣後該省勦匪出力各案。如係德楞額軍營帶領

馬隊各員。准由該副都統單銜保奏。其地方文武紳團。仍著德楞額恪遵前旨。會同文煜確實查明。公同酌保。毋許單銜具奏。致滋冒濫。○又諭戶部奏請將欠解京餉等項之督撫藩司監督分別議處一摺。山西等省欠解京餉銀兩。直隸等省欠解另案銀兩。各該督撫藩司監督等。延不報解。實屬玩泄。山西巡撫英桂。布政使常績。山東巡撫文煜。布政使清盛。前任河南巡撫慶廉。前任布政使賈臻。

四川布政使祥奎。均著降為三品頂帶。仍交部議處。署四川總督崇實。山西署布政使瑞昌。山東署布政使陳景亮。暨江海關監督。均著交部分別議處。仍著該督撫藩司監督等。將未解京餉。於接到部文之日起。限一月內。埽數報解。若能迅速報解。即由該部提奏。候朕施恩。至各該省欠解另案銀兩。並著一併趕緊籌解。儻敢仍前玩誤。即著該部指名嚴叅。○諭軍機大臣等。前因喚喇夷酋攜帶條

約前往通商各海口。並以奉天等處新設埠口。尤關緊要。諭令倭仁等於該酋到後。妥為駕馭。本日據御史徐啟文奏稱。各省通商處所。宜慎選委員。以免啟釁損威等語。奉天牛莊。直隸天津。山東登州等海口。通商事屬創始。該將軍等於各該夷到後。遇有交涉事件。自必斟酌妥善。惟地方州縣。及差委各員。儻不能潔己奉公。必至為該夷輕視。甚或播弄是非。因而啟釁。於撫局大有關係。著玉明。倭

仁。景霖。恒福。文煜。於各該州縣及辦理海口通商各委員。務擇操守廉潔。明幹有為之員。酌量調派。責令認真經理。不得令庸劣之員。辦理夷務。以致啟釁損威。是為至要。將此由五百里各諭令知之。○欽差大臣僧格林沁奏報馳抵濟甯。俟軍火辦齊。即行前進。得旨。現在夷務雖平。而捻逆各匪。意圖北犯。實在意中。儻汝軍深入捻巢。漸次掃除。亦非一戰即可成功。若曠日持久。致該逆偵知。我無後

勁。繞路北竄。彼時汝軍反為賊所隔。欲回無路可繞。即使能繞出賊前。亦恐將為強弩之末。不能貫魯縞。豈不有闢天下全局。現在反覆熟思。汝仍應遵前旨。坐鎮山東。以杜其窺伺之心。斷難輕於一試。致誤全局。○江南道御史徐啟文奏請整頓大局。以飭吏治。而固民心。得旨。懲逸樂戒因循。固不外上行下效。然徒託空言。上下相蒙。朕不為也。飭官常一條。似是而非。現在官場風氣。振勵之不暇。焉

有轉開巧避之門。即京外學習試用候補之員。徒涉紛張。亦多窒礙。修武備培利源二條。更多不中窾要。殊難措施。此摺併硃批。與行在留京王大臣等閱看。以候補總兵官沈俊德。為福建汀州鎮總兵官。以江蘇同知朱圻等。隨同大理寺卿晏端書。辦理江北團練事宜。○以辦理各國和約出力。賞武備院卿恒祺頭品頂帶。候補京堂崇厚侍郎銜。復侍郎崇綸職。並下部議敘。以山東甯陽縣

城被賊竄陷旋即收復。革知縣董春卿外委王懋修職免其治罪。○以抗違軍令延不赴援。革副將馮日坤職留鎮江軍營差委。○以擒匪竄入山東撤副將郝上庠記名總兵。仍與總兵官雙齡下部議處。○予山東鄆城縣陣亡知縣何允安祭葬世職。○命山東巡撫文煜迅解銀十萬兩直隸布政使文謙迅解銀十七萬兩赴欽差大臣僧格林沁軍營。○蠲緩山東濟甯章邱齊東濟陽禹城長清平原東平平陰惠民青城陽信滕嶧單城武曹定陶鉅野朝城館陶夏津金鄉嘉祥魚臺臨清歷城鄒平長山陵樂陵利津蒲臺滋陽甯陽鄒縣城堂邑茌平莘冠高唐邱海豐蒙陰沂水益都臨淄高苑樂安昌邑臨邑德德平濱。曲阜汶上。恩武城博興壽光平度安邱濰觀城。霑化濮范陽穀壽張荷澤臨朐東阿七十三州縣被水被擾莊屯暨永利場竈地新舊額賦有差。○癸卯諭內閣恭親王奕訢奏

城被賊竄陷旋即收復。革知縣董春卿外委王懋修職免其治罪。○以抗違軍令延不赴援。革副將馮日坤職留鎮江軍營差委。○以擒匪竄入山東撤副將郝上庠記名總兵。仍與總兵官雙齡下部議處。○予山東鄆城縣陣亡知縣何允安祭葬世職。○命山東巡撫文煜迅解銀十萬兩直隸布政使文謙迅解銀十七萬兩赴欽差大臣僧格林沁軍營。○蠲緩山東濟甯章邱齊東濟陽禹城長清平原東平平陰惠民青城陽信滕嶧單城武曹定陶鉅野朝城館陶夏津金鄉嘉祥魚臺臨清歷城鄒平長山陵樂陵利津蒲臺滋陽甯陽鄒縣城堂邑茌平莘冠高唐邱海豐蒙陰沂水益都臨淄高苑樂安昌邑臨邑德德平濱。曲阜汶上。恩武城博興壽光平度安邱濰觀城。霑化濮范陽穀壽張荷澤臨朐東阿七十三州縣被水被擾莊屯暨永利場竈地新舊額賦有差。○癸卯諭內閣恭親王奕訢奏

參玩誤典禮各員請旨嚴議一摺本月初十日冬至祭

奉先殿供獻帛爵之宗室侍衛未到者竟有二十一員之多實屬不成事體瑞昌載俊德昂寬海溥蘭福羣榮繼奕秀彭壽富瀉春瑞貴徵載結奕桐順亮載虎溥豐崇熙桂初桂林桂照均著交宗人府嚴加議處其未到之內務府監禮司員並著該衙門查取職名一併議處。○又諭瑞昌王有齡奏官軍攻復嚴州

府城一摺賊匪竄踞浙江嚴州糾約死黨意圖抄襲我軍後路經張玉良督率將士連戰三晝夜並派參將韓廷貴等分攻各門守備陳永椿等復帶礮船對岸轟擊李定太奮勇先登官兵踴躍而上施放噴筒火箭該匪驚惶逃竄我軍乘勝追勒斃賊千餘名斬首百餘級奪獲旗幟器械無算於十月初八日將嚴州府城攻復勦辦尚屬認真在事出力之文武員弁兵勇准其擇尤彙保候朕施恩

諭軍機大臣等本日據毛昶熙奏參劣員滋擾糧臺並唆使主將凌虐委員一摺業經明降諭旨將趙連標革職並將關保撤去幫辦令俟病痊後即回本任矣歸陳一帶勒匪事宜關繫緊要如須幫辦之員即著毛昶熙於歸德鹿邑兩營鎮將大員內擇其素有威望者酌量保奏候旨簡用至關保所帶馬隊並著遵派妥員統帶助剿以資得力將此由六百里諭令知之○又諭浙省軍情緊要關繫

東南全局現在餉源枯竭兵勇譁潰堪虞著官文胡林翼翟誥勞崇光慶端瑞璜著齡毓科速行籌畫務將各該省協濟浙餉按月如數籌解其江西未解之三萬五千兩及所欠援師之餉並著毓科按數解交毋得再事遷延以安軍心而維大局將此由六百里各諭令知之○杭州將軍瑞昌等奏都司李飛龍不遵調度軍前正法報聞又奏慶端等力保浙疆請加優獎得旨不分畛域皆爾大吏分

內之事况鄰封督撫甄敘酬庸自應候旨亦非汝所得擅請○以浙江省城解圍並克復餘杭縣城賞將軍瑞昌一等輕車都尉世職巡撫王有齡頭品頂帶副都統傑純道員麟趾已圖魯名號知府孫士達花翎復副將楊金榜職餘升敘有差○以克復浙江壽昌縣城擢知府程兆綸以道員用並賞花翎○以克復浙江嚴州府城復已革提督張玉良頂帶賞已革總兵官李定太副將張威邦三品

頂帶餘升敘有差○以玩誤援浙軍餉江西布政使張集馨下部議處○以河南軍營委員藉端滋擾革道員趙連標職撤副都統關保幫辦勒匪事宜賞古北口外防兵皮襖○緩徵山西徐溝縣被旱地方本年額賦暨榆次汾陽二縣原借倉穀甲辰江蘇巡撫薛煥奏留新授福山鎮總兵官王之敬辦理防勒事宜從之予故副將三等子陳汝霖○祭葬卹廕如軍營病故例

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之三百三十五

實錄卷之三十五

三

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之三百三十六

欽此

欽此

欽此

欽此

欽此

教修

咸豐十年庚申十一月乙巳綏遠城將軍成

欽此

十

凱等奏請將烏蘭察布伊克昭兩盟官兵撤

回原游牧處所操練得旨所奏是著全行撤

回由各游牧隨時習圍操演不准偷安於蒙

古生計亦為有益若遇徵調再行齊集○以

勦除山東幅匪洪佃一等出力賞營總德福

防禦松齡花翎披甲何常等藍翎餘升敘有

差丁未諭內閣悖親王奕諱之第八子著

命名載灝又諭本年直隸天津縣被擾地

方業經降旨將節年地糧旗租分別蠲豁因

思順天府屬之大興宛平通州武清等州縣亦有被擾地方小民蕩析離居朕心實深憫惻著順天府府尹直隸總督飭屬確查分別被擾輕重奏請蠲緩糧租以紓民困盛京刑部侍郎和潤奏盜案首犯監斃無憑質訊請飭緝逸犯送部審辦得旨試問汝四年之久所辦何案于四犯是否即係于得水無難向王湧和等究問況王湧和等避重供輕勢所必至亦斷無因一犯偶脫案懸莫結之理

所有此案應緝人犯著王明倭仁景霖趕緊按名弋獲即派王明倭仁景霖提全案卷宗迅即訊明定擬不必會同和潤以福建陸路提督曾秉忠署江南提督改鑄福建大田縣知縣印信從巡撫瑞璜請也以江西安遠縣城解圍賞知縣陳喬榮等藍翎並升敘有差予陣亡都司業普崇額教諭邵廷選訓導范際春外委林第祭葬世職蠲緩湖南新寧邵陽武岡永明安仁五州縣上年被

擾地方新舊額賦戊申諭軍機大臣等前因俄國續約內載東西兩邊設立界牌應由兩國派出信任大員秉公查勘東界在烏蘇里河口會齊於咸豐十一年三月內辦理西界在塔爾巴哈台會齊商辦不必限定日期等情東界會勘已明降諭旨令倉場侍郎成琦前往會同吉林將軍景瀋辦理所有西界會勘大員著景廉於就近各城大臣中擇其熟悉情形通達事體者酌擬數員開列清單

候旨簡派即由伊犁發給地圖前往塔爾巴哈台會同俄國使臣公同查勘將此諭令知之命倉場侍郎成琦馳往吉林會同將軍景瀋查勘俄國分界事宜以貴州省城防勦出力擢知府劉書年沈西序以道員升用追予河南陣亡總兵官承惠知府王榮烈知縣田玉梅等於汝甯府及官莊地方建立專祠並附祀隨同陣亡兵勇命湖廣總督官文湖北巡撫胡林翼兩廣總督勞崇光廣

東巡撫耆齡江西巡撫毓科迅解貴州軍餉並命署四川總督崇實先撥重慶釐金銀六萬兩解黔仍按月解銀三萬兩以資接濟己酉諭內閣瑞昌王有齡奏賊撲湖州府城兵團堵剿獲勝一摺十月間賊匪撲犯湖州府城道員趙景賢派團勇會合知府瑞春等全城守禦都司吳業祥等水師及千總李楚材所帶陸路各軍將金蓋山等處賊匪擊敗該逆復糾約平望大股七八萬人竄至郭西灣等處趙景賢派水路各勇會集民團分投堵剿以守為戰復於黑夜暗襲康山等處賊營破賊卡十餘座東路平望之賊撲擾大廟港等處復經各營勇丁及民團前往救援賊盡敗回此次該道以寡敵眾屢挫兇鋒實屬調度有方趙景賢著加恩交軍機處記名遇有道員缺出請旨簡放以示鼓勵並仍飭該道聯絡民團實力進剿務期淨絕根株毋留餘孽又諭瑞昌王有齡奏帶兵武員通賊

等語廣東南雄協都司劉仁福遊擊劉仁祿以武職大員膽敢勾通逆賊謀踞湖州實屬罪大惡極現經該處兵勇擊殺洵足快人心而彰國法所有在事出力官紳著瑞昌王有齡查明擇尤保奏諭軍機大臣等瑞昌王有齡奏請飭總兵道員赴浙差委等語浙江礮船剿賊最為得力現擬籌款添造以資防勦惟必須有大員統帶處州鎮總兵劉培元候選道金國琛均於水師情形熟悉該兩員係曾國藩舊部著即迅飭馳赴浙江交瑞昌等差遣委用俾得統帶礮船進攻嘉興逆匪以為規復蘇常之計將此由六百里諭令知之又諭瑞昌等奏探聞江西股匪由河口鎮分竄興安鉛山又徽甯賊匪下竄將近威坪等語浙省杭嚴兩郡甫得肅清湖州正在喫緊江皖兩省股匪復行窺伺實屬面面受敵兵力難於兼顧總兵曾玉明一軍現駐衢州所有江常一路即責成督兵迎勦力遏兇

鋒其由閩調浙兵勇二千餘名現尚未到著慶端瑞瓚催令星夜前進毋稍遲延此項官兵到衢後統歸曾玉明管帶以厚兵力徽甯之賊竄近威坪並飭令該總兵與張玉良之軍互相聯絡嚴密堵剿毋任賊匪闖入是為至要將此由六百里諭令知之閩浙總督慶端等奏解浙餉銀二萬兩得旨援浙兵勇口糧並浙省軍餉仍應源源接濟以福建剿除艇匪出力賞遊擊吳鴻源巴圖魯名號

同知柯東珪守備劉興邦花翎通判林鍼等藍翎餘升敘有差以浙江擒獲黃巖匪犯王國滢等出力賞副將張清標總兵銜同知龔振麟知縣曾元澄花翎千總徐朝慶等藍翎餘升敘有差庚戌諭內閣前據吏部奏請舉行京察當經諭令各部院衙門本年京察有劾無薦覈實辦理嗣據吏部奏請仍飭在京各衙門東公保舉不必拘符定額復諭令此次列薦章者不得逾額之半並將京師

戒嚴期內在署辦事並曾否遷移各員分別開單具奏惟思京察為三載考績大典各部院堂官考覈司員必察其平素勤惰始能分別舉劾若其人向來辦事認真而數日未能到署遽行甄劾似覺可惜或本非出色之員僅於戒嚴期內照常到署遂登薦牘亦不足以昭平允所有在京大小官員應行辛酉年京察著展緩一年照例辦理其

陵寢衙門及盛京等處仍著照舊舉行並著各

該堂官留心查覈如有貽誤公事之員隨時叅劾毋許瞻徇以副朕澄敘官方至意諭軍機大臣等瑞麟奏剿匪情形並懇恩賞假調理一摺據稱本月十二日行抵濟甯探得魚臺一帶有入股擒匪遂與僧格林沁由嘉祥鉅野統兵進剿十五日於楊山集地方擒斬擒匪數十名其時僧格林沁已往東攻剿訪知大隊被賊匪壓下即同格綢額等帶隊迎擊因賊來愈多退至濟甯並因墜馬受傷

請假調理等語。僧格林沁由楊山集進，勦擒匪僅據瑞麟奏被匪壓下，究竟如何失利，現在駐兵何處及一切布置情形，著僧格林沁詳細馳奏，以慰廑念。擒匪大股，竄擾該大臣專帶馬隊二千迎勦，以致輕進失利，恐賊勢益張，乘虛北竄。該大臣等務當督率將士，繞出賊前，迎頭截擊，毋令分竄。儻該逆被擊回巢，該大臣仍當遵照前旨，在濟甯兗州一帶擇要駐劄，先將北路妥為布置，再行相機前進。趙康侯練勇及陝甘官兵，據瑞麟奏稱業已調往接應，本日並據文煜奏稱總兵富新一軍已令前往魚臺，均著僧格林沁催提前進。此外如有可調兵勇，並著該大臣酌量調撥，以厚兵力。瑞麟著賞假數日，在營調理，一俟稍愈，即與僧格林沁將防勦事宜會商妥辦。將此由六百里諭令知之。又諭文煜奏逆捻意圖回竄，總兵富新一軍現已調往魚臺，毋庸專駐曲阜等語。捻逆回竄東境，僧格

林沁進勦失利，匪勢極為猖獗，所有富新一軍業經文煜調往魚臺，著即催令星馳前進，探明匪蹤，實力迎擊。此外如有可調兵勇，並著該撫酌量調派，分投堵勦，毋任匪眾得以深入。其曲阜地方仍著督飭地方文武嚴拏土匪，以重林廟。將此由六百里諭令知之。以福建勦匪出力，賞知府張啟煊參將林文察巴圖魯名號，並賞林文察花翎，餘升敘有差，補行咸豐九年大計。湖北卓異官五員，不謹官二員，浮躁官一員，才力不及官五員，年老官一員，有疾官一員。陝西卓異官九員，不謹官三員，浮躁官一員，才力不及官一員，年老官四員，福建卓異官八員，不謹官二員，罷輟官一員，浮躁官一員，才力不及官一員，年老官五員，分別議敘處分如例。辛亥諭內閣，此次辦理巡防，除文祥崇綸業經加恩外，瑞常慶英麟魁均著加恩，交部議敘，寶璽當喫緊之

際尚在任事著加恩賞還二品頂帶現在京師人心安靖著即撤巡防處仍歸步軍統領認真辦理諭軍機大臣等據僧格林沁奏稱十五日於金山地方與匪接仗因賊眾兵單退至獨山該逆復來撲擾被擊向西南竄逸該大臣已回駐濟甯等語捻逆竄擾東境雖經官兵轟斃多名而我軍亦有傷亡尚恐該匪恃眾回竄僧格林沁現駐濟甯兵力尚單未可輕率前進致有挫失著就現有兵力

會合東省兵勇將北路各要隘嚴密布置毋任賊蹤闖入一俟兵力厚集再行相機前進將此由六百里諭令知之○又諭袁甲三奏籌議兜剿捻匪聯絡官軍聲勢一摺所稱先清北路然後併力南征並將東豫徐宿諸軍統歸僧格林沁節制調度均能切中時勢惟僧格林沁所部兵勇不及萬人兵力既未厚集器械尚待修整此時祇可暫駐濟甯力杜北竄俟各路官軍到齊後方可節節前進先

將捻匪悉數掃除然後會合各軍併力南下以期一鼓蕩平該大臣務宜力保清淮扼守中路關鍵仍與僧格林沁等隨時函商統籌全局是為至要將此由六百里諭令知之○調四川北鎮總兵官滕家勝為江南徐州鎮總兵官江南徐州鎮總兵官鶴齡為四川北鎮總兵官○以伯都訥協領烏爾棍布為黑龍江墨爾根城副都統賞已革副都統伊興額三品頂帶辦理徐宿民團事宜○

以提督李世忠捐餉加河南鄉試中額三名並永廣光州固始縣學額各四名以京城巡防出力予翰林院編修延煦等加銜升敘有差以總理皖北糧臺得力布政使張光第下部優敘以辦理江北糧臺報銷出力知府許如駿等升敘有差以山東籌解軍餉延宕巡撫文煜布政使清盛下部議處○予山東金山陣亡副都統格綢額並其子防禦忠倫暨侍衛德成祭葬世職○命山東巡

撫文煜署河南巡撫黃贊湯江西巡撫毓科速解欽差大臣袁甲三軍營餉需命山東巡撫文煜署河南巡撫黃贊湯署湖南巡撫程誥籌解清淮軍餉調駐劄古北口之黑龍江西安馬隊各五百名並哲里木盟官兵五百名昭烏達盟官兵八百名馳赴山東交欽差大臣僧格林沁調遣調現駐熱河之盛京官兵五百名赴古北口交直隸總督恆福調遣壬子諭軍機大臣等勝保奏請訓

練京兵以備緩急一摺京營兵丁向例按期操演多屬奉行故事該大臣請將內外火器營健銳營及圓明園八旗官兵專派知兵大員加以訓練以期悉成勁旅自係當務之急惟是否變通舊章抑須另籌經費均應悉心妥議若徒飾外觀虛糜糧餉轉恐有名無實著勝保將練兵章程先行詳細妥議迅速具奏再降諭旨至將來訓練時各營開支錢糧及升補額缺等事自應仍由各該管大臣辦

理將此由五百里諭令知之陝甘總督樂斌等奏遵籌西巡事宜得旨西巡之舉不過姑存其說建極馭外究不若燕京況撫局有成不宜自召疑釁豫籌各項不必行單圖留中又奏會商調兵由撫臣帶赴漢中布置批漢中設防專為豫杜蜀匪蔓延若川中得手陝防稍鬆仍應酌撤歸伍以息兵力刑科給事中林之望奏請飭步軍統領瑞常會同勝保嚴拏土匪得旨勝保帶兵原有彈壓土匪之責況半係外兵斷難與京營兵共事所請毋庸議以辦理換約支應事宜妥協兼管順天府府尹張祥河下部優敘賞府尹董醇二品頂帶餘升敘有差予海錠殉節千總燕桂祭葬世職並其親屬十六名口旌卹如例癸丑諭軍機大臣等前因江陰縣城克復諭令巴棟阿由鎮防撥兵一千五百名李若珠由江北大營撥兵一千五百名派赴江陰會同防守本日據都興阿奏天長之賊

時謀東竄三河。將壩衡陽。仍形喫重。徐宿擒匪出巢。屯踞夾溝楊村地方。欲竄清淮。儀徵之賊亦未遠退。劉成元一軍萬難調往。且探聞江陰又有賊蹤。揚州腹背受敵。處處均須堵禦。更無兵勇可抽。鎮江派赴江陰常昭等處官兵。行至仙女鎮。無舟南下。迄今尚未啟程。等語。江陰甫遭蹂躪。現既又有賊蹤。亟須厚集兵力。以資防守。劉成元一軍既不能調往。著巴棟阿、馮子材將派赴江陰之官兵一

千五百名。催令迅速到防。其派往常昭官兵。并著一併嚴催前進。毋再遲延。嗣後如有續調官兵。即飭徑由南路江面就近雇舟前往。勿再繞道江北。以速軍行。將此由六百里諭令知之。督辦山東團練大臣侍郎杜翻奏查辦省西團練。並請假省墓。得旨。賞假十五日。回籍省墓。若捻氛緊急。即於假期內回省。相機督辦。署陝西巡撫譚廷襄奏遵查興安漢中二府並無習教匪徒。通判徐奎亦無

侵吞倉穀情弊。得旨。依議完結。署陝甘總督福濟奏請裁撤蒙古察漢托落亥地方防兵八百名。移設分水嶺。把總一員。兵四十名。日月山外委一員。兵三十名。修建卡房駐守。從之。命陝西在籍五品京堂聶雲等分辦本籍團練事宜。命山西巡撫英桂於應解甘餉銀內提銀四萬兩解京。以甘省捐款留抵山西應解甘餉。甲寅諭內閣。官文、胡林翼奏逆眾圖援懷桐。楚軍會勦大獲勝仗。一

摺逆首陳玉成。勾結捻首龔瞎子、孫葵心。各率悍黨上竄桐城縣之掛車河等處。經副都統多隆阿於十月十四日列隊扼截。並派參將趙旣發等督率各營迎擊。賊匪退敗。河東二十三日該逆復在望鶴墩增築營壘。多隆阿派親兵分路進攻。鏖戰四時之久。該逆抵死抗拒。協領溫德勒克西等率所伏馬隊撲擊。多隆阿親率吉林官兵從中衝出。該逆奔潰。二十六至二十八等日賊由新安渡圖犯

小松園營盤。多隆阿復會同安徽按察使李續宜。由路夾攻。立破棠梨山等處賊壘。斃賊八九千名。溺水死者二三千名。生擒一千三百餘名。解散脅從一萬三四千名。餘匪逃竄。勦辦甚為得手。多隆阿、李續宜和衷共濟。出奇制勝。實屬調度有方。多隆阿著賞穿黃馬褂。李續宜著賞加二品頂帶。其餘在事出力人員。准其擇尤保奏。候朕施恩。又諭邵燦等奏兵團迭次獲勝一摺。逆匪攻破富陽後。分股下竄。圖犯甯紹。均經防勇民團併力擊退。復在富陽一帶江面。偷搭浮橋。窺伺諸暨。兵勇出其不意。立將浮橋燒毀。擊沈賊船無數。上江一帶現已肅清。甯紹兩府如常安堵。浙省團練防勦尚屬認真。並能收復壽昌富陽等縣。所有在事出力紳民著王有齡會同王履謙查明保奏。又諭前因安徽廬鳳道蕭盛遠在江南大營辦理文案聲名平常。當將該員撤任。諭令薛煥查叅。旋據該撫奏稱。

蕭盛遠疏於交接。易招物議。並無實在劣蹟。朕以其意存開脫。復諭令曾國藩嚴密訪查。茲據奏稱蕭盛遠前在廬州遇有和春與巡撫會保之員私自刪增。迨至江南此風尤甚等語。蕭盛遠由書吏擢至道員。輒敢把持公事。營私取巧。實屬可惡。著即行革職。發往新疆效力贖罪。薛煥於蕭盛遠劣蹟未能詳查覆奏。亦屬含混。著交部議處。諭軍機大臣等前據恭親王奕訢等奏接見俄夷換約各情一摺。內有該酋面稱髮逆橫行江南。願撥夷兵助勦。及明年南漕運京。或有阻礙。上海味商粵商情願領運臺米洋米運津二事。當經諭令曾國藩薛煥袁甲三等公同悉心妥議具奏。嗣據袁甲三薛煥先後覆奏。所陳均各有所見。本日曾國藩奏稱金陵髮逆之橫行。皖吳官軍之單薄。均在陸而不在水。此時陸軍不能遽達金陵。即令俄夷兵船由海口進駛。亦未能收夾擊之效應。請傳諭該酋獎

其效順之忱。緩其會師之期。俟陸軍克復皖浙蘇常各郡後。再由統兵大臣。約會該酋派船助剿。庶在我足以自立。在彼亦樂與有成。俾夷此請亦可獎而允之。惟當先與約定。兵船經費若干。一一說明。將來助剿時。均由上海糧臺支應。以免爭釁。與薛煥所奏大同小異。各國甫經換約。所請助兵運米兩事。意在見好中國。袁甲三謂借夷勦賊有害無利。自是正論。但拒之太甚。轉啟該酋疑慮。果能因勢利導。操縱在我。於軍務漕運不無裨益。曾國藩所奏。俟官軍陸路得手。再約其水路會剿。似尚可行。惟所需兵費。是否與之先期約定。著恭親王奕訢等悉心體察。酌議具奏。其請幫運南漕一節。據曾國藩請飭薛煥在上海與之訂明。粵商取保領價。味商聽其自行經理。惟據薛煥所奏。桂良等前在上海議定米穀等糧。均不准運外國。但准夷商從此口運至彼口。仍完出口稅銀。似可令其照辦。運

津官為收買等語。味商領價採辦臺米洋米。運津。薛煥慮其將來藉口漕糧歸其運辦。所見亦是。但官為收買。又恐有勒捐居奇之弊。若商運商買。是否可行。於倉儲有無補益。並著奕訢等詳細妥籌。統俟議定章程。再與該國會商辦理。曾國藩奏袁甲三及薛煥摺片。均著鈔給閱看。將此由五百里密諭知之。又諭前據曾國藩奏請調粵軍助剿。當以該大臣北援之舉。業經停止。無慮兵單。已諭令毋庸議。茲據劉長佑奏。蔣益澧一軍。仍請留粵等語。自係曾國藩尚未知照。該撫現在石逆竄遁南甯貴縣。勾結賀縣逸賊。潯州艇匪。悉力抗拒。廣西軍務正形喫緊。所有蔣益澧一軍。著即留粵勦辦。將此由五百里諭令知之。以楚軍會剿安徽賊匪。獲勝。擢協領溫德勒克西。佐領金順。以副都統用。副將蕭慶衍。彭星占。都司雷正綰。以總兵官用。賞副將郭鵬程。參將劉國瑤。巴圖魯名號。通判吳廷華。

花翎餘升敘有差予陣亡驍騎校豐紳外委王品祥劉楚秦祭葬世職軍功呂志國等賞卹如例予安徽霍山陣亡守備王占先祭葬世職如都司例軍功王占魁祭葬世職如外委例賞五城散放貧民棉衣錢乙卯諭內閣法福禮奏兵丁因乞餉滋事拏獲各犯酌量定擬一摺烏魯木齊滿洲兵丁因餉銀不繼向官廳衙門譁噪經該都統法福禮派員彈壓解散飭令各該協領等拏獲首要各犯業經審明辦理此案兵丁蘇伯圖薩彬圖吉勒肯即鴻禧吉祥即三喜明德等聽從已故甲兵那們泰糾眾乞餉雖訊無兇暴重情實屬不安本分均著改發伊犁充當苦差其當時附和之人既知悔罪姑免究辦仍著責成各該旗員嚴加管束不准再行滋事該管協領佐領等本有鈴束不嚴之咎念其尚能彈壓解散拏獲要犯均著加恩免其交部議處諭軍機大臣等文煜奏東省現辦錢

漕情形一摺據稱平原東鄉刁民集眾攜械偪城放槍以籌團費為名抗納漕米莘縣各里莊民傳單糾結鹽梟攜帶槍礮來城該縣帶役出城曉諭竟敢放槍抗拒以致互有殺傷館陶冠縣堂邑等縣亦分送傳單聚眾抗欠錢漕博興淄川平度等處俱有抗糧之案現在東省祇登州未據報有抗糧情弊其餘九府二直隸州錢漕多半延抗等語各州縣中充當大小團長團總者人數既多賢愚不一難保無藉團生事抗拒錢糧之人若不及早辦理深恐釀成巨患著杜翹剴切曉諭各該處團長等毋得抗欠國課自干罪戾倘有刁民以籌團費為名抗納錢漕甚至擁眾圍城恃強滋事者即著該大臣督率練勇會同地方官將為首各犯速行捕拏即行正法不准稍有姑息以儆梗頑而戒倣尤文煜摺著鈔給閱看將此由六百里諭令知之又諭文煜奏捻逆復擾鉅野縣城被圍飛報欽差

大臣發兵援勦等語該撫於所屬縣城被賊圍攻並未將如何籌畫情形詳細聲敘豈以僧格林沁帶兵現在東省文煜遂可卸責若僧格林沁統兵南下該省軍務又將誰諉耶著文煜將現在如何派兵援勦一切布置情形迅速妥籌辦理毋得以一奏了事另摺奏平原莘縣等州縣藉團抗糧業經諭令杜翻曉諭各屬團總團長人等彈壓解散如有實在抗拒不遵者即將首犯嚴拏懲辦鄉民藉團抗糧固屬事所必有地方官浮收勒折因而激成事端亦不能保其必無該撫身任封疆徵收漕糧係屬地方應辦事件亦豈能盡諉之督辦團練大臣仍著文煜嚴飭各該州縣妥為辦理儻有不肖之員任意加耗以致人心不服即著查明嚴叅文煜自請議處並請將藩司議處文煜清盛於各餉不能如期應付著交部分別議處將此由六百里諭令知之丙辰諭內閣朕聞江蘇省本年被賊

蹂躪最為慘酷百姓流離顛沛戶口散亡賊復設立偽官迫索錢米並多方誘脅稍有不遂陵虐橫施朕心實深憫惻屢飭統兵大臣等督率兵練奮力勦辦諒不難指日蕩平惟念陷賊州縣小民如在倒懸將來地方克復若將新舊錢糧照常徵收民力其何能給所有江蘇浙江安徽所屬被賊占踞各州縣應徵本年新賦及歷年實欠在民錢糧著一律豁免以蘇民困其被賊竄擾未經占踞地方並著各該督撫查明應徵應緩分別具奏至各處被賊裹脅良民屢經降旨准其自拔來歸現在江浙皖省賊陷州縣被脅人數更多著申明曉諭予以自新並著各路統兵大臣嚴飭所部員弁兵勇凡被脅良民毋許妄行殺戮該督撫即刊刻謄黃於被賊踞擾地方遍行曉諭用示朕軫念民依脅從罔治之至意又諭張之萬等奏出力委員可否量予獎敘等語張之萬等帶勇彈壓土匪各該委

員等於聚眾焚搶及反獄各重犯協同地方官設法擒獲尚屬著有微勞著准其擇尤保奏以示鼓勵諭軍機大臣等龐鍾璐奏請將失守地方各官罰捐免罪等語地方官失守城池潛身遠避罪名綦重若按缺分大小責令捐繳銀兩免其治罪勢將為棄城不守各員開一倖免之路實無此政體所有江蘇失守地方奉旨拏問及尚未具奏各員仍著薛煥迅速查辦毋許瞻徇儻該員等於失守

後果能捐輸鉅款募勇打仗隨同官兵克復城池准該撫等據實聲名請旨定奪不得任聽無功之員輾轉營求於克復城池後率請免罪以昭覈實將此由六百里諭令知之○實授胡林翼湖北巡撫命署江蘇布政使吳煦幫辦團練事宜丁巳諭軍機大臣等色克通額等奏俄國使臣至庫倫議及建房牧畜應按新約辦理一摺據稱由京回國俄囉斯使臣伊格那提業幅至庫倫會晤問及

建蓋房間牧放牲畜處所經該大臣以公署西北左近不便與之雜處且與哲布尊丹巴呼圖克圖住館相偪亦屬非宜當經捐出公署東五六里許之杜木達鄂博地方可以建立房間公署東十五里許之烏里雅台河口可以牧放牲畜該使臣已派官看定伊格那提業幅即行回國惟據聲稱將來俄國隨從人等均攜帶眷屬收存貨物必須多建房屋經色克通額商及建房三十餘間庶足敷用

該使臣稱係領事官承辦等語俄國在庫倫設領事官自行建房續增條約內業經載明自難阻止惟多建房間並攜帶眷屬將來人數過多恐於地方不甚相宜著恭親王奕訢等密為熟商將此事行文俄囉斯國總理通商大臣務令遵照條約辦理方為妥善原摺著鈔給閱看將此由五百里密諭知之○又諭本日據奕櫨載敦奏

陵寢樹株被匪偷砍請派大臣查辦復據舒精

阿奏內務府樹戶伐運

昌陵後寶山回乾松樹二百餘株。查本年內務府原報回乾松樹七十四株。僅補栽松樹四十八株。尚多砍伐百餘株。種種不符。當詢該管郎中員外郎等言語支離。顯有不實。不盡請飭查辦。各一摺。禁地樹株伐運回乾。俱有一定章程。舒精阿奏稱樹戶多砍。奕楠等奏稱係賊匪盜砍。又未指明數目。情節亦不相符。且難保官兵等無勾串故縱情弊。李崑現

派查工著即秉公查勘。實在情形奏請交刑部嚴行審辦。原摺均著鈔給閱看。將此諭令知之。○又諭御史薛春黎奏太湖為江浙兩省關鍵。蘇撫駐劄上海。難以兼籌等語。太湖毗連江浙。有險可扼。現在賊蹤未至。亟宜悉力保守。惟薛煥僻處上海。兵力未遑兼顧。所有太湖廳營調兵籌餉事宜。自應由王有齡就近辦理。以固浙江門戶。毋得稍分畛域。王之敬已升授福山鎮總兵。昨據薛煥奏請將

該鎮暫留太湖辦理防勦事務。著王有齡體

察情形。如果該總兵素得民心。即將湖中國防事宜統歸督辦。以專責成。至蘇省所派巡查湖口委員不下數十人。悉駐太湖東山。並無公事。坐耗薪水。並著王有齡咨明薛煥酌量裁撤。以節糜費。此外所陳各條均著王有齡酌覈情形妥籌辦理。原摺著鈔給閱看。將此由六百里諭令知之。○又諭前因勝保奏請飭河南將彰衛懷三府漕糧折價徑解該

營業經諭令黃贊湯援照上屆折價成案。由各屬彙齊徑解勝保軍營。茲據戶部奏豫省額徵漕糧彰衛懷三府共十五萬石。現在南漕阻滯。惟賴豫東二省河運漕糧接濟。即全數起運。尚不敷支放等語。係為倉儲緊要起見。所有彰衛懷三府漕糧著照舊起運本色。毋庸折價解銀。如已有糶變米石仍著照數補足。不得稍有短少。其河南按月應解勝保軍營餉銀八千兩。著由該省抽收釐金項下

照數撥解以濟餉需將此由五百里諭令知之以樹戶偷伐

昌陵後寶山回乾樹株總兵官舒精阿下部嚴議戊午署江甯將軍巴棟阿奏逆眾圖撲鎮江調回派赴江陰一軍以備防勦情形得旨現在鎮城既需兵力著暫准所請俟鎮城稍鬆仍撥兵規復江陰以候補內閣學士桑春榮為內閣學士兼禮部侍郎銜以隨同留京辦事出力予內閣侍讀文綱等升敘有差命山西巡撫英桂署陝西巡撫譚廷襄每月各協濟豫省火藥二萬斤己未命直隸總督恆福嚴催遵化薊玉田三河保安豐潤六州縣應解永濟籌備庫銀命署河南巡撫黃贊湯山西巡撫英桂署陝西巡撫譚廷襄迅解安徽巡撫翁同書軍營協餉並積欠餉項賞移剴古北口盛京官兵五百名皮襖

大清文宗協天翊運執中垂謨懋德振武聖孝淵恭端仁寬敏顯皇帝實錄卷之三百三十六

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之三百三十七

欽此

大學士等理戶部三庫事務管理刑部事務加二十三級記敘十六次

大學士等理戶部三庫事務管理刑部事務加二十三級記敘十六次

欽此

欽此

敕修

咸豐十年庚申十二月庚申朔以大理寺卿

晏端書為都察院左副都御史辛酉諭軍
機大臣等前據曾國藩袁甲三薛煥等覆陳
夷酋撥兵助勦江南逆匪及味商等領運臺
米洋米運津二事當經諭令恭親王奕訢等
悉心體察酌議具奏本日復據瑞昌王有齡
奏稱江浙兩省兵力不敷勦辦借資外國之
兵有無格外要求雖難豫料但彼由京陳請
亦足徵同仇敵愾之誠如果照議舉行可期
迅速應手併稱由外國領價買米恐銀先入

手隨意開銷或藉此把持漁利將來南漕海
運轉多掣肘請令其自行販運官為收買等
語著奕訢等將曾國藩袁甲三薛煥等覆奏
各摺一併妥議章程具奏瑞昌等摺著鈔給
閱看將此由五百里密諭知之 又諭僧格
林沁奏擒匪漸次回竄擬俟續到官兵再行
進勦一摺據稱擒匪自被擊退之後向西南
竄至張古集地方該大臣分飭官兵在濟甯
汶上所屬之長溝袁口等處駐劄以防運河

隄岸仍傳飭各處鄉團協同防守該擒在鄆
城一帶游奔奔竄並由趙王河隄岸隨處擒
糧至曹州府迤東新集地方深恐官兵從後
兜擊不敢遽行狂竄該大臣現將東省布置
穩固擬俟續調官兵到齊再當移營徐宿節
節進勦等語僧格林沁兵力尚單不敷進勦
更恐該逆被勦情急北竄官兵轉落賊後勦
辦更難得手歸化城官兵五百名即由該大
臣咨調一俟各路官兵到齊先將東省布置

穩固再行相機進剿不可遽行深入文煜前奏鉅野被圍現在情形若何該撫諒已派兵勦辦著該大臣隨時策應沿河各州縣修築長隄橫亘三百餘里金鄉魚臺尚未竣工黃河隄岸雖可為東省屏障必須防守得人捻匪始不能闖入並著該大臣飭令各地方趕緊修築堅固鼓舞民團分段防守並令官兵互相聯絡以杜北犯將此由五百里諭令知之欽差大臣勝保奏遵議訓練京兵章程

得旨現在撫局初定貴求實利而不著跡況逐條批示更應密識在心汝若罔顧大局任意宣布是自取禍端也命鑲藍旗蒙古都統西凌阿工部右侍郎國瑞幫辦欽差大臣僧格林沁軍務以湖南武岡州新甯縣城解圍並克復綏甯東安等城賞參將權光燦巴圖魯名號並總兵銜道員江忠義按察使銜予參將劉光文黃仁遺以副將用餘升敘有差以貴州攻毀黃金壘等處賊巢出力

賞副將郭啟元巴圖魯名號以總兵官用雲騎尉朱凌漢守備劉鶴齡等花翎訓導何翼為等藍翎餘升敘有差予陣亡副將呂得科都司楊興來祭葬世職以疏防淀園被擾怡親王載垣等下部議處革散秩大臣恩齡任仍留侯爵免治罪以山東羊山督隊不力革瑞麟侍郎銜飭令回旗委營總法凌阿革職仍留營效力予湖南綏甯守城殉難知縣安和吳熊趙榮祺典史馬景恆訓導蕭

風煦從九品銜胡玉林等八員祭葬世職壬戌諭軍機大臣等據恭親王奕訢等奏稱山東等處海口各夷情形全無聞見探詢亦多不實深恐辦理歧誤易生事端請飭將各省奏報夷情並寄信諭旨鈔錄知照等語現在撫局初定各路奏報夷情自應令該王大臣等周知以期辦理妥協所有八月初八日以後山東江南廣東等省夷務摺報並寄信諭旨已諭令軍機大臣速飭鈔錄齊全即行

知照並嗣後關涉夷務各摺報隨時知會至八月初八日以前摺包均未帶赴行在如有應查摺件即著文祥飭在京之章京由方畧館查明鈔錄可也將此諭令知之○又諭恭親王奕訢等奏通判潘國榮願捐礮位請旨飭辦等語據稱前任浙江運司潘仕成之子分發湖北試用通判潘國榮呈稱情願回粵倡辦捐鑄礮位一萬斤共二十尊每尊自三百五十斤至一千斤不等合膛礮子五千斤另

炸礮十尊礮子一百枚力木礮架三十座足敷配用或按洋式鑄造或購自洋船並稱回粵後願推廣勸捐每捐礮十尊帶炸礮三尊俟有成數呈繳廣東督撫驗收由海船運至上海或山東天津等處聽候撥用等語礮位為軍行利用而炸礮尤為迅烈以之攻勦髮捻等匪洵屬利器本日已寄諭勞崇光耆齡飭令潘仕成同伊子潘國榮妥為辦理著僧格林沁豫為籌度此項礮位捐齊或續行捐

鑄再有成數應由海船解至何處轉解該大臣軍營即自行咨明廣東督撫查照辦理可也將此由五百里諭令知之恭親王奕訢等奏山東金山失利請飭僧格林沁慎重嚴扼得旨所慮實與歷次寄諭相符現在只以力扼北犯為要著未可輕進而轉致疏虞又奏通籌夷務全局酌擬章程批惠親王總理行營王大臣御前大臣軍機大臣妥速議奏單併發山西巡撫英桂奏遵議西巡事宜

得旨現在西巡之舉不過姑存此說尖宿處所暫不必踏勘以免擾累癸亥諭軍機大臣等本日據巴棟阿奏酌調師船嚴防江面並喚船入江密籌辦理一摺據稱喚船准其入江通商必由下游而上現在下游各口防堵喫緊該處原泊師船雖多並無大員駕馭請飭黃彬帶船下駛居中調度不獨使喚國官商見我水寨軍容之盛即南岸各處港口亦可杜賊北竄至金陵觀音門浦口九洲洲

等處賊船較前更多鎮城孤懸南岸全仗江面通行萬一該匪併力下駛鎮郡恐難支持請飭李德麟帶領全幫礮船赴鎮巡防等語松江逆餓鵠張江陰復陷下游防堵喫緊著卽飭黃彬統帶師船下駛居中調度往來撥巡嚴密防守如見喚船入江卽派妥幹弁兵撥船護送至李德麟全幫礮船調赴鎮江能否兼顧北岸著都興阿酌度形勢妥籌辦理務令上下游聲勢聯絡兼顧南北兩岸毋得顧此失彼又據王夢齡奏鎮營軍餉向歸南臺供支現在北臺來源日絀用款日增若再將通州等五廳州縣畝捐改歸鎮營籌辦北臺餉需愈形竭蹶請將海門靖江畝捐撥歸鎮防並仍歸南臺勸辦等語已棟阿前請分撥通海等五廳州縣畝捐之處業經降旨允准惟江南糧臺尚有專撥月解之款江北糧臺支絀更甚通海各處畝捐自未便悉歸江南糧臺所有海門一廳及原隸常州之靖江

一縣著改歸江南糧臺督同地方官籌辦其通州如皋泰興畝捐著仍歸王夢齡與喬松年辦理以資接濟將此由六百里各諭令知之署漕運總督王夢齡奏邵伯鎮迤南漫口合龍日期報聞○予山東郅城陣亡把總楊隆祺戴國杉祭葬世職○甲子諭內閣京師應放八旗及各營兵餉前經戶部奏定新章按月支放實銀五成現在天氣嚴寒兵丁生計維艱所有本年十二月內應行豫放明年正月分兵餉著加恩添放實銀二成以示體恤自二月以後仍照新章辦理○河東河道總督黃贊湯奏各廳防護凌汛並嚴催歲料得旨京協各餉尤關緊要況現在汝兼署豫撫不准稍涉成見○以翰林院侍讀學士吳存義為太僕寺卿○予山東濟甯陣亡千總傅朝立把總李德宗陸克勤劉善傑石貞祭葬世職○乙丑○孝惠章皇后忌辰遣官祭

孝東陵。諭軍機大臣等薛煥奏請飭奕訢等發給喚人李泰國札諭令其幫辦各口通商事務等語。新定通商稅則既有外國人幫辦稅務一條。該喚人李泰國係總司稅務。所有新設通商各口。自可令其一體經理。著奕訢等卽行發給執照。交李泰國收執。責令幫同各口管理通商官員籌辦。並著恭親王等咨行通商各省將軍。督撫。府尹等一體查照。其置買巡船等件。及辛工經費。亦著一併咨飭各口。與李泰國會議妥辦。毋任冒濫。原片著鈔給閱看。將此由五百里諭令知之。江蘇巡撫薛煥奏各國開辦新章。上海稅釐兩礙情形。得旨。現在各省釐捐。軍食攸賴。應如何嚴定稽覈章程。著戶部議奏。以攻克江蘇松江府城。賞知府孫士達遊擊俞奎等花翎。光祿寺署正艾德瑩等藍翎。餘加銜升敘有差。以江蘇上海守城出力。賞道員席裕寬。守備王步雲等花翎。知縣劉照青等藍翎。餘

升敘有差。補鑄江西吉安府通判印信。從總督曾國藩請也。丙寅。諭內閣。給事中何桂芬奏請嚴查革員。趕緊解京等語。已革兩江總督何桂清。已革江南河道總督庚長。日久尚未到京。著直隸山東各督撫查明該革員等逗遛何處。趕緊解京聽候審辦。又諭徐之銘奏。現飭回務掌教。辦理撫回事宜等語。雲南回務掌教馬德新。副掌教徐元吉。武生馬如龍。辦事公正。素為回人所服。既據稟請情願安撫。回眾實屬深明大義。著卽飭令馬德新等妥為辦理。○諭軍機大臣等。僧格林沁奏。擒匪竄出東境。現在督飭地方籌議防守。一摺。據稱。擒匪自被擊退於鄆城等處。南竄後。由曹縣過隄。向虞城縣一帶回巢。現在趕緊籌議防守。將黃河隄岸。飭令地方各州縣速卽修補。加高培厚。一律堅固。分別段落。以民團看守駐劄。無事酌定人數出濠哨探。有警卽全數赴隄守禦。現飭運河道敬和

等查照成案先自濟甯試辦按畝捐貲並將釐捐及官紳樂輸均作為本省防堵經費等語山東為北路藩籬果能憑河築壘以民團分段防守輔以兵力可期穩固著僧格林沁等卽按照所奏妥為辦理並著文煜迅卽派委妥員分投勸辦以期兵民互相保護經費有資俾捻氛不得再行闖入是為至要將此由五百里各諭令知之○又諭田在田奏徐宿軍餉竭屢請飭山東等省速解協餉並將

山東河南欠解苗糧撥解等語捻匪大股廣聚徐宿一帶屢次窺伺東境圖謀北犯全賴徐宿官軍餉糈充足防勦始能得力茲據該總兵奏稱該營協餉除山東尚能照解外河南山西陝西三省均只解到一萬兩現值天氣嚴寒兵勇一遇風雪輒卽紛報病故似此情形艱窘勢將立時潰散著文煜黃贊湯英桂譚廷襄速將該營協餉按照部議定數於十二月內迅行撥解以後並著源源接濟毋

再遲誤將此由六百里各諭令知之○克勤郡王慶惠刑部尚書瑞常等奏酌保守城暨巡守地面出力人員得旨所奏殊屬非是八九月間京兵情形人所共悉尚酌保人員不惟名實不副若被外國所識更有關繫著總管行營王大臣傳知該王大臣等所奏不准行○命告病雲貴總督張亮基留辦雲南軍務俟新授總督劉源灝到任再行交卸○丁卯諭內閣玉明等奏查勘

陵寢應修情形一摺

福陵寶城牆

昭陵圍城牆應修工程著卽派玉明麟興敬謹承修並著欽天監覈對方向於明年二三月內擇吉知照該將軍等辦理○又諭慶昫奏廢員在配潛逃請飭查拏一摺已革四川督標外委許懷清已革步軍委協尉德馨前經發往軍臺效力贖罪該廢員等膽敢在配潛逃實屬目無法紀著步軍統領衙門順天府

五城正白旗漢軍都統及直隸總督四川總督山西巡撫熱河都統一體嚴拏務獲究辦欽差大臣袁甲三奏統籌借夷勦賊利害得旨所慮實為深遠然縱夷滅寇固無把握若拒之太峻亦無法阻止該大臣所見尚可酌量採擇著鈔錄原片並硃批由五百里寄與恭親王等閱看又奏臣子保恆在營出力不敢仰邀恩獎批嗣後該員有卓著功績亦應實敘不必引嫌勿錄以安徽鳳陽府城解圍並定遠勦賊出力賞遊擊李得勝都司邱榮守備吳國榮知府雲逢耀同知于贊等花翎知州陳嘉幹等藍翎餘升敘有差予陣亡外委符雙運千總柳煒祭葬世職蠲緩直隸開東明長垣鉅鹿磁五州縣被水災區新舊額賦有差賑開東明長垣三州縣災民口糧科爾沁達爾漢親王索特那木彭蘇克等五人喀喇沁都楞郡王色伯克多爾濟等二人教漢郡王布彥德勒格呼固魯克齊

等二人土默特貝勒那遜鄂勒哲依翁牛特都楞郡王希爾那巴達拉喀爾喀貝勒布彥巴達爾呼等二人阿巴哈那爾貝子桑齊薩拉特多布土默特頭等塔布囊薩木巴勒諾爾贊於四知書屋殿外瞻觀戊辰諭內閣成琦廉兆綸奏拏獲售賣穀稅撓雜漕種人犯請提訊懲辦一摺此案蘇恆太等膽敢積囤穀稅交通各幫售賣撓漕實屬積慣舞弊大干例禁蘇恆太趙九齡王東珍尹振德崔德明等五名著交直隸總督恆福會同臬司吳廷棟嚴行訊辦以清積蠹而肅漕政拏獲此案之都司劉興邦勇目趙長春著俟定案時聲明請旨禮科給事中唐士森奏保舉太寬請飭部裁覈得旨所奏甚是著派周祖培會同吏兵部將各局保舉人員嚴加裁覈開單具奏杭州將軍瑞昌等奏平湖擊退賊匪可否酌保得旨此次出力人員暫行存記俟續有勞績再行酌保又奏玉山解圍請

保出力員弁批著准其擇尤酌保數人○以體仁閣大學士賈楨為國史館總裁官戶部右侍郎劉崐為副總裁官○以浙江省城解圍並連復餘杭臨安等縣城賞道員何紹祺胡光墉遊擊張志高守備盛綬章等花翎同知恆泰等藍翎餘升敘有差○以浙江籌餉得力賞道員張景渠花翎知府林鈞等升敘有差○己巳諭內閣惠親王等奏會議恭親王奕訢等奏辦理通商善後章程一摺據稱

恭親王奕訢等籌議各條均係實在情形請照原議辦理等語京師設立總理各國通商事務衙門著即派恭親王奕訢大學士桂良戶部左侍郎文祥管理並著禮部頒給欽命總理各國通商事務關防應設司員即於內閣部院軍機處各司員章京內滿漢各挑取八員即作為定額毋庸再兼軍機處行走輪班辦事侍郎銜候補京堂崇厚著作為辦理三口通商大臣駐劄天津管理牛莊天津登

州三口通商事務會同各該將軍督撫府尹辦理並頒給辦理三口通商大臣關防毋庸加欽差字樣其廣州福州廈門甯波上海及內江三口潮州瓊州臺灣淡水各口通商事務著署理欽差大臣江蘇巡撫薛煥辦理新立口岸除牛莊一口仍歸山海關監督經管外其餘登州各口著各該督撫會同崇厚薛煥派員管理所有各國照會及一切通商事宜隨時奏報並將原照會一併呈覽一面咨

行禮部轉咨總理各國通商事務衙門並著各該將軍督撫互相知照遇有交卸專案移交後任其吉林黑龍江中外邊界事件並著該將軍等據實奏報一面知照禮部轉咨總理衙門不准稍有隱飾○諭軍機大臣等恭親王奕訢等奏請由廣東上海各派識解外國言語文字二人來京差委及各海口內外商情各國新聞紙應由各該大臣暨各該將軍督撫府尹按月奏報並知照禮部轉咨總

理衙門即由該王大臣飭知禮部由該部咨行可也並准於八旗中挑人學習外國言語文字知照俄囉斯館妥議章程認真督課如能熟習各國文字即奏請獎勵至各口洋稅現有扣款議定按稅扣歸二成立有會單又有夷人幫同司理稅務每月徵收若干自宜徹底澄清不致侵蝕中飽第將來扣款既清之後應如何妥議章程俾無日久弊生著恭親王奕訢等再行悉心妥議以免弊混其餘

未盡事宜並著隨時詳議具奏將此由五百里密諭知之又諭本日據御史蔣超伯奏條陳江北防勦事宜一摺據稱都興阿宜於瓜州安營駐劄以便兼顧儀揚通泰一帶宜練水師嚴防北竄六儀等處宜駐兵防勦甘泉儀徵並天六二邑均宜歸併揚州合力辦團以上四條均著都興阿體察情形酌覈辦理原摺著鈔給閱看另片奏淮南綱商自改票以後紛紛巧卸已革道員趙連標本係鉅

商家業為兩淮之冠請飭查該革員欠項勒令充商濟餉等語趙連標前在關係軍營因刁唆滋事經毛昶熙奏業經降旨革職不准留營著喬松年確實查明該革員從前充當綱商時如有欠課未完即將該革員提取赴淮勒限嚴追以濟軍餉該御史原片一併鈔給閱看將此由五百里諭知都興阿並傳諭喬松年知之又諭綿性奏變通私徵轉為公用一摺據稱近日各城回戶除正賦外

每年各該阿奇木伯克向回戶多收普爾錢每戶不下兩三串之數果能查明回戶將每年所納私賦之中減免一半其餘一半俾充經費回戶懽悻可蘇經費亦有裨益所有內地應解之款即可用資京餉並請由阿克蘇先行試辦俟有成效後再請飭回疆各城酌辦等語回疆各城伯克多徵回戶錢文本屬陋規例應裁禁綿性請以私作公明加暗減係為經費起見惟私徵改為公用後難保該

伯克不私向各回戶再行額外加徵重累回人著常清景廉體察情形將綿性所奏有無流弊之處悉心妥議詳細覆奏原摺著鈔給閱看將此諭令知之○新授河南巡撫嚴樹森奏報謝恩得旨抵任後迅將慶廉賈臻互叅一案東公研訊勿得稍有瞻徇顧忌再豫省丁糧能否照楚省認真覈辦察看情形次第經理○命貴州提督田興恕為欽差大臣督辦全省軍務○以收復貴州修文縣城並貞豐仁懷等處守城出力賞同知樊希棟巴圖魯名號主事張輻新知府沈丙瑩吳德溥同知戴鹿芝知州鄧爾巽守備羅德光等花翎知縣湛端模等藍翎餘升敘有差

大清文宗協天翊運執中垂謨懋德振武聖孝淵恭端仁寬敏顯皇帝實錄卷之三百三十七

孝德皇后忌辰遣官祭

步被賊竄擾軍情叟緊當經諭令駱秉章暫

緩入蜀。並諭崇實督飭郭相忠將王龍統帶官兵認真圍剿。務將川省逆匪悉數殲除。茲據奏稱。藍李二逆節次上竄。圍撲省垣。均經兵勇團練擊退。惟楚軍湘果營自蕭啟江故後。總統無人。請飭駱秉章將奏請隨帶道員劉嶽昭即飭迅帶所部先行來川。又四川候補知府馮卓懷在川年久。深洽輿情。前經駱秉章奏調隨營。亦請飭駱秉章令該員先行來川等語。現在湖南武岡等處業經解圍。軍務稍鬆。著駱秉章即飭劉嶽昭迅帶所部赴川。統帶楚軍。並飭馮卓懷星速前往。以資差委。綏甯城步等處業經收復。賊勢能否迅即撲滅。駱秉章何時始能入蜀。並著隨時馳奏。以慰朕廑。將此由六百里諭令知之。又諭。部興阿奏布置水陸防勦並鎮城兵食匱乏。請旨飭催協餉一摺。該將軍親至邵伯履勘湖防。並令李德麟駛赴下游。會同陸路嚴防逆匪竄渡。布置尚為周妥。惟據稱鎮防兵勇

缺餉日久。十月初間每名僅關銀一兩。飢寒交迫。愁怨思潰。已棟阿等以勢甚危急。函令於江北糧臺暫借銀四萬五千兩散放。現已由江北糧臺籌借米石。趕運鎮防。復令喬松年設法接濟等語。鎮防兵勇銀米兩絕。軍心浮動。竟有赴丹陽投賊之語。情形實屬危迫。都興阿雖已籌米趕運鎮防。並商令喬松年於江北糧臺無論銀錢速行籌借。趕赴鎮營。究恐杯水車薪。不能濟急。鎮江為沿江緊要門戶。僅因糧餉匱乏。兵勇投賊。關繫南北全局。況鎮防兵餉本應由江南糧臺支放。薛煥若不亟籌接濟。設有貽誤。自問當得何罪。現在江北糧臺來源日絀。豈能兼顧鎮餉。著薛煥即將該營軍餉由上海迅速籌撥。毋得推諉遷延。致誤要需。將此由六百里各諭令知之。署四川總督崇實奏滇匪竄擾永川。現在兜勦情形。得旨永川失守。著迅速查明分別辦理。命浙江黃巖鎮總兵官黃彬幫辦

荊州將軍都興阿軍務。○以勦辦四川眉州等處竄匪出力。賞副將何勝。○唐星。照。巴圖魯名號。都司楊應剛。知州李肇奎。花翎。知縣韋以信。藍翎。餘升敘有差。○以拏獲山東武定府屬泉匪出力。予知縣張繼武等。補敘有差。○予四川趙家渡陣亡知州李英聚。祭葬。世職如知府例。並於死事地方。建立專祠。縣丞胡興儀。守備黃鎮湘。外委劉國清。祭葬。世職從九品銜。陳盛典等十二員名。賞卹如例。

一併附祀。○予直隸陽山集陣亡遊擊張振魁。侍衛伊勒通阿。藍翎長玉。陞祭葬。世職。官學生英芳等。賞卹如例。○壬申。諭內閣。本日覽戶部本內。河南司掌印。係郎中晉翼。朕知此人現尚年輕。在部年分亦必不久。何以遽派要差。如果其人尚堪造就。不妨俾資歷練。不可開蹕進之門。○又諭。前因文煜奏。德楞額於山東省地方。勒拏出力。官紳並未會同該撫查覈列保。當經降旨。嗣後該省勒匪出

力各案。如係德楞額軍營帶領馬隊各員。准由該副都統單銜保奏。其地方文武紳團。仍著德楞額會同文煜。確實查明。公同酌保。茲據德楞額奏。疊次咨商文煜。如何獎勵。未准該撫咨覆。是以先行擇尤請獎。並可否將出力官紳。統歸文煜保奏等語。地方文武紳團。勒匪出力。理應帶兵之員。會同地方大吏。公同酌保。以符體制。該副都統欲統歸文煜保奏。殊屬非是。所有山東省勒匪出力各案。著

仍遵前旨。分別保奏。至本年二月間。萬年牘等處勒匪出力之文武兵團紳董。日久尚未奏請獎勵。亦不足以昭激勸。著文煜迅即會同德楞額保奏。○以廣東續捐軍餉。永廣鄉試中額六名。新會。河源。茂名。化。文昌。五州縣學額各五名。東莞。歸善。龍川。三縣各四名。翁源。連平。永安。高要。電白。吳川。瓊山。七州縣各三名。香山。英德。合浦。嘉應。平遠。五州縣各二名。增城。從化。三水。花。曲江。博羅。和平。長。寬。大。

埔海陽陽江新興鶴山陽春信宜石城海康遂溪徐聞澄邁會同樂會定安東安始興興甯長樂鎮平二十八縣各一名以拏獲山東應城縣匪僧予知縣朱銘等升敘有差○予江蘇無錫吳江殉難兵部主事朱厚基母楊氏等十三名口旌卹如例○癸酉諭軍機大臣等恭親王奕訢等奏遵議借夷勒賊並代運南漕各情一摺前據曾國藩薛煥袁甲三並瑞昌王有齡等馳奏遵議借夷勒賊及幫運南漕各摺片諭令恭親王奕訢等悉心酌議茲據奏稱將曾國藩等原奏悉心參覈江南官軍現尚未能進剿金陵即令夷船駛往非特不能收夾擊之效並恐與賊相持如薛煥所慮句結生變尤宜豫防該撫所擬令夷兵由陸進剿非獨經過地方驚擾即支應一切諸多窒礙夷性貪婪一經允許借兵勒賊必至索請多端經費任其開銷地方被其蹂躪等語並於英酋喊唆嗎來見與之談論

終日該酋已吐實語謂勒賊本中國應辦之事若借助他人不占地方於彼何益非獨俄弗克復城池不肯讓出即暎國得之亦不敢謂必不據為己有因舉該夷攻奪印度之事為證借夷勒賊流弊滋多自不可貪目前之利而貽無窮之患惟此時初與換約拒絕過甚又恐夷性猜疑轉生叵測惟有告以中國兵力足敷勒辦將來如有相資之日再當借助以示羈縻並設法牢籠誘以小利俾夷貪利最甚或籌款購其槍礮船隻使有利可圖即可冀其暱就以為我用儻上海夷人諄請助兵勒賊著曾國藩薛煥量為獎勉僅有兵船駛入內地即按照條約攔阻並著該大臣等就現有兵力設法攻剿逆匪毋再觀望至俾夷槍礮既肯售賣並肯派匠役教習製造著曾國藩薛煥酌量辦理即外洋師船現雖不暇添製或仿夷船製造或將彼船雇用誘之以利以結其心而我得收實濟若肯受雇

助。勦。只可令華夷兩商。自行經理。於大局或
可有利無弊。並著該督撫斟酌試行。將來於
通商各口關稅內。酌提稅餉。仍濟軍需。其代
運南漕一節。亦照恭親王等所議。由薛煥出
示招商運津。無論華商夷商。一體販運。按照
稅則完納稅餉。官為收買。按照時價。公同估
斷。無須與該夷豫行會商。味夷質性較醇。與
英。佛。情形不同。其應如何廉繫。使為我用。俾
其感順。以杜俄夷市德於彼之心。亦著曾國

藩薛煥。隨時酌量情形。妥為辦理。另片奏。上
海通商各小國。見英。佛。味。三國換約。未免覬
覷。前經桂良。在上海時。嚴行拒絕。薛煥。曾隨
桂良在彼。深知其事。並著該撫。務照前年辦
理情形。豫為杜絕。毋令徑駛天津。又費唇舌。
並曉諭英。佛。味。三國。以各小國小弱之邦。不
得與三國平列。一體換約。令其幫同阻止。方
為妥善。如各小國不遵理諭。徑赴天津。惟薛
煥是問。將此由六百里各密諭知之。○又諭。

本日據恭親王等奏。請飭東三省練兵。並籌
畫餉需等語。據稱。吉林。黑龍江。與俄夷相鄰。
邊防緊要。近因軍營需用馬隊紛繁。於吉林。
黑龍江。屢次徵調。實有空虛之患。請飭該將
軍等。於東三省各營兵丁。勤加訓練。弓馬之
外。兼習技藝。擡槍。按期操演。各路軍營。以後
不得再調該處馬隊等語。吉林。黑龍江。與俄
國接壤。現雖換約。仍應嚴密防範。未可稍涉
大意。其應如何將各營兵丁。勤加訓練。俾弓

馬之外。兼習技藝。擡槍之處。著景瀉麟瑞。特
普欽。那敷德等。妥議章程具奏。應需經費。著
先行設法捐辦。復據文祥奏。前任副都統富
明阿。前在江北軍營。素稱得力。現在受傷回
旗養病。請飭該將軍查奏等語。著特普欽等。
查明富明阿。現在是否病痊。據實具奏。將此
由五百里各密諭知之。○又諭。前據勝保奏。
訓練京兵章程一摺。並將章程十條。開單呈
覽。當經逐條批示。茲據奕訢等奏。請令八旗

兵丁添習槍礮技藝一摺。據稱現擬有技藝各營兼習槍礮。僅習弓馬者。加習槍礮技藝。並挑選各旗營閒散餘丁。另立營伍。專習技藝。擡槍。如果操演純熟。即挑補各營額缺等語。恭親王等所陳訓練八旗兵丁。意在添習火器技藝。儘能認真操練精熟。自可有備無患。著勝保按照硃批各條。及本日恭親王等所奏悉心妥議。酌定章程。詳細具奏。奕訢等摺著鈔給閱看。勝保原奏練兵摺單一併發還。將此由五百里密諭知之。○又諭毓科奏寇氛逼近。請暫緩九江通商一摺。據稱徽池巨寇分股竄陷東流建德。上犯彭澤。湖口勢甚狃獗。經曾國藩調派道員彭玉麟總兵陳大富等督率水陸各軍分馳剿辦。九江適當其衝。如此時遽往籌辦開商。不惟商賈屏跡。無從交易。尤恐逆氛肆擾。有礙喫國舟行宵小奸民乘機竊奪。大江漢汊紛歧。地方官吏勒賊不遑。查拏匪易。轉致有傷和好。請

飭給發照覆。可否暫行展緩辦理等語。喫國在九江通商。業經允准。惟此時賊犯彭澤。湖口。恐於該國貿易有礙。著恭親王奕訢等即將毓科所奏情形。照會喫國使臣與之婉商。俟明春賊勢漸平。九江一帶江面安靜。再行辦理。原摺著鈔給閱看。本日奕訢等奏遵議借夷勒賊及招商運米。已照所議寄諭曾國藩薛煥酌辦。練兵一摺。並諭知勝保妥議章程矣。將此由六百里密諭知之。○以通政使司副使祥泰為光祿寺卿。○命河南按察使鄭元善幫辦團練大臣毛昶熙軍務。○以江西建昌等處勒賊出力。賞道員屈蟠。巴圖魯名號。花翎。道員王德榜都司李昇平。花翎。知州黃鳴珂。藍翎。餘升敘有差。予陣亡都司陳開勝守備吳水梅千總周德富把總吳天貴。外委王得壽等十四員。祭葬。世職。生員曹紹斌優卹如例。○以河南蘭儀考城等處防河勒匪出力。賞道員王榮第葉法張秀三。花翎。

知府胡嘉楷王憲等加銜升敘有差○甲戌湖廣總督官文等奏請提漕折銀兩暫資接濟軍餉得旨軍餉固屬緊要京師尤為根本之地著先行迅解五萬兩下餘銀兩准其暫緩○署湖南巡撫翟誥奏庫款竭蹶無力協濟浙餉得旨仍著速行籌撥勿得任意推諉○調廣東高州鎮總兵官勒福為南韶連鎮總兵官南韶連鎮總兵官訥蘇肯為高州鎮總兵官○以河南柘城等處防勦出力賞道

員趙迎恩知府張仙保龔毓采知州駱光裕等花翎知縣丁祖和等藍翎餘升敘有差○以廣西鬱林等處解圍賞知縣覃遠進等花翎並升敘有差予陣亡巡檢黎源祭葬世職○賞熱河駐防額魯特兩處官兵皮衣○以疏防賊竄湖南道州等處知縣盧肇煦許金堂參將陶國喜黃開甲革職留任予陣亡參將胡國安遊擊曾連升都司羅臣宣守備楊大椿千總李文煥把總萬興隆外委楊高峰

典史陸鈞等四十七員祭葬世職六品軍功李國賓等賞卹如例○予安徽廬州等處禦賊被戕從九品齊世那千總韓登喜把總程肇宜祭葬世職文生吳楚賢賞卹如例○補鑄安徽鳳陽縣知縣印信縣丞條記從巡撫翁同書請也○蠲緩湖北公安沔陽漢陽漢川黃陂鍾祥京山天門雲夢石首監利松滋枝江荊門江陵嘉魚孝感黃梅潛江江夏羅田廣濟三十二州縣暨武昌蘄州二衛被水

災區新舊額賦並公安沔陽漢陽黃陂天門雲夢江陵石首監利松滋十州縣本年漕糧○喀爾喀扎薩克郡王托克托瑚圖魯於煙波致爽殿內瞻觀○乙亥上詣

殊象寺羅漢堂拈香○諭內閣本年朕三旬慶辰業經將內外大員老親分別加恩茲據吏兵兩部續查徐樹銘等老親均年逾八十自應一

體加恩。用示朕錫福推恩至意。恭親王奕訢等奏。再陳現辦情形。得旨。現在總理衙門。既有軍機大臣兼領。似亦可飭章京往返查覈要件。閣部司員。既請毋庸本衙門止差。隸禮兵兩部。接發文件。似亦可令該部兼行司員。專司其事。該部堂官。亦當預聞。若如所請。軍機處兼行章京。兩處行走。應歸何處查覈勤惰。並保舉叅劾。應如何辦理。以上數層。著再行覆奏。○以錫福推恩。

御書扁額。賞兵部左侍郎福建學政徐樹銘祖。父國指曰重闡錫羨。福建金門鎮總兵官陳國泰生母譚氏曰萱蔭春長。浙江黃巖鎮總兵官黃彬祖母梁氏曰陔華衍慶。並各文綺珍玩有差。○丙子。諭內閣。文謙奏省城團練。分別撤留。並請保出力各員一摺。本年直隸省城團練。經文謙督率訓練。晝夜巡查。不遺餘力。並派往近京一帶。勦捕土匪。現在地方安謐。自應分別撤留。其在事出力官紳。即著

文謙擇尤酌保。毋庸由恆福具奏。○又諭。譚廷襄奏告病回籍。副將私帶勇丁。中途滋擾。請革職提訊一摺。副將盧又熊。在翁同書軍營告病回籍。不俟奉旨。先行啟程。並私帶勇丁多名。捏稱赴四川招勇。行抵陝西平利縣地方。擅將民人王魁寅殺斃。並縱勇砍傷汛兵。又至白沙河強令民夫擡轎。砍傷牛客。種種不法。實屬膽大妄為。前陝甘督標中軍副將盧又熊。著先行革職。交譚廷襄提省嚴訊。

確情。按律懲辦。○又諭。本年來京之科爾沁等處協理台吉。公王子孫。台吉官員。及各國來使。均著毋庸頒給桌張羊隻。現赴熱河當差之內扎薩克蒙古王公。暨年班蒙古汗王公等。並著毋庸頒給。○諭軍機大臣等。前據文煜奏。鄒縣地方。教匪宋繼朋等傳教聚眾。設壇祭旗。經知縣林士琦前往查拏。膽敢開放槍礮。列仗抗拒。旋經兗州鎮總兵富新會同知府張鵬志帶領兵勇。由土旺上馬莊一

路進勒頗有斬馘。及至官莊地方。該匪死力抗拒。未能得手。茲復據該撫奏稱。守備姜長清奮勇殺賊。中礮陣亡。官軍由官莊退至土旺。現在撥調德州等營官兵一千名。俟行抵近省地方。即由該撫親自帶往堵剿等語。此股教匪聚眾戕官。兇狡頓張。亟應乘其初起。趕緊撲滅。勿令滋蔓難圖。僧格林沁現駐濟甯。距該縣境不遠。著即分撥官兵前往剿辦。並著文煜迅速出省。親督官軍。務將此股教匪剋日掃除。毋留餘孽。不得坐待。各營官兵調齊。再行出省。致誤事機。姜長清陣亡情形。著文煜查明具奏。將此由五百里各諭令知之。○又諭譚廷襄奏庫款支絀。擬將各營豫借接濟。及來春餉項。緩至春季給發一摺。陝省庫項空虛。自係實在情形。所有各營應支豫借接濟草乾等項。並十一年春季俸餉。同豫借接濟等項。自應援照歷年展緩成案辦理。著托明阿經文岱。即行曉諭各營員弁兵

丁俟來年春季庫款稍充。再行補發。將此由五百里各諭令知之。欽差大臣勝保奏請將已革南陽府知府顧嘉蘅開復原官得旨。既無格外勞績。又係在該員參革以前之事。所請毋庸議。以宗人府府丞厲恩官署兵部左侍郎。以候補總兵官黃開榜為江西九江鎮總兵官。貴州松桃協副將富陞為河南南陽鎮總兵官。以克復江西德興安徽婺源二縣。城予四品京堂左宗棠以三品京堂候補賞副將崔大光總兵銜道員王開化按察使銜訓導楊昌濬花翎從九品朱明亮等藍翎餘升敘有差。以克復安徽建德縣城賞副將黃惠清巴圖魯名號唐義訓以總兵官用餘升敘有差。總兵官普承堯弛防在前革職。建問。蠲緩河南祥符杞萊陽榮澤。汜水商邱甯陵鹿邑夏邑永城虞城睢柘城。淮甯西華沈邱鄆城安陽湯陰臨漳林內黃。武安涉汲新鄉獲嘉淇輝延津濬滑封邱考

城河內濟源原武修武武陟孟溫洛陽偃師
鞏永寧固始息四十七州縣被水被旱被擾
災區新舊漕糧有差○丁丑諭內閣前因恭
親王奕訢等奏請將長蘆鹽政一缺裁撤歸
直隸總督兼管等語當交戶部議奏茲據奏
稱長蘆鹽務改直隸總督統轄可期全網整
飭等語長蘆鹽政一缺著即裁撤所有督辦
運課事宜統歸直隸總督管理即著恆福會
同崇厚將正雜已收未收各款逐細盤查交

代清楚其餘未盡事宜著該督詳細妥議具
奏嗣後長蘆鹽務是其專責著即督飭鹽運
使認真經理於應支正雜各款及各衙門帑
利官租等項銀兩實力催徵完解務期年清
年款不得稍有帶欠其原設鹽政衙署及養
廉銀兩並著改歸新設辦理三口通商大臣
以資辦公天津關稅並著該大臣兼管分晰
造報○又諭成琦廉兆綸奏查倉御史許其
光奏參看倉誤班之章京馬甲等分別懲辦

各一摺倉儲重地防範宜嚴該班章京馬甲
等視同具文竟有頂替代班情弊實屬不成
事體所有祿米倉誤班之章京著各該旗查
取職名交部嚴加議處其頂替代班之閑散
福川及倩替之馬甲成瑞並其兄成惠均著
交部審訊以懲曠誤並查明是日該班馬甲
等有無頂替誤班等情分別懲革此外各倉
似此情弊亦所不免著各旗都統暨步軍統
領衙門嚴飭看倉旗營官兵等認真值班晝

夜巡防毋許疏忽並著稽查內七倉大臣派
員輪赴各倉覈實點驗其該班官兵花名文
冊著照例先期送倉以憑查覈又諭景廉
奏辦理襲汗案內訊出情弊請將堂司各員
革職嚴訊一摺此案綽坦圖襲汗繇解任總
管英秀聽從薩碧屯慫恿率行允准顯有通
同舞弊情事惟於綽坦係阿拉坦沙拉親戚
一節堅不承認實屬恃符狡展英秀著暫行
革職歸案嚴訊筆帖式薩碧屯既有收受綽

坦財物情事。尚恐不止此數。著即行斥革。嚴審確情。按律懲辦。○諭軍機大臣等。本日據景廉奏。訊出襲汗案內情弊。請將前任塔爾巴哈台堂司各官革職。提集全案人證根究。一摺。已明降諭旨。將英秀等革職嚴訊矣。此案台吉綽坦。謀襲汗爵。業經景廉究出。薩碧屯有收受銀兩情事。惟阿拉坦沙拉投順俄夷一節。僅係綽坦一面之詞。非阿拉坦沙拉父子面為質對。不足以成信讞。景廉業經咨調。至今尚未到案。著明緒傳諭阿拉坦沙拉父子善言開導。令其趕緊到案。並告以爾之汗爵被人襲去。一經面質。即可剖辨明白。務即迅速前赴伊犁質證。如阿拉坦沙拉實因年邁未能前往。即飭令伊子札哈拉邁特迅赴伊犁備質。以成信讞。將此諭令知之。○以奉天修築海防工竣。並熱河隨圍出力。賞協領景運等花翎。哈爾尚阿等藍翎。餘加銜升敘有差。○戊寅。諭內閣。文煜奏。請將被賊經

過縣城之地方。文武員弁議處等語。山東署蒙陰縣知縣錢枚。署蒙陰縣典史楊光堦。外委張振清。於擒匪竄入該縣境內。督帶團丁堵禦。連獲勝仗。因眾寡不敵。被賊穿城經過。旋即擊退。收復縣城。倉庫衙署等項均無被焚。疏失情事。與城池被賊占踞後始行收復者尚屬有間。錢枚。楊光堦。張振清均著革職留任。○又諭薛煥奏。請將派隊貽誤之參將革職等語。參將唐國棟。經薛煥飭令派撥兵丁。交參將景又春。救援寶山。所撥兵丁。竟少至五十名之多。帶兵外委王繩武。陳鳴皋。託故不往。唐國棟亦毫無覺察。實屬昏憤貽誤。江南提標右營參將唐國棟。外委王繩武。陳鳴皋著一併革職。並查明王繩武。陳鳴皋。如有臨陣退縮情事。即著薛煥提訊究辦。以肅戎行。○以山東登州防堵出力。賞還參將忠順頂帶。開復革職留任處分。○以山東金鄉被賊竄擾。知縣錢廷煦。典史王鶴齡。把總張

應照下部議處○以江蘇寶山守城出力。賞參將李廷舉。劉錫溫。花翎。餘升敘有差。予陣亡把總張振。撥祭葬世職。○以籌辦山東海防。並防禦捻匪出力。予道員敬和。同知王鍾。知州彭坦。守備謝炳等。花翎。知府蔣斯嶸。藍翎。餘升敘有差。○緩徵山東樂安縣被蟲被水災區新舊竈課。○己卯。諭內閣。文煜奏。請將鹽泉滋擾。延不拏獲之地方員弁懲辦等語。山東博興縣知縣王暄。典史陳模。存城汛把總劉應龍。於鹽泉聚眾滋擾。並不先時豫防。已屬玩忽。事後又不趕緊拏獲。據實稟報。實屬咎無可辭。王暄。陳模。劉應龍。著一併先行撤任。摘去頂帶。勒限兩箇月。協同接緝員弁。嚴拏各匪犯。務獲究辦。鹽泉竄入博興縣城。該縣與委員。所稟情節懸殊。並著文煜查明。如有諱匿消弭情事。即行從嚴參辦。○諭軍機大臣等。巴棟。阿。馮子材。奏鎮江乏餉過久。軍潰恐在旦夕。請飭催協餉一摺。鎮江一

軍。餉需久經缺乏。前經巴棟。阿等奏請飭撥協餉。以拯飢軍。當經諭令河南。山東。山西等省。迅將部撥協濟京口銀兩。陸續籌撥。限十月以前。埽數解清。鎮江一城。關係江南北大局。設因餉竭兵潰。勦辦更難措手。著黃贊湯。文煜。英桂。務遵前旨。迅速籌撥。剋日解往。勿許玩延。並著勞崇光。著齡。將部議每月由廣東協濟京口軍餉銀五萬兩。按月籌解。不得視同膜外。致飢軍譁潰。有誤事機。將此由六百里加緊各諭令知之。○又諭前因巴棟。阿奏軍情孔亟。請催撥餉。當經諭令山東。山西。河南各省。迅將部撥協餉籌解。並著薛煥。設法源源籌濟。茲復據該署將軍等馳奏。鎮江一軍。潰變堪虞等語。鎮營孤守江濱。為江南北大局所繫。薛煥統轄全省。責無旁貸。尤不得視同膜外。著即懍遵前旨。無論何款。剋期籌撥。趕緊解往鎮江軍營。以拯飢危。不得以空言塞責。並傳諭江清驥。將指撥前藩司

王藻革員許敦詩捐銀二款先行催提星速
解往將此由六百里加緊諭知薛煥並傳諭
江清驥知之雲南提督傅振邦因病解任
以昭通鎮總兵官福陞為提督命山西太
原鎮總兵官田在田督辦徐宿勦匪事宜江
南徐州鎮總兵官滕家勝准徐道吳棠幫同
辦理以江蘇鎮江府城三次解圍出力賞
副將滕嗣林參將周伯雲遊擊關松志都司
黃英彪已圖魯名號同知胡有志遊擊余廷
高守備周鳳岐戴錦芳等花翎遊擊王嘉謨
等藍翎餘升敘有差蠲免貴州都勻鎮遠
思南石阡黎平平越獨山清平黃平施秉永
從開泰安化印江婺川龍泉餘慶甕安貴定
龍里荔波天柱三十三府州縣暨清江下江
兩廳錦屏縣丞所屬及古州左右八寨台拱
黃施丹江凱里清江左右九衛被擾地方額
賦有差

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之三百三十八

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之三百三十九

監修總裁官經註日講起意王后太子太保上書學士傳文淵閣領閣事翰林院掌院學士稽察欽奉上諭事件處國史館總纂官武英殿

大學士管理兵部事務加十三載紀錄十四次 賞情素本總裁官經筵講官太子太保文淵閣領閣事武英殿總裁官教習庶子體仁閣

大學士管理戶部三庫事務管理刑部事務加二十三級紀錄十六次臣周祖培謹奏奉旨著照所請該部知道欽此

鎮蓋旗滿洲都統戶部尚書管理三庫事務加四級隨帶加五級紀錄十二次

連國文館總裁官正叢謀蒙古都統糧部尚書管理太常寺漢鑪寺事務外二級軍政加四級請帶外八品銜五品一俸什理處等

敕修

咸豐十年庚申十二月庚辰

上御萬樹園大惺次賜蒙古王貝勒貝子額駙等宴並賞賚有差○諭內閣僧格林沁奏東省倚恃鄉團聚眾抗糧請交地方官督辦團練等語前任戶部侍郎杜鰲督辦山東團練既據該大臣奏稱該侍郎查閱各處供應未免浩繁況未著成效著即撤去督辦山東團練大臣俟交審案件訊辦完結後再行來京所有山東省團練事宜即著文煜督辦該撫務即督率所屬地方官認真經理選擇公正

紳士專司其事嚴飭各處團總等同心守禦不得藉端勒索惑眾抗糧該地方官亦不得以現在撤去團練大臣輒即遷延不辦如各該州縣不能秉公辦理實力稽查及浮收勒索以致百姓有所藉口別滋事端即行據實嚴叅毋稍徇隱又諭四川川北道苗沛霖帶練立功忠勇奮發並能約束所部練勇講求軍律不許妄為滋事是以朕疊加簡擢冀其與官軍協同滅賊為國宣勞渥膺懋賞近聞壽州團勇殺害苗練因而彼此尋仇懷疑不釋苗沛霖係屬大員必不至因私忿而忘公義如其所部練勇因嫌起釁該道員亦應妥為彈壓聽候地方官查辦不得私相報復所有壽州團勇殺害苗練一案著袁甲三會同翁同書秉公查訊如果練董孫家泰等有濫殺無辜情事據實具奏按律懲辦毋得稍有偏袒隱飾諭軍機大臣等僧格林沁等奏擒逆出巢北竄現擬整隊截剿等語擒匪

每遇冬春之交即行離巢四出焚掠習以為常該大臣現既稱有賊目趙浩然等率領藍黑兩旗賊隊圍攻陳家寨後即向北竄至碭山縣境地方又據伊興額報稱擒匪五旗並出有直撲濟甯大營之信現在西凌阿國瑞勦捕鄒縣教匪竣事業已將全隊撤回著該大臣等趕緊整飭隊伍聯絡鄉團扼要嚴防一面勤加偵探儻遇該匪竄至即相機截擊毋令闖入東境上次羊山之戰官軍未能得

手此次如擒逆北竄該大臣等務當布置周密謀定後戰不可稍涉大意將此由六百里諭令知之○又諭工部奏各省欠解硝斤請旨飭催一摺工部火藥局需用硝斤於咸豐八九兩年行取各該省硝斤各一批除山東省祇將九年分應解硝斤解部外其直隸河南應解硝斤久未報解現在火藥局庫內硝斤並無存儲待用孔殷著恆福將九月間奏明先解十萬斤之數刻即解部其餘應補解

截留八年分硝斤著一併迅速解部山東河南應解硝斤著黃贊湯文煜迅即委解務於明年正二月間陸續全行解部以資配造毋再延宕並將承辦不力各職名咨送吏部覈議將此由五百里各諭令知之○又諭本日袁甲三奏軍營餉無來源萬分難支等語袁甲三軍營因淮河梗阻餉無來源以致兵勇解體該大臣所奏情形實屬萬分危迫若不速籌接濟恐有意外之虞著黃贊湯文煜無

論何項務各迅撥銀四五萬兩並著黃贊湯提餉票二十萬兩派委委員兼程剋日解赴袁甲三軍營以濟急需毋得遷延推諉將此由六百里各諭令知之○以貴州上江協副將沈宏富為雲南昭通鎮總兵官○以京師內城團防出力予副指揮林懋鐸等加銜升敘有差○以直隸天津辦團帶勇出力賞在籍知縣張之京藍翎同知銜知府朱金城等升敘有差○予山東羊山陣亡三等侍衛遐

昌哲里木盟二品翎頂梅林翰合巴雅爾三品翎頂梅林那順德格勒頭品頂帶台吉兵倭羅啟文四品翎頂台吉兵德瓦等百六十一員護軍校玉林等六百七十三員名祭葬世職並賞卹如例○辛巳山西巡撫英桂丁父憂回旗穿孝以布政使常績暫署巡撫○以天津海防局辦理文案出力賞同知陳翰荅花翎餘升敘有差○壬午諭內閣王有齡奏請將失守城池潛回原籍之知縣革職等

問一摺浙江代理秀水縣事蕭山縣知縣顏燧於嘉興府城失陷後潛回廣東原籍實屬目無法紀著即革職等因其任內應解之款短欠尚多著勞崇光著齡派員會同地方官將該員原籍家產先行查抄備抵並將顏燧解赴浙江交王有齡嚴訊究辦○又諭瑞昌等奏請將營私畏葸各員分別懲辦等語湖南儘先副將周萬遠帶兵防守桐廬私探家屬擅離防所四川儘先都司莫長清稽留勇

丁應領賞卹銀兩經瑞昌等查出始行散給候補通判李蕃儘先縣丞曹書銘派援相應遷延不進均屬膽玩周萬遠著革去總兵銜儘先副將及效勇巴圖魯名號仍責令帶兵自效如再不知愧奮即於軍前正法莫長清李蕃曹書銘著一併革職永不敘用以示懲儆○諭軍機大臣等景瀄麟瑞奏請開荒濟用一摺據稱查得吉林地方凉水泉南界舒蘭迤北土門子一帶禁荒約可墾地十萬畝

省西圍場邊約可墾地八萬餘畝阿勒楚喀迤東蜚克圖站約可墾荒八萬餘畝雙城堡賸存圍荒及恆產夾界邊荒可墾地四萬餘畝均經委員履勘地屬平坦別無障礙現有佃民王永祥等認領先交押租錢共二十餘萬吊於將來查辦邊界一切船糧車馱經費可資備辦請將前項各荒一律招墾即以押租借給查界之費餘則悉數解京俟領種五年後再將升課錢文接濟京餉等語吉林荒

地既可援案招墾。別無違礙。於經費不無裨益。著即按照所奏辦理。仍照舊章先取押租。俟五年後升課。惟事屬經始。務須辦理妥協。並隨時嚴查。以多報少情弊。其押租作為查界經費外。餘贖錢文。及以後升課錢文。毋庸解京。即著據實奏報。抵充該省官兵俸餉。以省往來運解之煩。將此由五百里諭令知之。

○又諭景瀄奏豫陳俄國分界江道險阻勢難如約會齊一摺。據稱此次成琦至烏蘇里

江口會齊。必須開江後方能行船。約四月下旬可到。如由江口上往興凱湖。中國既無大輪船駕駛。又無陸地可通。鍋帳等項無法馱運。恐致臨時貽誤。至黑龍江下流至烏蘇里河口界限分明。易於勘辦。惟興凱湖至圖們江。必須該管熟悉地方情形之員會同履勘。方期日後照辦。不至節外生枝。應俟成琦行抵吉林。或委該地方大員分赴會齊。或親詣興凱湖一帶勘辦。容再妥議具奏等語。明年

三月東界查勘。在烏蘇里會齊。據景瀄奏稱。必須開江後方能行船。約在四月下旬可到。此節必須先期照會該國。以免藉口。興凱湖至圖們江為分界要地。尤應秉公勘定。設立界牌。以期永久相安。著恭親王奕訢、桂良、文祥將景瀄所奏情形。悉心籌畫。並著成琦於明春前赴吉林。與景瀄會商總期及早設法。親至興凱湖圖們江一帶。與俄國使臣查明交界地方。不可落後。方為妥善。原摺著鈔給

閱看。將此由五百里密諭知之。又諭瑞昌王有齡奏請調京口礮船來湖助剿等語。太湖襟帶江浙。為兩省險要之區。該處港汊紛歧。水面遼闊。現有礮艇不滿十隻。湖州擊敗賊船三十餘隻。欲犯西山。胥口以內停泊賊船數百號。欲糾約蘇郡賊眾。水陸撲犯東山。並有白蓬船十餘隻。先行出口。雖經總兵王之敬督率礮船暫時擊退。而胥口港內賊船甚眾。時思窺伺。非增調礮船助剿。防守難期。

嚴密著薛煥即將京口礮船六隻迅速撥赴太湖聽候王之敬調遣以固蘇浙門戶毋得稍涉遷延致滋貽誤將此由六百里諭令知之○以伊犁領隊大臣富隆阿署甯古塔副都統○實授富尼揚阿三姓副都統○癸未諭軍機大臣等恭親王奕訢等奏遵辦新設衙門未盡事宜酌擬章程十條開單呈覽並覆奏章京司員等兼行走各一摺所有單開各條經朕詳加披覽尚屬妥協惟內酌籌經費一條所稱心紅紙張等項銀兩擬於天津

上海酌提關稅起解部餉款內按各口提用數目均勻酌提銀兩由各該將軍督撫府尹監督解總理衙門以資辦公等語此項銀兩亟資辦公恐各口酌提一時未能應手著即按照所定每月支領銀兩數目徑由戶部關支將來各口解到酌提關稅銀兩統交戶部毋庸解交總理衙門該衙門如有不敷之處即奏明由戶部支領至各省機密事件應照

例奏而不咨如事關總理衙門者即由軍機處隨時錄送知照亦甚便捷著毋庸由各口先行咨報總理衙門以歸畫一其軍機章京於滿漢各員內挑取各四員作為總理衙門額外行走專管交涉事件及檢查機密文移責任綦重雖不必常川到衙門而該章京等在兩處行走恐日久有互相推諉之弊其應如何酌定章程以免曠誤之處著再行妥議將此由五百里諭令知之○又諭勝保奏請

獎八里橋打仗及疊次勦捕土匪員弁各摺片八里橋之戰雖據該大臣奏稱各員弁隨同帶隊親冒矢石惟主將受傷官軍失利斷無再加獎敘之理原摺片單均著發還惟據稱近京一帶土匪蠢動屢經飭派各員弁分赴各路勦捕尚屬著有微勞著即將各路勦捕土匪實在出力之員查明據實聲敘酌保數員以示鼓勵毋許稍涉冒濫將此由五百里諭令知之○又諭文煜奏攻勦教匪續獲

全勝一擄。鄒縣教匪經僧格林沁派令西凌阿等帶兵攻剿。殲除殆盡。並將田黃鎮一帶賊巢焚毀。匪首宋允九已被轟斃。該撫前擬調兵出省親往督剿。此時匪勢窮蹙。餘黨不難殲除。文煜著毋庸出省。所有前擬奏調官兵。即著飭令停止。以節糜費。西凌阿等所部官兵。前據僧格林沁奏。因徐宿擒匪。仍欲回撲濟甯。已將該都統等兵調回大營。所有按捕餘匪事宜。即著飭令參將吳應龍管帶現

有之泰安兗州營兵。會同地方文武鄉團。嚴密查拏。務期淨絕根株。不留餘孽。首犯宋繼明下落。仍著查明嚴緝。務獲。毋任漏網。將此由五百里諭令知之。○以山東濟甯泰安等處防剿出力。賞知縣蔣士璜等花翎。同知銜李青黎等藍翎。餘升敘有差。予陣亡知縣孔廣璽訓導張大朗千總田振清曹雲集五品廟員孔廣瑾典籍侯希賢等二十二員。祭葬世職六品頂帶監生姜心為等九十八員名。

賞卹如例。予山東鄆城陣亡知縣何允安於死事地方建立專祠。在籍知縣李錫魯等附祀。都司孔繼武母刁氏等八名口旌卹如例。予山東官莊陣亡守備姜長清。把總李佐清祭葬世職。甲申。

孝莊文皇后忌辰遣官祭

昭西陵。諭內閣。崇實奏秋審人犯請變通解勘章程一摺。四川省秋審人犯。前經曾望顏奏請展至來年。併案覈辦。現在該省賊勢聚

散靡常。恐來年秋審人犯。仍未能解省勘審。必至愈積愈多。自應變通辦理。所有咸豐十年。十一年。四川省新事秋審人犯。著免其解省勘審。即由成綿建昌永甯川東川北各道就近確覈查造冊結。移司彙辦。俟軍務平定。仍照舊例辦理。○諭軍機大臣等。本日據聯捷奏。履勘河岸。並現擬官紳合辦防務一摺。據稱黃河上下游。民間私設渡口甚多。現在曉諭紳士。將民渡酌量歸併。仿照官渡一體

安設營寨派令委員會同紳士分段巡查。附近村民認真防守。並擬將河身分成段落。添捐礮船以備賊船搶渡等語。黃河天險。為南北扼要關鍵。直隸河南沿河一帶。現經聯捷履勘籌防。並與該地方紳士捐造船隻。梭巡堵禦。辦理尚屬周妥。惟聞該道所繪圖內。山東濟南東昌最為緊要。擒匪出沒靡常。沿河地方亦宜一律籌防。以杜北竄。著文煜即將官私渡口。迅行委員查勘。聯絡紳民。修造寨棚船隻。嚴密防堵。毋得有名無實。日久生懈。致誤事機。將此由五百里諭令知之。○又諭。聯捷奏履勘河岸。現擬官紳合辦。繪圖呈覽。一摺。黃河上下游各岸渡口。向設營寨。兵數無多。不特捍禦難資。即稽查亦難周密。現據該道責成本地紳士。將民渡酌量歸併。仿照官渡。安設營寨。派令委員會同巡查。並勸諭村民分段防守。添製礮船小船往來梭巡。所辦尚屬周妥。惟轉瞬春融。恐匪徒出巢竄擾。

沿河一帶。在在均關緊要。務須督飭地方官紳認真巡守。嚴密稽查。儻有匪徒潛蹤偷渡。即當合力兜截。毋得稍存玩忽。其茅津渡口以上。係屬山西地面。並著聯捷親往履勘。有應設防之處。即著一體嚴防。仍將詳細情形。隨時具奏。將此由五百里諭令知之。○福建陸路提督楊載福奏克復東流彭澤請獎。得旨。出力人員著擇尤酌保。毋許冒濫。○命前任內閣侍讀學士段晴川。隨同幫辦團練大臣聯捷行營防務。○以四川會剿黔匪出力賞道員王庭植布政使銜副將鄒鸞章廖良。以總兵官用。餘升敘有差。○以四川永川縣城被賊竄陷。旋即克復。革疏援遊擊羅必超。職予陣亡。知縣沈耀章祭葬加等世職。如例。○撫恤琉球國遭風難夷。如例。是日辛酉。年立春。順天府進土牛春山寶座。乙酉。諭內閣。前因奕櫺等奏。陵寢樹株有偷伐情形。當經諭令李崑於查工。

時詳細查勘茲據該侍郎奏稱

昌陵後寶山前後兩坡大小新舊樹株查有砍伐痕跡至四百四十餘株之多

陵寢重地該管員弁並不小心稽查致令營兵汛弁任意偷伐文職各員復呈報不符多方掩飾實屬肆無忌憚難保無通同舞弊情事所有現獲之馬喜王安二犯並樹戶鄭狗兒周羣秦趙全得薛二得賈薰湯進孝何永兒張福成把總劉振兵丁高代革兵李祥俱著

交刑部嚴行審訊務期水落石出不得稍涉含混郎中炳善員外郎台布主事富源依經阿均著聽候質訊又諭給事中林之望奏請將內倉該班章京查叅等語內倉重地理應嚴密看守據該給事中奏稱該倉堆撥輪應看守之蒙古漢軍弁兵並未在班疊催罔應實屬玩泄所有誤班之正白旗蒙古漢軍章京著該旗都統查明叅奏又諭前據理藩院奏科爾沁扎薩克圖謝圖親王旗爭襲

貝勒世爵一案當經降旨交玉明等審辦茲

據該將軍等奏訊明達木林旺濟勒係屬嫡子並未出繼敏珠爾色登實係庶出請旨辦理等語圖謝圖王旗貝勒世爵著即以原任貝勒三音呼畢圖之嫡子達木林旺濟勒承襲又諭黃贊湯奏勘明水占地畝涸復請啟徵停緩錢漕一摺河南封邱縣板堂等四社地畝於咸豐五年間黃水漫溢均被浸淹業經停緩錢漕現據勘明惟黃陵一社尚被

水占其餘三社業已涸復所有原緩錢漕自應照常啟徵著照所請所有封邱縣板堂李雄賈色三社錢漕除八年以前仍行停緩外丁地於九年為始漕糧於十年秋後帶徵○又諭黃贊湯奏豫省黃河防查渡口應否歸聯捷經理等語直隸大順廣道聯捷現派專辦防河事務所有豫省黃河各渡口防查事宜均著歸該道管理南北兩岸渡口原派委員遇有更調即由聯捷遴委以專責成黃贊

湯著專管修守工程。毋庸兼管防河事務。
諭軍機大臣等。李苗奏查明。

昌陵後寶山地方砍伐樹株情形。業經將各犯
交刑部審辦。據該侍郎奏奕楠等咨送員外
郎台布等原稟。

昌陵東護山亦有樹株約三十餘株。樹戶等亦
供稱西護山九龍山九鳳山後來龍山
和裕皇貴妃園寢後山等處俱有砍伐樹株
惟積雪太深未能履勘等語。

昌陵東西護山等處樹株既有砍伐情形。必當
確實查明。從嚴懲辦。著奕楠載敦舒精阿侯
積雪消後趕緊就近敬謹查勘。將該樹戶一
併交刑部嚴審定擬。將此諭令知之。○盛京
戶部侍郎倭仁等奏。審明已革驍騎校被參
各款分別定擬。得旨。王際德業經革職。不必
永不敘用。並著詳查恒謙父祖有無冒考情
弊。旗丁冊檔應如何嚴定考覈。以杜弊端之
處。一併交玉明倭仁認真辦理。以雲南廣

西州練目楊雨滋事。予被賊戕害。知州彭克
爾祭葬世職。緩徵甘肅皋蘭河狄道渭源
金靖遠隴西安定固原安化甯夏平羅靈
靈臺鎮原十六州縣被雹被旱被水災區。新
舊額賦有差。丙戌諭軍機大臣等。前據勝
保恭親王奕訢等先後陳奏訓練京兵各一
摺。當經諭令勝保悉心妥議章程。詳細具奏。
本日據勝保覆奏各摺片。勝保久歷戎行。所
議各條。不無可採。惟京旗各營同時訓練。不

惟該大臣一人不能兼顧。且恐過涉張皇。轉
令夷人猜忌。自應不動聲色。次第舉行。以冀
悉成勁旅。本日已派勝保管理圓明園八旗
包衣三旗烏槍營事務。現在該營正議操練
兵丁。該大臣著仍依該營舊制。酌量加操。若
悉照該大臣所奏。殊多窒礙。先將該營認真
訓練。如著有成效。自可推行各營。仿照辦理。
至軍營號令最宜嚴明。但兵丁積習已深。一
時未能盡除。如有不遵號令者。應隨時懲辦。

但不可操之太急致失兵心吉林黑龍江馬槍馬箭最為純熟現在乾清門侍衛中亦頗有其人堪作教習毋庸另向該省調取八旗漢軍巡捕技勇各營本有藤牌亦無須添製至炸礮一項已傳知肅順等查明火器營存儲若干此項炸礮工本甚鉅亦未便時常演放致滋糜費兩翼前鋒八旗護軍各營添演擡槍已諭知麟魁等辦理矣另片奏苗沛霖呈遞稟函等語前因袁甲三奏苗練與壽州

團練尋仇懷疑莫釋業經降旨令該道妥為彈壓並令袁甲三翁同書秉公查辦此次該道專人至該大臣軍營遞稟亦為此事本日已寄諭袁甲三等密查徐立壯等是否勾通髮逆挾制翁同書設法辦理苗沛霖所稟亦未可盡信該道係該大臣招撫之人素所信服必能消其反側著即函囑該道令其靜候袁甲三等秉公查辦不得令其所部練勇肆意妄行互相仇殺將此由五百里諭令知之

○又諭前因袁甲三奏苗沛霖與徐立壯等尋仇懷疑業經明降諭旨令袁甲三翁同書秉公查辦本日據勝保奏苗沛霖遣弁赴營申懇徐立壯孫家秦攻打苗寨挾制巡撫等語並將苗沛霖原稟信單一併呈覽苗沛霖所稟各情雖未可深信但既據孫家秦徐立壯拘囚巡撫不許官軍進城強奪其印明調官軍暗勾髮逆與苗營打仗如果實有其事於皖北軍務大有關礙著袁甲三一面嚴密

訪查一面將此旨密交翁同書將徐立壯等有無勾通逆匪挾制巡撫情事據實具奏至苗練與壽州練勇彼此尋仇孰是孰非務須秉公查辦兩得其平不可稍有偏袒儻含混辦理希圖了事恐各該練勇愈形跋扈更難駕馭諒該大臣等接奉此旨必能斟酌妥善也將此由六百里諭令知之又諭現在訓練京兵擡槍最為便利兩翼前鋒營八旗護軍營均應演習擡槍以期有備無患著麟魁

等迅速查明如現有擡槍即分給各營趕緊認真操演務期精熟如有不敷即向火器營健銳營行文調取儻該營擡槍不敷分撥應如何籌款添造之處著麟魁悉心妥議具奏將此諭令知之○欽差大臣勝保奏直隸各州縣黑地佃戶可否准赴營報捐得旨果有輸忱亦應歸內務府需用該大臣不得越俎又奏請飭豫省漕折銀兩解營批前已准議倉運本色所請毋庸議○命協辦大學士湖廣總督官文為大學士仍留總督任協辦大學士戶部尚書周祖培為大學士管理戶部事務戶部尚書肅順協辦大學士○調兵部尚書沈兆霖為戶部尚書以都察院左副都御史朱鳳標為兵部尚書以光祿寺卿雷以誠署刑部右侍郎命欽差大臣勝保管理圓明園八旗事務丁亥以歲暮祫祭遣官祭

太廟中殿

後殿○諭內閣瑞昌王有齡奏請飭拏潛逃知府等語浙江署嘉興府知府張玉藻於賊陷嘉興時攜銀先逃當降旨將該員即行正法茲據奏稱張玉藻於未奉提解之先已潛逃無蹤實屬目無法紀著各直省督撫通行各該地方文武一體嚴緝務期必獲即遵前旨就地正法毋令漏網○以浙江湖州府城解圍賞在籍道員趙景賢按察使銜副將文瑞參將武業祥都司李楚材巴圖魯名號副將鄂爾霍巴等花翎並各升敘有差○戊子祫祭

太廟遣恭親王奕訢恭代行禮

上詣

綏成殿行禮遣官祭

永陵

福陵

昭陵

昭西陵

孝陵

孝東陵

景陵

奉陵

奉東陵

裕陵

昌陵

昌西陵

慕陵

慕東陵○遣官祭

孝德皇后殯宮○遣官祭

端慧皇太子園寢○遣官祭

太歲之神○荆州將軍都興阿奏遵調師船

及江防情形得旨李德麟既原泊下游著照

所擬辦理仍隨時酌量機宜務期聲勢聯絡

嚴扼江防○己丑

上御勤政殿筵宴朝正外藩科爾沁喀喇沁王

默特烏喇特克什克騰泰曼巴林杜爾伯特

喀爾喀青海察哈爾教漢翁牛特阿魯科爾

沁阿巴哈納爾烏珠穆沁霍碩特等隨文武

大臣依次就坐諸樂並作

上進酒召左翼科爾沁扎薩克達爾汗親王索

特納木彭蘇克喀喇沁扎薩克都楞郡王色

伯克多爾濟巴林扎薩克郡王那木濟勒旺

楚克奈曼扎薩克達爾汗郡王額駙德木楚

克扎布喀喇沁貝勒德木齊扎布科爾沁頭

等台吉布彥訥謨祜右翼杜爾伯特扎薩克

親王棍布扎布喀爾喀扎薩克郡王托克托

瑚圖魯翁牛特扎薩克都楞郡王希爾那巴

達喇教漢郡王布彥德勒格勒固魯克齊青

海扎薩克貝勒剛當當諄車楞土默特扎薩

克貝勒那蘇庫爾哲伊阿魯科爾沁扎薩克

貝勒喇什鍾奈阿巴哈納爾扎薩克貝子桑

章薩喇特多布等至

御座前賜酒成禮○派內閣學士載崇為前引

大臣○予江蘇節次殉難內閣中書馬釗同

知朱善寶州同楚玉麟知縣俞滋馨等二十
五員祭葬世職舉人周贊襄生員張翔麟等
二十一名口旌卹如例蠲緩江蘇長洲元
和吳吳江震澤常熟昭文崑山新陽青浦武
進陽湖無錫金匱宜興荆溪丹陽金壇溧陽
太倉鎮洋嘉定華亭婁江陰太湖寶山金山
上海奉賢南匯川沙崇明甘泉銅山蕭豐沛
碭山三十九廳州縣並蘇州揚州徐州鎮江
太倉鎮海金山七衛被兵災區新舊額賦及
雜稅銀是歲旌表孝子湖北等省鄭正楚
等三十名孝義陝西柏倬斗等二名孝婦陝
西等省蘭友蕙妻強氏等三口貞孝婦河南
柳金誠聘妻武氏一口孝女福建等省林瑞
蘭等三口守節合例宗室純和妻葛佳氏等
九口滿洲海陞妻訥佳氏等一百三口蒙古
倭興阿妻官佳氏等三十九口漢軍長興妻
趙氏等四十六口各省駐防雙保妻曾氏等
二百二十四口奉天等省杜發妻王氏等一

千八百十七口未婚守志浙江等省馮陸氏
等二十四口採訪貞節婦女直隸等省徐界
青妻趙氏等三千六百二十四口百歲壽民
婦福建等省周世策等十九名口五世同堂
安徽等省汪江氏等二十四家均給銀建坊
如例一產三男江西等省黃步虛等二家
會計天下民數穀數直隸等省通共大小
男婦二萬六千九十二萬四千六百七十五
名口存倉米穀五百二十三萬一千九百二
十石四斗六升五合一勺

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之三百三十九

平定九年

辛

大清文宗協天翊運執中垂謨懋德振武聖孝淵恭端仁寬敏
顯皇帝實錄卷之三百四十

咸豐十一年辛酉春正月庚寅朔遣官祭
太廟後殿

上詣

綏成殿行禮內廷王御前大臣軍機大臣隨同行禮詣

武廟拈香御瀝泊敬誠殿受朝作樂宣表如儀御勤政

殿賜近支親藩等宴署湖南巡撫在諸奏請將升任湖北

按察使裕麟暫留湖南按察使署任以資熟手從之伊犁

將軍常清奏履任未久應出新疆各城大臣及伊犁領隊總

兵各員密奏展緩辦理得旨著於十一年三月出考具奏

賞還三品頂帶明善三品頂帶花翎辛卯諭內閣朕於二

月十三日回鑾緩徵直隸武清博野完縣祁東鹿獻青靜

海滄南皮鹽山寧城永年邯鄲成安肥鄉曲周廣平雞澤大

名南樂懷來南宮新河武邑衡水柏鄉隆平臨城甯晉深武

強饒陽安平深澤開東明長垣三十九州縣被水被旱被雹

村莊折舊額賦貸山西薩拉齊太平臨汾洪洞徐溝榆次

汾陽太原太谷九廳縣被水被旱被雹災民倉穀壬辰

高宗純皇帝忌辰遣官祭

松陵

上詣

綏成殿行禮。諭內閣朕於三月初二日啟蹕恭謁

東陵禮成後駐蹕避暑山莊所有應行事宜著各該衙門敬謹

豫備。又諭毓科奏甄別才不稱職之守令請分別改簡休

致降革一摺。江西贛州府知府胡天墀南昌縣知縣屈懷珠

才欠開展不勝繁劇均著以簡缺酌量補用准升定南廳同

知浮梁縣知縣劉道衡玉山縣知縣袁翼年力就衰難期振

作均著原品休致萬年縣知縣邢肇需准補新昌縣知縣汪

士才具平庸辦事竭蹶均著以府經歷縣丞降補歸部銓選

南城縣知縣張鵬翰糊塗躁妄不協輿情廣豐縣知縣劉鍾

洛沈涵於酒任性妄為均著即行革職以示懲儆。諭軍機

大臣等據薛煥奏嘆國領事爭辦賠款並阻撓稅捐各等語

業經諭知薛煥向該領事曉諭妥辦矣賠補一項據嘆國領

事密迪樂稱嗜嗜嘶來文係於上海關總收數內各扣賠項

二成除洋商按貨完稅外尚有外國商船所完船鈔及海關

所收罰充入官等款亦應一併覈扣爭之甚力又上海新定

洋藥納稅章程密迪樂稱洋商已完上海進口稅斷不能重

收華商稅捐其私販洋藥窩居洋涇濱之駱增美一犯該公

使並不准查拏於稅捐殊多掣肘現在各國通商章程甫定

彼此均應循照定章方能允協若任令要求格外必致枝節

叢生恭親王原咨但指納稅清單并無船鈔罰款字樣該領

事欲照總數覈扣已稟知嗜嗜著恭親王奕訢等即照會嗜

嗜嘶告以既於關稅內交還二成即不應再扣船鈔罰款兩

項况船鈔係充浮椿號船塔表望樓等項經費罰款係隨案

充實並不收庫均無從追回覈扣並令其通飭各口領事官

一體遵照以杜狡執至洋商進口華商出口所納洋藥之稅

兩不相礙該領事總以徵收華商之稅礙及洋商貿易亦難

保非藉詞挾制業已密諭薛煥妥為辦理並著奕訢等隨時

留心防範無庸先給照會償嗜嗜嘶轉據密迪樂之言有所

陳瀆即據理辨論並將私販之犯令其交出以杜欺蒙原片

著鈔給閱看將此由五百里密諭知之。又諭薛煥奏嘆國

領事爭辦賠款並阻撓稅捐請飭奕訢等留心防範各等語

賠補一款據嘆首密迪樂稱嗜嗜嘶來文係於海關總收數

內各扣二成除洋商按貨完稅外尚有外國所完船鈔及海

關所收罰充入官等款一併覈扣顯係藉詞狡執本日已密

諭恭親王等照會嗜嗜矣至華商應交出口稅銀及內地商

人販運洋藥應交捐款該首阻撓不准繳納以致華商互相

觀望其私販洋藥之華商駱增美該首亦藉稱在伊租地界

寓居不令中國查拏各節亦諭知恭親王等隨時防範薛煥

條辦理通商欽差大臣責無旁貸密迪樂如不遵條約辦理

即應據理駁斥不得盡諉之恭親王等辦理所有華商應完稅銀由舊關稽徵並完繳稅捐既與洋商毫無干涉即不能任該國領事藉詞狡賴著該撫仍督飭吳煦按照條款與該領事逐層剖辦務令中外應收稅項彼此各歸公允該領事無可藉口方為妥善將此由六百里密諭知之○予江西新建縣勒賊被戕在籍州同喻時和祭葬世職○癸巳

上御萬樹園大懋次賜蒙古王貝勒貝子公台吉等宴○諭內閣朕於二月二十五日臨御經筵所有應行典禮著各該衙門敬謹豫備又諭慶瑞等奏保升人員難期勝任請旨降補等語福建福州府理事同知廣裕體該督等保升永春直

隸州知州茲據奏稱該員辦事竭蹶漸不如前難期勝任廣裕著以府通判降補又諭著兵部查博崇武因何由吉林防禦保綠營營否奏駁有案抑係例准保薦著查明具奏

調湖北鄖陽鎮總兵官文奎為浙江衢州鎮總兵官浙江衢州鎮總兵官安貴為湖北鄖陽鎮總兵官○緩徵山東臨

清長清齊河平原泰安新泰東平東阿平陰惠民樂陵利津

蒲臺滋陽陽穀壽張單濮館陶高唐莘堂邑蘭山高苑昌邑

邱嘉祥濟甯章邱歷城鄒平長山齊東濟陽禹城青城陽信

海豐曲阜甯陽嶧沂澤朝城莒莒都臨淄臨朐夏津四十八

州縣並德州東昌臨清濟甯四衛水利永阜官臺三場被水

被旱被雹被蟲被擾莊屯本年額賦甲午諭軍機大臣等

本日據景瀉等奏密陳俄國分界理春勢難密防各情並繪

圖貼說呈覽新定俄國條約內載明遇有中國人住之處及

漁獵之地俄國均不得侵占俄國明知琿春南岸舊有屯戶

居住如欲以琿春河為界於條約所載相背該國議由瑚布

圖河口順琿春河分界人心已不免驚慌若成琦等未到以

前該國之人業已恃強占踞則事屬已成難與理論著奕訢

等即酌擬照會二件一照會俄國總理各國事務大臣書以

現派大臣查勘地界俄國之人應俟勘明地界之後方可居

住不得先行占踞致該處屯戶驚疑一作為成琦之意照會

東海濱省固畢爾那托爾亦囑其俟該侍郎與景瀉勘明琿

春地界方可令俄人居住總須遵照條約中國人住之處及

漁獵之地該國不得占踞方為妥善以上照會二件詳細妥

擬呈覽後再行分別照會此意諭知景瀉等原摺著鈔給閱

看將此由六百里密諭知之○又諭景瀉等奏俄國地界現

派成琦與景瀉前往會勘若俄人於該將軍等未到以前遽

行占住勢難與之理論本日已諭令恭親王等照會俄國總

理各國事務大臣令其俟欽差到後勘明地界方可令俄人

居住并令成琦照會東海濱省固畢爾那托爾亦俟該將軍

等會同該省公勘定地界後方准該國人移居成琦所擬

照會俟呈覽後再交該將軍轉行俄國。景瀟寺於成琦未到之先仍須設法開導令其靜候欽派大臣會勘不得任其先行侵占以致屯戶驚疑是為至要將此由五百里密諭知之。安徽巡撫翁同書奏遵保壽州解圍尤為出力人員得旨所保太覺冒濫著將保附人數大加刪減另擬具奏原單留中。乙未

祥嬪薨

上臨視悲痛酌酒。諭內閣總理各國事務衙門挑取滿漢章京前經降旨毋庸再兼軍機處行走嗣據恭親王奕訢等奏請在額外行走專管交涉事件復諭令再行妥議茲據酌定

章程具奏著照所請所有滿漢軍機章京每班挑取各四員

在總理衙門額外行走仍照常任在軍機處值班毋庸常川到署。諭軍機大臣等田在田奏擒匪圍撲礪城即時擊退並

分布堵剿一摺據稱賊由河南夏邑縣之韓道口竄至礪山黨與數萬圍繞縣城經該縣勇練擊退並擊獲匪黨趙虎訊

知該逆五旗並出欲到羊山盤踞抗拒官兵另股拾逆由滄

南向東竄踞羅集圩寨欲由懷定一帶接引張龔兩逆併拒

北路又伊興額現招馬勇徐宿前敵等營均已併歸伊興額

營等語擒匪招集黨與欲赴羊山意圖併力抗拒東省大軍

僧格林沁現派兵在金鄉魚臺等處圍堵著即督飭官

軍聯絡鄉團嚴密防勦毋令闖入東境伊興額在徐州辦理團練仍歸僧格林沁節制現在該員招集馬隊為數較多應需糧餉是否由山東糧臺支給如有不敷自應由徐州糧臺接濟惟據田在田奏各營積欠甚多現在裁兵節餉恐亦不能兼顧伊興額係辦理團練或有經費可以支發著僧格林沁等查明酌量辦理俾該員馬隊及番整齊以便合力進

勦是為至要將此由六百里諭令知之。欽差大臣曾國藩

奏報提督楊載福統兵赴援南陵獲勝得旨嘉獎並賞資楊

載福荷包翎管等物。以肅親王華豐為正黃旗領侍衛內

大臣鄭親王端華為鑲黃旗領侍衛內大臣。以江南徐宿

勒匪出力賞總兵官田在田提督銜道員吳棠按察使銜

以克復江西都昌縣城並湖口解圍予道員彭玉麟以按察

使用賞副將成發翔已故魯名號餘升敘有差。以河南毛

州等處勒匪出力賞道員張曜按察使銜守備蘇魯丹藍翎

餘升擢有差。予安徽休甯等處陣亡都司徐祚明守備程

觀順千總汪得魁把總郭恩昭外委鍾洪興知縣楊志伊府

經歷凌註經縣丞李炳從九品彭振達等八十八員祭葬世

職。丙申

世祖章皇帝忌辰遣官祭

孝陵。諭軍機大臣等本日據袁甲三奏通籌勦擒大局請酌

量變通一摺據奏皖省地方大吏既得其人則長淮可以無慮賊蹤不至北趨該大臣藉可分身赴徐州一帶駐劄與僧格林沁聲威聯貫再以徐豫兩軍為之輔翼擒匪可以計日蕩平各等語所奏實係為通籌大局起見僧格林沁駐軍濟甯係屬北路屏蔽節據奏報擒匪有分股抗拒之信尤宜加意嚴防斷不可銳意深入致令根本空虛難於回顧袁甲三如能移師徐州北路兵力較厚與僧格林沁合謀併力先將捻匪節節掃除然後會商進剿機宜庶可萬全無弊至臨淮為南北關鍵扼守最要袁甲三若遽行撤動亦恐逆匪乘虛竄撲必須俟李續宜等到任後會商布置一切妥協派委得力大員在彼鎮扼然後可以抽兵赴徐張光第現辦皖省糧臺所有經手未完事件須俟新任藩司賈臻到後接替有人方可飭令交卸將此由六百里各諭令知之○今安徽巡撫翁同書布政使張光第來京以按察使李續宜為巡撫前任河南布政使賈臻為安徽布政使候補道員張學醇為安徽按察使○丁酉年

太廟違恭親王奕訢恭代行禮○遣官祭太歲之神○諭內閣崇實奏遵旨查明應結各案先行具奏一摺已革署四川總督曾望顏既據崇實查無受賄情節著即飭令回籍前任四川總督王慶雲既誤參陳彥坤於前復

思諉卸於後前任成都將軍有鳳於派審要案大員不令審辦完結均有不合除有鳳業經病故毋庸議外王慶雲並委員四川候補知府長敬鄧承彬徐錫金候補知縣王應昌均著交部分別議處革職留任四川按察使蔣徵藩督兵日久無功著送部引咎候補直隸州知州伍雲錦雖訊無與本地紳士聯姻及浮冒兵餉情事惟辦團滋擾貪鄙不職著即革職已革四川成綿龍茂道濮詒孫已革合州知州陳彥坤均著即行勒令回籍不准在四川逗遛嗣後凡有因案來革之員俱著照此辦理不准逗遛該省以杜夤緣而肅吏治布政使祥奎知府史致康前敘州府知府英匯宜賓縣知縣汪觀

光既據訊無營私激變各情事均著免其置議又諭崇實奏請留撤任提督帶兵並委撤任知府辦理團練等語四川提督占泰前因帶兵惟怯無能貽誤地方當經將該員撤任交崇實查辦茲據該署督查明川省軍務遠延係由已革知府田良弼掣復因曾望顏咨調占泰回省致失城邑尚非該提督有心退避著准其留營效力如再不知愧奮即同邵桂芳所控之案一併從嚴參辦前四川成都府知府楊重雅前因私抽邵桂芳呈詞亦經該署督奏參撤任聽候審辦現在邵桂芳查無下落該員平日官聲尚好著即督飭認真辦團並催提邵桂芳到案訊明定擬以成信欵諭軍機大臣等

前據袁甲三奏苗練與壽州團練尋仇當經降旨令該大臣會同翁同書秉公查辦本日復據翁同書奏苗沛霖於攻克鳳陽後欲袁甲三移營蒙城未經邀允復以賞犒過薄保舉未優並扣伊山東糧價徐晚奉阻伊販鹽出言不遜迨奉旨調伊練丁北上該道藉詞投稟語多不經復脅制兩營代為設局抽釐並欲令壽州紳董緝送員外郎銜孫家泰復因壽州團練格殺苗練七名不候訊斷屢次發隊焚掠闕廩殺害行旅並將袁甲三營兵米銀錢碾船盡行掠去請將擅殺啟釁之孫家泰革去職銜等語壽州團練擅殺苗練以致尋仇啟釁練董員外郎銜孫家泰著革去職銜交袁甲三提同人

證東公嚴訛苗沛霖跋扈情形本應懲辦惟據袁甲三奏苗沛霖已將餉船送還該員既知悔罪自不必操之過急惟將練勇尋仇一案剖斷平允自能折服其心翁同書因正陽等處流言四起欲親往彈壓恐壽州空虛為該練勇所踞亦不可不防翁同書已降旨令其來京李續宜尚未到任該大臣務須妥籌兼顧毋令練眾滋事是為至要另片奏孫家泰心不服苗練恐歸誠後終為所害等語孫家泰心與苗沛霖不合故意存觀望此事亦須辦理妥協方無流弊賈臻現已授為安徽藩司著袁甲三即令其迅速赴任督飭該藩司辦理招撫孫家泰事宜毋得稍涉遷就致滋貽誤翁同書原摺片均著

鈔給閱看得此由六百里諭令知之調盛京工部侍郎麟興為工部左侍郎以署工部右侍郎清安為盛京工部侍郎以正黃旗漢軍副都統福濟為成都將軍以甘肅甘涼道蕭浚蘭為四川按察使以直隸天津府辦防出力賞知府石贊清范梁豐運使銜同知姚經陞花翎把總吳光祖等藍翎紳士張錦文一品封典餘升敘有差以安徽六安州勦匪出力予總兵官黃鳴鐸獎敘賞員外郎阿克達春遊擊岳克清阿都司鄂全增陞成貴守備王學敏等花翎府經歷趙元勳司藍翎餘升摺有差戊戌諭內閣朕此次回鑾並恭謁

東陵禮成後駐蹕避暑山莊凡蹕路經行及中伏處所業經由總理行營王大臣傳諭直隸總督順天府府尹祇須一律平整毋庸照舊例加細墊修惟該地方官吏往往藉辦差為名苛派民間車馬夫役近年直隸地方兵差絡繹民力拮据若再以差徭擾累閭閻朕心實有不忍著直隸總督順天府府尹嚴飭各該州縣不得藉端勒派儻有陽奉陰違者即行查明參奏至扈從人等車馬繁多无不得踐踏禾苗致妨小民東作並著通諭各該衙門扈從官員及兵丁等一體懍遵以內閣學士廣鳳署工部左侍郎以內閣學士載肅兼正黃旗漢軍副都統哈密辦事大臣穆格為鑲紅旗漢軍副都

統鎮白旗蒙古副都統福齡署正紅旗漢軍副都統。己亥
諭內閣前據譚廷襄奏告病副將盧又熊私帶勇丁滋擾當
經降旨將該員革職。交譚廷襄提省嚴訊。茲據奏稱盧又熊
來間潛逃荒謬已極。著譚廷襄嚴飭各屬認真緝拿。並著崇
實。於該員原籍地方一體查拏。務獲究辦。署長安縣事扶風
縣知縣白楷並不小心防範。致令盧又熊在店脫逃。實屬疏
忽。著交部議處。仍勒限嚴緝。儘限滿無獲。即從嚴參處。以
防勒不力。山東兗州鎮總兵官富勒勒令休致。以前任湖南
綏靖鎮總兵官扎隆武署山東兗州鎮總兵官。以廣西梧
州勒匪出力。賞總兵官潘慶提督銜。擢道員蔣益澧為按察
使。賞副將高連陞。王月亮。巴圖魯名號員外郎蔣本蓉守備
李運榮花翎。餘升敘有差。以廣西慶遠等處勒匪出力。賞
同知陶兆恩。知州蔣槐千守備王友才等花翎。知州王宗海
等藍翎。餘升敘有差。錫綏江蘇上元江甯句容溧水高淳
江浦六合儀徵江都桃源高郵甘泉銅山宿遷山陽清河安
東睢甯如皋泰興靖江二十一州縣及大河揚州徐州鎮江
四衛被擾地方新舊額賦。○庚子
孝全成皇后忌辰。遣官祭
墓陵。諭內閣前因都司魏欽以串陷濫禁等詞。遣伊子魏鳳
魁赴都察院呈控。當降旨交杜翻訊辦。茲據文煜奏魏欽於

上年三月間在馬頭鎮強奪民物搶霸婦女并在江南劉馬
莊滋事各情。眾供確鑿。該員堅不承認。顯係恃符狡展。魏欽
著即片革職。交杜翻提集人證嚴行訊辦。務期水落石出
以成信讞。並著安徽巡撫查明該革員如係在營潛逃。即據
實具奏。調陝西陝安鎮總兵官惠成。為直隸宣化鎮總兵
官。直隸宣化鎮總兵官馬德昭。為陝西陝安鎮總兵官。陝西
漢中鎮總兵官伊綿阿。為直隸通永鎮總兵官。直隸通永鎮
總兵官佈克坦。為陝西漢中鎮總兵官。以會勒安徽桐城
等處賊匪出力。賞參領尚福哲。克棟。額福。壽薩。棟阿。遊擊陽
華。坤。陳天佑。巴圖魯名號。委參領烏凌阿。常山。參將劉元勳
遊擊銜李續。趙克新。都司賈炳培。守備盧智庸。等花翎。披
甲。德升。等藍翎。餘升敘加銜有差。子陣亡副將劉坤山。都司
王俊。秀。守備雷德教。千總劉光輝。把總張得盛。外委王甫臣
縣丞趙煥剛等三十八員。祭葬。世職文童郭代佐等。賞卹如
例。○展緩山西臨汾洪洞二縣歉收村莊新舊額賦。辛丑
祈穀於
上帝。遣恭親王奕訢奉代行禮。○奉恩鎮國公奕楠等奏
昌陵寶山地方砍伐樹株。請俟雪融勘辦。得旨。一俟積雪消融
即趕緊履勘。爾等職司守護。如此庸瞶疏忽。已屬有負委任
若再不知愧奮。自問當得何罪。杭州將軍瑞昌等奏賊竄

孝豐省城可危得青省垣固屬緊要其近防不如違物仍應
退毒於兵抵禦以湖南永州鎮總兵官周覽世為提督記
名總兵官李明惠為湖南永州鎮總兵官命正藍旗護軍
統領德勒格爾正紅旗護軍統領克興阿往古北口查閱防
兵以浙江常山江山二縣城被賊竄陷革知縣王蘭高斗
南職○蠲緩江蘇桃源安東甘泉邳沭陽宿遷清河睢甯山
陽阜甯鹽城高郵泰東臺江都興化寶應銅山豐沛蕭錫山
海贛榆通泰興奉賢金山南匯川沙海門如皋靖江三十三
廳州縣並淮安大河揚州徐州金山五衛歉收被兵地方新
舊額賦壬寅

上御勤政殿賜近支親藩等宴諭內閣國家發政施仁尤在
欽恤庶獄朕自臨御以來兢兢業業惟願與吾民同臻上理
而兵戈未息民困未蘇仰荷

天

祖付託之重未嘗不刻責自深痼瘕在抱上年朕三十慶辰業
經頒詔各省軍流以下人犯俱減等發落並將秋審緩決三
次及一二次人犯分別查辦矜恤之心內外臣民諒已共喻
粵稽乾隆十一年嘉慶十一年均

特頒省刑

諭旨大沛

恩惠亦起七十一
皇考宣宗成皇帝昭
前徵復頒行

曠典朕以涼德寅紹丕基茲當紀年開秩允宜祇遵

成憲以冀消沴戾而迓祥和所有刑部及各省已經結案監禁
人犯除情罪重大及常赦所不原者無庸查辦外其餘著大
學士會同刑部酌量案情輕重分別減等請旨發落其軍流
杖杖以下人犯一併分晰減等完結俾需寬大之恩免圖自
新之路用副朕赦過宥罪子惠黎元至意河南巡撫嚴樹
森奏豫省徵收洋藥稅銀得旨洋藥抽釐與藥稅並行不悖

何以豫省自釐改稅以後置抽釐於不問足見因循玩愒吏
難保無隱匿分肥情事殊屬可惡著戶部查明自接部咨以
後歷任撫藩咨吏部議處嚴樹森毋庸交議餘令該撫督屬
認真辦理○蠲緩吉林三姓歉收地方帶徵銀穀 癸卯

宣宗成皇帝忌辰遣官祭

慕陵○

上詣

綏成殿行禮江西巡撫毓科奏報饒州浮梁府縣兩城被匪

闖入旋經三品京堂左宗棠督兵擊退得旨嘉獎以江西

官軍擊退湖口賊匪並收復都呂彭澤二縣城予道員吳坤

修葺加銜升擢有差 甲辰

上詣

綏成殿行禮（御勤政殿賜王大臣蒙古王貝勒貝子公額駙）
台吉等宴

大清文宗協天翊運執中垂謨懋德振武聖孝淵恭端仁寬敏
顯皇帝實錄卷之三百四十

實錄卷之三百四十

六

大清文宗協天翊運執中垂謨懋德振武聖孝淵恭端仁寬敏
顯皇帝實錄卷之三百四十一

咸豐十一年辛酉正月乙巳、

上御福壽園賜御前大臣御前侍衛乾清門侍衛等食（諭內閣本日據巴棟阿等奏奏喬松年將前任藩司王藻交款以三成解交北臺以一成解交南臺不知緩急且於口岸地方添設水師釐局與前議不符各等語鎮江軍務緊要前經諭令薛煥於王藻許敦詩應交款項內先提銀十萬兩交江南糧臺以濟急需現在王藻交錢三萬串合銀一萬八千一百八十餘兩自應先儘南臺提用喬松年僅撥出一成其餘三成俱歸江北糧臺殊未允協所有已交北臺之款著即如數撥歸南臺其餘未繳之款並著嚴催速提遵奉前旨先其所急解赴鎮江軍營應用昨據喬松年奏請將此款分成勻撥並未將王藻已交之款詳細聲明且未候諭旨輒即分成提交殊屬不合喬松年著交部議處至口岸釐局前據喬松年奏稱與民不便業經諭令巴棟阿停止何以江北復添設水師釐局並著喬松年明白回奏）命直隸天津道孫治專辦天津河間兩府團練事宜（丙午諭內閣步軍統領衙門奏請酌裁墊道民兵並將團庭八旗步甲裁減等語著照所請所有中北兩營招募修墊土道民兵著自本年二月起全行

裁撤其每年發給中北兩營置買家具及津貼等項銀兩亦著一併裁撤其圍庭一帶原設步營八旗步甲著自本年二月起裁撤七百三十六名仍留一百八名常川看守以節糜費○諭軍機大臣等本日據色克通額奏接木哩失岳幅與軍機大臣咨文代為呈遞一摺文內大意以俄國上年在京所定條約第四款有交界各處准許兩國所屬之人隨便交易並不納稅黑龍江將軍副都統並不遵照辦理懇請將將軍副都統更換各等情黑龍江未與俄國通商斷無違將該將軍等更換之理該處何以不照條約辦理必須查明以免該酋藉口著恭親王奕訢等即行文特普欽等令其按照條約第四款出示曉諭該處商民互相貿易仍作為該將軍等本意俾該國不再疑其阻撓方為妥善該吏清字咨文並發交奕訢等閱看應如何回答之處即由該大臣等酌量咨覆將此由五百里密諭知之○又諭曾國藩奏部文到營較遲請飭軍機處將所奉諭旨隨摺鈔發等語軍機處事務紛繁各處奏報摺件所奉諭旨勢難概行鈔錄隨摺封發至軍營保舉所奉諭旨字數較多尤難即時鈔發嗣後該大臣奏報凡緊要事件或關繫缺分者由軍機處鈔錄諭旨附報發給其保舉各案接到軍機處知會即可於部文未到以前遵照辦理至奏摺尋常事件仍著聽候部文知照可也將此由五

百里諭令知之○廣東巡撫耑齡奏克復平遠縣城報聞直隸總督臣福因因病解任以山東巡撫文煜署直隸總督臣陝西巡撫譚廷襄三品頂帶為山東巡撫未到任以前以布政使清咸署理調貴州巡撫鄧爾恆為陝西巡撫未到任以前以布政使瑛瑛署理實貴州貴東道何冠蒼二品頂帶署巡撫○予江蘇常州閩門殉難內閣中書趙起建立專祠眷屬等一併附祀○予江南陣亡殉難官紳鹽運司經歷謝豐昇等十七員各卹葬世職士民婦女王應發等二百四十二名口旌卹如例並准入各縣總祠總坊○丁未諭軍機大臣等本日據僧格林沁等奏官軍截剿東境擒匪失利一摺此次擒

匪竄入東境屯踞金鄉之白福岡等處旋向西北奔竄僧格林沁等督隊跟蹤至荷澤縣屬之關李家莊地方接仗失利全隊潰散軍械遺失實屬調度乖方業將該大臣等交部嚴加議處矣僧格林沁等督帶重兵北地倚為屏蔽朕惟恐該大臣銳意輕進屢經有旨諭知自應倍加慎重一聞該匪入境即當前後布置謀定後戰乃奔馳數日率飢疲之卒當方張之寇後路既無援兵左右亦少策應以致為賊所乘勇往雖有餘惜尚未能持重也該大臣現在收集潰兵回駐唐家口著即將不得力官兵嚴加裁汰招募充補一面聯絡民間扼要嚴防毋令該匪再行北竄本日已諭知袁甲三派撥兵

匪竄入東境屯踞金鄉之白福岡等處旋向西北奔竄僧格林沁等督隊跟蹤至荷澤縣屬之關李家莊地方接仗失利全隊潰散軍械遺失實屬調度乖方業將該大臣等交部嚴加議處矣僧格林沁等督帶重兵北地倚為屏蔽朕惟恐該大臣銳意輕進屢經有旨諭知自應倍加慎重一聞該匪入境即當前後布置謀定後戰乃奔馳數日率飢疲之卒當方張之寇後路既無援兵左右亦少策應以致為賊所乘勇往雖有餘惜尚未能持重也該大臣現在收集潰兵回駐唐家口著即將不得力官兵嚴加裁汰招募充補一面聯絡民間扼要嚴防毋令該匪再行北竄本日已諭知袁甲三派撥兵

勇會同田在田伊興額等實力截擊並牽制擒眾後路至該匪人數眾多皆係烏合伊興額於徐宿一帶素得民心著即飭令激勵鄉團相機堵禦並解散脅從設法招撫擒眾以孤其勢俟袁甲三移軍徐州以後再與商定機宜會同勦辦方有把握此時總不宜輕進再蹈覆轍也昨恆福摺謂該大臣未可輕易直前所奏不為無見著鈔給閱看將此由六百里諭令知之○又諭前據袁甲三奏通籌勦擒大局擬抽精銳七八十人赴徐州一帶駐紮與僧格林沁聯絡聲勢當經諭令袁甲三如能移師徐州北路兵力較厚與僧格林沁併力進剿庶可萬全無弊茲據僧格林沁奏稱擒匪竄入東境官

軍進至荷澤縣境截勦失利全隊潰散現退至濟甯迤南之唐家村駐劄等語僧格林沁輕進失機官軍銳氣頓挫恐逆擒乘隙北竄本日已諭令該大臣收集潰兵扼要嚴防不可冒昧輕進並令飭伊興額聯絡徐宿一帶鄉團相機堵禦設法解散脅從招撫擒眾以孤賊勢惟此時擒勢鴟張已向西北一路竄擾僧格林沁大營兵力尚單殊屬可慮袁甲三雖未能即赴徐州所帶兵勇諒可分撥著即派委得力鎮將與田在田伊興額等合力兜擊牽制後路俾該逆有所顧忌不敢徑行北趨是為至要並催令賈臻迅速赴任辦理招撫事宜毋稍延誤將此由六百里諭令知之○命河南按察使鄭

元善留省專辦團練事宜毋庸幫辦毛昶熙軍務○以山東荷澤地方勦匪失利欽差大臣僧格林沁等下部嚴議革副都統桂成協領色爾圖善職留營效力予陣亡總管伊什旺布祭葬世職○戊申

上御萬樹園大懺次賜王大臣官員蒙古王貝勒貝子公額駙台吉等茶果○己酉諭內閣穆蔭瑞常奏

聖訓恭校完竣出力各員可否保奏等語

皇考宣宗成皇帝聖訓現經武英殿刷印正本九分該總裁等督率在館人員詳細恭校一律完竣所有在館出力各員著穆蔭等擇尤保奏候朕施恩○庚戌

孝穆成皇后忌辰遣官祭

慕陵○諭內閣御史吳祖昌奏請將殉難紳民婦女查明旌卹一摺廣西省各府州縣被擾最久該紳民等辦理團練或禦賊傷亡或不屈自盡即應隨時查辦以彰忠節而勵人心著該撫仿照湖北廣東等省設立總局派委官紳查明殉難事蹟由該撫分別奏請旌卹至辦林州城被圍禦賊傷亡紳民一併查明具奏○又諭德木楚克扎布奏據實明白回奏一摺喀拉喀輔國公明珠爾多爾濟欲報捐馬匹希圖賞還貝子德木楚克扎布於扎薩克多羅郡王托克托瑚圖噶之護衛業林明曉特前來探聽時未能正言拒絕執將從前捐銀

加級等事向其告知雖未應許情託究屬不合德本楚克扎布著交理藩院議處（諭軍機大臣等）皖省擒匪滋事以來營經官軍剿辦斬賊甚多而此勦彼竄蔓延東豫愈聚愈眾本應悉數殲除以彰捷伐惟念此中良莠不齊其被匪裹脅並非甘心從賊者正復不少若概行勦辦恐人數眾多久煩兵力且該擒為粵逆前導抗拒官兵身罹鋒鏑之害而粵逆則坐享其利其愚亦屬可憫著袁甲三穆騰阿鄭魁士毛昶熙李續宜嚴樹森於皖豫境內剴切曉諭解散脅從有能悔罪輸誠自拔來歸者概予免戮其中如有才具可用者並酌量錄用即如李世忠自投誠後屢立戰功朕即擢至提督該擒首若能殺賊立功亦可准膺懋賞儼始始終抗拒執迷不悟惟有嚴行勦洗亦不能任其猖獗李續宜嚴樹森身任封疆尤當督飭地方官辦理招撫安插事宜俾解散之民各復本業不至再為裹脅方為妥善孫葵心投誠一事前已有旨令賈臻迅赴皖省辦理該擒首於賈臻素所信服著傳諭該藩司遵奉前旨迅速妥辦毋稍遲延至徐宿一帶情形田在田滕家勝伊興額俱所素悉著即會同商辦勦撫並用俾該匪等自新有路庶免概遭殺戮吳棠久任淮徐素得民心於招撫解散事宜尤當與田在田等會商妥辦此事從前歷次頒發解散脅從諭旨各路統兵大員及各該地方大吏並未實

力奉行此次袁甲三等務須實心辦理不得視為具文仍著整飭官兵如有始終頑梗必應勦辦者即行督兵殲除亦不得因有此旨致懈軍心將此由六百里諭知袁甲三穆騰阿鄭魁士毛昶熙李續宜嚴樹森田在田滕家勝吳棠並傳諭伊興額賈臻知之（又諭）安徽一帶擒匪擾及東豫到處勾結裹脅良民以致愈聚愈多此勦彼竄朕思此輩烏合離眾未必皆甘心從逆之人若概予誅夷朕心實有不忍李世忠自投誠之後屢立戰功為國宣勞是以擢至提督該員於於眾頭目多所素冒其中必有情願投誠而自知罪重意存觀望者若能宣示朕意使其自拔來歸必當寬其既往如有率眾歸誠助兵勦賊者更不難立沛恩施以彰激勵至怙惡不悛負隅抗拒者惟有嚴飭各路官兵認真勦辦亦不能任其猖獗也該提督忠勇性成務必仰體朕心盡心籌辦儘能招集擒眾併力攻勦粵逆克奏膚功更應懋賞實於該提督有厚望焉（又諭）御史任兆堅奏徵收錢糧折銀請隨銀價增減一摺據稱山東省各州縣徵收錢糧大半用錢折銀而折價之法各處不同如銀價增則官不得不議增而民不便於是民與官爭銀價減則民不得不請減而官不利於是官與民爭而抗糧滋事之案層見叠出請飭按照高密等縣隨銀價增減之法辦理等語東省近來多有抗糧之案皆由地方

官辦理不善若能一秉至公隨銀價長落徵收何至官民交困着清咸按照該御史所奏本年上忙徵收錢糧即令各州縣照高密昌邑等處已行之法通隨銀價增減出示曉諭百姓一體遵行毋許仍前勒折浮收僅有陽奉陰違者即查明恭奏原摺着鈔給閱看將此由五百里諭令知之○又諭御史吳祖昌奏廣西收復各城請通融辦理考試等語據柳州各府未經學政考試者將近十年現在柳州梧州南賓各府城均經收復若能將考棚隨時修理當可照常按臨儼力有未逮或暫借隔府考棚通融辦理至潯州府城現未收復該處州縣多與鬱林州毗連即可借鬱林州考棚應試各等

附錄

語學政按即考試所以造就人才即以特消弊弊雖地方甫經收復考棚殘缺亦應設法辦理以期鼓舞士心着劉長佑張正椿按照該御史所奏相度情形隨時通融酌辦毋得藉口軍務概行停止考試將此由五百里各諭令知之 辛亥雲貴總督劉源瀚奏克復獨山州城報聞 以候補總兵官楊巖保為貴州古州鎮總兵官 以山東濟甯擊賊出力賞同知朱懋淵等藍翎餘升擢加銜有差 以貴州獨山等處勦匪出力賞總兵官趙德昌邑國魯名號餘升擢有差 以貴州長寨廳城被匪窺陷革副將賈連陞手職留營差委 陣亡同知劉宗元祭葬世職加等並於死事地方建立專祠

以貴州威甯州苗回滋事革辦理不善之著知州葛紹英職留營效力予陣亡知府顧崑陽祭葬世職加等並於死事地方及原籍建立專祠 壬子

李聖憲皇后忌辰遣官祭

奉東陵 諭內閣兵部奏遵查防禦海保綠營一摺陝西延綏鎮總兵博崇武由吉林佐領改補綠營海升總兵雖據該部奏稱由滿營保送綠營係屬合例惟博崇武係吉林旗員與各省駐防不同保升綠營之缺於例究屬不合博崇武著開缺記名以副都統用嗣後除各省駐防營員仍准保升綠營外其吉林黑龍江等處營員各路軍營均不准保升綠營員

缺以示限制○諭軍機大臣等前因苗練與壽州團練爭仇滋事屢經諭令袁甲三妥籌辦理本日據首同書奏再陳淮南北團練尋仇滋事情形並歷陳苗沛霖種種跋扈各摺片所稱該練偏辱紳富於宿州蒙城擅立公局私設公案並陵辱州牧殺害差弁拘囚同知禁絕壽州貿易實屬形同叛逆難以姑容惟其手下人數眾多操之過急轉恐立啟釁端著袁甲三嚴密訪查如果苗沛霖自知悔悟原不妨暫事羈縻若如首同書所奏桀驁情形怙惡不悛士民皆忿且有勾結粵逆攻襲正陽之說亦宜防患未然不可一味姑容以致養廉貽患首同書已今來京李鴻章宜現授皖撫壽州地方緊要

設有疏虞所關非細。本日已諭令胡林翼派撥精兵二十名駐劄三河尖協同防剿。李續宜到後即可分撥布置。並察看苗練情形妥善辦理。固不可激而生變。亦不可任其挾制。官長致成尾大不掉之勢。壽營軍餉已諭令嚴樹森常請。瑛營迅籌接濟。兵餉同書摺片四件著鈔給閱看。將此由六百里各諭令知之。○又諭。翁同書奏。皖營待餉孔亟。請飭河南等省接濟餉銀等語。安徽賴壽一帶防剿喫緊。河南等省撥定月餉久未協濟。以致全軍待餉。飢潰堪虞。著嚴樹森常請瑛榮迅將壽州軍營按月應解餉銀趕緊撥解。源源接濟。毋得心存膜視。致誤事機。自予各戾。將此由五百里各諭令知之。

○又諭。本日據文煜奏。捻逆由鉅野分竄館陶。河澤徑撲曹州府城。獲陔並攻破觀廟。李莊等處。前隊竄至直隸東明縣境。復由武備岡向西南東明長垣等縣竄撲。已分別咨飭直隸總督大名鎮道派兵堵截。復據聯捷奏稱。捻眾竄至長垣縣屬三翟莊口。東明縣山里屯河口。踏冰過澗。均經練勇擊退。現調鄉團於河岸防堵。各一摺。捻匪大股竄逼直境。畿南重地防務倍關緊要。著聯捷即督飭兵練嚴扼河干。斷不可任其徑渡。備防守不密。致賊闖入畿疆。朕惟聯捷是問。本日毛昶熙奏。截擊捻股大獲勝仗。現在匪眾逼近直境。前儀考城已有賊蹤。毛昶熙當督帶兵各員追剿。俾捻逆有所牽制。

不敢徑行北趨。如與聯捷併力迎頭截擊。尤為妥善。總期令該逆回巢。毋任匪蹤闖入畿疆。是為至要。將此由六百里諭知毛昶熙。並傳諭聯捷知之。○又諭。翁同書奏。請飭撥楚兵協同防剿等語。據稱。苗沛霖因與壽州團練尋仇。時思殺官報復。聲言欲攻壽城。並有勾結廬州專逆之語。現在該前撫練兵守陴。劉營河口尚無疏懈。惟兵力尚單。請飭湖北巡撫撥精兵二十名駐劄三河尖協同防剿等情。苗沛霖恃強跋扈。意存叵測。已諭令袁甲三妥善辦理。前有旨令翁同書來京另候簡用。授李續宜為安徽巡撫。現在壽州兵力尚單。著官文胡林翼就近調撥精兵二十名。派委得力將弁統帶駐劄三河尖。以壯皖軍聲援。而固楚韓門戶。至胡林翼前保之同知劉容現在何處。聞該員才具尚好。應如何錄用之處。並著胡林翼酌量具奏。將此由六百里諭令知之。○又諭。前因綿性奏變通私徵轉為公用。誠恐該伯克再行額外加徵。重累回人。當交常清等體察情形。悉心議奏。茲據綿性奏稱。阿克蘇回子生齒日繁。影射之戶甚多。非稽查明確。不足以昭平允。已派令回子郡王愛瑪特幫同章京國瑞等查明三莊戶口。並查有勒索錢文之七品伯克二名。即行懲辦等語。變通私徵以充公用。是否可行。尚未據常清稟覆。綿性自應俟奉諭旨後再行查辦。且甫經清查。即有伯克勒索錢文。

之事愛瑪特等亦難保無藉端需索情事著常清等嚴密訪查並將變通私徵有無流弊之處迅即據實具奏將此諭令知之○以廣西義甯協副將王萬清為陝西延綏鎮總兵官○以翰林院侍講學士楊東璋充日講起居注官○侍講杜聯編修楊泗孫孫其謀修撰孫如儀著日講起居注官○癸丑輸內閣勝保奏已革大員捐輸銀兩據情代奏一摺已革江南河道總督庚長前因清淮被賊竄擾未能蒞降旨令其來京聽候審訊自應靜候訊辦乃業尚未結輒先捐輸銀兩希冀加恩殊屬冒昧庚長所捐銀兩著即擲還仍著迅即來京聽候審辦○諭軍機大臣等袁甲三奏請飭催各省應解月餉濟急等語袁甲三軍營餉需全賴各省應解皖省協餉內通融勻用乃河南自上年八月間起解一批後直至年底續據報解銀一萬兩並彙解數月餉票二十萬兩迄今未到山西每月僅解銀一萬兩亦未能應期而至陝西或數月解銀一萬兩山東因籌解僧格林沁軍餉將皖餉每月減去一萬兩而應解之一萬兩亦復不解全軍坐困時有譁潰之虞該大臣現擬移師北路所有江西代墊閩海關稅及漕折共銀二十三萬兩並河南向解巡撫營每月餉銀二萬兩均撥歸皖軍淮北鹽課除袁甲三每月提鹽一萬包外其餘亦歸皖軍應用至河南應解月餉銀二萬兩餉票五萬兩山西陝

西每月各應解銀二萬兩山東每月應解銀一萬兩著清咸嚴樹森常績瑛榮自本年正月為始於各該省徵存地丁正項內照數動撥就近按月解赴袁甲三軍營以資兵食該營待餉孔急刻不容緩清咸等務當迅速籌撥勿得延欠短少致誤要需將此由六百里各諭令知之○署廣西提督廣東陽江鎮總兵官潘慶因病解任以廣西巡撫劉長佑兼署提督福建臺灣協副將黃禮鈐為廣東陽江鎮總兵官廣西梧州協副將王海清為左江鎮總兵官○以勦辦近畿一帶土匪出力賞道員柏春總兵官伊綿阿遊擊穆長榮等花翎主事豫璋等並翎並升擢加銜議敘有差○以福建興化泉州等處緝匪出力予遊擊吳鎮江等升敘有差○甲寅諭內閣上年諭令河南等省辦理團練並派督辦大員各就地方情形妥為經理茲據御史吳祖昌奏兩廣幅員遼闊請飭合辦團練並於肇慶設局等語著照所請所有廣東廣西兩省團練事宜即著兩廣總督會同廣東廣西各巡撫按照河南等省團練章程認真妥辦並於肇慶地方設立總局揀派公正官紳協同辦理毋得有名無實○又諭翰林翼奏請將會部不職之知縣革職一摺湖北代理石首縣知縣劉定範居心鄙詐難膺民社前任嘉魚縣丁憂知縣武振西官聲狼藉物議弗勝均著即行革職以儆官邪○諭軍機大臣等本日據

嚴樹森毛祖熙奏豫省歸陳許鄭汝光地皆平陽無險可扼現自曹單竄往之擒已偏省城而歸德以南另股竄匪馬步適蕩省城官兵不敷守堵毛祖熙所部悉皆步勇馬隊不滿三百滿營之馬疲瘦不能禦敵賊騎我步攻勦難施請飭撥東三省馬隊二十名來豫等語所奏自係為利於抄擊起見惟吉林黑龍江馬隊近年調赴各路軍營為數過多實已無可再調現在擒匪由山東竄至直隸之長垣東明等境北路防勦尤關緊要即有官兵亦難調赴豫省該撫等既分飭各屬勸捐馬匹即可挑選精銳官兵練習馬隊或招募馬勇以資攻勦刻下擒匪鳴張毛祖熙等惟當就現有兵力認真堵

會錄卷三十一

高

勦毋得專待客兵致有貽誤將此由六百里諭令知之又諭御史吳祖昌奏廣西潯梧各府城被圍時城內紳民捐餉不下數萬兩因城陷後官紳殉難捐餉無從詳報其餘各府州縣捐輸有至今未得執照並有未經報部者請飭廣西巡撫勒限清釐造報給予獎敘並請仿照加廣中額學額章程辦理等語潯梧各府紳民捐輸經費雖城陷後亦應查明請獎以資鼓舞其餘捐輸各紳民尤當趕緊詳報覈計獎勵不可歷時太久致有遺漏著劉長佑飭令地方官將各紳民近年捐項未經詳報者迅速查明勒限造報即行奏請獎敘如查有不肖官吏侵吞捐款亦即據實奏其捐輸全兩款

如已集有成數並著按照部定章程奏請加廣學額中額至所稱平南桂平等處辦團方紳劉彥文等有貽惠地方情形並著該撫嚴密確查懲辦毋稍姑容原片著鈔給閱看將此由五百里諭令知之閩浙總督慶端等奏請留丁憂道員司徒緒專辦福州通商事務得旨該員先因軍務奏留繼奉新章回籍守制自應恪遵茲以夷務藉口並請就近起復不過為保留閩省補用地步所請不准行以收復貴州鎮遠府城並攻克思州五堂出力賞副將周宏印已開魯名號都司梁友芳等藍翎餘升擢加銜有差以福建汀州府城被賊竄陷總兵官袁良下部議處乙卯諭軍機大臣等本日

會錄卷三十一

二

據薛煥奏倭國兵船駛赴長江前往漢口等處路過金陵欲見髮逆並據巴棟阿奏倭國商船現抵鎮江有輪船一隻前往金陵上游查看江面欲使粵匪知其來往通商毋得攔阻各相片映夷於九江漢口兩處開商先與髮逆交接該夷甫與中國換約雖不助我勦賊亦未必遂勾通粵逆再啟兵端惟此後該國商船往來江面恐金陵逆匪借伊船隻裝載賊匪駛入天津海口其患不可不防此事若由中國稽查恐該夷心生疑忌不如向該商告以現在漢口九江通商各國船隻往來甚多恐粵匪假充商賈混跡其中竄入天津海口中國無從稽查應由貴國派人將出口進口人數嚴密查察如

有賊匪潛赴天津務即代為拏獲以見彼此和好之道著恭親王奕訢等悉心籌議或行文照會或與賊晤談等當面言定之處即行酌量辦理薛煥巴棟阿各摺片均著鈔給閱看將此密諭知之○予浙江乍浦陣亡佐領順興防禦嵩壽慶玉等祭葬世職○丙辰諭內閣三月二十四日著醇郡王奕讓等進上書房讀書朱鳳標等均於三月二十日以前赴行在○又諭給事中哲臣奏請嚴定京察章程先期開單進呈一摺京察為考績大典各該衙門堂官保列一等人員出具考語由吏部帶領引見本非專為簡用外任而設其特行圈出之員令該堂官再出具切實考語覆行引見始量予錄用

立法本極周密該給事中奏請令各該堂官將應行保列堪勝道府之員先期出具考語開單進呈圖出後再行帶領引見既與定例不符且夫京察本意況所保之員未經引見豈能僅據該堂官考語遽定其人之才具所奏殊屬非是著毋庸議原摺著即擲還○又諭玻璃武奏請將不法兵丁首犯從重懲治一摺密雲駐防兵丁文瑞希陞額籍索米石軌敢率領多人倡勸協領法什善等借貸錢文復將該管官員開檔房肆行辱罵實屬不法已極文瑞希陞額均著革去馬甲發往黑龍江充當苦差以昭炯戒至密雲縣欠放兵丁米石著直隸總督倉場侍郎飭屬趕緊運交該副都統按季

散放毋許延誤○諭軍機大臣等前因僧格林沁奏追剿東境擒匪接仗失利當經諭令僧格林沁等宜扼要嚴守不可輕進並諭令袁甲三分兵援應會同田在田伊興額合力兜剿本日復據僧格林沁等奏擒匪黑藍二旗復由歸德虞城一帶竄至荷澤縣地方現在該縣一帶盤踞已札調候選知府趙康侯並曹州等處團總各帶鄉團在鉅野縣屬之大義集會齊擬於二十五日督帶馬隊前往會剿各等語擒匪更指出竄意在疲我兵力當此賊勢方張正宜謀定後戰克操勝算以期大挫賊鋒僧格林沁此次復親帶馬隊銳意輕進深恐再蹈從前覆轍著即督飭各屬鄉團迎頭截擊並飛催步隊官兵相機策應該大臣身為統帥指揮調度是其專責斷不可輕臨前敵屢冒危險俟此股擊退趕緊分布兵團防守邊濠遇賊來路以待袁甲三等分兵會剿兵力稍厚再同進取方為妥善將此由六百里加緊諭令知之○又諭田在田奏壽州團練構釁現赴宿州鎮撫一摺據稱淮南團練殺傷苗練致苗練憤起爭端淮北數百練圩紛紛糾眾構釁沙河渦河一帶新附各圩飢民乘機赴靈泗等處滋事宿南人心震動現經開導宿州民練將苗練旗號撤去並分撥兵勇在宿境東北駐紮一面馳回宿州鎮撫人心等語苗練與壽州團練構釁經諭令袁甲三秉公查辦並妥為安撫田在

田現回宿州自係為安定人心起見惟此時擒匪竄擾東境延及直隸東明長垣邊界本日復據僧格林沁奏稱此股擒匪雖已折回竄出東省邊濠而另股擒眾又復竄河澤徐州為東境藩籬較宿南一帶尤為緊要苗練構釁一案現有袁甲三就近辦理田在田到宿後應即折回徐州一帶與滕家勝吳棠等聯絡民團督率兵勇相機堵截以遏擒逆北竄之路並與僧格林沁一軍互相援應以收夾擊之功毋因苗練牽掣致令北路空虛是為至要將此由六百里各諭令知之

又諭田在田奏撤退東勇被圍眾格殺多名請飭查辦等語據稱傳振邦撤去東勇五百名行至泰安縣大汶口地方被民圍截殺六十三名內有官弁三員遊擊傅萬清後至遇劉紹英認保未被砍殺旋據該縣知縣稟稱係因不服督查遂行械鬪其時南翼各團亦均捆獲多名實屬誤認為賊田在田復遣守備趙典馮前往查訪行抵宋家莊亦被民圍鄉紳請飭山東巡撫確查訊辦等情民間團防原有盤詰奸宄之責惟軍營撤勇既有文憑可稽即不得任意妄殺雖因兵丁過境人數浮多恐有匪徒混入亦當報明該地方官辦理乃因不服盤詰彼此械鬪殺斃多名實屬兇橫不法知縣方振書事後查辦自應虛心詳察何以趙典馮約同驗查並不前往亟應嚴切根究著清盛即派妥員確切查明是否該勇

丁搶奪擾害傳萬清所稟不實抑係該處民團恃強滋事該知縣藉詞規避務須秉公勘究按律懲辦以期兩得其平毋稍寬縱原片著鈔給閱看將此由五百里諭令知之○又諭

張崇武奏兵丁索米滋事一摺密雲駐防兵丁文瑞等因索米石聚眾滋事已降旨將該犯等懲辦與據張崇武奏稱久放兵米係九年冬季一季十年一年兵食關緊要年餘未經散放無怪該兵丁等藉口滋事著成琦廉兆綸將應放密雲兵丁米石趕緊設法輓運交該副都統按季散放毋任再有延誤將此諭令知之○吉林將軍景淳等奏捕珠各河與吏務無礙得旨圖留中著於十三年照例採捕今歲即趕緊設法籌辦除必需之款仍照例支放外其餘可減則減通融辦理○以工部尚書綿春正黃旗滿洲副都統恩醇為總管內務府大臣○調阿勒楚喀副都統喀通阿為甯古塔副都統甯古塔副都統德楞額為阿勒楚喀副都統○丁巳諭軍機大臣等前因苗練與壽州圍練尋仇滋事疊經諭令袁甲三等嚴密訪查防範並諭令田在田往宿州鎮撫後仍即折回徐州一帶以固北路之防本日復據翁同書奏淮陳苗練橫行兵餉已絕勢不能支請降旨慰勉各摺片並鈔錄苗沛霖致偽總統稟呈覽壽州餉需不至者已五十日詳潰堪虞袁甲三昨奏請於皖省協餉內明定章程業經諭令各該

省如數撥解。壽營待餉孔亟。該大臣自當不分畛域。著由臨淮軍餉內。無論多寡。先行通融勻撥。以冀保全大局。至苗沛霖。偏倚紳富。領袖並密。巢內有欲勾結。變逆。搶掠壽州以南一帶。並欲攻取兩淮。山東。河南。地方。合肥。練總。諸開泰。所呈苗沛霖稟。是否實有其事。或係壽州。圍練。偽造。希圖搆釁。均未可知。著袁甲三。嚴密訪查。如果苗沛霖。有勾通變逆之事。亦宜不動聲色。妥為防範。不可稍涉大意。並嚴催張學醇。才字和。將圍練。仇殺一案。迅速來公。查辦。毋稍延誤。苗練。現在過淮。築營。偏倚民圩。歸服。並著田在田。伊興額。確查該練。動靜。密為防備。切不可稍涉張皇。以致激而生變。翁同書。密

會奉朱批

旨

片一件。苗沛霖稟。並鈔錄摺片二件。均著鈔給袁甲三。閱看。將此由六百里密諭袁甲三。田在田。並傳諭伊興額。知之。又諭。勝保。奏練兵善費。添置器械。一摺。據稱。團明。團八旗。包衣三旗。兵丁。八槍。營操。演者。向祇二千四百名。現擬於八旗護軍內。挑出精壯兵一千四百名。統共三千八百名。並添置。撞槍。鳥槍。排槍。刀矛。馬槍。號衣等件。共需銀六千三百六十餘兩。請於釐捐。鹽價。罰賠。各項銀兩內。提用。或由部籌款一萬兩。或八千兩。發交該營等語。已交戶部。嚴議具奏矣。京營訓練兵丁。添置器械。除撞槍。照數添置外。其餘鳥槍等件。著該大臣。再行覈減。以節經費。而務實際。並覈實估計。究竟

統需銀兩若干。詳細確查具奏。毋得稍有浮濫。將此諭令知之。賞已革大學士瑞麟。四品頂帶。辦理吉地工程。以甘肅哈密協副將黃鳴鐸。署安徽壽春鎮總兵官。以防守安徽壽州出力。賞參將吳峻基。已圖魯名號。遊擊朱佩芬。守備滕傳運。委參領阿克敦。同知言南金。知州任春和等。花翎。知縣熊英等。盡翎。餘升敘加銜有差。以防護直隸永定河上。年伏秋大汛出力。予知府王茂勛等。升敘有差。戊午

孝儀純皇后忌辰。遣官祭

裕陵。諭內閣。本屆京察吏部。將盛京五部侍郎。開單。題請。盛京侍郎。倭仁等。著照舊供職。又諭。本日義道等。奏。摺。撤

會奉朱批

旨

摺件之中書。請交部議處。並據肅順。另摺。奏。該中書等。請分別嚴議。議處一摺。內閣中書。文林。於戶部郎中。呂濟南。私撤摺件。既無該部文書。又未告知內閣。侍讀。帆。擅自拆封。撤交該員。實屬荒謬。文林。著即革職。侍讀。文綱。及委署侍讀等。於私撤摺件。未能覺察。亦難辭咎。均著查取職名。一併交部議處。又諭。戶部。奏。請。飭。催。運米船隻等語。奉天。額運米石。上年。因直隸。船隻。遲延。以致。未能。起運。實屬。延玩。著。直隸。總督。嚴飭。押船。委員。刻即。押催。船隻。赴奉天。領運。毋得。再有。遲誤。至本年。應需。船隻。並著。該督。嚴飭。天津。甯河。二縣。剋期。雇備。務於。四月內。齊抵。奉天。口岸。守候。裝運。並。將。該將軍。手。嚴

飭經徵各員認真經理一俟津船到口再行趕緊裝兌於六七月間赴通交納俟再遲延逾限即著嚴參懲辦以肅運務而儆玩泄○輸軍機大臣等毛昶熙奏兵勇馬隊過單現擬每寨挑選壯丁一名騎馬一匹於到營後按照馬勇給發口糧○事竣各回原寨等語○擒匪馬匹甚多○我軍馬隊過單僅恃步隊追剿勢難得力○自應多添馬隊以資攻擊○前因馬隊不能再調諭令毛昶熙招募馬勇該大臣現於每寨中派選一人一騎輕而易舉並於投效之人責令寨長保送約歸陳兩屬中可得馬隊三四百名○辦理尚屬妥協○惟賊勢剽疾異常恐現集馬隊尚不敷攻剿著於歸陳兩屬之外再行設法選

會集奏

主

派馬勇務期多多益善俾成大隊庶可隨賊所向馳往攻擊○另片奏○辦理招撫擒首事宜等語○孫葵心在六安境內既為該逆等拘囚投誠之意自必更堅正宜乘此機會迅速入手以免致滋他變○賈綠業已調任安徽著即飭令該藩司設法辦理毋再稽延○將此由六百里諭令知之○又諭戶部奏請飭催寄回漕糧赴津一摺○上年江浙兩省海運漕糧船隻因天津戒嚴在奉天山東各口岸分別暫停寄囤共漕米一萬五千餘石○現在春融海洋安靜著玉明倭仁景霖清盛即飭各屬將上年寄囤之江浙尾漕剋期運赴天津交納仍將轉運船米數目先行咨報戶部以憑查覈毋稍稽延將此由五

會集奏

主

百里各諭令知之○以直隸天津等處拿辦梟匪出力賞知縣毛慶麟花翎餘升敘有差○以四川馬邊等處剿賊出力賞知縣黃漢章將道於等花翎把總何玉春等並餘升敘有差○以河南確山等處剿匪出力予都司余萬明等升敘加銜有差○陣亡把總谷有雲祭葬世職

大清文宗協天訓運執中垂謨懋德振武聖孝淵恭端仁寬敏顯皇帝實錄卷之三百四十一

大清文宗協天翊運執中垂謨懋德振武聖孝淵恭端仁寬敏
顯皇帝實錄卷之三百四十二

咸豐十一年辛酉二月己未朔。諭內閣。徐之銘奏。回匪聚踞
晉甯州城。旋即克復。並江川甯州等處解圍一摺。上年十一
月間。雲南逆西回匪分股聚踞晉甯州城。經知州熊夢昌等
調集練勇。分隊進攻。外委李和首先登城。外委蔣連璧等先
經改裝進城。放火接應。兵勇乘勢齊登。斃賊數百名。逃出之
賊復經兵練截殺五六百名。奪獲槍礮器械無算。立將州城
克復。另股匪首馬勇。即馬雙恩。攻撲江川縣城。署知州訥謨
謹等。分路勒擊。武生周鈞等。殺賊三四百名。武生李必湯。勇

戰馬勇斃命。賊始紛紛敗潰出城。追殺三十餘里。其攻撲甯
州之賊。經知州文廷銑等。分督兵練。竭力守禦。並乘夜圍攻
賊營。槍礮齊施。斃賊無算。復追殺十餘里。賊屍遍野。江川甯
州兩屬。均已一律肅清。勒辦尚屬出力。在事出力員弁著徐
之銘。擇尤保奏。候朕施恩。○又諭徐之銘奏。請將前署道員
革職提問等語。前署雲南迤東道汪之旭。官聲平常。前經降
旨送部引見。乃時逾兩年。輒敢抗不遵依。復藉圖差委。任意
延宕。實屬目無法紀。汪之旭著即革職。交徐之銘提問。併查
明銅務歷年交代。如有虧短情弊。即著從嚴懲辦。○諭軍機
大臣等。舒精阿奏。籌畫安設隔斷丈尺。接搭平臺繪圖呈覽。

並請免報銷一摺。
恭順皇貴妃金棺至。

和裕皇貴妃園寢鑾殿。著仍安設東次間。原設酒桌。著移安
西次間。絨椅平臺俱無庸添設。發去硃筆一件。著舒精阿遵
照敬謹辦理。所需銀兩。由廣恩庫支領。事竣後仍著報部覈
銷。以重款項。將此諭令知之。○又諭前據僧格林沁等奏。請
裁減察哈爾兵額。當經諭令慶昫查明該處兵額。酌量裁減。
以節糜費。茲據慶昫等奏。遵查該處各項兵額。共八千一百
六十八名。餉數例祇京兵之半。分守之地。東西計千里以外。
南北亦八九百里。與扎薩克游牧。共衛北邊。難議裁減。擬將

現在甲兵空缺六十三名。暫行停撥。并已撥到旗之二百二
十四名。及各旗出征兵內。遇有出缺。無丁可補。一併暫行停
撥等語。察哈爾各項官兵。控制北面地方。遼闊。近日緝盜防
邊。更為緊要。且俸餉定額。本較京旗數減。窮困者多。既據該
都統等。查明情形。自未便遽議裁減。著仍循舊章辦理。所有
甲兵等空缺。並著無庸停撥。以重邊防。惟該處兵丁。從前微
調時。臨陣多不得力。該都統等。務宜汰除老弱。簡補精壯。隨
時講明紀律。認真操演。以備徵調。庶幾兵歸實用。餉不虛糜。
將此諭令知之。○又諭徐之銘。上年十月間。奏請令張亮基
在任調理摺內。有七月二十四日。護提督褚克昌陣亡之語。

未見專摺奏報是否摺件遺失著該撫查明該總兵陣亡情形詳細具奏其回務副掌教徐元吉武生馬如龍前據該撫奏請令其辦理應撫事宜此次竄踞呈貢經總兵何自清督兵勦擊克復縣城詳細情形摺內亦未據聲敘至楚雄府城被陷時迤西道宋延春如何回省有無逃避情事均著徐之銘確切查明據實詳晰具奏將此由六百里諭令知之○杭州織造恆起奏報到任日期得旨隨時整飭勿得藉口商販不通致虧稅項○以克復雲南晉甯州等城賞知州文廷銑外委李和花翎軍功李之鳳等藍翎餘加銜升敘有差○補鑄雲南迤西道關防楚雄府知府印信從巡撫徐之銘請也

宣統三年三月二十二日

王

○予雲南江川縣陣亡典史羅宗洲祭葬世職○辛酉諭軍機大臣等前據僧格林沁等奏黑藍二旗擒匪復竄荷澤擬親督鄉團前往會剿當經諭令該大臣等宜嚴扼邊濠不可輕臨前敵致令再有挫失本日據僧格林沁等奏擒匪五旗併出分股在定陶曹縣荷澤等處滋擾該大臣行抵大義集各州縣鄉團因賊勢逼取膽怯不能協剿現在仍回唐家口激勵官兵防守河岸等語此股擒匪既號稱十餘萬兇悍異常各屬鄉團未能協助官兵但各守村寨必須互相聯絡方能杜賊竄撲該大臣等仍當激勵趙康侯等令其分飭鄉團遇賊即擊毋令賊蹤北竄現在裁汰陝甘官兵二千餘名兵

宣統三年三月二十二日

四

力更單惟有將牛頭河及運河等處各要隘嚴密防守以固北路藩籬俟袁甲三會同田在田伊興額等分兵勦辦將擒匪後路牽制該大臣再當酌度機宜督兵策應此時宜仍遵前旨不可銳意輕進再蹈從前覆轍將此由六百里諭令知之○又諭前因綿性奏變通私徵改充公用一摺復據奏派令回子郡王愛瑪特查明戶口並有伯克勒索錢文情弊等語先後諭令常清等嚴密訪查並將變通私徵有無流弊之處迅速據實具奏本日據英薩奏參綿性私設鹽課並未與各城商辦於上年三月開徵每月每人收普爾錢二文三品伯克至七品伯克按品級每月交錢五十文三十文不等收至三四個月停止並向安集延外夷每月挨名收要喫飯鹽錢以致安集延夷人遞稟申訴至該大臣具奏變通私徵轉為公用應俟奉旨允准再為舉行輒即咨調已革阿奇木伯克阿密特並擅留愛瑪特辦理清查戶口事件等語綿性私設鹽課並向安集延外夷一律徵收似此任性妄為深恐激變地方著常清景廉查明綿性所收錢文若干作何用項並查明愛瑪特如有勒索回眾情事即一併據實奏奏勿稍徇隱將此諭令知之○又諭劉源漢田興恕奏請飭催各省協餉一摺貴州軍務已有起色惟軍營欠餉過多必須各省協濟以免軍心渙散所有前次戶部奏准湖北省每月撥濟黔

鈎銀二萬兩四川欠解銀二十七萬餘兩又該督等前請於川東釐金項下每月撥銀三萬兩廣東欠解銀一百數十萬兩陝西欠解銀十餘萬兩山西欠解銀一萬九千兩著官本胡林翼崇實勞崇光著齡璣等常續即飭各該藩司籌款報解源源接濟毋誤要需另片奏江西省欠解銀數年以來積至三百餘萬等語江西應解黔餉係常年應行撥解之款何以分釐未解著毓科即飭藩司迅速籌撥仍遵前旨以十萬兩為一批解赴貴州接濟不得再事拖延將此由六百里各諭令知之○予貴州節次陣亡殉難官紳副將善寶知府銜黃紹奇同知馬世璜遊擊蔣益清李成錦等六十六員祭

葬世職舉人龔繼昌等四十五名口旌卹如例○減免直隸隆平安東安天津四州縣積澇地畝額賦有差○壬戌

上詣

普甯寺拈香○諭內閣本年應查福建浙江廣東廣西四省營伍之期福建著即派慶瑞浙江即派王有齡廣東即派勞崇光廣西即派劉長佑逐一查閱認真簡校如查有訓練不精軍實不齊即將廢弛之將弁據實奏參毋得視為具文○又諭給事中何璟奏請嚴懲勒索以彰節烈並高州等處出力紳團請飭查保等語軍興以來各省殉難紳民婦女無不立沛恩施分別旌卹據該給事中奏稱粵東書吏門斗積弊最

深婦女守節請旌由禮部行查立限咨覆遲至數年不報竟有勒索規費而後報者似此抑勒把持實堪痛恨著勞崇光著齡嚴飭各州縣地方官教職等查明紳民婦女義烈可嘉及守節請旌者如有勒抑不報情弊即將書吏門斗嚴行懲辦儻官為徇庇亦即從嚴叅處以儆貪邪而維風化至高州府及廣州各屬團練殺賊立功未經具報者並著該督撫迅查保奏○又諭王明等奏水師巡船不敷派撥請仍歸舊制一摺所有奉天水師營巡哨戰船著仍歸舊制以戰船三隻巡哨其餘戰船俱令守口以節經費至應修應造船隻著閩浙總督浙江巡撫督飭所屬趕緊修造完竣駕送奉天海口

以資利用毋得遲誤○諭軍機大臣等有人奏四川署金堂縣知縣蔣寶清為人貪庸任用劣紳盧卜年等借團練擾害四鄉勒索民財賊竄趙家渡被害者四千餘人蔣寶清並未帶勇禦賊捏稟帶勇千餘協同軍功關志林克復趙鎮殺賊若干濫保幕友陸華堂及其子姪該縣城內三團向能禦賊該署知縣與關志林首端阻抑以致人心渙散關志林帶勇千餘至該縣東門城濠外擄掠民人何家貴等指為賊匪又與團首尋仇排隊入城在縣署大堂嚴斃伍鑑堂之子頒命蔣寶清不能驅逐關勇反捏同冒功各等語上年十一月間崇實奏賊竄金堂縣趙家渡軍功關志林投效從九品陸華

當著知縣蔣寶清等帶團截剿。獲賊多名。茲據奏蔣寶清等並未禦賊。顯係捏報戰功。希圖保舉。至官紳黨惡害民。尤屬大干法紀。著崇實按照所參各條。詳細查明。嚴參懲辦。不得以曾經入奏。稍存迴護。將此諭令知之。○以陝西西安協領海春為廣州漢軍副都統。○以江西捐輸軍餉。永廣鄉試中額一名。南昌府學額五名。武甯縣六名。○癸亥。諭內閣。清咸奏糧臺事務可否責令道員專辦等語。清咸現在署理山東巡撫。所有督格林沁軍營糧臺事務。著克沂曹濟道盧朝安暫行代辦。俟譚廷襄到任後。仍著清咸辦理。○諭軍機大臣等。毛昶熙奏。擒匪出巢。四窠。請會合鄰省馬隊。痛加剿洗。一

會剿奏書

七

摺。據稱。擒匪自甯陵解圍後。退至該縣迤北。有沿隄東窺之勢。前窺東境之擒。由曹考西趨蘭儀邊境。意在勾連前股。西犯復潛繞夏邑東北一路。經官兵跟追。已向東南遁去。白旗擒股窺向柘城一路。攻撲縣城。劉狗等擒時在沿邊一帶。往來游駛。聲言欲撲歸德郡城。因索亮一帶米糧缺乏。是以傾巢而出。若四面截擊。實可削平。惟存營馬隊太單。不敷防剿。請飭德楞額。伊興額督帶馬隊來豫會剿等語。擒不傾巢出窠。如能厚集兵力。痛加剿洗。較之圍攻擒奸。自易為力。惟現在賊匪擾及東境。北路正當喫緊。著督格林沁等。斟酌情形。如德楞額。伊興額可以帶隊前往。即飭赴豫省會同毛昶熙

會剿奏書

八

之軍合力剿辦。儘峰縣及徐州一帶地方防剿緊要。即令該副都統等確探賊蹤。分投迎擊。與豫省官軍互相援應。亦不得株守一隅。致誤事機。將此由六百里加緊諭令知之。○辦理四川軍務湖南巡撫駱秉章奏啟程赴川日期得旨。初抵川境。即將川省軍務並經過地方一切情形馳奏。○以散秩大臣文謙著鑲紅旗滿洲副都統。○命前任甘肅西甯鎮總兵官成明幫辦安徽欽差大臣袁甲三軍務。○甲子。遣官祭先醫之神。○諭軍機大臣等。前據翁同書節次陳奏苗練尋仇滋事情形。並經諭令袁甲三等妥籌辦理。本日據翁同書先後奏報。接奉回京諭旨。及連日登陣拒守一切布置情形。並據袁甲三奏。晚北軍情未定。兵勇驟難分撥。各摺片。下蔡苗練馬步隊已由兩河口攻撲壽州北關。傷我兵勇。並由菱角嘴過河。正陽喫緊。壽州危急。該練種種狂悖。實堪髮指。袁甲三此時正當嚴扼臨淮。未可遽行移兵徐宿。著即密商翁同書。如張學醇與苗沛霖素稱相得。可以消其反側。現在已至下蔡。即責成該臬司向其曉諭。予以自新。儘能早知悔罪。約束部眾。聽候查辦。尚可曲從寬宥。若藉尋仇為名。肆行狂悖。叛跡顯然。即當密速定計。設法誘擒。以除地方之患。蒙宿人心。既不為其所用。正可乘勢解散。與令其縛獻首逆。切不可養癰貽患。致令不可收拾。翁同書此時為顧壽人心所

繫惟當嚴密布置。力保危城。不可意存推諉。俟李續宜到任後。再行交卸。署阜陽縣知縣葉春培。勤撫槍圩。既有威名。苗沛霖。孰欲將該員撤任。其意何居。翁同書不允所請。自是正辦。張學醇久在軍營。素得兵心。即著辦理壽州糧臺。以專責成。蔣錫綬。即毋庸辦理。重慶鎮總兵尹善廷。現在帶兵截剿苗練。正當喫緊之際。著仍留皖省。毋庸前赴四川本任。苗練糾約宿州小黃旗等練。赴泗霍打糧。袁甲三已令滕家勝。前往鎮攝。著即飭令該總兵聯絡民圩。相機辦理。將此由六百里加緊各密諭知之。○又諭。翁同書奏。苗練與壽州團練尋仇。率隊攻撲州城一摺。據稱。苗練數千。由下蔡渡淮。攻撲壽

州城廂。雖經該前撫督兵擊退。而練隊已由菱角嘴過河。正陽萬分喫緊。壽城餉絀兵單。勢極危急等語。苗沛霖恃練跋扈。意存巨測。已諭令袁甲三等相機妥辦。惟翁同書現在降旨令其來京。於一切防守事務。呼應不靈。臨淮道路久已不通。袁甲三現亦未能兼顧。且正陽為壽州屏蔽。設有疏虞。則壽州勢難獨全。李續宜已投為安徽巡撫。責無旁貸。著即星夜馳赴壽州。力籌防剿。以保危城。其桐城軍務。即著胡林翼兼轄。庶不至顧此失彼。前有旨令官文。胡林翼。撥兵二千名。駐劄三河尖。以為壽州聲援。並著迅撥前往。毋誤事機。將此由六百里加緊各諭令知之。○又諭。本日據翁同書奏嚴樹

森。容稱。苗練派人在固始縣三河尖地方。築立團寨。又在固始東北一帶。邀集練總陽林川等十三團寨。悉令歸從。又於三河尖往流集等處。設卡抽釐。並欲於光屬派糧萬石。咨請查禁等語。苗練與壽州團練。尋仇滋釁。疊據袁甲三。翁同書奏報。種種不法。實堪痛恨。現復於固始等處。邀集團寨。悉令歸從。不完糧賦。並設立釐卡。苛派糧石。其勢已擾及豫省。翁同書不能查禁。亦屬實在情形。著毛昶熙。嚴樹森。即曉諭各處紳團。各安本業。照舊完糧。毋得為其誘脅。其三河尖往流集等處。亦不准留苗練設立私卡。致貽後患。將此由六百里各諭令知之。○又諭。王履謙奏。浙江團練捐輸事。無專責請

旨。遵行一摺。據稱。自邵燦撤去團練大臣以後。前調紳士謝敬。邵清益等。所部鄉勇防守蕭山等處。現在無所稟承。地方官辦理勸捐。有煙鏹鹽斤醬缸等捐名目。房捐自三間以上。每月每間輸錢五十文。暨一二百文不等。事涉煩苛。挨戶徵索。愆怨必深等語。浙西一帶。賊氛充斥。浙東防務正形喫重。所有謝敬等。所募鄉勇。即著聽候該撫及王履謙調度。至地方官勸辦捐輸。固宜認真辦理。亦不可遇事煩苛。致失民心。如有不肖官吏。多立名目。侵漁肥己者。即著該撫查明。奏並飭地方官。關會王履謙。妥為辦理。不可兩歧。另片奏甯紹地方。饒瘠各殊。浙東捐貲難濟。浙西並義橋防勇單弱各等

語。浙西浙東防務均關緊要。軍餉一項。全在分別緩急。通融勻撥。豈可稍分吟域。如浙東情形稍緩。餉項有餘。仍當分解。省垣濟餉。不得專歸本處地方支用。至逆匪由新城一帶竄擾富陽。與諸暨。蕭山等處。僅隔一江。謝敬所帶姚勇。屯劄義橋。為數僅五百名。不敷堵禦。自係實在情形。著王有齡趕緊添派兵勇。以資防剿。毋令完善之區。致遭蹂躪。並著王履謙督練嚴防。不准推諉。將此由六百里各諭令知之。○欽差大臣袁甲三奏。幫辦軍務鑲黃旗蒙古都統穆勝阿。傷疾舉發。咨請開缺。得旨。著回京當差。○命在籍都察院左副都御史王履謙。幫辦浙江團練。並勸捐事宜。○以山東韓莊臨勘檢出力。賞委參領京色布庫。烏爾恭額。委防禦富祥等。花翎遊擊孫葆清等。藍翎餘加銜升敘有差。○乙丑孝淑睿皇后忌辰。遣官祭。

昌陵。○專辦防河事宜直隸大順廣道聯捷奏。籌辦練勇請飭直隸晉三省。各協撥銀二三千兩。從之。○賞六品頂帶德興阿三品頂帶著密雲副都統。○以內閣學士戴崇。著鑒儀衛鑒儀使。○以正白旗滿洲副都統西拉布。著理營伍事務。○以河南考城解圍。賞同知蔡文懋。花翎軍功張世貞等。藍翎。○丙寅。諭內閣。戶部奏。試辦昌平州黑地升科。請派員查辦。並派州民人史長春等。主請補領執照。應一併查勘等語。著

派陳孚恩寶馨。會同張祥河。董醇。認真查辦。以昭覈實。其自咸豐四年以後。順天直隸所屬州縣。辦過升科地畝一千數百頃。歷年課銀。是否該州縣按額徵收。並未專案報部。著直隸總督。順天府府尹。立限半年。將前次欠解銀兩之各該州縣。詳細查明。嚴行追繳。毋數解部。如有侵蝕情弊。即據實奏。○又諭。前因已棟阿。奏參江北復添設釐局。降旨令喬松年明白回奏。茲據奏稱。江面港口。試辦釐捐。係為上游水師添餉。應由南臺開支。並非北臺之事。其周家河。蘆局。亦係江面港口。並非腹地等語。水師於上下游添設釐局。尚無不合。著毋庸議。另片奏。江北糧臺提用王藻文。款請免撥還等語。

鎮江軍餉緊要。宜容各分吟域。致誤急需。所有已交北臺之款。著喬松年。仍遵前旨。如數撥歸南臺。其餘王藻未繳之款。並著嚴催解赴鎮江軍營。以符前撥之數。不得再行瀆請。○諭軍機大臣等。本日據嚴樹森奏。擒匪竄偏省城。現在力籌堵禦。一摺。皖省大股擒匪。嚴聚甯陵。圍攻縣城。擊退後。又欲會合西竄。現在圍攻通許縣城。並分兩股。一股攻圍縣東之王固。一股攻撲縣東北之蘆氏。並擾及朱仙鎮等處。距省甚近。賊勢蜂擁而至。勢將窺伺省垣。否則全股西行。亦必擾及完善。該撫撤去黃河南岸船隻。調派兵勇分路堵遏。並於省城添兵募勇。布置守禦。所籌尚屬周密。毛昶熙現在駐軍歸

德屢獲勝仗。著一面派撥兵勇於柘城。太康各交界處。奮力截剿。一面分撥精兵。繞出賊前。迎頭截擊。毋令賊蹤擾及省垣。至賊情狡獪。尤恐聲東擊西。以省垣牽我兵力。而乘隙西竄。昨據聯捷奏報。直隸河南濱河附近一帶。拾蹤已一律肅清。是北路情形稍鬆。而山陝一帶。路徑紛歧。尤宜嚴密扼守。著毛昶熙。嚴樹森。飭令派出之署總兵成景。於附近省城大隄內外迎剿。堵其西竄。其老捷坡一帶。並著扼要嚴防。毋稍疏懈。至西南一帶。團練均歸鄭元善等督辦。即著該臬司飭令官紳等統帶鄉團。實力堵剿。偪令回巢。以免蔓延。將此由六百里加緊各諭令知之。○又諭清盛奏。佛首索還天主堂

地基。請旨辦理一摺。據稱。佛蘭西主教江類思等。赴省接見。口稱伊國舊有天主堂一座。在西門內。燬斗隅。日久被占。現須交還。應否另查官地抵給等語。山東省城有原設天主堂地基。自應給還該國。惟廢址久經改造民房。轉相承買。各執契據。勢難概令遷移。除墜地業經查出應行交還外。著清盛按照該國天主堂原基畝數。另查官地抵給。聽其修造。如查無官地。即置買民地一段。給予該夷建立天主堂。其買地價值。如該夷情願歸還。即照數收回。如不肯給價。亦不必與之爭辯。以示羈縻。嗣後該省地方與各國交涉事件。遇有應辦者。即奏明辦理。不得盡讓之總理衙門。及通商大臣致令該

夷紛紛違京。有所藉口。將此由五百里諭令知之。○丁卯。祭先師孔子。遣禮部尚書倭什琿布行禮。○諭內閣。瑞昌王有齡奏。官軍攻克江山。常山。兩城一摺。逆匪竄陷江山。常山。兩縣城。經總兵曾玉明。派令參將林文察。於上年十二月十一日督兵進攻江山。分路迎剿。殲斃數百名。十三日復攻毀逆壘二座。連日將出城拒戰之賊擊敗。並擊退常山援賊。二十五日官軍用火器將西山一帶賊壘十餘座盡行焚毀。逆眾逃竄。自相踐踏。死者甚眾。兵勇攀附登城。逆匪四竄。立將江山縣城收復。已革提督張玉良。統帶全師進攻常山。已革總兵李定太。乘夜分路進攻。將後路三里灘賊營焚毀。前路陳

村口之賊。亦驚亂狂奔。官軍乘勢追至城下。賊眾驚惶。突門而出。遂於正月初三日。將常山縣城克復。追殺二十餘里。沿途斬擒甚多。勦辦尚為得手。出力文武員弁兵勇著瑞昌王有齡擇尤保奏。候朕施恩。毋許冒濫。○又諭前因邵燦等奏請令已革臬司段光清。統帶艇師剿匪。當經降旨。將該革員暫緩拏問。茲據瑞昌王有齡奏。官軍進攻江山。常山。縣城。該革員督率團練。協同攻剿。迅克兩城。尚知愧奮。段光清著免其拏問。仍責令帶勇勦賊。以觀後效。○以浙江軍情緊急。命新任布政使林福祥。酌帶兵勇。剋日赴任。○以攻克浙江江山。常山。二縣城。賞參將林文察。已圖魯名。號都司劉紹基。花

餅復已革提督張玉良等職餘加銜升敘有差（戊辰祭

大社

大稷遣克勤郡王慶惠恭代行禮○春分朝

日於東郊遣豫親王義道行禮○諭內閣前經降旨於二月十

三日回鑾現在朕躬偶抱微疴著改於二月二十五日啟鑾

三月初二日還宮十二日由京啟鑾祇謁

東陵禮成後駐蹕避暑山莊○又諭吏部奏京察截俸日期請

旨遵行一摺在京大小官員應行辛酉年京察前經降旨展

緩一年辦理其截俸日期著仍扣至咸豐十一年三月十五

日截止以符定例而昭平允○諭軍機大臣等玉明等奏會

同籌擬通商章程一摺奉天牛莊通商本屬創始惟當遵照

條約以期日久相安該將軍等所擬章程如棧店民房不令

出租剝船先令報明貨物雇工發給執照均與新議條約不

甚符合務須斟酌辦理不得輕議更張致該夷藉口滋事至

喫佛等國稅則條約第五款內載明豆石豆餅在登州牛莊

兩口者喫佛兩國商船不准裝載出口該將軍等擬令以貨

物兌換豆石尤屬顯違條約斷不可行各國在牛莊通商如

該夷不遵條約該將軍等即可據理折辯若條約中所載各

款業經議定恐難變通烏勒洪額係辦理牛莊通商之員著

即於開河以前赴牛莊駐劄妥為辦理至天主堂一節若聽

該夷自行擇地特恐有礙民居該將軍等既於牛莊設溝營

相度空曠地方即著飭令地方官豫為釐定俟該夷到時指

定處所令其速蓋總期民居夷情兩無妨礙方為妥善將此

諭知玉明倭仁景霖並傳諭烏勒洪額知之○又諭前因慶

廉賈臻互相叅奏降旨令嚴樹森秉公查辦嗣據慶廉續叅

賈臻各款復寄諭嚴樹森嚴密訪查茲據嚴樹森奏查辦情

形並聲明互相摺片並未奉到等語慶廉賈臻互相摺片

業由軍機處發鈔何以該撫尚未奉到著將前降諭旨及慶

廉等摺片另鈔一分發交嚴樹森閱看即按照該員等原叅

各條逐款查明據實覆奏再降諭旨將此由五百里諭令知

之○以四川會勘黔匪出力賞屯千總阿不思達太等巴圖

魯名號知縣王麟飛程祥棟王應昌守備徐步雲等花翎知

州陳廷弼等藍翎餘加銜升敘有差○以四川崇慶州勒匪

出力賞同知黃濟沈寶昌知州鄧友仁知縣英啟鍾昌勳李

吉壽等花翎通判林寶光等藍翎餘加銜升敘有差

大清文宗協天翊運執中垂謨懋德振武聖孝淵恭端仁寬敏
顯皇帝實錄卷之三百四十二

大清文宗協天翊運執中垂謨懋德振武聖孝淵恭端仁寬敏
顯皇帝實錄卷之三百四十三

咸豐十一年辛酉二月己巳

孝康章皇后忌辰遣官祭

李陵○諭軍機大臣等前據翁同書奏苗練率隊攻撲壽州城
廐下募大隊復由菱角嘴渡河當經諭令袁甲三密商翁同
書察看情形酌量妥辦茲據袁甲三奏苗練徑撲壽州翁同
書扶病登陴咨請發兵撥餉情形苗練因張學醇勸諭雖暫
行撤退撲城之練而大隊已過淮立營馬步數千向壽南竄
擾已聚踞堰口集民圩並有欲攻正陽之說種種兇橫不法

叛跡已屬昭然此時尚欲遷就羈縻恐該練勾結粵匪擒匪
聯為一氣剿辦更難措手臨淮為南北鎖鑰現在上游河路
已梗亟應趕緊布置毋稍疏虞翁同書之兵僅一萬餘名尚
恐不敷堵剿該大臣督辦皖省軍務責無旁貸仍當與翁同
書密商定計撥兵夾擊迅速殲除苗沛霖既為眾心所不附
即可設法解散黨與令其縛獻首逆或不動聲色設計誘擒
肅除巨寇惟在該大臣相機速辦不可徒事羈縻以致養癰
貽患將此由六百里諭令知之○又諭前因安徽壽州緊急
諭令李續宜趕緊赴任本日復據袁甲三奏苗練攻圍壽城
翁同書力疾固守經該大臣派令張學醇趕赴下蔡勸諭苗

沛霖母許妾勳。雖將撲城之線。暫時撤退。而次日仍由菱角嘴渡淮。直向壽南竄擾。並有欲攻正陽之說。該大臣因臨淮緊要。未能分兵前往。請飭令李續宜迅速到任。督辦防勦等語。苗沛霖叛跡昭著。實屬孽由自取。若不及早殲除。恐成燎原之勢。著李續宜即將桐城防勦事宜。妥為布置。一面酌帶所部兵勇。馳赴壽州。殲厥渠魁。解散餘眾。迅解城圍。毋稍延緩。將此由六百里諭令知之。○又諭前因苗沛霖所帶團練。與壽州團練。尋仇滋釁。並於固始等處。邀集團寨。當經諭令毛昶熙。嚴樹森。曉諭紳團。毋得為其誘脅。茲據袁甲三奏。該練等不候查訊。徑以大隊撲犯壽城。及兩河口官兵營盤。並

會集人等

二

於兩河南岸。剽營斷絕壽城米來路。又由菱角嘴渡淮。襲踞堰口集民圩。且有欲攻正陽之說。已諭令袁甲三早為布置。設法殲擒。豫省光固一帶。毗連皖北。防務最關緊要。著毛昶熙。嚴樹森。督飭在防兵勇。聯絡鄉團。嚴密防堵。如有苗練竄擾。即行痛加勦洗。毋令闖入豫境。致滋蔓延。將此由六百里各諭令知之。○又諭慶瑞。瑞璜。奏武弁縱匪在洋劫擄分贓。探聞潛回廣東。請飭查拿等語。匪首王文廣。即王瑞。以廣東勇首。迭次保舉。升升都司。並賞戴藍翎。乃不思立功報效。輒敢置造假船。假名貿易護商。縱令匪黨在洋劫擄。坐地分贓。上年夏間。在南海地方開礮逞兇。經慶瑞等委令副將吳

會集人等

二

鴻源出洋勦捕。復敢糾集廣艇。勾通粵逆。突入海口滋擾。現又潛回廣東香港地方。糾結匪類。意圖報復。實屬罪大惡極。王文廣著即斥革。拔去藍翎。著勞崇光。著齡巖。飭地方文武。密速查拿。務期弋獲。就地正法。以絕根株。勿任漏網。將此由五百里諭令知之。○又諭前因浙江軍務喫緊。諭令曾國藩。毓科。飭新任浙江布政使林福祥。迅速赴任。茲據慶瑞等奏。賊踞汀郡。勢極猖獗。閩省勁旅。先因調派援浙。多在杭甬兩防。惟林福祥所部。離汀較近。且於賊陷武平時。即派兵勇二千餘人。入閩跟剿。若飭令開道赴汀。剋期可到等語。著毓科查明該員。如已啟程援閩。即先其所急。將汀州一帶賊匪。勦平。再令赴浙。如尚未入閩。仍著遵奉前旨。飭令該員迅速赴浙。江新任。將此由六百里諭令知之。○以福建汀州府武平縣城被賊竄陷。總督慶瑞等下部議處。○庚子諭內閣。內務府奏。據太醫院醫生王慶連等呈稱。直隸各州縣。咸京等處。無種黑地。及八旗報效地。十餘萬頃。請按額升科。並呈遞查地章程等語。著派寶鑾會同直隸總督。順天府府尹。督率各該地方官。詳查辦理。○又諭曾國藩奏。逆匪分犯大赤大洪二嶺。進撲祁門營盤。官軍迎勦獲勝一摺。石埭大股賊匪。於正月初六日。分犯大赤大洪二嶺。經江長貴督隊將大洪嶺之賊擊退。大赤嶺之賊。已入厝口。曾國藩派副將唐義訓等馳

往迎勦。並於石門橋設伏以待。白旗賊匪。由橋外田隴猛撲。我軍伏兵齊起。分路包抄。唐義訓等。乘勢揮軍猛進。賊勢不支。各軍追殺。賊屍枕藉。拋棄槍械無算。初九日。唐義訓復率各軍出隊過嶺。沿口程村之賊。驚潰而走。我軍追勦。直出大赤嶺之外。計共斃賊十餘名。生擒一百三十五名。陣斬賊首麟天。豫古德金。奪獲旗幟槍礮二千三百餘件。勦辦尚為得手。所有在事出力將士。著准其併入克復建德案內。由曹國藩奏請獎敘。○又諭曹國藩奏官軍扼守景德鎮。疊獲勝仗。並洋塘會勦大捷一摺。逆匪竄擾饒州。逼近景德鎮。候補京堂左宗棠進兵至渡口。轟斃騎賊數名。賊始退卻。旋陷浮梁。

縣城。官軍分隊進攻浮梁。賊匪乘虛撲犯景德鎮之里市渡。西瓜洲等處。均經官軍擊退。浮梁之賊。聞風遁去。次日賊復由里市渡等處過河。列陣官軍分出迎勦。賊敢死抗拒。官軍復分路包抄。賊遂驚潰狂奔。兵勇泅水追殺。立斃悍賊百餘名。生擒數十名。溺斃無算。並將對岸中渡之賊。轟退該匪。復由羅家橋等處回撲景德鎮。均經官軍擊退。逆首黃文金。大股續至。五路來犯。官軍槍礮齊施。逆勢披靡。另股賊由上流繞渡。兵勇三面圍攻。逆匪大敗。返奔乘勝追殺數百名。墜水死者不計其數。其攻浮梁縣城之賊。亦經兵勇兩次擊退。並陣斬偽指揮三名。左宗棠復會合總兵紀超。追賊至石門。

洋塘等處。分路迎勦。鏖戰數時。賊勢不支。各營乘勝猛擊。殺斃悍賊二千餘名。該逆奪橋奔潰。擁擠溺斃者復數百名。其逃竄下游過河者。復被礮船擊斃。官軍分途過河。將賊前隊圍殺。屍積如山。內有黃袍紅袍賊目十餘名。並踏平謝家灘一帶賊壘。其由山岡來援之援隊賊匪。亦經官軍衝為數段。愈戰愈奮。逆眾狼奔。共計斃賊四千餘名。溺斃逃散者不計其數。奪獲槍礮器械旗幟數千件。逆首林世發。許茂才。均被殲戮。此次逆匪率黨攻撲景德鎮。經左宗棠鮑超督兵奮擊。大挫兇鋒。勦辦尚為得手。所有出力員弁。著曹國藩彙案保奏。候朕施恩。○諭軍機大臣等。本日據清盛奏。擒逆渡河北。

竄眾兵。截勦一摺。竄擾山東。擒逆各股。先在曹縣等處地方盤踞。由壽張縣境。擾及東平州屬之戴家廟。南岸兗水渡河。其大股並自安山渡河。竄至東平。迤西窪裏地方。並有圖竄長山縣周村之語。此次擒逆蜂擁而至。人數眾多。現已渡過運河。步步北犯。亟應設法勦除。以免延蔓。清盛現已移調濟東。奏武臨道明新等。將所帶登中等營官兵一千名前往防勦。著即飭令該道實力勦洗。一面嚴飭各州縣率領民團。協同堵禦。以遏北竄之路。各該處距省較近。所有省城守禦事宜。並著清盛妥為布置。如果賊情緊急。清盛即當帶兵出省。力挫兇鋒。不可株守省城。致有貽誤。傳林沁等。駐劄唐家。

口德穆額駐軍峰縣現在賊已繞越西北在該大臣等軍營之後清威所派兵力尚單深恐不敷勦辦著僧格林沁等迅即派撥精兵招集團練繞出賊前會同該署撫派出之兵迎頭截剿務須偏賊回巢勿令北竄將此由六百里加緊各諭令知之○又諭春佑奏朝陽縣盜匪滋擾派兵勦辦一摺據稱朝陽縣賊首劉緒李瀾濤等糾集多人經該縣知縣富昌帶領兵勇親往捕拏擒傷賊匪二十餘人殺死五人生擒四入餘匪逃竄二月初四日該匪劉緒等復糾黨六七百人分路進街放火焚燒劫放監犯三百餘名並將縣署看押人犯二百餘名劈門放出該縣及丁役人等均各受傷三座塔稅

員衙門庫銀亦被搶劫現在占路街市勢甚猖獗春佑已派兵五百名往剿並請將僧格林沁所調哲里木官兵五百名暫留協剿一面飛咨盛京派兵堵緝逆匪劉緒等係奉天已獲盜首王達餘黨膽敢糾眾初因焚燒街署搶劫稅銀實屬罪大惡極亟應一鼓勦除春佑所籌尚妥著即飭令熱河道福厚協領尚那布督率參將松年等將該匪悉數殲除盡法懲辦並著玉明倭仁景霖趙際派兵合力夾擊一體兇拏毋任一名漏網哲里木官兵五百名著准其暫行截留俟勦辦事竣仍飭速赴僧格林沁軍營以資調遣該縣文武下落並貽誤情形及倉庫被劫銀兩監犯實數均著春佑查明具奏

將此由五百里各諭令知之又諭前因擒匪竄近河南省城並有乘隙西竄之意諭令毛昶熙嚴樹森嚴密扼守要隘堵其西竄本日據勝保奏接據探報擒匪馬賊由北路突入朱仙鎮盤踞其大股已至蘆花岡省城南門曹門宋門均已屯閉二月初一日朱仙鎮蘆花岡之賊均向省西之中牟新鄭等縣及老河口地方竄逸因而西門亦閉等語前據毛昶熙奏官軍分路迎擊擒匪九戰皆捷已派署總兵成景等由寶陵一路抄追現在賊偏省城勢更猖獗著即督飭帶兵各員奮力追擊儘速延不追即查明嚴恭至中牟新鄭為山陝門戶現在賊蹤逼近難保不乘間西竄窺伺山陝擾及完善之區諱廷襄已派兵在潼關商雒等處設防本日復諭令常績撥兵嚴防澤潞一帶著毛昶熙嚴樹森仍遵前旨分派兵勇迎頭截擊痛加勦洗偏令同巢並將西路要隘嚴密扼堵如賊勢西趨即會同山陝防兵合力勦擊毋令蔓延將此由六百里加緊各諭令知之○又諭有人奏擒匪竄擾豫東情形一摺據稱上年九月十二月及本年正月擒匪疊次出巢滋擾俱由蒙亮取道歸德虞城竄入東境兵勇並未出城截剿大股回竄僅止截殺零星後尾並有捐納員外郎梁燦在營用事虛冒勇糧分肥入己以佃勇四百人捏報三千人等語擒匪疊次由歸德竄越毛昶熙駐劄該處何以未經堵截

所奏勝仗是否捏報著嚴樹森查明據實具奏員外郎梁燦
虛冒勇糧是否屬實並著該撫確切查明毋稍徇隱將此諭
令知之○又諭戶部奏本年應運新漕浙省實運米數及受
兌章程未據奏報等語漕糧為天庾正供江蘇省起運漕米
現辦章程業經奏到惟浙江新漕如何辦理尚未奏報該省
地方固多被擾其中不無完善之區著王有齡督飭藩司糧
道迅將本年實運米數及由何處海口受兌之處妥議章程
具奏不得以軍務未完藉詞稽延致誤運務將此由六百里
諭令知之○又諭勝保奏接據探報捻竄豫境勢極蔓延其
竄至朱仙鎮蘆花岡之賊均向中牟新鄭等縣及老河口地

方竄逸等語中牟新鄭為山陝門戶譚廷襄已於潼關商維
等處設防惟山西澤潞一帶與豫省毗連恐該捻乘虛竄撲
著常績即派撥兵勇於交界要隘嚴密布置毋令賊蹤闖入
將此由六百里諭令知之○轉兵部右侍郎慶英為左侍郎
以候補侍郎勝保為兵部右侍郎○調正紅旗蒙古副都統
克興阿為鑲黃旗滿洲副都統○以戶部左侍郎文祥兼右
翼前鋒統領○實授載崇鑾儀衛鑾儀使○補鑄欽差大臣
關防從欽差大臣兩江總督曾國藩請也○補鑄直隸阜城
縣知縣印信從前任總督恆福請也○予順天通州陣亡佐
領保壽驍騎校馬文奎祭葬世職傷亡副參領明達祭葬世

職如陣亡例○予安徽洋塘厓口等處陣亡遊擊周芸亭守
備曾紀仁等三十六員祭葬世職○辛未遣官祭
文昌帝君廟○諭內閣翰林院應行保送御史現在合例應
保者人數無多著將從前曾經保送未曾記名各員與應行
保送之員一體帶領引見○又諭德全奏革員到京應交何
處審訊請旨等語已革江南河道總督庚長著交留京王大
臣會同刑部定擬罪名具奏○又諭薛煥奏請將誤公道員
革職罰捐一摺江蘇在籍浙江補用道秦兆蘭經薛煥勸令
捐貲募勇固守嘉定縣城該員業經遵允乃既不到局辦事
又不倡捐措墊一味諉抗實屬玩誤軍需秦兆蘭著先行革

職罰令捐銀十萬兩勒限三箇月繳清撥濟勇糧儘再不知
愧奮即著奏明將該革員發往軍臺效力○又諭喬松年江
清驥奏請將水師軍餉暨江面抽釐統歸江南糧臺經理一
摺著照所請所有移設泗源溝釐局著改歸江南糧臺由江
清驥經理其吳全美李德麟所帶續添礮划船餉並著棠入
江南各項水師一體由南臺開支以專責成○以內閣學士
載肅著正藍旗護軍統領○壬申諭內閣瑞昌王有齡奏官
軍克復富陽縣城一摺上年十二月間皖匪自桐廬等處竄
踞富陽意圖東竄經副將貴廷芳等督帶兵團水陸夾擊於
二十三二十五等日疊次鏖戰擒斬甚多二十八九等日該

逆緊守城卡復駕馭竹竿出犯經我軍奮力攻擊賊不能支我軍追至城下轟斃賊目二名步賊數十名本平正月初三四等日官軍水陸並進各礮船沿城攻打又斃賊數十名其出戰之賊復經兵團槍礮齊施轟斃不可勝計初七日我軍四面環攻自辰至酉鏖戰竟日將西門賊營踏毀斃賊無算是夜守備已文舉布良帶等潛伏東西兩門舉火為號貴廷芳等督率各路兵勇奮力攻城知縣蔣貴斌等督團助勦該逆猝不及防均向北門紛紛逃竄我軍斬關直入斃賊甚多當將富陽縣城克復追勦四十餘里砍獲首級器械旗幟無數辦理尚為得手在事出力員弁兵練著准其俟富桐一律

肅清黨案擇尤保奏著富陽縣知縣蔣貴斌集團助戰克復城池著改為革職留任典史張椿應得失守處分著免其置議諭軍機大臣等前據袁甲三奏苗練徑撲壽州當經諭令迅速設法妥籌辦理茲據翁同書奏苗練劉營兩河口已絕壽城柴米之路其練眾數千由菱角嘴繞至壽城南路將堰口集圩攻破焚燒房屋創營數座苗沛霖復帶隊南去並徐立壯創營處所距正陽甚近擬親往布置駕馭徐練各等語苗沛霖叛跡昭然實已罪無可逭此次於盤踞堰口集後親自帶隊南行顯係勾結髮逆以圖一逞此時若能設法離間使該練與髮逆互相猜忌不能合而為一則苗沛霖進退

無據勦辦似易為力仍一面遵奉前旨解散該練實與令其縛獻首逆或設法誘擒肅除巨患總宜及早圖維不可再事遷就壽州城守尚固惟兵餉缺乏袁甲三仍當設法疏通餉道力籌接濟俾可力保危城張學醇至下蔡勸阻苗沛霖不聽亦應至壽州辦理練勇尋仇之案何以徑赴正陽著該大臣仍飭令該臬司速赴壽州如果查辦平允則張練悅服苗沛霖即無可煽惑至徐立壯之練雖與苗練搆釁曲直是非自有公論張學醇稟請會同書用兵彈壓設有反側則苗練徐練皆與官軍為敵辦理更形棘手該大臣於此業務須求公查辦不可稍有偏袒方為妥善將此由六百里諭令知之

○又諭杜翻奏擒匪分股肆擾省垣喫重一摺據稱擒匪由定陶鉅野等處竄入鄆城擾至東平復搶渡安山運河分擾泰安等縣直撲肥城長清交界地方竄伺省城另股擾近壽張東河一帶布圍北窰省城及張秋鎮李連橋等處均形喫重現調民團嚴防要隘等語擒匪分撲東境勢極猖獗已據清盛奏報現在賊距省城僅百餘里清盛截留調赴武定等屬官兵一千名改赴長清五道嶺以杜攻撲省城之路兵力甚形單弱著清盛一面督飭明晰等實力防勦一面會同杜翻整飭民團調集丁勇前往長清交界協同官兵扼守並調泰安東平等處團勇分投堵禦嚴防沿河北岸仍隨時知照

僧格林沁體察情形迅速分兵會同該署撫等兵勇迎頭截
勒務期偏向南趨毋令賊蹤北竄。將此由六百里加緊諭令
知之。○又諭本日據杜翻奏。擒匪分股肆擾並宜堵遏北竄。
並省垣喫重情形一摺。擒匪闖入東境。由定陶鉅野等處竄
入鄆城境內。擾及東平州之戴家廟。並搶渡安山運河。現在
直撲肥城長清交界之四槐樹等處。意在窺伺省城。另股擒
匪擾近壽張之張秋鎮東河之李連橋一帶。希圖北竄。距省
僅一百餘里。情形十分喫重。譚廷襄已投為山東巡撫。該省
軍情緊要。著即星夜馳赴新任。力籌防剿。毋稍稽延。將此由
五百里諭令知之。○又諭王有齡奏請飭催各省協餉一摺。

據稱浙省各防餉銀積欠百有餘萬。湖南湖北等省協餉。絲
毫未解。江西福建援軍口糧。已由浙墊放十餘萬兩之多。等
語。浙江防剿喫緊。必須各省協餉按期接濟。著官文胡林翼
勞崇光著齡慶瑞瑞璜翟誥按照每月協撥數目。同舊欠銀
兩。併儘數迅速撥解。江西福建援兵餉銀。並著慶瑞瑞璜
毓科按月如數趕解到浙。以濟急需。毋得再事遲延。再王有
齡奏調處州鎮總兵劉培元赴浙。前經諭令曾國藩迅飭赴
浙。嗣據該督覆奏該員現在湖南。已飛咨湖南巡撫札調。著
翟誥速飭該總兵趕緊前赴浙江。交王有齡調遣。將此由六
百里各諭令知之。○又諭昨據春佑奏朝陽縣賊首劉緒季

威全等糾黨六七百人分路進街放火劫掠。監犯三百餘名
三座塔稅員衙門銀庫亦被搶劫。勢甚猖獗。各等語。業經春
佑派兵五百名前往捕拏。並寄諭玉明等派兵會同兜拏。現
在該匪占踞朝陽街市。並宜悉數殄除。著烏蘭都傅諭珠勒
亨迅將駐劄古北口黑龍江馬隊官兵內。挑選技藝嫺熟者
一千名。並盛京馬隊官兵五百名。配齊軍火器械。即由珠勒
亨帶赴熱河歸副都統克興河統帶。馳赴朝陽相機剿辦。其
餘黑龍江馬隊即著烏蘭都認真訓練。毋稍疏懈。將此由五
百里諭令知之。○又諭前據春佑奏朝陽縣盜匪劉緒等經
該縣往拏。膽敢拒敵。復焚燒衙署。劫放監犯。三座塔銀庫亦

被搶劫。昨已諭令熱河都統威全將軍等派兵捕拏。本日復
調古北口防兵派克興阿督帶馳往剿辦。朝陽縣距喜峯口
不遠。恐該匪聞拏竄至遵化州一帶。著寶山迅派官兵前往
喜峯口認真堵截。嚴扼要隘。毋任竄逸。將此由五百里諭令
知之。○又諭現派副都統克興河前往朝陽縣剿辦土匪。其
春佑前派熱河官兵五百名者。該副都統一併統帶。所有支
發口糧一切事宜。並著春佑飭令熱河道福厚前往辦理。○
杭州將軍瑞昌等奏常山等處與皖南接壤。惟就現有兵力
相機防剿。得旨現在賊勢蔓延。總以力保元善為要。不可稍
涉大意。安徽巡撫翁同書奏已革主簿方乙炳勾結各圩

圍攻壽州。經國練卒復正法。報聞。○以京師巡防出力。予左春坊左中允常恩等。加銜升敘有差。○命烏里雅蘇台將軍明誼往塔爾巴哈台。會同參贊大臣明鑄。查勘俄夷地界事宜。並命烏里雅蘇台參贊大臣平瑞著將軍。○命葉爾羌參贊大臣英麟赴喀什噶爾。會同辦事大臣奎英。辦理俄夷通商事宜。○癸酉。諭軍機大臣等。本日據僧格林沁等奏。擒匪全股。東竄南擒。又圖北犯。並清威奏。擒逆偏近省城情形緊急。現設法布置各一摺。此次擒逆。搶過汶河。由汶上竄至甯陽。復又東竄。其前隊已至泗水。而南路擒逆。復五旗併出。有向北竄撲之勢。泰安一帶。距省較近。賊蹤現已擾及。恐致震動省垣。清威已調募城守營等兵勇一千數百名。分布隘口。著即督飭實力防守。毋稍疏懈。其前次移調之明新等兵一千名。著飭令扼剿要隘。痛加勦洗。如果省垣情形稍鬆。賊勢趨重此路。清威仍遵奉前旨。帶兵出省。會同僧格林沁德楞額等軍。分投掃蕩。勿任蔓延。此次擒眾。更番竄擾東境。恐該大臣等兵力不敷勦辦。著德楞額迅速統率所部官兵。並趙康侯李麟遇等練勇。探賊所向。分路追擊。僧格林沁國瑞暫駐汶上。居中調度。西渡河。防守濟甯。仍隨時體察賊勢。相機勦辦。總期偏賊回巢。毋令長驅北犯。將此由六百里加緊各諭令知之。○又諭據僧格林沁等奏。擒匪撲過汶河。伊興額

滕家勝追勦陣亡。未省擒勢。臨張現由甯陽泗水等處折而東趨。並探聞南路擒逆。復有五旗併出之說。僧格林沁駐軍汶上。恐兵力尚單。不敷攻剿。已諭令德楞額帶隊前往協勦。前諭田在田於宿州布置周妥後。仍回徐州。現在擒匪紛竄。徐州地方緊要。著田在田即與吳棠。整飭團練。力籌防勦。探明賊蹤。務須設法牽制。該逆後路。使不敢悉數北犯。並傳諭詹啟綸。星夜馳赴新任。隨同田在田等帶兵進剿。毋稍遲延。將此由六百里加緊諭知。田在田吳棠。並傳諭詹啟綸知之。○又諭所有奏佑奏請截留僧格林沁奏調之哲里木官兵五百名。並熱河派出之綠營官兵。均著克興阿統帶。○黑龍

江將軍特普欽等奏。俄夷欲借驛馬遞文。現經阻止。得旨嘉獎。○以山東河標中軍副將詹啟綸為江南徐州鎮總兵官。○于山東東平州陣亡總兵官滕家勝開復已革副都統伊興額祭葬世職。○甲戌。遣官祭關帝廟。○乙亥。諭軍機大臣等。本日據毛昶熙奏。官軍不能遏賊西竄一摺。擒匪自通許解圍以後。偏近省垣。並延及中牟新鄭許州一帶。毛昶熙已派候補道張曜統帶馬勇馳往追剿。著即飭令會同署總兵成景等兵。倍道繞出賊前。會合鄉團迎頭截剿。務須偏賊回巢。毋令深入河陝。及渡河北竄。儻任賊長驅不能堵截。致完善腹地。復遭蹂躪。朕惟毛昶熙

江將軍特普欽等奏。俄夷欲借驛馬遞文。現經阻止。得旨嘉獎。○以山東河標中軍副將詹啟綸為江南徐州鎮總兵官。○于山東東平州陣亡總兵官滕家勝開復已革副都統伊興額祭葬世職。○甲戌。遣官祭關帝廟。○乙亥。諭軍機大臣等。本日據毛昶熙奏。官軍不能遏賊西竄一摺。擒匪自通許解圍以後。偏近省垣。並延及中牟新鄭許州一帶。毛昶熙已派候補道張曜統帶馬勇馳往追剿。著即飭令會同署總兵成景等兵。倍道繞出賊前。會合鄉團迎頭截剿。務須偏賊回巢。毋令深入河陝。及渡河北竄。儻任賊長驅不能堵截。致完善腹地。復遭蹂躪。朕惟毛昶熙

是問至毛昶熙月餉已短解至十餘萬兩據稱近日谷催僅止零星撥解等語現在剿賊正當喫緊之際必須兵餉充足方能激勵軍心著嚴樹森即督飭藩司遵沿禮將應解毛昶熙軍營月餉七萬兩迅速籌撥按月撥解其舊欠之項雖未能歸數解交亦須陸續搭解以資接濟毋令缺乏將此由六百里各諭令知之○命乾清門侍衛繡秀幫同克興阿前往朝陽縣剿辦土匪以防堵不力著河南南陽鎮總兵官副將成景等職仍留營剿賊督辦團練大臣毛昶熙下部議處丙子諭軍機大臣等本日據官文奏皖逆由英霍竄擾黃州現籌堵剿一摺皖逆陳玉成因楚軍全力謀皖省會空

今卷六十三

盧甸結擒匪十數萬自霍山英山北路竄越楚境於二月初七日竄入蘄水初八日賊分三路已竄黃郡距省城僅百餘里賊蹤剽疾異常情形實為緊迫官文現在親督存城馬步官兵扼駐省外要隘並督帶水師嚴船嚴防江岸已飛咨駱秉章督將入川兵勇馳赴鄂省一面飛調荊州襄陽滿漢官兵未省痛剿所籌均尚周密該大臣即先就現有兵力分撥布置嚴密守禦並飛催李續宜舒保馬步官兵迎頭截剿毋稍延緩胡林翼現在太湖為桐城諸軍後路援應此時賊由英霍竄至黃州省城兵力尚單防務喫緊自應先其所急著該撫迅即派撥精兵協同堵剿以期痛殲醜類駱秉章現已

啟程由水道入川計已行抵湖北著即與官文會商如省城布置周密即統率所部馳赴蘄黃一帶會合湖北各軍將此股逆匪併力剿洗迅掃逆氛俟該省軍情稍鬆再行帶兵赴蜀將此由六百里加緊各諭令知之○又諭本日據官文奏粵逆句結皖擒大股號稱十萬由霍山竄入蘄水賊蹤剽疾翻山越嶺間道而行分三路徑撲黃州去武昌省城僅百餘里現已諭令駱秉章官帶入川兵勇迅援武昌並諭令胡林翼派兵西上前後夾擊以期力保省垣該逆飄忽異常儻被楚軍夾擊難保不折向北趨豫省光固一帶與楚北蘄水羅

田等處毗連前因苗練滋事已諭令毛昶熙等嚴防光固現在粵擒大股竄至黃州情形尤為緊要著毛昶熙嚴樹森速行籌撥兵勇聯絡鄉團扼守要隘嚴密布置毋令賊蹤闖入豫境將此由六百里各諭令知之○又諭古北口現存礮位據恆福疊次奏報為數不少著烏蘭都挑選四五千斤礮位四五尊二三千斤以下礮位三四尊配齊礮子火藥及隨礮什物即日派員管解設法運至熱河聽候撥用如火藥不敷即知照文煜由直隸趕緊豫備運赴熱河毋稍遲誤將此由五百里諭令知之○以前倉場侍郎崇綸著倉場侍郎丁世道官祭

歷代帝王廟。諭內閣麟興奏請另派大員承修工程一摺。麟興現調補工部左侍郎所有

福陵

昭陵各工著派倭仁會同玉明敬謹承修。○又諭。田在田奏。擒獲叛練。並擊退攻城擒匪一摺。宿州練總侯克順等。密謀不軌。欲借打糧為名。希圖攻取臨淮。占踞宿城。經田在田督率團練。會同宿州知州廷瑞等。將首逆侯克順。江玉書就地格殺。並將其黨與家屬一律擒獲。近城各村。亦將苗營所派練董縛送。分別正法。其黨孫夢卜等。勾結大股擒匪。攻撲宿州。田在田復派撥兵勇過河。由西關穿街出擊。南北兩路官軍。

復會合兜擊。賊眾奪路狂奔。我軍追殺二十餘里。斃賊一百餘名。奪獲槍礮旗幟二百餘件。賊勢益窮。將孫夢卜。江家彥等。殺斃。餘匪潰退。侯克順等。充當練總。膽敢結擒攻城。實屬孽由自作。田在田設法擒獲。擊退擒匪。尚為妥速。所有守城出力人員。著准其存記。業經奏。○諭軍機大臣等。恭親王奕訢等奏。接據崇厚函稱。布魯西亞國幫辦班德赴津求見。並有該國公使迂愛綸布。遞奕訢照會一件。內稱奉伊國特爾前來中國。商定通商。該王大臣等。擬請特派大員赴津辦理。於崇綸等三員內。酌派一員幫辦。並令哥士耆等赴津幫助等語。布魯西亞國投遞照會。欲通商換約。據哥士耆

奏稱。與之換約。可令其稽查漏稅。於中國有裨。咸安。馮則稱布魯西亞亦係大國。不可不與換約。該兩國既不能代為阻止。即當與之換約。以示一視同仁之意。惟應統歸總理各國事務衙門辦理。未便另派欽差前往致與。味弗等國互有歧異。奕訢等既未能分身赴津。著派崇綸會同崇厚辦理。該國換約通商事務。仍由奕訢等照會迂愛綸布。令其在津與崇綸等商辦。哥士耆既稱幫同阻止。遑京即令其隨同崇綸前往。晚諭迂前。阻其住京。布魯西亞國之外。尚有大西洋國難免懇求換約。將來亦可照此辦理。其餘各小國若紛紛換約。亦屬不成事體。應如何豫為拒絕。並著奕訢等悉心籌畫。妥為辦理。將此由五百里諭令知之。○又諭。田在田奏。宿州苗練乘機起事。勾結擒匪。攻城先後擒獲逆黨。並擊退擒匪一摺。據稱苗營練總侯克順與宿州練董江玉書等密謀。欲借打糧為名。攻取臨淮。一面占踞宿城。經田在田起回宿州。察知該處城鄉百姓均不願附賊。打糧。即設法將侯克順。江玉書等格殺。並將該逆腹黨家屬擒獲。近城各村。聞風亦將苗營所派練董捆縛送城。孫夢卜復勾結擒匪。撲城。並令其黨內應均經兵練擊退。斬殺等語。練總侯克順乘機謀叛。民心不附。立時被殺。實屬孽由自取。此時宿州業將滋事苗練。執行戮戮。蒙城紳民前亦將苗練等殺斃。足見民情順苗。

沛霖所部練勇屢在壽州尋仇焚劫並築圩撲城情形匪測前已諭令袁甲三將苗營黨與解散並設法殲除巨魁如果苗沛霖固蒙宿人心不附自知悔罪尚可暫事羈縻責令勒擒自效儻執迷不悟叛跡顯然該大臣即遵前旨設計誘擒或令各練縛獻不可再事遷就致貽後患將此由六百里諭令知之○又諭本日據田在田奏叛練勾擒撲城設計擒獲並立解城圍一摺苗營練總侯克順等窺伺宿城空虛藉端謀逆經田在田督練會同人武將該練總等格殺其勾結外來攻城之賊眾復經兵勇擊退逆黨均已伏誅辦理尚屬妥速該練總等妄懷反側孽由自作經此次督兵剿辦宿城人心自可漸就安謐該總兵仍當解散苗練安撫居民以孤苗沛霖之勢現在東省擒匪肅張伊興額等追賊陣亡徐州軍情倍形緊要田在田回徐州後即與吳棠妥籌布置並須探明賊蹤設法牽制該匪便不敢悉數北趨伊興額追賊深入無軍策應以致失利該總兵等務當計出萬全毋蹈覆轍將此由六百里諭令知之○以協勒山東賊匪並守江南徐州

府城出力賞知府段廣瀛直隸州知州李世康都司劉國瑞守備田玉田等花翎縣丞孫家萬等藍翎餘加銜升敘有差戊寅諭軍機大臣等清盛奏擒逆被擊東竄現在帶兵出省剿辦一摺擒匪自攻撲泰安擊退後分枝四竄由萊蕪竄

至博山之嶺神鎮復竄至章邱之黑峪口長山之周村寺處地方清盛現帶兵勇前往章邱一帶著即探明賊蹤迎頭截剿其省城防務即責令明新女為布置現在賊勢趨重東路僧格林沁派李麟選德楞額管帶兵勇分路赴東北追剿者該人臣等即嚴飭該員等會合民團奮力擊賊並飭令恩燾扼守青州一帶毋使擾及完善地方前據僧格林沁等奏南擒獲五旗並出邊馬已到馬牧集有向正北西北竄撲之勢此股擒匪現在情形若何西渡河回駐濟甯曾否將該匪擊退清盛另片奏邱縣有白蓮教匪數百人搶犯劫庫並折毀武營衙署經代理令王準捕拏格殺數人生擒頭目一名餘匪數名各等語邱縣教匪尚未撲滅邱縣教匪復敢入城肆擾亟應及早殲除以免勾結著清盛嚴飭各將成志等實力擒捕並將華縣館陶等處匪徒悉數拏獲盡法懲治毋任一名漏網將此由六百里各諭令知之○又諭清盛奏邱縣地方有外來教匪數百人闖入城內衙署劫庫搶犯代理邱縣知縣王準等分帶兵勇格殺數人生擒頭目一名夥匪數名餘各逃遁訊據獲匪供稱兩股頭目一條直隸清河縣楊家莊張姓一條館陶縣桃園朱姓其餘直隸曲周東省冠縣莘縣不知名姓俱係白蓮教匪現已分赴各處調人接應等語邱縣寺處教匪勾結直隸清河等處匪徒竄擾多現值皖

擒竄獲東境。勢甚鷓鴣。張該教匪等意圖乘隙滋事。深恐勾結蔓延。及直境著文煜嚴飭清河。曲周等處地方官。將教匪張姓等嚴密搭捕。務獲究辦。毋令聞風遠颺。致貽後患。將此由五百里諭令知之。○又諭烏蘭都奏遵旨撥解礮位一摺。據稱選得五千斤銅礮二尊。三千二百斤銅礮二尊。二千四百斤洋鐵礮二尊。一千五百斤洋鐵礮二尊。委員於二十日起運等語。古北口至熱河多係山路。輓運不易。所有三千斤以上礮位。著暫緩運送。共二千四百斤以下鐵礮四尊。著先行運赴熱河聽候撥用。將此由五百里諭令知之。

大清文宗協天翊運執中垂謨懋德振武聖孝淵恭端仁寬敏
顯皇帝實錄卷之三百四十三

大清文宗協天翊運執中垂謨懋德振武聖孝淵恭端仁寬敏
顯皇帝實錄卷之三百四十四

咸豐十一年辛酉二月己卯。諭軍機大臣等。李續宜奏。皖逆糾合大股。擒匪由英霍上犯鄂邊。已於二月初六日。由青草塢率全軍而上。六安壽州一帶。勢難兼顧等語。逆賊上犯楚疆。勢極剽疾。胡林翼力守太湖。因病未能督隊。李續宜自應先其所急。力保根本。官文現調荆襄滿漢官兵赴省。又有賂東章一軍。及李續宜等所帶馬步各隊。兵力已厚。前截後追。此股逆匪。諒不難悉數殲除。省垣稍有疏虞。惟官文是問。若不能統籌。徒事尾追。惟李續宜是問。一俟鄂省軍情稍鬆。李續宜即督帶所部。馳赴壽州。妥籌兼顧。以便翁同書交卸啟程。前諭官文。胡林翼。調兵二十名。駐劄三河尖。此時兵力。如可分撥。仍著該大臣等酌量撥往。以壯皖北聲勢。將此由六百里諭令知之。○又諭。勝保奏。逆匪逼近直東邊界。擬派官兵馳赴河間防堵一摺。並請飭清河道錫祉。辦理保定深冀等處團練等語。河間景州等處。為東路通京大道。現在擒匪竄擾東境。直隸邊界。亟應先事豫防。勝保現由大營撥青州陝甘兵一千名。交總兵伊綿阿管帶。馳赴河間。所有天津鎮標官兵一千名。著文煜即如數調赴河間。駐劄統歸勝保節制。並飭令天津道孫治前往該府。招集團練。協同官兵實力

扼守。其保定深冀等處。毗連東境。所有該處團練事務。並著文煜飭令清河道錫祉。親歷各屬。迅速辦理。遇有緩急。即知照勝保。相機策應。本日已諭令烏蘭都帶領西安馬隊官兵一千名。前來熱河駐劄。所有應支口糧馬乾等項。仍著由古北口糧臺支發。其餘古北口駐劄之黑龍江官兵。著文煜統帶認真操練。以備調遣。毋稍懈弛。將此由五百里諭令知之。○又諭。李續宜奏。皖逆陳玉成。糾合大股捻匪。由霍山。英山上犯鄂邊。該撫已於二月初六日。由青草塢率全軍進剿。六安壽州一帶。勢難兼顧。請飭袁甲三。就近調度分守各等語。逆匪上犯楚疆。擾及黃州。李續宜督軍回顧。本日雖諭令該

撫侯楚省軍情稍定。即赴壽州。第到任需時。六安壽州一帶。防勤不容稍疏。袁甲三現在扼守臨淮。務須妥善兼顧。不准稍涉顛預。前諭翁同書。俟李續宜到任後再行交卸。此時苗練滋事。壽州等處防勤喫緊。該前撫自應仍遵前旨。嚴密布置。力保危城。設有緊急。即會商袁甲三分兵協助。不可專待李續宜到任。致誤事機。將此由六百里各諭令知之。○又諭。前諭烏蘭都挑黑龍江馬隊一千名。咸京馬隊五百名。已由克興阿等統帶。前往朝陽勦匪。惟兵力尚少。著烏蘭都將駐劄古北口西安官兵一千名。配齊軍裝器械。及鍋帳等件。迅速管帶前赴熱河。聽候調遣。其餘黑龍江馬隊著交文煜統

帶認真操練。將此由五百里諭令知之。○欽差大臣勝保奏。軍營需員。請將通永鎮總兵官伊綿阿暫緩陛見。令帶兵赴河間防堵從之。○以西甯辦事大臣福濟為成都將軍。命來京陛見。○予湖北節次陣亡殉難守備張勝輝。把總楊玉華等十七員。祭葬世職。生員張沖斗等二十四十名。口。極卹如例。○庚辰。遣官祭黑龍潭。

昭靈沛澤龍王之神。玉泉山

惠濟慈佑靈渡龍王之神。昆明湖

安佑普濟沛澤廣生龍王之神。密雲縣白龍潭

昭靈廣濟普澤龍王之神。○遣官祭國明園

惠濟祠。

河神廟。○諭內閣。朕於正月間降旨。於二月十三日回鑾。繼因偶抱微疴。改於二十五日啟蹕。旬日以來。氣體雖稍可支。持。仍須靜心調攝。本日王大臣等。以朕躬尚未大安。奏請暫停回鑾。情詞懇切。不得已勉從所請。暫緩回鑾。俟秋間再降諭旨。○又諭。向來留京王大臣辦事。本有舊章可循。乃聞近日各衙門堂官。呈遞安摺之期。司員章京等。紛紛赴內閣畫。以致閒雜人等。無從稽覈。實屬不成事體。著通諭各部院堂官。所有應辦事件。均著在本衙門畫。不得任聽司員仍至內閣回堂。並著留京辦事王大臣一體查禁。以符舊制。至

散班時刻。除步軍統領應於午刻散值外。餘均著遵照舊例。於申刻散值。其輪流住宿之王大臣。祇有義道全慶二人。現在國防事務較簡。著周祖培與義道全慶等一體輪流住宿。紫禁城內。桂良仍著毋庸住班。○諭軍機大臣等。翁同書奏。苗沛霖自攻破堰口集後。連破大小各圩。焚燒民房。連營數十座。現在兩河口菱角嘴等處。苗營聚若貫珠。壽州柴米久絕。傳聞該練欲以大股攻撲壽州。正陽而分股西窺光陰。壽城兵勇。除分防各處外。僅止四千餘名。不敷防守。加以餉需久絀。孤城被困。情形非常緊急。袁甲三扼守臨淮。現在苗練攻撲壽州南鄉。亟宜設法兼顧。苗沛霖叛迹顯然。疊次諭令

袁甲三趕緊妥辦。何以該大臣未將布置情形。據實具奏。著仍遵前旨。查看該練可撫則撫。儻始終怙惡。即迅速勦辦。不可坐失事機。李續宜到任需時。翁同書已成坐困之勢。壽州正陽。如有失事。惟袁甲三是問。疊次諭旨。翁同書均未接到。著趕緊密交。俾該前撫有所遵循。壽州待餉孔亟。該大臣即迅速設法接濟。以期力保危城。將此由六百里諭令知之。○又諭。翁同書奏。該營協餉七十日之中。僅到河南解撥銀一萬兩。其山西餉銀一萬兩。行抵河南省城後。委員聞警裹足。守候迎提。陝西省至今尚未咨報起解等語。苗練屢次圍攻壽城。翁同書激勵兵團。登陴固守。惟餉竭兵飢。難免詳請壽

軍機大臣等

五

城關繫皖北全局。當此萬分喫緊之際。必須迅速接濟。以救然眉著嚴樹森常續瑛。即將壽州軍營按月協餉迅速籌款。派委委員星夜解送壽州交納。毋得再有稽延。致干重咎。其已抵河南省城之山西餉銀。著嚴樹森嚴飭該委員設法解到。不得藉詞延宕。將此由五百里各諭令知之。○又諭。春佑奏。朝陽土匪分竄赤峯。請飭帶兵官馳往勦辦一摺。據稱卓索圖盟長色伯克多爾濟呈報。逆匪占踞朝陽縣街。分竄伯爾克四家子等處。於十六日夜闖入赤峯縣街焚燒衙署。劫放獄囚。復分股擾及該旗布固土哈拉烏蘇一帶地方。現經札催昭烏達卓索圖兩盟長轉飭各旗派兵堵剿。請飭帶

兵副都統克興阿等督催大兵馳往勦辦等語。土匪竄擾朝陽。搶掠赤峯。該二縣並不接界。是否另股賊匪抑係由朝陽分股竄擾赤峯。著克興阿確切探明。該匪大股現在何處。即會同昭烏達等盟官兵四面兜剿。毋令竄逸。不可因其分股牽掣。以致兵分力單。徒延時日。將此由五百里諭令知之。○予河南光山縣牌亡千總朱玉生祭葬世職五品軍功。張佐勳。賞卹如例。○展賑普濟堂功德林粥廠兩月。並賞加米石。○辛巳。以孝昭仁皇后忌辰。值清明節。先期遣官祭景陵。遣官祭昭忠祠。諭軍機大臣等。著傳諭成保。挑選精

壯兵五百名。配齊軍裝器械。在熱河聽候調遣。所需口糧。仍由古北口糧臺支領。其現來熱河扈駕官兵。著暫行遣撤歸伍。○督辦河南團練大臣毛昶熙奏。遵旨查明藩司賈臻。膜視軍餉。得旨。當時北援事迫。該藩司苟知顧全大局。自應如數籌撥。乃任意延玩。殊屬可惡。賈臻著交部議處。又奏請將降調御史尹耕雲開復原官。批。該員布達寵榮。又無勞績足錄。遽請開復。殊屬冒昧。毛昶熙著申飭。該革員如始終出力。著有勞績。亦准其酌量奏請。惟斷不能仍列諫垣。○以禮部左侍郎文惠兼署吏部右侍郎。通政使司通政使王發桂。為都察院左副都御史。○命署湖南巡撫程德全。以江蘇布

政使毛鴻賓署湖南巡撫。未到任前。以布政使文格暫署。岳常澧道倉景恬為按察使。○壬午。諭內閣。翰林院編修呂朝瑞著授學郡王奕譞讀。○又諭。前因山西等省欠解京餉銀兩。當將山西巡撫英桂等降為三品頂帶。仍交部議處。茲據戶部奏。山西省將欠解京餉銀兩先後批解。竭數全清。尚知愧奮。山西巡撫英桂希政使常績均著賞還二品頂帶。其山東陝西河南四川欠解銀兩為數甚鉅。實屬玩誤。著各該督撫趕緊解部清款。如再拖延。即著該部據實嚴參。又諭。禮部奏。朝鮮國王遣使臣瞻觀可否帶赴行在等語。朝鮮國王因朕駐蹕熱河。遣使臣奉表詣行在恭伸起居具見悃忱。

堪嘉尚惟朕近日身體違和。若該使臣遠來行在。未獲展覲。轉無以慰其瞻戀之誠。該國使臣到京後。著毋庸前行在禮部。仍照例筵宴。並賞給該國王王玉如意一柄。藍蟒緞二疋。妝緞二疋。大卷八絲緞二疋。小卷五絲緞二件。瓷器四件。漆器四件。賞給該使臣大緞各一疋。瓷器各二件。漆器各二件。大荷包各二對。小荷包各三對。由禮部交該使臣祇領。以示朕優禮藩封至意。○癸未。諭內閣。薛煥奏。兵勇截勦竄賊。獲勝一摺。青浦嘉定等處賊匪。於本年正月間。時出滋擾。疊經我兵擊敗。二月初一日。該逆大股徑撲廣富林營盤。經參將李恆嵩等督兵分路迎擊。施放連環槍礮。仍抵死抗拒。守備何慶福等。開放大礮。轟斃賊目一名。及餘匪多人。賊勢少卻。都司王玉林首先陷陣。各將弁一擁而進。逆勢不支。紛紛潰遁。我兵乘勢掩殺。斃賊數百人。奪獲旗幟槍械多件。水路竄匪亦經提督曾秉忠水師擊退。另股竄撲塘橋鎮北營壘。經李恆嵩等槍礮並施。斃賊無數。餘匪旋在附近放火。復經參將郭太平等分隊擊勦。轟斃騎馬賊目二名。都司張應選等越壕砍倒賊目數名。各路兵勇奮力抄殺。賊眾奔竄。其水路賊船。經長龍師船擊斃多人。不敢闖入嘉定之賊。同時亦由南翔竄至江橋華漕地方。經各路兵圍截。擊各有斬擒。勦辦尚屬出力。在事員弁著薛煥擇尤保奏。候朕施恩。○命軍機

大臣等本日據恭親王奕訢等奏接收俄國照會一摺。俄國以槍礮有應行修補之處。教演兵丁護送匠役於四月間方到。奕訢等擬先挑熟習火器之兵丁數十名前往試演。除留存馬槍數十桿外。餘俱由庫倫辦事大臣運京。此項馬槍即在恰克圖演習。不可令其赴張家口教演。所挑熟習火器兵丁。即著奕訢等揀派妥員奏明管帶前往。其礮位五十尊。准其運至天津海口交納。但不可令其在彼處安設。方為妥善。將此諭令知之。○又諭奕訢等奏接據俄國照會內稱。前允送槍礮因事閱兩年。須加修補。該國教演馬槍兵丁及運送匠役。須於四月初十日前左右到恰克圖。此項匠役均能查看。

宣統三年三月

八

山寶。又刺麻固理。自稱恰克圖地方較遠。須令該國之人至張家口一帶教演。其礮位五十尊。運至天津海口交納等語。恭親王奕訢等現擬先挑熟習火器兵丁數十名。仍在恰克圖試演。除存留馬槍數十桿外。其餘著色克通額多爾濟那木凱。俱由庫倫妥速運京。至該國所稱查看山寶。係希冀開礮。此事弊實甚多。斷難允准。該國人如未經提及開礮。該大臣等即毋庸先說。反致啟貪利之心。儻若論及其事。即著設法阻止。並於該國運送馬槍時。揀派妥員嚴密偵探。加意防範。其礮位是否由津運送。並著色克通額等隨時探明具奏。將此諭令知之。○辦理江南糧臺署常鎮通海道江清麟奏。

鎮防餉乏。請飭部嚴催各省欠款。得旨。除改派東豫秦晉之廣東月餉。業經部駁外。其餘應解鎮餉。有無已報啟程著戶部查明奏催。又奏撥款不敷。請飭直隸藩庫。及長蘆鹽課。月撥銀一萬兩。批。所奏斷難允行。至南臺每月需銀二十餘萬。著戶部查該臺兵勇曾否造冊報部。應參應催。分別辦理。○陝西巡撫譚廷襄奏。已故藩司司徒照賠款查有溢完。請仍給還得旨。該故員身膺顯職。雖有溢完。亦不必給還。○鑲黃旗滿洲副都統克興阿等奏。朝陽賊匪分竄。亦峯現已派員馳探得旨。亦峯距承德雖較朝陽略近。然係分股。自易解散。著偵探明確總期。迅抵老巢。焚其輜重。殲其首逆。餘匪自然。

宣統三年三月

九

易勒。若朝邑匪尚不退。斷不可繞赴鳳凰。致前後受敵。又奏。昭烏達馬隊。可否截留隨剿。並哲里木馬隊現在並未到建。無從催調。批。昭烏達馬隊著准其截留隨剿。又批。著總理行營王大臣會同春佑查明各處道路遠近。分設腰撥。以期奏報迅速。○以江蘇青浦等處勒賊出力。予參將李恆嵩以副將升用。○甲申清明節。遣官祭。

永陵
福陵
昭陵
昭西陵

孝陵

孝東陵

景陵

泰陵

泰東陵

裕陵

昌陵

昌西陵

慕陵

慕東陵○遣官祭

孝德皇后殯宮○遣官祭

瑞慧皇太子園寢○杭州將軍瑞昌等奏建昌總兵等缺請

以吳再陞等簡放得旨軍營所出之缺揀員請補專指副參

以下而言提鎮從無奏請者所奏殊屬非是又奏遊擊王萬

釗楊連濤均未陣亡請銷卹典從之○黑龍江將軍特普欽

等奏請裁撤園丁歸耕以裕生計從之○以會勘安徽懷桐

援賊出力賞副將楊起益李續遠成得陞劉長槐巴圖魯名

號參將袁秀林遊擊蕭芝美都司李星太守備羅承典等花

翎千總金明德等藍翎餘升敘有差○予江蘇丹陽等處陣

亡都司銜李雄村守備高恩保千總鄭紹增教諭楊銓府經

恩李萃華等二十八員祭葬世職予浙江嘉興等處陣亡

副將張應祿參將羅熙賢遊擊戴序武都司林德高守備高

潛知縣王福山等二十三員祭葬世職○旌表守正捐軀安

徽休甯縣孀婦陳余氏○貸黑龍江歉收地方旗丁籽種口

糧○乙酉諭軍機大臣等文煜奏古北口餘存黑龍江官兵

不堪操練可否遣撤一摺古北口駐劄黑龍江官兵除調赴

山東並朝陽等處二千五百名外現餘兵四百六十七名既

據文煜查明多係患病不堪操演著即全數裁撤交珠勒格

訥管帶歸伍毋庸另行調撥抵補將此諭令知之○又諭前

據徐之銘奏克復甯州城一摺內稱將辦理招撫之回務

副掌教徐元吉等殺斃當經諭令將詳細情形查明具奏茲

據張亮基奏回民掌教馬德新等懇請就撫張亮基商同先

詣江右館親加曉諭徐之銘畏葸疑慮不敢前往密令四川

從九品單功定煽惑刁紳李祖植等懲惡散練赴該前督署

內懇求不准撫回並將署內什物搶燬殺斃通海縣知縣雷

葵旋縱兵練將舊撫之回民轟退又將浙江候補道馬椿齡

倡令自盡謀殺招撫委員福建候補知府孫鈞疊次抄其家

貲又稱該撫將紳民婦女留住署中有歸家自盡者屬吏家

眷常相往來請託賄賂劣蹟甚多欲令副將麟志之妻進署

認為乾女麟志不肯懷恨將其撤任又因富呢雅杭阿私行

饋賂遂互相撤換各等語雲南漢回互關辦理之法全在分別良莠不分漢回動輒兼用不可稍存私見張亮基奏稱亟宜乘機招撫係為大局起見徐之銘任性妄殺阻回民向善之機必致激生他變況貧時漁色種種妄為實屬大員委任劉源灝接奉此旨著即迅速馳赴新任將徐之銘撤任聽候查辦務將被參各款逐一確查據實奏奏不准稍涉迴護並查明調任陝西巡撫鄧爾恆在滇辦理回民事件如能持平即奏請署理雲南巡撫僉民情未能悅服亦即據實具奏毋得徇隱將此由六百里加緊諭令知之○以都察院左都御史愛仁署理藩院尚書○丙戌諭內閣前因王有齡奏請派

會錄卷三十四

十一

大員總司捐務當降旨令王履謙督辦嗣據王履謙奏浙東團練事無專責復降旨令其幫同王有齡辦理浙江團練並督解勸捐事宜茲據王履謙奏王有齡將該前副都御史督解之名改為總辦紹郡勸捐事宜並將奏明設立之局擅自裁撤歸地方官衙門辦理並未奏明實屬非是王有齡著交部議處○諭軍機大臣等前據翁同書袁甲三節次陳奏苗練尋仇滋事種種狂悖情形疊經諭令袁甲三可撫則撫否則迅速殲除以除巨患本日據袁甲三奏苗沛霖因家宿逐殺其辦事之人猜忌更深已添派傅崇武前往開導並據翁同書奏苗練滋擾壽州南鄉回撲官軍營盤各等語苗練屢

次攻撲九里溝變倫集等處營盤並有約會盛運用地道圍攻壽州之語實屬罪大惡極難再姑容袁甲三辦理此事毫無把握若再因循遷就必致養癰貽患苗沛霖兩次寄信季世忠約其共圖壽州同據淮河該提督不遵責以背叛仍婉言開導冀其悔悟其公忠為國之心實堪嘉尚惟苗沛霖以鄉曲之人經朕擢至道員不知感恩圖報輒敢謀為不軌實屬孽由自作著即傳諭該提督乘此機會以密函招致設計殲除較之威以兵力尤為便捷其餘黨與仍可曉諭解散以安反側此事宜密速辦理不可洩漏致誤事機翁同書坐困孤城兵單餉絕袁甲三仍當遵奉前旨妥籌兼顧不可稍有疏虞此次翁同書摺片著發交袁甲三候收到時即專弁妥遞翁同書軍營以免遺失又據田在田奏徐宿軍餉久缺請借撥贖鹽濟急等語准鹽銷路不暢西埔存鹽甚多該總兵請嗣後按月捆運鹽三四千引暫借徐州引地銷售係為軍餉起見並著袁甲三通融借撥以濟急需俟徐營軍餉充足即如數歸還皖營可也將此由六百里加緊密諭袁甲三並傳諭季世忠知之○又諭色陳阿奏鎮防乏餉兵勇思潰請飭催各省協餉等語鎮江餉絀兵飢四十餘日每名僅放餉銀五錢現值賊匪撲城危迫愈甚前有旨令廣東等省按照部議每月協撥數目迅速解往何以尚不照辦著勞崇光等

嚴樹森清底常領迅即籌款接濟不准空言搪塞致滋貽誤許敦詩繳款絲毫未解實屬疲玩著薛煥嚴催速繳並將北臺提去之款飭令趕緊解還鎮江以維大局又據田在田奏徐宿軍餉欠款山東等省均無報解消息並著山東河南山西陝西各巡撫不拘多少速籌一批先行馳解毋得再有宕延該總兵奏稱前准徐營每月提兩淮鹽課銀一萬兩現據袁甲三咨稱岸引滯銷難以分潤該總兵請將西壩存鹽按月抽運三四千引暫借徐州引地銷售應完課銀照淮北科則由徐臺按引作收亦可稍助軍餉著曾國藩薛煥清威即飭知各該運司照所請通融辦理俟徐餉稍裕即如數解

會奏本司

五

繳皖營又據翁同書奏壽州情形危迫待餉孔殷等語著瑛榮嚴樹森迅籌撥解毋稍遲誤本日據譚廷襄奏請飭陝西籌銀五萬兩解撥山東等語並著瑛榮照數借撥抵作陝西解項俟譚廷襄到任後籌措撥還將此由六百里各諭令知之○又諭本日據克興阿等奏請添調步兵並請撥餉解礮各摺片前諭令烏蘭都管帶駐劄古北口西安官兵一千名迅赴熱河聽候調遣此項官兵到後即令赴朝陽一帶助剿古北口運到二十四百斤以下鐵礮四尊已傳知春佑飭令原派管解員弁趕緊運赴克興阿等軍營克興阿等現已行抵建昌東路劉營距朝陽較近現在兵力已不為少急宜乘

賊守未固之時現抵光果焚其輜重繼擒首逆切不可因請調官軍礮位稍涉遲延致令賊匪遠竄前據春佑奏請撥軍餉業經總理行營王大臣議奏由熱河都統酌撥礮銀一萬九百餘兩以資軍食惟宜擇節動用迅速肅事勿致虛糜糧餉截留昭烏達官兵既不得力著即飭令前赴僧格林沁軍營將此諭令知之○又諭據克興阿等奏調礮位等語克興阿等帶兵赴朝陽剿匪需用礮位據稱保定營瓶子礮頗能致遠著文煜即撥數尊並配齊礮子解交克興阿等軍營應用將此諭令知之○又諭王履謙奏賊窺浙東江防單弱情形危急一摺新城臨安等處賊匪伐竹做筏擄搶船隻

會奏本司

五

意圖窺伺甯紹昨據王有齡奏富陽克復後賊蹤分布新城分水一帶時思竄撲浙東雖經該撫撥派師船嚴防江面惟賊勢蔓延有增無減而沿江二百餘里兵力無多設有疏虞大局將不可問王有齡統轄全省責無旁貸著嚴飭帶兵各員弁實力堵剿並隨時派撥兵勇前往協剿毋令賊蹤竄入完善地方王履謙幫辦團練亦有防剿之責著即激勵民團會同官軍力固江防並督辦勸捐事宜不可稍涉推諉將此由六百里各諭令知之○又諭譚廷襄奏馳赴前任力籌防勦請派大員赴直東交界駐劄並請借撥陝西餉項一摺於匪東竄長山鄒平一帶本日據清威奏帶兵出省勦辦力保

東省門戶。並道其北竄之語。當不致深入為患。現在僧格林沁駐軍汶上。力遏兇鋒。直東交界處所。最關緊要。前經勝保奏令總兵伊綿阿帶領西安等處官兵一千名。並令文煜。於天津鎮標官兵內。調撥一千名駐劄河間。又命天津道孫治赴河間整飭團練。相機堵剿。直東交界地方。已有布置。所請將管調河州等處官兵。分撥東省防剿之處。著毋庸議。該撫抵省後。即將省城防勦事宜。妥為籌辦。並飭帶兵各員會合民團。實力兜剿。迅殄賊氛。毋任分竄。將此由五百里諭令知之。○又諭。田在田奏。擊敗宿南土匪。遵旨回徐商辦防勦一摺。繪面練總王玉科。據寨糾匪。意圖抗拒。經該總兵派兵兩

命欽奉

二

次痛剿。潰散逃去。此時宿州情形稍輕。而徐州一帶。則自伊興額等追賊陣亡後。民心震動。該總兵馳赴徐郡。與吳棠力籌攻剿。務須設法牽制。擒匪後路。俾竄擾東省逆匪有所顧忌。仍聯絡鄉團。嚴密堵禦。以防逆匪回竄。毋稍疏虞。其宿州一帶。即著責成胡元昌。駐劄該處。統率兵練。固結民心。嚴防苗練報復。將此由六百里諭令知之。○又諭。有人奏。浙江巡撫王有齡。新創捐缺之目。上缺五千兩。中缺三四十兩不等。有因缺捐助者。不問賢否。輒行委署。一月之間。更換知縣二十餘員。山陰縣知縣臧均之。蕭山縣知縣馮毓章。素得民心。撤任後。復留辦防江捐輸等事。會稽縣知縣劉履泰。久著貪

命欽奉

三

聲。上斗借勘捐為名。將監生金漢管押勒索。致在押自盡。省中門丁幕友。每鳩貨為候補州縣謀缺等語。王有齡創立捐缺名目。紛紛撤調。是否實有其事。所捐之銀。即歸軍需支用。已屬不成事體。且恐有藉端婪索情弊。臧均之等。既得民心。何以遽行撤任。是否該撫調劑接任之員。虛實均應徹底根究。著張錫康嚴密訪查。據實具奏。毋稍徇隱。將此由六百里諭令知之。○鑲黃旗蒙古都統穆騰阿奏。請將翰林院編修袁保恆從優擢用。得旨。現在定國已撤。尚有何功。況該員係統帥之子。年力正壯。將來成功後。朕自有恩施。何必市恩若是。殊屬多事。○安徽巡撫翁同書奏。苗練滋擾壽州。聲言會合髮逆攻城。得旨。苗沛霖何物梟獍。輒敢猖狂若是。儘再姑容。不惟是非混淆。實亦不成事體。斷不能再為遷就。擬令李世忠密函招致。設法殲除。免貽後患。○以安徽泗州解團修城出力。賞知縣饒增紱等藍翎。餘加銜升敘有差。○子江蘇丹陽等處陣亡遊擊蔡其榮。都司劉超鴻。守備陳廣陞。千總鍾連勝。把總鄭紹曾。殉難知縣李謙等。十三員。祭葬世職。○子安徽天長遇賊被害知府姜錫恩。參領恆德。祭葬世職。如陣亡例。○子安徽壽州陣亡委防禦常凌。祭葬世職。○子山東東平州陣亡副都統伊興額。總兵官滕家勝。於徐宿等處建立專祠。隨從陣亡員弁一併附祀。丁亥祭。

先農之神遺克勤郡王慶惠行禮。諭內閣前因巴棟阿衷甲三王履謙田在田清威五處六百里摺報於本月二十七日酉刻同時遞到。諭令兵部查明沿途何處淹留遲滯。嚴參具奏。茲據兵部奏查明各該處發報日期。覈計里數扣算均不應同時遞到。惟各該省沿途驛站有無繞越之處。請飭直隸等省查明等語。著直隸總督山東巡撫兩江總督江蘇巡撫安徽巡撫迅即查明巴棟阿等摺係由何處積壓遲延。指名嚴參。並著直隸各督撫嚴飭所屬遇有軍報務須按站馳遞。不得任意延誤。以肅郵政。○督辦江蘇團練大臣龐鍾璐奏。近日設法集團募勇辦理情形。得旨。蘇省黎民胥吾赤子。

淪陷於賊。已非一日。現在集團進剿。其積憤於衷。早思自奮者。自不乏人。著設法令被脅難民咸知德意。有能殺一逆首。並能內外夾攻者。優加獎勵。以期廓清有日。○以江蘇崇明等處團練出力。予布政司經歷沈沼等加銜升敘有差。旌表守正捐軀河南永甯縣民張金聲媳章氏山東恩縣民婦郭崔氏。○戊子。遣官祭賢良祠。○諭內閣。王夢齡奏。堤工合龍一摺。江蘇江運小六堡堤工。經署漕運總督王夢齡督率在場文武紳董籌款備料。實力築修。旋即合龍。辦理尚為妥速。著江運同知丁承鈞。江防營守備趙秉節。原參摘頂之案。均著准其開復。其餘出力文武官紳。著王夢齡擇尤保奏候

朕。此。恩。刊。許。官。監。人。諭。勝。保。奏。請。將。誤。餉。之。藩。司。議。處。並。懇。飭。催。月。餉。等。語。河。南。省。應。解。勝。保。軍。營。月。餉。為。數。無。多。乃。數。月。之。久。分。毫。未。解。又。不。據。實。聲。覆。實。屬。玩。誤。河。南。布。政。使。邊。浴。禮。著。交。部。照。新。定。章。程。議。處。並。著。嚴。樹。森。飭。令。該。藩。司。將。積。欠。餉。銀。四。萬。兩。埒。數。起。解。毋。再。延。宕。其。山。西。陝。西。兩。省。應。解。該。營。月。餉。著。各。該。巡。撫。趕。緊。籌。解。以。濟。要。需。並。著。勝。保。將。該。營。月。餉。支。放。詳。細。造。具。清。冊。按。月。報。部。如。有。遲。延。蒙。混。即。著。戶。部。指。參。以。重。帑。項。而。昭。覈。實。○諭。軍。機。大。臣。等。本。日。據。勝。保。奏。直。隸。臨。榆。縣。民。張。有。功。平。素。並。無。不。法。情。事。該。縣。令。指。為。匪。類。率。眾。搶。劫。一。空。致。令。逃。入。匪。夥。糾。合。亡。命。欲。赴。

臨。榆。報。復。灤。州。文。童。李。樹。滋。因。勸。捐。未。允。該。州。宋。炳。文。即。帶。役。圍。莊。按。搶。復。刑。偏。另。案。夥。匪。張。成。誣。攀。李。樹。滋。通。賊。為。匪。又。臨。榆。縣。知。縣。恩。齡。衡。水。縣。知。縣。陳。載。皆。以。捕。匪。為。名。藉。端。虐。及。無。辜。並。侵。吞。捐。輸。盈。千。逾。萬。該。處。民。人。屢。次。來。營。指。控。請。飭。直。隸。總。督。查。參。等。語。地。方。官。誣。良。為。匪。侵。吞。捐。款。均。屬。大。干。法。紀。若。不。嚴。行。參。辦。何。以。安。良。善。而。懲。貪。墨。文。煜。甫。到。署。任。無。所。用。其。迴。護。著。即。將。所。參。各。該。員。款。蹟。詳。細。查。明。據。實。嚴。參。懲。辦。以。儆。效。尤。將。此。諭。令。知。之。○又。諭。勝。保。奏。請。帶。兵。十。名。赴。朝。陽。赤。峯。一。帶。勦。辦。土。匪。先。在。古。北。口。屯。別。並。馳。赴。熱。河。等。語。朝。陽。縣。匪。徒。滋。事。現。在。陸。續。調。派。熱。河。哲。里。木。

文宗實錄 卷三四五

一一〇〇

从駐防古北口之黑龍江西安並盛京等處官兵三千數百名並據王明派兵千餘赴朝陽會剿計已足數勦辦勝保著即赴行在所請帶兵一千名赴古北口駐劄之處著毋庸議將此由五百里諭令知之○又諭前調古北口駐劄之西安官兵一千名著歸成明統帶馳赴朝陽勦匪烏蘭都著曾在熱河聽候諭旨○以江蘇海沭宿桃等處勦賊出力賞遊擊劉琮都司陳德雄陳浚家邑圖魯名號道員蔡觀龍知府寶元灝同知陶金詒直隸州知州黃金韶參將博勒莊武都司吉慶守備曹振等花翎知縣宋東中等藍翎餘加銜升敘有差○以應援不力革署山東青州營參將忠順職並逮問青州府知府王繼庭益都縣知縣陶紹緒下部嚴議

大清文宗協天翊運執中垂謨懋德振武聖孝淵恭端仁寬敏
顯皇帝實錄卷之三百四十四

大清文宗協天翊運執中垂謨懋德振武聖孝淵恭端仁寬敏
顯皇帝實錄卷之三百四十五

咸豐十一年辛酉三月己丑朔諭內閣聯捷奏請將河北捐
輸專辦河北防務一摺河北防務緊要經聯捷勸諭彰德等
府捐輸經費現在嚴樹森因籌辦南路軍食亦派委員前赴
河北勸捐事涉兩歧恐致紳民觀望著照所請所有河北彰
德衛輝懷慶三府捐項統歸於防河經費動用以免紛歧
諭軍機大臣等前因景瀄奏俄國分界道路險阻恐難如約
會齊當經降旨令該將軍將應辦事宜先期料理並飭成琦
趕到照會該夷約期會勘並據恭親王等奏於上年十二月

會集卷三十三

二十七日照會俄酋伊格那提葉幅欽派大臣成琦擬於四
月下旬到彼會同查勘茲據景瀄奏由興凱湖至圖們江山
路崎嶇擬於五月中旬在興凱湖守候俄國大員勘辦並擬
照會呈覽等語會勘俄國分界關繫綦重前據俄國清字來
文郭爾察開幅谷稱烏蘇里分界事宜該國已派阿迪米拉
勒喀咱切斐齊於三月間至烏蘇里江口大清國欽差大臣
亦應於三月間至該處不得逾時等語自係尚未接到恭親
王等照會惟該國已派人前往該將軍等若俟至五月始到
無論該國有所藉口且恐該夷先到竟將地界擅自勘定彼
時反難與之爭辯成琦已於二月二十五日由京啟程著景

瀋仍遵前旨將應辦事宜及應需船糧車馱各項先期料理
齊備俟成琦一到即於四月下旬趕至興凱湖與該國會勘
地界不可落後至烏蘇里河口一帶雖界限分明僅止立牌
等事然亦不可辦理含混致貽後患著即責成副都統富尼
揚阿於四月初間前往妥為辦理不可遲至五月景瀄俟成
琦到後即定期會同前往毋得以道路險阻為詞致有延誤
將此由六百里諭令知之又諭昨已諭令成明統帶西安
官兵一千名赴朝陽一帶勦辦土匪著即會同克興阿所帶
官兵合力勦洗成明到營後薩秀即回行在當差王明所派
之盛京馬步官兵一千一百名計可行抵朝陽著克興阿成

實錄卷三十三

明即約會管帶之協領穆錦等四面兜勦務將該逆匪掃除
淨盡毋任竄逸漏網致令蔓延他處將此諭令知之又諭
昨據清咸奏東寬捻股已由安邱回寬清口而另股又由戴
家廟十堡搶渡運河現在李連橋一帶村莊焚掠恐由東阿
平陰水淺處偷渡鹽河本日復據杜翹奏東寬捻股由青州
竄擾濰縣另股黑黃花等旗又自金鄉闖入直撲東平州之
戴家廟並搶渡運河竄至肥城之衡魚莊一帶各等語捻匪
更番出擾疲我兵力前股甫退而後股復來致令東省數十
餘州縣慘遭蹂躪況業已搶渡運河即恐其乘虛北竄僧格
林沁國瑞暫駐汶上西凌阿駐劉濟甯現在捻匪紛竄毫無

堵禦德楞額趙康侯李麟遇等兵勇亦未聞繞出賊前迎頭截勦似此遷延觀望恐致貽誤事機且賊一入東境輒忽無常官兵徒事尾追業已飽掠而去必須於金鄉等處嚴密堵禦毋令竄越方為善策著僧格林沁等將近日賊勢何路喫重官兵如何堵勦及一切布置情形迅速馳奏以慰廬念將此由六百里諭令知之○又諭翁同書奏壽州餉無來源全軍將潰一摺壽州餉竭兵勇日多餓斃情形異常危迫本日已由六百里加緊諭令嚴樹森迅撥銀二萬兩限十日解至潁州並令嚴催山西委員王致泰迅解餉銀前往壽州營兵現在正陽關一路尚通各處解餉之員或疑道路梗阻不敢前進該前撫需餉甚急亦應速派員弁酌帶兵勇前往迎提以期迅速解到不可株守坐待疊次諭令袁甲三接濟壽州軍營該大臣尤當設法籌撥以維大局翁同書另片奏賈臻辦理招撫應駐潁州府城泗州糧臺似可派員經理等語孫葵心黨與皆在潁毫之間賈臻如赴泗州臨淮有鞭長莫及之慮著袁甲三飭催該藩司迅赴潁州辦理招撫事宜泗州糧臺該大臣另派委員經理統歸賈臻考覈此次翁同書摺報及寄諭仍交袁甲三由臨淮轉遞以免遺失將此由六百里各諭令知之○命山海關副都統成保所派官兵五百名暫駐熱河候旨○命按察使銜道員聯捷以四品京堂候補

督辦直隸河南山西汾河事務以營伍曉暢予甘肅副將定安以總兵官用調緩福建汀州邵武二府汀軍邵軍長汀武平順昌建陽浦城甯化邵武光澤沙將樂清流歸化連城建甯泰甯甌甯崇安上杭永定二十一廳縣並仁壽麻沙泉上里嵐下峯市縣丞所屬被擾各區本年額賦○庚寅諭內閣著派慶惠倭什彈布受仁奕山會同恭親王奕訢閱看各旗春季操演○又諭王明等奏請將擊獲鄰境盜犯員弁鼓勵等語上年十一月間威京義州盜犯王達等糾夥五百餘人抗官拒捕圍撲城池經官兵擊敗逃至廣甯縣地方知縣塔清阿督飭虛頂外委陳泰率領兵役練勇追捕格斃三名擒獲王達等三名解省正法該員弁緝捕出力與擊獲鄰境尋常盜犯不同塔清阿著以同知知州儘先升用先換頂帶仍著送部引見陳泰著賞給六品頂帶並照所請獎勵○諭軍機大臣等奕訢等奏挑選兵丁赴恰克圖演習火器並請派大員管帶一摺著照所請即行知管理圖明圖健銳營外火器營大臣每營所挑選兵丁二十名章京各二員前赴恰克圖演試俄國運來鳥槍此次兵丁諭令色克通額多爾濟那木凱就近管帶演習並諭令慶昫派員護送該兵丁至賽爾烏蘇地方再由色克通額等派員迎護送至恰克圖以期沿途安靜行走該員弁兵丁並准其馳驛前往即由戶部

給發盤費至抵恰克圖後每日每員名的給鹽菜實銀三錢由恰克圖稅務項下支領並演熟時由管帶大臣酌請獎欽及犒賞俄國教演之人酬答運送火器之處均諭令色克通額等的量請旨辦理矣將此諭令知之○又諭本日據翁同書奏壽城餉源將絕請飭河南迅籌接濟並據嚴樹森奏河南兵餉改成給發各摺片壽城餉缺日久各營兵勇甚至以野菜草根充食各省協餉延不起解即報解在途者亦沿途遲遲該前撫嚴札催提置若罔聞所奏情形非常緊迫河南距皖較近若不速籌接濟恐兵勇潰散大局不堪設想著嚴樹森迅速籌撥銀二萬兩限十日內派員運交潁州府轉運

會集奏請

五

局收明後即由翁同書設法迎提不得稍涉遲逾其山西委員候補知縣王致泰管解壽餉銀一萬兩已抵通許並著該撫嚴催該委員迅速前赴壽營交納以濟急需毋任逗遛至嚴樹森請將河南省旗綠各營兵餉俸乾自本年正月為始按月給發六成實銀其餘四成及咸豐十年以前積欠暫行停止俾為兵食囊實起見著即照所議辦理惟不得因本省兵餉改放六成實銀致將應解京餉及各省協餉藉詞推諉仍當督飭藩司源源起解毋稍短絀再本日已降旨令該撫督辦河南勦匪事宜毛昶熙幫辦勦匪仍督辦團練現在檢匪開入唐縣紛擾鄧州新野內鄉等處著即會同毛昶熙迅

速分兵堵禦倘令回巢毋令蹂躪完善之區將此由六百里加緊諭令知之○盛京將軍玉明等奏拏獲聚眾抗糧要犯審擬正法得旨王達妻子雖未便照大逆例緣坐然置之無論究留禍根應如何酌定發遣之處著刑部議奏○命河南巡撫嚴樹森督辦勦匪事宜順天府府丞毛昶熙幫辦河南勦匪事宜仍督辦團練○以貴州石阡思南及天鵝壩勦賊辦團出力賞副將金太文參將熊煥章遊擊向永達巴圖魯名號熊煥章以總兵官用同知勞文輅都司銜陳賢元尚明士守備熊國祥等花翎布政司經歷銜賀祖堯等藍翎給總兵官沈宏富父母二品封典同知趙國樹等并敘有差予陣

會集奏請

六

亡千總蔣連升祭葬世職○以帶兵約束不嚴革署河南南陽鎮標遊擊西爾納等職留營效力○予河南光陳陣亡千總馮起龍把總趙光先祭葬世職○辛卯諭軍機大臣等本日據克興阿等奏移營前進擊賊獲勝一摺朝陽賊匪竄至波羅赤地方經官軍於水泉接仗斬殺多名亟應乘勢進剿一鼓殲滅惟老虎山木頭城子均有賊匪必須節節掃除偏令回巢方可聚而殲旃不可徒事分防致兵力為賊牽掣賊在朝陽窺濠築牆意在負隅抗拒現在大嶽諒已運到成明所帶西安官兵一千名業經啟程兵力已厚著即督飭將弁並約會盛京官兵四面兜剿毋令竄逸並將鳳山一帶踞

賊悉數掃蕩。不可耽延時日。將來擒獲賊目。即於訊明確供後。就地正法。不必解赴熱河。將此由六百里諭令知之。○又諭僧格林沁等奏。另股擒匪。竄過運河。現督兵勦辦。一摺。擒匪另股數萬。復由金鄉。魚臺北竄。由沈家口。迤南。沙溝地方。搶渡運河。雖經官兵擊斃多名。究未大加懲創。現在大股盤踞東平。汶上一帶。著該大臣等飭令馬步官兵。扼要嚴防。倘令賊匪南趨。並設法防其復擾。泰安。青州等處。不可再令北竄。僧格林沁等前派兵勇。隨同德楞額。追勦東竄之賊。現存兵力。未免單薄。不敷防剿。惟當聯絡紳團。招集鄉勇。以輔兵力之不足。總期兵民聯為一氣。可冀同心禦侮。力遏兇鋒。該匪欲由北面攻撲濟甯。西凌阿業已帶兵折回。著即督飭文武紳團。實力防守。毋稍疏懈。陣亡官兵。著該大臣等查明具奏。將此由六百里諭令知之。○予湖北各屬陣亡殉難文武員弁紳民婦女一千三百五十四名口。分別祭葬。世職。旌卹如例。○旌表湖北黃梅縣殉難節婦帥洪氏。○壬辰。諭內閣。惠親王等奏。恭辦

聖訓告竣。出力各員。可否保奏等語。

皇考宣宗成皇帝聖訓全書。現經武英殿校刊完竣。所有在事出力之提調等官。著惠親王等。酌量保奏。候朕施恩。又諭現在各省軍務未竣。亟應簡拔人才。講求吏治。以期康保。小

民俾無失所。各該督撫於所屬各員。平日立品居官。知之有素。著擇其廉潔自愛。任事實心。及素著循聲。民情愛戴。堪勝道府者。臚列政績。出具切實考語。酌保數員。候旨簡賜。其道員及州縣各官。如有出色之員。著一併覈實保奏。僅所保之人。查有貪汙劣蹟。或名實不符。朕惟該督撫是問。其各立除積習。秉公保薦。毋得瞻徇情面。任令屬員黃緣倖進。以副朕知人安民至意。諭軍機大臣等。惠親王等奏恭辦

聖訓告竣。請旨遵行一摺。

皇考宣宗成皇帝聖訓。現已校刊完竣。其進呈正本。應否尊藏乾清宮。著恭親王奕訢等詳查具奏。如向來不於乾清宮尊

藏。即派員敬謹齋送行在。將此諭令知之。尋奏遵查乾清宮向未尊藏。應即遵員護送行在。進呈報聞。又諭文煜奏營伍緊要。庶務紛繁。擬分別查辦一摺。據稱直隸營伍。兩屆未經校閱。命盜案件。未經具題者。愈積愈多。兼之南路戒嚴防務喫緊。尤須親歷查看各等語。擒逆竄擾東豫。直隸營伍亟宜整頓。命盜案件。亦當趕緊清理。文煜著即行回省。先將省標兵丁認真考校。並清理積案。俟稍有就緒。即赴河間正定。順德廣平大名等府。將各營弁官兵詳加查考。如有缺額廢弛等弊。即據實嚴叅。其與河南山東交界處所。防務尤關緊要。並著該署督體察情形。妥為布置。勿稍疏虞。古北口官兵

著文煜於在口參遊內揀派一員暫行統帶德興阿勿庸赴口駐防將此諭令知之○癸巳祭

先蠶之神遣王福晉行禮○諭內閣孫蔭元奏江蘇現辦軍務不能考試懇請回京當差一摺江蘇地方雖未能全行考試該學政尚有應辦事件孫蔭元請回京當差之處著不准行○補鑄江西吉安府經歷印信從巡撫毓科請也○甲午諭軍機大臣等本日據色克通額等奏俄國通商人等不能悉遵條約請飭總理各國事務衙門知照遵辦各等語俄夷此次給住京修士固理公文包並未知照庫倫與條約不符著奕訢等各行伊格那提業幅嗣後解送物件仍應備文知

照庫倫辦事大臣至貿易二十餘人前往庫倫及京城地方欲雇蒙古駝隻販運一節京城地方是否准該夷通商自雇駝隻私立驛站均在條約之外日久恐多流弊不可不防所稱張家口難走欲進獨石口任意往來尤恐漫無限制著恭親王奕訢等將色克通額等摺內所指各節詳細查明如與條約不符即行知照伊格那提業幅據理駁斥並囑其曉諭該國人等務須遵照條約辦理至運送烏槍一節本日已諭令色克通額等俟該國解到時即在庫倫暫停須候總理各國衙門行知後再行照辦色克通額等清字摺三件均著鈔給閱看將此由五百里諭令知之又諭色克通額等奏俄

國給住京修士固理運送公文包並未知照庫倫又稱該國商人二十一名按照條約任其行走欲自雇蒙古駝隻私立驛站並由獨石口一路行走等語已諭令恭親王等查照條約辦理照會伊格那提業幅務遵條約辦理嗣後該夷如有不遵條約之事該大臣等即當據理斥駁亦不可一味遷就前諭令將烏槍擇留數十桿以備京兵在彼演試所餘各件迅速運赴京城據色克通額等奏該國尚未行文前來該國礙位由天津海口運送亦未解到此項烏槍運到時即督率京兵演習其餘暫存庫倫俟總理各國衙門知照運京再行豫備此時該國尚未運來不必豫先備辦駝隻車輛以免擾

累將此諭令知之○又諭克興阿福壽奏官兵三路進剿不敷分布請飭西安官兵赴營一摺賊匪分踞朝陽縣街市並鳳凰山等處克興阿等雖於上月三十日在水泉地方獲有勝仗而擔杖溝梁之南路及老虎山一帶均有分股伏賊恐其乘虛竄窺建昌已諭令克興阿等先將分股之賊剿除淨盡令其歸併一處不可先攻中路致分股之賊繞窺建昌現在官兵不敷分布著成明即將所帶西安兵一千名星夜馳赴波羅赤地方會同克興阿併力剿洗毋得稍涉遷延致誤事機將此由五百里諭令知之○又諭克興阿等奏擔杖溝梁之南路及老虎山一帶均有分股賊匪伏匿克興阿等擬

分三路進兵。即於適中之地扼要駐劄。先將分股之賊剿除淨盡。或令該匪歸併一處。然後官兵合圍。庶可聚而殲旃。不可先攻中路。致分股之賊。繞窺建昌。朝陽之賊。如敢出撲。亦即督兵攻擊。並嚴防珠哩克一路。防其抄我後路。西安官兵計日可到。著即知會盛京官兵。合力剿辦。毋得遲延時日。所帶官兵應需口糧。均准其照古北口防兵之例。馬兵每月領銀六兩。步兵每月領銀三兩。飭令熱河道直隸糧臺委員。分別支放。直隸糧臺已由總理行營王大臣。札知文煜。移設附近地方。昭烏達哲里木盟官兵。著克興阿等。飛催前進。需用箭枝。已令熱河都統趕造五千枝。並由武備院調取五千枝。

實錄卷三十五

上

解赴軍營。將此由五百里諭令知之。○又諭前因張亮基奏。參徐之銘任性妄殺。並貪財漁色各款。當經降旨。令劉源灝趕緊馳赴雲南。秉公查辦。該督接奉前旨。諒可剋日赴滇矣。茲據徐之銘奏。克復富民羅次。樣豐廣通四城。並元永黑琅阿原草溪六鹽井。請將中有謀等獎勵。又攻克安甯。收復城池。請將總兵何自清等獎勵。又保舉督辦東路防勦保衛地方出力之參將何有保。又請將已革知府夏家疇。開復原官。該撫所奏克復地方。均係據各路稟報。未將接仗情形。詳細聲敘。恐賊匪自行退出。捏稱克復。任意鋪張。有不實不盡之處。所保之中有謀等。是否實在出力。著劉源灝到滇後。逐一

實錄卷三十五

上

詳查據實具奏。參將何有保。請記名以總兵用。亦覺太優。已革知府夏家疇。赴夷寨設措經費。尤屬支離。徐之銘有無膽徇情弊。並著該督秉公確查。詳細具奏。以許徇隱。原摺片四件。均著鈔給閱看。將此由六百里諭令知之。○又諭前諭勝保。即赴行在。毋庸帶兵前來。該大臣接奉前旨。諒已剋日啟程。現在勦辦朝陽土匪。兵力尚單。勝保前請調兵前來。著即挑選勁旅一千名。派委得力將弁管帶。迅赴熱河。聽候調遣。將此由五百里諭令知之。○又諭前因楚軍父餉過多。諭令山西等省。迅籌接濟。茲據官文等奏。稱各省協餉。迄今未據咨解。現在武漢戒嚴。麻城等屬。亦紛紛告警。請飭山西等省協餉。速籌撥解等語。山西陝西。應解湖北月餉。各五萬兩。廣東應解湖北月餉。三萬兩。現在湖北軍餉缺乏。關繫緊要。著常續瑛。榮發。榮光。著齡。遵照前旨。如數籌撥。星速解往湖北。毋得再事稽遲。致干咎戾。山東每月協濟三萬兩。四川每月協濟五萬兩。雖因現辦軍務。未遑兼顧。亦當設法籌撥。並著清盛。崇實。陸續籌款。協濟。以應急需。將此由六百里各諭令知之。○又諭前因逆首陳玉成上竄。湖北告警。諭令駱秉章行抵湖北。會合勦辦。本日據官文等奏。逆首李秀成。由廣信內犯。圍攻建昌。援兵屢挫。撫州亦被賊圍。江西省城。勢甚震動。湖北防勦。喫緊。更無別軍可援。江西之急。請飭駱秉章先

援江西等語。逆匪上竄湖北。復擾及江西。較四川情形更為緊迫。自應移緩就急。督兵援應。著駱秉章迅即由荊州順流而下。助剿楚北竄匪。再分軍由九江迅赴南昌。會同曾國藩。統帶等兵。合力剿辦。或酌量分兵數千。先行馳赴重慶扼守。俟江西賊勢平定。即行率師入蜀。該撫務須斟酌妥善。相機辦理。勿稍延緩。將此由六百里諭令知之。○又諭克興阿奏。朝陽匪徒。有二三十人。內雜回民。潛赴熱河。探聽虛實。俱穿深藍布棉襖。內襯藍紬汗衫。背負小包。扮作鄉民人樣。其頂中辮髮剪去一略。以為暗記。至今尚未回去等語。著春佑。成保。揀派員弁。嚴密查拏務獲。並著飭令承德府嚴查保甲。緝

會纂卷五十五

上

拏奸究。該都統等。仍嚴禁兵役。藉端騷擾。○乙未。諭軍機大臣等。本日據清盛奏。馳抵齊河。接仗獲勝。並移營進剿一摺。此次擒逆竄至杜家廟地方。該署撫督帶兵勇迎剿。雖經小有斬擒。究未大受懲創。且擒獲奸細。既有欲由濟南一路東竄青口之語。不可不嚴為之防。本日據杜翻奏。稱賊於初二日竄入歷城境內。段店地方。雖經敗退。距省未遠。難保不去而復來。該署撫現擬移營黃山店。著即督飭兵勇。並玉山所帶馬隊。悉力防剿。勿令紛竄。仍須兼顧省城。毋稍疏忽。其前起竄赴東路擒股。盤踞安邱。著嚴飭明晰。會同德楞額實力剿洗。務須驅出東境。勿留餘孽。齊河團練既經約令會剿。何

以臨時退避。該處團練。係何員所帶。著清盛查明奏。並查明該處團練。如不得力。即飭令該地方官認真整頓。以收實效。另片奏。請將東省徵收漕米。全數變價等語。本年雨澤未能照常起運。京倉需米甚殷。著清盛仍將徵收漕米。趕緊設法運京。毋庸變價。將此由六百里諭令知之。○恭親王奕訢等奏。請赴行在。祇問起居。得旨。朕與恭親王奕訢。自去秋別後。條經半載有餘。時思握手而談。稍慰廬念。惟朕近日身體違和。咳嗽未止。紅痰尚有時而見。總宜靜攝。庶期火不上炎。朕與汝謀。夢情聯。見面時。迴思往事。豈能無感於懷。實於病體未宜。況諸事妥協。尚無面諭之處。統俟今歲回鑾後。再行

會纂卷五十五

下

詳細面陳。著不必赴行在。文祥亦不必前來。特諭。○署直隸總督文煜奏。永定河凌汛安瀾。報聞。○督辦山東團練大臣杜翻奏。擒匪竄近省垣。調圍堵禦。得旨。仍應嚴防回竄。勿稍疏忽。○以克復安徽休甯縣城。賞同知朱榮隆花翎。予道員張運蘭。以按察使用。記名總兵官朱品隆。唐義訓。遇缺題補。餘加銜升敘有差。○丙申。內閣欽奉

硃諭。大阿哥於四月初七日入學讀書。著李鴻藻充大阿哥師傅。○諭軍機大臣等。前因會同書奏。賈條卿理招撫。應駐劄州。當經諭令袁甲三。飭令該藩司。迅赴該處。其泗州糧臺。另行派員經理。本日據毛昶熙奏。贛州團練。向係苗沛霖辦理。

近來阜陽太和一帶民團因苗沛霖叛形漸露。練總牛亢恭等赴豫呈訴。不願與之共事。查解散苗沛霖黨與。莫若使阜太團練與豫省合而為一。現派候補直隸州知州秦萬新馳往皖豫兩省毗連處所。辦理團練。若令安徽藩司賈臻督辦安徽全省團練。實於大局有裨等語。苗沛霖自與壽州團練構釁。潁州等處團練恐流為逆黨。各守堡寨。自保身家。亟應乘機將頑壽團練歸地方官辦理。使人心有所繫屬。苗沛霖自不得託名辦團。肆其誘脅。袁甲三於接奉前旨後。當已飭令賈臻赴潁。著即催令啟程。所有安徽全省團練。即著該藩司督辦。務與豫省淮鹿沈項新息一帶堡寨。及光州各屬民

實錄卷四十五

五

團聯絡聲勢。互相援應。以散匪黨而順輿情。將此由六百里諭令知之。○予河南唐縣殉難知縣彭必達祭葬世職加等。並於死事地方建立專祠。教諭張元祚祭葬世職並附祀。○諭免四川調赴江南等省陣亡兵丁陳正德等長支米折銀兩。○戊戌。諭內閣嚴樹森奏請將捕獲匪犯之知府獎勵等語。投誠擒匪劉中路即劉相清等。洎入汝甯府城。藏匿丁憂候補知州陳學仁家內。勾通搶掠。首陳大喜等。約期內應。經知府祁之銓等帶練擒獲。訊明正法。陳學仁容留匪犯。是否失於覺查。抑有通賊情弊。亟應徹底根究。著即革職。拏問交該撫嚴行審訊。速為嚴辦。以正軍法。汝甯府知府祁之銓將劉

中路等悉數擒獲。辦理尚屬妥速。著以道員用。以示獎勵。其餘出力官紳。著該撫俟事竣後。擇尤保奏。毋許冒濫。○又諭。聯捷奏特察防河不力。貽誤大局之鄰省州縣一摺。山東濮州知州范允中。當河東賊匪搶渡時。並不添勇助防。復申飭團長。以致團勇渙散。該匪乘間渡河。擾及觀城。實屬貽誤地方。范允中著即革職。發往軍臺效力贖罪。范縣知縣彭錫齡。雖於羊兒莊地方派勇駐防。究未能遏賊渡越。亦屬疏於防範。著交部嚴加議處。至邱縣。冠縣。莘縣先後有匪徒入城焚劫。據聯捷奏係由求緩漕糧。該地方官撫馭無方。以致激生事端。著清盛確切查明。據實奏。毋稍徇隱。○諭軍機大臣

實錄卷四十五

五

等。前據官文奏逆首李秀成。由廣信內犯。圍攻建昌。援兵屢挫。撫州亦被賊圍。江西省城。勢甚震動。當經諭令駱秉章迅即由荊州順流而下。助剿楚北竄匪。分軍由九江迅赴南昌。會同曾國藩等兵。合力剿辦矣。本日據該大臣奏。建昌被圍。大股賊匪。既入內地。南昌等府。不可不豫為之防。擬移兵東流。建德。防堵下游股匪。抽出鮑超一軍。作為遊擊之師等語。江西軍務喫緊。該大臣前奏。飛調鮑超一軍。由九江一帶馳赴。現在逆匪上竄湖北。駱秉章能否分軍馳援江西。尚未可定。所有鮑超一軍。即作為遊擊之師。該大臣體查江西皖北情形。何路緊急。即為何路援應。至該大臣請移剡東流建德

兼顧皖北之處現在張運蘭一軍防勦徽州休甯之賊是否足資抵禦著曾國藩悉心籌畫不至顧此失彼方為妥善將此由六百里諭令知之○又諭勝保奏擒匪渡河北寬派兵馳赴景州堵剿等語。擒匪擾及山東一帶。於本月初五日。紫後渡河。後隊賊眾蜂擁繼至。該大臣現飭總兵伊綿阿酌派官兵適員管帶。先行馳赴景州防剿。並飭天津道孫治整齊各屬團練。協助官兵。嚴防竄擾。惟賊勢猖獗。所派兵力尚單。恐不足以資堵禦。著該大臣速飭伊綿阿添派官兵。親自統帶。馳赴景州一帶。聯絡鄉團。嚴密堵截。以期力遏兇鋒。毋稍遲緩。將此由五百里諭令知之○又諭本日據都興阿奏防

欽奉諭旨

奉

勦鎮揚上下游紅單挖罾等船。年久微爛損壞過多。現當江防喫緊。原配艇船不敷防勦等語。鎮江揚州江面防勦船隻近多損壞。不敷配駕。自係實在情形。著勞崇光迅調紅單挖罾等船四十號。派員星速押解入江。以便將現存損壞船隻分別裁撤。將此由六百里諭令知之○又諭前因太湖破船不敷防勦。諭令薛煥將京口破艇六隻。迅速撥赴太湖。聽總兵王之敬調遣。以固蘇浙門戶。茲據王有齡奏稱。此項破艇奉旨業經三月。尚未調到。正月二十九日。賊窺太湖。王之敬迎勦失利。不知下落。以致東山失守等語。太湖地跨蘇常湖三府。蘇省豈容膜視。現在東西兩山均為賊踞。湖州十分喫

欽奉諭旨

大

緊所有該撫前奏調京口破船六隻著薛煥即行如數調撥。派委得力將弁管帶前往湖州。以備防勦。毋再遲延。將此由六百里諭令知之○又諭嚴樹森奏。請飭張芾選將練兵。並兼籌全局一摺。據稱江淮擒賊。及各種土匪。日肆披猖。豫省軍務因循疲敝。請飭陝甘督撫會同張芾。於提鎮各營內。精選馬步官兵。由張芾統帶來豫。會辦防勦。並募勇訓練等語。豫省軍營積弊日深。該撫欲改弦更張。力求振作。實屬勇於任事。惟陝甘各營兵丁。歷年徵調頻仍。存營兵數無多。該省與河南毗連處所。現在需兵防堵。若再調撥。必致完善地方。益形空虛。前已降旨。令該撫督辦河南勦匪事宜。事權既一。責無旁貸。所有練兵選將事宜。著即破除積習。實力整頓。以期日有起色。並就河南現有兵力。妥籌防勦。以副委任。本日已降旨。令張芾幫辦陝西圍練事宜矣。將此由六百里諭令知之○又諭聯捷奏。勇糧不繼。請將山西省解送僧格林沁大營及江北糧臺銀各二萬兩。截留應用等語。山東江北軍營需餉甚急。若率行截留。必致貽誤。所有山西省解送僧格林沁軍營及江北糧臺銀各二萬兩。著不准截留。並著聯捷加派弁兵。妥為護送。如道路梗阻。亦須繞越解往。至直省防河應發勇糧。仍著聯捷自行籌畫。不得以經費短絀藉口稍涉玩誤。將此由六百里諭令知之○命前任都察院左副都

御史張芾幫辦陝西團練事宜。以記名總兵官朱品隆為浙江衢州鎮總兵官。准新授江南徐州鎮總兵官詹啟綸暫留揚州軍營。補鑄河南唐縣知縣印信。從巡撫嚴樹森請也。以勦辦河南教匪出力。賞通判張桐等藍翎。並各加銜升敘有差。以廣西柳州水陸肅清。賞道員劉坤一。布政使銜。以賊寇太湖迎勦失利。浙江巡撫王有齡。下部議處。以江西饒九屬境肅清。予總兵官鮑超。以提督用。陣亡守備唐有餘。祭葬世職。予浙江杭嘉湖嚴並江蘇蘇常等處陣亡殉難縣丞翟綬。章教授蔡兆輅。教諭謝瀛賢。訓導張泳。按察司照磨周家駒。巡檢葛利普。典史華保。解從九品楊慶華。參將王鼎甲。遊擊沈光復。都司章龍守。備夏連玉。千總陳家修。把總胡元隆。外委陳天祺。驍騎校清海等六十員。祭葬世職。並紳民兵勇男婦等七千一百五十二名。分別旌卹如例。予江蘇常州閩門殉難故詹事府詹事龔寶蓮母惲氏。妻王氏等六名。口旌卹如例。

會典事例卷五

乙

大清文宗協天翊運執中垂謨懋德振武聖孝淵恭端仁寬敏
顯皇帝實錄卷之三百四十五

實錄卷五

辛

大清文宗協天翊運執中垂拱懋德振武聖孝淵恭端仁寬敏
顯皇帝實錄卷之三百四十六

咸豐十一年辛酉三月己亥

孝賢純皇后忌辰遣官祭

裕陵)諭軍機大臣等奏新等奏布魯西亞國通商事宜奏派

崇綸赴津辦理請由軍機處恭擬上諭一道交崇綸齎往給

與該首閱看以免歧誤等語各國公使於欽派大臣接見時

往往求看諭旨以為憑據奏新等所請擬給上諭以免該公

使生疑或藉端希圖入京亦為先事防維起見惟此次布魯

西亞國赴津通商一切事宜仍應歸該大臣等籌辦若另給

崇綸諭旨則必須有欽差字樣於總理各國事務衙門轉覽

事權不一且一國到津即須派一欽差大臣亦屬不成事體

崇綸赴津似無庸給與上諭或由奏新等妥擬照會告以各

國通商事宜均由總理各國事務王大臣辦理現經奏派崇

綸赴津會同三口通商大臣崇厚辦理如慮該商以崇綸等

非全權大臣不肯商辦或桂良文祥兩人中酌量一人帶同

崇綸前赴天津諒該商亦無可藉口將來換約蓋用印信即

用總理衙門關防較為妥協著奏新等將此兩節斟酌妥善

奏明辦理迂受倫布既不日抵津崇綸即著無庸前來行在

請訓將此由五百里諭令知之又諭清咸奏帶兵回省安

會經奉旨

十

會經奉旨

十

撫居民並歷陳東省團練情形一摺團練之設原以濟兵力
所不逮必須官紳一體兵勇同心協力內靖土匪外禦賊氛

於地方庶有裨益若如清咸所奏山東章邱縣之水寨衛新

城之南婁里等莊以及博山萊蕪等縣團勇遇有經過客商

往來差役輒敢擅行殺戮害及無辜甚至該署撫差弁亦被

圍丁網縛奪去馬匹現在捻匪竄入東境勢甚猖獗各處土

匪乘間竊發是團練禦賊尚無成效而抗官滋事竟有尾大

不掉之勢諱廷稟諒已馳赴新任著將清咸所奏各情嚴密

訪查如有藉團為名肆行不法及私立黑團聚眾抗官者立

即嚴拿究辦毋稍寬容其有公正紳士團練鄉民協同官軍

殺賊立功者該撫亦當隨時保奏以昭激勸現在山東捻勢

猖獗該撫務須力籌防剿毋令蔓延原摺著鈔給閱看將此

由六百里諭令知之 命大學士桂良賈楨稽察欽奉上諭

事件處 予廣東廣甯陣亡守備黃定安子總湯騏超把總

楊金榮并世職 庚子諭軍機大臣等奏奏檢匪計圖西

甯添派官兵前往商維擇要駐劄一摺捻匪由老河口回甯

厚坡李官橋一帶逼近商維該處隘口紛歧在在與豫境毗

連亟應擇要防堵著張蔭桓即飭所調固原提標官兵及原創

盤頭之西甯鎮兵迅赴商南交問石敏統帶同原存防兵妥

為布置如該逆西竄逼近陝境尚恐兵力單薄亟應添派官

文宗實錄 卷三四六

兵前往助剿毋令竄越至興安府屬之白河平利路通南陽及湖北先化等處亦恐有竄匪闖入並著嚴飭陝安鎮及地方官豫為防範相機堵禦惟該省地方遼闊官兵勢難處處設防必須聯絡鄉團藉資守助前有旨令張芾幫辦陝西團練瑛榮現署巡撫著即會同張芾趕緊激勵鄉團務令兵民互相保衛俾賊匪無隙可乘方為妥善另片奏陝省協解安徽軍餉應否仍解壽州請旨遵行等語壽州軍營需餉甚亟該省應協皖餉仍著照前解赴壽州軍營以資接濟將此由五百里諭令知之 兵部尚書穆蔭刑部尚書瑞常奏校勘宣宗成皇帝聖訓清文正本完竣酌保出力各員得旨吏部覈

議具奏單併發並查道光初年校勘

聖訓告成後所請獎勵與此次相較如有過優之處即酌擬裁減原單未請升階請旨之員於覈奏時仍聲明請旨 錄黃旗滿洲副都統克興阿等奏報賊竄朝陽即日進剿得旨現在賊勢若何賊數大約有多少應先由何路進兵趕緊明晰具奏○軍機大臣等奏圍庭被擾伯都訥副都統富隆額母扎克達氏前任貴州古州鎮總兵官已楊阿繼母那拉氏賞件遺失應否補給得旨均著照舊補賞扁額著楊泗傑書寫其餘賞件著由行在內務府行京內務府轉向敬事房討領補鑄貴州鎮遠府知府經歷儒學鎮遠縣知縣儒學水定

黃平二州知州永宣州儒學歸化通判黃平營都司各印信關防條記從升任巡撫劉源灝請也 辛丑諭軍機大臣等前因袁甲三奏催各省協餉疊經諭令山東等省將應解該營欠餉迅速籌撥現值捻匪鳴張粵逆紛竄該營軍餉積欠日多情形實屬危迫儻兵勇因飢譁潰大局何堪設想著文清慶瑞薛煥毓科嚴樹森譚廷襄常續將部撥袁甲三營協餉迅速如數籌撥派員剋日解往以濟急需該將軍督撫等毋得再事遷延致干重咎將此由六百里各諭令知之 又諭前據袁甲三奏團練構釁波折橫生當經諭令該大臣傳諭李世忠設計殲除首逆解散餘黨此旨諒已奉到本日據

袁甲三奏團練仇隙難解請催賈臻赴皖並密陳苗沛霖與孫家泰徐立壯勢難並存非酌為剪除不能咸事各摺片並據翁同書奏苗練圍偏壽州餉道已絕文報不通等語前因賴壽團練應歸地方官辦理以杜苗練誘脅業已諭令袁甲三催令賈臻赴賴督辦安徽全省團練現在苗練上下游肆擾及圍偏壽州情形實已甘心叛逆該大臣以該練平日勤匪有功且為擒匪所畏尚思牢籠駕馭所籌辦法亦不為無見惟苗練桀驁已極官兵不能稍制欲除徐立壯等為安撫苗練之計設該練因此愈形橫恣更將何所措手翁同書久病未痊李續宜到任需時安徽巡撫著賈臻署理即迅速馳

赴壽州按署撫養將苗練昇仇一事與袁甲三悉心籌商總期確有把握不可冒昧辦理致滋他變並將團練招撫事宜妥為籌辦以固人心而消隱患所有陝西省協解皖餉已諭知瑛榮徑解壽州即著賈臻派員催提前進以濟軍食本日袁甲三奏請飭催各省奏撥餉銀亦諭知文清等速行撥解矣翁同書另片奏太和縣知縣侯樞臣於倪邱集辦防忽被民人劉姓張姓刀傷身死等語是否不法匪徒蓄心滋事抑或該員有激變情事亟應徹底根究著賈臻嚴飭署潁州府知府程鈺將滋事首犯劉姓等嚴拏務獲東公訊辦毋稍疏縱將此由六百里加緊諭知袁甲三並傳諭賈臻知之

軍機處

五

記名總兵官定安為甘肅甯夏鎮總兵官。命欽差大臣勝保馳赴直隸山東督辦防勦事宜。補鑄江蘇布政使理閣庫大使長洲元和吳華亭辜金壇溧陽七縣知縣各印信從巡撫薛煥請也。以勦辦四川彭縣賊匪賞副將黎得盛參將馮翊翔巴圖魯名號知縣國澍等藍翎銜加銜升敘有差○于江蘇蘇州等處陣亡千總陸秀芳把總黃國標外委陳秀海高亮王松齡張得龍王世勳張桂棠九品銜沈維城蔡莽世職。壬寅諭軍機大臣等奏新等奏阻止俄國商人進京貿易現辦情形一摺前因俄國商人欲至京城貿易並欲由獨石口行走當經諭知奕訢等據理阻止茲據奕訢等奏

稱據俄囉斯館修士固理稟稱按奉本國來文陸路商人共二十名貨駝約百餘隻已於二月十九日由本國啟程擬暫由獨石口進京約於三月底可到當經派員以該商人不得到京貿易亦不得由獨石口行走之處向固理駁斥等語俄國商人並無在京貿易明文亦不得由獨石口入京業經奕訢等照會伊格那提業幅據理駁斥第恐該商人等仍由獨石口行走著文煜飭知該處地方官儻有俄國商人到口即據條約設法阻止不得任令進口至張家口地方雖准其將零星貨物銷售亦不得有設立行棧等事並著慶昶酌廉至轉飭張家口監督於該國商人到口時明晰曉諭令照條約辦理

軍機處

六

理如該商人在彼銷售零星貨物即留心防範毋令別生枝節是為至要原摺著鈔給閱看將此由五百里各諭令知之京口副都統巴棟阿等奏前江甯將軍和春奏報守備田仲恒浦口陣亡茲查該員遇救得生請飭銷卹典仍革職留營以觀後效從之。癸卯諭內閣克興阿等奏勒匪復勝克復朝陽一摺賊匪占踞朝陽經克興阿等帶兵進攻賊向東北逃竄官兵奮勇追勦該匪爭渡浮橋落水溺斃者甚多適感京黑龍江官兵同時趕到賊向山中奔竄我兵擒斬賊目蔣大全一名殺賊一百餘名救出難民二百餘名奪獲旗械多件當將朝陽克復所辦尚屬妥速即著克興阿等督飭將

士探明路徑迅速進攻毋令他竄以致滋蔓在事出力員弁著准其酌保數員毋許冒濫 諭軍機大臣等前因張亮基奏參徐之銘縱令兵練將就撫之回民轟退偏令馬椿齡自盡謀殺招撫委員孫鈞及請託賄賂各款當經諭令劉源灝迅速赴任將徐之銘撤任查辦嗣因徐之銘奏克復富民等處四城請將中有謀等獎勵恐有捏飾鋪張及保舉不實等情弊復諭令劉源灝東公查明具奏本日據徐之銘奏激江回匪假名求撫驟撲省城經何自清督帶兵練進攻江右館將徐元吉殺斃連破各營攻克呈貢縣城斃賊數十人請將何自清等鼓勵等語與張亮基前奏情形迥不相符難保非

實錄卷三四六

一

殺降冒功捏情入奏著劉源灝於馳抵滇省後嚴密訪查據實具奏毋稍瞻徇原摺著鈔給閱看將此由六百里諭令知之○又諭上年八月間據慶廉奏稱挑選得力勇丁二十名派副將黃得魁管帶啟程嗣因撫局已定該副將帶勇折回現在檢匪竄擾山東已有旨令勝保馳赴景州德州一帶防剿必須厚集兵力固守畿疆著嚴樹森察看該省情形如軍務稍鬆即派副將黃得魁管帶所部練勇二千名配齊軍裝礮械迅赴勝保軍營聽候調遣將此由六百里諭令知之○又諭現因檢匪竄擾山東地方勢甚猖獗諭令勝保前赴直隸景州山東德州一帶督辦防剿事宜亟應厚集兵力藉資

實錄卷三四六

一

堵擊著大煜挑派督標官兵六百名正定宣化鎮標官兵各八百名共二千二百名務擇其年力精壯技藝嫺熟者不得以老弱充數並將軍裝礮械剋日配齊遴委得力員弁管帶星速馳赴景州德州一帶聽候勝保調遣毋許稍涉遲誤再本日據譚廷襄奏東省檢匪教匪到處肆擾臨清與冀州等處東昌與順廣等處均屬毗連請飭嚴防等語並著大煜即飭正定鎮及大名鎮道酌帶官兵與山東官兵合力防剿毋得稍分畛域將此由六百里諭令知之○山東巡撫譚廷襄奏檢教各匪肆擾請嚴防北路以衛畿南得旨所奏是現已派勝保赴德州景州一帶辦理防剿矣○以候補總兵官劉義方為雲南騰越鎮總兵官 補鑄雲南提督印信從前署總督徐之銘請也 予雲南賓川祿豐緬甸等處陣亡著提督褚克昌副將魁昌守備譚嘉祿把總何懷清外委王璽知府張同登汪楚等十一員祭葬世職並予張同登於死事地方及原籍建立專祠妻施氏附祀汪瑩家屬貢生魯士醇等旌卹如例○豁免四川調赴江南等省陣亡兵丁唐開泰等長支米折銀兩○甲辰諭內閣樂斌奏請飭將投效軍營之已革守備解赴甘省審辦等語已革守備吳元慶前因不能約束兵丁經樂斌奏參革審發往新疆效力贖罪起解後輒藉病遷延來間潛赴勝保軍營捏詞投效實屬膽玩著勝保

迅即派員將吳元慶解赴甘肅交樂斌嚴審究辦皋蘭縣知縣於奉發收管轉解官犯並不小心防範任令藉病潛逃並著該督查明奏奏 又喻色克通額等奏哲布尊丹巴呼圖克圖之師傅並伊父可否恩施請旨一摺哲布尊丹巴呼圖克圖教經之師傅那旺鄂特色爾誘掖哲布尊丹巴呼圖克圖指教黃教經藝甚屬妥善那旺鄂特色爾著加恩賞給諾們罕名號哲布尊丹巴呼圖克圖之父密瑪爾數年撫養哲布尊丹巴呼圖克圖照料一切均甚留心伊父密瑪爾著加恩賞給五品頂帶花翎 諭軍機大臣等清盛奏教匪竄入陽教觀城並館陶縣被匪闖入旋即克復現飭濟東道明新等帶兵接捕並據杜翻奏擒匪南甯省垣附近已就肅清請籌辦修築寨圩並邱縣革縣冠縣館陶陽穀等縣被匪滋擾請飭派兵勦辦並查奏失事及帶兵還延不進各員各等語山東教匪勾結鹽匪土匪於陽穀等處滋擾疊陷縣城業經清盛派令濟東道明新帶兵五百名由東路趕赴東昌會合參將成志及土默特馬兵勦擊譚廷襄此時諒已到省著即催令明新等迅速前進並酌量添派得力將弁兵勇合力搜剿盡殲醜類毋任滋蔓署館陶縣知縣周曙東是否聞警先逃賊退後捏稱克復並此外失守文武各員均應嚴行查叅以示懲儆參將成志帶兵勦辦如有遲延畏葸情事並著該

會典事例

九

會典事例

九

撫查明參辦邱縣冠縣革縣匪徒入城前據聯捷奏係由求緩漕糧該地方官撫馭無方激生事端當令清盛查叅尚未覆奏著該撫一併查明奏奏其肥城東平一帶擒匪及沂州府屬幅匪應如何派兵堵擊並著妥為籌辦至擒匪疊次竄入東境肆行焚掠毫無堵禦以致百姓慘遭蹂躪杜翻請於省城關廂及各州縣地方一律修築土垣共圖保護意在堅壁清野惟辦理不善易滋流弊必須素得民心州縣督率公正紳士善為經理始不至有聚眾抗糧等事著譚廷襄體察情形妥籌辦理清盛另片奏安邱失守知縣陳用衡把總石萬魁不知下落賊向東南竄去德楞額李麟遇先後尾追等語著該撫查明失守情形及文武下落並此股擒匪是否回巢抑另有被擾地方詳細具奏將此由六百里諭令知之恭親王奕訢等奏參將長善等請留通商衙門得旨均免其迴避此係因事屬創始尚可權宜辦理嗣後應迴避者仍照例迴避又奏請將長善改用京職批總理衙門辦理俱係外國事務自與別衙門不同然格於成例若所請必允則各衙門必將效尤長善既熟悉情形所請改就京職尚屬可行長善著仍留二品頂帶以本旗參領遇缺即補若再行瀆請斷難格外恩施 吏部奏考試試差事宜得旨試題於前三日發下試卷於考試日交齊後即於當晚封固交與京王大臣

於次日隨報發送至行在此次考差人員均毋庸帶領引見
試卷即派隨扈人員校閱 命署倉場侍郎崇綸武備院卿
恆祺為總理各國事務衙門幫辦大臣 予山東淄川濰縣
等處陣亡佐領多伸保恆善防禦恆昌廉善駢騎校榮喜知
府陳介眉訓導陳威鳳把總王榮綬祭葬世職武舉譚占元
暨馬步甲一百三十一名賞卹如例 乙巳諭內閣義道等
奏遵旨審擬已革大員罪名一摺已革江南河道總督庚長
於捻匪竄撲清江輒退入淮城以致清江失陷該王大臣等
擬以斬監候秋後處決實屬罪有應得惟念庚長於清江失
陷後尚能會同克復著從寬發往新疆效力贖罪 諭軍機

會典事例

七

大臣等前據綿性奏請將私徵錢文改充公用等情當交常
清等查明有無流弊據實具奏茲據常清等奏遵旨擬將改
徵回賦事宜揀員赴阿克蘇查訪明確再行覆議等語綿性
私設鹽課並向安集延外夷收要鹽錢經英繡奏參曾諭令
常清等查明奏該將軍等以綿性所奏礙難懸揣派貴文
前往會商不知國家撫馭回疆輕徭薄賦裁禁陋規所以安
回眾之心若以軍餉不足輒欲更張成法將私徵改為公用
實不足以示大方常清等於此事未能確有把握何得派員
與綿性會商致有遷就含混之弊著仍遵前旨將私徵改為
公用有無流弊據實奏聞並將英繡所奏綿性各款逐一詳

會典事例

三

查具奏不得稍有徇隱將此諭令知之 又諭僧格林沁等
奏請飭直隸等省籌解餉銀等語各省應解僧格林沁軍營
兵餉直隸省尚欠二月分協餉三萬兩河南省自上年冬季
僅解過銀二萬兩現在積欠銀十三萬兩山西省自上年冬
季至今應解協餉銀十萬兩均未解到現在該營兵餉積欠
過多當此防勦喫緊之際亟應趕緊籌解著文煜嚴樹森常
績迅將應解僧格林沁軍營協餉速為籌解毋得再事遷延
並著譚廷襄於該省無論何款先行墊撥銀七八萬兩以資
接濟將此由五百里各諭令知之 命翰林院編修黃鉉仍
在南書房行走 以掌獲山東巨匪李金鼈予知縣洪調笙
等升擢有差 竊賊山東滋陽泗水嶧陽荷澤定陶嘉祥
濟甯曲阜壽張鉅野金鄉魚臺泰安甯陽鄆城蒙陰沂水新
泰東平濮曹蘭山莒萊莒城武范梁安二十八州縣東昌臨
清濟甯東平四衛所被擾被旱被風被水被災新舊額賦並
雜項銀 丙午署山西巡撫常績奏賊擾豫東派兵分防潞
遼得旨晉省兵丁強壯者甚少此次派防之師不過藉壯聲
勢著派員實力勸辦團練不准視為具文 丁未諭軍機大
臣等克興阿等奏勒匪復勝並生擒匪首正法各摺片匪首
李鴻淦被獲正法並據供匪首劉緒業於桃花岡接仗時受
傷身死其餘黨與當不難即時殲滅惟既供稱有吳義州

官軍接仗傷過官兵數十名之語深恐其意圖竄逸復致蔓延著克興阿成明督率將士進攻鳳凰山老巢務將要路堵截盡殲醜類並知照盛京官兵於山東面一帶合力夾擊勿令乘間逃竄其蒙古地方並著克興阿等知照該盟長一體嚴密堵剿搭捕餘匪毋令一名漏網另片奏兵餉不敷請飭撥解等語已諭知春佑於熱河道庫內撥銀二萬兩派員解往應用矣官軍連獲勝仗生擒首匪賊勢已蹙該副都統等亟宜乘勝進攻迅速肅清以節經費將此由六百里諭令知之

欽此

上

實保奏戊申諭軍機大臣等克興阿等奏進攻賊巢並追剿情形一摺官兵進攻鳳凰山賊巢該匪已由南天門山口逃竄賊眾尚有五六百人若不趕緊兜捕恐其四路逃散致留餘孽況賊首李鴻塗雖已擊獲尚有才實善劉名得未經就擒尤恐乘間逃往錦州一帶復圖嘯聚著克興阿成明督兵迅速追捕並知會奉天官兵協同截剿務將匪徒悉數殲擒毋令逃遁將此由六百里諭令知之又諭前因逆匪竄擾楚北分犯撫建諭令駱秉章由荊州下援江鄂或分兵數千先赴重慶俟江西賊勢稍平再行入蜀本日據駱秉章奏接據官文函稱江西撫建被圍援兵屢挫湖北賊勢擾及黃

欽此

古

賊孝感雲夢德安等府縣令分兵數十駐劄重慶以一軍援江一軍援鄂惟所部不滿萬人斷不能分撥三處現已檢劉焜昭一軍四千六百餘人前往湖北或鄂或江聽候胡林翼等調遣該撫仍率黃鴻照等營即日赴川等語四川軍務喫緊且為楚省餉源駱秉章現分兩軍一援江西一赴四川所籌甚屬妥協著即督率黃鴻照等兵迅速前進會合蕭啟江舊旅將川省逆匪認真剿辦勿令再肆蔓延其劉焜昭一軍著官文胡林翼酌度江鄂情形相機調遣偵賊勢稍鬆仍飭令前往四川以厚兵力至匪眾竄擾德安黃州等處現在曾否擊退並著官文等隨時奏報以慰廑念將此由六百里各諭令知之又諭本日降旨令候補總兵李定太幫辦徐宿勦匪事宜徐州地方為南北要衝現在逼近賊氛田在田勢難兼顧浙江帶兵之員尚有銳廷選張玉良等足資統率著瑞昌王有齡飭令李定太迅速統道前赴徐州毋許稍涉遲延致有貽誤將此由六百里諭令知之又諭前據聯捷奏匪徒擾及清豐當派兵勇往援匪眾解圍西竄仍飭遊擊吉忠阿等窮追並據常績奏擒匪逼近晉省派兵分防潞遵等處當以派防之師不過藉壯聲勢諭令該署撫派員實力勦辦聞練本日據嚴樹森奏冠羊等縣土匪已由濮州過河開州清豐南樂均有匪蹤並有圍竄大名山西之說請速籌勦

辦等語防河為聯捷專責乃東省匪徒輒由濮州楊家集等處渡河迨由清豐西竄復未將竄往何處續行奏報僅任令西竄豫境擾及山西或竟至北竄大名則完善之區勢將悉被蹂躪聯捷前派遊擊吉忠阿等帶兵追擊著即飭令確探賊蹤實力勦擊儻兵力不敷並著添派兵勇前往會勦毋任蔓延開州清豐南樂既有匪蹤尤應趕緊殄除著文煜嚴飭該地方文武迅速勦捕並著遵照前旨飭令正定鎮及大名鎮道酌帶官兵與東省官兵合力防剿至省省風稱股富久為匪眾窺伺該署撫前派防兵深虞單薄第恐該省兵丁強壯者少自應辦理團練以資捍衛著常續派委賢員實力勸導以收眾志成城之效其大同鎮備調官兵應否即令前往各要隘防守之處並著妥為酌辦務期先事綢繆勿致臨時貽誤將此由六百里各諭令知之 又諭田在田奏徐城布置已定仍回宿州妥籌勦辦一摺逆匪王玉科等勾結西捻東擾宿州情形喫重田在田自應仍回宿城藉資鎮撫惟邳州幅匪復起雖甯土匪亦欲勾結滄南捻匪合竄東路蕭縣則新起股匪莫斷餉道窺伺郡城沛縣與滕嶧毗連亦恐教匪竄擾各州縣防剿均關緊要著田在田即將各處匪徒痛加勦洗並督飭遊擊歐玉標等將盤踞虞姬墓之賊一律掃蕩並著吳棠將徐境團練趕緊整飭務令與各路官兵聯絡

以壯聲勢另片奏請飭催總兵詹啟綸連到徐州本任等語詹啟綸前經都興阿奏留揚州軍營該處防剿正當喫緊未便令其赴任本日已降旨令李定太幫辦徐宿勦匪事宜並諭令瑞昌等即飭該員星速繞道赴徐矣將此由六百里諭令知之 河南巡撫嚴樹森奏謝督辦勦匪事宜恩並現籌東南各路情形得旨著照所擬布置宋郡兵勇固宜裁汰老弱亦宜趕緊訓練至各營諸將應參則參斷不可先存俱不可用之心免致合營解體 以廣東按察使伊霖為布政使惠潮嘉道彭玉麟為按察使 命總兵官李定太幫辦徐宿勦匪事宜 以山東長清歷城邊界勦匪出力賞遊擊緒綸

花翎和州李銘丹等藍翎餘加銜升敘有差

大清文宗協天翊運執中垂謨懋德振武聖孝淵恭端仁寬敏
顯皇帝實錄卷之三百四十六

實錄卷之三百四十六

七

大清文宗協天翊運執中垂謨懋德振武聖孝淵恭端仁寬敏
顯皇帝實錄卷之三百四十七

咸豐十一年辛酉三月己酉諭內閣恭親王奕訢第二子著
命名載澄 諭軍機大臣等前據袁甲三奏苗練與孫家泰
徐立壯勢難兩立當經諭令速飭賈臻前往壽州接署撫篆
將此事與該大臣悉心籌商不可冒昧致激他變茲據袁甲
三奏稱苗沛霖經翁同書開導本可漸就範圍因徐立壯等
截其歸路以致和解無成現在苗練無路可歸徐立壯等所
招捻眾亦難久居城中業令李世忠前往壽州正陽一帶查
辦等語已於摺內詳細批示矣苗練人數眾多儻致激成事

實錄卷之三百四十七

一

端深恐難於收拾且徐立壯等所招捻眾並未薙髮遽入城
中情形亦極跋扈儻能以毒制毒殲除一二較之徒事羈縻
似有把握該大臣現今李世忠統帶馬步兵勇及水師礮船
前往查辦仍當持平辦理使之互釋嫌怨俟該練等結仇已
深不遵查辦亦惟有照此次批諭辦理但不可取一時快意
致貽後來鉅患該大臣於操縱機宜諒必悉心斟酌朕亦不
為遙制也將此由六百里諭令知之 欽差大臣袁甲三奏
壽州城圍稍鬆函致翁同書並飭張學醇等分別籌辦得旨
該練等結仇已深恐非查辦所能了結苗練既無歸路若令
進退維谷不激而生變其誰信之莫若以毒制毒今苗練即

攻孫徐以贖前愆兼洩私忿此三人中互相格鬪能殲除一
二官軍坐收其利較之數行羈縻似有把握以緝捕勤能
賞或京候補知縣鮑師剡花翎佐領常貴等蓋用承德縣知
縣奎壽獎敘于安徽泗州陣亡知州鄭沅曉騎校常有榮
葬世職庚戌諭軍機大臣等奏新等奏佛國哥士者聲稱
現既和好擬不俟繳款和清先行撤兵將粵城讓出惟藩司
衙門曾經伊國修益欲貨與領事官永遠居住英國如貨店
省署房屋即佛國可代為阻止現與哥士者議定將來扣款
交清後所租藩司衙門舊地一併交還彼時如中國仍欲將
此地租與佛國任聽中國自便並於契內載明旋由普魯斯

會集奏事

干

布爾布隆將退出粵東省城照會遞到等語英佛兩國不俟
扣款繳清撤兵退出粵東省城係為和好起見著勞崇光等
齡卽照奕訢等所議辦理設英國別有要求卽著勞崇光等
設法開導一面知照總理各國衙門照會哥士者令其阻止
並將英佛二國撤兵情形隨時具奏將此由五百里諭令知
之○又諭等諭欽差大臣袁甲三本日據翁同書奏苗練團
攻壽州情形危急經兵勇力攻兩河口嚴扼正陽斷其歸路
始退回下蔡等語與袁甲三所奏徐立壯等招引捻匪先赴
沐河口搶劫官民船隻為張學醇督練截回旋將兩河口苗
營攻破三座情形不甚相符苗沛霖與徐立壯等結仇已深

是以圍攻壽州雖經翁同書兵練擊退而九里溝尚有苗練
回營盤踞津要若不殲是非專攻苗練勢必激而生變况徐
立壯招集捻匪久居城中其志尤鉅翁同書為羣小所惑但
知苗沛霖之攻城狂悖而不思徐立壯等之假公濟私招集
擒服為患將來著該大臣仍遵昨日硃批及寄諭悉心酌度
妥速辦理不可因翁同書此奏稍涉游移翁同書原摺著鈔
給閱看將此由六百里諭令知之○人諭毛昶熙奏軍餉久
缺立虞潰散恐誤大局滙陳危急情形一摺據稱宋營兵勇
多不得力早應嚴加裁汰祇以無餉之故遲延至今擬俟嚴
樹森到營會商妥辦乃撫臣查無出省定期而欠解餉項已

會集奏事

三

至十餘萬兩現在南陽汝甯等處勦辦正當緊需餉甚亟
郡城修括殆盡潰散堪虞各等語歸德兵勇係慶廉移交毛
昶熙統帶其中曠悍及疲頓者原應裁汰抽換勁旅但欠餉
既多未能驟辦亦係實在情形該撫前奏宋營兵勇多湊雜
之流擬俟毛昶熙將各隊花名清冊送到卽派幹員前去點
驗分別裁撤惟委員裁汰兵勇尚恐難期覈實嚴樹森現在
督辦勦匪事宜著親赴歸德軍營會同毛昶熙認真裁汰務
令悉成勁旅並將歸德一帶防勦機宜和衷商榷布置稍定
再回省城其應需軍餉並著籌款撥解毋得遲延儻各存意
見動輒詭設兵勇因餉缺譁潰句結捻匪肆竄該撫身任

封疆豈能諉罪於毛昶熙耶毛昶熙經朕簡派督辦河南團練後令幫辦勦匪事宜應如何振刷精神維持大局乃因餉需欠缺巡撫不即到營督辦氣奏請撤回另賞差使亦屬非是著俟嚴樹森到營後一切軍務公同商酌斷不可各懷私見致誤事機本日據翁同書奏苗練進攻柏家圩經官軍擊敗生擒粵逆魏德林供稱苗沛霖調粵賊七百餘人係余姓管帶同赴下蔡並聞欲同廬逆先赴汴梁再圍壽州之說事之有無雖未可定但不可不先事豫防並著嚴樹森毛昶熙嚴密偵探妥為防範毋稍大意將此由六百里各諭令知之

○ 辛亥諭軍機大臣等嚴樹森奏河防不固搶匪竄撲內黃

會典事例

四

縣城關入楚旺經兵勇往勦退回直境一摺據稱山東冠莘兩縣及鄆鉅等縣匪徒由濮州渡黃西竄該撫調彰德營參將穆特布會同彰德府知府延齡帶領兵勇馳往楚旺堵禦嗣該匪攻撲內黃縣城不克遂分股直撲楚旺官軍迎擊失利匪眾乘勢闖入糧道張昀參將穆特布退回彰德郡城等語穆特布經嚴樹森派赴楚旺自應嚴密堵截何以賊匪來撲輒退回郡城有無違延不進捏報受傷情弊張昀是否畏葸逃遁著嚴樹森確切查明據實奏楚楚旺漕次正當開兌之際如有損失即著該撫與該糧道按數賠補無誤兌期現在該匪向清豐開溝一帶逃竄難保不再萌窺伺仍著嚴樹

森嚴飭總兵牛浩然等督率兵勇奮力勦洗毋留遺孽將此由六百里諭令知之 命前任大學士彭蘊章著兵部尚書于河南撤波寺地方陣亡都司楊彪祭葬世職 癸丑諭軍機大臣等成明奏追勦賊匪獲勝並擬令熱河等兵暫駐朝陽請飭福厚接濟軍餉各等語賊匪竄至廣甯縣大牛園地方經成明督隊追勦獲勝威京協領書明額等帶馬步隊九百名趕到業經會合前進惟賊匪未敢恐擾及威京各屬本日已諭知王明嚴飭所派官兵合勦克興阿現在行抵何處著即與成明督飭各軍實力勦捕毋任再有竄逃熱河步兵三百名西安步兵五百名既據成明請令暫到朝陽候調

會典事例

五

著即照議辦理前因克興阿等請撥餉需諭令春佑於熱河道庫撥銀二萬兩解往據成明奏稱現在官兵口分有欠至十數日者著傳諭福厚趕緊放給並飛速撥送前途追賊官兵以資接濟將此由六百里諭知克興阿成明並傳諭福厚知之 又諭成明奏追勦賊匪獲勝情形一摺據稱朝陽賊匪由鳳凰山向東北逃遁經成明督兵追至奉天廣甯縣屬之大牛園地方連夜進攻斃賊二百餘名餘匪乘夜逃竄成明現追至趙家屯地方威京協領書明額等管帶馬步隊業經趕到該總兵已派常陞及書明額等督兵先行跟追並咨王明豫行籌防等語王明前經續派步隊五百名馳赴錦甯

廣義一帶堵剿現在賊匪東竄著玉明嚴飭前派官兵扼要堵截如兵力不敷即速行添調官兵會同克興阿成明所派官兵前後夾擊其東南一帶並著迅飭牛莊防守尉海城縣知縣等協力堵禦務期聚而殲旃毋令一名漏網將此由六百里諭令知之○著湖南巡撫程德全奏報交部撫蒙日期得旨汝之病體既係舊疾自無難醫治著趕緊啟程北上以前任正黃旗蒙古副都統明慶著正藍旗蒙古副都統子盛京廣甯陣亡副總管哈清阿祭葬世職 甲寅諭軍機大臣等據御史許其光奏佛國祖寶藩司衙門與新約不符請飭另籌裁辦等語英佛兩國不俟扣款清楚先繳回廣東省

會纂卷三十四

七

城意在見好中國佛國貨店街署雖與和約不符此時扣款未清未便與之辯論該御史既有此奏著奕訢等悉心商酌若事屬礙難即可毋庸置議原摺著鈔給奕訢等閱看將此諭令知之 又諭據玉明等奏盜匪沿邊滋擾添調官兵截剿並請飭蒙古各旗一體協剿各等語該將軍等現將原調步隊五百名發給馬匹派協領恩合會同管帶並添調開原城馬隊二百餘名交佐領楊得富前往剿辦統計所謂馬步官軍不下二千名兵力不為不厚惟匪衆竄至廣甯所屬地方業已深入奉境難經成明等剿辦獲勝深恐完善地方被匪蹂躪著玉明倭仁崇霖飭令恩合等統帶各馬步隊會合

會纂卷三十四

七

克興阿等官軍務將此股盜匪四面圍殲除淨盡毋任再有竄逃仍遵前旨飭令牛莊防守尉海城縣知縣等一體堵截至清河遼朝陽寺等處之匪是否悉竄廣甯懷尚有餘匪屯踞即飭帶兵各員探明挖剿悉數殲除副都統侍順應否親行督剿並著該將軍等酌度緩急辦理其蒙古各王旗已諭知理藩院傳諭各該蒙古一體協剿矣將此由五百里諭令知之 又諭本日據玉明等奏請飭蒙古各王旗派兵協剿朝陽賊匪等語官軍攻破鳳凰山賊巢該匪竄至奉天廣甯縣屬之大牛園地方被官兵打敗逃竄現在西南兩面均有兵堵截惟東北一帶與蒙古各王旗部落相遠恐該匪竄入著理藩院傳諭蒙古各王旗一體派兵協同堵剿毋令逃竄並將屬下人等嚴加約束毋得窩藏容留及勾結為匪以期盡殲醜類一律肅清將此諭令知之 又諭薛煥奏浙省海鹽平湖乍浦失守現派兵勇防剿一摺據稱海鹽縣城於二月二十七日失守經蘇省援師會同浙師克復續有金陵逆匪數萬從蘇常竄聚嘉興嘉善復於三月初八日竄入海鹽乍浦平湖均於初九日失陷副都統錫齡阿前總兵朱興朝均不知下落等語平湖乍浦逼近金山且與奉賢等縣縣環地相接一經失陷則松江震動杭州省城北路亦形喫緊更恐窺伺浙東擾及完善地方薛煥現已與提督曾永忠籌

撥兵勇並收集浙省潰兵嚴扼金山要隘著即督飭將士約
會浙師夾攻平湖乍浦以圖克復並著瑞昌王有齡迅撥勁
旅會合攻勒母任久臨更須派兵進攻海鹽之賊以固浙東
門戶錫齡阿永興朝並海鹽平湖乍浦文武各員下落均著
瑞昌等查明具奏將此由六百里各諭令知之○乙卯諭軍
機大臣等有人奏直隸蘆龍縣知縣陳贊清上年秋間有永
平土匪才寶善等因案拏獲收禁該縣監中匪夥商姓賄囑
管獄家丁潛往獄中勾通外賊數十人將才寶善劫去該縣
賄囑同城官弁捏報公出並改劫獄為越獄又蘆龍縣王格
莊土匪王學典聚眾數百人搶掠遼安縣當舖破案王學典
賄通衙役將李德觀指為盜首該府委員審出真情王學典
令戶書童樹型賄通門丁黃升潘福等陳贊清暗受賄銀八
百兩遂將李德觀正法以滅口等語才寶善上年業經拏獲
陳贊清何以縱令夥匪劫獄遠颺王學典聚眾搶掠為害地
方該縣竟敢受賄寬及無辜似此婪贓枉法縱盜殃民實屬
大干法紀著文煜確切查明嚴參懲辦不准稍有徇隱原摺
著鈔給閱看將此由四百里諭令知之○丙辰諭內閣劉長
佑奏土匪闖入太平府並養利州城請將遇害及失事之地
方文武分別議卹革留一摺上年八月間南甯州土匪襲陷
太平府城復由安平等處撲犯養利州代理知州吳章湘等

會稽縣志卷七

八

會稽縣志卷七

九

督帶掛練在人嶺墟迎擊斃賊數百逆首吳凌雲另遣股匪
於十月二十九日乘夜統路撲入州城吳章湘等回援力戰
身受多傷匪黨凌光澈等分窺上思州經該處團紳黃文清
等圍剿破斃凌光澈著劉長佑即飭帶兵各員迅圖克復毋
令久踞知府銜署太平府知府龍州同知劉作肅著交部照
知府陣亡例議卹並著該撫將劉作肅妻姓氏及次子劉
家鳳查明奏請旌表著新大協副將揀發參將多祿上思營
千總黃耀麟李為標被戕情形並在州學正蔣應奎西隆州
州同馮應鏞及其餘員弁下落均著劉長佑查明具奏代理
養利州知州吳章湘把總梁萬雄均著革職暫留本任責令
戴罪自效儆再不知奮勉即著從嚴參辦○又諭勝保奏請
將獲犯過半各員免議並索賊通賊之同知請革職等因等
語前因委參領格本泰等未能將盜犯回四等拏獲降旨令
勝保查明奏茲據奏稱該員等會同地方官拏獲盜犯曹
三即回四等四名獲犯過半兼獲首盜尚知愧奮委參領格
本泰領催祥雲候補知縣王國棟均著免其議處宣化府知
府李培祐懷來縣知縣郭會昌於被參後協同格本泰等拏
獲盜犯著免其參辦未獲各犯仍著勝保嚴飭該員等迅速
查拏毋令漏網直隸獨石廳理事同知雙貴赴鄉相驗勒索
多贓致鄉約被逼自戕復縱令盜匪李二修等拒捕傷差任

聽夫使劫去回四以致要犯逃脫似此縱盜虐民實屬執法已極雙責著即革職拿問諭軍機大臣等前因徐之銘奏滇省軍務緊要請留張亮基在任調理當經諭令張亮基暫留本任督辦雲南軍務並諭令妥議撫回事宜茲據張亮基奏病難速痊應俟調理就愈即行赴滇等語滇省回務因徐之銘辦理率方致難展事前已諭令新任雲貴總督劉源瀚迅速赴滇查明辦理張亮基現在患病著准其在湖北宜昌一帶就醫俟調理稍愈即行馳回滇省幫同劉源瀚辦理安撫回衆事宜將此由五百里諭令知之○又諭樂斌奏撤匪滋事請飭山西陝西迅撥欠餉等語近年甘肅餉餉各省欠解過多該省設法籌湊已屬支絀現在西甯府屬撤回滋事兵餉更難延緩著常績瑛緊速飭各該藩司將欠解甘餉先行各籌撥銀十萬兩解赴甘肅以資接濟其餘欠解銀兩仍著陸續籌撥毋稍遲誤將此由六百里各諭令知之○又諭僧格林沁奏通籌南北大局密陳袁甲三奏參苗沛霖各摺片據稱苗沛霖屢著戰功近與孫家鼐專釁仇殺實因壽州民團擅殺苗練袁甲三奏參苗沛霖妄懷反側並不統籌全局請將袁甲三撤回將兵權移於苗沛霖等語苗沛霖與徐立壯孫家鼐仇殺國撲壽州疊諭袁甲三派員秉公查解近據袁甲三奏壽州城圍稍鬆現派提督李世忠前赴壽州一

帶相機查辦苗沛霖恃強跋扈袁甲三尚欲設法羈縻諒不致激而生變臨淮為南北要衝防勦正當要緊袁甲三未便撤回致有貽誤苗沛霖不候查辦輒圖攻壽州若再與以兵權恐愈形橫恣以後難於駕馭侯袁甲三查辦苗沛霖與孫家鼐等仇殺一案完竣再行酌奪辦理前股逆匪已回老巢後股尚在滕縣盤踞並有土匪幅匪教匪滋事急宜迅速殲除以靖地方前有旨令勝保馳往景州德州一帶辦理防勦事宜以壯北路聲勢該大臣惟當嚴飭各營將士痛加勦洗毋任蔓延將此由六百里諭令知之○又諭勝保奏統籌畿輔大局請撤回古北口兵勇並請飭孫治河及田在田辦山東團練各等語朝陽業經克復所有前調赴古北口駐劄兵勇一千名即著勝保撤回歸該大臣調遣山東省范縣至齊河一帶河防極關緊要惟孫治河係直隸道員兼辦東省防務深恐呼應不靈本日已諭知譚廷襄派員辦理矣至東省築寨辦團諸事前經諭令譚廷襄籌辦該撫現已到省自可次第舉行袁甲三因臨淮緊要一時未能赴徐田在田督辦徐宿勦匪事宜前據該總兵奏宿州情形喫緊邳州睢甯蕭縣等處匪徒同時並起已諭令該總兵痛加勦洗若令其回籍帶團助勦則徐宿一帶勢必空虛勝保請以田在田幫辦須俟袁甲三到徐後的量情形再降諭旨將此由六百里諭

今知之 又諭勝保奏請將天津道孫治兼辦山東防河事宜等語山東黃河自范縣至齊河均與直境毗連自應嚴扼防守俾免疏虞惟孫治以直隸道員越境辦理恐呼應不靈著譚廷襄迅派明幹大員辦理山東境內一帶防河事務並飭派出之員親歷巡查激勵鄉團互相保衛償所派之員疏於防範致有匪徒竄越即著譚廷襄據實奏奏將此由六百

聖諭奉旨

三

里諭令知之 補鑄浙江昌化縣知縣印信從巡撫王有齡請也 以免復安徵東流江西彭澤各縣城賞副將何瑞祥已圖魯名號遊擊唐連勝陳定國李惟善都司全佩玉守備劉連升等花翎知縣黃履亨等藍翎子副將李朝斌以總兵官用餘加銜升敘有差)丁巳諭軍機大臣等前因俄國商人欲由獨石口行走諭令文煜等阻止仍准其於張家口銷售零星貨物本日據慶昫等奏獨石廳邊界處所集場塵市均應豫為籌議並據文煜奏稱俄商行抵獨石口業經遵允改道各等語俄國商人呢爾丕依汪帝領跟役十八名喇嘛二十四名並駝馬車輛等於本月十九日抵獨石口經地方文武等據理阻止該商已遵允改道所攜貨物前據國理聲稱有令於途間零星銷售之語該商於獨石口折回其是否赴張家口抑往他處尚難揣測如多倫諾爾及熱河所屬州縣均有集場塵市難免該商在彼貿易自應密為防範著文

煜奏佑嚴防各該地方官如俄商行抵該處准其將零星貨物銷售不得設立行棧並曉諭居民與該商公平交易以期華夷相安惟不必張貼告示致令有所藉口將此由五百里各諭令知之 以武英殿恭辦

聖諭奉旨

三

宣宗成皇帝聖訓全書告成予提調官羅嘉福等獎敘有差)予河南歷次陣亡殉難官紳丁勇男婦等三百七十二名口旌卹如例 豁免四川調赴湖北等省陣亡兵丁張君樑等長支米折銀兩 戊午內閣欽奉 硃諭軍報稽延未有近來之甚者前於二十八日一時之內連到十二處昨日戊正後數刻內又到十一處雖朕披覽不覺過勞然事非一省頭緒紛繁豈能纖細無遺不知在何處逗遛可惡已極著兵部嚴飭迅速查明究在何處積壓何處遲滯即將該督撫臬司等分別輕重請旨嚴懲以儆將來不准以一行文了事辦如不辦該督撫臬司等平日玩愒從事積習已深經朕此次嚴諭後若仍漫不經心則是自貽伊戚無足顧惜)諭內閣袁甲三奏弁兵圍害主將句匪襲營派兵擊退一摺山西蒲州協副將格洪額帶兵駐劄安徽盱眙地方兵丁方保憫因被責懷恨圍害主將復敢勾結匪家集賊匪潛襲營盤以致格洪額遇害現經袁甲三派兵截擊斬獲殆盡其竄赴蔣壩之賊亦經官軍擊退地方一律肅清格洪

額激變兵丁是否另有別情。首犯方保福屍身未獲。所構職
斃有無捏飾。其同謀殺賊之犯。總李松山等四名。並尚未回
營之文武員弁下落。均著袁甲三詳細查明。毋稍含混。○諭
軍機大臣等。本日據瑞昌奏。浙省軍餉。月需四十餘萬。本年
僅聞省解到援軍餉銀三萬兩。此外協餉。毫無消息。江西省
非但協餉欠解。即浙省代墊援軍餉銀。亦未解還。並據王有
齡奏。浙省餉需匱乏。省外各隊。屢有索餉誹謗之事。省防士
卒飢寒交迫。甯紹等處。收成歉薄。錢糧微解。無多。僅捐亦幾
絕望。專盼協餉接濟。請飭湖北。湖南。廣東。江西。福建等省。速
將部撥協餉。如數籌撥。各等語。浙江嘉興府城未復。杭湖嚴
各屬。均有匪蹤。設因軍餉不繼。致寇氣日熾。蔓延於東南大
局。殊有關係。著官文。胡林翼。文格。勞崇光。耆齡。慶瑞。瑞璣。毓
科。將部撥浙省協餉。迅速如數籌撥。派委妥員。剋日起解。毋
許遲誤。江西省應歸浙省墊發援軍餉銀十餘萬兩。並著毓
科。速行籌解歸款。再據田興恕奏。稱湖南協餉項下。每月應
解該提督軍餉銀二萬兩。自上年四月以來。並未撥解。該官
兵應領月餉。業經停支數月。萬難支持。等語。著文格。將欠解
田興恕軍餉。速行撥解。以清舊欠。嗣後仍按月撥銀二萬兩。
以資接濟。毋得稍涉推諉。將此由六百里各諭令知之。又
諭。王有齡奏。賊匪出沒於皖南江浙之間。以婺源為咽喉要

路。請飭曾國藩酌增勁旅。統以名將分駐。婺城。俾浙東江西
道途無梗。商販自通。得以抽釐濟餉。兩省均有裨益。等語。婺
源為江浙皖南之要。若能厚集兵力。屹為重鎮。可以固衛嚴
廣信之防。即祁門軍營。亦可杜賊匪窺伺。著曾國藩酌量現
在情形。調撥得力兵勇。前往婺源駐紮。以為江西浙江聲援。
將此由六百里諭令知之。又諭。譚廷襄奏。遵議省城關廟
挑濠築圩事宜。一摺。山東省城關廟以外。挑濠築圩。係為護
城起見。惟關廟地面。民間廬舍墳墓。所在皆是。此次挑濠築
圩。有無妨礙。且周圍四十里有零。若無兵勇守禦。轉恐資賊
於事無益。著譚廷襄會同杜翻。再行悉心籌酌。如無拂民情
可以興辦。即將杜翻現存運庫銀七十兩。借動覈實辦理。並
須豫籌分設兵勇。以資捍衛。方為妥善。將此由五百里諭令
知之。又諭。本日據官文。胡林翼奏。湖北兵力不敷。勦辦暫
難籌撥。並據李續宜奏。督兵追勦。逆勢難兼顧。壽州各一
摺。逆匪竄陷黃州。武漢震動。省垣存兵無多。現在孝感。各縣
雖已克復。而竄踞黃州之賊。亟須厚集兵力。四面圍攻。官文
等奏。稱湖北兵勇不敷。分數若再勉強抽撥。恐愈形單薄。貽
誤事機。自係實在情形。所有前此諭令該督等調撥精兵二
千名赴三河尖駐剿之處。即著暫緩調遣。李續宜業已統兵
回援湖北。壽州籌辦事宜。自難兼顧。即著該撫督飭各路官

軍規復黃州母任久踞並將德安一帶賊匪奮力截擊母令
西甌侯鄂省軍務稍平再赴新法袁甲三在臨淮未能兼顧
粵州前已令賈臻暫行署理安徽巡撫並令其駐劄潁州至
苗沛霖與徐立壯孫家泰仇殺一案已疊次諭令袁甲三妥
為籌辦矣將此由六百里諭令知之○欽差大臣袁甲三奏
苗練大隊撤回下蔡得旨續接以後寄諭自有妥酌辦法隨
時奏報毋得遲延 著安徽巡撫賈臻奏苗練仍宜暫示羈
縻得旨賈臻所奏不為無見著軍機大臣鈔與袁甲三閱看
斟酌妥辦 山東巡撫譚廷襄奏遵籌防勦事宜得旨覽奏
布置各情尚屬妥協 命前任雲南提督傅振邦辦理山東

清實錄

卷一百一十七

登萊青防堵事宜翰林院編修徐昌緒辦理省城西北團練
事宜 命候補四品京堂員外郎閻敬銘以按察使候補
以截勦貴州清水江賊匪出力賞遊擊趙德光卜發友巴圖
魯名號守備崔登高趙德駿花翎知縣孫清芳等藍翎餘加
銜升敘有差○以浙江勦除富陽桐廬等處賊匪並攻克新
城臨安遂安三縣城賞副將貴廷芳楊金榜王振聲總兵銜
守備陳鳳超等花翎知縣史衍慶等藍翎餘升敘有差予陣
亡知縣陳壽年總王有發祭葬世職 以克復湖北孝感雲
夢應城三縣城並肅除逆首賞都司王吉巴圖魯名號道員
全國琛按察使銜副將成大吉等加銜升敘有差予陣亡參

將劉中和都司尹翠日外委歐正亭等祭葬世職 以浙江
石門縣城被賊竄陷暫革總兵官吳再升職帶罪效力○予
山東歷城陣亡訓導馮瑜從九品張殿貴祭葬世職團長張
震奎及其子童生張殿元賞卹加等

清實錄

卷一百一十七

大清文宗協天誥運執中垂謨懋德振武聖孝淵恭端仁寬敏
顯皇帝實錄卷之三百四十七

大清文宗協天翊運執中垂謨懋德振武聖孝淵恭端仁寬敏顯皇帝實錄卷之三百四十八

遊修德堂官經建日講起居注官太子太保上書學士師傳文淵閣學士翰林院掌院學士稽察欽奉上諭事件處內中書總記
臣等奏

大學士管理兵部事務加十三級紀錄十四次
賈樹堂奉命代巡歷陽太子太保文淵閣學士
武英殿總裁官教習康士士禮仁

大學士管理戶部三庫事務管理刑部事務四十二歲乾隆十六年
周柱垣字敬齋官太子少保保通內閣書房事務對引入廷筆戰大臣

鎮藍旗滿州都統戶部尚書管理三庫事務加四級隨帶加五級紀錄十六次

達國史館編纂官正藍旗蒙古都統禮部尚書管理大將軍鴻臚寺事務加二級軍功加四級隨帶加八級紀錄五次臣優什琿布等奉

救修

咸豐十一年辛酉夏四月己未朔享

八

—

太廟遣豫親王義道恭代行禮○諭內閣○昨因軍報稽延諭令兵部查明係在何處積壓遲滯即將該督撫臬司等分別輕重請旨嚴懲本日據穆蔭等奏遵查軍報稽延時刻開單請飭查辦等語各省摺報均應按限馳遞乃據穆蔭等查開三月二十七二十九兩日各處奏報有遲至數日始到者甚至有遲至三十餘日始到者其東直門腰站遞至熱河時刻據稱亦有遲誤似此任意耽延殊屬不成

事體。所有遲延軍報之本省。及經過地方之督撫臬司等。著該部查取職名。分別輕重。從嚴叅奏。並著勒限一個月。令各該督撫臬司等。查明積壓遲延之地方官。嚴叅懲辦。如逾限不行查覆。即著該部。將該督撫臬司等。指名嚴叅。其東直門腰站。顯有積壓情弊。順天府兼尹張祥河。府尹董醇。著先行交部嚴加議處。○又諭。據嚴樹森奏。勦辦汝甯捻匪情形一摺。捻首陳大喜等。圍攻汝甯。經官軍擊

卷之三

人

退竄踞范寨等處攻破汝南埠經候補道張曜等帶隊往勦連戰皆捷賊復分路來撲廖慶謀等督兵壓退賊環攻王圩復經張曜帶隊馳救賊始東竄著嚴樹森嚴飭鄭元善張曜等迅將該匪殲除毋任蔓延○又諭前因慶廉賈臻互相叅奏降旨將該員等撤任交嚴樹森秉公研訊嗣據嚴樹森覆奏以賈臻徵收錢糧尚非擅改舊章貽誤軍餉係因庫款支絀候補知縣張紹英與賈臻雖係姻親

例不迴避。幕友周泮查無貪贓情弊。惟曾為賈臻屬員。致招物議等語。復諭令將該員等原叅各條逐款查明。再降諭旨。茲據奏稱。慶廉自奉旨督辦。勦匪後。僅提過賞勇銀兩數目相符。賈臻因餉銀解足。尚有缺欠勇糧疑慶廉有入己情事。歸德傷亡員弁。節經慶廉奏請卹典。幕友余霽於查辦後。即移出撫署。已據實具奏。並無欺罔。所叅訶斥首縣。借公記過。亦無證據。其慶廉之子候選道恩麟。並

無招搖納賄情事。惟帶勇出省。妄立名目。有乖體制等語。慶廉與賈臻互叅各款。雖據嚴樹森查明均無確據。惟慶廉以巡撫大員。不能正己率屬。致屬員得所藉口。賈臻不能與慶廉和衷共事。輒負氣叅揭。均有不合。著一併交部議處。慶廉即來京聽候部議。另片奏糧臺委員閔春濤呈出帳簿核對。慶廉提用賞耗數目相符。惟於勇丁口糧籠統開報。積欠勇糧至一萬兩之多。殊屬蒙混。河南府通

判閔春濤著暫行革職。勒令交出原帳。確實覈算。儘查有侵蝕入己情事。即從嚴叅辦。如實有積欠。即著落該員賠補。以示懲儆。○又諭據克興阿等奏。追勦竄匪。斬殺淨盡。一摺。朝陽匪衆自竄至廣甯縣大牛圈子。被擊敗遁。復竄至羅家臺地方。意圖抗拒。官軍奮勇進攻。立斃賊匪七八十名。匪勢不支。乘夜狂奔。成明等督兵截擊。殲斃數十名。奪獲槍礮旗械多件。餘匪欲由白土廠門向邊外逃逸。

克興阿隨後趕到。合兵兜勦。副都統侍順復帶領馬隊沿邊揔捕。經官兵並鄉社人等獲賊百餘名。立時正法。擒獲匪衆家屬七口。贏馬車輛多件。克興阿等復出邊追勦。至新里屯地方。並派協領常陞至兵馬路一帶。揔捕匪衆。業已擒斬殆盡。勦辦尚屬妥速。所有在事出力人員。准其彙入克復朝陽案內。擇尤保奏。候朕施恩。○諭軍機大臣等。克興阿等奏朝陽竄匪業經官兵迭次攻勦。擒斬殆盡。

據稱已將舒明額所帶盛京馬隊四百名。交候補協領恩合統帶。在沿邊一帶挖拏餘匪。自不難淨絕根株。惟匪首才寶善。劉名得。徐洛紅。均未擒獲。未便任其竄匿。致令復圖嘯聚。著玉明。倭仁。景霖。侍順。飭令恩合等。會同各該地方文武。實力挖拏。務須悉數擒獲。儻查知該匪等。或已斃命。亦須挖獲屍身。確鑿有據。毋許空言塞責。才寶善籍隸永平。難保不逃往直隸境內。並著文煜。飭屬一體嚴緝。

中書奏

上

母任漏網。所有前調官兵。除盛京熱河等處馬步隊。已諭令克興阿撤回歸伍外。其黑龍江兵一千名。駐劄建昌。西安兵一千名。仍劄古北口。應領口糧。均著由古北口糧臺給發。將此由五百里各諭令知之。○又諭。據克興阿等奏。追剿竄匪。斬殺淨盡。請將馬步官兵。分別派赴古北口及歸伍等語。此股賊匪。挖捕淨盡。惟首匪才寶善等。尚未就獲。本日已諭知玉明等。派員設法嚴拏。其由古北口調

中書奏

上

往礮位。均著解至熱河。交春佑收存。護礮弁兵。並著歸伍。克興阿俟派撥事畢。即來熱河行在。成明已賞假十五日。准其就近省墓矣。將此由五百里諭令知之。○河南巡撫嚴樹森奏。裁汰兵勇。搏節餉需。得旨。前已有旨。令汝馳赴歸德。裁汰兵勇。簡練軍實。統由汝會同毛昶熙。覈實報銷。斷無身為督辦。諉難於人。自居其易之理。○以福建連城縣城被賊竄陷。革道員張啟煊。遊擊袁良。同知程鐸職。留營效力。守備陸秉鈺。革職。拔去藍翎。胡鴻奎。以千總降補。○以不守紀律。革河南汝甯帶兵知府廖慶謀。遊擊王天保職。留營效力。○予河南南陽等處陣亡把總江成金。祭葬。世職。五品軍功。金勝文等。賞卹加等。○庚申。諭軍機大臣等。據勝保奏。隨營各員。不敷差委。請飭調總兵張得勝。候補鹽運使金安清等。來營差遣等語。張得勝。現在袁甲三軍營帶兵。能否前赴勝保軍營。著袁甲三酌量派

往金安清前因辦理捐務呈報捐輸不符並填用空白部照亦多短缺經袁甲三奏參降旨飭令赴皖清釐該員經手事件如已依限完竣即著飭赴勝保軍營聽候差遣將此由五百里諭令知之○准丁憂河南按察使周士鏜往勝保軍營差委○辛酉常雩祀

天於

圓丘遣禮親王世鐸恭代行禮○諭軍機大臣等據克興阿奏朝陽地方緊要請將盛京馬

隊二百五十名留資彈壓等語黑龍江馬隊前諭留劄建昌此項官兵或分數百名駐劄朝陽或全數移往以資彈壓著克興阿斟酌情形妥為辦理所有盛京馬隊著仍遵前旨撤回歸伍另片奏文煜遵撥保定營瓶子砬礮鐵礮可否暫存熱河等語此項礮位前據文煜奏稱已於三月十三日派員管解啟程計期當已解到大營著克興阿於解到時即派弁兵運赴熱河交該都統收存將此由五

百里諭令知之○壬戌諭內閣據愛仁等奏

五城粥廠懇請展限一摺五城粥廠至四月間應行截止惟念京師入春以來糧價日昂現在各廠人數尚多加恩著展限兩個月至六月初四日截止並於例給賑米外每廠每日仍加賑米一石以資接濟並責令五城御史覈實散放毋任吏胥舞弊以副朕軫念窮黎有加無已至意○又諭據瑞昌王有齡奏官軍克復海鹽並擊退鍾埭賊匪一摺本年

二月間逆匪竄陷海鹽經瑞昌等飭令已革副將張威邦等會同署江南提督曾秉忠援兵於二十九等日克復其盤踞鍾埭賊匪亦經已革總兵米興朝等沿河衝殺擊毀賊船將賊卡全行燒毀平湖境內一律肅清惟前據薛煥奏稱海鹽克復後逆賊於三月初八日復將該縣竄陷分犯乍浦副都統錫齡阿等不知下落平湖已於初九日失陷各等語此次瑞昌等所保各員除錫齡阿米興朝下

落。仍著該將軍等查明具奏外。提督曾秉忠遊擊黃金友。及其餘出力文武員弁。著俟海鹽克復後。覈其功罪具奏。再降諭旨。○諭軍機大臣等。前據聯捷奏報。賊匪由南樂回竄觀城。派員帶兵追剿。並據文煜奏稱。派撥天津鎮標兵一千名。交大名道王榕吉等統帶。將此股賊匪實力勦辦。本日據文煜奏。上月二十五日。曲周縣城被匪竄陷。現催前調天津等鎮官兵。星馳往援等語。曲周去南樂較遠。何以該匪遽能竄至。抑係山東邱縣教匪就近闖入。未據該署督聲敘明晰。該縣地近北路。豈容賊匪肆行竄擾。著文煜飭令派出援兵。迅速前進。會同大名鎮道實力攻剿。毋許遲延。勝保於何日由京啟程。未據奏報。前據該大臣奏稱。探明何路最緊。即由何路督剿。自毋庸拘泥前旨。專防景州一帶。著即酌量緩急。或親督官軍。或派兵馳往。迅將該縣城池克復。並將該匪全行撲滅。毋任蔓延。文

煜應否出省。即著與勝保商酌辦理。至聯捷防河是其專責。於該匪渡黃後。擾及清豐楚旺。南樂等處。僅以叅濮州等官了事。未能迅速擊退。致該匪漸圖北犯。若再遷延貽誤。豈能當此重咎。著即督飭前派兵勇。會合勝保等官兵。奮力勦擊。肅清畿輔。同知林世俊。於奉派帶勇。應援不力。即著文煜嚴叅治罪。曲周縣同城文武。有無先行逃避。並著查明具奏。將此由六百里各諭令知之。○署四川總督崇實奏。密陳蔣玉龍。堪勝提督。得旨。所見與朕意適合。○賞已革貴州提督蔣玉龍二品頂帶。署四川提督。○予故四川提督郭相忠。祭葬卹廕。諡忠毅。○癸亥。諭內閣。伊精阿著充大阿哥滿洲諸達。○又諭克興阿奏。請將捏稟冒功之已革知縣。交部嚴訊一摺。已革朝陽縣知縣富昌。前因朝陽失守。革職拿問。乃官兵及鄉社人等。將匪首李瀾。塗拏獲後。富昌輒以親拏李瀾。塗。礮擊劉豬。並臚列

未入流章鉞等呈報克興阿軍營復詳熱河都統求為入奏顯係捏稟冒功希圖未減並因鄉長闕舉供吐實情率行看押實屬膽玩已極著克興阿即派員將富昌押赴熱河交行在刑部嚴行審訊按律懲辦○諭軍機大臣等據都興阿奏叛勇撲擾三河並天長六合踞匪圍犯儀揚勦辦布置情形一摺盱眙防守副將格洪額被部下叛勇勾結逆匪戕害前經袁甲三具奏已明降諭旨今查明有

無激變各情辦理矣惟天長六合逆匪糾合捻逆並江南安徽逆黨數萬竄至儀徵新城聯絡劉家集等處意圖撲犯揚城雖經該將軍派總兵詹啟綸等分路進勦賊衆潰敗追殺數十里踏毀賊壘數處但該逆又有由江南糾賊復竄瓜揚之信此時防勦極關緊要其天長逆匪分股竄擾湖西擄有船隻冀圖東竄高寶一帶尤宜加意防範著都興阿黃彬嚴飭將弁分投堵勦毋使賊匪竄擾瓜揚

高寶等處將此由六百里諭令知之○又諭本日據聯捷奏派勇追勦濮匪偁令渡河朝城之馬老莊舍利寺兩處范縣之舊城鳳凰臺等處均有匪徒豎旗搶劫請飭譚廷襄迅撥兵勇防勦卽縣莘縣冠縣堂邑館陶臨清陽穀朝城八州縣均被賊擾官多遷避勝保現奉旨由景德進勦深恐匪徒西竄請飭令由西北兩路進攻以免擾及畿疆各等語昨因文煜奏報曲周縣被匪竄陷已諭令勝保

迅速撥兵南下至朝城等屬匪徒業據譚廷襄奏明新等由堂邑進兵著卽飭令迅速前進將邱縣冠縣莘縣踞匪剋日殲除克復城池並濮州回竄之匪及范縣朝城續起匪徒一律殄滅毋留餘孽並嚴防濮州范縣各河口以免該匪再得渡黃肆擾至明新等所帶官兵合之土默特馬隊為數無多應否添調兵勇助勦並著該撫斟酌辦理至地方文武遇有匪擾輒卽遷避亟應嚴加懲辦所有被

擾各州縣文武地方官。如有畏葸逃避情事。即著譴廷裏密速查明。嚴叅治罪。毋稍姑息。將此由六百里諭令知之。○又諭據賈臻奏。滙陳皖北情形。請飭勝保督師皖豫一摺。據稱苗沛霖藉口復仇。力攻壽城。近又勾結廬州髮逆。屯劄下蔡。自率練衆進逼正陽。意圖扼淮上流。以絕壽臨兩營餉路。袁甲三鞭長莫及。翁同書更無從展布。惟飭勝保督辦皖豫軍務。駐劄潁州。則歸德一郡近在腹裏。無須重兵。移其全力。可以進剿擒剿。懾伏苗練等語。所奏亦係實在情形。惟現在畿南地方。防勦喫緊。前降旨令勝保統兵赴景州。德州一帶督辦。非將逆匪殲除淨盡。北路肅清後。未能率師南下。况袁甲三駐兵臨淮。若勝保復督辦皖豫。必致諸多掣肘。賈臻現駐潁州。前已有旨。令署巡撫。辦理苗練尋仇一事。及團練招撫事宜。現雖尚未接印。亟應趕緊籌辦。著仍遵前旨。與袁甲三商酌妥辦。未可專

待勝保。致誤事機。○盛京將軍玉明等奏。高麗明德成等毆傷旗兵郭振奎身死。得旨。著咨行該國。令其自行嚴緝首犯。定擬辦理。○以翰林院侍講學士張之萬為詹事府詹事。○以追勦直隸清豐南樂竄匪出力。賞外委婁鳳閣等六品頂翎。○予山東臨清州陣亡。在籍刑部司獄王淑琳縣丞于長慶訓導劉昉。遊擊銜李萬年。都司銜王梁等三十員。祭葬世職。舉人姜毓杰等賞卹加等。附祀故知州張積功等專祠。○予山東金鄉蘭山等縣陣亡布政司理問張知言。經歷張緯。未入流張春麗。外委李殿芳。祭葬世職。六品頂帶馬毓德等二十九員名。賞卹加等。○甲子。諭內閣。據戶部奏。請將延不報銷軍需各員。先行議處一摺。廣西省自道光三十年至咸豐二年。陸續動撥軍餉一千一百餘萬。前經戶部專案奏催。降旨勒限趕辦。上年復經該部奏。令於十二月前奏報到部。迄今逾限數月。仍

未造報。實屬辦理遲延。所有現任廣西巡撫劉長佑。布政使張凱嵩。著先行交部議處。並著該撫查明歷任巡撫及藩司。經手各員職名。奏請交部嚴加議處。即將道光三十年至咸豐二年。該省用過軍需銀兩。逐款詳查。分晰開單。據實奏報。咸豐三年以後軍需各款。並著挨次造報。其捐輸釐金收支細數。隨同軍需冊籍。一併送部查覈。毋再稽延。至廣東代發雇募潮勇經費。及前任兩廣總督徐廣

縉。在梧州行營截留銀兩。著兩廣總督會同廣西巡撫。迅速查明報部覈銷。以清款目。○諭軍機大臣等。色克通額等奏。俄國送到烏槍。派兵演習。擬於烏里雅蘇台將軍庫存內撥解火藥等項。並酌擬酬答該國。及賞給使臣等緞疋一摺。已諭令色克通額。屆期前赴恰克圖。督率京城派出兵丁。妥為演習。並准於烏里雅蘇台庫存內。撥解火藥等項矣。至所稱酬答該國賞賜錦緞大緞江紬二百端。

賞賜伊格那提業幅大緞十二疋。固畢爾那托爾大緞四疋。瑪爾爾大緞二疋。該辦事大臣等誤會意旨。以為朕之賞賜殊屬大錯。究應如何酬答。著奕訢等妥為商議。再行具奏。屆時只應作為庫倫辦事大臣酬答該國之件。斷無以官物給發。反為臣下相酬之理。本日復據慶昫等奏。俄商攜貨進張家口。堅欲赴京銷售。經慶昫等派出委員。再三阻止。該商目始將車輛貨物落店。致信固理商辦等

語。俄商前欲進京貿易。經奕訢等按照條約。逐層指駁。照會伊格那提業幅。現在該商貨物已進張家口。仍恐堅欲進京。所致固理信函。難免藉詞狡執。著奕訢等設法開導。固理務遵條約。不得率行入京貿易。以致漫無限制。即在張家口。亦祇准行銷零星貨物。不得設立行棧。以符條約而防弊端。色克通額等原摺二件。均著鈔給閱看。將此由五百里諭令知之。○又諭據色克通額等奏。派兵演習

烏槍應用火藥並酌擬酬答俄國禮物一摺。據稱俄國烏槍送到恰克圖時。派兵演習。應用火藥等項。擬於烏里雅蘇台庫存內撥解。並酌給該國等緞疋等語。俄國烏槍送到。派兵演習。所需火藥等項。既採買不及。即著色克通額等。行知烏里雅蘇台將軍。於庫存內迅速撥解火藥三千斤。鉛丸三百斤。火繩五百斤。以備演習。其酬答物件。應如何辦理之處。本日已諭知恭親王奕訢等。妥議具奏。色克通額等。俟奕訢等奏明後。再行辦理。派演烏槍兵丁。到庫倫後。即派色克通額管帶。赴恰克圖。督率該兵丁。認真演習。所有庫倫應辦事件。即著多爾濟那木凱。妥為辦理。將此諭令知之。○又諭。前因克興阿奏。朝陽尚須留兵鎮守。諭令將黑龍江馬隊分撥數百名。或全數移往。本日據勝保奏。畿南軍務喫緊。請調馬隊助剿等語。山東教匪竄陷曲周勢頗猖獗。亟應添兵助剿。朝陽業已肅清。自無

須多兵鎮守。著克興阿。即於所帶黑龍江馬隊一千名內。挑選五百名。務擇其年力精壯。技藝嫺熟者。派委得力之員統帶。剋日啟程。取道京師。前赴勝保軍營。聽候調遣。無許遲誤。其餘黑龍江馬隊五百名。即著留劄朝陽。以資彈壓。將此由六百里諭令知之。○又諭。前因曲周縣城被匪竄陷。諭令勝保派兵剿辦。本日據勝保奏。探聞此股匪徒。頗形猖獗。業已派撥官兵。馳赴廣平威縣等處。並請調馬隊助剿等語。曲周匪衆。窺伺廣平。莘縣等匪。逼近大名。元城亦形喫緊。亟應速籌撲滅。以靖畿輔。勝保已飭正定兵八百名。馳赴廣平。並令伊綿阿撥兵一千。前往威縣。復派候補副將成祥。統帶西安馬隊三百名。馳往會剿。著即飭令星夜前進。會同大名廣平等處兵練奮力堵剿。務將曲周縣城速行克復。以免延蔓。勝保應由何路督剿。即確探賊勢趨向。相機前進。不可專防景州德州一路。以致

顧此失彼。所請調朝陽馬隊。因該處尚須留兵鎮守。已諭令克興阿。挑派黑龍江馬隊五百名。取道京師。前赴該大臣軍營候調。著即催提前進。至該大臣前。請調河南副將黃得魁。練勇。昨據嚴樹森奏稱。黃得魁現在患病。步履蹇滯。所帶練勇二千名。皆臨時招募。並無紀律。現已遣散等語。已諭知該撫。免其徵調矣。將此由六百里諭令知之。○以前泰甯鎮總兵官載齡。署禮部右侍郎。理藩院左侍郎。裕瑞。署兵部右侍郎。○以太僕寺卿吳存義。為通政使司通政使。○以兵部左侍郎慶英。署正藍旗滿洲副都統。鑲藍旗滿洲副都統。靈桂。署鑲藍旗護軍統領。鑲藍旗蒙古副都統。巴雅爾。綽克托。署正藍旗蒙古副都統。○賞前任烏什辦事大臣保恆。副都統銜。為烏嚕木齊領隊大臣。○以克復貴州定番長寨州廳各城。並防堵省城出力。升任巡撫劉源灝等。下部議敘。賞副將蘇萃超。都司舒良

實錄卷八

七

貴。熊俊。巴圖魯名號。都司滕得勝。由興祥。守備趙德駿。向子光。滕家喜等。花翎。千總李登。鑲藍翎。予副將周學桂。參將羅孝連。吳安康。以總兵官用。給周學桂父母。並總兵官趙德昌。父母。二品封典。陣亡副將毛克寬。遊擊田興勝。祭葬世職。如總兵例。並於死事地方。及各原籍。建立專祠。都司朱金亮。守備蔣文榜。千總陳連芳。把總唐必昌。外委田發祖等。二十六員。祭葬世職。○予貴州貓貓山勦賊傷亡總兵官郭啟元。祭葬世職。並於川黔邊界。建立專祠。○予安徽陣亡外委張錦標。祭葬世職。○展緩廣東樂昌。和平。連平。四會。開建。靈山。陽山。七州縣。被擾地方。舊欠額賦。○乙丑。諭內閣。據譚廷襄奏。陣亡失守之州縣等官。現經分別查辦等語。山東朝城縣知縣董涵。於賊匪竄撲該縣時。親率役勇出城迎擊。立即陣亡。著譚廷襄查明請卹。並查典史郭承璐。外委蕭金鐸。是否捏報受傷。已革濮州

實錄卷八

七

知州范允中。前經聯捷奏。降旨將該員發往軍臺效力贖罪。現在尚無實在下落。著與該州文武各官下落一併詳查。如有逃避情形。即著嚴叅懲辦。署范縣知縣趙錫齡。被匪闖入縣境。並稱另股土匪焚燒衙署。以致監犯逃逸。顯有先期逃避情事。著譚廷襄確切查明。從嚴叅辦。○又諭。據勝保奏。提督大員族人被害。請飭查辦一摺。江南提督李世忠。迭著戰功。擢膺顯職。其親族人等。前經降旨。

欽此

欽此

准其回籍安業。乃據該提督以族屬住居安徽霍邱縣之葉家集。有固始縣匪徒鄔有功等。於本年三月初七日。率商城固始二縣匪棍。搶去該營運售餉鹽竹篴四對。內餉銀五千兩。復於十一月。將該提督族叔都司李丕戴。族兄遊擊銜李昭雲。一家圍搶。並將本宗親戚搶掠一空。不知曾否傷殘人命等詞。赴保軍營稟訴。李世忠親族在霍邱居住。何以商城固始匪徒尋仇報復。肆行搶掠。必應

嚴行究辦。著嚴樹森即派委公正大員。前赴商城固始地方。秉公查辦。將首先滋事之鄔有功等。傳案嚴訊。從重懲治。以儆兇頑。○諭軍機大臣等。據恭親王奕訢等奏。接據父林波照會。及崇綸等函。商辦理情形一摺。並將原照會。及崇綸等信函呈覽。布魯斯國父林波抵津。與崇綸等會晤。因該侍郎等。未奉有全權大臣便宜行事之旨。照會奕訢等。懇請代奏。方能會辦通商事宜。現據奕訢等於摘錄諭旨內。加入全權等字。以免猜疑。即著照所擬。寄交崇綸等。俟父林波索看諭旨時。即填寫奉旨日期。給與閱看。僅崇綸等能向父林波開導。以總理衙門。即係全權大臣。該公使不復狡執。肯與崇綸等商辦。則此次摘錄諭旨。即可無庸給與閱看。至所稱日爾曼各情。能否統歸該國商辦。並著密飭崇綸。崇厚。悉心商酌。以歸簡易。將此由五百里諭令知之。○又諭。本日據薛煥奏。鎮江軍餉急迫。請

將滬商應完閩粵海關稅銀。劃抵協餉一摺。據稱蘇省協餉。廣東奉撥粵海關稅銀二十萬兩。又應解協餉每月五萬兩。紅單等船經費每月十萬兩。除已解到五萬兩外。其餘尚無續解之款。福建奉撥閩海關稅銀十萬兩。至今亦未解到。現有滬商周公正等。欲赴閩粵二省購辦茶葉等貨。並備繳納關稅銀兩。因長途攜銀不便。意欲在滬設法匯兌等語。鎮江軍營需餉甚急。若待閩粵兩省撥解。深

奏

奏

恐緩不濟急。自應權宜辦理。據薛煥奏稱。已將商本銀截留十萬兩。解往鎮江軍營。並准該商劃抵關稅。著文清。慶端。瑞璣。勞崇光。着齡。並傳諭粵海關監督毓清。一俟該商等前赴閩粵。販運茶葉等貨到關。准其呈驗執照。收作稅餉。即在應解江蘇協餉銀內。扣除作抵。惟此項銀兩。僅止十萬。尚不敷該營及大江。水師一月餉糈。並著該將軍等。將未解江蘇餉銀。趕緊如數籌解。毋得再有遲延。是為

至要。將此由六百里諭知文清。慶端。瑞璣。勞崇光。着齡。並傳諭毓清。知之。○又諭。據譚廷襄奏。曹州。東昌。徧地皆賊。現在濮范一帶。已派郝上庠等撥勇堵剿。其近接直隸大名等處。擬商令聯捷派隊出境。由朝城進兵。惟西北兩處兵尚少。請飭勝保將伊綿阿一軍。派赴東昌助剿等語。前諭勝保赴景州德州一帶防剿。昨因賊陷曲周。勝保派伊綿阿撥兵一千。前往威縣剿辦。當諭令該大臣確探賊

奏

奏

勢趨向。不可專防景州德州一路。現在廣平大名。均有賊蹤。若令伊綿阿一軍赴東昌助剿。則直境愈形空虛。此時自未便分兵四援。致有貽誤。著譚廷襄就現有兵力。會同民團。將東昌曹州一帶賊匪。設法剿辦。務須迅速殲除。毋令竄至直境。是為至要。將此由六百里諭令知之。○欽差大臣勝保奏。請飭河南候補道員洪貞謙等。赴營調遣。得旨。汝以一奏。即為允准。將來再有部文。以便搪塞。又奏

請仍飭副都統明慶等來營差委。批仍遵前旨。○雲南布政使陳景亮因病解任。以四川按察使蕭浚蘭為雲南布政使。四川成綿龍茂道毛震壽為按察使。○予江蘇金山縣境陣亡知縣洪士鏡祭葬世職。○丙寅諭內閣。據王夢齡奏武職大員勦匪出力。懇恩獎勵等語。提督銜江西九江鎮總兵黃開榜勦辦安徽盱眙軍營通賊之案。迅速奏功。復進攻天長。迭平賊壘。尚屬調度得宜。黃開榜著照

實錄卷三三八

七

提督銜總兵。給予應得封典。以示獎勵。○諭軍機大臣等。前因王履謙奏浙東危急。當經諭令王有齡派兵堵剿。並諭王履謙激勵民團。力顧江防。並督辦勸捐事宜。茲據王履謙奏稱。浙省團練自歸王有齡督辦。並未定有章程。前派段光清赴紹辦團。亦未知會。其各處辦團紳士。有由王有齡札委者。亦有甯紹台道張景渠候補道朱琦札委者。畝捐一項。本係奏明專為團練經費。被張景渠擅自出

實錄卷三三八

七

示停止。浙東捐款。又悉數解省。團防經費。一無可籌。紹郡捐局。自本年正月間。經王有齡改歸地方官辦理。派委張景渠及知府懷清等專辦。山陰會稽戶業各捐。該員等差傳捐戶。按照上年捐數。以十倍加捐。職員張存浩生員胡壽頤等稍事遲疑。即予管押。並欲杖枷。又欲將該捐戶提赴軍前充當頭陣。職員李鏡人舉人陳珪等亦因威逼書捐。賣田鬻產者不一而足。捐戶陳穎生因差擾遷避。該道等即飭縣查封房屋。並查其田畝形同籍沒。催捐員弁。輒持令箭拘提。並縱令差役直入陳梁余侯家。內室索擾。城鄉大震。而江防事宜。仍置之不問。請飭撫臣通盤籌畫。酌留戶業各捐幾成。以充國防經費等語。浙省軍務未平。籌辦團練。勸諭捐輸。無非為保衛民生起見。若如王履謙所奏。辦理團練情形。已屬雜亂無章。至勸捐委員。欲令捐戶照上年捐數。十倍加捐。並於捐戶張存浩等種種威

偏肆行騷擾實堪駭異。現在賊氛逼近浙東。若因勸捐辦理不善。致失人心。必致激成內訌。設有疏虞。該撫豈能當此重咎。所有勸捐事宜。著王有齡遵委公正大員。會同王履謙妥為勸辦。不得以貪劣之員濫行充數。其前派勸捐之道員張景渠等。如有勒派情事。即應撤委查叅。不准稍有迴護。現在江防團練均須經費。所收捐項。應如何酌留數成。為浙東國防之用。著王有齡通盤籌畫。以免偏枯。

平定卷之三十八

諭

至前諭王有齡督辦團練。並令王履謙幫辦。原期官紳和衷。以收衆志成城之效。乃該撫於派委段光清赴紹辦團。並不知會王履謙。且辦團紳士。任聽張景渠等紛紛札委。是該撫全不以團務為重。尤屬不成事體。所有該省團練事宜。著王有齡會同王履謙妥議章程。督同公正官紳認真勸辦。不得任聽屬員徇私派委。嘉興等處地方。久稽克復。儻因官紳不和。以致浙東再有失事。朕惟該撫是問。

將此由六百里加緊諭令知之。○又諭。前因有人奏。浙江巡撫王有齡新創捐款名目。恐有藉端婪索情弊。降旨令張錫庚查明據實具奏。尚未據該學政覆奏。茲又有人奏。王有齡隨帶赴浙之江蘇道員張景渠。知府孫士達。知縣甘應槐。或結拜師生。或係該撫私親。到浙未及三月。王有齡輒委張景渠署甯紹台道。孫士達。派在瑞昌處管理文案。甘應槐。派營務處當差。該三員品行卑鄙。善於逢迎。

平定卷之三十八

諭

王有齡倚為心腹。遇事輒予保薦。以致文武員弁奔走其門。物議沸騰。又有候選知府孫鴻溥。與王有齡有舊。亦夤緣入撫署文案處。與孫士達倚勢修怨。紹郡紳富多被中傷。以致遇有地方公事。顧慮不前。請飭查辦等語。巡撫為通省表率。豈容任用私人。致有貽誤。記名浙江道員張景渠。與王有齡有無拜認師生情事。孫士達。孫鴻溥。藉隸會稽。何以輒派辦本省將軍巡撫文案。甘應槐有無劣蹟。

張錫庚近在同城。聞見必確。著按照所參各款。嚴密訪查。據實具奏。不准稍有徇隱。原片著鈔給閱看。將此由六百里諭令知之。○署漕運總督王夢齡等奏。遵查前任湖南藩司王藻勸捐辦團。並無弊混。並據呈稱情願捐繳錢二十萬串。得旨。認捐錢文。著擲還。仍令恪遵前旨。趕緊措繳。一面嚴查確據。不得仍蹈姑息情面習氣。若稍涉顧惜。該署督運司自問當得何罪。又奏。盱營弁兵戕害主將。句

書集卷三十八

元

通髮逆。分犯蔣壩等處。現經勦滅。出力之將弁兵勇。著准其暫行存記。彙案請獎。○丁卯以

神靈顯應。頒安徽太和縣

城隍廟。

御書扁額曰。靈昭保障。○諭內閣。譚廷襄奏。請將防捕不力之文武員弁革職。隨營協勦一摺。山東東昌等府州屬匪徒滋事。卹縣冠縣革縣館陶陽穀觀城堂邑等縣城池相繼失

陷。各該地方文武。先事既不能豫防。臨時復不能實力堵剿。均屬咎無可追。除堂邑縣典史譚士英。先期解犯赴府外。代理邱縣知縣王準。邱縣典史張思浩。邱縣城汛千總信長。貴冠縣知縣朱瑞。貴冠縣典史陳向榮。冠縣城汛千總李永哲。署革縣知縣李杜。署革縣城汛把總梁步雲。署館陶縣知縣周曙東。代理館陶縣典史黃芬。署館陶城汛把總翟廷鴻。署陽穀縣知縣王俊。署陽穀縣典史孫序增。陽穀城汛把總張萬成。堂邑縣知縣張逢任。代理堂邑城汛把總辛占魁。觀城縣知縣蘇汝鏡。署觀城縣典史呂輝。黼署觀城協防城汛經制外委李永森。並另案摘頂撤任。尚未交卸之革縣典史舒日長。著一併革職。留於各該失事地方。隨營協勦。周曙東是否聞警先逃。賊退後捏報克復。邱縣冠縣革縣被匪闖入城池。是否係因求緩漕糧。該地方文武辦理不善所致。著該撫仍遵前旨。查明參

辦○又諭據瑛榮奏催餉委員在陝開捐現
在飭令撤局一摺貴州威甯州知州鄭選士
赴陝催餉在西安府城設局開捐雲南提餉
委員雲龍州知州許家楣亦有在陝私自收
捐情事江川縣知縣吳榮昌復在漢中府地
方辦理報捐事宜該員等並未有赴陝開捐
明文輒公然出示設局實屬膽大妄為鄭選
士許家楣吳榮昌均著先行交部議處仍著
雲貴兩省督撫將該員等是否奉有本省札

平定縣志卷八

五

委僅係私自赴陝開捐並查有侵吞入己情
事即將該員等從嚴叅辦以儆效尤○又諭
前據嚴樹森奏稱河南省河北三府捐輸請
半歸防河經費半歸僧格林沁軍需嗣據聯
捷奏稱河北捐項請統歸防河動用當經先
後交戶部速議具奏茲據周祖培等奏稱嚴
樹森係通籌全局並非置河防餉需於不顧
且統轄全省呼應較靈請仍歸該撫派員經
理等語河南省河北彰德衛輝懷慶三府勸

平定縣志卷八

五

捐事宜即著嚴樹森派委委員一手經理所
收捐款除一半解歸僧格林沁軍營月餉外
其餘一半悉數解交聯捷軍營作為防河經
費務飭經手之員隨收隨解毋任遲誤並著
嚴樹森督飭該員等妥為籌辦不得苛派擾
累及侵漁中飽如有此等情弊即著聯捷隨
時查明會同嚴樹森從嚴叅辦該撫等務當
和衷辦理毋得意存畛域再行瀆請○山東
巡撫譚廷襄奏本年秋審暫緩提勘從之又
奏已革日照縣張德霖控案請迴避得旨著
會同清盛並督同貢璜審訊毋庸迴避○戊
辰諭內閣據賈臻奏請調豫省人員隨營差
遣等語河南候補直隸州知州汪景度達蘭
奏候補知州宮國勳候補通判方蔭唐候補
知縣余錦淮茅恆春李純錫楊元祐恩奎奎
斌蔡三晉候補縣丞鄧祥鈴趙希曾以上十
三員著嚴樹森飭令前赴安徽交賈臻差遣
委用不准藉詞規避該員等到安徽後遇有

本省升補到班。仍准其照例升補。候補知府陸迺普等七員。均著毋庸調往。○諭軍機大臣等。據成琦等奏。該侍郎於三月二十六日。行抵吉林省城。擬即會同該將軍景瀉。於四月初二日啟程。前赴興凱湖。守候俄使會勘地界。勘定後。圖上擬鈐用吉林將軍印信等語。各國辦理事件。均以奉有全權大臣。便宜行事之旨為重。該侍郎等。此次會同俄國公使辦理地界。設該國公使以未奉有此旨。不

平定縣志卷八

七

肯會勘。必至屆期請旨。而程途較遠。往返需時。應否發給上諭一道。將成琦、景瀉加全權便宜等字樣。寄交該侍郎等。於俄國公使索看諭旨時。即行宣示之處。著奕訢等悉心籌酌。迅速覆奏。將此由五百里諭令知之。○又諭。有人奏。河南署河內縣知縣何繼先到任。後責令鋪戶供給。不給價值。吸食洋藥。至三更始行放告。民間謂之鴟鴞折徵。漕糧每石加至四兩九錢有零。計浮收銀二萬五六千

兩地丁錢糧。每兩加至一兩五錢。計浮收銀一萬六七千兩。該縣釐捐業經停止。復向各鋪戶搭括。將一年釐金盡入私囊。責打生員麻蘊。偏令呈繳制錢一千六百串。縱令門丁錢梅山及書役訛索錢文。紳商杜盛興等捐輸之外。復偏令另出幫項。出示禁止團練地方明火盜案。勒令事主改報竊案。懷慶府知府張景蕃曲為袒庇。以致益無忌憚等語。知縣何繼先浮收錢漕。苛派捐輸。復禁止團練

平定縣志卷八

七

縱盜殃民。似此貪劣之員。亟應嚴行懲辦。著嚴樹森即將該員被叅各款。逐加詳查。叅辦知府張景蕃。近在同城曲為袒護。著一併查叅。毋稍徇隱。原摺著鈔給閱看。將此諭令知之。○又諭。前據僧格林沁奏。後股捻匪尚踞滕縣。派令德楞額等攻勦。本日據譚廷襄奏。碭南捻匪出巢。計圍北竄。滕縣捻匪進偏亢城。儻與東昌各匪勾結。畿南極為可慮。請飭勝保帶兵赴東。並請於臨清、德州分駐重兵。

各等語。碭南擒匪欲圖北竄。滕縣擒匪復竄。至兗州之王印村。亟應迅速堵剿。惟勝保前因賊陷曲周。窺伺廣平。莘縣等匪逼近大名。已飭令正定兵八百名馳赴廣平。並令伊綿阿撥兵一千赴威縣。副將成祿帶西安馬隊三百名前往會剿。此時廣平大名一帶防剿喫緊。若令勝保徑赴山東。必致後路空虛。所關非細。僧格林沁等統領重兵。必須統籌全局。力扼該匪北竄之路。不可株守鄒縣一隅之地。漫無布置。本日諭令勝保督兵前進於直東邊界妥籌防剿。並令文煜酌量出省督飭地方文武。力遏擒匪北竄。其兗州一路該大臣等。惟當督飭兵勇迅速截擊。勿令勾結東昌各匪。以致蔓延直境。並須與譚廷襄悉心籌畫。會合兵力。將北竄之匪痛加剿洗。以期漸就肅清。至東昌各屬匪徒。前據譚廷襄奏。道員明新由堂邑進兵。未能得手。已派參將玉山等往援。並添派遊擊玉秀等督兵夾

擊。著即嚴飭帶兵各員迅速進兵。實力攻剿。儘速延貽誤。即指名嚴叅。從重懲辦。兗州城守及各屬防禦事宜。並著飭令各該地方文武認真籌辦。毋許疏失。將此由六百里各諭令知之。○又諭。本日據譚廷襄奏。碭南擒逆出巢。意圖北竄。滕縣擒匪回竄鄒縣。僧格林沁本在西關劄營。退入城內登陴防守。四月初二日賊至北林廠。攻打民團。兗州王印村已見邊馬。該處距府城甚近。西至東昌。北至省城。均不過二三百里。省城官軍調撥已空。東昌一軍又為匪徒牽掣。曹州土匪蜂起。青州武定鹽泉滋擾。其餘土匪隨處竊發。請飭勝保帶兵赴山東會剿。並稱臨清德州水陸兩路均與直境毗連。如臨清有兵則近逼東昌。直隸南面可以安穩。德州有兵則先扼運河。仍與前路聯絡一氣。各等語。前因賊陷曲周。已據勝保派撥正定官兵馳赴廣平。並令伊綿阿撥兵千名赴威縣。副將成祿帶馬隊

前往會勦。現在碭南擒匪。又圍北竄。若與東昌各匪句結。則畿南門戶岌岌可慮。前諭勝保確探賊勢趨向。相機前進。此時擒匪逼近兗州。雖諭僧格林沁等力遏該匪北竄之路。第該大臣退入鄒縣城中。賊勢愈形猖獗。勝保雖未便徑赴山東。致北路空虛。而直東邊界必須親往督辦。方能得力。著即迅速啟程。探明何路緊要。即向何路督勦。並嚴飭前派各官兵。迅赴廣平大名一帶。勦除賊匪。毋得

實錄卷三

文

遷延貽誤。文煜前調天津官兵一千名。交大名道王榕吉統帶。並著飛催前進。該署督應否出省。著仍遵前旨。與勝保商酌辦理。臨清德州為直隸門戶。能否派兵前往駐劄。並著勝保體察情形。妥籌布置。將此由六百里各諭令知之。○又諭。前據駱秉章奏。統兵馳赴四川。當經諭令迅速前進。本日據田興恕等奏。粵匪由平遠州竄至畢節縣之梓潼閣一帶。該處距四川永甯縣僅三百餘里。已派總

實錄卷三

文

兵楊巖寶等。繞出賊前圍截。並派都司田興發。前赴雪山關助防。因該處已有兵練防守。即令該都司由小壩進劄。與周學桂等會勦。請飭四川省速籌堵截等語。粵匪窺伺川省已久。現竄及畢節。亟應就地撲滅。以免滋蔓。所派總兵楊巖寶等。著即飭令督兵前進。星夜繞出賊前。迎頭截擊。務於畢節地方悉數殲除。毋得徒事尾追。任令蔓延。並著崇實速飭沿邊地方文武。實力堵截。毋許稍有疏失。如兵力不敷。即調派得力官兵。速赴永甯一帶。會合黔軍。前後夾攻。以期盡殄醜類。駱秉章計已入川。應否親統官軍。前往南路督辦防勦。抑或分兵助勦之處。著即斟酌情形。妥籌辦理。將此由六百里各諭令知之。

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之三百四十八

實錄卷之三百四十八

肅

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之三百四十九

監修總纂官日講起居注官太子太傅李鴻章副御史副領事翰林院掌院學士稽察筆士前戶部侍郎文蔚等撰修

大學士管理兵部事務加三級紀錄十四次 實領庫本總纂官總纂官子孫文周副領事武英殿總纂官教習洪吉雅爾圖

大學士管理戶部三庫事務管理刑部事務加三級紀錄十六次 周以增總纂官太子少傅管理內書房事務副刊大臣那桐大臣

鑲藍旗滿洲副都統戶部尚書管理三庫事務加四級隨帶加五級紀錄十八次 實領庫本總纂官總纂官子孫德敏教習洪吉雅爾圖

通國史館總纂官正藍旗蒙古副都統禮部尚書管理三庫事務加三級軍功加四級隨帶加八級紀錄五十八次 臣等謹將本年

敕修

咸豐十一年辛酉四月己巳諭內閣前因御

實錄卷之三百四十九

一

史鍾佩賢奏。擒匪由歸德虞城。竄入東境。豫
省督辦大臣。未能截擊。並員外郎梁燦。有虛
冒勇糧情事。當經諭令嚴樹森查明具奏。茲
據該撫詳查覆奏。本年正月以後。擒匪竄擾
豫境。毛昶熙派兵於雷集平臺等處截剿。實
皆獲有勝仗。尚無捏報戰功情事。著無庸議。
員外郎梁燦。雖無虛領勇糧確據。惟聲名狼
籍。狂妄無知。著即逐出軍營。交地方官嚴加
管束。仍著嚴樹森嚴密詳查。如有實在劣蹟。

即行叅辦。歸德存營文員。尚有一百餘名。為數過多。並著該撫嚴加裁汰。以除積習。而昭覈實。毛昶熙現在幫辦勒匪事宜。併督辦河南團練。務當破除情面。信賞必罰。俾軍威克振。迅殄賊氛。以副委任。○又諭。據曾國藩奏。請將浮冒餉項各員。分別革職勒追等語。安徽在籍工部郎中余述祖。於到籍辦團時。擅自刊刻欽差辦理本籍團練關防。復於婺源縣茶釐項下。私自動用銀九百九十餘兩。代理婺源縣知縣候補府經歷申協煊。並不稟請批示。輒敢擅行動支。並浮開該縣坐支雜款銀一千四百六十餘兩。署黟縣知縣候選知州王嶠。前在糧臺領過承辦軍米夫價銀一千八百兩。於被控撤任後。並不將此項銀兩繳還。復於徵存地丁項下。浮開該縣坐支雜款一千餘兩。該員等。於軍餉要款。或通同那移。或浮冒支銷。實屬膽玩已極。余述祖。著撤去辦團差事。暫行革職。勒令將所支銀兩

迅速繳還。王峻申協煊。均著革職。王峻所徵地丁。及米價夫價銀兩。勒限兩個月如數完繳。申協煊所支茶釐銀兩。著一併勒令如數繳清。○前任戶部右侍郎杜翻奏。捻教等匪四起。請飭勝保帶兵赴東勒辦。得旨。昨已有旨。令勝保由京趕緊啟程。相機前進。以固畿輔藩籬。茲覽汝奏。東省民團未盡得力。著趕緊策勵。以補兵力之不足。從前捻逆屢犯齊疆。無大兵扼守。只民團即可驅令回巢。何以有兵以後反不如前。○命浙江處州鎮總兵官劉培元。開缺留於湖南候補。以江西撫標中軍參將文瑞為浙江處州鎮總兵官。○以江西水師教護糧臺出力。賞守備謝洪春。花翎。從九品楊榮炳。藍翎。餘升敘有差。○以進攻安徽徽州失利。降副將唐義訓為遊擊。予陣亡副將葉光岳。胡玉元。祭葬世職。千總梅魁員。祭葬世職。如都司例。○予江西樂平陣亡遊擊陳明南。祭葬世職。如副將例。外委陳

石台。把總趙玉蓮等六員。祭葬世職。○予江西景德鎮陣亡總兵官陳大富。祭葬世職。并於南陵建立專祠。參將田應科。遊擊蕭傳科。胡占鰲。都司胡鳳雛。熊定本。吳定魁。千總羅廷材。祭葬世職。一併附祀。○庚午。諭內閣。據文煜奏。請將疏防搶案之知縣摘頂勒緝一摺。直隸新樂縣知縣蘇汝謙。於捕務未能整頓。以致貴州摺差楊鳳鰲等中途被搶。並遺失隨摺公文。實非尋常疏忽可比。蘇汝謙著

摘去頂帶。先行交部議處。並勒限一箇月。將賊盜務獲。僅限滿無獲。即著從嚴參辦。○諭軍機大臣等。據克興阿奏。遵撥馬隊前赴畿南助剿一摺。黑龍江馬隊官兵。業經克興阿挑選五百名。交護軍參領文哲琿管帶。前赴勝保軍營。其餘五百名。前諭令留劄朝陽。以資彈壓。現在該處甫經收復。商民尚未復業。自應暫行留劄。如朝陽建昌一帶。民情安謐。無須官兵駐守。即著克興阿酌量情形。將此

項馬隊撤回黑龍江。以節糜費。將此由五百里諭令知之。○又諭。前因山東省匪勢猖獗。諭令勝保速赴直東交界。探明匪蹤。親自督剿。本日據聯捷奏。曲周收復。威縣解圍。惟探聞山東范縣賊匪。復有渡河之信。並在各村插旗裹人。聲言欲接南捻過河。濮州觀城。四鄉被脅。亦皆插旗。莘。邱。冠。各縣情形。如出一轍。並荷澤縣土匪蜂起。人數不下數萬。請飭勝保分兵三路。由西北兩面進攻。以除巨患。

等語。山東東昌各屬土匪。教匪蔓延八九州縣。若由一路進攻。勢必此剿彼竄。自應分道兜捕。庶可盡殲醜類。勝保接奉前旨。諒已由京啟程。現在軍情喫緊。著即迅速前進。於馳抵直隸山東交界後。酌量情形。如聯捷所稱分兵三路。一由臨清南下。進攻邱縣。館陶。一由大名取道東南。進攻莘縣。冠縣。一由清豐直擣東面。進攻濮州。范縣。是否悉合機宜。即著該大臣酌量情形。妥速辦理。聯捷原片著

鈔給閱看。將此由六百里諭令知之。○又諭。前據薛煥奏。海鹽等處失守。當諭令瑞昌。王有齡。迅撥勁旅。會合攻剿。乍浦為出海要口。甯紹溫台在在可通。若令該逆偷渡浙東大局。不堪設想。現在該將軍等。咨商薛煥。曹秉忠。分軍由平湖進攻。并飭張威邦等。由海甯進攻。飛催袁君榮等艇師。迅速前進。水陸會剿。著即嚴飭該員等。迅克各城。毋令逆匪久踞。并令張景渠等。嚴扼各海口。勿使闖入浙東。擾及完善之區。王履謙前奏。乍浦貼近海甯。與紹屬之龔山。丁家堰。瞬息可達。該處防務喫緊。著即激勵民團。實力守禦。據瑞昌等奏。紳士謝敬。帶勇防堵餘姚海口。賊匪私造姚勇號衣。意在窺伺甯紹。尤應嚴密稽查。毋稍疏懈。昨據薛煥奏。米興朝。帶勇退守洙涇。顯有畏葸逃避情事。已諭令薛煥。就近查明具奏。其錫齡。阿。黃金友。及地方各文武下落。仍著瑞昌。王有齡。查明據實具奏。將此由六

百里各諭令知之。○以福建澎湖協副將黃進平。為海壇鎮總兵官。○以浙江平湖縣城被賊竄陷。革遊擊楊玉成。由宗興職。留營效力。○辛未。諭內閣。現在記名水師總兵人員。將次用竣。著兩江。閩浙。兩廣總督。於水師副將內。遴選堪勝水師總兵者。各保二三員。迅速送部引見。候旨記名。以備簡用。不得以無員可保。一奏塞責。其水師參將遊擊各員。如有材藝出眾。可備器使者。並著覈實保奏。毋拘資格。○諭軍機大臣等。前因苗練構釁。疊經諭令袁甲三。妥為籌辦。並因李世忠。訴稱族屬被害。諭令該大臣傳諭該提督。聽候嚴樹森查辦。本日據袁甲三奏稱。徐宿情形危迫。請令賈臻控制全淮。以李世忠。張學醇。為幫辦。該大臣即抽兵前往徐州等語。徐宿匪蹤延蔓。前已諭令田在田。速籌剿洗。並令吳棠。整頓團練。聯絡聲勢。袁甲三以田在田等。飛函求援。遽欲抽兵前往。意在兼顧北路。惟

該大臣督辦安徽軍務。本以堵剿粵匪。現在淮南尚未肅清。若遽赴徐州。恐粵匪擾及臨淮。轉不免顧此失彼。且苗練勾結髮逆。肆行無忌。該大臣疊次奏報。於應剿應撫。辦理尚無把握。李世忠以族人受害。有不為查究。即欲親往勦辦之語。此兩事於大局極有關繫。該大臣若以事多棘手。委之而去。任令苗沛霖等。尋仇爭殺。未免意存諉卸。袁甲三著仍駐臨淮。堵剿粵逆。無任北犯。並將苗練尋仇

平定縣志卷之九

八

一事。妥為籌辦。不得稍涉游移。俟辦理妥協。再議移劄徐州。方為妥善。所請以賈臻等督辦軍務之處。此時尚難照所議辦理也。將此由六百里諭令知之。○以山東曹州府屬官紳團練出力。賞遊擊朱聖桂等。花翎主事邵子彝等。藍翎餘升敘有差。予陣亡教諭王餘吉。訓導劉恩慶。把總李樹梓等十員。祭葬世職。生員孔繼巖等。賞卹加等。○壬申。諭軍機大臣等。前因色克通額等奏。俄國送到烏槍。

擬酌酬該國。及賞給使臣等緞疋。當經以誤會意旨。諭令奕訢等妥為商議具奏。茲據奕訢等奏稱。酌量酬答。原指該國使臣。及運送教演之人。並非專為酬答該國國王而設。伊格那提業幅。已經回國。均毋庸議給緞疋。請於該國齎運使臣到時。由恰克圖稅務項下。提支銀兩。酌量採買頒賜等語。俄國運送烏槍。該使臣到恰克圖時。酌給物件。尚屬可行。惟俄國不在屬國之列。若稱奏明頒賞物件。

平定縣志卷之七

七

於事理究未妥協。如慮該國使臣。以未欽頒賞賜。不肯收受。不妨告以中國所屬各國使臣到京。例有頒賞之件。俄囉斯並非屬國。難以代為奏請。如此開導。諒亦無可爭論。著奕訢等。咨照色克通額等。如俄國使臣運送烏槍到時。所給物件。即作為庫倫辦事大臣酬答。並准其於恰克圖稅務項下。提支銀兩。採買物件。酌量多寡輕重辦理。其教演之人。亦作為色克通額等。賞給靛茶等物。不得稱係

奉旨賞賜。再本日已發給成琦等諭旨。加全權大臣字樣矣。將此由五百里諭令知之。○又諭。此次成琦等與俄國會勘地界。設該國公使因諭旨內無全權等字樣。不肯會勘。必至臨期請旨。往返需時。著即發給全權大臣。便宜行事字樣。上諭一道。交成琦。景瀉。祇領收存。儻該國公使索看。即行宣示。如並未問及此旨。即毋庸給予閱看。現在俄使已赴烏蘇里江口。成琦等行抵該處。即與該使臣會同辦理可也。將此由六百里諭令知之。○又諭。色克通額等奏。俄商欲於庫倫貿易。行文阻止。並將咨文鈔錄呈覽等語。庫倫俄圈。係為該國往來使臣公寓。今該商等欲於圈內居住。並欲買用蒙古柴草產業。雇賃駝馬。並請飭恰克圖司員。行文蒙古查辦。皆非條約所載。色克通額等所擬咨文。據理駁斥。尚屬周而。著即行知。固畢爾那托爾。令其遵照辦理。俄商於庫倫銷售零星貨物。係和約所載。

至私置產業。設立行棧。意在久住。則係違背條約。各蒙古遊牧人等。私與俄國通商。若一經出示曉諭。則得步進步。毫無限制。色克通額等。務當確守條約。隨時阻止。以期杜漸防微。是為至要。將此諭令知之。○癸酉。諭軍機大臣等。前因譚廷襄奏。擒匪竄過鄒縣。直撲滕縣。擒匪。擾及兗州。當經諭令僧格林沁等。速行截擊。並令該撫將東昌各屬匪徒。實力勒洗。本日據譚廷襄奏。擒匪竄過鄒縣。直撲濟甯。並分兩股。由濟甯。汶上。渡過運河。甯陽。東平。徧地匪蹤。現因水阻。意圖回竄。過濟。因恐曹屬土匪。截奪輜重。尚在中途盤踞。其礪南。擒匪。欲竄何處。尚無確信。並曹州。東昌。匪勢蔓延。請飭勝保。撥兵助剿等語。擒匪竄渡運河。僧格林沁派兵追剿。在戴家廟迤南接仗。勒辦情形。尚未奏報。該匪恐被曹屬土匪。截奪輜重。盤踞中途。此時正在遲疑之際。雖賊眾兵寡。未能迎頭截剿。亦可擊其中腰。截

其後尾並奪其輜重以期力挫賊鋒著僧格林沁等督飭官軍相機剿辦不可株守鄒縣坐失事機若能籠絡曹屬土匪使為我用併力勦洗尤為妥善其碭南匪眾未必非接應此股並著該大臣等確加偵探設法遏其北竄至曹州東昌兩屬土匪教匪到處滋擾東省兵勇無多不敷剿辦尚屬實情昨因聯捷奏稱東省匪勢猖獗請飭勝保分兵三路進攻本日復諭知該大臣酌量撥兵前往仍著

譚廷襄督飭總兵郝上庠等嚴扼河岸毋令匪徒得以分竄並添撥練勇與勝保聯捷等兵勇聯絡聲勢四面兜剿以期漸就肅清將此由六百里各諭令知之○又諭前因聯捷奏東省范縣賊匪欲接南捻渡河濮觀等州縣亦皆被脅請飭勝保分三路進兵當諭令勝保於馳抵直隸山東交界後酌量情形辦理本日據譚廷襄奏曹州土匪披猖濮范鉅野鄆定城武等屬隨地皆匪結成大股蔓及

壽張陽穀地方東昌教匪屯聚於莘堂冠館等屬徒黨日增近又有由直隸清河威縣回竄之匪蔓及臨清所屬其餘如沂州屬之幅匪武定屬之梟匪及土匪騎馬賊隨地皆有請飭勝保分兵助剿等語曹州東昌兩屬匪勢日益蔓延該省兵力不敷剿辦係屬實在情形僧格林沁等在兗州一路堵剿捻匪其勢亦難兼顧現在曲周縣已無賊蹤勝保前派正定官兵及伊綿阿所派之兵并成祿所

帶馬隊諒已馳抵廣平威縣一帶此項官兵應否馳赴東省剿辦著即酌量調遣毋稍拘泥將此由六百里諭令知之○又諭據翁同書奏苗練圍城情形並壽城餉道梗阻各摺片據稱三月二十八日苗沛霖復添馬步隊數千名過淮由菱角嘴併入九里溝增紮七營隔斷前敵營盤官軍攻剿未能得手現在潁州府阜陽潁上霍邱懷遠及三河尖等處皆為苗練脅從聲言句合張樂行攻取壽州

並稱山西等省餉銀均到潁州。未能前進。請飭賈臻設法繞解各等語。苗沛霖藉端尋仇。迭次諭令袁甲三妥為籌辦。現在壽州城圍未解。並誘脅良善。冀圖一逞。前據賈臻奏稱。到潁州後。傳見阜陽太和一帶紳士。告以官督民團之法。無不歡欣鼓舞。何以阜陽等處民團。又為苗練脅從。若任其偏行偏脅。則該練猖獗更甚。賈臻前奉旨辦理招撫團練事宜。現又署理巡撫。著即將未被苗練誘脅之民團。迅速聯絡。其已被誘脅者。設法開導。使之歸正。以孤苗練之勢。壽州現有總兵慶瑞等。在彼駐劄。著即嚴飭該員等。實力固守。毋稍疏失。並將正陽六安等處。妥為布置。山西河南餉銀。已到潁州。皖南道程鉉。親解銀五千兩至潁上縣。均著該署撫。設法趕緊繞解壽城。以濟饑軍。該處兵勇尚多。儻令餉斷。兵潰。貽誤大局。惟該署撫是問。將此由六百里諭令知之。○以克復廣東樂昌仁化縣城。並

江西安遠解圍。賞知州周慶夏。守備蕭燿煌等。花翎。從九品馮炳著等。藍翎。餘升敘有差。○廣東布政使升任太常寺卿周起濱。因病休致。給與三品頂帶。○朝鮮國王李昇。遣使表賀巡幸。及歲貢方物。賞賚筵宴如例。○甲戌。諭內閣。前因各省接遞軍報遲誤。諭令兵部將各該督撫臬司等。從重嚴叅。茲據兵部將遲誤時日。並未填日期。遺失尾單。各省分查明開單覆奏。湖北山東接遞晏端書。德楞額。李續宜等。奏報有數日未填接遞日期。該督撫臬司等。實屬督催不力。所有湖廣總督。湖北山東各巡撫臬司等。均著吏部查取職名。先行嚴加議處。其樂斌奏報。經由甘肅陝西山西直隸等省。傳牌尾單。係在何省遺失。抑係原發省分。未經黏連。著各該督撫臬司等。查明聲覆。由兵部奏請嚴加議處。其餘接遞軍報。遲誤時日之各省督撫臬司等。均著交吏部按照單開。分別輕重議處。並著各該

督撫臬司於接到部文後。按照單開各件。勒限一箇月。查明積壓遲延之地方官。嚴參懲辦。其繞道處所。有無遲誤。一併查明據實參辦。至遺失尾單。及未填寫日期。尤非尋常疏忽可比。著甘肅陝西山西直隸山東湖北各督撫臬司。挨站根究。從重懲處。儻逾限延不查覆。即著兵部。將該督撫臬司。指名嚴參。另片奏。請將直隸總督臬司嚴議。並嚴定填註接遞時刻等語。東直門腰撥。接遞文報遲誤。

順天府兼尹張祥河等。業經降旨。交部嚴加議處。署直隸總督文煜。按察使吳廷棟。著一併交部嚴加議處。至各省文報繞道地方。該州縣恃非正站。難免有蒙混造報情弊。並著各該督撫臬司。按照兵部所奏。嚴飭各屬。查明何處應行改道。簽明時日里數。毋許稍有錯漏虛捏。并將傳牌尾單。妥為收執。以便稽查。○諭軍機大臣等。有人奏。捐務亟宜覈實。請飭嚴定章程一摺。據稱江北糧臺。既有指

捐。借捐。礮船捐。畝捐。而江南糧臺。又有米捐。餉捐。畝捐。漕河有礮船捐。隄工捐。餉捐。袁甲三軍營有米捐。此外有船捐。房捐。鹽捐。卡捐。板釐捐。活釐捐。所徵甚鉅。報解寥寥。候補投效。以及職員生監。營謀扎委。目為美差。四出騷擾。指借則任意訛索。卡釐則以多報少。糧臺漕河大員。多由情託。知而不問。並有擅自立卡。抽收商船捐銀。名曰榔頭捐。各名目。請飭督辦大員。嚴定章程。各等語。近年因軍餉

浩繁。不得不借資民力。若多立名目。任聽貪劣之員。營謀差委。藉端騷擾。歛怨於民。於軍餉報解無多。徒肥若輩囊橐。實堪痛恨。若不嚴行稽查。則閭閻脂膏。悉被侵漁。尚復成何政體。著袁甲三。晏端書。王夢齡。並傳諭喬松年。江清驥。嚴密訪查。如有多設名目。及營謀差委。任意訛索。以多報少。并私自設卡收捐者。即據實嚴參。懲一儆百。至所收捐款。亦應設立印簿。曉示通衢。以杜侵冒中飽之弊。并

遴選公正之人董司其事。不得濫委多員。虛耗薪水。總期於軍餉有裨。而無害商民。方為妥善。原摺著鈔給閱看。將此由五百里諭知袁甲三。晏端書。王夢齡。並傳諭喬松年。江清驤。知之。○又諭本日田在田奏軍餉萬難支持。請飭催山東等省協餉等語。據稱自督辦軍務後。僅正月間。陝西解到銀一萬兩。東省從無批解。豫省經委員坐提數月。始以銀六千兩塞責。山西於年內外先後起解兩批。各銀一萬兩。日內始陸續提到。現在陝西報解一批。即能輾轉繞到。亦屬杯水興薪。此外三省杳無消息。請飭山東等省。趕緊籌解等語。徐宿軍營前因協餉不至。田在田議及裁兵。乃既經裁減之後。欠發餉項。仍復纍纍。現在防勒萬分喫緊。若令餉匱兵譁。深恐有誤大局。著譚廷襄常績。嚴樹森。瑛榮。無論動撥何款。各趕緊先籌銀二三萬兩。迅速解赴田在田軍營。毋許延誤。至各該省從前奏定協餉

數目。均不能如數如期報解。未免有名無實。此後各該省每月能實解徐宿軍餉銀若干兩。並著該撫等酌定數目。據實具奏。以杜臨時推諉。將此由六百里各諭令知之。○欽差大臣勝保奏。賊匪竄至直隸威縣一帶。清河失陷。現由保定。河間。兩路進兵。得旨。抵保定後。即相機前進。不准以居中調度為辭。致涉耽延。又奏。賊匪竄至大名境內。批。大名府城所關甚要。著趕緊設法救援。○乙亥。

孝端文皇后忌辰遣官祭

昭陵。○諭內閣。前據文煜奏。貴州撫標千總楊鳳釐。齎摺來京。於直隸新樂縣地方被搶。當經降旨。將該縣知縣蘇汝謙。摘頂勒緝。惟楊鳳釐以齎摺差弁。竟敢攜帶煙土。沿途售賣。顯係有私販情弊。楊鳳釐現來熱河。齎遞摺件。著春佑派員押解赴京。交刑部嚴行審訊。按律懲辦。○又諭。曾國藩奏。樂平等處。勦賊獲勝。地方肅清一摺。本年二月間。逆匪由鄰

陽故縣。偷渡昌江。候補三品京堂左宗棠督兵迎擊。由袁家灣。太圍。石板橋。直抵范家村。連獲勝仗。旋因景德鎮被陷。拔營移劄樂平。三月初五日。賊至桃嶺塔前一帶。連亘十餘里。左宗棠親督各軍。開城迎擊。殺賊四五百人。陣斬黃紅衣賊目十數名。燒毀賊壘二十餘座。統計前後轉戰三十餘日。六獲大捷。斬賊幾二萬人。樂平。浮梁。鄱陽。景德等處。業已一律肅清。左宗棠屢挫賊鋒。實屬奮勇可嘉。著發去白玉搬指一箇。白玉喜字翎管一枝。小刀一把。火鏢一把。大荷包一對。小荷包四箇。交左宗棠祇領。以示優獎。其在事尤為出力之按察使銜即選道王開化。著賞加布政使銜。並賞給該員祖父母。父母。二品封典。知縣劉典。著以直隸州知州遇缺即選。並賞戴花翎。其餘出力文武員弁。並著曾國藩查明保奏。○又諭。僧格林沁等奏。滕縣解圍。並勦辦各路賊匪。獲勝一摺。捻逆盤踞山東滕縣。

經翼長舒通額等。帶領兵勇進剿。立將滕縣解圍。該逆西竄。官軍奮力衝擊。殺斃百餘名。復竄至濟甯城東。經守城官兵。開放大礮。轟斃賊匪多名。該逆分兩路遁去。德楞額。勒辨。嶧縣。蘭山。費縣等處匪徒。先後殺賊六七千名。生擒數百名。立即正法。救出難民甚眾。立將沙溝營。臨城驛。克復。鄒縣教匪宋繼朋。盤踞鳳凰山一帶。經國瑞等督帶兵勇。由土旺進剿。先後斃賊甚眾。墜落山澗死者。不計其數。並奪賊圩二座。著僧格林沁等。乘此聲威。督飭將弁。迅埽逆氛。毋留餘孽。○諭軍機大臣等。前因譚廷襄奏。捻匪由鄒縣直撲濟甯。渡過運河。分竄甯陽等處。並曹東兩屬。匪勢蔓延。當諭令僧格林沁等。相機勦辦。不可株守鄒縣。本日據僧格林沁等奏。滕縣解圍。該逆一股。由魚臺竄回老巢。一股尚在鄆鉅一帶盤踞。鄒縣教匪宋繼朋。踞守鳳凰山。勢甚囂張等語。東省各屬匪徒。紛紛蜂起。勢若燎

原○若非及早埽除○勢將愈聚愈多○著僧格林沁等○仍遵前旨○督飭將弁○并會合各處鄉團○迅將各匪痛加剿洗○勿留餘孽○將此由六百里諭令知之○又諭○據僧格林沁等奏○軍營馬匹不敷○請飭察哈爾迅撥馬匹等語○僧格林沁等現在山東攻剿捻逆○軍營馬匹不敷○騎用○著慶昫○廉至○於商都馬羣內○揀選膘壯馬一千匹○派員迅速解赴山東鄒縣○僧格林沁等軍營○毋稍遲誤○將此由五百里諭令知之

之○又諭○據嚴樹森奏○山東館陶縣之館陶集○現為賊踞○漕船不能開行○請飭山東巡撫○及帶兵大臣○速行剿除等語○賊竄楚旺○豫省存倉漕糧○尚無損失○惟山東館陶縣之館陶集○為賊所踞○搭有浮橋○臨清亦有土匪○恐漕船不能開行○著譚廷襄督飭帶兵各員○將館陶集股匪○迅速剿辦○悉數殲除○並將所搭浮橋○即行拆毀○其臨清州土匪○併著剿除淨盡○催令沿河上下游船隻○星速赴楚旺受兌○毋

得遲誤○前諭勝保將派往廣平威縣之正定兵○及伊綿阿○分撥官兵○并成祿馬隊○酌量撥赴東省○即著該撫飭令帶兵之員○會同此項官兵○合力剿辦○以通河道而利漕行○將此由六百里諭令知之○新授雲貴總督劉源灝○奏謝授任恩○並請入覲○得旨○著不必來見○即赴新任○卿之精力○雖稍覺衰老○然坐辦尚可○現在滇中無人○徐之銘措置乖方○不知滇省現在作何局面○著趕緊赴滇設法補救○以慰

廑念○廣東巡撫耆齡奏報粵軍收復福建武平○得旨○出力員弁兵勇○查明彙入克復平遠案內請獎○命在籍都察院左副都御史張芾○會同陝西巡撫瑛榮○辦理省城防堵○命候補三品京堂左宗棠○幫辦兩江總督曾國藩軍務○以克復安徽黟縣等城○賞副將婁雲慶○陳得勝○易昌煥○遊擊熊鐵生○守備唐仁康○巴圖魯名號○副將宋國永○黃慶○陳由立○鄭陽和○以總兵官用○佐領明興○委參領凌德○

那勒豐阿。精林都司蕭長茂。守備高啟等。花翎知縣康明哲等。藍翎餘升敘有差。○以克復安徽婺源。江西德興等縣城。賞參將丁長勝。遊擊鄧達榮。都司鍾南英。守備楊和貴。喻可宗。何德邵。陳訓華等。花翎千總胡定昭等。藍翎餘升敘有差。○以克復湖北孝感縣城。賞委營總安圖。桂康。已圖魯名號。予黃岡陣亡防禦德海。委參領蘇英阿。祭葬世職。○予江西樂平等處陣亡副將羅近秋。遊擊史聿

舟。祭葬世職。入祀湖南昭忠祠。都司聶常本。守備張致和等八員。祭葬世職。○予河南楚旺鎮陣亡通判鄭履成。祭葬世職。○予山東滕縣陣亡委營總奇普通阿。從九品王樹勳。祭葬世職。○丙子諭內閣。前因各省軍務未歲。特派督辦團練大臣。勸辦民團。以輔兵力。原以該員等於本省地利民情。較為熟悉。督撫大吏。若能與之虛衷商榷。共濟時艱。於軍務不無裨益。乃近日如王有齡。王履謙。文煜。

清盛。杜翻。聯捷等。無不各存意見。彼此猜嫌。殊失人臣和衷之義。本日嚴樹森奏。毛昶熙。於南陽擒匪回巢。並不會查虛實。輒據軍營飾報。單銜入告等語。毛昶熙係幫辦之員。此次單銜奏事。本屬非是。如果虛報勝仗。為所部員弁冒功地步。嚴樹森亦應據實奏。乃不肯明言撤去毛昶熙。而以事權不一等詞。空言動聽。其器量褊淺。意在獨斷獨行。豈能逃朕洞鑒。嚴樹森。毛昶熙。同辦一事。惟當共

矢公忠。同心勦力。不得意存畛域。以小節微嫌。率行瀆奏。其各路督兵大員。及團練大臣。各督撫等。於防勦事宜。均宜開誠布公。會同籌辦。以副委任。儻仍前各挾私意。是已非人。以致貽誤地方。則是自取罪戾。不能以事多掣肘。藉詞推諉也。將此通諭知之。○諭軍機大臣等。據勝保奏。進勦威縣賊匪獲勝。并請添調馬隊。及飭催軍餉各等語。官軍收復曲周縣城。並威縣解圍。已據聯捷奏報。此次勝

保派去官兵。復獲勝仗。正可乘此聲威。跟蹤進擊。著該大臣。卽飭帶兵各員。迅速勦辦。毋任蔓延。范縣教匪。圍攻大名。雖經官軍擊退。並未大受懲創。亟宜督飭各軍。奮力掃蕩。以固畿南門戶。惟山東邱縣。館陶。莘縣。朝城。等處。賊匪麇集。更當兼顧東路。以免疏虞。前諭勝保酌量分三路進兵。此時仍當確探賊勢。趨向。相機前進。不可專顧大名一路。致東路空虛。黑龍江官兵五百名。已諭令克興阿。催令迅速前進。所請添派馬隊數百名。俟朝陽官兵撤回後。再行酌量。將此由六百里諭令知之。○又諭。據嚴樹森奏。親帶兵勇。前赴陳州一摺。據稱。苗沛霖近受粵逆偽封。勾引髮逆。盤踞潁上之楊村。及霍邱江口集。欲赴光州打糧。圖犯汴梁。汝甯捻首陳大喜。勾結平輿大股。擾及新蔡。上蔡。將及沈邱。項城。又有另股徐四萬等。在新興集滋擾。土匪蜂起。親帶兵勇。前赴陳州。居中調度等語。陳州距汴

省甚近。苗練既勾引粵逆。在潁上盤踞。圖由光州北犯汴梁。而捻首陳大喜等。又在汝甯等處肆擾。自應嚴扼陳州。以杜其北竄之路。惟歸德兵勇。半多雜湊。前諭令嚴樹森親赴該處軍營。嚴加裁汰。現在該撫雖已派員前往。汰除疲勇。並裁撤冗員。尚須另募精壯。認真訓練。陳州距歸德。不過二百餘里。著嚴樹森於行抵陳州後。將各要隘布置定妥。迅即前赴歸德。與毛昶熙會籌防勦事宜。務須力除積習。認真整頓。俾兵勇悉成勁旅。餉不虛糜。毋得稍有瞻徇。如苗練肆擾陳州一帶。情形喫緊。該撫再回陳州。相機防勦。以遏逆氛。將此由六百里諭令知之。○以攻勦熱河朝陽匪徒出力。賞總兵官成明。黃馬褂。副都統克興阿。巴圖魯名號。護軍參領文哲理。副都統銜。協領巴呢泰。營總博崇阿。二品銜。委防禦榮祿。喜慶。營總依勒興阿等。花翎。前鋒。倭什楞額等。藍翎。餘升敘有差。○丁丑。諭內閣。

劉長佑奏請補行文武鄉試一摺。著照所請。廣西省已未恩科。並壬子正科。文武鄉試。准其於本年歸併補行。所有本年辛酉科。及戊午科鄉試。著於明年特開一科。歸併舉行。○諭軍機大臣等。本日據薛煥奏。官軍自埽除楓涇賊卡後。逆眾遁回嘉善等處。惟嘉定青浦逆匪。窺犯松江。冀竄金山。雖屢經官兵擊退。兇燄仍張。又聞蘇州逆目。調集賊黨數萬。欲為嘉善。平湖。乍浦。各路援助。逆氛四面環

平定縣志卷之四

五

偏。兵力不敷。惟望浙省迅撥勁旅。前來夾攻等語。前因浙省平湖。乍浦。等處失守。曾諭令瑞昌等。迅撥勁旅。會合江蘇援師夾擊。旋據奏稱。飭張威邦等。分軍由海甯進攻。並調袁君榮等艇師。水陸會剿。復諭令飛催前進。迅克各城。現在蘇城逆賊。又有添黨援助之信。亟宜督飭官兵。兩路夾攻。以冀迅殄賊氛。著瑞昌。王有齡。迅催張威邦等。水陸進剿。會合江蘇兵勇。剋日夾擊。如兵力不敷。即酌量添

撥勁旅。乘賊勢敗退之際。即可規復平湖各城。以為進攻嘉興之計。將此由六百里諭令知之。○以江蘇江陰等處民團殺賊出力。賞道銜徐佩瑗。二品頂戴。花翎。郎中徐佩璠。員外郎徐佩璋。同知楊靖和。五品銜馬觀瀾。花翎。知縣華承皋等。藍翎。餘升敘有差。○以廣西羅城縣團練出力。予州同李國賢等。獎敘有差。○予廣西節年陣亡傷亡已革知州恩錫。知縣何俊等。十五員。祭葬世職。○戊寅。諭

平定縣志卷之四

五

內閣。據德興阿奏。均齊閑散。請旨辦理等語。古北口八旗閑散。多寡不一。遇有挑補甲缺。不無壅滯遷就等弊。自應查照成案辦理。所有古北口左翼四旗。右翼四旗閑散。著准其一律均齊挑補甲缺。○又諭。據勞崇光等奏。請將聞警先逃之知縣革職。拏問一摺。廣東知州銜大埔縣知縣陳慶麟。因傳言福建連城失守。不察虛實。攜眷帶印。避赴潮州府城。懇求交卸。竟置地方於不顧。實屬糊塗荒謬。

陳慶麟著即革職拏問。交勞崇光等從嚴定擬。○又諭據勞崇光奏請將平遠等縣失守案內各營弁分別革拏嚴辦等語。上年廣東平遠縣城失守。候補守備劉敬業。捏報赴興富營。點驗軍裝。復稱帶勇獲勝。隨同克復城池。實屬任意欺罔。把總利輔勳於該縣失守時。並無下落。克復後。靦然回營。殊出情理之外。署平鎮營都司世襲雲騎尉候補守備劉敬業。署平鎮營右哨二司把總承襲雲騎尉

實錄卷三四九

三

借補千總利輔勳。均著革職拏問。仁化城汛把總溫連高。於仁化失守時。是否先期在城外堵剿。所稱募勇克復。顯係飾詞避就。著即斥革。交勞崇光提省研訊確情。從嚴懲辦。其餘文武下落。仍著查明分別辦理。○諭軍機大臣等。據瑛榮奏。川省軍務。督臣專顧川東。逆匪李短搭搭等。乘虛分竄川北。探聞自梓潼至廣元一帶。全無兵練防守。陝西漢中府與蜀界毗連。雖調派官兵。出境嚴防。惟賊眾

兵單。恐川兵追賊北竄。偏入陝境。請飭福濟酌帶官兵。由劍州梓潼。馳往迎剿等語。前因粵逆竄入黔省。畢節縣境。距川省甚近。曾諭令崇實嚴飭地方文武。實力堵剿。並諭駱秉章抵川後。或親往南路。或分兵助剿。現在李逆又擾及川北。梓潼廣元一帶。必須嚴密設防。以遏北竄。福濟著暫緩來京。即由劍州梓潼。馳往防剿。該將軍並未帶有兵勇。著崇實迅撥官兵。交福濟統帶。駱秉章計已入川。如

實錄卷三四九

三

兵勇可以分撥。并著酌量調派。以防川北一路。福濟到防後。著即督飭官軍迎頭截擊。將李逆一股。迅速埽除。毋任竄入陝境。將此由六百里各諭令知之。○又諭據瑛榮奏。四川賊匪竄陷江油之中壩場。派兵防堵。陽平關。大安鎮。並已飭署漢中鎮。出境堵禦等語。四川賊匪李短搭搭。竄撲梓潼縣。據瑛榮另摺奏稱。已令署漢中鎮總兵萬福。挑兵一千名。酌量情形。前赴朝天關扼剿。並咨會經文岱。

派兵一千名候調。現在該匪既竄至中壩場。去陽平關。大安鎮較近。漢中情形喫緊。所派防堵之涼州等營兵五百名。是否足數分布。著璣榮、張芾妥為籌酌。並飭令萬福統帶官兵。剋日前往朝天關。會合川省兵勇。實力堵剿。其川陝毗連各要隘。亦即嚴飭該地方文武。督率兵練。實力防守。毋令匪蹤闖入。並著經文岱將備調官兵一千名。配齊軍裝器械。認真操練。如果情形比前較緊。即行派委妥員管帶。馳往堵剿。河南捻匪。時圖西竄。潼關商雒一帶。仍須認真防堵。毋得顧此失彼。將此由六百里各諭令知之。○予廣東信宜縣陣亡把總彭良佐。祭葬世職。武舉胡應魁。武生葉茂彭。賞卹加等。

實錄卷四十九

事

大清文宗協天翊運執中垂謨懋德振武聖孝淵恭端仁寬敏顯皇帝實錄卷之三百四十九

實錄卷四十九

事

大清文宗協天翊運執中垂謨懋德振武聖孝淵恭端仁寬敏顯皇帝實錄卷之三百五十

駐修鐵道經筵司講起居注官太子太保上書房總師傅太常卿領閣事翰林院掌院學士稽察欽奉二諭事務處閣史館總纂官武英

大學士管理兵部事務加十三級紀錄十四次臣賈賴業本總裁官歷任該官太子太保文淵閣領閣事武英殿總纂官乾隆庚子工體仁閣

大學士管理戶部三庫事務官理州縣事務加三級紀錄十六次臣周祖培總藏書太子少保管理內閣書房事務對引大臣軍機大臣

銀監授滿洲都統戶部尚書管理三庫事務加四級隨帶加五級紀錄三次^臣寶發總兵官經廷孫官弘德順救習清文信達十事廣饒濟

遼國史館總纂官正藍旗蒙古都統禮部尚書管理太倉寺鴻臚寺事務加二級軍功加四級隨帶加八級紀錄五次臣
統計譯布庫奉

教修

咸豐十一年辛酉四月己卯諭內閣前任閩

浙總督王懿德由部曹外任道府。洊擢總督。咸豐八年。力疾勦辦賊匪。綏靖巖疆。嗣因病重。賞假開缺回籍。上年該員來京。以舊疾未痊。復降旨令其回籍調理。方冀速就痊癒。更資倚畀。茲聞溘逝。悼惜殊深。王懿德著加恩照總督例賜卹。任內一切處分悉予開復。應得卹典該衙門察例具奏。伊長孫候選郎中王守愚著俟服闋後以郎中遇缺即選。以示朕眷念耄舊臣至意。尋予祭葬。謚靖毅。又諭

二六四

據都興阿奏帶兵大員咆哮無禮請旨革職並將起釁營員一併革職等語陝西延綏鎮總兵王萬清以二品大員輒與都興阿巡捕官喜成口角揪扭入帳房任意咆哮實屬有乖體制王萬清著即革職仍留營差委荊州驍騎校喜成因王萬清嗔其壓事輒我向分辯以致互相揪扭亦屬糊塗荒謬喜成著一併革職以示懲儆都興阿身為統帥約束不嚴致令將弁口角滋事著交部議處○又諭據勞崇光奏鹽務緝私緊要請在隘口設立排船一摺廣東鹽務積疲已久私販充斥以致官引滯銷課項徵收短絀北江一帶梟匪聯幫販私持械拒捕大為鹽務之害著照所請所有清遠縣屬白廟地方即添設排船製備槍礮編立字號發給兵役遇有大夥私匪執持火器軍械抗拒即格殺勿論如零星私販並未拒捕仍照常緝拏不得概行施放槍礮並著勞崇光遶委公正文武大員前往常

川駐劄督同緝私員弁兵役嚴密查緝認真辦理以肅嵯綱○諭軍機大臣等前據薛煥奏截留茶商銀十萬兩劃抵閩粵兩省應解鎮江協餉當經諭令文清等於協餉內扣除仍將未解餉銀速行如數籌解本日據巴棟阿等奏稱鎮江餉匱日久軍心渙散輒欲投賊幸薛煥截留茶商銀十萬兩解到散放羣情稍定惟賊匪驟至數逾三萬勢將久行圍困等語鎮江軍營缺餉已久雖經薛煥截留銀十萬兩暫時接濟而廣東福建等處協餉解到需時恐仍形匱乏儻軍心不固被賊勾結必致變生不測著薛煥悉心籌畫並傳諭江清驥將該營軍餉設法籌解源源接濟以免詳潰之虞至賊眾圍撲鎮城勢甚猖獗未可輕戰著巴棟阿馮子材嚴行守禦伺隙而動並督飭水陸各軍一體嚴防毋稍疏失將此由六百里諭知巴棟阿馮子材薛煥並傳諭江清驥知之○署直隸總督文煜奏副將

常存請暫緩赴東得旨著仍遵前旨飭令迅赴東省此缺另行揀員署理○以廣東羅定協副將陶茂森為陝西延安鎮總兵官○以湖南靖州守城出力賞同知張士寬花翎予陣亡守備田茂林祭葬世職○庚辰諭內閣譚廷襄奏請將失陷城池之印汛各官分別查叅一摺本年三月間賊竄山東朝城等州縣各該員等未能實力防剿以致城池失守均屬咎無可逭范縣知縣彭錫齡前經聯捷奏叅降旨交部嚴加議處該員復失守城池著即革職與已革濮州知州范允中一併提省研審如有逃避情事即行從嚴懲辦朝城縣典史郭承潞署朝城汛候補把總蕭金鐸濮州吏目顧灝濮州城汛把總胡鳳池署范縣典史余煥范縣汛把總聶廷瑞均著一併革職仍留於失事地方隨營協剿郭承潞蕭金鐸是否捏報受傷著譚廷襄確切查明毋任含混○諭軍機大臣等本日據聯捷奏賊

撲大名督兵擊退請飭前調官兵迅速前來等語山東范縣股匪攻撲大名府城雖經聯捷督兵擊退而濮范觀城一帶已成賊穴且與河東鄆城鉅野勾結一片賊勢已極蔓延大名兵力單薄防勦極關緊要前據勝保奏俟馳抵保定再行酌量情形統籌兼顧現在清河已無賊蹤威縣亦經解圍勝保已赴冀州所有前派正定官兵八百名景州防兵一千名成祿馬隊三百名應否分撥前赴大名著即分別緩急酌量調遣文煜前派赴大名之天津鎮兵一千名迄今已逾一月之久何以尚未到防著文煜飛催剋期即赴大名一帶協勦如帶兵之員遷延遲誤即據實嚴參將此由六百里諭令知之○又諭前據嚴樹森奏沈項匪眾滋蔓親帶兵勇前赴陳州督勦當經諭令該撫俟布置周密再往歸德本日據賈臻奏捻匪周慈等勾結捻首戴魁等圍撲沈邱復分股往沈邱集襲占民寨現挑

兵勇數百人即日親赴西路督勦等語所稱穎西捻匪情形與嚴樹森奏報大略相同賈臻現已親赴穎西督勦惟兵力較單嚴樹森前奏於二十日由省啟程自可即抵陳州著即派得力官兵前往沈邱等處會合皖省兵勇實力夾擊毋任蔓延前調赴汴之馬隊官兵著即挑選二百五十名發給槍箭派員統帶赴穎交賈臻籌給馬匹以資調遣將此由六百里諭令知之○又諭賈臻奏穎西捻匪蜂起親往督勦請飭催山東等省將借撥大藥軍裝等件速行解往等語卓陽等處捻匪勾結豫捻日形滋蔓賈臻現赴穎西督勦所有應需軍火據該署撫奏稱業已行文山東等省借撥著譚廷襄常績嚴樹森瑛榮將所借大藥軍裝等件即行如數備辦派員解赴穎州應用毋稍遲誤將此由六百里各諭令知之○又諭現在山東土匪擾及直隸大名一帶勝保業經帶兵馳往勦辦惟京師居民

稠雜恐有奸匪涸跡。窺探虛實。著周祖培等實力辦理團防。并著步軍統領衙門。順天府。嚴密查拏形迹可疑之人。毋得日久生懈。城內每有搶劫盜案。亦應督率兵役晝夜巡邏認真緝捕。以期內惠肅清。至城外地方。前經勝保派兵查拏土匪。漸臻安謐。此時無兵彈壓。恐匪徒復行搶掠。著張祥河董醇嚴飭各屬。編查保甲。嚴緝奸宄。不得視為具文。顛預了事。并著瑞常等督飭將弁。於城外地方。隨時稽查。遇有匪徒。即行拏獲。從嚴懲辦。以除奸宄而靖地方。將此各諭令知之。○以署歸化城副都統德勒克多爾濟為綏遠城將軍。○以勒辦安徽蒙城擒匪出力。賞從九品丁曾藝等。蓋翎。餘升敘有差。○予故綏遠城將軍成凱。祭葬。謚敬靖。○予山東朝城等處陣亡知縣董涵。守備陳兆烜。祭葬世職。○辛巳諭內閣。現在軍務未竣。亟須多儲將材。以備任使。近年帶兵各員。如羅澤南李續賓李續

宜。左宗棠等多係寒畯之士。經該督撫保奏。朕無不破格擢用。該員等効力戎行。均已著有成效。因思此外或寄迹末僚。或銜茅伏處。自必不乏才能之士。著各直省督撫虛心訪詢。如實有秉性忠誠。素嫻韜略。堪勝將帥之任者。即著據實保奏。送部引見。候旨簡用。惟不得以盜襲虛聲。有名無實之人。濫行充數。至軍營將弁。殺賊立功。一經奏聞。亦即立沛恩施。優加賞賚。其有職分雖卑。而謀勇實能出眾者。亦應亟為簡拔。以備干城之選。並著各路統兵大臣及各該督撫。秉公訪察。不拘資格。專摺保奏。一併送部引見。用副朕立賢無方至意。將此通諭知之。○又諭。據廉兆綸奏。請將被控勇目。飭拏歸案究辦。一摺。京營勇目趙長春。於上年五月間。經成琦廉兆綸派隨都司劉興邦。拏獲積囤穀糈人犯蘇恆泰等。奏交直隸總督審辦。現據開設糧店之從九品蘇恆安。在交河縣呈控趙長春。曾向

該鋪嚇詐多賊。並有指廉兆綸姓名索銀情事。案關勇目被控詐賊。牽涉大員。亟應徹底根究。所有趙長春一犯。即著直隸總督步軍統領衙門。順天府。五城。一體嚴拏務獲。交文煜歸案嚴究。以成信讞。○諭軍機大臣等。據常清景廉奏。俄國通商。抽換羊隻。請酌量停止一摺。俄國在伊犁塔爾巴哈台。兩城通商。原約有該商販來羊隻。每十隻官為抽換二隻。每隻給布一疋。現在抽換羊隻無多。且皆瘦小不堪。而布價較昂。於中國既無裨益。該臣蘇勒官來文。復有俄國民人喫虧之語。自應量為變通。即行停止。以順商情。本日已諭知明誼。明緒。於會勘地界之便。即將伊犁。塔爾巴哈台。兩城抽換羊隻之事。向該國使臣議明停止。該將軍等俟明誼等議定之後。即行查照辦理可也。將此諭令知之。○又諭據內閣侍讀學士賀壽慈奏。楚北團練。以黃州一府最為得力。屢挫賊鋒。著有成效。近年全

就裁撤。致令逆匪乘虛竄入。雖經援軍獲勝。而郡縣未盡肅清。請飭黃州各屬。重整團練。前任麻城縣知縣葛致遠。辦團極為得力。如令該縣總司其事。必能收有成效等語。逆匪上竄湖北。現在黃安等縣。雖經收復。麻城亦已解圍。而該逆盤踞黃州。尚未痛加勦洗。亟應整飭團練。以助兵力。著官文。胡林翼。趕緊勸諭黃州各屬團練。照舊舉行。俾該逆無可立足。勦辦自易為力。前任麻城縣葛致遠。如素得民心。兼有勇略。即飭令該員總司其事。并會同公正紳士。認真辦理。以收實效。另片奏。宜昌。荊州。為川省入楚之路。襄陽。德安。為豫省入楚之路。請飭一律辦理團練。此時川豫兩省。賊勢鴟張。隨州。德安。尚未克復。防勦均形喫緊。并著官文。胡林翼。飭令襄陽。德安。宜昌。荊州各府。與辦團練。毋得視為具文。原摺片著鈔給閱看。將此由六百里諭令知之。○引見翰林院保送御史人員。得旨。陳廷經。

楊書香趙新吳鳳藻洪昌燕俱著記名以御
史用○兩廣總督勞崇光等奏廣東本年鄉
試請展至十月舉行從之○壬午諭內閣據
戶部奏江西省地比錢糧歷年蠲緩延不造
報請將巡撫議處一摺江西省咸豐六七八
九等年徵收上下忙地屯等款錢糧經戶部
節次奏催未經造報上年十二月復經該部
奏參勒限兩箇月分晰補造乃該省並不實
力督催僅於歷次屆限時以軍務藉詞請展

為搪塞之計至十年分上忙錢糧該撫復以
應蠲應緩未能勘定各部展限並未專摺具
奏似此輟轉推卸任意因循實屬疲玩江西
巡撫毓科著先行交部議處並著查取辦理
遲延各職名送部覈議所有該省自六年下
忙起至十年下忙山地屯等款錢糧著該撫
督飭藩司分別蠲緩應徵各數趕緊造冊奏
咨毋再遲延其蠲免各款儘查有不肖州縣
蒙混催徵即著該撫從嚴參辦○癸未諭內

閣據奕楠等奏查明
陵寢要工請旨辦理一摺

昌陵

隆恩殿內龕座應修工程著即交本年承修另
案欽工處就近敬謹修葺應行移請

神牌著暫行請至

東配殿內供奉所有移請

神牌暨開工各吉期著欽天監敬謹選擇○又
諭前因瑞昌奏浙江督辦團練大臣邵燠辦

理乖謬並紳士章嗣衡等假公濟私各情當
經降旨將邵燠撤去團練大臣並令瑞昌王
有齡查明有無別項劣蹟據實奏參茲據奏
稱邵燠自奉旨督辦團練紳士陶慶章等日
索供應陶慶滔孫長生因勒索鄞縣供應銀
一千兩未滿所欲輒將該縣家丁痛加毆辱
先後借用甯波餉捐餘姚畝捐及紹興等處
各捐款數盈鉅萬並倚勢把持扶制官府入
局未久各擁厚貲慫恿邵燠收受民詞陶慶

淳等代為批判高下其手並於周陳氏追租威逼柳賢英身死一案輒令周陳氏出錢一萬二千串轉求銷案義橋等處並無勒賊獲犯之案等語紳士陶慶章等身居鄉里在本籍隨辦團練輒敢倚勢作威藉端舞弊實屬恣橫不法福建候補同知陶慶章江西候補知縣陶慶淳候選員外郎王嘉謨候選通判孫長生均著即行革職永不敘用儻再不知欽跡扶嫌主唆阻撓公事即著瑞昌王有齡提省究辦其借用甯波等處各捐款如查有侵蝕入己情弊即著瑞昌等嚴行懲辦以儆貪劣邵燦以本籍大員聽信劣紳等慫恿擅受民詞亦有不合著交部議處道員章嗣衡既據該將軍等查明僅止不協輿情並無別項劣蹟業經撤去幫辦團練即著免其置議○又諭前因浙東團練事無專責當派王履謙幫辦團練並督辦勸捐事宜原以該員於本省情形較為熟悉於軍務不無裨益茲據

瑞昌等奏稱王履謙與派捐各紳富大半親友並未督同勸辦先以扶嫌苛派為言致各紳富觀望等語王履謙如果徇情庇護親友勸捐毫無成效瑞昌王有齡即應據實奏參乃僅以王履謙為人長厚親友藉其關照等語空言陳奏顯係各存意見互相猜忌王履謙督辦勸捐責無旁貸務當破除情面實力勸導以濟軍餉瑞昌王有齡亦不得任令地方官及委員等扶嫌苛派有失民心茲將軍等其各共天公忠和衷共濟毋負朕諄諄訓誨至意○諭軍機大臣等據王有齡奏甯波設立新關徵收外國稅鈔一摺據稱甯波稅鈔向由上海代為收納給發免單但無關考成易滋流弊現在已設有新關令外國人幫司稅務應請嗣後凡外國貿易進口稅鈔各歸各口各自徵收所有免單認單概行停止等語江蘇上海關代徵各口稅鈔原因有外國人幫同照料從權辦理現在甯波既設新

關且有外國人日意格為副稅務司。自應以各收各口稅鈔為正辦。已諭知薛煥。照王有齡所議辦理矣。本日官文奏。喚俄各國商船陸續到漢口。喚國有領事官金執爾同往俄國船到。並未報知。來去自由。亦無領事官偕來。語言不通。任意裝載往來。莫從理喻等語。漢口江路賊氛逼近。外國船隻駛赴通商。本多窒礙。若如俄國之任意往來。殊滋流弊。且載運貨物。亦須遵守條約。著夾新等即照會

俄國。嗣後該國商船到漢口。務須有領事官偕往。去來必須報明。不得任意裝載往來。以杜詭計。其各國出口貨稅。交納稽查各章程。並著夾新等迅速酌議。咨覆官文。查照辦理。王有齡官文。摺片五件。均著鈔給閱看。將此諭令知之。○又諭。本日王有齡奏。甯波設立新關。徵收外國稅鈔一摺。江蘇上海關代徵甯波關稅鈔。原因浙海關徵收各國稅鈔。向歸舊關。與內地商稅。分別稽徵。書舍人等。無

從得其要領。從權辦理由江海關代為徵收。現在甯波既仿照上海設立新關。且有外國人日意格司理稅務。自應照王有齡所奏。各歸各口徵收。以清界限。著薛煥查明。嗣後外國貿易商船。如由上海等處出口之貨。江海等關。祇收本關出口稅鈔。毋庸另給印單。代收浙海關進口稅鈔。僅稅已交納。貨未銷售。仍赴別口銷售。所收稅銀。或即行發還。或給予票據。留抵本關下次之稅。所有免單認單。

即著停止。其浙海關徵收稅鈔。亦即照此辦理。以清界限。而杜影射。將此由六百里諭令知之。○又諭。昨據僧格林沁奏。擒匪盤踞鄆鉅。已令西凌阿駐劄長溝。相機進剿。本日據嚴樹森奏。曹屬土匪四起。十四日考城縣城外。望有大光。自大韓集以東。二十餘團。均已隨從擒匪。賊馬四五千匹。步賊約有數萬。邊馬已至考境。聲言欲往西甯等語。曹州府城被圍。曾據聯捷奏報。現復蔓及考城。勢甚猖

緬嚴樹森因陳汝軍情緊急業已出省譚廷襄赴東昌督勦亦屬難於兼顧現在西凌阿駐劄長溝距曹州較近著僧格林沁等即飭該都統統領所部官軍相機前進務須迎頭截擊勿任擾及完善之區該大臣如有可派官兵並著酌量添派飭令進援曹州以遏賊勢將此由六百里諭令知之○又諭前因田興恕奏粵匪竄擾畢節距川較近當經諭令該大臣飭令派出官軍繞出賊前迎頭攔截毋得從事尾追本日據崇實奏粵匪撲擾畢節縣城已飭敘永文武嚴密防堵惟川黔以赤水河為界沿河處處可通並敘州府交界處所上下數百里均須防範兵力不數分布請飭田興恕多撥援兵前往敘永並由川省接濟軍糧以期將此股賊匪肅除淨盡等語四川省藍李二逆尚未殄除川南現復告警兵勇不敷分布係屬實在情形田興恕已派都司田興發帶楚勇五百人往助川防所有

總兵楊巖寶等仍著遵照前旨催令督兵前進務於畢節地方將匪眾悉數殲除毋任他竄儻兵力尚單並著該大臣添撥勁旅星馳前往會合敘永官兵痛加勦洗勿令深入川省其官軍應需口糧等項一俟行抵川境即由川省接濟該大臣務當不分畛域悉心籌辦毋稍貽誤將此由六百里諭令知之○又諭前因粵匪竄及畢節距川省較近諭令駱秉章於入川後或親赴南路督勦或分兵勦辦勘酌情形辦理本日據崇實奏敘永防兵不數分布請飭田興恕撥兵助勦並因李藍二逆四處紛竄松潘番匪越嵩夷匪復行滋事儻粵匪復行闖入更難收拾請飭駱秉章速行赴蜀會同籌辦等語粵匪竄擾畢節本日已諭令田興恕飭令都司田興發等帶兵會同川兵勦辦駱秉章由沙市啟程計已早抵川境著即兼程前進與崇實將各路軍務會同籌商分別緩急派兵勦辦以期各匪次

第蕩平。母稍遲誤。將此由六百里諭令知之。○又諭據瑞昌等奏。常山江山失陷。賊偏衢城。兼恐旁竄金處一摺。已諭令慶端等迅撥勁旅。赴浙援剿矣。浙江嘉興等郡邑。久未克復。皖南賊匪。復陷江山常山。進逼衢州。僅令分竄金處。勢將通省糜爛。著瑞昌。王有齡。一面飭令道員江亢康等。實力防守衢州府城。毋稍疏忽。一面飛飭張玉良。親統官軍。星夜前進。速解衢州之圍。即將常山江山兩城設法收復。不得任令賊匪久踞。其金華處州兩府屬要隘。並著嚴飭各該地方文武。認真防堵。毋令匪蹤闖入。再瑞昌等另摺奏稱。查明平湖乍浦失陷情形。已將錫齡阿等。交部優卹。並將失事各員。分別懲處。賊匪久踞乍浦。勢必由海甯窺伺省城。根本重地。豈堪震動。現在曹秉忠等。扼劉洙涇新埭等處。即著瑞昌。王有齡。飭令該提督相機進剿。並將海鹽平湖乍浦等處。迅圖克復。以期漸就肅清。將

此由六百里諭令知之。○又諭據瑞昌等奏。常山江山復陷。賊匪直逼衢城一摺。據稱婺源賊匪。竄擾浙境。三月二十四日。常山失守。二十五日。江山失守。匪眾分股撲衢州府城。數逾十萬。官軍內外夾擊。該逆退踞航埠。雖經少挫。兇鋒難保不併力來犯等語。浙江嘉興府城。久未克復。乍浦失守以後。抗紹岌岌可危。逆匪因總兵曾玉明。副將林文察等。回閩援剿。乘虛復陷常山江山。雖經該將軍等派張玉良赴衢勦辦。而浙省面面受敵。實有力難兼顧之勢。閩省地屬鄰封。赴援較近。著慶端瑞璜。體察情形。如汀州一帶。軍務稍鬆。即抽調勁旅。派委得力大員統帶。由政和浦城等處。星馳前往衢州一路。會同浙軍。實力勦辦。所需糧餉。並著寬為籌備。帶往以利遄行。毋稍延誤。將此由六百里諭令知之。○又諭前因嚴樹森奏。山東館陶縣之館陶集。為賊竄踞。豫省漕船不能開行。當經諭令譚廷

襄飭令帶兵各員將該處賊匪殲除淨盡迅催沿河上下游船隻赴楚旺受克茲復據嚴樹森奏山東土匪盤踞濮州附近匪徒從而響應館陶朝城及鄆鉅一帶偏地皆賊范縣又有另股渡河西竄賊馬駛至楚旺經兵勇擊退近聞過黃之賊又有數千股數愈多運道阻隔漕船萬難開行等語山東濮范等處匪徒陸續渡河深入直境逼近臨漳內黃滑濟一帶意圖肆掠完善窺伺楚旺東境河岸已為匪徒往來熟徑必須趕緊勦除以固畿南門戶譚廷襄前派出防河之署總兵郝上庠知府童正詩等會同布置著即飭令將郛城范濮等處匪徒迅速捕勦淨盡毋任久踞河岸來往自如是為至要將此由六百里諭令知之○又諭前因賈臻親赴穎西督勦請飭豫省將前調赴汴之馬隊官兵挑選二百五十名赴穎助勦當諭令嚴樹森派員如數統帶赴穎本日據嚴樹森奏稱吉林等處馬

隊本不滿四百名除派赴汝郡六十餘員名撤回疲病官兵一百五員名外其餘無馬者僅存二百二十餘員名未能借撥皖省等語豫省防勦喫緊需用此項馬隊亦係實在情形惟皖豫壤地毗連賈臻親赴穎西勦辦皖捻即以保衛豫疆尤須馬隊著嚴樹森將此項留存官兵二百二十餘員名分撥一半仍遵前旨發給槍箭派員統帶赴穎交賈臻籌給馬匹以資調遣將此由六百里諭令知之○浙江巡撫王有齡奏辛酉鄉試請展至來歲舉行從之○吏部左侍郎匡源請假回京以工部左侍郎杜翰兼署吏部左侍郎○以江南京口協副將鞠耀乾為福山鎮總兵官○調甯夏副都統傑純為乍浦副都統以盛京協領常陞為甯夏副都統○以河南遂平勦賊出力賞營總蘇謙等藍翎餘升敘有差○以攻克四川鳳凰山等處賊巢並遂甯縣城解圍賞總兵官胡中和副將蕭慶高二品

封典副將何勝必以總兵官用知州朱鳳漂
知縣張銳堂等花翎知縣慶瀛等藍翎餘升
敘有差○以赴援浙江乍浦不力已革總兵
官朱興朝遣戍軍台效力贖罪革副將黃金
友等職留營效力○予浙江乍浦石門等處
陣亡總兵官王之敬祭葬世職如提督例並
於太湖地方建立專祠副都統錫齡阿都司
曹東山守備董洪祥祭葬世職生員彭兆黎
等賞卹如例○錫綏山東汶上知縣二縣被

擾村莊新舊額賦○錫綏浙江臨海黃巖慈
谿奉化山陰會稽蕭山諸暨餘姚上虞新昌
嵊天台仙居甯海太平金華蘭溪東陽義烏
武義浦江湯溪西安龍游開化麗水青田縉
雲遂昌慶元雲和景甯三十三縣並台州衛
海沙杜瀆錢清黃巖下砂頭五場被水被旱
地方新舊賦課有差○貸山西文水交城靈
邱永和懷仁大甯和順七縣貧民倉穀並綏
右玉保德甯遠陽曲太平曲沃虞鄉臨汾霍

靈石十廳州縣應還穀石○甲申江西巡撫
毓科奏動用應解浙餉得旨應解鄰封協撥
各餉已委解有人尚敢擅自截留即使道路
有梗亦應設法迅解乃不顧他省只知自固
吾圍可見汝等外官吟域之見萬難稍釋毓
科著交部議處○以江西玉山建昌等城解
圍賞道員段起布政使銜屈瑞王德榜按察
使銜知府黃家駒知州黃鳴珂同知朱爾輔
參將富安等花翎知縣劉世偉等藍翎餘升

敘有差予陣亡都司楊正剛黃順守備陳志
勝戴吉順等二十二員祭葬世職監生姚步
衡賞卹如等○予江西廣信等處陣亡同知
胡德璜都司危廷貴守備王富甲等十一員
祭葬世職○乙酉展綏浙江定海廳被擾地
方減徵額賦○丙戌諭內閣前因副將格洪
額在盱眙軍營被兵弁戕害當經降旨令袁
甲三查明有無激變別情並首犯方保悃等
下落詳細具奏茲據奏稱格洪額平日待下

極嚴。控馭失宜。以致激變。尚無另有別情等語。副將格洪額。既據查明。並無激變別情。著即毋庸議。首犯經制方保。懣。蠲。斃。尚無實據。並同謀現無下落。之同知銜候選知縣栗祥。把總李松。王。王。鳳。柳。玉。春。均著先行革職。交袁甲三嚴拏務獲。從重懲辦。格洪額文案委員。江蘇候補知縣王連。著一併革職。俟緝獲後。訊明。如有通賊情事。即著從嚴參辦。○又諭上年勝保奏。請飭崇恩赴營。降旨令其

隨同辦理軍務。現在該大臣赴直隸冀州一帶。勒匪。崇恩係現任京堂。既非幫辦之員。又非差委各員可比。況該員曾任山東巡撫。辦事未洽。輿情。若勝保帶赴山東。勒匪。於軍務亦無裨益。太常寺少卿崇恩。著即回京供職。○又諭前因勝保奏。請飭調候補鹽運使金安清赴營差遣。當經降旨。以該員前在安徽辦理捐務。捐數不符。填用空白部照。亦多短缺。飭令赴安徽清釐。是否已依限完竣。令袁

甲三查明辦理。茲據奏稱。金安清尚未到營。清釐捐款。應否飭令先赴勝保軍營差遣等語。候補鹽運使金安清。本係勝保派赴江浙勸捐之員。著即飭令帶同委員。先赴勝保軍營。所有捐輸收解款目。及領用空白部照實收。著勝保督飭該員。依限清釐。毋許遲延。含糊。其因捐數不符。同時被參之浙江補用道汪曜奎。經手捐務。與金安清諸多牽涉。著一併交勝保飭令覈算清楚。以重款項。○又諭

據袁甲三奏。勒辦靈泗等處擒匪獲勝一摺。擒匪竄擾泗州靈璧等屬。並勾結土匪。紀遇澄等聚於界溝集。日肆鴟張。袁甲三派令總兵張得勝等。由五河渡河。直趨賊圩。四面環攻。匪眾倉皇出拒。官軍槍礮齊施。先將鄧賢安賊圩攻破。附近之紀遇澄賊圩。及丁圩出賊援應。被官軍截擊。賊圩同時攻破。殲匪二千餘人。生擒三百五十六名。匪首紀遇澄。被獲正法。其河西股匪。併入張家圩。參將于殿

甲等帶兵會合進攻。圩賊與援賊勾結紛撲。官軍併力抄擊。殺賊一十四五百人。著袁甲三督飭帶兵各員。乘勝慘勒。毋任分竄。此次出力員弁兵勇。著袁甲三先行存記。彙案奏請獎勵。○諭軍機大臣等。前因聯捷奏。東省匪勢猖獗。請飭勝保分三路進剿。當經諭令該大臣酌量派兵前往。並疊諭前派正定鎮兵。及伊綿阿。成祿所帶官兵馬隊。酌量撥赴東省。會合剿辦。茲據譚廷襄奏稱。親赴往平。

督勒東昌臨清賊匪。均得勝仗。惟東昌之南阿城。七級。陽穀。壽張等處。屯匪甚眾。曹屬各縣。更不待言。如勝保由邱縣等處分起前進。則東昌西南北三路之匪。必皆分竄。東面兵勇單薄。惟有盼望前撥直隸之兵。迅速前來等語。東昌曹州等處。匪徒充斥。譚廷襄僅帶兵二三千名。馳赴往平。督勒恐勝保分兵南下。東路兵單。防其分竄。亦係實在情形。本日據勝保奏稱。邱縣冠縣賊勢不至復張。擬令

成祿帶兵二千餘名。徑赴大名。再以徐廷楷所帶一千名。會同王榕吉兵勇。防勒邱縣一路。已飭伊綿阿。由鄭家口等處進逼。以清臨清附近餘賊。原為遏賊竄入直境起見。惟東省兵勇既單。團練難以持久。必須統籌全局。以免顧此失彼。著勝保體察情形。如直境漸就肅清。兵力可以分撥。即酌量派赴東路扼要處所。會同譚廷襄所帶之兵。合力剿辦。使該逆無路紛竄。以期就地殲除。斷不可稍存

吟域之見。將此由六百里諭令知之。○又諭前據袁甲三奏。擬赴徐州剿匪。諭令仍駐臨淮。將苗練尋仇一事妥辦。並據賈臻奏。前往潁西剿匪。諭令於歲事後。即回潁州。援應東路。本日據袁甲三奏。稱苗沛霖親率大隊圍攻壽州。數約萬人。並有髮逆萬餘人。冒稱徐立壯練勇赴援。聞亦係苗沛霖勾結前來。臨營兵勇無餉。未能派往。請飭賈臻迅由潁州前往籌辦。並探聞苗沛霖已將所受粵匪偽

印等燒毀大隊漸回下蔡各等語。苗沛霖藉口報復。疊次圍攻壽州。叛跡顯然。雖據探稱所受粵逆偽印等業已銷毀。而聲言必須攻破壽州。仍屬心懷叵測。該大臣此次奏報。於應勦應撫毫無把握。值此苗練橫恣。壽州危急。亟應設法籌辦。豈得以臨淮兵勇日久無餉。未能派撥前往為詞。意存推諉。著袁甲三仍遵前旨。駐劄臨淮。即行確探苗練情形。如果大隊已回下蔡。其暫留許保清係為轉圜起見。自應乘其悔悟。亟加開導。令其速為反正。以省兵力。儻反覆無常。仍欲攻取壽州。即調派官軍。星馳赴援。毋任壽州闔城生靈慘遭毒荼。該大臣身膺重寄。諒不至始終推諉。有負委任。賈臻現署安徽巡撫。亦斷無專顧潁西一隅之理。著即將苗沛霖尋仇一事。究竟如何辦理。會同袁甲三悉心籌酌。據實奏聞。翁同書業已卸事。該署撫一俟潁西蕩事。即行馳赴壽州。以資鎮撫。不可稍涉遲緩。致

誤事機。將此由六百里各諭令知之。○人諭據勝保奏。遣撤西安疲病官兵。請飭另撥補額等語。勝保原調西安馬隊官兵八百名。除病故外。其餘弁兵。因出師日久。益形輟弱。馬匹亦多倒斃。現在挑出疲病官兵三百八十四員名。撤回西安歸伍。自應補足八百名之數。以資攻勦。著托明阿於存營官兵中。擇其人馬強壯。技藝嫺熟者。挑選馬隊官兵四百名。配齊器械馬匹。派令得力營總管帶。取道河南。徑赴直隸大名廣平一帶。歸勝保軍營聽候調遣。毋稍貽誤。將此由六百里諭令知之。○考試應開列試。著滿漢二品以下京堂各官。於上書房。○以攻勦山東邱縣賊巢出力。賞道員王榕吉。花翎。○以河南節次勦賊出力。賞副將圖塔訥。以總兵官用。參將吉昌。都司徐春芳。守備宋大有。委防禦石純等。花翎。知府陳昌年等。藍翎。餘升敘有差。○追予安徽泗州陣亡署知府鄭沅。於死事地。建

立專祠○以江南盱眙軍營殺賊賞守備徐平川等加銜獎敘予不屈被戕都司阮治功祭葬世職○丁亥

孝慎成皇后忌辰遣官祭

慕陵○諭內閣據田在田奏請將玩誤軍需之守備暫行革職等語直隸三屯營守備趙典滿經田在田派赴山西催餉乃行至滕縣地方遇賊受傷失道公文號馬復逗遛本籍延不回營實屬膽玩趙典滿著暫行革職留任

清實錄

卷一百一十

以示薄懲把總苗長春等實在下落著田在田查明辦理○諭軍機大臣等據王明等奏擒捕餘匪追至吉林邊界一摺據稱協領恩合帶兵嚴擒匪首才寶善劉名得徐洛紅等四月初五日跟蹤追至八面城地方沿途殺斃賊匪十五名生擒九名該匪出邊後其分竄各股又復合聚土匪約有二百名到處搶馬更換逃竄現已過八面城等語朝陽餘匪逃過八面城該處東北即係吉林邊境必

須迅速堵截以免該匪紛竄景瀄現已啟程

查勘地界著麟瑞嚴飭弁兵伺賊所向迎頭

截擊與協領恩合所帶官兵前後夾攻務令

悉數擒獲盡法懲治毋任漏網將此由六百

里諭令知之○又諭駐劄古北口西安官兵

一千名著烏蘭都管帶即行撤回歸伍以資

休息仍著托明阿保慶烏蘭都於西安駐防

官兵內再行挑選馬隊一千名務擇其技藝

嫺熟馬匹膽壯者勤加操練聽候調遣將此

實錄卷一百一十

三

由五百里諭令知之○以江南海裏汪等處

勒匪出力賞總兵官胡元昌提督銜州同蕭

誠花翎從九品吳炳等藍翎餘升敘有差

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之三百五十

實錄卷三百五十

三五

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之三百五十一

監修總裁官總纂日講起居注官太子太保上書省地部尚書文淵閣領事等處院學士稽察欽差上諭事處圖史館總纂官等處

大學士管理兵部事務加十三級紀錄十四次且實領軍機處總辦官太子太保文淵閣領事等處院學士稽察欽差上諭事處圖史館總纂官等處

大學士管理戶部事務加十三級紀錄十四次且實領軍機處總辦官太子太保文淵閣領事等處院學士稽察欽差上諭事處圖史館總纂官等處

鑲藍旗滿洲副都統戶部尚書管理三庫事務加十四級隨帶加五級紀錄十二次且實領軍機處總辦官太子太保文淵閣領事等處院學士稽察欽差上諭事處圖史館總纂官等處

達爾扎爾總辦官並監糧庫官並統轄庫部尚書管理太倉司鴻臚寺事務加二級軍功加四級隨帶加八級紀錄五次且係侍衛等事

敕修

咸豐十一年辛酉五月戊子朔諭軍機大臣

實錄卷三十一

一

等前因四川省各路軍務喫緊諭令駱秉章
兼程前進與崇實會商勦辦本日據崇實奏
稱川省官兵不能得力湖南湘果各營不敷
分布駱秉章駐劄重慶恐軍心日懈且川西
賊勢既張恐川東亦難扼守請飭該撫速赴
上游督率川楚兵勇兜勦賊事後再行規畫
東南其餉項即督同藩司悉心籌畫等語四
川藍李二逆前據崇實奏稱於簡州射洪等
屬四處紛竄官軍勦辦雖尚得手究未能速

為撲滅。駱秉章若駐劄重慶。深恐川西糜爛。即川東不能獨完。自屬實在情形。著駱秉章遵照前旨。督率黃澹熙等所部官軍。兼程前進。剋日馳赴省城。會同崇實將川省軍務通盤籌畫。妥為辦理。毋得專顧川東一路。其所帶兵勇。應需餉項。即著崇實寬為籌備。毋令缺乏。將此由六百里各諭令知之。○又諭明緒等奏。經費不敷。請飭迅撥一摺。據稱塔爾巴哈台庫存經費。並茶稅銀兩。及本年續徵茶稅。均已支發上年秋冬二季兵餉。本年春夏二季官兵應領鹽菜。實屬無項通那支發等語。甘肅省應行找撥塔爾巴哈台咸豐六七八九十等年。並十一年經費。共銀十萬五千九百三十餘兩。著樂斌嚴飭藩司。無論何款。先行撥銀一二萬兩。以濟要需。其餘銀兩。並著陸續撥解。毋稍遲誤。將此由五百里諭令知之。○署四川總督崇實奏。川省軍務未竣。本年鄉試。請緩至來年辦理。從之。○塔爾

巴哈台參贊大臣明緒等奏。查明阿勒坦沙拉父子並無下落。得旨。仍著密為訪查。實在下落。前據綽坦稱係該汗已投俄國。是否實有其事。抑係自相殘害。○命署直隸提督成保。回山海關副都統任。署山海關副都統寶山。回盛京副都統任。以前甘肅西甯鎮總兵官成明。署直隸提督。○己丑。諭軍機大臣等。勝保奏。直隸竄匪股數既多。馬賊尤眾。非有得力馬隊二三千名。難期盡數聚殲。請於朝陽馬隊中。分撥赴營隨剿等語。直東一帶地方遼闊。匪勢蔓延。馬隊不敷調遣。亦係實在情形。惟朝陽克復後。餘匪竄往吉林邊界。匪首才寶善等。尚在逃未獲。究未盡絕根株。現留黑龍江馬隊五百名。在朝陽駐劄。以資彈壓。勢難再行分撥。此外已無馬隊可調。勝保前請撥補之西安馬隊四百名。已諭令托明阿迅速撥往。以足八百名之數。合之黑龍江馬隊五百名。已有一千三百名。東境匪徒多

係烏合。該大臣現帶官兵。諒已足數。勦辦所請添調馬隊。著暫緩辦理。俟朝陽餘匪全數殲除。再將黑龍江馬隊。擇其精銳者。調赴勝保軍營可也。將此由六百里諭令知之。○又諭。瑞昌等奏。壽昌失守。嚴州蘭谿喫緊。現調兵勇堵剿一摺。江山常山賊匪。踰伏未動。華埠之賊。復竄陷壽昌縣城。其由蘭谿竄擾金華。固屬可虞。而由壽昌以至紹興杭州。均屬一水可通。匪蹤尤易闖入。是此時派兵堵剿。惟嚴州最為緊要。該處僅有副將陳步高一軍。合之該將軍等派往之副將貴廷芳等礮船。兵力殊屬未厚。據稱張玉良行抵衢州。聞警回援。已至大洋洋尾埠一帶。力扼下游。該提督屢挫之餘。是否足恃。且由衢州折回。已成尾追之勢。亟應由省調撥重兵。迎頭扼截。著瑞昌王有齡悉心籌酌。如令提督饒廷選前往嚴州一帶。將防剿事宜督率辦理。與張玉良一軍。互相聯絡。更為妥善。該匪旁犯蘭

谿。意在窺伺金華紹興。即著飭令張玉良嚴密堵截。以保完善。江常踞匪。可以夾攻衢州。並可分擾處州府。遂昌龍泉等縣。並著瑞昌等嚴飭該處文武各員。實力防範。不可疏失。前降旨令候補總兵李定太。幫辦徐宿勦匪事宜。著該將軍等。迅飭該員兼程前赴徐州。毋許遲誤。將此由六百里諭令知之。○補鑄廣西永淳縣知縣。南甯府儒學。橫州儒學。新甯州儒學。八尺寨巡檢各印信。從巡撫劉長佑請也。○以撥捕直隸安平土匪。及辦團出力。賞知府王啟會道銜。○以直隸勦捕河間等處土匪出力。予道員許誦恆等。加銜升敘。有差。陣亡生員郭錦文。監生郭如川等。賞卹加等。○以福建連城縣城被賊竄陷。革遊擊李世雄。葉啟元。都司蔡鳳麟。知縣李孟茶職。○予浙江杭州等處陣亡知縣劉曦。參將張登元。遊擊黃占超。都司吳世椿。守備王雲泰。教諭宋廷杰。訓導施學成。從九品丁燦。千總

金鳳丹。把總歐光宗等四十三員。祭葬世職。額外委鍾遇清等。並殉難男婦一千六百六十一名口。旌卹如例。○庚寅。

孝誠仁皇后忌辰。遣官祭。

景陵。○諭內閣。薛煥奏。官軍分路勦賊。疊獲大勝。金山肅清一摺。逆匪由乍浦分股。直撲江蘇。金山衛城。經薛煥飭令副將滕嗣林等。帶隊迎勦。進逼賊巢。擊斃黃衣賊目二名。擊沈賊船十餘隻。我軍追過平湖所屬之全公亭。

收隊時。有另股賊匪。突撲金山所屬之廊下鎮。官軍先將水路賊匪擊退。並分路進攻陸路賊匪。擒斬甚多。賊竄呂港。會秉忠督飭水師奮勇環攻。賊眾敗潰。立將廊下鎮賊卡埽除淨盡。其獨山全公亭等處賊匪。並新倉鎮踞匪。均經官軍練勇擊退。大泖塘逆匪。偷搭浮橋。經會秉忠督飭水路各軍。四面兜勦。先將浮橋拆毀。仍督軍進攻。擊斃黃衣騎馬賊五名。內有逆首偽頂天侯一名。生擒長髮賊

四名。轟沈賊船數十隻。淹斃賊匪不計其數。該逆自焚浮橋而遁。我軍直追過河。將該逆營卡全行踏毀。金山境內。一律肅清。勦辦尚屬得手。著薛煥督飭帶兵各員。乘勝進攻平湖。並咨催浙江官兵。會合夾攻。迅圖克復地方。毋任久踞。所有出力員弁兵勇。著薛煥查明彙入。歷次存記。案內擇尤保奏。其團練紳董。一併彙請獎勵。陣亡兵勇民團。即著查明咨部議卹。○又諭薛煥奏。請將失守城池之

知縣革職留營等語。江蘇長洲縣知縣李翰文。上年四月。經前署江蘇藩司蔡映斗。委赴青楊地等處管帶礮船。迎勦逆匪。在閘門接仗受傷。蘇州旋即失陷。李翰文係失守之員。本有應得之罪。該員現在捐輸洋礮。藉資攻勦。尚知愧奮。著先行革職。仍留營效力。○又諭前因遊擊虎崑揚。赴援松江。聞警耽延。降旨將該員摘去頂帶。署元和縣知縣馮樹勳。棄城潛逃。降旨將該員革職拏問。嗣據薛煥

奏馮樹勲捐造戰船。辦理營務。請暫緩拏問。復降旨允准。茲據薛煥奏稱。虎崑揚於被參後。隨同曾秉忠帶兵防剿。屢著戰功。此次嚴扼廊下鎮竄匪。尤能力挫兇鋒。馮樹勲捐造戰船。一律告成。堵剿青浦嘉善平湖賊匪。亦能奮勉。懇恩分別鼓勵等語。儘先補用參將江蘇金山營遊擊虎崑揚著賞還頂帶。並賞加副將銜。前署元和縣事已革知縣馮樹勲著免其拏問。○諭軍機大臣等。前因僧格林

沁奏兵餉不敷支放。請飭寬為籌備。當諭戶部迅速籌撥。茲據戶部奏請速行按數籌撥等語。著照所議。所有本年河東加票銀五萬兩。現在津防已撤。著常績即行撥解山東。交僧格林沁軍營。其指撥之河南本年春撥冊報實存清查案內銀五萬兩。長蘆辛酉年應報鹽課銀十萬兩。並著文煜嚴樹森迅速如數解赴該大臣軍營備用。毋許遲誤。仍將解餉委員姓名。及啟程日期。先行報部查覈。將

此由六百里各諭令知之。○又諭前因薛煥奏鎮江軍餉急迫。請將茶商應完閩粵兩海關稅銀截留十萬兩解往鎮營。當諭令文清等。於協餉內扣除。仍將未解餉銀速行如數籌解。本日據薛煥奏稱。前准文清咨會奉撥閩海關稅銀十萬兩。協濟鎮江軍餉。已籌撥五萬兩發交司庫。嗣據慶端函稱。閩海關所撥之項。因汀州等處相繼失守。調兵防剿。需餉浩繁。已將前項全數動用。請飭速籌補解等語。已棟阿前奏鎮江餉匱日久。飢軍輒欲投賊。雖經截留茶商銀十萬兩。暫時接濟。而該營欠餉甚多。亟應籌解。以固軍心。福建辦理防剿。自當另行籌畫。何得將應解鎮江之餉全行動用。著慶端瑞璜即飭該藩司將前項撥存動用銀五萬兩。趕緊籌補。剋日交江蘇委員錢寶傳由海運解。其餘銀五萬兩。即於茶商應完稅銀項下扣抵。以符奉撥原數。毋得遲延推諉。將此由六百里諭令知之。○

陝西陝安鎮總兵官馬得昭因病解任。以候補總兵官雷正綰為陝西陝安鎮總兵官。○予江蘇常州等處殉難刑部員外郎蔣錫寵等並紳民男婦一百三十五員名口。分別祭葬。世職旌卹如例。○辛卯。諭內閣。存誠奏請將袒護伊子之千總革職解訊一摺。通州拏獲竊劫案內。供出看守燕郊行宮千總尹朝臣之子。尹五。即尹常泰。委署千總。吳肇俊之子。吳大深。即吳秉順。同夥竊劫。該千總等袒護其子。抗不到案。擅繳解犯印文。通州派役將吳大深拏獲。千總吳肇俊率領趙八等將伊子奪回。並有毆差情事。實屬謬妄。尹朝臣。吳肇俊。均著即行革職。吳肇俊供無奪犯毆差情事。顯係有心狡展。著解赴通州。歸案究訊。尹五。吳大深。並著迅速解交通州審訊。按律懲辦。○諭軍機大臣等。本日據恭親王奕訢等奏。嚕嚕嘶聲稱廣東潮州府城開辦通商。領事官欲往府城。惠潮嘉道不令進城。並

呈遞照會。請飭廣東督撫酌量辦理等語。已諭知勞崇光等。體察民情。遵照條約。酌量辦理矣。奕訢等總理各國事務。如各省督撫辦理外國事務。有未盡妥協之處。經該國公使呈訴。即當酌量事之輕重。剴飭各該督撫遵照施行。一面奏聞。使各國知總理衙門事權較重。遇事可以代為辦理。若因該國所請事降旨。不但無此體制。且恐各國視總理衙門不過僅能轉奏。必啟輕視之心。於事無益。嗣後各國公使。如求奕訢等奏請諭旨。即告以應由總理衙門剴飭各督撫。遵照條約辦理。未便據情奏請諭旨。如此則呼應較靈。亦可杜該國無厭之請矣。將此諭令知之。○又諭。奕訢等奏。接收暎國照會。請飭酌辦一摺。據稱暎國嚕嚕嘶聲稱。潮州府現在開辦通商。兩廣總督派同知一員在汕頭居住。領事官欲往府城。見惠潮嘉道。該道旋赴汕頭會晤。不令進城。求該大臣奏請諭旨。飭外省大

吏謹守條約。並遞到照會。及該領事官詳報大略一紙。內有大官遠任。祇有小官可見。且援條約內商民人等准持執照前往內地一條。迄今未發執照。不得進潮城之故。實不因民情不順之語。所稱汕頭地方。是否即係通商之埠。該道能否改駐通商地方。及改駐後能否止其進城。請飭廣東督撫妥議等語。廣東潮州府開辦通商。自當按照條約辦理。惠潮嘉道不令進城。果因民情不順。該國亦無可藉口。惟據稱外商得進內地。親自販運。則地方官無從取利。如有此等情弊。是該道藉詞阻止。從中漁利。即應密查叅奏。以折服該領事之心。既准該國商人前往內地。豈能阻其進城。何以不發給執照。勞崇光等務當按照條約辦理。方不至別生枝節。至惠潮嘉道辦理通商。是其專責。應否改駐通商地方。以便稽查。改駐之後。能否止其進城之處。即著勞崇光。著齡。斟酌地方情形。妥議具奏。毋得

為屬員蒙混。致滋事端。將此由六百里諭令知之。○又諭本日據譚廷襄奏稱現聞勝保派成祿帶兵二千。徑赴大名。另飭伊綿阿一軍。進偃臨清。仍與徐廷楷等聯絡。不可遽離直境。惟大名與東昌唇齒相依。非可畫守。且豫省漕路阻滯。請飭伊綿阿由臨清。邱縣進偃館陶等語。譚廷襄出省督勦。兵力較單。玉盼直隸官兵前往援應。自係實在情形。伊綿阿一軍。已進偃臨清。邱縣業已獲勝。即可節節布置。相機前進。著勝保酌量緩急。如北路無虞。即迅飭官兵。由臨清邱縣進偃館陶。與譚廷襄所帶之兵。聯絡聲勢。會合夾攻。以期迅埽逆氛。疏通漕路。本日據聯捷奏。賊陷清河。旋即收復。廣平縣之賊。亦已埽除淨盡。該大臣即可督飭各路官軍。乘勝進勦。肅清直境。是為至要。將此由六百里諭令知之。○正紅旗蒙古副都統賽尚阿。因病解任。以署正藍旗蒙古副都統明慶為正紅旗蒙古副都

統○以直隸廣平開州勦匪守城出力。賞知州金秉忠。副將文運。花翎。勇目連九皋等。藍翎。餘升敘有差。○壬辰。諭軍機大臣等。前因袁甲三奏。候補運使金安清。尚未到營。清釐捐款。應否飭令先赴勝保軍營差遣。當經降旨。令該運使帶同委員。先赴勝保軍營。其捐款不符之處。即由勝保督飭依限清釐。本日據巴棟阿等奏。稱金安清赴皖清釐捐款。因道路梗阻。尚在清淮守候。鎮江現議設立籌餉總局。莫若先令折回開辦等語。鎮江水陸各軍。月餉無措。於江北完善地方。設立籌餉總局。自應趕緊開辦。以資接濟。著巴棟阿即行札飭該員前赴鎮江。會同江清驥妥議章程。一俟辦有頭緒。即著飭令該員仍赴勝保軍營。將捐輸收解數目。及領用空白部照。實收不符之處。逐一清釐。以重軍餉。不准藉詞延宕。將此由六百里諭令知之。○署安徽巡撫賈臻奏。壽州危急。請飭袁甲三援應。得旨。

近已有旨。令汝相機前進。速抵壽城。一面與袁甲三會勦。該大臣屢欲抽兵親赴北路。跡近推諉。已嚴旨諭止矣。又奏。請委才宇和辦理潁州糧臺。批。俟抵壽州後。仍應歸併。以節糜費。又奏。請將山西解餉委員王致泰。給還頂帶。又批。道路有阻。亦應設法前進。若皆以遲滯有因為詞。其何以示懲戒。所請著不准行。○署漕運總督王夢齡奏。喬松年因病請委王朝綸代辦北臺事務。得旨。該運使病體稍痊。即令其銷假接辦臺務。現委代辦之王朝綸。嚴飭其恪守向章。不准因代辦稍涉寬假。○禮科給事中唐壬森奏。請飭催何桂清解京審辦。得旨。該御史所奏甚是。仍應降旨嚴催。此事雖未見奏。自係實有其事。以冀倖免於萬一。該二員由浙而蘇。自蘇調浙。事事朋比為奸。亦天下所共曉。現在王有齡責任封圻。礙難一時更動。該御史所奏。皆誅心之論。著隨扈諸王大臣等。公同閱看。○以河南

開歸陳許道張運蘭為福建按察使○以江蘇鎮江府城防堵出力免已革知州雷鳳翥謫戍○癸巳諭軍機大臣等本日田在田奏官軍自攻克奶奶山後即派兵馳往灰古堆寨連日攻剿賊勢已窮正擬併力圍剿而苗練句結捻逆沿滄東竄並句東省回竄捻逆由北雙溝一帶至欄杆山夾溝等處牽我北路之師倉里藍旗甫退又有黑旗捻首趙克元等糾眾數萬圍攻高王山等圩向符離大營攻撲並分擾濉口宿州城外圩寨受傷人心搖動聲援斷絕徐郡門戶洞開請飭僧格林沁迅撥馬步兵勇會同剿辦並稱苗練又句毫蒙捻眾三四萬圖斷宿城餉道使其內潰即撲徐州各等語徐宿為北路藩籬苗練句結捻眾圖斷宿城餉道長驅攻徐情形極為詭譎宿州兵勇僅止數百名不敷剿辦設有疏虞則徐郡亦難獨支必至蔓延東省此時捻逆甫經回巢剿辦教匪亦漸有頭緒儻

苗練句結捻匪竄擾徐宿或東路苗捻聯合則東至靈壁泗州南至懷遠臨淮均為賊藪剿辦愈形棘手著僧格林沁西凌阿國瑞酌量情形如官兵可以抽調即迅速酌撥馬步官兵三四千名派令得力大員統帶前赴徐宿會同田在田分投剿辦將泗睢邳宿之匪相機攻剿並設法疏通餉道既可援應徐宿即可保衛山東於防剿機宜較有裨益諒該大臣等必能統籌全局斷不存畛域之見也將此由六百里諭令知之○又諭前因苗練尋仇一事袁甲三辦理未有把握諭令妥為籌辦並令賈臻會商具奏本日據翁同書奏稱四月初五六月苗練增營二十餘座並由九里溝布陣至東津渡夜間忽有兵馬萬餘聲言徐立壯赴援當將徐立壯縋入城中察知所統兵馬均係長髮捻匪欲占壽州該前撫誘執隊目數人勒令撤退並調兵入城於二十三日將徐立壯及主謀之徐立言擒獲

正法。並將孫家泰鎖拏監禁。已飛咨袁甲三。賈臻派員訊辦等語。苗沛霖擁眾圍攻壽州。本以孫家泰。徐立壯藉口。現在徐立壯句捻襲城。業經翁同書擒獲正法。孫家泰亦經就獄。著袁甲三。賈臻即嚴飭張學醇等。前往壽州。將革員孫家泰擅殺啟釁一案。秉公審辦。務期毫無偏袒。並招撫苗練。以徐立壯業經正法。孫家泰擅殺一案。亦派員審辦。自應將圍攻壽州之練。即行撤退。如能自知悔悟。協助官軍勦捻。不妨寬其既往。暫事羈縻。設不候查辦。仍句結捻匪。肆行擾掠。則是自外生成。斷難稍涉遷就。惟該練人數眾多。袁甲三等。必須先將脅從之眾。設法解散。使苗沛霖之勢漸孤。自無難於殲滅。亦未可鹵莽從事。致釀巨患。本日據田在田奏。苗練句結捻匪。沿滄東竄。圍攻宿城等語。田在田兵力較單。苗練欲斷絕餉道。使宿城內潰。即圍攻徐州。袁甲三文報業已不通。情形甚屬危急。該大

臣曾派張得勝等帶兵赴宿。何以復回臨淮。此時徐宿防勦喫緊。袁甲三雖未便遽離臨淮。仍當兼顧北路。派兵援應。方為妥善。將此由六百里各諭令知之。○又諭。田在田奏。苗練句結捻逆。沿滄東竄。牽我北路之師。又有黑旗捻首趙克元等。率黨圍攻高王山等圩。圖撲符離大營。並分黨於濉口一帶攻脅各圩。夾溝符離各營。兵勇無多。城外圩寨受逼。人心搖動。又句結毫蒙各捻。圍攻宿州。餉道斷絕。請飭僧格林沁撥兵會勦等語。本日已諭令僧格林沁等酌量情形。迅撥官兵前赴徐宿會勦。苗沛霖與團練尋仇。圍攻壽州。本日據翁同書奏。徐立壯業已正法。孫家泰現在監禁。苗練能否解圍。尚無把握。此次句結捻逆。圍攻徐宿。若不妥為辦理。恐與壽州同出一轍。僧格林沁等能否派兵援應。尚未可定。著田在田吳棠會同商酌。將苗練黨與設法解散。以孤其勢。其受逼各圩寨。既不免首

鼠兩端。尤當竭力開導。以期固結人心。毋令為匪黨所脅。餉道尤關緊要。更須設法疏通。以冀保全大局。將此由六百里諭令知之。○吏部遵議。熱河道福厚等處分。得旨。若論兼轄統轄。道府皆為兼轄。都統則為統轄。若論事關軍務。何以同案處分。不惟留調區別。而且一含混。一聲明。不准抵銷。意存軒輊。殊不平允。不知爾部是何意見。似此特旨。另議要件。尚敢如此蒙混。殊屬有乖職守。姑念此係初犯。暫免褫職。除杜翰基溥未隨同畫案外。其餘在京吏部堂官。均著嚴行申飭。其本案處分。靈杰著改為降四級留任。福厚照議降二級留任。俱著不准抵銷。此摺並硃批。著發鈔。○以山東勦辦濮頭賊匪出力。賞知縣毓貴花翎鐵珊藍翎副將成祿。如總兵銜。餘升敘有差。○甲午諭內閣。嚴樹森奏。請飭各直省督撫。各路統兵大員。不准擅調官吏等語。近來各省州縣等官。紛紛調營。難保非因缺

分瘠苦。希圖脫卸。或規避處分。甚至虧空之員。例應勒追監追者。亦謀調營。藉圖延宕。於吏治庫款。大有關係。應如何嚴杜取巧。以示限制之處。著吏部悉心妥議。嚴定章程。○諭軍機大臣等。前有旨。令山東在籍之前任雲南提督傅振邦。督辦民團。辦理登萊青三府防堵事宜。茲據御史任兆堅奏。登萊兩府地勢平衍。防守不易。青州尚有津要可防。而沂州尤為東省門戶。請飭傅振邦兼辦沂州團防。並請飭將登萊青沂各營弁兵。悉歸調遣等語。沂州南接淮海。西近兗奉。北連青萊。上年逆捻竄擾兗州等處。本年竄擾青萊等屬。均由沂州回巢。是該府實為東省門戶。且穆陵關等處。有險可守。前派之道員莊瑤。年逾七旬。難期得力。自應派令傅振邦兼辦。以資保衛。惟登萊青沂四府各營官兵。悉歸該提督調遣。以本籍大員。調遣各營弁兵。有無窒礙。著譚廷襄酌量情形。妥籌具奏。原摺著鈔

給閱看。將此由六百里諭令知之。尋奏傳振邦無庸兼辦沂防。報聞。○又諭本日據嚴樹森奏。毛昶熙派令在籍知縣張時中帶同李占標等往衛輝募勇。李占標等遂於獲嘉縣忠和鎮地方豎旗聚眾。肆行搶劫。並有牛有金等在新鄉縣小冀鎮斂錢糾人。與忠和鎮犄角。現已派兵勦辦等語。李占標等以聯莊會在逃人犯何以毛昶熙執行賞給功牌。留營差遣。復派令隨同募勇。以致聚眾滋事。已

千叢卷二十一

四十二

降旨將知縣張時中革職。並將毛昶熙交部議處矣。該犯李占標等現已聚眾千餘。有起事攻城圖報前仇之說。並有小冀鎮匪徒與為響應。設竟釀成巨患。恐蹈聯莊會覆轍。嚴樹森已派河北道王榮第帶兵前往查拏。即著飛催前進。務將首犯李占標等按名拏獲。盡法懲辦。該犯等係在毛昶熙軍營之人。並著刻即遴派得力大員酌帶官兵前赴獲嘉一帶。會同王榮第迅速辦理。務須設法解散。

脅從之眾以孤匪勢使首要各犯得以迅速就擒。毋令延蔓。將此由六百里各諭令知之。○河南巡撫嚴樹森奏。馳抵陳州布置情形。得旨。告示已覽。汝自縣令出身。於民間情形經練已久。然州縣為親民之官。於一切示諭不妨詞語俚鄙。以期家喻戶曉。至封疆大吏自有體制。若遇事皆似此四言韻語。殊屬不成事體。此則成事不說。嗣後宜恪守向章。以崇體制。又奏。河北捐輸統歸豫省委員辦理。

千叢卷三十三

四十三

批。前既有旨。甚為明晰。原應歸河南委員一手經理。朕之諭旨。非為汝等排解之具也。○實授瑛。陝西巡撫。以按察使吳春煥為布政使。督糧道王承基為按察使。○乙未。諭內閣。嚴樹森奏。特參性情殘忍。及才不稱職之守令各員。請分別懲辦一摺。道員用河南補用知府廖慶謀。性情殘忍。多疑好殺。著即革職。永不敘用。汝甯府知府祁之銓。庸懦輕聽。遇事茫無主見。著以同知降補。道員用候補

知府德林躁妄險詐。聲名狼藉。候補直隸州知州鄧國樑。人本平庸。性浮自用。署夏邑縣知縣陳桂林。品行卑污。候補知縣沈宣昭。在汝甯聽差。輕躁妄為。民怨沸騰。均著即行革職。試用同知桂德均。不自檢束。署新野縣事。候補知縣胡以忠。刻薄任性。不洽輿情。均著以府經歷縣丞降補。歸部選用。武安縣知縣昭文。才具平庸。大挑知縣劉名英。居心巧猾。人亦平庸。均著以教職歸部選用。中年縣知

平定文三十五

二二

縣魯奉森。精神委頓。難期振作。偃師縣教諭閻逢辰。訓導黃錦鳳。訓迪無方。士論不愜。均著勒令休致。以肅官箴。○又諭。仁壽等奏遵旨定擬已革知縣罪名一摺。此案已革熱河朝陽縣知縣富昌。失守地方。復捏稟冒功。希圖末減。仁壽等擬以斬監候。實屬罪有應得。惟該縣並無城池可守。情節尚屬可原。富昌著改為發往新疆效力贖罪。○諭軍機大臣等。都興阿奏。江北軍營支放勇糧數目。接奉

平定文三十五

二二

部議。請變通辦理一摺。江北練勇口糧。前經部議。以都興阿等原擬銀數。與例未符。令與南臺舊定之忠勇楚良勇兩項口糧。一併飭臺酌減。茲據該將軍奏稱。江蘇地方。籌餉較難。是以勇糧未敢悉照楚軍章程定擬。計每營每月。較湖北減去銀一千餘兩。其正勇仍照江北舊章。每名三兩。僅於隊長等項酌加。約計每營每月。僅增一百二十餘兩。至營官薪水。每員月支銀五十兩。以每營五百十五人為額。隨時修補軍裝器械。貼補公費之不足。較之零星分報。尚有節省。所帶楚勇。只一千一百餘名。在湖北軍營。月餉較優。遠調來揚。且稱勁旅。與揚營各勇。勢有不同。若餉項轉不如前。恐銳氣立形消阻。請照原定酌加銀數。抵各勇營積年欠餉。應找之數等語。江北防勦。正當喫緊。該將軍既查明各勇營皆有欠餉。擬酌加原定銀數。每月不過二千餘兩。以例外酌加之銀。抵為積年應找之款。尚

非格外添餉。著都興阿、黃彬即照前議章程辦理。以示鼓勵。此係因江北軍營。照湖北營制辦理。是以允其所請。此外不得援以為例。將此由六百里諭令知之。○又諭前據劉源灝奏。懇赴京請訓。當經諭令不必來見。趕緊前往雲南。本日據徐之銘奏。調任巡撫鄧爾恆行至曲靖府被賊戕害一摺。並將曲靖文武原稟鈔錄呈覽。鄧爾恆自滇赴陝。經徐之銘派撥兵練護送。行抵曲靖。在府署偏院居住。署知府唐簡等既知府署不甚嚴密。欲派兵練巡查。何以輒復中止。竊盜拒捕傷人。固屬常有之事。惟鄧爾恆係屬大員。又自稱行李無多。何至輕身堵門喊捕。即謂該犯李寶係因懷恨。故將該撫殺害。然昏夜之中。何以知堵門喊捉之人。即係該撫。且知李寶之殺該撫。實為挾仇起見。在場各犯既已就獲。該府等自應迅速解省。聽候審辦。何以遽將各該犯正法。以致無可質對。鄧爾恆既留兩僕

平定縣志卷之二十一

二六

在內伺候。則被害情形均應目擊。何以並未取有供詞。細閱曲靖文武原稟。情節種種支離。殊多疑竇。徐之銘並未駁斥。輒行據稟入奏。以大員被戕之案。並不徹底嚴究。輒草率了事。實堪詫異。劉源灝於接奉諭旨後。著即將鄧爾恆被害情形。密速訪查。據實詳晰具奏。務期水落石出。不准稍存徇隱消弭之見。再徐之銘奏。遵查迤西道宋廷春。由楚雄回省情形一摺。僅據該道宋廷春稟稱。因楚雄府城被陷。例有處分。回省聽候查叅。並無逃避情事。具奏亦屬含混。並著劉源灝將宋廷春於楚雄被陷後。如何回省。有無逃避情事。確切查明。嚴行叅辦。以儆官邪。徐之銘摺二件。並曲靖文武原稟。均著鈔給閱看。將此由六百里諭令知之。○以江蘇揚州勦賊出力。賞遊擊刁經明。巴圖魯名號。千總胡世英。花翎總兵官詹啓綸。提督銜。協領杜嘎爾。以副都統用。餘升敘有差。子陣亡知州吳樸。祭葬。

平定縣志卷之二十一

二七

世職團董陳常賞卹如例。○以協同攻克雲南富民縣城。復已革知縣年占職。○予江蘇蘇常等處陣亡殉難都司鄧應樾等十九員。祭葬世職。生員王叔釗等。暨紳民男婦三百四十員名口。旌卹如例。並於死事地方。建立總祠。○丙申。免湖南沅江水衝沙壓地畝新舊蘆課。○丁酉。諭軍機大臣等。巴棟阿等奏。鎮江水陸各營。需用軍火。為數甚鉅。現在局存無多。且經費支絀。採辦維艱。請飭陝西省趕解火藥十萬斤。配齊槍礮子火繩。並請飭直隸河南。將欠解軍火。如數籌解等語。鎮江軍情喫緊。急需軍火應用。且無款採辦。自應速為籌撥。著瑛際即行籌備火藥十萬斤。並按照火藥斤數。配齊擡槍子鳥槍子火繩。各七成。分起派員星夜解往江南糧臺應用。其直隸河南欠解江南軍火。並著文煜嚴樹森剋日趕解。務期埽數全清。毋稍遲誤。將此由六百里各諭令知之。○又諭張亮基奏。請飭

清錄卷三十五二

二十八

發捐照作為募練經費一摺。據稱近日滇省回練俱形猖獗。擬在川楚募練數千名。帶赴雲南。請頒發捐照五千張。作為募勇經費。並將官職虛銜各數。開單咨部等語。本日已諭令戶部將捐照如數頒發。並解往鶴峯州交張亮基收領矣。此項捐照。一經解到。著即於楚蜀一帶。照雲南省奏定捐米新章。辦理捐務。即將捐項作為募勇經費。俟練勇募齊。即日統帶啟程。前往雲南。遵照前旨。幫同劉源灝。將回務妥為辦理。並將澂江等處滋事之練。分別勦撫。毋任延蔓。將此由六百里諭令知之。○以湖南通道縣城被賊竄陷。革疏防知縣趙恩綰職。予陣亡把總馮作名祭葬世職。○予江蘇鎮江陣亡把總黃裕進外委邱大洪祭葬世職。

清錄卷三十五二

二十九

不能再邀寬典。至軍營將弁。或帶兵勦賊。或派往應援。往往有心玩誤。此等畏葸無能之員。即應立予正法。以儆其餘。乃該統兵大臣。不過將該員等叅革留營。希圖開脫。並未從嚴懲辦。以致紛紛效尤。軍令何由而肅。嗣後若敢徇情見好。不行據實嚴叅。一經查出。定將該大臣等一併治罪。決不寬貸。其失守地方人員。如已革浙江嘉興府知府張玉藻。久經奉旨正法。乃瑞昌等以潛逃無蹤。一奏了

實錄卷三五一

事。雖經嚴行飭緝。並未報獲。尚復成何事體。著瑞昌王有齡及各直省督撫。仍遵前旨。將張玉藻嚴拏務獲。即行就地正法。毋任漏網。並著各該督撫等。督飭各該地方官。於守衛事宜。實力講求。以期有備無患。儻賊至輒行逃避。惟當按律定擬罪名。以伸國法。不得以革職隨營效力。或隨同收復城池等詞。奏請免罪。經此次嚴諭之後。各路統兵大臣等。如仍前玩愒。不思振作。則是自貽伊戚。朕亦不

能為之曲宥也。將此通諭知之。又諭文煜奏遵查接遞軍報遲延各員。請分別嚴議。議處並開單呈覽。一摺。直隸定州接遞貴州提督田興恕六百里加緊摺報遲至三刻有零。非尋常延誤可比。定州直隸州知州汪鳴和著交部嚴加議處。河間縣遞送山東巡撫譚廷襄等五百里等摺報與下站任邱縣交收不符。著文煜查明究由何處遲誤。從重叅辦。河間縣知縣淡春暉前署任邱縣事。盧龍縣

實錄卷三五一

三

知縣黃宗敬著一併先行交部議處。○己亥諭內閣。毛昶熙奏豫省大河以南團練報竣。滙陳築寨練勇數目。並會同打仗情形。開單呈覽一摺。河南省地方平曠。皖北捻匪。路路可通。經毛昶熙等曉諭各屬官紳。舉行團練。訓習丁壯。築挖濠寨。增建礮樓礮臺。同時並舉。並明定操演徵調章程。辦理尚為妥協。現在開封歸德陳州許州南陽汝甯光州河南陝州汝州各府州縣。辦團業已一律報齊。並

疊次會合官兵堵剿竄匪屢獲勝仗著有成效所有在事出力官員紳董著嚴樹森毛昶熙鄭元善會同擇尤保奏其隨營官員紳士毋得濫行保奏○諭軍機大臣等前據田在田奏苗練句結捻逆竄擾宿州圖撲徐州當經諭令僧格林沁等酌量派撥馬步官兵三千名速往援應本日據吳棠奏稱後股捻逆傾巢悉至宿境不下六七萬人奶奶山等處均為匪踞宿營本無存儲餉道復行阻塞且與徐州文報不通業已旬餘徐城兵勇僅二千餘人蒙村烈山兩營被圍以後大股捻逆擾及郡城西路碭山各寨復被捻擾徐州亦將四面受困請速撥大兵救援等語徐宿捻勢鳴張且有收麥以後攻圍徐州即行長驅北犯之謠亟應速籌援救現在山東情形較鬆兵力諒可分撥徐宿為南北要衝斷不可令捻匪竄踞著僧格林沁西凌阿國瑞即酌撥馬步官兵派委得力大員統帶前進剋

日馳赴徐宿分投援應以杜該匪北竄之路將此由六百里諭令知之○又諭前因苗練句結捻匪圍攻宿城田在田兵力較單當諭袁甲三派兵援應茲據吳棠奏探明宿城被困餉道阻塞徐州存營兵勇僅二千餘人不能派往策應請添撥重兵救援等語宿州捻逆猖獗田在田隔絕南路吳棠不能救應袁甲三雖未能遽離臨淮而徐宿兩城坐困且係臨淮後路設有疏失關繫南北大局本日已諭僧格林沁等派兵援應而山東東昌等處匪徒尚未掃除能否分兵徐宿尚難豫定著袁甲三仍遵前旨迅速派撥勁兵即飭令總兵張得勝趕緊統帶馳往徐宿一帶會同田在田迅將此股捻匪痛加剿洗以解城圍毋許遲誤將此由六百里諭令知之○又諭吳棠奏軍餉支絀請飭催各省協餉等語徐州糧臺軍餉告乏譁潰時虞著常績瑛榮各將應解月餉一萬兩按期撥解其陝西尚欠

正二兩月協餉。並著瑛蔡迅速補撥。其山東河南應解餉糧。亦應設法接濟。著譚廷襄嚴樹森妥為籌畫。自五月起。每月各撥一萬兩。分解徐州糧臺。以贍饑軍。不得任意延緩。致誤要需。將此由六百里各諭令知之。又諭恭親王奕訢等奏各口關稅現當開辦之初。總理稅務司赫德來京所議章程。頭緒紛繁。實難洞悉流弊。請飭戶部會商辦理等語。現在辦理各口關稅事屬創始。奕訢等未能洞悉流弊。自係實在情形。惟此次各口設立新關。與外國交涉。設一切章程。未能妥協。徒滋爭論。且各口情形不同。恐戶部不能懸定所有各口關稅章程。仍著奕訢等悉心酌擬具奏。並咨令辦理各口通商大臣各就地方情形。妥為籌議。務各破除情面。力洗積習。以免外國商人有所藉口。將此諭令知之。以互相參揭。前河南巡撫慶廉降一級調用。前河南布政使賈臻降四級留任。以江南水師

勦賊出力。賞總兵官德麟巴圖魯名號。同知林士志。陳嗣學。遊擊李長華。張茂清。徐克明。都司鄭龍彪。守備賴進勝。王伯熊等。花翎千總余洪亮等。藍翎總兵官吳全美。以提督用。參將李起高。加總兵銜。餘升敘有差。以山東東昌勦賊出力。予營總烏爾貢扎布等。升敘有差。庚子遣官祭關帝廟。諭內閣廉兆綸奏請將玩視漕務之運弁。暫行革職。一摺。山東濟前幫押運千總李翰元。於上年守凍漕船。遲至四月間始據呈報過關。又不依限運抵通壩。以致在後幫船積壓不能前進。經廉兆綸嚴札催提。仍未據報起剝。實屬玩視漕務。李翰元著暫行革職。仍責令該總運督押該幫趕緊起剝。催同在後各幫迅抵通壩。毋任延宕。僅敢仍前玩誤。再行從嚴叅辦。又諭勝保奏請將藉稟邀功之知州革職查辦等語。山東臨清州知州張延齡兩次稟請勝保派兵往援。又復探知大軍攻破該州。

之漢頭老巢以進勦東南股匪大獲勝仗等詞具稟該員並未隨同勦賊輒藉稟邀功居心殊屬巧猾並據勝保奏稱該員將眷屬輜重送至南皮一帶藏匿寄頓以致居民遷徙平日黃緣上司經人控告有案此等劣員亟應嚴查懲辦張延齡著先行革職交譚廷襄按照所叅各款嚴行查辦並派委妥員接署該州事務以資整頓○諭軍機大臣等本日據勝保奏館陶克復以後自應乘勢收復邱

縣已派副將徐廷楷率同練總王秀芝統帶兵勇前往駐劄該大臣擬即將冠縣一帶賊巢節節掃蕩並請責成聯捷分辦濮范之賊先顧河口等語勝保於直東交界疊獲勝仗賊膽已寒小灘大股賊匪現已退遁大名以東賊勢已分亟應乘勢奪回濮范河口以扼賊匪來路譚廷襄前奏委署總兵郝上庠曹州府知府童正詩辦理濮范一路河防再得直隸官兵合力攻勦不難剋期奪回河口即

著聯捷就現有兵力分辦濮范之賊如兵勇不敷著勝保酌量分撥以資協勦並著勝保將冠縣一帶賊巢節節掃蕩務須就地殲除勿任他竄將此由六百里各諭令知之又諭勝保奏請飭直東各屬搜捕餘匪等語據稱東境教匪蔓延現當官軍擊散其逃匿匪犯除兇惡最著之首逆王建功等節經搜獲先後解送到營即時分別正法並將續獲未結各匪犯從嚴訊辦外其餘黨與既眾根蒂

已深如直隸之曲周清河廣宗肥鄉平鄉山東之臨清邱縣館陶等處伏莽尚多請飭直東各督撫一體飭屬查拏等語各處教匪滋事總由地方官平日不肯認真查緝以致養癰貽患現經勝保帶兵疊挫兇鋒特股數太多仍恐餘匪潛匿四鄉煽惑愚氓大軍一經移動各該地方官玩泄如前必致餘燼復燃著文煜譚廷襄嚴飭所屬將逃匿餘匪悉數拏獲盡法懲治以期盡絕根株儻該地方官

並不認真按查。即著從嚴叅辦。毋稍徇隱。將此由六百里各諭令知之。○又諭前據玉明等奏。朝陽餘匪。竄至吉林邊界。因景瀄已報啟程。當經諭令麟瑞督飭弁兵。與盛京追剿官軍合力夾擊。近聞匪首才寶善等。糾添夥黨。復至三四人。勢甚猖獗。擾及昌圖廳並科爾沁蒙古地方。若不速為剿除。恐該匪愈集愈多。肆行延蔓。著玉明嚴飭協領恩合。探賊所向。如該匪已在蒙古界內。即行實力追剿。並著麟瑞將派出吉林官兵。統交恩合管帶。務將匪眾悉數殲除。並將匪首才寶善。劉名得。徐洛紅等。按名擒獲。勿任漏網。一面知照蒙古各盟長會同兜拏。以期全行剿滅。黑龍江馬隊官兵。向稱得力。著特普欽。那敦德。擇其年力精壯。技藝嫺熟者。挑選一千名。配齊軍械馬匹。派赴朝陽駐剿。儻不足數。即於餘丁內。挑選足額。其帶兵將領。據副都統明慶。將該省總管佐領等。開單進呈。即發交特

普欽等於單開各員內。揀派得力之員。統帶挑出官軍。剋日啟程。即由吉林經過。如恩合剿匪尚未竣事。即將此項官軍暫留助剿。一俟剿捕事畢。即令馳赴朝陽。毋稍延誤。將此由六百里各諭令知之。○以山東勦辦館陶賊匪出力。賞都司劉景芳。邑圖魯名。號守備張清宇等。花翎道員文桂。周士鍵。按察使銜頭等侍衛祥恩。副都統銜餘升。敘有差。予陣亡外委王鳳瑞。祭葬世職。○辛丑夏至祭

地於

方澤。遣豫親王義道恭代行禮。○諭軍機大臣等。前據嚴樹森奏。李占標等於中和鎮地方聚眾滋事。已派河北道王榮第帶兵往拏。當經諭令毛昶熙派員帶兵會同勦辦。本日據聯捷奏。該匪李占標等攻圍原武縣城。雖經擊退。勢已燎原。李占標曾投南捻。並恐勾結捻匪北渡。擬親往督剿。請撥馬步隊協助等語。昨據勝保奏。濮范河口賊匪。請責成聯捷

勦辦已諭知該大臣酌量分撥兵勇交聯捷
派赴濮范勦匪現在李占標等於豫省腹地
滋擾且恐勾結南捻渡河聯捷自應先其所
急親往督勦所有河北鎮官兵段晴川練勇
均歸該京堂調遣會同毛昶熙派出官軍及
道員王榮第官兵認真勦辦速將首匪李占
標等按名擒獲盡法懲治其脅從之眾務當
設法解散以孤賊勢勝保現赴大名如聯捷
兵力不敷即將該大臣派勦濮范之兵酌量

分撥帶赴河北助勦以期迅速藏事將此由
六百里諭令知之○欽差倉場侍郎成琦吉
林將軍景瀄奏報行抵興凱湖守候俄使得
旨事事總宜堅守和約勿得稍涉通融此次
駁飭尚屬得體細閱該國照會文義雖不明
晰但恐該國先至興凱湖任意侵占在汝等
未到之前反以道路艱難為體恤見好地步
無論如何梗阻汝等必應至該處以期兩國
無爭以後不致別生枝節○閩浙總督慶端

奏請將克復連城出力各員存記請獎得旨
此次收復連城實未為大勝遇事則保乃近
年來外省惡習候克復汀郡如果偉績昭著
方准酌保以期覈實○壬寅以
神靈顯應頒安徽全椒縣

關帝廟

御書扁額曰護國昭靈○諭軍機大臣等前因
滇匪擾及川北梓潼廣元一帶當諭崇實撥
兵交福濟統帶由劍州梓潼馳往防勦並著
駱秉章酌量分撥兵勇以防川北茲據福濟
奏遵旨馳往川北請籌調官兵等語藍逆大
股圍攻綿州甚為喫緊並分股在潼川各場
肆行滋擾潼川之賊又欲分股由太和鎮下
竄保甯順慶由葫蘆谿劉家壩直撲綿州現
在北路德陽羅江綿州綿竹安縣小北路樂
至鹽亭遂甯太和鎮地方處處有賊非厚集
兵力痛加勦洗不足遏其兇鋒福濟現須趕
緊赴防所調陝西分劄甯羌駐守之甘肅官

兵五百名帶赴川北尚覺兵力不敷勦辦該將軍現已分咨崇實駱秉章各撥兵勇二千名馳往援勦現在川北情形喫緊各路兵勇如可勻撥即著崇實如數派赴福濟軍營與所調滿洲官兵一千名協力防勦以清川北一路兼保陝西完善地方毋任將備等藉詞延宕致有貽誤駱秉章計已抵川所帶兵勇數本無多仍著酌量川東川北緩急情形設法兼顧不可稍涉拘泥福濟到防後先就現有兵力節節布置實力堵勦力保陝南川北地方毋任賊匪竄擾將此由六百里各諭令知之○命署安徽巡撫賈臻江南提督李世忠幫辦欽差大臣袁甲三軍務○命升任雲南布政使蕭浚蘭暫留四川交成都將軍福濟差委○廣東潮州鎮總兵官壽山因病解任以儘先副將程國彥為廣東潮州鎮總兵官○以克復廣東開建縣等城賞道員劉式恕同知郝有金副將常吉參將張金華守備

黃添元等花翎把總葉占春等藍翎餘升敘加銜有差○以安徽定遠勦匪出力賞協領薩音阿巴圖魯名號知縣李孟荃外委李楹花翎提督李世忠優敘總兵官張得勝以提督用副將蔣立功以總兵官用餘升敘有差予陣亡遊擊袁步金守備張世球祭葬世職○以克復廣西梧州府城賞知州朱猷章參將梁喬那麟閣都司李榮陞黃聯開等花翎守備馮義清等藍翎提督崑壽等獎敘有差予江蘇常州殉難監生莊國勲等男女十五名口旌卹如例○癸卯署直隸提督成明奏收存礮位暨防兵分別歸伍得旨著照所擬辦理並將現存礮六十八尊斤兩尺寸詳細開單咨送總理行營處備查○甲辰諭內閣官文胡林翼奏請將因案監禁之革員戴罪勦賊一摺已革候選訓導吳佑棠本係因案監禁惟平日帶勇尚屬得力著准其暫行提禁戴罪勦賊俟續立戰功再由該督等分

別辦理○諭軍機大臣等前因吳棠奏擒逆
悉至宿境諭令僧格林沁等酌調馬步官兵
速行派往本日據僧格林沁奏接奉本月初
六日諭旨備陳無兵可撥情形一摺並據田
在田奏稱本月初一日以後蒙城亳州等處
擒匪悉數竄至宿州不下十萬餘人四面攻
圍城中兵勇不及百分之一且因餉道斷絕
軍民乏食情形萬分危急請速撥勁旅救援
並據吳棠奏官軍克復侯孟山寨此時北路

無擒如重兵南下乘其搶麥顧巢之際併力
掃蕩實一時難有機會各等語僧格林沁軍
營官兵先後派赴東昌等處勒匪存營自屬
無多惟宿州為北路緊要門戶設有疏虞則
擒逆必至悉竄東境與各路匪眾勾結勒辦
更難措手現在鉅野已獲勝仗國瑞帶馬隊
千名步隊四千又有黃良楷等所帶練勇兵
力較厚且東省多係土匪撲滅較易而徐宿
捻勢鳴張不能不先其所急以冀保全大局

著僧格林沁西凌阿國瑞體察情形如東昌
鉅野兩處官軍內可以抽撥即趕緊酌撥馬
步官兵派委得力大員管帶赴徐宿一帶援
應該州被圍日久城中之糧僅支十日且此
時北路並無擒匪乘其搶麥顧巢之際不難
痛加勒洗機會尤不可失該大臣等務當權
其輕重緩急設法援應徐宿毋誤事機將此
由六百里諭令知之○又諭前因擒匪圍困
宿州圖擾徐州疊經諭令袁甲三派兵赴援

並令總兵張得勝統帶前往宿州界連三省
為勒辦擒匪必爭之地且係臨淮後路設有
疏虞關繫南北大局現在定遠渡淮擒匪經
官軍截擊獲勝張得勝即可馳援宿州且又
有李世忠所帶兵勇臨淮兵力已厚不難分
撥著袁甲三賈臻李世忠遵照前旨速撥精
兵交張得勝統帶剋日啟程馳赴宿州迅解
城圍毋得遲延貽誤致干咎戾將此由六百
里諭令知之○又諭前據吳棠奏宿城被困

餉道阻塞。文報不通。當諭僧格林沁。袁甲三。各撥兵勇。馳往援救。茲據田在田奏。該匪投併西捻。糾約大股十餘萬。圍困宿州。食盡援絕。萬分危急等語。西路大股捻眾東趨。經田在田派兵進取柳溝。屢獲勝仗。犂其巢穴。正可乘勢進攻。詎該匪投併西捻。糾約大股。圍攻宿城。斷我徐州餉道。四面踐踏麥禾。城內饑軍。勢成坐困。本日復諭知僧格林沁。速撥勁兵。馳往救援。並諭袁甲三。飛催張得勝。統帶精兵。趕往夾擊。以解城圍。諒該大臣等。必遵旨撥兵赴援。惟宿城萬分危迫。田在田仍當激勵將士。堅守待援。徐州存城兵勇。雖屬無多。現在官軍克復侯孟山寨。郡北肅清。可以撤隊南顧。著即督飭參將王致祥等。馳赴夾溝。會同遊擊閃鳳來等。節節掃蕩。務將餉道疏通。以解宿州之圍。此外如有兵勇可援。亦當先其所急。派往撥應。不得坐待援師。致有貽誤。至碭山縣為河南山陝各省餉道必

由之路。關係非輕。吳棠業已派兵馳往探勦。著即飭守備李廷棟等。迅速勦洗。毋令餉道梗塞。是為至要。將此由六百里諭令知之。○命福州副都統多隆阿。幫辦湖廣總督官文。湖北巡撫胡林翼軍務。○命三等侍衛穆克登。阿留於湖北。交官文差遣委用。○以湖北堵勦皖賊出力。賞參將梁洪勝。王萬年。協領舒亮。巴圖魯名號。縣丞楊德峻。花翎總兵官雷正綰。提督銜副將趙既發。曹克忠。王可陞。陶茂林。趙克彰。總兵銜副將石清吉。楊朝林。以總兵官用。協領常星阿。穆圖善。以副都統用。副都統多隆阿等。加銜升敘有差。予陣亡千總楊得勝。委防禦全安等五員。祭葬世職。○以山東荷澤鄒鄒等處勦匪出力。復已革副都統桂成。德楞額。協領色爾固善。道員黃良楷等職。○乙巳。諭內閣。瑞昌等奏。龍游湯溪金華府縣城池。及長興縣城先後失守。各一摺。瑞昌王有齡督辦軍務。不惟毫無成效。

而且屢失郡縣。已失者久稽克復。完善者未聞保障之方。即如本日奏到。又失一郡三邑。況屢次奏報。亦從未自請處分。殊屬膽大。瑞昌。王有齡。均著革職留任。以示懲儆。○又諭。王有齡奏。委員被控舞弊。請革職審辦一摺。上年浙江省克復桐廬出力官紳。經瑞昌王有齡彙案保奏。降旨允准。現據辦團知縣倪應晉控告文案委員孫淳溥。因借貸不遂。將伊保舉銜名刪去。並與知縣徐代鎮。勾通舞弊。將戚族通判孫濤等銜名列入。及同知傅以禮等。並未辦團。亦邀保舉等情。虛實均應徹底根究。候選知府孫淳溥。同知銜江蘇候補知縣倪應晉。均著先行革職。桐廬縣知縣徐代鎮。著即行撤任。福建試用同知傅以禮。候選通判孫濤。貢生徐瑞麟。監生孫慶祺。高朗。原保之案。一併先行撤銷。交瑞昌會同張錫庚。親提嚴審。務得確情具奏。毋稍徇隱。○又諭。晏端書。王夢齡。奏。辦團及守城出力官

紳。可否懇恩獎勵一摺。江蘇淮揚各屬。經晏端書等督辦團練。該官紳練董。自備資斧。已閱年餘。均能實心任事。始終勤奮。並於賊匪竄擾時。竭力守禦。自應量予鼓勵。所有江北現辦團練人員。並咸豐九十兩年。淮揚守城出力官紳練董。著晏端書會同王夢齡。擇尤酌保。毋許冒濫。○又諭。前據瑛榮奏。河南西平縣知縣高慶頤。勦匪不力。物議沸騰。當降旨交該撫嚴究確情。據實參辦。茲據嚴樹森奏。該革員高慶頤。雖訊無株守縣城。致難民被賊裹脅等事。惟不容難民進城。以致聚眾喧鬧。是該員不體民情。辦理不善。已毫無疑竇。高慶頤著即行革職。永不敘用。○諭軍機大臣等。瑞昌。王有齡。奏。常山江山之賊。繞越衢州。連陷龍游湯溪二縣。及金華府城。請飭催援師救應一摺。據稱賊匪自竄陷常山江山後。另股竄踞壽昌縣城。分股下竄。均經兵練迎擊退回。四月十六日。該逆越過衢城。十

七十八十九等日龍游湯溪二縣及金華府城先後失守張玉良退守嚴州咨商左宗棠統師援浙等語該逆以壽昌牽掣我師而大股仍從江山一路繞竄而下以致三日之內連陷府縣三城猖獗已極其窺伺甯紹更在意中張玉良各軍不能得力藩司林福祥帶勇千名甫抵貴溪弋陽一帶已革道員李元度新募楚勇八九千人計方抵江西省城未能剋期趕到浙省情形萬分喫緊必須設法

中興文下十二

十二

援應以顧大局前據曾國藩奏左宗棠自擊敗李逆股匪後現在伺其所向跟蹤追剿目下該逆以全股深入浙境果能四面兜剿不難聚而殲旃左宗棠一軍屢獲勝仗聲勢頗壯即著統帶所部剋日啟程應援浙江會同瑞昌等所派官兵將失陷城池次第收復以靖逆氛毋稍延緩再前據恭親王奕訢等呈遞英法兩國照會內有湖北廣濟黃梅兩縣於三月十二日十三日先後失陷黃梅失守之信

到九江藩臺私行退去之語張集馨赴九江辦理通商何以一聞警報輒即避去如果屬實必為外國人輕視著曾國藩嚴密訪查據實奏奏將此由六百里加緊諭令知之○又諭前因賊陷壽昌諭令瑞昌等調撥重兵令饒廷選帶赴嚴州相機進剿並飭張玉良扼守蘭溪以保金華紹興本日據瑞昌王有齡奏江常之賊連陷龍游湯溪金華府縣城池北路賊匪竄陷長興各一摺覽奏曷勝憤懣

中興文下十三

十三

本日已諭知曾國藩令左宗棠一軍迅速援浙矣惟左宗棠由江西援應浙江必須將江山常山之賊先行掃蕩始能前進此時金華等城被匪占踞賊蹤業已蔓延腹地非調撥重兵迎頭截剿則杭州紹興等處斷不可保張玉良既不得力何以不行嚴叅撤回任令貽誤該員威望已挫此時株守嚴州何能有益著瑞昌王有齡遵照前旨挑選精兵交饒廷選統帶剋日出省探明何處緊急即由何

路進勦並將金華等城速籌克復其文瑞一軍應否歸饒廷選統率之處即著該將軍等斟酌辦理一面知照王履謙實力勸諭團練同心禦侮並嚴飭辦防之道員孫士達等認真防守以保浙東毋許疏失林福祥李元度兩員所帶兵勇並著催令星馳前進相機攻勦以分賊勢長興失陷湖州岌岌可虞著瑞昌等責成道員趙景賢設法收復以勦為防惟湖州兵力亦單應如何籌撥勁旅應援即

平定元年十二月

旨

著該將軍等妥為兼顧不可漫無布置將此由六百里諭令知之○又諭崇厚奏山東登州新開口岸遴委妥員前往會辦一摺據稱山東登萊青道崇芳等所議通商章程雖係因地制宜與條約新章多有不符之處並恐該道等於現辦新章未能熟諳現派直隸候補知府王啟曾等赴登州請飭譚廷襄轉飭崇芳等會同妥辦等語登州開埠通商事屬創始於中外交涉事件必須遵照條約新章

妥為籌辦庶各國商民不致別生枝節著譚廷襄飭令登萊青道崇芳等俟王啟曾到後即會同該員將一切通商事宜悉心籌畫妥為辦理務令地方稅務兩有裨益毋得稍存畛域致滋流弊將此由五百里諭令知之通商大臣崇厚奏請委通判沈雄等辦理關稅得旨或係隔省或係京員恐此端一開皆以通商為捷徑所請不准行予浙江乍浦殉難副都統錫齡阿妻胡扎爾氏等五名口

平定元年十二月

旨

旌卹如例○丙午諭內閣奕櫨等奏

陵寢工程應行告祭各事宜請飭部辦理並請

另擇吉期一摺

昌陵

隆恩殿內龕座應行修葺所有移請

神牌等事宜前經降旨照奕櫨等所議辦理其

興工前一日告祭

后土工竣日告祭司工恭請

神牌還位撰擬祝文應補祭品各事宜均著禮

部查照成案。奏請辦理。至欽天監所擇移請神牌。及開工各吉期。既據奕櫚等奏稱。現在趕辦不及。著該衙門另行敬謹選擇。○又諭。前因庫倫辦事大臣色克通額。奏參恰克圖部院章京瑞徵。訛索茶箱。降旨將該員革職。嚴行審訊。茲據刑部奏稱。瑞徵供稱。茶商票規。歷任皆然。至所收陋規。十餘萬兩。除解交理藩院王公庫餽銀二萬兩外。尚有辦送庫倫大臣等節壽禮物。三年約費銀九千餘兩。俱係甲首代辦等語。甲首等呈出帳目。及甲首梁世傑等供詞。均屬相符。該大臣原奏。概稱係瑞徵收受。入己之款。殊屬含混。並據梁世傑等供。色克通額。囑穆漢汶。向伊等通融。販茶二百箱。收下五十箱。餘俱退還。拆看均已抽換廢紙空包。及稟見色克通額。面稱茶票均已全收。恐穆漢汶在外聲張。故作退還。與該大臣原奏所稱。因商民餽送賀禮。再三懇求。始行全收之事。均屬不符。又據梁世傑

實錄卷三五一

三六

等供。色克通額。前任恰克圖章京。於茶商票規。及挑貨借茶等項銀兩。亦係按照歷任舊章收受等語。此案經刑部訊出各供。與色克通額原奏。種種不符。即著色克通額。按照各款。據實明白。迴奏。毋稍隱飾。○福建巡撫瑞璿等奏。請展緩鄉試。從之。○以河南延津等處。勦匪出力。賞參將裴政等花翎。知縣林大木。藍翎。餘升敘有差。予陣亡把總張清雲。祭葬。世職。○予山東安邱等處陣亡知縣陳用衡。守備李琦。龍祭葬。世職。○丁未諭。軍機大臣等。本日據勝保等奏。克復冠縣。即日抽撥各軍。前往駐守。並飭大順廣道王榕吉。帶兵仍劄小灘。與冠縣聯絡聲勢。惟邱縣等城。克復多日。地方官尚未到任。請飭譚廷襄。速飭各地方官。即行赴任。並迅由東昌以西。進兵等語。勝保連克數邑。軍威頗振。譚廷襄駐劄東昌。勦匪亦尚得手。自應合力夾擊。以期地方迅就肅清。現在勝保已督飭將士。擇要進

實錄卷三五一

三七

兵。即著譚廷襄酌量情形。由東昌以西進兵。會合勝保派出各軍。協力夾剿。將未復各城。速行攻克。以靖地方。至邱縣。館陶。冠縣等城。既經克復。全賴地方官安撫善良。緝拏餘匪。豈能處處留兵防守。山東地方官賊至輒逃。克復後。又以赴任為畏途。此等巧猾積習。殊堪痛恨。大兵遠去。餘燼復燃。咎將誰諉。著譚廷襄迅速飭令。派委各該處地方文武。剋日赴任。認真經理。儻敢規避遷延。即著嚴叅治罪。毋稍寬縱。將此由六百里諭令知之。○又

實錄卷三十三

吏

諭。上年十二月間。據譚廷襄奏請。將各營豫借接濟。及來春餉項。緩至來春給發。當經諭令。托明阿等。曉諭各營弁兵。本日據瑛榮奏。稱陝西每年徵收地丁銀兩。支放本省兵餉。及新添固原城守等十八營俸餉。已無餘騰。此外撥解京餉。甘餉。各省協餉等項。以及本省防堵經費。均須隨時設法湊支。現在上年冬餉。甫經放竣。春餉尚未開支。若將豫借接

濟等項。一併補放。短缺尤鉅。除將旗綠各營春餉。刻即開支。隨後即放夏餉。所有前奏展緩之豫借接濟各項銀兩。請暫行停緩等語。陝西省撥款繁多。庫儲支絀。係屬實在情形。所有前准展緩之豫借接濟買糧草乾等項。及應隨夏餉借支接濟各銀兩。均著准其暫行停緩。俟庫款充裕。仍復舊章。即著托明阿。經文岱。曉諭各營員弁兵丁。一體遵照。將此由五百里各諭令知之。○河南巡撫嚴樹森

實錄卷三十三

吏

奏。主事倪文蔚等請暫留營。得旨。汝自抵豫以來。每仗必保。習氣太深。國家名器。豈可如是濫邀。以後戒之。○以故土爾扈特貝勒蒙庫那遜子固嚕扎布襲爵。○以河南勦辦汝甯等處匪徒出力。賞委防禦巴彥克善等。花翎。生員王冠軍等。藍翎。候補道張曜。布政使銜。餘升敘有差。○以山東勦辦冠縣踞匪出力。賞總兵官阿麟保。花翎。守備王永勝。巴圖魯名號。佐領德克登布。副都統銜。道員王榕

吉。以按察使用副將徐廷楷成祿以總兵官用。

實錄卷三三三

三

大清文宗協天翊運執中垂謨懋德振武聖孝淵恭端仁寬敏顯皇帝實錄卷之三百五十二

大清文宗協天翊運執中垂謨懋德振武聖孝淵恭端仁寬敏顯皇帝實錄卷之三百五十三

教修

咸豐十一年辛酉五月己酉諭內閣京師入

實錄卷三三三

一

夏以來疊經留京王大臣及順天府府尹等奏報得雨惟夏至以後尚未渥霈甘霖農田望澤甚殷朕心實深廕念允宜虔申祈禱以迓和甘○山東布政使清盛奏募勇口糧請俟事竣報銷得旨事竣覈實報銷似認真而實則漫無稽考兵勇名數本應按月奏報勇糧多寡亦應按月而稽以免輟輟而昭覈實應幾月報銷一次著戶部照章飭行○庚戌孝恭仁皇后忌辰遣官祭

景陵○湖廣總督官文奏請俟軍務稍鬆再行入覲得旨即使軍務稍鬆尚有善後應辦事宜況楚省據江皖上游亦難遽行入都著統俟軍務完竣再行奏請○辛亥諭內閣前經降旨令大學士會同刑部酌量案情輕重分別減等發落茲據御史華祝三奏稱刑部監犯現有五百餘人其中新事人犯固多二三年未經審結者亦復不少獄中病故人犯六十餘名未必盡屬死罪等語刑部辦理案件理應及早定讞以省拖累若經年累月案懸莫結甚至監斃多名殊非朕欽恤庶獄之意著刑部堂官迅將歷年未結各案逐一清釐其特派會審案件並著趕緊會鞫分別輕重先為擬結毋任留滯其覈對處一案毋得草率了結致滋開脫○又諭失守城池各員疊經降旨令各路統兵大臣及該督撫等隨時奏明按律治罪不准藉詞開脫茲據御史卞寶第奏地方官棄城不守免罪後續保官階

請飭部議定限制等語地方官失守城寨罪名綦重若因續有勞績遽請開復原官甚至保以升階殊不足以示限制所有失守城池之文武員弁於免罪後續保官階之處著吏兵二部嚴定章程具奏○諭軍機大臣等御史華祝三奏上年秋間廣東省樂昌仁化之賊出巢肆擾由江西南贛分竄甯都撫建廣信連擾數十州縣本年春間玉山解圍復由河口東鄉金谿圍攻撫建由宜黃崇仁竄入臨江府屬之樟樹鎮新淦縣攻陷吉安圍撲袁州占踞瑞郡頃聞奉新靖安豐城以及新建之生米鎮等處均有賊壘窺伺省垣錢糧釐金來源俱竭各營欠餉至四五月之多兵勇飢潰降賊有李金陽者率勇降賊並且為賊先驅請飭曾國藩速派勁兵赴江西省城並分投勦洗等語粵匪闖入江西肆行竄擾除樂平浮梁鄱陽等處肅清已據曾國藩奏報玉山廣豐撫州建昌廣信等城解圍吉安

府城新淦縣城於失守後即行克復已據毓科奏報外現在各屬匪蹤尚未淨盡曾國藩統轄該省且軍營餉需全賴江西接濟自應亟籌埽蕩以免餉源告竭南昌為省垣重地尤不可稍有疏失著曾國藩斟酌緩急應如何派撥官軍以及調撥江西原有官兵應援江西省城及將袁臨等處賊匪分別勦洗之處妥為籌辦毋任賊勢延蔓副將李金陽據毓科奏派令援勦吉安於龍王廟地方失利退保安福是否降賊並著該大臣查明具奏將此由六百里諭令知之○予浙江長安鎮殉難布政司經歷朱震百從九品朱鏐朱心誠祭葬世職○壬子諭內閣賈臻奏請將釐局委員革職等語安徽釐局委員候補知府袁懷忠將報明存餘之款任意開銷候補知縣郭炳垣候補州同陶煥於局存釐錢票根稟稱被匪搶劫顯有捏飾情弊該員等居心貪詐亟應徹底嚴究以重稅課袁懷忠郭炳

垣陶煥均著即行革職交賈臻嚴行審訊如有侵蝕捏報情事即行從嚴懲辦○諭軍機大臣等前因宿州被匪圍困疊經諭令僧格林沁等撥兵前往援救本日據田在田奏圍城擒匪黑旗一股自本月初五至十二等日經該總兵疊次派兵出城並親行督隊勦擊連獲大勝城圍稍鬆惟賊蹤依然遍野餉道不通徐宿同時喫重請飭大兵速行赴援並據另片奏十三日汴縣股匪又復撲城各等語宿州被圍日久雖經田在田奮力攻擊城圍稍鬆而汴縣股匪輒復撲城豈能久支且徐州附近賊蹤充斥吳棠兵力過單設有疏虞則匪眾必將蔓延東境與各匪勾結竄擾於北路全局大有關繫自應先其所急速籌援救著僧格林沁西凌阿國瑞遵照前旨於去南路較近各官軍內酌撥精兵派委得力大員統帶剋日馳赴徐宿相機進勦速解城圍以固北路藩籬該大臣等身膺重寄諒能

權衡輕重。不至稍存畛域之見。致有貽誤也。將此由六百里諭令知之。○又諭前因宿城被困。餉道阻塞。當諭吳棠撥兵援應。並疏通餉道。以解宿州之圍。本日據田在田奏疊次出奇擊退西南兩面黑旗悍賊。請催撥援兵等語。本日已諭知僧格林沁等。速撥官兵援應矣。宿州西南黑旗悍賊。雖經官軍疊擊敗退。東北兩路賊匪。亦均撤退。城圍稍鬆。惟據奏元縣匪首王玉科等。又糾匪黨數千。至城南三里灣地方。盤踞各莊。意將乘夜撲城。著田在田督飭地方文武。及各營將弁。實力防剿。勿令蔓延。宿州缺餉已久。兵勇譁譟。此次雖經吳棠解餉銀一千餘兩。錢票一千餘串。為數無多。仍屬無益。著吳棠設法疏通餉道。籌款源源接濟。以應急需。其徐州附近賊匪。並著督飭帶兵各員。痛加剿洗。以期漸就肅清。將此由六百里各諭令知之。○癸丑諭軍機大臣等。勝保奏擊退回撲冠縣賊匪。並籌

顧臨清清豐東西兩路情形。請添撥馬隊一摺。冠縣敗匪。復糾堂邑。朝城。莘。觀城。南路各股。攻撲城關。經勝保派兵分路迎剿。疊獲勝仗。斃賊極多。賊眾奔潰。勝保此次出師。屢獲勝仗。連克城池。辦理尚為妥速。斷不准徒恃虛聲。漸致驕滿。惟河東捻匪張樂行。糾眾在濮范一帶。搶渡河西。圍撲清豐。並有另股。由清平縣境之戴家灣。官窰等處。撲過運河。是東西兩路賊勢。意在牽掣大軍。該大臣由中路進兵。仍須相機進剿。不可銳意深入。致有疏失。朝陽雖已肅清。所存馬隊。皆非精銳。調赴軍營。亦恐無益。所請著毋庸議。更換補額之西安馬隊四百名。已據托明阿等奏報。啟程。著勝保派員迎提到營。以資攻剿。至河北會匪情形已鬆。此項馬隊。經過懷慶時。著聯捷即飭趕緊前赴勝保大營。不得任意截留。致令兵力不敷。現在捻匪圍撲清豐。勝保已派侍衛祥恩帶隊前往。會同總兵阿麟保協

力堵剿。並著聯捷督率練勇。併力剿洗。務將此股迅速殄除。毋令蔓延。將此由六百里各諭令知之。○以克復福建汀洲府城。賞知縣趙均。遊擊楊三益。都司黃大雄。花翎通判徐慶崧。藍翎總兵官曾玉明。以提督用。副將林文察。以總兵用。餘升敘有差。○甲寅。上以祈雨。遣恭親王奕訢詣大高殿。豫親王義道詣時應宮。

昭顯廟。克勤郡王慶惠詣

宣仁廟。

凝和廟。拈香。○諭軍機大臣等。本日據色克通額等奏。俄商欲在庫倫常川貿易。並該國使臣進京。懇請毋庸派員護送。各一摺。上年與俄國續定條約內。載有該國商人經過庫倫等地方。如有零星貨物。亦准行銷。並准設領事官一員。酌帶數人。自行蓋房一所。在彼照料。並無准在庫倫常川通商之語。今該國

欲由恰克圖至庫倫貿易。係與條約不符。經色克通額等阻止。該夷雖已辭窮。仍恐任意久居。著奕訢等。諭知修士固理。行文伊格那提業幅。以該國商人經過庫倫。如有零星貨物。應照條約准其銷售。儻欲設立行棧。永遠在該處貿易。則是顯背和約。中國礙難允准。至該國使臣。赴恰克圖及進京。向派官兵護送。原以防其任意行走。今該國以驛站章京昆都等。儘可照料。毋庸另行派員護送。亦與向章不符。恐滋流弊。並著奕訢等。令修士固理。行文伊格那提業幅。曉諭擇諾斐赤。遵照辦理。毋任狡執。色克通額等清字摺片。均著鈔給閱看。將此諭令知之。○乙卯。諭內閣。倭仁等奏。在籍知縣特符狡展。請革職嚴審一摺。奉天錦縣民人李正有。控告伊子李剛。被雇主旗人劉會與其次子在籍知縣劉樹滋毆踢斃命一案。經倭仁等提案審究。乃劉樹滋以要證潛逃。恃無質對。一味逞刁。及委員

押解該府聽候驗審。復大肆狡展。不服解往。並以無據之詞。任意唐突。實屬目無法紀。案關職員毆斃人命。亟應徹底根究。以期水落石出。前署陝西涇陽縣事在籍知縣劉樹滋。著即行革職。押往錦州府取結覆驗。嚴行審訊。如有毆踢李剛致斃情事。即著從重定擬。○補鑄湖南東安縣知縣印信。從署巡撫翟誥請也。○丙辰諭內閣。吏部奏遵議道員丁憂。延不回旗。總督違例奏留處分一摺。四川試用道桂榮。丁憂後逗遛省城。服滿尚未回旗。署四川總督崇實。既不查明叅辦。復違例奏留。吏部將該員等議以降三級調用。自係照例辦理。惟桂榮之母。係在四川病故。與忘親在外逗遛省城者。尚屬有間。桂榮著改為降二級調用。崇實著加恩改為降四級留任。均不准其抵銷。○諭軍機大臣等。前因宿州危急。疊經諭令僧格林沁等酌撥官兵援應。茲據僧格林沁國瑞奏。曹屬匪徒盤踞。無兵

可撥。咨商譚廷襄。如東昌無須重兵助剿。西凌阿回營。再行撥兵赴援。徐宿等語。曹州所屬地方。長槍會匪。勾結土匪。煽惑鄉民。暗通南捻。幾於徧地賊蹤。雖經僧格林沁大軍剿擊。疊獲勝仗。曹州解圍。而逆首郭秉鈞。劉占考等。仍在鉅野城武之間。糾集各處悍賊。意圖抗拒。大兵自難遽行撤動。惟徐宿情形喫緊。現在南捻復渡河竄赴蘭山一帶。必須亟籌堵禦。以遏賊匪來路。西凌阿一軍。現在東昌。已屢獲勝仗。如譚廷襄兵力足敷。勦辦無須。西凌阿助剿。該都統即可帶領馬隊折回大營。由僧格林沁酌量派撥馬步精兵。前赴徐宿援剿。西凌阿。譚廷襄務須體察東昌一帶情形。先其所急。毋得顧此失彼。曹州府知府童正詩。有防河之責。據僧格林沁等奏。該員不洽民情。於良莠多有顛倒袒護。著譚廷襄查明。如該員辦理不善。以致民心不服。即據實叅奏。毋稍徇隱。德楞額扼守運河北岸。

該逆乘夜偷渡竄赴南山一帶。何以不實力堵禦。該副都統分兵追剿。能否剿除此股捻匪。並著該大臣等查明實在情形具奏。將此由六百里各諭令知之。○丁巳諭內閣。瑞昌王有齡奏查明常山等各府縣失事情形。及文武各員下落等語。此次婺源德興之賊竄陷常山。江山二縣。即分股由開化竄越早極嶺。撲陷遂安縣城。經署知縣陳燮率勇巷戰。旋即退出。下竄富德源。由邵嶺竄入壽昌縣城。其常山大股賊匪歸併江山。著常山縣知縣王蘭等督率民團立毀三里灘賊營。徑偪城下。隨即收復縣城。江山之賊下竄。經該署知縣崔棫等督率民團將大溪灘之賊擊敗。隨即收復縣城。其江山下竄之賊繞過衢州府城由靈山小路竄至龍游。闖入縣城。該署知縣龍森督團力戰陣亡。家丁四名同時被害。參將周璧等會合民團併力攻剿。旋即收復。賊匪竄往湯溪。該縣知縣李元壽出城迎

勦受傷。賊即乘勢竄入縣城。旋由湯溪竄踞金華府城。並陷蘭谿武義兩縣。所有陣亡之署龍游縣知縣龍森著交部從優議卹。其隨同遇害之家丁劉喜主林湯明毛升並著照例議卹。署常山縣知縣王蘭署江山縣知縣崔棫著遂安縣知縣陳燮雖將縣城收復。究屬未能豫防。均著免其治罪。仍交部議處。署壽昌縣知縣葉松年署湯溪縣知縣李元壽署蘭谿縣知縣湯金策署武義縣知縣惠世昭均著革職暫留署任。責令隨同大軍迅圖克復。如不知愧奮。即著從嚴叅辦。其金華縣知縣吳瑞龍下落並著查明辦理。○諭軍機大臣等前因恭親王奕訢等奏。佛夷槍礮現肯售賣。並肯派匠役教習製造。當諭令曾國藩薛煥酌量辦理。本日復據奕訢等奏請購買外洋船礮一摺。據稱大江上下游設有水師。中間並無堵截之船。非獨無以斷賊接濟。且恐由蘇常進剿北路必受其衝。據赫德稱

若用小火輪船十餘號。益以精利槍礮。其費不過數十萬兩。至駕駛之法。廣東上海等處。可雇內地人隨時學習。亦可雇用外國人。令司舵司礮。其價值先領一半。俟購齊驗收後。再行全給。並稱洋藥一項。如照所遞之單。徵收華洋各稅四十五兩之外。於進口後。無論販至何處銷售。再由各該地方官給與印票。仿照牙行納帖之例。每帖輸銀若干。如辦理得宜。除華洋各稅外。歲可增銀數十萬兩。此

廣東水師提督

十六

項留為購買船礮。亦足裨益。現在赫德已回天津。令其將船礮洋槍價值。分晰開單呈遞等語。東南賊勢蔓延。果能購買外洋船礮。勦賊必能得力。惟各路軍餉不足。必須豫籌銀款。以資購辦。奕訢等現擬於上海廣東各關稅內。先行籌款購買。俟將來洋藥印票稅收有成數。再行歸款。並給赫德札文。令其購買運到時。即交廣東江蘇各督撫。雇內地人學習駕駛。著勞崇光耆齡薛煥並傳諭毓清。即

按照所奏。豫為籌計。其應酌配兵丁。並統帶大員。及陸路進攻各事宜。並著官文曾國藩胡林翼先行妥為籌議。一俟船礮運到。即奏明辦理。內患既除。則外國不敢輕視中國。實於大局有益。該督撫等務當悉心妥議。期於必行。不得畏難苟安。奕訢等摺著鈔給閱看。又據瑞昌等奏。浙省需餉。已飭道員義泰由海道前往廣東守領。仍懇飭催等語。浙江軍情萬分緊急。各防欠餉。業已積至二百數十

平定八十二

一五

萬之多。自應急為接濟。以免譁潰。著勞崇光耆齡將欠解浙省協餉銀兩。速行如數籌撥。即交該道義泰。由海道解浙。以應急需。毋得再有帶欠。將此由六百里諭知官文胡林翼曾國藩薛煥勞崇光耆齡。並傳諭毓清知之。○又諭恭親王奕訢等奏。覆陳稅務事宜。併赫德呈遞清單。及稟呈內所陳各事宜。分別辦法。各摺片。所有長江一帶通商。在上海總納稅餉。徵收子口稅。設立關卡。及請領印票

執照通商各口。每年應收洋稅銀兩。各口徵稅費用各款。本日已諭令薛燦崇厚查辦。其會緝私鹽。及洋藥茶葉抽釐。有礙關稅各款。亦諭勞崇光等查覈覆奏矣。洋藥抽稅章程。前經王大臣會議稅則通行。但今昔情形不同。未便拘泥。赫德既稱收稅愈重。則走漏愈甚。其論尚可採擇。即著恭親王奕訢等斟酌情形。妥議章程。總期稅務日有起色。將來如有窒礙之處。仍可由該王大臣等隨時變通。

平定奏

一六

不必令原議諸臣另議。反不能洞悉流弊。至內地貨物。出口而復進口。條約稅則。未經分晰。牽混之語甚多。既經奕訢等照會。喫嘴兩國。擬令內地貨復進口時。完一正稅。准扣二成。若完一半正稅。不扣二成。完清之後。仍逢關納稅。應俟該二國照覆到時。再行妥商籌辦。此項貨稅。為內地關課大宗。易起影射偷漏之弊。果能就我範圍。既可杜內地商民勾串情弊。亦可杜外國人入內地通商藉端起

釁。總在奕訢等悉心籌議。期於有利無弊。方為妥善。將此由五百里諭令知之。○又諭恭親王奕訢等奏。商辦稅務事宜。先將該總稅務司所遞清單。稟呈分別辦法。開單呈覽一摺。現當開辦關稅之初。必須嚴定章程。方期稅課日增。且以杜影射偷漏之弊。今據該總稅務司赫德。呈遞清單七件。稟呈二件。經恭親王奕訢等。逐層辯論。分別辦法。其中不無可採之處。如長江一帶通商一款。據稱起貨

平定奏

一六

下貨。均在上海徵納稅餉。其鎮江以上。漢口以下。准商人任便起貨下貨。鎮江以上。即作為上海內口。無庸設虛立之關等語。長江賊匪。出沒無常。商販走私。難於查拏。固宜於總處納交。以免偷漏。然任便起卸貨物。又恐漫無限制。又所稱徵收子口稅。須擇緊要處所。設立關卡。係專指洋貨進口。土貨出口而言。非土貨出口復進口可比。自應設卡徵收土貨出口。以過卡准照為憑。洋貨進口。以入卡

准照為斷。總期該商進口出口貨物完一正稅。即有一子稅。庶稅課可期充裕。此項子稅既為條約中應行之事。且係內地稅。可以不扣二成。又洋藥各口徵稅情形一款內。據稱通商本口。作洋藥生理者。或令請領字號招牌。或令呈明請領印票執照。以上各款著薛煥。崇厚。妥籌辦理。又通商各口徵稅費用。每年通共銀五十七萬兩零一款。單內所開各項人數及應給銀數。是否均屬允協。並著薛

平定奏卷一百三十三

六

煥。崇厚。妥議章程。會商覈辦。至廣東私鹽與私貨同路進入。應設巡船禁止繞越。令粵海關監督。並廣東鹽運司。會同合辦。每缺各出十餘萬兩經費。而國課可增五十餘萬一節。廣東鹽運司。及粵海關。均有例設巡船。但會同出款巡緝。有無窒礙。著勞崇光。耆齡。會同毓清。妥速覈議。又稱廣東設有洋藥抽釐總局。如有人先輸五十兩。即無庸在關上完納正稅。又澳門漏稅之茶葉。日見其多。每百斤

稅銀二兩五錢。抽釐局祇徵五錢。即可任商繞越走私。無一肯到關納稅。設局抽釐。原以補正稅之不足。若如赫德所稱洋藥茶葉。一經抽釐。轉於關稅有礙。是否實有其事。並著勞崇光等據實查明。赫德所遞各件。及奕訢等給映。照會。已咨行各口通商大臣。即著薛煥等。按照各款詳細覆奏。將此由六百里諭知薛煥。崇厚。勞崇光。耆齡。並傳諭毓清知之。○又諭。前因金華等城失守。諭令瑞昌等

平定奏卷一百三十四

十七

批兵交饒廷選統帶。出省勦辦。並知照王履謙認真勸辦團練。本日據瑞昌等奏。蘭谿武義二縣。復行失陷。並據王履謙奏。紹郡危急。竭力布置。並請留莊煥文等會辦各等語。逆匪由金華竄陷蘭谿。其為窺伺紹興。實在意中。瑞昌等現飭余萬清。扼守義烏。文瑞防守浦江。進規金華。係為保衛紹郡起見。惟嚴州為北竄要路。且有昌化股匪。蔓及富山。情形尤為喫緊。該府設有疏虞。則杭紹兩屬。均不

可保。張玉良惟怯無能。豈應聽其貽誤。著瑞昌主有齡嚴飭該提督迅將金華蘭谿兩城克復。儻不知振作。即嚴叅懲辦。並遵照前旨。挑派官兵交饒廷選統帶。剋日前赴嚴州一帶督率各路兵勇相機攻剿。籌復各城。不得株守省垣。致成坐困。武義賊匪難保不南竄處州。並著飭令溫處鎮道嚴密堵禦。毋稍疏失。至諸暨嵊縣為紹興緊要門戶。王履謙已派主事何惟俊等分赴各該縣督團防守。並派員外郎謝敬統帶練丁為後路援應。編修鍾寶華郎中施本辦沿江守禦事宜。即著王履謙督飭各該紳士等同心禦侮。無得有名無實。勇糧及一切經費准其於捐輸項下動用。如有贏餘仍解省城濟餉。惟民團非與官兵相輔難期得力。仍著瑞昌等催令派赴紹興之參將葉聖言等軍星馳前赴諸暨嵊縣等處確探賊情相機進剿。不得稍涉遲緩。道員張景渠未洽輿情已據瑞昌等奏稱派赴

實錄卷三百五十三

二十

甯波辦理捐務。並已派運司莊煥文帶兵八百名及道員彭斯舉均隨同王履謙辦防。即著王履謙督同莊煥文彭斯舉及段光清等將城守防堵各事宜悉心籌商力保完善。將此由六百里各諭令知之。○以河南勦擊獲嘉夏邑等處匪徒出力賞知縣暴大儒等藍翎遊擊教天印以參將用。予陣亡府經歷陳文兆守備李若龍祭葬世職五品軍功。魏三樂等賞卹加等。○以袒護營兵摘署河南營參將文志頂帶外委趙奎元革職查辦。○以惟怯無能革安慶協副將慶福職永不叙用。

實錄卷三百五十三

三十一

權允許以示羈縻。所有該國派員駐京一節。著奕訢等即傳諭崇綸等再為開導。若能於章程交換後過六年再辦。為期自覺較寬。儻艾林波執意懇求。即准其於互換後過五年再辦。仍俟崇綸等與艾林波將一切章程議定。由奕訢等具奏後再行明降諭旨。將此由五百里諭令知之。○庚申諭內閣。前有旨令譚廷襄等將各該省每月現能實解徐宿餉銀數目酌定具奏。茲據田在田奏稱徐宿需

實錄卷三五四

二

餉甚殷。山東河南延不報解。請旨飭催。並請將河南藩司邊浴禮等先行交部嚴加議處。等語。徐宿軍餉除陝西省酌定銀六萬兩已批交部議外。其山東山西河南迄今未據覆奏。著各該撫等仍遵前旨。將每月能實解徐宿餉銀若干兩迅速酌定數目據實具奏。毋再延宕。其山東河南應解田在田軍營餉銀著戶部查覈欠解數目。如積欠過多。即將各該藩司分別叅辦。○又諭曾國藩胡林翼奏

實錄卷三五四

三

圍攻赤岡嶺四壘悍賊悉數殲除一摺。逆賊陳玉成率黨回援安慶。經曾國藩等調總兵鮑超副將成大吉往剿。會合副都統多隆阿之軍近偪集賢關外。陳逆潛遁。留四壘於赤岡嶺。四月十一日鮑超等督兵進攻。壘賊負隅抗拒。官軍沿濠修築礮臺。晝夜輪流出隊攻擊。二十九日轟倒賊壘數丈。五月初一日三壘之賊俱窮蹙乞降。釋去脅從三百餘人。其長髮老賊二千八百餘名悉行正法。內有偽官一百八十五名。劇賊劉瑯琳仍踞第一壘未下。初二日該逆乘夜出壘逃竄。鮑超督兵追剿於馬踏石地方。將賊匪六百餘名悉數生擒。其沿河分竄之賊二百餘人搶船欲遁。水師哨官顏海仙趕至一併生擒。內有偽官九十餘名。均即正法。劉瑯琳一名經提督楊載福訊明支解梟示。此次總兵鮑超等環攻賊壘殲除長髮老賊四千餘名。洵足寒逆膽而快人心。所有在事尤為出力員弁並著曾國藩胡林翼查明保奏。○諭軍機大臣等袁

甲三奏請速撥馬隊並飭解馬匹等語袁甲三軍營馬隊僅三百餘名現在沿淮兩岸賊蹤飄忽非得馬隊數千不足以利抄擊自係實在情形惟東三省馬隊調出甚多現已無可調撥該大臣請飭調馬隊之處者毋庸議至所請飭撥空馬五百匹現當夏令酷熱之時察哈爾馬匹不免疲瘦即勉強調撥亦恐不能得力該大臣惟當就現有兵力設法布置遏賊北竄其存營無馬兵丁既稱勁旅仍

清實錄

四

著就近設法採買馬匹乘騎以資策應俟秋高馬肥再將馬匹調赴該大臣軍營可也將此由六百里諭令知之○又諭田在田奏賊匪被擊敗退宿州解圍現籌布置情形等語宿州圍城賊匪被擊敗退後仍屯踞梁家套偏近夾溝等處其蒙村烈山兩軍亦因偏近蕭碭屢被匪眾圍困田在田現駐兵符離集擬即令吳棠進駐夾溝並責成署總兵李恆清等分防徐宿係為聯絡聲勢起見吳棠著

即進駐夾溝其徐州防守事宜即責成署總兵李恆清知府汪堯辰等辦理並著記名總兵胡元昌統率諸軍專駐宿州籌辦防勦田在田即率領精兵往來督勦何路緊急即往何路策應吳棠駐劄夾溝即激勵民團與田在田兵勇會合夾擊以固徐宿門戶將此由六百里諭令知之○予故二品銜太常寺卿唐鑑諡恪慎○以安徽滁州解圍賞知州闕平相花翎餘升敘有差○以殲除江南赤岡

清實錄

五

嶺踞賊賞總兵官顏紹榮參將王衍慶巴圖魯名號守備吳亮才等花翎餘加銜升敘有差予陣亡副將蘇文彪都司何宗耀陳仁壽彭萬春守備戴連山劉萬榮劉永嚴把總龔春山外委謝德勝等三十二員祭葬世職○予福建沙縣陣亡參將彭奪超外委張占鼂蘇呂功祭葬世職○辛酉諭內閣譚廷襄奏請將驛遞遲延延不查覆之知縣嚴議一摺山東嶧縣知縣鄒崇孟接遞德楞額摺報遲

誤五日經該撫飭查延不具覆實屬疲玩鄒崇孟著先行交部嚴加議處其泰安縣於驛遞摺報既因匪擾遲誤何以不先行查明詳報有無捏飾情弊並著譚廷襄詳細確查據實參奏○諭軍機大臣等恭親王奕訢等奏遵議俄國在庫倫通商事宜一摺俄國欲在庫倫常川貿易據奕訢等奏稱續定條約所載零星貨物亦准行銷雖未明言常川通商然既准其設官蓋房即與伊犁塔爾巴哈台事同一律自係准其設立行棧常川貿易之意若執售銷零星貨物一語即謂與條約不符恐該國未肯心服著奕訢等即行知色克通額等准其常川通商但須按照條約祇准在庫倫酌帶數人蓋房一所不得另生枝節方為妥善至該國使臣赴恰克圖及進京查照向章係派員更換照看未便遽行更改並著行知色克通額等令其照舊章派員照看以符定制○彈春河南北兩岸據伊格那提業

幅照覆已豫示該國人不准先行占據本日據成琦等奏會辦分界事宜現已作記畫押鈐印一律完竣已諭令成琦等將記文碑文咨行總理各國事務衙門存案矣成琦等原摺併鈔給閱看將此諭令知之○又諭成琦景瀄奏會辦俄國分界事宜一律完竣並將記文碑文鈔錄呈覽一摺成琦等與俄使定議後照依和約將應辦事宜逐件會商作記繪圖畫押鈐印彼此互換其立界牌處所由烏蘇里河口至圖們江口共該八處著即將已分界址摘畫地圖鈔錄碑文分咨三姓甯古塔各該副都統轉飭彈春協領按照方向設立界牌俾永遠遵守該使本欲藉白棱河之記為侵占穆楞河地步偏近甯古塔為通三姓彈春要路經成琦等力爭始強指奎屯必拉之分支小河稱為土爾必拉即白棱河所有俄字記文其中恐有含混為將來狡賴地步著成琦等將記文及界牌一併咨送總

理各國事務衙門存案備查該侍郎等隨帶司員章京等始終勤奮著准其分別覈實請獎將此由六百里諭令知之○又諭前據福濟奏馳往川北勦辦滇匪計此時該將軍已帶兵由劍州梓潼進勦矣本日據崇實奏布置川北防勦情形賊情似難北竄毋須重兵防守並陝兵入川請仍由陝省動撥軍餉等語四川由江油赴陝小徑地勢險阻大路自梓潼即入棧道民皆貧苦無糧可掠劍關一

清實錄

帶皆屬天險但能據險遏截布置周密即可無虞駐防甯羌官兵入川不過數站福濟業已調往著即至劍州一帶扼要堵剿其署川北鎮賡良所調官兵及劍關防勦兵團均歸福濟調遣總以力保陝西南路為要所需軍餉據崇實奏川省庫款支絀萬難支應福濟此次赴防已由瑛榮籌銀一萬兩應用所有福濟入川應需軍餉一切即由陝西動撥庶使餉項有著瑛榮務須妥為籌撥毋得推諉

事竣即由陝西報銷以免牽混將此由六百里各諭令知之○又諭前據僧格林沁等奏西凌阿馬隊如可折回大營即當酌派官兵往援徐宿當諭譚廷襄等酌量情形並因僧格林沁等奏擒竄蘭山諭令該大臣等將德楞額能否堵剿之處查明具奏本日據譚廷襄奏東昌勦匪喫緊南擒復分股竄入東境通籌各屬情形亟議堵禦等語擒匪由徐州北竄擾及郟城魚臺自應亟籌堵禦德楞額

清實錄

一軍係該大臣等派往沂屬勦匪何以於南擒渡河竄擾蘭郟未能堵剿著僧格林沁等嚴飭該副都統趕緊截擊如兵力不敷即著該大臣等派兵迎頭截剿務將渡河之匪悉數殲除毋得再任蔓延德楞額如不實力堵剿即著嚴叅懲辦青萊等府地方富厚恐該匪計圖飽掠著譚廷襄即飛咨恩慶等及傅振邦督飭兵勇嚴密設防其省城守衛事宜即知照杜翹妥為經理至竄撲黃家口逆擒

現欲圖擾羊山梁山。且北路土匪竄入曹縣。長槍會匪闖入單縣。延及城武等處。僅任各匪勾結。勢必不可收拾。僧格林沁等近在鉅野。且兵力尚厚。著即派撥官軍迎頭堵截。速為掃蕩。毋令北犯。現在兗沂曹濟徧地匪蹤。此時自應先清北路。該大臣等務當督飭官兵分投勦辦。勿得遷延貽誤。東昌各屬匪徒勦辦尚為得手。即著西凌阿譚廷襄迅將莘縣等處匪巢速行掃除。毋留餘孽。將此由六

書錄事三寶五十四

百里各諭令知之。○署四川總督崇實奏安撫松潘番眾。現咨陝甘督臣樂斌派兵會辦。得旨著照所請辦理。俟有成效即行馳奏。○山東巡撫譚廷襄奏請展緩鄉試。從之。○以直隸威縣守城出力。賞知府金鐘遊擊姜國仲等花翎。知縣劉錫穀等藍翎。餘加銜升敘有差。○以四川仁壽等處勦匪出力。賞遊擊吳太盛都司陳海一守備曾克勝知州桂溥等花翎。千總蕭慶福等藍翎。副將秦華祝以

書錄事三寶五十四

二

總兵官用。餘加銜升敘有差。○以四川攻克貓貓山賊巢出力。賞遊擊隆福都司倪乾榮楊再經守備王登科等花翎。知縣姜興國等藍翎。餘加銜升敘有差。○壬戌諭內閣兵部奏選派司員照料文報並堂官輪班赴蘭溝等處查看等語。現在夏令雨水較多。熱河往來文報恐有阻滯。著順天府府尹直隸總督嚴飭各地方官於文報經過之河道橋梁認真照料。毋令稽滯。兵部堂司各官均毋庸前往蘭溝等處照料。○又諭黃贊湯奏遵旨移交防河事宜。並出力人員可否酌保鼓勵一摺。河南黃河防守事宜。現歸聯捷管理。所有各州縣防河練勇。即著統歸聯捷點驗。黃贊湯原派委員巡查河岸。時閱兩年。著准其酌保數員。奏請獎敘。毋許冒濫。○諭軍機大臣等。昨據袁甲三奏苗沛霖經張學醇開導漸就範圍。不日即可撤隊。本日據賈臻奏苗練大股西來。欲撲潁州。併擾光固。請飭袁甲三

迅籌援勦並正陽關霍邱縣城均被該練盤踞各等語苗沛霖藉口尋仇心本叵測經張學醇疊次開導漸已悔悟何以復遣其姪苗金開率大股攻撲潁城並圖擾光固且其黨與盤踞正陽關擾害釐局卡船袁甲三並未具奏殊堪詫異賈臻請飭袁甲三乘該練西來設法擣其巢穴並令李世忠兼程赴潁援勦是該大臣正在羈縻該練而賈臻又欲勦辦事出兩歧殊未妥協潁州守禦事宜未容

平定縣志

卷二

疏忽該郡現有官兵四千餘人即著賈臻妥為調派會合民團嚴密防堵至苗沛霖能否就撫日來當有定議仍著袁甲三督同張學醇妥為開導令其將壽州等處盤踞練眾速為撤退並責問苗沛霖既知所為過當何以復派人撲犯潁州儻苗沛霖甘心叛逆攻撲潁州亦難再事姑容應如何擣其巢穴並飭李世忠兼程援應之處即著袁甲三確探情形速籌辦理無得稍涉遲疑致墮奸詐苗練

盤踞正陽關霍邱縣城內三河尖釐局均被該練占踞把持亦殊不成事體並著袁甲三督飭張學醇迅速辦理令其撤退毋任久踞袁甲三賈臻辦理苗練一事總須聲息相通或勦或撫合而為一方為妥善將此由六百里各諭令知之○又諭賈臻奏苗練大股聲言攻撲潁郡並圖擾光固一摺苗沛霖遣其姪苗金開率領馬步大股定於二十七八等日西犯潁郡並聲言赴阜陽西鄉各圩掠糧

平定縣志

卷二

散旂倡脅附從分股撲擾光固一帶光固為豫省門戶未可令該練闖入著嚴樹森毛昶熙就近撥兵防守以遏苗練西犯之路皖營月餉已經停解現在潁郡餉需告竭該省無款可籌仍著嚴樹森迅即設法籌撥銀二三萬兩解赴潁州以應急需至借撥軍裝火藥前經諭令嚴樹森如數備辦著一併迅速批解毋稍遲誤將此由六百里各諭令知之○河東河道總督黃贊湯奏請將改發東河主

事蕭彥申。接算南河學習年月。得旨。前批儘先補用。原因已在南河學習。今改發東河。未免向隅。若仍接算南河學習月日。實覺過優。著不准行。○命陝西巡撫瑛。每月協濟徐州軍餉銀一萬兩。安徽江北軍餉銀二萬兩。按期清解。○予山東運河口陣亡州判吳琦祭葬世職。○癸亥。諭軍機大臣等。滿慶等奏廓爾喀例貢屆期一摺。廓爾喀國王因例貢屆期。稟請滿慶等代奏。情詞懇切。所有咸豐

清實錄卷二百五十四

四

十二年該國王應進表貢。著崇實滿慶恩慶屆期察看情形。如道路疏通可以行走。即檄諭該國王。准其遣使呈進。一面知照沿途經過地方。妥為照料。僅入川後道路或有梗阻。著崇實將該國王應進表貢。即行代為呈遞。檄令該使臣回國。毋庸來京。以示體恤。將此由五百里各諭令知之。○予山東冠縣陣亡外委鄭啟祥祭葬世職。○甲子。諭內閣。前因壽州團練殺害苗練。諭令袁甲三會同翁同

書秉公查辦。本日據翁同書奏。圍城練勇。現已撤退。請將被害各練議卹。並鼓勵出力各員等語。苗沛霖所部練勇。因勇目都司李學曾等被害。輒敢不候查辦。糾眾圍攻壽州。經袁甲三等派令按察使張學醇等往返開導。始行悔悟。撤隊。當該練勇滋事之初。苗沛霖不能約束其眾。任令尋仇構釁。幾至釀成鉅案。本應從重治罪。念其統帶練勇。隨同官軍勦賊。屢立戰功。現在各練總因徐立壯正法。

清實錄卷二百五十五

十五

孫家泰監禁待訊。均情願撤隊。仍隨苗沛霖立功自贖。該員亦知感激。圖報。惟約束不嚴。咎有應得。四川北道苗沛霖著交部議處。以示薄懲。仍責令聽候。袁甲三等調度勦賊。自效。以贖前愆。前任安徽巡撫翁同書於團練仇殺。未能速為訊斷。實屬辦理不善。著一併交部議處。○諭軍機大臣等。前因苗練大股欲撲潁州。併授光固。當諭袁甲三。妥為開導。潁州守禦事宜。令賈臻嚴密防堵。本日據

翁同書奏苗沛霖釋怨撤兵仍願隨官助剿已明降諭旨將該員交部議處仍責令帶團立功翁同書辦理不善一併交部議處苗沛霖與壽州團練尋仇構釁攻撲城池經張學醇再三勸諭即釋怨撤兵尚知愧悔是以僅予薄懲惟該練擾及宿州欲撲潁州並圖擾光固盤踞正陽關霍邱縣等處擾害釐局卡船此時若不豫為限制恐該練名為助官勦擒實則偪脅各處民團使臨鳳潁壽一帶皆

續纂卷三十四

七

其黨與致成尾大不掉之勢以後愈難鈴制前諭賈臻聯絡民團以孤苗練之勢此時乘其撤退練眾必當密為布置開導居民使團練歸於官辦不至為所誘脅方為妥善此中操縱經權該大臣等務當妥為籌辦務期杜漸防微毋貽後患將此由六百里各諭令知之○以安徽苗練就撫賞外委張得成花翎孫安邦藍翎餘加銜升敘有差○予安徽壽州團練仇殺被害都司李學曾郭洪波把總

謝貫斗祭葬世職如陣亡例六品軍功傳家瑞等賞卹加等○乙丑

上以萬壽節御福壽圍賜王大臣貝勒貝子公等食○諭內閣欽天監奏八月初一日日月合璧五星聯珠並繪圖呈覽本年五月欽天監奏彗星見於西北仰惟

天象示警方滋兢惕茲復據奏日月合璧五星聯珠自非虛詞附會惟念朕御極之初即以侈言符瑞為戒矧值東南賊匪未克殄除睠

續纂卷三十五

七

念民生惟增矜惻即使星文表瑞實為世運亨嘉之兆亦惟有夕惕朝乾冀邀

上蒼眷佑如逆匪速就蕩平黎民復業年穀順成休應孰過於斯其不必宣付史館用昭以實不以文之意○諭軍機大臣等官文等奏英咈等國商船經過長江請嚴禁漢奸附載輪船貪利濟匪一摺據奏四月十六日有洋船一號至安慶城下停泊次早始開赴下游輕載而去旋據投誠賊供城內米糧將盡因

洋船來此。城內賊匪向買油鹽米糧。用小船接遞入城。經官文等札飭委員察訪。詢據兩國領事官金執爾等。僉稱。啖咪兩國商船到岸。不能中途私行買賣。安慶停泊之船。其為奸徒假冒無疑。請嗣後有賊之處。遇商船停泊。即由中國查拏。盡法懲治。果係洋商。照約將貨物入官究辦等語。洋船駛入中國。原與內地各市鎮通商。以敦和好。斷無與賊匪往來。暗通接濟之理。自係漢奸假冒影射。從中

寶錄卷三十四

六

貪利若不嚴行禁絕。無論安慶不能克復。皖楚肅清無期。即後患不可勝言。著奕訢等。即照會啖咪兩國。留京公使嚴查奸人附載輪船。貪利濟匪。凡洋船由安慶等地經過。不得停泊城下。禁止漢奸與城賊勾通接濟。其咪喇哩布魯斯兩國亦應一體照會。此外他國有無商船往來上海等處。是否別有假冒洋商之奸匪。應如何一律嚴查禁止。亦由該各國公使妥議辦理。庶於官軍勦賊機宜。不至

掣肘。而各國亦可永敦和好。原摺著鈔給閱看。將此由五百里諭令知之。戶部議准。著陝甘總督福濟疏報烏魯木齊蘆草溝塔西河等處開墾地三頃三十畝。照例升科。從之。予湖北孝感陣亡都司劉光楚守備許賓國千總王振齋。把總熊飛龍外委莫有提等四十二員。祭葬世職。丙寅

萬壽節遣官祭

太廟後殿遣官祭

寶錄卷三十四

九

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵

昌西陵

慕陵

慕東陵○遣官祭

孝德皇后殯宮○遣官祭

顯佑宮

東嶽廟

城隍廟○

上詣

實錄卷一百一十五

二

綏成殿行禮○御澹泊敬誠殿

皇子及王以下員勒貝子公文武大臣官員等

行慶賀禮○御福壽園賜

皇子及王大臣員勒貝子公等食○戊辰諭內

閣僧格林沁奏請將辦公乖謬庸懦無能各

員議處休致等語山東曹州府知府童正詩

袒護長槍會以致郭秉鈞糾眾焚搶逃民進

城該員復向索錢文實屬乖謬著交部嚴加

議處鉅野縣知縣徐麟於捻匪竄近縣境毫

無準備致土匪入城滋擾實屬庸懦無能且

年力就衰難期振作著勒令休致該員等業

經撤任所有曹州府鉅野縣員缺著譚廷襄

迅即揀員請補以重職守○欽差大臣勝保

奏派烏爾棍札布移劄莘縣得旨烏爾棍札

布在譚廷襄營中頗稱得力汝今置之一城

殊屬非是著商之該撫如仍須該營總帶隊

即迅飭回營○以克復山東莘縣城賞副將

楊永魁花翎餘加銜升敘有差○已已諭內

實錄卷一百一十五

三

閣理藩院奏本年輪應年班之内外扎薩克

蒙古汗王等可否准其按班來京之處請旨

一摺本年輪應年班之御前乾清門行走及

在外之内外扎薩克蒙古汗王員勒貝子扎

薩克台吉塔布囊額駙等均著照例按班來

京○庚午諭內閣吏部奏呈請註銷保舉各

員請旨辦理一摺勞績保舉得有升階班次

人員准其註銷與否例無明文該部向係比

照捐納人員辦理著將歷年辦過成案查明

具奏再降諭旨○以情性乖張革貴州護威甯鎮總兵官富呢雅杭阿職仍留世襲佐領回旗當差○補鑄福建惠安縣知縣印信從巡撫瑞璜請也○壬申諭內閣前因綿性奏請將私徵回戶錢文改充公用當經諭令常清景廉查明有無流弊據實具奏復據英蘊奏參綿性私設鹽課向安集延人收要鹽錢並諭常清等查明參奏本日據綿性奏辦理改徵回賦事宜常清英蘊意存迴護領隊大

實錄卷三五四

三

臣貴文自抵阿克蘇後授意招告按日索要米麵羊隻等項請欽派大臣查辦等語綿性因伊犁領隊大臣貴文前赴阿克蘇查辦回戶事件輒稱常清等有意阻撓煽惑回眾顯係意存反噬著派景廉馳赴阿克蘇將改徵回賦有無流弊並綿性有無私設鹽課徵收安集延人鹽錢情事確切查明據實具奏所稱並無徵收帳簿虛實亦應徹底根究貴文在阿克蘇有無需索情弊一併嚴密確查毋

許含混綿性不候查辦輒敢嘵嘵置辯並欲將呈告回民治罪實屬謬妄著退出乾清門即行撤任聽候查辦綿性另片奏英蘊派署糧餉章京烏仁泰向阿奇木伯克烏舒爾索派夫馬並將官倉扁額任意摘取各情著景廉一併查明具奏○諭軍機大臣等疊據奎英等奏賊匪竄擾回城勦捕獲勝並據英蘊奏咨催喀什噶爾換防官兵速行馳往請飭陝甘總督籌解餉銀各等語喀什噶爾突有

實錄卷三五四

三

賊匪入卡滋擾據奎英等奏共有二百數十人福珠凌阿帶兵往剿已擊斃七八十人生擒十五人此次賊匪係在回城內抑在回城外滋擾奎英等並未詳細具奏餘匪現竄何處亦未聲敘明晰其起釁緣由僅據拏獲賊犯供詞亦難憑信著英蘊就近查明據實具奏該匪人數無多即著福珠凌阿督率馬步官兵實力搜剿迅速殲除不得遷延貽誤並著奎英督飭各員弁認真經理城守事宜並

安撫回眾勿為賊匪煽惑勾結其喀什噶爾
換防滿州營兵丁即著常清景廉催令迅由
冰嶺前往毋許遲誤並著確探情形如賊勢
猖獗即著英蘊酌帶官兵馳往勦辦所請催
解餉銀本日已諭知樂斌籌撥解赴葉爾羌
以備支放矣將此由五百里各諭令知之○
又諭據奎英福珠凌阿奏賊匪入卡滋事勦
捕獲勝並據英蘊奏現催喀什噶爾換防滿
兵速行馳往並咨令烏什阿克蘇英吉沙爾

實錄卷五十四

三十五

等城嚴行防範惟各城官兵鹽菜積欠過多
請飭陝甘總督那銀十餘萬兩解往各等語
喀什噶爾回城被賊滋擾雖經官軍擒捕獲
勝尚須厚集兵力速為勦洗惟各城兵餉積
欠過多自應亟籌接濟著樂斌即籌銀十餘
萬兩派委妥員解赴葉爾羌應用如一時無
此鉅款務即設法先籌銀數萬兩迅速解往
以備支放毋稍延誤將此由五百里諭令知
之○賞古城領隊大臣奎棟頭等侍衛為阿

克蘇辦事大臣已革雲南提督文祥藍翎侍
衛為古城領隊大臣

實錄卷五十四

三十五

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之三百五十四

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之三百五十五

駁修職官經筵日講起居注官太子太保上書房總師傅文淵閣領閣事翰林院掌院學士稽察欽奉上諭事件處國史館總裁臣武英順

大學士管理兵部事務加三級紀錄十四人
賈棟蒙恩總成官總經講官太子太保文淵閣領閣事武英殿總成官後留原差一體仁壽

大學士管理戶部三庫事務管理刑部事務如二十三級紀錄十六次臣周祖培總纂言太子少保管理內繕書房事務對引大臣軍機大臣

鑲藍旗滿洲都統戶部尚書管理三庫事務加四級隨帶加五級紀錄十二次
寶盛興總裁巡遊講武弘德殿教習清文詣達上書儀儀

建國史館總纂官正藍旗蒙古都統禮部尚書管理太常寺鴻臚寺事務加三級軍功加四級隨帶加八級紀錄五次汪佳氏孫市亭奉

救修

咸豐十一年。辛酉。六月。癸酉。以吏部尚書全

實錄卷三百五十五

—

慶為總管內務府大臣。○以正白旗蒙古副都統麟魁署正白旗漢軍都統。並左翼前鋒統領。○甲戌。諭內閣。文煜奏請將特符狻展之管獄官革職嚴審一摺。前因給事中哲臣奏。直隸署盧龍縣知縣陳贊清於土匪才寶善等脫逃一案。賄囑同官捏報公出。改劫獄為越獄。並婪贓枉法縱盜殃民各情。當諭令文煜查明參辦。茲據奏稱。撤任管獄官前代理盧龍縣典史彭良臣。恃符狻展。堅不吐實。

平復後三十三

二

二三四

且不服審訊。實屬膽玩已極。彭良臣著即革職拏問。交該署督提同刑禁家丁人等嚴審究辦。陳贊清被衆各款。並著逐一查訊。務得確情。不准稍有徇隱。○又諭瑞昌王有齡奏另股賊匪竄陷遂昌松陽處州永康各府縣現籌堵剿一摺。江西股匪由江山縣地界竄至湖山村。遂昌松陽相繼失守。五月十六日該逆竄入處州府城。武義之賊由宣平竄至永康。該縣亦於十八日失守。所有該府縣失事詳細情形及文武各員下落著瑞昌王有齡查明具奏。如地方官有先期逃避情事。即嚴參懲辦。並著瑞昌等調派兵勇會合援兵迅速進剿。務將失陷各城剋期收復。毋稍遷延。○諭軍機大臣等前因江山等城失陷。諭令慶端派兵赴援。旋據該督疊次奏稱飭派藩司林福祥記名道張啟煊統兵赴浙助剿。茲據瑞昌等奏賊陷處州等城軍情危急。探聞汀州業已克復。請調總兵曾玉明等速行

赴援各等語。賊匪由江山、常山竄陷壽昌、金華、蘭谿等城。後處州遂昌、松陽、永康各府縣城池復行失守。賊勢實形猖獗。甯紹溫台等屬處處堪虞。慶端統轄該省自應速籌援救。昨據該督奏報。汀州克復以後。即派曾玉明等帶兵屯劄。以防賊由瑞金回竄。惟浙省危急萬分。既據瑞昌等奏。曾玉明等上次克復江山、常山聲威頗著。果使調往。必能得力。即著慶端、瑞璫飭令總兵曾玉明、副將林文察

統帶所部兵勇。剋日啟程。馳赴浙江相機援剿。毋許遲誤。所需糧餉。並著寬為籌備。以利進征。其林福祥一軍。仍著飛催前進。張啟煊勦辦沙縣土匪。如已得手。並著催令馳赴浦城。將該處防兵一併統帶進剿。汀州府城應否另調兵勇駐劄。並著慶端等斟酌辦理。將此由六百里諭令知之。○又諭。前因賊匪竄陷金華等城。疊經諭知瑞昌等。派令提督饒廷選帶兵出省督剿。茲據瑞昌等奏處州等

府縣城池復致失守。請調閩兵助剿。並請將總兵李定太暫留浙省各等語。本日已明降諭旨。令該將軍等將各該城文武下落查明具奏。並寄諭慶端等速飭總兵曾玉明等統兵入浙。併將前派援浙之藩司林福祥記名道張啟煊兩軍。催令迅速前進矣。賊匪由衢屬紛竄。疊陷城池。張玉良雖帶兵堵剿。而逆氛日熾。斷難望其得力。疊次諭令瑞昌等令饒廷選統帶官軍相機督剿。日久未據覆奏。

此時浙省軍務益形喫緊。著仍遵前旨。令該提督統帶各軍以專責成。並飛催曾玉明等援兵合力勦辦。次第收復各城。處州等城於賊匪竄至時。何以並未接仗。即致失守。知府李希郊前往遂昌募勇。是否先期逃避。署溫處道志勳統兵前赴處州。當該城失守之時。已否到防。有無畏葸不進情事。著與各城文武下落一併查參。嚴行懲辦。以儆其餘。毋許稍涉寬縱。徐宿勦匪事宜。關係緊要。仍著迅

飭總兵李定太。繞道前往徐州。毋再延緩。其
衢州防務。著該將軍等。另行派員經理。以免
貽誤。將此由六百里諭令知之。○予甘肅陣
亡千總陳治猷。把總王德。祭葬世職。○乙亥。
諭內閣。前因王履謙。先後奏參王有齡創立
捐缺名目。並任用私人等情。疊經諭令張錫
庚訪查具奏。茲據張錫庚奏。王有齡因軍餉
支絀。曾有捐缺之議。並未舉行。山陰縣知縣
臧均之等。撤任後。接任之員。查無調劑實據。
會稽縣知縣劉履泰。因派捐致令金湧自盡
一案。現未訊結。此外尚無贓私案件。幕友門
丁。亦無為州縣謀缺情弊。署甯紹台道張景
渠。與該撫結拜師生一節。並無實據。委員孫
士達。孫瀉溥。甘應槐。亦無實在劣蹟。惟一月
間。更換州縣二十餘員。實有其事。並開具委
署知縣各缺清單呈覽等語。王有齡被參捐
缺。及屬員結拜師生。任用私人等款。既據張
錫庚查明。或議而未行。或查無實據。惟一月

之內。調署知縣各缺。至二十餘員之多。實屬
任意紛更。有乖政體。浙江巡撫王有齡著交
部議處。至文案委員候選知府孫瀉溥。前據
王有齡奏。該員被控舞弊。業經降旨革職。交
瑞昌會同張錫庚提訊。仍著該將軍等。秉公
嚴審確情。據實具奏。○諭軍機大臣等。巴棟
阿。馮子材。奏逆匪踞擾沙洲。請專派大員。總
統下游師船一摺。據稱五月三十日。江陰常
熟。逆匪竄至江心。壽星沙。現在製造木筏。外
駕漿船。意圖竄擾北岸。業經飛咨都興阿。派
撥陸軍。沿江堵遏。並咨黃彬。迅撥師船。駛赴
下游。會同各師船。併力兜剿。請飭吳全美赴
下游。總統水軍等語。逆匪盤踞壽星沙。意圖
北渡。下游江防。倍形喫緊。黃彬總統水師。駐
劄瓜口。距江陰較遠。且有幫辦之責。北岸亦
須兼顧。下游水師。總統無人。恐事權不一。堵
剿未能得力。著都興阿。黃彬。即飭總兵吳全
美。速赴下游。總統鎮江至江陰一帶師船。就

近防勤以專責成。務將壽星沙賊匪迅速殄除。毋任久踞。都興阿等亦當分飭水陸各軍。嚴扼江岸。以防逆匪北竄。是為至要。將此由六百里諭令知之。○補鑄湖南綏甯縣知縣印信。從署巡撫毛鴻賓請也。○丙子。諭軍機大臣等。前因綿性於私收鹽錢。不候查辦。曉置辯。降旨將該員撤任。派令景廉前往阿克蘇。將有無私設鹽課情事查明具奏。並因奎英等奏喀什噶爾有賊匪入卡滋事。諭令

常清等將該城換班官兵。催令前進。茲據綿性奏稱。喀什噶爾回城被匪滋擾。阿克蘇庫內並無閒款。如由伊犁烏魯木齊咨調援兵。供支一切。必須早為豫備。已派回子郡王愛瑪特。伯克斯。瑪伊爾等將供支應用各項設法豫備。並將城垣修築。濠溝挑挖。建修柵門。添蓋堆鋪。以資捍衛等語。阿克蘇為南路咽喉。防堵事宜。自應豫為籌備。惟綿性遽派愛瑪特等籌備支用各項。及修建城柵等事。深

恐任用非人。藉端苛斂。於防務並無裨益。而回眾受其擾累。恐生意外之虞。殊為可慮。著常清景廉嚴密訪查。如綿性現辦諸務未能妥協。即著據實奏。所有防堵事宜。即著景廉於馳抵該城後。妥為經理。將此諭令知之。

○以四川定遠縣城解圍。賞遊擊能英豪等花翎。餘加銜升敘有差。○以克復湖南桂陽宜章二縣城。賞都司曾志友彭英祥守備譚日勝花翎。千總謝清和等藍翎。餘加銜升敘有差。○丁丑。諭內閣。賈楨等奏請留辦事翰林官。以資熟手等語。記名御史翰林院編修吳鳳藻著准其暫留該衙門辦事。俟經手事竣。再行咨部帶領引見。○諭軍機大臣等。昨

因巴棟阿等奏請專派大員。總統下游師船。當諭都興阿等飭總兵吳全美赴下游總統師船。就近防剿。本日閱巴棟阿馮子材初三日奏報。逆匪造成船隻。有出江北竄之信。江防緊要。請飭派駐劄北岸之總兵駐泊鎮江

等語。逆匪趕造礮划。並封擄民船。糾集大股。意圖出江北竄。鎮江以上。南岸僅泊師船四十餘隻。北岸計有九十餘號。停泊各口。自金山以達甘露寺。江面遼闊。僅有賴鎮海所部師船分布。實屬不敷防守。設遇緊急。雖有北岸各處防船。終難立時援救。巴棟阿屢次至商都興阿等。分撥船隻。扼守南岸。何以黃彬總以不妨為詞。屢催罔應。設南岸有失。賊勢北趨。師船散漫。深恐貽誤大局。著都興阿、黃彬仍遵前旨。迅飭吳全美赴下游總統鎮江。至江陰一帶。師船並於駐泊北岸之總兵陳國泰、周希濂、李德麟三員內酌量添派。分撥師船。前赴鎮江駐泊。歸巴棟阿等調遣。隨時上下梭巡。以期肅清江面。都興阿督辦江北軍務。水師亦歸其調度。黃彬統帶水師。尤屬責無旁貸。現在江防緊要。捍南即以衛北。務當妥為布置。毋得意存推諉。致誤事機。將此由六百里諭令知之。○又諭駱秉章奏請飭

劉嶽昭赴蜀援勦等語。據稱藍逆巨股竄踞川北綿州龍安一帶。李逆巨股蔓延川南眉州嘉定一帶。各號十餘萬。零匪所在嘯聚。黃瀋熙現已陣亡。請飭劉嶽昭兵勇仍行赴川等語。川省匪勢鴟張。兵力未厚。官軍統領乏人。劉嶽昭現帶兵勇圍攻隨州。著官文等體察情形。如楚北兵力足敷調遣。即飭令劉嶽昭管帶所部兵勇迅速啟程赴川。聽候駱秉章調遣。毋稍遲緩。將此由六百里諭令知之。○以江西湖口縣紳民捐輸軍餉。永廣學額七名。○予四川二郎場地方陣亡按察使銜湖南道員黃瀋熙布政使銜祭葬世職諡忠壯。建立專祠。給伊母李氏二品封典。知縣蔡鴻章鄧立心參將鄒上元都司左春坊遊擊彭克昌守備周必文千總陶春林等三十二員祭葬加等世職如例。並附祀黃瀋熙專祠。○戊寅諭內閣。戶部奏銀價日貴。設法辦理。並據翰林院侍讀學士綿宜奏請嚴禁蠹商

把持。並訪拏私銷各等語。京師銀價騰貴。於旗民生計。大有關係。總由各官號商人。始以戶部官號為名。暢開私票。繼以官款長開為口實。意在挾持。因之奸商從中漁利。實堪痛恨。著照戶部所議。所有該部長開官號票存。按上年十月奏准錢隨市價之日。統扣三成。作為該商罰款。並變通捐銅局章程。收回該部長開官號票存。俟官款收清。將四乾字號撤去官號字樣。作為民鋪。交順天府管理。儻

各官號未能將私票存。及三成罰款。全數清理。以致貽累民間。或任意抑勒。及有心攪亂。激成事端。即將該商人等。送交刑部。奏明正法。原保之恆利等號商人。著先交五城看管。如任令官號商人。攜貲潛逃。即將該保人一併治罪。其五天字號。並著總管內務府大臣。妥為辦理。至民間錢鋪。現不出票。顯有與官號通同把持之弊。即著順天府五城步軍統領衙門。一體出示曉諭。限於一月內。各開各

票。儻敢抗違。即將該鋪商從嚴懲辦。除以前官號錢票。仍照戶部現定數目發給外。自奉此旨後。各錢鋪均照票之多寡發錢。不得仍前抑勒短少。至私銷錢文。大干例禁。並著順天府五城步軍統領衙門。一體查拏。於獲案後。加等治罪。仍嚴禁販錢出城。並查拏私設錢攤之人。以重圉法而利民用。○諭軍機大臣等。有人奏直隸景州知州高錫康。於上年徵收地丁銀兩時。商同吏目錢智良捏詞上

稟。以團練緊要為詞。那作練勇經費。其實並未團練一人。該員等輒將地丁銀二萬餘兩。侵吞分肥。今又下鄉勸捐。飽肥私橐。無論紳民。不量家產。限數勒捐。稍不遂意。即嚴刑拷掠。舉貢生監。一概鎖押羈禁。物議沸騰等語。勸諭捐輸。原屬不得已之舉。地方官若藉此科斂軍民。必致激成事端。景州知州高錫康。前因經徵錢糧未完。經文煜奏參。摘頂議處。若如所奏。該知州以欠解地丁。侵吞入己。復

以勒捐濫刑拷掠。盡飽私囊。似此貪婪不職之員。若不亟行嚴懲。何以肅吏治而靖民生。著文煜按照所叅各情。嚴密訪查。該知州等如有侵蝕苛斂情事。即行嚴叅懲辦。原摺著鈔給閱看。將此諭令知之。○己卯。諭軍機大臣等。福濟奏。馳抵陽平。催調川省兵勇。請派幫辦軍務。籌撥餉需。並據瑛榮奏。陝兵未能悉數赴川。併遵籌福濟軍餉各等語。本日已諭令崇實。將盧又熊等勇丁。催令迅速前進。

聽候福濟調遣矣。滇匪竄擾中壩。窺伺陝省。福濟兵力尚單。自以力保陝西南路為重。該將軍現已行抵陽平關。著即於該處嚴密設防。暫緩帶兵赴劍關一帶。其黃壩驛等要隘。即就現有兵力。妥為布置。盧又熊等勇丁。應於何處屯紮。以扼滇匪窺陝之路。並著妥為調度。俟此項勇丁到時。福濟再行統帶前進。福濟所調陝西官兵五百名。應需軍餉。著瑛榮遵照前旨。於該省動撥支應。其四川派出

兵勇。餉糈均由川省供給。以免轆轤。前任提督孔廣順著准其調赴防所。幫同該將軍辦理防勦事務。經文岱控制階文各路。未能前赴甯羌。所有備調官兵八百名。著瑛榮張芾飭令迅速赴防。即交孔廣順統帶。無庸另行派員。福濟所調副將哈連陞等。已寄諭樂斌飭令該員等迅速前往矣。將此由六百里各諭令知之。○又諭。前據崇實奏。川北劍關一帶皆屬天險。賊難北竄。毋須重兵防守。當諭福濟將駐防甯羌官兵。帶至劍州一帶堵剿。署川北鎮賡良所調官兵。及劍關防兵。均歸調遣。本日據福濟奏。藍逆夥黨踞守中壩。窺伺陝境。其間路徑紛歧。可以繞出昭化。廣元後路。而由雁門壩一帶。直達陽平。尤為坦夷無阻。設將甯羌防兵。全帶赴川。萬一賊匪乘虛直搗陽平。再由大道分進。牽掣我師。深恐首尾不能相顧等語。福濟現已馳抵陽平關。居中調度。本日已諭令於陽平嚴密設防。暫

緩帶兵赴劍關一帶。該將軍調已革副將盧又熊。儘先都司張萬魁帶鄉勇三千名。速赴廣元。須俟此項鄉勇到齊。再行前進。著崇實即飭盧又熊等。迅速挑募鄉勇。即赴廣元。聽候福濟調遣。毋許遲誤。福濟所帶甯羌官兵五百名口糧。本日已諭令瑛榮由陝西給發。其川省兵勇口糧。仍著崇實由四川給發。以免輟輟。將此由六百里諭令知之。○杭州將軍瑞昌等奏。軍需緊急。請撥粵海關銀十萬

兩充餉。得旨。著由六百里寄信與勞崇光。無論何款。先撥四五萬兩。由海道運浙。○飭陝甘靖邊協副將哈連陞。略陽營遊擊莫青雲。赴福濟行營差遣。○以克復山東館陶。冠。二縣城。賞總兵官伊綿阿。提督銜道員柏春。二品銜。知州鄭福申。遊擊文林。都司閃甫驛。守備王圻等。花翎。縣丞劉濤等。藍翎。餘加銜升敘有差。○以山東邱縣邵家莊等處。勦賊出力。賞守備賀喜旺等。花翎。參將裕祥等。藍翎。

餘加銜升敘有差。○改鑄兩廣鹽運使印信。從總督勞崇光請也。○緩徵河南陽武縣南黑石等村莊。沙壓地畝。新舊糧賦。○庚辰。遣官祭

火神廟。○以山東辦理團防得力。在籍江蘇巡撫傅繩勛。四品頂帶。已革閩浙總督劉韻珂。五品頂帶。已革廣東巡撫黃恩彤等。下部優敘。賞已革湖南巡撫馮德馨。四品頂帶。已革江西巡撫陳阡。五品頂帶。前任廣東按察

使趙長齡。布政使銜。編修徐昌緒。朱學篤。主事陳介璋。花翎。員外郎李展業等。藍翎。餘加銜升敘有差。○甲申。諭內閣。勝保奏。督兵連克朝城。觀城。二縣。收撫黑旗匪首。並節次勦殺竄匪。獲勝一摺。勝保大軍。自攻克革縣後。乘勝進攻。本月初九日。朝城迤北。突出賊匪千餘人。向北竄掠。經成祿等。擊敗回巢。復經譚廷襄派兵。約同進攻。陽穀。適黑旗頭目宋景詩。悔罪投誠。經勝保責令。隨同大軍。進攻

朝城。十七日。官軍至茅菴一帶。遇匪眾迎拒。營總伊克精阿。即帶馬隊迎頭截殺。立斃悍賊數十名。賊勢敗卻。大軍隨勒隨進。直抵城根。賊眾出城鏖戰。經我軍擊敗。大隊一齊擁入北門。餘匪逃竄。被擊斃轟斃者甚多。當將朝城克復。十九日。乘勝進攻觀城。先將沿途零匪掃除。徑抵城下。殺入城闕。斃賊無算。立將觀城克復。辦理尚為得手。著勝保即飭各將弁。節節進剿。迅速克復范縣濮州。盡殄賊氛。毋留餘孽。所有此次出力文武員弁兵勇。著勝保先行存記。俟河北肅清後。彙案奏請獎勵。○諭軍機大臣等。奕訢等奏接據喚國照會。及喊唆嗎稱有甯波危急。地方官向民間派銀雇船。並不設防之說。請飭查辦等語。喚國嗜嚙嘶照會內稱乍浦失守後。甯波地方官。未能用心設防。又喊唆嗎面稱甯波地方官。不為設備。僅欲雇外國兵船。代為防堵。勸百姓捐銀五十萬兩。以為雇船之費。且恐

地方官藉此從中漁利等情。乍浦失守。甯波戒嚴。該處尚屬完善。正宜早為設防。以杜賊匪窺伺。若不認真設備。徒行斂派捐輸。甚至從中漁利。何以使外國人敬服。著王有齡確切查明。嚴飭該地方官。認真防守。不得稍有疏懈。其雇募外國兵船一節。是否屬實。並著嚴密查訪。儻有藉端侵蝕情弊。即行嚴參懲辦。江蘇。江西。湖北。通商各處。多逼近賊氛。恐似此弛備派捐者。尚復不少。著曾國藩。薛煥。毓科。官文。胡林翼。嚴飭地方文武。實力設防。不得徒事捐斂。致為外國人輕視。果能破除積習。力存體面。庶於勦撫大局。兩有裨益。又據都興阿奏。都司李德祿等。轟擊君山賊隊。忽有外國人乘坐沙關快船一隻下駛。師船追擊。即棄船逃走。船內撥出偽求天義陳坤書印憑一張。內開上海夷酋瑪士哆等。採辦洋貨。由福山進口等字樣。有無勾結賊匪情事。已飛咨薛煥。辦理等語。禁止洋船接濟賊

匪據恭親王奕訢等奏。已照會各國。並咨行
官文等。派撥師船。由上海取具告示。於沿江
各口認真巡查。遇有接濟賊匪洋船。無論何
國。實力禁止。此次夷船入江採辦洋貨。竟有
賊匪印憑。恐有接濟情事。著薛煥查明。由黃
田港駛出之船。究係何國船隻。妥為辦理。以
免別滋事端。將此由六百里各諭令知之。○
又諭。瑞昌王有齡奏。浙省軍餉積欠過多。各
防兵勇枵腹荷戈。誨潰堪虞。各省協餉除福

建外。並無絲毫解到。聞粵海關有封儲銀兩。
現存關庫。可否酌撥銀十萬兩。航海解浙等
語。浙江嘉湖各屬。賊氛未靖。金華等府縣城
池。被匪竄陷。軍情萬分緊急。各省協餉除福
建外。均因道路不通。無從撥解。惟廣東省尚
有海道可通。即著勞崇光無論何款。先行撥
銀四五萬兩。派委妥員。剋日管解啟程。由海
道運赴浙江。以資接濟。毋得遷延推諉。致有
貽誤。將此由六百里諭令知之。○予河南霍

莊寨等處陣亡吏目裘長全。守備旦元賀。千
總張欽海。外委陳殿甲。祭葬世職。○予浙江
堰頭陣亡處州府知府李希郊。祭葬世職。○
豁免河南臨漳縣沙壓地畝錢漕。○乙酉。諭
內閣。安徽捻匪屢次出巢竄擾。急應調集官
兵。剋期掃蕩。著欽差大臣兵部右侍郎勝保
督辦安徽河南剿匪事宜。該兩省官兵統歸
節制。俟北路肅清。即行統帶大兵。馳往剿辦。
○諭軍機大臣等。賈臻奏苗沛霖自去年八

月後。叛跡大著。現撤壽州之圍。託就撫以款
我軍。聞欲親至潁州東路吳圩創營。派捐糧
石。勢將大舉。請飭勝保督辦皖豫軍務。仍俟
北路肅清。再行南下等語。前因翁同書奏。苗
沛霖心生悔悟。當經降旨。責令勦賊自效。乃
盤踞正陽霍邱之眾。並未撤退。而其黨苗金
開等。輒復竄擾潁州。並竄豫境。意在竊據淮
甸。控制江河。陰謀叛逆。已無疑義。現在勢將
大舉。而袁甲三等兵力。未能制此巨寇。勝保

又未能即時南下。自應先聲後實。為兼籌並計之法。本日已明降諭旨。令勝保督辦皖豫兩省軍務。藉勦擒之名。為制苗之策。現在山東賊匪。尚未悉數蕩平。自以先清北路為要。該大臣未能分身前往。著先行張貼告示。懾以聲威。苗沛霖於該大臣。平日尚知畏憚。茲見勝保節制兩省官軍。自揣其勢不敵。或竟幡然改圖。樂為效用。亦未可知。儻竟不知悛改。仍形頑梗。彼時該大臣尚未能親往督辦。

即派得力大員。酌帶兵勇。先駐皖境。督同地方官。辦理收團撫捻事宜。俾各屬民團。知大兵將至。有所倚恃。不至甘受苗沛霖誘脅。則官軍之勢日盛。苗練之黨日孤。於勦撫機宜。庶有把握。一俟北路肅清。該大臣再行奏請統兵南下。將此由六百里諭令知之。○又諭賈臻奏。苗沛霖暫撤壽州之圍。以緩我師。聞即欲親至潁東。派捐糧石。勢將大舉。該署撫與袁甲三兵力。均未能箝制。請派勝保督辦。

皖豫軍務。外以備擒為名。內有制苗之策等語。苗沛霖假團練為名。久蓄異謀。有竊據淮甸。控制江河之意。袁甲三於勦撫機宜。未能確有把握。昨因翁同書奏。該練心生悔悟。降旨責令勦賊自效。乃正陽霍邱。盤踞如故。輒復分股。擾及潁城。兼竄豫境。其為意圖大舉。自無疑義。本日已明降諭旨。令勝保督辦皖豫勦匪事宜。使該練知大兵不日南下。有所顧忌。稍自斂戢。惟山東賊匪未平。勝保尚難

分身。苗沛霖桀驁性成。仍恐迫脅民團。肆行竄擾。袁甲三專辦皖省軍務。責無旁貸。著即督飭官軍。加意防範。儻該練仍形猖獗。即相機攻勦。不得以督辦有人。稍涉推諉。致干罪戾。將此由六百里諭令知之。○又諭都興阿奏。派赴徐州助勦之楚勇。現經王夢齡截留。清淮等語。總兵詹啟綸。招募楚勇二千名。前赴山東助勦。已派委將弁。管帶啟程。續經僧格林沁。札調徐州。攻勦擒匪。適東省捻股由

萬年牯渡河。竄偏海州。板浦等城。距清淮不及百里。復經王夢齡將此項新勇。截留清淮。該處防兵。不敷分布。自應先其所急。惟徐宿為北路門戶。防勒尤關緊要。所有此項楚勇。著王夢齡暫留清淮助剿。一俟該處軍務稍鬆。即飭令參將李有才等。帶勇迅速前赴徐州。毋得稍事遷延。致滋貽誤。將此由六百里諭令知之。○又諭賈臻奏。餉糈軍火告乏。請飭河南就近撥解等語。賈臻因苗練屯聚潁

平定奏

三

郡。西南兩路。分投堵剿。固守郡城。正當喫緊之際。而糧餉匱乏。軍火亦復不繼。必須迅速籌解。以應急需。據嚴樹森奏。潁州需餉孔亟。並軍裝火藥等件。已飭籌撥。著即趕緊籌款。源源接濟。並將軍裝火藥。就近撥解。毋誤要需。將此由六百里諭令知之。○以江蘇揚州勒匪出力。賞委營總富勒慶阿。委參領索諾木。富陞委防禦額爾通額。巴圖魯名號。參領富常。佐領薩斌圖。防禦豐紳。委參領巴彥諾

爾布。遊擊朱鳳才。都司柯永華。守備周萬福等。花翎。主事凌煥等。藍翎。餘加銜升敘有差。○以江蘇靖江紳董團練出力。賞候選刑部司獄盛襄。花翎。訓導孫瞻洛等。藍翎。餘加銜升敘有差。○以隨剿出力。賞荊州將軍都興阿。姪。三等侍衛色楞額。二等侍衛。○以貴州桐梓縣殲斃謀逆團首。賞訓導趙旭等。藍翎。知府樊希棣等。升敘有差。予陣亡知縣陳世銛。知府銜。建立專祠。知縣裴季勳。都司周啟

平定奏

三

祥。守備曾佩麟。千總王化龍。把總唐興發。康士富。蕭必青。祭葬世職。○以克復貴州荔波縣城。賞守備穆雙有。任大興等。花翎。吏目馬彥等。藍翎。餘升敘有差。○丙戌。諭內閣。瑞昌。王有齡。奏克復長興縣城。及烏鎮等處。接仗獲勝情形等語。浙江賊匪。自竄陷長興縣城後。在南路虹星橋等處築卡。出擾王障龍灣等處。圖犯夾浦。經兵團疊次攻擊。將賊搭浮橋拆毀。連日接仗。斃匪甚多。該逆遁回長興

城內五月初九日。都司江振聲等。水陸並進。斃賊數百名。追至小東門。一擁登城。當將長興縣城克復。並虹星橋賊卡。一律踏平。其盤踞烏鎮練市一帶之賊。亦經兵團攻擊。將賊柵賊館焚毀。撲犯南潯之賊。復經團練擊敗。辦理尚屬得手。所有此次出力員弁紳董團丁。及陣亡各員。著瑞昌等查明奏請獎卹。○又諭薛煥奏設立籌餉總局委員經理。並請飭大員督辦一摺。江蘇設立籌餉總局。著照

書錄卷三五五

書

薛煥所請。即委候補鹽運使金安清。總辦南北兩臺籌餉事務。仍著喬松年。江清驥。分管支放。並著王夢齡。督同金安清。認真經理。以濟軍需。該員有經手捐款不符之案。著俟江蘇籌餉總局事務辦有頭緒。再令該員前赴勝保軍營。清釐捐款。○諭軍機大臣等。前因浙江省餉需匱乏。諭令官文等。將部撥協餉。速行籌解。江西省應歸浙省墊發援軍餉銀。並諭毓科。即籌歸款。茲據瑞昌。王有齡。奏。賊

書錄卷三五五

書

踞金華。蘭谿。壽昌。分擾淳安等處。甯紹抗嚴。均屬喫緊。餉糈不繼。各防兵勇。深虞譁潰。請飭湖北等省。將應解餉銀。迅速撥解。以應急需等語。浙江嘉興等屬。賊氛未靖。金華等府縣城池。復行失守。庫儲久竭。各省協餉。悉未解到。兵勇枵腹荷戈。即有譁潰之勢。實屬萬分危急。自應速籌接濟。著官文。胡林翼。毛鴻賓。慶瑞。瑞璜。毓科。遵照前旨。將部撥浙省協餉。迅速如數籌撥。派委妥員。剋日啟程。開道解赴該省。毋再遲誤。將此由六百里各諭令知之。○又諭有人奏。四川隆昌縣知縣魏元燮。任性貪婪。縱差私設卡房。富民李明儒。無故被其鎖押。勒索銀兩。又私串差役。誣薛仕品。李明玉。通賊。勒索銀錢。追繳入己。練勇劫李榮書家存穀。反將李榮書收卡。罰穀罰錢。勇目陳八仙之勇。劫羅瑞蓮佃戶財物。被民圍格殺一名。反以羅瑞蓮招佃不法。鎖押枷責。勒索銀兩等語。魏元燮。變身任地方。輒敢婪

賊虐民。縱勇行劫。實屬大千法紀。著崇實按照所叅各款。確切查明。從嚴叅辦。毋得稍事徇隱。原奏片著鈔給閱看。將此諭令知之。○以翰林院侍講學士楊秉璋為河南鄉試正考官。江南道御史徐啟文為副考官。翰林院修撰孫家鼐為山西鄉試正考官。編修沈秉成為副考官。○以順天通州官紳團練出力。予知縣曹壬泰等升敘有差。○以隨同克復浙江長興縣城。予知縣陳徽章暫留署任。仍

實錄卷三十五

三

帶革職處分

大清文宗協天翊運執中垂謨懋德振武聖孝淵恭端仁寬敏顯皇帝實錄卷之三百五十五

實錄卷三十五

六

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之三百五十六

駐德使館前題日講起居注日本太子太傅上書房總師傅大前閣前閣事卿林院掌院學士特奏欽奉上前事并展羽史館總纂官吳敏

大學士管理兵部事務加十三級
北鎮十五人
賈樟棠本鎮城官經筵講官太子太傅文淵閣領閣事武英殿總纂官教習處主事
汪仁閣

大學士管理戶部三庫事務管理刑部事務卅三十五歲乾隆十六年周柱培總裁官太子少保管理內閣書局乾隆初引大臣策駿大臣

鎮益鎮馬州都統戶部尚書管理三庫事務四以隨帶五級紀錄十二大員寶鑒總裁官監莊驛官紅德殿校書清文譜漢書等

遼國文館總纂官正藍旗漢士都統程邦直書管理太常寺鴻臚寺事務加二級軍功加四級通帶加八級紀錄五次臣倭什渾布等奉

救修

咸豐十一年辛酉秋七月丁亥朔享

千集人三十一

—

太廟遣恭親王奕訢恭代行禮○諭內閣嗣後每年秋間派往

東陵

西陵致祭之王公等如遇山水漲發道路阻隔即著在途守候屆期著守護

陵寢之貝勒貝子。舍內務府大臣等。敬謹代祭。其派出之王公等。俟道路通行。仍前往謁。

陵行禮。○諭軍機大臣等。此次派出秋祭各王公。如屆致祭之期。未能趕到。即著純堪等。敬

謹代祭侯道路通行原派之王公仍著前往謁

行禮。本日明發諭旨。著先行鈔給閱看。將此各諭令知之。○戊子。諭軍機大臣等。明誼等奏。俄國使臣未到。先派委員查勘界址。改定地圖一摺。前據奕訢等奏。接准俄國照會。約定於咸豐十二年四月十三日。在塔爾巴哈台會商查辦西界。業經知照明誼等。屆期前往。著明誼等。即飭派出委員。按照地圖。詳細

千集卷三十一

1

履勘。並將舊案地圖檢查明白。如有疑似不清之處。查照更改。一俟地圖改定。明誼即行回任。俟明年會辦屆期。再赴塔爾巴哈台。與明緒會同俄使查辦可也。將此諭令知之。○己丑。諭內閣。僧格林沁奏。勦辦會匪棍匪。獲勝。並堵勦擒匪情形一摺。山東曹州府會匪分股盤踞。經僧格林沁派兵進勦。翼長舒通額。追賊至安陵集。擒獲匪首李燦章。及其家屬。翼長趙康侯破賊於田潭。生擒匪首陳懷。

五。並斃匪三百餘名。營總富和等。敗賊於趙家壩等處。斃匪數百名。舒通額復於于家樓地方。擊賊獲勝。斃匪數百名。通僧格林沁探知。擒匪竄擾穀亭。調派侍衛舒明安等。馬步兵勇。分路進攻。殺賊無數。其郊城縣屬蘆塘圩等處匪徒。經副都統德楞額。督兵進剿。殲賊三百餘名。生擒數十名。並經該縣知縣顧楨。將攻陷重坊匪犯徐應輝。拏獲正法。色爾固善。在良王城斃賊二百餘名。該匪爭渡。官

清實錄

三

軍追至。槍箭齊施。淹斃殺斃無數。勒辦均尚得手。著僧格林沁督飭將弁。將各路賊匪迅速掃蕩。毋任滋蔓。○諭軍機大臣等。僧格林沁奏。准撥長蘆鹽課。請飭先行徵解等語。僧格林沁軍營兵餉。前經戶部議。准撥長蘆辛酉年鹽課十萬兩。以供支放。現因長蘆鹽課奏銷展限。尚未啟徵。未能撥解。該大臣軍營兵餉。積欠口分兩月有餘。現當攻剿喫緊之際。豈容以停兵待餉。致有貽誤。著文煜轉

飭該運司。無論何款。先行照數撥解。俟鹽課啟徵。再行歸款。以濟要需。將此由五百里諭令知之。○欽差大臣袁甲三奏報。苗練定日薙髮撤兵。委博崇武。赴壽州辦理善後。報聞。又奏。現飭苗沛霖驅逐霍邱土匪。並將林朗等練一齊撤退。李世忠亦撤勇二千人回滁。如所請行。○予山東黃疇村等處陣亡知府孫瑞齡。知縣王光綬。教諭陸厚堪。參領興麟。都司張希孔等十七員。祭葬世職。文童殷之

清實錄

四

璽等。賞卹如例。○庚寅。諭內閣。曾國藩奏。臬司統帶水師。未能赴任。並請暫緩陞見等語。廣東按察使彭玉麟。現在統帶水師。防剿賊匪。一時未能赴任。所有廣東按察使篆務。著勞崇光署理。彭玉麟俟軍務稍平。再行奏請陞見。○以聞警退避。革江西布政使張集馨職。○江西按察使張敬修。因病休致。○以克復安徽建德。黟。一縣城。並保守江西湖口縣城出力。賞副將劉光明。參將易開

俊。巴圖魯名號。知府劉建德。同知吳修敦。知州何敦五。凌蔭廷。參將葉明瑞。蕭章開。喻方元。遊擊曹潤學。楊鳴岐。胡文高。王端立。都司江遠發。守備張添習等。花翎。知縣舒翰等。藍翎。並各加銜升敘有差。○予江皖水陸各軍陣亡參將廖定陞。遊擊張順。陳萬朝。都司張德清。吳朝錫。危壽世。林大伸。唐炳奎。張遐齡。龔天吉。周貴發。陳宗貴。蔣光成。鍾洪元等八十二員。祭葬世職。生員饒舒澤。賞卹如例。○

書錄事字三六

五

癸巳。諭軍機大臣等。有人奏。河南商城縣知縣任正訓。於該縣額徵銀。改徵制錢。糧粟偽註銀數。定價每畝一百七十餘文。浮收制錢二萬餘貫。房田稅契。價銀一百兩。應交稅三兩。該縣定為錢一百貫。交稅銀三兩。又加隨封印水等名目。有加至數倍不止者。計浮收制錢二萬餘貫。行戶向憑司帖。該縣輒將司帖飭銷。更換縣照。行戶潘灼。未及更換。罰制錢五百貫。計得三千貫有奇。復勒索鹽規。向

票商周常泰。索銀五百兩。此外或索數百貫。數十貫不等。以致鹽價過昂。民多淡食。又雇募練勇二十名。捏報二百名。及上司委員查驗。暗令差役充數。事過遣散。計侵吞勇糧錢七十餘貫。至詞訟無論生監職員。擅押班館。許以錢文。方准取保。又倚總役李萬福為心腹。交通舞弊。羅織良善等語。商城與楚皖接壤。賊蹤往來無定。乃該縣知縣任正訓。性情貪酷。縱役害民。亟應嚴行查辦。以警官邪。著

書錄事字三六

六

嚴樹森。將該員先行撤任。按照所參各款。嚴密訪查。如有貪汙劣蹟。即從嚴參奏。毋稍徇隱。原摺著鈔給閱看。將此諭令知之。○甲午。諭內閣。本年湖南辛酉科鄉試。及補行己未科鄉試。據毛鴻賓奏。該省鄰氛逼近。驛路梗阻。請展緩舉行。所有湖南正考官王澐。副考官胡家玉。無論行抵何處。著即馳驛回京。○又諭。曾國藩奏。逆匪竄陷黔縣。官軍合力勦辦。旋即克復。並乘勝收復徽州府城一摺。曾

國藩大軍移劄東流後。五月初二日。逆匪由羊棧嶺蜂擁而入。經遊擊王金鼎等往援。賊始退去。初三日。賊匪分撲羊棧等嶺。各軍極力迎擊。參將袁國祥等受傷潰退。賊繞襲後路。潛陷黟縣城池。各軍退劄漁亭。賊竄至西武嶺下築壘。並分駐四都古竹等村。初五日。四路官軍會合夾攻。賊棄壘而遁。各軍乘勝進攻黟縣。至石山橋。悍賊踞卡堅守。降補遊擊唐義訓。派隊助剿。立平賊壘四座。副將婁

平集卷之三十六

七

雲慶。併力合擊。將賊卡拆毀。並將附城二壘擊破。分段攻城。賊棄城遁走。當將黟縣克復。其嶺外續至之賊。分踞羊棧。方干。及樟嶺三處。初六日。唐義訓等分路進兵。將聚踞三都大股賊匪卡壘踏毀。初九日。分攻盧村十都賊壘。焚燒賊棚。將賊壘五座。以次悉平。生擒賊匪四百餘名。正法。餘賊遁出嶺外。各軍跟追。掃蕩諸嶺。一律肅清。徽郡之賊。聞風逃遁。福建按察使張運蘭帶隊入城。接殺餘賊。收

復府縣二城。辦理甚屬得手。在事出力人員。及陣亡員弁。著曾國藩查明奏請獎卹。○以降調河南巡撫慶廉。為江西布政使。湖北荆宜施道文輝。為江西按察使。候補四品京堂閻敬銘。署湖北按察使。○以開復總兵官唐義訓。署安徽皖南鎮總兵官。○以收復安徽徽州。黟。府縣各城。復記名總兵官唐義訓。職副將婁雲慶。以總兵官用。福建按察使張運蘭等。升敘有差。○福建水師提督楊載福。乞

平集卷之三十六

八

假回籍省親。允之。○以堵勦不力。革安徽帶兵參將袁國祥。黃朝陞。職。不准留營。○改鑄安徽皖南鎮總兵官。徽甯池太廣道關防。從兩江總督曾國藩請也。○乙未。

孝靜康慈皇后忌辰。遣官祭。

慕東陵。○諭軍機大臣等。王夢齡奏。餉源支絀。請飭協撥接濟等語。清淮捻逆。不時竄逼。水陸兼防。兵勇待哺。餉需業已告匱。亟應迅籌接濟。所有無須解淮之漕運。總督養廉

一款。登江北各州縣月糧變價一半銀兩。均著准其撥充軍餉。以資接濟。並著曾國藩。薛煥。飭令各該州縣按數解准。毋稍延誤。將此由六百里諭令知之。○又諭薛煥奏。上海兵勇日多。乏員管帶。請飭都興阿。於揚營遊擊林叢文。都司楊心純。二員中酌派一員。已棟阿等。於鎮營副將熊兆周。文龍德。二員內酌派一員。各帶親兵數十名赴滬等語。上海防剿正當喫緊之時。新募各勇。需員管帶。副將

實錄卷三五六

九

文龍德一員。前據已棟阿奏准。仍留鎮江。毋庸派令赴滬外。其林叢文等三員內。著都興阿。已棟阿。馮子材。各酌量派委一員。管帶親兵數十名。前赴上海。聽候薛煥差委。毋稍遲誤。將此由五百里各諭令知之。○又諭王夢齡奏。捻逆粵氛。不時竄偏。兵勇口糧不繼。前准於山東運庫。山西河東道庫。借撥銀兩。僅據山西解到銀二萬兩。現在山東已奏明停解。請飭山西將應找銀兩。如數籌解等語。清

淮防兵。兼顧水陸。現因餉無來源。時虞譁潰。自應亟籌接濟。所有山西河東道庫應找借撥銀兩。著英桂即行如數找撥。派委妥員解交王夢齡軍營。以供支放。無稍延誤。將此由六百里諭令知之。○以江蘇寶山勦賊出力。賞知縣李鵬青。守備羅元吉等。花翎。主事王爾煜等。藍翎。同知李如偉等。升敘加銜有差。○以解餉無誤。賞同知秦汝燮。藍翎。州判蔣慶筓。五品銜。○以江蘇青浦。上海。堵剿出力。

實錄卷三五六

十

予參將梁勝章。王國安。獎敘。○予山東陣亡千總馬炳蔚。把總陳萬策。祭葬世職。○丙申。孝懿仁皇后忌辰。遣官祭景陵。○諭內閣。前因庫倫辦事大臣色克通額。被控收受圖謝圖汗副盟長親王車林多爾濟銀兩等情。當派錫霖。會同多爾濟那木凱查辦。嗣據錫霖等奏稱。此案應俟車林多爾濟病痊。由多爾濟那木凱調赴庫倫質對。茲據多爾濟那木凱奏。訊據車林多爾濟供稱。

曾經送給色克通額銀一百五十兩。質之色克通額。則稱上年三月間。車林多爾濟送馬三匹。曾經收存。二月間。該副盟長到庫倫商辦操兵。並無送給銀兩之事等語。色克通額身任大員。輒收受車林多爾濟馬匹。實屬不合。著交部議處。○諭軍機大臣等。色克通額等奏。俄人往來。每日行五六站。驛丁疲乏。恐有貽誤。應日行三站。以紓烏拉之力。又寄京公文信函。漸見加增。應按照和約。每月一次。

實錄卷一百一十六

十二

請飭令總理衙門行知該國各等語。俄使來往行走。均須驛丁支應。若每日行五六站之遠。則丁力疲乏。必致貽誤。恐失和好之道。既據色克通額等奏稱。應日行三站。以紓烏拉之力。即著奕訢等行知。俄國使臣伊格那提業幅。或飭諭巴里玉色克行文該國。以此後俄使往來。至速亦須日行三站。丁力方能支應。儘必欲每日行五六站。轉恐貽誤。有失和好。至該國由恰克圖寄京公文信件。和約內

載明每月一次。茲據色克通額等奏。自本年正月至五月。該國寄京公文書信等。已有十餘次之多。似此逐漸加增。伊于胡底。並著奕訢等行文伊格那提業幅。嗣後寄京公文信函。務須按照條約。每月一次。不得加增。以敦和好。原摺著鈔給閱看。將此諭令知之。○又諭有人奏。山東平度州舊店地方。向有金礦。前經封禁。近聞該處聚集匪徒三四千人。搭蓋棚廠。肆行開採。地方官不能禁止。每遇械

實錄卷一百一十六

十二

鬪互相殺傷。地方官不敢過問。以致附近地方。道路梗阻。請飭山東巡撫查明封禁等語。現在山東賊匪尚未剿捕淨盡。若任令匪徒開採封禁金礦。聚眾滋鬧。必致釀成巨患。著譚廷襄。迅派妥員前往該處。確切查明。如有匪徒聚集滋擾。即嚴拏懲辦。將私挖之礦。立時封禁。以遏亂萌。另片奏。萊州府知府王鴻烈。性耽翹。置買城內王延禧房屋。藏垢納汙。其子捐納知縣王祥麟。色攬公事。窩娼宿

妓每出嬉遊。紅繖大轎。隨從與該府無異。幕友沈元禮。與門丁王四。狼狽為奸。遇委缺。委差。以及詞訟等事。率以賄成。平度州舊店地方匪徒。私挖金礦。該府不加禁止。且暗使人購買生金。傾鎔取利。本年二月。捻匪撲擾。雖縣。該府置若罔聞。仍在署演戲等語。地方官貪酷殃民。大干法紀。著譴廷襄。按照所奏各節。查明嚴參懲辦。以儆官邪。毋稍徇隱。原摺片著鈔給閱看。將此諭令知之。○予江蘇野

曹鍾鼎等奏

十二

雞敬等處陣亡圍董六品軍功曹承恩。祭葬世職。如把總例。武生龐聯芳等。賞卹如例。○丁酉。諭內閣。前據刑部奏。已革恰克圖部院章京瑞徵供詞。與庫倫辦事大臣色克通額原奏情節不符。降旨令色克通額明白回奏。茲據色克通額奏稱。並無收受節壽禮物。及批貨借茶等事。並將甲首等呈詞鈔錄呈覽等語。此案瑞徵及甲首梁世傑等所供色克通額收受禮物。並批貨借茶各節。是否捏詞。

曹鍾鼎等奏

十四

較展。抑係確有實據。仍著刑部提集瑞徵等。悉心研鞫。據實具奏。○以貝子載容。為宗人府左宗人。○命協辦大學士戶部尚書肅順。署正黃旗領侍衛內大臣。以戶部右侍郎寶鋆。兼鑲紅旗護軍統領。內閣學士慶明。兼鑲藍旗漢軍副都統。○以江西義甯州捐輸軍餉。永廣學額十名。○戊戌。皇后千秋節。宮內行禮如儀。停止筵宴。及在外公主福晉命婦進內行禮。○諭軍機大臣等。前因浙省需餉。節經催令文清。將閩海關每月協濟銀五萬兩。如數解往。茲據慶端等奏。本年關稅。因奉提京餉等項。致浙餉未能撥解。惟該省待濟孔亟。請飭文清。先行提撥關稅銀十萬兩。分批解浙。以拯飢軍等語。浙省賦氛環逼。餉糈匱乏。各軍懸釜待炊。非速籌協濟。深虞譁潰。著文清。先行提撥關稅銀十萬兩。派委妥員。剋日分批解往。毋稍遲誤。其每月協餉。仍著陸續籌解。以資接濟。將此由

六百里諭令知之。○閩浙總督慶端等奏。閩省本年辛酉科鄉試。難以舉行。請展至來年秋間再行舉辦。從之。○以勘辦俄國分界出加賞知府文廉等。升敘加銜有差。○以河南蘭儀等處堵剿出力。賞都司古禮治等。藍翎。餘升擢有差。○以浙江乍浦被賊竄陷。革參將葉長青職。仍留營效力。○予四川白楊坪陣亡照磨高其相。祭葬世職。○予四川崇慶州陣亡侍衛昭勇侯楊忻。祭葬世職。並於死

千禧年三月廿四

六

事地方建立專祠。諡威肅。縣丞楊光垣等四員。祭葬世職。○己亥。予安徽績溪縣陣亡訓導胡紹燦。祭葬世職。殉難從九品陳善妻何氏。媳虞氏。旌卹如例。○庚子。諭內閣。官文。曾國藩。奏。安慶圍師。掃蕩菱湖兩岸賊壘一摺。官軍圍剿安慶。經即用道曾國荃。率所部各營。將關外逸賊。搜捕淨盡。五月二十四等日。逆賊吳定才。率悍賊數千。撲我東路橫濠。我軍於齊壇埂。棋盤山等處。水陸進攻。曾國荃。

派令各營分率兵勇。直逼北門城下。剽營。菱湖北岸之賊。與城賊數千來撲。我軍槍礮排擊。斃賊三百餘名。並斃黃袍賊首一名。西門援賊。亦經官軍擊斃數百名。北岸壘賊。乘夜紛紛爭渡入城。曾國荃。復率各營出濠。轟擊水師。亦分投抄截。生擒賊眾五千四百餘名。菱湖南岸賊壘。亦為水陸各軍同日攻破。斬賊一千餘名。統計兩岸賊壘十八座。一律蕩平。著該大臣等。仍即督飭各營將士。乘勢進

實錄卷三六

六

攻。速拔堅城。此次出力員弁兵勇。准其專案保奏。候朕施恩。○諭軍機大臣等。前因福濟奏請調兵勇。籌撥餉需。並請派幫辦軍務。當經諭令福濟。俟盧又熊等勇丁到後。統帶前進。陝兵軍餉。由陝支應。川勇餉糈。由川給發。以免輾轉。前任提督孔廣順。准其調防幫辦。固原備調兵八百名。由瑛榮等。催令赴防。交孔廣順管帶。茲據福濟奏。川省賊匪。竄至劍州元山場等處。咨調固原兵一千名。及各鎮

兵一千名。請派經文岱統帶。赴甯羌設防。即將甯羌大安鎮等處防兵。調赴廣元等處。並咨調成都滿洲營兵助剿。陝軍糧臺請派陝西糧道移居甯羌管理。川省兵餉。即歸川北道就近支放各等語。川匪竄擾劍州。陝省邊防。愈形喫重。甯羌各要隘防兵。自未便調動。致令賊匪得以乘虛窺伺。所有固原備調兵八百名。著瑛榮等。迅飭赴防。交孔廣順管帶。聽候福濟調遣。經文岱仍遵前旨。無庸前赴

實錄卷三五六

二

甯羌。其福濟請調之各鎮兵一千名。能否調撥。著瑛榮、張芾斟酌辦理。盧又熊等勇丁三千名。現在行抵何處。仍著崇實嚴飭速赴廣元。毋許遲誤。福濟俟此項勇丁到後。再由陽平前進。相機堵剿。至成都滿洲營餘丁閒散。昨據全亮奏稱。該營兵力單薄。難於調派。現在應否仍行咨調。並著福濟酌辦。其陝西、四川兵勇餉糈。前已諭令各歸各省支發。福濟所請派陝西糧道前赴甯羌總理陝軍糧臺。

著瑛榮等酌度派辦。川省兵餉。即著崇實飭令川北道就近管理。將此由六百里各諭令知之。○以正紅旗漢軍副都統增慶署右翼前鋒統領。○以安徽太和縣剿匪出力。賞知縣李連芳、楊繼煥、花翎訓導鄧柔遠等。藍翎餘升敘加銜有差。予陣亡五品軍功劉南春。賞卹加等。○辛丑中元節。遣官祭

實錄卷三五六

一八

永陵
福陵
昭陵
昭西陵
孝陵
孝東陵
景陵
泰陵
泰東陵
裕陵
昌陵

昌西陵

慕陵

慕東陵○遣官祭

孝德皇后殯宮○遣官祭

端慧皇太子園寢○

上不豫

皇長子朝夕侍側

上仍治事如常○壬寅子刻

上疾大漸召宗人府宗令○右宗正○御前大臣○軍

甘肅通志卷六

七

機大臣承寫

硃諭立皇長子○為皇太子○癸卯寅刻

上崩於避暑山莊行殿寢宮奉

遺詔曰朕蒙

皇考宣宗成皇帝憐育仁慈恩勤付託臨御之

初仰承

聖諭諄諄以敬

天法

祖勤政愛民○奉三無私○保泰持盈為本○因命中

外臣僚薦舉人材○並廣開言路○俾大小臣工

各抒所見○以期博採周知○下情罔隱○自御極

至今○日理萬幾○凡批覽章奏○引對臣工○十一

年中○未嘗一日稍懈○各直省水旱偏災○經各

該督撫奏請蠲緩錢糧○靡不體恤民艱○恩施

立沛○惟自軍興以來○已閱十載○其竄踞連鎮○

馮官屯○及楚閩粵黔巨股各匪○雖經疊次削

平○而江蘇安徽浙江等省○被擾各區○迄今尚

未戡定○每念我黎民○屢遭兵燹○宵旰焦勞○難

甘肅通志卷六

二

安寢饋○遂致思慮傷神○漸形氣弱○上年八月

間○舉行秋獮○駐蹕熱河○旋經恭親王奕訢○總

理各國事務衙門王大臣等○將各國通商事

宜○妥為經理○都城內外○安謐如常○本年正月

曾經降旨○於春仲回鑾○適因舊疾復作○不得

已降旨停止○本擬俟秋間○氣體復元○啟蹕回

京○與諸王大臣講求庶政○次第舉行○孰意入

夏以來○暑瀉日久○元氣愈虧○以致彌留不起

豈非天乎○顧念神器至重○允宜傳付元良○十

六日子刻。召見宗人府宗令。右宗正。御前大臣。軍機大臣。令其承寫硃諭。立皇長子為皇太子。並命該王大臣等。盡心輔弼。贊襄政務。皇太子仁孝聰明。必能欽承付託。其即皇帝位。以嗣大統。書曰。在知人。在安民。方今東南諸省軍務未平。百姓蕩析離居。慘罹鋒鏑。振文教。修武備。登進賢良。盪平羣醜。實為當務之急。可不勉哉。隨扈王大臣。及在京王大臣等。其各精白乃心。和衷共濟。以期克臻上理。

各路統兵大臣。及各該省將軍。督撫。受朕厚恩。尤宜力圖埽蕩。早靖逆氛。俾寰宇奠安。黎民綏輯。克終朕未竟之志。在天之靈。庶幾稍慰焉。喪服仍二十七日而除。布告天下。咸使聞知。○十月。戊午。奉移。

梓宮至京。奉安乾清宮。○戊辰。奉移梓宮於觀德殿。○是歲十二月。庚申。恭上尊諡。曰。

協天翊運執中垂謨懋德振武聖孝淵恭端仁

寬敏顯皇帝。

廟號。

文宗。○己巳。恭上。

孝德顯皇后尊諡。曰。

孝德溫惠誠順慈莊恭天贊聖顯皇后。○同治元年。九月。辛酉。奉移。

文宗顯皇帝梓宮。暨。

孝德顯皇后梓宮。暫安隆福寺行宮。派王大臣輪班敬謹守護。○四年。九月。甲申。辰時。葬。

定陵。○

上在位十一年。

聖壽三十有一。

上誕膺。

天命。臨御萬邦。纘。

列聖重熙之緒。際四方多事之時。旰食宵衣。勤求上理。終始一德。罔或倦勤。用能新。

景命。肇。

丕基。

駿烈豐功。日星彪炳。至於若斯之盛也。臣等職與編摩。自庚戌正月迄辛酉七月。編年繫事。釐為三百五十六卷。敬惟十一年中。

聖謨巍煥。縷指難窮。蠡測管窺。冀得揄揚於萬一爾。一在敬。

天恩民困之未蘇。則勤祈。

天眷願寇氛之早靖。則虔籲。

天恩每值。

郊。

實錄卷一百六

三

壇大祀潔齊將事。必敬必誠。其或暘雨偶愆。齋

心默禱。通微合漠。立召和甘。伏讀

聖製齋宮即事諸詩。及

南郊

雩祭

祈穀

三壇禮成敬述之作。仰見

聖人饗

帝。端本一誠。而省咎責己之懷。為民請命之意。

藹然情見乎詞。他若

方社薦馨。山川望秩。

神靈之有功德於民者。升祀加封。禮文賅備。

又皆本且明嚴翼之心。推而廣之者也。一在

法

祖我

朝創業垂統。垂三百年。心法治法。

聖

聖相承。晨興恭誦

實錄卷一百六

三

實錄。監于成憲。不愆不忘。遵

宣宗成皇帝遺詔。不立

聖德神功碑。親撰碑文一遵。刻石於

慕陵隆恩門外。至性為文。於以垂萬世之模範

焉。

天壇配享。以

三祖

五宗為定。酌古今之禮意。昭億禩之明禋。繼

志述

事。孰有大於此者。至於訓騎射。重國書。亦莫非堂構之欽承也。且夫庶政咸修。端在萬幾無曠。

上每日批覽章奏。引對臣工。指示周詳。洪纖畢舉。軍興以來。奏報尤繁。自朝至于日中。晷不遑暇食。以視政簡刑清之世。勞逸懸殊矣。孜孜求治。勞神焦思。

聖體違和。多由於此。然猶未明求衣秉燭視事。凡禮樂制度。銓選考課。兵刑農桑諸大政。及

實錄卷三五六

全

一切條教號令。莫不求精意而絕具文。而

聖懷謙抑。猶以軍旅未平。民生塗炭。引為己咎。於詩篇之中。三致意焉。禹謨曰。無怠無荒。奉

謨曰。兢兢業業。

上之勤政。有如此者。至於

仁慈惻怛。怙冒褻區。

建元之始。免天下錢糧千有餘萬。湛恩汪濊。率土咸霑。繼而豐北河溢。不惜百萬帑金。為民捍災禦患。歲一不稔。蠲租緩徵。無不如疆吏

之所請。而京師飯廠粥廠。賑濟貧民。全活無算。被賊蹂躪之區。及傍近賊氛州縣。矜恤撫綏。恩施尤渥。蓋以食為民天。民為邦本。藉田舉四推之典。

祈年肅九拜之儀。見蝗飛而下恤災之詔。警螭生而嚴玩視之條。除邪慝以安良善。禁游惰而行屯墾。免商稅以廣招徠。聯保甲以衛村堡。必有慈祥豈弟之心。而後有整齊嚴肅之政也。

實錄卷三五六

三

上之愛民。有如此者。學究天人。遜志時敏。紹精一之心傳。闡誠正之實義。命儒臣繕呈朱子全書。暨貞觀政要。朝夕講求。以成內聖外王之學。戊午

經筵御論。以凡為天下國家有九經。所以行之者一也。為題。闡發要道。與乾隆辛酉

高宗經筵御論。默相符合。至誠無間。直接心源。至於

幾餘灑翰。因事摠懷。或述志以示廷臣。或手詔

以褒直諫何莫非夙夜緝熙之學所見端也
慮士習之不正考試增性理一篇恐教化之
未周繙譯刊孝經合璧慶榜兩開正科四舉
懲考官交通之弊嚴貢士磨勘之條贈三公
而易名恩禮有加於舊學列兩廡而從祀表
章且及於前賢則

聖學之數為文治也夫有文德必有武備

上在青宮時與恭親王練藝習勞精通韜略集
花槍法二十八勢白棣華協力刀法十八勢

實錄卷三十一

三

曰寶鏑宣威伏讀

聖製棟華寶鏑合編識語以為槍刀亦一藝耳
非人君之急務若擴而充之天下事豈有二
理此以見

神智默運

聖武維揚殆有天授者焉

國家承平日久奸宄萌生會匪起自粵西由
粵而楚而吳遂擾晉衛齊燕之境逼近郊畿
地方官吏始則養癰貽患繼且滋蔓難圖

上赫然震怒簡親臣以統勁旅下連鎮克高唐
收馮官屯擒巨憝檻致京師戮於都市北路
既清乃飭各省統兵大臣迅圖攻剿平開歸
之逆擒拔武漢之堅城清江右之餘氛定皖
北之省會以至滇黔閩粵次第削平凡茲勝
算胥稟

廟謨有功必賞失律必誅拔勇士於行間擢謀
臣為上帥投誠者予以自新脅從者亦為矜
釋故天下懷

實錄卷三十一

三

德畏

威無思不服也中國與海外各國互市通商歷
有年所啖咭喇狡焉思逞屢啟釁端海徼疏
防震驚宮闕庚申八月

上幸木蘭命恭親王辦理各國通商事務密授
機宜施天覆地載之仁示羈縻弗絕之義定
約契更稅則招徠安輯中外晏然彼海西各
國隸

聖主之帡幪樂中土之熙皞遠在數十萬里莫

不婆婆謳吟。款關內附。傳曰。武有七德。安民和眾豐財。此之謂也。夫敬

天法

祖。勤政愛民。盛德也。敷文教。詰戎兵。至治也。而

仰窺

純孝之性。共儉之德。與用人致治之謨。則又敬

繹之而不能盡焉。粵稽

御極初年。諒陰聽政。奉

宣宗成皇帝梓宮於正大光明殿。與綺春園

實錄卷三五六

三

孝和睿皇后慈靈。左右相依。以承

先志。

特諭行三年之喪。百日縞素。倚廬居戚。盡敬竭

哀恭上

孝全成皇后尊諡。興懷顧復。罔極悲深。厥後

慕陵數土。展禮

珠邱。孝思之篤。靡間終身。敬念

孝靜成皇后十五年撫育深恩。尊為

皇太后。以天下養。侍膳問安。溫清罔缺。洎

璇闈棄養。毀瘠有加。酌理準情。爰定喪禮。至性

肫摯。有過尋常者矣。

太廟時享。歲除

祫祭。暨

奉先殿

壽皇殿

安佑宮。供奉

神御之地。歲時展拜。恪薦精禋。於焉禮隆敬長。

則免跽拜之文。誼篤孔懷。則崇分封之典。臨

公主第。以賜奠。立懿親後。以承祧。飭宗學子

弟。勤講課之功。勉宗室臣子。務有用之學。敦

本睦族。錫類推仁。皆

孝治之數施也。躬行節儉。為天下先。懍

宣宗聲色貨利之誡。申明舊章。制節謹度。例進

之貢獻暫停。可緩之工程不作。省大內之浮

冗。懲民間之奢靡。奏牘裁頌揚之體。載筆禁

祥瑞之陳。澹定寡欲。天性自然。初不因時事

之多艱。度支之支絀。而始從簡樸。斥浮華也。

實錄卷三五六

三

進退臣工。知人則哲。明而善斷。嚴以濟寬。正位之初。即頒

手詔。正穆彰阿耆英之罪。徧諭臣僚。改平素因循取巧之習。飭內外大臣。保舉人才。不拘資格。一秉大公。昔我

高宗論為君之難。以為創業難。守成更難。

上膺艱大之任。當通變之時。以創為守。其勢尤難。是故兵不足而兼用。勇漕不繼而改海運。餉不足而更製大錢。改口岸以整艦網。輸米

實錄卷五十六

三

石以實倉庾。裁河員之冗浮。減京餉之成數。凡此新章之更革。無不與時為推遷。至矣哉。

德昭宥密。

業炳宸瀛。

恩澤浹人心。

仁風翔域外。宜乎任其勞者食其報。為其難者享其成。而乃大功未歲。遽棄臣民於戲痛哉。上在熱河時。未嘗一日忘宮闕。辛酉仲春。有詔回鑾。旋以

聖躬不豫。暫緩啟行。自夏徂秋。寢至大漸。此亦聖心初不自料者焉。普天之下。率土之濱。含生負性之倫。航海梯山之侶。見

升遐之素詔。莫不奔走號呼。若失怙恃。此可見人心之感戴者深而

深仁厚澤之所漸被者周且遠也。繼自今。制治保邦。視此方策。而懍克艱之旨。以成未竟之

功。俾

前緒益光。

實錄卷五十六

三


鴻圖式廓。則

在天之靈所深慰者爾。

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之三百五十六

實錄卷三五六

三



統一書號: 11018·1355—44

定 價: 59.00 元